



四庫全書存目叢書編纂委員會編

齊魯書社

# 四庫全書存目叢書

集部  
第三二六冊





責任編輯：孫言誠 賀 偉

ISBN 7-5333-0615-5



EB29/11

# 四庫全書存目叢書·集部三二六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 49.875 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第三二六冊目次

## 集部·總集類

### 唐詩所四十七卷(一)

[明]臧懋循編  
北京大學圖書館藏明萬曆刻本

.....一

唐詩所四十七卷(一)

〔明〕臧懋循編

北京大學圖書館藏明萬曆刻本

唐詩所序

吳興臧懋循撰

余鄉輯古詩所至宮體以  
降輒廢卷太息蓋詩有  
陳風季札先嘗病之曰國  
無之其能久乎國北無之也  
唐詩所 序  
其下竟為靡之而無所憚  
猶無主也矧如拜世之君臣  
相率而趣靡之不亡何待非  
藉唐風之旨之傾耳皆伶  
倫屬尔然唐實基於隨之則  
何時哉而其中雄什綽有



典刑是殆易求則變天實  
 開之太宗以勘定之功適符  
 其運顧世儒遂予其文容  
 化下以過矣太宗固嘗效為  
 宮體而亦永興規之其為  
 秦王破陳之曲在平本質  
 創興別製徒為白言之至於  
 廣置直昭文與士聲詩流  
 溫是皆上官昭容為政其不  
 為亡國之續也者幾希是  
 故唐之為唐者也非唐為之  
 也其運微矣世之求多於

唐者有之唐之創為唐音  
 其功甚偉後世不能變其  
 格顧乃古為一變古亡於唐  
 矣竊謂唐之變古良有之  
 而變獨無不善不若乎唐之  
 變其靡者而為唐之寧不  
 靡之若乎請視漢為古魏  
 有變漢之亡於魏矣後乎魏  
 者通變之通亡之而獨唐  
 然乎詩以變而點風以二南已  
 矣列國不可點乎大抵古今  
 作者各為於時由前則為

古之漢魏由後則為唐之初  
盛舉盛之緊衰而相遠  
試以論馬者論詩求其神而  
已余因復輯唐詩所以于  
卷與前書合各體類以仍  
如前例搜引較重正力倍於  
唐詩所 序 四  
前乃敢私寓軒輊姑以初  
盛為前集尋以中晚為後  
集以中晚之可抑者為別  
集抑之而不忍廢者尚為  
後乎唐者地也書成而病我  
不倫實無所逃罪然余任在

舉羣羈刪此所事噫其孰  
刪之付法來者  
萬曆丙午夏日書於秦淮  
僧舍



唐詩所第一卷 古樂府

前集

郊祀歌辭

郊天舊樂章

登銅禮著黍稷誠微音盈鳳管彩駐龍旂洪歆式就介  
福攸歸送樂有闕靈馭遄飛 右豫和

享昊天樂章

十二首武后永昌元年作

太陰凝至化真耀蘊軒儀德邁娥臺敞仁高姁幄披捫  
天遂啓極夢日乃昇曦

瞻紫極望玄穹翹至懇罄深衷聽雖遠誠必通垂厚澤  
降雲宮

古樂府

卷一

乾儀混成冲遠天道下濟高明閭陽晨披紫闕太一曉  
降黃庭圓壇敢申昭報方璧翼展虔情丹襟式敷衷懇  
玄鑒庶察微誠

巍巍睿業廣赫赫聖基隆菲德承先顧禎符萃眇躬銘  
開武巖側圖薦洛川中微誠詎幽感景命忽昭融有懷  
慙紫極無以謝玄穹

朝壇霧卷曙嶺煙沈爰設篚幣式表誠心筵輝麗璧暢  
樂和音仰惟靈鑒俯察翹襟

昭昭上帝穆穆下臨禮崇備物樂奏鏘金蘭蕙委薦桂  
醑盈斟敢希靈德聿罄莊心

樽浮九醞禮備三周陳誠菲奠契福神猷

奠璧郊壇昭大禮鏘金拊石表虔誠始奏承雲娛帝賞  
復歌調露暢韶英

荷恩承顧託執契恭臨撫廟畧靜邊荒天兵曜神武有  
截資先化無爲遵舊矩禎符降昊穹大業光寰宇

肅肅祀典邕邕禮秩三獻已周九成斯畢爰撤其俎載  
遷其實或升或降唯誠唯質

禮終肆類樂闋九成仰惟明德敢薦非馨顧慙菲奠久  
駐雲輶瞻荷靈澤慙戀兼盈

式乾路闢天扉迴日馭動雲衣登金闕入紫微望仙駕

古樂府

卷一

迎恩徵

祀昊天樂章

十首中宗景龍三年作

天之層數歸唐唐顧惟菲德欽昊蒼異吉日今表殷薦  
冀神鑒兮降闔陽 右豫和

恭臨寶位肅奉瑤圖恒思解網每軫泣辜德慙巢燧化  
步唐虞期我良弼式贊嘉謨 右太和

得一流玄澤通三御紫宸遠叶千齡運遐銷九域塵絕  
瑞駢闐集殊祥絡繹臻登年慶棲畝稔歲賀盈囷

悠哉廣覆皇矣曲成九玄著象七曜甄明珪璧是奠醞  
酎斯盈作樂崇德爰暢咸英 右肅和



崇壇展敬嚴配因心孤竹簫管空桑瑟琴肅穆大禮鏗  
鏘八音恭惟上帝希降靈歆右雍和

九成爰奏三獻式陳欽成景福恭託明禋右福和

坤元光至德柔訓闡皇風茱萸芳聲遠螽斯美化隆  
庥範超千載嘉猷備六官肅恭陪盛典欽若薦禋宗右中官助祭升壇

三靈降饗三后配神虔誠祭奠敬展郊禋右亞獻

已陳粢盛敷嚴祀更奏笙鏘協雅聲璇圖寶曆欣寧謐

晏俗淳風樂太平右舒和

堂堂聖神興赫赫昌基泰戎車盟津偃玉帛塗山會舜

古樂府 卷一 三

日啓祥暉堯雲卷征旆風猷被有截聲教覃無外右副

五郊舊樂章 十首

朱明紀序黃郊王辰厚以載物甘以養人毓金為體稟

火成身宮音式奏奏以迎神右黃

春末冬暮徂夏杪秋土王四月時紀一周黍稷已亨邊

豆宜收送神有樂神其賜休右送神

緹幕移候青郊啓蟄淑景遲遲和風習習璧玉宵備旌

旄曙立張樂以迎帝神其入右青郊迎神

文物流彩聲明動色人竭其恭靈昭其飭歆薦無已垂

禎不極送禮有章惟神還軼右送神

青陽節謝朱明候改靡草彫花含桃流彩虞列鐘磬筵  
陳脯醢樂以迎神神其如在右赤郊迎神

炎精式降蒼生攸仰羞列豆籩酒陳犧象昭祀有期令

儀不爽送樂張音惟靈之往右送神

序移玉律節應金商天嚴殺氣吹警秋方禋燎既積稷

奠並芳樂以迎奏庶降神光右白郊迎神

祀遵五禮時屬三秋人懷肅敬靈降禎休奠歆旨酒薦

享珍羞載張送樂神其上游右送神

玄英戒序黑郊臨候掌禮陳爨司筵執豆寒氛斂色沍

泉凝漏樂以迎神八音斯奏右黑郊迎神

古樂府 卷一 四

北郊時列南陸輝處奠本虔誠獻彌恭慮上延祉幅下

承歡豫廣樂送神神其整馭右送神

五郊樂章 二十首

黃中正位含章居貞既長六律兼和五聲畢陳萬舞乃

薦斯牲神其丕降永祚休平右黃

眇眇方輿蒼蒼圓蓋至哉樞紐宅中圖大氣調四序風

和萬籟祚我明德時雍道泰右黃

金懸夕肆玉俎朝陳饗薦黃道芬流紫宸迺誠迺敬載

享載禋崇薦斯在惟皇一作是賓

御徵乘宮出郊甸安歌率舞遞將迎自有雲門符帝賞

猶持雷鼓蒼天成 右舒和

鶴雲旦起鳥星昏集律候新風陽開初蟄至德可饗行  
潦斯挹錫以無疆蒸人乃粒 右青帝角音

玄鳥司春蒼龍登歲節物變柳光風轉蕙瑤席降神朱  
絃饗帝誠備祝嘏禮殫珪幣 右肅和

大樂稀音至誠簡禮文物棟棟聲明濟濟六變有成三  
登無體迺着豐潔恩覃愷悌 右雍和

笙歌簫舞屬年韶鶯鼓鳧鐘展時豫調露初迎綺春節  
承雲遽踐蒼霄馭 右舒和

青陽告謝朱明戒序延長是祈敬陳椒醕博碩斯薦笙  
古樂府 卷一 五

鑪備舉庶盡肅恭非馨稷黍 右赤帝徵音  
離位克明火中宵見峯雲暮起景風晨扇木槿初榮含  
桃可薦芬馥百品鏗鏘三變 右肅和

昭昭丹陸奕奕炎方禮陳牲幣樂備篴簧瓊羞溢俎玉  
醑浮觴恭惟正直歆此馨香 右雍和

千里溫風飄絳羽十枝炎景騰朱干陳觴薦俎歌三獻  
拊石縱金會七盤 右舒和

白藏應節天高氣清歲功既阜庶類收成萬方靜謐九  
土和平馨香是薦受祚聰明 右白帝商音

金行在節素靈居正氣肅霜嚴林彫草勁豺祭隼擊潦

收川鏡九穀已登萬箱流詠 右肅和

律應西成氣躔南呂珪幣咸列笙竿備舉苾苾蘭羞芬  
芬桂醑式資宴貺用調霜序 右雍和

璿儀氣爽驚緹籥玉呂灰飛含素商鳴鞀奏管芳羞薦  
會舞安歌葆耗揚 右舒和

嚴冬季月星迴風厲享祀報功方祚來歲 右黑帝羽音  
律回玉琯星周金度次極陽烏紀窮陰兔火林霰雪湯

泉凝汜八蜡已登三農息務 右肅和  
陽月斯紀應鍾在候載潔牲牷爰登俎豆既高既遠無  
聲無臭靜言格思惟神保佑 右雍和

古樂府 卷一 六

執籥持羽初終曲朱干玉鉞始分行七德九功咸已暢  
明靈降福具穰穰 右舒和

季秋享上帝於明堂樂章 三首 諸亮作  
象天御宇乘時布政嚴配申虔宗禋展敬罇醴盈列樹  
羽交映玉幣通誠祚隆皇聖 右肅和

八牖晨披五精朝奠霧凝璇璣風清金縣神滌備全明  
柔豐衍載結彞俎陳誠以薦 右雍和

御展合宮承寶曆帝圖重館奉明靈偃武修文九圍泰  
沈烽靜柝八荒寧 右舒和

明堂樂章 十一首 武后永昌元年作

總章陳昔典衡室禮惟神宏規則天地神用叶陶鈞負  
展三春旦充庭萬宇賓顧已誠虛薄空慙馭兆人右外將

仰膺層數俯順謳歌遠安邇肅俗阜時和化光玉鏡訟  
息金科方興典禮永戢干戈右皇帝行

至人光俗大孝通神謙以表性恭惟立身洪規載啓茂  
典方陳譽隆三善祥開萬春右皇嗣出入升降

千官肅事萬國朝宗載延百辟爰集三宮君臣德合魚  
水斯同睿圖方永周曆長隆右迎送王公

禮崇宗祀志表嚴禋笙鏞合奏文物惟新敬遵茂典敢  
古樂府 卷一 七

擇良辰潔誠斯著莫謁方申右登歌

笙鏞間鳴玉文物昭清暉辟影臨芳奠休光卜太微孝  
思期有感明潔庶無違右配饗

履良包羣望居中冠百靈萬方資廣運庶品尚財成神  
功諒匪測盛德實難名藻奠申誠敬恭祀表惟馨

出震位開平秩扇條風乘甲乙龍德盛鳥星出薦桂龍  
陳誠實右角音

赫赫離精御炎陸滔滔熾景開隆暑冀延神鑒俯蘭鐔  
式表虔襟陳桂俎右徵音

律中夷則序應收成功宣建武義表惟明爰由禮奠庶

展翹誠九秋是式百穀斯盈右商音  
葭律肇啟隆冬蘊藻攸陳響祭黃鍾既調玉燭紅粒方  
殷稔歲右羽音

冬至祀圓丘樂章八首魏徵褚亮虞世南等作

上靈睠命膺會昌盛德殷薦叶辰良景福降兮聖德遠  
玄化穆兮天曆長右豫和

穆穆我后道應千齡登三處大得一居貞禮惟崇德樂  
以和聲百神仰止天下文明右太和

閭陽播氣甄曜垂明有赫玄宰深仁曲成日麗蒼壁煙  
開紫管聿遵乾享式降鴻禎右肅和

古樂府 卷一 八

欽惟大帝戴仰皇穹始命田燭爰啓郊宮雲門駭聽雷  
鼓鳴空神其介祀景祚斯融右雍和

八音斯奏三獻畢陳寶祚惟永暉光日新  
疊璧凝影皇壇路編珠流彩帝郊前已奏黃鐘歌大呂  
還符寶曆祚昌年右舒和

昔在炎運終中華亂無象鄴郊赤鳥見邙山黑雲上大  
賚下周車禁暴開殷網幽明同叶贊鼎祚齊大壤

歌奏畢今禮獻終六龍馭兮神將昇明德感兮非忝稷  
降福簡兮祚休徵右豫和

祀圓丘樂章十一首玄宗開元十一



至矣不構烝哉太平授犧膺錄復禹繼明草木仁化鳥

驚頌聲祝宗陳德無愧斯誠

右豫和

郊壇齋帝禮樂祀天丹青寰宇宮徵山川神祇畢降行

止重旋融融穆穆納祉洪延

右太和

止素潛聆登儀宿轉大玉躬奉參鍾首奠簠簋聿昇犧

牲遞薦昭事顒若存存以俛

右肅和

爛雲普洽律風無外于品其凝九賓斯會禮尊晉燭純

犧滌汰玄覆攸廣鴻休汪濊

右雍和

六變爰闕八階載虔祐我皇祚於萬斯年

於赫聖祖龍飛晉陽底定萬國奄有四方功格上下道

古樂府

卷一

九

冠農黃郊天配享德合無疆

崇崇泰峙肅肅嚴禋盛孔潔金石畢陳上帝來享介

福爰臻受釐合祉寶祚維新

右壽和

祝史正辭一作人神叶慶慶一作福以德昭享以誠應

接六變云備百禮斯浹祀事孔明祚流萬葉

右新和

馨香惟后德明命光天保肅和崇聖靈陳信表皇道玉

鉞初蹈厲金匏既靜好介福何穰穰精誠格穹昊

右凱安

大號成命思文配天神光盼蜚龍駕言旋眇眇閭闔昭

昭上玄俾昌而大於萬斯年

右豫和

六成既闕三薦云終神心具醉聖敬愈崇受釐皇邸迴

蹕帷宮穰穰之福永永無窮

右太和

祭方丘樂章

五首褚亮作

萬物資以化交泰屬昇平易從業惟簡得一道斯寧具

儀光玉帛迭舞變成英黍稷良非貴明德信惟馨

右順和

至矣坤德皇矣地祇開元統紐合大承規九宮肅列六

典相儀永言配命長保無虧

右肅和

柔而能方直而能敬厚載以德大亨以正有滌斯牲有

馨斯盛介茲景福祚我休慶

右雍和

玉幣牲牷分薦享羽旄干鉞遞成容一德惟寧兩儀泰

三材保合四時邕

右舒和

古樂府

卷一

十

陰祗協贊厚載方貞牲幣具舉簫管備成其禮惟肅其

德惟明神之聽矣式鑒虔誠

右順和

祭方丘樂章

三首唐宗太極元年作

坤厚載物德柔垂祉九域咸雍四溟爲紀敬因良節虔

修陰祀廣樂式張靈其降止

右順和

坤元至德品物資生神凝博厚道協高明列鎮五嶽環

流四瀛于何不載萬寶斯成

右金奏

樂備金石禮光尊俎大亨爰終洪休是舉雨零感節雲

飛應序纓紱載辭皇靈具舉

右順和

封泰山祀天樂章

十四首玄宗開元十三年張說作

挹泰壇柴泰清受天命報天成竦皇心薦樂聲志上達  
歌下迎

億上帝臨下庭騎日月陪列星嘉視信大禧馨澹神心  
醉皇靈

相百辟貢八荒九歌叙萬舞翔肅振振鏗皇皇帝欣欣  
福穰穰

高在上道光明物資始德難名承眷命牧蒼生寰宇謐  
太階平

天道無親至誠與鄰山川遍禮宮徵惟新玉帛非盛聰  
明會真正斯一德通乎百神

古樂府

卷一

十一

享帝享親維孝維聖緝熙懿德敷揚成命華夷志同笙  
鏞禮盛明靈降止感此誠敬

右豫和

孝敬中發和容外彰騰華照寓如昇太陽貞璧就奠玄  
靈垂光禮樂具舉濟濟洋洋

右太和

尊祖配天承天享帝百靈咸秩四海來祭植我蒼璧布  
我玄製華日徘徊神煙容裔

右肅和

俎豆有馥粢盛潔豐亦有和羹既戒既平鐘鼓管磬肅  
唱和鳴皇皇后祖賚我思成

右雅和

烝烝我后享獻惟寅躬酌鬱鬯跪奠明神孝莫孝乎配  
上帝親敬莫敬乎教天下臣

皇祖嚴配配享皇天皇皇降嘏天子萬年

右壽和

六鍾翕協六變成八佾倘佯八風生樂九叙今人神感  
美七德今天地清

右舒和

烈祖順三靈文宗威四海黃鉞誅群盜朱旗掃多罪戢  
兵天下安約法人心改大哉千羽意長見風雲在

右凱安

樂已終禮燎上懷靈惠結皇想歸風疾迴風爽百福來  
衆神往

右豫和

禪社首山祭地祇樂章

八首玄宗開元十二年賀知章作

至哉含柔德萬物資以生常順稱厚載流謙通變盈聖  
心事能察增廣陳厥誠黃祇優如在泰折俟咸亨

右順和

古樂府

卷一

十二

肅我成命於昭黃祇裘冕而祀陟降在斯五音克備八  
音聿施緝熙肆靖厥心匪離

右太和

黃祇是祇我其夙夜寅畏誠潔匪遑寧舍禮以琮玉薦  
厥茅藉念茲降康胡寧克暇

右肅和

夙夜宥密不敢寧宴五齊既陳八音在縣粢盛以潔房  
俎斯薦惟德惟馨尚茲克徧

右雍和

惟以明發有懷載殷樂盈而反禮順其禋立清以獻薦  
欲是親於穆不已哀對斯臻

右壽和

穆穆天子告成岱宗大裘如濡執珽有頤樂以平志禮  
以和容上帝臨我云胡肅邕

右福和

昭昭有唐天俾萬國列祖應命四宗順則申錫無疆宗  
我同德曾孫繼緒享神配極

右太和

靈具醉杳熙熙靈將往眇視視顧明德吐正辭爛遺光  
流禎祺

右靈具醉

大享拜洛樂章

十四首武后永昌元年作

九玄眷命三聖基隆奉成先旨明臺畢功宗祀展敬冀  
表深衷永昌帝業式播淳風

神功不測今運陰陽包藏萬宇今孕八荒天符既出今  
帝業昌願臨明祀今降禎祥

坎澤祠容備舉坤壇祭典爰申靈睴遙行秘躅嘉貺存  
古樂府

卷一

十三

委殊珍肅禮恭禋載展翹襟逸志逾殷方期交際懸應  
闕

祗荷坤德欽若乾靈慙惕罔寘興居匪寧恭崇禮則肅  
奉儀刑惟憑展敬敢薦非馨

非躬承睿顧薄德忝坤儀乾乾遵後命翼翼奉先規撫  
俗勤雖切還淳化尚虧未能弘至道何以契明祇

顧德有慙虛非明祇屢降禎符汜水初呈秘象溫洛荐  
表昌圖玄澤流恩載洽丹襟荷渥增愉

舒雲致養合大資生德以恒固功由永貞升歌薦序垂  
幣翹誠虹開玉照鳳引金聲

蘭俎既昇蘋羞可薦金石載設咸英已變林澤斯總山  
川是遍敢用敷誠實惟志倦

沈潛演貺分三極廣大凝禎總萬方既薦羽旌文化啓  
還呈干鉞武威揚

夕惕司龍契晨兢當鳳扈崇儒習舊規偃霸循先旨絕  
壤飛冠蓋遐區麗山水幸承三聖餘忻屬千年始

百禮崇容千官肅事靈降舞兆神凝有粹莫享咸周威  
儀畢備奏夏登列歌雍徹肆

皇皇靈睴穆穆神心暫動凝質還歸積陰功玄樞紐理  
寂高深銜恩佩德聳志翹襟

古樂府

卷一

十四

言旋雲洞兮躡煙途永寧中宇兮安下都包涵動植兮  
順榮枯長徵

一作

寶貺兮贊璇圖

調雲闕兮神座興驟雲駕兮儼將昇騰絳霄兮垂景佑  
翹丹懇兮荷休徵

祭汾陰樂章

十一首玄宗開元十一年韓思復  
賡崔玄同何濟蔣挺源光裕等作

大樂和暢殷薦明神一降通感八變必臻有求斯應無  
德不親降靈醉止休徵萬人

坤元載物陽樂發生播殖資始品彙咸亨列俎基布方  
壇砥平神歆禋祀后德惟明

大君出震有事郊禋齋戒既肅馨香畢陳樂和禮備候



暖風春恭惟降福實賴明神

於穆睿哲維清緝熙肅事昭配永言孝思滌濯靜嘉

杳在茲神之聽之用受福釐

於穆聖皇六葉重光太原刻頌后土疏場寶鼎呈符歆

云孕祥禮樂備矣降福穰穰

聿修嚴配展事禋宗祥符寶鼎禮備黃琮祝詞以信明

德惟聰介茲景福永永無窮

蠲我饑饉絜我管籥有豆孔碩爲羞既臧至誠無昧精

意惟芳神其醉止欣欣樂康

禮物斯具樂章乃陳誰其作主皇考聖真對越在天聖

古樂府

卷一

十五

明佐神官然汾上厚澤如春

樂奏云闕禮章載虔禋宗於地昭假於天惟馨薦矣既

醉歆焉神之降福永永萬年

維歲之吉維辰之良聖君綏冕肅事壇場大禮已備大

樂斯章一作神其醉止降福無疆

方丘既膳嘉饗載謐齊敬畢誠陶匏貴質秀簠豐薦芬

俎盈實永永福流其昇如日

雩祀樂章

三首 諸亮作

朱鳥開辰蒼龍啓暎大帝昭饗群生展敬禮備懷柔功

宣舞詠旬液應序年祥協慶

右肅和

紺筵分彩珽圖吐絢鳳管晨疑雲歌曉嘽肅事蘭羞度

申桂奠百穀斯登萬箱攸薦

右雍和

鳳曲登歌調令序龍雩集舞汎祥風綵旒雲迴昭睿德

朱干電發表神功

右舒和

雩祀樂章

二首 關元中作

鳥緯遷序龍星見辰純陽在律明德崇禋五方降帝萬

宇安人恭以致享肅以迎神

祀遵經設享緣誠舉獻畢于樽徹臨于俎舞止于戚樂

停祝敬歌以送神神還其所

右豫和

蜡百神舊樂章

二首

古樂府

卷一

十六

八蜡開祭萬物合祀上極天維下窮神紀俎流芬鐔

爨薦美有靈有祗咸希來止

右迎神

十旬歡洽一日祀終澄燹拂俎報德酬功慮虔容肅禮

繹儀豐神其降祉整馭隨風

右送神

蜡百神樂章

三首 貞觀中作

序迫歲陰日躔星紀爰稽茂典聿崇清祀綺幣霞舒瑞

珪虹起百靈垂裕萬方受祉

右肅和

緹籥勁序玄英晚候姬蜡開儀幽歌入奏蕙馥彫俎蘭

芬玉酎大享明祗永綏多祐

右雍和

經緯兩儀文化洽削平萬域武功成瑤絃自樂乾坤泰

玉鉞長權區宇寧 右舒和

朝日舊樂章 二首

太陽朝序王宮有儀蟠桃彩駕夕柳光馳軒祥表合漢  
曆彰奇禮和樂備神其降斯

五齊兼酌百羞具陳樂終廣奏禮畢崇禋明鑑萬萬照  
臨兆人永流洪慶式動曦輪

朝日樂章 三首貞觀中作

惟聖格天惟明饗日帝郊肆類王宮戒吉珪奠春舒鐘  
歌曉溢禮云克備斯文有秩 右肅和

晨儀式薦明祀惟光神物爰止靈暉載揚玄端肅事紫

古樂府 卷一 十七

幄興祥福履攸假於昭允王 右肅和

崇牙樹羽延調露旋宮扣律掩承雲誕敷懿德昭神武  
載集豐功表睿文 右舒和

夕月樂章 三首貞觀中作

測妙爲神通微曰聖坎祀貽則郊禋展敬璧薦登光金  
歌動映以載嘉德以流曾慶 右肅和

肅晨爭舉天宗禮闕夜典恭秋陰明湛夕有醑斯旨有  
牲斯碩穆穆其暉穰穰是積 右肅和

合吹八風金奏動分容萬舞玉鞘驚詞昭茂典光前列  
夕曜乘功表盛明 右舒和

祭神州舊樂章 二首

黃輿厚載赤寰歸德含育九區保安萬國誠敬無怠禋  
祀有則樂以迎神其儀不忒 右迎神

神州陰祀洪恩廣濟草樹霜和飛沈沐惠禮修鼎俎奠  
歆瑤幣送樂有章靈軒其逝 右送神

祭神州樂章 三首貞觀中褚亮作

大矣坤儀至哉神縣包含日域牢籠月竊露潔三清風  
調六變皇祗屆止式歆恭薦 右肅和

泰折嚴享陰郊展敬禮以導神樂以和性黜牲在列黃  
琮俯映九土既平萬邦貽慶 右肅和

古樂府 卷一 十八

坤道降祥和庶品靈心載德厚群生水土既調三極泰

文武畢備九區平 右舒和

祭太社舊樂章 二首

烈山有子后土有臣播種百穀濟育兆人春官緝禮宗  
伯司禋戊爲吉日迎享茲辰 右迎神

吉祥式就酬功載畢親地尊天禮文經術貺徵令序福  
流初日神馭爰歸祠官其出 右送神

祭太社樂章 三首貞觀中褚亮等作

后土凝德神功協契九域底平兩儀交際戊期應序陰  
墉展幣靈車少留俯歆樽桂 右肅和

美報崇本嚴恭展事受露疏壇承風啓地潔案登俎純犧入饋介福遠流群生畢遂

右雍和

神道發生敷九稼陰極秉仁暢八埏緯武經文隆景化登祥薦祉啓豐年

右舒和

享先農舊樂章

三推禮就萬庾祈凝賓賓志遠薦蓂惟與降歆肅薦垂祐祇膺送神有樂神其上昇

右誠和

享先農樂章

四首貞觀中褚亮等作

粒食伊始農之所先古今攸賴是曰人天耕斯帝籍播厥公田式崇明祀神其福焉

右誠和

古樂府

卷一

十九

樽彝既列瑚簋方薦歌工載登幣禮斯莫肅肅享祀顯顯纓弁神之聽之福流寰縣

右肅和

前夕視牲質明奉俎沐芳整弁斯儀式序盛禮畢陳嘉樂備舉歆我懿德非馨稷黍

右雍和

羽籥低昂文綴已千戚蹈厲武行初望歲祈農神所聽延祥介福豈云虛

右舒和

享先蠶樂章

五首高宗顯慶中作

芳春開令序韶苑暢和風惟靈申廣祐利物表神功綺會周天宇黼黻澡寰中庶幾承慶節歆奠下帷宮

右永和

明靈光至德深功掩百神祥源應節啓福緒逐年新萬

宇承恩覆七廟佇恭禋一茲申至懇方期遠慶臻

右肅和

震莊列寶位雲集動和聲金卮薦綺席玉幣委芳庭因

心罄丹款先已勵蒼生所冀延明福於茲享至誠

右展敬

桂筵開玉俎蘭圃薦瓊芳八音調鳳律三獻奉鸞觴潔

粢申大享庭實冀降祥神其覃有慶契福永無疆

右潔誠

仙壇禮既畢神駕儼將昇佇屬深祥起方期庶績凝虔

誠資宇內務本勗黎蒸靈心昭備享率土洽休徵

右昭慶

祈穀樂章

三首貞觀中褚亮等作

履艮斯繩居中體正龍運垂祉昭符啓聖式事嚴禋率懷嘉慶惟帝永錫時皇休命

右肅和

古樂府

卷一

二十

殷薦乘春太壇臨曙八簋盈和六瑚登御嘉稷匪歆德馨斯飫祝嘏無易靈心有豫

右雍和

玉帛犧牲申嘉享金絲鍼羽盛音容庶俾億齡提景福長欣萬宇洽時邕

右舒和

祀九宮貴神樂章

十五首玄宗天寶三年制于嘉慶言通甲術有九宮貴神典

司水旱請立壇于東郊祀以四孟月詔從之禮在太清宮上所用牲玉皆侑天地

於昭上穹臨下有光羽翼五佐周流八荒誰其饗之時

文對敷虞經夏典茲禮未遑

黑帝旋馭青躔導日金錄上玄玉堂初吉鈞陳夕次饗

和先蹕藹藹群靈昭昭咸秩

帝臨中壇受釐元神皇靈萃止羽旄肅陳攝提運衡招搖移輪光光宇宙電耀雷震

夜如何其明星煌煌天清容衛露結壇場樹羽幢幢佩玉鏘鏘凝精駐目瞻望神光

九位既肅萬靈畢會天門啓局日御飛蓋煥今焚離儼今暗靄如山之福惟聖時對

崇崇泰壇靈具臨今鏗鏘大樂振動心兮神之降矣卿雲郁兮神之至止清風肅兮

帝在靈壇大明登光天回雲粹穆穆皇皇金奏九夏圭陳八簫曠哉動植如熙春陽

古樂府 卷一 二十一

歌工既奏神位既秩天符衆星運行太乙聲和十管氣應中律肅肅明廷介茲元吉

俎豆有踐黃流在罇九宮之祀三代莫存樂變六宮壇開八門聖皇昭對祐我黎元

時文哲后肅事嚴禋馨我明德享我貴神大庖載盈旨酒斯醇精意所屬期於利人

祀既云畢明靈告旋禮洽和應福至神虔動植咸若陰陽不愆錫茲純嘏天子萬年

羽籥既闋干戚陳八音克諧六變新愉貴神兮般以樂保皇祚兮萬斯春

盛德陳萬舞威稜暢九垓風雲交律候日月麗昭回行慶休祥發乘和春氣來百神肅臨享蕩蕩天門開

精意嚴恭明祀豐潔獻酬既備俎豆斯撤日麗天儀風和樂節事光祀典福覃有截

享申百禮慶洽百靈上排閭闔洞入杳冥奠玉高壇燔柴廣庭神之降福萬國咸寧

廟祀歌辭

享太廟舊樂章 三首

七廟觀德百靈攸仰俗荷財成物資含養道光執契化隆提象肅肅雍雍雍神其來饗

古樂府 卷一 二十二

肅肅清廟巍巍盛唐配天立極累聖重光樂和管磬禮備烝嘗永惟來格降福無疆

五聲備奏三獻終祠車移鳳輦旌旗禮周籩豆誠效虔祗皇靈徙蹕簪紳拜辭

享太廟樂章

於穆烈祖弘此丕基永言配命子孫保之百神既洽萬國在茲是用孝享神其格思

大哉至德允茲明聖格于上下聿遵誠敬嘉樂斯登鳴球以詠神其降止式隆景命

崇茲享祀誠敬兼至樂以感靈禮以昭事泰盛咸潔牲

伶孔備永言孝思庶幾不匱 右雍和

濬哲維唐長發其祥帝命斯祐王業克昌配天載德就日重光本枝百代申錫無疆 右長發舞

猗與祖業皇矣帝先剪商德厚封唐慶延在姬猶稷方晉踰宣基我鼎運於萬斯年 右大基舞

周稱王季晉美帝文明明盛德穆穆齊芬藏用四履屈道三分鏗鏘鍾石載紀鴻勳 右大成舞

五紀更運三正遞升助華既沒禹湯勃興神武命代靈瞻是膺望雲彰德察緯告徵上紐天維下安地軸徵師涿野萬國咸服偃伯靈臺九官允穆殊域委賁懷生介

古樂府 卷一 二十五

福大禮既飾大樂已和黑章擾園赤字浮河功宣載籍德被詠歌克昌厥後百祿是荷 右大明舞

八音斯奏三獻畢陳寶祚惟永暉光日新 右高和聖敬通神光七廟靈心薦祚和萬方嚴禋克配鴻基遠

明德維馨鳳曆昌 右舒和於穆清廟聿修嚴祀四縣載陳三獻斯止籩豆撤薦人

祗介祉神維格思錫祚不已 右雍和肅肅清祀烝烝孝思薦享昭備虔恭在茲雍歌徹俎祝

嘏陳辭用光武志永固鴻基 右永和享太廟樂章 五首高宗永徽中作

五運改卜千齡啓聖形雲曉聚黃星夜映葉闌珠裳基開玉鏡下臨萬寓上齊七政霧開三象塵清九服海濊星暉遠安邇肅天地交泰華夷輯睦翔泳歸仁中外禔福績踰黜夏勳高剪商武陳七德刑設三章祥禽巢閣仁獸遊梁卜年惟永景福無疆 右崇德舞

承天撫籙纂聖登皇遐清萬寓仰協三光功成日用道濟時康璇圖載永寶曆斯昌日月揚暉煙雲爛色河嶽

修貢神祇效職舜風攸偃堯曦先就睿感通寰孝思浹宙奉揚先德虔遵曩符展義天局飛英雲岫化逸王表

古樂府 卷一 二十四

神凝帝先乘雲厭俗馭日登玄 右鈞天舞廣樂既備嘉薦既新述先惟德孝饗惟親七獻具舉五

齊畢陳錫茲祚福於萬斯春 右太和舞惟睿作聖惟聖登皇精靈耀魄時膺會昌舜慙大孝堯

推讓王能事斯極振古誰方文明履運車書同軌魏魏赫赫盡善盡美衢室凝旒大庭端展釋負之寄事光復

子脫屣高天登遐上玄龍湖超忽象野芊綿遊衣復道薦果初年新廟奕奕明德配天 右景雲舞

大業龍祉徽音駿尊潛居皇德赫嗣天昆展儀宗祖重誠孝孫春秋無極享奏存存 右光大舞享太廟樂章 十四首中宗神龍元年作

肅肅清廟赫赫玄猷功高萬古化奄十洲中興不業上

右嚴和

荷天休祗奉先構禮被懷柔

右嚴和

顧惟非薄纂層應期中外同軌夷狄來思樂用崇德禮

右嚴和

以陳詞夕惕若厲欽奉宏基

右嚴和

禮標薦鬯肅事祠庭敬申如在敢託非馨

右嚴和

崇禋已備燄盛聿修潔誠斯展鍾石方道

右嚴和

金相載穆玉裕重輝養德青禁承光紫微乾宮候色震

右嚴和

象增威監國方永賓天不歸孝友自衷溫文性與龍樓

右嚴和

正啓鶴駕斯舉丹旻流念鴻名式序中興考室永陳彝

右嚴和

俎

右承光舞

古樂府 卷一 二十五

巍巍累聖穆穆重光奄有區夏祚啓隆唐百蠻飲澤萬

右延和

國來王本枝億載鼎祚逾長

右延和

惟聖配天敷盛禮惟天爲大闡洪名恭禋展敬光先德

右延和

蘋藻申虔表至誠

右同和

炎馭失王綱土德承天命英猷被寰宇懿躅隆邦政七

右恭和

德已綏邊九夷咸底定景化覃遐邇深仁洽翔泳

右恭和

禮周三獻樂闋九成肅承靈福悚惕兼盈

右恭和

祠容既畢仙座爰興停停鳳舉靄靄雲昇長隆寶運永

右通和

錫休徵福覃貽厥恩被黎蒸

右通和

道洽二儀交泰時休四寓和平環佩肅於庭實鍾石揚

平頌聲 右昭和

顧惟非質忝位椒宮虔奉蘋藻肅事神宗敢申誠潔庶

右誠敬

罄深衷晬容有裕靈享無窮

右誠敬

月禮已周雲和將變爰獻其醑載遷其奠明德逾隆非

右肅和

馨是薦澤霑動植仁覃寓縣

右肅和

鏗鏘韶護肅穆神容洪規赫赫祀典雍雍已周三獻將

右昭感

乘六龍虔誠有託懇志無從

右昭感

享太廟樂章二十五首玄宗開元七年張說作

肅九室諧八音歌皇慕動神心禮宿設樂妙尋聲明備

右肅和

裸奠臨

古樂府 卷一 二十六

律逐氣音入玄依玉几御黼筵聆愾息優周旋九韶遍

右肅和

百福傳

右肅和

信工祝永頌聲來祖考聽和平相百辟貢九瀛神休委

右肅和

帝孝誠

右肅和

時文聖后清廟肅邕致誠勤薦在貌思恭玉節肆夏金

右太和

鏘五鐘繩繩雲步穆穆天容

右太和

天子享孝工歌溥將既裸鬱鬯乃焚膋膋臭以達旨聲

右肅和

以求陽奉時烝嘗永代不忘

右肅和

在滌嘉黍麗碑敬牲角握之牝色純之騂火傳陽燧水

右肅和

漑陰精太公胖俎傳說和羹

俎豆有馥齊盛潔豐亦有和羹既戒既平鼓鐘管磬  
唱和鳴皇皇后祖賚我思成

右雍和

聖謨九德真言五千慶集昌胤符開帝先高文杖鉞克  
配彼天三宗握鏡六合渙然帝其承祀率禮罔愆圖書

霧出日月清懸舞形德類詠詠功傳黃龍蜿蜒彩雲臨

蹕五行氣順八佾風宣介此百祿於皇萬年

右文舞

肅肅藝祖滔滔濬源有雄玉劒作鎮金門玄王貽緒后

稷謀孫肇禋九廟四海來尊

右光大舞

具禮崇德備樂承風魏推幢主周贈司空不行而至無

成有終神興王業天歸帝功

右長發舞

古樂府 卷一 二十七

於赫元命權輿帝文天齊八柱地半三分宗廟觀德竿

鏞樂勲封唐之兆成天下君

右大政舞

帝舞季歷隆聖生昌后歌有蟠胎炎孕黃天地合德日

月齊光肅雍孝享祚我萬方

右大成舞

赤精亂德四海困窮黃旗舉義三靈會同早望春雨雲

披大風溥天來祭高祖之功

右大明舞

皇合一德朝宗百神削平天地大拯生人上帝配食單

于入臣戎歌陳舞曄曄震震

右崇德舞

高皇邁道端拱無爲化懷獫狁兵賦句驪禮尊封禪樂

盛來儀合位媯后同稱伏羲

右鈞天舞

退居江水鬱起丹陵禮物還舊朝章中興龍圖友及駿  
命恭膺鳴球香瓚大糒是承

右太和舞

景雲霏爛告我帝符噫帝冲德與天爲徒笙鏞遙遠俎  
豆虛無春秋孝獻迴復此都

右景雲舞

備禮用樂崇親至尊誠通慈降敬徹愛存獻懷稱壽  
感承恩皇帝孝德子孫千億大包天域長亘不極

六鍾翕協六變成八佾徜徉八風生樂九韶今人神感

右福和

美七德今天地清

右舒和

瑟彼瑤爵亞維上公室如屏氣門不容躬禮殷其本樂

執其中聖皇永慕天地幽通

古樂府 卷一 二十八

禮匝三獻樂遍九成降循軒陛仰欽皇情福與仁令德

因孝明百年神位四海風行

總總千戚填填鼓鐘奮揚增氣坐作爲容離若鷺鳥合

如戰龍萬方觀德肅肅邕邕

烈祖順三靈文宗威四海黃鉞誅群盜朱旗掃多罪賊

兵天下安約法人心改大哉千羽意長見風雲在

右安和

止笙磬撤豆籩廓無響宵入玄主在室神在天情餘慕

禮罔愆嘉禾稷屢豐年

右登歌

眇嘉樂授靈爽感若來思如往休氣散迴風上返寂寞

還惚恍懷靈駕結空想

右永和



太廟裸地歌辭 陳叔達作

清明既裸鬱鬯惟禮大哉孝思嚴恭祖禰龍衮以祭  
刀斯啓發德朱絃升歌丹陛筵享粢盛堂斟沈齊降福  
襮襮來儀濟濟

享清廟樂章 十首武后永昌元年作

建清廟贊玄功擇吉日展禋宗樂已變禮方崇望神駕  
降仙宮

隆周創業寶命惟新敬宗茂典爰表虔禋聲明已備文  
物斯陳肅容如在懇志方申

肅敷大禮上謁尊靈敬申筐幣載表丹誠 古登歌

古樂府 卷一 二十九

敬奠蘋藻式罄虔襟潔誠斯展佇降靈歆 右迎神

爰陳玉醴式奠瓊漿靈心有穆介福無疆 右飲福

帝圖草創王業初開功高佐命業贊雲雷 右送文舞

赫赫玄功被穹壤皇皇至德洽生靈開基撥亂妖氛廓

佐命宣威海內清 右迎武舞

荷恩承顧託執契恭臨撫廟略靜邊荒天兵耀神武 右武舞

登歌以闕獻禮方周欽承景福肅奉鴻休 右徹舞

大禮言畢仙衛將歸莫申丹懇空瞻紫微 右送神

太清宮樂章 十一首玄宗開元二十年正月詔兩京諸州置玄元廟天寶二年三月以

西京玄元廟爲太清宮薦獻聖祖玄元皇帝奏  
混成紫極之舞

煌煌道宮肅肅太清禮光尊祖樂備充庭罄竭誠至希  
夷降靈雲凝翠蓋風猷紅旌衆真以從九奏初迎永惟  
休祐是錫和平 右煌煌

虛無結思鐘磬和音歌以頌德香以達心禮殊裸鬯義  
感昭臨雲車至止錫慶愔愔 右冲和

肅肅我祖縣縣道宗至感潛達靈心暗通雲輶御氣芝  
蓋隨風四時禋祀萬國來同 右香初上

仙宗積道我李承天慶深虛極符光象先俗登仁壽化  
闡蟬涓五千貽範億萬斯年 右再上

古樂府 卷一 三十

不宰元功無爲上聖洪源長發誕受天命金奏迎直璇  
宮展盛備禮周樂垂光儲慶 右終上

至道生元氣重圓法混成無爲觀大象冲用體常名仙  
樂臨丹闕雲車出玉京靈符百代應瑞節九真迎寶運

開皇極天光映太清長垂一德慶永庇萬方寧 右紫極

真宗開妙理冲教統清虛化演無爲日言昭有象初瑤  
壇肅靈瑞金闕映仙居一奏三清樂長回八景輿 右序

第一奏

虛極仙宗本希夷象帝先百靈朝太上萬法祖重圓善  
貸惟冲德功成謂自然雲門達和氣思用合鈞天 右第二奏

元符傳紫極寶祚啓高真道德先垂裕冲和已化淳人

風齊太古天瑞叶惟新仙樂清都上長明交泰辰右第

嚴裡展事禮潔烝嘗皇矣聖祖德惟馨香盛薦既撤歌三奏

工載揚大來之慶降福穰穰右登歌

玉磬含響金爐既馥風馭冷冷雲壇肅肅香歸大象需

流嘉福俾寧萬邦無思不服右真和

德明興聖廟樂章七首玄宗天寶二年三月追尊  
興聖帝勅李衡爲之辭

元尊九德佐堯光宅烈祖太宗方周作伯嚮懷霜露樂

變金石白雲清風髣髴來格右迎神

古樂府 卷一 三十一

四時有典百事來祭尊祖奉宗嚴裡大帝禮先蒼璧奠

備黝制於斯萬年熙成帝系右登歌奠幣

盛牲實俎涓選休成鼎燧陽燧玉盥陰精有飭嘉豆既

和大羹侑以清樂細齊人情右迎俎

清廟奕奕和樂雍雍器尊犧象禮屬宗公白水方裸黃

流在中謨明之德萬古清風右德明酌獻

闕宮靜謐合樂周張泰尊始獻百末重觴震澹存誠庶

幾迪嘗遙源之祚天漢靈長右興聖酌獻

惟清惟肅靡聞靡見舉備九成俛終三獻慶彰曼壽昨

撤嘉薦瘞玉埋牲禮神斯徧右亞獻終獻

元精回復靈貺繁滋風灑蘭路雲搖桂旗高丘緬邈涼

部逶遲瞻望靡及纏綿永思右送神

享隱太子廟舊樂章二首隱太子名建成高祖長  
知不爲中外所屬而秦王功益高懼廢乃與齊  
王元吉謀害秦王武德九年六月誅玄武門下

蒼震有位黃離蔽明江充禍結戾據灾成銜冤昔痛贈

典今榮享靈有秩奉樂以迎右迎神

皇情悼往祀議增設鐘鼓鏗鏗羽旄昭晰掌禮云備司

筵告撤樂以送神靈其鑒闕右送神

隱太子廟樂章五首

道閭鶴關運纏鳩里門集大命俾飲嘉祀禮亞六瑚誠

古樂府 卷一 三十二

殫二簋有孚顙若神斯戾止右誠和

歲肇春宗乾開震長瑤山旣寂戾圉斯享玉肅其事物

昭其象絃誦成風笙歌合響右肅和

明典肅陳神居遂起春伯聯事秋官相禮有來雍雍登

歌濟濟緬維主鬯庶歆芳醴右雍和

三縣已判歌鐘列六佾將開羽鉞分尚想燕飛來蔽日

終疑鶴影降凌雲右舒和

天步昔將開商郊初欲踐撫戎金陣廓貳極瑤圖闡鷄

戟遂崇一作儀龍樓期好善弄兵隳震業啟聖隆祠典

右武舞

章懷太子廟樂章 五首神龍初作

副君昭象道應黃離銅樓備德玉裕成規仙氣霽靈  
從師師前驅戾止控鶴來儀 右迎神

忠孝本著羽翼先成寢門昭德馳道為程幣帛有典容  
衛無聲司存既肅廟享惟清 右登歌酌獻

通三錫胤明兩承英太山比赫伊水聞笙宗祧是寄禮  
樂其亨嘉辰薦俎以發聲明 右迎俎酌獻

羽籥崇文禮以畢干戚奮武事將行用捨由來其有致  
壯志宣威樂太平 右送文迎武

綠林熾炎曆黃虞格有苗沙塵驚塞外帷幄命嫖姚七  
古樂府 卷一 三十三

德干戈正三邊雲霧消寶祚長無極歌舞盛今朝  
長子也永高初立為皇太子後諱懿德太子

懿德太子廟樂章 五首神龍初作懿德太子  
長子也永高初立為皇太子後諱懿德太子

甲觀昭祥畫堂昇位禮絕羣后望尊儲貳校誦懋德莊  
丕掩粹伊浦鳳翔緹峰鶴至 右迎神

譽闡元儲寄崇明兩玉裕雖晦銅樓可想弦誦輟音笙  
歌罷響幣帛言設禮容無爽 右登歌酌獻

雍雍盛典肅肅靈祠賓天有聖對日無期飄飄羽服掣  
曳雲旗眷言主鬯心乎愴茲 右迎俎酌獻

八音協奏陳金石六佾分行整禮容滄溟赴海還稱少

素月開輪卽是重 右送文迎武

隋季昔云終唐年初啟聖纂戎將禁暴崇儒更敷政威  
略靜三邊仁恩覃萬姓 右武舞

節愍太子廟樂章 五首景雲中作節愍太子名重  
武三思得幸韋后將圖逆廢太子三年廢節愍太子  
林兵誅三思遂入宮索后后挾帝升玄武門拒  
之兵敗遇害

儲后望崇元良寄切寢門是仰馳道不絕仙袂雲會靈  
旗電晰煌煌而來禮物攸設 右迎神

灼灼重明仰承元首既賢且哲惟孝與友惟孝雖遙靈  
規不朽祀因誠致備潔玄酒 右登歌酌獻

古樂府 卷一 三十四

嘉薦有典至誠莫薦畫梁雲亘雕俎星聯樂器周列禮  
容備宣依稀如在若未賓天 右迎俎酌獻

邕邕闡化憑文德赫赫宣威藉武功既執羽旄先拂吹  
還持玉璫更揮空 右送文迎武

武德諒雍雍由來掃寇戎劍光揮作電旗影列成虹霧  
廓三邊靜波澄四海同睿圖今已盛相共舞皇風 右武

讓皇帝廟樂章 六首李舒作讓皇帝本名成器避  
昭成太后諱改名憲睿宗長子也

文明初立為皇太子貞隆元年楚王有定社稷  
功憲因請立楚王而大淫亦以為言帝嘉憲能  
讓遂許之開元中京州獻新血玄宗召諸王同  
觀憲曰曲雖佳然宮離而不屬商亂而暴君  
逼下臣儲犯上恐一日有播遷之禍上默然及  
安史亂世乃思憲備音云

皇矣天宗德先王季因心則友克讓以位爰命有司式

尊前志神其降靈昭饗祀事右迎神

惟帝時若去而上仙祀用商武樂備宮懸白璧加薦玄

纁告虔子孫拜後承茲吉蠲右奠幣

祀盛體薦禮協粢盛方周假廟用魯犧牲捧撤祗敬擊

拊和鳴受釐歸胙既戒而平右迎俎

八音具舉三壽既盥潔茲宗彝瑟彼圭瓚蘭肴重錯椒

醕飄散降祚維城永爲藩翰右酌獻

秩禮有序和音既同九儀不忒三揖將終孝感藩后相

維辟公四時之典永永無窮右亞獻終獻

古樂府 卷一

三十五

莫獻已事昏昕載分風搖雨散靈衛細縕龍駕帝服上

騰五雲泮宮復闕寂寞無聞右送神

昭德皇后廟樂章 九首

穆清廟薦嚴禋昭禮備和樂新望靈光集元辰祚無極

享萬春右永和

誠心達娛樂分升蕭管鬱氛氲茅旣縮鬯旣薰後來思

福如雲右肅和

我將我享盡明而誠載芬黍稷載滌犧牲懿矣元良萬

邦以貞心乎愛敬若睹容聲右雍和

於穆先后儼聖稱崇母臨萬宇道被六官昌時協慶理

內成功殷薦明德傳芳國風右坤元

工祝致告微音不遐酒醴咸旨馨香具嘉受釐獻祉永

慶邦家右壽和

金枝羽部輟清歌瑤臺蕭穆笙磬羅諧音遍響合明意

萬類昭融靈應多右舒和

辰位列四星帝功參十亂進賢勤內輔扈蹕清多難承

天厚載均並曜宵光燦留微藹前躅萬古披圖煥右凱

公尸旣起享禮載終稱歌進撤盡敬由衷澤流惠下大

小咸同右雍和

昭事終幽享餘移月御返仙居璇庭寂靈幄虛顧徘徊

古樂府 卷一

三十六

感皇儲右永和

儀坤廟舊樂章 二首

月靈降德坤元授光娥英比秀任姒均芳瑤臺薦祉金

屋延祥迎神有樂歆此嘉躋右迎神

玉帛儀大金絲奏廣靈應有孚冥徵不爽降彼休福歆

茲禋享送樂有章神麾其上右送神

儀坤廟樂章 十二首丘說鄭善王胡雄劉子玄張

倚若清廟肅肅災災國薦嚴祀坤興淑靈有凡在室有

樂在庭臨茲孝享百祿惟寧右永和

陰靈効祉軒曜降精祥符淑氣慶集柔明瑤俎旣列雕

桐發聲微猷永遠比德皇英

右金奏

孝哉我后冲乎迺聖道映重華德輝文命慕深視篋情

殷撫鏡萬國移風兆人承慶

右太和

裸主既濯鬱鬯既陳畫畢雲舉黃流玉醇儀充獻酌禮

盛衆裡地察惟孝愉焉饗親

右肅和

酌鬱既濯取蕭方藝籩豆靜嘉簋簠芬飴魚腊薦美牲

牲表潔是戢是將載迎載列

右雍和

陽靈配德陰魄昭升堯壇鳳下漢室龍興倪天作對前

旒是凝化行南國道盛西陵造舟集濯無德而稱我棗

既潔我醴既澄陰陰靈廟光靈若憑德馨惟享孝思烝

古樂府

卷一

三十七

烝

右昭升

乾道既亨坤元以貞肅雍攸在輔佐斯成外睦九族內

光一庭克生獻哲祚我休明欽若徽範悠哉淑靈建茲

清宮于彼上京縮茅以獻潔秬惟馨實受其福期乎億

齡

右坤貞

於穆清廟肅雍嚴祀合福受釐介以繁祉

右壽和

送文迎武遞參差一始一終光聖儀四海生人歌有慶

千齡孝享肅無虧

右舒和

妙算申帷幄神謀出廟庭兩階文物備七德武成功校

獵長楊苑屯軍細柳營將軍獻凱入歌舞溢重城

右安和

孝享云畢維撤有章雲感玄羽風淒素商瞻望神座祗

戀匪遑禮終樂闋肅雍鏘鏘

右雍和

闕宮奕奕清廟微微降格無象馨香有依式昭纂慶方

融嗣微明裡是享神保聿歸

右永和

享孔子廟樂章二首

通吳表聖問老探真三千弟子五百賢人德齡規法萬

載祠裡潔誠以祭奏樂迎神

右迎神

醴溢犧象著陳俎豆魯壁類聞泗川如覲里校覃福胄

筵承祐雅樂清音送神具奏

右送神

釋奠文宣王樂章

五首玄宗開元二十七年追謚孔子爲文宣王釋奠用官懸

古樂府

卷一

三十八

聖道日用神機不測金石以陳絃歌載陟爰釋其菜匪

馨于稷來顧來享是宗是極

右誠和

萬國以貞光上嗣三善茂德表重輪視膳寢門遵要道

高闕崇賢引正人

右承和

粵惟上聖有縱自天傍周萬物俯應千年舊章允著嘉

贊孔虔王化茲首儒風是宣

右肅和

堂獻瑤篚庭敷璆縣禮修其容樂和其變肅肅觀享雍

雍執奠明德惟馨蘋蘩可薦

右雍和

隼集龜開招聖列龍蹲鳳時肅神儀尊儒敬業宏圖闡

緯武經文盛德施

右舒和

武氏享先廟樂章

一首天后光宅元年九月武承嗣請追王其祖立武氏七廟太后從之

后從之

先德謙為冠昔嚴規節素超今奉國忠誠每竭承家至  
孝純深追崇懼乖尊意顯號恐玷徽音既迫王公屢請  
方乃俯遂群心有限無由展敬奠醑每闕親斟大禮虔  
申典冊蘋藻敬薦翹襟

韋氏褒德廟樂章

五首神龍中宗為皇后韋氏祖考立廟曰褒德

道赫梧宮悲盈蒿里爰賜徽烈載敷嘉祀享洽四時規  
陳二簋靈應昭格神其戾止

右昭德

塗山懿戚媯汭崇烟祠筵肇啓祭典方申禮以備物樂

古樂府

卷一

三十九

以感神用隆敷敘載穆彝倫

右進德

家著累仁門昭積善瑤篴既列金縣式展

右褒德

昭昭竹殿開奕奕蘭宮啓懿範隆丹掖殊榮闢朱邸六

佾薦徽容三簋陳芳醴萬石覃貽厥分珪崇祖禰

右武舞

名隆五嶽秩映三台嚴祠已備辟影方迴

右彰德

唐詩所第一卷

終

唐詩所第二卷

古樂府

前集

鼓吹曲辭

上之回

盧照隣

回中道路險蕭關烽候多五營屯北

一作地萬乘出西

前題

沈佺期

制書下關右天子問回中壇墠經過遠威儀侍從雄黃  
麾搖晝日青憶曳松風迴望甘泉道龍山隱漢宮

前題

李白

三十六離宮樓臺與天通閣道步行月美人愁煙空恩

古樂府

卷二

一

疎寵不及桃李傷春風淫樂意何極金輿向回中萬乘  
出黃道千旗揚彩虹前軍細柳北後騎甘泉東豈問渭

川老寧邀裏野童但

一作慕

一作秋幕

瑶池宴歸來樂未

無窮

戰城南

楊炯

塞北途遼遠城南戰苦辛旂

一作旌

如鳥翼甲冑似魚

鱗凍水寒傷馬悲風愁殺人寸心明白日千里暗黃塵

前題

盧照隣

將軍出紫塞冒頓在烏貪笳喧鴈門北陣翼龍城南瑠  
弓夜宛轉鐵騎曉駢驩應須駐白日為待戰方酣

前題

徐九臯

塞北狂胡旅城南敵漢圍巉巖一鼓氣拔利五兵威虜  
騎瞻山哭王師拓地飛不應須寵戰當遂勒金微一作徽

前題

李白

去年戰桑乾源今年戰葱河道洗兵條支海上波放馬  
天山雪中草萬里長一作遠戰征三軍盡衰老匈奴以殺  
戮爲耕作古來唯見白骨黃沙田秦家築城備胡處漢  
家還有烽火然烽火然不息長征無已時野戰格鬪死  
敗馬嘶一作號鳴向天悲鳥鳶啄人腸銜飛上挂枯樹一作枝  
士卒塗草莽將軍空爾爲乃知兵者是凶器聖人  
古樂府 卷二 二  
不得已而用之

巫山高

凌敬

巫岫鬱岩堯高高入紫霄白雲間危一作抱石玄猿挂迴  
迴一作挂條懸崖激巨浪脆葉殞驚飈別有陽臺處風雨共  
飄飄

前題

盧照隣

巫山高不極望望下朝氛莫辨啼猿樹徒看神女雲驚  
濤亂水脉驟雨暗峰文霑裳卽此地况復遠思君

前題

沈佺期

巫山峰十二合沓隱一作環昭回俯眺一作聽琵琶峽平

看雲雨臺古槎天外倚一作落瀑水日邊來何忍猿啼夜  
荆王枕席開

前題

一作沈佺期

王無競

神女向高唐巫山下夕陽徘徊行作雨婉孌逐荆王電  
影江前落雷聲峽外長霽雲無處所臺館曉蒼蒼

前題

一作沈佺期

張循之

巫山高不極合沓狀奇新暗谷疑風雨陰崖若鬼神月  
明三峽曉潮滿九江春爲問陽臺客應知入夢人

前題

張九齡

巫山與天近煙景長青煢此中楚王夢夢得神女靈神

古樂府

卷二

三

女去已久雲雨空冥冥唯有巴猿嘯哀音不可聽

前題

鄭世翼

巫山凌太清岩堯類削成霏霏暮雨合靄靄朝雲生危  
峯入鳥道深谷瀉猿聲別有幽棲客淹留攀桂情

前題

劉方平

楚國巫山秀清猿日夜啼萬重春樹合十二碧峰齊峽  
出朝雲下江來暮雨西陽臺歸路直不畏向家迷

前題

喬知之

巫山十二峰參差互隱見潯陽幾千里周覽忽已徧想  
像神女姿摘芳共珍薦楚雲何逶迤紅樹日葱蒨楚雲



沒湘源紅樹斷荆門郢路不可見况復夜聞猿

前題 一作閨復本

閨立本

君不見巫山高半天起絕壁千尋盡相似君不見巫  
山碣匝翠屏開湘江碧水遶山來綠樹春嬌明月峽紅  
花朝覆白雲臺臺上朝雲無定所此中窈窕神仙女仙  
女盈盈仙骨飛清容出沒有光輝欲暮高唐行雨送今  
宵定入荆王夢荆王夢裏愛穠華枕席初開紅帳遮可  
憐欲曉啼猿處說道巫山是妾家

將進酒

李白

君不見黃河之水天上來奔流倒海不復回君不見高

古樂府

卷二

四

堂明鏡悲白髮朝如青絲暮成如雪人生得意

須盡歡莫使金樽空對月天生我材必有用我身必

會須一飲三百杯岑夫子丹丘生將進酒君莫停與君

歌一曲請君爲我傾側耳聽鐘鼎玉帛豈足貴

但願長醉不用醒古來賢聖皆寂寞

惟有飲者留其名陳王昔時宴平樂斗酒十千

恣謔謔主人何爲言少錢徑須沽取對君酌

五花馬千金裘呼兒將出換美酒與爾同銷萬古愁

君馬黃

君馬黃我馬白馬色雖不同人心本無隔共作遊冶  
雙行洛陽陌長劍旣照耀高冠何絕赫各有千金裘俱  
爲五侯客猛虎落陷穽壯士時屈厄相知在急難獨好  
亦何益

芳樹

盧照隣

芳樹本多奇年華復在斯結翠成新幄開紅滿故枝風  
歸花歷亂日度影參差容色朝朝落思君君不知

前題 一作宋之問

沈佺期

何地早芳菲宛在長門殿天桃色若綬穠李光如練啼  
鳥弄花疎遊蜂飲香遍歎息春風起飄零君不見

古樂府

卷二

五

前題

符子珪

芳樹宜三月瞳瞳豔綺年香交珠箔氣陰占綠庭煙小  
葉風吹長繁華露濯鮮遂令穠李兒折取簪花鈿

前題

李叔卿

春看玫瑰樹西鄰卽宋家門深重暗葉牆近度飛花影  
拂桃陰淺香傳李逕斜靚粧愁日暮流涕向窓紗

前題

徐彥伯

玉花珍簾上金縷畫屏開曉月憐華柱春風憶鏡臺  
柱春風吹曉月芳樹落花朝暝歇葉砧刀頭未有期  
攀條拭淚坐相思

有所思 一作王勃

楊炯

賤妾留南楚征夫向北燕三秋方一日少別比千年不掩頰紅縷無論一作能數綠錢相思明月夜迢遞白雲天

前題 望宅中樹作

盧照隣

我家有庭樹秋葉正離離上舞雙棲鳥中秀合歡枝勞思復勞望相見不相知何當共攀折歌笑此堂垂

前題 一作宋之問

沈佺期

君子事行役再空芳歲期美人曠延佇萬里浮雲思園槿綻紅豔郊桑柔綠滋坐看長夏晚秋月照一作羅幃

臨高臺

褚亮

古樂府 卷二

六

高臺暫俯臨飛翼聳輕音浮光隨日度漾影逐波深迴瞰周平野開懷暢遠襟獨此三休上還傷千里心

前題

沈佺期

高臺臨廣陌車馬紛相續回首思舊鄉雲山亂心曲遠望河流緩周看原野綠向夕林鳥還憂來飛景促

前題

王易從

漢主事祈連良人在高闕空臺寂已暮愁坐變容髮汎豔春幌風徘徊秋戶月可憐軍書斷空使流芳歇

前題

王勃

臨高臺高臺道遶絕浮埃瑤軒綺構何崔嵬鸞歌鳳吹

清且哀俯瞰長安道萋萋御溝草斜對甘泉路蒼蒼茂陵樹高臺四望同帝鄉一無帝鄉二字佳氣鬱葱葱紫閣丹樓

紛照耀壁房錦殿相玲瓏東彌長樂觀一作西指未央

宮赤城映朝日綠樹搖春風旗亭百隊開新市甲第千

甍分戚里朱輪翠蓋不勝春疊榭層楹相對起復有青

樓大道中繡戶文窓雕綺櫳錦衾夜不暖羅幃畫一作夕

未空歌屏朝揜翠粧鏡晚窺紅爲君安寶髻蛾眉罷花

叢塵間狹路黯將暮雲開月色明如素驚鴛池上兩兩

飛鳳鳳樓下雙雙度物色正如此佳期那不顧銀鞍繡

轂盛繁華可憐今夜宿娼家娼家少婦不須顰東園桃

古樂府 卷二

七

李片時春君看舊日高臺處柏梁銅雀生黃塵

前題 送黎拾遺

王維

相送臨高臺川原杳何極日暮飛鳥還行人去不息

釣竿篇

沈佺期

朝日欽紅煙垂竿向綠川人疑天上坐魚似鏡中懸避機時驚透猜釣每誤牽湍危不理轄潭靜欲畱船釣玉

君徒尚徵金我未賢爲看芳餌下貪得會無筌

雉子斑 集作設辟邪伎鼓吹曲 李白

辟邪伎作鼓吹驚雉子斑之奏曲成喔咿振迅欲飛鳴

扇錦翼雄風生雙雌同飲啄趨倬誰能爭乍一作向草

中耿介死不求黃金籠下生天地至廣大何惜遂物情  
善卷讓天子務光亦逃名所貴曠士懷朗然合太清

雜擬

鼓吹入朝曲

金陵控海浦淥水帶吳京饒歌列騎吹颯杏引公卿槌  
鐘速嚴妝伐鼓啟重城天子憑玉几劔履若雲行日出  
照萬戶簪裾爛明星朝罷沐浴閒遨遊閭風亭濟濟雙  
闕下歡娛樂恩榮

凱歌六首序曰天寶中匈奴同結寇邊喻花門略金山烟塵相連侵軼海濱天子於是授鉞封大夫常清出師征之及破播仙素岑參捷獻凱乃作凱歌云

古樂府

卷二

八

漢將承恩西破戎捷書先奏未央宮天子預開麟閣待  
祗今誰數貳師功

官軍西出過樓蘭營幕傍臨月窟寒蒲海曉霜凝馬尾

葱山夜雪撲旌竿

鳴笳疊鼓擁回軍破國平蕃昔未聞大一作夫鵠印搖

邊月天一作將龍旗掣海雲

日落轅門鼓角鳴千羣面縛出蕃城洗兵魚海雲迎陣

秣馬龍堆月照營

蕃軍遙見漢家營滿谷連山遍哭聲萬箭千刀一夜殺

平明流血浸空城

暮雨旌旗濕未乾胡煙一作塵白草日光寒昨夜將軍連  
曉戰蕃軍只見馬空鞍

橫吹曲辭

隴頭水

盧照隣

隴阪高無極征人一望鄉關河別去水沙塞斷歸腸馬  
繫千年樹旌懸九月霜從來共鳴咽皆是爲勤王

前題

沈佺期

隴山飛落葉隴鴈度寒天愁見三秋水分爲兩地泉西  
流入羌郡東下向秦川征客重回首肝腸空自憐

前題送別

儲光羲

古樂府

卷二

九

相送隴山頭東西隴水流從來心膽盛今日爲君愁暗  
雪迷征路寒雲隱戍樓唯餘旌旆影相逐去悠悠

前題

楊師道

隴頭秋月明隴水帶關城笳添離別曲風送斷腸聲映

雪峰猶暗乘水馬屢驚霧中寒鴈至沙上轉蓬輕天山

傳羽檄漢地急徵兵陣開都護道劍聚伏波營於茲覺

無度方共濯胡纓

前題

賁半千

路出金河道山連玉塞門旌旗雲裏度楊柳曲中喧蹀  
血多壯膽畏草無怯魂嚴霜歛曙色大明辭朝噉塵銷

營卒壘沙靜都尉垣霧卷白山出風吹黃葉翻將軍獻  
凱入萬里絕河源

前題

沈如筠

借問隴頭水年年恨何事全疑嗚咽聲中有征人淚

前題

岑參

隴水何年有潺潺通路傍東西流不歇曾斷幾人腸

隴頭吟

王維

長城少年游俠客夜上戍樓看太白隴頭明月迥臨關

隴上行入吹夜笛關西老將不勝愁駐馬聽之雙淚流

身經大小百餘戰麾下偏裨萬戶侯蘇武才爲典屬國

古樂府

卷二

十

節旄空

一作落盡海西頭

出塞

楊炯

塞外欲紛紜雌雄猶未分明堂占氣色華蓋辨星文二

月河魁將三千太乙軍丈夫皆有志會見是立功勳

前題

沈佺期

十年通大漠萬里出長平寒日生戈劍陰雲拂旆旌饑

鳥啼舊壘疲馬戀

一作思空城辛苦旱蘭北胡塵損一作又

掩漢兵

前題

賈威

匈奴屢不平漢將欲復縱橫看雲方結陣却月始連

營潛軍度馬邑揚旆掩龍城會勒燕然石方傳車  
騎名

前題

喬備

沙場三萬里猛將五千兵旌斷水谿戍笳吹鐵關城陰

雲暮下雪寒日晝無晶直爲懷恩苦誰知邊塞情

前題

一作邊秋薄暮

蘇頌

海外秋鷹擊霜前旅鴈歸邊風思輦鼓落日慘旌麾浦

暗漁舟入川長獵騎稀客悲逢薄暮况乃事戎機

前題

虞世南

上將三略遠元戎九命尊緬懷古人節思酬明主恩山

古樂府

卷二

十一

西多勇氣塞北有遊魂楊桴

一作鞭上隴坂勒騎下平原

誓將絕沙漠悠然去玉門輕齋不遑舍驚策驚戎軒漂

漂邊風急蕭蕭征馬煩雪暗天山道冰寒交河源霧鋒

黯無色霜旗凍不翻耿介倚長劍日落風塵昏

前題

張柬之

俠客重恩光驄馬飾金裝警聞傳羽檄馳突救邊荒欲

野山川動驚天旌旆揚吳鉤明似月楚劍利如霜電斷

衝胡塞風飛出洛陽轉戰磨笄地

一作橫行戴十鄉

擒郅支長面縛谷蠡王將軍占太白小婦怨流黃驥裏

青絲騎娉婷紅粉粧三春鶯度曲八月鴈成行誰堪坐

愁思羅袖拂空牀

前題 四首

王昌齡

秦時明月漢時關萬里長征人

一作征夫尚

未還但使龍城

飛將在不教胡馬度陰山

騾馬新跨白玉鞍戰罷沙場月色寒城頭鐵鼓聲猶振

匣裏金刀血未乾

白一作百花原上一作頭

望京師黃河水流無已時

一作盡期窮

秋一作天曠野行人絕馬首東來知是誰

音書杜絕白狼西桃李無顏黃鳥啼寒鴈春深歸去盡

出門腸斷草萋萋

古樂府 卷二

十二

前題

賈至

萬里平沙一聚塵南飛羽檄北來人傳道五原烽火急

單于昨夜寇新秦

前題

王維

居延城外獵天驕白草連天野火燒暮雲空磧時驅馬

秋日平原好射鵬護羌校尉朝乘障破虜將軍夜渡遼

玉靶角弓珠勒馬漢家將賜霍嫖姚

前出塞 九首

杜甫

威威去故里悠悠赴交河公家有程期亡命嬰禍羅君

已富土境開邊一何多棄絕父母恩吞聲行負戈

出門日已遠不受徒旅欺骨肉恩豈斷男兒死無時走

馬脫轡頭手中挑青絲捷下萬仞岡俯身試舉旗

磨刀鳴咽水水赤刃傷手欲輕腸斷聲心緒亂已久丈

夫誓許國憤惋復何有功名圖麒麟戰骨當速朽

送徒既有長遠戍亦有身生死向前去不勞吏怒噴路

逢相識人附書與六親哀哉兩決絕不復問苦辛

迢迢萬餘里領我赴三軍軍中異苦樂主將寧盡聞隔

河見胡騎倏忽數百羣我始爲奴僕幾時樹功勳

挽弓當挽強用箭當用長射入先射馬擒賊必擒王殺

人亦有限立國自有疆苟能制侵陵豈在多殺傷

古樂府

卷二

十三

驅馬天雨雪軍行入高山逕危抱寒石指落層冰間已

去漢月遠何時築城還浮雲暮南征可望不可攀

單于寇我壘百里風塵昏雄劍四五動彼軍爲我奔虜

其名王歸繫頸授轅門潛身備行列一勝何足論

從君十年餘能無分寸功衆人貴苟得欲語羞雷同中

原有關爭況在秋與戎丈夫四海志安可辭固窮

後出塞 五首

男兒生世間及壯當封侯戰伐有功業焉能守舊丘召

募赴薊門軍動不可留千金買馬鞍百金裝刀頭問里

送我行親戚擁道周斑白居上列酒酣進底羞少年別

有贈含笑看吳鉤

朝進東門營幕上河陽橋落日照大旗馬鳴風蕭蕭平沙列萬幕部伍各見招中天懸明月令嚴夜寂寥悲笳數聲動壯士慘不驕借問大將誰恐是霍嫖姚

古人重守邊今人重高勳豈知英雄主出師巨長雲六合已一家四夷且孤軍遂使貔虎士奮身勇所聞拔劍擊大荒日收胡馬羣誓開玄冥北持以奉吾君

獻凱日繼踵兩蕃靜無虞漁陽豪俠地擊鼓吹笙竽雲帆轉遼海杭稻來東吳越羅與楚練照耀臺輿主將位益崇氣驕凌上都邊人不敢議議者死路一作衢

古樂府

卷二

十四

我本良家子出師亦多門將驕益愁思身貴不足論躍馬二十年恐辜明主恩坐見幽州騎長驅河洛昏中夜間道歸故里但空村惡名幸脫免窮老無兒孫

入塞

劉希夷

將軍陷虜圍邊務息戎機霜雪交河盡旌旗入塞飛曉光隨馬度春色伴人歸課績朝明主臨軒拜武威

折楊柳

楊炯

邊地遙一作迷無極征人去不還秋容凋翠羽別淚損紅顏望斷流星驛心馳明月關葉砧何處在楊柳自堪攀

前題

盧照隣

倡樓啟曙扉楊柳正依依鶯啼知歲隔條變識春歸露葉凝愁黛風花亂一作落舞衣攀折將安寄軍中音信稀

前題

一作宋之問

沈佺期

玉牕朝日映羅帳春風吹拭淚攀楊柳長條踈一作地垂白花飛歷亂黃鳥度一作思參差妾自肝腸斷傷人那得知

前題

韋承慶

萬里邊城地三春楊柳節葉似鏡中眉花如關外雪征人遠鄉思倡婦高樓別不忍擲年華含情寄攀折

前題

劉憲

古樂府

卷二

十五

沙塞三河道金閨二月春碧煙楊柳色紅粉綺羅人露葉憐啼臉風花思舞巾攀持君不見爲聽曲中新

前題

崔湜

二月風光半三邊戍不還年華妾自惜楊柳爲君攀落絮一作綠衫袖垂條拂髻鬟那堪音信斷流涕望陽關

前題

鄭愔

青柳映紅顏黃雲蔽紫關一作傳忽一作聞邊使一作信出枝葉爲君攀舞腰愁欲斷春心望不還風花亂成雪羅綺淚斑斑

前題

張九齡

纖纖折楊柳持取寄情人一枝何足貴憐是故園春遲  
景那能久芳菲一作流芳不及新更愁征戍客容顏老邊塵

前題

李白

垂楊一作楊柳拂淒涼水搖豔一作豔東風年花明玉關雪葉暖

金牕煙美人結長想一作恨對此心悽然攀條折春色遠

寄龍庭前一作沙邊

前題

余延壽

天道連國門東西種楊柳葳蕤君不見裊娜垂來久綠

枝棲暝禽雄去雌獨吟餘花怨春盡微月起秋陰坐望

牕中蝶起攀枝上葉好風吹長條婀娜何如妾妾見柳

古樂府

卷二

十六

園新高樓四五春莫吹胡塞一作曲愁殺隴頭人

前題

喬知之

可憐濯濯春楊柳攀折將來就纖手妾容與此同盛衰

何必君恩能獨久

關山月

盧昭隣

塞垣通碣石虜障抵祈連相思在萬里明月正孤一作不

懸影移金岫北光斷玉門前寄言閨一作書中婦時一作愁

看鴻鴈天

前題

崔融

月生西海上氣逐邊風壯萬里度一作照關山蒼茫非一

狀漢兵開郡國胡馬窺亭障夜夜聞悲笳征人起南望

前題

沈佺期

漢月生遼海曠曠出半暉合昏玄菟郡中夜白登園暈

落關山迴光含霜霰微將軍聽曉角戰馬欲南歸

前題

徐九臯

玉塞抵長城金微映高關遙心萬餘里直望三邊月霜

靜影逾懸露稀光漸沒思君不可見空歎將焉歇

前題

李白

明月出天山蒼茫雲海一作蒼茫雲間長風幾萬里吹度玉

門關漢下白登道胡窺青海灣由來征戰地不見有人

古樂府

卷二

十七

還戍客望邊色一作思歸多苦顏高樓當此夜歎息未

應閒

前題

儲光義

一鴈過連營繁霜覆古城胡笳在何處半夜起邊聲

洛陽道

沈佺期

九門開洛邑雙闕對河橋白日青春道軒裳半下朝乘

羊稚子看拾翠美人嬌行樂歸怕晚香塵撲地遙

前題

五首獻呂四郎中

儲光義

洛水春冰開洛城春樹綠朝看大道上落花亂馬足

劇孟不知名千金買寶劍出入平津邸自言嬌且艷



大道直如髮春日佳氣多五陵貴公子雙雙鳴玉珂

春風二月時道傍柳堪把上枝覆官閣下枝拂一作車

馬

洛水照千門千門碧空裏少年不得志走馬遊新市

前題

同儲十二作

孟浩然

珠彈繁華子金羈遊俠人酒酣白日暮走馬入紅塵

前題

一作洛陽陌

李白

白玉誰家郎迴車渡天津看花東陌上驚動洛陽人

長安道

一作宋之問

沈佺期

秦地平如掌層城入一作出雲漢樓閣九衢春車馬千門

古樂府

卷二

十八

且綠槐開復合紅塵聚還散日晚闌雞還鳴一作經過狹

斜看

前題

一作霍將軍

崔顥

長安甲第高入雲誰言居住霍將軍日晚朝迴擁寶從

路傍揖拜何紛紛莫言炙手可熱須臾火盡灰亦滅

莫言貧賤即可欺人生富貴自有時一朝天子賜顏色

世上

一作悠悠應

一作始知

前題

二首

儲光義

鳴鞭過酒肆袂服遊倡門百萬一時盡含情無片言

西行一千里曠色生寒樹暗聞歌吹聲知是長安路

梅花落

楊炯

窓外一株梅寒花五出開影隨朝日遠香逐便風來泣

對銅鈎障愁看玉鏡臺行人斷消息春恨幾徘徊

前題

盧照鄰

梅院

一作嶺

花初發天山雪未開雪處疑花滿花邊似雪

迴因風入舞袖雜粉向粧臺匈奴幾萬里春至不知來

前題

一作宋之問

沈佺期

鐵騎幾時迴金闈怨早梅雪寒花已落風暖葉應開夕

逐新春管香迎小歲杯盛時何足貴書裏報輪臺

前題

劉方平

古樂府

卷二

十九

新歲芳梅樹繁花一作苞四面同春風吹漸落一夜幾枝

空少

一作婦

今如此長城恨不窮莫將遼海雪來比後

庭中

紫驪馬

楊炯

俠客重周遊金鞭控紫驪蛇弓白羽箭鶴轡赤茸鞅發

跡來南海長鳴向北州匈奴今未滅畫地取封侯

前題

盧照鄰

驪馬照金鞍轉戰入臯蘭塞門風稍急長城水正寒雪

暗鳴珂重

一作易

山長噴玉難不辭橫絕漠流血幾時乾

前題

沈佺期

青玉紫騮鞍騎多影屢盤荷君能剪拂蹀躞噴桑乾  
足追奔易長鳴遇賞難從金一萬里霜露不辭寒

前題

李白

紫騮行

一作騮

且嘶雙翻碧玉蹄臨流不肯渡似惜錦障

泥白雪關山

一作城

遠黃雲海樹

一作茂

迷揮鞭萬里去安

得念

一作戀

春閨

驄馬

楊炯

驄馬鐵連錢長安俠少年帝畿平若水官路直如弦夜  
玉粧車軸秋金鑄馬鞭風霜但自保窮達任皇天

前題

沈佺期

古樂府

卷二

二十一

西北五花驄來時道向東四蹄碧玉片雙眼黃金瞳鞍  
上留明月嘶間動朔風借君馳沛艾一戰取雲中

前題

萬楚

金絡青驄白玉鞍長鞭紫陌野遊盤朝驅東道塵恒滅  
暮到河源日未闌汗血每隨邊地苦蹄傷不憚隴陰寒  
君能一飲長城窟爲報一作盡天山行路難

雨雪曲

盧照隣

虜騎三秋入關雲萬里平雪似胡沙暗水如漢月明高  
闕銀爲闕長城玉作城節旄零落盡天子不知名

劉生

楊炯

卿家本六郡年長入三秦白壁酬知己黃金謝主人劍  
鋒生赤電馬足起紅塵日暮歌鐘發喧喧動四隣

前題

盧照隣

劉生氣不平抱劍欲專征報恩爲豪俠死難在橫行翠  
羽裝劍一作鞘黃金鏤一作飾馬纓但令一顧重不恤百  
身輕

出關

魏徵

中原初逐鹿投筆事戎軒縱橫計不就慷慨志猶存杖  
策謁天子驅馬出關門請纓係南越憑軾下東藩鬱紆  
陟高岫出沒望平原古木吟寒鳥空山啼夜猿既傷千

古樂府

卷二

二十一

里目還驚九折魂豈不憚艱險深懷國士恩季布無二  
諾侯嬴重一言人生感意氣功名誰復論

幽州胡馬客歌

李白

幽州胡馬客綠眼虎皮冠笑拂兩隻箭萬人不可干彎  
弓若轉月白鴈落雲端雙雙掉鞭行遊獵向樓蘭出門  
不顧後報國死何難天驕五單于狼戾好兇殘牛馬散  
北海割鮮若虎餐雖居燕支山不道朔雪寒婦女馬上  
笑顏如頰玉盤翻飛射鳥獸花月醉雕鞍旄頭四光芒  
爭戰如一作若蜂攢白刃灑赤血流沙爲之丹名將古誰  
是疲兵良可歎何時天狼滅父子得閒安

雜擬

白鼻騮

銀鞍白鼻騮綠地障泥錦細雨春風花落時一作春風細雨落花時  
揮鞭直且一作就胡姬飲

木蘭歌

韋元甫

木蘭抱杼嗟借問復爲誰欲聞所憾憾感激彊其顏老  
父隸兵籍氣力日衰耗豈足萬里行有子復尚少胡沙  
沒馬足朔風裂人膚老父舊羸病何以彊自扶木蘭代  
父去秣馬備戎行易却紈綺裳洗却鉛粉妝馳馬赴軍  
幙慷慨攜干將朝屯雪山下幕宿青海傍夜襲燕支虜

古樂府

卷二

二十二

更攜干闥羌將軍得勝歸士卒還故鄉父母見木蘭喜  
極成悲傷木蘭能承父母顏却卸巾幘理絲簧昔爲烈  
士雄今爲一作嬌子容親戚持酒賀父母始知生女與  
男同門前舊軍都十年共崎嶇本結弟兄交死戰誓不  
渝今者見木蘭言聲雖是顏貌殊驚愕不敢前歎息徒  
嘻吁世有臣子心能如木蘭節忠孝兩不渝千古之名  
焉可滅

相和引

筓篴引

王昌齡

盧一作谿郡南夜泊舟夜聞兩岸羌戎謳其時月黑猿

啾啾微雨霑衣令人愁有一遷客登高樓不言不寐彈

筓篴彈作薊門桑葉秋風沙颯颯青塚頭將軍鐵騎汗

血流深入匈奴戰未休黃旗一點兵馬收亂殺胡人積

如丘瘡病驅來役一作邊州仍披漠北羔羊裘顏色饑

枯掩面羞眼眶淚滴深兩眸思還本鄉食糞牛欲語不

得指咽喉或有強壯能呻吟憂意說被他邊將讎五世屬

藩漢主留碧毛氍帳河曲遊橐駝五萬部落稠敕賜飛

鳳金鉉鑒爲君百戰如過籌靜掃陰山無鳥投家藏鐵

券特承優黃金千一作斤不稱求九族分離作楚囚深

谿寂寞絃苦幽草木悲感聲颼颼僕本東山爲國憂明

古樂府

卷二

二十三

光殿前論九疇簾讀兵書盡冥搜爲君掌上施權謀洞  
曉山川無與儔紫宸詔發遠懷柔搖筆飛霜如奪鉤鬼  
神不得知其由憐愛蒼生比蚍蜉一作河屯兵須漸  
抽盡遣降來拜御溝便令海內休戈矛何用班超定遠  
侯史臣書之得已不

筓篴謠

李白

攀天莫登龍走山莫騎虎貴賤結交心不移唯有嚴陵  
及光武周公稱大聖管蔡寧相容漢謠一斗粟不與淮  
南春兄弟尚路人一作行路吾心安所從他人方寸間山海  
幾千重輕言託朋友對面九疑峰多一作花必早落桃

李不如松管鮑久已死何人繼其蹤

公無渡河

黃河西來決崑崙咆哮一作吼萬里觸龍門波滔天堯咨

嗟大禹理百川兒啼不窺家殺湍湮洪水九州始桑麻

其害乃去茫然風沙被髮之叟狂而癡清晨徑一作臨流

欲奚爲旁人不惜妻止之公無渡河苦渡之虎可搏河

難馮公果溺死流海湄海湄有長鯨白齒若雪山公平

公平掛骨一作胃於其間筮篥所悲竟不一作莫還

相和曲

江南曲

宋之問

古樂府 卷二

二十四

妾住越城南離居不自堪採花驚曙鳥摘葉饒春蠶

結茱萸帶愁安玳瑁簪待君消瘦盡日暮碧一作綠江潭

前題

劉昫虛

美人何蕩漾湖上風日長玉手欲有贈徘徊雙明璫歌

聲隨綠水怨色起青一作春陽日暮還家望雲波橫洞房

前題

八首

劉希夷

暮宿南洲草晨行北岼林日懸滄海闊水隔洞庭深烟

景無留意風波有異濤歲遊難極目春戲易爲心朝夕

無榮遇芳菲已滿襟

艷唱潮初落江花露未晞春洲驚翡翠朱服弄芳菲畫

舫烟中淺青陽日際微錦帆衝浪濕羅袖拂行衣含情

罷所採相歎惜流暉

君爲隴西客妾遇江南春朝遊含靈果夕採弄風蘋果

氣時不歇蘋花日自新以此江南物持贈隴西人空盈

萬里懷欲贈竟無因

皓如楚江月靄若吳岫雲波中自皎鏡山上亦氤氲明

月留照妾輕雲持贈君山川各離散光氣乃殊分天涯

一爲別江北不相聞

艤舟乘潮去風帆振早涼潮平見楚甸天際望維揚洄

沂經千里烟波接兩鄉雲明江嶼出日照海流長此中

古樂府 卷二

二十五

逢歲晏浦樹落花芳

暮春三月晴維揚吳楚城城臨大江汜迴映洞浦清金

閣晴雲曲珠樓碧烟裏月明芳樹羣鳥飛風過長林雜

花起可憐離別誰家子于此一至情何已

北堂紅草盛葺葺南湖碧水照芙蓉朝遊暮起金花盡

漸覺羅裳珠露濃自惜妍華三五歲已歎關山千萬重

人情一去無還日欲贈懷芳怨不逢

憶昔江南年盛時平生怨在長洲曲冠蓋星繁江水上

衝風標落洞庭淒淒落花錦袖紅紛紛朝霞高閣洗晴雲

誰言此處嬋娟子珠玉爲心以奉君

前題

李叔卿

湖上女江南花無雙越女春浣紗風似箭月如弦少年  
吳兒曉進船邨家子弟謝家郎烏巾白袷紫香囊菱歌  
思欲絕楚舞斷人腸歌舞未終涕雙隕舊宮坡陀絕一作  
纈嶙隱西山暮雨過江來北渚春雲沿海盡渡口水流  
緩妾歸宵刺遲含情爲君再理曲月華照出澄江時

前題 四首

儲光羲

綠江深見底高浪直翻空慣是湖邊住舟輕不畏風  
逐流牽荇葉綠岸摘蘆苗爲惜鴛鴦鳥輕輕動畫橈  
日暮長江裏相邀歸渡頭落花如有意來去逐船流

古樂府

卷二

二十六

隔江看樹色沿月聽歌聲不是長干住那從此路行

前題 五首

丁仙芝

長干斜路北近浦是兒家有意來相訪明朝出浣紗  
發向橫塘口船開值急流知郎舊時意且請攏船頭  
昨暝逗南陵風聲波浪阻入浦不逢人歸家誰信汝  
未曉已成妝乘潮去茫茫因從京口渡使報邵陵王  
始下芙蓉樓言發瑯琊岸急爲打船開惡許傷人見

江南行

李康成

楊柳青青鶯欲啼風光搖蕩綠蘋齊金陵城頭日色低  
日色低情難極水中鳬鷺雙比翼

前題

張潮

茨菰葉爛別西灣蓮子花開一作新猶未還妾夢不離江  
水上人傳郎在鳳凰山

挽歌

趙徵明

寒食蒿山明淒淒郭東路素車誰家子丹旆引將去原  
下荆棘叢叢邊有新墓人生一作間痛長別此是長別處  
曠野何蕭條風悲一作青松白楊樹

前題

孟雲卿

草草閭門一作巷喧塗車儼成位一作市冥冥一作寂寂何  
所須盡我生人意北邙路非遠此別終天地臨穴頻撫

古樂府

卷二

二十七

棺至哀反無淚爾形未衰老爾息纔童稚骨肉安可離  
皇天若容易房帷卽靈帳庭宇爲哀次蘿露歌若斯人  
生盡如寄

前題

沈千蓮

北邙不種田但種松與栢松栢未生處留待市朝客

對酒

王勃

投簪下山閣攜酒對河梁狹水牽長鏡高花送斷絳  
鶯歌似曲踈蝶舞成行自然催一醉非但閨年光

前題 二首

賈至

梅發柳依依黃鸝歷亂飛當歌憐景色對酒惜芳菲曲

水浮花氣流風散舞衣通宵留暮雨上客莫言歸  
春來酒味濃舉酒對春叢一酌千憂散三杯萬事空  
歌乘美景醉舞向東風寄語尊前客生涯任轉蓬

前題 三首

李白

蒲萄酒金叵羅吳姬十五細馬馱青黛畫眉紅錦靴道  
字不正嬌唱歌玳瑁筵中懷裏醉芙蓉帳底奈君何  
松子棲金華安期入蓬海此人古之仙羽化竟何在浮  
生速流電倏忽變光彩天地無彫換容顏有遷改對酒  
不肯飲含情欲誰待

勸君莫拒杯春風笑人來桃李如舊識傾花向我開流  
古樂府 卷二 二十八

蜀啼碧樹明月窺金罍昨來朱顏子今日白髮催疎生  
石虎殿鹿走姑蘇臺自古帝王宅城闕閉黃埃君若下  
飲酒昔人安在哉

前題 一作對酒行

張說

留侯封萬戶園令壽千金本爲成王業初山賦上林繁  
榮安足恃霜露遽一作相尋鳥哭楚山外後啼湘水陰  
夢中城闕近天畔海雲深空對忘憂酒離愁不去心

前題 一作對酒吟

崔國輔

行行日將夕荒村古塚路一作無人跡蒙籠荆棘一鳥鳴  
又作吟 屢勸唱 一作 提壺沽酒聲 一作 古人不達酒不足

遺恨精靈傳此曲寄言世上一作諸少年平生且盡杯中  
醉

雞鳴 一作雞鳴篇

劉元淑

自從離別守空閨遙望征戰赴一作雲梯夜夜相思遶  
海北年年拋妾渭橋西陽春白日照空暖紫燕紅一作  
花向庭滿彩鸞琴裏怨聲多飛鵲鏡前粧梳斷誰家夫  
婿久一作從征應是漁陽別有情莫道紅顏燕地少家  
家還似洛陽城且逐新人殊未歸還令秋至夜霜飛北  
斗星前橫旅一作鴈南樓月下擣寒衣更一作深聞鴈  
腸欲絕獨處挑燈燈復滅暗啼羅帳空自憐夢度陽關

古樂府 卷二 二十九

二十九

向誰說每一作容貌宛如神何其薄命不如人待君  
朝夕燕山至好作明年楊柳春

陌上桑

李白

美女渭橋東一作遊女 春還事蠶作五馬如飛龍一作  
青絲結金絡不知誰家子調笑來一作相諠妄本秦  
羅敷玉顏豔名都綠條映素手採桑向城隅使君且不  
顧况復論秋胡寒蟬愛碧草鳴鳳棲青梧託心自有處  
但惟傍人愚徒令白日暮高駕空踟躕

前題

常建

翳翳陌上桑南枝交北堂美人金梯出素手自提筐非

但畏蠶饑盈盈嬌路傍

采桑

劉希夷

楊柳送行人青青西入秦誰家采桑女樓上不勝春  
盈盈水曲步步春芳綠紅臉耀明珠絳脣含白玉回首  
渭橋東遙憐春一作樹色同青絲嬌落日細綺弄春風攜  
籠長歎息逶遲一作迤戀春色看花若有情倚樹疑無力  
薄暮思悠悠使君南陌頭相逢不相識歸去夢青樓

前題

宋氏

春來南鴈歸日去西蠶遠妾思紛何極客一作君遊殊未返

古樂府

卷二

三十

吟歎曲

昭君曲

駱賓王

歛容辭豹尾絨怨度龍鱗金鈿明漢月玉筋染胡塵粧  
鏡菱花暗愁眉柳葉顰唯有清笳曲時聞芳樹春

王昭君

一作宋之問

沈佺期

非君惜鸞殿非妾妬蛾眉薄命由驕虜無情是畫師嫁  
來胡地日不並漢宮時辛苦無聊賴何堪馬上辭

前題

上官儀

玉關春色晚金河路幾千琴悲桂條上笛怨柳花前霧  
掩臨粧月風驚入鬢蟬絨一作裁書待迴使淚盡白雲一作一作

南天

前題

梁獻

圖畫失天真容華坐誤人君恩不可再妾命在和親淚  
點關山月衣銷邊塞塵一聞陽鳥至思絕漢宮春

前題

李白

漢家秦地月流影送一作照明妃一上玉關道天涯去不  
歸漢月還從東海一作方出明妃西嫁無來日燕支長寒  
雪作花蛾眉憔悴沒胡沙生乏黃金枉圖畫死畱青塚  
使人嗟

前題 三首

郭元振

古樂府

卷二

三十一

自嫁單于國長街漢掖悲容顏日憔悴有甚畫圖時  
厭踐冰霜域嗟爲邊塞人思從漠南獵一見漢家塵  
聞有南河信傳言殺畫師始知君念重更肯惜蛾眉

前題

崔國輔

漢使南還盡胡中妾獨存紫臺綿望絕秋草不堪論

明君詞

王假

北望單于日半斜明君馬上泣胡沙一雙淚滴黃河水  
應得東流入漢家

前題 四首

儲光義

西行隴上泣胡天南向雲中指渭川毳帳夜來時宛轉



何由得似漢王邊

胡王知妾不勝悲樂府皆傳漢國辭朝來馬上箜篌引  
稍似宮中閒夜時

日暮驚沙亂雪飛傷人相勸易羅衣強來前殿看歌舞  
共待單于夜獵歸

彩騎雙雙引寶車羌笛兩兩奏胡笳若爲別得橫橋路  
莫隱一作不憶宮中玉樹花

前題

無名氏

一回望月一回悲望月月移人不移何時得見漢朝使  
爲妾傳書斬畫師

古樂府

卷二

三十二

昭君怨

二首

董思恭

新年猶尚小那堪遠聘秦裾衫沾馬汗眉黛染胡塵舉  
眼無相識路逢皆異人唯有梅將李猶帶故鄉春

琵琶馬上彈行路曲中難漢月正南遠燕山極一作北  
寒髻鬟風拂亂一作散眉黛雪沾殘斟酌紅顏盡一作徒

勞握鏡看

前題

張文琮

戒途飛萬里迴首望三秦忽見天山雪還疑上苑春玉  
痕垂粉淚羅袂拂胡塵爲得琴中曲還悲遠嫁人

前題

盧照隣

合殿恩中絕交河使漸稀肝腸隨玉輦形影向金微漢  
地草應綠胡庭沙正飛願逐三秋鴈年年一度歸

前題

顧朝陽

莫將鉛粉匣不用鏡花光一去邊城路何情更畫妝影  
銷胡地月衣盡漢宮香妾死非關命一作緣怨斷腸

前題

三首

東方虬

漢道方全盛朝廷足武臣何須薄命妾辛苦爭和親  
揜淚辭丹鳳銜悲向白龍單于浪驚喜無復舊時容

前題

李白

古樂府

卷二

三十三

昭君拂玉鞍上馬啼紅頰今日漢宮人明朝胡地妾

王子喬

宋之問

王子喬愛神仙七月七日上賓天白虎搖尾鳳吹笙乘  
騎雲氣翕日精翕日精長不歸遺廟今在而人非空望

山頭草草露濕人一作君衣

平調曲

長歌行

王昌齡

曠野饒悲風颼颼黃一作多蒿草繫馬倚白楊誰知我懷  
抱所是同袍者相逢盡衰老北一作况登漢家陵南望長

安道下有枯樹根上有鼯一作鼯鼠窠高皇子孫盡千載

無人過寶玉頻發掘精靈其奈何人生須達一作命有  
酒且長歌

前題

李白

桃李得一作待日開榮華照當年東風動百物草木盡欲  
言枯枝無醜葉涸水吐清泉大力運天地義和無停鞭  
功名不早著竹帛將何宣桃李務青春誰能貫白日富  
貴與神仙嗟訖成兩矢金石猶銷鑠風霜無久質畏落  
日月後強歡歌與酒秋霜不惜人倏忽侵蒲柳

前題

劉復

淮南木落秋雲飛楚宮商歌今正悲青春白日不與我  
古樂府 卷二 三十四

當壚舉酒勸君持出門驅馳四方事徒用辛勤不得意  
三山海底無見期百齡世間莫虛棄君不見金城帝業  
漢家有東制諸侯欲長久姦雄竊命風塵昏函谷重關  
不能守龍蛇出沒經兩朝胡虜憑陵大道銷河水東流  
宮闕盡五陵松柏自蕭蕭

短歌行

李白

白日何短短百年苦易滿蒼穹浩茫茫萬劫太極長麻  
姑垂兩鬢一半已成霜天公見玉女大笑億千場吾欲  
攬六龍迴車挂扶桑北斗酌美酒勸龍各一觴富貴非  
所願為一作人駐顏又作顏光

前題 贈王郎司直

杜甫

王郎酒酣拔劍斫地歌莫哀我能拔爾抑塞磊落之奇  
才豫樟翻風白日動鯨魚跋浪滄溟開且說劍佩休排  
徊西得諸侯棹錦水欲向何門吸珠履仲宣樓頭春色  
已一作深青眼高歌望吾子眼中之人吾老矣

猛虎行

李白

朝作猛虎行暮作猛虎吟腸斷非關隴頭水淚下不爲  
雍門琴旌旄一作旌旗續紛兩河道戰鼓驚山欲傾倒秦人  
半作燕地囚胡馬翻銜洛陽草一輪一失關下兵朝降  
夕叛幽薊城巨鼇未斬海水動魚龍奔走安得寧頗似  
古樂府 卷二 三十五

楚漢時翻覆無定止朝過博浪沙暮入一作淮陰市張  
良未遇韓信貧劉項存亡在兩臣斃到下邳受兵略來  
投漂母作主人賢哲一作達栖栖古如此今時亦棄青雲  
士有策不敢犯龍鱗竄身南國避胡塵寶書玉一作劍  
束一作挂高閣金鞍駿馬散故人昨日方爲宣城客掣鈴  
交通二千石有時六博快壯心遶牀三匝呼一櫛楚人  
每道張旭奇心藏風雲世莫知三吳邦伯多一作顧眎  
四海豪俠皆相推一作雄俠蕭曹曾一作亦作沛中吏攀  
龍附鳳當有時溧陽酒樓三月春楊花茫茫一作愁殺  
人胡雛綠眼吹玉笛吳歌白紵飛梁塵丈夫相見一作處

且爲樂椎牛撾鼓會衆賓我從此去釣東一作海得魚  
笑寄情相親

前題一作猛虎詞

儲光羲

寒亦不憂雪饑亦不食人人肉豈不甘所惡傷神明太  
室爲我宅孟門爲我隣百獸爲我膳五龍爲我賓蒙一作  
羈馬一何威浮江亦以仁彩章耀朝日爪牙雄武臣高  
雲逐氣浮厚地隨聲震君能賈餘勇日夕長相親

燕歌行

陶翰

請君畱楚調聽我吟燕歌家在遼水頭邊風意氣多出  
身爲漢將正值戎未和雪中凌天山水上度交河大小

古樂府

卷二

三十六

百餘戰封侯竟蹉跎歸來灞陵下故舊無相過雄劍委  
塵匣空門唯一作垂雀羅玉象還趙姝瑤琴付齊娥昔日  
不爲樂時哉今奈何

前題

屈同仙

漁陽八月塞草腓征人相對併思歸雲和朔氣連天暗  
一作蓬雜驚一作胡沙散野飛是時天地陰埃過瀚海龍  
城皆血一作戰兩軍鼓角暗相聞四面旌旗看不見昭  
君遠嫁已年多戎狄無厭不復一作尚和漢兵候月秋防  
塞胡騎乘水夜渡河河塞東西萬餘里地與京華不相  
似燕支山下一作少春輝黃沙磧裏無流水金戈

玉劍十年征紅粉青樓多怨情厭向殊方一作久離別  
秋來愁聽擣衣聲

前題

賈至

國之重鎮惟幽都東威九夷北制胡五軍精卒三十萬  
百戰百勝擒單于前臨滹沱後易一作沮水崇山沃野巨  
千里昔時燕山重賢士黃金築臺從隗始倏忽興亡空  
薊丘漢家又以封王侯蕭條魏晉爲橫流鮮卑竊據朝  
五州我唐區夏餘十紀軍容武備赫萬祀彤弓黃鉞授  
元帥墾耕大漠爲內地季秋膠折邊草腓治兵羽獵因  
出師千營萬隊連旌旗望之如火忽電馳匈奴懾竄窮

古樂府

卷二

三十七

髮北大荒萬里無塵飛君不見隋家昔爲天下宰窮兵  
黷武征遼海南風不競多死聲鼓卧旗折黃雲橫六軍  
將士皆死盡戰馬空鞍歸故營時遷道華天下平白環  
入貢滄海清自有農夫已高枕無勞校尉重橫行

前題

序曰開元二十六年客有從御史大夫張公出塞而還者作燕歌行以示適感征戍之事

因而和焉

高適

漢家烟塵在東北漢將辭家破殘賊男兒本自重橫行  
天子非常賜一作借顏色縱金伐鼓下榆關旌旆逶迤碣  
石間校尉羽書飛瀚海單于獵火照狼山山川蕭條極  
邊土胡騎憑陵雜風雨戰士軍前半死生美人帳下猶

歌舞大漠窮秋塞草腓孤城落日聞兵稀身當恩遇常  
輕敵力盡關山未解圍鐵衣遠戍辛勤久玉筋應啼別  
離後少婦城南欲斷腸征人薊北空回首邊庭飄颻那  
可度絕域蒼茫一作黃一作無何一作所有殺氣三時作陣雲寒  
聲一夜傳刁斗相看白刃血一作雪紛紛死節從來豈顧  
勳君不見沙場征戰苦至今猶憶李將軍

從軍行

楊炯

烽火照西京心中自不平牙璋辭鳳閣鐵騎繞龍城雪  
暗凋旗畫風多雜鼓聲寧為百夫長勝作一書生

前題

駱賓王

古樂府

卷二

三十八

平生一顧重一作念意氣溢三軍野日分戈影天星合劍  
文弓弦抱漢月馬足踐胡塵不求生入塞唯當死報君

前題

劉庭琦

朔風吹寒塞胡沙千萬里陣雲出岱山孤月生海水次  
勝方求敵街恩本輕死蕭蕭牧馬鳴中夜拔劍起

前題

王維

吹角動行人喧喧行人起笳悲馬嘶亂爭渡金河水日  
暮沙漠陲戰聲煙塵裏盡繫名王頸歸來獻一作報天子

前題

崔國輔

塞北胡霜下營州索兵救夜裏偷道行將軍馬亦瘦刀

光照塞月陣色明如畫傳聞賊滿山已共前鋒鬪

前題

李白

從軍玉門道逐虜金微山笛奏梅花曲刀開明月環鼓  
聲鳴海上兵氣擁雲間願斬單于首長驅靜鐵關

前題二首

虞世南

塗山烽候驚弭節度龍城冀馬樓蘭將燕犀上谷兵劍  
寒花不落弓曉月逾明凜凜嚴霜節冰壯黃河絕蔽日

卷征蓬浮天散飛雪全兵值月滿精騎乘膠折結髮早  
驅馳辛苦事旌麾馬困一作凍重關冷輪摧九折危獨有

西山將年年屬數奇

古樂府

卷二

三十九

烽火發金微連營出武威孤城塞雲起絕陣虜塵飛俠  
客吸龍劍惡少縵胡衣朝摩骨都壘夜解谷蠡圍蕭關

遠無極蒲海廣難依沙磴離旌斷晴川候馬歸交河梁  
已畢燕山旆欲揮方知萬里相侯服見光輝

前題

劉希夷

秋天風颯颯一作風來瑟瑟羣胡馬行疾嚴城畫不開伏兵暗

相失天子廟堂拜將軍凶門出紛紛晉陽道戎馬幾萬  
匹軍門壓黃河兵氣衝白日平生懷仗劍慷慨即一作既

投筆南登漢月孤北走代一作燕雲密近取韓彭計早知

孫吳術丈夫清萬里誰能掃一室

前題

喬知之

南庭結白露北風掃黃葉此時鴻鴈來驚鳴催思妾曲  
房理針線平砧搗文練鴛綺裁易成龍鄉信難見窈窕  
九重閨寂寞十年啼紗牕白雲宿羅幌月光栖雲月隱  
微微夜上流黃機玉霜凍珠履金吹薄羅衣漢家已得  
地君去將何事宛轉結蠶書寂寥無鴈使平生荷恩信  
本爲容華進况復落紅顏蟬聲催綠鬢

前題

一作杜鵑又作王昌齡

杜鵑

秋草馬蹄輕角弓持弦急去爲龍城候正值胡兵襲軍  
氣橫大荒戰酣日將入長風金鼓動白露鐵衣濕四起  
古樂府 卷二 四十  
愁邊聲南轅時佇立斷蓬孤自轉寒鴈飛相及萬里雲  
沙漲平川冰霰澀夜聞漢使歸獨向刀環泣

前題

王昌齡

向夕臨大荒朔風軫歸慮平沙萬餘里飛鳥宿何處虜  
騎獵長原翩翩傍河去邊聲搖百草海氣生黃雲百戰  
苦風塵十年履霜露雖投定遠筆未坐將軍樹早知行  
路難悔不理章句

前題

王宏

兒生三日掌上珠燕頤猿肱穠李膚十五學劍北擊胡  
羌歌燕筑送城隅城隅路接伊川驛河陽渡頭邯鄲陌

可憐年少把手時黃鳥雙飛梨花白秦王築城二千里  
西自臨洮東遼水山邊疊疊黑雲飛海畔萐萐青草死  
從來戰鬪不求勦殺身爲君君不聞鳳皇樓上吹急管  
落日衰徊腸先斷

前題

李昂

漢家未得燕支山征戌年年沙朔間塞下長驅汗血馬  
雲中恒閉玉門關陰山瀚海千萬里此日桑河凍流水  
稽洛山邊胡騎來漁陽戍裏烽烟起長途羽檄何相望  
天子按劍思北方羽林練士拭金甲將軍校戰出玉堂  
幽陵異域風烟改亭障連連古今在夜聞鴻鴈南渡河

古樂府

卷二

四十一

曉望旌旗北臨海塞沙飛漸瀝遙裔連窮磧玄漠雲平  
初合陣西山月出聞鳴鏑城南百戰多苦辛路傍死卧  
黃沙人戎衣不脫隨霜雪汗馬趁趲長被鐵楊葉樓中  
不寄書蓮花劍上空流血匈奴未滅不言家驅逐行行  
邊徼賒歸心海外見明月別思天邊夢落花落花迴望  
何悠悠芳樹無人度隴頭春雲不變陽關雪桑葉先知  
胡地秋田疇不賣盧龍策竇憲思勒燕然石麾兵靜北  
垂此日交河湄欲令塞上無干戚會待單于繫頸時

前題

賀朝

朔胡乘月寇邊城軍書插羽刺中京天子金壇拜飛將

單于玉塞振佳兵騎射先鳴推任俠龍韜決勝佇時英  
聞有河湟客惜情理惟常山啟霸圖汜水先天策衝  
珠浴鐵向桑乾疊旗膏劔指烏丸鳴雞已報關山曉來  
鴈遙傳沙塞寒直爲甘心從苦節龍頭流水鳴咽邊  
樹蕭蕭不覺春天山漠漠長飛雪魚麗陣接塞雲平鴈  
翼營通海月明始看晉幕飛鷺入旋聞齊壘啼烏聲自  
從一戍燕支山春光幾度晉陽關金河未轉青絲騎玉  
筋應啼紅粉顏鴻歸燕相續池邊芳草綠已見氛清細  
柳營莫更春歌落梅曲烽沈竈滅靜邊亭海晏山空肅  
已寧行望鳳京旋凱捷重來麟閣畫丹青

古樂府

卷二

四十二

前題

李頎

白日登山望烽火黃昏飲馬傷交河行人刁斗風沙暗  
公主琵琶幽怨多野雲萬里無城郭雨雪紛紛連大漠  
胡鴈哀鳴夜夜飛胡兒眼淚雙雙落聞道玉門猶被遮  
應將性命逐輕車年年戰骨埋荒外空見蒲桃入漢家  
前題 三首末首集作從軍詞 王維

簇甲從軍久風雲識陳難今朝拜韓信計日斬成安  
燕領多奇相狼頭敢犯邊寄言班定遠正是立功年  
旄頭夜落捷書飛來奏金門看賜衣白馬將軍頻破敵  
黃龍戍卒幾時歸

前題 八首

王昌齡

大將軍出戰白日暗榆關三面黃金甲單于破膽還  
烽火城西百尺樓黃昏獨上一作海風秋更吹羌一作

笛關山月無那誰解金閨萬里愁

琵琶起舞撥新聲總是關山舊一作別情撩亂邊愁聽

彈一作不盡高高秋月照長城

關城榆葉早疎黃日暮雲沙古戰場表請回軍掩塵骨

莫教兵士哭龍荒

青海長雲暗雪山孤城遙望玉一作門關黃沙百戰穿

金甲不破樓蘭終一作不還

古樂府

卷二

四十三

大漠風塵日色昏紅旗半捲出轅門前軍夜戰洮河北

已報生擒吐谷渾

胡瓶落膊紫薄汗碎葉城西秋月團明敕星馳封寶劔

辭君一夜取樓蘭

玉門山嶂幾千重山北山南總是烽人依遠戍須看火

馬踏深山不見蹤

前題 二首

李白

騶馬新跨一作白玉鞍戰罷沙場月色寒城頭鐵鼓聲

猶震匣裏金刀血未乾

百戰沙場碎鐵衣城南已合數重圍突營射殺呼延將

獨領殘兵千騎歸

前題

崔融

穹廬雜種亂金方武將神兵下玉堂天子旌旗過細柳  
匈奴運數盡枯楊關頭落月橫西嶺塞下凝雲斷北荒  
漠漠邊塵飛衆鳥昏昏朔氣聚羣羊依稀蜀杖迷新竹  
髣髴胡牀識故桑臨海舊來聞驃騎尋河本自有中郎  
坐看戰壁爲平土近待軍營作破羌

鞠歌行

李白

玉不自言如桃李魚目笑之十和耻楚國青蠅何太多  
連城白壁遭讒毀荆山長號泣血人忠臣死爲刖足鬼

古樂府

卷二

四十四

聽曲知甯戚夷吾因小妻秦穆五羊皮買死百里奚洗  
拂青雲上當時賤如泥朝歌鼓刀叟虎變磻谿中一舉  
釣六合遂荒營丘東平生渭水曲誰識一作此老翁奈  
何今之人雙目送飛征一作鴻

雜擬

銅雀臺

一作宋之問

沈佺期

昔年分鼎地今日望陵臺一旦雄圖盡千秋遺令開綺  
羅君不見歌舞妾空來思共漳河水東流無重回

前題

賈至

日暮銅臺靜西陵鳥雀歸撫絃心斷絕聽管淚霏微靈

几臨朝莫空牀卷夜衣蒼蒼川上月應照妾魂飛

前題

王無競

北登銅雀上西望青松郭總帳空蒼蒼陵田紛漠漠平  
生事已變歌吹宛猶昨長袖拂玉塵遺情結羅幕妾怨  
在朝露君恩豈中薄高臺奏曲終曲終淚橫落

前題

劉庭琦

銅臺官觀委灰塵魏主園陵漳水濱卽今西望猶堪思  
况復當時歌舞人

銅雀妓

二首

王勃

金鳳鄰銅雀漳河望鄴城君王無處所臺榭若平生舞

古樂府

卷二

四十五

席一作紛何一作可就歌梁儼未傾西陵松檟冷誰見綺  
羅情

妾本深宮妓層城閉九重君王歡愛盡歌舞爲誰容錦  
衾不復褰羅衣誰再縫高臺西北望流涕向青松

前題

喬知之

金閣惜分香鉛華不重粧空餘歌舞地猶是爲君王哀  
弦調已絕艷曲不須長共看西陵暮秋烟起白楊

前題

鄭愔

日斜漳浦望風起鄴臺寒玉座平生晚金樽妓吹闌舞  
餘依帳泣歌罷向陵看蕭索松風暮愁烟入井幹一作欄



前題

袁暉

君愛本相饒從來似舞腰那堪攀玉座腸斷望陵朝  
愁着情無主哀凝曲不調况臨松日暮悲吹坐蕭蕭

前題

劉方平

遺令奉君王嘯蛾強一妝歲移陵樹色恩在舞衣香  
玉座生秋氣銅臺下夕陽淚痕沾并榦舞袖爲誰長

前題

一作王適

高適

日暮銅雀迴秋深玉座清蕭森松柏望委鬱綺羅情  
君恩不再得妾舞爲誰輕

前題

李邕

古樂府

卷二

四十六

西陵望何及絃管徒在茲誰言死者樂但令生者悲  
丈夫有餘志兒女焉足私擾擾多俗情投迹互相師  
直節豈感激荒淫乃淒其潁水有許由西山有伯夷  
頌聲何寥寥唯聞銅雀詩君舉良未易永爲後代嗤

清調曲

苦寒行

喬知之

胡天夜清迴孤雲獨飄揚搖曳出鴈關逶迤含晶光  
陰陵久徘徊幽都無多夕一作陽祁寒凍巨海殺氣流大荒  
朔馬飲寒水行子履胡霜路有從後倦卧死黃沙場  
羈旅因相依慟之淚沾裳由來從軍行賞存不賞亡亡者

誠已矣徒令存者傷

前苦寒行

二首

杜甫

漢時長安雪一丈牛馬毛寒縮如蝟楚江巫峽水入懷  
虎豹哀號又堪記秦城老翁荆楊客慣習炎蒸歲絺綌  
玄冥祝融氣或交手持白羽未敢釋

去年白帝雪在山今年白帝雪在地凍埋蛟龍南浦縮  
寒刮肌膚北風利楚人四時皆麻衣楚天萬里無晶輝  
三尺之烏足恐斷義和迭迭將安歸

後苦寒行

二首

南紀巫廬瘴不絕太古以來無及雪蠻夷長老怨苦寒

古樂府

卷二

四十七

崑崙天關凍應折玄猿口噤不能嚙白鶴翅垂眼流血  
安得春泥補地裂

晚來江門一作聞

失大木猛風中夜飛一作吹白屋天兵斬

斷青海戎殺氣南行動坤軸不爾苦寒何大酷巴東之

峽生凌漸彼蒼迴幹人得知

豫章行

李白

胡風吹代馬一作燕人北擁魯陽關吳兵照海雪西討  
何時還半渡上遼津黃雲慘無顏老母與子別呼天野  
草間百鳥一作白馬繞旌旗悲鳴相追攀白楊秋月苦早落  
豫章山本爲休明人斬虜素不閑豈惜戰鬪死爲君掃

兇頑精感石沒羽豈云憚險艱樓船若鯨飛波蕩落星  
灣此曲不可奏三軍鬢髮一作髮成斑

相逢行

崔顥

妾年初二八家住洛頭橋玉戶臨馳道朱門近御溝使  
石何暇問夫婿大長秋女弟新承寵諸兄近拜侯春生  
百子殿花發五城樓出入千門裏年年樂未休

前題二首

李白

朝騎五花馬謁帝出銀臺秀色誰家子雲車一作珠箔

開金鞭遙指點玉勒近一作遲回夾轂相借問疑知一作

從天上來一作下有韓陽愁欲斷斜日復相催邀一作入

古樂府

卷二

四十八

青綺門當歌共銜杯一作嬌羞初解銜杯映歌扇似月

雲中見相見不得親不如不相見相見情已深未語可

知心胡爲守空閨孤眠愁錦衾錦衾與羅幃纏綿會何

時春風正澹蕩一作暮雨來何遲願因三青鳥更報作

寄一作長相思光景不待人須臾髮成絲一作年失行樂

老去一作徒傷悲持此道密意毋令曠佳期

相逢紅塵內高揖黃金鞭萬戶垂楊裏君家阿那邊

三婦艷

董思恭

大婦裁紈素中婦弄明璫小婦多姿態登樓紅粉粧丈  
人且安坐初日漸流光

前題

王紹宗

大婦能調瑟中婦詠新詩小婦獨無事花庭曳履恭上  
客且安坐春日正遲遲

秋胡行

高適

妾本邯鄲未嫁時容華倚翠人未知一朝結髮從君子  
將妾迢迢東魯路一作陸時逢大道無艱阻君方遊宦從

陳汝蕙樓獨卧頻度春彩閣辭君幾徂暑三月垂楊蠶

未眠攜籠結侶南陌邊道逢行子不相識贈妾黃金買

少年妾家夫婿經離久寸心誓與長相守願言行路莫

多情道妾貞心在人口日暮蠶饑相命歸攜籠端飾來

古樂府

卷二

四十九

庭闈勞心苦力終無恨所冀一作貴君恩一作那可一作依聞

說行人已歸止乃是向來贈金子相看顏色不復言相

顧懷慙有何已從來自隱無疑背直爲君情也相會如

何咫尺仍有情況復迢迢千里外誓將一作此顧恩不顧

身念君此日赴河津莫道向來不得意故欲畱規誠後

人

雜擬

中婦織流黃

虞世南

寒閨織素錦含怨歛雙蛾綜新交縷澁經脆斷絲多衣  
香逐舉袖釧動應鳴梭還恐裁縫罷無信達交河

瑟調曲

來日大難

李白

來日一身攜糧負薪道長一作鳴食盡苦口焦唇今日醉

飽樂過千春仙人相存誘我遠學海凌一作上三山陸

五嶽乘龍天飛目瞻兩角授以神一作仙藥金丹滿握螭

蛄蒙恩深愧短促思填東海強銜一木道重天地軒師

廣成蟬翼九五以求長生下士大笑如蒼蠅聲

隴西行

王維

十里一走馬五里一揚鞭都護軍書至匈奴圍酒泉關

山正飛雪烽戍斷無烟

古樂府 卷二

五十

飲馬長城窟行

太宗

塞外悲風切交河水已結瀚海百重波陰山千里雪迴

戍危烽火層巒引高節悠悠卷旆旌飲馬出長城寒沙

連騎跡朔吹斷邊聲胡塵清玉塞羌笛韻金鉦絕漠干

戈戢車徒振原隰都尉反龍堆將軍旋馬邑揚麾氛霧

靜紀石功名立一作功荒裔一戎衣靈一作雲臺凱歌入

前題

虞世南

馳馬渡河干流深馬渡難前逢錦車使都設在樓蘭輕

騎猶銜勒疑兵尚解鞍溫池下絕澗棧道接危巒柝地

勳未賞亡城律詎寬有月開猶暗經春隴尚寒雲昏無

復影冰合不聞湍懷君不可遇聊持報一餐

前題

袁朗

朔風動秋草清蹕長安道長城連不窮所以隔華戎規

模惟聖作負荷曉成功鳥庭已向內龍荒更鑿空玉關

塵卷靜金微路已通湯征隨北怨舜詠起南風畫地一作

野功初立綏邊事云集朝服踐狼居凱歌旋馬邑山響

傳鳳吹霜華藻瓊釵屬國擁節歸單于欸關入日落寒

雲一作威起驚河被原隰零落葉已寒河流清且急四時

徭役盡千載干戈戢太平今若斯汗馬竟無施唯當事

筆硯歸去草封禪

古樂府 卷二

五十一

前題 一作古長城吟

王翰

長安少年無遠圖一生惟羨執金吾麒麟前殿拜天子

走馬西擊長城一作為胡胡沙獵獵吹人面漢虜相逢

不相見遙聞鼙鼓動地來傳道單于夜猶戰此時顧思

寧顧身為君一行一作摧萬人壯士揮戈迴白日單于

濺血汚一作朱輪迴一作來飲馬長城窟長城道傍多

白骨問之耆老何代人云是秦王築城卒黃昏塞北無

人烟鬼哭啾啾聲沸天無罪見誅功不賞孤魂流落此

城邊當昔秦王按劍起諸侯膝行不敢視富國強兵二

十年築怨興徭一作九千里秦王築城何太愚天寶亡

秦非北胡一朝禍起蕭牆內渭水咸陽不復都

上留田行

李白

行至上留田孤墳何崢嶸積此萬古恨春草不復生悲風四邊來腸斷白楊聲借問誰家地埋沒蒿里塋古老向余言言是上留田蓬科馬鬣今已平昔之弟死兄不葬他人於此舉銘旌一鳥死百鳥鳴一獸走百獸驚相一作山之禽別離若欲去迴翔不能征田氏倉卒骨肉分青天白日摧紫荆交柯之木本同形東枝顛顛西枝榮無心之物尚如此參商胡乃尋天兵孤竹延陵讓國揚名高風緬邈頽波激清尺布之誣塞耳不能聽

古樂府

卷二

五十二

放歌行

王昌齡

南渡洛陽津西望十二樓明堂坐天子月朔朝諸侯清樂動千門皇風被九州慶雲從東來一作決漭抱日流昇平貴論道文墨將何求有詔徵草澤微誠將獻謀獻謀一作冠冕如星羅拜揖曹與周望塵非吾一作事入賦且遲留幸蒙國士識因脫負薪裘今者放歌行以慰梁甫愁但管數斗祿奉養每豐羞若得金膏遂飛雲亦可儔一作求

前題

孟雲卿

吾觀天地圖世界亦何小落落大海中飄浮數洲島賢

愚與蟻蝨一種同草草地脉日夜流天衣有時掃東山謁居士了我生死道目見難噬臍心通可親腦軒皇竟磨滅周孔亦衰老永謝當時人吾將寶非寶

前題

答從弟墨卿

李頎

小來好文耻學武世上功名不解取雖沾寸祿已後時徒欲出身事明主柏梁賦詩不及宴長楸走馬誰相數歛迹俛眉心自甘高歌擊節聲半苦由是蹉跎一老夫養雞牧豕東城隅空歌漢代蕭相國肯事霍家馮子都虛爾當年聲籍籍濫作詞林兩京客故人斗酒安陵橋黃鳥春風洛陽陌吾家今弟才不羈五言破的人共推

古樂府

卷二

五十三

野田黃雀行

儲光羲

興來逸氣如濤湧千里長江歸海時別離短景何蕭索佳句相思能間作舉頭遙望魯陽山木葉紛紛向人落噴噴野田雀不知軀體微閒穿深叢一作裏爭食復爭飛窮老一積舍棗多桑樹稀無棗猶可食無桑何以衣蕭條空倉暮相引時來歸斜路豈不捷渚田豈不肥水長路且壞惻惻與心違

前題

李白

遊莫逐炎洲翠棲莫近吳宮燕吳宮火起焚爾巢一作炎洲逐翠遭網羅蕭條兩翅蓬蒿下縱有鷹鷂奈若何

何

飛來雙白鶴

虞世南

飛來雙白鶴奮翼凌烟俱棲集紫蓋一舉背青田  
景過伊洛流聲入管弦鳴羣倒景外刷羽開風前映海  
疑浮雪拂澗瀉飛泉燕雀寧知去蟬蛸不識還何言別  
儔侶從此間山川顧步已相失徘徊各自憐危心猶警  
露哀響詎聞天無因振六翮輕舉復隨仙

門有車馬客

虞世南

陳遵一作雄重交結田蚡一作威擅豪華曲臺臨上路高軒  
抵狹斜赭汗千金馬繡軸一作轂五香車白鶴隨飛蓋朱

古樂府

卷二

五十四

鷺入鳴笳夏蓮開劍水春桃發綬花高談辯飛兔摘藻  
握靈蛇一作輕帶舞迴逢恩出毛羽失路委泥沙暖暖  
風烟晚路長歸騎遠日斜青瑣第飛金谷苑危弦促  
柱奏巴渝遺簪墮珥解羅襦如何守直道翻使谷名愚  
一無暖暖以下八句

前題

李白

門有車馬客金鞍耀朱輪謂從雲一作丹霄落乃是故鄉  
親呼兒掃中堂坐客論悲辛對酒兩不飲停觴淚盈巾  
歎我萬里遊飄飄一作飄三十春空談霸一作帝王略紫綬  
不挂身雄劍藏玉匣陰符生素塵廓落無所合流離湘

水濱借問宗黨間多為泉下人生苦百戰役死託萬鬼  
隣北風揚胡沙靈翳周與秦大運且如此蒼穹寧匪仁  
惻愴竟何道存亡任天鈞

蜀道難一作張琮

張文琮

梁山鎮地險積石阻雲端深谷下寥廓層巖上鬱盤飛  
梁架絕嶺棧道接一作遠危巒攬轡獨長息方知斯路難

前題

李白

噫吁戲危乎高哉蜀道之難難於上青天蠶叢及魚鳧  
開國何茫然爾來四萬八千歲不一作乃與秦塞通人烟  
西當太白有鳥道可以橫絕峨眉巔地崩山摧壯士死

古樂府

卷二

五十五

然後天梯石棧相一作方鉤連上有六龍回日之高標一作上  
上有橫河斷下有衝波逆折之迴川黃鶴之飛尚不得  
過一作下猿猱欲度愁攀緣一作牽青泥何盤盤百步九折  
縈巖巒捫參歷井仰脅息以手撫膺一作心坐長歎問君  
西遊何時一作當還畏途巉巖不可攀但見悲鳥號古木  
雄飛雌從一作作從雌繞林間又聞子規啼夜月一作落愁  
空山蜀道之難難於上青天使人聽此周朱顏連峰去  
天不盈尺一作連峯入枯松倒挂倚絕崖飛湍瀑流爭  
喧豨砅石轉石萬壑雷其險也若此嗟爾遠道之人胡  
為乎來哉劍閣崢嶸而崔嵬一夫當關萬人一作夫莫開

所守或匪親一作人化為狼與豺朝避猛虎夕避長蛇磨  
牙吮血殺人如麻錦城雖云樂不如早還家蜀道之難  
難於上青天側身西望長咨一作人嗟

棹歌行

徐堅

棹女飾銀鈎新粧下翠樓霜絲青桂楫蘭桺紫霞舟水  
落金陵曙風起洞庭秋扣舷過曲浦飛帆越回流影入  
桃花浪香飄杜若洲洲長殊未返蕭散雲霞晚日下大  
江平烟生歸岸遠岸遠聞潮波爭途遊戲多因聲趙津  
女來聽采菱歌

前題

駱賓王

古樂府

卷二

五十六

寫月圖黃罷凌波拾翠通鏡花搖菱日衣麝入荷風葉  
密舟難蕩蓮疎浦易空鳳媒羞自託驚翼恨難窮秋  
愁帳燈光一作華翠倡樓粉色紅相思無別曲併在棹歌  
中

胡無人行

徐彥伯

十月繁霜下征人遠鑿空雲搖錦車節海照角端弓暗  
磧一作雪埋沙樹衝飈卷塞蓬方隨膜拜入歌舞玉門中

前題

李白

嚴風吹霜海草凋筋骸精堅胡馬騎漢家戰士三十萬  
將軍兼領一作誰者霍嫖姚流星白羽腰間插劍花秋蓮光

出匣天兵照雪下玉關虜箭如沙射金甲雲龍風虎盡  
畫一作交迴太白入月敵可摧敵可摧旄頭滅殷胡之腸

涉胡血懸胡青天上埋胡紫塞旁胡無人漢道昌一作下  
下之壽三千霜但歌大風雲飛揚安用猛士兮守四方

白頭吟

錦水東北流波蕩雙鸞鴛鴦雄巢漢宮樹雌弄秦草芳寧  
同萬死碎綺翼不分一作忍雲間兩分張此時阿嬌正嬌  
妬獨坐長門愁日暮但願君恩顧妾深豈惜黃金買詞  
賦相如作賦得黃金丈夫好新多異心一朝將聘茂陵  
女文君因一作贈賦一作賦白頭吟東流不作西歸水落花

古樂府

卷二

五十七

辭條羞故林兔絲本一作固無情隨風任傾倒誰使女蘿  
枝而來強縈抱兩草猶一人心人心不如草莫掩龍旗席  
從他生網絲且留琥珀枕一作會有夢來時覆水再收  
豈滿杯棄妾已去難重回古來一作時得意不相負低今

唯見青陵臺

一作錦水東流碧波蕩鸞鴦雄巢漢宮樹雌弄秦草芳寧同萬死碎綺翼不分雲間兩分張此時阿嬌正嬌妬獨坐長門愁日暮但願君恩顧妾深豈惜黃金買詞賦相如作賦得黃金丈夫好新多異心一朝將聘茂陵女文君因賦白頭吟東流不作西歸水落花

馬生彈光一朝再覽大人作萬乘忽欲凌雲閣問道  
嬌失恩寵千金買賦要君王相如不憶食此日官高  
多聘私室茂陵嬌子皆見求文君歡愛此日官高  
泉水行墜紫羅襪五起雞三唱清歌白頭吟長吁不  
絲雲鬢仰訴青天哀怨深城闕把酒問誰道長吁不  
流不作西歸水落花辭餘羞故林頭上玉鸞奴更  
時物贈君表相思羅袖幸時拂莫卷龍旗席上白頭  
絲且留琥珀枕還來夢來時鵲橋在錦河上白頭  
挂無由披妾衣有秦樓鏡照心勝照井願持照人雙  
可憐覆水不收不滿杯相如還謝文君迴古來得意

不相負。祗今唯有青陵臺。

### 梁父吟

長嘯梁父吟。何時見陽春。君不見朝歌屠叟辭棘津。八

十西來釣渭濱。寧羞白髮照綠清。一作水逢時吐壯一作氣

思經綸。廣張三千六百鈞。風期一作暗與文王親。大賢

虎變愚不測。當年頗似尋常人。一作君不見高陽酒徒

起草中。長揖山東隆準公。一開游說一作入門又作入門不拜。騁

雄辨。兩女輟洗來趨風。東下齊城七十二。指揮楚漢如

旋蓬。狂客一作落魄尚如此。何況壯士當羣雄。我欲攀

龍見明主。雷公砰訇震天鼓。帝傍投壺多玉女。三時大

古樂府 卷二 五十八

笑生一作電光倏燦晦冥起。風雨闔闔九門不可通。以

額扣關闔者怒。白日不照吾精誠。祀國無事憂天傾。猱

猱磨牙競人肉。騶虞不折生草莖。手接飛猱搏彫虎。側

足焦原未言苦。智者可卷愚者豪。世人見我輕鴻毛。力

排南山三壯士。齊相殺之費一作二桃吳楚弄兵無劇

孟亞夫。哈爾爲徒勞。梁父吟聲正悲張公兩龍劍。神物

合有時。風雲感會起屠釣。大人峴岬當安之。

東武吟 一作出東門後書懷留別翰林諸公

好古笑流俗。素聞賢達風。方希佐明主。長揖辭成功。白

日在高天。迴光燭微躬。恭承鳳凰詔。歛起雲蘿中。清切

紫霄一作垣迴優游。丹禁通君王。賜顏色。聲價凌烟虹。乘

輿擁翠蓋。扈從金城東。寶馬麗絕景。錦衣入新豐。倚

巖望松雪。對酒鳴一作理絲桐。因學楊子雲。獻賦甘泉

宮。天書美片善。清芬播無窮。歸來入咸陽。談笑皆王公

以下二句一朝去金馬。飄落成飛蓬。賓客一作友日疎散

玉樽亦已一作空才力猶可恃一作不慙世上雄。閒作

東武吟。曲盡情未終。書此謝知己。吾尋黃綺一作舟翁

怨歌行 虞世南

紫殿秋風冷。雕甍落一作日沈裁。統懷斷曲。織素別離

心。掖庭羞改畫。長門不惜金。寵移恩稍薄。情疎恨轉深

古樂府 卷二 五十九

香銷翠羽帳。弦斷鳳凰琴。鏡前紅粉歇。階上綠苔侵。誰

言掩歌扇。翻作白頭吟

前題 吳少微

城南有怨婦。含情傷芳叢。自謂二八時。歌舞入漢宮。皇

恩數流眄。承幸玉堂中。綠栢黃花催夜酒。錦衣羅袂逐

春風。建章西宮煥若神。燕趙美女三千人。君王厭德不

忘新。况羣艷冶紛來陳。是時別君不再見。三十三春長

信殿。長信重門晝掩關。清房曉帳幽且閒。綺窓蟲網氛

塵色。文軒鶯對桃李顏。天王貴宮不貯老。浩然含淚今

來還。自憐春色轉晚暮。試逐佳遊芳草路。小腰麗女奪



人奇金鞍少年曾不顧 請謝西家婦莫辭先醉解  
羅襦

前題

李白

十五入漢宮花顏笑一作如春紅君王選玉色侍寢金一作錦  
屏中薦枕嬌夕月卷衣戀香風寧知趙飛燕奪寵恨  
無窮沈憂能傷人綠鬢成霜蓬一朝不得意世事徒一作信  
爲空鷓鴣換美酒舞衣罷雕籠寒苦不忍言爲君奏  
絲桐腸斷絃亦絕悲心夜忡忡

怨歌

薛維翰

百尺珠樓臨狹斜新妝能唱美人車皆言賤妾紅顏好  
古樂府 卷二 六十  
要自狂夫不憶家

怨詩

劉允濟

玉關芳信斷蘭閨錦字新愁來好一作下自抑念切已含  
嘯虛牖風驚夢空牀月厭人歸期儻可促勿度柳園春  
怨詞 二首 崔國輔

妾有羅衣裳秦王在時作爲舞春風多秋來不堪著  
樓前一作頭桃李疎池上芙蓉落織錦猶未成玳瑁入羅  
幕

前題

李暇

羅敷初總髻蕙芳正嬌小月落始歸船春眠怕着曉

何處期郎遊小花臺間相憶不可見且復乘月還  
別前花照路別後露垂葉歌舞須及時如何坐悲妾

怨情

李白

美人捲珠簾深坐顰蛾眉但見一作覺淚痕濕不知心恨  
誰

班婕妤

徐彥伯

君恩忽斷絕妾思終未央巾櫛不可見枕席空餘香窓  
暗網羅白堦秋苔蘚蒼應門寂已閉流涕向昭陽

前題

一作嚴武

嚴識玄

賤妾如桃李君王若歲時秋風一已勁搖落不勝悲寂  
寂蒼苔滿沈沈綠草滋繁華非此日指輦競何辭  
古樂府 卷二 六十一

前題

三首

王維

玉牕螢影度金殿人聲絕秋夜守羅帷孤燈耿不滅  
宮殿生秋草君王恩幸疎那堪聞鳳吹門外度金輿  
恹來粧閣閉朝下不相迎總向春園裏花間笑語聲

婕妤怨

崔湜

不分君恩斷新妝視鏡中容華尚春日嬌愛已秋風枕  
席臨牕曉帷屏向月空年年後庭樹榮落在深宮

前題

張烜

賤妾裁絛扇初搖明月姿君王看舞席坐起秋風時玉

樹清御路金陳翳垂絲昭陽無分理愁寂任前期

前題

王沈

長信梨花暗欲棲應門上鑰草萋萋春風吹花亂撲戶  
班絕車聲不至啼

雜擬

長門怨

沈佺期

月皎風冷冷長門次掖庭玉階聞墜葉羅幌見飛螢清  
露凝珠綴流塵下翠屏妾心君未察愁歎劇繁星

前題

齊澣

笑笑孤思逼寂寂長門夜妾妬亦知非君恩那不惜攜

古樂府

卷二

六十二

琴就玉階調悲聲未諧將心託一作寄明月流影入君懷

前題

袁暉

早知君愛歇本自無繁妬誰使恩情深今來反相誤愁  
眠羅帳曉泣坐一作望金闥暮獨有夢中魂猶言意如故

前題

張脩之

長門落景盡洞房秋月明玉階草露積金屋網塵生妾  
妬今應改君恩昔未平寄語臨邛客何時作賦成

前題

喬備

秋入長門殿木落洞房虛妾思宵夜靜君恩日更疎  
露清金閣流螢點玉除還將闥裏恨遙問馬相如

前題

徐賢妃

舊愛柏梁臺新寵昭陽殿守分辭芳輦含情泣團扇一  
朝歌舞榮夙昔詩書賤積恩誠已矣覆水難重薦

前題

崔顥

君王寵初歇棄妾長門宮紫殿青苔滿高樓明月空夜  
愁生枕席春意罷簾櫳泣盡無人問容華落鏡中

前題

岑參

君王嫌妾妬閉妾在一作向長門舞袖垂新寵愁眉結舊  
恩綠錢生一作侵履跡紅粉濕啼痕羞被桃花笑看春獨  
不言

古樂府

卷二

六十三

前題

賈至

獨坐思千里春庭曉景長鶯喧翡翠幙柳暗黃金  
堂舞蝶繁愁緒繁花對靚妝深情託瑤瑟不成章

前題

李華

弱體鶯鶯薦薦啼妝翡翠衾鴉鳴秋殿曉人靜禁門深  
憶椒房寵那堪永巷陰自驚羅帶緩非復舊來心

前題

吳少微

月出映層城孤圓上太清君王春愛歇枕席涼風生怨  
咽不能寢踟躕步前楹空階白露色百草寒蟲鳴念昔  
金房裏猶嫌玉座輕如何嬌所悞長夜泣恩情

前題

蕭意

自從別戀殿長門幾度春不知金屋裏更貯若爲人

前題 二首

李白

天迴北斗挂西樓金屋無人螢火流月光欲到長門殿

別作深宮一段愁

桂殿長愁不記春黃金四屋起秋塵夜懸明鏡青天上

獨照長門宮裏人

長信怨

王諷

飛燕倚身輕爭人巧笑名生君棄妾意增妾怨君情日

落昭陽壁秋來長信城寥寥金殿裏歌吹夜無聲

古樂府

卷二

六十四

前題

李白

月皎昭陽殿霜清長信宮天行乘玉輦飛燕與君同別

有留情處

一作更有  
歡娛處

承恩樂未窮誰憐團扇妾獨坐怨

秋風

前題

一作長信宮中樹

喬知之

婀娜當軒樹丰茸倚蘭殿色艷九春時風搖五明扇餘

香鳥啼盡新葉蟲蠹遍零落心自知芳菲君不見

一作書

前題

一作長信草

崔國輔

長信宮中草年年愁處生故時

一作

侵珠履跡不使玉階

行

玉階怨

李白

玉階生白露夜久侵羅襪却下水晶簾玲瓏望秋月

古樂府

卷二

六十五

唐詩所第二卷

終

唐詩所第三卷 古樂府

前集

清商吳聲歌曲

吳聲子夜歌

一作崔國輔

薛奇童

淨掃黃金階飛霜皎皎一作皓如雪下簾彈壁篴不忍見秋月

子夜四時歌

六首

郭元振

陌頭楊柳枝已被春風吹妾心正斷絕君懷那得知

青樓含日光綠池起風色贈子同心花殷勤此何極右

歌

邀歡空佇立望美頻迴顧何時復採菱江中密相遇

古樂府

卷三

一

辟惡茱萸囊延年菊花酒與子結綢繆丹心此何有右

歌

北極嚴氣昇南至溫風謝調絲競短歌拂枕憐長夜

帷橫雙翡翠被卷兩鴛鴦婉態不自得死轉君王牀右

歌

前題

四首

李白

秦地羅敷女采桑綠水邊素手青條上紅妝白日鮮蠶

餞妾欲去五馬莫留連

鏡湖三百里菡萏發荷花五月西施采人看隘若耶回

舟不待月歸去越王家

長安一片月萬戶擣衣聲秋風吹不盡總是玉關情何

日平胡虜良人罷遠征

明朝驛使發一夜絮征袍素手抽針冷那堪把剪刀裁

縫寄遠道幾日到臨洮

子夜春歌

王翰

春氣滿林香春遊不可忘落花吹欲盡垂柳折還長桑

女淮西曲金鞍塞北裝行行小垂手日暮渭川陽

子夜冬歌

薛曜

朔風扣羣木嚴霜凋百草借問月中人安得長不老

前題

崔國輔

古樂府

卷三

二

寂寥抱冬心裁羅又聚聚夜久頻挑燈霜寒剪刀冷

丁督護歌

李白

雲陽上征去兩岸饒商賈吳牛喘月時拖船一何苦水

濁不可飲壺漿半成土一唱都護歌心摧淚如雨萬人

鑿盤石無由達江潯君看石芒碭掩淚悲千古

碧玉歌

李暇

碧玉上官妓出入千花林珠被玳瑁牀感郎情意深

堂堂詞

二首

李義府

鑊月成一作爲歌扇裁雲作舞衣自憐迴雪影好取洛川

歸

懶整鴛鴦被羞褰玳瑁牀春風別有意密處也尋香

春江花月夜二首

張子容

林花發岸口氣色動江新此夜江中月流光花上春分明石潭裏宜照浣紗人

交甫憐瑤珮仙妃難重期沈沈綠江晚惆悵碧雲姿初逢花上月言是弄珠時

前題

張若虛

春江潮水連海平海止明月共潮生滌滌隨波千萬里一作何處一作處春江無一作同月明江流宛轉遶芳甸

月照花林皆似霰空裏流霜不覺飛汀上白沙看不見

古樂府

卷三

三

江天一色無纖塵皎皎空中孤月輪江畔何人初見月

江月何年初見人人生代代無窮已江月年年祇相似

不知江月待何人但見長江送流水白雲一片去悠悠

青楓浦上不勝愁誰家今夜扁舟子何處相思明月樓

可憐樓上月徘徊應照離人妝一作鏡臺王月一作

中卷不去擣衣砧上拂還來此時相望不相聞願逐月

華流照君鴻雁長飛光不度魚龍潛躍水成文昨夜聞

潭夢落花可憐春半不還家江水流春去欲盡江潭落

月復西斜斜月沈沈藏海霧碣石瀟湘無限路不知乘

月幾人歸落月搖情滿江樹

西曲歌

烏夜啼

李白

黃雲城邊烏欲棲歸飛啞啞枝上啼機中織錦秦川女一作閨中織婦秦家女一作碧紗如煙隔窓語停梭悵然一作憶遠人

獨宿孤房淚如雨一作停梭向人問故失知在關西淚如雨又係獨宿空堂憶遠人知在流

烏栖曲二首

劉方平

蛾眉曼臉傾城國鳴環動佩新相識銀漢西臨白玉堂芙蓉行障掩燈光

畫舸雙槽錦爲纜芙蓉花發蓮葉暗門前月色映橫塘

古樂府

卷三

四

感郎中夜度瀟湘

前題

王昌齡

白馬逐朱車黃昏入狹邪柳樹烏爭宿爭枝未得飛上

屋東房少婦墻從軍每聽烏啼知夜分

前題

李白

姑蘇臺上烏棲時吳王宮裏醉西施吳歌楚舞歡未畢

青山欲一作銜半邊日銀箭金壺一作金壺丁漏水多起看

秋月墜江波東方漸高奈樂一作何

估客樂一作估客行

海客乘天風將船遠行役譬如雲中鳥一去無蹤跡

襄陽曲 二首

崔國輔

蕙草嬌紅萼時光舞碧雞城中美年少相見白銅鞮  
少年襄陽地來往襄陽城城中輕薄子知妾解秦箏

前題 四首

李白

襄陽行樂處歌舞白銅鞮江城回淥水花月使人迷

山公醉酒時酩酊襄陽下頭土白接離倒着還騎馬

峴山臨漢江水綠沙如一作色雪上有墮淚碑青苔久

磨滅

且醉習家池莫看墮淚碑山公欲上馬笑殺襄陽兒

大堤曲

張柬之

古樂府 卷三

五

南國多佳人莫若大堤女玉牀翠羽帳寶裯蓮花距魂  
處自目成色授開心許迢迢不可見日暮空愁予

前題

李白

漢水橫一作臨襄陽花開大堤暖佳期大堤下淚向南雲

滿春風復無情吹我夢魂散不見眼中人天長音信斷

前題

孟浩然

大堤行樂處車馬相馳突歲歲春草生踏青二三月王

孫挾珠彈遊女矜羅襪攜手今莫同江花爲誰發

楊叛兒

李白

君歌楊叛兒妾勸新豐酒何許最關人烏啼白門柳烏

啼隱楊花君醉留妾家博山鑪中沈香火雙煙一氣淩  
紫霞

江南弄

江南曲

王勃

江南弄巫山連楚夢行雨無行雨字行雲幾相送瑤軒金

谷上春時玉童仙女無見期紫霧香煙渺難託清風明

月遙相思遙相思草徒綠爲聽雙飛鳳凰曲

前題

芮挺章

春江可憐事最在美人家鸚鵡能言鳥芙蓉巧笑花地

銜金作埒水抱玉爲沙薄晚青絲騎長鞭赴狹斜

古樂府

卷三

六

採蓮曲

王勃

採蓮歸綠水芙蓉衣秋風起浪見鴈飛桂棹蘭橈下長

浦羅裙玉腕輕搖櫓葉嶼花潭極望平江調越吹相思

苦相思苦佳期不可駐塞外征夫猶未還江南採蓮不

已暮今已暮採蓮花渠今那必盡娼家官道城南把采

葉何如江上採蓮花蓮花復蓮花花葉何稠葉葉不

羞眉花紅強似頰佳人不在茲悵望別離時牽花惜共

蒂折藕愛連絲故情無處所新物徒華滋不惜西浦交

珮解還羞北海雁書遲採蓮歌有節採蓮夜未歸

浩蕩江上風又值徘徊江上月徘徊蓮浦夜初暝吳姬

越女何丰茸共問寒光一作江千里外征客關山路幾重

前題

李康成

采蓮去月沒春江曙翠鈿一作紅袖水中央青荷蓮子

雜永香雲起風生歸路長歸路長那得久各迴船兩搖手

前題

一作采蓮女

閻朝隱

采蓮女采蓮舟春日春江碧水流蓮衣承玉釧蓮刺臂

銀鈎薄暮飲容歌一曲氛氲香氣滿汀洲

前題

徐彥伯

妾家越水邊搖艇入江煙既見同心侶復采同心蓮折

古樂府

卷三

七

藕絲能脆開花葉正圓春歌弄明月歸棹落花前

前題

鄭愔

錦紵

一作沙棠艫羅帶石榴裙綠潭采荷葉清江日伯

鱣魚鳥爭唼喋花葉相芬氲不覺芳洲暮林樾

歌處處聞

前題

崔國輔

玉淑花爭發金塘水亂流相逢良相失並著采蓮舟

前題

李頎

越谿女越谿蓮齊齒雙嬋娟嬉遊向何處采摘日同

船浩唱發容與清波生漪漣時逢島嶼泊幾作鴛鴦眠

襟袖既盈溢馨香亦相傳薄暮歸去來苧羅生碧煙

前題

二首前一首一作采蓮女

李白

小姑織白紵未解將人語大嫂采芙蓉谿湖千萬重長

兄行不在莫使外人逢願學秋胡婦貞心比古松

若耶谿傍采蓮女笑隔荷花共人語日照新妝水底明

風飄香袖

一作袂

空中舉岸上誰家遊冶郎三三五五映

垂楊紫騮嘶入落花去見此踟躕空斷腸

前題

徐玄之

越豔荆姝慣采蓮蘭橈畫楫滿長川秋來江上澄如練

映水紅妝如可見此時蓮浦珠翠光此日荷風羅綺香

古樂府

卷三

八

纖手周遊不暫息紅英爛熳殊未極夕鳥棲林人欲稀

長歌哀怨采蓮歸

前題

賀知章

稽山罷霧鬱嵯峨鏡水無風也自波莫言春度芳菲盡

別有中流采芰荷

前題

二首

王昌齡

吳姬越艷楚王妃爭弄蓮舟水濕衣來時浦口花迎人

采罷江頭月送歸

荷葉羅裙一色裁芙蓉向臉兩邊開亂入池中看不見

聞歌始覺有人來



前題

張潮

朝出沙頭日正紅晚來雲起半江中  
賴逢鄰女曾相識並著蓮舟不畏風

前題

一作采蓮詞

儲光義

淺渚荷花亂深潭菱葉疎獨往方自得  
恥邀淇上姝廣江無衍阡大澤絕方隅  
浪中海童語林外鮫人居春鴈時隱舟  
新萍復滿湖采采日暮不思賢與愚

鳳笙曲

沈佺期

憶昔王子晉鳳笙遊虛空揮手弄白日  
安能戀青宮豈無嬋娟子結念羅帷帳

古樂府

卷三

九

前題

李白

仙人十五愛吹笙學得崑丘彩鳳鳴  
始聞鍊氣餐金液復道朝天赴玉京  
玉京迢迢幾千里鳳笙去去無窮已  
欲歎離聲發絳唇更嗟別調流纖指  
此時惜別望堪聞此地相看未忍分  
重吟真曲和清吹却奏仙歌響綠雲  
紫氣向函關訪道應尋緱氏山莫學  
吹笙王子晉一遇浮丘斷不還

朝雲曲

一作一作

宋氏

巴西巫峽連一作一作巴東朝雲觸石上  
朝雲巫峽高何已行雨行雲一時起  
一時起三春暮暮來且就陽

臺路

陽春曲

曲一作歌

吳象之

簾低曉露濕簾捲鶯聲急欲起把一作一作笙簫如凝管一作一作綠絃  
澀孤眠愁不轉點淚聲相及淨掃堦上花風來更吹入

前題

李白

長安白日照春空綠楊結煙柔一作一作裏風披香殿前花  
始紅流芳發色繡戶中繡戶中相經過飛燕皇后輕身  
舞紫宮夫人絕世一作一作歌聖君三萬六千日歲歲年年奈樂何

古樂府

卷三

十

採菱歌

歌一作詞

儲光義

濁水菱葉肥清水菱葉鮮義不遊濁水志士多苦潮  
沒具區藪潦深雲夢田朝隨北風去暮逐南風旋浦口  
多漁家相與邀我船飯稻以終日尊羹將永年方冬水  
物窮又欲休山樊盡室相隨從所貴無憂患

上雲樂

鳳臺曲

一作一作

沈佺期

八月涼風動高閣千金麗人捲綃幕已憐池上歇芳菲  
不念君恩坐搖落世上榮華一作一作如轉蓬朝隨陌幕雲中飛  
燕侍寢昭陽殿班姬飲恨長信宮長信宮

昭陽殿春來歌舞妾自知秋至榮華君不見昔時羸女  
厭世氛學吹鳳簫乘彩雲含情轉眄一作向蕭史千載  
紅顏持贈君

前題

王無競

鳳臺何逶迤羸女管參差一旦綵雲至身去無還期遺  
曲此臺上世人多學吹一吹一落淚至今憐玉姿

前題

二首後首一作鳳凰曲

李白

常聞秦帝女傳得鳳凰聲是日逢仙子當時別有情人  
吹綵簫去天借綠雲迎曲在身不返空餘弄玉名

羸女吹玉簫吟弄天上春青鸞不獨去更有攜手人影

古樂府

卷三

十一

滅彩雲斷遺聲落西秦

文康老胡辭

一作上雲集

金天之西白日所沒康老胡雛生彼月窟嵯峨客倏戾

削風骨碧玉炁炁一作皎皎雙目瞳黃金拳拳兩鬚紅

華蓋垂下睫嵩嶽臨上唇不覩詭譎貌豈知造化神大

道是文康之嚴父元氣乃文康之老親撫頂弄盤古推

車轉天輪云見日月初生時鑄冶火精與水銀陽烏未

出谷顧兔半藏身女媧戲黃土團作思下人散在六合

間濛濛若沙塵生歿了不盡誰明此胡是仙真西海戕

若木東溟植扶桑別來幾多時枝葉萬里長中國有七

聖半路頽洪荒陛下應運起龍飛入咸陽赤眉立盆子

白水興漢光叱咤四海動洪濤爲簸揚舉足蹋紫微天

關自開張老胡感至德東來進仙倡五色師子九苞鳳

凰是老胡雞犬鳴舞飛帝鄉淋漓颯沓進退成行能胡

歌獻漢酒跪雙膝並立一作兩肘散花指天舉素手拜龍

顏獻聖壽北斗戾南山摧天子九九八十一萬歲長傾

萬歲一作年杯

雅樂歌

君道曲

大君若天覆廣運無不至軒后爪牙常先太山稽如心

古樂府

卷三

十二

之使臂小白鴻翼於夷吾劉葛魚水本無二土扶

可成牆積德爲厚地

宴酒篇

一作侍宴曲

賈至

雲陛褰珠扆天墀覆綠楊隔簾妝隱隱

映向席舞低

昂鳴珮長廊靜開水廣殿涼歡餘劍履散同輦入昭陽

拂舞歌辭

夷則格上白鳩篇

李白

鏗鳴鐘考朗鼓歌白鳩引拂舞白鳩之白誰與鄰霜衣

雪襟誠可珍含哺七子能平均食不噎性安馴首

農政鳴陽春天子刻玉杖鏤形賜耆人白鷺亦白非純

眞外潔其色心匪仁關五德無司晨胡爲啄我葭下之  
紫鱗鷹鷂鵠鵠貪而好殺鳳凰雖大聖不願以爲臣

獨漉篇

獨漉水中泥水濁不見月不見月尚可水深行人沒越  
鳥從南來胡鴈亦北度我欲彎弓向天射惜其中道失  
歸路落葉別樹飄零隨風客無所託悲與此同羅幃舒  
卷似有人開明月直入無心可猜雄劍挂壁時時龍鳴  
不斷犀象繡一作溼苔生國恥未雪何由成名神鷹夢  
澤不顧鴟鵂爲君一擊搏鵬一作九天

白紵舞歌辭

古樂府

卷三

十三

白紵辭

二首

楊衡

玉纓翠珮雜輕羅香汗微漬朱顏酡爲君起唱白紵歌  
清聲最雲思繁多凝笳哀琴時相和金壺半傾芳夜促  
梁塵霏霏暗紅燭令一作君安坐聽終曲陸葉飄花難  
再復

躡珠履步瓊筵輕身起舞紅燭前芳姿艷態妖且妍迴  
眸轉袖暗催弦涼風瀟瀟漏一作水急月華泛灑紅蓮  
濕牽裙攬帶翻成泣

前題

三首

李白

揚清歌一作發皓齒北方佳人東鄰子且吟白紵停綠

水長袖拂面爲君起寒雲夜捲霜海空胡風吹天飄塞  
鴻玉顏滿堂樂一作未終館娃日落歌吹濛一無館娃

月寒天清夜沈沈美人一笑千黃金垂羅舞毅揚哀音  
郢中白雪且莫吟子夜吳歌動君心動君心冀君賞願  
作天池雙鸞鴛一朝飛去青雲上

吳刀剪綵一作縫舞衣明妝麗服奪春暉揚眉轉袖若  
雪飛傾城獨立世所稀激楚結風醉忘歸高堂月落燭  
已微玉釵挂纓君莫違

前題

二首

崔國輔

洛陽梨花落如霰河陽桃葉生復齊坐惜一作怨玉一作

古樂府

卷三

十四

樓春

欲盡紅綿粉絮裏妝啼

董賢女弟在椒風窈窕繁華貴後宮壁帶金釵皆翡翠  
一朝零落變成空

東海有勇婦代漢鞞舞歌

李白

梁山感杞妻慟一作哭爲之傾金石忽斃開都由激深  
情東海有勇婦何慙蘇子卿學劍越處子超騰一作然一作若  
流星捐軀報夫讎萬死不顧生白刃耀素雪蒼天感精  
誠十步兩跳一作躍三呼一交兵斬首掉國門蹴踏五  
藏行豁此伉儷憤粲然大義明北海李使君飛章奏天  
庭捨罪警風俗流芳播滄瀛志一作在列女籍竹帛以

光榮淳于免詔獄漢主爲緹縈津妾一棹歌脫父於嚴  
刑十子若不肖不如一女英豫讓斬空衣有心竟無成  
要離殺慶忌壯夫素所輕妻子亦何辜焚之買虛聲豈  
如東海婦事立獨揚名

琴曲歌辭

雉朝飛操

麥隴青青三月時白雉朝飛挾兩雌錦衣綺翼何離襪  
續牧采薪感之悲春天和白日暖啄食飲泉勇氣滿爭  
雄鬪死繡頸斷雉子斑奏急管絃傾心酒美盡玉碗枯  
楊枯楊爾生莫我獨七十而孤棲彈絃寫恨意不盡瞑

古樂府

卷三

十五

目歸黃泥

霹靂引

沈佺期

歲七月火伏而金生客有鼓琴於門者奏霹靂之商聲  
始戛羽以騁暑終扣宮而砰駘電耀耀兮龍躍雷闐闐  
兮雨冥氣鳴哈以會雅態歛翕以橫生有如驅千旗制  
五兵截荒虺斯長鯨孰與廣陵比意別鶴儔精而已俾  
我雄子魄動毅夫髮立懷恩不淺武義雙輯視胡若芥  
剪羯如拾豈徒慨慷中筵備羣娛之翕習哉

天馬歌

李白

天馬來出月氏窟背爲虎文龍翼骨嘶青雲振綠髮蘭

筋權奇走滅沒騰崑崙歷西極四足無一蹶雞鳴刷燕  
脯秣越神行電邁躡恍惚天馬呼飛黃一作趨目明長  
庚臆雙鳬尾如流星首渴鳥口噴紅光汗溝珠曾陪時  
龍躍天衢羈金絡月照皇都逸氣稜稜凌九區白壁如  
山誰敢沽回頭笑紫燕但覺爾輩愚天馬奔戀君軒駟  
躍驚矯浮雲翻萬里足躑躅遙瞻閭闔門不逢寒風子  
誰采逸景孫白雲在青天丘陵遠崔嵬鹽車上峻坂倒  
行逆施畏日晚伯樂剪拂中道遺少盡其力老棄之願  
逢田子方惻然爲我悲一作思雖有玉山禾不能療苦一作作  
我饑嚴霜五月凋桂枝伏櫪銜冤摧兩眉請君贖獻穆

古樂府

卷三

十六

天子猶堪弄影舞瑤池

淶水曲

淶水明秋日南湖采白蘋荷花嬌欲語愁殺蕩舟人

胡笳曲

鄭愔

漢將留邊朔遙遙歲序深誰堪牧馬思正是胡笳吟曲  
斷關山月聲悲雨雪陰傳書問一作蘇武陵也獨何心

前題

王昌齡

城南虜已合一夜幾重圍自有金笳引能露出塞衣一作能今出塞飛聽臨關月苦清入海風微三奏高樓曉胡人掩

涕歸

前題

無名氏

月明星稀霜滿野  
羶車夜宿陰山下  
漢家自失李將軍  
單于日暮公然一作來牧馬

宛轉歌

二首

劉方平

星參差明月二八燈  
五枝黃鶴一作瑤琴將別去  
芙蓉羽帳惜空垂  
歌宛轉宛轉恨無窮  
願爲潮與浪俱起  
碧流中

曉將近黃姑  
織女銀河盡  
九華錦衾無復情  
千金寶鏡誰能引  
歌宛轉宛轉傷別離  
願作楊與柳同向玉容垂

前題

宋氏

古樂府

卷三

十七

風已清月朗  
琴復鳴  
掩抑非千態  
殷勤是一聲  
歌宛轉宛轉和  
且長願爲雙黃鵠  
比翼共翱翔  
日已暮長簷  
鳥聲度此時  
望君君不來  
此時思君君不顧  
歌宛轉那能異  
棲宿願爲形與影  
出入恒相逐

雙燕離

李白

雙燕復雙燕  
雙飛令人羨  
玉樓珠閣不獨棲  
金牕繡戶長相見  
柏梁失火去  
因入吳王宮  
吳宮又焚蕩  
離盡巢亦空  
憔悴一身在  
孀雌憶故雄  
雙飛難再得  
傷我寸心中

綠竹引

宋之問

青谿綠潭潭水側  
脩竹嬋娟同一色  
徒生仙實鳳不遊  
老死空山人詎識  
妙年秉願逃俗紛  
歸卧嵩丘弄白雲  
含情傲睨慰心目  
何可一日無此君

飛龍引

二首

李白

黃帝鑄鼎於荆山  
鍊丹砂成黃金騎  
龍飛上一作去太清一作家雲愁海思令人嗟  
宮中綵女顏如花  
飄然揮手凌紫霞  
從風縱體登鸞車  
登鸞車侍軒轅  
遨遊青天中  
其樂不可言

鼎湖流水清且閒  
軒轅去時有弓劍  
古人傳道留其間  
後宮嬋娟多花一作朱顏  
乘鸞飛煙亦不還  
騎龍攀天造

古樂府

卷三

十八

天關造天關  
聞天語一作長雲河車載玉女載玉女  
過紫皇紫皇乃賜白兔所搗之藥  
方後天而老凋三光下  
視瑤池見王母蛾眉蕭颯成一作秋霜

高山引

宋之問

攀雲窈窕今上躋  
懸峰長路浩浩今此去  
何從水一曲  
今賜一曲山一重  
今悲一作愁一重松楸邈已遠  
友于何

日逢況滿室  
今童稚攢衆慮  
於心胷天高難訴  
今遠負明德一作聰却望咸京  
今揮涕龍鍾

流水曲

崔國輔

歸來日尚早  
更欲向芳洲  
渡口水流急  
回船不自由

琴歌 送別

李頎

主人有酒歡今夕請奏鳴琴廣陵客月照城頭烏半飛  
霜淒萬樹風入衣銅鑪華燭燭增輝初彈淒涼水後楚妃  
一聲已動物皆靜四座無言星欲稀清淮奉使千餘里  
敢告雲山從此始

琴歌 送尹補闕元凱

張說

鳳哉鳳哉啄琅玕飲瑤池棲崑崙之山哉中國有聖人  
感和此字氣飛來飛來自歌自舞先王冊府麒麟之臺  
羈雌衆雛故山曲其鳴喈喈其鳴喈喈欲往銜之歛去  
來去別鸞鳳心徘徊明年阿閣梧桐花葉開羣飛鳳歸  
古樂府 卷三 十九

來羣飛鳳歸來

古曲歌辭

九曲詞

三首天寶中哥舒翰攻破吐蕃以漢  
等城收黃河九曲以其地置郡因名九曲

高適

許國從來徹廟堂連年不爲在疆場將軍天下作  
上封侯印御史臺中異姓王

萬騎爭歌楊柳春千場對舞繡麒麟到處盡逢歡洽事  
相看總是太平人

鐵騎橫行鐵嶺頭西看邏逤取封侯青海只今將飲馬  
黃河不用更防秋

定情歌 一作篇

喬知之

共君結新婚歲寒心未卜相與遊春園各隨情所逐君  
愛菖蒲花妾感苦寒竹菖花多豔姿寒竹有貞葉此時  
妾比君君心不如妾簪玉步河堤妖韶援綠葉鳬鴈將  
子遊鶯燕從雙栖君念春光好妾向春光啼君時不得  
意棄妾還金閨結言本同心悲歡何未齊怨咽前致辭  
願得申所悲人間丈夫易世路婦難爲始知經天月終  
若流星馳天月相終始流星無定期長信佳麗人失意  
非蛾眉廬江小吏婦非關織作遲本願長相對今已長  
相思復有遊宦子結綬從梁陳燕居崇三朝去來歷九

古樂府

卷三

二十一

春誓心妾終始蠶桑奉所親歸願未克從黃金贈路人  
潔婦懷明義從泛河之津于今千萬年誰當問水濱更  
憶娼家樓夫婿事封侯去時恩灼灼去罷心悠悠不憐  
妾歲晏十載隴西頭以茲常惕惕百慮恒盈積由來共  
結褵幾人同匪石故歲雕梁燕雙去今來隻今日玉庭  
梅朝紅暮成碧碧榮始芬敷黃葉已漸瀝何用念芳春  
芳春有流易何用重歡娛歡娛俄戚戚家本巫山陽歸  
去路何長敘言情未盡採桑已盈筐桑榆日及景物色  
盈高岡下有碧流水上有丹桂香桂枝不須折碧流清  
且潔贈君比芳菲愛惠常不歇贈君比潺湲相思無斷

絕妾有秦家鏡寶匣裝珠璣鑑來年二八不記易陰輝  
妾無光寂寂妾至影依依今日持爲贈相識莫相違

枯魚過河泣

李白

白龍改常服偶被豫且制誰使爾爲魚徒勞訴天帝作  
書報鯨鯢勿恃風濤勢濤落歸泥沙翻遭螻蟻噬萬乘  
慎出入柏人以爲識一作識

五雜組二首

顏真卿

五雜組繡與錦往復還興又寢不得已病伏枕  
五雜組甘鹹醋往復還烏與兔不得已韶光度

劉勳妻

李白

古樂府 卷三

二十一

平虜將軍婦入門二十年君心自不悅妾寵豈能  
專出解牀前帳行吟道上篇古人不唾井莫忘昔纏綿

美女篇

王琚

東鄰美女實名媚絕代容華無比方濃纖得中非短長  
紅素天生誰飾妝桂樓椒閣木蘭堂繡戶雕軒文杏梁  
屈曲屏風繞象牀菱鏡翠帳綴香囊玉臺龍鏡洞徹光  
金爐沈煙酷烈芳遙聞行珮音鏘鏘含嬌欲笑出  
洞房二八三五閨心切褰簾捲幔迎春節清歌始發詞  
怨咽鳴琴一弄心斷絕借問哀怨何所爲盛年情多心  
自悲須臾破顏倏歛態一悲一喜併相宜何能見此不

注心惜無媒氏爲傳一作音可憐盈盈直千金誰家君  
子爲藁砧

白馬篇

李白

龍馬花雪毛一作白

金鞍五陵豪秋霜切玉劍落日明珠

袍闕雞事萬乘軒蓋一何高弓摧南山虎手接太行猱  
酒後競風采三杯弄寶刀殺人如剪草劇孟同遊遨發  
憤去函谷從軍向臨洮叱咤經百戰一作萬戰匈奴盡奔  
逃歸來使酒氣未肯拜一作下蕭曹羞入原憲室荒徑隱  
蓬蒿

前題

賈至

古樂府 卷三

二十二

白馬紫連乾嘶鳴鳴丹闕前聞珂自蹀躞不覺下金鞭

昇天行

陸龜蒙

儲光羲

真人居閭風時奏清商音聽者卽王母冷冷和恩琴坐  
對三花枝行隨五雲陰天長崑崙小日久蓬萊深上由  
玉華宮下視首陽岑神州亦清淨要自有浮沈惻惻苦  
哉行呱呱遊子吟廬山逢若士思欲化黃金雨雪沒太  
山誰能無歸心逍遙在雲漢可以來相尋

飛龍篇

留上陳左相

高適

德以精靈降時膺夢寐求蒼生謝安石天子富貴侯傳  
俎資高論巖廊挹大猷相門連戶牖卿族嗣弓裘路遠



雲開霽一作景清明月映秋能爲吉甫頌善用子房籌  
砌思攀陟門闌尚阻脩高山不易仰大匠本難投跡與  
松喬合心緣啟沃留公才山吏部書癖杜荊州幸沐千  
年聖何辭一尉休折腰知寵辱迴首見沈浮天地莊生  
馬江湖范蠡舟道遙堪自樂浩蕩信無憂去矣從黃綬  
歸歟任白頭風塵與霄漢瞻望日悠悠

種葛篇種一作黃

李白

黃葛生洛谿黃花自綿羃青煙蔓長條繚繞幾百尺閨  
人費素手采緝作絺綌縫爲絕國衣遠寄日南客蒼梧  
大火落暑服莫輕擲此物雖過時是妾手中跡

古樂府

卷三

二十三

棄婦篇婦一作妾

喬知之

妾本叢臺右君在鴈門陲悠悠淇水曲采燕入桑枝不  
因媒結好本以容相知容謝君應去情移會有離還君  
結縷帶歸妾織成詩此物雖輕賤不用使人嗤

前題棄一作去

李白

古來有棄婦棄婦有歸處今日妾辭君辭君遣何去本  
家零落盡慟哭來時路憶昔未嫁君聞君却周旋綺羅  
錦繡段有贈黃金千十五許嫁君二十移所天自從結  
髮日未幾離君緬山川家家盡歡喜孤妾長自憐幽閨  
多怨思盛色無十年相思若循環枕席生流泉流泉咽

不掃獨夢關山道及此見君歸君歸妾已老物情惡衰  
賤新寵方妍好掩淚出故房傷心劇秋草自妾爲君妻  
君東妾在西羅幃到曉恨玉貌一生啼自從離別久不  
覺塵埃厚常嫌玳瑁孤猶羨鴛鴦偶歲華逐霜霰賤妾  
何能久寒沼落芙蓉秋風散楊柳以此憔悴顏空持舊  
物還餘生欲何寄誰肯相牽攀君恩旣斷絕相見何年  
月悔傾連理杯虛作同心結女蘿附青松貴欲相依投  
浮萍失綠水教作若爲流不但君棄妾自歎妾緣業憶  
昔初嫁君小姑纔倚牀今日妾辭君小姑如妾長回頭  
語小姑莫嫁如兄夫

古樂府

卷三

二十四

妾薄命

杜審言

草綠長門掩苔青永巷幽寵移新愛奪淚落故情留啼  
鳥驚殘夢飛花攪獨愁自憐春色罷團扇復迎秋

前題

李白藥

團扇秋風起長門夜月明羞聞拊背入恨說舞腰輕太  
常先一作應已醉劉君恒帶醒橫陳每虛設吉夢竟何成

前題

武平一

有女妖且麗徘徊湘水湄水湄蘭杜芳採之將寄誰瓠  
犀發皓齒雙蛾顰翠睂紅臉如開蓮素膚若凝脂綽約  
多逸態輕盈不自持常矜絕代色復恃傾城姿子夫前

入侍飛燕復當時正悅掌中舞寧哀團扇詩洛川昔云  
遇高唐今尚違幽閣禽雀噪閒階草露滋流景一何速  
年華不可追解佩安所贈怨咽空自悲

前題

李白

漢帝重一作寵阿嬌貯之黃金屋咳唾落九天隨風生珠  
玉寵極愛還歇妬深情却踈長門一步地不肯暫迴車  
雨落不上天水覆難再一作故難收君情一作恩與妾意  
各自東西流昔日芙蓉花今成斷腸一作根草以色事他  
人能得幾時好

前題

劉元叔

古樂府

卷三

二十五

自從離別守空閨遙聞征戰赴一作起雲梯夜夜思君遠  
海北年年棄一作拋妾渭橋西陽春白日照空暖紫燕銜  
紅一作一作花向庭滿彩鸞琴裏怨聲多飛雀鏡前顏色  
斷誰家夫婿不從征應是漁陽別有情莫道紅顏燕地  
少家家還似洛陽城且逐新人殊未歸還令秋至夜霜  
飛北斗星前橫旅一作度鴈南樓月下擣寒衣夜一作更深  
聞鴈腸欲絕獨坐縫衣燈又滅一作一作暗啼羅帳  
空自憐夢度陽關向誰說每憐容貌宛如神如何  
薄命不如一作勝人待君朝夕燕山至好作明年楊柳春

前題

一作偷薄命

常理

十五玉童色雙蛾青鸞鸞鳥銜櫻桃花此時刺繡開嬌  
小恣所愛誤入金指環豔花勾引落滅燭屏風關妾怕  
愁中畫君偷薄裏還初謂來心平若案誰知別意險如  
山乍啼羅袖嬌遮面不忍看君莫惜顏

苦熱行

兼寄院中諸公

獨孤及

駟馬上太行脩途巨遠碣王程無留駕日昃未遑歇請  
問此何時恢台朱明月長蛇稽天討上將方北伐明主  
命使臣皇華得時傑已忘羊腸險豈憚溫風熱搖策汗  
滂沱登崖思紆結炎雲如煙火溪谷將恐竭晝景絕可  
畏涼颼何由發山長飛鳥墮目極行車絕趙魏方倣擾

古樂府

卷三

二十六

秦女休行

李白

西門秦氏女秀色如瓊花手揮白楊刀清書殺讎家維  
袖灑赤血英聲凌紫霞直上西山去關吏相邀遮一作為  
燕國王身被詔獄加犯刑若履虎不畏落爪牙素頸未  
及斷摧眉伏泥沙金雞忽放赦大辟得寬賒何慙一作收  
姊萬古共驚嗟

遊俠篇

三軍中諸將

崔顥

少年負膽氣好勇復知機仗劍出門去孤城逢合圍殺人遼水上走馬漁陽歸錯落金鏤甲蒙茸貂鼠衣還家行且獵弓矢速如飛地迴鷹犬疾草深狐兔肥腰間帶一作垂兩綬轉眄生光輝顧謂今日戰何如隨建威

前題 一作俠客行

李白

趙客縵胡纓吳鉤霜雪明銀鞍照白馬颯沓如流星十步殺一人千里不留行事了拂衣去深藏身與名閒過信陵飲脫劍膝前一作橫將炙啖朱亥持觴勸侯嬴三杯吐然諾五嶽倒爲輕眼花耳熱後意氣素霓生救趙揮金槌邯鄲先震驚千秋二壯士烜赫大梁城縱死俠骨香不慙世上英雄誰能書閣下白首太玄經

古樂府 卷三

二十七

行行且遊獵篇

邊城兒生年不讀一字書但將遊獵誇輕趨胡馬秋肥宜白草騎來躡影何矜一作可憐驕金鞭拂雪揮鳴鞭半酣呼鷹出遠郊弓彎一作彎滿月不虛發雙鶴迸落連飛翮海邊觀者皆辟易猛氣英風振沙磧儒生不及遊俠人白首垂一作帷復何益

前題

孟雲卿

少年多武力勇氣冠幽州何以縱心賞馬蹄春草頭遲遲平原上狐兔奔林丘猛火忽前逝俊鷹連下韝俯身

逐南北輕捷固難儔所發無不中失之如我讎豈唯務馳騁倚爾暴田疇殘殺非不痛若來良有由

前有一樽酒行 二首

李白

春風東來忽相過金樽綠酒生微波落花紛紛稍覺多美人欲醉朱顏酡青軒桃李能幾何流光欺人忽蹉跎君起舞日西一作夕當年意氣不肯平一作白髮如一作垂絲竟一作何益

古樂府 卷三

二十八

君子有所思行 二首

我思仙一作人乃在碧海之東隅海寒多天風白波連山一作倒蓬壺長鯨噴湧不可涉撫心茫茫淚如珠西來青鳥東飛去願寄一書謝麻姑紫閣連終南青冥天倪色憑崖望咸陽宮闕羅北極萬井驚畫出九衢如弦直渭水清銀河一作橫大流不息朝野盛文物衣冠何翕絕廐馬散連山軍容威絕域伊臯運元化衛霍輸筋力歌鍾樂未休一作榮人老還逼圓光過滿缺太陽移中昃不散東海金何年四輝匿無作牛山悲側愴淚沾臆

悲哉行

王昌齡

勿聽白頭吟人間易憂怨若非滄浪子安得從所願北  
上太行山臨風閱吹萬長雲數千里倏忽還膚寸觀其  
微滅時精意莫能論百年不容息是處生意蔓始悟海  
上人辭君永飛遯

前題

孟雲卿

孤兒去慈親遠客喪主人莫吟苦辛曲此曲誰忍聞可  
聞不可說去去無期別行人念前程不待參辰沒朝亦  
常苦饑暮亦常苦饑飄飄萬餘里貧賤多是非少年莫  
遠遊遠遊多不歸

古樂府

卷三

二十九

自君之出矣

李康成

自君之出矣弦吹絕無聲思君如百草撩亂逐春生

前題

張九齡

自君之出矣不復理殘機思君如滿月夜夜減清輝

前題

辛弘智

自君之出矣梁塵靜不飛思君如滿月夜夜減容輝  
自君之出矣寶鏡爲誰明思君如隴水常聞鳴咽聲

緩歌行

李頎

小來託身攀貴遊傾財破產無所憂慕擬一作經過石  
渠署朝將出入銅龍樓結交杜陵輕薄子謂言可生復

可死一沈一浮會有時棄我翻然如脫屣男兒立身須

自強十年閉戶穎水陽業就功成見明主擊鐘鼎食坐  
華堂二八蛾眉梳墮馬美酒清歌曲房下文昌宮中賜  
錦衣長安陌上退朝歸五陵賓從莫敢視三省官僚揖  
者稀早知今日讀書是悔作從前任一作俠非

鳴鴈行

李白

胡鴈鳴辭燕山昨發委羽朝度關一一銜蘆枝南飛散  
落天地間連行接翼往復還客居煙波寄湘吳凌霜觸  
雪毛體枯畏逢矰繳驚相呼聞茲虛墜良可吁君更彈  
射何爲乎

古樂府

卷三

三十

北風行

燭龍棲寒門光曜猶旦開日月照之何不及此一作不及  
落軒轅臺幽州思婦十二月停歌罷笑雙蛾摧倚門望  
行人念君長城苦寒良可哀別時提劍救邊去遭此虎

紋金鞞鞞中有一雙白羽箭蜘蛛結網生塵埃箭空在  
人今戰死不復迴不忍見此物焚之已成灰黃河捧土

尚可塞北風雨雪恨難裁

春日行

深宮高樓入紫清金作蛟龍盤繡一作楹佳人常戲弄

白日絃將手語彈鳴筆春風吹落君王耳此曲乃是片  
天行因出天池汎蓬瀛樓船感沓波浪驚三千雙蛾獻  
歌笑搗鐘考鼓宮殿傾萬姓聚舞歌太平我無爲人自  
寧三十六帝欲相迎仙人飄翻下雲軒帝不去留鎬京  
安能爲軒轅獨往入宵冥小臣拜獻南山壽陛下萬古  
垂鴻名

行路難

盧照隣

君不見長安城北渭橋邊枯木橫槎卧古田昔日含紅  
復含紫常時留霧亦留煙春景春風花似雪香車玉轡  
恒闌咽若箇遊人一作童不競攀若箇娼家不來折娼家

古樂府

卷三

三十一

寶祿蛟龍帔公子銀鞍千萬騎黃鸝一一向花嬌青鳥  
雙雙將子戲千尺長條百尺枝月桂星榆相蔽虧珊瑚  
葉上鴛鴦鳥鳳皇巢裏雛鵲兒巢傾枝折鳳歸一作去  
條枯葉落任風吹一朝憔悴無人問萬古摧殘君詎知  
人生貴賤無終始倏忽須臾難久恃誰家能駐西山日  
誰家能堰東流水漢家陵樹滿秦川行來行去盡哀憐  
自昔公卿二千石咸擬榮華一萬年不見朱唇將白  
玉貌唯聞青棘與黃泉金貂有時須換酒玉座恒惜莫  
計錢寄言坐客神仙署一生一死交情處一作能關下居  
不留白鶴山頭我應去雲間海上邈難期赤心曾合在

何時但願堯年一百萬長作巢由也不辭

前題

張紘

君不見溫家玉鏡臺提攜抱握九重來君不見相如絲  
綺琴一撫一拍鳳凰音人生意氣須及早莫負當年行  
樂心荆王奏曲楚妃歎曲盡歡終夜將半朱樓銀閣正  
平生碧草青苔坐蕪漫當春對酒不須疑視日相看能  
幾時春風吹盡燕初至此時自爲稱君意秋露萎草鴻  
始歸此時衰暮與君違人生翻覆何常定誰保容顏無  
是非

前題

崔顥

古樂府

卷三

三十二

君不見建章宮中金明枝萬萬長條拂地垂二月三  
月花如霰九重幽深君不見豔彩朝含四寶宮香風且  
吹入朝雲殿漢家宮女春未闌愛此芳香朝暮看一作來  
看去一作去心不忘攀折將安鏡臺上頭雙素手剪不  
成兩兩紅妝笑相向建章昨夜起春風一花飛落長信  
宮長信麗人見花泣憶此珍樹何嗟及我昔初在昭陽  
時朝攀暮折登玉墀只言歲歲長相對不悟今朝還相  
思

前題

賀蘭世明

君不見巖下井百尺不及泉君不見山上苗數寸凌雲

煙人生相命亦如此何苦太息自憂煎但願親友長令  
笑相逢不乏一作莫吝杖頭錢寒夜邀歡須秉燭時一作得  
長思花柳年

君不見門前柳榮耀一作時蕭索久君不見陌上花

狂風吹去落誰家一作家思婦見之歎蓬首不梳心

歷亂盛年夫婿長別離歲暮相逢色凋換

君不見芳樹枝春花落盡蜂不窺君不見梁上泥秋風

始高燕不棲蕩子從軍事征戰蛾眉嬋娟守空閨獨宿

自然堪下淚況復時聞鳥夜啼

君不見雲中月暫盈還復缺君不見林下風聲遠意難

古樂府 卷三 三十三

窮親故平生或聚散歡娛未盡樽酒空歎息青青陵上

柏茂寒能有幾人同

君不見東流水一去無窮已君不見西郊雲日夕空氛

氤羣鴈徘徊不能去一作鳴復失羣人生結交

在終始莫以升沈中路分

前題 孟雲卿

君不見高山萬仞連蒼旻天長地久成埃塵君不見長

松百尺多勁節狂風暴雨終摧折古今何世無聖賢

愛伯陽真乃天金堂玉闕朝羣仙拍手東海成桑田海

中之水慎勿枯烏鵲啄蚌傷明珠行路難艱險莫踟躕

前題

王昌齡

雙絲作縷繫銀瓶百尺寒泉轆轤上懸絲一絕不可望

似妾傾心在君掌人生意氣好遷捐只重狂花不重賢

宴罷調筆奏離鶴迴嬌轉吟泣君前君不見眼前事豈

保須臾心勿異西山日下雨足稀側有浮雲無所寄但

願莫忘前者言剝骨黃塵亦無愧行路難勸君酒莫辭

煩美酒千鐘猶可盡心中片恨何可論一聞漢主思故

劍使妾常嗟萬古魂

前題

李頎

漢家名臣楊德祖四代五公享茅土父子兄弟綰銀黃

躍馬鳴珂朝建章火浣單衣繡方領萊英錦帶玉照裳

賓客填街復滿座片言出口生輝光世人逐勢爭奔走

瀝膽隳肝惟恐後當時一顧登青雲自謂生死長隨君

一朝謝病還鄉里窮巷蒼苔絕知己秋風落葉閉重門

昨日論交竟誰是薄俗嗟嗟難重陳深山麋鹿可爲隣

魯連所以蹈東海古往今來稱達人

前題 二首 高適

長安少年不少錢能騎駿馬鳴金鞭五侯相逢大道邊

美人絃管爭留連黃金如斗不敢惜片言如山莫棄山

安知顛顚讀書者暮宿靈臺私自憐

君不見富家翁舊一作昔時貧賤誰比數一朝金多結豪貴百事勝人健如虎子孫成行一作生滿眼前妻能管絃妾歌一作能舞自矜一身忽如此却笑傍人獨愁苦東鄰少年安所如席門窮巷出無車有才不肯學干謁何用年年空讀書

前題 三首

李白

金樽清一作美酒斗十千玉盤珍羞直萬錢停杯投箸不能食拔劍四顧心茫然欲渡黃河水塞川將登太行雪暗天一作滿山閒來垂釣坐谿上忽復乘舟夢日邊行路難行路難多岐路今安在長風破浪會有時直挂雲帆濟滄海

卷三

三十五

大道如青天我獨不得出羞逐長安社中兒赤雞白雉一作狗賭梨栗彈劍作歌奏苦聲曳裾王門不稱情淮陰市井笑韓信漢朝公卿一作侯忌賈生君不見昔時燕家重郭隗擁篲折節一作腰無嫌猜劇辛樂毅感恩分輸肝剖膽効俊一作英才昭王白骨縈蔓草誰人更掃黃金臺行路難歸去來有耳莫洗潁川水有口莫食首陽蕨含光混世貴無名何用孤高比明一作雲月吾觀自古賢達人功成不退皆殞身子胥既棄吳江上屈原終投湘水濱陸機雄一作英

才一作多豈自保李斯稅駕苦不早華亭唳鶴詎可聞上蔡蒼鷹何足道君不見吳中張翰稱一作真達生秋風忽憶江東行且樂生前一杯酒何須身後千載名

前題 軍中同辛常伯作

駱賓王

君不見玉關塵色暗邊庭銅鞮雜虜寇長城天子按劍徵餘勇將軍受脤事橫行七德龍韜開玉帳千重龜壘一作動一作金鉦陰山苦霧埋高壘交河孤月照連營連營去去無窮極擁旆遙遙過絕國陣雲朝結晦天山寒沙夕漲迷踈勒龍鱗水上開魚貫馬首山前振鵬翼長驅萬里警祁連分麾三令武功宣百發烏號遙碎柳

卷三

三十六

古樂府 七尺龍文迴照蓮春來秋去移灰琯蘭閨柳市芳塵斷鴈門迢遞尺書稀驚被相思雙帶緩行路難行路難無此字三誓令氛祲靜皋蘭但使封侯龍額貴詎隨中婦鳳樓寒

前題

辛常伯

君不見封狐雄虺自成羣憑深負固結妖氛玉璽分兵徵惡少金壇授律動將軍將軍擁麾宣廟略戰士橫戈靜夷落長驅一息背銅梁直指三危一作巴登一作劍閣閣道岩巖起一作上戍樓劒門遙裔俯靈丘叩關九折無平路江上雙源有急流征役無期返他鄉歲華晚杳杳



丘陵出蒼蒼林薄遠途危紫蓋峰路澁青泥坂去去指  
哀牢行行入不毛絕壁千重險連山四望高中外分區  
宇夷夏殊風土交趾枕南荒昆彌臨北戶川原饒毒霧  
谿谷多淫雨行潦四時流崩查一作巖千歲古漂梗飛蓬  
不暫安捫蘿引葛陟一作度危巒昔時聞道從軍樂今日  
方知行路難滄江綠水東流駛炎州丹徼南中地南中  
南斗映星河秦關秦塞阻煙波三春邊地風光少五月  
瀘州瘴癘多朝驅疲斥候夕息倦樵歌向月響繁弱連  
星轉太阿重義輕生懷一顧東伐西征凡幾度夜夜朝  
朝斑鬢新年年歲歲戎衣故灞城隅滇池水天涯望轉

古樂府

卷三

三十七

積地際行無已徒覺炎涼節物非不知關山千萬里棄  
置勿重陳重陳一作征行多苦辛且悅清笳梅柳曲詠憶芳  
園桃李人絳節紅旗分日羽丹心白刃酬明主但令一  
被君王知誰憚三邊征戰苦行路難行路難岐路幾一  
端無復歸雲憑短翰空餘望日想長安

變行路難

王昌齡

向晚橫吹悲風動馬嘶合前驅引旗一作旂節千里陣雲  
匝單于下陰山沙礫空颯颯封侯取一戰豈復念聞聞  
空城雀  
李白  
嗷嗷空城雀身計何戚促本與鵲鵲羣不隨鳳凰成提

攜四黃口飲乳未嘗足食君糠粃餘常恐鳥為逐一作  
耻陟太行險羞營覆車粟天命有定端守分絕所欲

夜坐吟

冬夜夜寒覺夜長沈吟久坐坐北堂米合井泉月入閨  
金缸青凝照悲啼金缸滅啼轉多掩妾淚聽君歌歌有  
聲妾有情情聲合兩無違一語不入意從君萬曲梁塵  
飛

結客少年場行

虞世南

韓魏多奇節倜儻遺聲名一作利其矜然諾心一作情各負  
縱橫志一作意結交一言重相期千里至綠沈明月弦金

古樂府

卷三

三十八

絡浮雲響吹簫入吳市擊筑遊燕肆尋源博望侯結客  
遠相求少年懷一顧長驅背隴頭談談戈雷動吹吹劍  
虹浮天山冬夏雪交河南北流雲一作風起龍沙暗木落  
鴈門秋輕生殉知己非是為身謀

前題

盧照隣

長安重遊俠洛陽富才雄玉劍浮雲騎金鞭明月關  
雞過渭北走馬向關東孫賓遙見待郭解暗相識不受  
千金爵誰論萬里功將軍下天上虜騎入雲中烽火夜  
似月兵氣曉成虹橫行徇知己負羽遠從戎龍虎皆列  
霧鳥陣捲胡風追奔瀚海咽戰罷陰山空歸來胡人

何如馬上翁

前題

虞羽客

幽并俠少年金絡控連錢竊符方救趙擊筑正懷燕輕  
生辭鳳闕揮袂上祈連陸離橫寶劍出沒驚徂旃蒙輪  
恒顧敵超乘忽一作總爭先摧枯逾百戰拓地遠三千骨  
都魂已散樓蘭首復傳龍城含宿一作曉霧瀚海接一作隔  
遙天歌吹金微返振旅玉門旋烽火今已息非復照甘  
泉

前題

李白

紫燕黃金瞳稜稜一作啾啾搖綠髮平明相馳逐結客洛門  
古樂府 卷三 三十九

東少年學劍術凌轅白猿公珠袍曳錦帶匕首插吳鴻  
由來萬夫勇挾此生雄一作英風託交從劇孟買醉入新  
豐笑盡一杯酒殺人都市中羞道易水寒從一作從今日  
貫虹燕丹事不立虛沒秦帝宮舞陽死灰人安可與成  
功

少年子

青雲少年子挾彈章臺左鞍馬四邊開突如流星過金  
丸落飛鳥夜入瓊樓卧夷齊是何人獨守西山餓

前題

一作少年行

鄭愔

頽川豪橫客咸陽輕薄兒田實方貴幸趙李新相知軒

蓋終朝集笙竿此夜吹黃金盈篋筇白日忽西馳

前題

二首

王昌齡

西陵俠少年送客短長亭青槐夾兩路白馬如流星聞  
道羽書急單于寇并陞氣高輕赴難誰顧燕山銘  
走馬遠相尋西樓下夕陰結交期一劍留意贈千金高  
閣歌聲遠重門柳色深夜闌須盡飲莫負百年心

前題

李白

擊筑飲美酒劍歌易水涓經過燕太子結託并州兒少  
年負壯氣奮烈自有時因聲魯勾踐爭博勿相欺

前題

芮挺章

古樂府

卷三

四十

任氣稱張放銜恩在少年玉階朝就日金屋夜昇天  
騎青雲際笙歌綠水邊建章明月好留醉伴風烟

前題

李百藥

少年飛翠蓋上路勒一作勒金鑣始酌文君酒新吹弄玉  
簫少年不歡樂何以盡芳朝千金笑裏面一榻掌一作  
中腰挂纓一作冠豈憚宿落珥一作迎拜不勝嬌寄語少年子  
無辭歸路遙

少年行

張昌宗

少年不識事落魄遊韓魏珠軒流水車玉勒浮雲騎  
橫意不一然諾心無二白璧贈穠蕢黃金奉玉童妙舞

飄龍管清歌吟鳳吹三春小花遊千日中山醉直言身  
可沈誰論名與利依倚孟嘗君自知能市義

前題

李白

君不見淮南少年游俠客白日毬獵夜擁擲呼盧百萬  
終不惜報讎千里如咫尺少年游俠好經過渾身裝束  
皆綺羅蘭蕙相隨喧妓女風光去處滿笙歌驕矜自言  
不可有俠士堂中養來久好鞍好馬乞與人十千五千  
旋沽酒赤心用盡爲知己黃金不惜裁桃李桃李裁來  
幾度春一回花落一回新府縣盡爲門下客王侯皆是  
平交人男兒百年且樂命何須狗書爲貧病男兒百年  
古樂府 卷三 四十二

前題

四首

王維

新豐美酒斗十千咸陽遊俠多少年相逢意氣爲君飲  
繫馬高樓垂柳邊  
出身仕漢羽林郎初隨驃騎戰漁陽孰知不向邊庭苦  
縱死猶聞俠骨香  
一身能擘兩雕弧虜騎千重一作只似無偏坐金鞍調

白羽紛紛射殺五單于

漢家君臣歡宴終高議雲臺論戰功天子臨軒賜侯印  
將軍佩出明光宮

前題

三首

李嶷

十八羽林郎戎衣侍一作漢王臂鷹金殿側挾彈玉輿  
傍馳道春風起陪遊出建章

侍獵長楊下承恩更射飛塵生馬影滅箭落鴈行稀  
暮隨天仗聯翩入瓊闈

王劔膝邊一作橫金杯馬上傾朝遊茂陵道夜宿鳳凰  
城豪吏多猜忌無勞問姓名

古樂府

卷三

四十二

前題

吳象之

承恩借獵小平津使氣常遊中貴人一擲千金渾是膽  
家無四壁不知貧

前題

三首

杜甫

馬上誰家白面郎臨階下馬坐人牀不通姓字一作應安  
指點銀瓶索酒嘗  
莫笑田家老瓦盆自從盛酒長兒孫傾金一作注玉一作注  
人眼共醉終同卧竹根  
巢燕養雛渾去盡江花結子也一作無多黃衫年少  
宜數不見堂前東逝波

出自薊北門行

李白

虜陣橫北荒胡星耀精芒羽書速驚電烽火晝連光虎  
竹救邊急戎車森已行明主不安席按劍心飛揚推轂  
出猛將連旗登戰場兵威衝絕漠殺氣凌穹蒼列陣作  
卒赤山下開營紫塞傍孟冬風沙緊旌旗颯凋傷畫角  
悲海月征衣卷天霜揮刃斬樓蘭彎弓射賢王單于一  
平蕩種落自奔亡收功報天子歌舞行一作歸咸陽

朗月行

張漸

朗月照簾幌清夜有餘姿洞房怨孤枕挾瑟愛前墀萱  
草已數葉梨花復過枝去歲草始榮與君新相知今年  
古樂府 卷三 四十三

花未落誰分生別離代情難重論人事好乖移合比月  
華滿分同月易虧虧月當再圓人別星隕天吾欲竟此  
曲意深不可傳歎息孤鸞鳥傷心明鏡前

前題

李白

小時不識月呼作白玉盤又疑瑤臺鏡飛上一作青  
雲端仙人垂兩足桂樹何團團白兔擣藥成問誰  
與餐蟾蜍蝕圓影大明夜已殘昇昔落九烏天人清且  
安陰精此淪惑去去不足觀憂來其如何惻一作慘惟  
心肝

長相思

宋氏

長相思久離別關山阻風煙絕臺上鏡文銷袖中書字  
滅不見君形影何曾有懽悅

前題

蘇頌

君不見天津橋下東流水南望龍門北朝市楊柳青青  
宛地垂桃紅李白花參差花參差柳堪結此時憶君心  
斷絕

前題 三首

李白

長相思在長安絡緯秋啼金井闌微一作霜淒淒簾色  
寒孤燈不明一作又作眠思欲絕卷帷望月空長歎美人如  
花隔雲端一作佳期上有青冥之高天下有淥水之

古樂府

卷三

四十四

波瀾天長路遠魂飛苦夢行不到關山難長相思摧心  
肝

肝

日色已一作欲盡花含烟月明欲素愁不眠趙瑟初停鳳

凰柱蜀琴欲奏鶯鶯絃此曲有意無人傳願隨春風寄  
燕然憶君迢迢隔青天昔時一作日橫波目今爲一作成

流淚泉不信妾腸斷歸來看取明鏡前

美人在時花滿堂美人去後餘空牀牀中繡被卷不寢  
一作更至今三載聞餘一作猶聞香香亦竟不滅人亦竟不

來相思黃葉落一作盡白露濕青苔

前題

劉復

長相思在桂林蒼梧山遠瀟湘深秋堂零淚倚金瑟朱顏搖落隨光陰長宵嘹唳鴻命侶河漢蒼蒼隔牛女寧知一水不可渡況復萬山脩且阻綵絲織綺文雙鴛昔時贈君君可憐何言一去瓶落井流塵歌滅金爐前

邯鄲才人嫁爲廝養卒婦

李白

妾本叢臺女揚蛾入丹闕自倚顏如花寧知有凋歇一辭玉階下去若朝雲沒每憶邯鄲城深宮夢秋月君王不可見惆悵至明發

王孫遊

崔國輔

自與王孫別頻看黃鳥飛應由春草誤着處不成歸

古樂府

卷三

四十五

秋夜長

王勃

秋夜長殊未央月明露白澄清光層城綺閣遙相望遙相望川無梁北風受節南鴈翔崇蘭委質時菊芳鳴環曳珮履一作出長廊爲君秋夜擣衣裳纖羅對鳳凰丹綺雙鴛鴦調砧亂杵思自傷思自傷無此二字征夫萬里戍他鄉鶴關音信斷龍門道路長君在天一方寒衣徒自香

前題二首一作秋夜曲

王維

丁丁漏水夜何長漫漫輕雲露月光秋逼暗蟲通夕響寒衣未寄莫飛霜

桂魄初生秋露微輕羅已薄未更衣銀箏夜久殷勤弄心怯空房不忍歸

中山孺子妾歌

李白

中山孺子妾特以色見珍雖然一無然字不如延年妹亦是當時絕世人桃李出深井花豔驚上春一貴復一賤關天豈由身芙蓉老秋霜團扇羞網塵戚姬髡一作髮入春市萬古共悲辛

臨江王節士歌

洞庭白波木葉稀燕鴻始入吳雲飛吳雲寒燕鴻苦風號沙宿瀟湘浦節士感悲一作秋淚如雨白日當天心照

古樂府

卷三

四十六

之可以事明主壯氣一作士憤寒一作雄風生安得倚天劍跨海斬長鯨

東飛伯勞歌

張柬之

青田白鶴丹山鳳婺女姮娥兩相送誰家絕世綺帳前豔粉紅脂映寶鈿窈窕玉堂寒翠幙參差繡戶懸珠箔絕世三五愛紅粧冶袖長裾蘭麝香春去花枝俄易改可歎年光不相待

前題

李嶠

傳書青鳥迎蕭鳳巫嶺荆臺數通夢誰家窈窕住因樓五馬千金照陌頭羅裙玉珮當軒出點翠施紅競春日

佳人二八盛舞歌羞將百萬呈雙蛾庭前芳樹朝夕收  
空駐妍一作年華欲誰待

前題

李暇

秦王龍劒燕后琴珊瑚寶匣鑄雙心誰家女兒抱香枕  
開衾滅燭願侍寢瓊窓半上金縷幃輕羅掩一作隱面不  
遮羞青綺帷一作帳中坐相憶紅鸞鏡裏見愁色簷花照  
月鶯對棲空將可憐暗中啼

春江曲

郭元振

江水春沈沈上有雙竹林竹葉壞水色郎亦壞人心

茱萸女

萬楚

古樂府

卷三

四十七

山陰柳家女九日采茱萸復得東鄰伴雙為陌上妹  
揄一作花向枝着一作高髻結子置長裾一作性常遲緩非關詫  
丈夫平明折林樾日入返城隅一作賈客要羅袖行人  
挑短書蛾眉自有主年少莫踟躕

樹中草

李白

鳥銜野田草誤入枯桑裏客土植危根逢春猶不死草  
木雖無情因依尚可生如何同枝葉各自有枯榮

娼樓怨節

劉方平

上苑離離鶯度昆明幕幕蒲生時光春華可惜何須對  
鏡含情

春閨思

一作閨人春思

王維

愁見遙空百丈絲春風挽斷更傷離閒花落盡青苔地  
盡日無人誰得知

愁閨怨

鄭愔

征客向輪臺幽閨寂不開音書秋鴈斷機杼夜蛩催虛  
幌風吹葉閒階露濕一作染苔自憐愁思影常共月徘徊

秋閨

沈祖仙

白馬三軍客青蛾十載思玉庭霜落夜羅幌月明時鑑  
冷蜘蛛喜燈高熠燿期愁多不可曙流涕坐空幃

前題

邵士彥

古樂府

卷三

四十八

斜日空庭暮幽閨積恨盈細風吹帳冷微月度窓明怨  
坐啼相續愁眠夢不成調琴欲有弄畏作斷腸聲

閨思

徐彥伯

征客戍金微愁閨獨掩扉塵埃生半榻花絮落殘機  
暖蠶初卧巢昏燕欲歸春風日向盡銜涕作征衣

閨怨

沈如筠

鴈盡書難寄愁多夢不成願隨孤月影流照伏波營

前題

一作張炫

張法

去年離別鴈初歸今夜裁縫螢已飛征客未一作來  
音信斷不知何處寄邊一作寒衣

前題

王昌齡

閨中少婦不曾愁春日凝妝上翠樓忽見陌頭楊柳色  
悔教夫婿覓封侯

夜夜曲

王偃

北斗星移銀漢低班姬愁思鳳城西青槐陌上行入絕  
明月樓前烏夜啼

生別離

孟雲卿

結髮生別離相思復相保何如日已久五變庭中草渺  
渺天海途悠悠吳江島但恐不出門出門無遠道遠道  
行既難家貧衣復單嚴風吹積雪晨起鼻何酸人生各

古樂府

卷三

四十九

有戀豈不懷所安分明天上日生死誓同觀

古別離

一作趙微明

張彪

別離無遠近事歡情亦悲不聞車輪聲後會將何時去  
日忘寄書來日垂前期縱知明當返還一息

萬思

前題

一作思歸

趙微明

爲別未幾日一日如三秋猶疑望可見日日上高樓唯  
是分手處白蘋滿芳洲寸心寧死別不忍生離愁

前題

王緒

下階欲離別相對映蘭叢含辭未及吐淚落蘭叢中

堂靜秋日羅衣飄暮風誰能待明月迴首見牀空

前題

沈佺期

白水東悠悠中有西行舟舟行有返櫂水去無還流  
何生別者戚戚懷遠遊遠遊誰當惜所悲會難收自君  
聞芳躡一作青陽四五道皓月掩蘭室光風虛蕙樓相  
思無明晦長歎累春秋離居久一作遲暮高駕何淹留

前題

王適

昔歲驚楊柳高樓悲獨守今年芳樹枝孤棲怨別離珠  
簾畫不捲羅幔曉長垂苦調琴先覺愁容鏡獨知頻年  
鴈度無消息罷却一作篇文何用織夜還羅帳空有情

古樂府

卷三

五十

春著裙腰目無力青軒桃李落紛紛紫庭蘭蕙日  
氛氲已能憔悴今如此更復含情一待君

前題

常理

君御狐白裘妾居絳綺嚳粟鈿金夾膝花錯玉搔頭離  
別生庭草征衣斷成樓蠟蛸網清曙菡萏落紅秋小膽  
空房怯長眉滿鏡愁爲傳兒女意不用遠封侯

前題

孟雲卿

朝日上高臺離人怨秋草但見萬里天不見萬里道  
行本迢遠一作遠苦樂良一作難保宿昔夢同衾安心常  
傾倒含酸欲誰訴展轉傷懷抱結髮年已近行



去何早寒暄有時謝憔悴難再好人皆等年壽死者何曾老少壯無見期水深風浩浩

獨不見

王訓

日晚宜春暮風軟上林朝對酒近初節開樓蕩夜石橋通小澗竹路上青霄持底誰見許長愁成細腰

前題

李白

白馬誰家子黃龍邊塞兒天山三丈雪豈是遠行時春蕙忽秋草莎雞鳴曲池風摧寒機響月入霜闥悲憶與君別年種桃齊蛾眉桃今百餘尺花落成枯枝終然獨不見流淚空自知

古樂府 卷三

五十一

前題

沈佺期

盧家少婦鬱金香海燕雙棲玳瑁梁九月寒砧催木葉十年征戍憶遼陽白狼河北音書斷丹鳳城南秋夜長誰爲含愁獨不見更教明月照流黃

秦女卷衣

李白

天子居未央妾來一作侍卷衣裳顧無紫宮寵敢拂黃金牀水至亦不去熊來尚可當微身奉日月飄若螢火一作之光願君采葑菲無以下體妨

前題

崔國輔

雖入秦帝宮不上秦帝牀夜夜玉牕裏與他卷衣一作誰

裳

春怨 一作陽春怨

許景先

紅樹曉鶯啼春風暖翠閨雕籠熏繡被珠履踏金堤芍藥花如吐菖蒲葉正齊藁砧當此日行役向遼西

前題

崔巨

夜靜夢初驚紗窓早霧明曉妝脂粉薄春服綺羅輕妾有今朝恨君無舊日情愁來理絃管皆是斷腸聲

前題

孟浩然

佳人能畫眉妝罷出簾帷照水空自愛折花將遺誰春情多豔逸春意倍相思愁心劇楊柳一種亂如絲

古樂府

卷三

五十二

前題

鄭情

春朝物候妍愁婦鏡臺前風吹數蝶亂露洗百花鮮試出塞羅幌還來着錦筵曲中愁夜夜樓上別年年不及隨蕭史高飛向紫煙

前題

金昌緒

打起一作黃鶯兒莫教枝上啼幾迴一作啼時驚妾夢不得到遼西

前題 二首

劉方平

紗幮日落漸黃昏金屋無人見淚痕寂寞空庭春欲晚梨花滿地不開門

朝日殘鶯伴妾啼開簾只見草萋萋庭前時有東風入  
楊柳千條盡向西

前題

李白

白馬金羈遶海東羅幃繡被卧春風落月低軒窺燭盡  
飛花入戶笑牀空

春思

酬杜獻臺

崔湜

春還上林花滿洛陽城驚衾夜寢思龍鏡曉含情憶  
夢殘燈落離魂暗馬驚可憐朝與暮樓上獨盈盈

前題

李白

燕草如碧絲秦桑低綠枝當君懷歸日是妾斷腸時春  
古樂府 卷三 五十三

風不相識何事入羅幃

前題

二首

賈至

草色青青柳色黃桃花歷亂李花香東風不爲吹愁去  
春日偏能惹恨長

紅粉當爐弱柳垂合花臘酒解酴醾笙歌日暮能留客  
醉殺長安輕薄兒

秋思

李白

春陽如昨日碧樹鳴黃鸝蕪然蕙草暮颯爾涼風吹天  
秋木葉下月冷莎雞悲坐愁羣芳歇白露周華滋

前題

一作李白

王昌齡

關氏黃葉落妾望自一作白登臺月出一作海上碧雲斷單于  
一作悲蕙草摧

雜曲

王勃

智瓊神女來訪文君蛾眉始約羅裙一作袖初薰歌齊曲  
韻舞亂行分若向陽臺薦枕何啻得勝朝雲

荊州樂

樂一作歌

李白

白帝城邊足風波瞿塘五月誰敢過荊州麥熟鵲成蛾  
綠絲憶君頭緒多撥轂飛鳴奈妾何

發白馬

古樂府

卷三

五十四

將軍發白馬旌節渡黃河蕭鼓聒川嶽滄溟湧濤一作洪  
波武安有振瓦易水無寒歌鐵騎若雪山飲流涸渾沱

揚兵獵月窟轉戰略朝那倚劍登燕然邊鋒列峩峩蕭  
條萬里外耕作五原多一掃清大漠包虎戢金戈

春旦有所思

和杜主簿

蘇頌

朝上高樓上俯見洛陽陌搖蕩吹花風落英紛已積美  
人不共此芳好空所惜攬鏡塵網滋當窓苔蘚碧細懷

在雲漢良願睽枕席翻似無見時如何久爲客

結襪子

李白

燕南壯士吳門豪筑中置鉛魚隱刀感君恩重許君命

太山一擲輕鴻毛

擣衣篇

劉希夷

秋天瑟瑟夜漫漫夜白風清玉露溥燕山遊子夜裳溥  
秦地佳人閨閣寒欲向樓中縈楚練還來機上裂齊紈  
攬紅袖今愁徙倚盼青砧今悵盤桓盤桓徙倚夜已久  
螢火雙飛入簾牖西北風來吹細腰東南月上浮纖手  
此時秋月可憐明此時秋風別有情君看月下參差影  
爲聽莎間斷續聲絳河轉今青雲曉飛鳥鳴今行人少  
橫眉緝縷思紛紛對影穿針魂悄悄聞道還家未有期  
誰憐登隴不勝悲夢見形容亦舊日爲許裁縫改昔時

古樂府

卷五

五十五

只爲思君淚相續

前題

李白

閨裏佳人年十餘頻蛾對影恨離居忽逢江上春歸燕  
銜得雲中尺素書玉手開緘長歎息狂一作征夫猶戍交  
河北萬里交河水北流願爲雙鳥一作燕泛中洲一作居邊雲  
擁青絲騎妾處苔生紅粉樓樓上春風日將歇誰能覓  
鏡看愁髮曉吹弦管隨落花夜擣戎衣向明月明月高  
高刻漏長真珠簾箔掩蘭堂橫垂寶幄同心結半拂  
延蘇合香瓊筵寶幄連枝錦燈燭燐燐照孤寂有使

便憑將金剪刀爲君留下相思枕摘盡庭蘭不見君紅  
巾拭淚坐一作生氤氲明年若更征邊塞願作陽臺一段  
雲

前題

吳大江

沙塞秋應晚金閨恨已空那堪裂紈素時許出房櫳杵  
影弄寒月砧聲調夜風裁縫雙淚盡萬里寄雲中

前題

杜甫

亦知戍不返秋至拭清砧已近苦寒月况經長別心寧  
辭擣衣倦一寄塞垣深用盡閨中力君聽空外音

前題

沈宇

古樂府

卷三

五十六

日暮遠天青霜風入後庭洞房寒未掩砧杵夜冷冷

千里思

李白

李陵沒胡沙蘇武還漢家迢迢五原關朔雪亂邊花  
如花一作雪一去隔絕國思歸但長嗟鴻鴈向西北因

書報天涯

高句驪

金花折風帽白馬小遲回翩翩舞廣袖似鳥游東來

神仙篇

四首一作遊仙

王績

暫出東陵路過訪北嶺前蔡經新學道王烈舊成仙駕  
鶴來無日乘龍去幾年三山銀作地八洞玉爲天金

飛欲盡石髓溜應堅自悲生世促無暇待桑田  
上月芝蘭徑中巘紫翠房金壺新練乳玉金始煎香六  
局黃公術三門赤帝方吹沙聊作鳥動石試爲羊緱氏  
還程促瀛洲會日長誰知北巘下延首詠霓裳  
結衣尋野路負杖入山門道士言無宅仙人更有村斜  
谿橫桂渚小徑入桃源玉牀塵稍冷金爐火尚溫心疑  
遊北極望似陟西崑逆愁歸舊里蕭條訪子孫  
真經知那是仙骨定何爲許邁心長切稽康命似奇桑  
疎金闕迴苔重石梁危照水然犀角遊山費虎皮鴨桃  
聞已種龍竹未經騎爲向天仙道樓遑君詎知

古樂府

卷三

五十七

步虛詞

四首奉勅撰一作道家詞

張說

金埽曙曙闌真氣肅微微落月銜仙竇初霞拂羽衣香  
隨龍節下雲逐鳳簫飛暫往蓬萊戲千年始一歸  
窈窕流精觀深沈紫翠庭金奩調上藥寶案讀仙經作  
賦看神雨乘槎辨客星祗應謝人俗輕舉託雲輶  
金爐承道訣玉牒啓玄機雲逐笙歌度星流宮殿飛乘  
風嬉浩蕩窺月弄光輝唯有三山鶴應同千載歸  
道記開中籙真官表上清焚香三鳥至鍊藥九仙成天  
上靈書下空中妙妓迎迎來出烟霧渺渺戲蓬瀛

前題

十二首一作草渠牟

吳筠

紫府與玄洲誰來物外遊無煩騎白鹿不用駕青牛金  
化顏應駐雲飛鬢不秋仍聞碧海上更用玉爲樓  
玉樹雜金花天河織女家月邀丹鳳鳥風送紫鸞車霧  
縠籠綃帶雲屏列錦霞瑤臺千萬里不覺往來賒  
扶桑誕初景羽蓋凌晨霞倏歛造西域嬉遊金母家碧  
津湛洪源灼爍敷荷花煌煌青琳宮璨璨列玉華真氣  
溢絳府自然思無邪俯矜區中士天濁良可嗟  
瓊臺劫萬仞孤映大羅表常有三素雲凝光自飛遶羽  
童泛明霞升降何縹緲鸞鳳嘯雅音栖翔絳林杪玉虛  
無晝夜靈景何皎皎一覩太上京方知衆天小

古樂府

卷三

五十八

二氣播萬有化機無停輪而我操其端乃能出陶鈞寥  
寥太漠上所遇皆清真澄瑩含元和氣同自相親絳樹  
結丹實紫霞流碧津以茲保童嬰永用超形神  
稟化凝正氣鍊形爲真仙忘心符元宗返本叶自然帝  
乙集絳宮流光出丹玄元英與桃君朗咏長生篇六符  
煥明霞百闕羅紫烟飈車涉寥廓靡靡乘景遷不覺雲  
路遠斯須九萬天  
灼灼青華林靈風振瓊柯三光無冬春一氣清且和迴  
首迴結靈傾眸親曜羅豁落制六天流鈴威百魔絳縣  
慶不極誰謂椿齡多

爰從太微上四觀虛皇尊騰我八景輿威遲入天門既  
登玉晨庭肅肅仰紫軒敢問龍漢末如何開乾坤怡然  
輟雲璈告我希夷言幸聞至精理方見造化源

晨吸丹景入夜飲黃月百關彌惆悵方寸益清越栖神  
合虛無洞覽周恍惚不覺隨玉皇焚香詣金闕

怡神在靈府皎皎含清澄仙經不吾欺輕舉信有徵疇  
昔希道念而今果天稔豈非陰功著乃致白日昇焉用  
過洞府吾其越朱陵

予因詣金闕飛蓋超西極遂入素中天停輪大濛側若  
古樂府 卷三 五十九  
華拂流影不使白日匿傾曦復停午六合無暝色造化  
隨感遷此理誰能測

高昇紫極上宴此玄都岑玉蕊散奇香瓊柯流雅音靈  
風生太漠習習吹人襟體混希微廣神凝空洞深蕭然  
宇宙外自得乾坤心

昔昔鹽 無名氏  
碧落風煙外瑤臺道路賒如何連御苑別自有仙家此  
地回鸞駕緣溪滿翠華洞中明月夜牕下發煙霞

于闐采花 李白  
于闐采花人自言花相似明妃一朝西入胡胡中美女

多羞死乃知漢地多名姝胡中無花可方比丹青能令  
醜者妍無鹽翻在深宮裡自古妬蛾眉胡沙埋皓齒

沐浴子  
沐芳莫彈冠浴蘭莫振衣處世忌太潔志至一作人貴藏  
輝滄浪有釣叟吾與爾同歸

長干曲 四首一作江南曲 崔顥  
君家何處住一作定 妾住在橫塘停船暫借問或恐是  
同鄉

家臨九江水來去九江側同是長干人生小不相識  
下渚多風浪蓮舟漸覺稀那能不相待獨自逆送一作潮  
古樂府 卷三 六十

歸  
三江潮水急五湖風浪湧由來花性輕莫畏逆舟重  
前題 一作李白 張潮

憶妾昔一作深閨裏煙塵不曾識嫁與長干人沙頭候風  
色五月南風興思君下巴江一作陵八月西風起想  
君發揚子去來一作時 悲如何見少離別多湘潭幾日

人又到妾夢越常一作風波昨夜狂風度吹折江頭樹  
森暗無邊行人在何處北客真一作王公朱衣滿江  
江中薄日一作暮來投宿數朝不肯東上四句好乘浮雲

驄佳期蘭渚東鴛鴦綠浦上翡翠錦屏中自憐十五餘

顏色桃花紅那作商人婦愁水復愁風

前題 一作長干行

李白

妾髮初覆額折花門前劇郎騎竹馬來遶牀弄青梅同居長千里兩小無嫌猜十四爲君婦羞顏未嘗一作開

低頭向暗壁千喚不一迴十五始展眉顏同塵與灰常

存抱柱信豈一作上望夫臺十六君遠行瞿塘灘瀾堆

五月不可觸猿聲一作天上哀門前遲一作行跡一一

生綠一作苔苔深不能掃落葉秋風早八月蝴蝶黃雙

飛西園草感此傷妾心坐愁紅顏老早晚下三巴預將

書報家相迎不道遠直至長風沙

古樂府 卷三 六十一

小長干曲 崔國輔

月暗送潮風相尋路不通菱歌唱不徹知在此塘中

盧女曲 崔顥

二月春來半宮中日漸長柳垂金屋暖花覆玉樓香拂

匣先臨鏡調笙更炙簫還將盧女曲夜夜奉君王

古歌 沈千運

北邙不種田但種松與柏松柏未生處留待市朝客

古歌二首 薛維翰

美人怨何深含情倚金閣不頻復不語紅一作淚雙雙

落

美人閉紅燭獨坐裁新錦頻放剪刀聲夜寒知未寢

古歌

沈佺期

落葉流風向玉臺夜寒秋一作寒思洞房開水晶簾外

金波下雲母窓前銀漢迴玉階陰陰苔蘚色君王履綦

難再得璇閨窈窕秋夜長繡戶徘徊明月光燕姬綵帳

芙蓉色秦女金爐蘭麝香北斗七星橫夜半清歌一曲

斷君腸

古歌

高適

君不見漢家三葉從代至高皇舊臣多富貴天子垂衣

方晏如廟堂拱手無餘議蒼生偃臥休征戰露臺百金

古樂府 卷三 六十二

以爲費田舍老翁不出門洛陽少年莫論事

雜擬

漁山神女祠

歌二首序曰魏齊北從事張猛

成公字智瓊東郡人早失父苦天地和風雨

令得下嫁後三四日一來即乘輜輶衣羅綺

瓊能隱其形不能藏其聲且芬香達于室宇

爲人知神女乃別去留贈襦衫襦後五年

使將之洛西至清北山下臨上王維

遙望曲道顧有車馬似智瓊焉

坎坎擊鼓魚山之下吹洞簫望極浦女巫進紛屢舞陳

瑶席湛清醕風淒淒今一作夜雨神之來今不來使我

心兮苦復苦一作不知神之來不來使我心苦

紛進拜兮堂前目眷眷兮瓊筵來不語一作今意不傳

作暮雨兮愁空山悲急管思繁絃靈之駕兮儼欲旋  
雲收兮雨歇山青青兮水潺潺右送神曲

秋夜有所思和王翼

盧照隣

愁寂南軒夜悠然懷所知長河落鴈苑明月下鯨池鳳  
臺有清曲此曲何人吹丹唇間玉齒妙響入雲涯窮巷  
秋風葉空庭寒露枝勞歌欲有和星鬢已將垂

長樂少年行

崔國輔

遺却珊瑚鞭白馬驕不行章臺折楊柳春日路傍情

渭城少年行

崔顥

洛陽三月梨花飛秦地行人春憶歸揚鞭走馬城南陌

古樂府

卷三

六十三

朝逢驛使秦川客驛使前日發章臺傳道長安春早來

棠梨官中燕初至葡萄館裏花正開念此使人歸更早

三月便達

一作更踏

長安道長安道上春可憐搖風蕩日曲

江邊萬戶樓臺臨渭水五陵花柳滿秦川秦川寒食盛

繁華遊子春來不喜

一作見家

關雞下社塵初合走馬章

臺日半斜章臺帝城稱貴里青樓日晚歌鐘起貴里豪

家白馬驕五陵年少不相饒雙雙挾彈來金市兩兩鳴

鞭上渭橋渭城橋一作墟頭酒新熟金鞍白馬誰家宿可

憐錦瑟一作與

一作琵琶

玉壺清一作新

一作酒就倡

一作家小婦

春來不解羞嬌歌一曲楊柳花

邯鄲少年行

鄭錫

霞鞍金口騶豹袖紫貂裘家住叢臺下門前漳水流喚  
人呈楚舞借客試吳鉤見說秦兵至甘心赴國讎

前題

高適

邯鄲城南游俠子自矜生長邯鄲裏千場縱博家仍富

幾處報讐身不死宅中歌笑日紛紛門外車馬常如雲

一作如雲屯

未知肝膽向誰是令人却憶平原君君一無不

見今人

一作交態薄黃金用盡還疎索以茲感歎辭舊

遊更於時事無所求且與少年飲美酒往來射獵西山

頭

古樂府

卷三

六十四

長安少年行

李白

五陵年少金市東銀鞍白馬度春風落花踏盡遊何處

笑入吳姬酒肆中

王家少婦

崔顥

十五嫁王昌盈盈入畫堂自矜年最少復倚臂爲郎舞

愛前溪淥歌憐子夜長閒來鬪百草度日不成粧

廬江主人婦

李白

孔雀東飛何處棲廬江小吏仲卿妻爲客裁縫君日見

城烏獨宿夜空啼

越女

王昌齡



越女作桂舟還將桂爲楫湖上水渺漫清江不可涉摘  
取芙蓉花莫摘芙蓉葉將歸問夫婿顏色何如妾

前題 五首

李白

長干吳兒女眉目豔星月屐上足如霜不着鴉頭襪  
吳兒多白皙好爲蕩舟劇賣眼擲春心折花調行客  
耶谿采蓮女見客棹歌迴笑入荷花去佯羞不出來  
東陽素足女會稽素舸郎相看月未墮白地斷肝腸  
鏡湖水如月耶谿女如雪新妝蕩新波光景兩奇絕

巴女

巴水急如箭巴船去若飛十月三千里郎行幾歲歸

古樂府 卷三

六十五

烏江女

屈同仙

越豔誰家女朝遊江岬傍青春猶未嫁紅粉舊來如錦  
袖盛朱橘銀鈎摘紫房見人羞不語回艇入谿藏

川上女

崔顥

川上女晚妝鮮日落青渚試輕楫汀長花滿正迴船暮  
來浪起風轉緊自言此去橫塘近綠江無伴夜獨行獨  
行心緒愁無盡

浣紗女

李白

玉面耶溪女青蛾紅粉粧一雙金齒屐兩足白如霜

前題

王昌齡

錢塘江畔是誰家江上女兒全勝花吳王在時不得出  
今日公然來浣紗

今別離

崔國輔

送別未能旋相望連水口船行欲映洲幾度急搖手

前題 一作李端

李揆

水國葉黃時洞庭霜落夜行舟聞商估宿在楓林下此  
地送君還茫茫似夢間後期知幾日前路轉多山巫峽  
通湘浦迢迢隔一作阻雲雨天晴見海橋月落聞津鼓人  
一作年老自多愁水深難急流清露一作宵歌一曲白首對  
滄洲

古樂府

卷三

六十六

久別離

李白

別來幾春未還家玉牕五見櫻桃花况有錦字書開緘  
使人嗟一上有至字此腸斷彼心絕雲鬟霧一作綠鬢罷攬一作作  
梳結愁如迴颿亂白雪去年寄書報陽臺今年寄書重  
相催東風今東風一作胡爲爲我吹行雲使西來待來竟  
不來落花寂寂一作寞委青苔

遠別離

遠別離古有皇英之二女乃在洞庭之南瀟湘之浦海  
水直下萬里深誰人不言此離苦日慘慘兮雲冥冥猩  
猩啼煙兮鬼嘯雨我縱言之將何補皇穹竊恐不照余

之忠誠雷一作雲馮馮兮欲吼怒堯舜當之亦禪禹君失

臣兮龍爲魚權歸臣兮鼠變虎或言堯幽囚舜野死九

疑聯縣皆相似重瞳孤墳竟誰一作何是帝子泣兮綠雲

間隨風波兮去無還慟哭兮遠望見蒼梧之深山蒼梧

山崩湘水絕竹上之淚乃可滅

離別難一曰大郎神亦曰悲切子亦曰怨回鶻武善吹觱栗乃撰此曲以寄情焉士人妻

此別難重陳花飛復戀人來時梅覆雪去日柳含春物

候催行客歸途淑氣新剡川今已遠魂夢暗相親

別離怨 鄭遂初

古樂府

卷三

六十七

蕩子戍遼東連年信不通塵生錦步障花遶玉屏風只

恐一作怨紅顏改寧辭玉簫空繫書春鴈足早晚到雲中

別怨

祖詠

送別到中流秋船倚渡頭相看尚不遠未可卽回舟

吳官怨

衛萬

君不見吳王宮闕一作闕臨江起不卷珠簾見江水曉氣

晴來雙闕間潮聲夜落千門裏句踐城中非舊春姑蘇

臺下一作上起黃塵祗今惟有西江月曾照吳王宮裏人

越谿怨

冷朝光

越王宮裏如花人越水谿頭采白蘋白蘋未盡人先盡

誰見江南春復春

邯鄲宮人怨

崔顥

邯鄲陌上三月春暮行逢見一婦人自言鄉里本燕趙

少小隨家西入秦母兄憐愛無儔侶五歲名爲阿嬌女

七歲丰茸好顏色八歲黠惠能言語十三兄弟教詩書

十五青樓學歌舞我家青樓臨道傍紗窓綺幔暗聞香

日暮笙歌君駐馬春日妝梳妾斷腸不用城南使君壻

本求三十侍中郎何知漢帝好容色玉輦攜登歸建章

建章宮殿不知數萬戶千門深且長百堵塗椒接青瑣

九華閣道連洞房水精簾箔雲母扇琉璃牕牖玳瑁牀

古樂府

卷三

六十八

歲歲年年奉歡宴嬌貴榮華誰不羨恩情莫比陳皇后

寵愛全勝趙飛燕瑤房侍寢世莫知金屋更衣人不見

誰言一朝復一日君王棄世市朝變宮車出葬茂陵田

賤妾獨留長信殿一朝太子升至尊宮中人事如掌翻

同時侍女見讒毀後來新人莫敢言兄弟印綬皆被奪

昔年賞賜不復存一旦放歸舊鄉里乘車垂淚還入門

父母慙我曾富貴嫁與西舍金王孫念此翻覆復何道

百年盛衰誰能保憶昨尚如春日花悲今已作秋時草

少年去去能停鞭人生萬事由上天非我今日獨如此

古今歌薄皆共然

西宮春怨

王昌齡

西宮夜靜百花香，欲捲珠簾春恨長。  
斜抱雲和深見月，一作朦朧 隴樹色隱昭陽。

西宮秋怨

芙蓉不及美人妝，水殿風來珠翠香。  
誰分含啼一  
掩秋扇空懸明月待君王。一作恨含情

後庭怨

王諶

君不見紅閨少女端正時，  
天天桃李容姿幸得君王  
憐。巧笑披香殿裏薦蛾眉，  
蛾眉雙雙人共進，常恐妾身  
從此損。甄妃爲妬出層宮，  
班女因猜下長信。長信宮門

古樂府

卷三

六十九

閉不開，昭陽歌吹風送來。  
夢中魂魄猶言是，覺後精神  
尚未迴。念君嬌愛無終始，  
使妾長啼後庭裏。獨立每看  
斜日盡，孤眠直至殘燈死。  
秋日聞蟲翡翠簾，春日照面  
鴛鴦水。紅顏舊來花不勝，  
白髮如今雪相似。傳聞執扇  
思未歇，預想蛾眉上。初月如  
君貴，僞不貴。其還同棄妾，  
逐新人。借問南山松葉意，何  
如北砌槿花新。

青樓怨

王昌齡

香幃風動花入樓，高調鳴箏  
緩夜愁。腸斷關山不解說，  
依依殘月下簾鉤。

綠墀怨

李元絃

征馬嘶金珂，嬋姚向北河。  
綠苔行跡少，紅粉淚痕多。  
寶

屋粘花絮銀箏覆，網羅別君如昨日。  
青海鴈頻過。

鳳樓怨

顏舒

佳人名莫愁，珠箔上花鉤。  
清鏡鴛鴦匣，新妝翡翠樓。  
搗衣明月夜，吹管白雲秋。  
惟恨金吾子，年年向隴頭。

虞姬怨

馮待徵

妾本江南采蓮女，君是江東學劍人。  
逢君遊俠英雄日，值妾年華桃李春。  
年華灼灼豔桃李，結髮簪花配君子。  
行逢楚漢正相持，辭家上馬從君起。  
歲歲年年事征戰，侍君帷幙損紅顏。  
不惜羅衣沾馬汗，不辭紅粉著刀環。

古樂府

卷三

七十

相期相許定關中，鳴鑾鳴珮入秦宮。  
誰誤四面楚歌起，果知五星漢道雄。  
雄天時人事有興滅，智窮計屈心摧折。  
澤中馬力先戰疲，帳下蛾眉君王是日無神彩。  
賤妾此時容貌改，拔山意氣都已無。  
渡江面目今何在，終天隔地與君辭。  
恨似流波無息時，使妾本來不相識。  
豈見中途懷苦悲。

春女怨

薛維翰

白玉堂前一樹梅，今朝忽見數花枝。  
一作開兒家門戶尋常重 一作何緣得入來。

古蛾眉怨

王翰

君不見宜春苑中九華殿飛閣連連直如髮白日全含  
朱鳥牕流雲半入蒼龍闕官中綵女夜無事學鳳吹簫  
弄清越珠簾北卷待涼風繡戶南開向明月忽聞天子  
憶蛾眉寶鳳銜花撲兩螭傳聲走馬開金屋夾路鳴環  
上玉墀長樂彤庭宴華寢三千美人曳花錦燈前含笑  
更羅衣帳裏承恩薦瑤枕不意君心半路迴求仙別作  
望仙臺琳琅禁闥遙相憶紫翠巘房晝不開欲向人間  
種桃實先從海底覓蓬萊蓬萊可求不可上孤舟縹緲  
知何往黃金作盤銅作莖青天白露掌中擎王母嫣然  
感君意雲車羽旆欲相迎飛廉觀前空怨慕少君何事

古樂府

卷三

七十一

須相誤一朝埋沒茂陵田賤妾蛾眉不重顧官車晚出  
向南山仙衛逶迤去不還朝晡泣對麒麟樹樹下蒼苔  
日漸斑人生百年夜將半對酒長歌莫長歎情一作知  
白日不可私一作期一死一生何足算

綵書怨

書一作毫

上官昭容

葉下洞庭初思君萬里餘露濃香被冷月落錦屏虛欲  
奏江南曲貪封薊北書書中無別意惟悵久離居

孤寢怨

崔珣

征戍動經年含情拂玳筵花飛織錦處月落擣衣邊燈  
暗愁孤坐牀空怨獨眠自君遼海去玉匣閉春絃

相思怨

李元絃

望月思氛氲朱衿嬾更薰春生翡翠帳花點石榴裙燕  
語時驚妾鶯啼轉憶君交河一萬里仍隔數重雲

開絨怨

朱琳

夫婿邊庭久幽閨恨幾重玉琴知別日金鏡識愁容懶  
寄雲中服慵開海上封年年得衣慣且試莫裁縫

古樂府

卷三

七十二

唐詩所第三卷 終

唐詩所第四卷 樂府系

前集

歌

明月歌

閔朝隱

梅花雪白柳葉黃雲霧四起月蒼蒼箭水泠泠刻漏長  
揮玉指拂羅裳爲君一奏楚明光

峩峩山月歌

李白

峩峩山月半輪秋影入平羌江水流夜發清溪向三峽  
思君不見下渝州

峩峩山月歌

送蜀僧晏入中京

我在巴東三峽月

一作

時西看明月憶峨眉月出峩眉照

樂府系

卷四

一

滄海與人萬里長相隨黃鶴樓前月華白此中忽見峩  
眉客峩眉山月還送君風吹西到長安陌長安大道橫  
九天峩眉山月照秦川黃金獅子承一作高座白玉塵  
尾談重玄我似浮雲滯吳越君逢聖主遊丹闕一振高  
名滿帝都歸來一作還弄峩眉月

白雲歌

送友人

楚山秦山多白雲白雲處處長隨君君今還入楚山裏  
雲亦隨君渡湘水水上女蘿衣白雲早卧早行君早起  
又白雲歌送劉十六歸山云楚山秦山皆白雲白雲處處  
長隨君長隨君入楚山裏雲亦隨君渡湘水湘水  
上女蘿衣白雲堪卧君早歸

火山雲歌 送別

岑參

火山突兀赤亭口火山五月火雲厚火雲滿山凝未開  
飛鳥千里不敢來平明乍逐胡風斷薄暮渾隨寒雨回  
繚繞斜吞鐵關樹氛氲半掩交河戍迢迢征路火山東  
山上孤雲隨馬去

白雪歌

送武判官歸京

北風捲地白草折胡天八月即飛雪忽如一夜春風來  
千樹萬樹梨花開散入珠簾濕羅幕狐裘不暖錦衾薄  
將軍角一作弓不得控都護鐵衣冷難着瀚海闌干百  
丈一作千尺水愁雲慘淡萬里凝中軍置酒飲歸客胡琴琵琶與羌笛紛紛暮雪下轅門風掣紅旗凍不翻輪臺東  
門送君去去時雪滿天山路山迴路轉不見君雪上空  
留馬行處

樂府系

卷四

二

天山雪歌

送蕭治歸京

天山雪雲常不開千峯萬嶺雪崔嵬北風夜捲赤亭口  
一夜天山雪更厚能兼漢月照銀山復逐胡風過鐵關  
交河城邊飛鳥絕輪臺路上馬蹄滑曉靄寒氣萬里凝  
闌干陰崖千丈冰將軍狐裘卧不煖都護寶刀凍欲斷  
正是天山雪下時送君走馬歸京師雪中何以贈君別  
惟有青青松樹枝

春旦歌

沈頌

嘗聞嬴女玉簫臺奏曲情深彩鳳來欲登此地銷歸恨却羨雙飛去不回

三月歌

宋之問

洛陽城路九春衢洛陽城外柳千株能得來時作眼覓天津橋側錦屠蘇

嵩山天門歌

登天門兮坐盤石之磷磷前縱縱兮未半下漠漠兮無垠紛窈窕兮巖倚披以鵬翅洞膠葛兮峰稜層以龍鱗松移岫轉左變而右易風生雲起出鬼而入神吾亦不

樂府系

卷四

三

知其靈怪如此願遊杳冥今見羽人重曰天門兮穹崇迴合兮攢叢松萬接兮駐日石千尋兮倚空晚陰兮足風夕陽兮絕紅試一望兮奪魄況衆妙之無窮

小山歌

萬楚

人說淮南有小山淮王昔日此登仙城中雞犬皆飛去山上壇場今宛然世人貴身不貴壽共笑華陽洞天口不知金石變長年謾在人間戀攜手君能舉帆至淮南家住盱眙余先諳桐柏亂流平入海萊莢一曲涕成潭憶記來時魂悄悄想見仙山衆峰小今日長歌思不堪君行爲報三春鳥

西嶽雲臺歌

送丹丘子

李白

西嶽崢嶸何壯哉黃河如絲天際來黃河萬里觸山動盤渦轂一作轉秦地雷榮光休氣紛五彩千年一清聖人在巨靈咆哮擘兩山洪波噴流一作箭射東海三峰却立如欲摧翠崖丹谷高掌開白帝金精運元氣石作蓮花雲作臺雲臺閣道連窈冥一作人中有不死丹丘生明星玉女備洒掃麻姑搔背指爪輕我皇手把天地戶丹丘談天與天語九重出入生光輝東求蓬萊復西歸玉漿儻惠故人飲騎二茅龍上天飛

鳴臯歌

儀從翁清歸

樂府系

卷四

四

憶昨鳴臯夢裏還手弄素月清潭間覺時枕席非碧山側身西望阻秦關麒麟閣上春還早著書却憶伊陽好青松來風吹石一作古道緣蘿飛花覆煙草我家仙翁一作公愛清真才雄草聖凌古人欲卧鳴臯絕世塵鳴臯微茫在何處五崖峽一作水橫樵路身披翠雲裘袖拂紫煙去去時應過嵩少間相思爲折三花樹

鳴臯歌

送岑徵君時梁園三尺雪在清冷池作

若有人兮思鳴臯阻積雪今心煩勞洪河凌兢不可以徑度水龍鱗兮難容舸邈仙山之峻極兮聞天籟之嘈嘈霜厓縞皓以合沓兮若長風扇海湧滄溟之波濤玄

猿綠罷談峯岌岌一作危柯振石駭膽慄魄羣呼而相

號峰崢嶸以路絕挂星辰於巖敷送君之歸兮動鳴阜

之新作交鼓吹兮彈絲觴清泠之池閣君不行兮何待

若反顧之黃鶴掃梁園之羣英振大雅於東洛巾征軒

今歷阻折尋幽居今越巘粵盤白石今坐素月琴松風

今寂一作昇萬壑望不見兮心氛氲羅冥冥今霰紛紛水

橫洞以下淥波小聲而上聞虎嘯谷而生風龍藏谿而

吐雲寡一作真鶴清唳饑饉呻塊獨處此幽默兮愀空

山而愁人雞聚族以爭食鳳孤飛而無鄰蠅蜓嘲龍魚

目混珍嫫母衣錦西施負薪若使巢由桎梏於軒冕兮

樂府系 卷四 五

亦奚異乎夔龍蹴躡於風塵哭何苦而救楚笑何誇而

却秦吾誠不能學二子沽名矯節以耀世今固將棄天

地而遺身白鷗今飛來長與君兮相親

聞山歌 杜甫

閬州城東靈山白閬州城北玉臺碧松浮欲盡不盡雲

江動將崩已一作未崩石那知根無鬼神會已覺勢與嵩

華敵中原格鬪且未歸應結茅齋看青壁

望終南山歌 贈徐中書 王維

晚下今紫微帳塵事今多違駐馬今雙樹望青山今不

歸

夜歸鹿門山歌

孟浩然

山寺鳴鍾晝已昏漁陽一作梁渡頭爭渡喧人隨沙路作

岸向江村余亦乘舟歸鹿門鹿門月照開煙樹忽到龐

公棲隱處巖扉松徑一作樵長寂寥惟有幽人夜一作自

來去

下山歌

朱之問

下嵩山今多所思攜佳人今步遲遲松間明月長如此

君再遊今復何時

前題

和宋之問

王無兢

日云暮兮下嵩山路連綿兮松一作石間出谷口今見

樂府系

卷四

六

明月心徘徊兮不能還

前題

和宋之問

賈曾

良遊晚晚今月呈光錦路逶迤今山路長王孫不留兮

歲將晏嵩巖仙草今為誰芳

歸山歌 二首送友人

王維

山寂寂兮無人又蒼蒼兮多木羣龍今蒲朝君何為兮

空谷文寡和兮思深道難知今行獨悅石上今流泉與

松間兮草屋入雲中兮養雞上山頭兮抱犢神與衆兮

如瓜虎賣杏兮收穀愧不才今妨賢嫌既老今貪祿誓

解印今相從何詹尹兮可卜



山人今欲歸雲冥冥今雨霏霏水驚波兮翠管靡白  
鷺忽兮翻飛君不可兮褰衣山萬重兮一雲混天地兮  
不分樹掩曖兮氛氲猿不見兮空聞忽山西兮夕陽見  
東臯兮遠村平蕪綠兮千里眇惆悵兮思君

溫泉歌 奉和聖製

張九齡

有時神物待聖人去後湯還冷來時樹亦春今茲十月  
自東歸羽旆逶迤上翠微溫谷慈慈佳氣色離宮奕奕  
叶光輝臨渭川近天邑浴日溫泉復在茲羣仙洞府那  
相及吾君利物心玄澤浸蒼黔漸漬神湯無疾苦薰歌  
一曲感人深

樂府系

卷四

七

敷水歌

送賀漸入京

岑參

羅敷昔時秦氏女千載無人空處所昔時流水至今流  
萬事皆逐東流去此水東流無盡期水聲還似舊來時  
岸花仍自羞紅臉隄柳猶能學翠眉春去秋來不相待  
水中月色長不改羅敷養蠶空耳聞使君五馬今何在  
九月霜天水正寒故人西去度征鞍水底鯉魚幸無數  
願君別後垂尺素

閩水歌

杜甫

嘉陵江色何所似石黛碧玉相因依正憐日破浪花出  
更復春從沙際歸巴童蕩槳歌側過水鳥一作銜魚來

去飛閣中勝事可腸斷閩州城南天下稀

河上歌

王昌齡

河上老人坐古槎合丹只用青蓮花至今八十如四十  
口道滄溟是我家

秋浦歌

十七首

李白

秋浦錦駒鳥人間天上稀山雞羞綠水不敢照毛衣  
兩鬢入秋浦一朝颯已衰猿聲催白髮長短盡成絲  
秋浦多白猿超騰若水飛一作飛雪牽引條上見飲弄水中  
月

愁作秋浦客

一作曲

强看秋浦花山川如劍縣風日似長

樂府系

卷四

八

沙

醉上山公馬寒歌寧戚牛空吟白石爛淚滿黑貂裘  
秋浦千重嶺水車嶺一作人最奇天傾欲墮石水拂寄  
生枝

江祖一片石青天掃畫屏題詩留萬古綠字錦苔生  
邏人橫鳥道江祖出魚梁水急客舟行一作疾山花拂面  
香

水如一足練此地即平天耐可乘明月看花上酒船  
綠水淨素月月明白鷺飛郎聽採菱女一道夜歌歸  
蘆火照天地紅星亂紫煙報郎明月夜歌曲動寒川

白髮三千丈一作綠愁似个長不知明鏡裏何處得秋

霜

秋浦田舍翁採魚水中宿妻子張白鵬結廬映深竹

桃波一步地了了語聲聞闌與山僧別低頭禮白雲

秋浦長似秋蕭條使人愁客愁不可度行上東大樓正

西望長安下見江水流寄言向江水汝意憶儂否遙傳

一掬淚爲我達揚州

千千石楠樹萬萬女貞林山山白鷺滿澗澗白猿吟君

莫向秋浦猿聲碎客心

秋浦猿夜愁黃山堪白頭青溪非隴水翻作斷腸流欲

樂府系

卷四

九

去不得去薄遊成久遊何年是歸日雨淚下孤舟

嚴氏谿歌

杜甫

天下甲兵

一作兵馬

未盡銷豈免溝壑常漂漂劒南歲月不

可度邊頭公卿仍獨驕費心姑息是一役肥肉大酒徒

相要嗚呼古人已糞土獨覺志

一作壯

士甘漁樵况我飄

轉

一作蓬

無定所終日感感忍羈旅秋宿霜谿素月高喜

得與子長夜語東遊西還力實倦從此將身更何許知

子松根長茯苓遲暮有意來同煮

榆林郡歌

王維

山頭松柏林山下泉聲傷客心千里萬里春草色黃河

東流流不息黃龍戍上遊俠兒愁逢漢使不相識

營州歌

高適

營州少年厭原野皮

一作狐

裘蒙茸獵城下虜酒千鍾不

醉人胡兒十歲能騎馬

輪臺歌

送封大夫

岑參

輪臺城頭夜吹角輪臺城北旄頭落羽書昨夜過渠黎

單于已在金山西戍樓西望煙塵黑漢兵屯在輪臺北

上將擁旄西出征平明吹笛大軍行四邊伐鼓雪海湧

三軍大呼陰山動虜塞兵氣連雲屯戰場白骨纏草根

劒河風急雲片闊沙

一作河

口石凍馬蹄脫亞相勤王甘

樂府系

卷四

十

苦辛誓將報主靜邊塵古來青史誰不見今見功名勝

古人

胡歌

黑姓蕃王貂鼠裘葡萄宮錦醉纏頭關西老將能苦戰

七十行兵仍未休

金陵歌

送別范宣

李白

石頭巉巖如虎踞凌波欲過滄江去鍾山龍盤走勢來

秀色橫分歷陽樹四十餘帝三百秋功名事跡隨東流

白馬小兒

一作金鞍

誰家子秦清之歲來關囚

金陵昔時何壯哉席卷英豪天下來冠蓋散爲煙霧盡

金與玉座成寒灰扣劍悲吟空咄嗟梁陳白骨亂如麻  
天子龍沈景陽井誰歌玉樹後庭花此地傷心不能道  
目下離離長春草送爾長江萬里心他年來訪南山老

襄陽歌

落日欲沒岷山西倒着接離一作行客醉歸花下迷襄陽小兒

齊拍手攔街爭唱白銅鞮傷人借問笑何事笑殺山翁

一作公醉似泥鷓鴣杓鷓鴣杯百年三萬六千日一日須

傾三百杯遙看漢水鴨頭綠恰似葡萄初釀一作醅此

江若變作春酒壘麴便築糟丘臺千金駿馬換少一作小

妾醉一作笑坐雕金鞍歌落梅車傍側挂一壺酒鳳笙

樂府系 卷四 十一

龍管行相催咸陽市上歎黃犬何如月下傾金罍君不

見晉朝羊公一片石龜頭一作龍剝落生莓苔淚亦不能

爲之墮心亦不能爲之哀誰能憂彼身後事金鳬銀鴨

葬死灰一無此清風朗一作明月不用一錢買玉山自倒

非人推舒州杓力士鎗一作黃金李白一作酒仙與爾同死

生襄王雲雨今安在江水東流猿夜聲

夔州歌 十首 杜甫

中巴之東巴東山江水開闢流其間白帝高爲三峽鎮

夔州險過百牢關

白帝夔州各異城蜀江楚峽混殊名英雄割據非天意

霸王并吞在物情

羣雄競起向一作問前朝王者無外見今朝比訝漁陽結

怨恨元聽舜日舊簫韶

赤甲白鹽俱刺天閭閻綠繞接山巔楓林橘樹丹青合

復道重樓錦繡懸

灤東灤西一萬家江北江南春冬花背飛鶴子遺瓊藥

相趁鳬雛入蔣芽

東屯稻畦一百頃北有洞一作水通青苗晴浴狎鷗分

處處雨隨神女下朝朝

蜀麻吳鹽自古通萬斛之舟行若風長年三老長歌裏

樂府系 卷四 十二

白晝攤錢高浪中

憶昔咸陽都市合山水之圖張賣時巫峽曾經寶屏見

楚宮猶對碧峰疑

閬風玄圃與蓬壺中有高堂天下無借問夔州壓何處

峽門江腹擁城隅

武侯祠堂不可忘中有松柏參天長干戈滿地客愁破

雲日如火炎天涼

赤壁歌 送別 李白

二龍爭戰決雌雄赤壁樓船掃地空烈火張天照雲海

周瑜於此破曹公君去滄江望一作澄碧鯨鯢唐突留

餘跡一一書來報故人我欲因一作之壯心魄

夷門歌

王維

七雄雄雌猶未分攻城殺將何紛紛秦兵益圍邯鄲急  
魏王不救平原君公子爲嬴停駟馬執轡愈恭意愈下  
亥爲屠肆鼓刀人嬴乃夷門抱關者非但慷慨獻奇一作良  
謀意氣兼將身命酬向風刎頸送公子七十老翁何  
所求

青門歌

送東臺張判官

岑參

青門金鎖平旦開城頭日出使車回青門柳枝正堪折  
路傍一日幾人別東出青門路不窮驛樓官樹灞陵東

樂府系

卷四

十三

花撲征衣看似繡一作錦雲隨去馬色疑驄胡姬酒壚日

未午絲繩玉缸酒如乳灞頭落花沒馬蹄昨夜微雨花

成泥黃鸝翅濕飛轉低關東尺書醉嬾題須臾望君不

可見揚鞭飛鞚疾於箭借問使乎何時來莫作東飛百

勞西飛燕

函谷關歌

送劉評事使關西

君不見函谷關崩城毀壁至今在樹根草蔓遮古道空

谷千年長不改寂寞無人空舊山聖朝無外一作事不須

關白馬公孫何處去青牛老人更不還蒼苔白骨空滿

地月與古時長相似野花不省見行人山鳥何曾識關

吏故人方乘使者車吾知郭丹却不如請君時憶關外  
客行到關西多致書

甘泉歌

王昌齡

乘輿執玉已登壇細草霑衣春殿寒昨夜雲生拜初月  
萬年甘露水晶盤

勞勞亭歌

李白

金陵勞勞送客堂蔓草離離生道傍古情不盡東流水

此地悲風愁白楊我乘素舸同康樂朗詠清川飛夜霜

昔聞牛渚吟五章今來何謝表家郎苦竹寒聲動秋月

獨宿空簾歸夢長

樂府系

卷四

十四

梁園歌

送河南王詭判官

岑參

君不見梁孝王脩竹園頽墻隱鱗勢仍存嬌娥曼臉成

草蔓羅帷珠簾空竹根大梁一旦人代改秋月春風不

相待池中幾度鴈新來洲上千年鶴應在梁園二月梨

花飛却似梁王雪下時當時置酒延枚叟肯料平臺狐

兔走萬事翻覆如浮雲昔人空在今人口單父古來稱

宓生祗今爲政有吾兄輶軒若過梁園道應傷琴臺聞

政聲

樂遊園歌

臨日賀蘭楊長史筵中作

杜甫

樂遊古園萃森爽煙絲碧草萋萋長公子華筵勢最高

秦川對酒平如掌長生木歎示真率更調鞍馬狂歡賞  
青春波浪芙蓉園白日雷霆夾城仗閭閻晴開映一作

蕩蕩曲江翠幕排銀榜拂水低迴舞袖翻綠雲清切歌  
聲上却憶年年人醉時只今未醉已先悲數莖白髮那  
拋得百罰深杯亦不辭聖朝已知賤士醜一物自荷皇  
天慈此身飲罷無歸處獨立蒼茫自詠詩

幽州臺歌

陳子昂

前不見古人後不見來者念天地之悠悠獨愴然而涕  
下

越王樓歌

杜甫

樂府系

卷四

十五

綿州州府何磊落顯慶年中越王作孤城西北起高樓  
碧瓦朱甍照城郭樓下長江百丈清山頭落日半輪明  
君王舊跡今人賞轉見千秋萬古情

登樓歌

王維

聊上君兮高樓飛薨鱗次兮在下俯十二兮通衢綠槐  
參差兮車馬却瞻兮龍首前眺兮宜春王畿鬱兮千里  
山河壯兮咸秦舍人下兮青宮據胡牀兮書空執戟疲  
於下位老夫好隱兮牆東亦幸有張伯英草聖兮龍騰  
蚪躍擺長雲兮振迴風琥珀酒兮彫胡飯君不御今日  
將晚秋風兮吹衣夕鳥兮爭返孤佔發兮東城林薄暮

今蟬聲遠時不可今再得君何爲今偃蹇

燉煌太守後庭歌

岑參

燉煌太守才且賢郡中無事高枕眠太守到來山出泉  
黃砂磧裏人種田燉煌耆舊贊皓然願留太守更五年  
城頭月出星滿天曲房置酒張錦筵美人紅妝色正鮮  
側垂高髻挿金鈿醉坐藏鈎紅燭前不知鈎在若個邊  
爲君手記珊瑚鞭射得半段黃金錢此中樂事亦已偏  
邯鄲客舍歌

客從長安來驅馬邯鄲道傷心叢臺下一帶一作生蔓

草客舍門臨漳水邊垂楊下繫釣魚船邯鄲女兒夜沽

樂府系

卷四

十六

酒對客挑燈誇數錢酩酊醉時日正午一曲狂歌壚上  
眠

玄都壇歌寄元逸人

杜甫

故人昔隱東蒙峯已佩含景蒼精龍故人今居子午谷  
獨在陰崖結茅屋屋前太古玄都壇青石漠漠常風寒  
子規夜啼山竹裂王母晝下雲旗翻知君此計誠長往  
芝草琅玕日應長鐵鎖高垂不可攀致身福地何蕭爽

臨路歌

李白

大鵬飛兮振八裔中天摧兮力不濟餘風激兮萬世遊  
扶桑兮挂石袂後人得之傳此仲尼亡兮誰爲出涕

題壁歌

王迴

屈宋英聲今止已江山繼嗣多才子懷者予今盡相似  
宴聚王家其樂矣共賦新詩發宮徵書於屋壁彰厥美

天長節賜宰臣歌

奉和聖製

王維

太陽升兮照萬方開闡闔今臨玉堂儼冕旒今垂衣裳  
金天淨兮麗三光彤庭曙兮延八荒德合天今禮神遍  
靈芝生兮慶雲見唐堯后今稷卨臣匝宇宙今華胥人  
盡九服兮皆四鄰乾降瑞兮坤降珍

登封大酺歌

四首

盧照隣

日觀仙雲隨鳳輦天門瑞雪照龍衣繁絃綺席方終夜

樂府系

卷四

十七

妙舞清歌歡未歸

明君封禪日重光天子垂衣曆數長九州四海常無事  
萬歲千秋樂未央

翠鳳逶迤登介丘仙鶴徘徊天上遊借問乾封何所樂  
人皆壽命得千秋

千年聖主應昌期萬國淳風王化基請比上古無爲代  
何如今日太平時

上皇西巡南京歌

十首天寶十五載六月己亥  
初八日癸巳皇太子即皇帝位  
十一月庚辰次蜀郡未上皇至蜀郡太赦以蜀郡爲南京

李白

胡塵輕拂建章臺聖主西巡蜀道來劍壁門高五千丈

石爲樓閣九天開

九天開出一成都萬戶千門入畫圖草樹雲山如錦繡

秦川得及此間無

華一作德陽春樹號一作似新豐行入新都若舊宮柳色未

饒秦地綠花光不減上陽一作林紅

誰道君家行路難六龍西幸萬人懽地轉錦江成渭水

天迴玉壘作長安

萬國同風共一時錦江何謝曲江池石鏡更明天上月

後宮親一作新得照蛾眉

樂府系

卷四

十八

濯錦清江萬里流雲帆龍舸下揚州北地雖誇上林苑

南京還有散花樓

錦水東流繞錦城星橋北挂象天星四海此中朝聖主

我嵎山上列仙庭

秦開蜀道置金牛漢水元通星漢流天子一行遺聖跡

錦城長作帝王州

水綠天清不染塵風光和暖勝三秦萬國煙花隨玉輦

西來添得錦江春

劍閣重關蜀北門上皇歸馬若雲屯少帝長安開紫極

雙懸日月照乾坤

永王東巡歌

十一首永王名璘太宗子也天寶十五年安祿山反詔璘領山南嶺南黔中江南四道節度使十一月璘至江陵募士得數萬遂有闕江左意十二月引舟師東巡太白時臥廬山璘道致之

永王正月東出師天子遙分龍虎旗樓船一舉風波靜

江漢翻爲鴈鷺池

三川北虜亂如麻四海南奔似永嘉但用東山謝安石

爲君談笑靜胡沙

雷鼓嘈嘈喧武昌雲旗獵獵過尋陽秋毫不犯三吳悅

春日遙看五色光

龍蟠虎踞帝王州帝子金陵訪古丘春風試暖昭陽殿

樂府系

卷四

十九

明月還過鳩鵲樓

二帝巡遊俱未回五陵松柏使人哀諸侯不救河南地

更喜賢王遠道來

丹陽北固是吳關畫出樓臺雲水間千巖烽火連滄海

兩岸一作南望旌旗遠碧山

王出三江按五湖樓船跨海次陪都戰艦森森羅虎士

征帆一一引龍駒

長風挂席勢難迴海動山傾古月摧君看帝子浮江日

何似龍驤出峽來

祖龍浮海不成橋漢武潯陽空射蛟我王樓艦輕秦漢

却似文皇欲度遼

帝寵賢王入楚關掃清江漢始應還初從雲夢開朱邸

更一作直取金陵作小山

試借君王玉馬鞭指麾戎虜坐瓊筵南風一掃胡塵靜

西入長安到日邊

王母歌

李頎

武皇齋戒承華殿端拱須臾王母見霓旌照耀麒麟車

羽蓋淋漓孔雀扇手指玄一作交梨遣帝食可以長生臨

寓縣頭上復一作元頭戴九星冠總領玉童坐南面欲聞

要言今告汝帝乃焚香請此語若能鍊魄去三尸後當

樂府系

卷四

二十

見我天皇帝所顧謂侍女董雙成酒闌可奏雲和笙紅霞

白日儼不動七龍五鳳紛一作來相迎惜哉志驕神不悅

歎息馬蹄與車轍復道歌鐘香將暮深宮桃李飛一作花

成雪爲一作但看青玉五枝燈蟠螭吐火光欲一作已絕

章華美人歌一作絕 絕

楚王宴客章華臺章華美人善歌舞玉顏豔豔空相向

滿堂目成不得語紅燭滅芳酒闌羅衣半醉春夜寒絕

纓解帶一爲歡君王赦一作拾過不知罪暗中珠翠鳴珊珊

寧愛賢不愛色青蛾買死誰能識果却一軍全社稷

戚夫人楚舞歌

李昂



定陶城中是妾家妾年二八顏如花閨中歌舞未終曲  
天下死人如亂麻漢王此地因征戰未出簾櫳人已薦  
風花茵苔落轅門雲雨徘徊入行殿日夕悠悠非舊鄉  
飄飄處處逐君王閨門向裏通歸夢銀燭迎來在戰場  
相從顧恩不顧已何異浮萍寄深水逐戰曾迷隻輪下  
隨君幾陷重圍裏此時平楚復平齊咸陽宮闕到關西  
珠簾夕殿聞鐘磬白日秋天憶鼓鞳君王縱恣翻成誤  
呂后由來有深妬不奈君王容鬢衰相存相顧能幾時  
黃泉白骨不可報雀釵翠羽從此辭君楚歌今妾楚舞  
脉脉相看兩心苦曲未終今袂更揚君流涕今妾斷腸

樂府系

卷四

二十一

已見儲君歸惠帝徒留愛子付周昌

鄭櫻桃歌

李頎

石季龍僭天祿擅雄豪美人姓鄭名櫻桃櫻桃美顏香  
且澤娥娥侍寢專宮掖後庭卷衣三萬人翠眉清鏡不  
得親宮軍女騎一千匹繁花照耀漳河春織成花映紅  
綸巾紅旗掣曳鹵簿新鳴鑼走馬接飛鳥銅駝瑟瑟隨  
去塵鳳陽重門如意館百尺金梯倚銀漢自言富貴不  
可量女爲公主男爲王赤花雙簾珊瑚牀盤龍斗帳琥  
珀光滛昏僞位神所惡滅石者陵終不悟鄴城蒼蒼白  
露微世事一作翻覆黃雲飛

玉門關蓋將軍歌

岑參

蓋將軍真丈夫行年三十執金吾身長七尺頗有鬚王  
門關城迴且孤黃沙萬里白草枯南鄰大戎北接胡將  
軍到來備不虞五千甲兵膽力麤軍中無事但歡娛暖  
屋繡簾紅地爐織成壁衣花氍毹燈前侍婢瀉玉壺金  
鎗亂點野酖酥紫綬金章左右趨問着只是蒼頭奴美  
人一雙閒且都朱唇翠眉映明臚清歌一曲世所無今  
日喜聞鳳將雛可憐絕勝秦羅敷使君五馬謾踟躕野  
草繡窠紫羅襦紅牙纓一作馬對樽蒲玉盤纖手撒作  
盧衆中誇道不曾輸檣上昂昂皆駿駒桃花叱撥價最

樂府系

卷四

二十二

殊騎將獵向城南隅臘日射殺千年狐我來塞外按邊  
儲爲君取醉酒剉沽醉爭酒盞相喧呼忽一作憶咸陽  
舊酒徒

趙將軍歌

九月天上風似刀城南獵馬縮寒毛將軍縱博場場勝  
賭得單于貂鼠袍

歷陽壯士勤將軍歌

歷陽壯士勤將軍名思齊神  
力出於百夫則天太后召見

奇之授游擊將軍賜錦袍王帶朝野榮之後拜  
橫南將軍大臣慕義結十友即燕公張說館陶  
公郭元振爲首余壯之遂作詩李白

太古歷陽郡化爲洪川在江山猶鬱盤龍虎秘光彩蒼

洩數千載風雲何靈靈特生勤將軍神力百夫倍

司馬將軍歌

狂風吹古月竊弄章華臺北落明星動光彩南征猛將

如雲雷一作南方有手中電曳一作倚天劍直斬長鯨

海水開我見樓船壯心目頗似龍驤下三蜀揚兵習戰

張虎旗江中白浪如銀屋身居玉帳臨河魁紫髯若戟

冠崔嵬細柳開營揖天子始知灞上爲嬰孩羌笛橫吹

阿鞬迴向月樓中吹落梅將軍自起舞長劍壯士呼聲

動九垓功成獻凱見明主丹青畫像麒麟臺

魏將軍歌

杜甫

樂府系

卷四

二十三

將軍昔著從事衫鐵馬馳突重兩銜被堅執銳畧西極

崑崙月窟東嶄巖君門羽林萬猛士惡若哮虎子所監

五年起家列霜戟一日過海收風帆平生流輩徒蠢蠢

長安少年氣欲盡魏侯骨聳精爽繁華嶽峯大見秋隼

星纏寶校金盤陀夜騎天駟超天河攬槍熒惑不敢動

翠裝雲旂相蕩摩吾爲子起歌都護酒闌插劍肝膽露

勾陳蒼蒼玄武暮萬歲千秋奉明主臨江節士安足數

扶風豪士歌

李白

洛陽三月飛胡沙洛陽城中人怨嗟天津流水波赤血

白骨相撐如亂麻我亦東奔向吳國一作奔浮雲四

塞道路賒東方日出啼早鷄城門人開掃落花梧桐楊

柳拂金井來醉扶風豪士家扶風豪士天下奇意氣相

傾山可移作人不倚將軍勢飲酒豈顧尚書期雕盤綺

食會衆客吳歌趙舞香風吹原嘗春陵六國時開心寫

意君所知堂中各有三千士明日報恩知是誰撫一作舞持

長劍一揚眉清水白石何離離脫吾帽向君笑飲君酒

爲君吟張良未逐赤松去橋邊黃石知我心

元丹丘歌

元丹丘愛一作神仙朝飲賴水一作之清流暮還嵩岑

之紫煙三十六峯長周旋長周旋躡星虹身騎飛龍耳

樂府系

卷四

二十四

生風橫江跨海與天通我知爾遊心無窮

戲作花卿歌

花卿名敬定

杜甫

成都猛將有花卿學語小兒知姓名用如快鶻風火生

見賊唯多身始輕綿州副使著柘黃我卿掃除即日平

子璋觸牒血模糊手提擲還崔大夫李侯重有此節度

人道我卿絕世一作代無既稱絕世無天子何不喚取守

京都

飲中八仙歌

李白自知不爲親近所容蓋驕放不

之蘇晉張旭焦遂爲酒中八仙

知章騎馬似乘船眼花落井水底眠汝陽三斗始朝天

道逢麴車口流涎恨不移封向酒泉左相日興費萬錢  
飲如長鯨吸百川銜杯樂聖稱避一作賢宗之瀟灑美  
少年舉觴白眼望青天皎如玉樹臨風前蘇晉長齋繡  
佛前醉中往往愛逃禪李白一斗詩百篇長安市上酒  
家眠天子呼來不上船自稱臣是酒中仙張旭三杯草  
聖傳脫帽露頂王公前揮毫落紙如雲煙焦遂五斗方  
卓然高談雄辯驚四筵

徐卿二子歌

君不見徐卿二子生絕奇感應吉夢相追隨孔子釋氏  
親抱送並是天上麒麟兒大兒九齡色清澈秋水爲神

樂府系

卷四

二十五

玉爲骨小兒五歲氣食牛滿堂賓客皆回頭吾知徐公  
百不憂積善衮衮生公侯丈夫生兒有如此二雛者名  
位豈肯卑微休

逸人歌

贈李山人

張楚金

上有堯兮下有由眠嵩陽兮漱潁流其貌古其心幽浩  
歌一曲兮林壑秋道險可驚兮人莫用樂天知命兮守  
巖洞時擊磬兮嗟鳴鳳吾欲知往古之不可追目悠悠  
於凡夢

白毫子歌

李白

淮南小山白毫子乃在淮南小山裏夜卧松下雪一作雲

朝餐石中髓小山聯縣向江開若峯巉巖綠水迴一作迴  
余配白毫子獨酌流霞杯拂花弄琴坐青苔綠蘿樹  
下春風來南牕蕭颯松聲起憑崖一聽清心耳可得見  
不一作未得親八公攜手五雲去空餘桂樹愁殺人

鴈門胡人歌

崔顥

高山代郡東接燕鴈門胡人家近邊解放胡鷹逐塞鳥  
能將代馬獵秋田山頭野火寒多燒霧一作雨裏孤峯濕  
作煙聞道遼一作關西無關戰時時醉向酒家眠

漁父歌

李頎

白首何老人蓑笠蔽其身避世長不仕釣漁清江濱浦  
樂府系 卷四 二十六

沙明濯足山月靜垂綸寓宿湍與瀨行歌秋復春持燒  
湘岸竹蕪火蘆洲薪淥水飯香稻青荷苞紫鱗於中還  
自樂所欲全吾真而笑獨醒者臨流多苦辛

前題

岑參

扁舟滄海叟心與滄海清不自道鄉里無人知姓名朝  
從灘上飯暮向蘆中宿歌竟還復歌手持一竿竹竿頭  
釣絲長丈餘鼓棹乘流無定居世人那得識一作解深意  
此翁取適非取魚

前題

高適

曲岸深潭一山叟駐眼看釣不移手世人欲得知姓名

良久問他不開口，簞皮笠子荷葉衣。心無所營守釣磯，料得孤舟無定止。日暮持竿何處歸。

鮫人歌

李頎

鮫人潛織水底居，側身上下隨游龍。一作魚輕綃文綵，不可識。夜夜澄波連流，月色有時寄宿來。城市海島青冥無極已，泣珠報恩君莫辭。今年相見明年期，始知萬族無不有。百尺深泉架戶牖，鳥沒空山誰復望。一望雲濤堪白首。

僧伽歌

僧伽大師西域人，姓何氏，龍朔初來，隸名楚州龍興寺。後于泗州臨淮縣信義坊，乞地施，標於下。攝得古香積寺銘記并金像一軀。上有普照王佛手，遂建寺中。宗問名遣使迎入。

樂府系

卷四

二十七

內道場居薦福寺，景龍四年端坐而終。中宗令于寺起塔，後而大風吹起，與氣滿長安。中宗以問近臣，咸奏僧伽大師化緣在臨淮，恐欲歸上心，許之。其具頗息奇香，發烈乃送至臨淮起塔供養。

李白

真僧法號號僧伽，有時與我論三車。問言誦呪幾千遍，口道恒河沙復沙。此僧本住南天竺，為法頭陀來此國。戒得長天秋月明，心如世上青蓮色。意清淨貌稜稜，亦不減亦不增。瓶裏千年舍利子，骨中萬歲胡孫藤。嗟予落魄江淮間，久罕遇真僧。說空有一言，懺盡波羅夷。再禮渾除犯輕垢。

太白胡僧歌

太白中峯絕頂有胡僧，不知幾百歲，眉長數寸，身不製縵帛衣，以草葉覆之。

持楞伽經雲：壁迴絕人迹，罕到嘗東峯，有鬬虎弱者，將死，僧杖而解之。西狄有毒龍，久而為患，僧器而貯之。商山趙叟，前年采茯苓，深入太白，偶值此僧，訪我而說，予恒有獨往之意，聞而悅之。為歌曰。

岑參

聞有胡僧有太白，蘭若去天三百尺。一持楞伽入中峰，世人難見但聞鐘。應邊錫杖解兩虎，牀下鉢盂藏一龍。草衣不針復亦，不線兩耳垂眉眉覆面。此僧年幾那得知，手種青松今十圍。心將流水同清淨，身與浮雲無是非。商山老人已曾識，願一見之何由得。山中有僧人不知，城裏看山空黛色。

懷仙歌

李白

樂府系

卷四

二十八

一鶴東飛過滄海，放心散漫知何在。仙人浩歌望我來，應攀玉樹長相待。堯舜之事不足驚，自餘置畧直可輕。巨鼇莫戴一作三山去吾欲蓬萊頂上行。

玉真公主歌

二首

高適

常言龍德本先天，誰為仙人每學仙。更道玄元指李日，多於王母種桃年。仙宮仙府有真仙，天寶天仙秘莫傳。為問軒皇三百歲，何如大道一千年。

王華仙子歌

李康成

紫陽仙子名玉華，珠盤承露餌丹砂。轉態凝情五雲裏，

嬌顏千歲芙蓉花紫陽綠女矜無數遙見玉華皆掩輝  
高唐初日不成妍洛渚流風徒自憐旋階綺閣碧題  
霜羅幕仙娥桂樹長自春王母桃花未嘗落上元夫人  
賓上清深宮寂歷厭層城解珮空憐鄭交甫吹簫不逐  
許飛瓊溶溶紫庭步渺渺瀛臺路蘭陵貴士謝相逢濟  
北書生尚迴顧滄洲傲吏愛金丹清心迴望雲之端羽  
蓋霓裳一相識傳情寫念長無極長無極永相隨攀霄  
歷金闕弄影下瑤池夕宿紫府雲母帳朝餐玄圃崑崙  
芝不學蘭香中道絕却教青鳥報相思

靜女歌

張南容

樂府系

卷四

二十九

靜女樂於靜動合古人則妙年工詩書弱歲勤組織端  
居愁若癡誰復理容色十五坐幽閨四鄰不相識天天  
鄰家子百花裝首飾日日淇上遊笑人不踰閼河水自  
濁濟自清仙臺蛾眉秦鏡明爲照齊王門下醜何如漢  
帝掌中輕

情人玉清歌

一作張南容

畢耀

洛陽有人名玉清可憐玉清如其名善踏斜柯能獨立  
嬋娟花豔無人及珠爲裙玉爲纓臨春風吹玉笙悠悠  
滿天星黃金閣上晚妝成雲和曲中爲曼聲玉梯不得  
踏搖袂兩盈盈城頭之日復何情

田使君美人舞如蓮花北鋌歌

此曲本出北同城

岑參

美人舞如蓮花旋世人有眼應未見高堂蒲地鋪一作紅  
穠穠試舞一曲天下無此曲胡人傳入漢諸客見之驚  
且歎曼臉嬌娥纖纖復穠輕羅金縷花惹龍回裾轉袖若  
飛雪左鋌右鋌生旋風琵琶橫笛和未匝花門山頭黃  
雲合忽作出塞入塞聲白草胡沙寒颯颯翻身入破如  
有神前見後見回回新始知諸曲不可比采蓮落梅徒  
聒耳世人學舞祇是舞恣態豈能得如此

與國賢良夜歌

二首

張東之

樂府系

卷四

三十

柳臺臨新堰樓葉相重複窈窕鳳凰姝傾城復傾國  
杏間花照灼樓上月徘徊帶嬌移玉柱含笑捧金杯

康洽進樂府歌

李頎

識子十年何不遇只愛歡遊兩京路朝吟左氏嬌女篇  
夜誦相如美人賦長安春物舊相宜小苑蒲萄花滿枝  
柳色偏濃九華殿鸞聲醉殺五陵兒曳裾此日從何所  
中貴由來盡相許白袂一作袂春衫仙吏贈烏皮隱几臺  
郎與新詩樂府唱堪愁御妓應傳鴝鵒樓西上雖因長  
公主終須一見曲陵一作侯

樂府新歌

應教

謝偃

青樓綺閣已含春凝粧艷粉復如神細細輕裙一作全  
漏影離離薄扇詎障塵樽中酒色恒宜滿曲裏歌聲不  
厭新紫燕欲飛先遶棟黃鶯始哢即嬌人撩亂垂絲昏  
柳陌參差濃葉暗桑津上客莫畏斜光晚自有西園明  
月輪

短歌送邛州錄事歸合州因寄蘇使杜甫

前者途中一相見人事經年記君面後生相勸何寂寥  
君有長才不貧賤君今起枕春江流余亦沙邊具小舟  
幸爲達書賢府主江花未盡會江樓

短歌戲贈閬州秦少府

樂府系 卷四

三十一

去年行宮當太白朝回君是同舍客同心不減骨肉親  
每語見許文章伯今日時清兩京道相逢苦覺人情好  
昨夜邀歡樂更無多才依舊能潦倒

短歌病後過王倚飲賦贈

麟角鳳觜世莫識煎膠續弦竒自見尚看王生抱此懷  
在於甫也何由羨且遇王生慰疇昔素知賤子甘貧賤  
酷見凍餒不足耻多病沈年苦無健王生怪一作見我顏  
色惡蒼云伏枕艱難遍瘡癘三秋孰可忍寒熱百日相  
交戰頭白眼暗坐有胝肉黃皮皺命如綫惟生哀我未  
平復爲我力致美肴膳遣人向市賒香秬喚婦出房親

自饌長安冬菹酸且綠金城土酥淨如練兼求畜豕且  
割鮮密沽斗酒諧終宴故人情味晚誰似令我手脚輕  
欲旋老馬爲駒總一作信不虛當時得意况深眷但使殘  
年飽喫飯只願無事長相見

七歌七首乾元中寓居同谷縣作

有客有客字子美白頭亂髮垂過耳歲拾橡栗隨狙公  
天寒日暮山谷裏中原無書歸不得手脚凍皴皮肉死  
嗚呼一歌兮歌已哀悲風爲我從天來

長鑱長鑱白木柄我生託子以爲命黃精無苗山雪盛  
短衣數挽不掩脛此時與子空歸來男呻女吟四壁靜

樂府系 卷四

三十二

嗚呼二歌兮歌始放閭里爲我色惆悵

有弟有弟在遠方三人各瘦何人彊生別展轉不相見  
胡塵暗天道路長東飛鴛鴦後鵝鵲安得送我置汝傍  
嗚呼三歌兮歌三發汝歸何處收兄骨

有妹有妹在鍾離良人早歿諸孤癯長淮浪高蛟龍怒  
十年不見來何時扁舟欲往箭滿眼香杳南國多旌旗  
嗚呼四歌兮歌四奏林猿爲我啼清晝

四山多風谿水急寒雨颯颯枯樹濕黃蒿古城雲不開  
白狐跳梁黃狐立我生何爲在窮谷中夜起坐萬感集  
嗚呼五歌兮歌正長覓招不來歸故鄉

南有龍兮在山湫古木龍巖枝相樛木葉黃落龍正蟄  
蝮蛇東來水上遊我行惟此安敢出拔劍欲斬且復休  
嗚呼六歌兮歌思遲緒壑爲我回春姿

男兒生不成名身已老三年饑走荒山道長安卿相多  
少年富貴應須致身早山中儒生舊相識但話宿昔傷  
懷抱嗚呼七歌兮悄終曲仰視皇天白日速

李潮八分小篆歌

蒼頡鳥跡既茫昧字體變化如浮雲陳倉石鼓又已訛  
大小二篆生八分秦有李斯漢蔡邕中間作者寂不聞  
嶧山之碑野火焚東木傳刻肥失真苦縣光和尚骨立

樂府系

卷四

三十三

書貴瘦硬方通神惜哉李蔡不復得吾甥李潮下筆親  
尚書韓擇木騎曹蔡有鄰開元已來數八分潮也奄有  
二子成三人况潮小篆逼秦相快劍長戟森相向八分  
一字直百金蛟龍盤擎肉屈強吳郡張顛誇草書草書  
非古空雄壯豈如一作吾甥不流宕丞相中郎丈人行  
巴東逢李潮逾月求我歌我今衰老才力薄潮乎潮乎  
奈汝何

懷素草書歌

李白

少年上人號懷素草書天下稱獨步墨池飛出北溟魚  
筆鋒殺盡中山兔八月九月天氣涼酒徒詞客滿高堂

屢麻素絹排數箱宜州石硯墨色光吾師醉後倚繩牀

須臾掃盡數千張飄風驟雨驚颯颯落花飛雪何茫茫

起來向壁不停手一行數字大如斗怳怳如聞神鬼驚

時時只見龍蛇走左盤右蹙如驚電狀同楚漢相攻戰

湖南七郡凡幾家家屏障書題徧王逸少張伯英古

來幾許浪得名張顛老死不足數我師此義不師古

來萬事貴天生何必要公孫大娘渾脫舞

李士曹廳壁畫度雨雲歌

岑參

似出棟梁裏如和風雨飛掾曹有時不敢歸謂言雨過

濕人衣

樂府系

卷四

三十四

山水壁畫歌

同族弟金城尉叔卿

李白

高堂粉壁圖蓬瀛燭前一見滄洲清洪波洶湧山崢嶸  
皎若丹丘隔海望赤城光中乍喜嵐氣滅謂逢山陰晴  
後雪迴谿碧流寂無喧又如秦人月下窺花源了然不  
覺清心竟抵將疊嶂鳴秋猿與君對此歡未歇放歌行  
吟達明發却顧海客揚雲帆便欲因之向溟渤

當塗趙炎少府粉圖山水歌

峨眉高出西極天羅浮直與南溟連名公繹思揮彩筆  
驅山走海置眼前蒲堂空翠如可掃赤城霞氣蒼梧煙  
洞庭瀟湘意渺縣三江七澤情迴沿驚濤洶湧向何處



孤舟一去迷歸年征帆不動亦不旋飄如隨風落天邊  
心搖目斷興難盡幾時可到三山巔西峰崢嶸噴流泉  
橫石蹙水波潏潏東崖合沓蔽輕霧深林雜樹空芊眠  
此中冥昧失晝夜隱几寂聽無鳴蟬長松之下列羽客  
對坐不語南昌仙南昌仙人趙夫子妙年歷落青雲士  
訟庭無事羅衆賓杳然如在丹青一作裏五色粉圖安  
足珍眞僊一作山可以全吾身若待功成拂衣去武陵桃  
花笑殺人

奉先劉少府畫山水障歌

杜甫

堂上不合生楓樹恠底江山起煙霧聞君掃却赤縣圖

樂府系

卷四

三十五

乘興遣畫滄洲趣畫師亦無數好手不可遇對此融心  
神知君重毫素豈但祁岳與鄭虔筆迹遠過楊契丹得  
非玄圃裂無乃瀟湘翻悄然坐我天姥下耳邊已似聞  
清猿反思前夜風雨急乃是蒲城鬼神入元氣淋漓障  
猶濕眞宰上訴天應泣野亭春還雜花遠漁翁暝踏孤  
舟立滄浪水深青溟闊歇岸側島秋毫末不見湘妃鼓  
瑟時至今斑竹臨江活劉侯天機精愛畫入骨髓自有  
兩兒郎揮灑亦莫比大兒聰明到能添老樹巔崖裏小  
兒心孔開貌得山僧及童子若耶谿雲門寺吾獨胡爲  
在泥滓青鞋布襪從此始

王宰畫山水圖歌

戲題

十日畫一水五日畫一石能事不受相促迫王宰始肯  
留眞跡壯哉崑崙方壺圖挂君高堂之素壁巴陵洞庭  
日本東赤岸水與銀河通中有雲氣隨飛龍此句無舟人  
漁子入浦淑山水盡亞一作帶洪濤風尤工遠勢古莫比  
咫尺應須論一作千萬里焉得并州快剪刀剪取吳松半  
江水

李尊師松樹障子歌

老夫清晨梳白頭玄都道士來相訪握髮呼兒延入戶

手持一作提

新畫青松障障子松林靜杳冥憑軒忽若無

樂府系

卷四

三十六

丹青陰崖却承一作成霜雪幹偃蓋反走蚪龍形老夫平  
生好奇古對此興與精靈聚已知仙客意相親更覺良  
工心獨苦松下丈人巾屨同偶坐似是商山翁悵望一作悵  
聊歌紫芝曲時危慘淡來悲風

韋僊雙松圖歌

戲題

天下幾人畫古松畢宏已老韋僊少絕筆長風起纖末  
滿堂動色嗟神妙兩株慘裂苔蘚皮屈鐵交錯迴高枝  
白摧朽骨龍虎死黑入太陰雷雨垂松根胡僧憇寂寞  
龐眉皓首無住著偏袒右肩露雙腳葉裏松子僧前落  
韋侯韋侯數相見我有一匹好東一作素絹重之不減錦

繡段已今拂拭光凌亂請公放筆爲直幹

姜楚公畫角鷹歌 楚公名皎

楚公畫鷹鷹戴角殺氣森森到幽朔觀者食愁掣臂飛  
畫師不是無心學此鷹寫真在左綿却嗟真骨逐虛傳  
梁間燕雀休驚怕亦未搏空上九天

李尚書畫射虎圖歌

獨孤及

饑虎呀呀立當路萬夫震恐百獸怒形弓金鏃當者誰  
鳴鞭飛控流星馳居然畫中見真態若務除惡不顧私  
時和年豐五兵已白額未誅壯士耻分銖遠邇懸轂中  
不中不發思全功捨矢如破石可裂應絃盡敵山爲空

樂府系

卷四

三十七

殺氣滿堂觀者駭颯若崖谷生長風精微入神在毫末  
作續造物可同功方叔秉鉞受命新丹青起子氣益振  
底綏靜難巧可擬嗟歎不足聲成文他時代天育萬物  
亦以此道安斯民

畢員外宅觀畫馬歌

同鮮于洛陽作 高適

知君愛鳴琴仍好千里馬末日恒思單父中有時心到  
宛城下遇客丹青天下才白生胡雛控龍媒主人娛賓  
畫幃開只言騏驎西極來半壁趨趨勢不住蒲堂風飄  
颯然度家僮愕視欲先鞭權馬驚嘶還屢顧始知物妙  
皆可憐燕昭市駿豈徒然縱令剪拂無所用猶勝驚駘

在眼前

韋諷畫馬歌

杜甫

韋侯別我有所適知我憐君畫無敵戲拈秃筆掃驂驪  
歛見麒麟出東壁一匹斲草一匹嘶坐看千里當霜蹄  
時危安得真致此與人同生亦同死

天育驃騎歌 天育廐名

吾聞天子之馬走千里今之畫圖無乃是是何意態雄  
且傑駿 一作尾 蕭稍朔風起毛爲綠縹兩耳黃眼有紫  
焰雙瞳方矯矯龍性合變化卓立天骨森開張伊昔太  
僕張景順考牧攻駒閱清峻遂令大奴字 一作天育別

樂府系

卷四

三十八

養驥子憐神駿當時四十萬匹馬張公歎其才盡下故  
獨寫真傳世人見之座右久更新年多物化空形影鳴  
呼健步無由騁如今豈無驥裏與驊騮時無王良伯樂  
死卽休

五雲裘歌 訓殷明佐見贈

李白

我吟謝朓詩上語朔風颯颯吹飛雨謝朓日沒青山空  
後來繼之有殷公粉圖珍裘五雲色曄如晴天散綵虹  
文章彪炳光陸離應是素娥玉女之所爲輕如松花落  
金粉濃似苔錦含碧滋遠山積翠橫海島殘霞霏丹映  
江草凝毫採掇花露 一作露 容幾年功成奪天造故人贈

我我不違着令山水含清一作暉頤驚謝康樂詩興生

我衣襟前林壑欽暝色袖上煙一作霞收夕霏群仙長

歎驚此物千崖萬壑相縈鬱身騎白鹿行飄飄手翳紫

芝笑披拂相如不足誇鸛鶴王恭鶴警安可方瑤臺雪

花數千點片片吹落春風香爲君持此凌蒼蒼上朝三

十六玉皇下窺天子不可及矯首相思空斷腸

春酒歌

同河南李少尹畢員外宅夜高適飲時洛陽告捷遂作歌云

故人美酒勝濁醪故人清詞合風騷長歌滿酌惟吾曹

高談正可揮塵毛半醉忽然持蟹螯洛陽告捷傾前後

武侯腰間印如斗郎官無事時飲酒杯中綠蟻吹轉來

樂府系

卷四

三十九

甕上飛花拂還有前年持節將楚兵去年留司在東京

今年復拜二千石盛夏五月西南行彭門劍門蜀山裏

昨逢軍人劫奪我到家但見妻與子賴得飲君春酒數

十杯不然令我愁欲死

長林令衛象飴絲結歌

李嶠

主人瑯盤盤素絲寒女眷眷墨子悲答乃假使飴爲之

八珍重沓失顏色手援玉節不敢持始狀芙蓉新出水

仰折重衣傾萬藥又如合歡交亂枝紅茸向暮花參差

吳蠶落繭抽尚絕細縷纖毫看欲滅雲髮羞垂倭墮鬟

繡囊畏並茱萸結我愛此絲巧妙絕世無爲君作歌陳

座隅

閨鄉姜七少府設餼歌

戲贈

杜甫

姜侯設餼當嚴冬昨日今日皆天風河凍未漁不易得

鑿冰恐侵河伯宮饗人受魚校人手洗魚磨刀魚眼紅

無聲細下飛碎一作素

一作雪有骨已剝紫春蔥偏勸腹腴愧

年少軟炊香飯一作杭

一作緣老翁落碁何曾白紙濕放筋未

覺金盤空新懽便飽姜侯德清觴異味情屢極東歸食

一作公路自覺難欲別上馬身無力可憐爲人好心事於

我見子真顏色不恨我衰子貴時悵望且爲今相憶

彈碁歌

李頎

樂府系

卷四

四十

崔侯善彈碁巧妙盡於此藍田美石清如砥白黑相分

十二子聯翩百中皆造微魏文手巾不足比綠邊度隴

未可嘉鳥歧星懸正復斜迴颺轉指速飛電拂四取五

旋風花坐中一作上

一作齊聲稱絕藝仙人六博何能繼一別

常山道路遙爲余更作三五一作兩

勢

秦箏歌

送外甥蕭正歸京

岑參

汝不聞秦箏聲最苦五色纏絃十三柱怨調慢聲如欲

語一曲未終日移午紅亭水木不知暑忽彈黃鍾和白

紆清風颯來雲不去聞之酒醒淚如雨汝歸秦兮彈秦

聲秦聲悲兮聊送汝

胡笳歌 送顏真卿使赴河隴

君不聞胡笳聲最悲紫髯綠一作眼胡人吹吹之一曲  
猶未了愁殺樓蘭征戍兒涼秋八月蕭關道北風吹斷  
天山草崑崙山南月欲斜胡人向月吹胡笳胡笳怨今  
將送君秦山遙望隴山雲邊城夜夜多愁夢向月胡笳  
誰喜聞

裴將軍宅蘆管歌

滄東九月蘆葉斷遼東小兒采蘆管可憐新管清且悲  
一曲風飄海頭滿海樹蕭索天雨霜管聲寥亮月蒼蒼  
白狼河北堪愁恨玄兔城南皆斷腸遼東將軍長安宅  
樂府系 卷四 四十二  
美人蘆管會佳客弄調吹颺勝洞簫發聲竊窺欺橫笛  
夜半高堂客未回祗將蘆管送君杯巧能陌上驚楊柳  
復向園中誤落梅諸客愛之聽未足高捲珠簾列紅燭  
將軍醉舞不肯休更使美人吹一曲

安萬善吹感策歌

李頎

南山截竹爲感策此樂本自龜茲出流傳漢地曲轉奇  
涼州胡人爲我吹傍鄰聞者多歎息遠客思鄉皆淚垂  
世人解聽不解賞長飈風中自來往枯桑老柏寒飈颺  
九雛鳴鳳亂啾啾龍吟虎嘯一時發萬籟百泉相與秋  
忽然更作漁陽參黃雲蕭條白日暗變調如聞楊柳春

上林繁花照眼新歲夜高堂列明燭美酒一杯聲一曲  
荆南兵馬使太常卿趙公大食刀歌 大食國名

杜甫

太常樓船聲噉嘈間兵刮冠超下牢牧出令奔飛百艘  
猛蛟突獸紛騰逃白帝寒城駐錦袍玄冬示我胡國刀  
壯士短衣頭虎毛憑軒拔鞘天爲高翻風轉日木怒號  
水翼雪一作淡傷哀孫鑄錯碧翼鵲鵲膏芒鏑已瑩虎  
秋濤鬼物撒淚亂坑壕蒼水使者捫赤條龍伯國人罷  
釣鼈芮公回首顏色勞分閭救世用賢豪趙公王立高  
歌起攬環結佩相終始萬歲持之護天子得君亂絲與  
樂府系 卷四 四十二  
君理蜀江如線針如水荆岑彈丸心未已賊臣惡子休  
干紀魍魎魍魎徒爲耳妖腰亂領敢欣喜用之不高亦  
不痺不似長劍須天倚吁嗟光祿英雄弭大食寶刀聊  
可比丹青宛轉麒麟裏光芒六合無泥滓

綠樹歌

陳子昂

嘉錦筵之珍樹今錯衆綠之氛氲狀瑤臺之微月點巫  
山之朝雲青春今不可逢况蕙色之增芬結芳意而誰  
賞怨絕世之無聞紅榮碧艷坐看歌素華流年不待君  
故吾思崑崙之琪樹厭桃李之續紛

韋員外家花樹歌

岑參

今年花似去年好去年人到今年老始知人老不如花  
可惜落花君莫掃君家兄弟不可當列卿御史尚書郎  
朝回花底恒會客花撲玉缸春酒香

前題 同岑郎中作

獨孤及

東風動地吹花發渭城桃李千樹雪芳菲可愛不可留  
武陵歸客心欲絕金華省郎惜佳辰祗持棣萼照青春  
君家自是成蹊處況有庭花作主人

蜀一作 蔡花歌 一作劉春虛

岑參

昨日一花開今日一花開今日花正好昨日花已老人  
生不得長少年莫惜牀頭沽酒錢請君有錢向酒家君  
樂府系 卷四 四十三

不見蜀葵花

優鉢羅花歌

序曰嘗讀佛經問有優鉢羅花目  
攝監察御史領伊西北庭度支副使自公多暇  
乃於府庭內栽樹種藥為山鑿池婆娑其間  
足以寄傲交河小吏有獻此花者云得之於天  
山之南其狀異於衆草勢龍從如冠弁巖然上  
聳生不傍引攢花中坻駢葉外包異香騰風秀  
色媚景因賞而歎曰爾不生於中土僻在遐裔  
使牡丹價重芙蓉譽高惜哉夫天地無私陰陽  
無偏各遂其生自物厥性豈以偏地而不生乎  
豈以無人而不芳乎適此花不遺小吏終委諸  
山谷亦無異懷才之士未會明主擯于林藪邪  
因感而為歌歌曰

白山南赤山北其間有花人不識綠莖碧葉好顏色葉  
六瓣花九房夜掩朝開多異香何不生彼中國今生西

方移根在庭媚我公堂耻與衆草之為伍何亭亭而獨  
芳何不爲人之所賞今深山窮谷委嚴霜吾竊悲陽關  
道路長曾不得獻于君王

新秦郡松樹歌

王維

青青山上松數里不見今更逢不見君心相憶此心向  
君君應識爲君顏色高且閒亭亭迴出浮雲間

官渡柳歌

送李員外承恩往揚州觀 獨孤及

君不見官渡河兩岸三月楊柳枝千條萬條色色勝  
綠絲花作鉛粉絮葉成翠羽帳此時送遠人悵望春水  
上遠客折楊柳依依兩含情夾郎木蘭舟送郎千里行

樂府系 卷四 四十四

郎把紫泥書東征觀庭闈脫却貉褱褕新着五絲衣雙

鳳并兩翅將雛東南飛五兩得便風幾日到揚州莫貪  
揚州好客行剝淹留郎到官渡頭春蘭已應久殷勤道  
遠別爲謝大堤柳攀條倘相憶五里一迴首明年柳枝  
黃問郎還家否

范公叢竹歌

職方郎中兼侍御史范公乃於陝西  
使院內種竹新製叢竹詩以見示美  
范公之清致雅操遂爲歌以和之 岑參

世人見竹不解愛知君種竹府庭內此君託根幸得地  
種來幾時聞已大盛暑脩條叢色寒閒宵檝檝葉聲乾  
能清案牘簾下見宜對琴書牕外看爲君成陰將蔽日

迸笋穿堦踏還出守節偏凌御史霜虛心願比郎官筆  
君莫愛南山松樹枝竹色四時也不移寒天草木黃落  
盡猶自青青君始知

雙筍歌

送李回兼呈劉四

李頎

並抽新筍色漸綠迴出空林雙碧玉春風解箨雨潤根  
一枝半葉清露痕爲君當面拂雲日孤生四遠何足論  
再三抱此悵爲別嵩洛故人與之說

愛敬寺古藤歌

古藤池水盤樹根左攬右擎龍虎蹲橫空直上相陵突  
丰茸離纚若無骨風雷霹靂連黑枝人言其下藏妖魑  
樂府系 卷四 四十五

空庭落葉作開合十月苦寒常倒垂憶昨花飛滿空殿  
密葉吹香飯僧過南階雙桐一百尺相與年年老霜霰

雙黃鵠歌

送別

王維

天路來今雙黃鵠雲上飛今水上宿撫翼和鳴整羽族  
不得已忽分飛家在玉京朝紫微主人臨水送將歸悲  
殆嘹唳垂舞衣賓欲散復相依幾往返今極浦尚徘徊  
分落暉岸一作寒上火兮相迎將夜入今邊城鞍馬歸今  
佳人散悵離憂今獨含情

龍池柳色初青聽新鶯百轉歌

侍從宜春苑奉詔

李白

東風已綠瀛洲草紫殿紅樓覺春好池南柳色半青青  
縈煙裊娜拂綺城垂絲百尺挂雕楹上有好鳥相和鳴  
間關早得春風情春風卷入碧雲去千門萬戶皆春聲  
是時君王在錦京五雲垂暉耀紫清仗出金宮隨日轉  
新鶯新鶯飛繞上林苑願入簫韶雜鳳笙

青雀歌

王維

青雀翅羽短未能遠食玉山禾猶勝黃雀爭上下唧唧  
空倉復若何

前題

盧象

樂府系

卷四

四十六

啾啾青雀兒飛來飛去仰天池逍遙飲啄安涯分何假  
扶搖九萬爲

前題

崔興宗

青鳥繞青林翩翩陋體一微禽不應長在藩籬下他日  
凌雲誰見心

前題

裴廸

動息自適性不曾妄與燕雀羣幸忝鷦鷯早相識何時  
提携致青雲

前題

王綰

林間青雀兒來往翩翩繞一枝莫言不解銜環報但問

君恩今若爲

衛節度赤驃馬歌

岑參

君家赤驃畫不得一團旋風桃花色紅纓紫鞵珊瑚鞭  
玉鞍錦韉黃金勒請君鞍出看君騎尾長罕地如紅絲  
自矜諸馬皆不及却憶百金新買時香街紫陌鳳城內  
滿城見者誰不愛揚鞭驟急白汗流弄影行驕碧蹄碎  
紫髯胡雛金剪刀平明剪出三鬣高樞上看時獨意氣  
衆中牽出偏雄豪騎將獵向南山口城南狐兔不復有  
草頭一點疾如飛卻使蒼鷹翻向後憶昨看君朝未央  
鳴珂擁蓋滿路香始知邊將真富貴可憐人馬相輝光

樂府系

卷四

四十七

男兒稱意得如此駿馬長鳴北風起待君東去掃胡塵  
爲君一日行千里

觀打魚歌

杜甫

綿州江水之東津魴魚鱖魚色勝銀漁人漾舟沈大網  
截江一擁數百鱗衆魚常才盡棄却赤鯉騰出如有神  
潛龍無聲老蛟怒迴風颯颯吹沙塵饔子左右揮霜刀  
鱸飛金盤白雪高徐州禿尾不足憶漢陰槎頭遠遁逃  
魴魚肥美知第一既飽驩娛亦蕭瑟君不見朝來割素  
髻咫尺波濤永相失

蒼江漁子清晨集設網提綱萬魚急能者操舟疾若風

撐突波濤挺義入小魚脫漏不可紀半死半生猶戢戢  
大魚傷損皆垂頭屈強泥沙有時立東津觀魚已再來  
主人罷鱸還傾杯日暮蛟龍改窟穴山根鱸鮓隨雲雷  
干戈兵革鬪未已鳳凰麒麟安在哉吾徒胡爲縱此樂  
暴珍天物聖所哀

樂府系

卷四

四十八

唐詩所第四卷



唐詩所第五卷 樂府系

前集

行

赤霄行

杜甫

孔雀未知牛有角渴飲寒泉逢舐觸赤霄玄圃須往來  
翠尾金花不辭辱江上淘河嚇飛燕銜泥却落差華屋  
皇孫猶會蓮勺困衛莊見貶傷其足老翁慎勿恠少年  
葛亮貴和書有篇丈夫垂名動萬年記憶細故非高賢

天邊行

天邊老人歸未得日暮東臨大江哭隴右河源不種田  
胡騎羌兵入巴蜀洪濤滔天風拔木前飛禿鶯後鴻鵠

樂府系

卷五

二

九度附書向洛陽十年骨肉無消息

日出入行

李白

日出東方隈似從地底來歷天又復入西海一作歷天又入海  
六龍所舍安在哉其始與終古不息一作其行終古不休人非

能

與之久徘徊

草不謝榮於春風木不怨

落於秋天誰揮鞭策驅四運萬物興歇皆自然義和義  
和汝奚汨沒於荒淫之波魯陽何德駐景揮戈逆道違  
天矯誣實多吾將囊括大塊浩然與溟滓同科

江風行

張潮

增貧如珠玉增富如埃塵貧時不忘舊富日多寵新妾

本富家女與君爲偶匹惠好一何深中門不會出妾有

繡衣裳蕙蕤金縷光念君貧且賤易此從遠方遠方三

千里思君心未已一作發去日暮情更來空望去時水

孟夏麥始秀江上多南風商賈歸欲盡君今尚巴東巴

東有巫山窈窕神女顏常恐遊此方果然不知還

早春行

王維

紫梅發初遍黃鳥歌猶澁誰家折楊女弄春如不及愛  
水看妝坐羞人映花立香長風吹散衣愁露濕玉闌  
青門裏日落香車入游行益相思含啼向綵帷憶君長  
入夢歸晚更生疑不及紅簷燕雙栖綠草時

樂府系

卷五

二

去秋行

杜甫

去秋涪江木落時臂槍走馬誰家兒到今不知白骨處  
部曲有去皆無歸遂州城中漢節在遂州城外巴人稀  
戰場冤魂每夜哭空令野營猛士悲

歲晏行

歲云暮矣多北風瀟瀟洞庭白雲中漁父天寒網罟凍  
莫徭射鴈鳴桑弓去年米貴關軍食今年米賤大傷農  
高馬達官厭酒肉此輩杼軸茅茨空楚人重魚不重鳥  
汝休枉殺南飛鴻况聞處處鬻男女割慈忍愛還租庸  
往日用錢捉私鑄今許鉛錫和青銅刻泥爲之最易得

好惡不合長相蒙萬國城頭吹畫角此曲哀怨何時終

今夕行

今夕何夕歲云徂更長燭明不可孤咸陽客舍一事無  
相與博塞爲歡娛憑陵大叫呼五白袒跣不肯成臬盧  
英雄有時亦如此邂逅豈卽非良圖君莫笑劉毅從來  
布衣願家無僮石輸百萬

燕支行

王維

漢家天將才且雄時來謁帝明光宮萬乘親推雙闕下  
千官出餞五陵東誓辭甲第金門裏身作長城玉塞中  
衛霍纔堪一騎將朝廷不數貳師功趙魏燕韓多勁卒

樂府系

卷五

關西俠少何咆勃報讐只是聞嘗膽飲酒不曾妨刮骨  
畫戟雕戈白日寒連旗大旆黃塵沒疊鼓遙翻瀚  
海波鳴笳亂動天山月麒麟錦帶佩吳鉤颯沓青驪躍  
紫騮拔劍已斷天驕臂歸鞍共飲月支頭漢兵大呼一  
當百虜騎相看哭且愁教戰雖令赴湯火終知上將先  
伐謀

熱海行

送崔侍御還京

岑參

側聞陰山胡兒語西頭熱海水如煮海上衆鳥不敢飛  
中有鯉魚長且肥岸傍青草常不歇空中白雪遙旋滅  
蒸沙爍石然虜雲沸浪炎波煎漢月陰火潛燒天地鑪

何事偏烘西一隅勢吞月窟侵太白氣連赤坂通單于  
送君一醉天山郭正見夕陽海邊落柏臺霜威寒逼人

熱海炎氣爲之一作薄

走馬川行

送出師西征

君不見走馬川行雪海邊平沙莽黃入天輪臺九月  
風夜吼一川碎石大如斗隨風滿地石亂走匈奴草黃  
馬正肥金山西見煙塵飛漢家大將西出師將軍金甲  
夜不脫半夜軍行戈相撥風頭如刀面如割馬毛帶雪  
汗氣蒸五花連錢旋作水幕中草檄硯水凝虜騎聞之  
心膽慄料知短兵不敢接車師西門佇獻捷

樂府系

卷五

四

桃源行

王維

漁舟逐水愛山春兩岸桃花夾去津坐着紅樹不知遠  
行盡青谿不見人山口潛行始隈隩山開曠望旋平陸  
遙看一處攢雲樹近入千家散花竹樵客初傳漢姓名  
居人未改秦衣服居人共住武陵源還從物外起田園  
月明松下房櫳靜日出雲中雞犬喧驚聞俗客爭來集  
競引還家問都邑平明間巷掃花開薄暮漁樵乘水入  
初因避地去人間及至成僊遂不還峽裏誰知有人事  
世中遙望空雲山不疑靈境難聞見塵心未盡思鄉縣  
出洞無論隔山水辭家終擬長游行自謂經過舊不迷

安知峯壑今來變當時只記入山深青谿幾曲到雲林  
春來遍是桃花水不辨仙源何處尋

清溪行

李白

清溪清我心水色異諸水借問新安江見底何如此人  
行明鏡中鳥度屏風裏向晚猩猩啼空悲遠遊子

漢陂行

杜甫

岑參兄弟皆好奇攜我遠來遊漢陂天地黯慘忽異色  
波濤萬頃堆琉璃琉璃漫汗泛舟入事殊興極憂思集  
鼉作鯨吞不復知惡風白浪何嗟及主人錦帆相爲開  
舟子喜甚無氛埃覺驚散亂棹謳發絲管啁啾空翠來

樂府系

卷五

五

沈竿續蔓深莫測菱葉荷花靜如拭宛在中流渤澥清  
下歸無極終南黑半陂已南純浸山影動褰窕冲融間  
船舫噴受雲際寺水面月出藍田關此時驪龍亦吐珠  
馮夷擊鼓群龍趨湘妃漢女出歌舞金支翠旗光有無  
咫尺但愁雷雨至蒼茫不曉神靈意少壯幾時奈老何  
向來哀樂何其多

湖上對酒行

張謂

夜坐不厭湖上月晝行不厭湖上山眼前一樽又長滿  
心中萬事如等閒主人有黍百餘石濁醪數斗應不惜  
卽今相對不盡歡別後相思復何益茱萸灣頭歸路賒

願君且宿黃公家風光若此人不醉參差辜負東園花

幽歌行

上新平長史兄榮

李白

幽谷稍稍振庭柯涇水浩浩揚湍波哀鴻酸嘶暮聲急  
愁雲蒼慘寒氣多憶昨去家此爲客荷花初紅柳條碧  
中宵出飲三百杯明朝歸揖二千石寧知流寓變光輝  
胡霜蕭颯繞客衣寒灰寂寞憑誰煖落葉飄揚何處歸  
吾兄行樂窮曠廬旭滿堂有美顏如玉趙女長歌入彩雲  
燕姬醉舞嬌紅燭狐裘獸炭酌流霞壯士悲吟寧見嗟  
前榮後枯相翻覆何惜餘光及棣華

鴻門行

袁耀

樂府系

卷五

六

少年買意氣百金不辭費學劍西入秦結交北遊魏秦  
魏多報人與代亦殊倫由來不相識皆是暗相親寶馬  
青絲轡狐裘貂鼠服晨過劇孟遊暮投咸陽宿然諾本  
云云諸侯莫不聞猶思百戰術更逐李將軍始從瀾陵  
下遙遙度朔野北風聞楚歌南庭見胡馬胡馬秋正肥  
相邀夜合圍戰酣烽火滅路斷救兵稀白刃縱橫逼黃  
塵飛不息虜騎血灑衣單于淚沾臆獻凱雲臺中自言  
塞上雄將軍行失勢部曲遂無功新人不如舊舊人不  
相救萬里長飄飄十年計不就棄置難重論驅馬度鴻  
門行看楚漢事不覺風塵昏寶劍中夜撫悲歌聊自舞

此曲不可終曲終淚如雨

汾陰行

李嶠

君不見昔日西京全盛時汾陰后土親祭祠齋宮宿寢  
設儲供撞鍾鳴鼓樹羽旂漢家五一作葉才且雄賓延  
萬靈服九戎栢梁賦詩高宴罷詔書法駕幸河東河東  
太守親掃除奉迎至尊導鑾輿五營夾道列容衛三河  
縱觀空里間廻旌駐蹕降靈場焚香奠醑邀百祥金鼎  
發色正焜煌靈祗煒煒攄景光埋玉陳牲禮神畢舉麾  
上馬乘輿出彼汾之曲嘉可遊水蘭爲櫟桂爲舟棹歌  
微吟綠鵠浮簫鼓哀鳴白雲秋歡娛宴洽賜群后家家  
樂府系 卷五 七

復除戶牛酒聲明動天樂無有千秋萬歲南山壽自從  
天子向秦關玉輦金車不復還珠簾羽扇一作益長寂寞  
鼎湖龍髯安可攀千齡人事一朝空四海爲家此路窮  
雄豪意氣今何在壇場官館盡蒿蓬路逢故老長歎息  
世事回環不可測昔時青樓對歌舞今日黃埃聚荆棘  
山川滿目淚沾衣富貴榮華能幾時不見祗今汾水上  
唯有年年秋鴈飛

隴上行

王維

負羽到邊州鳴笳度隴頭雲黃知塞近草白見邊秋  
薊門行 五首 高適

薊門逢古一作故老獨立思氛氲一身既零丁頭鬢白紛  
紛勳庸今已矣矣不識霍將軍

漢家能用武開拓窮異域戍卒厭糟糠降胡飽衣食關  
亭試一望吾欲淚涕一作沾臆

邊城十一月雨雪亂霏霏元戎號令嚴人馬亦輕肥羌  
胡無盡日征戰幾時歸

幽州多騎射結髮重橫行一朝事將軍出入有聲名紛  
紛獵秋草相向角弓鳴

黯黯一作茫茫長城外日沒更煙塵胡騎雖憑陵漢兵不顧  
身古樹滿空塞黃雲愁殺人

樂府系 卷五 八

古大梁行

古城莽蒼一作蒼茫饒荆榛驅馬荒城愁殺人魏王宮觀一作作  
館又盡禾黍信陵賓客隨灰塵憶昨雄都舊朝市軒車  
照耀歌鍾起軍容帶甲三十萬國步連營一作一作  
千里全盛須臾那可論高臺曲池無復存遺墟但有狐  
狸迹一作一作古地空餘草木根暮天搖落傷懷抱撫劍悲  
歌對秋草俠客猶傳朱亥名行人尚識夷門道白壁黃  
金萬戶侯寶刀駿馬填山丘年代淒涼不可問往來唯  
見水東流

孟門行

崔顥

黃雀銜黃花翩翩傍簷隙本擬報君恩如何反彈射金  
壘美酒滿座春平原愛才多衆賓滿堂盡是忠義士何  
意得有讒諛人諛言反覆那可道能令君心不自保北  
園新栽桃李枝根株未固何轉移成陰結實一作子君自  
取若一作借問傍人那得知

故絳行

杜頴

君不見銅鞮觀數里城池已蕪漫君不見虎祁宮幾重  
臺榭亦微濛介馬兵車全盛時歌童舞女妖豔姿一代  
繁華皆共絕九原唯望塚累累

雲中行

薛奇童

樂府系

卷五

九

雲中小兒吹金管向晚因風一川滿塞北雲高心已悲  
城南木落腸堪斷憶昔魏家都此方涼風觀前朝百王  
千門曉映山川色雙闕遙連日月光舉杯稱壽永相保  
日夕歌鍾徹清昊將軍汗馬百戰場天子射獸五原草  
寂寞金輿去不歸陵上黃塵滿路飛河邊不語傷流水  
川上含情歎落暉此時獨立無所見日暮寒風吹客衣

灞陵行

送別

李白

送君灞陵亭灞水流浩浩上有無花之古樹下有傷心  
之春草我向秦人問路岐云是王粲南登之古道古道  
連綿走西京紫關一作關落日浮雲生正當今夕斷腸處

驪歌一作黃鸝愁絕不忍聽

丹陽行

孫逖

丹陽古郡洞庭陰落日扁舟此路尋傳是東南舊都處  
金陵中斷碧江深在昔風塵起京都亂如燬雙關戎虜  
間千門戰場裏傳聞一馬化爲龍南渡衣冠亦願從石  
頭橫帝里京口拒戎鋒青楓林下迴天蹕杜若洲前轉  
國容都門不見河楊樹輦道唯聞建業鍾中原悠悠幾  
千里欲掃攬槍未云一作能已英雄傾奪何紛然一盛一  
衰如逝川可憐宮觀重江裏金鏡相傳三百年自從龍  
見聖人出六合車書混爲一昔年王氣今何在併向長

樂府系

卷五

十

南州行

余延壽

搖艇至南國國門連大江中洲西邊岸數步一垂楊金  
鉤越谿女羅衣胡粉香纖縑春卷幔采蘋瑱提筐弄瑟  
嬌垂幌迎人笑下堂河頭浣衣處無數紫鴛鴦

南都行

李白

南都信佳處武關橫西關白水真人居萬商羅鄴闕高  
樓對紫陌甲第連青山此地多英豪邈然不可攀陶朱

與五穀名播天壤間麗華秀玉色漢女嬌朱顏清歌遏  
流雲豔舞有餘閒遨遊盛苑洛冠蓋隨風還走馬紅陽  
城呼鷹白河灣誰識卧龍客長吟愁髣班

江夏行

憶昔嬌小姿春心亦自持爲言嫁夫婿得免長相思誰  
知嫁商賈令人却愁苦自從爲夫妻何曾在鄉土去年  
下揚州相送黃鶴樓眼看帆去遠心逐江水流只言期  
一載誰謂歷三秋使妾腸欲斷恨君情悠悠東家西舍  
同時發北去南來不逾月未知行李遊何方作箇音書  
能斷絕適來往南浦欲問西江船正見當壚女紅妝二

樂府系

卷五

十一

襄陽行

張潮

玉盤轉明珠君心無定準昨見襄陽客剗說襄陽好無  
盡襄漢水峴山垂漢水東流風北吹只言一世長嬌寵  
那悟今朝見別離君渡清羌渚知人獨不語妾見木作  
鳥栖林憶君相思深莫作雲間鴻離聲顧儔侶尚如匣  
中劍分形會同處是君婦識君情怨君恨君爲此行下  
牀一宿不可保况乃萬里襄陽城襄陽傳近大堤北君

到襄陽莫回一作惑大堤諸女兒憐錢不憐德

大漠行

一作胡皓

崔湜

單于犯薊塹驃騎畧蕭邊南山木葉飛下地北海蓬根  
亂上天科斗連管太原道魚麗合陣武威川三軍遙倚  
伏萬里相馳逐旌旆悠悠靜瀚源鼙鼓喧動廬谷窮  
微出幽陵吁嗟倦寢興馬蹄凍溜石胡毳煖生冰雲沙  
決滌天光閉河塞陰沈海色凝崆峒異國誰能託蕭索  
邊心常不樂近見行人畏白龍遙聞公主愁黃鶴陽春  
半岐路間瑤臺苑玉門關百花芳樹紅將歇二月蘭皋  
綠未還陣雲不散魚龍水雨雪猶飛鴻鴈山山嶂連縣

樂府系

卷五

十二

塞垣行

疾風卷溟海萬里揚砂礫仰望不見天昏昏竟朝夕是  
時軍兩進東拒復西敵蔽山張旗鼓間道潛鋒鏑精騎  
突曉圍奇兵襲暗壁十月邊塞寒四山匝陰積雨雪鴈  
南飛風塵景西迫昔我事討論未嘗怠經籍一朝棄筆  
硯十年操矛戟豈要黃河誓須勒燕然石可嗟牧羊臣

海上一作外久爲客

春陵行同元使君作

杜甫

遭亂髮盡白轉衰病相嬰沈綿盜賊際狼狽江漢行歡  
時藥力薄爲客羸瘵成吾人詩家秀博采世上名榮榮  
元道州前聖畏後生觀乎春陵作歛見俊哲情復覽賊  
退篇結也實國楨賈誼昔流勸匡衡常引經道州憂黎  
庶詞氣浩縱橫兩章對秋月一字皆華星致君唐虞際  
純朴憶大庭何時降璽書用爾爲丹青獄訟久衰息豈  
惟偃甲兵懷惻念誅求薄歛近休明乃知正人意不苟  
飛長纓涼颺振南岳之子寵若驚色沮金印大興含滄  
樂府系 卷五 十三

光祿坂行在梓州

山行落日下絕壁西望千山萬山赤樹枝有鳥亂鳴時  
暝色無人獨歸客馬驚不憂深谷墜草動只怕長弓射  
安得更似開元中一作年道路卽今多擁隔

沙苑行沙苑監掌牧養在同州

君不見左輔白沙白如水繚以周牆百餘里龍媒昔是  
渥洼生汗血今稱獻于此苑中騾牝三千匹豐草青青

寒不死食之豪健西域無每歲攻駒冠邊鄙王有虎臣  
司苑門入門天廐皆雲屯驪驕一骨獨當御春秋二時  
歸至尊至尊內外馬盈億伏櫪在垆空大存逸群絕足  
信殊傑倜儻權奇難具論纍纍堤阜藏奔突往往跋陀  
縱超越角壯翻同麋鹿遊浮深簸蕩鼉窟泉出巨魚  
長比人丹砂作尾黃金鱗豈知異物同精氣雖未成龍  
亦有神

石笋行在城都西門外二株雙蹲一南一北

君不見益州城西門陌上石笋雙高蹲古老一作來相傳  
是海眼苔蘚蝕盡波濤痕雨多往往得瑟瑟此事恍惚

樂府系 卷五 十四

難明論恐是昔時卿相墓立石爲表今仍存惜哉俗態  
好蒙蔽亦如小臣媚至尊政化錯迂失大體坐看傾危  
受厚恩嗟爾石笋擅虛名後來未識猶駭奔安得壯士  
擲天外使人不疑見本根

石犀行秦孝文王以李冰爲蜀守作石犀五頭以壓水怪

君不見秦時蜀太守刻石立作三犀牛自古雖有厭勝  
法天生江水向東流蜀人矜誇一千載泛溢不近張儀  
樓今年灌口損戶口此事或恐爲神羞終藉隄防出衆  
力高擁木石當清秋先王作法皆正道詭恠何得參人  
謀嗟爾三犀不經濟缺訛只與長川逝但見元氣常調



和自免洪濤恣凋瘵安得壯士提天綱再平水土犀奔  
茫

虎牙行 虎牙灘名蕭統借江陵日屯兵于此

秋風歛吸吹南國天地慘慘無顏色洞庭揚波江漢迴  
虎牙銅柱皆傾側巫峽陰泔漠氣峰巒窈窕谿谷黑  
杜鵑不來猿猱寒山鬼幽憂雪霜逼楚老長嗟憶炎瘴  
三尺角弓兩斛力壁立石城橫塞起金錯旌竿滿雲直  
漁陽突騎獵青丘犬戎鎖甲聞一作丹極八荒十年防  
盜賊征戍誅求寡妻哭遠客中宵淚霑臆

彭衙行 彭衙故城在同州白水縣北

樂府系

卷五

十五

憶昔避賊初北走經險艱夜深彭衙道月照白水山盡  
室久徒步逢人多厚顏參差谷鳥吟不見遊子還癡女  
饑咬我啼畏猛虎聞懷中掩其口反側聲愈嘖小兒強  
解事故索苦李餐一旬半雷雨泥滓相攀牽既無禦雨  
僂徑滑衣又寒有時經契濶竟日數里間野果充糗糧  
卑枝成屋椽早行石上水暮宿天邊煙少留同家窪欲  
出盧子關故人有孫宰高義薄曾雲延客已曛黑張燈  
啟重門煖湯濯我足剪紙招我魂從此出妻孥相視涕  
闌干衆雛爛熳睡喚起霑盤殮誓將與夫子永結爲弟  
昆遂空所坐堂安居奉我歡誰肯艱難際豁達露心肝

別來歲月周胡羯仍構患何富有翹翎飛去墮爾前

客中行

李白

蘭陵美酒鬱金香玉碗盛來琥珀光但使主人能醉客  
不知何處是他鄉

安樂郡王花燭行

張說

青官朱邸翊皇闈玉葉瓊蕤發紫微姬姜本來舅甥國  
卜筮俱道鳳凰飛星昴殷冬獻吉日天桃穠李遙相匹  
鸞車鳳傳王子來龍樓月殿天孫出平臺火樹連上陽  
紫炬紅輪十二行丹爐飛鐵馳炎焰頽霞爍電吐明光  
綠駟一作紺轡紛如霧節鼓清笳前啟路城隅靡靡稍

樂府系

卷五

十六

東還橋上鱗鱗轉南渡五方觀者聚中京四合塵煙漲  
洛城商女香車珠結網天人寶馬玉繁纓百壺淥酒千  
斤肉大道連延障錦軸先祝聖人壽萬年復禱宜家承  
百祿珊瑚刻盤青玉樽因之假道入梁園梁園山竹凝  
雲漢仰望高樓在天半翠幕蘭堂蘇合薰珠簾掛戶水  
波紋別起芙蓉織成帳金縷鴛鴦兩相向屬茵飾地承  
瑤履花燭分階移錦帳織女西垂隱燭臺雙童連縷合  
歡杯藹藹綺庭嬪從列娥娥紅粉扇中開黃金兩印雙  
花綬富貴婚姻古無有清歌棠棣美王姬流化邦人正  
夫婦

薛王花燭行

閔德隱

王子仙車下鳳臺紫纓金勒馭龍媒

出

環珮鏘鏘天上來鵲樓前雲半捲鴛鴦殿裏月徘徊  
玉盤錯落銀燈照珠帳玲瓏寶扇開盈盈二八誰家子  
紅粉新妝勝桃李從來六行比齊姜自許千門奉楚王  
楚王官裏能服飾顧盼傾城復傾國合歡錦帶蒲萄花  
連理香裙石榴色金鑪半夜起氛氲翡翠被重蘇合薰  
不學曹王遇神女莫言羅敷邀使君同心婉婉若琴瑟  
更笑天河有靈匹一朝福履盛王門百代光輝增帝室  
富貴榮華實可憐路傍觀者謂神仙祇應早得淮南術

樂府系

卷五

十七

會見雙飛入紫煙

冬狩行

時梓州刺史章彝兼侍御史  
留後東川

杜甫

君不見東川節度兵馬雄校獵亦似觀成功夜發猛士  
三千人清晨合圍步驟同禽獸已斃十七八殺聲落日  
迴蒼穹幕前生致九青兕駱駝毚羗垂玄熊東西南北  
百里間髣髴蹴踏寒山空有鳥名鸚鵡力不能高飛逐  
走蓬肉味不足登鼎俎胡爲見羈虞羅中春蒐冬狩侯  
得同使君五馬一馬認况今攝行大將權號令頗有前  
賢風飄然時危一老翁十年厭見旌旗紅喜君士卒甚  
整肅爲我回轡擒西戎草中狐兔盡何益天子不在咸

陽官朝廷雖無幽王禍得不哀痛塵再蒙嗚呼得不哀  
痛塵再蒙

將軍行

劉希夷

將軍關轅門耿介當風立諸將欲言事遂巡不敢入劍  
氣射雲天鼓聲振原隰黃塵塞路起走馬追兵急彎弓  
從此去飛箭如雨集截圍一百重斬首五千級代馬流  
血死胡人抱鞍泣古來餐甲兵有事常討襲乘我廟堂  
運坐使干戈戢獻凱歸京師

一作還  
帝京  
軍容何翕習

老將行

王維

少年十五二十時步行奪取胡馬騎射殺山中陰山

一作白

樂府系

卷五

十八

額虎肯數鄴下黃鬚兒一身轉戰三千里一劍曾當百  
萬師漢兵奮迅如霹靂虜騎崩騰畏疾藜衛青不敗由  
天幸李廣無功緣數奇自從棄置便衰朽世事蹉跎成  
白首昔時飛箭無全目今日垂楊生左肘路傍時賣故  
侯瓜門前學種先生柳

一作茫古木連  
一作窮巷遼

落寒山對虛牖誓令疏勒出飛泉不似潁川空使

酒賀闌山下陣如雲羽檄交馳日夕聞節使三河募年

少詔書五道出將軍試拂鐵衣如雪色聊持實劍動星

文願得燕弓射天將耻令越甲鳴吾君莫嫌舊日雲中

守猶堪一戰立

一作功勳

張公子行

常建

日出乘釣舟，嫋嫋持釣竿。涉淇傍荷花，馳馬間金鞍。俠客白雲中，腰間懸鞦韆。出門事嫖姚，爲君西擊胡。胡兵漢騎相馳逐，轉戰孤軍海西曲。百尺旌竿沈黑雲，邊笳落日不堪聞。

公子行

劉希夷

天津橋下陽春水，天津橋上繁華子。馬聲迴合青雲外，人影動搖綠波裏。綠波蕩漾一作清迴玉爲砂，青雲離披錦作霞。可憐楊柳傷心樹，可憐桃李斷腸花。此日遨遊邀美女，此時歌舞入娼家。娼家美女鬱金香，飛去飛來公

樂府系

卷五

十九

子傍的的珠簾白，日映娥娥玉顏紅。粉妝花際徘徊雙，蛺蝶池邊顧步兩鴛鴦。傾國傾城漢武帝，爲雲爲雨楚襄王。古來容光人所羨，况復今日遙相見。願作輕羅着細腰，願爲明鏡分嬌面。與君相向轉相親，與君雙棲共一身。願作貞松千歲古，誰論芳槿一朝新。百年同謝西山日，千秋萬古北邙塵。

洛陽女兒行

王維

洛陽女兒對門居，纔可容顏十五餘。良人玉勒乘驄馬，侍女金盤脰鯉魚。畫閣朱樓盡相望，紅桃綠柳垂簷向。羅幃送上七香車，寶扇迎歸九華帳。狂夫富貴在青春，

意氣驕奢劇季倫。自憐碧玉親教舞，不惜珊瑚持與人。春牕曙滅九微火，九微片片飛花璫。戲罷曾無理曲時，妝成祇是薰香坐。城中相識盡繁華，日夜經過趙李家。誰憐越女顏如玉，貧賤江頭自浣紗。

倡女行

喬知之

石榴酒葡萄漿，蘭桂芳茱萸香。願君駐金鞍，暫此共年芳。願君解羅襦，一醉同匡牀。文君正新寡，結念在歌娼。昨宵綺帳迎韓壽，今朝羅袖引潘郎。莫吹羌笛驚鄰里，不用琵琶喧洞房。且歌新夜曲，莫弄楚明光。此曲怨且豔，哀音斷人腸。

樂府系

卷五

二十

倡婦行

李嶠

十年倡家婦，三秋邊地人。紅粧樓上歇，白髮隴頭新。昨夜風霜苦，年年征戍頻。山西長落日，塞北久無春。團扇辭恩寵，迴文贈苦辛。胡兵屢攻戰，漢使絕和親。消息如瓶井，沈浮似路塵。空餘千里月，照妾兩眉嚬。

春女行

劉希夷

春女顏如玉，怨歌陽春曲。巫山春樹紅，沅江一作湘春草綠。自憐妖艷姿，粧成獨見時。愁心伴楊柳，春盡亂如絲。目極千餘里，悠悠春江水。水頻想玉關人，愁卧金閨裏。尚言春花落，不知秋風起。嬌愛猶未終，悲涼從此始。憶昔

楚王宮玉樓粧粉紅纖腰弄明月長袖舞一作拂春風容  
華委西山光陰不可再一作還桑林沒一作變東海富貴今  
何在寄言桃李容胡爲閨閣重但看楚王墓唯有一一作見  
數株松

前題

王翰

紫臺穹跨連綠波紅軒鈴匝垂纖羅中有一人金作面  
隔幌玲瓏遙可見忽聞黃鳥鳴且悲鏡邊含笑着春衣  
羅袖嬋娟似無力行拾落花比容色落花一度無再春  
人生作樂須及辰君不見楚王臺上紅顏子今日皆成  
狐兔塵

樂府系

卷五

二十一

麗人行

杜甫

三月三日天氣新長安水邊多麗人態濃意遠淑且真  
肌理細膩肉骨勻繡羅衣袞照暮春感金孔雀銀麒麟  
頭上何所有翠微一作爲釵葉垂鬢脣背一作身後何所見  
珠壓腰袂穩稱身就中雲幕椒房親賜名大國號與秦  
紫駝之峯出翠釜水精之盤行素鱗犀筋厭飲久未下  
鸞刀縷切空紛綸黃門飛鞚不動塵御厨絲絡送八珍  
簫鼓哀吟感鬼神賓從雜遝實要津後來鞍馬何逡巡  
當軒下馬入錦茵楊花雪落覆白蘋青鳥飛去銜紅巾  
炙手可熱勢絕倫慎莫近前丞相嗔

古遠行

元季川

悠悠遠行者羈獨當時思道與日月長人無第一一作第舍  
期出門萬里心誰不傷別離縱遠當白髮歲月悲今時  
何況異形客安須與爾悲

狂歌行

贈四兄

杜甫

與兄行年校一歲賢者是兄愚者弟兄將富貴等浮雲  
第竊功名好權勢長安秋雨十日泥我曹韉馬聽晨雞  
公卿朱門未開鎖我曹已到肩相齊吾兄睡穩方舒膝  
不韞不巾踏曉日男啼女哭莫我知身上須縉腹中實  
今年思我來嘉州嘉州酒重花滿樓樓頭喫酒樓下臥

樂府系

卷五

二十二

長歌短詠還相酬四時八節還拘禮女拜弟妻男拜弟  
幅巾輦帶不挂身頭脂足垢何曾洗吾兄吾兄巢許倫  
一生喜怒長任真日斜枕肘寢已熟啾啾唧唧爲何人  
餘杭醉歌行 贈吳山人 丁仙芝

曉幙紅襟燕春城白項烏只來梁上語不向府中趨城  
頭坎坎鼓聲曙滿庭新種櫻桃樹桃花昨夜撩亂開當  
軒發色映樓臺十千兌得餘杭酒二月春城長命杯酒  
後留君待明月還將明月送君回

醉歌行

贈公安顏少府請顧八題壁

杜甫

神仙中人不易得顏氏之子才孤標天馬長鳴待駕馭

秋風整翮當雲霄君不見東吳顧文學君不見西漢杜陵老詩家筆勢君不嫌詞翰升堂爲君掃是日霜風凍七澤烏鸛落照銜赤壁酒酣耳熱忘頭白感君意氣無所惜一爲歌行歌主客

醉歌行 別從姪勤

陸機二十作文賦汝更小年能綴文總角草書又神速世上兒子徒紛紛驕驕作駒已汗血驚鳥舉翮連青雲詞源倒流三峽水筆陣獨掃千人軍只今年纔十六七射策君門期第一舊穿楊葉真自知暫蹶霜蹄未爲失偶然擢秀非難取會是排風有毛質汝身已見唾成珠

樂府系

卷五

二十三

汝伯何由髮如漆春光淡沲秦東亭渚蒲芽白水荇青風吹客衣日杲杲樹攬離思花冥冥酒盡沙頭雙玉餅衆賓皆一作醉我獨醒乃知貧賤別更苦吞聲躑躅涕淚零

醉歌行

冬末以事之東都湖城遇孟雲卿復歸劉顥宅宿燕飲散作

疾風吹塵暗河縣行子隔手不相見湖城城南一作一開眼一作駐馬獨識雲卿面况一作非劉顥爲地主嬾回鞭轡成高宴劉侯歡我攜客來置酒張燈促華饌且將欸曲終今夕休語艱難尚酣戰照室紅爐促曙光紫脰素月垂文練天開地裂長安陌寒盡春生洛陽殿豈

知驅車復同軌可惜刻漏隨更箭人生會合不可常庭樹難鳴淚如綫一作霰

醉歌行

贈廣文館學士鄭虔

諸公衮衮登臺省廣文先生官獨冷甲第紛紛厭梁肉廣文先生飯不足先生有道出羲皇先生有文過屈宋德尊一代常輶軻名垂萬古知何用杜陵野客人更作見啗被褐短窄鬢如絲日糴太倉五升米時赴鄭老同襟期得錢卽相覓沽酒不復疑忘形到爾汝痛飲真吾師清夜沈沈動春酌燈一作前細雨簷一作花落但覺高歌有鬼神焉知餓死填溝壑相如逸有一作才親滌器

樂府系

卷五

二十四

子雲識字終投閣先生早賦歸去來石田茅屋荒蒼苔儒術於我何有哉孔丘盜跖俱塵埃不須聞此意慘愴生前相遇且銜杯

醉歌行

蘇端薛復庭簡薛華

文章有神交有道端復得之名譽早愛客滿堂盡豪傑開筵上日思芳草安得健步移遠梅亂插繁花向晴昊千里猶殘舊冰雪百壺且試開懷抱垂老惡聞戰鼓悲急觴爲緩憂心擣少年努力縱談笑看我形容已枯槁座中薛華善醉歌歌辭自作風格老近來海內爲長句汝與東山李白好何劉沈謝力未工才兼鮑照愁絕倒

諸生頗盡新知樂萬事終傷不自保氣酣日落西風來  
顧吹野水添金杯如澆之酒常快意亦知窮愁安在哉  
忽憶雨時秋井場古人白骨生青苔如何不飲令心哀

懷哉行

薛據

明時無廢人廣厦無棄材良工不我顧有用寧自媒懷  
策望君門歲晏空遲迴秦城多車馬日夕飛塵埃伐鼓  
千門啓鳴珂雙闕來我聞雷雨施天澤一作周不該何  
意斯人徒棄之如死灰主好臣必効時禁權不一作開  
俗流實驕矜得志輕草萊文王賴多士漢帝資羣才一  
言並拜相片善咸居台夫君何不遇爲泣黃金臺

樂府系

卷五

二十五

北上行

李白

北上何所苦北上緣太行磴道盤且峻巉巖凌穹蒼馬  
足蹶側石車輪摧高岡沙塵接幽州烽火連朔方殺氣  
毒劒戟嚴風裂衣裳奔鯨夾黃河鑿齒屯洛陽前行無  
歸日返顧思舊鄉慘慄冰雪裏悲號絕中腸尺布不掩  
體皮膚劇枯桑汲水澗谷阻採薪隴坂長猛虎又掉尾  
磨牙皓秋霜草木不可餐饑飲零露漿歎此北上苦停  
驂爲之傷何日王道平開顏覩天光

惜別行

送向卿進奉端午御衣之上

杜甫

肅宗昔在靈武城指揮猛將收咸京向公泣血灑行殿

佐佑卿相乾坤平逆胡冥寞隨煙燼卿家兄弟功名震  
麒麟閣畫鴻鴈行紫極出入黃金印尚書勲業超千古  
雄鎮荊州繼吾祖裁縫雲霧成御衣拜跪題封賀端午  
向卿將命寸心赤青山落日江湖一作湖白卿到朝廷說  
老翁漂零已是滄浪客

惜別行

送劉僕射判官

聞道南行市駿馬不限匹數軍中須襄陽幕府天下異  
主將儉省憂艱虞祗收壯健勝鐵甲豈因格關求龍駒  
而今西北自反胡騏驎蕩盡一匹無龍媒真種在帝都  
子孫未落西南隅向非戎事備征伐君肯辛苦越江湖

樂府系

卷五

二十六

江湖九馬多顛顛衣冠往往乘蹇驢梁公富貴於身疎  
號令明白人安居俸錢時散士子盡府庫不爲驕豪虛  
以茲報主寸心赤氣却西戎回北狄羅網羣英籍馬多  
氣在驅除出金帛劉侯奉使光推擇滔滔才畧滄溟窄  
杜陵老翁秋繫船扶病相識長沙驛強梳白髮提胡盧  
手把一作菊菊花路傍摘九州兵革浩茫茫三歎聚散臨  
重陽當杯對客忍流涕不覺老夫神內傷

苦戰行

苦戰身死馬將軍自云伏波之子孫干戈未定失壯士  
使我歎恨傷精魂去年江南討狂賊臨江把臂難再得

別時孤雲今不飛時獨看雲淚橫臆

貧交行

翻手作雲覆手雨紛紛輕薄何須數君不見管鮑貧時  
交此道今人棄如土

相從行

贈嚴二別駕時方經崔旰之亂

我行入東川十步一回首成都亂罷氣蕭瑟一作浣花

草堂亦何有梓州豪俊大者誰本州從事知名久把臂

開樽飲我酒酒酣擊劍蛟龍吼烏帽拂塵青螺粟紫衣

將炙緋衣走銅盤燒蠟光吐日夜如何其初促膝黃昏

始扣主人門誰謂俄頃膠在漆萬事盡付形骸外百年

樂府系

卷五

二十七

未見歡娛畢神傾意豁真佳士久客多憂今愈疾高視

乾坤又可愁一軀交態同悠悠垂老遇君未恨晚似君

須向古人求

入奏行

贈西山檢察使竇侍御

竇侍御驥之子鳳之雛年未三十忠義俱骨鯁絕代無

炯如一段清水出萬壑直在迎風寒露之玉壺滌滌歸

厨金盃東洗滌煩熱足以寧君軀政用疎通合典則戚

聯豪貴耽文儒兵革未息人未蘇天子亦念西南隅吐

蕃憑陵氣一作

頗龐竇氏檢察應時須運糧繩橋壯士

喜斬水火并窮猿呼八州刺史思一戰三城守邊却可

圖此行入奏計未小密奉聖旨恩宜一作殊繡衣春常

霄漢立綵服日向庭闈趨省郎京尹必俯拾江花未落

還成都肯訪浣花老翁無爲君酤酒滿眼酤與奴白飯

馬青芻爲君二句一作爲君著衫將髭鬚

去矣行

君不見韉上鷹一飽則飛掣烏能作堂上燕銜泥附炎

熱野人曠蕩無覩顏豈可久在王侯間未識囊中餐玉

法明朝且入藍田山

憶昔行

憶昔北尋小有洞洪河怒濤過輕舸辛勤不見華蓋君

樂府系

卷五

二十八

艮岑青輝慘么麼千崖無人萬壑靜三步回頭五步坐

秋山眼冷鬼未歸仙賞心違淚交墮弟子誰依白茅室

盧老獨啓青銅鎖巾拂香餘搗藥塵階除灰死燒丹火

玄圃滄洲莽空闊金節羽衣飄婀娜落日初霞閃餘映

倏忽東西無不可松風礪水聲合時青兕黃熊啼向我

徒然咨嗟撫遺跡至今夢想仍猶左秘訣隱文須內教

晚歲何功使願果更討衡陽董鍊師南遊早鼓瀟湘柁

徒步歸行 贈李特選借馬自鳳翔赴鄭州

明公壯年值時危經濟貴藉英雄姿國之社稷今若是

武定禍亂非公誰鳳翔千官且飽飯衣馬不復能輕肥



青袍朝士最困者白頭拾遺徒步歸人生交契無老少  
論心何必先同調妻子山中哭向天須公櫪上追風驃

百憂集行

憶年十五心尚孩健如黃犢走復來庭前八月梨棗熟  
一日上樹能千迴卽今倏忽已五十坐卧只多少行立  
強將笑語供主人悲見生涯百憂集入門依舊四壁空  
老妻覩我顏色同癡兒未知父子禮咄怒索飯啼門東  
最能行

峽中丈夫絕輕死少在公門多在水富豪有錢駕大舸  
貧窮取給行艤子小兒學問止論語大兒結束隨商旅

樂府系

卷五

二十九

欽帆側柁入波濤撇旋梢瀆無險阻朝發白帝暮江陵  
頃來目擊信有徵瞿塘漫天虎鬚怒歸州長年與一作行  
最能此鄉之人氣量窄悞競南風疎北客若道士無英  
俊一作雄才何得山有屈原宅

莫相疑行

男兒生無所成頭皓白牙齒欲落真可惜憶獻三賦遂  
萊宮自恠一日聲輝赫集賢學士如堵牆觀我落筆中  
書堂往時文彩動人主此日饑寒趨路傍晚將末契託  
年少當面輸心背面笑寄謝悠悠世上兒不爭好惡莫  
相疑

偏側行

贈畢曜

偏側何偏側我居巷南子巷北可恨一作情鄰里間十日  
不一見顏色自從官馬送還官行路難行澀如棘我貧  
無乘非無足昔者相遇一作過今不得實不是一一作敢愛微  
軀又非關足無力徒步翻愁官長怒此心炯炯君應識  
曉來急雨春風顛睡美不聞鍾鼓傳東家蹇驢許借我  
泥滑不敢騎朝天已令請急會通籍男兒性命絕可憐  
焉能終日心拳拳憶君誦詩神凜然辛夷始花亦已落  
況我與子非壯年街頭酒價常苦貴方外酒徒稀醉眠  
速宜相就飲一斗恰有三百青銅錢

樂府系

卷五

三十

畫鵲行

高堂見生鵲颯爽動秋骨初驚無拘攣何得立突兀乃  
知畫師妙巧刮造化窟寫此神俊姿克君眼中物烏鵲  
滿樛枝軒然恐共出側腦看青霄寧爲衆禽沒長翻如  
刀劍人震可超越乾坤空崢嶸粉墨且蕭瑟緬思雲沙  
際自有烟霧質吾今意何傷顧步獨紆鬱

折檻行

嗚呼房魏不復見秦王學士時難美青襟胃子困泥塗  
白馬將軍若雷電千載少似朱雲人至今折檻空嶙峋  
婁公不語宋公語尚憶先皇容直臣

兵車行

車麟麟馬蕭蕭行人弓箭各在腰  
命孀妻子走相送塵埃不見咸陽橋  
牽衣頓足攔道哭哭聲直上千雲霄  
道傍過者問行人行人但云點行頻  
或從十五北防河便至四十西營田  
去時里正與裏頭歸來頭白還戍邊  
邊庭流血成海水武皇開邊意未已  
君不見漢家山東二百州千村萬落  
生荆杞縱有健婦把鋤犁禾生隴畝  
無東西況復秦兵耐苦戰被驅不異  
犬與雞長者雖有問役夫敢伸恨  
且如今年冬未休關西卒縣官急索  
租租稅從何出信知生男惡反是生  
女好生女猶得嫁

樂府系

卷五

三十一

比鄰生男埋沒隨百草君不見青海頭  
古來白骨無人收新鬼煩冤舊鬼哭  
天陰雨濕聲啾啾

仗劍行

萬齊融

昨夜星宮動紫微今年天子用武威  
登車一呼風雷動遙震陰山撼巍巍  
魏胡騎子當見旋頭顱應死願騎單馬  
仗天威接取長繩縛虜歸仗劍遙叱  
路傍子匈奴頭血濺君衣

觀公孫大娘弟子舞劍器行

大曆二年十月十九日夔府別駕元持宅

見臨穎李十二娘舞劍器壯其蔚跂問其世所  
曰余公孫大娘弟子也開元三載余尚童稚記  
於郾城觀公孫氏舞劍器渾脫飄颻頓挫獨出  
冠時自高頭宜春梨園二伎坊內人洎外供奉

曉是舞者聖文神武皇帝初公孫一人而已玉  
貌錦衣況余白首今茲弟子亦匪盛顏既旖旎  
由來知汝瀾莫二撫事慷慨聊爲劍器行往者  
吳人張旭善草書書帖數百於鄭縣見公孫大  
娘舞西河劍器自此草書長進豪杜甫

樂府系

卷五

三十二

已拱瞿塘石城草蕭瑟玳筵急管曲復終  
樂極哀來月東出老夫不知其所往足繭荒  
山轉愁疾

白絲行

繰絲須長不須白越羅蜀錦金粟尺象牀  
玉手亂殷紅萬草千花動凝碧已悲素質  
隨時染裂下鳴機色相射美人細意慰帖  
平裁縫滅盡針線跡春天衣著爲君舞  
蛺蝶飛來黃鸝語落絮遊絲亦有情隨風  
照日宜輕舉香汗清塵汚顏色開新合故  
置何許君不見才士汲引難恐懼棄捐忍  
羈旅

蠶穀行

天下郡國同萬城無有一城無甲兵焉得鑄甲作農器  
一寸荒田牛得耕牛盡耕田蠶亦成不勞烈士淚滂沱  
男穀女絲行復歌

大麥行

大麥乾枯小麥黃婦女行泣夫走藏東至集壁西梁洋  
問誰腰鑣胡與羌豈無蜀兵三千人部領辛苦江山長  
安得如鳥有羽翼託身白雲還故鄉

負薪行

夔州處女髮半華四十五十無夫家更遭喪亂嫁不售  
一生抱恨堪咨嗟土風坐男使女立應當門戶女出入

樂府系

卷五

三十三

十猶八九負薪歸賣薪得錢應供給至老雙鬟只垂頸  
野花山葉銀釵並筋力登危集市門死生射利兼鹽井  
面妝首飾雜啼痕地褊衣寒困石根若道巫山女粗醜  
何得此有昭君村

錦樹行

今日苦短昨日休歲云暮矣增離憂凋傷碧樹作錦樹  
萬壑東逝無停留荒戌之城石色古東郭老人住青丘  
飛書白帝營斗粟琴瑟几杖柴門幽青草萋萋盡枯死  
天馬跋<sup>一作跋</sup>足隨鼈牛自古聖賢多薄命姦雄惡少皆  
封<sup>一作公</sup>侯故國三年一消息終南渭水寒悠悠五陵豪

貴反顛倒鄉里小兒狐白裘生男墮地要齊力生女<sup>一作生</sup>  
富貴傾邦國莫愁父母少黃金天下風塵兒亦得

古柏行

孔明廟前有老柏柯如青銅根如石霜皮湍雨四十圍  
黛色參天二千尺君臣已與時際會樹木猶爲人愛惜  
雲來氣接巫峽長月出寒通雪山白憶昨路繞錦亭東  
先王武侯同閭閻官崔嵬枝幹郊原古竊窕丹靨空  
落落盤踞雖得地冥冥孤高多烈風扶持自是神明力  
正直元因造化功大厦如傾要梁棟萬牛<sup>一作年</sup>回首丘  
山重不露文章世已驚未辭翦伐誰能送苦心豈免容

樂府系

卷五

三十四

螻蟻香葉終經宿鸞鳳志士幽人莫怨嗟古來材大難  
爲用

海棕行

左綿公館清江濱海棕一株高如雲龍鱗犀甲相錯落  
蒼稜白皮十抱文自是衆木亂紛紛海棕焉知身出羣  
稼栽北辰不可得時有西域胡僧識

桃花行

無名氏

魏帝宮人舞鳳樓隋家天子泛龍舟君王夜醉春眠晏  
不覺桃花逐水流

朱鳳行

杜甫

君不見瀟湘之山衡山高山巔朱鳳聲嗷嗷側身長顧  
求其曹翅垂口噤心甚勞下懸百鳥在羅網黃雀最小  
猶難逃願分竹實及螻蟻盡使鳴梟相怒號

義鵲行

陰崖有蒼鷹養子黑柏顛白蛇登其巢吞噬恣朝餐雄  
飛遠求食雌者鳴辛酸力強不可制黃口無半存其父  
從西歸翻身入長煙斯須領健鵲痛憤寄所宣斗上振  
孤影嗷嗷來九天修鱗脫遠枝巨額圻老拳高空得蹲  
蹬短草辭蜿蜒折尾能一掉飽腸已皆穿生雖滅衆難  
死亦垂千年物情有報復快意貴目前茲實鷲鳥最急

樂府系

卷五

三十五

難心惘

一作惘

然功成失所往用捨何其賢近經滴水涸

此事樵夫傳飄蕭覺素髮凜欲衝儒冠人生許與分亦  
一作在顧盼間聊爲義鵲行永一作激壯士肝

呀鵲行

病鵲卑飛俗眼醜每夜江邊宿衰柳清秋落日已側身  
過鴈歸鷗錯回首緊腦雄姿迷所向疎翮稀毛不可狀  
疆神迷復皂鵲前俊材早在蒼鷹上風濤颯颯寒山陰  
熊羆欲蟄龍蛇深念爾此時有一擲失聲濺血非其心

杜鵑行

二首第二首一作司空曙

君不見昔日蜀天子化爲杜鵑似老烏寄巢生子不自

啄羣鳥至今與哺雛雖同君臣有舊禮骨肉滿眼身羈  
孤業工竄伏深樹裏四月五月偏號呼其聲哀痛口流  
血所訴何事常區區爾豈摧殘始發憤羞帶羽翮傷形  
愚蒼天變化誰料得萬事反覆何所無萬事反覆何所  
無豈憶當殿羣臣趨

樂府系

卷五

三十六

似欲上訴於蒼穹

蜀人聞之皆起立至今教學傳遺風

迺知變化不可窮豈思昔日居深宮嬪嬙左右如花紅

白鳧行

君不見黃鵠高於五尺童化爲白鳧似老翁故畦遺穗  
已蕩盡天寒歲暮波濤中鱗介腥膾素不食終日忍饑  
西復東魯門鷄鵲亦踴躍聞道如今猶避風

縛雞行

小奴縛雞向市賣雞被縛急相喧爭家中厭雞食蟲蟻  
不知雞賣還遭烹蟲雞於人何厚薄吾叱奴人解其縛  
雞蟲得失無了時注目寒江倚山閣

驄馬行

太常良卿牧賜馬也李鄧公愛而有之命南製詩

鄧公馬癖人共知初得花驄大宛種夙昔傳聞思一見  
牽來左右神皆竦雄姿逸態何峭崿顧影驕嘶自矜寵  
隅目青炎夾鏡懸肉駿礪礪連錢動朝來少一作久試華  
軒下未覺千金滿高價赤汗微生白雪毛銀鞍却覆香  
羅怕卿家舊賜一作物公能取天厩真龍此其亞晝洗須  
騰涇渭深夕一作朝趨可刷幽并夜吾聞良驥老始成此  
馬數年人更驚豈有四蹄疾於鳥不與八駿俱先鳴時  
俗造次那得致雲霧晦冥方降精近聞下詔喧都邑肯  
使麒麟一作知地上行

樂府系

卷五

三十七

高都護驄馬行

安西都護胡青驄聲價欻然來向東此馬臨陣久無敵  
與人一心成大功功成惠養隨所致飄飄遠自流沙至  
雄姿未受伏櫪恩猛氣猶思戰場利一作腕促蹄高如  
培鐵交河幾蹴曾水裂五花散作雲滿身萬里方看汗  
流血長安壯兒不敢騎走過掣電傾城知青絲絡頭爲  
君老何由却出橫門道

李鄆縣丈人胡馬行

丈人駿馬名胡驄前年避胡過金牛迴鞭却走見天子  
朝飲漢水暮靈州自矜胡驄奇絕代乘出千人萬人愛

一聞說盡急難材轉益愁向爲駘頭上銳耳批秋竹  
脚下高蹄削寒玉始知神龍別有種不比俗馬空多肉  
洛陽大道時再清累日喜得俱東行鳳臆龍鬣未易識  
側身注目長風生

瘦馬行

東郊瘦馬使我傷骨骼硤兀如堵墻絳之欲動轉欹側  
此豈有意仍騰驤細看六印帶官字衆道三軍遺路傍  
皮乾剝落雜泥滓毛暗蕭條連雪霜去歲一作年奔波逐  
餘寇驂駟不慣不得將士卒多騎內廐馬惆悵恐是病  
乘黃當時歷塊誤一蹶委棄非汝能周防見人慘淡若

樂府系

卷五

三十八

哀訴失主錯莫無晶光天寒遠放鴈爲伴日暮不收烏  
啄瘡誰家且養願終惠更試明年春草長

唐詩所第五卷

終

唐詩所第六卷 樂府系

前集

曲

春遊曲

長孫皇后

上苑桃

一作杏

花朝日明蘭闥豔妾運春情井上新桃偷

面色簷邊

一作前

嫩柳學身輕花中來去看舞蝶樹上長

短聽啼鶯林下何須遠借問出衆風流舊有名

前題

一作李華

李章

初春遍芳甸十里藹盈矚美人摘新英步步玩春綠所

思杳何處宛在吳江曲可憐不得共芳菲日暮歸來淚

滿衣

樂府系

卷六

被袂曲

三首

無名氏

昨見春條綠那知秋葉黃蟬聲猶未斷塞鴈已成行

金谷園中柳春來自舞腰那堪好風景獨上洛陽橋

何處堪愁思花間長樂宮君王不重客泣淚向東風

朝來曲

王昌齡

月晏鳴珂動花連繡戶春盤龍玉臺鏡唯待畫眉人

夜遊曲

鄭愔

漢室歡娛盛魏國文雅道許史多暮宿應陳從夜遊西

園讌公子北里召王侯詎似將軍獵空嗟亭尉畱

湖南曲

崔國輔

湖南送 一作與 君去湖北送 一作憶 君歸湖裏鴛鴦鳥雙雙  
他自飛

湘川新曲 二首

杜易簡

昭潭深無底橘洲淺而浮本欲凌波去翻爲目成畱願

君稍弭楫無令賤妾羞

二八相招攜採菱渡前谿弱腕隨橈起纖腰向舸低自

解看花笑憎聞淅竹啼

中流曲

崔國輔

歸時 一作來 日尚早更欲向芳洲渡口水流急迴船不自

由

樂府系

卷六

通塘曲

和盧侍御

李白

君誇通塘好通塘勝耶溪通塘在何處宛 一作遠 在潯陽

西青蘿嫋嫋拂煙樹白鷗處處聚沙堤石門中斷平湖

出百丈金潭照雲日何處滄浪垂釣翁鼓棹漁歌趣非

一相逢不相識出沒繞通塘浦邊清水明素足別有浣

沙吳女郎行盡淥潭潭轉幽疑是武陵春碧流秦人雞

犬桃花裏將比通塘渠見羞通塘不忍別十去九遲迴

偶逢佳境心已醉忽有一鳥從天來月出青山送行子

四邊苦竹秋聲起長吟白雪望星河雙垂兩足揚素波

梁鴻德耀會稽日寧知此中樂事多

憶長安曲 二首寄麗澤

岑參

東望望長安正值日初出長安不可見喜一作但見長安日

長安何處在只在馬蹄下明日歸長安爲君急走馬

城傍曲

王昌齡

秋風鳴桑條草白狐兔驕邯鄲飲來酒未消城北原平掣皂鵬射殺空營兩騰虎迴身却月佩弓弰

部落曲

高適

蕃軍傍塞遊代馬噴風秋老將垂金甲關支着錦裘瑠戈蒙豹尾紅旆插狼頭日暮天山下鳴笳漢使愁

樂府系

卷六

三

滅胡曲

岑參

都護新滅胡士馬氣亦麤蕭條虜塵淨突兀天山孤

塞上曲 二首

王維

天驕遠塞行鞘裏寶刀鳴定是酬恩日今朝覺命輕塞虜常爲敵邊風已報秋平生多志氣箭底覓封侯

前題

王昌齡

秋風夜渡河吹却鴈門桑遙見胡地獵韉馬宿嚴霜五道分兵去孤軍百戰場功多翻下獄士卒但心傷

前題

常建

翩翩雲中使來問太原卒百戰苦不歸刀頭怨明月塞

雲隨陣落寒日傍城沒城下有寡妻哀哀哭枯骨

前題

郭元振

塞外虜塵飛頻年出武威死生隨玉劒辛苦向金微久戍人將偏一作老長征馬不肥仍聞酒泉郡已合數重圍

前題

殷遙

萬里隴城在三邊虜氣衰沙填孤嶂角燒斷故關碑馬色經寒慘鵬聲帶晚悲將軍正閒暇畱客換歌辭

前題

高適

東出盧龍塞浩然客思孤亭埃列萬里漢兵猶備胡邊塵滿北溟虜騎一作塞馬正南驅轉關豈長策和親非遠圖

樂府系

卷六

四

惟昔李將軍按節臨此都總戎掃大漠一戰擒單于常懷感激心願効縱橫謨倚劒欲誰語關河空鬱紆

前題

李白

大漠無中策匈奴犯渭橋五原秋草綠胡馬一何驕命將征西極橫行陰山側燕支落漢家婦女無華一作色顏

轉戰渡黃河休兵樂事多蕭條清萬里瀚海寂無波

塞下曲

陶翰

進軍飛狐北窮寇勢將變日落沙塵昏背河更一戰驛一作駿馬黃金勒瑯弓白羽箭射殺左賢王歸奏未央殿

欲言塞下事天子不召見東出咸陽門哀哀淚如霰



前題

薛奇童

驕虜初南下煙塵暗國中獨召李將軍夜開甘泉宮一  
身許明主萬里總元戎霜甲臥不煖夜半聞邊風胡天  
早飛雪荒微多轉蓬寒雲覆水重秋氣連海空金鞍誰  
家子上馬鳴角弓自是幽并客非論愛立功

前題

高適

結束浮雲駿翩翩出從戎且憑天子怒復倚將軍雄萬  
鼓雷殷地千旗火生風日輪駐霜戈月魄懸琬弓青海  
陣雲匝黑山兵氣衝戰酣太白高戰罷旄頭空萬里不  
惜死一朝得成功畫圖麒麟閣入朝明光宮大笑向文  
樂府系 卷六 五

士一經何足窮古人昧此道往往成老翁

前題 三首

李頎

行人朝走馬直指薊城傍薊城通漠北萬里別吾鄉海  
上千烽火沙中百戰場軍書發上郡春色度河陽裊裊  
漢宮柳青青胡地桑琵琶山色曲橫笛斷君腸  
黃雲鴈門郡日暮風沙裏千騎黑貂裘皆稱羽林子金  
笳吹朔雪鐵馬嘶雲水帳下飲蒲萄平生寸心是  
少年學騎射勇冠并州兒直愛出身早邊功沙漠垂戎  
鞭腰下挿羌笛雪中吹膂力今應盡將軍猶未知

前題 六首

李白

天兵下北荒胡馬欲南飲橫戈從百戰直爲衛恩甚握

雪海上餐拂沙隴頭寢何當破月氏然後方高枕

白馬黃金塞雲沙遶夢思那堪愁苦節遠憶邊城兒蜚

飛秋牕滿月度霜闌遲摧殘梧桐葉蕭颯沙棠枝無時

獨不見流淚空自知

烽火動沙漠連照甘泉雲漢皇按劍起還召李將軍兵

殺一作氣天上合鼓聲隴底聞橫行負勇氣略一作一戰淨

妖氛

五月天山雪無花祇有寒笛中聞折柳春色未曾看曉

戰隨金鼓宵眠抱玉鞍願將腰下劍直爲斬樓蘭

樂府系 卷六 六

駿馬似風颭鳴鞭出渭橋彎弓辭漢月挿羽破天驕陣

解星芒盡營空海霧銷功成畫麟閣獨有霍嫖姚

塞虜乘秋下天兵出漢家將軍分虎竹戰士臥一作龍

沙邊月隨弓影胡霜拂劍花玉關殊未入少婦莫長嗟

前題 一作李宣達

楊達

秋日并州路黃榆落故關孤城吹角罷數騎射鵬還帳

幕遙臨水牛羊自下山行人正垂淚烽火起雲間

前題 四首

王昌齡

蟬鳴空桑林一作桑八月蕭關道出塞入塞寒一作復

處處黃蘆草從來幽并客皆共塵沙老莫學游俠兒矜

誇紫驪好

飲馬渡秋水水寒風似刀平沙日未沒黯黯見臨洮昔  
日長城戰威言意氣高黃塵是今古白骨亂蓬蒿  
奉詔甘泉宮總徵天下兵朝廷備禮出郡國豫郊迎紛  
紛幾萬人去者無全生臣願節宮廄分以賜邊城  
邊頭何慘慘已葬霍將軍部曲皆相弔燕南代北聞功  
勳多被黜兵馬亦尋分更遣黃龍戍唯當哭塞雲

前題 二首

王維

辛勤幾出黃花戍迢遞初隨細柳營塞晚每愁殘月苦  
邊愁更逐斷蓬驚

樂府系 卷六

七

年少辭家從冠軍金裝寶劍去邀勳不知馬骨傷寒水  
唯見龍城起暮雲

前題 五首

常建

鐵馬胡裘出漢營分麾百道救龍城左賢未斬一作旌

竿折過在將軍不在兵

玉帛朝回望帝鄉烏孫歸去不稱王天涯靜處無征戰

兵氣銷爲日月光

北海陰風動地來明君祠上望龍堆髑髏皆是長城卒

日暮沙場飛作灰

龍關雄雉勢已分山崩鬼哭恨將軍黃河直北千餘里

冤氣蒼茫成黑雲

因嫁單于怨在邊蛾眉萬古蘇胡天漢家此去三千里  
青塚常無草木煙

前題

高適

君不見芳樹枝春花落盡蜂不窺君不見梁上泥秋風  
始高燕不棲蕩子從軍事征戰蛾眉嬋娟守空閨獨宿  
自然堪下淚況復時聞烏夜啼

扶南曲 五首

王維

翠羽流蘇帳春眠曙不開羞從面色起嬌逐語聲來早  
向昭陽殿君王中使催

樂府系 卷六

八

堂上青絃動堂前綺席陳齊歌盧女曲雙舞洛陽人傾  
國徒相看寧知心所親

香氣傳空滿妝華影箔通歌聞天仗外舞出御樓一作延

中日暮歸何處花間長樂宮

宮女還金屋將眠復畏明入春輕衣好半夜薄妝成拂

曙朝前殿玉墀多珮聲

朝日照綺牕佳人坐臨鏡散黛恨猶輕挿釵嫌未正同

心勿遽遊幸待春妝竟

春宮曲

王昌齡

昨夜風開露井桃未央前殿月輪高平陽歌舞新承寵

簾外春寒賜錦袍

殿前曲 二首

貴人妝梳殿前催香風吹入殿後來仗引笙歌大宛馬  
白蓮花發照池臺

胡部笙歌西殿頭梨園弟子和涼州新聲一段高樓月  
聖主千秋樂未休

青樓曲 二首

白馬金鞍從武皇旌旗十萬宿長楊樓頭小婦鳴箏坐  
遙見飛塵入建章

馳道楊花滿御溝紅妝綬綰上青樓金章紫綬千餘騎  
樂府系 卷六 九

夫婿朝回初拜侯

侍宴曲

賈至

雲階寒珠展天墀覆綠楊隔簾妝隱映向席舞低昂鳴  
珮長廊靜開水廣殿涼歡餘劒履散同輦入昭陽

麗人曲

崔國輔

紅顏稱絕代欲竝真無侶獨有鏡中人由來自相許

新曲 二首

長孫無忌

阿儂家住朝歌下早傳名結伴來遊淇水上舊長情玉  
珮金鈿隨步遠一作雲羅霧縠逐風輕轉目機心懸自

許何須更待聽琴聲

迴雪凌波遊洛浦遇陳王婉約娉婷工語笑侍蘭房美  
蓉綺帳還開揜翡翠珠被爛齊光長願今宵奉顏色不  
愛吹簫逐鳳皇

如意曲 曲一作娘

則天皇后

看朱成碧思紛紛憔悴支離爲憶君不信比來長下淚  
開箱驗取石榴裙

離會曲

張說

何處送客洛橋頭洛水汎汎中行舟可憐河樹葉葳蕤  
關關河鳥聲相思街鼓喧喧日云一作夕去棹歸軒兩  
相迫何人送客故人情故人今夜何處客

樂府系 卷六 十

詞

上元詞 二首 一作踏歌詞

張說

花萼樓前雨露新長安城裏太平人龍銜火樹千燈一作  
重豔雞踏一作蓮花萬歲春

帝宮三五戲春臺行雨流風莫妬來西域燈輪千影合  
東華金闕萬重開

前題 六首

崔液

玉漏銅壺且莫催鐵關金鎖徹明開誰家見月能閒坐  
何處聞燈不看來

今年春色勝常年此夜風光最一作可憐鵲樓前新

月滿一作鳳凰臺上寶燈燃

神燈佛火百輪張刻像圖容七寶裝影裏如聞一作金

口說空中似放一作玉毫光

金勒銀鞍控紫驕玉輪珠憶駕青牛驂驛始散東城曲

倏忽還來一作南陌頭

公子王孫意氣驕不論相識也相邀最憐長袖風前弱

更賞新絃暗裏調

星移漢轉月將微露灑煙飄燈漸稀猶惜道一作傍歌

舞處踟躕相顧不能歸

春詞三首

常建

樂府系 卷六

十一

苑苑黃柳絲濛濛雜花垂日高紅妝卧倚對一作春光

一作風遲寧知傍淇水驪裏黃金羈

翳翳陌上桑南枝交北堂美人金梯出素手自提筐非

但爲一作蠶饑盈盈嬌路傍

階下草猶短牆頭梨花白織女高樓上停梭顧行客問

君在何所青鳥舒錦翮

遊春詞二首

王維

曲江絲柳變煙條寒谷水隨暖氣銷纔見春光生綺陌

已聞清樂動雲韶

經過柳陌與桃溪尋逐春光着處迷鳥度時時衝絮起

花繁滾滾壓枝低

送春詞

日日人空老年年春更歸相歡在尊酒不用惜花飛

橫江詞六首

李白

人言橫江好儂道橫江惡一風三日吹倒山一作猛風次倒天門

山白浪高於瓦官閣

海潮南去過潯陽牛渚由來險馬當橫江欲渡風波惡

一水牽愁萬里長

橫江西望阻西秦漢水東流一作楚水東連楊子津白浪如山

那可渡狂風愁殺峭帆人

樂府系 卷六

十二

海神來過惡風迴浪打天門石壁開浙江八月何如此

濤似連山噴雪來

橫江館前津吏迎向余東指海雲生即今欲渡緣何事

如此風波不可行

月一作暈天風霧不開海鯨東蹙百一作衆川迴驚波一

起三山動公無渡河歸去來

甘州詞

無名氏

欲使傳消息空書意不任寄君明月鏡偏照故人心

涼州詞二首

王之渙

黃河遠一作沙直上白雲間一片孤城萬仞山羌笛何須怨

楊柳春光不度玉門關

單于北望拂雲堆殺馬登壇祭幾迴漢家天子今神武  
不肯和親歸去來

前題二首

孟浩然

渾成紫檀金屑文作得琵琶聲入雲胡地迢迢三萬里  
那堪馬上送明君

異方之樂令人悲羌笛胡笳不用吹坐看今夜關山月  
思殺邊城游俠兒

前題二首

王翰

蒲萄美酒夜光杯欲飲琵琶馬上催醉臥沙場君莫笑

樂府系 卷六

十三

古來征戰幾人回

秦中花鳥已應闌塞外風沙猶自寒夜聽胡笳折楊柳  
教人意氣憶長安

邊詞

張敬忠

五原春色舊來遲二月垂楊未挂絲卽今河畔水開日  
正是長安花落時

平戎詞二首

王維

太白秋高助漢兵長風夜捲虜塵清男兒解却腰間劍  
喜見從王道化平

捲旆生風喜氣新早持龍節靜邊塵漢家天子圖麟閣

身是當今第一人

田園樂詞七首

厭見千門萬戶經過北里南隣官府鳴珂有底崆峒散  
髮何人

再見封侯萬戶立譚賜壁一雙詎勝耦耕南畝何如高  
卧東牕

採菱渡頭風急策杖林西日斜杏樹壇前漁父桃花源  
裏人家

萋萋芳草春綠一作碧落落長松夏寒牛羊自歸村巷童  
穉不識衣冠

樂府系 卷六

十四

山下孤煙遠村天邊獨樹高原一瓢顏回陋巷五柳先  
生對門

桃紅復含宿雨柳綠更帶朝煙花落家僮未掃鶯一作鳥  
啼山客猶眠

酌酒會臨泉水抱琴好倚長松南園露葵朝折東谷一作  
西黃梁夜春

魏宮詞 崔國輔

魏宮詞

崔國輔

朝日照一作點紅妝擬上銅雀臺畫眉猶未竟一作了魏帝  
使人催

楚宮詞二首

薛奇童

禁苑春風起流鶯繞合歡玉牕通日氣珠箔捲輕寒楊  
葉垂陰砌梨花入井闌君王好長袖新作舞衣寬  
日晚梧桐落微寒入禁垣月懸三雀觀霜度萬秋門豔  
舞矜新寵愁容泣舊恩不堪深殿裏簾外欲黃昏

長信秋詞 五首

王昌齡

金井梧桐秋葉黃珠簾不捲夜來霜熏籠玉枕無顏色  
臥聽南宮清漏長

高殿秋砧響夜闌霜深猶憶御衣寒銀燈青瑣裁縫歇  
還向金城明主看

奉帚平明金殿開且將團扇暫<sub>一作共</sub>徘徊玉顏不及寒  
樂府系 卷六 十五

鴉色猶帶昭陽日影來

眞成薄命久尋思夢見君王覺後疑火照西宮知夜飲  
分明複道奉恩時

長信宮中秋月明昭陽殿下擣衣聲白露堂中細草跡  
紅羅帳裏不勝情

太平詞 二首

王維

風俗今和厚君王在穆清行看探花曲盡是太階平  
聖德超千古皇威靜四方蒼生今息戰無事覺時長

前題

新羅王

大唐開鴻業巍巍皇猷昌止戈戎衣定修文繼百王統

天崇雨施理物體合章深仁諧日月撫運邁時康幡旗  
既<sub>一作何</sub>赫赫鉦鼓何鏗鏘外夷違命者翦覆被天殃和  
風凝宇宙<sub>一作淳風</sub>遐邇競呈祥四時調玉燭七曜巡  
萬方維岳降宰輔維帝用<sub>一作任</sub>忠良五三成一德照我  
皇家唐 一作唐家光

大酺樂詞

張文收

淚滴珠難盡容殘玉易銷倘隨明月去莫道夢魂遙  
破陳樂詞 二首 張說

漢兵出頓金微照日光明鐵衣百里火幡焰焰千行雲  
騎霏霏感踏遼河自竭鼓譟燕山可飛正屬西方朝賀

樂府系 卷六 十六

端知萬舞皇威

少年膽氣凌雲共許驍雄出羣匹馬城西挑戰單刀  
北從軍一鼓鮮卑送款五餌單于解紛誓欲成名報國

羞將開閣論勳

獻壽詞

王維

宮殿參差列九重祥雲瑞氣捧堦濃微臣欲獻唐堯壽  
遙指南山對袞龍

回波詞

李景伯

回波爾時酒卮微臣職在箴規侍譏既過三爵喧譁竊  
恐非儀

前題

沈佺期

迴波爾時佺期流向嶺外生歸身名已蒙齒錄袍笏未復牙緋

宮中行樂詞

李白

小小生金屋盈盈在紫微山花插寶髻石竹繡羅衣每出深宮裏常隨步輦歸只愁歌舞散化作綵雲飛

柳色黃金嫩梨花白雪香玉樓巢一作翡翠珠金殿一作鎖宿鴛鴦選妓隨雕一作朝輦徵歌出洞房宮中誰第一飛燕在昭陽

盧橘爲秦樹蒲萄出漢宮煙花宜落日絲管醉春風笛

樂府系

卷六

十七

秦龍吟一作水簫鳴鳳下空君王多樂事何必向

一作回中一作還與萬方同

玉樹一作春歸日金宮樂事多後庭朝未入輕輦

夜相過笑出一作花間語嬌來燭一作下歌莫教明月

去留着醉婦娥

繡戶香風暖紗牕曙色新宮花爭笑日池草暗生春綠

樹聞歌鳥青樓見舞人昭陽桃李月羅綺自相親

今日明光裏還須結伴遊春風開紫殿天樂下珠樓豔

舞全知巧嬌歌半欲羞更憐花月夜宮女笑藏鈎

寒雪梅中盡春風柳上歸宮闈嬌欲醉簷燕語還飛遲

日明歌席新花豔舞衣晚來移綵仗行樂泥光輝

水綠南薰殿花紅北闕樓鶯歌聞太液鳳吹繞瀛洲素女鳴珠珮天人弄綵毬今朝風日好宜入未央遊

清平調詞

三首

雲想衣裳花想容春風拂檻露華濃若非羣玉山頭見會向瑤臺月下逢

一枝穠一作紅豔露凝香雲雨巫山枉斷腸借問漢宮誰

得似可憐飛燕倚新妝

名花傾國兩相歡長得君王帶笑看解釋春風無限恨

沈香亭北倚闌干

樂府系

卷六

十八

安平公樂世詞

贈崔二

張說

十五紅妝侍綺樓朝承握槊夜藏鈎君臣一意金門寵

兄弟雙飛玉殿遊寧知宿昔恩華樂變作瀟湘離別愁

地濕莓苔生舞袖江聲怨歎入筵簾自憐京兆雙眉嫵

會待南來五馬畱

漁父詞

五首

張志和

西塞山前白鷺飛桃花流水鱖魚肥青箬笠綠蓑衣斜

風細雨不須歸

釣臺漁父褐爲裘兩兩三三舴艋舟能縱棹慣乘流長

江白浪不曾憂



雪谿灣裏釣漁翁舴艋爲家西復東江上雪浦邊風笑  
着荷衣不歎窮

松江蟹舍主人歡菰飯蓴羹亦共餐楓葉落荻花乾醉  
宿漁舟不覺寒

青草湖中月正圓巴陵漁父棹歌連釣車子櫂頭船樂  
在風波不用仙

前題

和荅弟志和

張松齡

樂在風波釣是閒草堂松徑已勝攀太湖水洞庭山狂  
風浪起且須還

前題

張志和

樂府系

卷六

十九

八月九月蘆花飛南谿老人垂釣歸秋山入簾翠滴滴  
野艇倚檻雲依依却把漁竿尋小逕閒梳鶴髮對斜暉  
翻嫌四皓曾多事出爲儲皇定是非

前題

儲光義

澤魚好鳴水谿魚好上流漁梁不得意下渚潛垂釣亂  
荇時礙楫新蘆復隱舟靜言念終始安坐看沈浮素髮  
隨風揚遠心與雲遊逆浪還極浦信潮下滄洲非爲徇  
形役所樂在行休

樵父詞

山北饒朽木山南多枯枝枯枝作采薪爨室私自知詰

朝礪斧尋視暮行歌歸先雪隱薜荔迎暄臥茅茨清澗  
日濯足喬林時曝衣終年登險阻不復憂安危蕩漾與  
神遊莫知是與非

牧童詞

不言牧田遠不道牧陂深所念牛馴擾不亂牧童心圓  
笠覆我首長蓑披我襟方將憂暑雨亦以懼寒陰大牛  
隱層坂小牛穿近林同類相鼓舞觸物成謳吟取樂須  
臾間寧問聲與音

衛豔詞

崔國輔

淇上桑葉青青樓舍白日比時遙望君車馬城中出

樂府系

卷六

二十

仙女詞

楊衡

玉笄初侍紫皇君金縷鸞鴛滿絳裙仙宮一閉無消息  
遙結芳心向碧雲

號國夫人詞

杜甫

號國夫人承主恩平明上馬入宮門却嫌脂粉污一作  
顏色淡掃蛾眉朝至尊

玉真仙人詞

玉真公主字持盈進號上清玄都大洞三景法師天寶三載上言先帝許

妾捨家今仍叨主策食租賦願去公主號罷也  
司歸之玉府玄宗不許又言妾高宗之孫睿宗  
之女陛下之女弟不爲賤矣何必名繫主號資  
湯沐然後爲貴請入數百家之產延千年之命  
帝知主意乃許之

李白

王真之仙人時住太華峯清晨鳴天鼓颺歛騰雙龍弄  
電不輟手行雲本無蹤幾時入少室王母應相逢

金陵子詞

金陵城東誰家

一作金陵子竊聽琴聲碧

一作 牕裏落花一

片天上來隨人直渡西江水楚歌吳語嬌不成似能未  
能最有情謝公正要東山妓攜手林泉處處行

踏歌詞

三首

謝偃

春景嬌春臺新露泣新梅春葉參差吐新花重疊開花  
影飛鶯去歌聲度鳥來倩看飄飄雪何如舞袖迴

透迤度香閣顧步出蘭闥欲繞鴛鴦殿先過桃李蹊風

樂府系

卷六

二十二

帶舒還卷簪花舉復低欲問今宵樂但聽歌聲齊

夜久星沈沒更深月影斜裙輕纔動珮鬟薄不勝花細

風吹寶袂輕露濕紅紗相看樂未已蘭燈照九華

前題

二首

崔液

絲女迎金屋僊姬出畫堂鴛鴦裁錦袖翡翠貼花黃歌  
響舞分行艷色動流光

庭際花微落樓前漢已橫金臺催夜盡羅袖拂

輕樂笑暢歡情未半着天明

萬憤詞

投魏明中

李白

海水渤潏人雁鯨鯢翁胡沙而四塞始滔天於燕齊何

六龍之浩蕩遷白日於秦西九土星分罄罄栖栖南冠

君子呼天而啼戀高堂而掩泣淚血地而成泥獄戶春

而不草獨幽怨而沈迷兄九江今弟三峽悲羽化之難

齊穆陵關北愁愛子豫章天南隔老妻一門骨肉散百

草遇難不復相提携樹檠拔桂囚鸞龍雞舞昔授禹伯

成耕犁德自此衰吾將安棲好我者恤我不好我者何

忍臨危而相擠子胥鴟夷彭越醢醢自古豪烈胡為此

繫蒼蒼之天高乎視低如其聽卑脫我牢狴儻辨美玉

君收白珪

黃臺瓜詞

武后生四子長曰孝敬皇帝弘為太子監國而仁明孝悌武后方圖臨朝乃殺

樂府系

卷六

二十二

孝敬立雍王賢為太子賢曰懷憂惕知必不保全乃作詞命樂工歌之冀以感悟後終為武后所逐死於黔中

種瓜黃臺下瓜熟子離離一摘使瓜好再摘令瓜稀三

摘猶自可摘絕抱蔓歸

摘猶自可摘絕抱蔓歸

火鳳詞

二首

李白藥

歌聲扇後出妝影鏡中輕未能令掩笑何處欲障聲知

音自不惑得念是分明莫見雙嚔斂疑人含笑情

佳人靚晚妝清唱動蘭房影入

梁嬌嚔眉際斂逸韻口中香自有橫陳分

夜長

山鷓鴣詞二首

蘇頌

玉關征戍久空閨人獨愁寒露濕青苔別來蓬鬢秋  
人坐青樓晚鶯語百花時愁多人自老斷腸君不知

前題

李白

苦竹嶺頭秋月輝苦竹南枝鷓鴣飛嫁得燕王胡鴈婿  
欲銜我向鴈門歸山雞翟雉來相勸南禽多被北禽欺  
紫塞嚴霜如劒戟蒼梧欲巢難背違我今誓死不能去  
哀鳴驚叫淚沾衣

射雉詞

儲光義

曝暄理新翳迎春射雉原田遙一色臯陸曠千里遙

樂府系

卷六

二十三

聞吟喔聲時見雙飛起暮塵疎蒿下毳毳深麥裏顧敵  
乃一作忘生爭雄方決死仁心貴勇義豈復能傷此超  
遙下故墟迢遞回高時大夫昔何苦取笑歡妻子

舞馬詞

九首

張說

萬玉朝宗鳳展千金率舞龍媒昉鼓凝驕蹀躞聽歌弄  
影徘徊

天鹿遙徵衛叔日龍上借羲和將共兩驂爭舞來隨八  
駿齊歌

綵旄八佾成行時龍五色因方屈膝銜杯赴節傾心獻  
壽無疆

帝早龍駒沛艾星蘭驥子權奇騰倚驤洋應節繁驕接  
迹不移

二聖先天合德羣靈率土可封擊石駟驪紫燕撻金顧  
步蒼龍

聖君出震應錄神馬浮河獻圖足踏天庭鼓舞心將帝  
樂踟躕

金天誕聖千秋節玉醴還分萬壽觴試聽紫驪歌樂府  
何如騶驥舞華岡連鑿勢出魚龍蹀躞驕生鳥獸行

歲歲相傳指樹日翩翩來伴慶雲翔  
聖皇至德與天齊天馬來儀自海西腕足徐行拜兩膝

樂府系

卷六

二十四

繁驕不進踏千蹄鬃鬣奮風時躡踏鼓怒驤身忽上躋  
更有銜杯終宴曲垂頭掉尾醉如泥

遠聽明君愛逸才玉鞭金翅引龍媒不因茲白人間有  
定是飛黃天上來影弄日華相照耀噴含雲色且徘徊

莫言闕下桃花舞別有河中蘭葉開

引

明月引

盧照隣

洞庭波起兮鴻鴈翔風瑟瑟兮野蒼蒼浮雲捲露明月  
流光荆南兮趙北碣石兮瀟湘澄清規於萬里照離思  
於千行橫桂枝於西第繞菱花於北堂高樓思婦

飛蓋君王文姬絕域侍子他鄉見胡鞍之似練知漢劍  
之如霜試登高而騁一作極目莫不變色而迴腸

冬宵引 贈司馬承禎

宋之問

河有水兮山有雪北戶瑾兮行人絕獨坐山中兮對明  
月懷美人兮屢盈缺明月的寒潭中青松幽幽吟勁  
風此情不向俗人說愛而不見恨無窮

前題 答宋之問

司馬承禎

時既暮兮節欲春山林寂兮懷幽人登奇峰兮望白雲  
悵緬邈兮象郁紛白雲悠悠去不返寒風颼颼吹日晚  
不見其人誰與言歸坐彈琴思逾遠

樂府系 卷六

二十五

鄴都引

張說

君不見魏武草創爭天祿羣雄睚眦相馳逐書携壯士  
破堅陣夜接詞人賦華屋都邑繚繞西山陽桑榆汗漫

一作曼曼漳河曲城郭爲墟人代改但見西園明月在鄴傍

高塚多貴臣蛾眉暇睽一作曼共灰塵試上銅臺歌舞處  
唯有秋風愁殺人

前題

張鼎

君不見漢家失統三靈變魏武爭雄六龍戰盪海吞江  
制中國迴天運斗應南面隱隱都城紫陌開迢迢分野  
黃星凡流年不駐漳河水明月俄終鄴國宴文章猶入

管絃新帷座空銷狐兔塵可惜望陵歌舞處松風四面  
暮愁人

春臺引 寒食集畢錄事宅作

陳子昂

感陽春兮生碧草之油油懷宇宙以傷遠登高臺而寫  
憂遲美人兮不見恐青歲之遂逾從畢公以酣飲寄林  
塘而一畱採芳蓀於北渚憶桂樹於南州何雲木之美  
麗而池館之崇幽星臺秀士月旦諸子嘉青鳥之辰迎  
火龍之始挾寶書與瑤瑟芳蕙華而蘭靡乃掩白蘋藉  
綠芷酒既醉樂未已擊青鐘歌淥水怨青春之萎絕贈  
瑤臺之旖旎願一見而道意結衆芳之綢繆曷余情之

樂府系 卷六

二十六

蕩漾矚青雲以增愁悵三山之飛鶴憶海上之白鷗重  
曰羣仙去兮青春頽歲華歇兮黃鳥哀富貴榮樂幾時  
今朱宮碧堂生青苔白雲兮歸來

懷仙引

盧照隣

若有人兮山之曲駕青虬兮乘白鹿往從之遊願心足  
披澗戶訪巖軒石瀨潺湲橫石徑松蘿羃歷掩松門下  
空濛而無鳥上巉巖而有猿懷飛閣度飛梁休余馬於  
幽谷掛余冠於夕陽曲復曲兮煙莊遂行復行兮天路  
長脩途杳其未半飛雨忽以茫茫山塊輒磴連蹇攀石  
壁而無據泝泥谿而不前向無情之白日竊有恨於皇

天迴行違故道通川遍流潦迴首望羣峰白雲一作正  
溶溶珠爲闕兮玉爲樓青雲益今紫霜一作霞 裴天長地  
久時相憶千齡萬代一來遊

丹青引

贈曹將軍霸

杜甫

將軍魏武之子孫於今爲庶爲清門英雄割據雖已矣  
文采風流今一作猶尚存學書初學衛夫人但恨無過王  
右軍丹青不知老將至富貴於我如浮雲開元之中嘗  
引兒承恩數上南薰殿凌煙功臣少顏色將軍下筆開  
生面良相頭上進賢冠猛將腰間大羽箭褒公鄂公毛  
髮動英資颯爽來酣戰先帝天馬玉花驄畫工如山貌

樂府系

卷六

二十七

不同是日牽來赤墀下迴立閭闔生長風詔謂將軍拂  
絹素意匠慘澹經營中斯須九重眞龍出一洗萬古凡  
馬空玉花却在御榻上榻上庭前屹相向至尊含笑催  
賜金圉人太僕皆惆悵弟子韓幹早入室亦能畫馬窮  
殊相幹惟畫肉不畫骨忍使驪氣凋喪將軍畫一作畫  
善蓋有神必逢佳士亦寫眞卽今漂泊于戈際屢貌尋  
常行路人途窮返遭俗眼白世上未有如公貧但看古  
來盛名下終日坎壈纏其身

曹將軍畫馬圖引

韋諷錄事宅作

國初已來畫鞍馬神妙獨數江都王將軍得名三十載

人間又見眞乘黃曾貌先帝照夜白龍池十日飛霹靂  
內府殷紅瑪瑙盤婕妤傳詔才人索盤一作盤 賜將軍拜  
舞歸輕紈綺相追飛貴戚權門得筆跡始覺屏障生  
光輝昔日太宗拳毛騶近時郭家獅子花今之新圖有  
二馬復令識者久歎嗟此皆騎戰一敵萬縞素漠漠開  
風沙其餘七疋亦殊絕迴若寒空動煙雪霜蹄蹴踏長  
楸間馬官廐養森成列可憐九馬爭神駿顧視清高氣  
深穩借問苦心愛者誰後有韋諷前支遁憶昔巡幸新  
豐宮翠華拂天來向東騰驤磊落三萬匹皆與此圖筋  
骨同自從獻寶一作玉 朝河宗無復射蛟江水中君不見

樂府系

卷六

二十八

金粟堆前松柏裏龍媒去盡鳥呼風

桃竹杖引

贈章叟後

江心蟠石生桃竹蒼波噴浸尺度足斬根削皮如紫玉  
江妃水仙惜不得梓潼使君開一束滿堂賓客皆歎息  
憐我老病贈兩莖出入爪甲鏗有聲老夫復欲東南征  
乘濤鼓枻白帝城路幽必爲鬼神奪拔劍或與蛟龍爭  
重爲告曰杖兮杖兮爾之生也甚正直慎勿見水踴躍  
學變化爲龍使我不得爾之扶持滅跡於君山湖上之  
青峰噫風塵瀕洞兮豺虎咬人忽失雙杖兮吾將曷從

篇

瑞雪篇 奉和聖製

劉庭琦

紫宸飛雪曉徘徊，層閣重門雪照開。  
九衢晶耀浮埃盡，千品差池贊帛來。  
何處田中非種玉，誰家院裏不生梅。  
埋雲翳景無窮已，因風落地吹還起。  
先過翡翠寶房中，轉入鴛鴦金殿裏。  
美人含笑出聯翩，艷逸相輕鬪客止。  
羅衣點着渾是花，玉手搏來半成水。  
奕奕紛紛何所如，頓憶楊園二月初。  
羞同班女高秋扇，欲照明王乙夜書。  
姑射山中符聖壽，芙蓉闕下降神車。  
願隨睿澤流無限，長報豐年貴有餘。

前題

張九齡

樂府系

卷六

二十九

萬年春三朝日上御，明臺旅庭實初瑞。  
雪兮霏微俄同雲，今蒙密此時騷切。  
陰風生先過金殿，有餘清信宿嬋娟。  
飛雪度能使玉人俱掩嫕，皓皓樓前月初白。  
紛紛陌上塵，皆素昨訝驕陽積。  
數旬始知和氣待迎新，匪惟在人利。  
曾是扶一作天意，天意豈云遙。  
雪下不崇朝，皇情翫無數。  
雪委方盈尺，草樹紛早榮。  
京坻宛先積，君恩誠謂何。  
歲稔復人和，預敷斯箱慶。  
應如此雪多，朝冕旒兮載悅。  
想簞笠兮農節倚，瑤琴兮或歌續。  
薰風兮瑞雪福，浸昌應尤盛。  
瑞雲年年常感聖，願以栢梁作長爲柳花詠。

明河篇

宋之問

八月涼風天氣晶，萬里無雲河漢明。  
昏見南樓清且淺，曉落西山縱復橫。  
洛陽城闕天中起，長河夜夜千門裏。  
復道連甍共蔽虧，畫堂瓊戶特相宜。  
雲母帳前初汎濫，水精簾外轉逶迤。  
倬彼昭回如練白，復出東城接南陌。  
南陌征人去不歸，誰家今夜擣寒衣。  
鴛鴦機上疏螢度，烏鵲橋邊一鴈飛。  
鴈飛螢度愁難歇，坐見明河漸微沒。  
已能舒卷任浮雲，不惜光輝讓流月。  
明河可望不可親，願得乘槎一問津。  
更將織女支機石，還訪成都賣卜人。

三日綠潭篇

萬齊融

樂府系

卷六

三十

春潭澗漾接隋宮，宮闕連延潭水東。  
蘋苔一作嫩色含波綠，桃李新花照底紅。  
垂菱布藻如妝鏡，麗日晴天相照皎。  
映素影沈沈對蝶飛，金沙礫礫窺魚泳。  
佳人袂褱賞韶年，傾國傾城併可憐。  
拾翠總來芳樹下，踏青爭遶綠潭邊。  
公子王孫恣遊翫，沙陽水曲情無厭。  
禽浮似挹羽觴杯，鱗躍疑投水心劍。  
金鞭一作玉勒騁輕肥，落絮紅塵擁路飛。  
綠水殘霞催席散，畫樓初月待人歸。  
七夕曝衣篇 沈佺期  
君不見昔日宜春太液邊，披香畫閣與天連。  
燈火一作灼爍九微一作衡，映香氣氤氲百和然。  
此夜星繁河正白。

人傳織女牽牛客宮中擾擾曝衣樓天上娥娥紅粉席  
曝衣何許曛一作時半黃宮中綵女提玉箱朱履奔騰上  
蘭砌金閨宛轉出梅梁絳河裏碧煙上雙花伏兔畫一  
劍屏風四子盤龍擎斗帳舒羅散轂雲霧開綴玉垂作  
連珠星漢迴朝霞散彩羞衣架晚月分光劣鏡臺上有  
僊人長命絡中看玉女迎歡繡璫瑁筵中別作春珊瑚  
一作琅玕牕裏翻成畫椒房金屋寵新流意氣嬌奢不自由  
漢文宜惜露臺費一作產晉武須焚前殿裘

夜光篇

王泠然

遊人夜到汝陽間夜色冥濛不解顏誰家暗起寒山燒  
樂府系 卷六 三十一

因此明中得見山山頭山下須更滿歷險緣深無暫斷  
焦聲散看羣樹鳴炎氣傍林一川煖是時西北多海風  
吹上連天光更雄濁煙熏月黑高豔藝雲紅初謂煉丹  
仙竈裏還疑鑄劍神谿中劃爲飛電來照物乍作流星  
併上空西山無草光已滅東頂熒熒猶未絕沸揚空谷  
數道水融盡陰崖幾年雪兩京貧病若爲居四壁皆成  
鑿照餘未得貴遊同秉燭唯將半影借披書

明水篇

富嘉謨

北陸蒼茫河海凝南山闌干晝夜冰素彩峨峨明月升  
深山窮谷不自見安知採斲備嘉薦陰房涸沍掩寒扇

陽春二月朝始暎春光潭沲度千門明水時出御至尊  
彤庭赫赫九儀備腰玉煌煌千官事明水畢賦周在位  
憶昨沙漠寒風漲崑崙崑崙長河水始壯漫汗峻嶒積亭障  
噫噫鳴鴈江上來禁苑池臺冰復開搖青涵綠映樓臺  
幽歌七月王風始鑿冰藏用昭物軌四時不忒千萬祀  
小山篇 徐賢妃

龍池篇

奉和聖製

沈佺期

龍池躍龍龍已飛龍德先天天不違池開天漢分黃道  
樂府系 卷六 三十二

龍向天門入紫微邸第樓臺多氣色君王鳬鴈有光輝  
爲報宸中百川水來朝此地莫東歸

前題

蔡孚

帝宅王家大道邊神馬潛龍湧聖泉昔日昔時經此地  
看來看去漸成川歌臺舞榭宜正月柳嘶梅洲勝往年  
莫疑波上春雲少祇爲龍飛直上天

前題

張九齡

天啓神龍生碧泉泉水靈源浸迤延飛龍已向珠潭出  
積水仍將銀漢連岍嶓花柳看勝畫浦上樓臺問是仙  
我后元符從此得方爲萬歲壽圖川



前題

李义

星分邑里四人居水洊源流萬頃餘魏國君王秤象處  
晉家蕃邸化龍初青蒲似驛遊梁馬綠藻疑游宴鎬魚  
自有神靈滋液地年年雲物史官書

前題

裴灌

乾坤啓聖吐龍泉水年年勝一年始看魚躍方成海  
卽觀龍飛利在天洲渚遙將銀漢接樓臺直與紫微連  
休氣榮光恒不散懸知此地是神仙

前題

姜皎

龍池初此出龍山常經此地謁龍顏日日芙蓉生夏水

樂府系

卷六

三十三

年年楊柳變春灣堯壇寶匣餘煙霧舜海漁舟尚往還  
願似飄飄五雲影從來從去九天間

前題

姚崇

恭聞帝里生靈祉應報明君鼎業新旣叶翠泉光寶命  
還符白水出真人當時舜海潛龍躍此日堯河帶馬巡  
獨有前池一小鴈叨承舊惠入天津

前題

姜晞

靈沼紫迴邸第前浴日涵春寫曙天始見龍臺昇鳳闕  
應知霄漢起神泉石匱渚傍還啓聖桃李初生更有仙  
欲化帝圖從此受正同河變一千年

前題

蘇頌

西京鳳邸躍龍泉佳氣休光鎮在天軒后霧圖今已得  
秦王水劍昔常傳恩魚不入昆明釣瑞鶴長如太液僊  
願侍巡遊同舊里更聞簫鼓濟樓船

前題

盧懷慎

代邸東南龍躍泉一作或躍清漪碧浪遠浮天樓臺影就波  
中出日月光疑鏡裏懸鴈沼迴一作洞流成舜海龜書薦  
一作靈祉應堯年大川旣濟慙爲楫報德空思奉細涓

前題

崔日用

龍興白水漢興符聖主時乘運斗樞岸上茸茸五花樹

樂府系

卷六

三十四

波中的皦千金珠操環昔聞迎夏啓發匣先來瑞有虞  
風色雲光隨隱見赤霄神化象江湖

帝京篇

十首序曰余以萬幾之暇游息藝文觀

信無間然矣至於秦皇周穆漢武魏明峻宇雕  
域無以稱其求江海不能驅其欲覆於天下九  
亦宜乎余追跡百王之末馳心千載之下憊  
懷古想彼哲人庶以竟舜之風蕩秦漢之弊  
咸英之曲變爛熳之音求之於七德臺榭其  
觀文於六經閱武功於七德臺榭其觀文於  
濕金石尚其諸神人皆節之於中和不徐於  
淫放故漸洳可悅何必江海之濱乎麟閣可  
何必山陵之問乎忠良可授何必海上神人  
欲亂於大道君子耻之故述帝京篇以明雅志

太宗

秦川雄帝宅函谷壯皇居綺殿千尋起離宮百雉餘連

覺遙接漢飛閣迴凌虛雲日隱層闕風煙出綺疏

巖廊罷機務崇文聊駐輦玉匣啓龍圖金繩披鳳一作鳥

篆章編斷仍一作方續縹帙舒還卷對此乃淹留一作忘憂歎

案一作枕觀墳典

移步出詞林停輿欣武宴雕弓寫明月駿馬疑流電驚

鴈落虛弦啼猿悲急箭閱賞誠多美於茲乃忘倦

鳴笳臨樂館眺聽歡芳節急管韻朱弦清一作長歌疑白

雪彩一作威鳳肅來儀一作下玄鶴紛成列去茲鄭衛聲雅

音方可悅

樂府系 卷六

三十五

芳辰追逸趣禁苑信多奇橋形通漢上峰勢接雲危煙

霞交隱映花鳥自參差何如肆轍跡萬里賞瑤池

飛蓋去芳園蘭橈遊翠渚萍間日彩一作影亂荷處香風

舉桂楫滿中川弦歌振長嶼豈必一作獨汾河曲方爲歡

宴所

落日雙闕昏迴輿九重暮長煙散一作引初碧皎月澄輕

素褰幌翫琴書開軒引一作散雲霧斜一作銀漢耿層閣清

風搖玉樹

歡樂難再逢芳辰良一作真可惜玉酒泛一作溢雲疊蘭肴

陳綺席千鍾合堯禹百獸諧金石得志重寸陰忘懷輕

尺璧

建章歡賞夕二八盡妖妍羅綺昭陽殿芬芳璚瑁筵珮

移星正動扇掩月初圓無勞上玄圃卽此對神仙

以茲遊觀極悠然獨長想披卷覽前蹤撫躬尋既往望

古茅茨約瞻今蘭殿廣人道惡高危虛心戒盈蕩奉天

竭誠敬臨民思惠養納善察忠諫明科慎刑賞六五誠

難繼四三非易仰庶待淳化敷方嗣云亭響

前題

駱賓王

山河千里國城闕九重門不覩皇居壯安知天子尊皇

居帝里峻函谷鶉野龍山侯甸服五緯連影集星躔八

樂府系 卷六

三十六

水分流橫地軸秦塞重關一百二漢家離宮三十六桂

殿欽一作陰對玉樓椒房窈窕連金屋三條九陌麗城

隈萬戶千門平旦開複道斜通鵲觀交衢直指鳳皇

臺劔履南宮入簪纓北闕來聲名冠寰宇文物象昭回

鈎陳蕭蘭祀璧沼浮槐市銅羽一作雀應風迴金莖承露

起校文天祿閣習戰昆明水朱邸抗平臺黃扉通戚里

平臺戚里帶崇墉吹金饌玉待鳴鐘小堂綺帳三千戶

大道青樓十二重寶蓋雕鞍金絡馬蘭牕繡柱玉盤龍

繡柱璇題粉一作彩壁映鏤金鳴玉王侯盛王侯貴人多

近臣朝遊北里暮南隣陸賈分金將讌喜陳遵投轄正

尚一作 雷賓趙李經過密蕭朱交結親丹鳳朱城白日暮  
青牛紺幘紅塵度俠客珠彈垂楊道倡婦銀鈎采桑路  
倡家桃李自芳菲京華遊俠盛輕肥延年女弟雙飛入  
羅敷使君千騎歸同心結縷帶連理織成衣春朝桂樽  
樽百味秋夜蘭燈燈九微翠幌珠簾不獨映清歌寶瑟  
自相依且論三萬六千一作二金是寧知四十九年非古  
來榮利若浮雲人生倚伏信難分始見田實相傾奪俄  
聞衛霍有功勳未厭金陵氣先開石柳文朱門無復張  
公子灞亭誰畏李將軍相顧百齡皆有侍居然萬化咸  
應改桂枝芳氣已銷亡柏梁高宴今何在春去春來苦

樂府系

卷六

三十七

自馳爭名爭利徒爾爲久留郎署終難遇空掃相門誰  
見知當時一旦擅豪華自言千載長驕奢倏忽搏風生  
羽翼須臾失浪委泥沙黃雀一作鶴徒巢桂一作青門遂  
種瓜黃金銷鑠素絲變一貴一賤交情見紅顏宿昔白  
頭新脫粟布衣輕故人故人有湮淪新知無意氣灰死  
韓安國羅傷翟廷尉已矣哉歸去來馬卿辭蜀多文藻  
楊雄仕漢乏良媒三冬自矜誠足用十年不調幾迴迴  
汲黯薪逾積孫弘閣未開誰惜長沙傳獨負洛陽才

飛燕篇

王翰

孝成皇帝本驕奢行幸平陽公主家可憐女兒三五許

革茸惜是一園花歌舞向一作來時人不貴一旦逢  
君感君意君心見賞不見忘姊妹雙飛入紫房紫房絲  
女不得見專榮固寵昭陽殿紅妝寶鏡珊瑚臺青瑣銀  
簧雲母扇日夕風傳歌舞聲祗擾長信憂人情長信憂  
人氣欲絕君王歌吹終不歇朝弄瓊簫下絲雲夜踏金  
梯上明月明月薄蝕陽精昏嬌妬傾城人一作惑至尊已  
見白虹橫紫極復聞飛燕啄皇孫皇孫不死燕啄折女  
第一朝如火絕明明天子咸戒之赫赫宗周褒姒滅古  
來賢聖歎狐裘一國荒淫萬國羞安得上方斷馬劍斬  
取朱門公子頭

樂府系

卷六

三十八

盧姬篇

崔顥

盧姬少小魏王家綠鬢紅脣桃李花魏王綺樓十二重  
水晶簾箔繡芙蓉白玉欄杆金作柱樓上朝朝學歌舞  
前堂後堂羅袖人南牕北牕花發春翠幌珠簾關絲管  
一彈一奏雲欲斷君王日晚下朝歸鳴環佩玉一作金  
生光輝人生今日得嬌貴誰道盧姬身細微

綠珠篇

喬知之

石家金谷重新聲明珠十斛買娉婷此日可憐君自許  
此時可喜得人情君家閨閣不曾難常將歌舞借人看  
意氣雄豪非分理驕矜一作勢力橫相干辭君去君終

不忍徒勞掩袂傷鉛粉百年離別在高樓一代一作紅顏爲君盡

壽昔篇

駱賓王

少年重英俠弱歲賤衣冠既託寰中賞方承膝下歡邀

遊灞水一作陵曲風月洛城端且知無玉饌誰肯逐金丸

金丸玉饌盛繁華自言輕侮李倫家九陌爭馳千里馬

三條競驚七香車掩映飛軒乘落一作夕照參差步障引

列一作朝霞池中舊水如懸鏡屋裏新妝不讓花意氣風

雲倏如昨歲月春秋屢迴薄上苑頻經柳絮飛中園幾

見梅花落當時門客今何在壽昔交朋一作遊已疎索莫

樂府系

卷六

三十九

教樵悴損容儀會得高秋雲霧廓淹留坐帝鄉無事積

炎涼一朝披短褐六載奉長廊賦文慙昔馬執戟歎前

揚揮戈出武帳荷筆入文昌文昌隱隱皇城裏由來奕

奕多才子潘陸詞鋒絡繹飛張曹翰苑縱橫起卿相未

曾識王侯寧見擬垂釣甘成白首翁負薪何處逢知已

一作徒勞倦負薪何處逢知已判將運命賦窮通從來奇舛任西東不

應一作豈言永棄同芻狗且復飄飄類轉蓬容鬢年年異春

華歲歲同榮親未盡禮徇主欲申功脂車秣馬辭鄉國

縈轡西南使叩焚玉壘銅梁不易攀地角天涯眇難測

鶯轉蟬吟有悲望鴻來鴈度無音息陽關積霧萬里昏

劒閣連山千種色蜀路何悠悠岷峰阻且脩迴腸隨九折迸淚連一作下雙流寒光千里暮露氣二江秋長途看

東馬平水且沈牛華陽舊地標神制石鏡蛾眉眞秀麗

諸葛才雄已號龍公孫躍馬輕稱帝五丁卓犖多奇力

四士英靈富文藝雲氣橫開八陣形橋影遙分七星勢

川平煙霧開遊戲錦城隈墉高龜望出一作步轉水淨鴈文

迴尋姝入酒肆訪客上琴臺不識金貂重偏惜玉山頽

他鄉冉冉消年月帝里沈沈限城闕不見猿聲助客啼

唯聞旅思將花發我家迢遞關山裏關山迢遞一作通達不

可越故園梅柳尚餘條春來勿使芳菲歇解鞅一作欲

樂府系

卷六

四十

言歸執袂愴多違北梁俱握手南浦共沾衣別情傷去

蓋離念惜徂輝知一作音何所託木落鴈南飛回首望

平陸春來酒應熟相將菌閣臥青谿且用藤杯泛黃菊

十年不調爲貧賤百日屢遷隨倚伏祇爲須求負郭田

使我再干州縣祿百年鬱鬱少騰遷萬里遙遙一作入

鏡川淚一作吳江沸潮衝白日淮海長波接遠天叢竹疑

一作朝露孤山起暝煙賴有邊城月常伴客旌懸東南

美箭稱吳會名都隱軫三江外塗山執玉應昌期曲水

開襟重文會仙錦流音鳴鶴嶺寶劒分輝落蛟瀨未看

白馬對蘆芻且覺浮雲似車蓋江南節序多文酒屢經

過共踏春江曲俱唱采菱歌舟移疑入鏡棹舉若乘波  
風光無限極一作數歸櫂礙池荷眺聽煙霞正流盼即從

王事歸艫轉芝田花月一作發屢徘徊金谷佳期一作春明重

遊衍登高北望一作南適噲梁叟憑軾西征想潘掾峰開華

岳聳疑蓮水激龍門急如箭人事謝光陰俄遭霜露侵

偷存七尺影分沒九泉深窮途行泣玉憤路未藏金茹

茶空有歎懷橘獨傷心年來歲去成銷鑠懷抱心期漸

寥落挂冠裂冕已辭榮南畝東臯事耕鑿賓階客院常

疎散蓬徑柴扉終寂寞自有林泉堪隱棲何必山中事

丘壑我住青門外家臨素滙濱遙瞻丹鳳闕斜望黑龍

樂府系 卷六 四十一

津荒衢通獵騎窮巷抵樵輪時有桃源客來訪竹林人

昨夜琴聲奏悲調旭旦含顰不成笑果乘驄馬發舊書

復道郎官稟綸誥治長非罪曾縲綬長孺然灰也經溺

高門有閤不圖封峻筆無聞斂敷妙適離京兆謗還從

御史彈炎威資一作分夏景平曲况秋翰畫地終難入書

空自不安吹毛未可待搖尾且求餐丈夫坎壈多愁疾

契濶迤邐盡今日慎罰寧憑兩造辭嚴科直挂三章律

鄒衍銜悲衝燕獄李斯抱怨拘秦桎一作格不應白髮頓

成絲直爲黃沙暗如漆紫禁終難叫朱門不易排驚魂

聞葉落危魄逐輪埋霜威遙有厲雪枉遂一作更無階舍

寬欲誰道飲氣獨居懷忽聞驛使發關東傳道天波萬

里通涸鱗去轍還遊海幽禽釋網便翔空舜澤堯曦方

有極譏言巧伎儻無窮誰能跼蹐一作迹依三輔會就商

山訪四翁

畫馬篇同諸公安昨陽李太守各賦高適

君侯櫪上驄貌在丹青中馬毛連錢蹄鐵色圖畫光輝

驕玉勒馬行不動勢若來權奇蹴踏無塵埃感茲絕代

稱妙手遂令談者不容口麒麟獨步自可珍駑駘萬匹

知何有終未如他櫪上驄載華轂騁飛鴻荷君剪拂與

君用一日千里如旋風

樂府系 卷六 四十二

浣紗篇贈陸上人宋之問

越女顏如花越王聞浣紗國微不自寵獻作吳王娃女

一作數半潛匿苧蘿更蒙遮一行覆勾踐再顧一作天傾

夫差豔色奪常人一作人目敷嚔亦相誇一朝還舊都靚妝

尋若耶鳥驚入松網魚畏沈荷華一作林鳥驚入始覺

冶容妄方悟羣心邪欽子秉幽意世人共稱嗟願言托

君懷倘類蓬生麻家住雷門曲高閣凌飛霞淋漓翠羽

帳旖旎采雲車春風豔楚舞秋月纏胡笳自昔專嬌愛

襲玩唯矜奢達本知空寂棄彼猶泥沙永割偏執性自

長薰脩茅攜妾不鄣道來止妾西家

寶劍篇

李嶠

吳山開越谿，涸三金合冶，成寶鏐，淬綠水，鑒紅雲，五采  
焰起，光氛氲，背上銘爲萬年字，曾前點作七星文，龜甲  
參差白虹，一作色，轆轤宛轉，黃金飾，一作犀，中斷寧  
方利，駿馬羣，駢未擬，直風霜凜凜，匣上清精氣，遙遙斗  
間明，避災朝穿晉帝屋，逃亂夜入楚王城，一朝運偶逢  
大仙虎，吼龍鳴，騰上天，東皇提昇紫微座，西王佩下赤  
城田，承平久息干戈事，僥倖得充文武備，除災辟患宜  
君王益壽延齡後，天地

古劍篇

郭元振

樂府系

卷六

四十三

君不見昆吾鐵冶飛炎煙，紅光紫氣俱赫然，良工鍛鍊  
凡幾年，鑄得寶劍名龍泉，龍泉顏色如霜雪，良工咨嗟  
歎奇絕，琉璃玉匣吐蓮花，錯鏤金環映明月，正逢天下  
無風塵，幸得周防君子身，精光黯黯青蛇色，文章片片  
綠龜鱗，非直結交游俠子，亦曾親近英雄人，何言中路  
遭棄捐，零落漂淪古獄邊，雖復塵埋無所用，猶能夜夜  
氣衝天

雅琴篇

司馬逸客

亭亭嶧陽樹，落落千萬尋，獨抱出雲節，孤生不作林，影  
搖綠波水，彩綉丹霞岑，直幹思有託，雅志期所任，匠者

果畱吟，雕斲爲雅琴，文以楚山玉，錯以昆吾金，虬鳳吐

奇狀，商徵含清音，清音雅調，感君子一撫一弄，懷知已

不見鍾期，百年餘還憶，朝朝幾千里，馬卿臺上應蕪沒

阮籍帷前空已矣，山情水意君不知，拂匣調絃爲誰理

調絃拂匣倍含情，況復空山秋月明，隴水悲風已嗚咽

離鵑別鶴更淒清，將軍塞外多奇操，中散林間有正聲

正聲諧風雅，欲竟此曲誰知者，自言幽隱乏先容，不道

人物知音寡，誰能一奏和，天地誰能再撫歡，朝朝野朝野

歡娛樂未央，車馬駢闐盛，彩章歲歲汾川事，簫鼓朝朝

伊水聽笙簧，竊窺樓臺臨上路，妖嬈歌舞出平陽，彈絃

樂府系

卷六

四十四

本自稱仁祖，吹管由來許，季長猶憐雅，歌淡無味淥水  
白雲誰相貴，還將逸調賞幽心，不覺繁聲論遠意，傳聞  
帝樂奏鈞天，倘冀微躬一作身，備五絃，願持東武宮商韻  
長奉南薰億萬年

打毬篇

謹按打毬者，往之蹴鞠，古戲也。黃帝所作，  
兵勢以練武士，知有材也。竊美其事，謹奏。

蔡孚

德陽宮北苑東頭，雲作高臺，月作樓，金鉏玉瑩一作千  
金地寶杖，琬文七寶，秘寶融一家，三尚主，梁冀頻封萬  
戶侯，容色由來荷恩顧，意氣平生事俠遊，共道用兵如  
斷蔗，俱能走馬入長楸，紅鬃錦鬣風驟，驥黃絡青絲，電

紫騮奔星亂下花場裏初月飛來畫杖頭自有長鳴須  
決勝能馳迅足滿先籌薄暮漢宮愉樂罷還歸堯室曉  
垂旒

觀荆玉篇

序曰丙戌歲余從左補闕喬公北征夏四月軍幕於張掖河西州草木無他

與者惟有仙人杖往來叢生幽朔地寒與中國  
稍異余家世好服食昔嘗與之及此役也而思  
意茲味或有嘉蔬者此物存焉爾爾而笑曰  
始者與此君別不圖至是而見之豈非神明嘉  
惠欲將扶吾壽也因爲喬公昌言其能時東萊  
王仲烈亦同旅聞之大喜甘心食之已旬有五  
日矣適有行人自謂能知藥者謂喬公曰此白  
林也公何謬哉仲烈愕然而疑亦曰言怪其味  
甜今果如此喬公信是言乃譏余作採玉篇譏  
宋人不識玉而實珉石也余心知必是猶以爲  
見之故被奪於衆人乃喟然嘆曰嗟乎人之大  
明者目也心之至信者口也夫目照五色口分

樂府系

卷六

四十五

五味玄黃甘苦亦可斷而不惑矣而路傍一議  
二子增疑况君臣之際朋友之間自是而觀則  
萬物之情可見也感禾玉詠而作觀玉篇以寄  
之并示仲烈識其失真也

陳子昂

鴟夷雙白玉此玉有溜磷懸之千金價舉世莫知真丹

青非異色輕重有殊倫勿信玉工言徒悲荆國人

孤松篇

劉希夷

蠶月桑葉青鶯時柳花白澹豔煙雨姿敷芳一作陽春

陌如何秋風起零落從此始獨有南澗松不歎東流水

玄陰天地冥皓雪朝夜零豈不罹寒暑爲君留青青青

青好顏色落落任孤直羣樹遙相望衆草不敢逼靈龜

下真隱仙鳥宜棲息耻受秦帝封願言唐侯食寒山夜  
月明山冷氣清清淒淒兮歸鳳集吹之作琴聲松子臥仙  
岑寂聽疑野心清冷有真曲樵採無知音美人何時來  
幽徑委綠苔吁嗟深澗底棄捐廣厦材

偃松篇

遙同蔡起居作

張說

清都衆木總榮芬傳道孤松最出羣名接天庭長景色  
一作氣連宮闕借氣氤氳池滴滴一作停華露偃蓋重  
重拂瑞雲不惜流膏助仙鼎願將楨幹奉明君莫比冥  
靈楚南樹朽老江間一作邊代不聞

折柳篇

許景先

樂府系

卷六

四十六

春色東來度渭一作蕭橋青門垂柳百千條長楊西連建

章路漢家林苑紛無數繁花始遍合歡枝一作遊絲半

習相思樹春樓初日照南隅柔條垂綠掃金鋪寶釵新

梳倭墮髻錦帶交垂連理襦自憐柳塞淹戎幕銀燭長

啼愁夢著芳樹朝催玉管新春風夜染羅衣薄城頭楊

柳已如絲今年花落去年時折芳遠寄相思曲爲惜容

華難再持

薔薇篇

儲光義

裊裊長數尋青青不作林一莖獨秀當庭心數枝分作

滿庭陰春日遲遲欲將半庭影離離正堪玩枝上嬌鶯



不畏人葉底飛蛾自相亂秦家女兒愛芳菲畫眉相伴  
一作 采葳蕤高處紅鬚欲就手低邊綠刺已牽衣蒲萄  
架上朝光滿楊柳園中暝鳥飛連袂踏歌從此去風吹  
香氣逐人歸

脩竹篇

序曰文章道弊五百年矣漢魏風骨晉宋  
梁間詩彩麗競繁而興寄都絕每以永歎思古  
人常恐遠迹類靡風雅不作以賦賦也非於  
解三處見名公詠孤桐篇骨氣端翔音情頓挫  
光英朗練有金石聲遂用洗心飾視發揮幽鬱  
不圖正始之音復觀於茲可使建安作者相視  
而笑解君之知言也故感數雅製作 陳子昂

龍種生南嶽孤翠鬱亭亭峰嶺上崇峯煙雨下微冥夜

樂府系

卷六

四十七

聞鼙鼠叫晝聒泉聲春風正淡蕩白露已清冷哀響  
激金奏密色滋玉英歲寒霜雪苦含彩獨青青豈不厭  
凝冽羞比春木榮春木有榮歇此節無凋零始願與金  
石終古保堅貞不意伶倫子吹之學鳳鳴遂偶雲和瑟  
張樂奏天庭妙曲方千變蕭韶亦九成信蒙雕斲美常  
願事仙靈驅馳翠虬駕伊鬱紫鸞笙結交羸臺女吟弄  
升天行攜手登白日遠遊戲赤城低昂玄鶴舞斷續彩  
雲生永隨衆仙去

一作

三山遊玉京

仙鶴篇

武三思

白鶴乘空何處飛青田紫蓋本相依緱山七月雖長去

遼水千年會憶歸緱山杳杳翔寥廓遼水纍纍歎城郭  
經隨羽客步丹丘曾逐仙人遊碧落迢迢碧落斷氛埃  
霞堂雲閣幾重開欲尋東海黃金竈仍向西山白玉臺  
九臯獨唳方清切五里驚羣俄斷絕月下行似度雲  
風前颺影疑迴雪風前月下路漫漫水宿雲翔去幾般  
宛轉能傾吳國市徘徊巧拂漢皇壇琴中作曲從來易  
鼓裏傳聲有甚難夜夜恒飛銀漢曲朝朝常飲玉池瀾  
別有聞簫出紫煙還如化履上青天霜毛忽控三神下  
玉羽俄看二客旋燕雀終迷橫海志蜉蝣豈識在陰年  
莫言一舉須千里爲與三山送九仙

樂府系

卷六

四十八

鴛鴦篇

陳子昂

飛飛鴛鴦鳥舉翼相蔽虧俱來綠潭裏共向白雲涯音  
容相眷戀羽翮兩透迤蘋萍戲春渚霜霰遠寒池浦沙  
連岸淨汀樹拂潭垂年年此遊翫歲歲來追隨鳳皇起  
丹穴獨向一棲梧桐枝鴻鴈來紫塞空憶稻梁肥烏啼  
倦依託

一作

鶴鳴傷別離豈若此雙禽飛翻不異林刷  
尾青

一作

江浦交頸紫山岑文章負奇色和鳴多好音  
聞有鴛鴦綺復有鴛鴦衾持爲美人贈勗此故交心

放白鵝篇

宋之問

故人贈我綠綺琴兼致白鵝鳥琴是嶧山桐鳥出吳谿

中我心松石清霞裏弄此幽絃不能已我心河海白雲  
垂憐此珍禽空自知著書晚下麒麟閣幼稚嬌痴侯門  
樂乃言物性不可違白鵲愁慕刷毛衣玉微閉匣留爲  
念六翻開籠任爾飛

時樂鳥篇

序曰伏見天恩以靈異鸚鵡及能延京  
時樂鳥鳴云太平天下有道則見其開丹首  
紅曉朱冠綠翼鸚鵡狀同而毛尾全異其心聰性  
南海貢來與鸚鵡同非凡禽實瑞經所謂時樂鳥延  
京雖叙其事未正其名望編國史張說  
以彰聖瑞臣竊同延京獻詩一首

舊傳南海出靈禽時樂名聞不可尋形貌乍同鸚鵡類  
精神別稟鳳凰心千年待聖方輕舉萬里呈才無伴侶

樂府系

卷六

四十九

紅茸綵繡好毛衣清冷謳鴟好言語內人試取御衣牽  
啄手暝聲不許前心願陽鳥恒保日志嫌陰鶴欲凌天  
天情玩訝良無已察圖果見祥經裏本持符瑞驗明王  
還用文章比君子自憐弱羽詎堪珍喜共華篇來示人  
人見嚶嚶報恩鳥多慙碌碌具官臣

鸚鵡貓兒篇

序曰鸚鵡慧鳥也貓不仁獸也飛翔  
履之弄之藉其背馬鳴啄其順焉攀之綴之  
得畏者無所藉其足忍此者無所行其忍抑血屬  
舊故之不若臣切我天子舍人朝暮侍從預見  
其事聖上方以鸚鵡爲文章爲功業朝野欲娛強  
梁充斥之輩願爲臣妾稽顙闕下者日萬計尋  
而天下一統實以爲忠可以伏不惠仁可以伏  
不仁亦太平非常之明證事恐久閤朝隱  
遂風雅所缺再拜稽首爲之篇

霹靂引豐隆鳴猛獸噫氣蛇吼聲鸚鵡鳥同資造化今  
殊粹精鸚鵡毛翡翠翼鸚鵡雛延頸鳴雞弄色鸚鵡鳥同  
稟陰陽今異延殖彼何爲今隱隱振振此何爲今綠衣  
翠襟彼何爲今窘窘蠢蠢此何爲今好貌好音彷彿今

伴伴似妖姬躡步今動羅裳趨趨今踰踰若處子迴眸  
今登玉堂爰有獸也安其忍紫其脇距其曾與之放曠  
浪浪今從從容容鈎爪鋸牙也宵行晝伏無以當遇之  
今忘味搏擊騰擲也朝飛暮噪無以拒逢之今屏氣由  
是言之貪殘薄則智慧作貪殘臨之今不復踴由是言  
之智慧周則貪殘囚智慧犯之今不復憂菲形陋質雖

樂府系

卷六

五十

賤微皇王顧遇長光輝離宮別館臨朝市妙舞繁絃雜  
官徵嘉喜堂前景福內合一作和歡殿上明光裏雲母屏  
風文彩合流蘇斗帳香煙起承恩宴盼接宴喜高視七  
頭金駱駝平懷五尺銅獅子國有君今國有臣君爲主  
今臣爲賓朝有賢今朝有德賢爲君今德爲飾千年萬  
歲兮心轉憶

舞馬篇

薛曜

星精龍種競騰驤雙眼黃金紫豔光一朝逢遇昇平代  
伏阜銜圖事帝王我皇盛德苞六羽俗泰時和虞石拊  
昔聞九代有餘名今日百獸先來舞鈎陳周衛儼旌旄

鍾鐻陶匏聲殷地承雲嘈囋駭日靈調露銓鉉動天駟  
奔塵飛箭若麟螭躡景追風忽見知咀銜拉鐵竝權奇  
被服雕章何陸離紫玉鳴珂臨寶鐙青絲絲絡帶金羈  
隨歌鼓而電驚逐九劍而颺馳態聚蹕還急驕凝驟不  
移光獻白日下氣擁綠煙垂婉轉盤跚殊未已懸空步  
驟紅塵起驚鳬翔鷺不堪儔矯鳳迴鸞那足擬蘅垂桂  
裊香氛氤氳長鳴汗血盡浮雲不辭辛苦來東道祗爲簫  
韶朝夕聞閭闔闔玉臺側承恩煦今生光色鸞鏘鏘車  
翼翼備國容今爲戎飾充雲翹今天子庭荷日用今情  
無極吉良乘今一千歲神是得今天地期大易占云南

樂府系

卷六

五十一

山壽趁趨共樂聖明時

羸駿篇

喬知之

噴玉長鳴西北來自言當代是龍媒萬里鐵關行入貢  
九重金闕爲君開蹀躞朝馳過上苑趁趨暇走發章臺  
玉勒金鞍荷裝飾路傍觀者無窮極小山桂樹比權奇  
上林桃花况顏色忽聞天將出龍沙漢主持將駕鼓車  
去去山川勞日夜遙遙關塞斷煙霞山川關塞十年征  
汗血流離赴月營肌膚銷遠道膂力盡長城長城日夕  
苦風霜中有連年百戰場搖珂嚙勒金羈盡爭鋒足頓  
鐵菱傷垂耳罷輕齋棄置在寒谿大死蒲海北滇壑雋

崖西沙平畱緩步路遠聞頻嘶從來力盡君須棄何必  
尋途我已迷歲歲年年奔遠道朝朝暮暮催疲老扣木  
晨飲黃河源拂雪夜食天山草楚水澶谿征戰事吳塞  
烏江辛苦地持來報主不辭勞宿昔立功非重利丹心  
素節本無求長鳴向君君不畱祗應澶漫歸田里萬里  
低昂任生死君王倘若不見遺白骨黃金猶可市

章

慶雲章

陳子昂

崑崙元氣寔生慶雲大人作矣五色氤氳昔在煇帝南  
風旣薰蕞芳一作今爛熳郁郁紛紛曠矣千祀慶雲來止

樂府系

卷六

五十二

王葉金相祚我天子非我天子慶雲誰昌非我聖母慶  
雲誰光慶雲光矣周道昌矣九萬八千天授皇年

百憂章

上崔相時在潯陽獄

李白

共工赫怒天維中摧鯢鯨噴蕩揚濤起雷魚龍陷人成  
此禍胎火焚崑崙山玉石相碰仰希霖雨灑寶炎煨箭發  
石開戈揮日迴鄒衍慟哭燕霜颯來微誠不感猶繫夏  
臺蒼鷹搏攫丹棘崔巍豪聖凋枯王風傷哀斯文未喪  
東嶽豈頽穆逃楚難鄒脫吳災見機苦遲二公所哈驥  
不驟進麟何來哉星離一門草擲二孩萬憤結緝一作又  
緝憂從中催金瑟玉壺盡爲愁媒舉酒太息泣血盈杯

台星再朗天網重恢屈法申恩棄瑕取材治長非罪尼  
父無猜覆盆儻舉應照寒灰

吟

金陵城西樓月下吟

金陵夜寂一作靜涼風發獨上高一作西樓望吳越白雲映

水搖空城一作秋光白露垂一作珠滴衣濕一作秋秋月月下沈

長一作吟吟久不歸古來一作今相接眼中稀解道澄江淨如

練令人長一作還憶謝玄暉

東山吟

去江寧城三十五里晉謝安攜妓之所

攜妓東山去悵然悲謝安我妓今朝如花月他妓古墳

樂府系 卷六

五十三

荒草寒白雞夢後五百歲灑酒澆君同所懽酣來自作

青海舞秋風吹落紫綺冠彼亦一時此亦一時浩浩洪

流之詠何必奇

夢遊天姥吟

留別東魯諸公

海客談瀛洲煙濤微茫一作瀾漫信難求一作煙波微茫越人

語天姥雲霓明滅或可覩天姥連天向天橫勢拔五嶽

掩赤城天台四萬八千丈對此欲倒東南傾我欲因之

一作真樓夢吳越一夜飛度鏡湖月湖月照我影送我至剡

谿謝公宿處今尚在淥水蕩漾清猿啼脚着謝公屐身

登青雲梯半壁見海日空中聞天雞千巖萬轉路不定

迷花倚石忽已暝熊咆龍吟殷巖泉慄深林兮驚層巖

雲青青兮欲雨木澹澹兮生煙列缺霹靂丘巒崩摧洞

天石扉一作扇訇然中一作而開青冥浩蕩一作鴻濛不見底日

月照耀金銀臺霓爲衣一作裳今風一作鳳爲馬雲之一作中

君今紛紛而來下虎鼓瑟兮鸞回車仙之人兮列如麻

忽魂悸以魄動恍驚起而長嗟惟覺時之枕席失向來

之煙霞世間行樂亦如此古來萬事東流水別君去今

何時還且放白鹿青崖間須行即騎訪一作向名山安一作作

何能摧眉折腰事權貴使我不得開心顏一作色周朱顛

還山吟

送沈四山人

高適

還山吟天高日暮寒山深送君還山識君心人生老大

須恣意看君解作一生事山間偃仰無不至石泉淙淙

若風雨桂花松子常滿地賣藥囊中應有錢還山服藥

又長年白雲勸盡杯中物明月相隨何處眠眠時憶問

醒時事一作意夢魂可以相周旋

江上吟

李白

木蘭之枻沙棠舟玉簫金管坐兩頭美酒當一作樽中置

千斛載妓隨波任去流一作留仙人有待乘黃鶴海客無

心隨一作仰白鷗屈平詞賦懸日月楚王臺榭空山丘興

酣落筆搖五嶽詩成嘯傲凌滄洲功名富貴若長在漢

水亦應西北流

淮亭吟

徐彥伯

貞寂慮兮淮山幽憐芳若兮擘中洲崩湍委咽日夜流  
孤客危坐心自愁矧鶴唳兮風曉復猿鳴兮霜秋熠燿  
飛兮蟋蟀吟倚清瑟兮橫涼翠柳瑤芳兮弔楚水弄琪  
樹兮歌越岑山碣磧兮隈曲水涓漣兮洞汨金光延起  
今驟興沒青苔竟兮綠蘋歇綠蘋歇兮凋朱顏嫩人寂  
歷兮何時閑君不見可憐桐柏上葦茸桂樹花滿山

梁園吟

李白

我浮

一作

黃河

一作

去京闕桂席欲進波連山天長水

樂府系

卷六

五十五

濶厭遠涉訪古始及平臺間平臺爲客憂思多對酒  
醉途作梁園歌却憶蓬池阮公詠因吟淥水楊洪波洪  
波浩蕩迷舊國路遠西歸安可得人生達命豈暇愁且  
飲美酒登高樓平頭奴子搖大扇五月不熱如疑清  
秋玉盤楊一作梅爲君設吳鹽如花皎白一作雪持鹽  
把酒但飲之莫學夷齊事高潔一作何用孤高比雲月  
昔人豪貴信陵君今人耕種信陵墳荒城遠一作照碧  
山月古木盡入蒼梧雲梁王宮闕一作賓客今安在枚馬一作  
刺先歸不相待舞影歌聲散綠池空餘汴水東流海沈  
吟此事淚滿衣黃金買醉未能歸連呼一作五白行六

博分曹賭酒酣一作馳輝歌且謠意方遠東山高臥時

一作還

起來欲濟蒼生未應晚

倪儼吟

玄宗

刻木牽絲作老翁雞皮鶴髮與眞同須臾弄罷寂無事  
還似人生一夢中

玉壺吟

李白

烈士擊玉壺壯心惜暮年三杯拂劍舞秋月忽然高詠  
涕泗漣鳳凰初下紫泥詔謁帝稱觴登御筵榆楊九重  
萬乘主詭浪赤墀青瑣賢朝天數換飛龍馬敕賜珊瑚  
白玉鞭世人不識東方朔大隱金門是謫仙西施宜笑

樂府系

卷六

五十六

復宜嘯醜女效之徒累身君王欲愛蛾眉好無奈宮中  
妬殺人

詠

臨江亭五咏

序曰建業爲都舊矣晉主來此而禮  
物盡備雖云在德亦云在險京口其  
地也嗚呼有邦國者有興亡焉自晉及陳五世  
而滅以今懷古五篇爲詠臨江亭得其勝槩  
以興言雖未及乎襟士亦其志也

諸光義

晉家南作帝京鎮北爲關江水中分地城樓下帶山金  
陵事已往青蓋理無還落日空亭上愁看龍尾灣  
山橫小苑前路盡大江邊此地興王業無如宋主賢潮  
生建業水風散廣陵煙直望清波裏祗言別有天

城頭落暮暉城外搗秋衣江水青雲捲蘆花白雪飛南  
州王氣疾東國海風微借問商歌客年年何處歸  
古木嘯寒禽層城帶夕陰梁園多綠柳楚岸盡楓林山  
際空爲險江流長自深平生何以恨天地本無心  
京山千里過孤憤望中來江勢將天合城門向水開落  
霞明楚岸夕露濕吳臺去去無相識陳皇安在哉

不遇詠

王維

北闕獻書寢不報南山種田時不登百人會中身不預  
五侯門前心不能身投河朔飲君酒家在茂陵平安否  
且此登山復臨水莫問春風動楊柳今人作人多自私  
樂府系 卷六 五十七

我心不說君應知濟人然後拂衣去肯作徒爾一男兒

羣鴉詠

儲光義

新宮驪山陰龍袞時出豫朝陽照羽儀清吹肅達路羣  
鴉隨天車夜滿新豐樹所思在腐餘不復憂霜露河低  
官閣深燈隱鼓鐘曙續紛集一作起寒枝矯翼時相顧家  
宰一作冢收琳瑯侍臣進一作盡鴛鴦高舉摩太清永絕矰  
繳懼茲禽亦翺翔不以微小故

歎

夏日歎

杜甫

夏日出東北陵天經中街朱光徹厚地鬱蒸何由開上

蒼久無雷無乃號令乖雨降不濡物良田起黃埃飛鳥  
苦熱死池魚涸其涯萬人尚流冗舉目唯蒿萊至今大  
河北盡一作化作虎與豺浩蕩想幽薊王師安在哉對食  
不能餐我心殊未諧眇然貞觀初難與數子偕

夏夜歎

永日不可暮炎蒸毒我腸安得萬里風飄颻吹我裳昊  
天出華月茂林延疎光仲夏苦夜短開軒納微涼虛明  
見絨毫羽蟲亦飛揚物情無巨細自適固其常念彼荷  
戈士窮年守邊疆何由一洗濯執熱互相望竟夕擊刁  
斗喧聲連萬方青紫雖被體不如早還鄉北城悲笳發  
樂府系 卷六 五十八

鶴鶴號且翔况復煩促倦激烈思時康

秋雨歎 三首

雨中百草皆爛死堦下決明顏色鮮著葉滿枝翠羽蓋  
開花無數黃金錢涼風蕭蕭吹汝急恐汝後時難獨立  
堂上書生空白頭臨風三嗅馨香泣  
闌風伏雨秋紛紛四海八荒同一雲去馬來牛不復辨  
濁涇清渭何當分禾頭生耳黍穗黑農夫田父無消息  
城中舂米換衾裯相許寧論兩相直

長安布衣誰比數反鎖衡門守環堵老夫不出長蓬蒿  
稚子無憂走風雨雨聲颼颼催早寒胡鴈翅濕高飛難

秋來未曾見白日泥汚后土何時乾

茅屋爲秋風所破歎

八月秋高風怒號卷我屋上三重茅茅飛度江灑江郊  
高者挂罥長林梢下者飄轉沈塘坳南村羣童欺我老  
無力忍能對面爲盜賊公然抱茅入竹去唇焦口燥呼  
不得歸來倚杖自歎息俄頃風定雲墨色秋天漠漠向  
昏黑布衾多年冷如鐵嬌兒惡臥踏裏裂牀屋漏無  
乾處雨脚如麻未斷絕自經喪亂少睡眠長夜沾濕何  
由徹安得廣厦千萬間大庇天下寒士俱歡顏風雨不  
動安如山嗚呼何時眼前突兀見此屋吾廬獨破一作壞

樂府系

卷六

五十九

受凍死亦足

枹樹爲風雨所扶歎

倚江枹樹草堂前故老相傳二百年誅茅卜居總爲此  
五月髣髴聞寒蟬東南飄風動地至江翻石走流雲氣  
幹排雷雨猶力爭根斷泉源豈天意滄波老樹性所愛  
浦上童童一青一作車蓋野老頻留懼雪霜行人不過聽  
竿籟虎倒龍顛委榛棘淚痕血點垂臂臆我有新詩何  
處吟草堂自此無顏色

清鏡歎

同張明府作

孟浩然

妾有盤龍鏡清光常晝發自從生塵埃有若霧中月愁

來或取照坐歎生白髮寄語邊塞人如何久離別

孤燭歎

徐彥伯

切切夜閨冷微微孤燭然玉盤紅淚滴金燼彩光圓暖  
手縫輕素嚙蛾續斷絃相思咽不語回向錦屏眠  
謠

廬山謠

寄盧侍御虛舟

李白

我本楚狂人鳳歌笑孔丘手持綠玉杖朝別黃鶴樓五  
嶽尋仙不辭遠一生好入名山遊廬山秀出南山傍  
風九疊雲錦張影落明湖清黛光金闕前開二峰長銀  
河倒挂一作寫三石梁香爐瀑布遙相望迴崖沓嶂凌一作作

樂府系

卷六

六十

向蒼蒼翠影紅霞映朝日一作照鳥飛不到吳天長登

高壯觀天地間大江茫茫去不還黃雲萬里動風色白  
波九道流雪山好爲廬山謠興因廬山發閒窺石鏡清  
我心謝公行處蒼苔沒一作綠蘿開早服還丹無世情  
琴心三疊道初成遙見仙人彩雲裏手把芙蓉朝玉京  
先期汗漫九垓上願接盧敖遊太清

薛仙子謠

陳子昂

化雲心兮思淑真洞寂滅兮不見人瑤草芳兮思氛氲  
將柰何兮青春

唐詩所第六卷終



唐詩所第七卷 樂府系

前集

雜辭

蘇摩遮 五首

張說

摩遮本出海西胡琉璃寶服紫茸鬚聞道皇恩遍宇宙  
來將歌舞助歡娛

繡裝帕

一作拍

額寶花冠夷歌騎舞借人看自能激水成

陰氣不慮今年寒不寒

臘月凝陰積帝臺豪

一作齊

歌急鼓送寒來油囊取得天

河水將添上壽萬年杯

寒氣宜人最可憐故將寒水散庭前惟願聖君無限壽

樂府系

卷七

長取新年續舊年

昭成皇后帝家親榮樂諸人不比倫往日霜前花委地

今年雪後樹逢春

落花落

王勃

落花落落花紛漠漠綠葉青跼映丹萼與君徘徊上金  
閣影拂粧階玳瑁筵香飄舞館茱萸幘落花飛掠亂入  
中帷落花春正滿春人歸不歸落花度氛氳遶高樹落  
花春已繁春人春不顧綺閣青臺靜且閒羅袂紅巾復  
往還盛年不再得高枝難重攀試復日遊落花裏暮宿  
落花間與君落花院臺上起雙鬟 一作環

黃雀癡

王維

黃雀癡黃雀癡謂言青鵲是我兒一一口銜食養得成

毛衣到大啁啾解游颺各自東西南北飛薄暮空巢上

羈雌獨自歸鳳凰九雛亦如此慎莫愁思顛顛損容輝

江南意

一作次北固山下

王灣

南國多新意東行徇早天

一作客路青山外

行舟綠水前潮平兩岸失

一作瀾

風正數

一作帆

懸海日生殘夜江春入舊年從來

觀氣象惟向此中偏 一作寄書何處達歸鴈洛陽邊

靜夜思

李白

牀前看月光疑是地上霜舉頭望山月低頭思故鄉

樂府系

卷七

登高丘而望遠海

登高丘望遠海六龍骨已霜三山流安在扶桑半摧折

白日沈光彩銀臺金闕如夢中秦皇漢武空相待精衛

費水石龜鼉無所憑君不見驪山茂陵盡灰滅牧羊之

子來攀登盜賊劫寶玉精靈竟何能窮兵黷武今如此

鼎湖飛龍安可乘

幽澗泉

拂彼白石彈吾素琴幽澗愀今流泉深善手明徹高張

清心寂歷似千古松飈颺兮萬尋中見愁猿弔影而危

處今叫秋木而長吟客有哀時失志

一作賦

而聽者淚淋

浪以霜襟乃緝商絳羽潺湲成音吾但寫聲發憤一作情於妙指殊不知此曲之古今幽澗泉鳴深林

山人勸酒

蒼蒼雲松落落綺皓春風爾來爲何誰蝴蝶忽然滿芳草秀眉霜雪顏桃花骨青髓綠一作青長美好稱是秦時避世人勸酒相歡不知老各守麋鹿志恥隨龍虎爭歛起佐太子漢皇乃復驚顧謂戚夫人彼翁羽翼成歸來商山下泛若雲無情舉觴酌巢由洗耳何獨太一作清浩歌望嵩嶽意氣遙一作相傾

菩薩蠻

樂府系 卷七

三

平林漠漠煙如織寒山一帶傷心碧暝色入高樓有人樓上愁玉階一作闌空佇立宿鳥歸飛急何處是歸程長亭連一作更短亭

憶秦娥

簫聲咽秦娥夢斷秦樓月秦樓月年年柳色灞陵傷別樂遊原上清秋節咸陽古道音塵絕音塵絕西風殘照漢家陵闕

哀王孫

杜甫

長安城頭頭白烏夜飛延秋門上呼又向人家啄大屋屋底達官走避胡金鞭斷折九馬死骨肉不待同馳驅

腰下寶玦青珊瑚可憐王孫泣路隅問之不肯道姓名但道困苦乞爲奴已經百日竄荆棘身上無有完肌膚高帝子孫盡隆準龍種自與常人殊豺狼在邑龍在野王孫善保千金軀不敢長語臨交衢且爲王孫立斯須昨夜東一作春風吹血腥東來橐駝滿舊都朔方健兒好身手昔何勇銳今何愚竊聞太子已傳位聖德北服南單于花門剺面請雪耻慎勿出口他人狙哀哉王孫慎勿疎五陵佳氣無時無

哀江頭

少年野老吞聲哭春日潛行曲江曲江頭官殿鎖千門

樂府系 卷七

四

細柳新蒲爲誰綠憶昔霓旌下南苑苑中萬物生顏色昭陽殿裏第一人同輦隨君侍君側輦前才人帶弓箭白馬嚼齧黃金勒翻身向天仰射雲一箭正墮雙飛翼明眸皓齒今何在血污遊魂歸不得清渭東流劒閣深去住彼此無消息人生有情淚沾臆江水一作草江花豈終極黃昏胡騎塵滿城欲往城南忘南一作北城

悲陳陶

陳陶 斜在咸陽縣房琯與安祿山戰敗績于此

孟冬十郡良家子血作陳陶澤中水野曠天清一作野天晴無戰聲四萬義軍同日死羣胡歸來血一作雪洗箭仍唱胡歌飲都一作東市都人回面向北啼日夜更望官軍至

悲青坂 青坂在岐州太白山房瑄起軍處

我軍青坂在東門天寒飲馬太白窟黃頭奚兒日向西  
數騎彎弓敢馳突山雪河水野一作蕭瑟青是烽煙白  
是人一作骨焉得附書與我軍忍待明年莫倉卒

洗兵馬 收京後作

中興諸將收山東捷書夜報一作清晝同河廣傳聞一  
章過胡兒一作命在破竹中一作殘鄴城不日得獨  
任朔方無限功京師皆騎汗血馬回紇餒肉蒲萄官已  
喜皇威青海岱常思仙仗過崆峒三年笛裏關山月萬  
國兵前草木風成王功大心轉小郭相謀深古來少司  
樂府系 卷七 五

徒清鑒懸明鏡尚書氣與秋天杳二三豪俊爲時出整  
頓乾坤濟時了東走無復憶鱸魚南飛覺有安枝一作  
鳥青春復隨冠冕入紫禁正耐煙花繞鶴駕通宵鳳輦  
備雞鳴問寢龍樓曉攀龍附鳳勢莫當天下盡化爲侯  
王汝等豈知蒙帝力時來不得誇身強關中既留蕭丞  
相幕下復用張子房張公一生江海客身長九尺鬚眉  
蒼微起適遇風雲會扶顛始知籌策良青袍白馬更何  
有後漢今周喜再昌寸地尺天皆入貢奇祥異瑞爭來  
送不知何國致白環復道諸山得銀甕隱士休歌紫芝  
曲詞人解撰河清頌田家望望惜雨乾布穀處處催春

種淇上健兒歸莫懶城南思婦愁多夢安得壯士挽天  
河淨洗甲兵長不用

留花門 花門山名在甘州

北門天驕子飽肉氣勇決高秋馬肥健挾矢射漢月自  
古以爲患詩人厭薄伐修德使其來羈縻固不絕胡爲  
傾國至出入暗金闕中原有驅除隱忍用此物公主歌  
黃鵠君王指白日連雲屯左輔百里見積雪長戟鳥休  
飛哀笳曉咽幽咽田家最恐懼麥倒桑枝折沙苑臨渭  
泉香草豐潔渡河不用船千騎尚撒烈胡塵踰太行雜  
種抵京室花門既須留原野轉蕭瑟

樂府系 卷七

六

塞廬子 廬子關名在延州

五城何迢迢迢迢隔河水邊兵盡東征城內空荆杞思  
明割懷衛秀巖西未已迴畧大荒來嶠函蓋虛爾延州  
秦北戶關防猶可倚焉得一萬人疾驅塞廬子岐有薛  
大夫旁制山賊起近聞昆戎徒爲退三百里廬關扼兩  
寇深意實在此誰能叫帝關胡行速如鬼

石壕吏 石壕陝東成在新安西

暮投石壕村有吏夜捉人老翁踰牆走老婦出門看吏  
呼一何怒婦啼一何苦聽婦前致詞三男鄴城戍一男  
附書至二男新戰死存者且一作偷生死者長已矣室

中更無人惟有乳下孫孫有母未去出入無完裙老嫗  
力雖衰請從吏夜歸急應河陽役猶得備晨炊夜久語  
聲絕如聞泣幽咽天明登前途獨與老翁別

潼關吏 潼關在華州

士卒何草草築城潼關道大城鐵不如小城萬丈餘借  
問潼關吏脩關還備胡要我下馬行爲我指山隅連雲  
列戰格飛鳥不能踰胡來但自守豈復憂西都丈人視  
要處窄狹容單車艱難奮長戟千古用一夫哀哉桃林  
戰百萬化爲魚請囑防關將慎勿學哥舒

新安吏

樂府系 卷七

七

客行新安道喧呼聞點兵借問新安吏縣小更無丁府  
帖昨夜下次選中男行中男絕短小何以守王城肥男  
有母送瘦男獨伶仃白水暮東流青山猶哭聲莫自使  
眼枯收汝淚縱橫眼枯却一見骨天地終無情我軍  
收相州日夕一一作望其平豈意賊難料歸軍星散營就  
粮近故壘練卒依舊京掘壕不到水牧馬役亦輕况乃  
王師順撫養甚分明送行勿泣血僕射如父兄

新婚別

兔絲附蓬麻引蔓故不長嫁女與征夫不如棄路傍結  
髮爲君妻席不暖君牀暮婚晨告別無乃太匆忙君行

雖不遠守邊赴一作河陽妾身未分明何以拜姑嫜父

母養我時日夜令我藏生女有所歸鷄狗一作亦得將

君今死生一作地沉痛迫中腸誓欲隨君往一作形勢

反蒼黃勿爲新婚念努力事戎行婦人在軍中兵氣恐

不揚自嗟貧家女久致羅襦裳羅襦不復施對君洗紅

粧仰視百鳥飛大小必雙翔人事多錯迂與君永相望

垂老別

四郊未寧靜垂老不得安子孫陣亡盡焉用身獨完投  
杖出門去同行爲辛酸幸有牙齒存所悲骨髓乾男兒  
既介冑長揖別上官老妻臥路啼歲暮衣裳單孰知是

樂府系 卷七

八

死別且復傷其寒此去必不歸還聞勸加餐土門壁甚  
堅杏園度亦難勢異鄴城下縱死時猶寬人生有離合  
豈擇衰盛端憶昔少壯日遲迴竟長嘆萬國盡征戍烽  
火被岡巒積屍草木腥流血川原丹何鄉爲樂土安敢  
尚盤桓棄絕蓬室居塌然摧肺肝

無家別

寂寞天寶後園廬但蒿藜我里百一作餘家世亂各東  
西存者無消息死者爲塵泥賤子因陣敗歸來尋舊蹊  
久行見空巷一作日瘦氣慘悽但對狐與狸豎毛怒我  
啼四鄰何所有一二老寡妻宿鳥戀本枝安辭且窮棲

方春獨荷鋤日暮還灌畦縣吏知我至召令習鼓鞀雖  
從本州役內顧無所攜近行止一身遠去終轉迷家鄉  
既盡盡遠近理亦齊永痛長病母五年委溝谿生我不  
得力終身兩酸嘶人生無家別何以爲蒸藜

雜歌謠辭

軍中謠

秦王與竇建德相拒于武牢先是軍中有  
謠云云及建德兵敗竇於牛口渚果爲車  
騎將軍白士讓所獲

巨入牛口勢不得久

高昌謠

貞觀中高昌王文泰不朝詔侯君集帥兵  
討之文泰恃而死遂滅其國置安西都護  
府先是其國人謠云云文泰捕謠所發不能得  
也

樂府系

卷七

九

高昌兵馬一無如霜雪唐家兵馬如日月日月照霜雪

回首

一作自銷一作減

玄武謠

貞觀末有謠云云帝宴會令羣臣各言小  
字左武侯中郎將李君羨自陳曰五娘子  
又君羨封邑武連故帝忌而誅之後武后卒以  
革命

女武王

桑條歌

永徽末有里歌云云及神龍中韋后與帝  
稱二聖鄭愔別作桑條歌十首獻焉

桑條韋也女時韋也

阿婆謠

咸亨末有謠云云後武后卽位至孝和嗣  
之阿婆者武后也三叔者孝和第三也

莫浪語阿婆與三叔聞時笑殺人

嵩山謠

調露中有謠云云初高宗欲封禪屢草儀  
注有南事不行及至山下遺疾還宮而崩

嵩山一作高凡幾層不畏登不得但恐不得登三度徵兵  
馬旁道打騰騰

堂堂謠

調露中有此謠太常丞李嗣真曰側者不  
正者唐再受命之符也今上病日侵事皆失  
言堂者唐再受命之符也今上病日侵事皆失  
中宮持權與人收之不易諸王殆爲后所蹂踐  
吾見難作不遠矣

側堂堂撓堂堂

新禾謠

永淳九年七月東都大雨人多殍殍先是  
有童謠曰

新禾不入廂新麥不上場迨及八九月狗吠空垣牆

楊柳歌

永淳末民間歌云云後徐敬業以柳州司  
馬舉兵自署楊州司馬傳檄討武后詔遣  
李孝通討之斬敬業首驛馬馳入洛此其應也

樂府系

卷七

十

楊柳楊柳漫頭駝

兩火謠

徐敬業將反欲取中書令裴炎共起事謀  
之駱賓王乃爲謠云云炎聞之自以名合  
謠識遂與敬業合謀揚州兵起爲之內應焉

一片火兩片火緋衣小兒當殿坐

黃塵歌

如意初有里歌云云後契丹寇營州武后  
令總管曹仁師等將兵百萬討之大敗於  
黃塵谷

黃塵黃塵草裏威彎弓射爾傷

張公謠

武后時謠或云張公者斥易之兄弟也

張公喫酒李公醉

補闕謠

武后革命選舉多濫起家至補闕拾遺御  
史評事者不可勝數時有此謠或云張鷟

沈全交爲之

補闕連車載拾遺平斗量把推侍御史腕脫校書郎評  
事不讀律博士不尋章麵餅存撫使眯目聖神皇

安樂謠景龍中安樂公主于洛州造安樂寺時有童謠云云後誅逆韋并殺主以其頭懸於竿上

可憐安樂寺了了樹頭懸

聖善謠景龍中民間有此謠至景雲中譙王從均州入都作亂敗走投洛川而死

可憐聖善寺身着綠毛衣牽來河裏飲踏殺鯉魚兒

黃忬謠景龍中民間有此謠未幾而逆韋見誅韋蓋黃忬之後也

黃忬憤子輓綫斷兩脚踏地鞦韆斷

樂府系

卷七

十一

山南謠神龍末民間謠云云此胡虜入寇重載而還之應也

山南烏鵲窠山北金駱駝鏤柯不鑿孔斧子不施柯

天樞謠景雲中童謠云云初武后徵天下銅鐵二十尺題曰大周萬國述德天樞至開元中詔毀之發卒鎔鏤彌月不盡

一條麻一作線挽天樞

羊頭謠玄宗在潞州時有此童謠

羊頭山北作朝堂

得寶歌開元末于弘農函谷關得寶符白石赤文成桑字天丁歌之云云于是改元天寶及帝幸蜀之歲距御極四十八年桑字之驗也

得寶歌開元末于弘農函谷關得寶符白石赤文成桑字天丁歌之云云于是改元天寶及帝幸蜀之歲距御極四十八年桑字之驗也

得寶歌開元末于弘農函谷關得寶符白石赤文成桑字天丁歌之云云于是改元天寶及帝幸蜀之歲距御極四十八年桑字之驗也

兩京謠天寶初兩京童謠云云及安史亂後舊僚肉分散申雪無路是其兆也

不怕上蘭單唯愁辦答難無錢求案典生死任都官

義髻謠天寶初童謠云云時楊貴妃常以假髻爲首飾而好着黃裙識者以爲近服妖也

義髻拋河裏黃裙逐水流

題壁詩天寶中有人于玄都觀廊廡間題壁云云西幸至馬嵬六軍不進歸罪楊貴妃請賜死貴妃小字玉環高力士以羅巾縊之皆如其言或曰術士李退周詩也

燕市人皆去函關馬不歸若逢山下鬼環上繫羅衣

燕燕謠安祿山未反時先有此謠

燕燕飛上天天上女兒舖白氍毹上有千錢

樂府系

卷七

十二

戴竿謠時幽州又有童謠云

舊來誇戴竿今日不堪看但看五月裏清水河邊見契

丹

誌公詞逆胡之亂梁時誌公有詞云云兩角女子敗亡

兩角女子綠衣裳却背太行邀君王一止之月必銷亡

題壁詞開元中有使者自嶺外携成真人入都帝聞其有道術館之蓬萊院歲餘求還山南題壁詞云云及安祿山起燕聖駕幸蜀皆驗

蜀路南行燕師北至本擬白日昇天且看黑龍飲渭

勒石詞

代宗初詔鎮冀節度李寶臣潘青節度李正己共計魏博田承嗣承嗣廢乃勒石詞云云瘞之境上寶臣等得之以爲符識陰與承嗣連和兵遂解

二帝同功勢萬全將田作伴入幽燕

顏有道歌

武德初顏遊秦爲廉州刺史有惠政州人歌之曰

廉州顏有道性行同莊老愛人如赤子不煞非時草

薛大興歌

薛大興爲滄州刺史有無嫌渠久廢渠大興治屬之海商賈流行里民歌曰

新溝通舟楫利屬滄海魚鹽至昔徒行今騁駟美哉薛

公德滂被

權懷恩語

權懷恩爲萬年令賞罰嚴明見惡輒取時語曰

寧飲三斗塵無逢權懷恩

樂府系

卷七

十三

崔左丞謠

尚書左丞崔善爲以清察稱諸曹史病購謗者乃止或云崔子出如釣隨例得封侯碑上全無頂胸前別有頭以其短而僂也

曲如鈎例封侯

天山歌

貞觀中薛仁貴爲鐵勒道行軍總管時九姓衆十餘萬令驍騎挑戰仁貴發三矢輒殺三人于是虜氣懾皆降軍中歌曰

將軍三箭定天山壯士長歌入漢關

二相語

問立本爲右相善畫時美俗以戰功權左相故語曰

左相宣威沙漠右相馳譽丹青

田仁會歌

永徽中田仁會爲平州刺史歲旱自暴以雨雨開大至穀遂登州人歌之曰

父母育我今田使君挺精誠今上天聞中田致雨今山

出雲倉廩實今禮義申願君常在今不患貧

楊德幹語

咸亨中楊德幹歷澤高汴相四州刺史爲政嚴酷時人語曰

寧食三斗炭不逢楊德幹

李義府語

李義府之貶嶺州也其子太子右司議主簿柳元貞皆除名長流朝野稱慶時人爲之語曰

今日巨唐年還誅四凶族

軍中謠

中書令李敬玄爲元帥討吐蕃至樹敦城等驚退還餓千里地上尺餘時軍中謠曰

洮河李阿婆薈州王伯母見賊不敢關總由曹新婦

來濟語

來濟父謨見本府號將而濟及兄恒並以學行稱相次知政事時虞世南子恒無才

樂府系

卷七

十四

衛歷將作少匠主工作許敬宗爲之語曰

護兒兒作相世南男作匠

張懷慶語

張懷慶有詩云生情鑲月爲歌扇出性裁雲作舞衣照鏡自憐迴雪影來時好取洛川歸本竊李又堂堂詞于句首稍益二字故時人語曰

活剝張昌齡生吞郭正一

四王語

江安王元祥性庸適管財產無厭時滕蕭比類南惡地故時語曰

寧向僭崖振白不事江滕蕭號

徐杜語

天授中杜景儉爲司刑丞與徐有功來俊臣侯思止專理制獄時人語曰

遇徐杜者必生遇來侯者必死



杜錄事誼

杜景儉為益州錄事時房嗣業自隆州除益州司馬除書未到即欲視事鞭撻僚吏將以立威景儉以為真偽未知叱左右罷散俄除荊州司馬人吏為之誼曰

錄事意與天通益州司馬折威風

尹卿語

長安中尹思貞為司府少卿與卿侯知一並以清嚴稱吏人為語曰

不畏侯卿杖祇畏尹卿筆

沈宋語

詩自沈約更信以音韻相婉附屬對精密至沈佺期宋之問更加靡麗回忌聲病約句準篇如錦繡成文學者宗之故時語云云種李謂蘓武李陵也

蘓李居前沈宋比肩

兩何語

神功初孫萬榮入寇別帥何阿小陷冀州殺神人無餘種時武懿宗以神兵大總管討之尤暴忍世稱兩何故語曰

樂府系 卷七

十五

惟此兩何殺人最多

王御史語

王弘義為左臺御史始賤時求為舍人逐哇蕨無遺內史李昭德為之語曰

昔聞蒼鷹獄吏今見白兔御史

合禮語

宰相蕭至忠以女妻韋后舅崔從禮子無誠兩家合禮帝主蕭后主崔時人語曰

天子嫁女皇后娶婦

張仁實語

神龍中張仁實為洛州長史會殺貴多盜仁實一切捕殺諸積府門畿甸震攝先是賈敦願亦有政蹟時人語曰

洛有前賈後張可敵京兆三王

李乂語

李乂為吏部侍郎與宋璟同典選事請謂不行時人語曰

李下無蹊徑

四俊語

張嘉貞為相日所薦中書舍人苗延嗣呂太乙考功員外郎員嘉靖殿中侍御史崔訓皆位清要常與議政事故時人語曰

令君四俊苗呂崔員

薛稷語

薛稷善書畫書師衛河南畫蹤閭立本時人語曰

買褚得薛不落節

蘓李語

蘓頌為中書舍人父瓌卒頌京沒過禮有勅起復固辭上遣黃門李日知諭旨還去六日臣見其羸瘠殆不勝哀故不忍言上為惻然不之逼也時人語曰

蘓瓌有子李嶠無兒

江淮語

太子少保郝處俊與舅許國師同里俱宦達時鄉人田氏彭氏以高貲顯故江淮間

樂府系 卷七

十六

貴如郝許富若田彭

崔冉語

神龍中武三思竊國司勳耶中崔日用及冉祖雍中書舍人鄭倓託其權勢熏炙內外共干時政天下語曰

崔冉鄭亂時政

裴光庭語

裴光庭為吏部任門下省主簿閭麟之凡所裁定輒然可時語曰

麟之口光庭手

竇懷貞語

竇懷貞為左御史大夫喪妻會歲除中宗夜宴令以韋后乳媼王所謂苦國夫人為媼室懷貞欣然納之時媼嫗者稱為阿奢懷貞每謂見奏請輒自署皇后阿奢奢宗嘗為金仙玉真二公主營觀鉅萬諫者交疏不止惟懷貞勸成之躬護役作時人為語云云言事公

主如官屬也

前作后國奢後爲主邑丞

姚宋語

中宗時長寧宮城安定諸公主及后女弟上官昭容等皆能降墨勅授官號封及姚元崇宋璟輔政白罷斜封官數千員元崇等免後太平公主盡奏復之時人語曰

姚宋爲相邪不如正太平用事正不如邪

崔岑謠

崔退與岑義鄭惜同在吏部並貪縱京中謠云

岑義僚子後崔湜令公孫三人相接比莫賀咄最渾

姜晦歌

姜晦爲吏部濫掌銓選會無分別選人爲之歌曰

今年選數恰相當都由座主無文章案後一腔凍豬肉

所以名爲姜侍郎

樂府系

卷七

十七

盧李語

高宗時吏部號稱職者裴行儉馬戴至肅宗時盧從愿李朝隱並典選有美名故時人語曰

前有裴馬後有盧李

陸餘慶語

尚書右丞陸餘慶爲洛州刺史時人爲語云云或曰其子潮之

陸餘慶筆頭無力嘴頭硬一朝受詞訟十日判不竟

生女謠

開元中楊貴妃以寵傾後宮叔父昆弟皆列清貴姊妹封國夫人富埒主室故當時有二謠云

生女勿悲酸生男勿喜歡

男不封侯女作妃君看女却爲門楣

賈昌歌

景雲中賈忠以材官與討逆韋功爲長刀親衛其子昌亦應捷開元初召入爲雞坊

小兒長玄宗東封忠從死泰山下歸葬雍州喪車乘洛陽道附人爲之歌曰

生兒不用識文字闕難走馬勝讀書買家小兒年十三

富貴榮華代不如能令金距期勝負白羅繡衫隨軟輦

父死長安千里外差夫特道輓喪車

二王語

王維與弟縉以科名文學冠絕當代故時謠曰

朝廷左相筆天下右丞詩

哥舒歌

天寶中哥舒翰爲安西節度甚著威令西鄙人歌之曰

北斗七星高哥舒夜帶刀至今窺牧馬不敢過臨洮

吐蕃總殺盡更策兩重壕

李峴謠

李峴以京兆尹出爲零陵太守峴有惠政時京師米翔貴百姓思之故爲謠曰

樂府系

卷七

十八

欲粟賤追李峴

三豹謠

開元初監察御史李嵩李全交王旭皆嚴酷取名時人目爲三豹引以相詛故京師謠曰

若違教值三豹

南金語

張巡爲真源令土多豪猾大吏華南金樹威德肆邑人爲語云云巡下車以法誅之赦其餘黨莫不改行

南金口明府手

姜傳語

河中尹姜師度喜鑿蒲渠所至徭役紛紜然就後常爲數世利時太史令傅孝忠以知星爲時人語曰

傅孝忠兩眼看

一作仰

天姜師度一心穿

一作地

姜師度歌

姜師度爲滄州刺史于魯城界內種稻爲蟹食盡又差夫打蟹時人歌曰

魯地初種稻一槩被水沐年年索蟹夫百姓不可活

二尹歌

乾元中李仲通與弟叔明繼爲京兆尹長安歌曰

前尹赫赫具瞻允若後尹熙熙具瞻允斯

相嘲詞

太宗宴羣臣令相嘲諷長孫無忌因爲詞嘲歐陽詢云云詢亦答之帝歛容曰汝不畏皇后聞耶

聳膊成山字埋肩不出頭誰教麟閣上畫此一獼猴右

嘲歐陽詢

索頭連背暖袂襠畏肚寒只因心涵涵所以面團團右

嘲長孫無忌

樂府系

卷七

十九

宋公歌

宋公蕭瑀不解射嘗九日陽射瑀箭一無所獲時歐陽詢爲之歌曰

急風吹緩箭弱手馭彊弓欲高翻復下應西還東十

迴俱着地兩手併擎空借問誰爲此唯當是宋公

龍門詠

殿中洛輔元嘗次龍門遇盜行裝都盡袒被而坐監察御史杜易簡爲之詠曰

有恥宿龍門精彩先瞰渾眼疲呈近店睡響徹遙村將

囊將舊識掣被異新婚誰言驄馬使翻作蟄熊蹲

許子儒謠

許子儒舊任奉禮郎永徽中造國學子儒經祀前設有階級子儒不得階實防爲之謠曰

不能專習禮虚心強覓階一年辭爵弁半歲履麻屨

惡頻蒙攬牆虛屢被杖映樹便側睡過置卽放乖歲暮

良功畢言是越朋儕今日綸言降方知愚計啗

靜樂主詠

靜樂縣主河內王武懿宗妹也懿宗短左司郎中張元一爲之咏云

馬帶桃花錦裙銜綠草羅定知幃帽底儀容似大哥

武懿宗謠

武后時西戎犯邊懿宗統兵禦之至解縣宗無馬耶張元一日騎猪者來不走也或云卽元一之詞

長弓短度箭蜀馬臨階一作驢去賊七百里隈墻獨自

戰甲仗總拋却一作忽忽然騎猪向南趨

迴波詞

中宗朝御史大夫裴談妻悍妒談畏之如波詞儼人亦進唱云云后意色自得以束制賜

樂府系

卷七

二十

迴波爾時栲栳怕婦也是大好外邊祇有裴談內裏豈

無李老

迴波詞

嘉興令楊廷玉武后之表姪也貪狼無厭嘗爲詞曰

迴波爾時廷玉打獠取錢未足阿姑見作天子傍人不

得抵觸

臺中詞

崔日用爲御史中丞賜紫未得佩魚嘗因宴撰詞云云中宗卽以金魚賜焉

臺中鼠子直須諳信足跳梁上壁龕倚翻燈脂汗張五

還來嚙帶報韓三莫浪語直王相大家必若賜金龜賣

却貓兒相報賞

舞歌

崔日用嘗因宴作舞歌云云其日拜簡文館學士

東館總是鷓鴣南臺自多杞梓日用讀書萬卷何忍不蒙學士墨制簾下出來微臣眼看喜死

詠癡詩鄭惜嘗嘗選人為癡漢選者曰僕吳人也癡漢即是公惜因令詠癡其人應聲曰

榆兒復榆婦造屋兼造車十七八九夜還書更借書王上客謠先天中侍御史王上客自以才望當人省忽除膳部員外郎張敬忠為之謠云

有意嫌兵部專心望考功誰知脚蹬蹬幾落省牆東

蕭邵詠殿中御史韋鏗與蕭嵩邵景俱在臺俄制而嵩多髯並狀類胡同時服朱紱對立于庭鏗從蕭中竊窺為之詠曰

一雙胡子着緋袍一個鬚多一鼻高相對廳前捺且立樂府系 卷七 二十一

自慙身品世間毛

韋鏗詠肅宗嘗御承天門百僚就列韋鏗忽風眩倒地邵景為之詠曰

野風忽起團團旋倒地還如着脚鮓莫恠殿上空行事却為元非五品才

貽李御史詩岐王府參軍石惠泰貽監察御史李全交詩云云因競放牒往來全交為判十餘紙報之

御史非長任參軍不久居待君遷轉後此職還到予

中雷謠魏州傳嚴嘗在左臺監祭中雷而中雷小祠無義牲體比迴殊悵望殿中又賦言為之謠曰

聞道監中雷初言是大祠狼傍索傳馬惚動出安徽備

司無帑幙供膳乏鮮肥形容消瘦盡空往復空歸

朝竹咏裴畧宿衛考蕭兵部判落第被詆於僕射令朝竹畧應聲云云解作文章兼能朝議於博因

竹風吹清肅肅凌冬葉不凋經春子不熟虚心未能待國士皮上何須生節目

渭川歌舊制京城曉曉傳鼓以戒行者馬周獻封因為渭川歌云云時人傳之

進士語進士科出於貞觀永徽之際緒紳雖位極有老死文場者時人語曰

進士語進士科出於貞觀永徽之際緒紳雖位極有老死文場者時人語曰

樂府系 卷七 二十二

太宗皇帝真長算賺得英雄盡白頭

臺省語諫院以章疏之故憂患畧同臺中則務相糾舉省中多事旨趣不一故時語曰

遺補相惜御史相憎郎官相輕

省中語郎官故事吏部郎中二廳先小銓次格式戶部分兩就故省中語曰

後行祠屯不博中行都門中行禮部不博前行駕庫

司門語唐制吏兵部日前行最為要劇司門都門故時人語曰

司門水部入省不數

臺中語開元中置臺行無員數有御史臺行臺中裏行監察裏行皆未為正官故臺中語曰

柱下雖爲史臺中未是官

王母桃語

洛陽華林園有王母桃十月始熟形如括箕俗語曰

王母甘桃食之解勞

語三首

置隣之直貴於買宅

喬木先枯衆子必孤

窮巷多惟曲學多辯

引諺

乾封三年詔李勣帥兵討高麗帝以問侍御史賈言忠對曰昔先帝所以不得志者廢未

軍無媒半道回

樂府系

卷七

二十三

引諺

玄宗嘗欲以王真公主降張果猶未言也果倫俄而詔至果笑不奉詔

娶婦得公主平地生公府

諺

唐初已來百姓多事狐神房中祭祀以乞恩澤其飲食皆與人同之故諺曰

無狐媚不成村

諺四首

千里相送歸於一別

一人在朝百人緩帶

江南無野狐江北無鷓鴣

春雨甲子赤地千里夏雨甲子乘船入市秋雨甲子禾

頭生耳

鄙諺

六首

三公後出死狗

矮人饒舌破車饒楔

棗子塞鼻孔懸樓閣却種

蟬鳴蜩螗喚黍稷饑糜斷

鴉鳩樹上鳴意在麻子地

蝙蝠不自見笑他梁上燕

仙歌謠辭

鵲鵲詞

吳興柳歸舜開皇末嘗自江南抵巴陵爲大風吹至君山下維舟登岸忽見鸛鵲

樂府系

卷七

二十四

數千相呼姓字音皆清越有名戴蟬兒者唱歌曰吾此曲是漢武鈞戈夫人常所唱其詞云云

有名阿蘓兒者唱曰我憶阿嬌深宮下淚有歌云云有名武遊郎者言昔見漢武乘鸞金轡泛

積翠池自吹紫玉笛令李夫人唱歌云云有名鳳花臺者言昨過蓬萊玉樓爲詩一章云云有

舜北還舟所舟人云已失歸舜三日矣後再至尋訪不復見也

戴蟬兒分明傳與君王語建章殿裏未得歸朱箔金鈿

雙鳳舞

右戴蟬兒歌

昔請馬相如爲作長門賦徒使費百金君王終不顧

阿蘓兒歌

顧鄙賤奉恩私願吾君萬歲期

右武遊郎歌

露接朝陽生海波翻水晶玉樓瞰寥廓天地相昭明此

時下棲止投跡依舊楹顧余復何忝日侍羣仙行 右鳳花臺歌

許宣平題壁詩 景雲中許宣平隱城陽山嘗不食顏色恒若四十許人行如奔馬題所居庵壁詩云云後李白東遊覽之歎曰此仙詩也

隱居三十載石室南山巔靜夜既明月明朝飲碧泉樵人歌隴上谷鳥戲巖前樂矣不知老都忘甲子年

嫦娥扣柱歌 天水趙旭家廣陵獨幽居中夜忽有呼青夫人者扣柱歌云云旭問之曰嫦娥女也因延入授以仙術五篇而別旭大醫初猶在淮酒後有人見之益州容色如故多在市肆商貨時人莫能辨也

月露飄飄星漢斜微行窈窕浮雲車仙郎獨邀青童君樂府系 卷七 二十五

結情羅帳連心花

汜人歌 垂拱中進士鄭生晨度洛橋遇麗人與之居歲餘生將遊長安汜人能歌舞嘗為風光詞云云妹也謫而從君今歲滿無能久留遂與生訣後十餘年生過岳州登樓望鄂渚因為愁思吟云云曲未終有畫船浮漾而來中為絲樓高百餘尺其彈弦鼓吹皆神仙人也中一人起舞含嚙怨慕絕類汜人作歌云云歌竟風清須洞俄失所在

隆佳秀今昭盛時播薰綠兮淑華歸故室冀與處夢今潛重房以飾姿見耀態之韶華兮蒙長靄以為幃醉融光兮渺渺瀾瀾遠千里兮涵烟眉晨陶陶兮暮熙熙無嫵娜之穠條兮娉盈盈兮披遲躊遊顏兮倡蔓卉

穀流倩電兮髮隨旄 右風光詞

情無限兮蕩洋洋懷佳期兮屬三湘 右愁思吟

泝青春兮江之隅拖胡波兮曼綠裾荷拳拳兮來舒非同歸兮何如 右舞歌

鬼歌謠辭

曲几歌 開元中寧州有人臥疾求葉法善飛符制之令於居宅井南七步掘五尺許得古曲几上有歌云云疾者遂愈葉孔憐會稽記云葛玄得仙後所憑几化為三足獸至今上虞人往往于山中見之

歲年永悲羽翼殆歸哀哉罹殃苦令我不得飛

薛君胃歸思詩 開元中前進士張佐於鄆杜間遇一老父自言北周時人有梓潼薛

樂府系 卷七 二十六

君胃者隱居鶴鳴山忽覺耳中有車馬聲二童子出謂君胃曰適從堯玄國來君胃驚問之童子因傾耳以示別有天地遂令君胃投入其國王曰蒙玄真伯拜君胃為主錄大夫居月餘登樓望遠忽有歸思賦詩云云二童子怒曰君質性冲寂引至吾國不謂俗態未去疾逐之出問諸隣人云失君胃已七八年矣未幾而君胃卒此吾前身也今周行天下二百餘年所見異事甚多悉記鹿革中因放囊出二軸書為佐畧述十餘事書字頗細佐不能讀也

風輓景和煦異香馥林塘登高一長望信美非吾鄉

龍護鑄鏡歌 天寶三年揚州參軍李守泰進水心鏡言鑄鏡時有老人自解龍護携一小童曰玄真令人鑄所屬開戶鑄經三日夜而鏡成失龍護玄真所在鏡上有歌曰

盤龍盤龍隱于鏡中分野有象變化無窮興雲吐霧行雨生風上清童子來獻聖聰

慕容垂歌太宗征遼次定州路側有一鬼衣黃立高冢上神彩特異太宗遣問之鬼歌云云遂不復見詢之乃慕容垂墓也

我昔勝君昔君今勝我今榮華各異代何用苦追尋

峽中人歌調露中有行巴峽者夜聞人歌云云曉訪之更無舟船唯白骨一具而已

秋徑填黃葉寒摧露草根復聲一叫斷客淚數重痕

夷陵女郎歌中竟陵掾劉諷夜投夷陵空館中坐設飲談話吟詠忽有三女郎來鋪花茵庭明且拾得翠釵數隻竟不知何鬼也

明月清風良宵會同星河易翻歡娛不終綠樽翠杓爲

君斟酌今夕不飲何時歡樂

玉醴金缸願陪君王邸鄴官中金石絲簧衛女秦娥左

樂府系 卷七 二十七

右成行統緒續紛翠眉紅粧王歡顧盼爲王歌舞願得

王歡長無灾苦

楊柳裊裊隨風急西樓美人春夢長繡簾斜捲千條入

崔常侍聯句歌中有中官行宿于官城館力就寢忽見童子捧一尊衝扉而入續有四人至皆古衣冠其一一人自稱崔常侍相與舉酒聯句歌云云因相顧哀肅散去如風雨之聲焉

牀頭錦衾斑復斑桁上朱衣殷復殷空庭明月閒復閒

夜長路遠山復山

孔氏詩開元初幽州衙將姓張者妻孔氏生五子泣告於母墓前母忽出于塚悲撫五子因以自中題詩贈張云云上聞之勅決李一百流嶺南

張傳所職

匣裏殘粧粉留將與後人黃泉無所用恨作塚中塵

有意懷兒女無情亦任君欲知腸斷處明月照孤墳

河湄人歌開元初有泊舟河湄者見岸傍枯骨因投食祭之忽聞空中魂謝之聲歌曰

我本邯鄲士祇役死河湄不得家人哭勞君行路悲

張氏題帶留贈詩開元中晉昌唐恒隱居滑州衛南嘗入洛夢其妻張氏對花而泣居數日得凶信恒悲動倍常忽一夕聞暗中帶聲漸近恒驚側就之則張氏也因叙夙昔裂爲悼亡詩以記之

不分殊幽顯那堪異古今陰陽塗自隔聚散兩傷心

蘭堦兔月斜銀燭半含花自憐長夜客泉路以爲家

樂府系 卷七 二十八

洛苑女郎送酒歌天寶中處士崔玄微在洛東宅坐定命酒各歌以送之玄微誌其二焉既而踰苑牆去遂失所在蓋苑中衆花神也

皎潔玉顏勝白雪况乃當年對芳月沉吟不敢怨春風

自歎容華暗銷歇右白衣人歌

絳衣披拂露盈盈淡染胭脂一朶輕自恨紅顏留不住

莫怨春風道薄情右紅裳人歌

嚴四郎述懷詩景雲初晉州刺史蕭至忠將以臘夜見一長人自稱玄冥使者召配羣獸刑名皆哀號請命因與東行謀之谷中嚴四郎見一黃冠人謂使者曰憶余在仙都宣意千年爲虎有迷懷一章乃吟云云然余謫籍已滿不日即歸紫府遂令滕六降雪異二起風蕭使君不復獵矣

集 326-178



昔爲仙子今爲虎流落陰崖足風雨更將斑蝥被余身  
千載空山萬般苦

狐翁詞

神龍中廬江何謫之赴洛于漢陵見一老翁坐盤石上吟詩云云謫之知其非人遂欲前執翁躍入丘中已化爲狐矣謫之亦從入于几案獲一帖文書其辭不可曉解累記可辨者二首題云應天狐超異科策八道後文甚繁尋失焉

野田荆棘春閨綺羅新出沒頭上日生死眼前人欲知我家在何處北印松栢正爲隣

浴陽女兒多無奈孤翁老去何

右狐翁吟

正色鴻鸞神思化代窮施后承光負玄設嘔淪吐萌垠倪散截迷腸郝曲霽零靈噎雀燬龜冰健馳御屈擎尾

樂府系

卷七

二十九

研動殊殊啗啗用秘功以嶺以穴拖薪伐藥莽櫟萬苗嘔律則祥佛輪惟薩壯虛無有願咽蔬屑肇素未來晦明興滅

五行七曜成此閨餘上帝降靈歲旦涪徐蛇蛻其皮吾亦神攄九九六六束身天除何以充嘔吐納太虛何以蔽蹀霞裾雲袂哀爾浮生櫛比荒虛吾復麗氣還形之初在帝左右道濟忽諸

右帖文詞

孫氏贈答詩

開元初前僕儀令焦封遊蜀至一甲適王茂客長安死今寡居途留封封贈詩云云封酬以一絕因仲仇便之好居月餘封以名宦未遂將入關孫氏臨岐泣別賦詩以送封亦留別詩云云既發登閣道孫氏請奔詣之携連前

舍會夜有十餘狸偃來孫氏顧謂封曰女伴相召不能復隨君失化爲狸狸相逐而去

妾失鴛鴦伴君方萍梗遊少年懽醉後只恐苦相留

孫氏贈詩

心常名宦外終不耻狂遊誤入桃源裏仙家爭肯留

封酬贈詩

鵲橋織女會也是不多時今日送君處羞言連理枝

孫氏送詩

但保同心結無勞織錦詩蘓秦求富貴自有一回時

封留別詩

袁氏吟

樂府系

卷七

三十

廣德中孫格秀才遊洛干魏王也時大弟見一女子摘庭中萱草吟詩云云洛訪云袁氏女也遂娶之後十餘年格爲南康經畧判官筆家至端州過峽山寺袁氏出碧玉環獻僧命筆題壁云云化爲猿躍樹而去僧方憶此後乃爲少彌時所養開元中天使高力士携入宮玉環則詞陵胡人所施也

彼見是忘憂此看同腐草青山與白雲方展我懷抱剛被恩情役此心無端變化幾湮沉不如逐伴歸山去長嘯一聲烟霧深

空莊夜集詩

賈應中有行惟楊郊野間遇而夜宿四人繼集諸笑各吟詩云云遲明視之唯堂中有故杵燈臺水桶破鐺而已

齊統魯縞如霜雪寥亮高聲予所發  
嘉賓良會清夜時煌煌燈燭我能持

清冷之泉候朝汲桑綆相牽常出入右繫黃衣冠亦短  
右繫黃衣冠亦短  
髮新貯泉相煎熬充他口腹我爲勞右繫黃衣冠亦短

樂府系

卷七

三十一

唐詩所第七卷

唐詩所第八卷

前集

三言

遊長寧公主流杯池二首

上官昭容

逐仙賞展幽情踰崑閬邁一作蓬瀛

遊魯館陟秦臺汚山壁愧瓊瓊

南樓詠月聯句

喜嘉客開前軒天月淨水雪昏顏真卿鴈聲苦蟾影寒聞

裏泥滴檀藥陸羽歡宴處江湖間皇甫曾卷翠幕吟嘉句恨

清光留不住李益高駕動清角催惜歸華重徘徊盧綽

啼客將醉猶宛轉照深意陸士脩

古詩

卷八

一

四言

酬諸公見過

王維

嗟予未喪哀此孤生屏居藍田薄地躬耕歲晏輸稅以

奉養盛晨往東臯草露未晞暮看煙火負擔來歸我聞

有客足掃荆扉簞食伊何福瓜抓棗仰廁羣賢皤然一

老愧無莞簞班荆席藁汎汎登陂折彼荷花靜觀素鱗

俯映白沙山鳥羣飛日隱輕霞登車上馬倏忽雨散雀

柴荒村雞鳴空館還復幽獨重歛累歎

遊長寧公主流杯池五首上官昭容

檀藥竹影颺颺松聲不煩歌吹自足娛一作情

仰循茅宇俯眇喬枝煙霞問訊風月相知  
枝條鬱鬱文質彬彬山林作伴松桂爲鄰  
清波洶湧碧樹冥蒙莫怪留步因攀桂叢  
莫論圓嶠休說方壺何如魯館卽是仙都

喜雨 奉和聖製

張九齡

艱我稼穡載育載亭如一作物應之曷聖與靈謂我何  
憑惟德之馨誰云天遠以誠必至太清無雲義和頓轡  
于斯蒸人瞻彼非覲陰冥倏忽霈澤咸洎何以致之我  
后之感無臯無隰黍稷黼黻無卉無木敷芬黼黻黃龍  
勿來鳴鳥不思人和年豐皇心則怡豈與周宣雲漢徒

古詩 三言四言

卷八

二

詩

燭龍齋祭 奉和聖製

張九齡

上帝臨下鑒亦有光孰云陰陽惟聖克彰六月徂暑四  
郊愆陽我后其勤告于壇場精意允溢羣靈鼓舞蔚以  
今一作朝雲霈然時雨我原田亦既有年燭龍煌煌明  
宗報祀于以助之天人帝子聞詩有訓國風茲始

倬彼我系

王顯所曰倬彼我系舍弟饒州參軍勃  
得如古之君子四十強而仕也故本其情性原  
其事業因陳先人之迹以議出處致天爵之難  
難也

王勃

倬彼我系出自有周分疆錫社派別枝流居衛仕宋匡

羸相劉廼武廼文或公或侯晉曆崩圯衣冠擾弊粵自  
太原播徂江澨禮喪賢隱時屯道閉王室如燬生人多  
殤伊我有器思逢其主自東旋西擇木開宇田彼河曲  
家乎汾浦天未厭亂吾將誰輔伊我祖德思濟九埏不  
常厥所于茲五遷欲及時也夫豈願焉其位雖屈其言  
則傳爰述帝制大蒐王道曰天曰人是祖是考禮樂咸  
若詩書具草貽厥孫謀永爲家寶伊余小子信慙明哲  
彼網有條彼車有轍思屏人事克終前烈于嗟代網卒  
余來綫來綫伊何謂余曰仕我瞻先達三十方起夫豈  
不懷高山仰止願言毓德暇菽飲水有烏反哺其聲敷

古詩 三言四言

卷八

三

噉言念舊德憂心忉忉今我不養歲月其滔僂俛從役  
豈敢告勞從役伊何薄求卑位告勞伊何來參卿事名  
存實爽負信愆義靜言遐思中心是愧

詠尹字

蘇頌

丑雖有足甲不全身見君無口知伊少人

唐詩所第八卷 終

唐詩所第九卷 古詩

前集

五言

古意 六首

王績

幽人在何所紫巖有仙躅月下橫寶琴此外將安欲材  
抽嶧山幹微點崑丘玉漆抱蛟龍脣絲纏鳳凰足前彈  
廣陵罷後以明光續百金買一聲千金傳一曲世無鍾  
子期誰知心所屬

竹生大夏谿蒼蒼富奇質綠葉吟風勁翠莖犯霄密霜  
霰封其柯鷄鸞食其實寧知軒轅後更有伶倫出刀斧  
俄見尋根株坐相失裁爲十二管吹作雄雌律有用雖  
古詩 五言 卷九 一

自傷無心復招疾不知山上草離離保終吉

寶龜尺二寸由來宅深水浮遊五湖內宛轉三江裏何  
不深復深輕然至溱洧溱洧源流狹春秋不濡軌漁人  
遞往還網罟相縈囀一朝失運會剝腸血流死豐骨輸  
廟堂鮮腴藉邊簋棄置誰怨尤自我招此否餘靈寄明  
卜復來欽所履

松生北巖下由來人徑絕布葉捎雲煙插根擁巖穴自  
言生得地獨負凌雲潔何時畏斤斧幾度經霜雪風驚  
西北枝霜墮東南節不知歲月久稍覺枝幹折藤蘿上  
下碎枝幹縱橫裂行當糜爛盡坐共灰塵滅寧關匠石

顧登爲王孫折盛衰自有時聖賢未嘗屑寄言悠悠者  
無爲嗟大耋

桂樹何蒼蒼秋來花更芳自言歲寒性不知露與霜幽  
人重其德徒植臨前堂連拳入九樹偃蹇二三行枝枝  
自相糾葉葉還相當去來雙鴻鵠棲息兩鶯鶯榮蔭誠  
不厚斤斧亦勿傷赤心許君時此意那可忘

彩鳳欲將歸提羅出郊訪羅張大澤已鳳入重雲颺朝  
棲峴閭木夕飲蓬壺漲間鳳那遠飛賢君坐相望鳳言  
荷深德微禽安足尚但使雛卵全無令續繳放皇臣力  
牧舉帝樂簫韶暢自有來巢時明年阿閣上

古詩 五言

卷九

二

古意 二首一作祖詠

常建

牧馬古道傍道傍多古墓蕭條愁殺人蟬鳴白楊樹回  
頭望京邑合沓生塵霧富貴安可常歸來保貞素  
明月照高閣綵女褰羅幕歌舞臨碧雲簫聲沸珠箔青  
鸞臨南海天上雙白鶴萬里齊翼飛意求君門樂玉霄  
九重閉金鎖夜不開兩翅一作翮自無力愁鳴雲外來態  
深入空貴世屈無良媒俛仰顧中禁東飛白玉臺

古意 二首

賀蘭進明

秦庭初指鹿羣盜滿山東忤意皆誅死所言誰肯忠武  
關猶未啓兵入望夷宮爲祟非涇水人君道自窮

崇蘭生澗底香氣滿幽林采采欲爲贈何人是同心日暮徒盈把徘徊憂思深慨然紉雜佩重奏丘中琴

古意

邢象玉

家中酒新熟園裏葉一作木初榮佇杯欲取醉悵然思友生忽聞有奇客何姓復何名嗜酒陶彭澤能琴阮步兵何須問寒暑徑共坐山亭舉袂祛啼鳥揚巾掃落英心神無俗累歌詠有新聲新聲是何曲滄浪之水清

古意

戴休珽

窮秋朔風起滄海愁陰漲虜騎掠河南漢兵屯灞上羽書驚沙漠刁斗喧亭障關塞何蒼茫一作邊烽遞相望

古詩五言

卷九

三

弱齡負奇雄一作作節俠客多招訪投筆棄書一作生提戈

逐飛將視一下有拔劍照霜白怒髮衝冠壯會立萬里功

古意

閔寬

庭樹發華滋瑤草復葳蕤好鳥飛相從愁人深此時天中有靈匹日夕羣蛾眉願逐飄風花千里入遙帷心逝愛不見空歌悲莫悲

古意

崔國輔

紅荷楚水曲彪炳爍晨霞未得兩回摘秋風吹却花時芳不待妾玉珮無處誇悔不盛年時嫁與青樓家

古意

王昌齡

桃花四面發桃葉一枝開欲暮黃鸝轉傷心玉鏡臺清  
箏向明月半夜春風來

古意

崔曙

綠筍總成竹紅花亦成子能當此時好獨自幽閨裏夜夜苦更長愁來不劇一作如死

古意

蔣冽

冉冉紅羅帳開君玉樓上畫作同心鳥銜花兩相向春風正可憐吹映綠窓前妾意空相感君心何處邊

古意

李白

君爲女蘿草妾作兔絲花輕條不自引爲逐春風斜百

古詩五言

卷九

四

丈託遠松纏縣成一家誰言會面一作合易各在青山崖

女蘿發馨香兔絲斷人腸枝枝相糾結葉葉競飄揚生

子不知根因誰共芬芳中巢雙翡翠上宿紫鴛鴦若識

二草心海潮亦可量

古意

春潮

宋之問

院梅發向盡園鳥復成曲落日遊南湖果擲顏如玉含情不得語轉盼知所屬惆悵未可歸寧關須采一作林萊

古意

薛記室收過莊見尋題贈

王績

伊昔逢一作喪亂歷數適一作當餘豺狼塞衢路桑梓

成丘墟吾一作余及爾皆亡東西各異居爾爲背一作培風

鳥我爲涸轍魚逮承雲雷後欣逢天地初東川一作聊

下釣南畝試揮鋤資稅幸不及伏臘常有儲散誕時須

酒蕭條懶向書朽木不可雕短翮將焉摠故人有深契

過我蓬蒿廬曳裾一作出門迎握手登前除相看非舊

顏對接一作忽若形骸疎追道一作宿昔事切切心相於憶

我年少時攜手遊東渠梅李夾兩岸花枝何扶疏同志

亦不多西莊有姚徐嘗愛陶淵明酌醴焚枯魚嘗學公

孫弘策杖牧羣猪追念甫如昨奄忽成空虛人生詎能

幾歲歲一作感迫常不舒賴有北山僧教我以真如使我視

聽遣自覺塵累祛何事須筌蹄今已得免魚舊遊倘多

古詩五言 卷九 五

暇同此釋紛拏 崔湜

古意 贈孫丑一作徐仁友 崔湜

南望縵氏山一作嶺山居共澗陰東西十數里緬邈方寸

心雲日落廣庭一作夏鶯花坐一作對孤琴琴中多苦調悽

切誰復尋 徐彥伯

古意 贈劉舍人 徐彥伯

深林閟靈鳥文章世所希巢君碧梧樹舞君青瑣闥或

言鳳池樂撫翼更西飛鳳池環禁林仙閣靄沈沈璇題

激流目一作珠綴綿清陰郁穆絲言重熒煌台座深風

張丹圀翮月美素琴一作紫庭音雙一作衆彩結不散孤英跂

莫尋浩歌在西省經傳恣潛心一作浩歌向蘭渚婉戀故傷心 薛據

古興 薛據

日中望雙闕軒蓋揚飛塵鳴珮初罷朝自言皆近臣光

華滿道路意氣安可親歸來宴高堂廣筵羅八珍僕妾

盡綺紈歌舞夜達晨四時固相代誰能久要津已看覆

前車未見易後輪丈夫須兼濟豈能樂一身君今皆得

志肯顧憔悴人 沈微

古興 二首 沈微

蔓草自細微女蘿始天天黃緣至百尺榮耀非一朝惠

色高碧嶺流芳薄丹青如何摧秀木正爲餘波漂莖葉

古詩五言 卷九 六

落巖跡英蕤從風颺洪柯不足恃况乃託陵君

長安富豪右信是天下樞歲里笙歌發禁門冠蓋趨攀

雲無醜土唾地盡成珠日晏下雙闕煙花亂九衢恩榮

在片言零落亦須臾何意還自及曲池今已蕪 常建

古興 常建

漢上逢老翁江口爲僵屍白髮沾黃泥遺骸集鳥鴟機

巧自此忘精魄今何之風吹釣竿折魚躍安能施白水

明汀洲旅蒲冒深波唯留扁舟影繫在長江湄突兀枯

松枝悠揚女蘿絲託身難憑依生死焉相知徧觀今時

人舉世皆爾爲將軍死重圍漢卒猶爭馳百馬同一街

萬輪同一規名與身孰親君子固宜思

古興

王昌齡

握中銅匕首粉剉楚山鐵義士頻報讎殺人不曾缺可  
悲燕丹事終被狼虎滅一舉無兩全荆軻遂為血誠知  
匹夫勇何取萬人傑無道吞諸侯坐見九州裂

古興

賀朝

晴日暖珠箔天桃色正新紅粉青鏡中娟娟可憐頻君  
子在遐險蕙心誰見珍羅幕空掩畫玉顏暗移春江瑟  
語幽獨再三情未申黃鸝千里翅芳音遲所因

古興 三首

趙氏

古詩 五言

卷九

七

鬱蒸夏將半暑氣扇飛閣驟雨滿空來當軒捲羅幙度  
雲開夕霽宇宙何清廓明月流素光輕風換炎鏐孤鸞  
傷對影寶瑟一作琴悲別鶴君子去不還搔心欲何托  
金菊延清霜玉壺多美酒良人獨不歸芳菲豈常有不  
惜芳菲歇但傷別離久含情罷斟酌凝怨對窓牖  
霽雪舒長野一作墅寒雲半幽谷巖風振枯條啼猿抱水  
木所嗟遊宦子少小荷天祿前程未云至悽愴對車僕  
歲寒成詠歌日暮棲林樸一作曲不憚行路險空悲年運  
促

古興

楚夕旅泊

岑參

獨鶴唳江月孤帆凌楚雲秋風冷蕭瑟蘆荻花紛紛一作  
紛忽思湘川老欲訪雲中君麒麟息悲鳴愁見豺虎羣

古風 六十一首

李白

大雅久不作吾衰竟誰陳王風委蔓草戰國多荆榛龍  
虎相啖食兵戈逮狂秦正聲何微茫哀怨起騷人揚馬  
激頽波開流蕩無垠廢興雖萬變憲章亦已淪自從一  
蹶建安來綺麗不足珍聖代復元古垂衣貴清真羣才  
屬休明乘運共躍鱗文質相炳煥衆星羅秋旻我志在  
剛述垂輝映千春希聖如有立絕筆於獲麟

蟾蜍薄太清蝕此瑤臺月圓光虧中天金魄遂淪沒端

古詩 五言

卷九

八

竦入紫微大明夷朝暉浮雲隔兩曜萬象昏陰霏蕭蕭  
長門宮昔是今已非桂蠹花不實天霜下嚴威沈歎終  
永夕感我涕沾衣

秦皇掃六合虎視何雄哉揮一作飛劍決浮雲諸侯盡西

來明斷自天啟一作發英圖大畧駕羣才收兵鑄金人函

谷正東開銘功會稽嶺騁望瑯琊臺刑徒七十萬起土

驪山隈尚采不死藥茫然使心哀連弩射海魚長鯨正

崔巍額鼻象五嶽揚波噴雲雷鬣鬣蔽青天何由覩蓬

萊徐氏一作市載秦女樓船幾時迴但見三泉下金棺葬

寒灰



鳳飛九千仞五章備綵珍書且喜歸空入周與秦橫  
絕歷四海所居未得鄰吾營紫河車千載落風塵藥物  
秘海嶽採鉛清谿濱時登大樓山舉手望仙真羽駕滅  
去影颺車絕迴輪尚恐丹液遲志願不及申徒霜鏡中  
髮羞彼鶴上人杳李何處開此花非我春唯應清都境  
長與韓衆親

太白何蒼蒼星辰上森列去天三百里邈爾與世絕中  
有綠髮翁披雲一作卧松雪不笑亦不語冥棲在巖穴

我來逢真人長跪問寶訣粲然忽自哂一作授以鍊  
藥說銘骨傳其語疎身已電滅仰望不可及蒼然五情

古詩五言 卷九 九  
熱吾將營丹砂永與世人別

岱馬不思越越禽不戀燕情性有所習土風固其然昔  
別鴈門關今戍龍庭前驚沙亂海日飛雪迷胡天蟻蝨  
生虎鵬心寬逐旌旆苦戰功不賞忠誠難可宣誰憐李  
飛將白首沒三邊

客有鶴上仙一作五鶴飛飛凌太清揚言碧雲裏一作仙人

見迴風送天聲一作飄然下倒舉首遠望之一作我欲

飄然若流星願餐金一作草壽與天齊傾草服一作遺我金之四體輕

將隨赤松去對博坐蓬瀛

咸陽二三月宮柳黃金枝一作百鳥綠幘誰家子一作賈珠

輕薄兒一作子西秦秦俠兒日暮醉酒歸白馬驕且馳意氣

人所仰一作治遊方及時子雲不曉事晚獻長楊辭賦

達身已老草玄一作若絲投閣良可歎但爲此輩嗤

莊周夢胡蝶胡蝶爲莊周一體更變易萬事良悠悠乃

秦振英聲後世仰末照意輕千金贈顧向平原笑吾亦

澹蕩人拂衣可同調

古詩五言 卷九 十  
黃河走東溟白日落西海逝川與流光飄忽不相待春

容捨我去秋髮已衰敗人生非寒松年貌一作豈長在

吾當乘雲螭吸景駐光彩一作誰能學天飛三秀與君

松柏本孤直難爲桃李顏昭昭嚴子陵垂釣滄波間身

將客星隱心與浮雲閒長揖萬乘君還歸富春山清風

灑六合邈然不可攀使我長歎息冥棲巖石間

君平既棄世世亦棄君平觀變窮太易探元一作化羣

生寂寞綴道論空簾閉幽情騁虞不虛一作來驚鷺有

時鳴安知天漠上白日懸高名海客去已久誰人能

測沈冥

胡關饒風沙蕭索一作風竟終古歲一作木落秋草黃登高

望戎虜荒城空大漠邊邑無遺堵白骨橫千霜嵯峨蔽

榛莽借問誰凌雲天驕毒威赫赫怒我聖皇勞師事輦

鼓陽和變殺氣發卒驕中土三十六萬人哀哀淚如雨

且悲就行役安得營農圃不見征戍兒豈知關山苦此

下有爭鋒徒死節秉鉞皆庸豎李牧一作衛霍今不在邊人

飼豺虎

燕昭延郭隗遂築黃金臺劇辛方趙至一作往鄒衍復齊

來奈何青雲士棄我如塵埃珠玉買歌笑糟糠養賢才

方知黃鶴舉千里獨徘徊

古詩五言

卷九

十一

寶劍雙蛟龍雪花照芙蓉精光射天地雷騰不可衝一

去別金匣飛沈失相從風胡滅已久所以潛其鋒吳水

深萬丈楚山邈千重雌雄終不隔神物會當一作逢

金華牧羊兒乃是紫煙客我願從之遊未去髮已白不

知繁華一作朱顏子擾擾何所迫崑山采璚蕊一作葉可以煉

精魄

天津三月時千門桃與李朝爲斷腸花暮逐東流水前

水復後水古今相續流新一作人非舊人年年橋上遊

雞鳴海色動謁帝羅公侯月落西上陽一作餘輝半

城樓衣冠照雲日朝下散皇州鞍馬如飛龍黃金絡馬

頭行人皆辟易志氣橫嵩丘入門上高堂列鼎錯珍羞

香風引趙舞清管隨齊謳七十紫鴛鴦雙雙戲庭幽行

樂爭晝夜自言度千秋功成身不退自古多愆尤黃犬

空歎息綠珠成纂讐何如鸕夷子散髮掉一作弄扁舟

西嶽一作蓮花山迢迢見明星素手把芙蓉虛步躡太

清霓裳曳廣帶飄拂昇天行邀我登雲臺高揖衛叔卿

恍恍與之去駕鴻凌紫冥俯視洛陽川茫茫走胡兵流

血塗野草豺狼盡冠纓

昔我遊齊都登華不注峰茲山何峻秀綠翠如芙蓉蕭

颯古仙人了知是赤松借予一白鹿自挾兩青龍含笑

古詩五言

卷九

十二

凌倒景欣然願相從以下三首或作一首

泣與親友別欲語再三咽最君青松心努力保霜雪世

路多險艱白日欺紅顏分首各千里去去何時還

在世復幾時倏如飄風度空聞紫金經白首愁相誤撫

已忽自笑沈吟爲誰故名利徒煎熬安得閒余步終留

赤玉烏東上蓬萊一作路秦帝如我求蒼蒼但煙霧

鄧客吟白雪遺響飛青天徒勞歌此曲舉世誰爲傳試

爲巴人唱和者乃數千吞聲何足道歎息空悽然

秦水別隴首幽咽多悲聲胡馬顧朔雪蹊蹊長嘶鳴感

物動我心絢然含歸情昔視秋蛾飛今見春蠶生嫋嫋

桑柘一作葉葉萎柳垂榮急節謝流水羈心搖懸旌揮涕且復去惻愴何時平

秋露白如玉團圓下庭綠我行忽見之寒早悲歲促人生猶鳥過一作生猶胡乃自結束景公一何愚牛山淚

相續物苦不知足登一作隴又望蜀人心若波瀾世路多一作屈曲三萬六千日夜夜當秉燭

大車揚飛塵亭午暗阡陌中貴多黃金連雲開甲宅路逢鬪雞者冠蓋何輝赫鼻息干虹蜺行人皆怵惕世無

洗耳翁誰知堯與跖世道日交喪澆風散淳源不采芳桂枝反棲惡木根所

古詩五言

卷九

十三

以桃李樹吐花竟不言大運有興沒羣動爭飛奔歸來廣成子去入無窮門

碧荷生幽泉朝日豔且鮮秋花冒綠水密葉羅青煙秀色空絕世馨香竟誰一作誰傳坐看飛霜滿凋此紅芳年

結根未得所願託華池邊

燕趙有秀色綺樓青雲端眉目豔皎月一笑傾城歡常恐碧草晚坐泣秋風寒纖手怨玉琴清晨起長歎焉得

偶君子共乘雙飛鸞

容顏若飛電時景如飄風草綠霜已白日西月復東華髮一作不耐秋颯然成衰蓬古來賢聖人一一誰成功

君子變猿鶴小人爲沙蟲不及廣成子乘雲駕輕鴻三季分戰國七雄成亂麻王風何怨怒世道終紛拏至人洞玄一作象高舉凌紫霞仲尼亦一作浮海吾祖之流沙聖賢共淪沒臨岐胡咄嗟

玄風變太古道喪無時還擾擾季葉一作人雞鳴趨四關但識金馬門誰一作知蓬萊山白首死羅綺笑歌無

休閒綠酒晒丹液青蛾凋素顏一作大儒揮金槌琢之一一作發塚詩禮間蒼蒼三珠樹冥目焉能攀

鄭客西入關行行未能已白馬華山君相逢平原里璧遺鎬池君明年祖龍死秦人相謂曰吾屬可去矣一往

古詩五言

卷九

十四

桃花源千春隔流水暮收肅金氣西陸弦海月秋蟬號階軒感物憂不歇良辰竟何許大運有淪忽天寒悲風生夜久衆星沒惻惻

不忍言哀歌逮一作明發北溟有巨魚身長數千里仰噴三山雪橫吞百川水憑陵隨海運輝赫因風起吾觀摩天飛九萬方未已

羽檄如流星虎符合專城喧呼救邊急羣鳥皆夜鳴白日曜紫微三公運權衡天地皆得一澹然四海清借問此何爲蒼言楚徵兵渡瀘及五月將赴雲南征怯卒非

戰士炎方難遠行長號別嚴親日月慘光晶泣盡繼以

血心摧兩無聲困獸當猛虎窮魚餌奔鯨千去不一回  
投軀豈全生如何舞干戚一使有苗平

醜女來效顰還家驚四鄰壽陵失本出笑殺邯鄲人一  
曲一作西斐然子雕蟲喪天真棘刺造沐猴三年費精神

功成無所用楚楚且華一作榮身大雅思文王頌聲久崩  
淪安得郢中質一揮成斧斤一作承風一運斤

抱玉入楚國見疑古所聞良寶終見棄徒勞三獻君直  
木忘先伐芳蘭哀自焚盈滿天所損沈冥道爲羣東海

汎碧水一作流西關乘紫雲魯連及杵史可以躡清芬一作  
馬來荆山客誰爲珉玉外良寶絕見棄虛持三獻君直

古詩五言卷九十五  
有碧水西山多白雲魯連及夷齊可以躡清芬

燕臣昔慟哭五月飛秋霜庶女號蒼天震風擊齊堂精  
誠有所感造化爲悲傷而我竟何辜遠身金殿傍浮雲

蔽紫闥白日難回光羣沙穢明珠衆草凌孤芳古來共  
歎息流淚空沾裳

孤蘭生幽園衆草共蕪沒雖照陽春暉復悲高秋月飛  
霜早浙瀝綠豔恐休歇若無清風吹香氣爲誰發

登高望四海天地何漫漫被羣物秋風飄大荒寒榮  
華東流水萬事皆波瀾白日掩徂輝浮雲無定端梧桐

巢燕雀枳棘棲鷓鴣且復歸去來劒歌行一作悲路難作

登高望四海天地何漫漫被羣物秋風飄大荒寒殺  
氣落喬木浮雲蔽白日望不見天倪遺聲何辛踐遊人  
悲舊國撫心亦慙桓倚劍歌所思曲終涕泗瀾

鳳饑不啄粟所食唯琅玕焉能與羣雞刺一作促爭一  
餐朝鳴崑丘樹夕飲砥柱湍歸飛海路遠獨宿天霜寒

幸遇王子晉結交青雲端懷思一作恩未得報感別空長  
歎

朝弄紫沂海一作駕夕披丹霞裳揮手折若木拂此西  
日光雲舉一作遊八極玉顏已千一一作如青霜飄飄入無倪

稽首祈上皇呼我遊太素玉杯賜瓊漿一餐歷萬歲何  
用還故鄉永隨長風去天外恣飄揚

古詩五言卷九十六  
搖裔雙白鷗鳴飛滄江流宜與海人狎豈伊雲鶴儔寄

形宿沙月沿芳戲春洲吾亦洗心者忘機從爾遊  
周穆八荒意漢皇萬乘尊淫樂心不極雄豪安足論西

海宴王母北宮邀上元瑤水聞遺歌玉杯竟空言靈跡  
成蔓草徒悲千載冤

綠蘿紛葳蕤繚繞松柏枝草木有所託歲寒尚不移奈  
何天桃色坐歎葑菲詩玉顏豔紅彩雲髮非素絲君子

恩已卑賤妾將何爲  
八荒馳驚飈萬物盡凋落浮雲蔽頽陽洪波振大壑龍

鳳脫網罟飄飄將安託去去乘白駒空山詠場藿

一百四十年國容何赫然隱隱五鳳樓我我橫三川王

侯象星月賓客如雲煙一作帝京信佳麗國客何轉然

象天構珠翠誇雲仙關雞金宮裏蹴踏瑤臺邊一作走馬舉動搖

白日指揮回青天當塗何翕忽失路長棄捐獨有揚執

戟閉關草太玄

桃花開東園含笑誇白日偶蒙東風榮生一作此豔陽

質豈無佳人色但恐花不實宛轉龍火飛零落早相失

詎知南山松獨立自蕭颯一作芙蓉嬌綠波桃李誇白

豈無佳入色但恐花不實宛轉龍火飛零落五相失詎

知凌寒松千載長守一秦王按寶劍赫怒震威神逐日巡海右驅石駕滄津徵

古詩五言 卷九 十七

卒空九寓作橋傷萬人但求蓬島藥豈思農扈春力盡

功不贍千載為悲辛

美人出南國灼灼芙蓉姿皓齒終不發芳心空自持由

來紫宮女共妬青蛾眉歸去瀟湘止沈吟何足悲

宋國梧臺東野人得燕石一作宋人枉千誇作天下珍

却晒趙王一作璧趙璧無繇磷燕石非貞真流俗多錯

誤豈知玉與珉

殷后亂天紀楚懷亦已昏夷羊浦中野菖蘂盈高門比

干諫而死屈平竄湘源虎口何婉孌女嬃空嬋媛彭咸

久淪沒此意與誰論

青春流驚湍朱明一作驟迴薄不忍看秋蓬飄揚竟何

托光風滅蘭蕙白露灑葵一作藿美人不我期草木日

零落

戰國何紛紛兵戈亂浮雲趙倚兩虎鬪晉為六卿分姦

臣欲竊位樹黨自相羣果然田成子一旦殺齊君

倚劍登高臺悠悠送春日蒼榛蔽屬丘瓊草隱深谷鳳

鳥鳴西海欲集無珍木鸞斯得所一作居棲萬下盈

萬族晉風日已頽窮途方慟哭以上六句一作鵬鵬果

亦便猶榮耀非一放歸來愴途窮日暮還慟哭

齊瑟彈一作東吟秦絃弄西音慷慨動顏魄使人成荒

古詩五言 卷九 十八

淫彼美佞邪子婉孌來相尋一笑雙白璧再歌千黃金

珍色不貴道詎惜飛光沈安識紫霞客瑤臺鳴玉一作

琴

越客采明珠提攜出南隅清輝照海月美價傾鴻都獻

君君按劍懷寶空長吁魚目復相晒寸心增煩紆

羽族稟萬化小大各有依周周亦何辜六翮掩不揮願

衛衆禽翼一向黃河飛飛者莫我顧歎息將安歸

我行一作巫山渚尋古登陽臺天空彩雲滅地遠清風

來神女去已久襄王安在哉荒淫竟淪沒一作樵牧徒

悲哀

惻惻泣路岐哀哀悲素絲路岐有南北素絲易變移此下有萬事固如此人生無定期谷風刺輕薄一作世  
交道方嶮巖斗酒強然諾寸心終自疑張陳竟火滅一作世  
蕭朱亦星離衆鳥集榮柯窮魚守枯一作空池嗟嗟失歡  
客動問何所規一作悲

擬古三首

徐彥伯

遙裔煙嶼鴻雙影旦夕同交翰倚沙月和鳴弄江風  
若茂芳序君子從遠戎雲生陰海沒花落春潭空紅淚  
掩促枉錦衾羅薰籠自傷瓊草綠詎惜鉛粉紅裂帛附  
雙燕爲予向遼東

古詩五言

卷九

十九

讀書三十載馳驚周六經儒衣千時王忠策獻闕庭二  
朝奉休昝從容厠羣英束身趨建章秉筆坐承明解署  
相填噎僚吏紛縱橫五日休澣時屠蘇繞玉屏摘花覆  
北沼桂樹交西榮樹棲兩鴛鴦含春向我鳴皎潔綺羅  
豔便娟絲管清擾擾天地間出處各有情何必巖石下  
枯槁閒此生

頽光無淹晷逝水有迅流綠苔紛易歇紅顏不再求歌  
笑當及春無令壯志秋弱年仕關輔移門豁御溝敷愉  
東城際婉孌南陌頭荷花嬌綠水楊葉暖青樓中有綺  
羅人可憐名莫愁盡屏繞金膝珠簾懸玉鈎纖指調寶

琴泠泠哀且柔贈君鴛鴦帶因以鸛鵒裘窓曉吟日坐  
閨夕秉燭遊無作北門客咄咄懷百憂

擬古

薛奇童

沙塵朝蔽日失道還相遇寒影波上雲秋聲月前樹川  
氣生曉夕野陰乍煙霧沈沈泥池水人馬不敢度吮癰  
世所薄挾纈思難顧不見古時人中宵淚橫注

擬古

崔融

飲馬臨濁河濁河深不測河水日東注河源迺西極思  
君正如此誰爲生羽翼日夕大川陰雲霞千里色所思  
在何處宛在機中織離夢當有魂愁容定無力夙齡負

古詩五言

卷九

二十

奇志中夜三一作多歎息拔劍斬長榆彎弓射小棘班張  
固非擬衛霍行可卽寄謝閨中人努力加餐食

擬古二首

儲光羲

晨登涼風臺暮走邯鄲道曜靈何赫烈四野無青草大  
軍北集燕天子西居鎬婦人役州縣丁男事征討老幼  
相別離哭泣無昏早稼穡旣殄絕川澤復枯槁曠哉遠  
此憂冥冥商山皓

東風吹大河河水如倒流河洲塵沙起有若黃雲浮頽  
霞燒廣澤洪曜赫高丘野老泣相語無地可蔭休翰林  
有客卿獨負蒼生憂中夜起躑躅思欲獻厥謀君門峻

且深晚足空夷猶

擬古 十三首

李白

青天何歷歷明星白如石黃姑與織女相去不盈尺銀河無鵲橋非時將安適閨人理執素遊子悲行役瓶水一作知冬寒霜露欺遠客客似秋葉飛飄飄不言歸別

後羅帶長愁寬去時衣乘月託宵夢因之寄金徽

高樓入青天下有白玉堂明月看欲墮當牕懸清光遙夜一美人羅衣沾秋霜含情弄素瑟彈作陌上桑絃聲何激烈風卷遶飛梁行人皆躑躅樓鳥去迴翔但寫妾意苦莫辭此曲傷願逢同心者飛作紫鴛鴦

古詩 五言

卷九

二十一

長繩難繫日自古共悲辛黃金高北斗不惜買陽春石火無留光還如世中人卽事已如夢後來我誰身提壺莫辭貧取酒會四鄰仙人殊恍惚未若醉中真清都綠玉樹灼燦瑤臺春攀花弄秀色遠贈天仙人香風送紫藥直到扶桑津取掇世上豔所貴心之珍相思傳一笑聊欲示情親

今日風日好明日恐不如春風笑於人何乃愁自居吹簫舞彩鳳酌醴醢神魚千金買一醉取樂不求餘達士遺天地東門一作有一作二疏愚夫同瓦石有才知一作卷舒無事坐悲苦塊然涸轍一作魚

運速天地閉胡風結飛霜百草死冬月六龍頽西荒太白出東方慧星揚精光鴛鴦非越鳥何爲眷南翔惟昔鷹將犬今爲侯與王得水成蛟龍爭池奪鳳凰北斗不酌酒南箕空簸揚

世路今太行迴車竟何託萬族皆凋枯遂無少可樂曠野多白骨幽鬼共銷鑠榮貴當及時春華宜照灼人非崑山玉安得長璫錯身沒期一作不朽榮名在麟閣

月色不可掃客愁不可道玉露生秋衣流螢飛百草日月終銷毀天地同枯槁蟪蛄啼青松安見此樹老金丹寧誤俗昧者難精討爾非千歲翁多恨去世早飲酒入

古詩 五言

卷九

二十二

玉壺藏身以爲寶

生者爲過客死者爲歸人天地一逆旅同悲萬古塵月兔空擣藥扶桑以爲一作薪白骨寂無言青松豈知春前後更歎息浮榮何足珍

僊人騎彩鳳昨下閭風琴海水三清淺桃源一見尋遺我綠玉杯兼之紫瓊琴杯以傾美酒琴以閒素心二物非世有何論珠與金琴彈松裏風杯勸天上月風月長相知世人何倏忽

涉江弄一作秋水愛此荷花鮮攀荷弄其珠蕩漾不成圓佳期一作綵雲重一作欲贈隔遠天相思無由見悵



望涼風前

去去復去去辭君還憶君漢水既殊流楚山亦此分人生難稱意豈得長爲羣越燕喜海日燕鴻思朔雲別久容華晚琅玕不能飯日落知天昏夢長覺道遠望夫登高山化石竟不返

融融白玉輝映我青蛾眉寶鏡似空水落花如風吹出門望帝子蕩漾不可期安得黃鶴羽一報佳人知

擬古 一作客從

杜甫

容從南溟來遺我泉客珠珠中有隱字欲辨不成書緘之篋笥久以俟公家須開視化爲血哀今徵歛無

古詩 五言

卷九

二十三

擬古 贈陳子昂

喬知之

惻惻孤形影悄悄獨遊心以此從王事常與子同衾別離三河間征戰二庭深胡天夜雨霜胡馬晨南翔節物感離居同衾還一作建故鄉南歸日將遠北方尚蓬飄孟秋七月時相送出外郊海風吹涼木邊聲暗稍勤役千萬里將臨五十年心事爲誰道抽琴歌坐筵一彈再三歎賓御涕潺湲送君竟此曲從茲長絕絃

效古 二首

李白

朝入天苑中謁帝蓬萊宮青天映輦道碧樹遙烟空謬題金闕籍得與銀臺通待詔奉明主抽毫頌清風歸時

落日晚蹀躞浮雲馳人馬本無意飛馳自豪雄入門紫鴛鴦金井雙梧桐清歌絃古曲美酒沽新豐快意且爲樂列筵坐羣公光景不可留生世如轉蓬早達勝晚遇羞比垂釣翁

自古有秀色西施與東隣蛾眉不可妬况乃効其顰所以尹婕妤羞見邢夫人低頭不出氣塞默少精神寄語無鹽子如君何足珍

效古 贈崔二

高適

十月河洲時一看有歸思風塵生慘烈雨雪暗天地我輩今胡爲浩哉迷所至緬懷當途者濟濟居聲位邈然

古詩 五言

卷九

二十四

在雲霄寧肯更淪躋周旋多燕樂門館列車騎美人芙蓉姿狹室蘭麝氣金爐陳獸炭談笑正得意豈論草澤中有此枯槁士我慙經濟策久欲甘棄置君負縱橫才如何尚憔悴長歌增鬱快對酒不能醉窮達自有時夫子莫下淚

學古 思邊

李白

銜悲上隴首腸斷不見君流水若有情幽哀從此分蒼茫愁邊色惆悵落日曛山外接遠天天際復有雲白鴈從中來飛鳴苦難聞足繫一書札寄言難離羣離羣心斷絕十見花成雪胡地無春輝征人行不歸相思春如

夢珠淚濕羅衣

述古 三首

杜甫

赤驥頤長纓非無萬里姿悲鳴淚至地爲問馭者誰鳳凰從天來何意復高飛竹花不結實念子忍朝饑古時君臣合可以物理推賢人識定分進退固其宜

市人日中集於利競錐刀置膏烈火上哀哀自煎熬農人望歲稔相率除蓬蒿所務穀爲本邪贏無乃勞舜舉十六相身尊道何高秦時任商鞅法令如牛毛

漢光得天下祚永固有開豈惟高祖聖功自蕭曹來經綸中興業何代無良才吾慕冠鄧勲濟時信良哉耿賈古詩 五言 卷九 二十五

亦宗臣羽翼共徘徊休運終四百圖畫在雲臺

雜詩 四首

張說

抱薰心恒焦舉旆心恒搖天長地自久歡樂能幾朝君看西陵樹歌舞爲誰嬌

山閒苦積雨木落悲時遽賞心凡幾人良辰在何處觸石滿堂侈灑我終夕慮客鳥懷主人銜花未能去剖珠貴分明琢玉思堅貞要君意如此終始莫相輕

問子青霞意何事留朱軒自言心遠俗未始迹辭喧過一作蒙良時幸側息更途煩簪纓非宿好文史稟前言夕卧北窓下夢歸南山園白雲懸幽谷清風愧泉源十

在茲賞廢佳期今復存掛冠謝朝侶星駕別君門

默念羣疑起玄通百慮清初心滅陽豔復見湛虛明悟滅心非盡求虛見後生應將無住法修到不成名

雜詩 五首

張九齡

孤桐亦胡爲百尺傷無枝疎陰不自覆脩幹欲何施高岡地復迴弱植風屢吹凡鳥已相噪鳳凰安得知

蘿薦必有託風霜不能落酷任蘭將蕙甘從葵與藿運命雖爲宰寒暑自迴薄悠悠天地間委順無不樂

良辰不可遇心賞更蹉跎終日塊然坐有時勞者歌庭前攬芳蕙江上託微波路遠無能達憂情空復多

古詩 五言 卷九

二十六

湘水弔靈妃斑竹爲情緒漢水訪游女解佩欲誰與同心不可見異路空延佇浦上青楓林津傍白沙渚行吟至落日坐望祗愁予神物亦孤佳期竟何許

木直幾自冠石堅亦他攻何言爲用薄而與火膏同物一作有固然誰能取徑通纖纖良田草靡靡唯從風

日夜沐甘澤春秋等芳叢生性苟不夭香臭誰爲中道家貴至柔儒生何固窮終始行一意無乃過愚公

雜詩 二首

儲光義

混沌一作本無象末路多是非達士志寥廓所在能忘機耕鑿時未至還山聊采薇虎豹對我蹲鸞鶴傷我飛

仙人空中來謂我勿復歸格澤爲君駕雲一作霓爲君衣西遊崑崙墟可與世人違

秋氣一作風肅天地太行高崔嵬後狝一作馳清夜吟其聲

一何哀寂寥一作寞掩圭蓴夢寐遊蓬萊琪樹遠亭亭玉

堂雲中開洪崖吹簫管玉一作素女飄飄來雨師旣先後

洗一作道道一作後路無纖埃鄙哉楚襄王獨如雲陽一作好臺

雜詩 六首

李華

黃鍾叩元音律呂更循環邪氣悖正聲鄭衛生其間典

樂忽洎微波浪與天渾嘈嘈鳴臬動好鳥徒綿蠻王吉

古詩 五言 卷九

二十七

歸鄉里甘心長閉關

玄黃與丹青五氣之正色聖人端其源上下皆有則齊

侯好紫衣魏帝婦人飾女奴厭金翠傾海未滿臆何忍

嚴子陵羊裘死荆棘

甘酸不私人元和運五行生人受其用味正心亦平爪

牙相殘傷日與性命爭聖人不能絕鑢燧與炮烹嗜慾

乘此熾百金資一傾正消神耗衰邪勝體充盈顏子有

餘樂瓢中寒水清

陰魄淪宇宙太陽假其明臣道不敢專由此見虧盈未

聞東菑稼一氣嘉穀成上天降寒暑地利乃可生葛藟

附柔木繁陰蔽曾原風霜摧枝幹不復庇本根女蘿依松栢然後得長存

孔光尊董賢胡廣慚李固儒風冠天下而乃敗王度絳

侯與博陸忠朴受遺顧求名不考實文弊反成蠹

結交得書生書生鈍且直爭權復爭利終不得其力我

逢縱橫者是我牙與翼相旋如疾風並命趨紫極奔車

得停軌風火何相逼仁義豈有常肝膽反爲賊勿嫌書

生直鈍直深可憶

雜詩

張彪

富貴多勝事貧賤無良圖上德兼濟心中才不如愚商

古詩 五言 卷九

二十八

者多巧智農者爭一作多膏腴儒生未遇時衣食不自如

久與故交別他榮我窮居到門懶入門何況千里餘君

子有褊性一作別乃尋常徒行行任天地無爲強親踈

雜詩

王維

朝因折楊柳相見洛城隅楚國無如妾秦家自有夫對

人傳玉腕映燭解羅襦人見東方騎皆言大婿殊持謝

金吾子煩君提玉壺

雜詩

崔國輔

逢着平樂兒論交鞍馬前與酤一作酬一斗酒恰用十千

錢後余在關內作事多迢遞何肯相救援一作何處徒

聞寶劍篇

雜詩

崔顥

可憐青銅鏡掛在白玉堂玉堂有美女嬌弄明月光羅袖拂金鵲綵屏點紅妝妝罷含情坐春風桃李香

雜詩

李白

白日與明月晝夜尚一作常不間况爾悠悠人安得人世間傳聞海水上乃有蓬萊山玉樹生綠葉靈仙每登攀一食駐玄髮再食留紅顏吾欲從此去去之無時還

雜詩

王季友

采山仍采隱在木不在深持斧事遠遊固非一作悲匠者

古詩五言

卷九

二十九

心翳翳青桐枝樵爨日所侵斧聲出巖壑四聽無知音豈為鼎下薪當復堂上琴鳳鳥久不棲且與枳棘林

雜詩

獨孤及

日花結成子春物捨我去流年惜不得獨坐空閨暮心自有所待甘為物華悞未必千黃金買得一人顧

感遇

三十八首

陳子昂

微月生西海幽陽始代昇圓光正東滿陰魄已朝疑太極生天地三元更廢興至精諒斯在三五誰能徵蘭若生春夏辛蔚何青青幽獨空林色朱槁冒紫莖遲遲白日晚嫋嫋秋風生歲華盡搖落芳意竟何成

蒼蒼丁零塞今古緬荒途亭堠何摧兀暴骨無全軀黃

沙幕南起白日隱天一作西隅漢甲三十萬曾以事匈奴

但見沙場死誰憐塞上一作孤

樂羊為魏將食子殉軍功骨肉且相薄他人安得忠吾

聞中山相乃屬放魔翁狐獸猶不忍况以奉君終

市人矜巧智於道若一作重童蒙傾奪相夸侈不知身所

終曷見玄真一作冥子觀世玉壺中窅然遺天地乘化入

無窮

吾觀龍變化乃知至陽精石林何冥密幽洞無畱行古

之得仙道信與元化并玄感非象一作蒙識誰能測淪冥

古詩五言

卷九

三十

一作英英人拘目見酣酒笑丹經崑崙有瑤樹安得采其

白日每不歸青陽時暮矣茫茫吾何思林卧觀無始衆

芳委時晦鷄鳴悲鳴耳鴻荒古已頽誰識巢居子

吾觀崑崙化日月淪洞冥精魄相交會一作構天壤以羅

生仲尼推太極老聃貴窈冥西方金仙子崇議一作義乃

無明空色皆寂滅緣業定一作亦何成名教信紛藉死生

俱未停

聖人秘元命懼世亂其真如何嵩公輩一作譎誤時

人先天誠為美階亂禍誰因長城備胡寇羸禍發其親

赤精既迷漢子年何救秦去去桃李花多言死如麻

深居觀元化

一作羣動

然爭朵頤說相啖食利害紛囁

嘖便便夸毘子榮耀更相持務光讓天下商賈競刀錐

已矣行采芝萬世同一時

吾愛鬼谷子青谿無垢氛囊括經世道遺身在白雲七

雄方龍關天下亂

一作父

無君浮榮不足貴遵養晦時文

舒可

一作之

彌宇宙卷之不盈分豈徒山木壽空與麋鹿

羣

叨叨南山鹿罹罟以媒和招搖青桂樹幽蠹亦成科世

情甘近習榮耀紛如何怨憎未相復親愛生禍羅瑤臺

古詩

五言

卷九

三十一

傾巧笑玉杯殞雙蛾誰見枯

一作城藥

一作樹

青青成斧

柯

林居病時久水木澹孤清閒卧觀物化悠悠念無生青

春始萌達朱火已滿盈徂落方自此感嘆何時平

臨岐泣世道天命良悠悠昔日殷王子玉馬遂朝周寶

鼎淪伊穀瑤臺成古丘西山傷遺老東陵有故侯

貴人難得意賞愛在須臾莫以心如玉探他明月珠昔

稱天桃子今爲春市徒鳴鴉悲東國麋鹿泣姑蘇誰見

鴟夷子扁舟去五湖

聖人去已久公道緬良難蚩蚩夸毘子堯禹以爲謾驕

榮貴工巧勢利遞

一作迷

相干燕王尊樂毅分國願同歡

魯連讓齊爵遺組去邯鄲伊人信往矣感激爲誰歎

幽居觀大

一作天

運悠悠念羣生終古代興沒豪聖莫能

爭三季淪周赧七雄滅秦嬴復開赤精子提劍入咸京

炎光既無象音虜復縱橫堯禹道已

一作則

昧昏虐勢方

行豈無當世雄天道與胡兵咄咄安可言時醉而未醒

仲尼溺東魯

一作夏

伯陽遁西溟大運自古來旅人胡歎

哉

逶迤勢已久骨鯁道斯窮豈無感激者時俗頽此風濯

園何其鄙皎皎於陵中世道不相容嗟嗟張長公

古詩

五言

卷九

三十二

聖人不利已憂濟在元元黃屋非竟意瑤臺安可論吾

聞西方化清淨道彌敦奈何窮金玉雕刻以爲尊雲構

一作架

山林盡瑤圖珠翠煩鬼工尚未可人力安能存夸

愚適增累矜智道逾昏

玄天幽且默羣議曷嗤嗤聖人教猶在世運久陵夷

遲

一繩將何繫憂醉不能持去去行采芝勿爲塵

所欺

蜻蛉遊天地與世

一作物

本無患飛飛未能止

來相干穰侯富秦寵金石比交歡出入咸陽裏諸侯莫

敢言寧知山東客激怒秦王肝布衣取丞

一作卿

相千載

為辛酸

微霜知歲晏斧柯始青青况乃金天夕皓露零羣英登

山望宇宙白日已西暝雲海方蕩潏孤鱗安得寧

翡翠巢南海雄雌珠樹林何知美人意驕愛比黃金殺

身炎州裏委羽玉堂陰旖旎光首飾葳蕤爛錦衾豈不

在遐遠虞羅忽見尋多材信一作為累歎息此珍禽

挈瓶者誰子姣服當青春三五明月滿盈盈不自珍高

堂委金玉微纓懸千鈞如何負公鼎被歛笑時人

玄蟬號白露茲歲已蹉跎羣物從大化孤英將柰何瑤

臺有青鳥遠食玉山禾崑崙見玄鳳豈復虞雲羅

占詩五言

卷九

三十三

荒哉穆天子好與白雲期宮女多愁曠層城閉蛾眉日

耽瑤池樂豈傷桃李時青苔空萎絕白髮生羅帷

朝發宜都渚浩然思故鄉故鄉不可見路隔巫山陽巫

山綵雲沒高丘正微茫佇立望已久涕落一作沾衣裳

豈茲越鄉感憶昔楚襄王朝雲無處所荆國亦淪亡

昔日章華宴荆王樂荒淫霓旌翠羽蓋射兕雲夢林竭

來高唐觀悵望雲陽岑雄圖今何在黃雀空哀吟

丁亥歲云暮西山事甲兵羸粮匪叩道荷戟爭羌城巖

冬陰風勁窮岫泄一作雲生昏暄一作無晝夜羽檄復

相驚拳踞競萬仞崩危走一作九冥籍籍一作寂寂峯壑裏

哀哀冰雪行聖人御宇宙聞道泰階平肉食謀何失黎

藿緇縱橫

可憐瑤臺樹灼灼佳人姿碧華映朱實攀折青春時豈

不盛光寵榮君白玉墀但恨紅芳歇凋傷感所思

揭來豪遊子勢利禍之門如何蘭膏歎感激自生冤衆

趙明所避時棄道猶存雲淵既已失羅網與誰論箕山

有高節湘水有清源唯應白鷗鳥可為一作與洗心言

索居猶一作幾日炎夏忽然衰陽影皆陰翳親友盡乖

離一作登山望不見涕泣久漣而宿昔一作感顏色若

與白雲期世中一作馬上驕豪子驅逐正崑崙蜀山與楚水

占詩五言

卷九

三十四

攜手在何時一作丹世人將見欺飛飛騎羊子胡乃在峨

眉變化固非類芳菲能幾時疲痾苦淪世憂悔一作日

侵淄眷然顧幽褐白雲空涕淚

朔風吹海樹蕭條邊已秋亭上誰家子哀哀明月樓自

言幽燕客結髮事遠遊赤丸殺公吏白刃一作報私讐

避讐至海上被役此邊州故鄉三千里遼水復悠悠每

憤胡兵入常為漢國羞何知七十戰白首未封侯

本為貴公子平生實愛才感時思報國拔劍起蒿萊西

馳丁零塞北上單于臺登山見千里懷古心悠哉誰言

未忘禍磨滅成塵埃

浩然坐何慕吾蜀有戢眉念與楚狂子悠悠白雲期時

哉悲一作不會涕泣久連瀉夢登綬山穴南采巫山一作

芝探元觀羣化遺世從雲螭婉變時永矣感悟不見

之

朝入雲中郡北望車于臺胡秦何密邇沙朔氣雄哉藉

藉天驕子猖狂已復來塞垣無名將亭堠空崔嵬咄嗟

吾何歎邊人塗草萊

仲尼探元化幽鴻順陽和大運自盈縮春秋遞一作來

過盲颺忽號怒萬物相紛劇溟海皆震蕩孤鳳其如何

古詩五言 卷九

三十五

感遇 十二首

張九齡

蘭葉一作春葳蕤桂華秋皎潔欣欣似一作生意自爾

以一作爲佳節誰知林棲者聞風坐相見一作悅草木有本

本無心何求美人折

幽林一作歸獨卧滯慮洗孤清持此謝高鳥因之傳遠

情日夕懷空意人誰感至精飛沈理自隔何所一作慰

吾誠

魚游樂深池鳥棲欲高枝嗟爾蜉蝣羽薨薨亦何爲有

生豈不化所感奚若斯神理日微滅吾心安得知浩歎

楊朱子徒然泣路岐

孤鴻海上來池潢不敢顧側見雙翠鳥巢在三珠樹矯

矯珍木巔得無金丸懼美服患人指高明逼神惡今我

遊冥冥弋者何所慕

吳越數千里夢寐今夕見形骸非我親衾枕即鄉縣化

蝶猶不識川魚安可羨海上有仙山歸期覺神變

西日下山隱北風乘夕流燕雀感昏旦簷楹呼匹儔鴻

鵠雖自遠哀音非所求貴人棄疵賤下士嘗殷憂衆情

累外物怨已忘內修感歎長如此使我心悠悠

江南有丹橘經冬猶綠林豈伊地氣暖自有歲寒心可

以薦嘉客柰何阻重深運命惟所遇循環不可尋徒言

古詩五言 卷九

三十六

樹桃李此木豈無陰

永日徒離憂臨風懷塞脩美人何處所孤客空悠悠青

鳥跂不至朱鷺誰云浮夜分起躑躅時逝曷淹留

抱影吟中夜誰聞此歎息美人適異方庭樹含幽色白

雲愁不見滄海飛無翼鳳凰一朝來竹花斯可食

漢上有游女求思安可得袖中一札書欲寄雙飛翼冥

冥愁不見耿耿徒緘憶紫蘭秀空蹊皓露奪幽色馨香

歲欲晚感嘆情何極白雲在南山日暮長太息

我有異鄉憶宛在雲溶溶憑此目不覩要之心所鍾但

欲附高鳥安敢攀飛龍至精無感遇悲惋填心胃歸來



扣寂寞人願天豈從

閉門跡羣化憑林結所思嘯嘆此寒木疇昔廼芳藜朝陽鳳安在日暮蟬獨悲浩思極中夜深嗟欲待誰所懷誠已矣既往不可追鼎食非吾事雲仙一作嘗我期胡越方杳杳車馬何遲遲天壤一何異幽嘿卧簾帷

感遇二首

李白

吾愛王子晉得道伊洛濱金骨既不毀玉顏長自春可憐浮丘公倚靡與情親舉手白日間分明謝時人二仙去已遠夢想空殷勤

昔余聞姮娥竊藥駐雲髮不自嬌玉顏方希鍊金骨飛

古詩五言

卷九

二十七

去身莫返含笑坐明月紫宮誇蛾眉隨手會凋歇

宋玉事楚王立身本高潔巫山賦彩雲郢路歌白雪舉國莫能和巴人皆卷舌一感登徒言恩情遂中絕

感遇二首

梁德裕

彩雲呈瑞質五色發人寰獨作龍虎狀孤飛天地間隱隱臨北極栽我象南山恨在帝鄉外不逢枝葉攀

幽澗生蕙若幽渚老江蘼榮落人不見芳香徒爾爲不及綠萍草生君紅蓮池左右美人弄朝夕春風吹葉洗玉泉水珠清湛露滋心亦願如此託君君不知

述懷一作宋之問

魏徵

中原初一作逐鹿投筆事戎軒縱橫計不就慷慨志猶存杖策謁天子驅馬出關門請纓繫南粵憑軾下東藩

鬱紆陟高岫出沒望平原古木鳴寒鳥空山啼夜猿既傷千里目還驚九折魂豈不憚艱險深懷國士恩季布無二諾侯嬴重一言人生感意氣功名誰復論

敘懷二首

張九齡

弱歲讀書史抗迹追古人被褐有懷玉佩印從負薪志合豈兄弟道行無賤貧孤根亦何賴感激此爲鄰

晚節從卑秩岐路良非一旣聞持兩端復見挾三術木瓜誠有報玉楮論無實已矣直躬者平生壯圖失去

古詩五言

卷九

三十八

勿重陳歸來茹芝木

敘懷贈故人

孟雲卿

稍稍晨鳥翔淅淅草上霜人生早罹苦壽命恐不長二十學已成三十名不彰豈無同門友貴賤易中腸驅馬行萬里悠悠過帝鄉幸因絃歌未得上君子堂衆樂互喧奏獨子備笙簧坐中無知音安得神揚揚願因高風起上感白日光

敘志山中作

王績

物外知何事山中無所有風鳴靜夜琴月照芳春一作酒直置百年內誰論千載後張鳳一作娉賢妻老萊藉

嘉偶孟光儻未嫁梁鴻正須嬾

言志 春日醉起作

李白

處世若大夢胡爲勞其生所以終日醉頽然卧前楹覺  
來吟庭前一鳥花間鳴借問此何時春風語流鶯感之  
欲歎息對酒還自傾浩歌待明月曲盡已忘情

言志 冬日醉宿龍門覺起作

醉來脫實劍旅愁高堂眠中夜忽驚覺起立明燈前開  
軒聊直望曉雪河水壯哀哀歌苦寒鬱鬱獨惆悵傳訖  
版築臣李斯鷹犬人歛起匡社稷寧復長艱辛而我胡  
爲者歎息龍門下富貴未可期殷憂向誰寫去去淚滿  
古詩 五言 卷九 二十九

襟舉聲梁甫吟青雲當自致何必求知音

感興 六首

瑤姬天帝女精彩化朝雲宛轉入宵夢無心向楚君錦  
衾抱秋月綺席空蘭芬茫昧竟誰測虛傳宋玉文

洛浦有宓妃飄飄雪爭飛輕雲拂素月了可見清輝解  
佩飲西去 一作 含情詎相違香塵動羅襪綠水不沾衣

陳王徒作賦神女豈同歸好色傷大雅多爲世所譏

裂素持作書將寄萬里懷眷眷待遠信竟歲無人來征  
鴻務從 一作 陽又不爲我棲委之在深篋蠹魚壞其題

何如投水中流落他人開不惜他人開但恐生是非

十五遊神仙仙遊未曾歇吹笙吟 一作 松風汎瑟窺海  
月西山玉童子使我鍊金骨欲逐黃鶴 一作 飛相呼向

蓬關

西國有美女結樓青雲端蛾眉豔曉月一笑傾城歡高  
節不可奪炯心如凝丹常恐彩色晚不爲人所觀安得  
配君子共乘雙飛鸞

嘉穀隱豐草草深苗且稀農夫既不異孤穗將安歸常  
恐委靡隴忽與秋蓬飛烏得薦宗廟爲君生光輝

感懷 二首 一作 傷時

孟雲卿

太空流素月三五何明明光耀侵白日賢愚迷至精四  
古詩 五言 卷九 四十

時更變化天道有虧盈常恐今夜沒須還還復生

徘徊宋郊上不見平生親獨立正傷心悲風來孟津大  
方載羣物生死有常倫虎豹不相食哀哉人食人豈伊  
逢世運天道亮云云

遣興 十三首

杜甫

朔風飄胡鴈慘澹帶砂礫長林何蕭蕭秋草萋萋更碧北  
里富薰天高樓夜吹笛焉知南鄰客九月猶絺綌  
長陵銳頭兒出獵待明發駢弓金爪鏑白馬蹴微雪未  
知所馳逐但見暮光滅歸來懸兩狼門戶有旌節  
漆有用而割膏以明白煎蘭摧白露下桂折秋風前府

中羅舊尹沙道尚依然赫赫蕭京兆今爲時所憐

猛虎馮其威往往遭急縛雷吼徒咆哮枝撐已在脚忽

看皮寢處無復晴閃鑠人有甚於斯足以勸元惡

朝逢富家葬前後皆輝光共指親戚大總麻百夫行送

者各有死不須羨其強君看東縛去亦得歸山岡

蟄龍三冬卧老鶴萬里心昔時賢俊人未遇猶視今嵇

康不得死孔明有知音又如隴坻松用舍在所尋大哉

霜雪幹歲久爲枯林

昔者龐德公未曾入州府襄陽耆舊間處士節獨苦豈

無濟時策終竟畏羅罟林茂鳥有歸水深魚知聚舉家

古詩五言 卷九

四十一

隱鹿門劉表焉得取

陶潛避俗翁未必能達道觀其著詩集頗亦恨枯槁達

生豈是足默識蓋不早有子賢與愚何其挂懷抱

天用莫如龍有時繫扶桑頓轡海徒涌神人身更長性

命苟不存英雄徒自強吞聲勿復道真宰意茫茫

地用莫如馬無良復誰記此日千里鳴追風可君意君

看渥洼種態與駑駘異不雜蹄齧間逍遙有能事

下馬古戰場四顧但俱一作茫然風悲浮雲去黃葉墜我

前朽骨穴螻蟻又爲蔓草纏故老行歎息今人尚開邊

漢虜互勝負封疆不常全安得廉頗將三軍同晏眠

高秋登塞一作寒山南望馬邑州降虜東擊胡壯健盡不

留穹廬莽年落上有行雲愁老弱哭道路願聞甲兵休

鄴中事反覆死人積如丘諸將已募土載驅誰與謀

豐年孰云遲甘澤不在早耕田秋雨足禾黍一作稼已映

道春苗九月交顏色同日老勸汝衡門士勿悲尚枯槁

時來展才力先後無醜好但訝鹿皮翁忘機對芳草

寓言二首

賈至

春草紛碧色佳人曠無期悠哉千里心欲采南山芝歎

息良會晚如何桃李時懷君晴川上佇立夏雲滋

凜凜秋閨夕綺羅早知寒玉砧調鳴杵始擣機中紉憶

古詩五言 卷九

四十二

昨別離日桐花覆井欄今來思君時白露盈堦溥聞有

關河信欲寄雙玉盤玉以委貞心盤以薦嘉餐嗟君在

萬里使妾衣帶寬

寓言二首

王維

朱紱誰家子無乃金張孫驪駒從白馬出入銅龍門問

爾何功德多承明主恩關雉平樂館射雉上林園曲陌

車騎盛高堂珠翠繁奈何軒冕貴不與布衣言

君家御溝上垂柳夾朱門列鼎會中貴鳴珂朝至尊生

死在八議窮達由一言須識苦寒士莫矜孤白溫

寓言三首

李白

周公負斧戾成王何夔夔武王肯不豫剪爪投河涓賢  
聖遇讒慝不免人君疑天風拔大木禾黍咸傷麥菅蔡  
扇蒼蠅公賦鴟鴞詩金滕若不啟忠信誰明之

搖裔雙彩鳳婉變三青禽往還瑤臺裏鳴舞玉山岑以  
歡秦娥意復得王母心區區精衛鳥銜木空哀吟

長安春色歸先入青門道綠楊不自持清一作從風欲傾  
倒海燕還秦宮雙飛入簾櫳相思不相見托夢遼城東

寓言 三首

杜甫

高馬勿極面長魚無損鱗辱馬馬毛焦困魚魚有神君  
看磊落士不肯易其身

古詩 五言

卷九

四十三

蕩蕩萬斛船影若揚一作搖

白虹起櫓必椎牛挂席集衆

功自非風動天莫置大水中

烈士惡多門小人自同調名利苟可取殺身傍權要何  
當官曹清爾輩堪一笑

偶作

十首同王維作

儲光羲

仲夏日中時草木看欲焦田家惜功力把鋤來東臯顧  
望浮雲陰往往誤傷苗歸來悲困極兄嫂共相饒無錢  
可沽酒何以解劬勞夜深星漢明庭宇虛寥寥高柳三  
五株可以獨逍遙

北山種松柏南山種蒺藜出入雖同趣所尚各有宜孔

丘貴仁義老氏好無爲我心若虛空此道將安施暫過  
伊闕間耽晚一作晚三伏時高閣入雲中芙蓉滿清池要  
自非我室還望南山陲

野老本貧賤冒雨鋤瓜田一畦未及終樹下高枕眠荷  
蓀者誰子蟠蟠來息肩不復問鄉墟相見但依然腹中  
無一物高話羲皇年落日臨層閣逍遙望晴川使婦提

蠶筐呼兒榜漁船悠悠泛綠水去摘浦中蓮蓮花豔且  
美一作妍使我不能還

美妍 一作使我不能還

浮雲在虛空隨風復卷舒我心方處順動作何憂虞但  
言嬰世網不復得閒居迢遞別東國超遙來西都見人

古詩 五言

卷九

四十四

乃恭敬曾不問賢愚雖若不能言中心亦難誣故鄉蒲

親戚道遠情日一作日以疎偶欲陳此意復無南飛鳧

草木花葉生相與命爲春當非草木意信是故時人靜

念惻羣物何由知至真狂歌問夫子夫子莫能陳鳳凰  
飛且鳴容裔下天津清淨無言語茲焉庶可親

黃河流向東弱水流向西趨舍各有異造化安能齊妾  
本邯鄲女生長在叢臺旣聞容見寵復想玄爲妻刻畫  
尚風流幸會君招携逶迤歌舞座婉變芙蓉閨日月方  
向除恩愛忽焉睽棄置誰復道但悲生不諧羨彼匹婦  
意偕老常同棲

日暮登春山山鮮雲復輕遠近看春色踟躕新月明仙人浮丘公對月時吹笙丹鳥飛烟烟蒼蠅亂營營羣動

汨吾真訛言傷我情安得如子晉與之遊太清

眈眈銅鞮宮遙望長數里賓客無多少出入皆珠履朴儒亦何爲辛苦讀舊史不道無家舍効他養妻子列列玄冬暮衣裳無準擬偶然著道書神人養生理公卿時見賞賜資難具紀莫問身後事且論朝夕是

空山暮雨來衆鳥競棲息斯須照夕陽雙雙復撫翼我念天時好東田有稼穡浮雲蔽川原新流集溝洫徘徊顧衡宇僮僕邀我食一作覽牀頭書睡看機中織想

古詩五言

卷九

四十五

見明膏煎中夜起唧唧

四鄰競豐屋我獨好早室窈窕高臺中時閒撫清瑟狂飈動地起拔木乃非一相顧始知悲中心憂且慄蚩蚩命子弟恨不居高秩日入賓從歸清晨冠蓋出中庭有奇樹榮早衰復疾此道猶不知微言安可述

偶作六首

王維

楚國有狂夫茫然無心想散髮不冠帶行歌南陌上孔丘與之言仁義莫能獎未嘗肯問天何事須擊壤復笑采薇人胡爲乃長往

田舍有老翁垂白衡門裏有時農事閒斗酒呼鄰里喧

聒茅簷下或坐或復起短褐不爲薄園葵固足美動則長子孫不會向城市五帝與三王古來稱君子干戈將揖讓畢竟何者是得意苟爲樂野田安足鄙且當放一作忘懷去行行沒餘齒

日夕見太行沈吟未能去問君何以然世網嬰我故小姊妹成長兄弟未有娶家貧祿既薄儲蓄非有素幾迴欲奮飛踟躕復相顧孫登長嘯臺松竹有遺處相去詎幾許故人在中路愛染日已薄禪寂日已固忽乎吾將行寧俟歲云暮

陶潛任天真其性頗耽酒自從棄官來家貧不能有九

古詩五言

卷九

四十六

月九日時菊花空滿手中心竊自思儻有人送否曰衣攜壺觴果來遺老叟且喜得斟酌安問升與斗奮衣野田中今日嗟無負兀傲迷東西蓑笠不能守傾倒強行行酣歌歸五柳生事不曾問肯媿家中婦

趙女彈箏篴復能耶鄺舞夫婿輕薄兒關雞事齊主黃金買歌笑用錢不復數許史相經過高門盈四牡客舍有儒生昂藏出鄒魯讀書三十年腰下一作間無尺組被服聖人教一生自窮苦

老來懶賦詩惟有老相隨宿世謬詞客前身應畫師不能捨餘習偶被時一作世人知名字本皆是此心還不知

詠史 四首

盧照隣

季生昔未達身辱功不成  
髮鉗爲臺隸灌園變姓名  
幸逢滕將軍兼遇曹丘生  
漢祖廣招納一朝拜公卿  
百金孰云重一諾良匪輕  
廷議斬樊噲羣公寂無聲  
處身孤且直遭時坦而平  
丈夫當如此唯唯何足榮

大漢昔云季小人道遂振玉帛  
委奄尹斧鑕嬰縉紳  
邈哉郭先生卷舒得其真  
雍容謝朝廷談笑獎人倫  
在晦不絕俗處亂不爲親  
諸侯不得友天子不得臣  
冲情甄負甕重價折角巾  
悠悠天下士相送洛橋津  
誰知仙舟上寂寂無四隣

古詩 五言

卷九

四十七

公業負奇志交結盡才雄  
良田四百頃所食常不充  
一爲侍御史慷慨說何公  
何公何爲敗吾謀適不同  
仲穎恣殘忍廢興良在躬  
死人如亂麻天子如轉蓬  
干戈及黃屋荆棘生紫宮  
鄭生運其謀將以清國戎  
時來命不遂脫身歸山東  
凜凜千載下穆然懷清風

昔有平陵男姓朱名阿游  
直髮上衝冠壯氣橫三秋  
願得斬馬劍先斷佞臣頭  
天子玉檻折將軍丹血流  
捐生不肯拜視死其真一作  
若休歸來教鄉里童蒙遠  
相求弟子數百人散在十二州  
三公不敢吏五鹿何能酬  
名與日月懸義與天壤儔  
何必疲執戟區區在封侯  
偉哉曠

達士知命固不憂

詠史

張九齡

大德始無頗中智是所是  
居然已不一况乃務相詭  
小道致泥難巧言因萋毀  
穰侯或見遲蘓生得陰揣  
輕既長沙傳重亦邊郡徙  
勢傾不幸然跡在胡寧爾  
滄溟所爲大江漢日來委  
澧一作澄水雖復清魚鱉豈游此  
賢哉有小白讐中有管氏  
若人不世生悠悠多如彼

詠史

王丘

高潔非養正盛名亦險艱  
偉哉謝安石携妓入東山  
雲巖響金奏空水灩朱顏  
蘭露滋香澤松風鳴珮環  
歌聲入空盡舞影到池閒  
杳眇同天上繁華非代閒  
卷舒混名跡縱誕無憂患  
何必蘇門子冥然閉清關

詠史

王昌齡

荷畚至洛陽胡馬屯北門  
天下裂其土豺狼滿中原  
明夷方濟世歛翼黃埃昏  
披雪見龍顏始蒙國士恩  
位重謀亦深所舉無遺奔  
長策寄臨終東南不可吞  
賢智苟有時貧賤安何一作何  
所論唯然嵩山老而後知我言

詠史

祖詠

夫差日淫放舉國求妃嬪  
自謂得王寵代閒無美人  
碧羅象一作蒙天閣坐輦乘芳春  
宮女數千騎常遊江水濱

年深玉顏老時薄花粧新拭淚下金殿嬌多不顧身生前妬歌舞死後同灰塵塚墓令人哀哀於銅雀臺

詠史二首

常建

二妃方訪舜萬里南方懸遠道隔江漢孤舟無歲年不知蒼梧處氣盡呼青天愁淚變楚竹娥眉喪湘川後人立爲廟累世稱其賢過客設祠祭狐狸來坐邊懷古未忍還猿吟徹空山

楚王竟何去獨自留巫山偏使世人見迢迢江漢水一作

間駐舟春谿一作裏皆一作願拜靈顏寤寐覩神女金

紗鳴珮環閒豔絕世姿令人氣力微含笑竟一作不語

古詩五言 卷九 四十九

化作朝雲飛

詠史十一首

李華

昂藏獬豸獸出自太平年亂代乃潛伏縱人爲禍愆管聞斷馬劍每壯朱雲賢身死名不滅寒風吹墓田精靈如有在幽憤滿松煙

漢皇修雅樂乘輿臨太學三老與五更天王親割牲一人調風俗萬國和且平單于驟款塞武庫欲銷兵文物此朝盛君臣何穆清至今墳壇下如有簫韶聲

巢許在蒿賴陶唐不得臣九州尚洗耳一命安能親縣邈數千祀丘中誰隱淪朝遊公卿府夕是山林人蒲帛

揚側陋薜蘿爲縉紳九重念入夢三事思降神且設庭中燎寧窺泉下鱗

漢時征百粵楊僕將樓船幕府功未立江湖已騷然島夷非敢亂政暴地仍偏得罪因懷璧防身輒控絃三軍求裂土萬里詎聞天魏闕心猶在旗門首已懸如何得良吏一爲制方圓

秦滅漢帝興南山有遺老危冠揖萬乘幸得厭征討當君逐鹿時臣等已枯槁寧知市朝變但覺林泉好高卧

三十年相看成四皓帝言翁甚善見顧一作何不旦咸稱太子仁重義亦尊道側聞驪姬事申生不自保暫出

古詩五言 卷九 五十

商山雲謁來趨灑掃東宮成羽翼楚舞傷懷抱後代無其人戾園滿秋草

日照崑崙上羽人披羽衣乘龍駕雲霧欲往心無違此山在西北乃是神仙國靈氣皆自然求之不可得何爲漢武帝精思一作意徧羣山糜費巨萬計宮車終不還蒼

蒼茂陵樹足以戒人間

天生忠與義本以佐雍熙何意李司隸而當昏亂時古墳襄城野斜徑橫秋陂况不禁樵采茅莎無子遺高標尚可仰精爽今何之一忤中常侍銜冤誰見知常觀黨錮傳撫卷不勝悲



文侯耽鄭衛一聽一忘餐白雲燕姬舞朱絃趙女彈淫  
聲流不返惘蕩日無端獻歲受朝時鳴鐘譙百官兩牀

陳管磬九奏殊未闌對此唯恐卧更能整衣冠

蜀王相諸葛功高名亦尊驅馳千萬衆怒目瞰中原曹  
伯任公孫國亡身不存社宮久蕪沒白鴈猶飛翻勿言  
君臣合可以濟黎元爲蜀諒不易如曹難復論

六國韓最弱末年尤畏秦鄭生爲韓計且欲疲秦人利  
物可分社原情堪滅身咸陽古城下萬頃稻苗新

沂水春可涉泮宮映楊葉麗色異人間珊珊搖珮環展  
禽恒一作常獨處深巷生禾黍城上飛海雲城中暗春雨

古詩五言 卷九

五十二

適來鳴珮者復是誰家女泥沾珠綴履雨濕翠毛簪電  
影開蓮臉雷聲飛蕙心自言沂水曲采萍兼采菜歸逕  
雖可尋天陰光景促憐君貞且獨願許君家宿徒勞惜  
衾枕子不顧雙蛾豔質誠可重淫風如禮何周王惑褒  
姒城關成陂陀

覽史

張良璞

享年八十已歷數窮蒼生七虎門源上咆哮關內鳴建  
都用鴉宿設險因金城舜曲煙火起汾河珠翠明海雲  
引天仗朔雪留邊兵作孽人怨久其亡鬼信盈素靈感  
劉季白馬從子嬰昏虐不務德百代無芳聲

覽史九首

吳筠

聖人重開濟明道欲救時孔席不暇暖墨突何嘗緇興  
言振頹綱將以有所維君臣恣淫惑風俗日凋衰三代  
業遂隕七雄遂交馳庶物墜塗炭區中若勢絲秦皇燎  
儒術方冊靡孑遺大漢歷五葉斯文復崇推乃驗經籍  
道與世屯同夷弛張固天意設教安能持

棟宇代巢穴其來自三皇跡生固爲累經始增百王瑤  
臺既滅夏瓊室復殞商覆車世不悟秦氏興阿房繼踵  
迷返正漢家崇建章力役弊萬人瓌奇殫八方狗志仍  
未極促齡已云亡侈靡竟何在荆榛生廟堂

古詩五言 卷九

五十二

吾觀采苓什復感青蠅詩讒佞亂忠孝古今同所悲姦  
邪起譖害骨肉相殘夷漢儲殞江充晉嗣滅驪姬天性  
猶可問君臣固其宜子胥烹吳鼎文種斷越鉞屈原沈  
湘流厥戚戚自貽何不若范蠡扁舟無還期

魯侯祈正術尼父從棄捐漢主思英雄賈生被排遷始  
皇重韓子及觀乃不然漢武喜相如旣徵復忘賢遺遠  
世咸爾賤今理共然方知古來主難以效當年  
晁錯抱遠策爲君納良規削彼諸侯權永用得所宜姦  
臣負舊隙乘釁謀相危世主竟不辨身戮宗且夷漢景  
稱欽明濫罰猶如斯比干與龍逢殘害何足悲

聖人垂大訓與義不苟設天道歿頑兇神明佑懿哲斯  
言猶影響安得復回穴鯨鯢誕英睿唐虞育昏孽盜跖  
何延期顏生乃短折魯隱全克讓禍機遂潛結楚穆肆  
巨逆福柄奚赫烈田常弑其主作國父固缺管仲存霸  
功世祀成詭說漢氏方版蕩羣閹恣邪譎寥寥陳蕃徒  
孜孜抗忠節誓期區宇靜爰使兇醜絕謀協事靡從俄  
而反誅滅古來若茲類紛擾難盡列道遐理微茫誰爲  
我昭晰吾將詢上帝寥廓詎躋轍已矣勿用言忘懷庶  
自悅

興亡道之運否泰理所全奈何淳古風既往不復旋三  
古詩五言 卷九 五十三

皇已散樸五帝初尚賢王業興霸功浮僞日以宣忠誠  
及狙詐殺混安可甄餘智入九霄守愚淪重泉永懷巢  
居時感涕徒泫然

食其昔未偶落魄爲狂生一朝君臣契雄辨何縱橫運  
籌康漢業憑軾下齊城既以智所達還爲智所烹豈若  
終貧賤酣歌本無營

絳侯成大績賞厚位仍尊一朝對獄吏榮辱安可論蘇  
生佩六印奕奕爲歿源主父食五鼎昭昭成禍根李斯  
佐二辟巨鑿鍾其門霍孟翼三后伊戚及後昆天人忌  
盈滿茲理固永存方知得意者何必乘朱輪滅景栖遠

壑弦歌對清樽二疏返海濱蔣詡歸林園瀟灑去物累  
此謀誠足敦

詠史二首

張謂

子陵沒已久讀史思其賢誰謂潁陽人千秋如比肩嘗  
聞漢皇帝一作光武曾是曠周旋名位苟無心對君猶可眠

東過富春渚樂此佳山川夜臥松下月朝看江上煙釣  
時如有待釣罷應忘筌生事在林壑悠悠經暮年如今  
七里瀨一作難遺迹尚依然高臺竟寂寞流水空潺湲

龐公南郡人家在襄陽里何處偏來往襄陽東陂是舊  
將業田種終得保妻子何言二千石乃欲勸吾仕鸛鵲

古詩五言 卷九 五十四

巢茂林龜鼈穴深水萬物從所欲吾心亦如此不見鹿  
門山朝朝白雲起采藥復采樵優游終暮齒

詠太公一作太公哀晚遇

常建

日出渭流白文王畋獵時釣翁在蘆葦川澤無熊羆詔  
書起遺賢匹馬令致辭因稱江海人臣老筋力衰遲遲  
詣天車快怏怏悟靈龜兵馬更不獵君臣皆共怡同車至  
咸陽心影無磷緇四牡玉墀下一言爲帝師王侯擁朱  
門軒蓋耀長逵古來榮華人遭遇誰知之落日懸桑榆  
光景有頽虧倏忽天地人雖貴將何爲

詠漢高祖

王珪

漢祖起豐沛乘運以躍鱗手奮三尺劍西滅無道秦十月五星聚七年四海賓高抗威宇宙貴有天下人憶昔與項王契濶時未伸鴻門既薄蝕榮陽亦蒙塵蟻虱生介冑將卒多苦辛爪牙驅信越腹心謀張陳赫赫西楚國化爲丘與榛

詠淮陰侯

秦王曰凶惡豪傑爭其亡信亦胡爲者劍歌從項梁項羽不能用脫身歸漢王道契君臣合時來名位彰北討燕承命東驅楚絕糧斬龍堰灘水擒豹潛夏陽功成享天祿建旗還南昌金千各漂母錢百酌下鄉吉凶成糾

古詩 五言

卷九

五十五

纏倚伏難預詳弓藏狡兔盡慷慨念心傷

詠南山四皓

李白

白髮四老人昂藏南山側偃蹇松雪間冥翳不可識雲牕拂青靄石壁橫翠色龍虎方戰爭於焉自休息秦人失金鏡漢祖昇紫極陰虹濁太陽前星遂淪匿一行佐明兩倏起生羽翼功成身不居舒卷在胷臆行冥合元化芒昧信難測飛聲塞天衢萬古仰遺跡

詠李陵

王維

漢家李將軍三代將門子結髮有奇策少年成壯士長驅塞上兒深入單于壘旌旗列相向蕭鼓悲何已日暮

沙漠陞戰聲煙塵裏將令驕虜滅豈獨名王侍既失大軍援遂嬰穹廬恥少小蒙漢恩何堪坐思此深衷欲有報投軀未能死引領望子卿非君誰相理

詠蘇武

李白

蘇武在匈奴十年持漢節白鴈上林飛空傳一書札牧羊邊地苦落日歸心絕渴飲月窟冰饑餐天上雪東還沙塞一作漠遠北愴河梁別泣把李陵衣相看淚成血

詠諸葛武侯

贈長安崔少府叔封昆季

漢道昔云季羣雄方戰爭霸圖各未立割據資豪英赤伏起顛運臥龍得孔明當其南陽時龍臥躬自耕魚水

古詩 五言

卷九

五十六

三顧合風雲四海生武侯立岷蜀壯志吞咸京何人先見許但有崔州平余亦草間人頗懷拯物情晚途值子玉華髮同衰榮託意在經濟結交爲弟兄無令管與鮑千載獨知名

詠王右軍

右軍本清眞瀟灑在風塵山陰遇羽客愛此好鷺賓掃素寫道經筆精妙入神書罷籠鷲去何曾別主人

詠上元夫人

上元誰夫人偏得王母嬌嗟峨三角髻餘髮散垂腰裘披青毛錦身着赤霜袍手提羸女兒閒與鳳吹簫肩語

兩自笑忽然隨風飄

詠湘夫人

李頎

九疑日已暮三湘雲復愁  
宵靄羅袂色潺湲江水流  
佳期來北渚捐佩一作在芳洲

詠息夫人

宋之問

可憐楚破息腸斷息夫人  
仍爲泉下骨不作楚王嬪  
楚王寵莫盛息君情更親  
情親怨生別一朝俱殺身

前題

王維

莫以今時寵能忘舊日恩  
看花滿眼淚不共楚王言

詠西施

古詩

卷九

五十七

艷色天下重西施寧久微  
朝仍一作越谿女暮作吳官

妃賤日豈殊衆貴來方悟  
稀邀人傳香一作粉不自着

羅衣君寵益嬌態君憐無  
是非當時浣紗伴莫得同車

歸持謝一作鄰家子效顰安可希

前題

李白

西施越谿女出自苧蘿山  
秀色掩今古荷花羞玉顏  
浣紗弄碧水自與清波間  
皓齒信難開沈吟碧雲間  
句踐微絕豔揚蛾入吳關  
提攜館娃宮杳眇詎可攀  
一破夫差國千秋竟不還

唐詩所第九卷終

唐詩所第十卷 古詩

前集

送張尚書巡邊

奉和聖製

源乾曜

匈奴遡河朔漢地須一作初  
戎旅天子擇英才朝端出監

撫流星下閭闔寶鉞專公輔  
禮物生光輝宸章備恩詔

有征視矛一作戟制勝唯樽俎  
彼美何壯哉相相擅斯

舉聲華振臺閣功德標文武  
奉國知命輕忘家以身許

安人在勤恤保大殫襟腑  
此外無異言同情報明主

送李雲南征蠻

序曰天寶十一載有詔伐西南夷  
南太守李公素節制之奇乃素前雲

數萬里蓋百王所未通也  
十二月四日至長

安君子是以知廟堂使能而李公  
高適

古詩

卷十

一

聖人赫斯怒詔伐西南戎  
肅穆廟堂上深沉節制雄

遂令感激士得建一作非常功  
料死不料敵顧恩寧顧終

鼓行天海外轉戰蠻夷中  
梯巘近高鳥穿林經毒蟲

鬼門無歸客北戶多南風  
蜂蠆隔萬里雲雷隨九攻

長驅大浪破急擊羣山空  
餉道忽已遠懸軍垂欲窮

精誠動白日憤薄連蒼穹  
野倉掘田鼠哺餐兼燹饒

收兵列亭埃拓地彌西東  
臨事恥苟免履危能飭躬

將星獨照耀邊色何溟濛  
瀘水夜可涉交州今始通

歸來長安道召見甘泉宮  
廉藺若未死孫吳知暗同

相逢論意氣慷慨

謝深衷

前題

儲光義

昆明濱滇池蠡爾敢逆常天星耀鉞鎖弔彼西南方  
宰統元戎太守齒軍行囊括千萬里矢謨在廟堂  
耀耀金虎符一息到炎荒蒐兵自交趾芟舍出瀘陽  
群山高嶄巖凌越如鳥翔封豕驟陸伏巨象搖披攘  
迴谿深天淵揭厲踰舟梁玄武掃孤蛾蛟龍除方良  
雷霆隨神兵礮磕動穹蒼斬伐若草木繫縲同大羊  
餘醜隱弭河啁啾亂行藏君子惡薄險王師恥重傷  
廣車設置罟太白收光芒邊吏靜縣道新書行紀綱  
劍關掉鞅歸武弁朝建章龍樓加命服獬豸擁秋霜  
邦人頌靈旗側聽何洋洋

古詩五言

卷十

二

三百六十一

洋京觀在七德休哉我神皇

送狄員外巡按西山軍

岑參

兵馬守西山中國非得計不知何代策空使蜀人弊  
八州崖谷深千里雲雪閉泉澆閣道滑水凍繩橋脆  
戰士常苦饑糗糧不相繼胡兵猶不歸空山積年歲  
儒生識損益言事皆審諦狄子幕府郎有謀必康濟  
胷中懸明鏡照耀無巨細莫辭冒險艱可以裨節制  
相思江樓夕愁見月澄霽

送十道採訪使及朝集使

本朝聖製 張九齡

三年一上計萬國趨河洛課最力已陳賞延恩復博垂

永深其理改瑟其咸若首路迴竹符分鑣揚木鐸戒程  
有攸往詔餞無淹泊昭晰動天文殷勤在人瘼持久望  
茲念克終期所託行矣當自強春耕庶秋穫

送侍郎叔除河南采訪使

和韋判官

儲光義

天卿小冢宰道大名亦大醜正在權臣建旗千里外楚  
山俯江漢汴水連譙沛兩持方伯珪再轉諸侯益恬淡  
輕黜陟優游邈千載乾象變台衡羣賢盡交泰聿來股  
肱郡河嶽卽襟帶盛德滋冀方仁風清汾澮四封盡高  
足相府軺車最超超青雲器婉婉竹林會賤士敢知言  
成頌文明代燕雀依大廈期之保貞悔

古詩古詩

卷十

三

送梁卿王郎中使東蕃弔冊

崔湜

梁侯上卿秀王子中臺傑贈冊綏九夷旌旆下雙闕西  
堂禮樂送南陌軒車別征路入海雲行舟沂江月茲邦  
久欽化歷載歸朝謁皇心諒所嘉寄爾宣風烈

送重表姪王砮評事使南海

杜甫

我之曾老姑爾之高祖母爾祖未顯時歸爲尚書婦隋  
朝大業末房杜俱交友長者來在門荒年自餬口家貧  
無供給客位但箕箒俄頃羞頗珍寂寥人散後入性鬢  
髮空吁嗟爲之久自陳翦髻髮鬻市充杯酒上云天下  
亂宜與英俊厚向竊窺數公經綸亦俱有次問最少年

虬髯十八九子等成大名皆因此人手下云風雲合龍  
虎一吟吼願展丈夫雄得辭兒女醜秦王時在坐真氣  
驚戶牖及乎貞觀初尚書踐台斗夫人常肩輿上殿稱  
萬壽六宮師柔順法則化妃后至尊均嫂叔盛事垂不  
朽鳳雛無凡毛五色非爾曹往者胡作逆乾坤沸嗷嗷  
吾客在馮翊爾家同遁逃爭奪至徒步塊獨委蓬蒿逗  
遛熱爾腸十里却呼號自下所騎馬右持腰間刀左牽  
紫近韁飛走使我高荷活到今日寸心銘珮牢亂離又  
聚散宿昔恨滔滔水花笑白首春草隨青袍廷評近要  
津節制收英髦北驅漢陽傳南汎上瀧初家聲肯墜地  
古詩 五言 卷十 四

送楊法曹按括州

孫逖

東海天台山南方縉雲驛一作綏澄問人隱巖險煩登

陟潭壑隨星使軒車繞春色儻尋琪樹人為報長相憶

送友人使河源

賈至

送君魯郊外下車上高丘蕭條千里暮日落黃雲秋舉  
酒有餘恨論邊無遠謀河源望不見旌旆去悠悠

送郭大夫元振再使吐蕃

張說

犬戎廢東獻漢使馳西極長策問酋渠猜阻自夷殛容  
髮徂邊歲旌旆散海色五年一見家妻子不相識武庫  
兵猶動金方事未息遠圖待才智苦節輸筋力脫刀贈  
分手書帶加餐食知君萬里侯立功在異域

送和西蕃使

杜審言

使出鳳凰池京師陽春晚聖朝尚邊策詔諭兵戈偃拜  
手明光殿搖心上林苑種落踰青羗關山度赤坂疆場  
及無事雅歌而餐飯寧獨錫和戎更當封定遠

送宇文融安輯戶口

應制

張說

古詩 古詩 卷十 五

至德臨天下勞情遍九圍念茲人去遠蓬轉將何依外  
避征戍數內傷親黨稀嗟不逢明盛胡能照隱微栢臺  
簡行李蘭殿錫朝衣別曲動秋風恩令生春輝使出四  
海安詔下萬心歸忤非變龍佐徒歌鴻鴈飛

送丘徙至州敕放作

時任下邳尉

儲光義

太史登觀臺天街耀旄頭大君忽震震詔爵冠軍侯南  
必梁孫源西將圍崑丘河隴徵擊卒虎符到我州朝集  
咸林城師言亂啁啾殺氣變木德凜凜如高秋元戎啟  
神皇廟堂發嘉謀息兵業稼穡歸馬復休牛和風開陰  
雪大耀中天流歡聲殷河嶽涵蕩非煙浮邦牧新下車

德禮被昨謳乾坤日交泰吾亦遂優游

送韋大夫東京畱守

王維

人外遺世慮空端結遐心曾是巢許淺始知堯舜深蒼  
生詎有物黃屋如喬林上德撫神運冲和穆宸襟雲雷  
康屯難江海遂飛沈天工寄人英龍袞瞻君臨名器苟  
不假保釐固其任素質貫方領清景照華簪慷慨念王  
室從容獻官箴雲旗蔽三川畫角發龍吟晨揚天漢聲  
夕老大河陰窮久業已寧逆虜遺之擒然後解金組拂  
衣東山岑給事黃門省秋光正沈沈功名與身退老病  
隨年侵君子從相訪重玄其可尋

古詩五言

卷十

六

送相里郎中赴江西

獨孤及

君把一尺詔南遊濟滄浪受恩忘險艱不道岐路長戎  
狄方構患休牛殊未遑三秦千倉空戰卒如餓狼委輸  
資外府詎謀寄賢良有才當陳力安得遂翱翔豈不憤  
井賦賦均人亦康遙知軒車到萬室安耕桑火伏金氣  
騰昊天欲蒼茫寒蟬慘已鄧秋色愁沅湘昨日攜手西  
於今芸再蕢歡娛詎幾許復向天一方踟躕話世故惆  
悵舉離觴共求數刻歡戲謔君此堂今日把手笑少時  
各他鄉身名同風波聚散未易量曷月還朝天及時開  
智囊前期儻猶閤加飯勉自強

送陸員外

王維

郎署有伊人居然古人風天子顧河北詔書除一作征  
東拜手辭上官緩步出南宮九河平原外七國薊門中  
陰風悲枯桑古塞多飛蓬萬里不見虜蕭條胡地空無  
爲費中國更欲邀奇功遲遲前相送握手嗟異同行當  
封侯歸肯訪商山翁

送李侍郎迥秀薛長史季昶

同賦得張說

漢郡接胡庭幽并對烽壘旌旗按部曲文武惟卿士薛  
公善籌畫李相威邊鄙中冀分兩河長城各萬里藉馬  
黃花塞蒐兵白狼水勝敵在安人爲君汗青史

古詩五言

卷十

七

送崔侍御赴京

李頎

綠槐蔭長路駿馬垂青絲杜史謁承明翩翩將有期千  
官大朝日奏事臨赤墀肅肅儀仗裏風生鷹隼姿一從  
登甲科三拜皆憲司按俗又如此爲郎何太遲送君暮  
春花落城南陞惜別醉芳草前山勞夢思

送李侍御

賈至

我年四十餘已歎前路短羈離洞庭上安得不引滿李  
侯忘情者與我同疎懶孤帆泣瀟湘望遠心欲斷

餞校書叔雲

李白

少年賁白日歌笑矜朱顏不知忽已老喜見春風還惜



別且爲歡徘徊桃李間看花飲美酒聽鳥臨晴山向晚  
竹林寂無人空閉關

送李校書

杜甫

代北有豪鷹生子毛盡赤渥洼驥兒尤異是一作龍

春李舟名父子清峻流輩伯人間好妙年不必須白哲

十五富文史十八足賓客十九授校書二十聲輝赫衆

中每一見使我潛動魄自恐二男兒辛勤養無益乾元

元年春萬姓始安宅舟也衣綵衣告我欲遠適倚門固

有望歛衽就行役南登吟白華已見楚山碧藹藹咸陽

都冠蓋日雲一作已積何時太夫人堂上會親戚汝翁草

古詩五言

卷十

八

明光天子正前席歸期豈汗漫別意終感激顧我蓬屋

姿謬通金閨籍小來習性懶晚節一作歲慵轉劇每愁悔

客作如覺天地窄羨君齒髮新行已能夕惕臨岐意頗

切對酒不能喫回身視綠野慘淡如荒澤老鴈忍春饑

哀號待枯麥時哉高飛燕絢練新羽翮長雲濕裊斜漢

水饒巨石無令軒車遲衰疾悲宿昔

湘江錢裴二端公赴道州

白日照舟師朱旗散廣川羣公餞南陌肅肅秩初筵鄙  
人奉末眷佩服自早年義均骨肉地懷抱壑所宜盛名  
富事業無取愧高賢不以喪亂嬰保愛金石堅計拙百

寮下氣蘇君子前會合苦不久哀樂本相纏交遊颯向  
盡宿昔浩茫然促觴激萬一作百慮掩抑淚潺湲熱雲集  
隰黑缺月未生天白團爲我破華燭蟠長煙鵲鵲催明  
星解袂從此旋上請減兵甲下請安井田永念病渴老  
附書遠山巔

送國子張主簿

包融

湖岸纔初解鶯啼別離處遙見舟中人時時一迴顧坐  
悲芳歲晚花落青軒樹春夢隨我心搖揚逐君去

送魯郡劉長史遷弘農長史

李白

魯國一杯水難容橫海鱗仲尼且不敬况乃尋常人白

古詩五言

卷十

九

玉換斗粟黃金買尺薪閉門木葉下始覺秋非春聞君

向西遷地卽鼎湖鄰寶鏡匣蒼蘚丹經埋素塵軒后上

天時攀龍遺一作准小臣及此留惠愛庶幾風化淳魯縞

如白煙五緜不成束臨行贈貧交一尺重山嶽相國齊

晏子贈行不及言託陰當樹李忘憂當樹萱他日見張

祿綈袍懷舊恩

送忠州太守康昭遠等之任

玄宗

端拱臨中樞緬懷共予理不有臺閣英孰振循良美分  
符侯甸內拜手明庭裏誓節期飲水調人方導水嘉聲  
馳九牧惠化光千祀時雨俾昔賢芳猷貫前史佇爾頌

中和吾將令卿士

送東陽王太守

李頎

江臯杜衡綠芳草日遲遲  
檜檝今何去星郎出守時  
彤襟問風俗明主寄憐  
癸令下不徒爾人和當在茲  
昔年經此地微月有佳期  
洞口桂花白岳前春草滋  
素沙靜津瀨清壁帶川  
坻野鶴每孤立林廳常  
晝悲

送平原顏太守

序曰十二年春有詔補尚書十數  
蓬萊前殿仍贈以綬帛寵錢加  
等參美類公是行為寵別章句 岑參

天子念黎庶詔書換一作諸侯仙郎授剖符華省輟分

憂置酒會前殿賜錢若山丘天章降三光聖澤該九州

古詩五言 卷十

十

吾兄鎮河朔拜命宜皇猷  
駟馬辭國門一星東北流  
夏雲照銀印暑雨隨行輶  
赤筆仍在篋鑪香惹衣  
裴此地鄰東溟孤城弔滄  
洲海風掣金戟導吏呼鳴  
騶郊原北連燕剗切風未  
休魚鹽隘里巷桑柘盈田  
疇為郡豈淹旬政成應未  
秋易俗去猛虎化人似馴  
鷗蒼生已望君黃霸寧久  
留

送緡雲苗太守

王維

手疏謝明主腰章為長吏  
方從會稽郊更發汝南騎  
按節下松陽清江響饒吹  
露冕見三吳方知百城貴

送宇文太守赴宣城

寥落雲外山迢遙舟中賞  
饒吹發西江秋空多清響  
地迴古城蕪月明寒潮廣  
時賽敬亭神復解罟師網  
何處寄相思南風吹一作五兩

送魏郡李太守赴任

與君伯氏別又欲與君離  
君行無幾日當復隔山陂  
蒼茫秦川盡日落桃林塞  
獨樹臨關門黃河向天外  
前經洛陽陌宛洛故人稀  
故人離別盡淇上轉驂駢  
企予悲送遠惆悵睢陽路  
古木官渡平秋城鄴官故  
想君行縣日其出從如雲  
遙思魏公子復憶李將軍

送康太守

古詩五言

卷十

十一

城下滄江水江邊一作黃鶴樓  
朱欄將粉堞江水映悠悠  
悠饒吹發夏口使君居上  
頭郭門隱楓岸候吏趨蘆  
洲何異臨川郡還來一作康樂侯

錢唐州高使君赴任

崔湜

芳春桃李時京都一作物華好  
為岳豈不貴所悲涉遠道  
遠道不可思宿昔夢見之  
贈君雙佩刀日夕視來一作

有期

前題

蘇頌

永日泰文一作時東風搖蕩夕  
浩然思樂事翻復錢征客  
淮水春流一作清楚山暮雲一作白  
勿言行路遠所

貴專城伯

錢鄧州李使君

楚有章華臺遙遙雲夢澤復聞擁符傳及是收圖籍佳  
政在安人能聲寄侯伯離懷朔風起試望秋陰積中路  
樓以寒羣山靄將夕傷心聊把袂悵悵一作悵悵望麒麟客

送喬隨州侶

沈佺期

結友一作交三十載同遊一萬里情爲契濶生心由別離  
死并恩前後人從宦差池起今爾歸漢東明珠報知己

送友人任括州

青春浩無際白日乃遲遲胡爲賞心客歎邁此芳時旣  
古詩五言卷十 十二

粵迫茲守京關從此辭茫茫理雲帆草草念行期紛吾  
結遠佩帳錢出河湄太息東流水盈觴難再持

送李邕之任滑臺

玄宗

漢家重東郡宛彼白馬津黎庶旣蕃殖臨之勞近臣遠  
別初首路今行方及春課成應第一良牧爾當仁

送張舍人佐江州

同薛據作

王維

東帶趨承明守官唯謁者清晨聽銀蚪薄暮辭金馬受  
辭未嘗易富是一作御方知寡清範何風流高文有風雅  
忽佐江上州當自潯陽下逆旅到三湘長途應百舍香  
爐遠峯出石鏡澄湖瀉董奉杏成林陶潛菊盈把范蠡

常好之廬山我心也送君思遠道欲以數行灑

送司農崔丞

李頎

黃鸝鳴官寺香草色未已同時皆省郎而我獨留此維  
監大倉粟常對府小史清陰羅廣庭政事如流水奉使  
往長安今承朝野歡幸臣應記識明主必遷官塞外貌  
將虎池中駕與鸞詞人洞簫賦公子鷄鵲冠邑里春方  
晚昆明花欲闌行行取高位當使路傍看

送韋十二兵曹

王昌齡

縣職如長纓終日檢我身平明趨郡府不得展故人故  
人念江湖富貴如埃塵迹在戎府掾心遊天台春獨立  
古詩五言卷十 十三

浦邊鶴白雲長相親南風忽至吳分散還入秦寒夜天  
光白海靜月色真對坐論歲暮絃悲豈無因平生馳驅  
分非謂杯酒仁出處兩不合忠貞何由伸看君孤舟去  
且欲歌垂綸

送王大昌齡赴江寧

岑參

對酒寂不語悵然悲一作愁送君明時未得用白首徒攻  
文澤國從一官滄波幾千里羣公滿天闕一作闕獨去過  
淮水舊家富春渚嘗憶臥江樓自聞君欲行頻望南徐  
州窮巷獨閉門寒燈靜深屋北風吹微雪袍被肯同宿  
君行到京口正是桃花時舟中饒孤興湖上多新詩潛

虱且深齏黃鶴舉未一作鶴晚惜君青雲器努力加餐飯

閬州東樓送十一舅宰青城縣得晉杜甫

層城有高樓制古丹牖存迢迢百餘尺豁達開四門雖有車馬客而無人世遊目俯大江列筵慰別魂是時秋冬交節往顏色昏天寒鳥獸伏霜露在草根今我送舅氏萬感集清樽豈伊山川間回首盜賊繁高賢意不暇王命久崩奔臨風欲慟哭聲出已復吞

送楊少府赴選李白

大國置衡鏡準平天地心羣賢無邪人朗鑒窮清深吾古詩五言卷十十四

君詠南風袞冕彈鳴琴時泰多美士京國會一作纓簪山苗落磧底幽松出高岑夫子有盛才主司得球琳流水非鄭曲前行遇知音工剪綺繡一悞傷千金何惜刀尺餘不裁寒女衾我非彈冠者感別但開襟空谷無白駒賢人豈悲一作吟大道安棄物時來或招尋爾見山吏部當應無陸沈

送當塗趙少府赴長蘆

我來楊都市送客回輕舸因誇吳一作太子便觀廣陵濤仙尉趙家玉英風凌四豪維舟至長蘆目送煙雲局搖扇對酒樓持袂把蟹螯前途儻相思登嶽一長謠

送魏六丈佑少府之交廣杜甫

賢豪贊經綸功成名空一作聖子孫不振耀歷代皆有之鄭公四葉孫長大常苦飢衆中見毛骨猶是麒麟兒磊落貞觀事致君機直詞家聲蓋六合行色何其微遇我蒼梧野一作忽驚會面稀議論有餘地公侯來未遲虛思黃金貴自笑青雲期長卿久病渴一作武帝元同時季子黑貂弊得無妻嫂欺尚爲諸侯客獨屈州縣卑商遊炎海甸浩蕩從此辭窮途伏神道世亂輕土宜解帆歲云暮可與春風歸出入朱門家華屋刻蛟螭玉食亞王者樂張游子悲侍婢艷傾城綃綺輕霧霏掌中

古詩五言卷十十五

琥珀鍾行酒雙逶迤新歡繼明燭梁棟星辰飛兩情顧眄合珠碧贈於斯上貴見肝膽下貴不相疑心事披寫間氣酣達所爲錯揮鐵如意莫避珊瑚枝始兼逸邁典終慎賓主儀戎馬聞天宇嗚呼生別離

送楚十少府常建

微風吹霜氣寒影流一作前除落日未能別蕭蕭林木虛愁煙閉千里仙尉其何如因送別鶴操贈之雙鯉魚鯉魚在金盤別鶴哀有餘心事則如此請君開素書送族弟單父主簿凝攝宋城主簿至鄭南月餘却李白

吾家青萍劍操割有餘閒往來糾二邑此去何時還鞍  
馬月橋南光輝岐路間賢豪相追餞却到棲霞山羣花  
散芳園斗酒開離顏樂酣相顧起征馬無由攀

登黃山凌歊臺送族弟溧陽尉濟充泛舟赴華陰

得齊字

鸞乃鳳之族翱翔紫雲霓文章輝五色雙在瓊樹棲一  
朝各飛去鳳與鸞俱啼炎赫五月中朱曦樂河隄爾從  
泛舟役使我心魂懷秦地無草木南雲喧鼓聲君王滅  
玉膳早起思鳴鸞漕引救關輔疲人免塗泥宰相作霖  
雨農夫得耕犁靜者伏草間羣才滿金閨空手無壯士

古詩

五言

卷十

十六

窮居使人低送君登黃山長嘯倚天梯小舟若鳬鴈大  
舟若鯨鯢開帆散長風舒卷與雲齊日入牛渚晦蒼然  
夕煙迷相思在一作定何許一作杳在洛陽西

送李十一尉臨谿

常建

冷冷花下琴君唱渡江吟天際一帆影預懸離別心以  
言神仙尉因致瑤華音回軫撫商調越谿澄碧林

冬宵家會錢李郎司兵赴同州

岑參

急管雜青絲玉瓶金屈卮寒天高堂夜撲地飛雪時賀  
君關西掾新綬腰下垂白面皇家郎逸翮青雲姿明旦  
之官去他辰良會稀惜別冬夜短務歡杯行遲季女猶

自小老夫未令歸且看匹馬行不得鳴鳳飛昔歲到馮  
翊人煙接京師會上月樓頭遙見西嶽祠沙苑逼官舍  
蓮峯壓城池多暇或自公讀書復彈棊州縣信徒勞雲  
霄亦可期應須力為政聊慰此相思

送馬錄事赴永陽

李頎

子為郡從事主印清淮邊談笑一州裏從容羣吏先手  
持三尺令遣決如流泉太守既相許諸公誰不然孤城  
連海樹萬室帶山煙春日谿湖淨芳洲葭莢連炊杭蟹  
螯熟下飭鱸魚鮮野鶴宿簷際楚雲飛面前聽歌送離  
曲且駐木蘭船贈爾八行字當聞佳政傳

古詩

五言

卷十

十七

宣城送劉副使入秦

李白

君即劉越石雄豪冠當時淒清橫吹曲慷慨扶風詞虎  
嘯俟騰躍雞鳴遭亂離千金市駿馬萬里逐王師結交  
樓煩將侍從羽林兄統兵捍吳越豺虎不敢窺大勲竟  
莫敘已過秋風吹秉鉞有季公凜然負英姿寄深且戎  
幕望重必台司感激一然諾縱橫兩無疑伏奏歸北闕  
鳴騶忽西馳列將咸出祖英寮惜分離斗酒滿四筵歌  
嘯宛谿湄君攜東山妓我詠北門詩貴賤交不易恐傷  
中園葵昔贈紫駟駒今傾白玉卮同歡萬斛酒未足解  
相思此別又一作外別千里秦吳眇天涯月明關山苦水劇

隴頭悲借問幾時還春風入黃池無令長相思折斷綠楊枝

錢許州宋司馬赴任

李適

昔吾遊箕山竭來涉潁水復有許由廟迢迢白雲裏聞君佐繁昌臨風悵懷此儻到平輿泉寄謝干將里

前題

馬懷素

潁川開郡邑角宿分疆野君非仲舉才誰是一作題與者憫憫琴上鶴蕭蕭路傍馬嚴程若可留一作移別袂希再把

尋陽送弟昌岨鄱陽司馬

李白

古詩

卷十

十八

桑落洲渚連滄江無雲煙尋陽非剡水忽見子猷船飄然一作欲欲相近來遲杳若仙人乘海上月帆落湖中天一覩無二諾朝歡更勝昨爾則吾惠連吾非爾康樂朱紱白銀章上官佐鄱陽松門拂中道石鏡迴清光搖扇及于越水亭風氣涼與爾期此亭期在秋月滿時過或未來兩鄉心已斷吳山對楚岸彭蠡當中州相思定如此有窮盡年愁

送長孫九侍御赴武威判官

杜甫

驄馬新鑿蹄銀鞍被來好繡衣黃白郎騎向交河道聞君適萬里取別何草草天子憂涼州嚴程到須早去秋

羣胡反不得無電掃此行牧遺吐風俗還再造族父領元戎名聲閣中老奪我同官良飄飄按城堡使我不能餐令我惡懷抱若人才思濶溟漲漫一作絕島樽前失詩流塞上得一作國寶皇天悲送遠雲雨白浩浩東郊尚烽火朝野色枯槁西極柱亦傾如何正穹昊

送樊二十三侍御漢中判官

威弧不能弦自爾無寧歲川谷血橫流豺狼沸相噬天子從北來長驅振凋弊頃兵岐梁下却跨沙漠一作漢水清細通淮湖稅使者紛星散王綱尚旒綬南伯從事賢君行立談際

古詩

卷十

十九

坐知七曜曆手畫三軍勢冰雪淨聰明雷霆走精銳幕府輟諫官朝廷無此例至尊方旰食仗爾布嘉惠補闕暮徵入柱史晨征懋正當艱難時實藉長久計回風吹獨樹白日照執袂慟哭蒼煙根山門萬里閉居人莽牢落遊子方迢遞徘徊悲生離局促老一世陶唐歌遺民後漢更列帝恨一作無臣復資聊欲從此逝

送從弟亞赴安西判官

南風作秋聲殺氣薄炎熾盛夏鷹隼擊時危異人至令弟草中來蒼然請論事詔書引上殿奮舌動天意兵法五十家爾腹爲篋笥應對如轉丸疎通略文字經綸皆

新語足以正神器宗廟尚爲灰君臣俱下淚崆峒地無  
軸青海天軒輕西極最瘡痍連山暗烽燧帝曰大布衣  
藉卿佐元帥坐看清流沙所以子奉使歸當在一作前  
席適遠非歷一作虛試須存武威郡爲畫長久利孤峰石  
戴驛快馬金纏轡黃羊飲不羶廬酒多還醉踴躍常人  
情慘澹苦士志安邊敵何有反正計始遂吾聞駕鼓車  
不合用騏驎龍吟迴其頭夾輔待所致

送韋十六評事充同谷郡防禦判官

昔沒賊中時潛與子同遊今歸行在所王事有去留偏  
側兵馬間主憂急良籌子雖軀幹小志氣橫九州挺身

古詩 五言

卷十

二十

艱難際張目視寇讎朝廷壯其節奉詔令參謀鑾輿駐  
鳳翔同谷爲咽喉西阨弱水道南鎮枹罕阪此邦承平  
日剽劫吏所羞况乃胡未滅控帶莽悠悠府中韋使君  
道足示懷柔令姪才後茂三美又何求受詞太白脚走  
馬仇池頭古色沙丘裂積雪陰雲一作陰稠羗父豪猪  
靴羗兒青兕裘吹角向月窟蒼山旌旆愁鳥驚出死樹  
龍怒拔老湫古來無人境今代橫戈矛傷哉文儒士憤  
激馳林丘中原正格鬪後會何緣由百年賦命定豈料  
沈與浮且復戀良友握手步道周論兵遠壑淨亦可縱  
冥搜題詩得秀句札翰時相投

送韋諷上閬州錄事參軍

國步猶艱難兵革未衰息萬方哀嗷嗷十載供軍食庶  
官務割剝不暇憂反側誅求何多門賢者貴爲德韋生  
富春秋洞徹有清識操持紀綱地喜見朱絲直當今豪  
奪吏自此無顏色必若救瘡痍先應去蝨賊揮淚臨大  
江高天意悽惻行行樹佳政慰我深相憶

送高三十五書記

時客河西哥舒翰表爲掌書記

崆峒小麥熟且願休王師請公一作君問主將焉用窮荒

爲饑鷹未飽肉側翅隨人飛高生跨鞍馬有似并州一作幽  
兒脫身簿尉中始與筮楚辭借問今何官觸熱向武

古詩 五言

卷十

二十一

威答云一書記所媿國士知人實不易知更須慎其儀  
十年出幕府自可持旌麾此行旣特達足以慰所思男  
兒功名遂亦在老大時常恨結歡淺各在天一涯又如  
參與商慘慘中腸一作中悲驚風吹鴻鵠不得相追隨  
黃塵翳沙漠念子何時一作當歸邊城有餘力早寄從軍

詩

送王著作赴淮西幕府

岑參

燕子與百勞一西復一東天空信寥廓翔集何時同知  
已悵難遇良朋非易逢憐君心相親與我家又通言笑  
日無度書札凡幾封湛湛萬頃陂森森千丈松不知有



機巧無事于心智滿堂皆酒徒豈復羨王公早年抱將  
略累歲依幕中昨者從淮西歸來奏邊功承恩長樂殿  
醉出明光宮逆旅悲寒蟬客夢驚飛鴻發家見春草却  
去聞秋風月色冷楚城淮光透霜空各自務功業當須  
激深衷別後能相思何嗟山水重

送趙判官赴黔府中丞叔幕

李白

廓落青雲心結交黃金盡富貴翻相忘令人忽自哂贈  
蹬質毛斑盛時難再還巨源咄石生何事馬蹄間綠蘿  
長不厭却欲還東山君爲魯曾子拜揖高堂裏叔繼趙  
平原偏承明主恩風霜推獨坐旌節鎮雄藩虎士秉金

古詩五言

卷十

二十二

鉞蛾眉開玉樽才高幕下去義重林中言水宿五谿月

霜啼三峽猿東風春一作草綠江上候歸軒

送張遙之壽陽幕府

壽陽信天險天險橫荆關符堅百萬衆遙阻入公山不  
假築長城大賢在其間戰夫若熊虎破敵有餘閒張子  
勇且英少輕衛霍倂投軀紫髯將千里望風顏勗爾効  
才略功成衣錦還

送朱大出關

陶翰

楚客西上書十年不得意平生相知者晚節心各異長  
揖五侯門拂衣謝中貴丈夫多別離各有四方事拔劍

因高歌蕭蕭北風至故人有斗酒是夜共君醉努力長  
一作加餐當年莫相棄

送張諲入蜀

李頎

出門便爲客惘然悲徒御四海方一作唯一身茫茫欲何  
去經山復歷水百恨將千慮劍閣望梁一作州是君斷  
腸處孤雲傷客心落日感君深夢裏兼葭渚天邊橘柚  
林蜀江流不測蜀路險難尋木有相思號猿多愁苦音  
一作莫向禺山隱禺山地非近故鄉可歸來眼見芳菲  
盡

登薊丘樓送賈兵曹入都

陳子昂

古詩五言

卷十

二十三

東山宿昔意北征非我心孤負平生願感涕下沾襟暮  
登薊樓上永望燕山岑遼海方漫漫胡沙飛且深峨眉  
杳如夢似子曷由尋擊劍起歎息白日忽西沈聞君洛  
陽使因子寄南音

崔五宅送劉跋入京

李頎

行人惜寸景繫馬暫留歡昨日辭小沛何時到長安鄉  
中飲酒禮客裏行路難清洛雲鴻度故關風日寒唯將  
道可樂不念身無官生事東山遠田園芳歲闌東歸余  
謝病西去子加餐宗伯非徒爾明時正可干躬耕守貧  
賤失計在林端宿昔奉顏色慙無雙玉盤

送任五之桂林

王昌齡

楚客醉孤舟越水將引棹山爲兩鄉別月帶千里貌羈  
謫同繒綸僻幽聞虎豹桂林寒色在苦節知所効

送夏侯子之江夏

賈至

扣楫洞庭上清風千里來留歡一杯酒欲別復徘徊相  
見楚山下漁舟憶釣臺羨君還舊里歸念獨悠哉

送薛據之宋州

崔曙

無媒嗟失路有道亦乘流客處不堪別異鄉應共愁我  
生早孤賤淪落居此州風土至今憶山河皆昔遊一從

文章事

一作士

兩京春復秋君去問相識幾人今一作成白

古詩

五言

卷十

二十四

頭

送楊燕之東魯

李白

關西楊伯起漢日舊稱賢一作公族清風播人四代三

天夫子華陰居開門對玉蓮何事歷衡霍雲帆今始還

君坐稍解顏爲君歌此篇我固侯門士謬登聖主筵一

辭金華殿贈贈長江邊二子魯門東別來已經年因君

此中去不覺淚如泉

送崔氏昆季之金陵

一作秋夜崔人丈水亭送別

放

一作吳

歌倚東樓行子期曉發秋風渡江來吹落山上

月主人出美酒滅燭延清光二崔向金陵安得不盡觴

水客弄歸棹雲帆卷輕霜扁舟敬亭下五兩先飄揚峽

石入水花碧流日更長思君無歲月西笑阻河梁

魯中送二從弟赴舉之西京

一作送族弟鍾

魯客向西笑君門若夢中霜凋逐臣髮日憶明光宮復

羨二龍去才華冠世雄平衢騁高足逸翰凌長風舞袖

江西送友人之羅浮

桂水分五嶺衡山朝九疑鄉關渺安西流浪將何之素

色愁明湖秋渚晦寒姿嚙紫芝意已過黃髮期君王

縱疎散雲壑借巢夷爾去之羅浮我還愁峨眉中澗道

古詩

五言

卷十

二十五

萬里霞月遙相思如尋楚狂子瓊樹有芳枝

金鄉送韋八之西京

客自長安來還歸長安去狂風吹我心西挂咸陽樹此

情不可道此別何時遇望望不見君連山起煙霧

魯郡堯祠送吳五之瑯琊

堯沒三千歲青松古廟存送行奠桂酒拜舞清心魂日

色促歸人連歌倒芳樽馬嘶俱醉起分手更何言

送吳悅遊韶陽

孟浩然

五色憐鳳雛南飛適鷓鴣楚人不相識何處求椅梧去

去日千里茫茫天一隅安能與斥鷃決起但槍榆

送李擢遊江東

王昌齡

清洛日夜漲微風引孤舟離腸一作便千里遠夢生江

樓楚國橙橘暗吳門煙雨愁東南具今古歸望山雲秋

一作收

送李翥遊江外

岑參

相識應十載見君只一官家貧祿尚薄霜降衣仍單惆

悵秋草死蕭條芳歲闌且尋滄洲路遙指一作吳雲端

匹馬關塞遠孤舟江海寬夜眠楚煙濕曉飯湖山寒砧

淨紅鱸落袖香朱橘團帆前見禹廟枕底聞嚴灘便獲

賞心趣豈歌行路難青門須醉別少爲解征鞍

古詩 五言

卷十

二十六

送友人遊梅湖

李白

送君遊梅湖應見梅花發有使寄我來無令紅芳歇暫

行新林浦定醉金陵月莫惜一鴈書音塵坐胡越

送從叔遊襄陽

李頎

言別恨非一棄置我宗英向用五經笥今爲千里行裹

糧顧庭草羸馬詰朝鳴斗酒對寒食雜花宜晚晴春衣

采洲路夜飲南陽城客夢峴山曉漁歌江水平楚俗少

相知遠遊難稱情同人應館穀刺史在一作出郊迎只合

侍丹旌翻令辭上京時方春欲暮歎息向流鶯

送從弟蕃遊淮南

王維

讀書復騎射帶劍遊淮陰淮陰少年輩千里遠相尋高

義難自隱明時寧陸沈島夷九州外泉館三山深席帆

聊問罪卉服盡成擒歸來見天子拜爵賜黃金忽思鱸

魚膾復有滄洲心天寒蒹葭渚日落雲夢林江城下楓

葉淮上聞秋砧送歸青門外車馬去駸駸惆悵新豐樹

空餘天際禽

魯郡堯祠送張十四遊河北

李白

猛虎伏尺草雖藏難蔽身有如張公子骯髒在風塵豈

無橫腰劍屈彼淮陰人擊筑向北燕燕歌易水濱歸來

太山上當與爾爲鄰

古詩 五言

卷十

二十七

送高司直尋封閬州

杜甫

丹雀銜書來暮棲何鄉樹驛驢事天子辛苦在道路司

直非冗官荒山甚無趣借問汎舟人胡爲入雲霧與子

姻婭間既親亦有故萬里長江邊邂逅一相遇長卿消

渴再公幹沈綿屢清談慰老夫開卷得佳句時見文章

士欣然淡一作談情素伏枕聞別離疇能忍漂寓良會苦

短促谿行水奔注熊羆咆空林游子慎馳驚西謁巴中

侯艱難如跬步主人不世才先帝常特顧拔爲天軍佐

崇大王法度淮海生清風南翁尚思慕公宮造廣厦木

石乃無數初聞伐松栢猶臥天一柱我瘦一作病書不成

成字讀亦誤爲我問故人勞心練征戍

送顧八分文學適洪吉州

中郎石經後八分蓋憔悴顧侯運鑑鍾筆力破餘地昔  
在開元中韓蔡同鼎韓蔡有八分玄宗妙其書是以  
數子至御札早流傳掄揚非造次三人並入直恩澤各  
不二顧於韓蔡內辨眼工小字分日示諸王鉤深法更  
秘文學與我遊蕭疎外聲利追隨二十載浩蕩長安醉  
高歌卿相宅文翰飛省寺視我揚馬間白首不相棄驂  
騑入窮巷必脫黃金轡一論朋友難遲暮敢失墜古來  
事反覆相見橫涕泗嚮者玉珂人誰是青雲器才盡傷

古詩 五言

卷十

二十八

形體病渴汚官位故舊獨依然危時一作時危話顛躓我甘  
多病老子負憂世志胡爲困衣食顏色少稱遂遠作辛  
苦行順從衆多意舟楫無根蒂蛟鼉好爲祟况兼水賊  
繁特戒風颶駛崩騰戎馬際往往殺長吏一無此子干  
東諸侯勤勉防縱恣邦以民爲本魚餼費香餌請哀瘡  
瘼深告訴皇華使使臣精所擇進德知歷試惻隱誅求  
情固應賢愚異烈士惡苟得俊傑思自致贈子猛虎行  
出郊載酸鼻

送張秀才謁高中丞

序曰余時尋常易識中正諸侯傳秀才張孟熊臨湖之策將之廣陵謁高中丞余嘉子李白房之風感激於斯人作詩送之

秦帝淪玉鏡一作六雄滅金虎留侯降氛氲感激黃石老經過

滄海君壯士揮金槌報讐六國一作合聞智勇冠終古蕭

陳難與羣兩龍爭關時天地動風雲酒酣一作縱橫舞長劍

倉卒解漢紛宇宙初倒懸鴻溝勢將分夫子稱卓絕超

然繼清芬一作英謀信奇絕夫子揚清芬胡月入紫微三光亂天文高

公鎮淮海談笑却一作廓妖氛採爾幕中畫一作振雄略戡

難光殊勲我無燕霜感玉石俱燒焚但灑一行淚臨岐

竟何云

送蔡母三謁房給事

李頎

夫子大名下家無鍾石儲惜哉湖海上曾校蓬萊書外

古詩 五言

卷十

二十九

物非本意此生空澹如所思但乘興遠適唯單車高道  
時坎珂故交願吹噓徒言青瑣闥不愛承明廬百里人  
戶滿片言爭訟疎手持蓮花經目送飛鳥餘晚景南路  
別炎雲中伏初此行儻不遂歸食蘆洲魚

送虞城劉明府謁魏郡苗太守

高適

天官蒼生望出入承明廬肅肅領舊藩皇皇降璽書茂  
宰多感激良將復吹噓永懷一言合誰謂千里疎對酒  
忽命駕茲情何起予炎天晝如火極目無行車長路出  
雷澤浮雲歸孟諸魏郡十萬家歌鐘喧里閭傳道賢君  
至閉關常晏如君將挹高論定是問樵漁今日逢明聖

吾爲陶隱居

送殿中楊監赴蜀見相公

杜甫

去水絕還波洩雲無定姿人生在世間聚散亦暫時離  
別重相逢偶然豈足期送子清秋暮風動長年悲  
豪俊貴勲業邦家頻出師相公鎮梁益軍事無子遺解  
楊再見今用才復擇誰況子已高位爲郡得固辭難拒  
供給費慎哀漁奪私干戈未甚息紀綱正所持汎舟巨  
石橫登陸草露滋山門日易久當念居者思

送蕭十八與房侍御迴還

高適

常苦悲

古人遠今見斯人古澹泊遺聲華周旋必邪

古詩五言

卷十

三十

魯故交在梁宋遊方出庭戶匹馬鳴朔風一身濟河游  
辛勤采蘭詠欵曲翰林主歲月催別離庭闈遠風土寥  
寥寒煙靜莽莽夕陰吐一作雲明發不在茲青天眇難覩

送劉脊虛歸取宏詞解

王昌齡

太清聞海鶴遊子引鄉舄聲隨羽儀遠勢與歸雲便青  
桂春再榮白雲暮來變遷飛在禮儀豈復淚如霰

送張秘書充劉相公通汴河判官便赴江外覲省

岑參

前年見君時見君正泥蟠去年見君處見君已風搏朝  
趨赤墀前高視青雲端新登麒麟閣適脫解豸冠劉公

領舟楫汴水揚波瀾萬里江海通九州天地寬昨夜動  
使星今旦送征鞍老親在吳郡令弟雙同官鱸膾刺堪  
憶尊羹殊可餐既參幕中畫復展膝下歡因送故人行  
試歌行路難何處路最難最難在長安長安多權貴珂  
珮聲珊珊儒生直如弦權貴不須干斗酒取一醉孤琴  
爲君彈臨岐欲有贈持以一作此握中蘭

送許拾遺恩歸江寧拜親

詔書下青瑣駟馬還吳洲東帛仍賜衣恩波漲滄流微  
祿將及親向家非遠遊看君五斗米不謝萬戶侯適出  
西掖垣如到南徐州歸心望海日鄉雲登江樓大江盤  
金陵諸山橫石頭楓樹隱茅屋橘林繁漁舟種藥疏故  
畦釣魚垂舊釣對月京口夕觀濤海門秋天子憐諫官  
論事不可一作肯休早來丹墀下高駕無淹留

送人赴軍一作送別出塞

陳子昂

平生聞高義書劍百夫雄言登青雲去非此白頭翁胡  
兵屯塞下漢騎屬一作入雲中君爲白馬將腰佩驛角弓  
單于不敢射天子佇深功蜀山余方隱良會何時同

送陳七赴西軍

孟浩然

吾觀非常者碌碌在目前君負鴻鵠志蹉跎書劍年一  
聞邊烽動萬里忽爭先余亦赴京國何當獻凱還

送張秀才從軍

李白

六駁食猛虎恥從驚馬群一朝長鳴去矯若龍行雲壯  
士懷遠略志存解世紛周粟猶不顧齊珪安肯分抱劍  
辭高堂將投崔冠軍長策掃河洛寧親歸汝墳當令千  
古後麟閣著奇勲

送薛九被讒去魯

宋人不辨玉魯賤東家丘我笑薛一作而夫子胡為兩

地遊黃金銷衆口白璧竟難投梧桐生蔕藜綠竹乏佳

實鳳凰宿誰家遂一作與群雞匹田家養老馬窮士歸

其門蛾眉笑楚者賓客去平原却斬美人首三千還駿

古詩五言 卷十 三十二

奔毛公一挺劍楚趙兩相存孟嘗習一作狡兔三窟賴

馮諼信陵奪兵符為用侯生言一作朱生擊符春申一

何愚刎首為李園賢哉四公子撫掌黃泉裏借問笑何

人笑人不好士爾去且勿論一作桃李竟何言沙丘無

漂母誰肯飯王孫

送郝昂謫巴中

瑤草寒不死移植滄江濱東風灑雨露會入天地一作池

春余若洞庭葉隨波送逐臣思歸未可得書此謝情人

洞庭送絳州呂使君杲流豐州

辭後作

昔別若夢中天涯忽相逢洞庭破秋月縱酒開愁容贈

劍刻玉宇延平兩蛟龍送君不盡意書及鴈迴峯

送不蒙都護兼鴻臚卿歸安西

奉和王維聖製

上卿增服命都護揚歸旆雜虜盡朝周諸胡皆自創鳴  
笳瀚海曲按節陽關外落日下河源寒山靜秋塞萬方  
氛稜息六合乾坤泰一作無戰是天心天心同覆載

送綦毋秘書棄官還江東

明時久不達棄置與君同天命無怨色人生有素風念  
君拂衣去四海將安窮秋天萬里淨日暮澄江空清夜  
何悠悠扣舷明月中和光魚鳥際澹爾兼葭叢無庸客  
昭世衰餐日一作如蓬頑疎暗人事僻陋遠天聰微物

古詩五言 卷十 三十三

縱可采其誰為至公余亦從此去歸耕為老農

奉餞任城六父秩滿歸京

李白

龍虎謝鞭策鷗鷺不司晨君看海上鶴何似籠中鷄獨  
用天地心浮雲乃吾身雖將簪組狎若與煙霞親季父  
有英風白眉超常倫一官即夢寐脫屣歸西秦竇公敞  
華筵墨客盡來臻燕歌落胡鴈郢曲迴陽春征馬百度  
嘶遊車動行塵躊躇未忍去戀此四座人餞離駐高駕  
惜別空殷勤何時竹林下更與步兵隣

送永壽王贊府還歸縣

得蟬字送

岑參

當官接閒暇暫得歸林泉百里路不宿兩鄉山復連夜

深露濕簾月出風驚蟬且盡主人酒爲君從醉眠

送耿副使歸長沙

賈至

畫舸欲南歸江亭且留宴日暮湖上雲蕭蕭若流霞昨夜相知者明發不可見惆悵西北風高帆爲誰扇

送率府程錄事還鄉

杜甫

鄙夫行衰謝抱病晷安集常時往還人記一不識十程侯晚相遇與語才傑立薰然耳目開頗覺聰明入千載得鮑叔末契有所及意鍾老柏青義動修蛇蟄若人可數見慰我垂白泣告一作生別無淹晷百憂復相襲內愧突不黔庶羞以賜給素絲鞶長魚碧酒隨玉粒途窮見

古詩

五言

卷十

三十四

交態世梗悲路澀東風吹春水決莽后土濕念君惜羽

翮既醉更思戢莫作翻雲鵲聞呼向禽急

送綦母潛落第還鄉

王維

聖代無隱者英靈盡來歸遂令東山客不得顧采薇既至君一作金門遠孰云吾道非江淮度寒食京洛縫春衣

置酒臨長道同心與我違行當浮桂棹未幾拂荆扉遠樹帶行客孤城一作村當落暉吾謀適不用勿謂知音稀

送于十八應四子舉落第還嵩山

李白

吾祖吹簫籥天人信森羅歸根復太素群動熙元和炎災四真人擗辯若濤波交流無時寂楊墨日成科夫子

聞洛誦誇才才故多爲金好踴躍久客方蹉跎道可東一作東賣之五寶溢山河勸君還嵩丘開酌眄庭柯三花如未落乘興一來過

送岑徵君歸鳴皋山

岑公相門子雅望歸安石奕世皆嚶龍中台竟一作有三

拆至人達機兆高揖九州伯奈何天地間而作隱淪客貴道能一作皆全真潛輝臥幽鱗探元一作玄入官默觀化

遊無垠光武有天下嚴陵爲故人雖登洛陽殿不屈巢由身余亦謝明主今稱偃蹇臣登高覽萬古思與廣成

鄰蹈海寧受賞還山非問津西來一作終期一搖扇共拂元

古詩

五言

卷十

三十五

規塵

送范山人歸太山

魯客抱白雞一作鸛別余往泰山初行若片雪一作雲杳在

青屋間高高至天門海日一作日觀近可攀雲山望不及此

去何時還

送楊山人歸天台

客有思天台東行路超忽濤落浙江秋沙明浦陽月今

遊方厭楚昨夢先歸越且盡秉燭歡無辭凌晨發我家小阮賢剖竹赤城邊詩人多見重官燭未曾然興引登

山屐情催泛海船石橋如可度攜手弄雲煙



送王屋山人魏萬還王屋

序曰見王屋山人魏萬計程三千里相訪不遇因下江東尋諸名山往復百越後於廣陵一面遂乘興共過金陵此公愛奇好古獨出物表因述其行李有此詩

仙人東方生浩蕩弄雲海沛然乘天遊獨往失所在

東方不辭家獨訪紫泥海時人少相逢往往失所在魏侯繼大名本家聊攝城卷

舒入元化一作仙隱跡與古賢并十三弄文史揮筆如振

綺辭折田巴生心齊魯連子西涉清洛源頗驚人世喧

采秀臥王屋因窺洞天門竭來遊嵩峯羽客何雙雙朝

攜月光子暮宿玉女牕鬼谷上窈窕龍潭下奔淥東浮

汴河水訪我三千里逸興滿吳雲飄飄浙江汜揮手杭

古詩五言 卷十 三十六

越間樟亭望潮還濤捲海門石雲橫天際山白馬走素

車雷奔駭心顏遙聞會稽美且度一作弄耶谿水萬壑與

千巖崢嶸鏡湖裏秀色不可名清輝滿江城人遊月邊

去舟在空中行此中久延佇入剡尋王許笑讀曹娥碑

沈吟黃絹語天台連四明日入向國清五峯轉月色百

里行松聲靈谿恣沿越華頂殊超忽石梁橫青天側足

履半月眷然思永嘉不憚海路賒挂席歷海嶠迴瞻赤

城霞赤城漸微沒孤嶼前曉兀水續萬古流亭空千霜

一作月月縉雲川谷難石門最可觀瀑布挂北斗莫窮此

水端噴壁灑素雪空濛生畫寒却尋惡谿去寧懼惡谿

惡咆哮七十灘水石相噴薄路創李北海嚴開謝康樂

松風和猿聲搜索連洞壑徑出一作岸接梅花橋雙谿納歸

潮落帆金華岸赤松若可招沈約八詠樓城西孤岩崑

崑崙四荒外曠望群川會雲卷天地開波連浙西大亂

流新安口北指嚴光瀨釣臺碧雲中邈與蒼梧一作嶺對

稍稍來吳都徘徊上姑蘇煙絲橫九疑潏蕩見五湖目

極心更遠悲歌但長吁迴繞楚江濱揮策楊子津身著

日本裘昂藏出風塵五月造我語知非僂僂人相逢樂

無限水石日在眼徒干五諸侯不致百一作千金產吾友

楊子雲絃歌播清芬雖為江寧宰好與山公群乘興但

古詩五言 卷十 三十七

一行且知我愛君君來幾何時仙臺應有期東臆綠玉

樹定長三五枝至今天壇人當笑爾歸遲我苦昔遠別

茫然使心悲黃河若不斷白首長相思

酬李翰林 魏萬

君抱碧海珠我懷藍田玉各稱希代寶萬里遙相燭長

卿慕蘭久子猷意已深平生風雲人暗合江海心去秋

忽乘興命駕來東土謫仙遊梁園愛子在鄒魯二處一

不見拂衣向江東五兩挂海日扁舟隨長風南遊吳越

徧高揖二千石雪上天台山春逢翰林伯宣父敬項橐

林宗重黃生一長復一少相看如弟兄惕然意不盡更

逐西南去同舟入秦淮建業龍盤處楚歌對吳酒借問  
承恩初宮買長門賦天迎駟馬車才高世難容道廢可  
推命安石重攜妓子房空謝病金陵百萬戶六代帝王  
都虎石據西江鍾山臨北湖二山信爲美王屋人相待  
應爲岐路多不知歲寒在君遊早晚還勿久風塵間此  
別未遠別秋期到仙山

送張五歸山

王維

送君盡惆悵復送何人歸幾日同攜手一朝先拂衣東  
山有茅屋幸爲掃荆扉當亦謝官去豈令心事違

送裴十八圖南歸嵩山

李白

古詩

卷十

三十八

何處可爲別長安青綺門胡姬招素手延客醉金  
樽臨當上馬時我獨與君言風吹芳蘭折日  
沒烏雀喧舉手指飛鴻此情難具論同歸無早晚  
賴水有清源

君思賴水綠忽復歸嵩岑歸時莫洗耳爲我洗其心洗  
心得真情洗耳徒費名謝公終一起相與濟蒼生

送韓準裴政孔巢父還山

獵客張兕豕不能挂龍虎所以青雲人高歌在巖  
戶韓生信英彥裴子含清真孔侯復秀出俱與雲霞親  
峻節凌遠松同衾臥磐石斧冰漱寒泉三子同傳

履時時或乘興去去往雲無心出山揖牧伯長嘯聲

衣簪昨宵夢裏還云弄竹谿月今晨魯東門悵飲與君

別雪崖滑去馬難徑迷歸人相思若煙草歷亂無冬春

魯城北郭曲腰桑下送張子還嵩陽

送別枯桑下凋葉落半空我行憊道遠爾獨知天風誰  
念張仲蔚還依蒿與蓬何時一杯酒更與李膺同

送薛文學歸海東

劉昫

何處歸且遠送君東悠悠滄溟千萬里日夜一孤舟曠  
望絕國所微茫天際愁有時近仙境不定若夢遊或見  
青色古孤山百里秋前心方杳眇此路獨夷猶難別惜

古詩

卷十

三十九

吾道風波敬皇休春浮花氣遠思逐海水流日暮驪歌  
後永懷空滄洲

送高道弟耽歸臨淮

王維

少年客淮泗落魄居下邳遨遊向燕趙結客過臨淄山  
東諸侯國迎送紛交馳自爾厭游俠閉戶方垂帷深明  
戴家禮頗學毛公詩備知經濟道高臥陶唐時聖主詔  
天下賢人不得遺公吏奉繡組安車去茅茨君王蒼龍  
闕九門十二連羣公朝謁罷冠劍下丹墀野鶴終踉蹌  
威鳳徒參差或問理人術但致還山詞天書降北闕賜  
帛歸東菑都門謝親故行路日逶迤孤帆萬里外

森漫將何之江天海陵郡雲日淮南祠杳冥滄洲上蕩  
漾無人知緯蕭或賣藥出處安能期

送祁樂歸河東

岑參

祁樂從來秀挺身出河東往年詣驪山獻賦溫泉宮天  
子不召見揮鞭遂從戎前月還長安囊中金已空有時  
忽乘興畫出江上峯牀頭蒼梧雲簾下天台松忽如高  
堂上颯颯生清風一作聞江五月火雲屯氣燒天地紅鳥且  
不敢飛子行如轉蓬少華與首陽隔河勢爭雄新月河  
上出清光滿關中置酒灞亭別高歌披心胷君到故山  
時爲謝五侯一作謝老翁

古詩

卷十

四十

送薛弁歸河東

薛侯故鄉處五老峰西頭歸路秦樹滅到鄉河水流看  
君馬首去滿耳蟬聲愁獻賦今未售讀書凡幾秋應過  
伯夷廟爲上關城樓樓上能相憶西南指雍州

同王昌齡送族弟襄歸桂陽

一作同崔國輔送李舟歸郴州

李白

秦地見碧草楚語對清樽把酒爾何思鵲鳴啼南園余  
亦一作欲羅浮隱猶懷明主恩躊躇紫宮戀孤一作負滄  
洲言終然無心雲海上同飛翻相期乃不淺幽桂有一作  
根一作雜芳蓀

送崔度還吳

度故人禮部員外輔國之子

幽燕沙雪地萬里盡黃雲朝吹歸秋鴈南飛日幾羣中  
有孤鳳雛哀鳴九天聞我乃重此鳥綵章五色分胡爲  
雜凡禽雞鶩輕賤君舉手捧爾足疾心若火焚拂羽淚  
滿面送之吳江濱去影忽不見躊躇日將曛

送人還吳

沈頌

人心不忘鄉矧余客已久送君江南去秋醉洛陽酒贈  
言幽徑蘭別思河堤柳征帆暮風急望望空延首

送金文學還日東

君家東海東君去因秋風漫漫指鄉路悠悠如夢中煙

古詩

卷十

四十一

霧積孤島波濤連大空冒險當不懼皇恩措爾躬

送溫處士歸黃山白鷺峯舊居

李白

黃山四千仞三十二蓮峯丹崖夾石柱菡萏金芙蓉伊  
昔昇絕頂下窺天目松仙人鍊玉處羽化留餘蹤亦聞  
溫伯雪獨往今相逢采秀辭五嶽攀巖歷萬重歸休白  
鷺嶺渴飲丹沙井鳳吹我時來雲車爾當整去去陵陽  
東行行芳桂叢迴谿十六度碧嶂盡晴空他日還相訪  
乘橋躡彩虹

送鄭興宗弟歸扶風別廬

岑參

佐郡已三載豈能長後時出關少親友賴汝常相隨今

且忽言別愴然俱淚垂平生滄洲意獨有青山知州縣  
不敢說雲霄誰敢期因懷東谿老最憶南峯縉爲我多  
種藥還山應未遲

送六舅歸陸渾別業

王維

伯舅吏淮泗卓魯方喟然悠哉自不競退耕東臯田條  
桑臘月下種杏春風前酌醴賦歸去共知陶令賢

送從弟邕下第後尋會稽

孟浩然

疾風吹征帆倏爾向空沒千里在一作去俄頃三江坐超

忽向來共歡娛日夕成楚越落羽更分飛誰能不驚骨

送趙六貞固

宋之問

古詩 五言

卷十

四十二

目斷南浦雲心醉東郊柳怨別此何時一作青芳來已

久與君共時物盡此盈樽酒始願今不從春風戀攜手

送權二

王維

高人不可友清論復何深一見如舊識一言知道心明

時當薄宦解薛去中林芳草空隱處白雲餘故岑韓侯

久攜手河嶽共幽尋悵別千餘里臨堂鳴素琴

送周十一

儲光義

秋風墮羣木衆草下嚴霜復問子何如自言之帝鄉豈  
無親所愛將欲濟時康握手別征駕返悲岐路長

送劉四

李頎

愛君少岐嶷高視白雲鄉九歲能屬文謁帝遊明光奉  
詔赤墀下拜爲童子郎爾來屢遷易三度尉洛陽洛陽  
十二門官寺鬱相望青槐羅四面淥水貫中央聽訟破  
秋毫應物利干將辭滿如脫屣立言無否臧歲暮風雪  
暗秦中川路長行人飲臘酒立馬帶晨霜生事豈須問  
故園寒草荒從今署右職莫笑在農桑

送王昌齡

潛水東去遠送君多暮情淹留野寺出向背孤山明前

望數千里中無蒲稗生夕陽滿舟楫但愛微波清舉酒

林月上解衣沙鳥鳴夜來蓮花界夢裏金陵城歎息此

古詩 五言

卷十

四十三

離別悠悠江海行

送裴騰

養德爲衆許森然此丈夫放情白雲外爽氣連虬鬚衡

鏡合知子公心誰謂無還今不得意單馬逐長驅桑野

蠶忙時憐君久踟躕新晴荷卷葉孟夏雉將雛今弟爲

縣尹高城汾水隅相將簿領閒倚望松峯孤香露溥百

草紫梨分萬株歸來授衣假莫使故園蕪

送韓九

高適

惆悵別離日徘徊岐路前歸人望獨樹匹馬隨一作秋

蟬常與天下士許君兄弟賢良時正可用行矣莫徒然

送汪倫

劉復

春江日未曛，楚客酣送君。  
翩翩孤黃鶴，萬里滄洲雲。  
四方各有志，豈得常顧羣。  
山連巴湘遠，水與荆吳分。  
清光日修阻，尺素安可論。  
相思寄夢寐，瑤草空氛氲。

送陸擢

常建

聖代多才俊，一作秀陸生何考槃。  
南山高松樹，不合空摧殘。  
九月湖上別，北風秋雨寒。  
殷勤歡孤鳳，早食金琅玕。

送蔡山人

李白

我本不棄世，世人自棄我。  
一乘無倪舟，八極縱遠柂。  
燕客期躍馬，唐生安敢譏。  
采珠勿驚龍，大道可暗歸。  
故山

古詩

卷十

四十四

有松月遲爾，翫清暉。

五松山送殷淑

秀色發江左，風流奈若何。  
仲文了不還，獨立揚清波。  
載酒五松山，頽然白雲歌。  
中天度落月，萬里遙相過。  
撫酒惜此月，流光畏蹉跎。  
明日別離去，連峯鬱嵯峨。

瓜州新河餞族叔舍人賁

齊公鑿新河，萬古流不絕。  
豐功利生人，天地同朽滅。  
兩橋對雙閣，芳樹有行列。  
愛此如甘棠，誰云敢攀折。  
吳關倚北固，天險自茲設。  
海水落斗門，潮平見沙汭。  
我行送季父，弭棹徒流悅。  
楊花滿江來，疑是隴上雪。  
一作隴山惜此

林一作下興愴爲山陽別，瞻望清路塵歸來空寂蔑。

涇川送族弟錚

涇川三百里，若耶羞見之。  
錦石照碧山，兩邊白鷺鷥。  
佳境千萬曲，客行無歇時。  
上有琴高水，下有陵陽祠。  
仙人不見我，明月空相知。  
問我何事來，盧敖結幽期。  
蓬山振雄筆，繡服揮清詞。  
江湖發秀色，草木含榮滋。  
置酒送惠連，吾家稱白眉。  
愧無海嶠作，敢闕河梁詩。  
見爾復幾朝，俄然告將離。  
中流漾彩鷁，列岸叢金羈。  
歎息蒼梧鳳，分棲瓊樹枝。  
清晨各飛去，飄落天南垂。  
望極落日盡，秋深暝猿悲。  
寄情與流水，但有長相思。

古詩

卷十

四十五

齊州送祖三

一作河上送趙仙舟

王維

相逢方一笑，相送還成泣。  
祖帳已傷離，荒城復愁入。  
天寒遠山淨，日暮長河急。  
解纜君已遙，望君猶佇立。  
宋中送族姪式顏

二首時張大夫貶桂州使人召式顏遂有此作

高適

大夫擊東胡，胡塵不敢起。  
胡人山下哭，胡馬海邊死。  
部曲盡公侯，輿臺亦朱紫。  
當時有勲業，末路遭讒毀。  
轉旆燕趙間，剖符蒼裏弟。  
兄莫相見親，族遠粉梓不改青。  
雲心仍招布衣士，平生懷感激。  
本欲候知己，去矣難重陳。  
飄然自茲始，遊梁且未遇。  
適越今何以，鄉山西北愁。

竹箭東南美崢嶸，縉雲外蒼莽幾千里。旅鴈悲啾啾，朝昏執云已。登臨多瘴癘，動息在風水。雖有賢主人，終爲客行子。我攜一尊酒，滿酌聊勸爾。勸爾惟一言：家聲勿淪滓。

惜君才未遇愛君才，若此世上五百年。吾家一千里，俱遊帝城下。忽在梁園裏，我今行山東。雖憂不能已。

江夏祖友人

李白

雪點翠雲裏，送君黃鶴樓。黃鶴振玉羽，西飛帝王州。鳳無琅玕實，何以贈遠遊。徘徊相顧影，淚下漢江流。

魯郡東石門送杜二甫

古詩

五言

卷十

四十六

醉別復幾日，登臨徧池臺。何時石門下，一作重有金樽開秋波落泗水。海色明徂徠，飛蓬各自遠。且盡林

中杯

竹亭送姪偁

楊衡

落葉寒擁壁，清霜夜霑石。正是憶山時，復送歸山客。殷勤一樽酒，曉月當牕白。

送辛大之鄂渚不及

孟浩然

送君不相見，日暮獨愁緒。江上空一作入徘徊，天邊迷處所。郡邑經樊鄧，山河

延佇

送許子擢第歸江寧拜親因寄王大昌齡

岑參

建業控京口，金陵欽滄溟。君家臨秦淮，倚對石頭城。十年自勤學，一鼓遊上京。青春登甲科，動地聞香名。解榻

皆五侯，結交盡羣一作時英。六月槐花飛，忽思尊榮榮。羨跨

馬出國門，丹陽返柴荆。楚雲引歸帆，淮水浮客程。到家

拜親時，入門有光榮。鄉人盡來賀，置酒相邀迎。閒眺北

顧一作登江樓醉眠湖上亭，月從海門出，照見茅山青。

昔爲帝王州，今幸天下一作下平。五朝變人世，千載空江聲。玄元告靈符，丹洞獲其銘。皇帝受玉冊，羣臣羅天庭。

古詩

五言

卷十

四十七

喜氣薄太陽，祥光徹宵冥。奔走朝萬國，崩騰集百靈。王兄尚謫宦，屢見秋雲生。孤城帶後湖，心與湖水清。一縣無諍辭，有時開道經。黃鶴垂兩翅，徘徊但悲鳴。相思不可見，空望牛女星。

送陳兼應辟兼寄高適賈至

獨孤及

結綠處燕石，卞和不必知。所以王佐才，未能忘茅茨。罷官梁山外，獲稻楚水湄。適會傳巖人，虛舟濟川時。天網忽搖頓，公才難棄遺。鳳翔千仞今，始一鳴岐上。馬指國門舉，鞭謝書帷預。知大人賦掩却歸來詞，天子方在宥。朝廷張四維，料君能獻可。努力副疇咨，舊友滿皇州。

高冠飛翠綦相逢絳闕下應道軒車遲高侯秉戎翰策  
馬觀西夷方從幕中事參謀王者師賈生去洛陽焜燿  
琳琅姿芳名動北步逸韻凌南皮肅肅舉鴻毛氷然順  
風吹波流有同異由是限別離漢塞隔隴底秦川連鎬  
池白雲日夜滿道里安可思夢想浩盈積物華愁變衰  
因君附錯刀送遠益淒其四海各橫絕九霄應易期不  
知故巢燕決起棲何枝

送韓平兼寄郭微

劉脊虛

上客夜相過小童能酤酒卽爲臨水處正值歸鴈後前  
路望鄉山一作近家見門柳到時春未暮風景自應有

古詩

卷十

四十八

余憶東州一作周人經年別來久殷勤爲傳語日夕念攜  
手兼問前寄書書中復達否

送丁大鳳進士赴舉呈張九齡

孟浩然

吾觀鵠鶴賦君負王佐才惜無金張援十上空歸來葉  
置鄉園老翻飛羽翼摧故人今在位岐路莫遲迴

送楊諫議赴河西節度判官兼呈韓王二侍御

熊曜

賢哉征西將幕府多俊人籌議秉刀尺話言在經綸先  
鞭美之子走馬辭咸秦庭論許名實數公當卽眞行行  
弄文翰婉婉光使臣今者所從誰不聞歌苦辛黃雲滿

關道白日驚沙塵虜寇有時獵漢兵行一作復一作巡

武威送劉單判官赴安西行營便呈高開府

岑參

熱海亘鐵門火山赫金方白草磨天涯胡沙莽茫茫夫  
子佐戎幕其鋒利如霜中歲學兵符不能守文章功業  
須及時立身有行藏男兒感忠義萬里忘越鄉孟夏邊  
候遲胡國草木長馬疾過飛鳥天窮超夕陽都護新出  
師五月發軍裝甲兵二百萬錯落黃金光揚旗拂崑崙  
伐鼓震蒲昌太白引官軍天威臨大荒西望雲似蛇戎

古詩

卷十

四十九

夷知喪亡渾驅大宛馬繫取樓蘭王曾到交河城風土  
斷人腸寒驛遠如點邊烽互相望亦亭冬颼風鼓怒不  
可當有時無人行沙石亂飄揚夜靜天蕭條鬼哭夾道  
傍地上多觸轡皆是古戰場置酒高節夕邊城月蒼蒼  
軍中宰肥牛堂上羅羽觴紅淚金燭艷嬌歌豔新妝望  
君仰青冥短翮難可翔蒼然西郊道握手何慨慷

餞別

沈佺期

任子徇遐祿結友開舊襟斟酌輟行歎指途勤遠心秋  
晶一作澄迴望霽色肅明林暖然清軒幕暮思非所任

送別

王維



下馬飲君酒問君何所之君言不得意歸臥南山陲但  
去莫復問白雲無盡時

送別

賈邑

子欲適東周門人盈岐路高標信難仰薄宦非始務綿  
邈幾重途徘徊四郊暮征車日云遠撫已慙深顧

奉別長史庾公太守徐公應召

儲光義

烈風起江漢白浪忽如山方伯驟勤王杞人亦憂天鄴  
鎬頃霾晦雲龍召我賢車騎北艱苦舡艫西泝沿水靈  
靜湍瀨猛獸趨後先龍樓開新陽萬里出雲間宇宙旣  
焜耀崇德濟巨川受命在神宗振兵猶軒轅煌煌踰涿

古詩

卷十

五十

鹿穆穆更坤元明王朝太階遠邇望嘉言遊子淡何思

江湖將永年

別侍御嚴挺

沈佺期

七澤雲夢林三湘洞庭水自古傳剽俗有時通惡子今  
君出使車行邁方靡靡靜言芟枳棘慎勿傷蘭芷

別蔡十四著作

杜甫

賈生慟哭後寥落無其人安知蔡夫子高義邁等倫獻  
書謁皇帝志已清風塵流涕灑丹極萬乘爲酸辛天地  
則瘡痍朝廷多正臣異才復間出周道日惟新使蜀見  
知已別顏始一伸主人薨城府扶輦歸咸秦已道此相

逢會我病江濱憶念鳳翔都聚散俄十春我衰不足道  
但願子意陳稍令社稷安自契魚水親我雖消渴甚敢  
忘帝力勤尚思未朽骨復覩耕桑民積水駕三峽浮龍  
倚長津揚舲洪濤間仗子濟物身鞍馬下秦塞王城通  
北辰玄甲聚不散兵久食恐貧窮谷無粟帛使者來相  
因若憑南轅使一作吏書札到天垠

別韋少府

李白

西出蒼龍門南登白鹿原欲尋商山皓猶戀漢皇恩水  
國遠行邁仙經深討論洗心向谿一作秋月清耳敬亭猿  
築室在人境閉關無世喧多君枉高駕贈我以微言交

古詩

卷十

五十一

乃意氣合道因風雅存別離有相思瑤瑟與金樽

別耿都尉

高適

四十能學劍時人無此心如何耿夫子感激投知音翻  
翻白馬來二月青草深別易小千里興酣傾百金

別張十三建封湖南觀察使韋之晉辟參謀

建封劉文

靜外曾孫也

杜甫

嘗讀唐實錄國家草昧初劉裴首建議龍見尚躊躇秦  
王撥亂安一劍總兵符汾晉爲豐沛暴隋竟滌除宗臣  
則廟食後嗣一作祀何疎蕪彭城英雄種宜膺將相圖爾  
惟外曾孫偶儻汗血駒眼中萬少年用意盡崎嶇相逢



我衰涕唾煩重問子何之西上岷江源願子少干謁蜀  
都足戎軒誤失將帥意不如親故恩少年早歸來梅花  
已飛翻努力慎風水豈惟數盤飧猛虎臥在岸蛟螭出  
無痕王子自愛惜老夫困石根生別古所嗟發聲爲爾  
吞

夜別張五

李白

吾多張公子別酌酣高堂聽歌舞銀燭把酒輕羅霜橫  
笛弄秋月琵琶彈陌桑龍泉解錦帶爲爾傾千觴

山中別龐十

王昌齡

幽娟一作陰松篠徑月出寒蟬鳴散髮臥其下誰知孤隱

古詩

卷十

五十四

情吟時白一作碧雲合釣處一作罷玄潭清瓊樹方杳靄鳳

兮保其貞

江上別流人

孟浩然

以我越鄉客逢君謫居者分飛黃鶴樓流落一作蒼梧

野驛使乘雲去征帆沿溜下不知從此分還袂何時把

淇上別劉少府子英

高適

近來住淇上蕭條惟空林又非耕種時閒散多自任伊  
君獨知我驅馬欲招尋千里忽攜手十年同苦心求仁  
見交態於道喜甘臨逸思乃天縱微才應陸沈飄然歸  
故鄉不復問離襟南登黎陽渡莽蒼寒雲陰桑葉原上

起河凌山下深途窮更遠別相對益一作悲吟

連上別王秀才

飄飄經遠道客思滿窮秋浩蕩對長連君行殊未休崎  
嶇山海側想像無前儔何意一作豈謂照乘珠忽然欲暗投  
東路方蕭條楚歌復悲愁暮帆使人感去鳥兼離憂行  
矣當自愛壯年莫悠悠余亦從此辭異鄉難久留贈言  
豈終極慎勿滯滄洲

宋中別周梁李三子

曾是不得意適來兼別離如何一樽酒翻作滿堂悲周  
子負高價梁生多逸詞周旋梁宋間感激建安時白雪

古詩

卷十

五十五

正如此青雲無自疑李侯懷英雄骯髒乃天資方寸且  
無間衣冠當在斯俱爲千里遊忽念兩鄉辭且見壯心  
在莫嗟攜手遲涼風吹北原落日滿西陂露下草初白  
天長雲屢滋我心不可問一作得君去一作今定何之京洛  
多知已誰能憶左思

宋中別李八

歲晏誰不歸君歸意可說將趨倚門望還念同人別駐  
馬臨長亭飄然事明發蒼茫眺千里正值苦寒節舊國  
多轉蓬平臺下明月世情薄疵賤夫子懷賢哲行矣各  
勉旃吾當挹餘烈

巴陵別劉處士 東齋作

王昌齡

劉生隱岳陽心遠洞庭水偃帆入山郭一宿楚雲裏竹  
映秋館深月寒江風一作門起烟波桂陽接日夕數千里  
娟娟清夜猿孤舟坐一作哭如此湘中有來鴈雨雪候音  
旨

岳陽別李十七越賓

相逢楚水寒舟在洞庭驛具陳江波事不異淪棄跡杉  
上秋雨聲悲切兼葭夕彈琴收餘響來送千里客平明  
孤帆心歲晚濟代策時在身未充瀟湘不盈畫湖小洲  
渚聯澹淡煙景碧魚鼈自有性龜龍無能易譴黜同所  
古詩 五言 卷十 五十六

安風土任所適閉門觀玄化攜手遺損益

魏郡別蘇明府

李白

魏都接燕趙美女誇芙蓉淇水流碧玉舟車日奔衝青  
樓夾兩岸萬室喧歌鐘天下稱豪貴一作遊此一作每  
相逢洛陽蘇季子劍戟森詞鋒六印雖未佩一作說秦  
軒車若飛龍黃金數百鎰白璧有幾雙散盡空掉臂高  
歌賦還叩一此下有合從又連乃如此何人  
不相從遠別隔兩河雲山杳千重一作天何時更杯酒  
再得論心賀

穎陽別元丹丘

吾將元夫子異姓爲天倫本無軒裳契素以煙霞親嘗  
恨迫世網銘意俱未伸松柏雖寒苦羞逐桃李春悠悠  
市朝間玉顏日緇磷所共重山嶽所得輕埃塵精魄漸  
蕪穢衰老相憑因我有錦囊訣可以持君身當餐黃金  
藥去爲紫陽賓萬事難並立百年猶崇晨別爾東南去  
悠悠多悲辛前志庶不易遠途期所遵已矣歸去來白  
雲飛天津

出三城別幕中三判官

劉復

翔禽託高柯倦客念主人恩義有所知四海同一身況  
皆曠代姿翰音及良辰陳規佐武略高枕掾要津常願  
古詩 五言 卷十 五十七

投素誠今果得所申金罍列四座廣廈無氛塵留連徂  
暑中觀望歷數旬河山險以固士卒勇且仁飾裝去未  
歸相追越城闔貴無青玉案緘佩永不泯

舟中別武金壇

儲光義

曰子輕皎潔坦率賓混元忽乃異羣萃高歌信陵門信  
陵好賓客清夜開華軒月光麗池閣野氣浮林園偶坐  
爛明星歸心潛崩奔淥舟清潭裏慰我別離魂落日下  
西山左右慘無言蕭條風雨散宵靄江湖昏秋荷尚幽  
鬱暮鳥復翩翻紙筆亦何爲寫我心中寬

秋日魯郡堯祠亭上宴別杜補闕范侍御

李白

我覺秋興逸誰云秋興悲山將落日去水與晴空宜魯  
酒白玉壺送行駐金羈歇一作鞍越古木解帶挂橫枝  
歌鼓川上亭曲度神飈吹客東轉見齊源清波忽瀟瀟  
白雪紛遙迤一隔范杜雲歸碧海夕鴈沒青天時相失  
遊此歡忽若遺六句各萬里茫然空爾思

入朝別張燕公

梁知微

華容佳山水之子厭承明符竹紆小郡江湖被德聲三  
年計吏入路指巴丘城鳧舟纔結纜騶駕已相迎別離  
他鄉酒委曲故人情孤嶼早煙薄長波晚氣清辛勤方

古詩

卷十

五十八

遠驚勝賞屢難并迴瞻洞庭浦日暮愁雲生

與周剛清谿玉鏡潭宴別

潭在秋浦李白

康樂上官去永嘉遊石門江中有孤嶼千載跡猶存我  
來憩秋浦三入桃波源千峯照一作積雪萬壑盡啼猿  
興與謝公合文因周子論掃屋去落葉帶一作月開酒  
樽谿當大樓南谿水正南奔迴作玉鏡潭澄明洗  
心魂此中得佳境可以絕囂喧清夜方歸來酣歌出平  
原別後經此地爲余謝蘭蓀

號州郡齋南池與閻二侍御道別

岑參

池色淨天碧水涼雨淒淒快風從東南荷葉翻向西性

本愛魚鳥未能返巖谿中歲徇微官遂令心賞睽及茲

佐山郡不異尋幽棲小吏趨竹徑訟庭侵藥畦胡塵暗  
河洛二陝震鼓聲故人佐戎軒逸翮凌雲霓行軍在函  
谷兩度聞鶯啼相看紅旗下飲酒白日低聞君欲朝天  
駟馬臨道嘶仰望浮與沈忽如雲與泥夜眠驛樓月曉  
發關城雞惆悵西郊暮鄉書對君題

荆南與張伯剛馬忽鍾陵夜別

楊衡

荆臺別路長密緒分離狀莫訴杯來促更籌屢已唱燭  
花侵物暗瑟調含風亮詎念遠帆開點淚參差浪

贈別舍人弟臺卿之江南

李白

古詩

卷十

五十九

去國客行遠還山秋夢長梧桐落金井一葉飛銀牀覺  
罷攪朝一作鏡鬢毛颯已霜良圖委蔓草古貌成枯桑  
欲道心下事時人疑夜光因爲洞庭葉飄落之一一作流  
瀟湘令弟經濟士一作謫居我何傷一作潛蚪隱  
尺一作水著論談興亡客遇一作王子喬口傳不死方  
入洞過天地登真朝玉皇吾將撫爾背揮手遂翱翔一作  
夷蒼

博平鄭太守自廬山千里相尋入江夏北市門見

訪却之武陵立馬贈別

大梁貴公子氣蓋蒼梧雲若無三千客誰道信陵君救

趙復存魏英威天下聞邯鄲能屈節訪博從毛薛夷門  
得隱淪而與侯生親仍要鼓刀者乃是袖槌人好士不  
盡心何能保其身多君重然諾意氣遙相託五馬入市  
門金鞍照城郭都忘虎竹貴且與荷衣樂去去桃花源  
何時見歸軒相思無終極腸斷朗陵一作江猿

贈別王山人歸布山

王子析道論微言破秋毫還歸布山隱興入天雲高爾  
去安可遲瑤草恐衰歇我心亦懷歸屢夢松上月一作永  
傲然遂獨往長嘯開巖扉林壑久已蕪石道生薔薇願  
言弄笙鶴歲晚來相依

古詩

卷十

六十

贈別王十七管記

高適

故交吾未測薄宦空年歲晚節蹤曩賢雄詞冠當世堂  
中皆食客門外多酒債產業曾未言衣裘與人敝飄飄  
戎幕下出入關山際轉戰輕壯心立談有邊計雲沙自  
迴合天海空迢遞星高漢將驕月盛胡兵銳沙深井一作  
陰斷雪暗遼陽閉亦謂掃機槍旋驚陷蜂蠆歸旌告  
東徒圖騎傳西敗遙飛絕漢書已築長安第畫龍俱在  
葉龍鶴先居一作衛勿辭部曲勲不藉將軍勢相逢季  
冬月悵望窮海裔折劍留贈人嚴裝遂云邁我行將一作  
悠紆及此還羈滯曾非濟代謀且有臨深誠隨波混

清濁與物同醜麗眇憶青巖樓寧忘褐衣拜自言愛一作  
偕水石本欲親蘭蕙何意薄松筠翻然重菅蒯恒深取  
與分孰慢平生契欵曲雞黍期酸辛別離袂逢時愧名  
節遇坎悲淪替適趙非解紛遊燕往一作無說浩歌方  
振蕩逸翮思凌厲倏若異鵬搏吾當學蟬蛻

贈別沈四逸人

沈侯未可測其况信浮沈十載常獨坐幾人知此心乘  
舟蹈滄海買劍投黃金世務不足煩有田西山岑我來  
遇知已遂得開清襟何意閭閻間沛然江海深疾風掃  
秋樹濮上多鳴砧耿耿尊酒前聯鴈飛愁音一作平生

古詩

卷十

六十一

重離別感激對孤琴一作吟

贈別高三十五

李順

五十無產業心輕百萬資屠酤亦與羣不問君是誰飲  
酒復垂釣狂歌兼詠詩焉知漢高士莫識越夷奇跡  
棲霞山蓬頭睢水湄忽然辟命下衆謂趨丹旌沐浴著  
賜衣西來馬行遲能令相府重且有函關期僂從寸  
祿舊遊梁宋時皤皤邑中叟相候續如絲官舍柳林靜  
河梁杏葉滋摘芳雲景晏把手秋蟬悲小縣情未愜折  
腰君莫辭吾觀主人意不久召京師

贈別穆元林

貳職久辭一作九載滿藏名三十年丹墀策頻獻白首官不

還明主日徵士吏曹何忽賢空懷濟世業欲棹滄浪船

舉酒洛門外送君春海邊彼鄉有令弟小邑試烹鮮轉

浦雲壑媚涉江花島連綠芳暗楚水白鳥飛吳煙贈鱸

亦奚貴流亂期早旋金閨會通籍生事豈徒然

贈別從甥高五

李白

魚目高太山不如一瑱璠賢甥卽明月聲價動天門能

成吾宅相不減魏陽元自顧寡籌略功名安所存五木

思一擲如繩繫窮猿樞中駿馬空堂上醉人喧黃金久

已罄爲報故交恩聞君隴西行使我驚心魂與爾共飄

古詩

卷十

六十二

飄雲天各飛翻江水流或卷此心難具論貧居一作家羞

好客語拙覺辭繁三朝空錯莫對飯一作飲却慚冤自笑

我非夫生事多契闊積蓄萬古憤向誰得開豁天地一

浮雲此身乃毫末忽見無端倪太虛可包括去去何足

道臨岐空復愁肝膽不楚越山河亦衾裯雲龍將相從

明主會見收成功若一作解相訪谿一作涼木桃花流

贈別賀蘭鉅

杜甫

黃雀飽野粟羣飛動荆榛今君一作吾抱何恨寂寞向時

人老驥倦驤首蒼鷹愁易馴高賢世未識固合嬰饑貧

國步初返正乾坤尚風塵悲歌鬢髮白遠赴湘吳春我

戀岷下辛君思千里尊生離與死別自古鼻酸辛

贈李十五丈別

江公孫勉也

峽人鳥獸居其室附層巔下臨不測江中有萬里船多

疾一作病紛倚薄少留改歲年絕域誰慰懷開顏喜名賢

孤陋忝未戚一作親等級敢比肩人生意氣一作頗合相與

襟袂連一日兩遣一作遣兩僕三日一共一作共筵揚論展寸

心壯筆過飛泉玄成美價存子山舊業傳不聞八尺軀

常愛衆目憐吾一作且爲辛苦行蓋被生事牽北廻白帝

棹南入黔陽天汧公制方隅迴出諸侯先封內如太古

時危獨蕭然清高金莖露正直朱絲絃昔在堯四岳今

古詩

卷十

六十三

之黃賴川于邁恨不同所思無由宣山深水增波解榻

秋露懸客遊雖云久亦思月再圓晨集風渚亭醉操雲

嶠篇丈夫貴知己歡罷念歸旋

陪元魯山登北城贈別

九日作時元有挂冠之意

山縣遠古堞悠悠快登望雨餘秋天高目盡無隱狀綿

連湓川迴杳渺鴉路深彭澤興不淺臨風一作流動歸心

賴茲琴堂暇傲睨傾菊酒人知歲已登從政復何有遠

山十里碧一道銜長雲青霞半落日混合疑晴曛漸聞

驚栖一作栖林羽坐歎清夜月中歡愴有違行子念明發僅

能泯寵辱未免傷別離江湖不可忘風雨勞相思明時



當盛才短技安所設何日謝百里從君漢之渥

貽丁主簿仙芝別

儲光義

赫赫明天子翹翹羣秀才昭昭皇宇廣隱隱雲門開搖曳君初起聯翩子復來茲年不得意相命遊靈臺驂騑多逸氣琳琅有清響聯行擊水飛獨影凌虛上關河施芳聽江海徵新賞欽衽歸故山敷言播天壤雲峯雖有異楚越幸相親既別復遊處深情更殷下愚忝聞見上德猶邇迤偃仰東城曲棲遲依水濱脫巾從會府結綬歸海裔親知送河門邦族迎江滋夫子安恬淡他人悵迢遞飛艎既眇然洲渚徒虧蔽人謀固無準天德諒難知高名處下位逸翮棲卑枝去去水中沚搖搖天一涯蓬壺不可見來泛躍龍池

古詩五言

卷十

六十四

貽劉高士別

夙駕出東城城傍早霞散初日照龍關峨峨在天半壯哉麗百常美矣崇兩觀俯視趨朝客簪珮何璀璨而我送將歸徘徊瀨陵岸北雲去吳越南鴈離江漢伊昔蹈丘園翩翩理文翰高談閔仲叔逸氣劉公幹每言竹柏貞嘗輕朝市玩山晝猿狖靜谿鱸魚鳥亂寧止臥崆峒直云期汗漫聖君既理歷族士咸炳煥矯首來天池振羽泛漪瀾元淑命不達伯鸞吟可歎東去姑蘇臺西過

陟陽館舍轡由關道浮舟滄海畔耳目曠暄涼懷抱盈悲惋沈沈青歲晚靄靄秋雲換自言永遜棲無復從羈絆揮手謝知己知已莫能讚

北庭貽宗學士道別

岑參

萬事不可料歎君在軍中讀書破萬卷何事來從戎曾逐李轻車西征出太蒙荷戈月窟外擐甲崑崙東兩度皆破胡朝廷輕戰功十年祇一命萬里如飄蓬容鬢老胡塵示淅脆邊風忽來輪臺下相見披心胃飲酒對春草彈碁聞夜鐘今且還龜茲臂上懸角弓平沙向旅館匹馬隨飛鴻孤城倚大磧海氣迎邊空四月猶自寒天古詩五言卷十六十五三百六十一山雪濛濛君有賢主將何謂泣途窮時來整六翮一舉凌蒼穹

獻華陰羅丞別

儲光義

華山薄遊者玄髮富青春道德同仙吏尊卑卽丈人縣城俯京路獲見官舍裏淹留瓊樹枝龍浪春泉水昔余在天目總角奉遊從寒暑遞來往今復蓮花峯別情無遠近道別方愁予熟想古人言乃知悲風雨

留別曹南羣官之江南

李白

我昔釣白龍放龍谿水傍道成本欲去揮手凌蒼蒼時來不關人談笑遊軒皇獻納少成事歸休辭建章十年

罷西笑覽鏡如秋霜閉劍琉璃匣鍊丹紫翠房身佩謠  
落圖腰垂虎盤囊仙人借一作絲鳳志在窮遐荒戀子  
四五人徘徊未翔翔東流送白日驟歌蘭蕙芳仙官兩  
無從人間久摧藏范蠡說勾踐屈平去懷王飄飄紫霞  
心流浪憶江鄉愁爲萬里別復此一銜觴一作水帝  
王州金陵繞丹陽樓臺照海色衣馬搖川光及此北望  
君相思淚成行朝雲落夢渚瑤草空高堂帝子隔洞庭  
清風一作滿瀟湘懷歸一作路縣邈覽古情淒涼登嶽  
眺百川杳然萬恨長却戀峨眉去弄景偶騎羊

留別賈舍人至二首

古詩 五言

卷十

六十六

三百九十三

大梁白雲起飄飄來南洲徘徊蒼梧野十見羅浮秋鼇  
抃一作山海傾四溟揚洪流意欲托孤鳳從之摩天遊  
鳳苦道路難翔翔還崑丘不肯衙我去哀鳴慙不周一作  
留遠客謝主人明珠難暗投拂拭倚天劍西登岳陽樓  
長嘯萬里風掃清霄中憂誰念劉越石化爲繞指柔  
秋風吹胡霜凋此簷下芳折芳怨歲晚離別悽以傷謬  
攀青瑣賢延我於北堂君爲長沙客我獨之夜郎勸此  
一杯酒豈惟道路長割珠兩分贈寸心貴一作不忘何  
必兒女仁相看淚成行

留別王盧二拾遺

李頎

此別不可道此心當報誰春風灞水上飲馬桃花時誤  
作好文士只令遊宦遲留書下朝客我有故山期

留別武陵袁丞

王昌齡

皇恩暫遷謫待罪逢知己從此武陵谿孤舟二千里桃  
花遺古岸金澗流春水誰識馬將軍忠貞抱生死

留別伊闕張少府郭都尉

遷客就一醉主人空金疊江湖青山底欲去仍徘徊郭  
侯未相識策馬伊川來把手相勸勉不應老塵埃孟陽  
逢山舊仙館留清才日晚勸趣別風長雲逐開幸隨板  
輿遠負譴何憂哉唯有仗忠信音書報雲雷

古詩 五言

卷十

六十七

留別西河劉少府

李白

我一作髮已種種所爲竟無成閒傾魯壺酒笑對劉公  
榮謂我是方朔人間落歲星白衣千萬乘何事去天庭  
君亦不得意高歌羨鴻冥世人若醢雞安可識梅生雖  
爲刀筆吏緬懷在赤城余亦如流萍隨波樂休明自有  
兩少妾雙騎駿馬行東山春酒綠歸隱謝浮名

留別王司馬嵩

魯連賣笑豈是顧千金陶朱雖相越本有五一作湖  
心余亦南陽子時爲梁甫吟蒼山容偃蹇白日惜頽侵  
願一佐明主功成還舊林西來何所爲孤劍託知音鳥

愛碧山遠一作鳳集魚遊江海深呼鷹過上蔡賣畚向

嵩岑他日閒相訪丘中有素琴

留別岑參兄弟

王昌齡

江城建業樓山盡滄海頭副職守茲縣東南棹孤舟長  
安故人宅秣馬經前秋便以風雪暮還爲縱飲留貂蟬  
七葉貴鴻鵠萬里遊何必念鍾鼎所在烹肥牛爲君嘯  
一曲且莫彈箜篌徒見枯者豔誰言直如釣岑家雙瓊  
樹騰光難爲儔誰言青門悲俯期吳山幽日西石門嶠  
月吐金陵洲追隨探靈怪豈不驕王侯

留別魯頌

李白

古詩

卷十

六十八

誰道泰山高下却魯連節誰云秦軍衆摧却魯連舌獨  
立天地間清風灑蘭雪夫子還個儻攻文繼前烈錯落  
石上松無爲秋霜折贈言鏤寶刀千歲庶不滅

留別金陵諸公

海水昔飛動三龍紛戰爭鍾山危波瀾傾側駭奔鯨黃  
旗一掃蕩割壤開吳京六代更霸王遺跡一作見都一作  
城至今秦淮間禮樂秀羣英地扇鄒魯學詩騰顏謝  
名五月金陵西祖余白下亭欲尋廬峯頂先遶漢水行  
香爐紫烟滅瀑布落太清若攀星辰去揮手緬含情

留別廣陵諸公

一作留別邯鄲故人

憶昔作少年結交趙與燕金羈絡駿馬錦帶橫龍泉寸  
心無疑事所向非徒然晚節覺此疎獵精草太玄空名  
東壯士薄俗棄高賢中廻聖明顧揮翰凌雲煙騎虎不  
敢下攀龍忽墮天還家守清真孤潔勵秋蟬煉丹費火  
石采藥窮山川臥海不關人租稅遼東田乘興忽復起  
棹歌聲中船臨醉謝葛強山公欲倒鞭狂歌自此別垂  
釣滄浪前

留別二三子

得韻字

蕭穎士

二紀尚雌伏徒然忝先進英英爾衆賢名實鬱雙振殘  
春惜將別清洛行不近相與愛後時無令孤逸韻

古詩

卷十

六十九

還山留別長安知己

王季友

出山不見家還山見家在山門一作是門前此去長樵  
采青谿誰招隱白髮自相待惟餘澗底松依依色不改  
將適天台留別臨安李主簿

孟浩然

枳棘君尚棲匏瓜吾豈繫念離當夏首漂泊指炎裔江  
海非情遊田園失歸計定山旣早發漁浦亦宵濟泛泛  
隨波瀾行行任艦柁故林日已遠羣木坐成翳羽人在  
丹丘吾亦從此逝

適越留別譙縣張主簿申屠少府

朝乘汴河流一作夕次譙縣界幸值因西風吹得與

故人會君學梅福一作從伯鸞遇別後能相思浮雲在吳會

將適吳楚留別章使君留後兼幕府諸公得柳字

杜甫

我來入蜀門歲月亦已久豈惟長兒童自覺成老醜常恐性坦率失身為杯酒近辭痛飲徒折節萬夫後昔如縱壑魚今如喪家狗既無遠方戀行止復何有相逢半新故取別隨薄厚不意青草湖扁舟落吾手眷眷章梓州開筵俯高柳樓前出騎馬帳下羅賓友健兒簪紅旗此樂幾一作難朽日車隱崑崙烏雀噪戶牖波濤未足畏三峽徒雷吼所憂盜賊多重見衣冠走中原消息斷黃屋今安否終作適荆蠻安排用莊叟隨雲拜東皇挂席上南斗有使即寄書無使長回首

金陵白下亭留別

李白

驛亭三楊樹正當白下門吳煙暝長條漢水齧古根向來送行處迴首阻笑言別後若見之為余一攀翻

歸汝墳山莊留別盧象

祖詠

淹留歲將晏久廢南山期舊業不見棄還山從此辭漚麻入南澗川麥一作楚向東畝對酒雞黍熟閉門風雪時非君一延首誰慰遙相思

感時留別從兄徐王延年從弟延陵

李白

天籟何參差一作融怡噫然大塊吹玄元苞一作包橐籥紫氣何逶迤七葉運皇化千齡光本支仙風生指樹大雅歌螽斯諸王若鸞蚪肅穆列藩維哲兄錫茅土聖代合一作羅榮滋九卿領徐方七步繼陳思伊昔全盛日雄豪動京師冠劍朝鳳闕樓船侍龍池鼓鐘出朱邸金翠照丹墀君王一顧盼選色獻蛾眉列戟十八年未曾輒遷移大臣小暗鳴謫竄天南垂長沙不足舞貝錦且成詩佐郡浙江西病間絕趨一作驪階軒日苔蘚鳥雀噪簷帷

古詩五言 卷十

七十一

時乘平一作肩輿出入良人知北宅聊偃憩歡愉恤惻發羞言梁苑地烜赫耀旌旗兄弟八九人吳秦各分離大賢達機兆豈獨慮安危小子謝麟閣鴈行忝肩隨令弟字延陵鳳毛出天姿清英神仙骨芬馥蒨蘭蕤夢得春草句將非惠連誰深心紫河車與我特相宜金膏猶罔象玉液尚磷緇伏枕寄賓館宛同清漳湄藥物多見饋珍羞亦兼之誰道溟渤深猶言淺恩慈鳴蟬遊子意促織念歸期驕陽何太一作太赫海水燦龍龜百川盡涸枯舟楫閣中遠策馬一作涼月通宵出郊岐泣別目眷眷傷心步遲遲願言保明德王室佇清夷慘袂何所

道援毫投此辭

留別

鄒載

策名十二載獨先斯文爾來及門者半已昇青雲青雲豈無姿黃鶴素不羣一辭芸香吏幾歲滄江濱散職既不羈天聰亦昭聞雖承急賢詔未詣陶唐君薄俸還自急此言那足云和風媚東郊具物滋南蕙惠草正可摘豫章猶未分宗師忽千里使我心氛氲

宋中遇劉書記有別

高適

何代無秀士高門生此才森然覩毛髮若見河一作山

來幾載困常調一朝時運催白身謝明主待詔登雲臺

古詩

卷十

七十二

相逢梁宋間與我醉蒿萊寒楚渺千里雪天晝不開末路終別離不能強悲哀男兒爭富貴勸爾莫遲迴

宋中遇林慮楊十七山人因而有別

昔余涉漳水驅車行鄴西遙見林慮山蒼蒼憂天倪邂逅逢爾曹說君彼巖棲蘿徑垂野蔓石房倚雲梯秋非何青青藥苗數百畦栗木隘谷口枯樹森迴谿耕耘有山田紡績有山妻人生苟一作但如此何必組與珪誰謂遠相訪曩情殊不迷簷前舉醇醪竈下烹隻雞朔風忽振蕩昨夜寒蛩啼遊子益思歸罷琴傷解攜出門盡原野白日黯已低始驚道路難終念言笑睽因聲謝岑

歲暮一攀躋

八月十五日象自江東止田園移莊慶會未幾歸

汶上小弟幼妹尤悲其別兼賦是詩維一首一作三

盧象

謝病始告歸依依入桑梓家人皆佇立相候衡門裏時

草一作齊類皆長年成人舊童子上堂家一作嘉慶畢顧與姻

親齒論舊或餘悲目一作思存且相喜田園轉蕪沒但有

寒泉水衰柳日蕭條秋光清邑里入門乍如客休騎非

便止中飯一作飲顧王程離憂從此始

兩妹日長成雙鬟將及人已能持寶瑟自解掩羅巾念

古詩

卷十

七十三

昔別時小未知疎與親今來識離恨拭淚方殷勤

小弟更孩幼歸來不相識同居雖漸慣見人猶默然一作未宛作越人語殊甘水鄉食別此最為難淚盡有餘憶

夷陵郡內敘別

楊衡

禮娶嗣明德同牢夙所欽况蒙生死契豈顧蓬蒿心鴈幣任野薄恩愛緣義深同聲若鼓瑟合韻似鳴琴將近室未立就贅意難任皎月託言誓滄浪信浮沈荆臺理晨撒巫清疑宵襟憫憫百慮起回回萬恨侵候促徒侶更先曉徹夜余燈彩凝寒風蟬思噪密林留念心帶贈遠同芙蓉簪撫懷極投漆感物重黃金分一作分豈遐阻合

劍念相尋倘甘蓬戶賤願候故山岑

別唐十五誠因寄禮部賈侍郎

杜甫

九載一相逢百年能幾何復爲萬里別送子山之阿白  
鶴久同林潛魚本同河未知棲集期衰老強高歌歌罷  
兩淒側六龍勿忽一作蹉跎相視髮皓白況難駐義和胡  
星墜燕地漢將仍橫戈蕭條四海內人少豺虎多少人  
慎莫投多虎信所過饑有易子食獸猶畏虞羅子負經  
濟才天門鬱嵯峨飄飄適東周來往若崩波南宮吾故  
人白馬金盤陀雄筆映千古見賢心靡他念子善師事  
歲寒守舊柯爲吾謝賈公病肺臥江沱

古詩五言

卷十

七十四

觀別者

王維

青青楊柳陌陌上別離人愛子遊燕趙高堂有老親不  
行無可養行去百憂新切切委兄弟依依向四鄰都門  
帳飲畢從此謝親賓揮淚逐前侶含悽動征輪車徒望  
不見時見起行塵余亦辭家久一作看之淚滿巾

唐詩所第十卷終

唐詩所第十一卷古詩

前集

賜諸州刺史以題座右

玄宗

眷言思共理鑑覆一作想維良猗歎此推擇聲一作績

古

著周行賢能既俟進衆獻實佇康視人當如子愛人亦

如傷講學試誦論阡陌勸耕桑虛譽不可飾清知不可  
忘求名迹易見安貞德自彰訟獄必以情教民責有常  
恤憚且存老撫弱復綏強勉哉各祇命知予眷萬方

奉和

張說

文明遍禹迹鰥寡達堯心正在親人守能令王澤深朝  
廷多秀士鎔鍊比精金犀節同分命熊軒各外臨聖主  
古詩五言 卷十一 一  
賦新詩穆若聽薰琴先言教爲本次言則是欽三時農  
不奪午夜犬無侵願使天宮內品物遂浮沈寄情羣飛  
鶴千里一揚音共躡華胥夢冀黃安足尋

奉和

張九齡

聖人合天德洪覆在元元每勞蒼生念不以黃屋尊興  
化俟羣辟擇賢守列藩得人此爲盛咨岳今復存降鑒  
引君道殷勤啓政門容光無不照有象必爲言成憲知  
所奉致理歸其根肅肅稟玄猷煌煌戒朱軒豈徒任遇  
重兼爾宴錫繁載聞勵臣節持答明主恩

哥舒大夫頌德

儲光羲

天紀啟真命君生臣亦生乃知赤帝子復有蒼龍精神  
武建皇極文昌開將星超超渭濱器落落山西名畫閣  
入受服鑿門出扞城戎人昧正朔我有軒轅兵隴路起  
鄂錫關雲隨旌旌河湟訓兵甲義勇方橫行韓魏多銳  
士蹶張在幕庭大非四決軋石堡高崢嶸攻伐若振槁  
孰云非神明嘉謀即天意驟勝由師貞枯草被西陸烈  
風昏太清戢戈旄頭落牧馬崑崙平賓從儼冠蓋封山  
紀天聲來朝芙蓉闕鳴玉飄華纓直道濟時憲天邦遂  
輕刑抗書報知已松柏亦以榮嘉命列上第德輝照天  
京在車持簡墨粲粲皆詞英顧我搶榆者莫能翔青冥  
古詩五言 卷十一 二

遊燕非騏驎躑躅思長鳴

覽柏中丞兼子姪數人除官制詞因述父子兄弟

四美載歌絲綸

杜甫

紛然喪亂際見此忠孝門蜀中寇亦甚柏氏功彌存深  
誠補王室戮力見元昆三止錦江沸獨清玉壘昏高名  
入竹帛新渥照乾坤子弟先卒伍芝蘭疊璵璠同心注  
師律灑血在戎軒絲綸實具載紱冕已殊恩奉公舉骨  
肉誅叛經寒溫金甲雪猶凍朱旗塵不翻每聞戰場說  
歟激懦氣奔聖主國多盜賢臣官則尊方當節鉞用必  
絕侵沴根吾病日回首雲臺誰再論作歌挹盛事推轂

期孤騫

贈張相鎬二首時逃難在宿松山作李白

神器難竊弄天狼窺紫宸六龍遷一作白日四海一作九

暗胡塵吳穹降元宰君子方經綸澹然養浩氣欲起持

天一作鈞秀骨象山嶽英謀合鬼神佐漢解鴻門興一作

生唐為後身一作功成思退身擁旄秉金鉞伐鼓乘朱輪虎將

如雷電一作總戎向東巡諸侯拜馬首猛士騎鯨鱗澤

被魚鳥悅令行草木春逢聖一作聖智不失時建功及良辰

醜虜安足紀一作絕可貽輜與巾倒瀉溟海珠盡為入幕

珍馐異獻赤伏鄧生條來臻庶同昆陽舉再覩漢儀新

古詩五言 卷十一 二

昔為管將鮑中奔吳隔秦一生欲報主百代期榮親其

事竟不就哀哉難重陳臥病古松滋一作宿松山蒼山一作

空四鄰風雲激壯志枯槁驚常倫聞君自天來目張氣

益振亞夫得劇孟一作敵國空一作定無人捫蝨對桓公

願得論悲辛大塊方噫氣何辭鼓青蘋斯言儻不合歸

老漢江濱

本家隴西人先為漢邊將功畧天地中一作蓋名飛青

雲上苦戰竟不侯當一作富年頗惆悵世傳崆峒勇氣激

金風壯英烈遺厥孫百代神猶王十五觀奇書作賦凌

相如龍顏惠殊寵麟閣憑天居一作侍從承明廡晚途未云已



踏踏遭讒毀想像晉末時崩騰胡塵起永冠陷鋒鏑

虜盈一作荆朝市石勒窺神州劉聰劫天子撫劍夜吟

甯雄心日千里誓欲斬鯨鯢澄清洛陽水六合一作三灑

霖雨萬物一作合無彫枯我揮一杯酒自笑何區區因人

耻成事貴欲決良圖滅虜不言功飄然一作蓬壺惟

有安期烏留之滄海隅

過梁州奉贈張尚書大夫公

岑參

漢中二良將今昔各一時韓信此登壇尚書復來斯手

把銅虎符身總丈人師錯落北斗星照耀黑水渭英雄

若神授大材濟時危頃歲遇雷雲精神感靈祇動業振

古詩五言

卷十一

四

青史恩德繼鴻私羗虜昔未平華陽積僵屍人煙絕墟

落鬼火依城池巴漢空水流褒斜惟鳥飛自公布德政

此地生光輝百堵創里閭千家恤憚瘵層城重鼓角甲

士如熊羆坐嘯風自調行春雨仍隨芄芄麥苗長藹藹

桑葉肥浮客相與來羣盜不敢窺何幸承嘉惠少年卽

相知富貴情易疎相逢心不移置酒宴高館嬌歌雜青

絲錦席繡拂廬玉盤金屈厄春景透高戟江雲篴長塵

樞馬嘶柳陰美人映花枝門傳大夫印世擁上將旗承

家今名揚許國苦節施戎幕軍久駐台階不應遲別有

彈冠士希君無見遺

贈梁公

王績

我欲圖世樂斯樂難可常位大招譏嫵祿極生禍殃聖

莫若周公忠豈踰霍光成王已興訃宣帝如負芒范蠡

何智哉單丹戒輕裝疏廣豈不懷策杖還故鄉朱門雖

足悅赤族亦可傷履霜成堅冰知足勝不祥我今窮家

子自言此見長功成皆能退自古誰滅亡

贈崔公

張說

我聞西漢日四老南山幽長歌紫芝秀高臥白雲浮朝

野一作市光塵絕榛蕪年貌秋一朝驅匹一作馬連轡一作

入龍樓昔遜高皇去今從太子遊行藏惟聖節福禍

古詩五言

卷十一

五

在人謀卒能匡惠帝豈不賴留侯事隨年代遠名與圖

籍留平生欽一作飲淳德慷慨景前修曄一作陰蛤一作

蛟龍望斗牛無嗟異飛伏同氣幸相求

贈趙公

湘東股肱守心與帝鄉期舟楫中途一作路寒風波復來

思嘉我常聯翼金貂侍玉墀迹參前馬聖名綴鸞熊師

寒暑一何速山川遠間之寧知洞庭上獨得平生時精

意徵絕簡從權討妙基林壑爲予請紛霽餐華滋流賞

忽已散驚帆杳難追送君在南浦佗條投此詞

贈韋左丞

杜甫

統袴不餓死儒冠多誤身丈人試靜聽賤子請具陳甫  
昔少年日早充觀國賓讀書破萬卷下筆如有神賦料  
楊雄敵詩看子建親李邕求識面王翰願卜鄰自謂頗  
挺出立登要路津致君堯舜上再使風俗淳此意竟蕭  
條行歌非隱淪騎驢三十載旅食一作京華春朝扣富  
兒門暮隨肥馬塵殘杯與冷炙到處潛悲辛主上頃見  
徵歛然欲求伸青冥却垂翅蹭蹬無縱鱗甚媿丈人厚  
甚知丈人真每於百寮上猥誦佳句新竊效貢公喜難  
甘原憲貧馬能心快快祇是走踈賤今欲東入海卽將  
西去秦尚憐終南山回首清渭濱常擬報一飯况懷辭  
古詩五言 卷十一 六

大臣白鷗沒一作浩蕩萬里誰能馴

贈崔郎中宗之時謫官金陵

李白

胡鴈拂海翼翔翔鳴素秋驚雲辭沙朔飄薄迷河洲一作胡鴈度日邊兩龍天地秋有一作如飛蓬人去逐萬里  
遊登高望浮雲彷彿如舊丘日從海傍沒水向天邊流  
長嘯倚孤劍目極心悠悠歲晏歸去來富貴安所求仲  
尼七十說歷聘莫見收魯連逃千金珪組豈可一作不足酬  
時哉苟不會草木爲我儔希君同攜手長往南山幽

贈從弟司庫員外綽

王維

少年識事淺強學千名利徒聞躍馬年苦無出人智卽

事豈徒言累官非不試既寡遂性歡恐招負時累清冬  
見遠山積雪凝蒼翠浩然出東林發我遺世意惠連素  
清賞夙語塵外事欲緩攜手期流年一何駛

贈鄭員外

陶翰

驄馬拂繡裳按兵遼水陽西分鴈門騎北逐樓煩王聞  
道五軍集相邀百戰場風沙暗天起虜騎一作森已行  
儒服揖一作諸將雄謀吞八一作荒金門來求一作見謁  
朱紱生輝光數載侍御史稍遷尚書郎人生志氣立所  
貴功業昌何必守章句終年事蒼一作黃同時獻賦客  
尚在東陵傍

古詩五言 卷十一 七

贈崔侍郎

李白

黃河二尺鯉本在孟津居點額不成龍歸來伴凡魚故  
人東海客一見借吹噓風濤儻相因更欲凌崑墟一何下  
常亦車使再往召相如二句

度峽口山贈喬補闕知之王無兢 陳子昂

峽口大漠南橫絕界中國甞石何相一作紛紜赤山復翕  
絕遠望多衆容逼之無異色崔嵬乍孤斷逶迤屢迴直  
信關胡馬衝亦距漢邊塞豈依一作伊河山險將順休明  
德物壯誠有衰勢雄良易極遷迤忽而盡決滌平不息  
之子黃金軀如何此荒域雲臺盛多士待君丹墀側

贈趙侍御

張說

祿放跡異端偏荒事同寒荷忘風波累俱會雲霞踐險  
式壓西湖僑廬對南峴夜樓江月入朝幌山雲捲山勢  
遠濤連江途斜漢轉坐嘯子多暇行吟子獨善並轡躡  
郊郭方舟玩游演虛聲萬籟分水色千里辨不知岸陰  
謝再見春露滋綠壤發欣顏華年助蟲篆上世時難接  
古人情可選泊渚煩為謀多才怨成禍長沙鵬作賦任  
道可知淺請從三已心榮辱兩都遣

贈房侍御

陶翰

志士固不羈與道常周旋進則天下仰已之能宴然褐

古詩

卷十一

八

衣東府召執簡南臺先雄義每特立犯顏豈圖全謫居  
東南遠逸氣吟芳荃適會寥廓趣清波更賁綠扁舟入  
五湖發纜洞庭前浩蕩臨海曲迢遙濟江壖微奇忽忘  
返遇興將彌年乃悟范生智足明漁父賢郡臨新安渚  
佳氣一作賞此城偏日夕對層岫雲霞映晴川閒居戀一作  
秋色偃卧含貞堅倚伏自相化行藏互一作亦推遷君  
其振羽翮歲晏將冲天

贈韋侍御黃裳

李白

太華生長松亭亭凌霜雪天與百尺高豈為微颺折桃  
李賣搖一作陽豔路人行且迷春光掃拂一作地盡碧葉成

黃泥願君學長松慎勿作桃李受屈不改心然後知君  
子

見君乘驄馬知上太山一作道此地果摧輪全身以為  
寶我如豐年玉棄置秋田草但昂冰壺心無為歎衰老

贈常侍御

安石在東山無心濟天下一起振橫流功成復瀟灑大  
賢有卷舒季葉輕風雅臣復屬何人君為知音者傳聞  
武安將氣振長平瓦燕趙期洗清周秦保宗社登朝若  
有言為訪南遷賈

贈三侍御

常建

古詩

卷十一

九

高山臨大澤正月蘆花乾陽色薰兩崖不改青松寒士  
賢守孤貞古來皆共難明君錯任才臺上飛三鸞操與  
霜雪明量與江海寬束身視天涯安能窮波瀾孤鶴在  
枳棘一枝非所安逸翮望絕霄見欲凌雲端層層何其  
高山石流洪湍固知非天池鳴躍同所歡誰念獨枯槁  
四十長江干責躬貴知已効拙從一官折翮悲高風苦  
饑候朝餐湖月映大海天空何漫漫托身未知所謀道  
庶不刊吟彼喬木詩一夕常三歎

贈崔十三評事公輔

杜甫

飄飄一作西極馬來自渥洼池颯颯定一作山桂低徊

風雨枝我聞龍正直道屈爾何爲且有元戎命悲歌識  
者誰官聯辭冗長行路洗一作欽危脫劍主人贈去帆  
春色隨陰沈鐵鳳闕教練羽林兒天子朝侵早雲臺仗  
數移分軍應供給百姓日支離黥吏因封已公才或守  
雌燕王買駿骨涓老得能罷治國名公在拜壇羣冠疑  
水壺動瑤碧野水失蛟螭入幕諸彥聚一作渴賢高選  
宜騫騰坐可致九萬起於斯復進出矛戟昭然開鼎彝  
會看之子責歎及老夫衰豈但江曾決還思霧一披暗  
塵生古鏡拂匣照西施舅氏多人物無慙困翮垂

贈程秘書

盧象

古詩五言 卷十一

十

客自岐陽來吐音若鳴鳳孤飛畏不偶獨立誰見用忽  
從被褐中召入承明宮聖人借顏色言事無不通殷勤  
拯黎庶感激論諸公將相猜賈誼圖書歸馬融顧余久  
寂寞一歲麒麟閣且共歌太平勿嗟名宦薄

贈韋秘書子春

李白

谷口鄭子真躬耕在巖石高名動京師天下皆籍籍斯  
人竟不起雲臥從所適苟無濟代心獨善亦何益惟君  
家世者偃息逢休明談天信浩蕩說劍紛縱橫謝公不  
徒然起來爲蒼生秘書何寂寂無乃羈豪英且復歸碧  
山安能戀金闕舊宅樵漁地蓬蒿已應沒却顧女几峯

胡顏見雲月徒爲風塵苦一官已白髮一作氣同萬里  
合訪我來瓊都披雲觀青天捫蝨話良圖留侯將綺李  
一作出處未云殊終與安社稷功成去五湖

贈崔諮議

騏驎本天馬素非伏櫪駒長嘶向清一作風倏忽凌九

區何言西北至却走東南隅世道有翻覆前期一作難

預圖希君一作剪拂一作垂顧一作猶可聘中衢

贈史修文

沈千運

故人阻一作千里會面非前期握手於此地當歡反成

悲念離死猶昨俄已二十一作暮疇昔皆少年別來鬢

古詩五言 卷十一

十一

如絲不道舊姓名相逢知是誰曩遊盡羣羣與君仍布  
衣豈曰無其才命理應有時別路漸欲少不覺生涕洟

贈從弟宣州長史昭

李白

淮南一作望江南千里碧山對我行倦一作過之半落

青天外宗英佐雄郡水陸相控帶長川豁中流千里瀉

吳會君心亦如此包納無小大搖筆起風霜推誠結仁

愛訟庭垂桃李賓館羅軒蓋何意蒼梧雲飄然忽相會

才將聖不偶命與時俱背獨立山海間空老聖明代知

音不易得撫劍增感慨一作當結九萬期中途莫先退

贈宣城趙太守悅

趙得寶符盛山河功業存三千堂上客出入擁平原六

國揚清風英聲何喧喧大賢茂遠業虎竹光南藩錯落

千丈松蚪龍盤古根枝下無俗草所植唯蘭蓀憶在南

陽時始承國士恩公爲柱下史脫繡歸田園伊昔簪白

筆幽都逐遊魂持斧冠三軍霜清天北門差池宰兩邑

鶚立重飛翻焚香入蘭臺起草多芳一作言夔龍一顧

重矯翼凌翔鶴赤縣揚雷聲疆項聞至尊驚飈推一作顧

秀木跡屈道彌敦出牧歷三郡所居猛獸奔遷人同衛

鶴謬上懿公軒自笑東郭履側慙狐白溫閒吟步竹石

精義忘朝昏顛悴成醜士風雲何足論獼猴騎土牛羸

古詩

五言

卷十一

十三

馬夾雙轅願借羲皇景爲人照覆盆溟海不震蕩何由

縱鵬鷖所期要津日儻假騰鸞

東平與南平今古兩步兵素心愛美酒不是顧專城謫

官桃源去尋花幾處行秦人如舊識出戶笑相迎

贈獨狐常州

畢耀

洪爐無久停日月速若飛忽然衝人身飲酒不須疑

贈盧司戶

李白

秋色無遠近出門盡寒山白雲遙相識待我蒼梧間借

問盧耽鶴西飛幾歲還

贈饒陽張司戶燧

朝飲蒼梧泉夕棲碧海煙寧知鸞鳳意遠託椅桐前慕

蘭豈曩古攀嵒嵒是當年愧非黃石老安識子房賢功業

嗟落日容華棄徂川一語已道意三山期着鞭蹉跎人

間世寥落壺中天獨見遊物祖探元窮化先何當共携

手相與排冥筌

贈崔司戶文昆季

雙珠出海底俱是連城珍明月兩特達餘輝傍照人英

聲振名都高價動殊鄰豈伊箕山故特以風期親惟昔

不自媒擔簦西入秦攀龍九天上別忝一作忝歲星臣布

古詩

五言

卷十一

衣侍丹墀密勿草絲綸才微惠渥重譏巧生緇磷一去

已十年今來復盈旬清霜入曉鬢白露生衣巾側見淶

水亭開門列華茵千金散義士四坐無凡賓欲折月中

桂持爲寒者薪路傍已竊笑天路將何因垂恩儻丘山

報德有微身

陶翰

作吏到西華乃觀三峰壯削成元氣中傑出天河一作漢

上如有飛動色不知青冥狀巨靈安在哉厥跡猶可望

方此顧一作行旅一作未由飭仙裝葱蘢記星壇明滅

鼓雲嶂良友垂真契宿心所微尚敢投歸山吟霞徑一

相訪

贈閻丘宿松

李白

阮籍爲太守乘驢上東平剖竹十日間一朝風化清偶  
來拂衣去誰測主人情夫子理宿松浮雲知古城掃地  
物莽然秋來百草生飛鳥還舊巢遷人返躬耕何慙宓  
子賤不減陶淵明吾知千載後却掩二賢名

贈蘇明府

李頎

蘇君年幾許狀貌如玉童采藥傍梁宋其言隨日翁常  
辭小縣宰一往東山東不復有家室悠悠人世中子孫  
皆老死相識悲轉蓬髮白還更黑身輕行若風汎然無  
古詩五言 卷十一 十四

所繫心與孤雲同出入雖一杖一作安然知始終願聞  
素女事去采山花叢誘我爲弟子逍遙尋葛洪

贈清漳明府姪聿

李白

我李百萬葉柯條布中州天開青雲器日爲蒼生憂小  
邑且割雞大刀佇烹牛雷聲動四境惠與清漳流絃歌  
詠唐竟脫落隱替組心和得天眞風俗猶太古牛羊散  
阡陌夜寢不扃戶問此何以然賢人宰吾土舉邑樹桃  
李垂陰亦流芬河堤繞綠水桑柘連青雲趙女不冶容  
提籠晝成羣綠絲鳴機杼百里聲相聞訟息鳥下階高  
臥披道帙蒲鞭挂簷枝示耻無撲扶琴清月當戶人寂

風入室長嘯無一言陶然上皇逸白玉壺水壺中見  
底清清光洞毫髮皎潔照羣情趙北美佳政燕南播高  
名過客鑒一作覽行譚因之頌德一作頌聲

贈臨洛縣令浩弟

特被訟停官

陶令去彭澤茫然元一作太古心大音自成曲但奏無絃  
琴釣水路非遠連鼉意何深終期龍伯國與爾相招尋

贈從孫義興宰銘

天子思茂宰天枝得英才朗然清秋月獨出映吳臺落  
筆生綺繡操刀振風雷蟻屈雖百里鵬鷺望三百退食  
無外事琴堂向山開綠水寂以閒白雲有時來河陽富  
古詩五言 卷十一 十五

奇藻彭澤縱名杯所恨不見之猶如仰昭回元惡昔滔  
天疲人散幽草驚川無活鱗舉邑罕遺老蒼雪會稽耻  
將奔宛陵道亞相素所重投刃應桑林獨坐傷激揚神  
融一開襟絃歌欣再理和樂醉人心蠹政除害馬傾巢  
有歸禽壺漿候君來聚舞共謳吟農夫棄篋笠蠶女墮  
纓簪歡笑相拜賀則知惠愛深歷職吾所聞稱賢爾爲  
最化洽一邦上名馳三江外峻節貫雲霄通方堪遠大  
能文變風俗好客留軒蓋他日一來遊因之嚴光瀨

贈王漢陽

天落白一作上王棺王喬辭葉縣一去未千年漢陽復相

見猶乘飛鳧尚識仙人面鬢髮何青青童顏皎如練  
吾曾弄海水清淺嗟三變果愜麻姑言時光速流電與  
君數杯酒可以窮歡宴白雲歸去來何事坐交戰

贈范金卿 二首

君子枉清盼不知東走迷離家未幾月絡緯鳴中閨桃  
李君不言攀花願成蹊那能吐芳信惠好相招攜我有  
結綠珍久藏濁水泥時人棄此物乃與燕珉一作齊撫  
拭欲贈之申眉路無梯遼東慙白豕楚客羞山雞徒有  
獻芹心終流泣玉啼祗應自索漠留舌示山妻

古詩 五言

卷十一

十六

里雞犬靜千廬機杼鳴浮人少蕩析愛客多逢迎遊子  
覩嘉政因之聽頌聲

贈劉藍田 一作盧象

王維

離間一作中犬迎吠出屋候荆一作柴扉歲晏輪井稅山村  
人夜歸晚田始家食餘布成我衣詎肯無公事煩君問  
是非

贈瑕丘王少府

李白

皎皎鸞鳳姿飄飄神仙氣梅生亦何事來作南昌尉清  
風佐鳴琴寂寞道爲貴一見過所聞操持難與羣毫揮  
魯邑訟目送瀛洲雲我隱屠釣下爾當玉石分無由接

高論空此仰清芬

贈溧陽宋少府陟

李斯未相秦且逐東門兔宋玉事襄王能爲高唐賦常  
聞淩水曲忽此相逢遇掃灑青天開豁然披雲霧歲疑  
紫鸞鳥巢在崑山樹驚風西北吹飛落南溟去早懷經  
濟策特受龍顏顧白玉棲青蠅君臣忽行路人生感分  
義貴欲呈丹素何日清中原相期廊天步

贈秋浦柳少府

秋浦舊蕭索公庭人吏稀因君樹桃李此地忽芳菲搖  
筆望白雲開簾當翠微時來引山月縱酒酣清暉而我  
古詩 五言 卷十一 十七

愛夫子淹留未忍歸

贈從兄襄陽少府皓

結髮未識事所交盡豪雄却秦不受賞救趙一作擊音寧爲  
功託身白刃裏殺人紅塵中當朝揖高義舉世欽英風  
小節豈足言退耕春陵東歸來無產業生事如轉蓬一  
朝烏裘敝百鎰黃金空彈劍徒激昂出門悲路窮吾兄  
青雲士然諾聞諸公所以陳片言片言貴情通棣華儔  
不接甘與秋草同

贈華陽柳少府

杜甫

繫馬喬木間問人野寺門柳侯披衣笑見我顏色溫並



坐石堂下俛視大江奔火雪洗月露絕壁上朝歌自非  
曉相訪觸熱生病根南方六七月出入異中原老少多  
喝死汗踰水漿翻俊才得之子筋力不辭煩指揮當世  
事語及戎馬存涕淚澣我裳悲氣一作排帝閣鬱陶抱  
長策義仗知者論吾衰臥江漢但愧識璵璠文章一小  
伎於道未爲尊起予幸斑白因是託子孫但客古信州  
結廬依毀垣相去四五里徑微山葉繁時危挹佳士况  
免軍旅喧醉從趙女舞歌鼓秦人盆子壯顧我傷我驩  
兼淚痕餘生如過鳥故里今空村

鉅鹿贈李少府

高適

古詩五言

卷十一

十八

李侯雖薄宦時譽何籍籍駿馬常借人黃金每留客投  
壺華館靜縱酒涼風夕卽此遇神仙吾欣知損益

春夜竹亭贈錢少府

時歸藍田

王維

夜靜羣動息時聞隔林犬却憶山中時人家澗西遠羨  
君明發去采蕨輕軒冕

於五松山贈南陵常贊府

李白

爲草當作蘭爲木當作松蘭幽香風遠松寒不改容松  
蘭相因依蕭艾徒丰茸雞與雞並食鸞與鸞同枝棟珠  
去沙礫但有珠相隨遠客投名賢直堪寫懷抱若惜方  
寸心待誰可傾倒虞卿棄趙相便與魏齊行海上五百

人同日死田橫當時不好賢豈傳千古名願君同心人  
於我少留情寂寂還寂寂出門述所適長缺一作歸來  
乎一作歌秋風思歸客

贈益府裴錄事

盧照隣

忽忽歲云暮相望限風煙長歌欲對酒危坐遂停弦停  
弦變霜露對酒懷朋故朝看桂蠹晚夜聞鴻鴈度鴻度  
何時還桂晚不同攀浮雲映丹壑明月滿青山青山雲  
路深丹壑月華臨耿耿離憂積空令星鬢侵

贈益府羣官

一鳥自北燕飛來向西蜀單棲劍門上獨舞崑一作山

古詩五言

卷十一

十九

足昂藏多古貌哀怨有新曲羣鳳從之遊問之何所欲  
答言寒鄉子飄飄萬餘里不息惡木枝不飲盜泉水常  
思稻粱遇願栖梧桐樹智者不我邀愚夫余不顧所以  
成獨立耿耿歲云暮日夕苦風霜思歸赴洛陽羽翮毛  
衣短關山道路長明月流客思白雲迷故鄉誰能借風  
便一舉凌蒼蒼

贈王威古

崔顥

三十羽林將出身常事邊春風吹淺草獵騎何翩翩  
羽兩相顧鳴弓新上弦射麋入深谷飲馬投荒一作泉  
馬上共傾酒野中聊割鮮相看未及飲一作雜虜寇幽

燕烽火去不息胡塵一作山高際天長驅救東北戰解城一作轉亦一作解城全報國行赴難古來皆共然

贈輕車

悠悠遠行歸經春涉長道幽冀桑始青洛陽蠶欲老憶昨戎馬地別時心草草烽火從北來邊城閉長早平生少相遇未得展懷抱今日杯酒間見君交情好

贈裴將軍

顏真卿

大君制六合猛將清九垓戰馬若龍虎騰凌何壯哉將軍臨八荒烜赫耀英材劍舞若遊電隨風縈日迴登高望天山白雲正崔嵬入陣破驕虜威名雄震雷一射百

古詩五言

卷十一

二十

馬倒再射萬夫開匈奴不敢敵相呼歸去來功成報天子可以畫麟臺

贈劉都使

李白

東平劉公幹南國秀餘芳一鳴卽朱紱五十佩銀章飲水事戎幕衣錦華水鄉銅官幾萬人諍訟清玉堂吐言貴珠玉落筆迴風霜而我謝明主銜哀投夜郎歸家酒債多門客聚成行高談滿四座一一傾千觴所求竟無緒裘馬欲摧藏主人若不顧明發釣滄浪

贈裴司馬

翡翠黃金縷繡成歌舞衣若無雲間月誰可比光輝秀

色一如此多爲衆女譏君恩移昔愛失寵秋風歸愁苦不窺鄰泣上流黃機天寒素手冷夜長燭復微十日不滿匹鬢蓬亂若絲猶是可憐人容華世中稀向君發皓齒顧我莫相違

贈歷陽褚司馬

時此公爲稚子舞故作是詩

北堂千萬壽侍奉有光輝先同稚子舞更著老萊衣因爲小兒啼醉倒月下歸人間無此樂此樂世中稀

贈何七判官昌浩

有時忽惆悵匡坐至夜分平明空嘯咤思欲解世紛心隨長風去吹散萬里雲一作與濟南生九十誦古文

古詩五言

卷十一

二十一

不然拂劍起沙漠收奇勲老死田一作阡陌間何因揚清芬夫子今管樂英才冠三軍終與同出處豈將沮溺羣

贈王判官

時余歸隱居廬山屏風疊

昔別黃鶴樓蹉跎淮海秋俱飄零落葉各散洞庭流中年不相見贈蹬遊吳越何處我思君天台綠蘿月會稽風月好却遶剡谿迴雲山海上出人物鏡中來一度浙江北十年醉楚臺荆門倒屈宋梁苑傾鄒枚若笑我誇誕知音安在哉大盜割鴻溝如風掃秋葉吾非濟代人且隱屏風疊中夜天中望憶君思見君明朝拂衣去永與海鷗羣

奉贈李八丈曠判官

杜甫

我丈時英特宗枝神竟後珊瑚市則無驥驥人得有早  
年見標格秀氣衝星斗事業富清機官曹貞一作獨守  
頃來樹嘉政皆已傳衆口艱難體貴安冗長吾敢取區  
區猶歷試炯炯更持久討論實解願操割紛應手篋書  
積諷一作諫官關限奔走入幕未展材秉鈞孰爲偶所  
親問淹泊汎愛惜衰朽垂白辭南翁委身希北叟真成  
窮轍鮒或似喪家狗秋枯洞庭石風颯長沙柳高興激  
荆衡知音爲回首

贈盧徵君昆弟

李白

古詩五言 卷十一

二十二

明王訪賢逸雲泉今已空二盧竟不起萬乘高其風河  
上喜相得壺中趣每同滄洲卽此地觀化游無窮水落  
海上青一作黿背觀方蓬與君弄倒景攜手凌星虹

贈丹陽橫山周處士惟長

周子橫山隱開門臨城隅連峰入戶牖勝槩凌方壺時  
枉白紵詞放歌丹陽湖水色傲瀟湘川光秀菰蒲當其  
得意時心與天壤俱閒雲隨卷舒安識身有無抱石耻  
獻玉沈泉笑探珠羽化如可作相攜一作上清都

贈張公洲韋處士

列子居鄭圃不將衆庶分華侯遁南浦常恐楚人聞抱

薤灌秋蔬心閒遊天雲每將瓜田叟耕種漢水濱時登  
張公洲入獸不亂羣井無桔槔事門絕刺繡文長揖二  
千石遠辭百里君斯爲真隱者吾黨慕清芬

贈閻丘處士

賢人有素業乃在沙塘陂竹影掃秋月荷花一作落古  
池閒讀山海經散帙臥遊帷且耽田家樂遂曠林中期  
野酌勸芳酒園蔬烹露葵如能樹桃李爲我結茅茨

贈衛八處士

人生不相見動如參與商今夕復何夕共此燈燭光少  
壯能幾時鬢髮各已蒼訪舊半爲鬼驚呼熱中腸焉知

古詩五言 卷十一

二十三

二十載重上君子堂昔別君未婚兒女一作忽成行怡  
然敬父執問我來何方問荅未及一作已兒女羅  
酒漿夜雨剪春韭新炊間黃粱主稱會面難一舉累十  
觴十觴亦不醉感子故意長明日隔山嶽世事兩茫茫

滑中贈崔高士瓊

王季友

夫子保藥命外身得無咎日月不能老化腸爲筋否十  
年前見君甲子過我壽一作云何今相逢華髮在我後  
近而知其遠少見今白首遙信蓬萊宮不死世有玄  
石采盈擔神方秘其肘問家惟指雲愛氣常言酒攝生  
固如此履道當不朽未能太玄同願亦天地久實腹以

芝朮賤形仍一作芻狗自勉將勉余良藥在苦口

贈趙六貞固二首

陳子昂

回中烽火入塞上追兵起此時邊朔寒登隴思君子東顧望漢京南山雲霧裏

赤螭媚其彩婉變蒼梧泉昔者瑯琊子躬耕亦慨然美人豈遐曠之子乃前賢良辰在何許白日屢頹還道心固微密神用無留連舒可彌宇宙攬之不足拳蓬萊久蕪沒金石徒精堅良寶委短褐閒琴獨嬋娟

贈韓思彥

時思彥同在憲臺

賀遂亮

意氣百年內平生一寸心欲交天下事未面已虛襟君

古詩五言

卷十一

二十四

子植名義直道冠衣簪風雲行可託懷抱自然深落霞靜霜景墜葉下風林若上南登岸希訪北山岑

贈唐祖二子

王翰

鴻飛遵枉渚鹿鳴思故羣物情尚勞愛况乃予別君別

時花始發別後蘭再薰瑤觴滋白露寶瑟凝涼氣裴徊北林月悵望南山雲雲月渺千里音徽不可聞

贈薛璩慕容損

座上走筆

王維

希世無高節絕跡有卑棲君徒視人文吾固和天倪緬然萬物始及與羣牧齊分地依后稷用天信一作重黎

春風何豫人令我思東谿草色有佳意花枝稍含萼更

待風景好與君藉萋萋

贈房盧氏瑄

達人無不可忘已愛蒼生豈復少十室絃歌在兩楹浮人日已歸但坐事農耕桑榆鬱相望邑里多雞鳴秋山一何淨蒼翠臨寒城視事兼偃卧對書不簪纓蕭條人吏疎鳥雀下空庭鄙夫心所尚晚節異平生將從海岳居守靜解天刑或可累安邑茅茨君試營

贈祖三詠

濟州官舍作

蟪蛄挂虛牖蟋蟀鳴前除歲晏涼風至君子復何如高館閒無人離居不可道閒門寂已閉落日照秋草雖有

古詩五言

卷十一

二十五

近音信千里阻河關中復客汝潁去年歸舊山結交二十載不得一日展貧病子既深契闊余不淺仲秋雖未歸暮秋以爲期良會詎幾日終日長相思

贈裴十迪

風景日夕佳與君賦新詩澹然望遠空如意方支願春風動百草蘭蕙生我雛暖暖日暖閨田家來致詞欣欣春還臯淡淡水生陂桃李雖未開萼萼滿芳枝一作枝請君理還策敢告將農時

贈李頎

聞君餌丹砂甚有好顏色不知從今去幾時生羽翼王

母驛華芝望爾崑崙側文鸞從赤豹萬里方一息悲哉  
世上人甘此羶腥食

贈史昭

王昌齡

東林月未升廓落星與漢是夕鴻始來齋中起長歎懷  
哉望南浦眇然夜將半但有秋水聲愁使心神亂握中  
何爲贈瑤草已衰散海鱗未化時各在天一岸

贈張旭

李頎

張公性嗜酒豁達無所營皓首窮草隸時稱太湖精露  
頂據胡牀長叫三五聲興來灑素壁揮筆如流星下舍  
風蕭條寒草滿戶庭問家何所有生事猶一作浮萍左

古詩五言

卷十一

二十六

手持蟹螯右手執丹經瞪目視霄漢不知醉與醒諸賓  
且方坐旭日臨東城荷葉裹江魚白甌貯香秬微祿心  
不屑放神於八紘時人不識者卽是安期生

贈徐安宜

李白

白田見楚老歌詠徐安宜製錦不擇地操刀良在茲清  
風動百里惠化聞京師浮人若雲歸耕種滿郊岐川光  
淨麥隴日色明桑枝訟息但長嘯賓來或解頤青槐拂  
戶牖一作水流園池遊子滯安邑懷恩未忍辭繁君  
樹桃李歲晚託深期

贈武十七

序曰門人武諱深於義者也質木沉  
悍豪爽離之風潛釣江海不數數於

世間事聞中原作難西來訪余余愛子伯禽在  
唐許將肩朝兵以致之酒酣感激援筆而贈

馬如一匹練明日過吳門乃是要離客西來欲報恩笑  
開燕匕首拂拭竟無言狄犬吠清洛天津成塞垣愛子  
隔東魯空悲斷腸猿林回棄白璧千里阻同奔君爲我  
致之輕齋涉淮源精誠合天道不愧鄧攸一作遠遊魂

贈從弟列

楚人不識鳳重一作高價求山雞獻王昔云是今來方覺

逃自居漆園北久別一作識咸陽西風飄落日去節變流

鶯啼桃李寒未開幽關豈成蹊逢君發花萼若與青雲

齊及此桑葉綠春蠶起中閨日出撥一作布穀鳴田家擁

古詩五言

卷十一

二十七

鋤犁顧余乏尺土東作誰相携傳說降霖雨公輸造雲

錦一作戎事未息君子悲塗泥報國有長策成功羞

執珪無由謁明王杖策還蓬萊他年爾相訪知我在磻

贈李十二白

崔宗之

涼風八九月白露空園庭耿耿意不暢捎捎一作稍風葉

聲思見雄俊士共話今古情李侯忽來儀把袂苦不早

清論既抵掌玄談又絕倒分明楚漢事歷歷王霸道擔

囊無俗物訪古千里餘袖有七首劍懷中茂陵書雙眸

光照人詞賦凌子虛酌酒弦素琴霜氣正凝潔平生心

中事今日爲君說我家有別業寄在嵩之陽明月出高  
岑清谿澄素光雲散窓戶靜風吹松桂香子若同斯遊  
千載不相忘

贈李白

杜甫

二年客東都所歷厭機巧野人對羶腥蔬食常不飽豈  
無青精飯使我顏色好苦乏大藥資山林跡如掃李侯  
金闥彥脫身事幽討亦有梁宋遊方期拾瑤草

奉贈射洪李四丈

丈人屋上烏人好烏亦好人生意氣豁不在相逢早南  
京亂初定所向色枯槁遊子無根株茅齋付秋草東征  
古詩五言 卷十一 二十八

下月峽挂席窮海島萬里須十金妻孥未相保蒼茫風  
塵際踴躍騏驎老志士懷感傷心骨已傾倒

贈鄭十八賁

溫溫士君子令我懷抱盡靈芝冠衆芳安得闕親近遭  
亂意不歸窠身跡非隱細人尚姑息吾子色愈謹高懷  
見物理識者安肯哂卑飛欲何待捷徑應未忍示我百  
篇文詩家一標準辭離交屈宋牢落值顏閔水陸迷喪  
途藥餌駐脩軫古人日已遠青史字不泯步趾詠唐虞  
追隨飯藁糧數杯資好事異味煩縣尹心雖在朝謁力  
與願矛盾抱病排金門衰容豈爲敏

贈蘇侯

異縣昔同遊各云厭轉蓬別離已五年尚行李中戎  
馬日衰息乘輿安九重有才何棲棲將老委所窮爲郎  
未爲賤其奈疾病攻子何面黧黑焉得豁心胷巴蜀倦  
剽劫下愚成土風幽薊已削平荒徼尚彎弓斯人脫身  
來豈非吾道東乾坤雖寬大所適葉囊空肉食晒菜色  
少壯欺老翁况乃主客間古來偏側同君今下荆楊獨  
帆如飛鴻二州豪俠場人馬皆自雄一請甘饑寒再請  
甘養蒙

贈知己

楊諫

古詩五言 卷十一

二十九

江南折芳草江北贈佳期江關水復急過江常苦遲蘋  
白蘭葉青恐度先香時美人碧雲外寧見長相思

贈友人三首

李白

蘭生不當戶別是閒庭草風被霜露欺紅榮已先老謬  
接瑤華枝結根君王池顧無馨香美叨沐清風吹餘芳  
若可佩卒歲長相隨

袖中趙匕首買自徐夫人玉匣閉霜雪經燕復歷秦其  
事竟不捷淪落歸沙塵持此願投贈與君同急難一作  
歲寒  
荆卿一去後壯士多摧殘長號易水上爲我揚波瀾鑒  
井當及泉張帆當濟一作  
涉川廉夫唯重義駿馬不勞鞭

人生貴相知何必金與錢

慢世薄功業非無習中畫龍浪萬古賢以為兒童劇立

產如廣費匡君懷長策但苦山北寒誰知一作道南宅

歲酒上逐風霜鬢兩邊白蜀主思孔明晋家望安石時

人一作來列五鼎談笑期一擲虎伏被胡塵漁歌遊海濱

弊裘耻妻嫂長劍托交親夫子秉嘉義羣公難與鄰莫

持西江水空許東溟臣他日青雲去黃金報主人

贈新平少年

韓信在淮陰少年相欺凌屈體若無骨壯心有所憑一

遭龍顏君嘯咤從此興千金蒼漂母萬古共嗟稱而我

古詩五言

卷十一

三十

竟胡一作何為寒苦坐相仍長風入短袂內一作手如懷

水故友不相恤新交寧見矜摧殘檻中虎羈絆上鷹

何時騰風雲搏擊申所能

夏日遊德州贈高四序曰夫在心為志發言為詩

意僕少負不羈長途虛誕讀書頗存涉獵學劍

不待窮工進不能矯翰龍雲退不能棲神豹霧

撫循諸已深覺勞生而太夫人在堂義須捧檄

固仰長安而就此日希鄉以望雲雲文閣三冬

而書勞十上嗟乎入門自媚誰相謂言致使君

門隔於九重中堂遠於千里既而交非得免路

是亡羊敬止弊廬竭來初服風期於千祀雖交

洽金蘭領意氣於一言締風期於千祀雖交

氣合資得意以敦交道契言忘少奇言而筆道

是以輕投木李以代陳麻車向繁蕪心而筆道

駱賓王

日觀鄰全趙星臨俯舊吳隔津開巨浸稽阜鎮名都紫

雲浮劍匣青山孕寶符封疆恢霸道問鼎競雄圖神光

包四大皇威震八區風煙通地軸星象正天樞天樞限

南北地軸殊鄉國關門通舜賓比屋封堯德言謝垂鈞

隱來參負鼎職天子不見知羣公詎相識未展從東駿

空戢圖南翼時命欲何言撫膺長歎息歎息將如何遊

人意氣多白雪一作雲

梁山曲寒風易水歌泣魏傷吳起

思趙切庶頗淒淒斷韓王劍生死翟公羅羅悲翟公意劍

負韓王氣驕餌亦奚論忌途良可畏夙昔懷江海平生

古詩五言

卷十一

三十一

混涇渭千載契風雲一言忘賤貴去去訪林泉空谷有

遺賢言投爵里刺來泛野人船締交君贈縞投分我忘

筌成風郢匠斷流水伯牙弦牙弦忘道術漳濱恣閒逸

聊安張蔚廬詎掃陳蕃室虛室狎招尋敬愛混浮沈一

諾黃金信三復白珪心霜松貞雅節月桂朗冲襟靈臺

萬頃濬學府九流深談玄明毀壁拾紫陋籛金鷺濤開

碧海鳳彩綴詞林林虛星華映水澈霞光淨霞水兩分

紅川源四望通霧捲天山靜煙銷太史空鳥聲流迴瀟

蝶影亂芳叢柳陰低墜水荷氣上薰風風月芳菲節物

華紛可悅將歡促席賞遽爾又歸別積水帶吳門通波



連禹穴贈言雖欲盡機心庶應絕潘岳本自閒梁鴻不  
因熱一瓢欣狎遁三月聊棲拙棲拙隱金華狎遁訪仙  
查放曠愚公谷消散野人家一頃南山豆五色東陵瓜  
野衣裁薜葉山酒酌藤花白雲離望遠青谿隱路賒儻  
憶幽巖桂猶異折疎麻

早秋贈裴十七仲堪

李白

遠海動風色吹秋一作愁落天涯南星變大火熱氣餘丹

霞光景不可迴六龍轉天車荆人泣美玉魯叟悲匏瓜

功業若夢中一作推一作撫琴發長嗟裴生信一作實英邁

崛起多才華歷遊趙魏豪結交列如麻一作歷抵海岱豪結交魯朱家

古詩五言 卷十一 三十三

破產且救人遺身不爲家一無此句復携兩少妾一作豔

色驚荷花雙歌入青雲但惜白日斜一作窮溟出寶貝

大澤饒龍蛇明主儻一作必見收煙霄路非賒時命若不

會歸應鍊丹砂一作知飛萬里道勿使歲寒嗟

登江中孤嶼贈白雲先生王迴 孟浩然

悠悠清江水水落沙嶼出迴潭石下深綠篠岸傍密蛟

人潛不見漁父歌自逸憶與君別時泛舟如昨日夕陽

開返照中坐興非一南望鹿門山歸來恨相失

在江南贈宋五之問 駱賓王

井絡雙源潯潯陽九派長淪波通地穴輪委下歸塘別

島籠朝暈連洲擁夕漲韞珠澄積潤議壁動浮光浮光

凝折水積潤踈圓止玉輪涵地開劍匣連星起風煙標

迴秀英靈信多美懷德踐遺芳端操慙謀已謀已謬觀

光牽迹強恓惶揆拙迷三省勞生昧兩忘彈隨空被一作

笑獻楚自多傷一朝殊默語千里易炎涼炎涼幾遷

賀川陸疲臻湊積水架吳濤連山橫楚岫風月雖殊昔

星河猶是舊姑蘇望南浦邨鄆通北走北走平生親南

浦別離津瀟湘一超忽洞庭多苦辛秋江無綠芷寒汀

有白蘋采之將何遺故人漳水濱漳濱已遠遠江潭未

旋返爲聽短歌行當想長洲苑露金薰菊岸風珮搖蘭

古詩五言 卷十一 三十三

坂蟬鳴稻葉秋鴈起蘆花晚晚秋雲日明亭臯風露清

獨負平生氣重牽搖落情占星非聚德夢月詎懸名寂

寥傷楚奏淒斷泣秦聲秦聲懷舊里楚奏悲無已郢路

少知音叢臺富奇士溫輝凌愛日壯氣驚寒水一顧重

風雲三冬足文史文史盛紛綸京洛多風塵猶輕五車

富未重一囊貧李仙非一作悲易託蘇鬼尚曲一作難因不

惜勞歌盡誰爲聽陽春

鄴中贈王大一作鄴中王勸入高李白

一身竟無託遠與孤蓬征千里失所依復將落葉并中

途偶良朋問我將何行欲獻濟時策此心誰見明君王

制六合海塞無交兵壯士伏草間沈憂亂縱橫飄飄不得意昨發南都城紫燕櫪下一作嘶青萍匣中鳴投軀寄天下長嘯尋豪英耻學瑯琊人龍蟠事躬耕富貴吾自取建功及春榮我願執爾手爾方達我情相知同一已豈惟弟與兄抱子弄白雲琴歌發清聲臨別意難盡各希存今名

鄭縣宿陶太公館中贈馮六元二 王昌齡

儒有輕王侯脫畧當世務一作譽 本家藍田下一作谿中非爲

漁弋故無何困躬耕且欲馳永路幽居與君近出谷同所鶩一作務 昨日辭石門五年變秋露雲龍未相感干謁

古詩 卷十一 三十四

亦已屢子爲黃綬羈余忝蓬山顧京門望西嶽百里見郊樹飛雨祠上來霏然關中暮驅車鄭城宿秉燭論往素山月出華陰開此河渚霧清光比故人豁達展心晤馮公尚戢翼元子仍跼步拂衣易爲高淪跡難有趣張范善終始吾等豈不慕罷酒當涼風屈伸備冥數

招諭有懷贈同行人 一作李義 李義府

遠遊冒艱阻深入勞存諭春去辭國門秋還在邊戍軒車行未返節序催難駐陌上悲轉蓬園中想芳樹蜀山自紛糾岷水恒奔注臨泛多苦懷登攀寡歡趣未夕飛湔雨崇朝蒸毒霧不求綏嶺桃寧美叩鄉鄰白狼行欲

靜聽焉何嘗驅願接輅施塵聯翩東北驚

叙舊贈江陽宰陸調 李白

太伯讓天下仲雍揚波濤清風蕩萬古跡與星辰高開吳食東溟陸氏世英髦天子特峻秀岳岳立冠人曹風流少年時京洛事遊邀驂驪紅陽燕玉劍明珠袍一諾許他人千金雙錯刀滿堂青雲士望美期丹霄我昔北門厄摧如一枝蒿有虎挾雞徒連延五陵豪邀遮來組織呵嚇相煎熬君披萬人叢脫我如獵牢此耻竟未刷且食綏山桃非天雨文章所祖託風騷蒼蓬老壯髮長策未逢遭別君幾何時君無相思否鳴琴坐高樓淥水淨

古詩 五言 卷十一 三十五

臆臆政成聞雅頌人吏皆拱手投刃有餘地迴車攝江陽錯雜非易理先威挫豪強城門何肅穆五月飛秋霜好鳥集珍木高才列華堂一作侍從府中歸絲管儼成行但苦隔遠道無由共街鴈江北荷花開江南楊梅鮮挂席候海色乘風下長川多沽新豐醪滿載剡谿船中途不遇人直到爾門前大笑同一醉取樂平生年一作太伯議天下仲雍揚波濤清風蕩萬古跡與星辰高開吳食東溟陸氏世英髦多君秉古節歎立冠人曹風流少年時京洛事遊邀腰間延陵劍玉帶明珠袍我昔關難從連延五陵豪邀遮相組繼阿嚇來煎熬君披萬人叢脫我如獵牢此耻竟未刷且食綏山桃非天雨文章所祖託風騷蒼蓬老壯髮長策未逢遭別君幾何時君無相思否鳴琴坐高樓淥水淨樹蘭芳城門何肅穆五月飛秋霜好鳥集珍木高才列華堂時從府中歸絲管儼成行但苦隔遠道無由共街鴈江北荷花開江南楊梅熟正好飲酒時懷賢在心目

挂席拾海月乘風下長川多沽新豐醪滿載剡船中  
途不遇人直到兩門前大笑同一醉取樂平生年

### 憶襄陽舊遊贈濟陰馬少府巨

昔爲大堤客曾上山公樓開牕碧嶂一作浦拂鏡滄江  
流高冠佩雄劍長揖韓荆州此地別夫子今來思舊遊  
朱顏君未老白髮我先秋壯志恐蹉跎功名若雲浮歸  
心結遠夢落日懸春愁空思羊叔子墮淚峴山頭一作何時共攜手更醉峴山頭

### 書情贈蔡舍人雄

管高一作謝太傅安石一作安石攜妓東山門楚舞醉碧雲吳歌  
斷清猿暫因蒼生起談笑安黎元余亦愛此人丹霄冀

古詩五言

卷十一

三十六

飛翮遭逢聖明主敢進與亡言蛾眉積讒妬魚目嗤璵  
璠一無此白璧竟何辜一作本無瑕青蠅遂成冤一朝去京  
國十載客梁園猛犬吠九關殺人憤精鬼皇穹雪冤枉  
白日開氛昏太階得夔龍桃李滿中原倒海索明月凌  
山采芳蓀愧無橫草功虛負雨露恩跡謝雲臺閣心隨  
天馬轅夫子王佐才而今復誰論層巖振六翮不日思  
騰騫我縱五湖棹煙濤恣崩奔夢釣子陵湍英芬一作風  
緬猶存徒希客星隱弱植不足援千里一回首萬里一  
長歌黃鶴不復來清風奈愁一作愁奈何舟浮瀟湘月一作橫羅  
石剡山倒洞庭波投汨笑古人臨濠得天和閒時田畝中

搔背牧雞鵝別離解相訪應在武陵多

### 書懷贈南陵常贊府

歲星入漢年方朔見明主調笑當時人中天謝雲雨一  
去麒麟閣遂將朝市垂故交不過門秋草日上階當時  
何特達獨與我心諧置酒凌歊臺歡娛未曾歇歌動白  
紵山舞迴天門月問我中心事爲君前致辭君看我才  
能何似魯仲尼大聖猶不遇小儒安足悲雲南五月中  
頻喪渡瀘師毒草殺漢馬張兵奪秦一作雲旗至今西二  
河流血擁僵屍將無七擒畧魯女惜園葵咸陽天下樞  
累歲人不足雖有數斗玉不如一盤一作杯粟賴得契宰

古詩五言

卷十一

三十七

衡持釣慰風俗自顧無所用辭家方未歸霜驚壯士髮  
淚滿逐臣衣以此不安席蹉跎因世違終當滅衛謫不  
受魯人譏

### 陳情贈友人

延陵有寶劍價重千黃金觀風歷上國暗許故人深歸  
來挂墳松萬古知其心懦夫感達節壯氣一作士激素一作士  
前矜鮑生薦夷吾一舉置齊相斯人無良朋豈有青雲  
望臨才不苟取推一作端分固辭讓後世稱其賢英風邈  
難尚論交但若此友一作有道孰云喪多君騁逸藻掩映  
當時人舒文振頽波秉德一作義冠彝一作殊倫卜居乃此

地共井爲比鄰清琴弄雲月美酒娛冬春薄德中見指  
忽之如遺塵英豪未豹變自古多艱辛他人縱以疎君  
意宜獨親奈何成離居相去復幾許飄風吹雲霓蔽目  
不得語投珠冀有一一作報按劍恐相拒所思采芳蘭欲  
贈隔脩一作荆渚沈憂心若醉積恨淚如雨願假東壁輝  
餘光照貧女

于時春也慨然有江湖之思寄贈柳九隴

盧照隣

提琴一萬里負書三十年晨攀偃蹇樹暮宿清冷泉翔  
禽鳴我側旅獸過我前無人且無事獨酌還獨眠遙聞

古詩五言

卷十一

三十八

彭澤亭高弄武城弦形骸寄文墨意氣託神仙我有壺  
中要題爲物外篇將以貽好道道遠莫致旃相思勞日  
夜相望阻風煙坐惜春華晚徒令客思懸水去東南地  
氣凝西北天關山悲蜀道花鳥憶秦川天子何時問公  
卿本亦憐自哀還自樂歸數復歸田海屋銀爲棟雲車  
電作鞭倘遇鸞將鶴誰論貂與蟬萊洲頻度淺桃實幾  
成圓寄言飛鳧爲歲晏共聯翩

弘農清巖曲有磬石可坐宋十一每拂拭待余寄  
詩贈之

田遊巖

信彼稱靈石居然狎遁棲徘徊承翠巘斌駁帶深溪夕

陰起層岫清景半虹蜺風來應嘯阮波度可琴嵇僕也  
穎陽客望彼空思齊倘見山人至簪蒿且杖藜

答田遊巖

宋之問

家臨清溪水溪水繞磐石綠蘿四面垂裏裏百餘尺風  
泉度絳管苔蘚鋪茵席傳聞穎陽人霞外漱靈液忽在  
巖中翰吟臥一作望朝復夕何當遂遠游物外候逋客

賈員外處見中書賈舍人巴陵詩集覽之懷舊代  
書寄贈

獨孤及

海岸望青瑣雲長天漫漫十年不一展知有關山難適  
逢阮始平立馬問長安取公詠懷詩示我江海瀾暫若

古詩五言

卷十一

三十九

窺武庫森然矛戟寒眼明遺頭風心悅忘朝餐大駕今  
返正熊羆扈鳴鑾公遊鳳凰沼獻可在筆端繫越有長  
纓封關祇一丸罔然翔寥廓仰望翰羽翰嘉會不我與  
相思歲云殫唯當袖佳句持比青琅玕

戲贈張五弟諲

時在常樂東園走筆  
成三首

王維

吾弟東山時心尚一何遠日高猶自臥鍾動始能飯領  
上髮未梳牀頭書不卷清川興悠悠空林對偃蹇青苔  
石上淨細草松下軟牕外鳥聲閒階前虎心善徒然萬  
象多澹爾太虛緬一知與物平自顧爲人淺對君忽自  
得浮念不煩遣

張弟五車書讀書仍隱居染翰過草聖賦詩輕子虛閉

門二室下隱居十年餘宛是野人野也一作時從漁父漁

一作秋風日蕭索五柳高且疎望此去人世渡水向吾

盧歲晏同携手只應君與予

設置守鳬兔垂釣伺遊鱗此是安口腹非關慕隱淪吾

生好清淨蔬食去情塵今子方豪蕩思爲鼎食入我家

南山下動息自遺身入鳥不相亂見獸皆相親雲霞成

伴侶虛白侍衣巾何事須夫子邀予谷口真

戲贈鄭溧陽

李白

陶令日日醉不知五柳春素琴本無絃漉酒用葛巾清

古詩 五言

卷十一

四十一

風北牕下自謂羲皇人何時到栗里一見平生親

戲贈王歷陽醉後作

書禿千兔毫詩裁兩牛腰筆蹤起龍虎舞袖拂雲霄雙

歌二一作

胡姬更奏遠一作

清朝舉酒挑朔雪從君不

見饒

戲贈友 二首

杜甫

元年建巳月郎有焦校書自誇足膂力能騎生馬駒一

朝被馬踏唇裂板齒無壯心不肯已欲得東擒胡

元年建巳月官有王司直馬驚折左臂骨折面如墨驚

駘漫深一作

泥何不避雨色勸君休歎恨未必不爲福

水堂送諸文士戲贈潘水聯句

居人未可散上客須留著莫唱阿鞞迴應云夜半樂與

潘奉詩教刻燭賦酒任連盤酌從他白眼看終戀青山

郭述奉林栖非姓許寺住那名約會異永和年才同建

安作羽呈權何煩問更漏但遣催絃索共說長句能皆

言早歸惡然公別那知殊出處還得同笑諠雅韻雖覺懼

禪心肯拋却侍御一宿同高會幾人歸下若簾開北

陸風燭焯南枝鵲萼奉潘文場苦切竊釣渚甘漂泊弱

質幸見容非才誠重諾

戲贈鄭廣文虔兼呈蘇司業源明 杜甫

古詩 五言

卷十一

四十一

廣文到官舍繫馬堂階下醉卽騎馬歸頗遭官長罵才

名三十年坐客寒無輓賴一作有蘇司業時時與酒錢

過盧明府有贈

高適

良吏不易得古人今可傳靜默本諸已以此知其賢我

行挹高風羨爾兼少年胸懷豁清夜史漢如流泉明日

復行春遂迤出郊壇登高見百里桑野鬱芊芊時平俯

鵲巢歲熟多人烟奸猾唯閉戶逃亡歸種田迴軒自郭

南老幼滿馬前皆賀蠶農至一作而無徭役牽君觀黎

庶心撫之誠萬全何幸逢大道願言烹小鮮誰能奏明

奏明廷主一試武城絃

單父逢鄧司倉覆倉庫因而有贈

邦牧今坐嘯羣賢趨紀綱四人忽不擾耕者遙相望  
聚桑府中妙授詞如履霜炎伏熱時草木無晶光匹馬  
度睢水清風何激揚校綰閑帑藏發廩忻斯箱邂逅得  
相逢歡言至夕陽開襟自公餘載酒登琴堂舉杯挹山  
川寓目窮毫芒白鳥向田盡青蟬歸路長醉中不惜別  
况乃正遊梁

同宋參軍之問夢趙六贈盧陳二子之作

陳子昂

曉霽望嵩丘一作丘白雲半巖足氛氲涵翠微宛如瀛

古詩

卷十一

四十二

臺曲故人昔所尚幽琴歌斷續變化竟無常人琴遂

兩亡白雲失處所夢想暖容光疇昔疑綠業儒道兩相  
妨前期許幽報迨此尚茫茫晤言既已失感歎一作情

何一始憶攜手期雲臺與峨眉達兼濟天下窮獨善其

時諸君推管樂之子慕巢東奈何蒼生望卒為黃綬欺

銘鼎功未立山林事亦微撫孤一流慟懷舊日睽違盧

子尚高節終南臥松雪宋侯逢聖君驟馭遊青雲而我

獨踣蹙語默道猶屯征戎在遼陽蹉跎歲再黃丹丘恨

不及白露已蒼蒼遠聞山陽賦感涕下沾裳

客有自燕而歸哀其老而贈之

常建

羸馬朝自燕一身為羸運憶親拜孤塚移雙陵前幽

願從此畢劔心因獲全孟冬寒氣盛撫轡告言旋碣石

海北門餘寇惟朝鮮離離一寒騎嫺嫺馳一作白天生

別皆自取况為士卒先寸心漁陽興落日旌竿懸

薊門不遇王之渙郭密之因留贈 高適

適遠登薊丘茲晨獨搔眉賢交不可見吾願終難說迢

遞千里遊羈離十年別才華仰清興功業嗟芳節曠湯

阻雲海蕭條帶風雪逢時事多謬失路心彌折行矣勿

重陳懷君但愁絕

為張儉贈閻使臣

王昌齡

古詩

卷十一

四十三

哀哀獻玉人楚國同悲辛泣盡繼以血何由辨其真賴

承琢磨惠復使光輝新猶良讒口疾棄之如埃塵

自代內贈

李白

寶刀截流水無有斷絕時妾意逐君行纏綿亦如之別

來門前草春盡秋一作秋轉碧掃盡還更生萋萋滿行

跡鳴鳳始相得雄鷲雌各飛游雲落何山一往不見歸

估客發東海一作大知君在秋浦梁苑空錦衾陽臺夢行

雨妾家三作相失勢去西秦猶存一作舊歌管淒清聞

四鄰曲度入紫雲啼無眼中人女弟爭笑弄悲羞淚盈

巾一無此妾似井底桃開花向誰笑君如天上月不肯

一廻照窺鏡不自識別多懽悻深安得秦吉了爲人道寸心

贈外

魏氏

浮萍依綠水弱萬寄青松與君結大義移天得所從翰  
林無隻鳥劒水不分龍諸和類琴瑟堅固同膠漆義重  
恩欲深夷險貴如一本自身不令積多嬰痛疾朝夕倦  
牀枕形體耻巾櫛遊子倦風塵從官初解巾束裝赴南  
鄧脂駕出西秦比翼終難遂銜雀苦未因徒悲楓岸遠  
空對柳園春男兒不重舊丈夫多好新新人喜新聘朝  
朝臨粉鏡兩鴛固無比雙蛾誰與競詎憐愁思人銜啼  
古詩五言 卷十一 四十四

百行

贈宣城宇文太守兼呈崔侍御

李白

白若白鷺鮮清如清唳蟬受氣有本性不爲外物遷飲  
水箕山上食雪首陽巔廻車避朝歌掩口去盜泉岩巖  
廣成子倜儻魯仲連卓絕二公外丹心無間然昔攀六  
龍飛今作百鍊鉛懷恩欲報主投佩向北燕彎弓綠弦  
開滿月不憚堅閒騎駿馬獵一射兩虎穿廻旋若流光  
轉背落雙鳶胡虜三歎息兼知五兵權鎗鎗突雲將却  
掩我之妍多逢勦絕兒生着祖生鞭據鞍空矍矍壯志

竟誰宣蹉跎復來歸憂恨坐相煎無風難破浪失計長

江邊危苦惜頽光金波忽三圓時遊敬亭上閒聽松風

眠或弄宛谿月虛舟信洄沿顏公二一作三十萬盡付酒

家錢興發每取之聊向醉中眠一作仙過此無一事靜談

秋水篇君從九卿來水國有豐年魚鹽滿市井布帛如

雲煙下馬不作威水壺照清川霜眉邑中叟皆美太守

賢時時慰風俗往往出東田竹馬數小兒拜迎白鹿前

含笑問使君日晚可廻旋還一作遂歸池上酌掩抑清風

絃曾標橫浮雲一作雲端下撫謝朓肩樓高碧海出樹古

青蘿懸光祿紫霞杯伊昔忝相傳良圖掃沙漠別夢繞

古詩五言 卷十一 四十五

旌旄富貴日成疎願言杳無緣登龍有直道倚玉阻芳

筵敢獻統朝策思同郭泰船何言一水淺似隔九重天

崔生何似岸縱酒復談玄身爲名公子英才苦迺迺鳴

鳳托高梧凌風何翩翩安知慕羣客彈劍拂秋蓮

唐詩所第十一卷 終



唐詩所第十二卷 古詩

前集

貽崔太祝

儲光義

天都分禮閣肅肅臨清渠春山照前屏高槐蔭內除惟  
賢尚廩祿弟去兄來居文雅更驥首風流信有餘中年  
幸從事乃遇兩吹嘘何以知君子交情復淡如

貽王侍御

出臺榭丹陽

高高瑯琊臺臺下生箇箇照車十二乘光彩不足踰  
數既當少微星復隱高山霧金丘華陽下仙伯養晦處

茅茨對三峰梧桐開一路神谿繞臯陸樵牧自成趣時  
登青冥遊若從天江渡墟里獻薇蕨羣公致衣縷深沈

古詩 五言

卷十二

一

復清淨偃仰視太素猛獸識賓僕頽霞知早暮  
龍開忽有方伯遇達人無不可壯士且馳驚融泄長離  
鳴續紛大鵬翥赤墀高崩旁一見如三顧禮服正邦祀  
刑冠肅王度三辰明昭代光啟玄元祚章臺收杞梓太  
液滿鵷鷺豐澤耀純仁八方晏黔庶沈沈閭闔起殷殷  
蓬萊曙旌戟儼成行雞人傳發煦翔翼一如鷄百辟莫  
不懼清廟奉蒸嘗靈山扈鑾輅天街時蹴踘直指燕桂  
栢四月純陽初雷雨始奮豫逆星字極鈇鑕靜天步  
鄧錡舒曜靈干戈藏武庫析柵增廣近一作直道有好惡迴  
跡清憲臺傳騎東南去列城異疇昔追一作餞寡徒御

纏綿西關道婉孌新豐樹伊洛不敢息淮河任沿汭鄉  
亭棠更津先後非疏附炎時方怵惕有若踐霜露惆悵  
長岑長寂寞梁王傳紛吾家延州結友在童孺岑陽沐  
天德邦邑持民務躋躋望朝陰如何復淪誤牙曠三千  
里擊轅非所慕秋濤聯滄溟丹楫湊北固江汜日約砂  
朝夕空寐寤中洞松栝新東臯阡陌故餘輝方焜耀可  
以歡邑聚南華在濠上誰辨魏王瓠登陟芙蓉樓為我  
時一賦

貽鄭十九侍御

楊衡

秋至觸物愁況當離別筵短歌銷夜燭繁緒徧高絃桂

古詩 五言

卷十二

二

水舟始汎

一作

蘭堂楊詎懸一杯勿離阻三歲奉一作

周旋鴉噪更漏颯露濡風景鮮斯須不共此且為更留  
連

貽鄭丞

百年泛飄忽萬事繁衰榮高鴻脫矰繳達士解一作簪  
纓始從天目遊一作歸復作羅浮行雲臥石林密月窺花  
洞明全形在氣和習默憑境清夙秘絳囊訣屢投金簡  
名鐘一作管促離鵷烟霞隨去旌何當眞府內重得款  
平生

貽鼓吹李丞

時信安王北伐

儲光義

北伐昧天造王師示有征轅門統元律帝室命宗英靈  
威方首事仗鉞按邊城膏雨被春草黃雲浮太清文儒  
託後乘武旅趨前旌出車發西洛營軍臨北平曰子深  
固陋志氣頗縱橫嘗思驃騎幕願逐嫖姚兵惟賢美無  
度海內依揚聲河間舊相許車騎日逢迎折節下謀士  
深心論客卿忠言雖未列庶以知君誠

貽袁三拾遺謫作

傾蓋洛之濱依然心事親龍門何以峻曾是好詞人珥  
筆朝丹陛含章諷紫宸帝城多壯觀被服長如春天子  
儉爲德而能清約身公卿盡虛位天下自翹塵

古詩五言

卷十二

三

望美令德聲何已高帝黜儒生文皇謫才子朝廷非不  
盛謫謫良難恃路出大江陰川行碧峯裏斯言徒自玷  
白玉豈爲滓希聲盡衆人深識唯知己知已怨生離悠悠  
悠天一涯寸心因夢斷孤憤爲年移花滿芙蓉關春深  
朝夕池空令千萬里長望白雲垂

貽閻處士防

時卜居終南

春風搖雜樹言別還江汜堅冰生綠潭又客三千里兆  
夢唯顏色懸情乃文史滌耳貴清言披歡遲玉趾秦城  
疑舊廬佇立問焉如稚子跪而說還山將隱居竹林旣  
深遠松宇復清虛跡迴事多逸心安趣有餘石門動高

韻草堂新著書鸞飛久超絕蹇足空躊躇猶有昔時意  
望君當照車驅車當六國何以須潛默聖主常徵賢羣  
公每舉德此時方獨往身志將何欲願謝山中人迴車  
首歸闕

貽王處士子文

春草生洞渚春風入上林春臯有黃鶴撫翮未傷音王  
屋嘗嘉遜伊川復陸沈張弦鳴雞弄閉室蓬蒿深避地  
歌三樂遊山賦九吟大君思左右無乃化黃金

貽余處士

故園至新浦遙復未百里北望是他邦紛吾卽遊士潮

古詩五言

卷十二

四

來津門啟罷揖信流水客意乃成歡舟人亦相喜遲遲  
菱荇上泛泛菰蒲裏漸聞商旅喧猶見鳧鷖起市亭忽  
雲構方物如山峙吳王昔喪元隋帝又滅祀停舳一以  
眺太息興亡理秋苑故池田宮門新柳杞我行苦炎月  
乃及清昊始此地日逢迎終思隱君子莫言異卷舒形  
音在心耳

貽阮隱君昉

杜甫

陳留風俗衰人物世不數塞上得阮生迴繼先父祖貧  
知靜者性自益毛髮古車馬入鄰家蓬蒿翳環堵清詩  
近道要識字一作子用心苦尋我草廬微褰裳踏寒雨更

議居遠林一作村避喧甘猛虎足明箕穎客榮貴如糞土

春遇南使貽趙知音

岑參

端居春心醉襟背思樹萱美人在南州爲爾歌北門北  
風吹煙物載勝鳴中園枯楊長一作抽新條芳草滋舊根  
網絲結實琴塵埃被空樽適遇江海信聊與南客論

秋庭貽馬九

序曰扶風馬挺余之元伯也舍人諸昆知已之目挺充鄭鄉之職余乃貽

此詩

儲光羲

伊昔好觀國自鄉西入秦往復萬餘里相逢皆衆人大  
君幸東岳世哲扈時巡子亦從此去閒居清洛濱稍稍  
寒木直彩彩陽華新迭宕孔文舉風流石季倫妙年一

古詩

五言

五

相得白首定相親重此虛賓館歡言冬及春指兄盛文  
史出入馳高軌令德本同人深心重知已終承朝聖主  
紗帳延才子伯淮與季江清濬孤峙羣方趨汎愛萬  
物通情理而我信空虛提携過杞梓夫君美聲德直道  
期終始訖謂忽離居優游鄭東里東里近王城山連路  
亦平何言相去遠閒言獨淒清萬里鴻鴈度四鄰砧杵  
鳴其如久離別重以霜風驚

山中貽崔六琪華

恍惚登高嶺徘徊看落日遙想仲長園如親幼安室春  
渚菖蒲花一作登山中撥穀鳴相思不道遠太息未知情

意君來此地時復疎林薄中夜掃衡一作門迎晨閉菌  
閣疑履清池上家僮奉信歸憂隨落花散目送歸雲飛  
故交在天末新知復千里無人覓往來獨作中林士

山居貽裴十二迪

落葉蒲山砌蒼煙埋竹扉遠懷青冥士書劍常相依霜  
卧眇茲地琴言紛已違衡陽今萬里南鴈將何歸出徑  
惜松引入舟憐釣磯西林有明月夜久空微微

河中望鳥灘貽呂四郎中

河流有深曲舟子莫能知弭棹臨沙嶼微吟西日馳平  
明春色霽兩岸好風吹去去川途盡悠悠親友離漢宮

古詩

五言

六

成羽翼伊水弄參差爲惜淮南子如何攀桂枝

泊舟貽潘少府

時潘在後浦

行子苦風潮維舟未能發宵分卷前幔臥視清秋月四  
澤葭葦深中洲煙火絕蒼蒼水霧起落落疎星沒所遇  
盡漁商與言多楚越其如念極浦又以思明哲常若干  
里餘况之異鄉別

洛中貽朝校書衡

萬國朝天中東隅道最長朝一作吾生美無度高駕仕春  
坊出入蓬山裏逍遙伊水傍伯鸞遊太學中夜一相望  
落日懸高殿秋風入洞房屢言相去遠不覺生朝光

華陰貽祖三詠

朝行敷水上暮出華山東高館宿初靜長亭秋轉空日  
餘一作久淪汨重此聞霜風析歷入谿樹颼颼驚夕鴻  
悽然望伊洛如見息陽宮舊識無高位新知盡固窮夫  
君獨輕舉遠近善文雄豈念千里駕崎嶇秦塞中

書懷貽京邑同好

孟浩然

維先自鄒魯家世重儒風詩禮襲遺訓趨庭紹一作末  
躬晝夜常自強詞翰頗亦工三十既成立嗟吁命不通  
慈親向羸老喜懼在深衷甘脆朝不足簞瓢夕屢空執  
鞭慕夫子捧檄懷毛公感激遂彈冠安能守固窮當途

古詩

卷十二

七

訴知已投刺匪求蒙秦楚邈離異辭飛何日同

寄薛三郎中據

杜甫

人生無賢愚飄飄若埃塵自非得神仙誰免危其身與  
子俱白頭役役常苦辛雖爲尚書郎不及村野人憶昔  
村野人其樂難具陳藹藹桑麻交公侯爲等倫天未厭  
戎馬我輩本常貧子尚客荊州我亦滯江濱峽中一臥  
病瘡痍經冬春春復加肺氣此病益有因早歲與蘇鄭  
痛飲情相親二公化爲土嗜酒不失真余今委脩短豈  
得恨命屯聞子心甚壯所過信席珍上馬不用扶每扶  
必怒嗔賦詩賓客間揮灑動八垠乃知蓋代手才力老

益神青草洞庭湖東浮滄海濬君山可避暑况足采白  
蘋子豈無扁舟往復江漢津我未下瞿塘空念禹功勤  
聽說松門峽吐藥攬衣巾高秋却束帶鼓柁視清旻鳳  
池日澄碧濟濟多士新余病不能起徒者勿遽巡上有  
明哲君下有行化臣

寄趙七侍御

序曰自餘于谿行經弋陽至上饒山  
川幽巖思與雲卿同遊邈不可得因  
叙曠年之素寄懷於篇云

李華

搖槳曙江流江清山復重心愜賞未足川迴失前峯凌  
灘出極浦曠若天池通君陽青嵯峨開拆混元中九潭  
魚龍窟仙成羽人宮陰奧潛鬼物精光動煙空玄猿啼

古詩

卷十二

八

深龍白鳥戲慈蒙飛湍鳴金石激溜鼓雷風雨濯萬木  
鮮霞照千山濃草閒長餘綠花靜落幽紅渚煙見晨鈞  
山月聞夜春覆谿窈窕波涵一作石洶一作溶溶丹丘  
忽聚散素壁相奔衝白日破昏靄靈山出其東勢排吳  
蒼上氣壓吳越雄迴頭望雲卿此恨發吾衷昔日蕭邵  
遊蕭穎士四人纔成童屬詞慕孔門入仕希上公緯卿  
陷非罪折我昆吾鋒卿字緯卿以克  
橫敗卒南中茂挺獨先覺拔身  
渡京虹斯人謝明代百代墜鴻鴻蕭天寶未知亂世故  
棄官卒江南墜橫流與君哀路窮相顧無死節蒙恩逐殊封華嚴  
州司功  
趙貶泉州  
晉江尉  
天波洗其瑕朱衣備朝客一別迅一作十年

豈期復相從餘生得攜手遺此兩孱翁羣遷失驚羽後  
凋惜長松衰旅難重別悽悽滿心胸遇勝悲獨遊會奇  
悵孤逢禽尚彼何人胡爲束樊籠吾師度門教授升躋  
遐蹤

寄韋子春秘書

王季友

出山秋雲曙山水已再春食我山中藥不憶山中人山  
中誰余密白髮日相一作親雀鼠晝夜無知我厨廩貧  
有情盡捐棄土石爲周身依依舍北松不厭我南鄰夫  
子質千尋天澤枝葉新余以一作不材壽非智免斧斤

寄韋太守陟

王維

古詩

五言 卷十二

九

荒城自蕭索萬里山河空天高秋日迴嘹唳聞歸鴻寒  
塘映衰草高館落疎桐臨此歲方晏顧景詠悲翁故人  
不可見寂寞平陵一作東

寄族弟唐十八使君

杜甫

與君陶唐後盛族多其人聖賢冠史籍枝派羅源津在  
今氣一作最磊落巧僞莫敢親介立實吾弟濟時肯殺身  
物白諱受玷行高無汚真得罪未泰未放之五路濱鸞  
鳳有鍛翮先儒曾抱麟雷霆霹靂長松骨大却生筋一失  
不足傷念子孰自珍泊舟楚宮岸戀闕浩酸辛除名配  
清江厥土巫峽鄰登陸將首途筆札枉所申歸期踟病

肺紋舊思重陳春風洪濤壯谷轉頗彌旬我能汎中流  
揅突鼉獺噴長年以省施慰此貞良臣

寄姚司馬

張說

共君春種瓜本期清夏暑瓜成人已去失望將誰語  
露摘香園感味懷心許偶逢西風便因之寄鄂渚

寄萬齊融

李頎

名高不擇仕委世隨虛舟小邑常嘆屈故鄉行可遊青  
楓半村戶香稻盈田疇爲政日清淨何人同海鷗搖巾  
北林夕把菊東山秋對酒池雲風一作滿向家湖水流岸  
陰止鳴鶴山色映潛虬靡靡俗中理蕭蕭川上幽昔年

古詩

五言 卷十二

十

至吳

一作東

郡常隱臨

一作江樓

我有一書札因之芳杜

洲

寄張徵古

沈如筠

寂歷遠山意微冥半空碧綠蘿無冬春彩雲一作煙竟朝  
夕張子海內奇一作耐爲巖中客聖君當一作勞夢想安

得老松石

寄弄月谿吳山人

李白

嘗聞龐德公家在洞湖水終身棲鹿門不入襄陽市大  
君弄明月減景清淮裏高蹤邈難追可與古人比清揚  
杳莫覩白雲空望美待我辭人間攜手訪松子

寄東魯二稚子 在金陵作

吳地桑葉綠吳蠶已三眠我家寄東魯誰種龜陰田春  
事已不及江行復茫然南風吹歸心飛墮酒樓前樓東  
一株桃枝葉拂青煙此樹我所種別來向三年桃今與  
樓齊我行尚未旋嬌女字平陽折花倚桃邊折花不見  
我淚下如流泉小兒名伯禽與姊亦齊肩雙行桃樹下  
撫背復誰憐念此失次第肝腸日憂煎裂素寫遠意因  
之汶陽川

潼關鎮國軍勾覆使院早春寄王同州

岑參

古詩 五言

卷十二

十一

胡寇尚未盡大軍鎮關門旌旗遍草木兵馬如雲屯聖  
朝正用武諸將皆承恩不見征戰功但聞歌吹喧儒生  
有長策閉口不敢言昨從關東來思與故人論何爲廊  
廟器至今居外藩黃霸寧淹留蒼生望騰蹕卷簾見西  
岳仙掌明朝暎昨夜聞春風戴勝過後園各自限官守  
何由叙涼溫離憂不可忘襟背思樹萱

仲夏歸漢南園寄京邑舊

孟浩然

嘗讀高士傳最嘉陶徵君日耽田園趣自謂羲皇人予  
復何爲者栖栖徒問津中年廢丘壑上國旅風塵忠欲  
事明主孝思侍老親歸來當一作炎夏耕稼不及春扇

枕北窓下采芝南澗濱因聲謝同一作列吾慕穎陽真

晚夏馬嵬一作卿叔池亭即事寄京都一二知己

王灣

忝職畿甸淹滯陪時俊一作後才輕策疲劣勢薄常驅  
走牽役勞風塵秉心在巖藪宗賢開別業形勝代稀偶  
竹繞清渭澗泉流白渠口逡巡期賞會揮忽變星斗速  
此乘務閒一作因而訪幽叟入來殊景物行復一作洗  
紛垢林靜秋色多潭深月光厚盛香蓮近折新味瓜初  
剖滯拙懷隱淪書之寄良友

秋登蘭山寄張五

孟浩然

古詩 五言

卷十二

十二

北山白雲裏隱者自怡悅相望試一作登高心飛逐鳥  
一作騰滅愁因薄暮起興是清境一作發時見歸村人  
沙行一作渡頭歇天邊樹若薺江畔舟一作如月何當  
載酒來共醉重陽節

秋山寄陳諫言

王昌齡

巖間寒事早衆山木已黃北風何蕭蕭茲夕露爲霜感  
激未能寐中宵時慨慷黃蟲初悲鳴玄鳥去我梁獨臥  
時易晚離羣情更傷思君若一作不及鴻鴈今南翔  
巴陵早秋寄荊州崔司馬吏部閣功曹舍人

賈至

謫居瀟湘渚再見洞庭秋極目連江漢西南浸斗牛滔  
滔盪雲夢澹澹搖巴丘曠如臨渤澥宵疑造瀛洲君山  
麗中波蒼翠長夜浮帝子去未久楚詞尚悲愁我同長  
沙行時事加百憂登高望舊國胡馬滿東周苑葉遍蓬  
蒿樊鄧無良疇獨攀青楓樹淚灑滄江流故人西掖寮  
同扈岐陽蒐差池盡三黜踴躍各南州相去雖地接不  
得從之遊耿耿雲陽臺迢迢王粲樓跋弓暮霞裏誰謂  
無輕舟

暮秋楊子江寄孟浩然

劉昶虛

木葉紛紛下東南日煙一作雨霜林山相晚暮天海空青

古詩五言

卷十二

十三

蒼暝色况復久秋聲亦何長孤舟兼微月獨夜仍越鄉  
寒笛對京口故人在襄陽詠思勞今夕江漢遙相望

秋次灞亭寄申大

儲光義

橘柚植寒陵芙蓉蒂脩坂無言不得意得意何由展况  
我行且徒而君往猶蹇既傷人事近復言天道遠薄暮  
入空亭中夜不能飯南聽鴻鴈盡西見招搖轉千門漢  
主宮百里周王苑杲杲初景出油油鮮雲卷會朝幸歲  
真校獵從秋彌念君久京國雙涕如露法無人薦子雲  
太息竟誰辨

鞏北秋興寄崔明允

岑參

白露披梧桐玄蟬晝夜號秋風萬里動日暮黃雲高若  
子佐休明小事蓬蒿所適在魚鳥焉能徇錐刀孤舟  
向廣武一鳥歸成皋勝槩日相與思君心鬱陶

秋曉坐閤遇舟東下揚州即事寄上族父江陽令

盧僊

虎嘯山坡晚猿鳴江樹秋紅林架落照青峽送歸流歸  
流赴淮海征帆下揚州族父江陽令盛業繼前修文掩  
崔亭伯德齊陳太丘時哉惜未與千載且爲儔憶昔山  
陽會長懷東上遊稱觴阮林下賦雪謝庭幽道濃禮自  
略氣舒文轉道高情薄雲漢酣態坐芳洲接席復連軫

古詩五言

卷十二

十四

出入陪華輈獨善與兼濟語默奉良籌歲月歡無已風  
雨暗颼颼掌憲時持節爲邦邈海頭子人惠雖樹蒼生  
望且留微躬趨一作移直道神甸忝清猷仙臺適西步蠻  
徼忽南浮宇內皆安樂天涯獨遠投忠信徒堅仗神明  
豈默訓觀生海漫漫積命天悠悠雲昏巴子峽月遠吳  
王樓懷昔明不寐悲今歲屬周喟無排雲翮暫得抒離  
憂空灑霑江淚萬里逐行舟

閒居秋懷寄楊崔陸贊府封丘高少府

賈至

今日霖雨霽颼然高館涼秋風吹二毛烈士加慨懷憶



昔皇運初衆賞俱龍驤解巾佐幕府脫劍升明堂郁郁

被慶雲朝朝翼太陽鯨魚縱大壑驚驚鳴高岡信矣草

創時太階速賢良一言頓一作幸遭逢片善蒙恩光我生

屬聖一作威明感激竊自彊崎嶇郡邑權連騫翰墨場天

朝富英髦多士如珪璋盛才溢下位蹇步徒猖狂閉門

對羣書几案在我旁枕席想遠遊聊欲浮滄浪八月白

露降玄蟬號枯桑艤舟臨清川迢遞愁思長我有同懷

友各在天一方離披不相見浩蕩隔兩鄉平生霞外期

宿昔共行藏豈無蓬萊樹歲晏空蒼蒼

冬夜寓居寄儲太祝一作薛據 綦母潛

古詩 五言 卷十二 十五

自爲洛陽客夫子吾知音盡一作愛義能下士時人無此

心奈何離居夜巢鳥悲一作飛空林愁坐至月上復聞南

鄰砧

晚出伊闕寄河南裴中丞 陶翰

退無偃息資進無當代策冉冉時將一作暮坐爲周南

客前登關塞門永眺伊城陌長川黯已空一作暮千里寒

氣白家本一作在渭水西異日同所適秉志師禽尚微言

祖莊易一辭林壑間共繫風塵役交朋一作忽先進天

道何一作邑多紛劇豈念嘉遯時依依偶沮溺

安陸白兆山桃花巖寄劉侍御綰一作春歸桃花巖贈詩侍御

李白

雲臥三十年好閒復愛仙蓬壺雖冥絕鸞鶴心悠然歸

來桃花巖得憩雲隱眠一作初采紫房談早愛滄溟仙

羅浮巖兩峯抱東壑一嶂橫西天樹雜日易隱崖傾月

田獨此林下意杳無區中緣永辭霜臺一作繡衣客千載方

來旋

遊敬亭寄崔侍御一作登古城望府中寄崔侍御

我家敬亭下一作登樓輒繼謝公作相去數百年風

期死如作登高素秋月下望青山郭府中一作俯視鴻鸞羣

飲啄自鳴躍夫子雖踰躋瑤臺雪中鶴獨立窺浮雲其

心在寥廓時來一顧我一作顧笑飯菜與藿世路

如秋風相逢盡蕭索腰間玉具劍意許無遺諾一作願

霜落壯士不可輕相期在雲閣

望終南山寄紫閣隱者

出門見南山引領意無限秀色難爲名蒼翠日在眼有

時白雲起天際自舒卷心中與之然託興每不淺何當

造幽人滅跡棲絕巘

題雲門山寄越府包戶曹徐起居 孟浩然

我行適諸越夢寐懷所歡久負獨往願今來恣遊盤  
台嶺踐磴石耶谿沂林湍拾舟入香界登閣憩旃檀晴山  
泰望近春水鏡湖寬遠懷何應接卑位徒勞安白雲日  
夕滯滄海去來觀故國眇天末良朋在朝端遲爾同攜  
手何時方挂冠

海上寄蕭立

獨孤及

朔風剪寒草寒露日夜始一作始結行行屆一作到瀛壖歸思

生暮節驛樓見萬里延首望遼碣遠海人大荒平蕪際

窮髮舊國在夢想故人胡且越契闊阻風期在再成雨

別海西望京口兩地各天末索居動經秋再笑知曷月

古詩五言 卷十二 十七

一無此 日南望中一作目盡唯見飛鳥滅音一作清塵末

易得何由一作以慰饑渴

江上寄元六林宗

李白

霜落江始寒楓葉綠未脫客行悲清秋末路苦不達滄

波眇川汜白石隱天末停棹依林巒驚猿相叫聒夜分

河漢轉起視溟漲濶涼風何蕭蕭流水鳴活活浦沙淨

如洗海月明可掇蘭交空懷思瓊樹詎解渴勗哉滄洲

心歲晚庶不奪幽賞頗自得興遠與誰豁

江行寄遠

剡木出吳楚危樯百餘尺疾風吹片帆日暮千里隔別

時酒猶在已爲異鄉客思君不可親愁見江水碧

渡淮河寄平一

祖詠

天色混波濤岸陰匝村墅微微漢祖廟隱隱江陵渚雲

樹森已重時明鬱相拒

鞏城南河寄徐三景暉

儲光羲

初年雨候遲鞏洛河流小搖搖芳草岸屢見春山曉清

露洗雲林輕波戲魚鳥唯言故人遠不念鄉川眇舟楫

去繁迴湍激行奔峭寄書千里路莫道南鴻少

下潯陽城汎彭蠡寄黃判官

李白

浪動灌嬰井潯陽一作吾知江上風開帆入天鏡直向彭湖

古詩五言 卷十二 十八

東落景轉疎雨晴雲散遠空一作返景照疎名山發一作

中流佳興清賞亦何窮石鏡挂遙月香鑪滅彩虹一作

山挂彩虹相思俱對此舉目與君同

湖中寄王侍御

丘爲

日日湖水上好登湖上樓終年不向郭過午始梳頭嘗

自愛杯酒得無相獻酬小僮能膾鯉少妾事蓮舟每有

南浦信仍期後月遊方春轉搖蕩孤興一作時一作淹

留驄馬真傲吏儵然無所求晨趨玉階下心許滄江流

少別如昨日何言經數秋應知方外事獨徃非悠悠

湖中旅泊寄閻九司戶防

孟浩然

桂水通百越扁舟期曉發荆雲蔽三巴夕望不見家  
王夢行雨才子謫長沙長沙饒瘴癘胡爲苦留滯久別  
思欸顏承歡懷接袂接袂杳無由徒增旅泊愁清猿不  
可聽沿月下湘流

出湖寄趙冬曦

張說

西泛平湖盡參差入斷山東瞻岳陽郡汗漫太虛間窘  
步同行樂道文互屢看山戍城一作上雲桂江亭臨水關  
川途倏忽間風景依如昨湘浦未賜環荆門猶主諾何  
時與美人一作得余美載酒遊宛洛

入峽寄弟

孟浩然

古詩五言

卷十二

十九

吾昔與爾輩讀書常閉門未嘗冒湍險豈顧垂堂言自  
此歷江湖辛勤難具論往來行旅弊開鑿禹功存壁立  
直一作千巖峽一作峻深流萬壑奔我來凡幾宿無夕不聞  
猿浦上搖思一作思歸戀舟中失夢覓淚沾明月峽心斷鵲  
鴛原離闊星難聚秋深露已繁因君下南楚書此示一作

寄鄉園

宿灞上寄侍御璵弟

王昌齡

獨飲灞上亭寒山青門外長雲驟落日桑榆寂已晦古  
人驅馳者宿此凡幾代佐邑由東南豈不知進退吾宗  
秉全璞楚得璵琳最茅山就一微柏署起三載道契非

物理神交無畱礙知我滄溟心脫畧腐儒輩孟冬鑾輿

出陽谷羣臣會半夜馳道喧五侯擁軒蓋是時燕齊客

獻術蓬瀛內甚悅我皇心得與王母對賤臣欲干謁稽

首期殞碎哲弟感我情問易窮否泰良馬足尚耽寶刀

光未淬昨聞羽書飛兵氣連朔塞諸將多失律廟堂始

追悔安能召書生願得論要害戎夷非草木侵逐使狼

狽雖有屠城功亦有降虜軍兵糧如山積恩澤如雨霈

羸卒不可與殲地無足愛若用匹夫策坐令重圍潰不

費黃金資寧求白璧賚明主憂旣遠邊事亦可大荷寵

務推誠離言深慷慨霜搖直指草燭引明光珮公論日

古詩五言

卷十二

二十

夕阻朝廷蹉跎會孤城海門月萬里流光帶不應百尺  
松空老鍾山靄

宿楊子津寄潤州長山劉隱士

孟浩然

所思在建業一作夢寐欲往大江深日夕望京口煙波愁我

心心馳茅山洞目極楓樹林不見少微隱風星一作霜徒

夜吟

宿白鷺洲寄楊江寧

李白

朝別朱雀門暮棲白鷺洲波一作沙光搖海月星影入城樓  
樓望美金陵宰如思瓊樹憂徒令鬼人一作夢翻覺夜  
成秋綠水解人意爲余西北流因聲玉琴裏蕩漾寄君

愁

入崖口五渡寄李適

宋之問

抱琴登絕壑伐木泝清川路極意謂盡勢迴趣轉綿人  
遠草木秀山深雲景鮮余負海嶠情自昔微尚然彌曠  
十餘載今來宛仍前未窺仙源極獨進野人船時攀乳  
竇憇屢薄天牕眠夜絃響松月朝揖美苔泉因冥象外  
理承謝區中緣碧潭可遺老丹砂堪學仙莫使馳光暮  
空令歸鶴憐

荅朱之問

李適

聞君訪遠山踣險造幽絕眇然青雲境觀奇彌年月登  
古詩五言卷十二 二十一

嶺亦泝溪孤舟事沿越嶸嶂傳彩翠崖磴互欹缺石林  
上攢叢金澗下明滅捫壁窺丹井梯苔瞰乳穴忽枉巖  
中贈對翫未嘗輟殷勤獨往事委曲煉藥說邀余名山  
期從爾泛海滙歲晏秉宿心斯言匪張一作徐徒設

和李適荅朱之問

徐彥伯

聞有獨往客拂衣捐世心結忻薄枉渚撰念營舊林經  
亘去崖合冥綿歸壑深琪樹環碧彩金潭生翠陰洞公  
弄沙榜危一作仄眺明岑夕聞桂裏猿曉翫松上禽維  
瓠蘊孤袖瓊敷綴雙衿我懷滄洲想懿爾白雲吟秉願  
理方叶存期跡易尋茲言庶不負爲報巖中琴

早過漆林渡寄萬巨

李白

西經大藍山南來漆林渡水色倒空青林煙橫積素湍  
流昔吞翕沓浪競奔注潭落天上星龍開水中霧曉一作  
曉巖注公柵突兀陳焦墓嶺峭紛上干川明屢迴顧因  
思萬夫子解渴同瓊樹何日覩清光相歡詠佳句

嚴陵灘下寄常建

奚賈

日入溪水靜尋真此亦難乃知滄洲人道成仍釣竿漾  
楫乘微月振衣生早寒紛吾成獨往自速耽考槃已息  
漢陰詭且同濠上觀曠然心無涯誰問客膝安

涇谿南藍山下有落星潭可以卜築余泊舟石上  
古詩五言卷十二 二十二

寄何判官昌浩

李白

藍岑竦天壁突兀如鯨額奔蹙橫澄潭勢吞落星石沙  
帶秋月明水搖寒山碧佳境宜緩棹清輝能畱客恨君  
阻歡遊一作使我自驚惕所期俱卜築結茅鍊金液

東京寄萬楚

李頎

渡落久無用隱身甘采薇仍聞薄宦者還事田家永賴  
水日夜流故人相見稀春山不可望黃鳥東南飛濯足  
豈長往一樽聊可依了然潭上月適我臂中機在昔同  
門友如今出處非優游白虎殿偃息一作青瑣闥且  
有薦君表當看攜手歸寄書不待面蘭茝空芳菲

次汝中寄河南陳贊府

王昌齡

汝山方聯延伊水纔明滅遙見入楚雲又此空館月紛然馳夢想不謂遠離別京邑多歡娛衡湘覽沿越明湖春草遍秋桂白花發豈惟長思君日夕在魏闕

入劔門作寄杜楊二郎中時二公並爲杜元帥判

官

岑參

不知造化初此山誰開坼雙崖倚天立萬仞從地劈雲飛不到頂鳥去難過壁速駕畏巖傾單行愁路窄平明地仍黑停午日暫赤凜凜三伏寒巉巖五丁迹與時忽開閉作固或順逆磅礴跨岷峨巍嵒限蠻貊星當甯參

古詩五言

卷十二

二十三

分地處西南僻陲覺煙景殊杳將華夏隔劉氏昔顛覆公孫曾敗績始知德不修恃此險何益相公總師旅遠近罷金華杜母來何遲蜀人應更惜暫回冊青慮少用開濟策二友華省郎俱爲幕中客良籌佐戎律精理皆碩畫高文出詩騷與學窮討贖聖朝無外戶寰宇被德澤四海今一家徒然劔門石

至大梁却寄匡城主人

一從棄魚釣十載干明王無由謁天階却欲歸滄浪仲秋至東郡遂見天雨霜昨日夢故山蕙草一作芳蕙色已黃平明辭鐵丘薄暮遊大梁仲秋蕭條景拔刺飛鵝鶴四

郊陰氣一作氣閉萬里無晶光長風吹白茅野火燒枯桑

故人南燕吏籍籍名更香聊以玉壺贈置之君子堂

江夏寄漢陽輔錄事

李白

誰道此水廣狹如一匹練江夏黃鶴樓青山漢陽縣大語猶可聞故人難可見君草陳琳檄我書魯連箭報國有壯心龍顏不迴眷西飛精衛鳥東海何由填鼓角徒悲鳴樓船習征戰抽劍步霜月夜行空庭徧長呼結浮雲埋沒顧榮扇他日觀軍容投壺接高宴

淮陰書懷寄王宗成

沙墩至梁苑二十五長亭大舶夾雙檣中流鵝鸛鳴雲

古詩五言

卷十二

二十四

天掃空碧川嶽涵餘清飛鳬從西來適與佳興并眷言王喬鳥婉孌故人情復此親懿會而增交道榮沿洄且不定飄忽倏徂征瞑投淮陰宿欣得漂母迎斗酒烹黃雞一餐感素誠予爲楚壯士不是魯諸生有德必報之千金耻爲輕緬書羈孤意遠寄棹歌聲

下弋陽江舟中寄裴侍御

獨孤及

故鄉隔西日去水連長天前路知幾許但指天南邊愴恨極浦外隱映青山連東風滿帆來五兩如弓絃遙羨繡衣客罔然馬首先得餐武昌魚不顧潯陽田屈指數別日忽乎成兩年百花已滿眼青草漸碧鮮豈是離居

時奈何于役牽洞庭有深涉蜀日期歸旋且作異鄉料  
詎知攜手緣離憂未易銷莫道樽酒賢

宿太白東谿李老舍卽事寄弟姪 岑參

渭上秋雨過北風何騷騷天晴諸山出太白峯最高王  
人東谿老兩耳生長毫遠近知百歲子孫皆二毛中庭  
井欄上一架獼猴桃石泉飯香稷酒甕開新糟愛茲田  
中趣始悟世上勞我行有勝事書此寄爾曹

出郴山口至疊石灣野人室中寄張十一

王昌齡

楸枰無冬春柯葉連峰稠陰壁下蒼黑煙合清江樓景

古詩 五言

卷十二

二十五

開獨沿曳響各隨興酬旦夕望吾友如何迅孤舟疊沙  
積爲岡崩剝雨露幽石脉盡橫亘潛潭何時流既見萬  
古色頗盡一物由永與世人遠氣還草木收盈縮理無  
餘今往何必憂郴土羣山高耆老如中州孰云議舛降  
豈是娛宦遊陰火昔所伏丹砂將爾謀昨臨蘇耽井復  
向衡陽求同一作問 疾來相依脫身當有籌數月乃離居  
風湍成阻脩野人善竹器童子能谿謳寒月波蕩漾羈  
鴻去悠悠

銓試後徵山別業寄源侍御

殷寅

別業在徵山登高望巖甸嚴冷天地肅城關如何見藹

藹王侯門華軒日遊衛幸逢休明代山廣尚交戰投策  
去園林率名皆拜選聖君性則哲濟濟多英彥裴楷能  
清通山濤急推薦諛才甘自屏薄伎忝餘眷雖承國士  
恩尚乏中人援瞻昔相知者今茲秉天憲朱紱何赫赫  
緇衣復慈蔭

聞丹丘子於城北營石門幽居中有高鳳遺跡僕  
離羣遠懷亦有棲遁之志因叙舊以寄之

李白

春華滄江月秋色碧海雲離居盈寒暑對此長思君思  
君楚水南望君淮山北夢魂雖飛來會面不可得瞻昔

古詩 五言

卷十二

二十六

在嵩陽同余臥羲皇綠羅笑簪紱丹壑賤巖廊晚途各  
分析乘興任所適僕在鴈門關君爲峨眉客心懸萬里  
外影滯兩鄉隔長劍復歸來相逢洛陽陌陌上何喧喧  
都令心意煩迷津覺路失託勢隨風翻以茲謝朝列長  
嘯歸故園故園恣閒逸求古散縹帙久欲尋一作入 名山  
婚嫁殊未畢人生信多故世事豈惟一念此憂如焚悵  
然若有失聞君臥石門宿昔契彌敦方從桂樹隱不羨  
桃花源高鳳起遐曠幽人跡復存松風清瑤瑟谿月湛  
芳樽安居偶佳賞丹心期此論

懷友人岑倫時南遊羅浮兼泛桂海自春徂秋不

返僕旅江外書情寄之

嬋娟羅浮月搖豔桂水雲美人竟獨往而我安能羣一朝語笑隔萬里歡情分沈吟絲霞沒夢寐瓊芳歇歸鴻度三湘遊子在百粵邊塵染衣劍白日彫華髮春氣一作風變楚關秋聲落吳山草木結悲緒風沙淒苦顏竭來已永久頽思如循環飄飄一作飄限江裔想像空留滯離憂每醉心別淚徒盈袂坐愁青天末出望黃雲蔽目極何悠悠梅花南一作南嶺頭空長滅征鳥水濶無還舟寶劍終難託金囊非易求歸來儻有問桂樹山之幽

書情寄從弟邠州長史昭

古詩

卷十二

二十七

自笑客行久我行定幾時綠楊已可折攀取最長枝翩翻弄春色延佇寄相思誰言貴此物意一作重願一作重裝昨夢見惠連朝吟謝公詩東風引碧草不覺生華池臨翫忽云夕杜鵑夜鳴悲懷君芳歲歇庭樹落紅滋

代書寄李廣州

獨孤及

皖水望番禺迢迢青天末鴻鴈飛不到音塵何由達獨有與人歌隔雲聲誼語皆稱府君仁百越賴全活推誠魚鱉信持正魑魅怛疫民保中和性足無天閼天子咨四岳佇公濟方割幾時復旋歸入踐青瑣闥賤子託明德繚若松上葛別離鄙悵生結念思所豁門欄關山阻

岐路天地闊唯憑萬里書持用慰饑渴

代書寄薛四

張說

孤鴈東飛來寄我紋與素紋足經三象素當綜羣務遠見故人心一言重千金客之絲毛翰繼以瑤華音歲寒衆木改松栢心常在

代書寄吉十一

一鴈雪上飛值我衡陽道口街離別字遠寄當歸草目想春來遲心驚寒去早憶鄉乘羽翮慕侶盈懷抱零落答故人將隨江樹老

代書寄裴六冀劉二穎

獨孤及

古詩

卷十二

二十八

昔余馬首東君在北海內盡屏簿領書相與議巖穴載來詣佳境每山有車轍長嘯林木動高歌唾壺缺此辭月未周虜馬嘶絳關猛虎踞大道九州當中裂聞君棄孤城猶自握漢節耻栖惡木影忍與故山別脫烏挂嶺雲罔然若鳥逝唯留潺湲水分付練谿月爾來大谷梨白花再成雪關梁限天塗歡樂竟兩絕大盜近削平三川今底寧勾芒布春令屏翳收雷霆伊洛日夜漲鳴皋蘭杜青鸞爲兩黃鸝何處遊青冥曠昔切玉刃應如新發硎及時當樹勳高懸景鍾銘莫抱白雲意徑往丹丘庭功成儻長揖然後謀滄溟



秋浦寄內

李白

我今尋陽去辭家千里餘結荷見一作水宿却寄大雷

書雖不同辛苦愴離各自居我自入秋浦三年北信疎

紅顏愁落盡一作白髮不能除有客自梁苑手攜五色

魚開魚得錦字歸問我何如江山雖道阻意合不爲殊

西蜀旅舍春歎寄朝中故人呈狄評事

岑參

春與人相乖柳青頭轉白生平未得意覽鏡私自惜四

海猶未安一身無所適自從兵戈動遂覺天地窄功業

悲後時光陰歎虛擲却爲文章累幸有開濟策何負當

古詩五言卷十二 二十九

途人心無矜窘厄回瞻後來者皆欲肆轡轡起草思南

官寄言憶西掖時危任舒卷身退知損益窮巷草轉深

閒一作明日將夕橋西暮雨黑籬外春江碧昨者初識

君相看俱是客聲華同道術世業通往昔早須歸天階

不得安孔席吾先稅歸轡舊國如咫尺

寄上吳王

李白

英明廬江守聲譽廣平籍灑掃黃金臺招邀青雲客客

曾與天通出入清禁中襄王憐宋玉願入蘭臺宮

獻始興公時拜右拾遺

王維

寧棲野樹林寧飲澗水流不用坐梁肉崎嶇見王侯鄙

哉匹夫節布褐將臣頭任智誠則短守仁固其優側聞  
大君子安問黨與營所不賣公器動爲蒼生謀賤子跪  
自陳可爲帳下不感激有公議曲私非所求

獻從叔當塗宰陽冰

李白

金鏡靈六國亡新一作秦亂天經焉知高光起自有羽翼

生蕭曹安峴岨耿賈摧機槍吾家有季父傑出聖代英

雖無三百位不借四豪名激昂風雲氣終協龍虎精弱

冠燕趙來賢彥多逢迎魯連善談笑季布折公卿遙知

禮數絕常恐不合并傷想結宵夢素心久已冥顧慙青

雲器謬奉玉樽傾山陽五百年綠水忽再榮高歌振林

古詩五言卷十二 三十

木大笑喧雷霆落筆灑篆文崩雲使人驚吐辭又炳煥

五色羅華星秀句滿江國高才揆天庭宰邑艱難時浮

雲空古城居人若薙草掃地無纖草惠澤及飛走農夫

盡歸耕廣漢水萬里長流玉琴聲雅頌播吳越還如太

階平小子別金陵來時白下亭羣鳳憐客鳥差池相哀

鳴各拔五色毛意重太山輕贈微所費廣斗水澆長鯨

彈劍歌苦寒嚴風起前楹月銜天門曉霜落牛渚清長

歎卽歸路臨川空屏營

獻王威儀

儲光義

入與真主言有騎天馬來但有華清宮不用神明臺肅

肅長自閑門靜無人開

晚次東亭獻鄭州宋使君文

自初賓上國乃到鄉人鄉曾點與曾子俱升闕里堂武  
皇恢大略逸翮思寥廓三居清憲臺兩拜文昌閣爲道  
旣貞信處名猶蹇諤鐵柱屬風威錦軸合光輝夜聞持  
簡立朝看伏奏歸洞門清珮響廣路玉珂飛驪首入丹  
掖搏空趨太微絳綸逢聖王出入飄華組倍惜宿帝梧  
侃侃居文府海內語三獨朝端謀六戶善計在弘羊清  
嚴歸仲舉侍郎跨方朔中丞茂周處天眷擇循良惟賢  
降寵章分符指聊攝爲政本農桑籍籍歌五袴祁祁頌  
古詩 五言 卷十二 三十一

千箱隨車微雨灑逐扇清風颺旣以遷列國復茲鄰帝  
鄉寒帷乃仍舊坐嘯非更張居敬物無擾履端人自康  
薄遊出京邑引領東南望林晚鳥雀噪田秋稼穡黃成  
臯天地險廣武征戰場道喪苦兵賦時來開井疆霏霏  
渠門色曖曖制巖光徒念京索近猶悲溱洧長大明潛  
照曜淑慝自昭彰昔歲幸西土今茲歸洛陽同焉知鄭  
伯當輔我周王

遊水西簡鄭明府

李白

天宮水西寺雲錦照東郭清湍鳴迴谿綠水繞飛閣涼  
風日瀟灑幽客時憩泊五月思貂裘謂言秋霜落石蘿

引古蔓岸筍開新籊吟散空復情相思爾佳作鄭公詩  
人秀逸韻宏寥廓何當一來遊愜我雪山諾

初過隴山途中呈宇文判官

岑參

一驛過一驛驛騎如星流平明發咸陽暮及隴山頭隴  
水不可聽鳴咽令人愁沙塵撲馬汗霧露凝貂裘西來  
誰家子自道新封侯前月發安西路上無停畱都護猶  
未到來時在西州十日過沙磧終朝風不休馬走碎石  
中四蹄皆血流萬里奉王事一身無所求也知塞垣苦  
豈爲妻子謀山口月欲出先照關城樓谿流與松風靜  
夜相颺颺一作別家一作賴歸夢山塞多離憂與子且  
古詩 五言 卷十二 三十二

攜手不愁前路脩

聶耒陽以僕阻水書致酒肉療饑荒江詩得代懷  
興盡本韻至縣呈聶令 陸路去方田驛四十里舟  
行一日時屬江漲泊于方

山

杜甫

耒陽馳尺素見訪荒江眇義士烈女家風流吾賢紹昨  
見狄相孫許公人倫表前期一作翰林後屈跡縣邑小  
知我磯湍濤半旬獲浩漈麾下殺元戎湖邊有飛旄孤  
舟增鬱鬱僻路殊悄悄側驚猿猿捷仰羨鶴鶴矯禮過  
宰肥羊愁當置清醪人非西蜀蜀興在北坑趙方行柳  
岸靜未話長沙掇崔師乞已至澧卒用矜少問罪消息

眞隱顏慈亭沼

示孟郊

孟浩然

蔓草蔽極野蘭芝結孤根衆音何其繁伯牙獨不喧當時高深意舉世無能分鐘期一見知山水千秋聞爾其保靜節薄俗徒云云

示從孫濟

杜甫

平明跨驢出未知適誰門權門多蹲沓且復尋諸孫諸孫貧無事宅舍如荒村堂前自生竹堂後自生萱萱草秋已死竹枝霜不蕃一作淘米少汲水汲多井水渾刈葵莫放手放手傷葵根阿翁懶惰久覺兒行步奔所來古詩五言 卷十二 三十三

爲宗族亦不爲盤飧小人利口實薄俗難具論勿受外嫌猜同姓古所敦

汝墳示弟姝

沈千運

今日天氣暖東風杏花坼筋力久不如却美一作慙數澗中石神仙杳難信一作中壽稀滿百近一作世多夭傷喜見鬢髮一作白杖蔡竹樹間死宛舊行跡豈知林園一作園王却是林園客兄弟所一作存半空爲仁者惜冥冥一作無再期哀哀望松柏骨肉能幾人年大自老漸疎隔性情誰免此與我不相一作我何不易唯念得爾輩時相一作看慰朝夕平生茲一作已矣此外盡非

適一作適

嘲王歷陽不肯飲酒

李白

地白風色寒雪花大如手笑殺陶淵明不飲杯中酒浪撫一張琴虛栽五株柳空負頭上巾吾於爾何有

嘲曾儒

魯叟談五經白髮死章句問以經濟策茫如隊煙霧足著遠遊履首戴方山巾緩步從直道未行先起塵秦家丞相府不重褒衣人君非叔孫通與我本殊倫時事且未達歸耕汶水濱

懷葉縣關操姚曠韓涉李叔齊

岑參

古詩五言 卷十二

三十四

數子皆故人一時吏宛葉經年總不見書札徒滿篋斜日半空庭旋風走梨葉去君千里地言笑何時接

有懷台州鄭十八司戶虔

杜甫

天台隔三江風浪無晨暮鄭公縱得歸老病不識路昔如水上鷗今若一作置中免性命由他人悲辛但狂顧山鬼獨一脚蝮蛇長如樹呼號傷孤城歲月誰與度從來禦魑魅多爲才名誤夫子稽阮流更被時俗惡海隅微小吏眼暗髮垂素黃帽映一作鵠青袍非供折腰具平生一杯酒見我故人遇相望無所成乾坤莽迴互憶舍弟 千遜

哀門少兄弟兄弟唯兩人饑寒各流浪一作感念傷我  
神夏期秋未來安知無他因不願別天長但願見爾身  
茫茫天地間萬類各有親安知汝一作爾與我乖隔同胡  
秦何時對形影憤懣當共陳

夏日南亭懷辛大

孟浩然

山光忽西落池月漸東上散髮乘夕涼開軒卧閒敞荷  
風送香氣竹露滴清響欲取鳴琴彈恨無知音賞感此  
懷故人中宵勞夢想

秋夜獨坐懷內弟崔與宗

王維

夜靜羣動息聰聒聲悠悠庭槐北風響日夕方高秋思  
古詩五言 卷十二 三十五

子整羽翰及時當雲浮吾生將白首歲晏思滄洲高足  
在旦暮肯爲南畝儔

至滑州隔河望黎陽憶丁三寓

隔河見桑柘藹藹黎陽川望望行漸遠孤峰沒雲煙故  
人不可見河水復悠然賴有政聲遠時聞行路傳

青山峽口泊舟懷狄侍御

岑參

峽口秋水壯沙邊且停橈奔濤振石壁峰勢如動搖九  
月蘆花新彌令客心焦誰念在江島故人滿天朝無處  
豁心曾憂來醉能銷往來巴山道三見秋草彫狄生新  
相知才調凌雲霄賦詩析造化入幕生風颺把筆判甲

兵戰士不敢驕皆云梁公後遇鼎還能調離別條經時  
音塵殊寂寥何當見夫子不歎鄉關遙

宿青谿驛懷張員外十五兄之緒

杜甫

漢舟千山內日入泊荒一作渚我生本飄飄今復在何  
許石根青楓林猿鳥聚儔侶月明遊子靜長虎不得語  
中夜懷友朋乾坤此深阻浩蕩前後間佳期付荆楚

潼關使院懷王七季友

岑參

王生今才子一作人時輩咸所仰何當見顏色終日勞夢  
想驅車到關下欲往阻河廣滿目徒春華思君罷心賞  
開門見太華朝日映高掌忽覺蓮花峰別來更如長無

古詩五言

卷十二

三十六

心願微祿有意在獨往不負林中期終當出塵網

尋高鳳石門山中元丹丘

李白

尋幽無前期乘興不覺遠蒼崖渺難涉白石忽欲晚未  
窮三四山已歷千萬轉寂寂聞猿愁行行見雲收高松  
上一作來好月空谷宜清秋谿深古雪在石斷寒泉流峰  
巒秀中天登眺不可盡丹丘遙相呼顧我忽而哂遂造  
窮谷間始知靜者閒留歡達永夜清曉方言還

夜泛洞庭尋裴侍御清酌

日晚湘水綠孤舟無端倪明湖漲秋月獨泛巴陵西過  
憩裴逸人巖居陵丹梯抱琴出深竹爲我彈鳴鶴曲盡

酒亦傾北牕醉如泥人生且行樂何必組與珪

尋魯城北范居士失道落蒼耳中見范置酒摘蒼耳作

鴈度秋色遠日靜無雲時客心不自得浩漫將何之忽憶范野人閉園養幽姿茫然起逸興但恐行來遲城壕失往路馬首迷荒陂不惜翠雲裘遂爲蒼耳欺入門且一笑把臂君爲誰酒客愛秋蔬山盤薦霜梨他筵不下筋此席忘朝飢酸棗垂北郭寒瓜蔓東籬還傾四五酌自詠猛虎詞近作十日歡遠爲千載期風流自簸蕩謹浪偏相宜酣來上馬去却笑高陽池

古詩

五言

卷十二

三十七

尋西山隱者不遇

丘爲

絕頂一茅茨直下三十里扣關無僮僕窺室唯案几若非巾柴車應是釣秋水差池不相見颯俛空仰止草色新雨中松聲晚牕裏及茲契幽絕自足蕩心耳雖無賓主意頗得清淨理興盡方下山何必待之子

白雲先生王迴見訪

孟浩然

閒歸日無事雲臥晝不起有客款柴扉自云巢居子居閒好芝朮采藥來城市家在鹿門山常遊澗澤水手持白羽扇脚步青芒履聞道鶴書徵臨流還洗耳

趙十四兄見訪

王昌齡

客來舒長簾開閣延清風但有無絃琴共君盡樽中晚來當一作讀易頃者欲獨一作還嵩世事何須道黃精且養蒙嵇康殊寡識張翰獨知終忽憶鱸魚膾扁舟往江東

夏日李公見訪

杜甫

遠林暑氣薄公子過我遊貧居類村塢僻近城南樓傍舍頗淳朴所願亦易求隔屋喚西家借問有酒不牆頭過濁醪展席俯長流清風左右至客意已驚秋巢多衆鳥闌一作葉密鳴蟬稠苦遭此物聒孰謂吾廬幽水花晚色靜庶足充淹留豫恐樽中盡更起爲君謀

古詩

五言

卷十二

三十八

蘇大侍御訪江浦賦八韻

序曰蘇大侍御漢靜者而巳茶酒內余請誦近詩肯吟數百才力素壯詞句動人接對明日憶其湧思涌出書於紙外之於殷殷留金石聲賦八韻記與亦記老丈倒於蘇至矣

龐公不浪出蘇氏今有之再聞誦新作矣過黃初詩乾坤幾反覆楊馬宜同時今晨清鏡中勝食齋房之余髮喜却變白間生黑絲昨夜舟火滅一作湘娥簾外悲百靈未敢散風破寒江遲

過李楫

王維

閒門秋草色終日無車馬客來深巷中大吠寒林下散

髮時未簪道書行尚把與我同心人樂道安貧者一罷  
宜城酌還歸洛陽社

過賈六

蘇晉

主人病且閒客來情彌適一酌復一笑不知日將夕昨  
來屬歡遊於今盡成苦努力持所趣空名定何益

兩當縣過吳十侍御

杜甫

寒城朝煙淡山谷落葉赤陰風千里來吹汝江上宅鴈  
雞號在渚日色傷阡陌借問持斧翁幾年長沙客哀哀  
失木杭矯矯避弓翮亦知故鄉樂未敢思宿昔昔在鳳  
翔都共通金匱籍天子猶蒙塵東郊暗長戟兵家忌間  
古詩五言 卷十二 三十九

謀此輩常接跡臺中領舉劾君必慎剖析不忍殺無辜  
所以分黑白上官權許與失意見遷斥仲尼甘旅人向  
子識損益朝廷非不知閉口休歎息余時忝諍臣丹陛  
實咫尺相看受狼狽至死難塞責行邁心多違出門無  
與適於公負明義惆悵頭更白

朝下過盧郎中叙舊遊

李白

君登金華省我入銀臺門幸逢聖明主俱承雲雨恩復  
此休浣時閒為疇昔言却話山海事宛然林壑存明湖  
思曉月疊嶂憶清猿何由返初服田野醉芳樽

下終南山過斛斯山人宿置酒

暮從碧山下山月隨人歸却顧所來徑蒼蒼橫翠微相  
携及田家童稚一作能千開荆扉綠竹入幽軒青蘿拂行衣  
歡言得所憩美酒聊共揮長歌吟松風曲盡星河星稀我  
醉君復樂陶然共忘機

鄉試後自鞏還田家因謝鄰友見過之作

盧象

雞鳴出東邑馬倦登南嶺落日見桑柘翳然丘中寒鄰  
家多舊識牧暝來相看且問春稅苦兼陳行路難園場  
近陰壑草木易凋殘峰暗雪猶積澗深水已圓浮名知  
何用歲晏不成歡置酒共君飲當歌聊自寬

古詩五言

卷十二

四十

鄂渚招王昌齡張儉

常建

刈蘆曠野中沙上飛黃雲天晦無精光茫茫悲遠君楚  
山隔湘水湖畔落日憑春鴈又北飛音書固難聞謫居  
未爲歎讒枉何由分午日逐蛟龍宜爲弔冤文翻復古  
共然名宦安足云貧士任枯槁捕魚清江濱有時荷鋤  
犁曠野自耕耘不然春山隱谿澗何一作花氤氲山鹿自  
有場賢達亦顧羣二賢歸去來世上徒紛紛

太一石鰲崖口潭舊廬招王學士

岑參

驟雨鳴淅瀝颼颼谿谷寒碧潭千餘尺下見蛟龍蟠石  
門吞衆流絕岸呀層巒幽趣倏倏萬變奇觀非一端偶逐

干祿徒十年皆小官抱板尋舊園弊廬臨迅湍君子滿  
清朝小人思挂冠釀酒漉松子引泉通竹竿何必濯滄  
浪不能釣嚴灘此地可遺老勸君來考槃

魯郡途中遇徐十八錄事

高適

誰謂嵩穎客遂經鄒魯鄉前臨少昊墟始覺東蒙長獨  
行一作豈吾心懷古激中腸聖人久已矣游夏遙相望  
徘徊野澤間左右多悲傷日出見關里川平知汶陽弱  
冠負高節十年思自強終然不得意去去任行藏

登敬亭北二小山余時送客逢崔侍御並登此地

李白

古詩

卷十二

四十二

送客謝亭北逢君縱酒還屈盤戲白馬大笑上青山迴  
鞭指長安西日落秦關帝鄉三千里杳在碧雲間

金陵江上遇蓬池隱者

心愛名山遊身隨名山遠羅浮麻姑臺此去或未返遇  
君蓬池隱就我石上飯空言不成歡強笑惜日晚綠水  
何鴈關一作黃雲蔽龍山歎息兩客鳥徘徊吳越間一  
語一作執手留連夜將久解我紫綺裘且換金陵酒  
酒來笑復歌興酣樂事多水影弄月色清光奈愁何明  
晨挂帆席離恨滿滄波

夜泊越州逢北使

沈佺期

天地降雷雨放逐還國都重以風潮事年月戒回艤容  
顏荒外老心想域中愚慈泊在茲夜炎雲逐斗樞颺  
繁海若霹靂取天吳龍擘羣島失鯨吞衆流輪偶逢金  
華使握手淚相濡饑共噬齊棗眠共席秦蒲既北思攸  
濟將南唐所圖往來固無咎何忽憚前桴

朝邑蔡主簿期不會

二首

儲光羲

下位日趨走久之賓會疎空遲偶詞賦所愧比園廬朝  
念池上酌暮逢林下書方將固封守暫欲混畋漁衰柳  
隱長路秋雲滿太虛遙遙望左右日入未迴車

日入清風至知君在西偏車輿既成列賓僕復能賢迢

古詩

卷十二

四十二

遽下墟坂逍遙看井田蒼山起暮雨極浦浮長煙服義  
大如志交歡數盡年寧言十餘里不見空來還

龍門西峰曉望劉十八不至

李頎

春臺臨永路跂足望行子片片雲觸峰離離鳥度水叢  
林遠山上霧景一作色雜花裏不見携手人下山采綠芷

行從方秀川與劉評事文同宿

張說

方秀美盤遊頻年降天旱水共伊川接山將關門斷捧  
日照思華攀雲引疲散野宿霜入帳孤衾寒不煖靜聞  
宮漏疎卧視庭月滿開爐命溫酎中夜發清管風送關  
山長氣道星歲短攜有情思悵適興真意坦懷中病羈



望方外嫌縱誕願君樂盛時無嗟帶纓緩

友人會宿

李白

滌蕩千古愁留連百壺飲良宵宜清談皓月未能寢醉來臥空山天地即衾枕

宿清溪主人

夜到清溪宿主人碧巖裏簷楹掛斗星枕席響風水月落西山時啾啾夜猿起

夢李白二首

杜甫

死別已吞聲生別常惻惻江南瘴癘地逐客無消息故人入我夢明我長相憶恐非平生魂路遠一作迷不可測

古詩五言

卷十二

四十三

魂來楓林青魂返關塞黑君今在羅網何以有羽翼落月滿屋梁猶疑照顏色水深波浪濶無使蛟龍得

浮雲終日行遊子久不至三夜頻夢君情親見君意告歸常局促苦道來不易江湖多風波舟楫恐失墜出門搔白首苦負平生志冠蓋滿京華斯人獨顛顛孰云網恢恢將老身反累千秋萬歲一作古名寂寞身後事

得舍弟消息

風吹紫荆樹色與春庭暮花落辭故枝風回反無處骨肉恩義重漂泊難相遇猶有淚成河經天復東注

鄭典設自施州歸

吾憐榮陽秀冒暑初有適名賢慎出處不肯妄行役旅茲殊俗遠竟以屢空迫南謁裴施州義合無險僻攀援懸根本登頓入矢石青山自一川城郭洗憂感聽子話此邦令我心悅懌其俗則純朴不知有主客溫溫諸侯門禮亦如一作亦如古昔勅厨倍常羞盃盤頗狼籍時雖屬喪亂事貴賞一作賞匹敵中宵愜良會裴鄭非遠戚羣書一萬卷博涉供務隙他日辱銀鉤森疎見矛戟倒屣喜旋歸畫地求所歷乃聞風土資又重田疇關刺史似寇恂列郡宜競惜北風吹瘴癘羸老思散策渚拂蒹葭寒嶠穿萬蘿暮此身仗兒僕高興潛有激孟冬方首路

古詩五言

卷十二

四十四

強飯取崖壁歎爾疲驚駘汗溝血不赤終然備外飾駕馭何所益我有平肩輿前途猶準的翩翩入鳥道庶脫蹉跎厄

越中問海客

劉昫虛

風雨滄洲暮一帆今始歸自云發南海萬里速如飛初謂落何處永將無所依冥茫漸西見山色越中微常念去時遠人經此路稀泊舟悲且泣使我亦沾衣浮海焉用說憶鄉難久違縱爲魯連子山路有柴扉

唐詩所第十二卷終

唐詩所第十三卷 古詩

前集

奉荅燕公

王珣

郡遠途且艱宜悲良自得胡爲心獨爾惠好在南國亦  
既清顏披罔然良願克與君蘭時會羣物如藻飾煙景  
惜歡賞雲山起翰墨接藝奇思微偶談玄言直永日不  
知倦逾旬猶謂亟如何酌離樽移棹已城側浦口勞長  
望舟中獨太息疾風吹飛帆倏忽南與北目盡不復見  
懷哉無終極唯當衡峰上遙辨湖水色

謝崔五郎中

李白

朔雲橫高天萬里起秋色壯士心飛揚落日空歎息長  
古詩 五言 卷十三 二

嘯出原野凜然寒風生幸遭聖明時功業猶未成奈何  
懷良圖鬱悒獨愁一作空坐杖策尋英豪立談乃知我崔  
公生民秀絢邈青雲姿制作參造化託諷含神祇海嶽  
尚可傾吐諾終不移是時霜嚴寒逸興臨華池起舞拂  
長劍四座皆揚眉因得窮歡情贈我以新詩又結汗漫  
期九垓遠相待舉身憩蓬壺足弄滄海從此凌倒景  
一去無時還朝遊明光宮暮入闔闔關但得長把袂何  
必嵩丘山

酬鄭沁州

劉禕之

騏閣一代良熊軒千里躅緝圖昭國典按部留宸矚匪

厭承明廬佇兼司隸局芸書暫輟載行使方臨俗節變  
風緒高秋深露華溼寒山欽輕靄霽野澄初旭已切一作  
覺長年悲誰堪岐路促遙林征馬迅別館嘶驂踴雅贈  
響從金索居睽倚玉悽斷離鴻引勞歌思足曲

酬龐十兵曹

高適

憶昔遊京華自言生羽翼懷書訪知己未路空相識許  
國不成名還家有慙色託身從畎畝浪跡初自得雨澤  
感天時耕耘忘帝力同人洛陽至問我睢水北遂爾欸  
津涯淨然見胸臆高談懸物象逸韻投翰墨別岸迴無  
垠海鶴鳴不息梁城多古意携手共悽惻懷賢想鄒枚  
古詩 五言 卷十三 二

登高思荆棘世情惡疵賤之子憐孤直酬贈感并深離

憂豈終極

酬司空璩少府

飄飄未得意感激與誰論昨日遇夫子仍一作欣吾道  
存江山蒲詞賦札翰起涼溫吾兄風雅作人知德業尊  
驚飈蕩萬木秋氣屯高原燕趙何蒼茫鴻鴈來翩翩此  
時與君別握手欲無言

酬李少府

出塞覓一作驚懷賢意難說誰知吾道間乃在客中  
別日夕捧瓊瑤相思無休歇伊人雖薄宦舉代推高節

述作凌江山聲華浦水雪一登薊丘上四顧何慘烈來  
鴈無盡時邊風正騷屑將從崖谷遁且與沈浮絕君若  
登青雲吾當投魏闕

酬陸少府

朝臨淇水岸還望衛人邑別意在山阿征途背原隰蕭  
蕭一作蕭蕭前村口唯見轉蓬入水渚人去遲霜天鴈飛急  
固應不遠別一作我行所與路一作終未及欲濟川上舟  
相思空佇立

荅侯少府

常日好讀書晚年學垂綸漆園多喬木睢水清粼粼詔  
古詩五言卷十三 三

書下柴門天命敢逡巡赫赫三伏時十日到咸秦褐衣  
不得見黃綬翻在身吏道頓羈束生涯難重陳北使經  
大寒關山饒苦辛邊兵若芻狗戰骨成埃塵行矣勿復  
言歸歟傷我神如何燕趙陲忽遇平生親開館納征騎  
彈絃娛遠賓飄飄天地間一別方茲晨東道有佳作南  
朝無此人性靈出萬象風骨超常倫吾黨謝王粲羣賢  
推郗詵明時取秀才落日過蒲津節苦名已富祿微家  
轉貧相逢愧薄遊撫已荷陶鈞心事正堪盡離居一作  
寧太頻兩河歸路遙二月芳草新柳接滹沱暗鶯連渤  
海春誰謂行路難猥當希代珍提握每終日相思猶比

隣江海有扁舟丘園有角巾君意定何適我懷知所遵  
浮沈各異宜老大貴全真莫作雲霄計遑遑隨縉紳

酬談少府

李白

一尉居條忽梅生有仙骨三事或可羞匈奴晒千秋壯  
心屈黃綬浪跡寄滄洲昨觀荆峴作如從雲漢遊老夫  
當暮矣蹠足懼驂騑

酬裴秀才

高適

男兒貴得意何必相知早飄蕩與物永一作蹉跎覺年  
身一作老長卿無產業季子慙妻嫂此事難重陳未於作  
爲衆人道

古詩五言卷十三 四

酬賀遂亮

韓思彥

古人一言重嘗謂百年輕今投歡會面顧盼盡平生簪  
裾非所託琴酒異相併累日同遊處通宵款素誠霜飄  
知柳脆雪冒覺松貞願言何所道幸得歲寒名

荅鄒象先

蕭穎士

桂枝常共擢茅茨冀同薦一命何阻脩載馳各州縣壯  
圖悲歲月明代耻貪賤回首無津梁祗令二毛變

荅洛陽主人

陳子昂

平生白雲志早愛赤松遊事親恨未立從官此中州主  
人何發問旅客非悠悠方謁明天子清晏奉良籌再取

連城壁三陟平津侯不然拂衣去歸從海上鷗寧隨當  
代子傾側且沈浮

五月東魯答汶上君

李白

五月梅始一作黃鸝凋桑柘空魯人重織作機杼鳴簾

櫳顧余不及仕學劍來山東舉鞭訪前途獲笑汶上翁

下愚一作人忽壯士未足論窮通我以一箭書能取聊城

功終然不受賞羞與時人同西歸去直道落日昏陰虹

此一作我去爾勿言甘心如轉蓬

酬北海李太守丈人夏日平陰亭

高適

天子股肱守丈人山嶽靈出身侍丹墀舉翮凌青冥當

古詩

五言

五

昔皇運否人神俱未寧諫官莫敢議酷吏方專刑谷永

獨言事匡衡多引經兩朝納深衷萬乘無不聽盛烈播

南史雄詞豁東溟誰謂整隼旗翻然一作德榮肩寄書汶陽

客廻首平陰亭開封見千里結念存一作百齡隱軫江山麗

來一作氛氳蘭茝馨自憐遇時休漂泊隨流萍春野變木

德夏天臨火星一生徒羨魚四十猶聚螢從此日間放

焉能懷拾青

酬田著作幕門軍西宿盤山秋夜

同呂員外作

磧路天早一作秋邊城夜應承遙傳戎旅作已報關山

冷上將顛盤坂諸軍徧泉井綢繆閭外書慷慨幕中請

能使勲業高動令氛霧屏遠途能自致短步終難騁羽

翮時一看窮愁始一作三省人生感然諾何啻若形影白髮

知苦心陽春見佳境一作景星河連塞絡刁斗兼山靜憶

君霜露時使我空引領

金門答蘇秀才

李白

君還石門日朱火始改木春草如有情山中尚含綠折

芳愧遙憶永路當自勗遠見故人心平生以此足巨海

納百川麟閣多才賢獻書入金闕酌醴奉瓊筵屢忝白

雲唱恭聞黃竹篇恩光照拙薄雲漢希騰遷銘鼎儼云

遂扁舟方渺然我留在金門君去卧丹壑未果三山期

古詩

五言

六

遙欣一丘樂玄珠寄象罔赤水非寥廓願狎東海鵬共

營西山藥栖巖君寂蔑一作處世余龍護良辰不

同賞永日應閒居鳥吟簷間樹花落牕下書綠綵見綠

條隔岫窺紅葉采薇行笑歌眷我情何已月出石鏡間

風鳴松琴裏得心自虛妙外物空頽靡身世如兩忘從

君老煙水

西還至散關答喬補闕知之

陳子昂

歲荏蒼梧鳳嘹唳白露蟬羽翰本非匹結交何獨全昔

君事胡馬余得奉戎旃攜手向沙塞關河緬幽燕芳歲

幾陽止白日屢徂遷功業雪臺薄平生玉佩捐歎此南

歸日猶聞北戍邊代水不可涉巴江亦潺湲攬衣度函  
谷銜涕望秦川蜀門自茲始雲山方浩然

北遊還酬孟雲卿

張彪

忽忽望前事志願能相垂衣馬日一作羸弊誰信文與  
才善道居貧賤潔服蒙塵埃行行無定心坎壈難歸來  
慈母憂疾疹室家念低摧與君宿姻親深見中外懷俟  
余惜時節悵望臨高臺

答韓使同在邊

陳子昂

漢家失中策胡馬屢南驅聞詔安邊使曾是故人謨廢  
書悵懷古負劍許良圖出關歲方晏乘障日多虞虜入  
古詩五言 卷十三 七

白登道烽交紫塞途連兵屯北地清野備東胡邊城方  
晏閉斥堠始昭蘇復聞韓長孺辛苦事匈奴雨雪顏容  
改縱橫才位孤空懷老臣策未獲趙軍租但蒙魏侯重  
不受謫書証當取金人祭還歌凱入都

酬裴員外以詩代書

高適

少時方浩蕩遇物猶塵埃脫畧身外事交游天下才單  
車入燕趙獨立心悠哉寧知戎馬間忽展平生懷且欣  
清論高豈顧夕陽頽題詩碣石館縱酒燕王臺北望沙  
漠垂漫天雪皚皚臨邊無策畧覽古空徘徊樂毅吾所  
憐拔齊翻見猜荆卿吾所悲適秦不復迴然諾多死地

公忠成禍胎與君從此醉每恐流年催如何俱老大始  
復忘形骸兄弟真二陸聲名連八裴乙未將星變賊臣  
候天災胡騎犯龍山乘輿經馬嵬千官無倚着萬姓徒

悲哀誅呂鬼神動安劉天地開奔波走風塵倏忽直雲  
雷擁旄出淮甸入幕徵楚材誓當剪鯨鯢永以竭駑駘  
小人胡不仁讒我成死灰賴得日月明照耀無不該留  
司洛陽官詹府唯蒿萊是時掃氛祲尚未殲渠魁背河  
列長圍師老將亦垂歸軍劇風火散卒爭椎埋一夕漚  
洛空生靈悲曝腮衣冠投草莽予欲馳江淮登頓宛葉  
下栖遑襄鄧隈城池何蕭條邑屋更崩摧縱橫荆棘叢

古詩五言

卷十三

八

但見瓦礫堆行人無血色戰骨多青苔遂除彭門守因  
得朝玉階激昂仰鵷鷺獻替欣鹽梅驥傳及遠蕃憂思  
鬱難排罷人紛爭訟賦稅如山崖所思在畿甸曾是魯  
宓齊自從拜郎官列宿煥天街那能訪遐僻還復寄瓊  
環金玉本高價填篋終易諸朗詠臨清秋涼風下庭槐  
何意寇盜間獨稱名義偕辛酸陳侯詠歎息季鷹杯白  
日屢分手青春不再來卧看巾散論愁憶太常齋酬贈  
徒爲爾長歌還自吟

代書答姜七崔九

張說

婀娜金閨樹離披野田草雖殊兩地榮幸共三春好花

殊鳥飛處葉鏤蟲行道真心獨感人惆悵令人老

代書荅元卅丘

李白

青鳥海上來今朝發何處口銜雲錦字一作書與我忽飛

去鳥去凌紫煙書留綺牕前開緘方一作時一笑乃是故

人傳故人深相勗憶我勞心曲離居在咸陽三見秦草

綠置書雙袂間引領不暫閒長望一作歎杳難見浮雲橫

遠山

酬王補闕惠翼莊廟宋丞泚贈別

學道三十一作千春自言義和人軒蓋死若夢雲松長相

親偶將二公合復與三山鄰喜結海上契自爲天外賓

古詩五言

卷十三

九

鸞翻我先鍛龍性君莫馴朴散不尚一作何古時訛皆失

真勿踏荒谿坡竭來浩然津薛帶何辭楚桃源堪避秦

世迫且離別心在期隱淪訓贈非烟戒永言銘佩紳

途中酬李少府贈別

高適

西上逢節換東征私自憐故人今卧疾欲別還留連舉

酒臨南軒夕陽滿中筵寧知江上興乃在河梁偏行李

多光輝札翰忽相鮮誰謂歲月晚交情尚貞堅終嗟州

縣勞官諷復迤邐雖負忠信美其如方寸懸連帥弱清

風千里猶眼前曾是趨藻鏡不應翻棄捐日來知自強

風氣殊未痊可以加藥物胡爲輒憂煎驅馬出大梁原

野一悠然柳色感行客雲陰愁遠天皇明燭幽遐德澤

普昭宣鷄鴻列霄漢燕雀何翩翩余亦愜所從漁樵十

二年種瓜漆園裏鑿井廬門邊去去勿重陳生涯難勉

旃或期遇春事與爾復周旋投報空回首狂歌謝比肩

睢陽酬別暢大判官

吾友遇知己策名逢聖朝高才擅白雪逸翰懷青霄承

詔選嘉兵慨然即馳驅清畫下公館尺書忽相邀留歡

惜別離畢景駐行鑣言及沙漠事益令胡馬驕丈夫拔

東蕃聲冠霍嫖姚兜鍪衝矢石鐵甲生風颭諸將出冷

井一作堅運營濟石橋首豪盡俘馘子弟輸征徭邊庭絕

古詩五言

卷十三

十

刁斗戰地成漁樵榆關夜不扃塞口長蕭蕭降胡滿薊

門一一能射鵬軍中多宴樂馬上何輕趨戎狄本無厭

羈縻非一朝饑附誠足用飽飛安可招李牧制僭藍遺

風豈寂寥君還謝幕府慎勿輕芻蕘

酬別薛三蔡大留簡韓十四主簿

迢遞辭京華辛勤異鄉縣登高俯滄海迴首淚如霰同

人久離別失路還相見薛侯懷直道德業應時選蔡子

負清才當年擢賓薦韓公有奇節詞賦凌羣彥讀書嵩

岑間作吏滄海甸伊余寡棲託感激多慍見縱誕非爾

情漂淪任疵賤忽枉瓊瑤作乃深平生眷始謂吾道存

終嗟客遊倦歸心無晝夜別事除言宴復值涼風時蒼  
茫夏雲變

訓梁二十朱中所贈兼別梁少府 獨孤及

少讀黃帝書肯不笑機事意猶負深衷未免名跡累厭  
貧學千祿欲詢賓王利甘爲風波人豈復江海意擔簦  
平臺下是日飲羈思逢君道寸心暫喜一交臂緒言未  
及竟離念已復至羈侯望南丘雲雨成兩地途殊跡方  
間河廣流且駛暮帆望不及覽贈心欲醉愛君如金錫  
昆弟皆茂異奕赫連絲衣榮養能錫類君子道未長深  
藏青雲器巨鱗有縱時今日不足議唯當加餐飯好我  
古詩五言 卷十三 十一

袖中字別離動經年莫道分首易

奉酬薛十二丈判官見贈

杜甫

忽忽峽中睡悲風方一醒西來有好鳥爲我下青冥羽  
毛淨白雪慘淡飛雲汀既蒙主人顧舉酬喉孤亭持以  
比佳士及此慰揚舲清文動哀玉見道發新硯欲學鵬  
夷子待勒燕山銘誰重斬蛇一作劍致君君未聽志在  
麒麟閣無心雲母屏卓氏近新寡豪家朱門扃相如才  
調逸銀漢會雙星客來洗粉黛日暮拾流螢不是無膏  
火勸郎勤六經老夫自汲澗野水日冷冷我歎黑頭白  
君看銀印青臥病識山鬼爲農知地形誰矜坐錦帳苦

厭食魚腥東南兩岸圻橫水注滄溟碧色忽惆悵風雷  
搜百靈空中右白虎赤節引娉婷一作自云帝里一作女嘆  
雨鳳凰翎裏王薄行跡莫學冷如丁千秋一拭淚夢覺  
有餘一作微馨人生相感動金石兩青熒丈人但安坐休  
辨渭與涇龍蛇尙格鬪洒血暗郊垌吾聞聰明王治國  
用輕刑銷兵鑄農器今古歲方寧文王日儉德俊乂始  
盈庭榮華貴少壯豈食楚江萍

酬馬八見贈

高適

深一作崖生綠竹秀色徒氛氲時代種桃李無人顧此  
君奈何冰雪操尙與蒿萊羣願托靈仙子一吹聲入雲

古詩五言

卷十三

十二

荅長孫十一東山春夜見贈

楊諫

故人謝城闕揮手碧雲期谿月照隱處松風生興時舊  
林日云暮芳草歲空滋甘與子成夢請君同所思

酬岑二十主簿秋夜見贈

高適

舍下蛩亂鳴居然自蕭索緬懷高秋興忽在清夜作感  
物我心勞涼風驚二毛池空一作菡萏死月出梧桐高  
如何異鄉縣復得交才彥汨沒嗟後時蹉跎耻相見箕  
山別來久魏闕誰不戀獨有江海心悠悠一作未嘗倦  
敬酬陳掾親家翁秋夜有贈 儲光羲

大姬配胡公位乃三恪賓盛德百代祀斯言良不泯敬



仲爲齊卿當國名益震文舉登臺輔太丘榮縉紳武皇  
受瑤圖爵土封其親繁祉既驟集裔孫生賢臣特達踰  
珪璋節操方松筠雲漢一矯翼天池三振鱗曳裾朝赤  
墀酌醴侍紫宸大君錫車馬時復過平津言則廣台階  
道亦資天鈞清秋忽高興振藻若有神曜曜趨宮廷洗  
洗邁徐陳鎬京既賜第門巷交朱輪方將襲伊臯永以  
崇夏殷宗黨無遠近敬恭依仁人雪盡宇宙暄鴈歸滄  
海春沈吟白華頌帝闔降絲綸驛騎及蕪城相途在郊  
野別離曠南北謫謫雁苦辛晝遊還荆吳迷方客咸秦  
惟賢惠重義男女期嘉姻梧桐生朝陽鳴鳩鳴蕭晨豈  
古詩五言 卷十三 十三

不長時暮坎壈無與鄰中夜涼風來顧我閨音塵瓊瑤

酬李處士山中見贈

厥初遊太學相與極周旋含采共朝暮知言同古先孟  
陽題劔閣子雲獻甘泉斯須曠千里婉婉將十年今來  
艷陽月好鳥鳴翩翩同聲既求友不肖亦懷賢引領遲  
芳信果枉瑤華篇成頌非其德高文徒自妍聲塵邈超  
越比興起孤絕始信郢中人乃能歌白雪跂予北堂夜  
搖筆酬明哲綠竹動秋風層軒靜華月想像南山下恬  
然謝朝列猶恐鷓鴣鳴坐看芳草歇邀以青松色同知

白華榮永願容龍門相將持此節

庚子歲避地玉山訓韓司馬所贈 獨孤及

滄海疾風起洪波駭恬鱗已無濟川分甘作棄梓人揮  
手謝秣陵舉帆指隰闡安知風塵表偶與瓊瑤親共悲  
行路難况逢江南春故園如在夢返復知何辰曠野豺  
虎蒲深山蘭蕙新枉君潮陵什迴首徒酸辛

號中酬陝西甄判官見贈 岑參

微才棄散地拙宦懸清時白髮徒自負青雲難可期胡  
塵暗東洛亞相方出師分陝振鼓輦二嶠蒲旌旗夫子  
廊廟器迥然青冥姿闔外佐戎律幕中吐兵奇前者驛

古詩五言

卷十三

十四

使來忽枉行軍詩畫吟庭花落夜諷山月移昔君隱蘇  
門浪跡不可羈詔書自徵用令譽天下知別來春草長  
東望轉相思寂寞山城暮空聞畫角悲

訓張卿夜宿南陵見贈 李白

月出魯城東明如天上雪魯女驚莎雞鳴機應秋節當  
君相思夜火落金風高河漢挂戶牖欲濟無輕舸我昔  
辭林丘雲龍忽相見客星動太微朝去洛陽殿爾來得  
茂彥七葉仕漢餘身爲下邳客家有圯橋書傳說未夢  
時終當起嶽野萬古騎星辰光輝照天下與君各未遇  
長策委蒿萊實力隱玉匣繡澗空莓苔遂令世上愚輕

我土與灰一朝攀龍去龍龜安在哉故山定有酒與肉  
傾金鼎

酬李參軍崇嗣旅館見贈

陳子昂

昨夜銀河畔星文犯遙漢今朝紫氣新物色果逢真言  
從天上落乃是地仙人白壁疑冤楚烏裘似入秦摧藏  
多古意歷覽備艱辛樂廣雲雖覩夷吾風未春鳳歌空  
有問龍性詎能馴寶劍終應出驪珠會見珍未及馮公  
老何驚孺子貪青雲儻可致一作効北海憶孫賓

荅從弟切成過西園見贈

李白

一身自瀟灑萬物何驚喧拙薄謝明時棲閒歸一作故

古詩五言 卷十三

十五

園二季過舊壑四鄰馳華軒衣劍照松宇賓徒光石門  
山童薦珍果野老開芳樽上陳樵漁事下叙農圃言昨  
來荷花滿今見蘭苕繁一笑復一歌不知夕景昏醉罷  
同所樂此情難具論

酬綦校書夢邪溪見贈

儲光羲

校文在仙掖每有滄洲心况以北窓下夢遊清溪陰春  
看湖水漫夜入迴塘深往往纜垂葛出舟望前林山人  
松下飯釣客廬中吟小隱何足貴長年固可尋還車首  
東道惠言若黃一作南金以我采微意傳之天姥岑後五  
作勝遊在幽尋歷茲山水間冷然若鳴琴申章謝來意  
愧莫酬知音

敬酬杜華洪上見贈兼呈熊曜 岑參

杜侯是才子盛名不可及祇曾效一作爲一官今已年四  
十是君同時者已有尚書郎憐君獨未遇淹泊在他鄉  
我從京師來到此喜相見共論窮途事不覺淚滿面憶  
昨癸未歲吾兄自江東得君江湖詩骨氣凌謝公熊生  
尉淇上開館常待客喜我二人來歡笑朝復夕縣樓壓  
春岸戴勝鳴花枝吾徒在舟中縱酒兼彈碁三月猶未  
還客愁滿春草賴蒙瑤華贈諷詠慰懷抱

酬周判官巡至始興會改秘書少監見貽兼呈耿

廣州

張九齡

古詩五言 卷十三

十六

惟昔遷樂土迨今已重世陰慶荷先德素風慙後裔唯  
益梓桑恭豈稟山川麗于時初自劾揆已無兼濟瘠土  
資勞力良書啓蒙蔽一探石室文再擢金門第既起南  
宮草復掌西掖制過舉及小人便蕃在中歲亞司河海  
秩轉牧江湖蒞勿謂符竹輕但覺涓塵細一麾尚云忝  
十駕宜求稅心息已如灰跡牽且爲贅忽捧天書委將  
華海隅弊朝聞循誠節夕飲蒙瘡癘義疾耻無勇盜憎  
攻亦銳葵藿是傾心豺狼何返噬履險甘所受勞賢惡  
相曳攬轡但荒服循核便私第嘉慶始獲申恩華復相  
繼無庸我先舉同事君猶滯當推奉使績且結拜親契

更延懷安旨曾是慮危際善謀雖若茲至理焉可替所  
仗有神道况承明主惠

酬燕公出湖見寄

趙冬曦

綸紱有成命旌麾不可攀湘川朝目斷荆關夕波還果  
枉東瞻唱興言夕放閒攜琴仙洞中置酒澗湖上芳景  
恣行樂謫居忽如忘聚散本相因離情自悲悵驚翻非  
常戢鵬天會昭曠永懷宛洛游曾是彈冠望

荅長安崔少府叔封遊終南翠微寺太宗皇帝金

沙泉見寄

李白

河伯見海若傲然誇秋水小物昧一作遠圖寧知

古詩

卷十三

十七

通方士一作多君紫霄意獨往蒼山裏地古寒雲深巖

高長風起初登翠微嶺復憩金沙泉踐苔朝霜滑弄波

夕月圓飲彼石下流一作結蘿宿谿煙鼎湖夢淥水龍

駕空一作茫然早行子午間一作關頗識關一作路

遠拂琴聽霜猿滅燭乃星飯人煙無明一作異鳥道絕

往返攀崖倒青天視白日晚既過一作石門隱還唱

一作石潭歌涉雪攀紫芳一作采濯纓想清波斯

此一作人不可見此地君自過爲余謝風泉其如幽意何

酬秘書弟兼寄幕下諸公序曰乙亥歲適徵詣長

舍人詩書起予蓋終日矣今年適自封丘尉統  
吏卒於青夷途經博陵得太守賈公之政相見

如舊他日之意存焉司業張侯周旋迫茲僅三  
十載將曠昔是好匪窮達之異乎族弟秘書  
序之白眉者風塵一別俱東南西北之人  
相逢適與願契旅館之暇長懷益增因賦是詩  
愧非六義之流也

高適

亞相膺時傑羣才遇良工翩翩幕下來拜賜甘泉宮信  
知命世奇適會非常功侍御執邦憲清詞煥春葩末路  
望繡衣他時常發蒙孰云三軍壯懼我彈射雄誰謂萬  
里遙在我樽俎中光祿經濟器精微自深衷前席屢榮  
問長城兼在尉高蹤激頹波逸翮馳蒼穹將副節制籌  
欲令沙漠空司業志應徐雅度思冲融相思三十年憶  
昨猶兒童今來抱青紫忽若披鴻鴻說劍增慷慨論交

古詩

卷十三

十八

持始終秘書即吾門虛白無不通多才陸平原碩學鄭  
司農獻封到關西獨步歸山東永意久知處嘉言能亢  
宗客從梁宋來行役隨轉蓬酬贈欣元弟憶賢瞻數公  
游鱗戲滄浪鳴鳳棲梧桐並負垂天翼俱乘破浪風  
眈眈天府間偃仰誰敢同何意構厦厦翻然顧雕蟲應知  
阮步兵惆悵此途窮

淇上酬薛三據兼寄郭少府微

自從別京華我心乃蕭索十年守章句萬事空寥落北  
上登薊門茫茫見沙漠倚劍對風塵慨然思衛霍拂衣  
去燕趙驅馬悵不樂天長滄洲路日暮邯鄲郭酒肆或

淹留漁潭屢棲泊獨行備艱險所見窮善惡永願拯芻蕘云一作干鼎鑊皇情念淳古時俗何浮薄理道資一作任賢安人在求瘼故交負靈奇逸氣抱謬謬隱軫經濟具縱橫建安作才望忽先鳴風期無宿諾飄飄勞州縣迢遞限言譴東馳眇貝丘西顧彌號咷淇水徒自流浮雲不堪託吾謀適可用天路豈寥廓不然買山田一身與耕鑿且欲同鷦鷯焉能志鴻鵠一作鶴

酬成少尹駱谷行見呈

岑參

聞君行路難惆悵臨長衢豈不憚險艱王程剽相拘憶昨蓬萊宮新授刺史符明主仍賜衣價直千萬餘何幸

古詩五言

卷十三

十九

承命日得與夫子俱攜手出華省連鑣赴長途五馬當路嘶按節投蜀都千崖一作巖信縈折一徑何盤紆層冰滑征輪密竹礙隼旗深林迷昏旦棧道凌空虛飛雪縮馬毛烈風聲我膚峰攢望天小亭午見日初夜宿月近人朝行雲蒲車泉澆石磴坼火入松心枯亞尹同心者風流賢大夫榮祿上及親之官隨板輿高價振臺閣清詞出應徐成都春酒香且用俸錢沽浮名何足道海上堪乘桴

答高山人兼呈權顧二侯

李白

虹霓掩天光哲后起康濟應運生夔龍開元掃氛翳太

微廓金鏡端拱清遐裔輕塵集嵩嶽虛點聖一作盛明意謬揮紫泥詔獻納青雲際讒惑英主心思疎侯臣計彷徨庭闕下歎息光陰逝未作仲宣詩先流賈生涕挂帆秋江上不爲雲羅制山海向東傾百川無盡勢我於鴟夷子相去千餘歲運濶英達稀同風遙執袂登臚望遠水忽見滄浪樵高士何處來虛舟渺安繫衣貌本淳古文章多佳麗延引故鄉人風義未淪替顧侯達語默權子識通蔽曾無心雲俱爲此畱滯雙萍易飄轉獨鶴思凌厲明晨去瀟湘共謁蒼梧帝

訓皇甫侍御望夫瀟山見示之作

獨孤及

古詩五言

卷十三

二十

早歲慕五嶽嘗爲塵機礙孰知天柱峰今與郡齋對隱嶙抱元氣氤氲含青靄雲崖媚遠空石壁寒古塞漢皇南遊日望秩此昭配法駕到谷口禮容振荒外焚柴百神趨執玉萬方會天旋物順動德布澤霽霽講武威已耀學仙功未艾黃金竟何成洪業遽淪昧度世若一瞬昨朝已千載如今封禪壇唯見雲雨晦長望哀往古勞生慙大塊清暉幸相娛幽獨知所賴寒城春方正初月明可愛萬殊喜陽和余亦荷時泰山色日夜綠下有清淺瀨愧作拳拳人沈迷簿書內登臨歎拘限出處悲老大况聽郢中曲復識湘南態思勦物累牽敢令道機退

曠然誦佳句持比秋蘭佩

昆明池晏坐答王兵部珣見示

蘓頌

畫舸疾如飛遙遙汎夕暉石鯨吹浪隱玉女步塵歸獨有銜恩處明珠在釣磯

仰荅韋司業垂訪

五首

蕭穎士

呦呦食萍鹿常飲清泠川但悅豐草美寧知牢饌鮮主人有幽意將以充林泉羅網幸免傷蒙君復羈牽高堂列衆賓廣座鳴清絃俯仰轉驚惕徘徊獨憂煎緬懷雲巖路欲往無由緣物各有所好違之傷自然

神龜在南國網遯湘川陰遊止蓮葉上歲時嘉樹林毒

古詩五言

卷十三

二十一

蟲且不近斤斧何由尋錯落負奇文熒煌耀丹金江山萬里餘淮海阻且深獨保貞素質不爲寒暑侵一逢盛明代應見通靈心

晉代有儒臣當年富詞藻立言寄青史將以贊王道遼落緬歲時辛勤歷江島且言風波倦探涉豈爲實不遇更征西云誰展懷抱士貧乏知己安得成所好

彭陽昔遊說願謁南郢都王果尚未達况從夷節謨豈知晉叔向無罪嬰囚拘臨難俟解紛獨知祁大夫舉讐且不棄何必論親疎夫子覺者也其能一作肯遺我乎

關西一公子年貌獨青春被褐來上京翳然聲未振中

郎何爲者倒屣驚座賓詞賦豈不佳盛名亦相因爲君奏此曲此曲多苦辛千載不可誣孰言今無人

訓岑勛見尋就元丹丘對酒相待以詩見招

李白

黃鶴東南來寄書寫心曲倚松開其絨憶我腸斷續不以千里遙命駕來相招相逢元丹丘登嶺宴碧霄對酒忽思我長嘯臨清颺寒亭未相知茫茫綠雲垂俄然素書及解此長渴饑策馬望山月途窮造階墀喜茲一會面若覩瓊樹枝憶君我遠來我歡方速至開顏酌美酒樂極忽成醉我情既不淺君意方亦深相知兩相得一

古詩五言

卷十三

二十二

顧輕千金且向山客笑與君論素心

謝崔十五見招

爾有鳥折一作跡書相招琴綵飲手跡尺素中如天落雲錦讀罷向空笑疑君在我前長吟字不滅懷袖且三年

至陵陽山登天柱石訓韓侍御見招隱黃山

韓衆騎白鹿西往華山中玉女千餘人相隨在雲空見我傳秘訣精誠與天通何意到陵陽遊目送飛鴻天子昔避狄與君亦乘驄擁兵五陵下長策馭胡戎時泰解繡衣脫身若飛蓬鸞鳳翻羽翼啄粟坐樊籠海鶴一笑之思歸向遼東黃山過石柱巖嶠上攢叢因巢翠玉樹

忽見浮丘公又引王子喬吹笙舞松風朗詠紫霞篇請  
開藥珠宮步網繞碧落倚樹招青童何日可攜手遺形  
入無窮

庭 荅裴侍御先行至石頭驛以書見招期月滿泛洞

君至石頭驛寄書黃鶴樓開緘識遠意速此南行舟風  
水無定準湍波或一作滯留憶昨新一作月生西簷若  
瓊鈞今來何所似破鏡懸清秋恨不三五明平湖泛澄  
流此歡竟莫遂狂一作笑殺王子猷巴陵定近遠持贈解  
人憂

古詩五言

卷十三

二十三

荅宣城長史弟昭贈余琴谿中雙舞鶴詩以見志  
令弟佐宣城贈余琴谿鶴謂言天涯雪忽向窓前落白  
玉爲毛衣黃金不肯博背風振六翩對舞臨山閣顧我  
如有情長鳴似相託何當駕此物與爾騰寥廓

代扶風主人荅

王昌齡

殺氣凝不流風悲日一作彩寒浮埃起四遠遊子彌一作  
不歡依然宿扶風沽酒聊自寬寸心亦未理長欽誰  
能彈主人就我飲對一作我還慨歎便泣數行淚因歌  
行路難十五役邊地一作城三回討樓蘭連年不解甲積  
日無所餐將軍降匈奴國使沒桑乾去時二十萬獨自

還長安不信沙場苦君看刀箭癩鄉親零落盡塚墓亦  
摧殘仰攀青松枝慟絕傷一作摧心肝禽獸悲不去路傍  
誰忍看幸逢休明代寰宇靜波瀾老馬思伏櫪長鳴力  
已殫少年與運會何事發悲端天子初封禪賢良刷羽  
翰三邊悉如此否泰亦須觀

和潁川公秋夜

上官儀

沈寥空色遠芸黃漢序變涸浦落遵鴻長飈送巢燕千  
秋流夕景萬籟含宵喚峻雉聆金柝層臺切銀箭

古詩五言

卷十三

二十四

唐詩所第十三卷終

唐詩所第十四卷 古詩

前集

龍門句宴 得月字

張九齡

恩華逐芳歲形勝兼韶月中席傍魚潭前山倚龍關花  
迎妙妓至鳥避仙舟發宴賞一作良在茲再來情不歇

夏日尋藍田唐丞登高宴集

儲光義

東望春明門駕言聊出遊南行小徑盡綠竹臨清流君  
出罷六安居此澹忘憂園林與城市間井隨人幽披顏  
闕衡闔置酒登崇丘山河臨咫尺宇宙窮寸眸是時春  
載陽佳氣滿皇州宮殿碧雲裏驚鷺初命儔良辰方在  
茲志士安得休成名苟有地何必東陵侯

古詩 五言 卷十四

蘇氏尉沈興宋南溪宴

王昌齡

林色與溪古深篁引幽翠山樽在漁舟棹月情已醉始  
窮清源口壑絕人境異春泉滴空崖萌草坻陰地久之  
風榛寂遠聞樵聲至海鴈時獨飛永然滄洲意古時青  
冥客滅迹淪一尉吾子躊躇心豈其紛埃事緜岑信所  
赴濟北余乃遂齊物可任今息肩理猶未卷舒形性表  
脫略賢哲議仲月期角巾飯僧嵩陽寺

四月十三日詔宴寧王亭子 得好字

張說

何許承恩宴山亭風日好綠嫩鳴鶴洲陰穠闕雞道果  
思夏來茂花嫌春去早行樂無限時皇情及芳草

宴韋司戶山亭

高適

人幽想靈山意愜憐遠水習靜務為適所居還復爾汲  
流漲華池開酌宴君子昔逕試窺踐石屏可攀倚入門  
見中峯携手如萬里橫琴了無事垂釣應有以高館何  
沈沈颯然涼風起

山亭夜宴

王勃

桂宇幽襟積松臺涼夜未森沈野逕寒蕭穆巖扉靜竹  
晦南阿色荷翻北潭影清興殊未闌一作林端照初景

夜宴東亭

宋之問

春泉一作鳴大壑皓月吐層岑岑壑景色佳慰我遠遊  
古詩 五言 卷十四

心暗芳足幽氣驚棲多衆音高興南山曲長謡橫素琴

宴南亭

王昌齡

寒江映村林亭上納鮮潔楚客共閒飲靜坐金管闕酣  
竟日入山暝來雲歸穴城樓空杳靄猿鳥備清切物狀  
如絲綸上心為予決訪君東谿事早晚樵路絕

陪李北海宴歷下亭

時邑人蹇處士在坐 杜甫

東藩駐皂蓋北渚凌清河海右此亭古濟南名士多雲  
山已發興玉珮仍當歌修竹不受暑交流空湧波蘊真  
愜所遇落日將如何貴賤俱物役從公難重過  
修書院學士奉敕宴梁王宅 得樹字 張說



虎殿成鴻業猿巖題鳳賦既荷大君恩還蒙小山遇秋  
吹迎絃管涼雲生竹樹共惜朱郎歡無辭洛城暮

宴包二融宅

孟浩然

閒居枕清洛左右接大野門庭無雜賓車轍多長者是  
時一作歲方盛夏風物自瀟灑五日休沐歸相携竹林下  
開襟成歡趣對酌不能罷煙暝栖鳥迷一作余將一作亦  
歸白社

宴襄陽公宅

竊窵夕陽陰一作佳葦葦春色好欲覓淹留處無過狹斜

道綺席卷龍鬚香杯浮碼碯北林積脩樹南池生別島

古詩五言

卷十四

三

手撥金翠花心迷玉紅一作芝草談天光六義發論明三

倒座非陳子驚門還魏公掃榮辱一作華應無間歡娛當

共保

冬日宴于庶子宅分賦

得節字

杜正倫

李門余妄進徐榻君恒設清論暢玄言雅琴飛白雪寒  
雲暖落景朔風淒暮節方欣投轄情且駐當歸別

前題

得色字

封行高

夫君敬愛重歡言情不極雅引發清音麗藻窮雕飾水  
結曲池水日暖平亭色引蒲既杯傾終之以升側

前題

得趣字

今狄德榮

高門聊命賞羣英於此遇放曠山水情留連文酒起夕  
烟起林蘭霜枝頹庭樹落景雖已傾歸軒幸能駐

夕宴房主簿舍

序曰旅聽清館崇局嚴鑰嚴雲暗  
鴻之遠音有美房公霞海其量重友我以絲竹好  
我以樽俎紆繡結之雅懷豁幽曠之陳意滿堂

既醉因賦是詩

張說

歲晏關雎空風急河渭水薄遊羈物役微尚愜遠憑旅  
館月宿永閉局雲思興伊人美脩夜朋酒惠來稱交談  
既清雅琴吹亦淒淒不逢君寒澗幽意長鬱蒸

秦中歲晏馬舍人宅宴集

儲光羲

冬暮久無樂西行至長安故人處東第清夜多新歡廣

古詩五言

卷十四

四

庭竹陰靜華池月色寒知音盡詞客方見交情難

何九於客舍宴集

王昌齡

客有住桂陽亦如巢林鳥疊觴且終宴功業會未了山  
月空霽時江明高樓曉門前泊舟楫行次入松篠此意

投贈君滄波風一作空裏裏

宴鄭參卿山池

李白

爾恐碧草晚我畏朱顏移愁看楊花飛置酒正相宜歌  
聲送落日舞影廻清池今夕不盡杯留歡更邀誰

侍宴長寧公主東莊

應制

鄭愔

公門襲漢瓊主第稱秦玉池架祥鱣序一作宇山吹鳴鳳

曲拂席蘿薜垂廻舟菱荷觸平陽妙舞處日暮清歌續

春日宴樂遊園

得按字

王勃

帝里寒光盡神臯春望淡梅郊落晚英柳甸驚初葉流水抽奇弄崩雲灑芳牒清尊湛不空暫喜平生接

藥園宴武輅沙將軍

得洛字

張說

東第乘餘興南園宴清洛文學引鄒枚歌鍾陳衛霍風高大夫樹露下將軍藥待聞出塞還丹青上麟閣

西嶽

辛丑歲十月上幸長安時扈從

沈佺期

西鎮何穹崇壯哉信靈造諸嶺皆峻秀中峰特美好傍見巨掌存勢如石東倒頗聞首陽去開坼一作此河道

古詩

五言

五

磅礴壓洪源巍峩壯清昊雲泉紛亂瀑天磴屹橫一作

抱子先呼其顛宮女世不老下有府君廟歷載傳洒掃一作

星一作明應天游十月戒豐鎬微末忝閒從兼得事積藻宿心愛茲山意欲拾靈草陰壑已永一作閉雲竇絕探討芳月期來過迴策思方浩

華嶽

王維

西嶽出浮雲積翠在太清連天凝黛色百里遙青冥白日爲之寒森沈華陰城昔聞乾坤閉造一作化生巨靈

右足踏方止一作左手推削成天地忽開拆大河注東

溟遂爲西峙嶽雄雄鎮秦京大君包覆載至德被羣生

上帝佇昭告金天思奉迎人一作神祗望幸久何獨禪云

岱嶽

六首天寶元年四月從故

李白

四月上泰山石平一作屏御道開六龍過萬壑澗谷隨紫

迴馬跡遶碧峯千今滿青苔飛流灑絕巘水急松聲哀

北眺崑嶂奇傾崖向東摧洞門閉石扇地底興雲雷登

高望蓬瀛想像金銀一作錄臺天門一長嘯萬里清風來

玉女四五人飄飄下九垓含笑引素手遺我流霞杯稽

首再拜之自愧非仙才曠然小宇宙棄世何悠哉

清曉騎白鹿直上天門山山際逢羽人方瞳好容顏捫

古詩

五言

六

蘿欲就語却掩青雲關遺我鳥跡書飄然落巖間其字

乃上古讀之了不閑感此三歎息從師方未還

平明登日觀舉手開雲關精神四飛揚如出天地間黃

河從西來窈窕入遠山憑崖覽八極目盡長空閒偶然

值青童綠髮雙雲鬟笑我晚學仙蹉跎凋朱顏躊躇忽

不見浩蕩難追攀

清齋三十日裂素寫道經吟誦有所得衆神衛我形雲

行信長風颯若羽翼生攀崖上日觀伏檻窺東溟海色

動遠山天雞已先鳴銀臺出倒景白浪翻長鯨安得不

死藥高飛向蓬瀛

日觀東北傾兩崖夾雙石海水落眼前天光搖空碧千  
峯爭攢聚萬壑絕凌歷緬彼鶴上仙去無雲中跡長松  
入霄漢遠望不盈尺山花異人間五月雪中白終當遇  
安期於此鍊玉液

朝飲王母池暝投天門關獨抱綠綺琴夜行青山間山  
明月露白夜靜松風歇仙人遊碧峯處處笙歌發寂聽  
娛清暉玉真連翠微想像鸞鳳舞飄飄龍虎承捫天摘  
匏瓜恍惚不憶歸舉手弄清淺誤攀織女機明晨坐相  
失但見五雲飛

東嶽一作望嶽

杜甫

古詩五言

卷十四

七

岱宗夫如何齊魯青未了造化鍾神秀陰陽割昏曉盪  
青生層雲決眇入歸鳥會當凌絕頂一覽衆山小

南嶽

南嶽配朱鳥秩禮自百王欽吸領地靈瀕一作洞半炎

方邦家用祀典在德非馨香巡狩何寂寥有虞今則亡

洎吾隘世網行邁越瀟湘渴日絕壁出漾舟清光旁祝

融五峯尊峯峯次低昂紫蓋獨不朝爭長衆相望恭聞

魏夫人羣仙夾一作來翱翔有時五峯氣散風如飛霜牽

迫限脩途未暇杖崇一作高岡歸來覲命駕沐浴休玉堂

三歎問府主曷以贊我皇杜瑩忍衰俗神其思降祥

南海亂石山作

杜審言

漲海積稽天羣山高業地相傳稱亂石圖典失其事懸  
危悉可驚大小都不類乍將雲島極還與星河次上聳  
忽如飛下臨仍欲墜朝暾馳丹紫夜魄炯青翠穿崇霧  
雨蓄幽隱靈仙閣萬尋掛鶴巢千丈垂猿臂昔去景風  
涉今來姑洗至觀此得詠歌長時想精異

蒙山作

蕭穎士

東蒙鎮海沂合沓餘百里清秋淨氛靄崖崿隱天起干  
役勞往還息徒暫攀倚將窮絕迹處偶得真心理雲氣  
雜虹霓松聲亂風水微明綠林際杳窅丹洞裏仙鳥時

古詩五言

卷十四

八

可聞羽人邈難視此焉多深邃賢達昔所秘子尚拍俗  
紛季隨躡遐軌蘊真道彌曠懷古情未已白鹿凡幾遊  
黃精復奚似顧予尚牽纏家業重書史少學務從師壯  
年貴趨仕方馳桂林譽未暇桃源美歲暮期再尋幽哉  
羨門子

南山一作賀朝清

賀朝

湖北雨初晴湖南山盡見巖巖一作青天石帆影如得海風  
便仙穴茅山峯彩雲時一見邀君共探此異錄殘幾卷

西山

常建

一身爲輕舟落日西山際常隨去帆影遠接長天勢物

象歸餘清林巒分夕疊亭亭碧流暗日入孤霞繼清日  
遠陰映湖雲尚明霽林昏楚色來岸遠荆門閉至夜轉  
清迥蕭蕭北風厲沙邊鴈驚泊宿處兼葭蔽圓月逗前  
浦孤琴又搖曳冷然夜遂深白露落人袂

### 第三峯

西山第三頂茅宇依雙松杳杳欲至天雲梯昇幾重瑩  
魄澄玉虛以求鸞鶴蹤逶迤非天人執節乘赤龍旁映  
白日光縹緲輕霞容孤輝上煙霧餘影明心胷願與黃  
麒麟欲飛而莫從因寂清萬象輕雲自中峯山暝學栖  
鳥月來隨暗蒼一作尋空靜餘響嫋嫋雲谿鍾

古詩五言

卷十四

九

早春魚亭山

薛稷

春氣一作色動百草紛榮時斷續白雲自高妙徘徊空山  
曲陽林花已紅寒澗苔未綠伊余息人事蕭寂無營欲  
客行雖一作負云遠翫之聊自足

遊終南山和張監

張說

宿懷終南意及此語雲峯夜聞竹澗靜曉望林嶺重春  
煙生古石時鳥戲幽松豈無山中賞但畏心莫從

游茅山五首

儲光義

十年別鄉縣西去入皇州此意在觀國不言空遠遊九  
衢平若水利往無輕舟北洛反初路東江還故丘春山

多秀木碧澗盡清流不見子桑扈當從方外求

世業傳儒行行成非不榮其如懷獨善况以聞長生家

近華陽洞早年深此情巾車雲路入理棹瑤谿行天地

朝光滿江山春色明王廷有軒冕此日方知輕

平生非作者望古懷清芬心以道爲際行將時不羣茲

山在人境靈貺久傳聞遠勢一峯出近形千嶂分冬春

有茂草朝暮多鮮雲此去亦何極但言西日曛

昔賢居柱下今我去人間良以直心曠兼之外視閒垂

綸非釣國好學異希顏落日登高嶼悠然望遠山谿流

碧水去雲帶清陰還想見中林士巖扉長不關

古詩五言

卷十四

十

名嶽徵仙事清都訪道書山門入松柏天路涵空虛南  
極見朝采西潭聞夜漁遠心尚雲宿浪跡出林居爲已  
存實際忘形同化初此行良已矣不樂復何如

遊廬山五老峯

吳筠

彭蠡隱深翠滄波照芙蓉日初金光滿景落黛色濃雲  
外聽猿鳥煙中見杉松自然符幽情瀟灑酒愜所從整策  
務探討嬉遊任從容玉膏正滴瀝瑤草多茸茸羽人栖  
層崖道合乃一逢揮手欲輕舉爲余扣瓊鍾空香清人  
心正氣信有宗永用謝物累吾將乘鸞龍

與生公遊石廬山

張九齡

探秘孰云遠忘懷復爾同日尋高深意苑是神仙中躋  
險構靈室詭制非人功潛洞黝無底殊庭忽似夢豈如  
武安鑿自若崇山通造物良有寄嬉遊迺愜衷猶希咽  
玉液從此昇雲空咄咄共携手冷然且馭風

與南陵常贊府遊五松山

李白

安石泛溟渤獨嘯長風還逸韻動海上高情出人間靈  
異可並跡澹然與世閒我來五松下置酒窮躋攀徵古  
絕遺老因名五松山五松何清幽勝境美沃州蕭颯鳴  
洞壑終年風雨秋響入百泉去聽如三峽流剪竹掃天  
花且從傲吏遊龍堂若可憩吾欲歸精修

古詩

五言

卷十四

十一

紀南陵題五松山

聖達有去就潛光愚其德魚與龍同池龍去魚不測當  
時版築輩豈知傳說情一朝雨一作和殷人光氣爲列星  
伊尹生空桑捐庖佐皇極桐宮放太甲攝政無愧色三  
年帝道明委質終輔翼曠哉至人心萬古可爲則時命  
或大謬仲尼將柰何鸞鳳忽覆巢麒麟不來過龜山蔽  
魯國有斧且無柯歸來歸去來宵濟越洪波

登鹿門山

孟浩然

清曉因興來乘流越江峴沙禽近方一作初識浦樹遙  
莫辨漸至一作鹿門山山明翠微淺巖潭多屈曲舟楫

屢迴轉昔聞龐德公采藥遂不返金澗餌一作芝木石  
牀卧苔蘚紛吾感耆舊結纜事攀踐隱迹今尚存高風  
邈已遠白雲何時去丹桂空偃蹇探討意未窮迴艇作  
夕陽晚

登望楚山最高頂

山水觀形勝襄陽美會稽最高唯望楚曾未一攀躋石  
壁疑削成衆山比全低晴明試登陟目極無端倪雲夢  
掌中小武陵花處迷暝還歸騎下蘿月映一作深谿

登秦望山

薛據

南登秦望山目極大海空朝陽半蕩漾見朗天水紅谿

古詩

五言

卷十四

十二

壑爭噴薄江湖遞交通而多漁商客不悟歲月窮振緒  
迎早潮弭棹候長一作遠風予本萍泛者乘流任西東蒞  
蒞天際帆栖泊何時同將尋會稽迹從此訪任公

登義眉山

李白

蜀國多仙山峩眉邈難匹周流試登覽絕怪安可悉青  
冥倚天開一作關彩錯疑畫出冷然紫霞實果得錦囊術  
雲間吟一作吹瓊簫石上弄寶瑟平生有微尚歡笑自此  
畢煙容如在顏塵累忽相失儻逢騎羊子攜手凌白日

登百丈峯

高適

朝登百丈峯遙望燕支道漢壘青冥間胡天白如掃憶

昔霍將軍連年此一作北征討匈奴終不滅寒山徒草草

唯見一作有鴻鴈飛令人傷懷抱

晉武輕後事惠皇終已昏豺狼塞瀍洛胡羯爭乾坤四海如鼎沸五原徒自尊而今白庭路猶對青陽門朝市不足問君臣隨草根

登雲中山

元季川

灌田東山下取樂在爾休清興相引行日日三四周白鷗與我心不厭此中遊窮覽頗有適不極趣無幽慘然歌采薇曲盡心悠悠

和登會稽山

孫逖

古詩五言

卷十四

十三

稽山碧湖上勢入東溟盡煙景畫清明九峰爭隱嶙壁中厭朱紱俗內探玄牝野老聽鳴騶山童擁行軫仙花寒未落古蔓柔堪引竹磻入山多松崖向天近雲從海天去日就江村隕能賦丘堂聞和歌參不敏冥搜信冲漠多士期標準願奉濯纓心長謠反招隱

登太白峯

李白

西上太白峰夕陽窮登攀太白與我語爲我開天關願乘冷風去直出浮雲間舉手可近月前行若無山一別武功去何時復見一作更還

夢太白西峯

常建

夢寐升九崖杳霽逢元君遺我太白峯一作峯寥寥辭垢

氛結宇在星漢宴林閉氤氳檻覆餘翠巾烏生片雲

時往谿谷一作水間孤亭晝仍暝松峯引天影石瀨清霞

文恬目緩舟起霧心投鳥羣春風又搖櫂潭島花紛紛

天台曉望

李白

天台鄰四明華頂高百越門標赤城霞樓樓滄島月憑高登遠覽直下見溟渤雲垂大鵬翻波動巨鼃沒風潮爭洶湧神怪何翕忽觀音跡無倪好道心不歇攀條摘朱實服藥鍊金骨安得生羽毛千春卧蓬關

初晴抱琴登馬退山對酒望遠醉後作

古詩五言

卷十四

十四

獨孤及

年長心易感况爲憂患纏壯圖迫世故行止兩茫然王旅方伐叛虎臣皆被堅魯人著儒服其就南山田芋棹上高磴超遥望平川滄江大如綆隱映入遠天荒服何所有山花雪中燃寒泉得日景吐雷鳴湔湔舉酒勸白雲唱歌慰頽年微風度竹來韻我號鍾絃一彈一引蒲耳熱知心宜曲終余亦酣起舞山水前人生幾何時太半百憂煎今日羈愁破始知濁酒賢

別弟綬後登青龍寺望藍田山

王維

陌上新別離蒼茫四郊晦登高不見君故人復雲外遠

樹蔽行人長天隱秋寒心悲宦遊子何處飛征蓋

焦山望松寥山

李白

石壁望松寥宛然在碧霄安得五彩虹架天作長橋仙人如愛我舉手來一作相招

江上望皖公山

奇峯出奇雲秀木含秀氣清宴皖公山巉絕稱人意獨遊滄江上終日淡無味但愛茲嶺高何由討靈異默然遙相許欲往心莫遂待吾還丹成投跡歸此地

彭蠡湖中望廬山

孟浩然

太虛生月暈舟子知天風挂席候明發眇漫平湖中

古詩五言

卷十四

十五

流見匡阜勢壓九江雄驍騫容霄一作色崢嶸當曉一作噴

空香爐

一作初上日瀑布

一作噴成

一作虹

一作欲追

尚子况茲懷遠公我來限于役未暇息微躬淮海途將半星霜歲欲窮寄言巖栖者畢趣當來同

早發若峴驛望廬山

獨孤及

雨罷山翠鮮冷泠東風好斷崖雲山處是向峯頂道誰謂峯頂遠跋予可瞻討一作綠祛天機脫屣恨不早祇恐歲云暮遂與空名老心往跡未并慚愧山上草

入廬山仰望瀑布水

張九齡

絕頂有懸泉喧喧出煙杪不知幾時歲但見無昏曉閃

閃青崖落鮮鮮白日皎灑流濕行雲濺沫驚飛鳥雷吼何噴薄箭馳入窈窕昔聞山下蒙今乃林巒表物情有詭激坤元曷紛矯默然置此去變化誰能了

望廬山瀑布水

李白

西登香爐峯南見瀑布水挂流三百一作千

一作丈

噴壑數十

里欸如飛電

一作練

來隱若白虹起初驚河漢

一作銀河

落半

灑雲天

一作寫

裏仰觀勢轉雄壯哉造化功海風吹不

斷江

一作月

照還空中亂深射左右洗青壁飛珠散

輕霞流沫沸穹石而我樂名山對之心益閒無論漱瓊液且得洗塵顏一作但諸宿所好永願辭人間

古詩五言

卷十四

十六

同諸公秋霽曲江俯見南山

儲光義

天靜終南高俯映江水明有若蓬萊下淺深見澄瀛羣峯懸中流石壁如瑤瓊魚龍隱一作蒼翠鳥獸遊清泠菰蒲林下秋薜荔波中輕山暮浴蘭沚水若居雲屏嵐氣浮渚宮孤光隨曜靈陰陰豫章館宛宛百花亭大君及羣臣宴樂方嬰鳴吾黨二三子蕭一作晨怡性情逍遙滄洲時乃在長安城

前題

高適

南山鬱初霽曲江湛不流若臨瑤池前一作想望崑崙丘迴首見黛色眇然波上秋深沈俯崢嶸清淺延阻脩



連潭萬木影插岸千巖幽香鶴信難測淵淪無暗投片  
雲對漁父獨鳥隨虛舟我心寄青霞世事慙白鷗得意  
在乘興忘懷非外求良辰自多暇欣與數子遊

遊陸渾南山自歇馬嶺到楓香林代人書答李舍人適

宋之問

晨登歇馬嶺遙望伏牛山孤出羣峰首熊羆元氣間太  
和亦崔嵬石扇一作扉橫閃倏細岑互攢倚浮嶽競奔蹙

白雲遙入懷青靄近可掬徒尋靈異跡一作我從尋靈異周顧

愜心自晨拂鳥路行暮投人煙宿稊稻遠彌秀栗芋秋  
新熟石髓非一巖藥苗乃萬族間關踏雲雨繞繞緣水

古詩五言

卷十四

十七

木西見南山芝南到楚鄉竹楚竹幽且深半雜楓香林

浩歌清潭曲寄爾桃源心

自大散以往深林密竹磴道盤曲四五十里至黃

牛嶺見黃花川

王維

危徑幾萬轉數里將三休迴環見徒侶隱映隔林丘颯

颯松上雨潺潺石中流靜言深谿裏長嘯高山頭望見

南山陽白露靄悠悠青皐麗已淨綠樹鬱如浮曾是厭

蒙密曠然銷人憂

自潘陵尖還少室秋夕憑眺

岑參

草堂近少室夜靜聞風松月出潘陵尖照見十六峯九

月山葉赤谿雲淡秋容火點伊陽村煙深嵩角鍾尚子  
不可見蔣生難再逢勝愜只自知佳趣爲誰濃昨詣山  
僧期上到天壇東向下望雷雨雲間見回龍夕與人羣  
疎轉愛丘壑中心澹水木會與幽魚鳥通稀微了自釋  
出處乃不同况本無宦情誓將依道風

自巴東舟行經瞿塘峽登巫山最高峯晚還題壁

李白

江行幾千里海月十五圓始經瞿塘峽遂涉巫山巔巫

山高不窮巴國盡所歷日邊攀垂蘿霞外倚穹石飛步

凌絕頂極目無纖煙却顧失丹壑仰觀臨青天青天若

古詩五言

卷十四

十八

可捫銀漢去安在望雲知蒼梧記水辨瀛海周遊孤光

晚歷覽幽意多積雪照空谷悲風鳴森柯歸途行欲曠

佳趣尚未歇江寒早啼猿松暝已吐月月色何悠悠清

猿響啾啾辭山不忍聽揮策還孤舟

登峴山觀李左相石樽聯句

李公登飲處因石爲窪樽顏真卿人事歲年改峴山今古

存劉全慕蕪掩前跡昔蘇餘舊痕裴循叔子尚遺德山

公此迴軒張薦維舟陪高興感昔情彌敦吳筠藹藹賢

哲事依依離別言強蒙嘔欵橫道周迢遞連山根范縝

餘烈暖林野衆芳揖蘭蓀王德暉映岩足勝賞延高原

魏理

遠水明匹練因晴見吳門王修甫陪遊追盛美揆德

欣討論顏峴

器有成形用功資造化元左輔元

流霞方泚

淡別鶴遽翩翩劉茂

舊規傾逸賞新興麗初瞰顏渾醉

後接離倒歸時騶騎喧楊德元

遲迴向遺迹離別益傷魂

章介

覽事古興屬送人歸思繁皎然

懷賢久徂謝贈遠

空攀援崔引

八座欽懿躋高名播乾坤史仲宣

松深引閒

步葛弱供險捫陸羽

花氣酒中馥雲華衣上屯權器森

沈列胡樹牢落望郊園陸士修

白日半巖岫清風滿丘樊

裴幼

旌麾間翠幄簫鼓來朱轡柳淡

閒路躡雲影清心

澄水源釋塵

萍連浦中嶼竹遶山下村顏顓

景落全谿

古詩五言

卷十四

十九

暗煙凝半嶺昏顏顓

去日往如復換年涼代溫顏顓登

臨繼風騷義激舊府恩李萼

改九子山爲九華山聯句

李白序曰青陽縣南有九子山山高數千丈上有

有九峯如蓮花按圖徵名無所依據太史公南遊畧而不書事絕古老之口復闕名賢之紀

靈仙往復而賦詠罕聞予乃削其舊號加以九華之目時訪道江漢憩于夏侯迴之堂開簾岸

幘坐眺松雪因與二三子聯句傳之將來

妙有分二氣靈山開九華李白

層標遏遲日半壁明朝

霞高齊

積雪耀陰壑飛流歎陽崖韋權輿

青瑩玉樹色

縹緲羽人家李白

早發大庾嶺

朱之問

晨躋大庾險驛鞍馳復息霧露晝未開浩途不可測

起華夷界信爲造化力歇鞍問徒旅鄉關在西北出門

怨別家登嶺恨辭國自惟最忠孝斯罪情所得皇明頗

昭一作

洗廷議目紛惑兄弟遠淪居妻子成異域羽翮

傷已毀童幼憐未識踟躕戀北顧亭午晞霽色春暖陰

梅花瘴回陽鳥翼含沙綠澗聚吻草依林植適蠻悲疾

首懷羣淚沾臆感謝鸛鷺朝勤脩魑魅職生還倘非遠

暫擬酬恩德

早發西山

沈頌

遊子空有懷賞心杳無路前程數千里乘夜連輕馭綽

古詩五言

卷十四

二十

繞松篠中蒼茫猶未曙遙聞孤村犬暗指人家去疲馬

懷澗泉征衣犯霜露喧呼谿鳥驚沙上或鶩翥娟東

岑月照曜獨歸慮

早發交崖山還太室作

崔曙

東林氣微白寒鳥忽一作急

高翔吾亦自茲去北山歸草

堂仲一作抄

冬正三五日月遙相望肅肅一作蕭蕭過穎上隴

隴辨少陽川水生積雪野火出枯桑獨往路難盡窮陰

人易傷傷此無衣客如何蒙雨一作雪霜

岑參

早上五盤嶺

平旦驅駟馬曠然出五盤江迴兩崖闕日隱羣峯攢蒼

翠煙景曙森沈雲樹寒松疎露孤驛花密藏迴灘棧道  
谿雨滑畬田原草乾此行爲知已不覺蜀道難

登壠

高適

壠頭一作登壠遠行客壠上分流水流水無盡期行人未云  
已沒才登一命孤劍通萬里豈不思故鄉從來感知已

過蜀龍門山

沈佺期

龍門非禹鑿詭恠乃天功西南出巴峽不與衆山同長  
竇巨五里宛轉復欹空伏湍煦潛石瀑水生輪風流水  
無晝夜噴薄龍門中潭河勢不測藻葩垂彩虹我行當  
季月煙景共春融江關勤亦甚巖嶠意難窮誓將息機  
古詩五言 卷十四 二十二

事煉藥此山東

過蜀道山

張說

我行春三月山中百花開披林入峭嶺攀蹬陟崔嵬白  
雲半峯起清江出峽來誰知高深意緬邈心幽哉

度塗山

冠洸

小年弄文墨不識戎旅難一朝事鞞鼓策馬度塗山塗  
山橫地軸萬里流荒服悠悠征旆遠駢駢一何速流月  
揮金戈驚風折寒木行聞漢飛將還向臯蘭宿

經火山

岑參

火山今始見突兀蒲昌東赤焰燒虜雲炎氛蒸塞空不

知陰陽炭何獨然此中我來嚴冬時山下多炎風人馬  
盡汗流孰知造化功

夕次鹿門山作

閻防

龐公嘉遯所浪迹難追攀浮舟暝始至抱杖聊自閒雙  
巖開鹿門百谷集珠灣噴薄湍上水春容裏山焦原  
不足險梁壑未成艱我行自春仲夏鳥忽懸巒蕙草色  
已晚客心殊倦一作未還遠遊非避地訪道愛童顏安能  
狗機巧爭奪錐刀間

泥功山

杜甫

朝行青泥上暮在青泥中泥濘非一時版築勞人功不  
古詩五言 卷十四 二十二

畏途途一作路

永反將汨沒同白馬爲鐵驪小兒成老翁

哀猿透却墜死鹿力所窮寄語北來人後來莫忽忽

鹿頭山

在漢州

鹿頭何亭亭是日慰饑渴連山西南斷俯見千里豁遊  
子出京華劍門不可越及茲險阻盡始喜原野濶殊方  
昔三分霸氣曾開發天下今一家雲端失雙闕悠然想  
楊馬繼起名碑兀有文令人傷何處埋爾骨紆餘脂膏  
地慘澹豪俠窟仗鉞非老臣宣風豈專達冀公柱石姿  
論道邦國一作家活斯人亦何幸公鎮踰一作餘歲月

積草嶺

在同谷界

連峯積長陰白日遞隱見颼颼林響交慘慘石狀變山  
分一作積草嶺路異明水縣旅泊吾道窮衰年歲時倦  
卜居尚百里休駕投諸彥邑有佳主人情如已會面來  
書語絕妙遠客驚深眷食蔗不願餘茅茨眼中見

木皮嶺

首路栗亭西尚想鳳凰村季冬携童稚辛苦赴蜀門南  
登木皮嶺艱險不易論汗流被我體祁寒爲之暄遠岫  
爭輜佐千巖自崩奔始知五嶽外別有他山尊仰千寒  
大明俯入裂厚坤再聞虎豹闢屢踟風水昏高有廢閣  
道摧折如短轅下有冬青林石上走長根西崖特秀發  
古詩五言卷十四 二十三

五盤嶺

五盤雖云險山色佳有餘仰凌棧道細俯映江水疎地  
僻無網罟水清反一作多魚好鳥不妄飛野人半巢居  
喜見淳朴俗坦然心神舒東郊尚格鬪巨猾何時除故  
鄉有弟妹流落隨丘墟成都萬事好豈若歸吾廬

赤谷

天寒霜雪繁遊子有所之豈但歲月暮重來未有期晨  
發赤谷亭險艱方自茲亂石無改轍我車已載脂山深

苦多風落日童稚饑悄然村墟迴烟火何由追貧病轉  
零落故鄉不可思常恐死道路末爲高人嗤

石龕

能羅咆我東虎豹號我西我後鬼長嘯我前猱又啼天  
寒昏無日山遠道路迷驅車石龕下仲冬見虹蜺伐竹  
者誰子悲歌上雲梯爲官采美箭五歲供梁齊苦云直  
簞盡無以充提攜奈何漁陽騎颯颯驚蒸黎

登北固山望海

吳筠

北山鎮京口迥出滄海湄躋覽何所見茫茫朝夕馳雲  
生蓬萊島日出扶桑枝萬里混一色焉能分兩儀願言  
古詩五言卷十四 二十四

策煙駕縹緲尋安期揮手謝人境吾將從此辭

望海作和賀蘭判官

高適

聖代務平典輶軒推上才迢遙溟海際曠望滄波開四  
牡未遑息三山安在哉巨鼇不可釣高浪何崔嵬湛湛  
朝百谷茫茫連九垓挹流納廣大觀與增遲迴日出見  
魚目月圓知蚌胎跡非想像到心以精靈猜遠色帶孤  
嶼虛聲涵殷雷風行越裳貢水遏天吳災攬轡隼將擊  
忘機鷗復來緣情韻騷雅獨立遺塵埃吏道竟殊用翰  
林仍忝陪長鳴謝知己所媿非龍媒

西陵口觀海

薛據

長一作江漫湯湯近海勢彌廣在昔坯混凝融爲百川  
決一作地形失端倪天色漚漚漲東南際萬里極目遠  
無象山影乍浮沈潮波忽來往孤帆或不見棹歌猶想  
像日暮長風起客心空振蕩浦口霞未收潭心月初上  
林嶼幾遭迴亭臯時偃仰歲晏訪蓬瀛真遊非外獎

觀海

獨孤及

北登渤澥島迴首秦東門誰尸造物功鑿此天池源  
洞吞百谷周流無四垠廓然混茫際望見天地根白日  
自中吐扶桑如可捫超遙蓬萊峯想像金臺存秦帝肯  
經此登臨冀飛翺揚旌百神會望日羣山奔徐福竟何  
古詩五言卷十四 二十五

成美門徒空言唯見石橋足千年潮水痕

自潯陽泛舟經明海

孟浩然

大江分九流一作淼淼一作成水鄉舟子乘利涉往來  
至一作潯陽因之泛五湖流浪經三湘觀濤壯枚發  
屈痛沈湘魏闕心恒一作在金門詔不忘遙憐上林鴈

水泮也一作回翔

入海二首

張說

乘桴入南海海曠不可臨茫茫失方面混混一作如凝  
陰雲山相出沒天地互浮沈萬里無涯際云何測廣深  
潮波自盈縮安得會虛心

海上三神山逍遙集衆仙靈心豈不同變化無常全龍  
伯如一作人類一釣兩鰲懸一作金臺此淪沒玉真時  
播遷問子勞何事江上泣經一作年隔中生紅草所美  
非美然

海上作

宋務光

曠哉潮汝池大哉乾坤力浩浩去無際云深不測崩  
騰歛衆流決滌環中國鱗介錯殊品氛霞饒詭色天波  
混莫分島樹遙難識漢王探靈怪秦王恣遊陟搜奇大  
壑東竦望成山北方術徒相誤蓬萊安可得吾君畧仙  
道至化孚淳默驚浪晏一作窮溟飛航通絕域馬韓底

古詩五言

卷十四

二十六

厥貢龍伯脩其職粵我遵休明匪躬期正直敢輸鷹隼  
執一作以問一作豺狼忒海路行已殫輶軒未息勞  
歌玄月暮旅睇滄浪極魏闕渺雲端馳心附歸翼

歲暮海上作

孟浩然

仲尼既云一作歿余亦浮于海昏見斗柄迴方知歲星  
改虛舟任所適垂釣非有待爲問乘槎人滄洲一作復  
誰一作在

早發成臯望河

劉孝孫

清晨發巖邑車馬走轅轅迴瞰黃河上愴怳屢飛魂鴻  
流導積石驚浪下龍門仙槎不辨處沈壁想猶存遠近

洲渚出颿香鳬鴈喧懷古空延佇歎息將何言

夜到京口入黃河

儲光義

河洲多青草朝暮增客愁客愁惜朝暮在渚覽一作停

舟中宵大川靜解纜逐歸流浦淑既清曠公洞非阻脩

登艫望落月擊汰一作楫悲新秋倘遇乘槎客未言星漢

遊

渡河到清河作

王維

汎舟大河裏積水窮天涯天波忽開折郡邑千萬家行

復見城市宛然有桑麻迴瞻舊鄉國祿漫連雲霞

同敬八盧五汎河間清河

高適

古詩

卷十四

二十七

清川在城下沿汎多所宜同濟愜數公翫物欣良時飄

飄波上興燕婉舟中詞昔陟乃平原今來忽漣漪東流

達滄海西流延滹池雲樹共晦明井邑相逶迤稍隨歸

月帆若與沙鷗期漁父更留我前潭水未滋

早過淮

陶翰

夜來三渚風一作夜泊晨過臨淮島湖中海氣白城上

楚雲早鱗鱗魚浦帆濛濛蘆洲草川路日浩蕩怒焉心

如擣且言任倚伏何暇念枯槁范子名屢移遠公志常

保古人去已久此理今難道一作古人已云云此理誰

金陵望漢江

李白

漢江迴萬里派作九龍盤橫潰豁中國崔嵬飛迅湍六  
帝淪亡後三吳不足觀我君混區宇垂拱衆流安今日  
任公子滄浪罷釣竿

觀漢水

梁洽

發源自嶓冢東注經襄陽一道入溟渤別流爲滄浪求

思泳游女投弔悲昭王水濱不可問日暮空湯湯

渡漢江

李白

東流既瀾瀾南紀信滔滔水激沈碑岸波駭弄珠臯含

星映淺石浮葢下奔濤溜澗霞光近川長曉氣高檣烏

轉輕翼戲鳥落風毛客心既多緒長歌且代勞

古詩

卷十四

二十八

初春漢中漾舟

孟浩然

羊公峴山下一作漾舟神女漢臯曲雪罷水復開春潭

千丈綠輕舟恣來往探翫無厭足波影搖妓釵沙光逐

人目傾杯魚鳥醉聯句鶯花續良會難再逢日入須秉

燭

荆門浮舟望蜀江

李白

春水月映來浮舟望安極正是桃花流依然錦江色江

色綠且明茫茫與天平逶迤巴山盡搖曳楚雲行雪照

聚沙鴈花飛出谷鸞芳洲却已轉碧樹森森迎流目浦

煙夕揚帆海月生江陵識遙火應到渚宮城

同劉主簿承介建昌江泛舟作

吳筠

吾友從吏隱和光心杳然鳴琴正多暇  
嘯侶浮清川風霽遠登映昭涵洞天坐  
驚衆峯轉乃覺孤舟遷崖嶼非一狀  
差池過目前徘徊白日暮月色江中  
鮮真興殊未已滔滔且泝沿時歌滄  
浪曲或誦逍遙篇酣暢迷夜久遲遲  
方告旋此時無相與其肯在忘筌

下桂江縣黎壁

宋之問

放溜觀前激連山分上干江回雲壁轉  
天小霧峰攢吼沫洶急浪合流環峻  
灘歌雜出旋劃繚繞避渦盤舟子怯  
桂水最云斯路難吾生抱忠信吟嘯  
自安閒旦別已古詩五言卷十四  
二十九

曉次荆江

宋昱

孤舟大江水水涉無昏曙雨暗迷津  
時雲生望鄉處漁翁閒自樂樵客紛  
多慮秋色湖上山歸心日邊樹徒稱  
竹箭美未得楓林趣向夕垂釣還吾  
從落潮去

晚渡江津

李百藥

寂寂江山晚蒼蒼原野暮秋氣懷易  
悲長波淼難泝索索風葉下離離早  
鴻度丘壑列夕陰葭菼凝寒霧日落

亭臯遠獨此懷歸慕

九江口作

王昌齡

潯潯江勢闊雨開潯陽秋驛門是高  
岸望盡黃蘆洲水與五谿合心期萬  
里遊明時無棄才謫去隨孤舟鷺鳥  
立寒木丈夫佩吳鉤何當報君恩却  
繫單于頭

湘江作

張九齡

湘流繞南嶽絕目轉青青懷祿未能  
已瞻途屢所經煙嶼宜春望林依莫  
夜聽永路日多緒孤舟天復冥浮沒  
從此去嗟嗟勞我形

與諸公遊濟瀆泛舟

李頎

濟水出王屋其源來不窮泝泉數眼  
沸平地流清通皇帝崇祀典詔書視  
三公分官禱靈廟莫壁沈河宮神應  
每如蒼松篁氣葱龍蒼螭送飛雨赤  
鯉噴迴風灑酒布瑤席吹簫下玉童  
玄冥掌陰事祝史告年豐百谷超潭  
底三光懸鏡中淺深露沙石蘋藻生  
虛空晚景臨汎美亭臯輕靄紅晴山  
俯楫白鷺驚絲桐我本家穎北開一作  
門見維嵩焉知松峯外又一作有  
天壇東左手正接離浩歌眄青穹夷  
猶傲清吏偃仰狎漁翁對此川上閒  
非君誰與同霜凝遠村渚月淨兼葭  
叢茲境信難遇爲歡殊未終淹留悵  
言別煙嶼夕微濛



伊水門

樓穎

朝涉伊水門伊水入門流愜心乃成興澹然汎孤舟霏微傍青靄客與隨白鷗竹陰交前浦柳花媚中洲日落陰雲生彌覺茲路幽聊以恣所適此外知何求

晚渡伊水

韋述

悠悠涉伊水伊水清見石是時春向深兩岸草如積迢遞望洲嶼逶迤亘津陌新樹落疎紅遙原上深碧回瞻洛陽苑遠有長山隔煙霧猶辨家風塵已爲客登陟多異趣往來見行役雲起早已昏鳥飛日將夕光陰逝不借超然慕疇昔遠遊亦何爲歸來存竹帛

古詩 五言

卷十四

三十一

登廬山東峯觀九江合彭蠡湖

吳筠

百川灌彭蠡秋水方浩浩九派混東流朝宗合大沼寫心陟雲峯縱目還縹緲宛轉衆浦分差池羣山繞江妃弄明霞彷彿呈窈窕而我臨長風飄然欲騰矯昔懷滄洲興斯志果已紹焉得忘機人相從合魚鳥

泊彭蠡湖

林焜

泊舟孤亭下

一作清景北亭

極目對前岑遠與水天合長霞

生夕林蒼然平楚意杳靄半秋陰落日湖川一作上盡關城雲外深方予事嚴壑及此欲抽簪待就蓬山道還茲契宿心

彭蠡湖上

張九齡

沿涉經大湖湖流多行洑一作決晨趨北渚逗浦已西日所適雖淹曠中流且閒逸瑰詭良復多感見乃非一廬山直陽潯孤石當陰術一水雲際飛數峯湖心出象類何交紕形言豈深悉且知皆自然高下無相恤

秋登巴陵望洞庭

李白

清晨登巴陵周覽無不極明湖映天光徹底見秋色秋色何蒼然際海俱澄鮮山青滅遠樹水綠無寒煙來帆出江中去鳥向日邊風清長沙浦霜空雲夢田瞻光惜顏髮闕水悲徂年北渚既蕩漾東流自潺湲郢人唱白

古詩 五言

卷十四

三十二

雪越女歌采蓮聽此更腸斷憑崖淚如泉

遊洞庭湖湘

張說

網遶洞庭岫慈蒙水霧色宛在太湖中可望不可即剖竹守窮渚開門對奇域城池自繁籠纓綬爲微纓靡日不思往經時始願克飛棹越溟波維舟恣攀陟竄入雲步崎嶇倚松息巖壇有鶴過壁字無人識滴石香乳溜垂崖靈草植玩幽輕霧阻討異忘曛暹寒沙際水平霜樹籠煙直空宮聞莫覩地道窺難測此處學金丹何人生羽翼誰傳九光要幾拜三仙職紫氣徒想像清潭長眇默霓裳若有來觀我雲峯側

泊震澤口

薛據

日落草木陰舟徒泊江汜蒼茫萬象開合沓聞風水洄  
沿值漁翁罾篠一作逢樵子雲開天宇靜月明照萬里  
早鴈湖上飛晨鐘海邊起獨坐嗟遠遊登岸望孤洲零  
落星欲盡腫臙氣漸收行藏空自秉智識仍未周伍胥  
既仗劍范蠡亦乘流歌竟鼓楫去三江多客愁

秋夜遊滬湖

張詠

坐嘯人事閒佳遊野情發山門送落照湖口昇微一作  
月林尋猿狖居水戲龜鼉穴朔風吹飛鴈芳草亦云歇

臨泛東湖

張九齡

古詩

五言

卷十四

三十三

郡庭日休暇湖曲邀勝踐樂職在中和靈一作心挹上  
善乘流坐清曠舉目眺悠緬林與西山重雲因北風卷  
晶明畫不逮陰影鏡無辨晚秀復芬敷秋光更遙衍萬  
族紛可佳一遊豈能展羈孤忝邦牧顧已非時選梁  
公世不容長孺心亦褊未念出籠繫常思退疲蹇歲  
徂風露嚴日恐蘭若一作剪佳辰不可得良會何其鮮  
罷興還江城閉關聊自遣

泛沔州城南郎官湖

序曰乾元歲秋八月自遷於  
使夏口沔州牧杜公漢陽宰王公鵬于江城之  
南湖樂天下之再平也方夜水月如練清光可  
擬張公殊有勝繁四望超然乃顧白曰此湖古  
來賢豪遊者非一而枉踐佳景寂寥無聞夫子

可爲我標之嘉名以傳不朽白因舉酒酌水  
之曰郎官湖亦猶酈圖之有僕射股也席上文  
士輔翼岑靜以爲知言乃命賦詩紀事刻石湖  
側將與大別山共相磨滅焉

李白

張公多逸興共泛沔城隅當時秋月好不減武昌都四  
座醉清光爲歡古來無郎官愛此水因號郎官湖風流  
若未滅名與此山俱

雨後陪王員外泛後湖

獨孤及

遠山媚平楚宿雨漲清谿沿沂任舟楫歡言無町畦酒  
酣相視笑心與白鷗齊

尋東谿還湖中作

劉昫

古詩

五言

卷十四

三十四

出山更回首日暮清谿深東嶺新別處數稜叫空林昔  
遊有初迹此路還獨尋幽興方在往歸懷復爲今雲峯  
勞前意湖水成遠心望望已超越坐鳴舟中琴

宿鰕湖

李白

雞鳴發黃山暝投鰕湖宿白雨一作映寒山森森似銀  
竹提携采鉛客結荷水邊沐半夜四天開星河爛人目  
明晨大樓去崗隴多屈伏當與持斧翁前谿伐雲木

題漢州西湖

房琯

高流纏峻隅城下緬丘墟決渠信浩蕩潭島成江湖結  
宇依迴渚水中信可居三伏氣不蒸四達暑自徂同人

千里駕鄰國五馬車月出共登舟風生隨所如舉塵指  
極浦欲極更盤紆繞各殊致夜盡情有餘遭亂意不  
開卽理還暫社安得長晤語使我憂更除

巫峽

楊炯

三峽七百里唯言巫峽長重巖宵不極疊嶂凌蒼蒼絕  
壁橫天際莓苔爛錦章入夜分明見無風波浪狂忠信  
吾所蹈泛舟亦何傷可以涉砥柱可以浮呂梁美人今  
何在靈芝徒有芳山空夜猿嘯征客淚沾裳

西陵峽

絕壁聳萬仞長波射千里盤薄荆之門滔滔南國紀楚

古詩 五言

卷十四

三十五

都昔全盛高丘烜望祀秦兵一旦侵夷陵火潛起四維  
不復設關塞良難恃洞庭且忽焉孟門終已矣自古天  
地間流爲峽中水行旅相贈言風濤無極已及余踐斯  
地環竒信爲美江山若有靈千載伸知己

廣谿峽

廣谿三峽首曠望兼川陸山路遶羊腸江城鎮魚復喬  
林百丈一作尺偃飛水千尋瀑驚浪迴高天盤渦轉深谷  
漢氏昔云季中原爭逐鹿天下有英雄襄陽有龍伏常  
山集軍旅未安輿板築池臺忽已傾那家遽淪覆庸才  
若劉禪忠佐爲心腹設險猶可存當無買生哭

上三峽

李白

巫山夾青天巴水流若茲巴水忽可盡青天無到時三  
朝上黃牛三暮行太遲三朝又三暮不覺鬢成絲

經端溪峽

楊衡

陰岸東流水上有微風清素羽漾翠澗碧樹敷丹英重  
林宿雨晦遠岫孤霞明飛猿相攀牽白雲亂縱橫有客  
沂輕轍閑勝匪羈程逍遙一息間糞土五侯榮寧若庶  
蠲熱漱泉聊析醒寄言絲竹者詎識松風聲

鐵堂峽

杜甫

山風吹遊子縹緲乘險絕硤形藏堂隍壁色立積鐵徑

古詩 五言

卷十四

三十六

摩穹蒼蟠石與厚地裂脩纖無限竹嵌空太始雪威遲  
哀壑底徒旅慘不悅水寒長氷橫我馬骨正折生涯抵  
弧矢盜賊殊未滅飄蓬踰三年回首肝肺熱

寒峽

行邁日悄悄山谷勢多端雲門轉絕岸積阻霾天寒寒  
硤不可度我實衣裳單况當仲冬交沍沿增波瀾野人  
尋煙語行子倚水餐此生免荷爰未敢辭路難

青陽峽

塞外苦厭山南行道彌惡岡巒相經亘雲水氣參錯林  
廻一作硤角來天窄壁面削硤西五里石脊怒向我落

仰看日車側俯恐坤軸弱魑魅嘯有風霜霰浩漠漠昨  
憶踰隴坂高秋視吳嶽東笑蓮花早北知崆峒薄超然  
伴壯觀已調殷寥廓突兀猶趁人及茲歎冥漠

曉濟膠川南入密界

蘇頌

飲馬膠川上傍膠南趨密林遙飛鳥遲雲去晴山出落  
暉隱桑柘秋原一作深秋被花實慘然遊子寒風露將蕭瑟

泛若耶谿

丘爲

結廬若耶裏左右若耶水無日不釣魚有時向城市谿  
中水流急渡口水流寬每得樵風便往來殊不難一川  
草長綠四時那得辨短褐衣妻兒餘糧及雞犬日暮鳥

古詩

五言

卷十四

三十七

雀稀稚子呼牛歸任處無鄰里柴門獨掩扉

春泛若耶谿

蔡母潛

幽意無斷絕此去隨所偶一作好風吹行舟花路入谿  
口際夜轉西壑隔山望南斗潭煙飛溶溶林月低向後  
生事且瀟漫願爲持竿叟

入若耶谿

崔顥

輕舟去何疾已到雲林境起坐雲鳥間動搖山水影巖  
中響自答谿裏言彌靜事事令人幽停橈向餘景

耶谿泛舟

孟浩然

落景餘清輝輕橈一作弄谿渚澄明一作私澄愛水物臨泛

何容與白首垂釣翁新妝浣紗女相看似一作未相識脉  
脉不得語

泛茅山東谿

儲光羲

清晨登仙峯峯遠行未極江海霽初景草木含新色而  
我任天和此時聊動息望鄉白雲裏發棹清谿側松柏  
生深山無心自貞直

宋少府東谿泛舟

李頎

登岸還入舟水禽驚笑語晚葉低衆色濕雲帶殘一作繁  
暑落日乘醉歸谿流復幾許

春陪商州裴使君遊石娥谿

時欲東歸

李白

古詩

五言

卷十四

三十八

裴公有仙標拔俗數千丈澹蕩滄洲雲飄飄紫霞想剖  
竹商洛間政成心已閒蕭條出世表冥寂閉玄關我來  
屬芳節解榻時相悅舉帷對雲峯揚袂指松雪暫出東  
城邊遂遊西巖前橫天聳翠壁噴壑鳴紅泉尋幽殊未  
歇愛此春光發谿傍饒名花石上有好月命駕歸去來  
露華生綠一作翠苔淹留惜將晚復聽清猿哀清猿斷人  
腸遊子思故鄉明發首東路此歡焉可忘

青谿

王維

言入黃花川每逐青谿水隨山將萬轉趣途無百里聲  
喧亂石中色靜深松裏漾漾汎菱荇澄澄映葭葦我心

素已閒清川澹如此請留盤石上垂釣將已矣

宣城青谿二首

李白

青谿勝桐廬水木有佳色山貌日高古石容天傾側彩  
鳥昔未名白猿初相識不見同懷人對之空歎息  
愛此溪水閒乘流興無極擊楫怕鷗驚垂竿待魚食波  
翻曉霞影岸登青山色何處浣紗人紅顏未相識

泛谿

杜甫

落景下高堂進舟泛迴谿誰謂築居小未盡喬木西遠  
郊信荒僻秋色有餘淒練練峯上雪纖纖雲表霓童戲  
左右岸岑岑提携翻倒荷芰亂指揮路徑一作迷得

古詩五言

卷十四

三十九

魚已割鱗采藕不洗泥人情逐鮮美物賤事已一作睽  
吾村靄暝姿異舍雞亦棲蕭條欲何適出處庶可齊衣  
上見新月霜中登故畦濁醪自初熟東城多鼓鼙

東歸發犍爲至泥谿舟中作

岑參

前日解侯印泛舟歸山東平旦發犍爲逍遙信迴風七  
月江水大滄波漲秋空復有峨眉僧誦經在舟中夜泊  
防虎豹朝行逼魚龍一道鳴迅湍兩邊走連峯猿拂岸  
花落鳥啼簷樹重煙靄吳楚連泝沿湖海通憶昨在西  
掖復曾入南宮日出朝聖人端笏陪羣公不意今棄置  
何由豁心胃吾當海上去且學乘桴一作翁

寒夜溪行舟中作

獨孤及

日沈諸山昏寂歷羣動宿孤舟獨不繫風水夜相逐雲  
歸恒星白霜下天地肅月輪大如盤金波入空谷魏闕  
萬里道羈念千慮束倦飛思故巢敢望梧與竹沈吟登  
樓賦中夜起三復憂來無良方歸候春酒熟

白湖寺後谿宿雲門

常建

落日山水清亂流鳴淙淙舊蒲雨抽節新花水對牕谿  
中日已沒歸鳥多爲雙杉松引直路出谷臨前湖洲渚  
晚色靜又觀花與蒲入谿復登嶺草淺寒流速圓月明  
高峯春山因獨宿松陰澄初夜曙色分遠目日出城南

古詩五言

卷十四

四十

隅青青媚川陸亂花覆東郭碧氣銷長林四郊一清影  
千里歸寸心前瞻王程促却戀雲門深畢景有餘興到  
家彈一作玉琴

過津口

杜甫

南嶽自茲近湘流東逝深和風引桂楫春日漲雲岑回  
道過津口而多楓樹林白魚困密網黃鳥喧嘉音物微  
限通塞惻隱仁者心甕餘不盡酒膝有無聲琴聖賢兩  
寂寞眇眇獨開襟

漁浦

常建

春至百草綠陂澤聞鶉鶉別家投釣一作翁今世滄浪

情漚紆爲縕袍折麻爲長纓榮譽失本真怪人浮此生  
碧水月自闊安流淨而平扁舟與天際獨往誰能名

乘潮至漁浦作

陶翰

巖棹乘早潮潮來如風雨樟臺忽已隱界峯莫及覩  
嶂高忽已界崩騰心爲失浩蕩目無主厯憶浪始聞  
峯暗莫及覩漾漾入魚浦雲景共澄霽江山相吞吐偉哉  
始開造化工一作此事從終古流沫誠足誠商歌調易苦  
頗因忠信全客心一作猶栩栩

宿鑿石浦

杜甫

早宿賓從勞仲春江山離飄風過無時舟楫敢不一作

古詩

五言

卷十四

四十一

繫迴塘淡暮色日沒衆星噤缺月殊未生青燈死分翳  
窮途多俊異亂世少恩惠鄙夫亦放蕩草草頻卒歲斯  
文憂患餘聖哲垂彖一作繫

次晚洲

參錯雲石稠陂陀風濤壯晚洲適知名秀色固異狀棹  
經垂猿把身在度鳥上擺浪散帙妨危沙折花當羈艱  
暫偷悅羸老友惆悵中原未解兵吾得終疎放

曉入宜都渚

閻寬

問俗周楚甸川行渺江濤興隨曉光發道會春言深回  
眺佳氣象遠懷得山林佇應舟楫用易務歸閒心

初至崖口五渡

宋之問

崖口衆山斷嶽嶺聳天壁氣衝落日紅影入春潭碧錦  
續纖苔蘚丹靑畫松石水禽足容與巖花飛的皪微路  
從此深我來限于役惆悵情未已羣峯黯將夕

白沙渡

杜甫

畏途隨長江渡口下絕岸差池上舟楫杳窅入雲漢天  
寒荒野外日暮中流半我馬向北嘶山猿飲相喚水清  
石礧礧沙白灘漫漫迥然洗愁辛多病一踈散高辟抵  
嶽釜洪濤越凌亂臨風獨回首攬轡復三歎

水會

一作渡

古詩

五言

卷十四

四十二

山行有常程中夜尚未安微月沒已久崖傾一作路何  
難大江動我前洶若溟渤寬篙師暗理楫歌笑輕波瀾  
霜濃木石滑風急手足寒入舟已千憂陟嶮仍萬盤回  
眺積水外始知衆星乾遠遊令人瘦衰疾慙加餐

桔柏渡

青冥寒江渡駕竹爲長橋竿濕煙漠漠江永風蕭蕭連  
竿動嫋娜征衣颯颯飄飄急流鳴鵠散絕岸鼉鼉驕西轅  
自茲異東逝一作可要高通荆門路澗會滄海潮孤  
光隱顧盼遊子悵寂寥無以洗心胃前登但山椒

經七里灘

孟浩然

予奉垂堂誠千金非所輕爲多山水樂頗作泛舟行五  
嶽追向子三湘弔屈平湖經洞庭閣江入新安清復聞  
嚴陵瀨乃在茲湍一作此路疊一作嶂數百里沿洞非一  
趣彩翠相氛氲別流亂奔注釣磯平可坐苔磴滑難步  
猿飲石下潭鳥還日邊樹觀奇恨來晚倚棹惜將暮揮  
手弄潺湲從茲洗塵慮

下陵陽沿高谿三門六刺灘

李白

三門橫峻灘六刺走波瀾石驚虎伏起水狀龍縈盤何  
慙七里瀨使我欲垂竿

下涇縣陵陽谿至涇灘

古詩五言

卷十四

四十三

涇灘鳴嘈嘈兩山足猿猱白波若卷雪側足不容舸漁  
子與舟人撐折萬張篙

石頭灘作

崔國輔

悵矣秋風時余臨石頭瀨因高見超遠盡此數一作望

州內羽山一作數點青海岸雜光一作花碎離離樹木少

潏潏一作森森湖波大日暮千里帆南飛落天外須臾遂入

夜楚色有微靄尋遠跡一作路已窮遺榮事多昧一身猶

未理安得濟時一作當代且泛朝夕潮荷衣蕙爲帶

春遊羅敷潭

李白

行歌入谷口路盡無人躋攀崖度絕壑弄水尋迴谿雲

從石上起客到花間迷淹留未盡興日落羣峯西

葛山潭

孫逖

圓潭寫流月清明涵萬象仙翁何時還綠水空蕩漾涼  
哉草木腴白露沾人衣猶醉空山裏時聞笙鶴飛

萬山潭作

孟浩然

垂釣坐盤石水清心亦閒魚行潭樹下猿挂一作島藤  
一作蘿間游女昔解佩傳聞於此山求之不可得沿月棹  
歌還

峴潭作

石潭徬隈隩沙岸一作曉寅緣試垂竹竿釣果得槎頭

古詩五言

卷十四

四十四

鰕美人騁金錯纖手膾紅鮮因謝陸內史尊羹何足傳

萬丈潭

杜甫

清谿合冥漠神物有顯晦龍依積水蟠窟壓萬丈內踞  
步凌垠塢側身下煙靄前臨洪濤寬却立蒼石大山危

一徑盡岸絕兩壁對削成根虛無倒影垂澹瀨一作黑

知潭環一作環底清見光炯碎孤雲倒來深飛鳥不在外

高蘿成帷幄寒木疊旌旆遠川曲通流嵌竇潛洩瀨造

幽無人境發興自我輩告歸遺恨多將老斯遊最閉藏

脩鱗蟄出入巨石礙何當炎天過快意風雨會

早發漁浦潭

孟浩然



東旭早光芒渚禽已驚聒卧聞漁浦口橈聲暗相撥日出氣象分始知江湖路一作闊美人常晏起照影弄流沫飲水畏驚猿祭魚時見額舟行自無悶况值晴景豁

秋日題汝陽潭壁

劉希夷

獨坐秋陰生悲來從所通行見汝陽潭飛蘿蒙水石懸瓢木葉上風吹何歷歷幽人不耐煩振衣一作袂步閒寂迴流清見底金沙覆銀礫錯落非一文空隴幾千尺魚鱗可憐紫鴨毛自然碧吟詠秋水篇渺然忘損益秋水隨形影清濁混心迹歲暮歸去來東山余宿昔

奉同郭給事湯東靈湫作

靈湫在驪山 杜甫

古詩五言

卷十四

四十五

東山氣鴻濛宮殿居上頭君來必十月樹羽臨九州陰火煮玉泉噴薄漲巖幽有時浴赤日光抱空中樓閣風入轍跡曠原一作廣野延冥搜沸一作拂天萬乘動觀水百丈湫幽靈斯可恠王命官屬休初聞龍用壯劈石摧林丘中夜窟宅改移因風雨秋倒懸瑤池影屈注蒼江流味如甘露漿揮弄滑且柔翠旗淡偃蹇雲車紛少留簫鼓蕩四溟異香泱泱浮蛟人獻微綃曾祝沈豪牛百祥奔盛明古先莫能儔陂陀金蝦蟆出見蓋有由至尊顧之笑王母不遣收復歸虛無底化作長黃虬飄飄青瑣郎文彩珊瑚鈎浩歌淥水曲清絕聽者愁

遊南陽清冷泉

李白

惜彼落日暮愛此寒泉清西輝逐流水蕩漾遊子情空歌望雲月曲盡長松聲

次空靈一作岸

杜甫

云云逆素浪落展清眺幸有舟楫遲得盡所歷妙空靈霞石峻楓枯隱奔峭青春猶無私白日亦偏照可使營吾居終焉託長嘯毒瘴未足憂兵戈滿邊徼者留遺恨耻爲達人誚回帆觀賞延佳處領其要

遊南陽白水登石激作

李白

朝涉白水源暫與人俗疎島嶼佳境色江天涵清虛目

古詩五言

卷十四

四十六

送去海雲心閒遊川魚長歌盡落日乘月歸田廬

同友人舟行遊台越山水作

楚臣傷江楓謝客拾海月懷沙去瀟湘挂席泛溟渤蹇予訪前跡獨往造窮髮古人不可攀去若浮雲沒願言弄倒景從此鍊真骨華頂窺絕溟蓬壺望超忽不知青春度但怪綠芳歇空持釣鯨心從此謝魏闕

通泉驛南去縣十五里山水作

杜甫

谿行衣自濕亭午氣始散冬溫蚊蚋集人遠鳬鴨亂登頓生層陰歛傾出高岸驛樓衰柳側縣郭輕煙畔一川何綺麗盡日窮壯觀山色遠寂寞江光夕滋漫傷時媿

孔父去國同王粲我生苦飄零所歷有嗟歎

觀谿漲

當時浣花橋谿水纔尺餘白石明可把水中有行車秋  
夏忽泛溢豈惟入吾廬蛟龍亦很狃况是鼈與魚茲晨  
已半落歸路跬步疎馬嘶未敢動前有深填淤青青屋  
東麻散亂床上書不意遠山雨夜來復何如我遊都市  
間晚憩必村墟乃知久行客終日思其居

三川觀水漲

我經華原來不復見平陸北上唯土山連天走窮谷火  
雲無時出飛電常在目自多窮岫雨行潦相壓壓蒼甸

古詩五言

卷十四

四十七

川氣黃羣流會空曲清晨望高浪忽謂陰崖踣恐泥竄  
蛟龍登危聚麋鹿枯查卷拔樹礪硯共充塞聲吹鬼神  
下勢閱人代速不有萬穴歸何以尊四瀆及觀泉源漲  
反懼江海覆漂沙圻岸去漱壑松柏禿乘陵破山門回  
幹裂地軸交洛赴洪河及關豈信宿應沈數州沒如聽  
萬室哭穢濁殊未清風濤怒猶蓄何時通舟車陰氣不  
懸黷浮生有蕩汨吾道正羈束人寰難容身石壁滑側  
足雲雷屯不已艱險路更踟躇天無川梁欲濟願水縮  
因悲中林士未脫衆魚腹舉頭向蒼天安得騎鴻鵠

東平路中遇大水

高適

天災自古有昏墊彌今秋霖霖一作濤溢川原瀕洞涸田

疇指途適汶陽挂席經蘆洲永望齊魯郊白雲何悠悠  
傍沿鉅野澤大水縱橫流蟲蛇擁獨樹麋鹿奔行舟稼  
穡隨波瀾西成不可求室居相枕藉蛙黽聲啾啾仍憐  
穴蟻漂益羨雲禽游農夫無倚着野老生殷憂聖王當  
一作多深仁廟堂運良籌倉廩終爾給田租應罷收我心  
胡鬱陶征旅亦悲愁縱懷濟時策誰肯論吾謀

古詩五言

卷十四

四十八

唐詩所第十四卷

終

唐詩所第十五卷 古詩

前集

出東城

劉復

步出一作東城門獨行已徬徨伊洛泛清流密林含朝陽芳景雖可矚憂懷在中腸人生能幾何冉冉隨流光願得心所親樽酒坐高堂一爲浮沉隔會合殊未央雙戲水中鳧和鳴自翱翔我無此羽翼安可以比方

丙戌歲正月出洛陽書懷

獨孤及

往歲衣褐見受服金馬門擬將忠與貞來酬主人恩天地暫雷雨洪波生平原窮鱗遂踴躍夙昔事罕存幸逢帝出震授鉞清東藩白日忽再中萬方咸駿奔王風從古詩 五言 卷十五 一

西來春光滿乾坤蟄蟲競飛動余亦辭籠樊遭遇思自強寵辱安足言唯將四方志迴首謝故園

發商丘

儲光義

河水日夜流客心多殷憂維梢歷宋國結纜登商丘漢皇封子弟周室命諸侯搖搖世祀怨傷古復兼秋鳴鴻念極浦征旅慕前儔太息梁王苑時非牧馬遊

發秦州

杜甫

我衰更懶拙生事一作不自謀無食問樂土無衣思南州漢源十月交天氣如涼一作涼如秋草木未黃落况聞山水幽栗亭名更嘉下有良田疇充腸多薯蕷崖蜜亦易

求密竹復冬笋清池可方舟雖傷旅寓遠庶遂平生遊此邦俯要衝實恐人事稠應接非本性登臨未銷憂谿谷無異石塞田始微收豈復慰老夫惘然難久留日色隱孤戍烏啼滿城頭中宵驅車去飲馬寒塘流磊落星月高蒼茫雲霧浮大哉乾坤內吾道長悠悠

發同谷縣

賢有不黔突聖有不煖席况我饑一作愚人焉能尚安宅始來茲山中休駕喜地僻奈何迫物累一歲四行役仲仲去絕境杳杳更遠適停驂龍潭雲回首虎一作崖石臨岐別數子握手淚再滴交情無舊深一作雖有窮情深知

律詩 五言 卷十五 二

老多慘感平生嬾拙意偶值棲遁迹去住與願違仰慙林間翮

早發苦竹館

李嶠

合沓巖嶂深朦朧煙霧曉荒阡下樵客野猿驚山鳥開門聽潺湲入徑尋窈窕棲麗抱寒木流螢飛暗篠早霞稍霏霏殘月猶皎皎行看遠星稀漸覺遊氛少我行撫輶傳兼得傍林沼食翫水石奇不知川路渺徒憐野心曠詎惻浮年小方解寵辱情永託累塵表

早發射洪縣

杜甫

將老憂貧竄筋力豈能及征途乃侵星得使諸病入鄙

人寡道氣在困無獨立傲裝逐徒旅達曙陵險澀寒日出霧遲清江轉山急僕夫行不進驚馬若維繫汀洲稍踈散風景開快悵空慰所尚懷終非曩遊集衰顏偶一破勝事難屢挹茫然阮籍途更酒楊朱泣

早發二首

有求常百慮斯文亦吾病以茲朋故多窮老驅馳併早行篙師急席挂風不正昔人戒垂堂今則奚奔命濤翻黑蛟躍日出黃霧一作霞映煩促瘴豈侵顏倚睡未一作還醒僕夫問盥櫛暮顏覩青鏡隨意簪葛巾仰慙林花盛側聞夜來寇幸喜囊中淨艱危作遠客干請傷直性微

古詩五言

卷十五

二

歲缺首陽粟馬資歷聘賤子欲適從疑悟此二柄歌哭俱在曉行邁有期程孤舟似昨日聞見同一聲飛鳥數求食潛魚亦獨驚前王作網罟設法害生成碧藻非不茂高帆終日征干戈未揖讓崩迫開其情

夜發三泉卽事

蘇頌

暗發三泉山窮秋聽騷屑北林夜鳴雨南望曉成雪抵詠北風涼詎知南土熱沙谿忽沸渭石道乍明滅宛苦銀磧橫復如瑤臺結指程賦一作則所戀遇虞不遑歇重續濡莫解懸旌凍猶揭下奔泥棧楮上覲雲梯設搏頰羸馬頓回眸惴人跌憧憧往復還心注思逾切冉冉年

將病力困衰怠竭天彭信方隅地勢誠斗絕忝曳尚書履叨兼使臣節京坻有歲饒亭障無邊孽歸奏丹墀左騫能俟來哲

夕次圃田店

祖詠

前路入鄭郊尚經百餘里馬煩時欲歇客歸程未已落日桑柘陰遙村一作林煙火起西還不遑宿中夜渡涇水

經破薛舉戰地

太宗

昔年懷壯氣提戈初仗節心隨朗日高志與一作北秋霜潔移鋒驚電起轉戰長河決營碎落星沈陣卷橫雲裂一揮氛沴靜再舉鯨鯢滅於茲俯舊原屬目駐華軒沈

古詩五言

卷十五

四

沙無故迹滅竈有殘痕浪霞穿水淨峰霧抱蓮昏世途亟流易人事殊今昔長想眺前蹤撫躬聊自適

奉和

許敬宗

混元分大象長策挫脩鯨於斯建宸極由此創鴻名一戎乾宇泰千祀德流一作化清垂衣凝庶績端拱鑄羣生復整瑤池駕還臨官渡管周游尋曩跡曠望動天情帷宮面丹浦帳殿矚宛城虜場棲九穗前歌被六英戰地甘泉涌陣處景雲生普天沾凱澤相携欣頌平

行次成阜途經先聖擒建德之所緬思功業感而

賦詩

玄宗

有隋政昏虐羣雄已交爭先聖按劍起叱咤風雲生飲  
馬河洛竭作氣嵩華驚克敵屠圖就擒俘帝道亨顧慙  
嗣寶曆恭承天下平幸過剪鯨地感慕神且英

奉和

張說

夏氏階隋亂自言河朔雄王師進穀水兵氣臨山東前  
掃成臯陣却下洛陽宮義合帝圖起威加天寓同軒臺  
百年小虞典一巡中戰罷思王業倚馬賦神功

奉和

蘇頌

漢東不執象河朔方關龍夏滅漸寧亂唐興終奮庸皇  
威正赫赫兵氣何何用武三川震歸淳六代釀成臯

古詩

五言 卷十五

五

觀王業天下致人雍卽此巡于岱曾孫受命封

奉和

張九齡

天命誠有集王業初惟艱剪商自文祖夷項在茲山地  
識斬蛇處河臨飲馬間威加昔運往澤流今聖還尊祖  
頌先列賡歌安用攀紹成卽我后封岱出天關

經望湖驛

韋鑑

大漠無屯雲孤峯出亂柳前驅白登道顧失飛狐口遙  
憶代王城俯臨恒山後疊疊多古墓寂寞爲墟久豈不  
固金湯終聞擊銅斗交權初仗信接譙翻貽咎埋寶賊  
夫人磨笄傷彼婦功成行且薄義立名不朽莫慎纖微

端其何社稷守身殘國遂亡此立人君醜

過華陰

王昌齡

雲起太華山雲山一作互明滅東峯始含景了了見松  
雪羈人感幽棲宵映轉奇絕欣然忘所疲永望吟不輟  
信宿百餘里出關玩新月何意昨來心一作冥冥遇物遂  
遷別人生屢如此何以肆愉悅

赴馮翊作

儲光義

本自江海人且無寥廓志大明耀天宇靄靄風雨被迢  
遞別荆吳飄飄涉沂泗廣川俟舟楫峻坂傷騏驎踰蹀  
失歸道崎嶇從下位西出太華陰北走少梁地慈龍墟

古詩

五言 卷十五

六

落色泱泱關河氣耻從俠烈遊甘爲刀筆吏寶劍茱萸  
匣豈忘知音貴大道且泛然沈浮未云異

自京赴奉先縣詠懷

杜甫

杜陵有布衣老大意轉拙許身一何愚竊比稷與契居  
然成濩落白首甘契闊蓋棺事則已此志常覬豁窮年  
憂黎元歎息腸內熱取笑同學翁浩歌彌激烈非無江  
海志瀟灑送日月生逢堯舜君不忍便永訣當今廊廟  
具構厦豈云缺葵藿傾太陽物性固莫奪顧惟螻蟻輩  
但自求其穴胡爲慕大鯨輒擬偃溟渤以茲悟生理獨  
耻事干謁兀兀遂至今忍爲塵埃沒終愧巢與由未能

易其節沈飲聊自遣放歌頗愁絕歲暮百草零疾風高  
岡裂天衢陰崢嶸客子中夜發霜嚴衣帶斷指直不得  
結凌晨過驪山御榻在嵒嵒崑崙塞寒空蹴踏崖谷滑  
瑤池氣鬱律羽林相摩戛君臣畱歡娛樂動殷膠葛一作  
鵲賜浴皆長纓與宴非短褐彤庭所分帛本自寒女出  
鞭撻其夫家聚歛貢城關聖人筐篚恩實欲邦國活臣  
如忽至理君豈棄此物多士盈朝廷仁者宜戰慄况聞  
內金盤盡在衛霍室中堂有一作神仙煙霧蒙一作玉

質煖客貂鼠裘悲管逐清瑟勸客馳蹄羹霜橙壓香橘

朱門酒肉臭路有凍死骨榮枯咫尺異惆悵難再述北

古詩

五言

卷十五

七

轅就涇渭官渡又改轍羣水從西下極目高崕兀疑是  
崕峒來恐觸天柱折河梁幸未圻枝撐聲恣窅行旅相  
攀援川廣不可越老妻既異縣十口隔風雪誰能久不  
顧庶往共饑渴入門問號咷幼子饑已卒吾寧捨一哀  
里巷亦嗚咽所媿爲人父無食致天折豈知秋末一作  
登貧窶有倉卒生常免租稅名不隸征伐撫迹猶酸辛  
平人固驢肩默思失業徒因念遠戍卒憂端齊一作終  
南潁洞不可援

季冬自嵩山赴洛道中作

獨孤及

皇運偶中變長蛇食中土天蓋西北傾衆星隕如雨胡

塵動地起千里聞戰鼓死人成爲阜流血塗草莽策馬  
何紛紛捐軀抗豺虎甘心赴國難誰謂荼毒一作苦天  
子初受命省方造區宇斬鯨安溟波截鰲作天柱三微  
復正統五玉歸文祖不圖漢官儀今日忽再覩升高望  
京邑佳氣連海浦寶鼎歆景雲明堂舞千羽虎臣頗激  
昂奔走爭禦侮腐儒着縫掖何處議鄒魯西上輟轅山  
丘陵橫今古和風蒸萬物臘月春靄吐得爲太平人窮  
達不足數他日遇封禪著書繼三五

南陽道中作

張九齡

登郢屬歲陰及宛情所適復聞東漢王遺此南都迹佳

古詩

五言

卷十五

八

氣藹厥初霸圖紛在昔茲邦稱貴近與世嘗薰赫遭遇  
感風雲變衰空草澤不識鄧公樹猶傳陰后石驅馬歷  
闐闐荆榛翳阡陌事去物無象感來心不憚懷古對窮  
秋興言傷遠客眇默遵岐路辛勤弊行役雲鴈號相呼  
林膚走自索顧憶狗書劒未嘗安枕席豈暇墨突黔空  
持遺豕白迷復期非遠歸歟賞農隙

鞏城東莊道中作

儲光義

北陵散寒鳥西山照初日婉孌晉陽京踟躕野人室南  
軒草間去後乘林中出靄靄長路暖遲遲狹路歸蟬嘶  
時蔽月枳棘復傷衣城上東風起河邊早鴈飛夏王紀

冬令殷人乃正月涯口度新雲山陰留故雪幸逢青臺  
諾餘待親鄰別總轡出叢薄歇鞍登峻隅春源既蕩漾  
伏戰亦睢盱未獲遵平道徒言信薄夫

新豐道中作二十八年有詔種果

西下長樂坂東入新豐道雨多車馬稀道上生秋草太  
陰閣一作臯陸不知晚與早雷雨杳冥冥川谷漫  
浩浩詔書植嘉木衆言桃李好自愧一作願無此容歸從  
漢陰老

大梁途中作

王昌齡

快快步長道客行渺無端郊原欲下雪天地稜稜寒當  
古詩五言卷十五 九

時每酣醉不覺行路難今日無酒錢悽惶向誰歎

與鮮于庶子自梓州成都少尹自褒城同行至利

州道中作

岑參

剖竹向西蜀岷峨眇天涯空深北闕戀豈憚南路賒前  
日登七盤曠然見三巴漢水出嶓冢梁山控褒斜棧道  
籠迅湍行人貫層崖巖傾劣通馬石窄難容車深林怯  
魑魅洞穴防龍蛇水種新插秧山田正燒畬夜猿嘯山  
雨曙鳥鳴江花過午方始飯飯經時旋及瓜數公各遊宦  
千里皆辭家言笑忘羈旅還如在京華

自淇涉黃河途中作

十三首

高適

川上常極目世情今已閒去帆帶落日征路隨長山親

友若雲霄可望不可攀於茲任所愜浩蕩風波間

清晨泛中流羽族滿汀渚費鵲何處來昂藏寡儔侶飛

鳴無人見飲啄豈得所雲漢爾固知胡爲不輕舉

野人頭盡白與我忽相訪手持青竹竿日暮淇水上雖

老美容色雖貧亦開放釣魚三十年中心無所向

南登滑臺上却望河淇間竹樹夾流水孤城對遠山念

茲川路闊美爾沙鷗閒長想別離處猶無音信還

東入黃河水茫茫紆直北望太行山峨峨半天色山

河相映帶深淺未可測自昔有賢才相逢不相識

古詩五言卷十五 十

秋日登滑臺臺高秋已暮獨行既未愜懷土悵無趣晉

宋何蕭條羌胡散馳驚當時無戰畧此地卽邊戍兵革

徒自勤山河孰云固乘閒喜臨眺感物傷遊寓惆悵落

日前飄飄遠帆處北風吹萬里南鴈不知數歸意方浩

然雲沙更迴互

亂流自茲遠一作倚橫時一望遙見楚漢城崔嵬高山

上天道昔未測人心無所向屠釣稱侯王龍蛇爭霸王

緬懷多殺戮顧此增慘愴聖代休甲兵吾其得閒放

茲川方悠邈雲沙無前後古堰對河壩長林出淇口獨

行非吾意東向日已久憂來誰得知且酌樽中酒



朝從北岸來泊船南河許試共野人言深覺農夫苦去  
秋雖薄熟今夏猶未雨耕耘日勤勞租稅兼烏鹵園蔬  
空寥落產一作薄產不足數尚有獻芹心無因見明主  
茫茫濁河注懷古臨河濱禹功本豁達漢跡方因循坎  
德一作竟昔一作滂沱馮夷胡不仁一作勃激一作滄陵隄防東郡多  
悲辛天子忽驚悼從官皆負薪春祭豈無謀祈禱如有  
神宣房今安在高岸空嶙峋

我行倦風湍輟棹將問津空傳歌瓠子感慨獨愁人孟  
夏桑葉肥穰陰一作濛濛夾長津蠶農有時節田野無閒人  
臨水狎漁樵望山懷隱淪誰能去京洛顚顚對風塵

古詩五言

卷十五

十一

朝景入平川川長復垂柳遙看魏公墓突兀前山後憶  
昔大業時羣雄角一作各奔走伊人何電邁獨立風塵首  
傳檄舉教倉擁兵屯洛口連營一百萬六合如可有方  
項終比肩亂隋將假手力爭固難恃驕戰曷能久若使  
學蕭曹功名當不朽

瞢瞢河濱叟相遇似有耻輟棹聊問之荅言盡終始一  
生雖貧賤九十年未死且喜對兒孫彌慙遠城市結廬  
黃河曲垂釣長河裏漫漫望雲沙蕭條聽風水所思強  
飯食永願在鄉里萬事吾不知其心只如此

蜀路二首

張說

雲埃夜澄廓山日曉晴鮮葉落蒼江岸鴻飛白露天磷  
磷含水石羃羃覆林煙客心久無緒秋風殊未然

徂蜀時未改別家鄉念盈憶昨出門日春風發鮮榮及  
茲旋轅地秋風滿路生昏曉思魏關夢寐還秦京秦京  
開朱第魏闕垂紫纓幽獨玄虛閣不聞人馬聲藝業爲  
君重名位爲君輕玉琴知調苦一作古寶鏡照膽清鷹饑  
常啄腥鳳饑亦待瓊於君自有屬物外豈能輕

東平路作三首

高適

南園適不就東走豈吾心索索涼風動行行秋水深蟬  
鳴木葉落茲夕更愁霖

古詩五言

卷十五

十二

明時好畫策動欲干王公今日無成事依依親老農扁  
舟向何處吾愛汶陽中

清曠涼夜月徘徊孤客舟渺然風波上獨愛一作前山  
秋秋至復搖落空令行者愁

途中作

王昌齡

遊人愁歲晏早起遵王畿墜葉吹未曉疎林月微微驚  
禽棲不定寒獸相因依歎此霜露下復聞鴻鴈飛渺然  
江南意惜與中途違羈旅悲壯髮別離念征衣永圖豈  
勞止明節期所歸寧厭楚山曲無人長掩扉

途中述懷

李百藥

伯喈遷塞北亭伯之遠東伊余何爲客獨守雲臺中途遙已日暮時泰道斯窮拔心悲岸草半死落巖桐目送衡陽鴈情傷江上楓福今良所伏今也信難通丈夫自有志寧傷官不工

自洪府舟行直書其事

宋之問

仲春辭國門畏途橫萬里越淮乘楚嶂造江泛吳汜嚴程無休隙日夜涉風水昔聞垂堂言將誠千金子問余何奇剝遷竄極炎鄙揆已道德餘幼聞虛白貴身賤外物抗跡遠塵軌朝遊伊水湄夕卧箕山趾妙年拙自晦皎潔弄文史謬辱紫泥書揮翰青雲裏事往每增傷

古詩五言

卷十五

十三

龍來常誓止鉛骨懷報稱一作林丘逆鱗讓金紫安位紫潛

構退耕禍猶起棲巖實吾策觸藩誠內耻濟濟同時人

台庭鳴劍履愚以卑自衛兀坐去沈滓迨茲理已極竊

位申知已羣議負宿心獲戾光華始黃金忽銷鑠素業

坐淪毀浩歎誣平生何獨戀松一作梓浦樹浮鬱鬱阜

蘭覆靡靡百越去魂斷九疑望心死未盡匡阜遊遠欣

羅浮美周旋本師訓佩服無生理異國多靈仙幽撰忘

年紀敝廬嵩山下空谷茂蘭芷悠悠南溟遠採掇長已

矣

上水遣懷

杜甫

我衰太平時身病戎馬後踴躍多拙爲安得不皓首驅馳四海內童穉日餬口但遇新少年少逢舊親友低顏下色地故人知善誘後生血氣豪舉動見老醜窮迫挫

囊懷常如中風走一紀出西蜀于今向南斗孤舟亂作

解春華暮齒依蒲柳冥冥九疑葬聖者骨已朽蹉跎陶

唐人鞭撻日月久中間屈買輩譏毀竟自取鬱沒二悲

惠蕭條猶在否曾舉清湘石逆行雜林藪蒿工密逞巧

氣若醢杯酒謂誰互激遠回幹明受授善知應觸類多

藉脫穎手古來經濟才何事罕獨一作獨罕有蒼蒼衆色晚

熊挂玄蛇吼黃熊在樹顛正爲羣虎守羸骸將何適履

古詩五言

卷十五

十四

險顏益厚庶與達者論吞聲混瑕垢

入衛作

沈佺期

淇上風日好紛紛沿岸多綠芳幸未歇汎濫此明波采

繁憶幽一作幽吹理棹想荆歌鬱然懷君子浩曠將如何

入涇州

王昌齡

倦此山路長停驂問賓御林巒信回惑一作桐林白日

落何處徙倚望長風滔滔引歸慮微雨隨雲收濛濛傍

山去西臨有邊邑北走盡亭戍涇水橫白煙州城隱寒

樹所嗟異風俗已自少情趣豈伊戀懷土解物且欣遇

入衡州

杜甫

兵革自久遠興衰看帝王漢儀甚照耀胡馬何猖狂老  
將一失律清邊生戰場君臣忍瑕垢河嶽空金湯重鎮  
如割據權輕一作輕權絕紀綱軍州體不一寬猛性所將嗟  
彼苦節士素於圓鑿方寡妻從爲郡兀者安短牆凋弊  
惜邦本哀矜存事常旌麾非其任府庫實過防怨已獨  
在此多憂增內傷偏裨限酒肉卒伍單衣裳元惡疑一作迷  
是似聚謀洩康莊竟流帳下血大降湖南殃烈火發  
中夜高煙焦上蒼至今分粟帛殺氣吹沅湘福善理顛  
倒明徵天莽茫銷覓避飛鏑累足穿豺狼隱忍枳棘刺  
遷延胼胝瘡遠歸兒侍側猶乳女在旁久客幸脫免暮

古詩五言

卷十五

十五

年慙激昂蕭條向水陸汨沒隨漁商報主身已老入朝  
病見妨悠悠委薄俗鬱鬱回剛腸參錯走洲渚春容轉  
林篁片帆在柳岸通郭前衡陽華表雲烏弭名園花草  
香旗亭壯邑屋烽檣蟠城隍中有古刺史盛才冠巖廊  
扶巔待柱石獨坐飛風霜昨者聞瓊樹高談隨羽觴無  
論再縋繆一作縋已足安蒼黃劇孟七國畏馬卿四賦良門闢  
蘇生在一作蘇生漁也勇銳白起強問罪富形勢凱歌懸否臧氛  
埃期必掃蚊蚋焉能當橘井舊地宅仙山引舟航此行  
厭暑雨厭土聞清涼諸舅剖符近開緘書札光頻繁命  
屢及磊落字百行江總外家養謝安乘興長下流匪珠

玉擇木羞鸞鳳我師嵇叔夜世賢張子房柴荆寄樂土  
鵬路觀翺翔

自昌樂郡泝流至白石嶺下行入郴州

沈佺期

茲山界夷夏天險一作險橫寥廓太史漏登探文命限開  
鑿北流自南瀉羣峰迴衆壑馳波如電騰激石似雷落  
崖留盤古樹澗蓄神農藥乳實何淋漓苔蘚更彩錯娟  
娟潭裏虹渺渺灘邊鶴歲杪應流火天高雲霧一作薄  
金風吹綠梢玉露洗紅簪泝舟始興解登踐桂陽郭  
甸緣脩坂穹窿曳長紆一作紆碨林阻往來過堰每前却

古詩五言

卷十五

十六

救難不遑飯一作畢昏無暇泊一作飯畢濯谿寧足懼  
磴道誰云惡我行湍險多山水皆不若安能獨見聞書  
此貽京洛

初達驩州

流子一十八命予偏不偶配遠天遂窮到遲日最後水  
行儻耳國陸行雕題藪魂魄游鬼門骸骨遺鯨口夜則  
忍饑卧朝則抱病走搔首向南荒拭淚看北斗何年赦  
書來重飲洛陽酒

自湘源至潭州衡山縣

宋之問

浮湘沿迅湍逗浦凝遠盼漸見江勢濶行嗟水流漫赤

岸雜雲霞綠竹緣谿澗向背羣山轉應接良景晏香障  
連夜猿平沙覆陽鴈紛吾望關客一作歸歸棹速已慣中  
道方泝洄遲念自茲撰頓欣衡陽美持以蠲憂患

至尉氏

張說

夕次阮公臺嘯歌臨爽塏高名安足賴故物今皆改吾  
兄昔茲邑遺愛稱賢宰桑中雉未飛屋上烏猶在途逢  
舊吏吏城有同寮來望塵遠見迎一作遠見拂館來欣  
待慈惠留千室友于存四海始知魯衛間優劣相懸倍

於北平作

太宗

翠野駐戎軒盧龍轉征旆遙山麗如綺長流繁似帶海

古詩 五言

卷十五

十七

氣百重樓巖松千丈蓋茲焉可遊賞何必襄城外

岳州作

張說

夜夢雲關間從容簪履列朝遊洞庭上緬望京華絕淙  
收江未清火退山更熱重欵視欲醉懣懣氣如噎器留  
魚鱉腥衣點敗虬血髮白思益壯心玄用彌拙冠劍日  
苦辭琴書坐廢撤唯有報恩字刻意長不減

荊州作 二首

張九齡

先達志其大求意不約文士伸在知己已况仕於君微  
誠夙所尚細故不足云時來忽易失事往良難分顧念  
凡近姿焉欲殊常勲亦以行則是豈必素有聞千慮且

猶失萬緒何其紛進士苟非黨免相安得羣衆口金可  
錄孤心絲共芬意忠仗朋信語勇同敗軍古劍徒有氣  
幽蘭祇自薰高秋向所忝於義如浮雲

千載一遭遇往賢所至難問余奚爲者無階忽上搏明  
聖不世出翼亮非苟安崇高自有配孤陋何足干遇恩  
一時來竊位三歲寒誰謂誠不盡知窮力亦殫雖至負  
乘寇初無挾術鑽浩蕩出江湖翻覆如波瀾心傷不材  
樹自念獨飛翰狗義在匹夫報恩猶一餐况乃山海澤  
效無毫髮端內訟已慙沮積毀今摧殘胡爲復惕息傷  
鳥良虛彈

古詩 五言

卷十五

十八

薊中作

高適

策馬自沙漠長驅登塞垣邊城何蕭條白日黃雲昏一  
到征戰處每愁胡虜翻豈無安邊書諸將已承恩惆悵  
孫吳事歸來獨閉門

風涼原上作

王昌齡

陰岑宿雲歸煙霧濕松柏風淒日初晚下嶺望川澤遠  
山無暉一作明秋水千里白佳氣盤未央聖人在嶽碧  
關門阻天下信是帝王宅海內方晏然廟堂有奇策時  
貞守全運罷去遊說客予忝蘭臺人幽尋免貽責

成都府

杜甫

翳翳桑榆日照我征衣裳我行山川異忽在天一方但  
逢新人民未卜見故鄉大江東流去一作從東來遊子去日  
長曾城填華屋季冬樹木蒼喧然名都會吹簫聞笙簧  
信美無與適側身望川梁鳥雀夜各歸中原杳茫茫初  
月出不高衆星尚爭光自古有羈旅我何苦哀傷

濮中言懷

沈千運

聖朝優賢良草澤無遺匿人生各有命在余胡不淑一  
生但區區五十無寸祿衰退當棄捐貧賤招毀一作時譴

栖栖去人世屯蹟日窮迫一作通不如守田園歲晏望豐

熟壯年失宜盡老大無筋力始愴前計非將貽後生福

古詩五言

卷十五

十九

童兒新學稼少女未能織顧此煩知已終日求衣食

登楚丘城作

和崔二少府

高適

故人一不遇異縣久棲託辛勤失路意感歎登樓作清  
晨眺原野獨立窮寥廓雲散芒碭山水還睢陽郭遶梁  
卽襟帶封衛多漂泊事古悲城池年豐愛墟落相逢俱  
未展携手空蕭索何意千里心仍求百金諾公侯皆我  
輩動用在謀略聖心思賢才竭來刈葵藿

題沈黎城

權澈

蘇子卧北海馬翁渡南洲迹晦事乃立功達名遂休夜  
聞羽書至召募此邊州鐵騎耀楚甲玉匣橫吳鉤雪厚

羣山東逴飛荒塞秋久戍曷辭苦數戰期封侯不學豎  
儒輩談經空白頭

龍門鎮

杜甫

細泉兼輕水沮洳棧道濕不辭辛苦行迫此短景急石  
門雲雪一作雷隘古鎮峯巒集旌竿暮慘澹風水白刃澀

胡馬屯成臯防虞此何及嗟爾遠戍人山寒夜中泣

題豫章客館

崔國輔

楊柳映春江江南轉佳麗吳門淶波裏越國青山際遊  
宦常往來津亭暫臨憩驛前蒼石沒浦外湖沙細向晚

宴且平孤舟罔然逝雲留西北客氣歇東南帝獨有妻

古詩五言

卷十五

二十

妻心誰知怨芳歲

宿鄭州

王維

朝與周人辭暮投鄭人宿他鄉絕儔侶孤客親僮僕宛  
洛望不見秋霖晦平陸田父草際歸村童雨中牧主人  
東臯上時稼遶茅屋蟲思機杼悲雀喧禾黍熟明當渡  
京水昨晚猶金谷此去欲何言窮邊徇微祿

宿花石戍

在長沙

杜甫

午辭空靈岑夕得花石戍岸疏開闢水木雜今古樹地  
蒸南風盛春熱西日暮四序本平分氣候何迴互茫茫  
天造間一作開理亂豈恒數繁舟盤藤輪策杖古樵路罷

人不在村野圃泉自注柴扉雖無沒農器尚牢固山東  
殘逆氣吳楚守王度誰能叩君門下令減征賦

宿華陰東郭客舍 憶關防

岑參

次舍山郭近解鞍鳴鐘時主人炊新粒行子充夜飢關  
月生首陽照見華陰祠蒼茫秋山晦蕭瑟寒松悲久從  
園廬別遂與朋知辭舊壑蘭杜晚歸軒今已遲

客居

杜甫

客居所居堂前江後山根下塹萬尋岸蒼濤鬱飛翻惹  
青泉木梢邪豎雜石痕子規晝夜啼壯士飲精魂峽開  
四千里水合數百源人虎相半居相傷終兩存蜀麻久

古詩 五言

卷十五

二十一

不來吳鹽擁荆門西南失大將商旅自星奔今又降元  
戎已聞動行軒舟子候利涉亦憑節制尊我在路中央  
生理不得論臥愁病脚廢徐步視小園短畦帶碧草悵  
望思王孫鳳隨其凰去籬雀暮喧繁覽物想故國十年  
別荒 一作鄉 村日暮歸幾翼北林空自昏安得覆八溟爲  
君洗乾坤稷契易爲力大戎何足吞儒生老無成臣子  
憂四藩懷中有舊筆情至時復援

客堂

憶昨離少城而今異楚蜀捨舟復深山宵窺一林麓栖  
泊雲安縣消中內相毒舊疾廿載來衰年得無足死爲

殊方鬼頭白免短促老馬終望雲南鴈意在北別家長  
兒女欲起慙筋力客堂叙節改具物對羈束石暄蒸芽  
紫清秀蘆笋綠巴稼 一作鶯 紛未稀微麥早向熟悠悠日  
動江漠漠春辭木臺郎 一作郎 選才俊自顧亦已極前輩  
聲名人埋沒何所得居然縮章紱受性本幽獨平生憩  
息地必種數竿竹事業只濁醪營葺恒 一作但 草屋上公  
有記者累奏資薄祿主憂豈濟時身遠彌曠職循文廟  
筭正獻可天衢直尚想趨朝廷毫髮裨社稷形骸今若  
是進退委行色

登北邙還望京洛 一作鄭興

鄭世翼

古詩 五言

卷十五

二十二

步登北邙坂踟躕聊寫 一作屬 望宛洛盛皇居規模窮大  
壯三河分設險兩峭資巨防飛觀紫煙中層臺碧雲上  
青槐夾馳道迢迢脩且曠左右多第宅參差居將相清  
晨謁帝返車馬相追訪胥徒各異流文物紛殊狀囂塵  
暗天起簫管從風颺伊余忠 一作孤 且直生平獨淪喪山  
幽有桂叢何爲坐惆悵

經廬岳迴望江州想洛陽有作

劉允濟

龜山帝始營龍門禹初鑿出入經變化俯仰憑寥廓未  
若茲山功連延並巫霍東北流 一作疏 艮象西南距坤絡  
宏阜自鬱盤高堙 一作標 復迴薄勢入柴桑渚陰開彭蠡

登九江杳無際七澤紛相錯雲雨一作霞散吳會風波騰

鄒郡一作鄒郭跡隨造化久利與乾坤博一作博精氣通紛綸

潛怪作石渠忽見踐金房安可託地入天子都巖有仙

人藥二門幾迢遞三宮何條燭咫尺窮杳冥跬步皆恬

漠才一作林驚羽翰幽居靜龍蛇蟄明收振雄詞一作地隸

華殊灼灼盛業匡西夏深謀贊南一作禹毫黃雲覆鼎飛

絳氣橫川躍佐曆符賢運人期茂天爵禮樂富垂髻詩

書成舞勺清輝靖岳電利器騰霜鏐遊聖挹衡樽鄰叢

恭木鐸牆仞包武侯波瀾控文若旋聞川薪楚一作楚遽

觀折一作兩蔡藿稷尚序揆圖良平公輔畧重臣資出守

古詩五言 卷十五 二十三

英藩諒求瘼豫章觀偉材江州訪靈嶠陽岫曉氛氤陰

崖暮蕭索潛一作雌伏屢鯨奔雄飛更驚搏驚徧透煙霞

騰俊亂枝格故園有歸夢他山非行樂帝鄉徒可遊惶

澗終旅一作旋泊景物觀淮海雲霄望河洛城關紫微星

圖書玄扈閣神功多粉績元氣猶斟酌丞相下南宮將

軍趨北落橫簪並附蟬列鼎俱調鶴四郊一作野時迷路

五月先投匍池榭宜瓊管風花亂珠箔舊遊勞夢寐新

知無悅樂天寒欲贈言歲暮期交約夜琴清玉柱秋灰

變緹幕風雪動翰林宮徵調文篇言泉激爲浪思緒飛

成繳千里輝珠璣五采含丹腹鍾鼓旋驚鷗璫瑜俄抵

鵲竊價慙庸息叨聲逾寂寞長望限南溟居然翳東郭

安西館中思長安

岑參

家在日出處朝來起東風風從帝鄉來不異家信通絕

域地欲盡孤城天遂窮彌年但走馬終日隨飄蓬寂寞

不得意辛勤方在公胡塵淨古塞兵氣屯邊空鄉路眇

天外歸期如夢中遙憑長房術爲縮天山東

江路憶郡

張說

霧歛江早明星翻漢將沒卧聞峽猿響起視榜人發倚

棹攀岸篠憑船弄波月水宿厭洲渚晨光屢揮忽林澤

來不窮煙波去無歇結思笙竿里搖情遊俠窟年貌不

古詩五言 卷十五 二十四

暫留歡愉及玄髮雲消戀山海禽馬懷燕越自非行役

人安知慕城關

初出京邑有懷舊林

盧僊

賦生期獨得素業守微班外忝文學知鴻漸鷗鷺間內

傾水木趣築室依近山晨趨天日晏夕卧江海開松風

生坐隅仙禽舞亭灣曙雲林下客齊月池上顏雖曰坐

郊園靜默非人寰時步蒼龍關寧異白雲關語濟豈時

顧默善忘世攀世網余何觸天涯謫南蠻回首思洛陽

喟然悲貞艱舊林日夜遠孤雲何時還

春滯沅湘有懷山中

李白



沅湘春色還風暖煙草綠古之傷心人於此腸斷續予  
非懷沙客但美采菱曲所願歸東山寸心於此足

和使君五郎西樓望遠思歸

王維

高樓望所思目極情未畢枕上見千里牕中窺萬室悠  
悠長路人暖暖遠郊田惆悵極浦外迢遞孤煙出能賦  
屬上才思歸同下秩故鄉不可見雲水空如一

思歸

楊衡

西風屢鳴鴈東郊未昇日繁烟幕幕昏暗騎蕭蕭出望  
雲愁玉塞眠月想蕙質借問露霑衣何如香滿室

在京思故園見鄉人問

王績

古詩

五言

卷十五

二十五

旅泊多年歲老去不知迴忽逢門前客道發故鄉來欲  
眉俱握手破涕共銜杯殷勤訪朋舊屈曲問童孩衰宗  
多弟姪若個賞池臺舊園今在否新樹也應栽柳行疎  
密布茅齋寬窄裁經移何處竹別種幾株梅渠當無絕  
水石計總生苔院果誰先熟林花那後開羈心祇欲問  
爲報不須猜行當驅下澤去剪故園萊

荅王無功

朱仲晦

我從銅州來見子上京客問我故鄉事慰子羈旅色子  
問我所知我對子應識朋遊總強健童稚各長成華宗  
盛文史連牆富池亭獨子園最古舊林間新柳柳行隨

堤勢茅齋看地形竹從去年移梅是今年榮渠水經夏  
響石苔終歲青院果早晚熟林花先後明語罷相歎息  
浩然起深情歸哉且五斗餉子東臯耕

秋日還京陝西十里作

薛稷

驅車越陝郊北顧臨大河隔河望鄉邑秋風水增波西

登咸陽途日暮憂思多傳巖旣紆鬱首山亦嵯峨操築  
無昔老採薇有遺歌客遊節一作回換人生能一作幾

何

將發還鄉示諸弟

張九齡

歲陽亦頽止林意日蕭摵云胡當此時綰邁復爲客至

古詩

五言

卷十五

二十六

愛孰能捨名義來相迫負德良不貴輸誠靡所惜一木  
逢厦構纖塵願山益無力主君恩寧利客鄉壁去去榮  
歸養憮然嘆行役

唐詩所第十五卷

終

唐詩所第十六卷 古詩

前集

過晉陽宮

玄宗

緬想封唐處寔惟建國初  
俯察伊晉野仰觀乃參虛  
井邑龍斯躍城池鳳翔餘  
林塘猶沛澤臺榭宛舊居  
運革祚中否時遷命茲符  
顧循承丕構怵惕多憂虞  
尚恐威不逮復慮化未孚  
豈徒勞轍跡所期訓戎車  
習俗問黎人親巡慰里閭  
永言念成功頌德臨康衢  
長懷經綸日嘆息履庭隅  
艱難安可忘欲去良踟蹰

奉和

張說

太原俗尚武高皇初奮庸  
星軒三晉躔土樂二堯封  
北

古詩 五言

卷十六

一

風遂舉鵬西河亦上龍  
至德起王業繼明賴人雍  
六合啓昌期再興廣聖蹤  
傳呼大駕來文物如雲從  
連管火百里縱觀人千重  
翠華渡汾水白日臨萃一作峰  
紛榆恩賞洽桑梓舊情恭  
往運感不追清時惜難逢  
詩發尊祖心頌刊盛德容  
願君及春事迴輿綬萬邦

奉和

蘇頌

隋運興絕生靈厭氛昏  
聖期在寧亂士馬興太原  
立極萬邦推登庸四海尊  
慶膺神武帝業付皇曾孫  
緬慕封唐道追惟歸沛  
詔一作書感先義典禮巡  
舊藩高殿綵雲合春旗祥  
風翻率西見汾水奔北空  
一作塞垣

款曲兒童佐依遲故老言  
里頌慈惠賞家受復除恩  
下輦崇三教一作都建碑當  
九閭孝思敦至美億載奉  
開元

奉和

張九齡

隋季失天策萬方罹凶殘  
皇祖稱義旗三靈皆復安  
聖期將一作朝特申錫王業  
成艱難盜移未改命曆在  
終履端彼汾惟帝鄉雄一作洪  
都信鬱盤二月朔巡狩羣  
后陪清鑾霸迹在沛庭舊  
儀觀漢官唐風思何深舜  
典敷更寬家一作戶蒙粉榆  
復邑爭牛酒歡緬惟翦商  
後豈獨微禹歎三后既在  
天萬年斯不刊尊祖實我  
皇天文皆仰觀

追赴九成宮途中口號 應教

李嶠

古詩 五言

卷十六

二

委質承仙翰祇命遙遙策  
事偶從梁遊人非背淮客  
長驅歷川阜迴眺窮原澤  
鬱鬱桑柘繁油禾黍積雨  
餘林氣靜日下山光夕未  
攀叢桂巖猶倦飄蓬陌行  
當奉麾蓋慰此勞行役

述華清宮

五首天寶六年冬十月皇帝如驪山溫泉宮名其宮曰華清

儲光義

上在蓬萊宮莫若居華清  
朝朝禮玄閣日日聞體輕  
大聖不私已精禋爲羣氓  
上出蓬萊時六龍儼齊首  
長道舒羽儀彤雲映前後  
天聲殷宇宙真氣到林藪

昔在軒轅朝五城十二樓今我神泉官獨在驪山陬  
芳趨順動百辟隨天遊

正月開陽和通門緝元化穆穆辟容歸豈爲明燈夜高  
山大風起蕭蕭隨龍駕

上林神君官此地卽明庭山開鴻濛色天轉招搖星三  
雪報大有孰謂非我靈

奉和御春明樓臨右相園亭賦樂賢詩 應制

王維

複道通長樂青門臨上路遙聞鳳吹喧闔識龍輿度塞  
旒明四目伏檻紆三顧小苑接侯家飛甍映官樹商山

古詩 五言

卷十六

三

原上碧漣水林端素銀漢下天章瓊筵承湛露將非富  
民寵信以平戎故從來簡帝心詎得迴天步

登澤州城北樓

陳子昂

平生倦遊者觀化久無窮復來登此國臨望與君同坐  
見秦兵壘遙聞趙將雄武安君何在長平事已空且歌

玄雲曲御酒舞薰風勿使青衿子嗟爾白頭翁

登郡城南樓

張九齡

閉閣幸無事登樓聊永日雲霞千里開洲渚萬形出澹  
澹澄江漫飛飛度鳥疾邑人半艫艦津樹多楓橋感別  
時已屢憑眺情非一遠懷不我同孤興與誰悉平生本

單緒邂逅承優秩謬忝爲邦寄多慙理人術驚鉛雖自  
勉倉廩素非實陳力儻無効謝病從芝朮

奉陪燕公登南樓

趙冬曦

寬慰何以歡陰氛亦登望孤島輕霧裏行舟白波上目  
熒西北雲心醉東南嶂昔日青谿子胡然此無狀

前題

尹忭

君子每垂眷江山共流眄水遠林外明巖近霧中見終  
日西北望何處是京縣屢登高春臺徒使淚如霰

奉和

張均

客來已兩春更瞻韶光早花鳥玩環合江山復駢抱樓  
古詩 五言

卷十六

四

形寫北潭堞勢凌青島白雲謝歸鴈馳懷洛陽道

登錦城散花樓

李白

日照錦城頭朝光散花樓金牕夾繡戶珠箔卷瓊樓  
鈎飛梯綠雲中極目散我憂暮雨向三峽春江繞雙流

今來一登望如上九天遊

登北庭北樓

呈幕中諸公

岑參

嘗讀西域傳漢家得輪臺古塞千年空陰山獨崔嵬二  
庭近西海六月秋風來日暮上北樓殺氣凝不開大荒  
無鳥飛但見白龍堆舊國眇天末歸心日悠哉上將新  
破胡西郊絕烟埃邊城寂無事撫劍空徘徊幸得趨幕

中託身廁羣才早知安邊計未盡平生懷

同孫構免官後登薊樓

張謂

昔在五一作平陵時年少心亦壯嘗矜有奇骨必是封侯

相東走到營州投身事邊將一朝去鄉國十載履亭障

部曲皆武夫功成不相讓猶希虜塵動更取林胡帳去

年大將軍忽負樂生謫北別傷士卒南遷死炎瘴落

悲無成行登薊丘上長安三千里日夕西南望寒沙榆

塞沒秋水灤河漲策馬從此辭雲山保閒放

陪狄員外早秋登府西樓呈院中諸公岑參

常愛張儀樓西山正相當千峰帶積雪百里臨城墻烟

古詩五言卷十六 五

氛掃晴空草樹映朝光車馬隘百井里閭盤二江亞相

自登壇時危安此方威聲振蠻貊惠化鍾華陽旌節羅

廣庭戈鋌凜秋霜階下貌虎士幕中駕鸞行今我忽登

臨顧恩不望鄉知已猶未報鬢毛颯已蒼時命難自知

功業豈暫忘蟬鳴秋城夕鳥去江天長兵馬休戰爭風

塵尚蒼茫誰當共攜手頗有冬官郎

歲初巡屬縣登高安南樓言懷 張九齡

山城本孤峻憑高結層軒江氣偏宜早林英粲已繁餘

滋含宿霽衆妍在朝暎拂衣釋簿領伏檻遺紛喧深俯

東谿澳遠延南山樊歸雲納前嶺去鳥投遙村目盡有

餘意心惻不可護揭來彭蠡澤載經敷淺原春及但生

思時哉無與言不才叨過舉唯力酬明恩美化猶寂蔑

迅節徒飛奔雖無成立効庶以去思論行復徇孤迹亦

云吾道存

秋晚登樓望南江入始興郡路

潦收沙衍出霜降天宇晶伏檻一長眺津途多遠情思

來江山外望盡煙雲生滔滔不自辯役役且何成我來

楓衰鬢孰云飄華纓樞馬苦踈踈籠禽念遐征歲陰向

晚晚日夕空一作生屏營物生貴得性身累由近名內顧

覺今是追歎何時平

古詩五言卷十六 六

望黃鶴樓 李白

東望黃鶴山雄雄半空出四面生白雲中峰倚紅日巖

巒行穹跨峰嶂亦冥密頗聞列仙人於此學飛術一朝

向蓬海千載空石室金竈生煙埃玉潭秘清謐地古遺

草木庭寒老芝木蹇予羨攀躋因欲保閒逸觀奇徧諸

嶽茲嶺不可匹結心寄青松永悟客情畢

題鐵門關樓 岑參

鐵關天西涯極目少行客關門一小吏終日對石壁橋

跨千仞危路盤兩崖窄試登西樓望一望頭欲白

冀州客舍酒酣寄題南樓 賈至

夫子傲常調詔書下徵求知君欲謁帝秣馬趨西周  
足何駸駸美聲實風流學富贍清詞下筆不能休君家  
一何盛赫奕難爲儔伯父四五人同時爲諸侯憶昨始  
相值值君客員丘相看復乘興攜手到冀州前日在南  
縣與君上北樓野曠不見山白日落草頭客舍梨花繁  
深花隱鳴鳩南鄰新酒熟有女彈箏篴醉後或狂歌酒  
醒滿離憂主人不相識此地難淹留吾廬終南下堪與  
王孫遊何當肯相尋澄上一孤舟

登單父陶少府半月臺

李白

陶公有逸興不與常人俱築臺像半月迴出一作高城

古詩五言

卷十六

七

隅置酒望白雲商飈起寒梧秋山入遠海桑柘羅平蕪  
水色淥且明一作清令人思鏡湖終當過江去愛此暫踟  
蹰

漢陂西南臺

杜甫

高臺面蒼陂六月風日冷蒹葭離披去天水相與永懷  
新目似擊接要心已領仿佛識鮫人空蒙辨魚艇錯磨  
終南翠顛倒白閣影齒萃增光輝乘凌惜俄頃勞生愧  
嚴鄭外物慕張邵世復輕驕驕吾甘雜鼃黽知歸俗可  
忽取適事莫並身退豈待官老來苦便靜况資菱芡足  
庶結茅茨迴從此具扁舟彌年逐清景

鳳凰臺

在成州即秦弄玉與簫史吹簫處

亭亭鳳凰臺北對西康州西伯今寂寞鳳聲亦悠悠山  
峻路絕蹤石林氣高浮安得萬丈梯爲君上上頭恐有  
無母雛饑寒日啾啾我能剖心血一作飲啄慰孤愁心  
以當竹實炯然忘外求血以當醴泉豈徒比清流所重  
王者瑞敢辭微命休坐看彩翮長舉意八極周自天街  
瑞圖飛下十二樓圖以奉至尊鳳以垂鴻猷再光中興  
業一洗蒼生憂深衷正爲此羣盜何淹留

劍閣

惟天有設險劍門一作關天下壯連山抱西南石角皆北

古詩五言

卷十六

八

向兩崖崇墉倚刻畫城郭狀一夫怒臨關百萬未可傷  
珠玉走中原岷峨氣悽愴三皇五帝前雞犬莫一作各相  
放後王尚柔遠職貢道已喪至今英雄人高視見霸王  
并吞與割據極力不相讓吾將罪真宰意欲鑿壘嶂恐  
此復偶然臨風默惆悵

石櫃閣

季冬日已長一作日長山晚半天赤蜀道多早一作草花江  
間饒奇石石櫃曾波上臨虛蕩高壁清暉迴羣鷗暝色  
帶遠客羈栖負幽意感歎向絕迹信甘孱懦嬰不獨凍  
餒迫優游謝康樂放浪陶彭澤吾衰未自由謝爾性有

適

飛仙閣 諸葛亮相蜀鑿石架空為飛梁閣道

土門山行窄微徑緣秋毫棧雲闌干峻梯石結構半萬  
壑歌疎林積陰帶奔濤寒日外澹泊長風中怒號歇鞍  
在地底始覺所歷高往來雜坐臥人馬同疲勞浮生有  
定分饑飽豈可逃歎息謂妻子我何隨汝曹

龍門閣

清江下龍門絕壁無尺土長風驚高浪浩浩自太古危  
途中縈盤仰望垂線縷滑石歎難鑿浮梁梟相柱目眩  
隕雜花頭風吹過雨百年不敢料一墜那得取飽聞經

古詩五言

卷十六

九

瞿塘足見度大庾終身歷艱險恐懼從此數

登歷下古城員外孫新亭

同杜甫作亭對鵝河時李之芳自尚書郎出為

齊州製此亭

李邕

吾宗固神秀體物寫謀長形制開古跡曾水延樂方太  
山雄地理巨壑眇雲莊高興汨煩促永懷清典常含弘  
知四大出入見三光負郭喜杭稻安時歌吉祥

前題

杜甫

新亭結構罷隱見清湖陰跡籍臺觀舊氣溟海嶽深圓  
荷想自昔遺堞感至今芳宴此時具一作哀絲千古心  
主稱壽尊客筵秩宴北林不阻蓬華興得兼梁甫吟

望幸亭

儲光義

五年一巡狩西幸過東畿周國易居守周人多怨思君  
王敷惠政程作貴從時大厦非一木沈沈臨九遠慶雲  
宿飛棟嘉樹羅青墀屏宜朝享方塘堪水嬉雲中仰  
華蓋桁下望春旗天意知如此星言歸洛師

臨水亭

閻丘均

高館基曾山微羃生花草傍對野村樹下臨車馬道清  
朗悟心術幽遐備瞻討迴合峰隱雲聯縣渚縈島氣似  
滄洲勝風為青春好相及盛年時無令歎衰老

洗脚亭

李白

古詩五言

卷十六

十

白道向姑熟洪亭臨道傍前有昔時井下有五丈牀樵  
女洗素足行人歇金裝西望白鷺洲蘆花似朝霜送君  
此時去回首淚成行

同房侍御山園新亭與邢判官同遊

高適

隱隱春城外蒙蒙陳跡深君子顧榛莽興言傷古今決  
河導新流疏逕蹤舊林開亭俯川陸時景宜招尋肅穆  
逢使軒賓緣事登臨忝遊芝蘭室還對杳李陰岸遠白  
波來氣暄黃鳥吟因觀歌頌作始知經濟心灌壇有遺  
風單父多鳴琴誰為久州縣蒼生懷德音

遊謝氏山亭

李白

淪老臥江海再歡天地清病閒久寂寞歲物徒芬榮  
君西池遊聊以散我情掃雪一作松下去捫蘿石道行  
謝公池塘上春草一作風颯已生花枝拂人來山鳥向我  
鳴田家有美酒落日與之傾醉罷美歸月遙欣稚子迎

洗然弟竹亭

孟浩然

吾與二三子平生結交深俱懷鴻鵠志共有鶴鶴心  
逸氣假毫翰清風在竹林達是酒中趣琴上偶然音

閒齋臥雨行藥至山館稍次湖亭

二首

常建

古詩

五言 卷十六

十一

旬時結陰霖簾外初白日齊沐清病容心寬畏虛室閒  
梅照前戶明鏡悲舊質同袍四五人何不來問疾  
行藥至石壁東風變萌芽主人山門綠小隱湖中花時  
物堪獨往春帆宜別家辭君向滄海爛熳從天涯

次灞亭

沈頌

閒琴開旅思清夜有愁心圓月正當戶微風猶在林蒼  
茫孤亭上歷亂多秋音一作陰言念待明發東山幽意深

連上題樊氏水亭

高適

連上非所趣偶爲世務牽經時駐歸棹日夕對平川莫  
論行子愁且得主人賢亭上酒初熟厨中魚每鮮自說

宦遊來因之居住偏煮鹽滄海曲種稻長淮邊四時常  
晏如百口無饑年菱芋藩籬下漁樵耳目前異縣少朋  
從我行復迤邐向不逢此君孤舟已言旋明日又分首  
一作手風濤還渺然

題金陵王處士水亭

此亭齊朝南苑又晉陸機故宅

李白

王子耽玄言賢豪多在門好鷺尋道士愛竹嘯名園樹  
色秀一作老荒苑池光蕩華軒北堂見明月更憶陸平原  
掃拭青玉簾爲余置金樽醉罷一作後欲歸去花枝宿鳥  
喧何時復來此再得洗器煩

題杼山三癸亭

得暮字亭陸鴻漸所創

顏真卿

古詩

五言 卷十六

十二

杼山多幽絕勝事盈跬步前者雖登攀淹留恨晨暮及  
茲紆勝引曾是美無度欸構三癸亭寔惟陸生故高賢  
能荆物疏鑿皆有趣不越方丈間居然雲霄遇巍峩倚  
脩岫曠望臨古渡左右苔石攢低昂桂枝蠹山僧狎猿  
狖巢鳥來枳相俯視何楷臺俯瞻戴顓路遲迴未能下  
夕照明村樹

郡宅中齋

宋之問

郡宅枕層嶺春湖繞芳甸雲霓出萬家卧覽皆已遍漁  
商汗成雨解邑明若練越俗鏡中行夏祠雲表見茲都  
信盤鬱英遠常棲晤生事黃老獨樂恣遊衍謝公念



蒼生同憂感推薦靈越多秀士運隔無由面神理翳青  
山風流滿黃卷揆予謬承獎自昔從纓弁瑤水執仙羈  
金閨負時選晨趨博望苑夜直明光殿一朝罷臺閣萬  
里違鄉縣風土足懣心况悅年芳變淮廩佇滋實沂歌  
非所美訟寢歸四明齡頽親九轉微尚本江海少留豈  
交戰唯餘後凋色竊比東南箭

郡齋閒坐

岑參

負郭無良田屈身徇微祿平生好踈曠何事就羈束幸  
曾趨丹墀數得侍黃屋故人盡榮寵誰念此幽獨州縣  
非宿心雲山欣滿目頃來廢章句終日披案牘佐郡竟

古詩

五言 卷十六

十三

何成自悲徒碌碌

晨坐齋中偶而成詠

張九齡

寒露縈秋空遙山紛在矚孤頂乍脩聳微雲復相續人  
茲賞地偏鳥亦愛林旭結念憑幽遠撫躬曷羈束昂霄  
謝逸翰臨路嗟疲足徂歲方聯携歸心亟躑躅休閒儻  
有素豈負南山曲

白水縣崔少府高齋

杜甫

客從南縣來浩蕩無與適旅食白日長況當朱炎赫高  
齋坐林杪信宿遊衍閒清晨陪嶠嶺傲睨俯峭壁崇岡  
相枕帶曠野懷咫尺始知賢士人贈此遣愁寂危堦根

青冥增水生浙歷上有無心雲下有欲落石泉聲聞復  
息一作動靜隨所激鳥呼藏其身有似懼彈射吏隱適

情性茲焉其窟宅白水見舅氏諸公乃仙伯杖藜長松  
陰作尉窮谷僻爲我炊雕胡逍遙展良觀坐久風頗怒  
晚來山更碧相對十丈蛟歛翻盤渦圻何得空裏雷殷  
殷尋地脉煙氛藹齒辜魍魎森慘戚崑崙崆峒顛迴首  
如不隔前軒頽反照巉絕華嶽赤兵氣漲林巒川光雜  
鋒鏑知是相公軍鐵馬雲霧積玉觴淡無味胡羯豈強  
敵長歌激屋梁淚下流衽席人生半哀樂天地有順逆  
慨彼萬國夫休明備征狄猛將紛填委廟謀蓄長策東  
古詩 五言 卷十六 十四

郊何時開帶甲且未釋欲告清宴疲難拒幽明迫三嘆

酒食傍何由似平昔

巴陵劉處士東齋作

王昌齡

劉生隱岳陽心遠洞庭水偃帆入山郭一宿楚雲裏竹  
映秋館深月寒江風起煙波桂陽接日夕數千里嫋嫋  
清夜猿孤舟坐如此相中有來鴈雨雪候音旨

岳州行郡舍竹籬

張說

山郡不溝郭荒居無翳壅愛人忠主利善守閉爲勇苟  
非小勤瘁安得期逸寵板築恐土疎襄城嫌役重藩柵  
聊可固筠篁近易奉差池截浦沙繚繞緣隈隴蠹似長

雪盲森如高戟聳預絕豺狼憂知免牛羊恐閭里寬矯步葦萊浴踏躡如果遊處心終日成閒拱

郡舍南有園畦雜樹聊以永日 張九齡

爲郡久無補越鄉空復深苟能秉素節安用叨華簪却步園畦裏追吾野逸心形骸拘俗吏光景賴閒林內訟誠知止外言猶匪忱成蹊謝李逕衛足感葵陰榮達豈不偉孤生非所任江城何寂歷秋樹亦蕭森下有北流水上有南飛禽我願從歸翼無然坐自沈

早春過士嶺寄題硤石裴丞廳壁 蕭穎士

出硤寄趣少晚行偏憶君依然向來處官路溪邊雲茲古詩 五言 卷十六 十五

路豈不劇能無俗累紛槐陰永未合泉聲細猶聞瀾嘆春罷酒 從此分登高望城入斜影半風薰

裴六書堂

王昌齡

閒堂閉空陰竹林一作木但清響窗下長嘯客區中無遺想經綸精微言兼濟當獨往

家叔徵君東谿草堂

二首

盧象

開山十餘里青壁森相倚欲識堯時天東谿白雲是雷聲轉幽壑雲氣香流水澗影生龍一作蛇巖端翳樛梓大道終不易君恩曷能已鶴羨無老時龜言攝生理浮年笑六甲元化潛一指未暇掃雲梯空慙阮家子

今朝共遊者得性閒未歸已到仙人家莫驚鷗鳥飛水深巖子釣松挂巢父衣雲氣轉幽寂谿流無是非名理未足羨腥臊詎所希自惟負貞意何歲當食薇

題龔山人草堂

吳筠

世人負一美未肯甘陸沈獨抱匡濟器能懷真隱心結廬邇城郭及到雲木深滅跡慕潁陽忘機同漢陰啓戶面白水憑軒對蒼岑但歌考槃詩不學梁父吟茲道我所適感君齊素襟勗哉龔夫子勿使鷃塵侵

東歸畱題太常徐卿草堂

岑參

不謝古名將吾知徐太常年纔三十餘勇冠西南方頃古詩 五言 卷十六 十六

曾策匹馬獨出持兩槍虜騎無數來見君不敢當漢將小衛霍蜀將凌關張卿月益清澄將星轉光芒復居少城北遙對岷山陽車馬日盈門賓客常滿堂曲池陰高樹小徑穿叢篁江鳥飛入簾山雲來到牀題詩芭蕉滑對酒棕花香諸將射獵時君在翰墨場聖主賞勳業邊城最輝光與我情綢繆相知久芬芳忽作萬里別東歸三峽長

終南山雙峰草堂

欽跡歸山田息心謝時輩畫還草堂臥但與雙峰對興來恣佳遊事愜符勝槩著書高窗下日夕見城內曩爲

世人誤遂負平生愛久與林壑辭及來松杉大偶茲精  
廬近數預名僧會有時遂獲漁盡一作永日不冠帶崖口  
上新月石門破蒼靄色向羣木深一作沈光搖一潭碎網  
懷鄭生谷頗憶嚴子瀨勝事猶可追斯人邈千載

緱山西峰草堂

結廬對中嶽青翠常在門遂耽水木興盡作漁樵言頃  
來闕章句但欲閒心鬼日色隱空谷蟬聲喧暮村曩聞  
道士語偶見清淨源隱几開吹葉乘秋眺歸根獨遊念  
求仲開徑招王孫片雨下南澗孤峰出東原樓遲慮益  
澹脫略道彌敦野靄晴拂枕客帆遙入軒尚平今何在

古詩 五言

卷十六

十七

此意誰與論佇立雲去盡蒼蒼月開一作園

題武臨草堂

楊浚

草堂列仙樓上在青山頂戶外窺數峰堦前對雙井雨  
來花盡濕風度松初冷登棧行不疲入谿語彌靜云能  
去塵服兼欲事金鼎正直心所存諂諛長自省適知幽  
遁趣已覺煩慮屏更愛雲林間吾將卧南嶺

寄題江外草堂

杜甫

我生性放誕雅欲逃自然嗜酒愛風竹卜居此一作林  
泉遭亂到蜀江臥病遣所便誅茅初一畝廣地方連延  
經營上元始斷手寶應年敢謀土木麗自覺面勢堅臺

亭隨高下敞豁當清川雖有會心侶數能同釣船干戈  
未偃息安得酣歌眠蛟龍無定窟黃鵠摩蒼天古來賢  
達士一作達寧受外物牽顧惟魯鈍資豈識悔吝先偶  
攜老妻去慘淡凌風煙事跡無固必幽貞愧雙全尚念  
四小松蔓草易拘纏霜骨不甚長永為鄰里憐

遊裴尹東谿別業

李頎

公才廊廟器官亞河南守別墅臨都門驚湍激前後舊  
交與羣從十日一携手幅巾望寒山長嘯對高柳清歡  
信可尚散吏亦何有岸雪青城陰水光遠一作搖林首閒  
觀野人筏或飲川上酒幽雲澹徘徊白鷺飛左右庭竹

古詩 五言

卷十六

十八

垂臥內村煙隔南阜始知物外情簪紱同芻狗

遊潯陽陶氏別業

劉昶虛

陶家習先隱種柳長江邊朝夕潯陽郭白衣來幾年霽  
雲明孤嶺秋水澄寒天物象自清曠野情何緜聯蕭蕭  
丘中賞明宰非徒然願守黍稷稅歸耕東山田

遊鞏縣南李處士別業

岑參

先生近南郭茅屋臨東川桑葉隱村戶蘆花映釣船有  
時著書暇盡日窗中眠且喜間井近灌田同一泉

遊汪氏別業

李白

遊山誰可遊子明與浮丘疊嶺礧河漢連峰橫斗牛汪

生面北阜池館清且幽一作清幽我來感意氣槌魚列珍羞  
埽石待歸月開池漲寒流酒酣益爽氣爲樂不知秋

噲昔未識君知君好賢才隨山起館宇鑿石營池臺星

火一作火五月中景風從南來數枝石榴發一丈荷花開

恨不當此時相過醉金壘我行值木落月苦清懷哀永

夜達五更吳歛送瓊杯酒酣欲起舞四座歌相催日出

遠海明軒車且徘徊更遊龍潭去枕石拂莓苔

同盧拾遺遊章給事東山別業二十韻給事首春

休沐維已陪遊及乎是行亦預聞命會無車馬不

果斯諾

王維

古詩

卷十六

十九

託身侍雲陛昧旦趨華軒遂陪鵷鴻侶霄漢同飛翮君

子垂惠顧期我於田園側聞景龍際親降南面尊萬乘

駐山外順風祈一言高陽多夔龍荆山積璵璠盛德啓

前烈大賢鍾後昆侍郎文昌官給事東掖垣謁帝俱來

下冠蓋盈丘樊閨風首邦族庭訓延鄉村采地包山河

樹井竟川原巖端廻綺檻谷口開朱門階下羣峰首雲

中瀑水源鳴玉滿春山列筵先朝暇會舞何颯沓擊鐘

彌朝昏是時陽和節清晝猶未暄謁藹樹色深嚶嚶鳥

聲繁顧已負宿諾延頸慙芳蓀蹇步守窮巷高駕難攀

援素是獨往客脫冠情彌敦

題渭南王公別業

同家兄作

蔡希寂

好閒知在家退跡何必深不出人境外蕭條江海心軒

車自來往空名一作石對清陰川渙將釣玉鄉亭期散金

素暉射流瀨翠色縣森林曾爲詩書癖寧惟耕稼任吾

兄許徵尚枉道來相尋朝慶老萊服夕閑安道琴文章

遙頌美寤寐增所欽既鬱蒼生望明時豈陸沈

出青門往南山下別業

薛據

舊居在南山風駕自伊城一作闕榛莽相蔽虧去爾漸超

忽散漫餘雪晴蒼茫季冬月寒風吹長林白日原上沒

懷抱曠莫伸相知阻胡越弱年好棲隱鍊藥在巖窟及

古詩

卷十六

二十

此離垢氛興來亦因物末路期赤松斯言庶不伐

題青谿別業

劉昫

道由白雲盡春與青谿長時有落花至遠隨流水香閒

門向山路深柳讀書堂幽映每白日清輝照衣裳

相州山池作

張說

管懷謝公詠山水陶嘉月及此年事衰徒看衆花發觀

魚樂何在聽鳥情都歇星漢流不停蓬萊去難越鄴中

秋麥秀淇上春雲沒日見塵物空如何靜心闕

南池

杜甫

崢嶸巴閬間所向盡山谷安知有蒼池萬頃浸坤軸呀

然聞城南枕帶巴江腹菱荷入異縣杭稻共比屋皇天  
不無意美利戒止足高田失西成此物頗豐熟清源多  
衆魚遠岸富喬木獨歎楓香林春時好顏色南有漢王  
祠終朝走巫祝歌舞散靈衣荒哉舊風俗高堂亦明王  
冤鬼猶正直不應空陂止縹緲親酒肉淫祀自古昔非  
惟一川瀆干戈浩茫地僻傷極目平生江海興遭亂  
身局促駐馬問漁舟躊躇慰羈束

裴氏山莊

王昌齡

蒼蒼竹林暮吾亦知所投靜坐山齋月清谿聞遠流西  
峰下微雨向曉一作晚白雲收遂解塵中組終南春可遊

古詩

卷十六

二十一

陸渾山莊

宋之問

授衣感窮節策馬凌伊關歸齊逸人趣日覺秋琴閒寒  
露衰北阜夕陽破東山浩歌步榛一作岑樾棲鳥隨我還

荻塘西莊

贈房元垂

張光朝

門在荻塘西塘高何聯聯往昔分地利遠近無閒田水  
國信汗下霖霖卽成川苗稼盡湮沒茲鄉獨豐年家肥  
待親懿人樂思管絃日晏始能起盥漱看厨烟醺酒寒  
正熟養魚長食鮮黃昏鐘未鳴偃息早已眠何意久城  
市寂寥丘中綠俛仰在顏色區區人事間憶昔炎漢時  
乃知綺季賢靜默不能仕養老終南山

李處士山居

李一作石

王維

君子盈天階小人甘自免方隨鍊金客林上家絕巖背  
嶺花未開入雲樹深淺青晝猶自眠山鳥時一轉

題元丹丘山居

李白

故人棲東山自愛丘壑美青春臥空林白日猶不起松  
風清襟袖石潭洗心耳羨君無紛喧高枕碧霞裏

題嵩山逸人元丹丘山居

序曰白久在廬霍元公近遊嵩山故交深情出

處無間巖信頻及許爲主人欣然適會本意當  
贈冀長往不返欲便舉家就之兼書共遊因有此

家本紫雲山道風未淪落沈懷丹丘志冲賞歸寂寞揭  
來遊闕荒捫涉窮禹鑿負緣泛湖海偃蹇陟廬霍憑雷  
蹕天窗弄景憩霞閣且欣登眺美頗愜隱淪諾三山曠  
幽期四岳聊所託故人契嵩頴高義炳丹雘滅跡遺紛  
翳終言本峰壑自矜林湍好不羨朝市樂偶與真意并  
頓覺世情薄爾能折芳桂吾亦采蘭若拙妻好乘鸞嬌  
女愛飛鶴提携訪神仙從此鍊金藥

古詩

卷十六

二十二

題元丹丘山居

序曰丹丘家于頴陽新上別業其地北倚馬嶺連峰高丘

南瞻鹿臺極目汝海雲巖映鬱有佳致焉白從  
之遊故有此作

仙遊渡潁水訪隱同元君忽遺蒼生望獨與洪崖羣下  
地初晦跡興言且成文却顧北山斷前瞻南嶺分遙通

汝海月不隔嵩丘雲之子合一作會逸趣而我欽清芬舉  
跡倚松石談笑迷朝曛終一作益願狎青鳥拂衣棲江濱

左僕射相國冀公東齋幽居

岑參

丞相百僚長兩朝居此官成功雲雷際翊聖天地安不  
矜南宮貴祇向東山看宅占鳳城勝窗中雲嶺寬午時  
松軒夕六月藤齋寒玉珮胥女蘿金印耀牡丹山蟬上  
衣桁野鼠緣藥盤有時披道書竟日不着冠幸得趨省  
闈常欣在門闌何當復持衡短翮期風搏

王判官西津幽居

勝迹不在遠愛君池館幽素懷巖中諾宛得塵外遊何

古詩五言

卷十六

二十三

必到清谿忽來見滄洲潛移岷山石暗引巴江流樹密  
晝先夜竹深夏已秋沙鳥上筆牀谿花簪簾釣夫子賤  
簪免注心向林丘落日出公堂垂綸乘釣舟賦詩憶楚  
老載酒隨江鷗翛然一傲吏獨在西津頭

李隱者東谿幽居

山店不鑿井百家同一泉晚來南村黑雨色和人煙霜  
畦吐寒菜沙鴈噪河田隱者不可見天壇飛鳥邊

廣陵常二南郭幽居

李白

綠水接柴門有如桃花源忘憂或假草滿院羅叢萱暝  
色湖上來微雨飛南軒故人宿茅宇夕鳥栖楊園還惜

詩酒別深爲江海言明朝廣陵道獨憶此傾樽

緱山王處士黑石谷隱居

岑參

舊居緱山下偏識緱山雲處士久不還見雲如見君別  
來逾十秋兵馬日紛紛青谿開戰場黑谷屯行軍遂令  
巢由輩遠逐麋鹿羣獨有南澗水潺湲如昔聞

王昌齡隱居

常建

清谿深不測一作隱處惟孤雲松際露微月清光猶爲

君茅亭宿花影藥院滋苔紋余亦謝時去西山鸞鶴羣

題綦母校書幽居

李頎

常稱挂冠吏昨日歸滄洲行客暮帆遠主人庭樹秋豈

古詩五言

卷十六

二十四

伊問天命但欲爲山遊萬物我何有白雲空自幽蕭條

江海上下夕見丹丘生事非一作本漁釣賞心隨去留惜

哉曠微月欲濟無輕舟倏忽令人老相思河水流

終南幽居

三首獻蘇侍郎時拜太祝儲光義

暮春天氣和登嶺望層城朝日懸清景巍峩宮殿明聖  
君常臨朝達士復懸衡道近無良足歸來臥山楹靈塔  
曝仙書深室鍊金英春巖松柏秀晨路鷓鴣鳴羽化既

有言無然悲不成

中歲尚微道始知將谷神抗策還南山水木自相親深  
林開一道青嶂成四鄰平明去采薇日入行刈薪雲歸

萬壑暗雪罷千巖春始看玄鳥來已見瑤華新寄言攀芳者無乃後時人

上築青巖裏雲蘿四垂陰虛室若無人喬木自成林時有清風至側聞樵采音鳳皇鳴南岡望望隔層岑既言山路遠復道谿流深僅餘空中遊虬龍水間吟何當見輕翼爲我達遠心

過舊居

王辰歲作

獨孤及

少年事遠遊出入燕與秦離居歲周天猶作勞歌人負劍度潁水歸馬自知津緣源到舊廬攬涕尋荒墓隣里喜相勞壺觴展殷勤酒闌擊筑語及此離會因丈夫隨古詩 五言 卷十六 二十五

世波豈料百年身今日負鄙願多慙故山春

下外江舟中懷終南舊居

岑參

杉冷曉後悲楚客心欲絕孤舟已山雨萬里陽臺月水宿已淹時蘆花白如雪顏容老難赭把鏡悲鬢髮早年好金丹方士傳口訣弊廬終南下久與真侶別道書誰更開藥竈烟遂滅頃來厭塵網安得有仙骨巖壑歸去來公卿是何物

南池夜宿思王屋舊居

一作懷青蘿舊齋

池上臥煩暑不櫛復不巾有時清風來自謂義士人天晴雲歸盡雨洗月色新公事常不閒道書日生塵早年

家王屋五別青蘿春安得還舊山東溪垂釣綸

灞上閒居

王昌齡

鴻都有歸客偃臥滋陽村軒冕無枉顧清川照我門空林網夕陽寒鳥赴荒幽一作園廓落時得意懷哉莫與言庭前有孤鶴欲啄常翻翻爲我銜素書弔彼顏與原二君既不朽所以慰其魂

閒居

儲光義

薄遊何所愧所愧在閒居親故不來往中園時讀書步欄滴餘雪春塘抽新蒲梧桐漸覆井時鳥自相呼悠然念故鄉乃在天一隅安得如浮雲來往方須臾

古詩 五言

卷十六

二十六

唐詩所第十六卷終



唐詩所第十七卷 古詩

前集

歸山

劉希夷

歸去嵩山道煙花覆青草草綠山無塵山青楊柳春日暮松聲合空歌思殺人

春歸終南山松龕舊隱

李白

我來南山陽事事不異昔却尋谿中水還望巖下石薔薇緣東牕女蘿遶北壁別來能幾日草木長數尺且復命酒樽獨酌陶永夕

山中作

沈千運

樓隱別無事所願離風塵一作離塵不辭城邑遊禮樂拘束

古詩 五言

卷十七

一

人邇來歸山林庶一作世事皆吾身何者為形骸辨智與諸一作誰仁寂寞了閒事而一作然後知天眞咳唾一作榮華迂俯相屈伸何如巢與由天子不得臣

崔濮陽兄季重前山興

王維

秋色有佳興况君池上閒悠悠西林下自設門前山千里橫黛色數峯出雲間嗟峨對秦國合沓藏荆關殘雨斜日照夕嵐飛鳥還故人今尚爾歎息此顏顏

落日憶山中

李白

雨後烟景綠晴天散餘霞東風隨春歸發我枝上花花落時欲暮見此令人嗟願遊名山去學道飛丹砂

郊行 寄杜位

岑參

峭崿空城煙淒清一作京

寒山景秋風引歸夢昨夜到汝

穎近寺聞鐘聲映陂見樹影所思何由見東北徒引領

野外作

于逖

老病無樂事歲秋悲更長窮郊日蕭索生意已蒼黃小弟髮亦白兩男俱不强有才且未達况我非賢良幸以朽鈍姿野外老風霜寒鴉噪晚景喬木思故鄉魏人宅蓬池結網佇鱸魴水清魚不來歲暮空彷徨

野望

林琨

清晨孤亭裏極目對前岑遠與天水合長霞生夕林蒼

古詩 五言

卷十七

二

然平楚意香靄半秋陰落日川上盡關城雲外深方予事巖壑及此欲抽簪詩就蓬山道還茲契宿心

園林雜詠 五首

儲光羲

盤石青巖下松生盤石中冬春無異色朝暮有清風五

臘何人采西山舊兩童右石子松

得從軒墀下如勝松栢林生枝逐架遠吐葉向門深何

許谷君子簷間朝暝陰右駕簷簾

舞鶴傍池邊水清毛羽鮮立如依岸雪飛似向池泉江

海雖言曠無如君子前右池邊鶴

垂釣綠灣春春深杏花亂潭清疑水淺荷動知魚散日

暮待情人維舟綠楊岸右釣魚灣

幽人下山徑去夾青林滑處莓苔濕暗中蘿薜深春朝煙雨散猶帶浮雲陰右幽人居

安宜園林獻高使君

直道已三出幸從江上迴新居茅茨迴起見秋雲開十里次舟楫二橋交往來楚言滿鄰里鴈叫喧池臺魚鼈樂仁政沈浮亦至哉小山宜大隱要自望蓬萊

林園卽事寄舍弟統

王維

寓目一蕭散消憂冀俄頃青草肅澄陂白雲移翠嶺後河通河渭前山包鄔鄧松含風裏聲花對池中影地多古詩五言卷十七

二

齊后殯人帶荊州瘦徒思赤筆書詎有丹砂井心悲常欲絕髮亂不能整青簪日何長閒門晝方靜頽思茅簷下彌傷好風景

仲夏入園中東陂

儲光義

方塘深且廣伊昔俯吾廬環岸垂綠柳盈潭發紅蕖上延北原秀下一作屬幽人居暑雨若混沌晴明如空虛此鄉多隱逸水陸見樵漁廢賞亦何貴爲歡良易摠且言重觀國當此賦歸歟

晚歸東園

李頎

出郭喜見山東行亦未遠夕陽帶歸路一作靄靄秋稼

晚樵者乘霽歌野夫一作及星飯請謝朱輪客垂竿不復返

上後園山脚二首

杜甫

朱夏熱所嬰清旭一作步北林小園背高岡挽葛上崎嶇望延駐目飄飄散疎襟潛鱗恨水壯去翼依雲深勿謂地無疆劣於山有陰石楨遍天下水陸兼浮沈自我登隴首十年經碧岑劒門來巫峽薄倚浩至今故園暗戎馬骨肉失追尋時危無消息老去多歸心志士惜白日久客藉黃金敢爲蘇門嘯庶作梁父吟

昔我遊山東憶戲東嶽陽窮秋立日觀矯首望八荒朱古詩五言卷十七

四

崖著毫髮碧海吹衣裳暮收困用事玄冥蔚強梁逝水自朝宗鎮石一作各其方平原獨憔悴農力廢耕桑非關風露凋曾是戍役傷於時國用富足以守邊疆朝廷任猛將遠奪戎虜場到今事反覆故老淚萬行龜蒙不可見况乃懷故鄉肺萎屬久戰骨出熱中腸憂來杖屨劒更上林北岡瘴毒瘵鳥落峽乾南日黃秋風亦已起江漢始如湯登高欲有往蕩析川無梁哀彼遠征人去家死路傍不及父祖塋纍纍塚相當

田園作

孟浩然

弊廬隔塵喧惟先尚一作恬素卜鄰近三徑植果盈千

樹粵余任推遷三十猶未遇書劒時將晚丘園日已<sub>一作</sub>  
暮晨興自多懷晝坐常寡悟沖天羨鴻鵠爭食嗟<sub>一作</sub>  
差鷄鶩望斷金馬門勞歌采樵路鄉曲無知已朝端乏  
親故誰能爲楊雄一薦甘泉賦

春中田園作

王維

屋上春鳩鳴村邊杏花白持斧伐遠揚荷鋤覘泉脉歸  
燕識故巢舊人看新曆臨觴忽不御惆悵遠行客

獨遊

王昌齡

林卧情每閒獨遊景常晏時從灞陵下垂釣往南澗手  
携雙鯉魚目送千里鴈悟彼飛<sub>一作</sub>有適知此懼憂患

古詩五言

卷十七

五

放之清冷泉因得省疎慢永懷青岑客廻首白雲間神

超物無違<sub>一作超然無遺事</sub>豈繫名與宦

林卧

岑參

偶得魚鳥趣復茲水木涼遠峯帶雨色落日搖川光白

中西山藥袖裏淮南方唯愛隱几時獨遊無何鄉

屏跡

杜甫

衰顏<sub>一作</sub>甘屏跡幽事供高卧鳥下竹根行龜開萍葉

過年荒酒價乏日併園蔬課猶酌甘泉歌歌長擊樽破

營屋

我有陰江竹能令朱夏寒陰通積水內高入浮雲端甚

疑尼物憑不顧剪伐殘東偏若面勢戶牖可永安<sub>一作</sub>  
已六載茲晨去千竿蕭蕭見白日洵洵開奔湍度堂匪  
華麗養拙異考槃草茅雖雜葺衰病方少寬洗然順所  
適此足代加餐寂無斤斧響庶遂憩息歡

水檻

蒼江多風颭雲雨晝夜飛茅軒駕巨浪焉得不低垂遊  
子久在外門戶無人持高岸尚爲谷何傷浮柱欹扶顛  
有勸誠恐貽識者嗤既殊大厦傾可以一木支臨川祝  
萬里何必欄檻爲人生感故物慷慨有餘悲

柴門

古詩五言

卷十七

六

泛舟登瀛西回首望兩崖東城乾旱天其氣如焚柴長  
影沒窈窕餘光散餘衍大江蟠嵌根歸海成一家下衝

割坤軸竦壁攢鏤鄧蕭颯<sub>一作</sub>洒秋色氣昏靈日車峽

門自此始最窄容浮查禹功翊造化疏鑿就欹斜<sub>一作</sub>

巴渠決太古衆水爲長蛇風煙渺吳蜀舟楫通鹽麻我

今遠遊子飄轉混泥沙<sub>一作</sub>萬物附本性約身不欲

奢茅棟蓋一牀清池有餘花濁醪與脫粟在眼無

咨嗟山荒人民少地僻日夕佳貧窮<sub>一作</sub>固其常富貴

任生涯老於干戈際宅幸蓬蒿遮石亂上雲氣杉青<sub>一作</sub>

清延日<sub>一作</sub>華賞妍又分外理愜夫何誇足了垂白年

敢居高士差書此豁平昔回首猶暮霞

渭川田家

王維

斜光一作陽照墟落窮巷牛羊歸野老念牧童倚杖候荆

扉雉雉麥苗秀蠶眠桑葉稀田夫荷鋤至相見語依依

卽此羨閒逸悵然吟一作歌式微

赤谷西崦田家

杜甫

躋險不自安出郊已清目豁迴日氣暖迴轉山田熟鳥

雀依茅茨藩籬帶松菊如行武陵暮欲問桃源曲一作宿

行次田家澳梁作

儲光羲

田家俯長道邀我避炎氛當暑日方晝高天無片雲桑

古詩五言

卷十七

七

間禾黍氣柳下牛羊羣野雀栖空屋晨風不復聞前登

澳梁坂極望溫泉分逆旅方三舍西山猶未曛

丁寓田家有贈

王維

君心尚棲隱久欲傍歸路在朝每爲言解印果成趣晨

雞鳴鄰里羣動從所務農夫行餉田闔妾起縫素開軒

御衣服散帙理章句時吟招隱詩或製閒居賦新晴望

郊郭日映桑榆暮陰盡小花城微明渭川樹發予宅閭

井幽賞何由屢道存終不忘迹異難相遇此時惜離別

再來芳非度

同羣公題鄭少府田家

高適

鄭侯應栖惶五十頭盡白昔爲南昌尉今作東郡客與

語多遠情論心知所益秋林旣清曠窮巷空漸瀝蝶舞

園更閒雞鳴日云夕男兒未稱意其道固無適勸君且

杜門勿歎人事隔

題田家廬舍

田家一作農夫

丘爲

東風何時一作處至已綠湖上山湖上春旣早田家日不

閒溝塹一作壑流水處耒耜平蕪間薄暮飯牛罷歸來還

閉關

田家三首一作王勃

王績

阮籍生年傾嵇康意氣疎相逢一醉飽獨坐數行書小

古詩五言

卷十七

八

池聊養鶴閒田且牧豬草生元亮徑花暗子雲居倚牀

看婦織登塢課兒鋤迴頭尋仙事併是一空虛

家住箕山下門枕潁川濱不知今有漢唯言昔避秦琴

伴前庭月酒勸後園春自得中林士何忝上皇人

平生唯酒樂作性不能無朝朝訪鄉里夜夜遣人酤家

貧畱客久不暇道精麤抽簾持益炬拔簣更燃爐恒聞

飲不足何見有殘壺

前題

楊顏

小園足生事尋勝日傾壺蒔蔬利於鸞纔青摘一作已

無四鄰依一作因野竹日夕采其一作共樵枯田家心適時春

色遍桑榆

前題

儲光羲

蒲葉日已長  
待花日已滋  
老農要看此  
貴不違天時  
迎晨起飯牛  
雙駕耕東畝  
蚯蚓土中出  
田鳥隨我飛  
羣合亂啄噪  
嗷嗷如道飢  
我心多惻隱  
顧此兩傷悲  
撥食與田鳥  
日暮空筐歸  
親戚更相諄  
我心終不移

田家雜興  
八首

春至鵲鷓鴣鳴  
薄言向田墅  
不能自力作  
黽勉娶鄰女  
既念生子孫  
方思廣園圃  
閒時相顧笑  
喜悅好禾黍  
夜夜登嘯臺  
南望洞庭渚  
百草被霜露  
秋山響砧杵  
却羨故古詩  
五言  
卷十七  
九

年時中情無所取

衆人耻貧賤  
相與尚膏腴  
我情既浩蕩  
所樂在畋漁  
山澤時晦暝  
歸家暫閒居  
滿園植葵藿  
繞屋樹桑榆  
禽雀知我閒  
翔集依我廬  
所願在優游  
州縣莫相呼  
日與南山老  
兀然傾一壺

逍遙阡陌上  
遠近無相識  
落日照秋山  
千巖同一色  
網罟繞深莽  
鷹鷂始輕翼  
獵馬既如風  
奔獸莫敢息  
駐旗滄海畔  
犒士吳宮側  
楚國有夫人  
性情本貞直  
鮮禽徒自致  
終歲竟不食

田家趨隴畝  
當晝掩虛關  
鄰里無煙火  
兒童共幽閒  
枯

棹懸空圃雞犬滿  
桑間須臾一作農事隙采藥遊名山  
但願所采多  
不言路險艱  
人生如蜉蝣  
一往不可攀  
君看西王母  
千歲美容顏

平生養情性  
不復知憂樂  
去家行賣畚  
留滯南陽秋  
至黍苗黃無人  
可刈獲  
孺子朝未飯  
把竿逐鳥雀  
忽見梁將軍  
乘車出宛洛  
意氣軼道路  
光輝滿墟落  
安知負薪者  
啞啞笑輕薄

楚山有高士  
梁國有遺老  
築室既相鄰  
向一作田復同  
道樸精常共飯  
兒孫每一作更抱忘  
此耕耨勞  
愧彼風雨好  
聽蛄鳴  
空澤鷓鴣傷  
秋草日夕寒  
風來衣裳苦  
不古詩  
五言  
卷十七  
十

早

梧桐蔭我門  
薜荔網我屋  
超超兩夫婦  
朝出暮還宿  
稼穡既自務  
牛羊還自牧  
日軒嬾耕鋤  
登高望川陸  
空山足禽獸  
墟落多喬木  
白馬誰家兒  
聯翩相馳逐

種桑百餘樹  
種黍三十畝  
衣食既有餘  
時時會親友  
夏來菰米飯  
秋至菊花酒  
孺人喜一作逢迎稚子解  
趨走日暮閒園裏  
團團蔭榆柳  
酌酹乘夜歸  
涼風吹戶牖  
清淺望河漢  
低昂看北斗  
數甕猶未開  
明朝能飲否

田家即事  
四首  
答崔二東臯作

玄鳥雙雙飛  
杏林初發花  
啍啍命僮僕  
可以樹桑麻  
清

旦理犁鋤日入未還家

有客山中至言傳故人訊蕩漾敷遠情飄飄吐清韻倚  
歎春臯上無乃成秋興

念別來須臾忽至嚶鳴時萊田燒故草初樹養新枝所  
寓非幽深夢寐相追隨

依依親隴畝寂寂無鄰里不聞雞犬音日見和風起賴  
君遺挾藻憂來散能弭

前題

祖詠

舊居東臯上左右俯荒村樵路前傍嶺田家遙對門歡  
娛始披拂愜意在郊原餘霽蕩川霧新秋仍晝昏攀條

古詩 五言

卷十七

十一

憩林麓引水開泉源稼穡豈云倦桑麻今正繁方求靜  
者賞偶與潛夫論雞黍何必具吾心知道尊

空靈山應田叟

常建

湖南無村落山舍多黃茅淳朴如太古其人居鳥巢牧  
童唱巴歌野老亦獻嘲泊舟問谿口言語皆啞咬土俗  
不尚農豈暇論肥瘠莫徭射禽獸浮客烹魚鮫余亦采  
芣人獲麋今尚苞敬君中國來願以充其庖日入聞虎  
關空山滿咆哮懷人雖共安異域終難交白水可洗心  
采薇可爲耜機策背落日江風鳴梢梢

遭田父泥飲美嚴中丞

杜甫

步屢隨春風村村自花柳田翁遍社日邀我嘗春一作新

酒酒酣誇新尹畜眼未見有回頭指大男渠是弓弩手

名在飛騎籍長番歲時火前日放營農辛苦救衰朽差

科死則已誓不舉家走今年大作社拾遺能住否叫婦

開大餅盆中爲吾取感此氣揚揚須知風化首語多雖

雜亂說尹終在口朝來偶然出自卯將及酉久客諳一作

人情如何拒鄰叟高聲索果栗欲起時被肘指揮過

無禮未覺村野醜月出邀我留仍喚問升斗

秋行官張望督促東渚耗稻向畢清晨遣女奴阿

稽暨子阿段往問

古詩 五言

卷十七

十二

東渚雨今足佇聞秔稻香上天無偏頗蒲稗各自良人

情見非類田家戒其荒功夫競搢搢除草置岸傍穀者

命之本客居安可忘青春具所務勤墾免亂常吳牛力

容易並驅紛遊場一作動豐苗亦已穡雲水照方塘有

生固蔓延靜一資隄防督領不無人提携頗在網荆揚

風土暖肅肅一作候微霜尚恐主守疎用心未甚臧清

朝遣婢僕寄語踰崇岡西成聚必散不獨陵我倉豈要

仁里譽感此亂世忙北風吹蕪葭蟋蟀近中堂荏苒百

工休鬱紆遲暮傷

行官張望補稻畦水歸

東屯大江北百頃平若案六月青稻多千畦碧泉亂插秧適云已引溜加溉灌更僕往方塘決渠當斷岸公私各地著浸潤無天旱至守問家臣分明見路畔芊芊炯翠羽剡剡生銀漢鷗鳥鏡裏來關山雪邊看秋菰成黑米精鑿傳白粲玉粒足晨炊紅鮮任霞散終然添旅食作苦期壯觀遺穗及衆多我倉戒滋漫

瓜園詩序曰維瓜園高齋俯視南山形勝二三時  
韻韻任多少時太子司議郎薛璠王維

余適欲鋤瓜倚鋤聽叩門鳴騶導驄馬常從夾朱軒窮巷正傳呼故人儻相存携手追涼風放心望乾坤謫謫

古詩五言

卷十七

十三

帝王州宮觀一何繁林端出綺道殿頂搖一作華幡素懷在青山若值白雲屯迴風城西雨返景原上村前酌盈樽酒往往聞清言黃鸝轉深木朱槿照中園猶羨松下客石上聞清猿

暇日小園散病將種秋菜督勤耕牛兼書觸目

杜甫

不愛入州府畏人嫌我貧及乎歸茅宇旁舍未曾嘆老病恐一作拘束應接喪精神江村意自放林木心所欣秋耕屬地濕山雨近甚勻冬菁飯之半牛力晚來新深耕種數畝未甚後四鄰嘉蔬既不一名數頗具陳荆巫

非苦寒採擷接青春飛來兩白鶴暮啄泥中芹雄者左翻垂損傷已露筋一步再流血尚驚增繳勤三步六號叫志屈悲哀煩鸞鳳不相待側頸詎高曼杖藜俯沙渚爲汝鼻酸辛

園官送菜序曰園官送菜把本數日關劬苦芭馬齒掩乎嘉蔬傷小人妬害君子菜不足道也此而作詩

清晨蒙榮把常荷地主恩守者愆實數畧有其名存苦芑刺如鍼馬齒葉亦繁青青嘉蔬色埋沒在中國園吏未足恠世事固因一作堪論嗚呼戰伐久荆棘暗長原乃知苦芑輩傾奪蕙草根小人塞道路爲態何喧喧又如

古詩五言

卷十七

十四

馬齒盛氣擁葵荏昏黧染不易虞絲麻雜羅紉一經器物內永挂倉刺痕志士採紫芝放歌避戎軒畦丁負籠至感動百慮端

園人送瓜

江間雖炎瘴瓜熟亦不早栢公鎮夔國滯務茲一掃食新先戰士其少及谿老傾筐蒲鵠青蒲眼顏色好竹竿接嵌實引注來鳥道浮沈亂水玉愛惜如芝草落刃嚼水霜開懷慰枯槁許以秋蒔除仍看小兒一作抱東陵跡蕪絕楚漢休征討園人非故侯種此何草草

種高芑

序曰既雨已秋堂下理小畦隔種一兩席許高芑向二旬矣而芑不甲拆獨野



青陽時君子或晚得微祿軼軻不進因作此詩

陰陽一錯亂驕蹇不復理枯旱於其中災方慘如燬植  
物半蹉跎嘉生將已矣雲雷歛奔命師伯集所使指揮  
赤白日瀕洞清光起雨聲先已風散足盡西靡山泉落  
滄江霹靂猶在耳終朝紆颯沓信宿罷瀟灑堂下可以  
畦呼童對經始苴兮疏之常隨事藝其子破塊數席間  
荷鋤功易止兩旬不甲拆空惜埋泥洋野覓迷汝來宗  
生實於此此輩豈無秋亦蒙寒露委翻然出地速滋蔓  
戶庭毀因知邪干正掩抑至沒齒賢良雖得祿守道不  
封已擁塞敗芝蘭衆多盛荆杞中園陷蕭艾老圃永爲  
古詩 五言 卷十七 十五

驅豎子摘蒼耳

耻登干白玉盤藉以如霞綺覓也無所施胡顏入筐篚  
江上秋已分林中瘴猶劇畦丁告勞苦無以供朝一作  
夕蓬莠獨一作不焦野蔬暗泉石蒼耳况療風童兒且  
時摘侵星驅之去爛熳任遠適放筐亭午際洗剝相蒙  
暴登牀半生熟下飭還小益加點瓜薤間依稀櫛奴跡  
亂世誅求急黎民糠粃窄飽食復何心荒哉膏粱客富  
家厨肉臭戰地骸骨白寄語惡年少黃金且休擲

采樵作

孟浩然

采樵入深山山深樹重疊橋崩卧槎擁路險垂藤接日

落伴將稀山風拂薜衣長歌負輕策平野望煙歸

課伐木

序曰課隸人伯夷辛秀信行等入谷斬陰  
暮逐委積庭內我有藩籬伊叔正直挺然晨征  
伊仗支持則旅次于小安山有虎知禁若持爪  
牙之利必昏黑搜突襲人屋壁列樹白菊銀爲  
牆實以竹示式遇爲與虎近混淪乎無良賓客  
憂害焉之徒苟活爲幸可嘿息已 杜甫  
作詩示宗武讀

長夏無所爲客居課奴僕清晨飯其腹持斧入白谷青  
冥層巔後十里斬幽一作木人肩四根已亭午下山麓

尚聞丁丁聲功課入各足蒼皮成一作委積素節相照

燭藉汝跨小籬當杖若一作苦虛竹空荒咆能罷乳獸待

人肉不示知禁情豈惟千戈哭城中賢府主處貴如白

古詩 五言 卷十七 十六

除草

屋蕭蕭理體靜蜂蠆不敢毒虎穴連里閭隄防舊風俗  
泊舟滄江岸久客慎所觸舍西崖嶠壯雷雨蔚含蒼  
宇資屢修衰年怯幽獨爾曹輕執勢爲我忍煩促秋光  
近清岑季月當泛菊報之以微寒共給酒一斛

除草

草有害於人曾何生阻脩其毒甚蜂蠆其多彌道周清  
晨步前林江色未散憂芒刺在我眼焉能待高秋霜雪  
一霜疑蕙葉亦難留荷鋤先童稚日入仍討求轉置水  
中央豈無雙釣舟頑根易滋蔓敢一作使依舊丘自茲  
藩籬曠更覺松竹幽芟夷不可闕疾惡信如讐

信行遠修水筒

汝性不茹葷清靜僕夫內秉心識本源於事少滯礙雲  
端水筒圻林表山石碎觸熱藉子修通流與厨會往來  
四十里荒險崖谷一作大日煎驚未食一作貌赤媿相  
對浮瓜供老病裂餅常所愛於斯各恭謹足以殊殿最  
詎要方士符何假將軍蓋行諸直如筆用意崎嶇外

催宗文樹雞柵

吾衰怯行邁旅次展崩迫愈風傳烏雞秋那方漫喫自  
春生成者隨母向百翻驅趕制不禁喧呼山腰宅課奴  
殺青竹終日增赤幘踏藉盤案翻塞蹊使之隔牆東有

古詩 五言

卷十七

十七

隙地可以樹高柵避熱時來歸問兒所為跡纖籠巢其  
內令人不得擲稀間可突過甬爪一作還汚席我見樓  
蟻遭彼免狐貉厄應宜各長幼自此均劫敵籠備食有  
修近身見損益明明領處分一一當剖析不昧風塵展  
亂離減憂感其流則凡鳥其氣心匪石倚賴窮歲晏撥  
煩去水釋未似尸鄉翁拘留蓋阡陌

唐詩所第十七卷 終

唐詩所第十八卷 古詩

前集

正日臨朝 奉和聖製

顏師古

七政璿衡始三元寶曆新負宸延百辟垂旒御九賓肅  
肅皆驚驚濟濟盛縵紳天涯致重譯日域獻奇珍

前題

李百藥

化曆昭唐典承天順夏正百靈警朝禁一作軒三辰揚旆  
旌充庭富禮樂高譙齒簪縵獻壽符萬歲移風韻九成

和左司張員外自洛入京中路先赴長安逢立春

日贈韋侍御等諸公

孫逖

拜郎登省闥奉使馳車乘過瞻使者星便是郎官應臺

古詩 五言

卷十八

一

妙時相許皇華德彌稱二陝聽風謠三秦望形勝此中  
聯益友是日多詩興寒盡歲陰催春歸物華證

奉和上元酬宴 應詔

楊炯

甲乙遇災年周隋送上弦妖星六丈出沴氣七重懸赤  
縣空無主蒼生欲問天龜龍開寶命雲火昭靈慶萬物  
觀真人千秋逢聖政祖宗玄澤遠文武休光盛大號域  
中平皇威天下驚參辰昭文物宇宙決聲明漢后三章

今周王五伐兵匈奴窮地角本自違一作正朔驕子起

天街由來虧禮樂一衣掃風雨再戰夷屯劍清明日月  
旦蕭索煙雲渙寒暑既平分陰陽復貞觀惟神諧妙物

乃聖符幽贊下武發禎祥平階屬會昌金泥封日觀壁  
水匝明堂業盛勛華德與包天地皇孝思義罔極易禮  
光前式天煥三辰輝靈書五雲色敬時窮發欽卜代盈  
千億五緯聚華軒重光入望園公卿論至道天子拜昌  
言雷解初開出星空即便元瑤臺涼景薦銀闕秋陰遍  
百戲騁魚龍千門壯宮殿深仁洽蠻徼一作愷樂周寰  
縣宣室召羣臣明庭禮百神仰德還符日霑恩更似春  
襄城非牧豎楚國有巴人

晦日馬鐙曲稍次中流作

常建

夜寒宿蘆葦曉色明西林初日在川上便澄遊子心晴

古詩

卷十八

二

天無纖翳郊野浮春陰波靜隨釣魚舟小綠水深出浦  
見千里曠然諧遠尋扣船應漁父同一作唱滄浪吟

晦日任橋池亭

儲光義

溫泉作天邑直北開新洲未有菰蒲生即聞鳬鴈遊六  
亭在高岸數島居中流晦日望清波相與期泛遊西道  
苦轉轂北堤疲行舟清冷水木陰纔可適我憂

晦日遊大理韋卿城南別業

四聲次用各六韻

王維

輿世澹無事自然江海人側聞塵外遊解駟一作朱  
輪平一作野照暄景上天垂春雲張組竟北阜汎舟過

東鄰故鄉信高會牢醴及佳辰幸同擊壤樂心荷堯爲  
君

郊居杜陵下永日同攜手仁一作里霽川陽平原見峯

首園廬鳴春鳩林薄媚新柳上卿始登席故老前爲壽  
臨當遊南陂約略執杯酒歸歟細微官惆悵心自咎

冬中餘雪在墟上春流駛風日暢懷抱山川多秀一作好  
氣彫胡先晨炊庖膾亦雲一作後至高情浪海嶽浮生寄

天地君子外簪纓埃塵良不啻所樂衡門中陶然忘其  
貴

高館臨澄波曠然蕩一作望理心目澹動雲天玲瓏映墟

古詩

卷十八

二

曲鵲巢結空林雉雊響幽谷應接無閒暇徘徊以躑躅  
紆組上春堤側弁倚喬木弦望忽已晦後期洲應綠

晦日尋崔戢李封

杜甫

朝光入甕牖尸一作方寢驚弊裘起行視天宇春氣漸和

柔輿來不暇懶今晨梳我頭出門無所待徒步覺自由  
杖藜復恣意免值公與侯晚定崔李交會心真罕儔每

過得酒傾二宅可淹留喜結仁里懽况因令節求李生

園欲荒舊一作竹頗脩脩引客看掃除隨事成獻酬崔

侯初筵色已畏空尊愁未知天下士至性有此不草茅

既青出蜂聲亦暖遊思見農器陳何當甲兵休上古葛

天氏一作民不貽黃屋憂至今阮籍等熟醉爲身謀威鳳  
高其翔長鯨吞九州地軸爲之翻百川皆亂流當歌欲  
一放淚下恐莫收濁醪有妙理庶用慰沈浮

上巳浮江宴得卮字

王勃

披觀玉京路駐賞金臺趾逸興懷九仙良辰傾四美松  
吟白雲際桂馥清谿裏別有江海一作漢心日暮情何已  
三日自京到華陰水亭獨酌寄裴六薛八

獨孤及

祗役匪遑息經時客三秦還家問節候知到上巳辰山  
縣何所有高城閉青春和風不吾欺桃杏滿四隣舊友  
古詩五言卷十八 四  
適遠別誰當接歡欣呼兒命長瓢獨酌湘吳醇一酌一  
朗詠既酣意亦申言筌暫兩忘霞月祗相新裴子塵表  
物薛侯席上珍寄書二傲吏何日同車茵詎肯挾空名  
終然羈此身他年解桎梏長作海上人

詠牽牛織女

杜甫

牽牛出河西織女處其東萬古永相望七夕誰見同神  
光竟難候此事終蒙朧蛩然精靈合何必秋遂通亭亭  
新妝立龍駕具層空世亦爲爾祈請走兒童稱家隨  
豐儉白屋達公官膳夫翊堂殿鳴玉淒房櫳曝衣遍天  
下曳月揚微風蛛絲小態曲綴瓜果中初筵裏重露

日出甘所終嗟汝未嫁女秉心鬱悁悁防身動如律竭  
力機杼中雖無舅姑事敢昧織作功明明君臣契咫尺  
或未容義無棄禮法恩始夫婦恭小大有佳期戒之在  
至公方圓苟齟齬丈夫多英雄

奉和九日幸臨渭亭登高

應制得月字韋元旦

雲物開千里天行乘九月絲言丹鳳池旆轉蒼龍闕灞  
水歡娛地秦京游俠窟欣承解慍詞聖酒黃花發

前題得日字

鄭南金

重陽玉律應萬乘金輿出風起韻虞絃雲開吐堯日菊  
花浮聖酒茱萸香挂衰質欲知恩煦多順動觀秋實

古詩五言卷十八

五

前題得直字

李咸

重陽乘令序四野開晴色日月數初并乾坤聖登極菊  
黃迎酒泛松翠凌霜直遊海難爲深負山徒倦力

九日登龍山

張九齡

郡庭常窘束涼野求昭曠楚客凜秋時桓公舊臺上清  
明風日好歷落江山望極遠何蕭條中留坐惆悵東彌  
夏首濶西拒荆門壯夷險雖異時古今豈殊狀先賢眇  
一作杏不接故老猶可訪投弔傷昔人揮斤感前匠自爲  
本疎散未始忘幽尚際會非有欲往來是無妄爲邦復  
多幸去國殊遷放且汎籬下菊還聆郢中唱灌園亦何

爲於陵乃逃相

九日登山二首

李白

淵明歸去來不與世相逐爲無杯中物遂偶本州牧因  
招白衣人笑酌黃花菊我來不得意虛過重陽時題興  
何俊發遂結城南期築土按響山俯臨宛水湄胡人叫  
玉笛越女彈霜絲自作英王胄斯樂不可窺赤鯉湧琴  
高白龜道馮一作夷靈仙如彷彿莫醉遙相知古來登  
高人今復幾人在滄洲違宿諾明日猶可待連山似驚  
波合沓出溟海揚袂揮四座酩酊安所知齊歌送清觴  
起舞亂參差賓隨落葉散帽逐秋風吹別後登此臺願  
古詩五言 卷十八 太

言長相思

九日劉十八東堂集

李頎

今日雲景好水綠秋山明攜壺酌流霞攀菊泛寒榮地  
遠松石古風揚絃管清窺觴照歡顏獨笑還自傾落帽  
醉山月空歌懷友生

風俗尚九日此情安可忘菊花辟惡酒湯餠茱萸香雲  
入授衣假風吹閒宇涼主人盡歡意林景晝微茫清切  
晚砧動東西歸鳥行淹留悵爲別日醉秋雲光

五雲谿新庭重陽宴

同徐侍郎作 獨孤及

萬峰蒼翠色雙谿清淺流已符東山趣况值江南秋白

露天地肅黃花門館幽山公惜美景肯爲芳樽留五馬  
照池塘繁絃催獻酬臨風孟嘉帽乘興李膺舟騁望傲  
千古當歌遺四愁豈令永和人獨擅山陰遊

九日寄岑參

杜甫

出門復入門兩脚但如一作仍舊所向泥活活思君令人  
瘦沈吟坐西一作秋軒飲食錯昏晝寸步曲江頭難爲一  
相就吁嗟乎蒼生稼穡不可救安得誅雲師疇能補天  
漏大明韜日月曠野號禽獸君子強逶迤小人困馳驟  
維南有崇山恐與川浸溜是節東籬菊紛披爲誰秀岑  
生多新詩一作性亦嗜醇酎采采黃金花何由滿衣袖  
古詩五言 卷十八 七

宣城九日聞崔四侍御與宇文太守遊敬亭余時  
登響山不同此賞醉後寄崔侍御 李白

九日茱萸熟插鬢傷早白登高望山海滿目悲古昔遠  
訪投沙人因爲逃名客故交竟誰在獨有崔亭伯  
重陽不相知載酒任所適手持一枝一作把菊調笑二千

石日暮岸幘歸傳呼隘一作溢阡陌形穉雙白鹿賓從何  
輝赫夫子在其間遂成雲霄隔良辰與美景兩地方虛  
擲晚從南峰歸蘿月下水壁却登郡樓望松色寒轉碧

咫尺一作望美不可親棄我如遺鳥

早春 桂林嚴應詔

上官儀

步輦出坡香清歌臨太液曉樹流鶯滿春堤芳草積風色翻露文雪華上空碧花蝶來未已山光暖將夕

春日

王績

前旦出園遊林華都未有今朝下堂望一作池水開已久雪避一作南軒梅風催北庭柳遥呼竈前妾却報機中婦年光恰恰來滿甕營春酒

春日行歌

劉希夷

山樹落梅花飛落野人家野人何所有滿甕陽春酒攜酒上一作春臺行歌伴落梅醉罷卧明月乘夢遊天台

和左僕射燕公春日端居述懷

任希古

古詩

卷十八

八

豐野光三傑矯庭贊五臣綈細歌美譽絲竹詠芳塵聖曆開環象昌年降甫申高門非捨築華構豈垂綸鳳邸搏霄翰龍池躍海鱗玉鼎昇黃閣金章謁紫宸應通政本文昌總國均調風振薄俗清教叙彝倫星迴應提管日御警寅賓葉上曾槐變花發小堂春思挂東都冕言訪北山巾赫赫容臺上千祀耀平津

山中春思

獨孤及

額祭川水大人家春日長獨謠畫不暮搔首慚年芳靡草知節換含葩向新陽不嫌三徑深爲我生池塘亭午井甕閒雀聲響空倉花落沒展齒風動羣木香歸路雲

水外天涯杳茫茫獨卷萬里心深入山鳥行芳景勿相迫春愁未遽忘

冀北春望

崔湜

迴首覽燕趙春生兩河間曠然萬里餘際海不見山雨歇青林潤煙空綠野閒問鄉何處所目送白雲還

江南春懷

李白

青春幾何時黃鳥鳴不歇天涯失鄉一作路江外老華髮心飛秦塞雲影滯楚關月身世殊爛熳田園久蕪沒歲晏何所從長歌謝金闕

傷春懷歸

獨孤及

古詩

卷十八

九

誰謂鄉可望望在天地涯但有時命同萬里共歲華昨夜南山雨殷雷拆萌芽源桃不余欺先發秦人家寂寂戶外掩遲遲春日斜源桃默無言秦人獨長嗟不惜中腸苦但言會合賒思歸吾誰訴笑 南枝花

奉和夏日遊山

蔡文恭

首夏林壑清薄暮煙霞上連巖聳百仞絕澗臨千丈照灼晚花鮮潏潏夕流響悠然動睿思息駕尋真賞揆彼澗川作懷茲洛濱想竊吹等齊竿何用承恩獎

苦熱

王維

赤日滿天地火雲成山嶽草木盡焦卷川澤皆竭涸輕

統覺衣重密樹苦陰薄堯簞不可近絺綌再三濯思出  
宇宙外曠然在寥廓長風萬里來江海蕩煩濁却顧身  
爲患始知心未覺忽入甘露門宛然清涼樂

毒熱寄簡崔評事十六弟

杜甫

大火暑一作

運金氣荆揚不知秋林下有場翼水中無行

舟千室但掃地閉門一作

人事休老夫轉不樂旅次兼

百憂蝮蛇暮偃蹇空牀難暗投炎宵惡明燭况乃懷舊

丘開襟仰內弟執熱露白頭束帶負芒刺接居成阻脩

何當清霜飛會子臨江樓載聞大易義諷詠詩家流蘊

藉一作藉異時葦檢身非苟求皇皇使臣體信是德業優

古詩五言

卷十八

十

楚材擇杞梓漢苑歸驕驍短章達我心理爲識者籌

舟中苦熱奉呈楊中丞通簡臺省諸公

魏爲湖外客看此戎馬亂中夜混黎毗脫身亦奔竄平

生方寸心反當一作帳下難嗚呼殺賢良不叱白刃散

吾非丈人一作特沒齒埋水炭耻以風疾一作辭胡然

泊湘岸入舟雖苦熱垢膩可漑灌痛彼道邊人形骸改

昏且中丞連帥職封內權得按身當問罪先縣實諸侯

半士卒旣輯睦啟行促精悍似一作聞上游兵稍逼長

沙館鄰好彼克脩天機自明斷南園卷雲水北拱戴一作

霄漢美名光史臣長策何壯觀驅馳數公子咸願聞

伐叛聲節一作哀有餘夫何激衰悞偏裨表三上鹵莽

同一貫始謀誰其間回首增憤惋宗英李端公守職甚

昭煥變通迫脇地謀畫焉得等王室不肯微凶徒略無

憚此流須卒斬神器資臨幹扣寂謐煩襟皇天照嗟歎

小園納涼卽事

蘇頌

煩暑避蒸鬱居一作

閒習高明長風自遠來層閣有餘

清散麗納涼風蕭條遺世情奈何誇大隱終日繫塵纓

納涼

王維

喬木萬餘株清流貫其中前臨大川口豁達來長風漣

漪涵白沙素鮪如遊空偃臥盤石上翻濤沃微躬漱流

古詩五言

卷十八

十一

復濯足前對釣魚翁食餌凡幾許徒思蓮葉東

七月三日亭午已後較熱退晚加小涼穩睡有詩

因論壯年樂事戲呈元二十一曹長

杜甫

今茲商用事餘熱亦已末衰年旅炎方生意從此活亭

午減汗流北鄰耐人聒晚來一作爽鳥匿筋力蘇摧折

閉目踰十旬大江不止渴退藏恨雨師健步聞旱魃園

蔬抱金玉一作無以供採掇密雲雖聚散但暑終衰歇

前聖宵焚巫武王親救暍陰陽相主客時序遞回幹灑

落唯清秋昏霾一空闊蕭蕭紫塞鴈南向欲行列歛思



紅顏日霜露凍堦闌胡馬挾彫弓鳴弦不虛發長鉞逐一作狡兔突羽當滿月惆悵白頭吟蕭條游俠窟臨軒

望山閣縹緲安可越高人鍊丹砂未念將朽骨少壯跡頗疎歡樂曾倏忽杖藜風塵際老醜難翦拂吾子得神仙本是池中物賤夫美一睡煩促嬰詞筆

度秋

太宗

夏律昨留灰秋箭今移晷巖岫初出洞庭波漸起桂白發幽巖菊黃開灞浹運流方可歎含毫屬微理

立秋後題

杜甫

日月不相饒節序昨夜隔玄蟬無停號秋燕已如客平古詩五言 卷十八 十二

生獨往願惆悵年半百罷官亦由人何事拘形役

山閣晚秋

太宗

山亭秋色滿巖牖涼風度疎蘭尚染烟殘菊猶承露古石衣新苔新巢封古樹歷覽情無極咫尺一作輪光暮

暮秋山行

岑參

疲馬卧長坂夕陽下通津山風吹空林颯颯如有人蒼旻霽涼雨石路無飛塵千念集暮節萬緒悲蕭蕭晨鷓鴣昨夜鳴蕙草色已陳況在遠行客自然多苦辛

秋日 數更信體

太宗

嶺銜宵月桂珠穿曉露叢蟬啼覺樹冷螢人不溫風花

生圓菊蕊荷盡戲魚通晨浦鳴飛鴈夕渚集栖鴻颯颯高天吹氛澄下熾空

秋日書懷

李白

北風吹海鴈南渡落寒聲感此瀟湘客淒其流浪情海懷結滄洲一作遠心霞一作想遊赤城始探蓬壺事一作術旋覺天地輕澹然吟一作思高秋閒卧瞻太清蘿月隱

一作空幕松霜結一作雲散前楹滅見息羣動微窮至精桃花有源水可以保吾生

秋夕旅懷

涼風度秋海吹我鄉思飛連山去無際流水無時歸日古詩五言 卷十八 十三

夕浮雲色心斷明月輝芳草歇柔艷白露催寒衣夢長銀漢落覺罷天星稀含悲想一作歎舊國泣下誰能揮

和李起居秋夜

薛奇童

過庭聞禮日趨侍記言迴獨卧玉牕前卷簾殘雨來高秋南斗轉涼夜北堂開水影入朱戶螢光生綠苔簡成良史筆年是洛陽才莫重白雲意時人許上台

太湖秋夕

王昌齡

水宿烟雨寒洞庭霜落微月明移舟去夜靜魂夢歸暗覺海風度蕭蕭聞鴈飛

淮南秋夜 呈同僚

李疑

天淨河漢高夜聞一作砧杵發清秋忽如此離恨應難  
歇風亂池上萍一作露光竹間月與君共遊處勿作他  
鄉別

秋興

王昌齡

日暮西北堂涼風洗脩木著書在南窓門館常蕭蕭  
草延古意視聽轉幽獨或問余所營刈黍就寒谷

秋懷

閔寬

下帷長日盡虛館早涼生芳草猶未薦如何蜻蛚鳴秋  
風已振衣客土何時歸爲問當途者寧知心有違

江上秋懷

李白

古詩五言

卷十八

十四

餐霞卧舊壑散髮謝遠遊山蟬號枯桑始復知天秋朔  
鴈別海裔越燕辭江樓颯颯風卷沙茫茫霧縈洲黃雲  
結暮色白水揚寒流惻愴心自悲潺湲淚難收蘅蘭方  
蕭瑟長歎令人愁

郢門秋懷

郢門一爲客巴月三成弦朔風正搖落行子愁歸旋杳  
杳山外日茫茫江上天人迷洞庭水鴈度瀟湘煙清曠  
諧宿好緇磷及此年百齡何蕩漾萬化相推遷空謁蒼  
梧帝徒尋溟海僊已聞蓬海淺豈見三桃園倚劍增浩  
歎捫襟還自憐終當遊五湖濯足滄浪泉

越中秋懷

越水繞碧山周迴數千里乃是天鏡中分明畫相似  
四句一作臨海思仲連遊山慕康樂攀雲窮千峰弄水涉萬壑愛此從冥搜永懷林湍  
遊一爲滄波客十見紅蕖秋觀濤壯天險望海令人愁  
路遐迫西照歲晚悲東流何必探禹穴誓將歸蓬丘不  
然五湖上亦可乘扁舟

在郡秋懷二首

張九齡

秋風入前林蕭颺鳴高枝寂寞遊子思寤歎何人知宦  
成名不立志存一作歲已馳五十而無聞古人深所疵  
平生去外飾直道如不羈未得操割効忽復寒暑移物

古詩五言

卷十八

十五

情自古一作然身退毀亦隨悠悠滄海一作渚望望白  
雲涯露下霜且降澤中草離披蘭艾若不分安用馨香  
爲

庭蕪生白露歲候感遐心策蹇慙遠途巢枝思故林小  
人恐致寇終日如臨深魚鳥好自逸池籠安所欽挂冠  
東都門採蕨南山岑議道誠愧昔覽分還愜今憮然憂  
成老空爾白頭吟

冬日遊覽

王維

步出城東門試騁千里目青山橫蒼林赤日團平陸渭  
北走邯鄲關東出函谷秦地萬方會來朝九州牧雞鳴

咸陽中冠蓋相追逐丞相過列侯羣公餞光祿相如方  
一作老病獨歸茂陵宿

冬夜書懷

冬宵寒且永夜漏宮中發草白霜繁霜木衰澄清月麗  
服映頽顏朱燈照華髮漢家方尚少顧影慙朝謁

西閣曝日

杜甫

凜冽倦玄冬負暄嗜飛閣羲和流德澤顓頊愧倚薄毛  
髮具自和肌膚潛沃若太陽信深仁衰氣歛有託歛傾  
煩注眼容易收病脚流離木杪援翩躚山顛鶴明知苦  
聚散哀樂自己作卽事會賦詩人生忽如昨古來遭喪

古詩五言

卷十八

十六

亂賢聖盡蕭索胡爲將暮年憂世心力弱

山中晚興

元季川

河漢降玄霜昨來節物殊愧無神仙姿豈一作有陰陽  
俱靈鳥望不見慨然悲高梧華葉隨風揚珍條雜榛蕪  
爲君寒谷吟歎息知何如

日夕山中忽然有感

李白

久卧名山雲遂爲名山客山深雲更好賞弄終日夕月  
街樓間峰泉漱階下石素心自此得真趣非外惜臆啼  
桂方秋風滅籟歸寂緬思洪崖術欲往滄海隔雲車來  
何遲撫已空歎息

夜坐

張說

懷哉四壁時未有五都價百金誰見許千金難爲貴落  
花生芳春孤月皎清夜復逢利交客題戶遙相謝

詠日

董思恭

滄海十枝暉玄圃重輪慶華發晨楹菱彩翻朝鏡忽  
遇驚風飄自有浮雲映更也人皆仰無待揮戈正

春宵覽月

閔寬

月生東荒外天雲收夕陰愛見澄清景象吾虛白心耳  
目靜無譁神超道性深乘興得至樂寓言因永吟

遼城望月

太宗

古詩五言

卷十八

十七

玄兔月初明澄輝照遼碣映雲光暫隱隔樹花如綴魄  
滿桂枝圓輪虧鏡彩缺臨城却影散帶暈重圍結駐蹕  
俯九都佇一作亭觀妖氛滅

望月有懷

李白

清泉映疎松不知幾千古寒月搖輕波流光入牕戶對  
此空長吟思君意何深無因見安道興盡愁人心

同韓四薛三東亭翫月

高適

遠遊悵不樂茲賞吾道存欸曲故人意辛勤清夜言東  
亭何寥寥佳境無朝昏堦墀近洲渚戶牖當郊一作原  
矧乃窮周旋游一作途時怡討論樹陰蕩瑤瑟月氣延清

樽明河帶飛鴈野火連荒村對此更愁予悠哉懷故園

自金陵汧流過白壁山翫月達天門寄句容王主簿

簿

李白

滄江汧流歸白壁見秋月照白壁皓如山陰雪幽人停宵征賈客忘早發進帆天門山迴首牛渚沒川長信風來日出宿霧歇故人在咫尺新賞成胡越寄君青蘭花惠好底不絕

同從弟南齋翫月憶山陰崔少府 王昌齡

高卧南齋時開帷月初吐清輝淡水木演漾在牕戶萬萬幾盈虛澄澄變今古美人清江畔是夜越吟苦千里

古詩五言

卷十八

十八

其如何微風吹蘭芳一作杜

翫月金陵城西孫楚酒樓達曙歌吹日晚乘醉著紫綺裘烏紗巾與酒客數人棹歌秦淮往石頭訪

崔四侍御

李白

昨翫西城月青天垂玉鉤朝沽金陵酒歌吹孫楚樓忽憶繡衣人乘船往石頭草裏烏紗巾倒被紫綺裘兩岸拍手笑疑是王子猷酒客十數公崩騰醉中流謔浪掉海客喧呼傲陽侯半道逢吳姬卷簾出揶揄我憶君到此不知狂與羞月下一見君三杯便迴橈捨舟共連袂行上南渡橋興發歌淥水秦客爲一作之謳雞鳴復相

招清宴逸雲霄贈我數百字字字凌風颭繫之衣裳上相憶每長謠

月下獨酌 四首

花間一作下又作前一壺酒獨酌無相親舉杯邀明月對影成三人月既不解飲影徒隨我身暫伴月將影行樂須及春我歌月徘徊我舞影凌亂醒時同交歡醉後各分散永結無情遊相期邈雲漢一作碧巖畔

天若不愛酒酒星不在天地若不愛酒地應無酒泉天地既愛酒愛酒不愧天已聞清比聖復道濁如賢賢聖既已飲何必求神仙三杯通大道一斗合自然但得醉

古詩五言

卷十八

十九

酒 一作中趣勿爲醒者傳

三月咸陽城一作詩千花晝如錦一作好鳥吟清風落花散如錦又作園鳥語成

笑如錦誰能春獨愁對此徑須飲窮通與脩短造化風所稟一樽齊死生萬事固難審醉後失天地兀然就孤

枕不知有吾身此樂最爲甚

窮愁千萬一作千端美酒三百一作唯數杯愁多酒雖少酒傾

愁不來所以知酒一作賢聖酒酣心自開醉裏卧首陽一作伯夷

屢空饑顏回當代不樂飲虛名安用哉蟹螯卽金液

糟丘是蓬萊且須飲美酒乘月醉高臺

月下懷

孟浩然

秋空明月懸光彩露濕驚鵲樓未定飛螢卷簾入庭  
窓寒影踈隣杵夜深急佳期曠何許悵望空佇立

客舍月下對酒醉後寄卑四輝 獨孤及

鄉路風雪深生事憂患迫天長波瀾廣高舉無六翮獨  
立寒夜移幽境思彌積霜月照膽淨銀河入簷白沽酒  
聊自勞開樽坐簷隙主人秦絲桐能使高興劇清機暫  
無累獻酢更絡繹慷慨葛天歌惜惜廣陵陌既醉萬事  
遺一作耳熱心亦適視身兀如泥瞪目傲今昔故人問  
城闕音信兩脉脉別時前盟在寸景莫自擲單贈詩云  
御人身飲酒不須疑心與白日關十無一滿百寓形薪  
古詩 五言 卷十八 二十

火內甘作天地客與物無親踈斗酒勝竹帛何必用自  
苦將貽古賢責

月夜江行寄崔員外宗之

李白

飄飄一作江風起蕭蕭海樹秋登艫美酒夜挂席移輕  
舟月隨碧山轉水合青天流杳如星河上但覺雲林幽  
歸路方浩浩但川去悠悠徒悲蕙草歇復聽菱歌愁岸  
曲迷後浦沙明瞰前洲懷君不可見望遠增離憂

詠月

董思恭

北堂未安寢西園聊騁望玉戶照羅幃珠軒明綺障別  
客長安道思婦高樓上所願君莫違一作清風時可訪

江上阻風雨

岑參

江上風欲來泊舟未能發氣昏雨已過突兀山復出積  
浪成高丘盤渦爲嵌窟雲低岸花掩水漲灘草沒老樹  
虺蜥皮崩崖龍退骨平生抱忠信艱險殊可忽

江上遇疾風

張九齡

疾風江上起鼓怒揚煙埃白晝晦如夕洪濤聲若雷投  
林鳥鍛羽入浦魚曝腮瓦飛屋且發帆快檣已摧不知  
天地氣何爲此喧塵

汴河阻風

孟雲卿

清晨自梁宋挂席之楚荆出浦風漸惡傍灘舟欲橫大  
古詩 五言 卷十八 二十一

河噴東注羣動皆宵一作冥白霧魚龍氣黑雲牛馬形  
蒼茫迷所適危懼安暫寧信此天地內孰爲身命輕丈  
夫苟未達所向須存誠前路捨舟去東南仍一作曉晴

新林浦阻風寄友人

李白

潮水定可信天風難與期清晨西北轉薄暮東南吹以  
此難挂席佳期一作徘徊益相思海月破圓景孤蔕生綠池  
昨日北湖梅開一作初開花已一作未滿枝今朝白一作東門柳夾  
道垂青絲歲物忽如此我來定幾時紛紛江上雪草草  
客中悲明發新林浦空吟謝朓詩一作題作金陵阻風雪  
水定可信天風難與期清晨西北轉薄暮東南吹以此  
難挂席沿河頗淹遲使索金陵書又叨賢宰知絃歌止

過客惠化聞京師歲物忽如此我來復幾時紛紛江上雪草草客中悲明發新林浦空吟謝朓詩

望鳴臯山白雲寄洛陽盧主簿

李頎

飲馬伊水中白雲鳴臯上氛氲山絕頂行子時一望照日龍虎姿攢空水雪狀嶠從殊未已峻嶒忽相向皎皎橫綠林霏霏澹青嶂遠映村更失孤高鶴來飭勝氣欣有逢仙遊且難訪故人吏京劇每事多閒放室畫峨嵋峰心搖洞庭浪惜哉清興裏不見予所尚

詠雲

李嶠

大梁白雲起氛氲殊未歇錦文觸石來蓋影凌天發烟煜萬年樹掩映三秋月會入大風歌從龍赴圓闕

古詩五言

卷十八

二十二

雷

杜甫

大旱山嶽焦密雲復無雨南方瘴癘地惟此農事苦封內必舞雩峽中喧擊鼓真龍竟寂寞土梗空俯僂吁嗟公私病稅歛缺不補故老仰面啼瘡痍向誰數暴庭或前聞鞭巫非稽古請先偃甲兵處分聽人主萬邦但各業一物休盡取水旱其數然堯湯免親親上天燦金石羣盜亂豺虎二者存一端愆陽不猶愈昨宵殷其雷風過齊萬弩復吹霾翳散虛覺神靈聚氣喝腸胃融汗滋衣裳汚吾衰猶計拙失望築場圃

喜雨

時聞浙右多盜賊

春旱天地昏日色赤如血農事都已休兵戈一作况騷屑巴人困軍須慟哭厚土熱滄江夜來雨真宰罪一雪穀根小蘇息沴氣終不滅何由見寧歲解我憂思結崢嶸羣山雲交會未斷絕安得鞭雷公滂沱洗吳越

訓裝侍御對雨感時見贈

李白

雨色秋來寒風嚴清江爽孤高繡衣人瀟灑青霞賞平生多感激忠義非外獎禍連積愆生事及徂川往楚邦有壯士鄢郢翻掃蕩申包哭秦庭泣血將安仰鞭屍辱已及堂上羅宿莽頗似今之人蠹賊一作貳陷忠謹渺然一水隔何由稅歸轡日夕聽猿愁懷賢盈夢想

古詩五言

卷十八

二十三

梁州對雨懷趙二秀才便呈趙大判官時疾贈余

新詩

岑參

江上雲氣黑岬山昨夜雷水惡平明飛雨從嶓冢來濛濛隨風過蕭颯鳴庭槐隔簾濕衣巾當暑涼幽齋麴生住相近言語阻且乖卧疾不見人午時門始開終日看本草藥苗滿前墻兄弟早有名甲科皆秀才二人事慈母不弱古老萊昨歎攜手遲未盡平生懷愛君有佳句一日吟幾迴

聞雨

張說

多雨絕塵事寥寥入太玄城陰疎復合簷滴斷還連念

我勞造化從來五十年悞將心徇物近得還自然閒居  
草木侍虛室鬼神憐有時進美酒有時汎清絃聲真不  
世識心醉豈言詮

田園觀雨兼晴後作

孟雲卿

貧賤少情欲借一作荒種南陂我非老農圃安得良土  
宜秋成不廉儉歲餘多餒飢顧視倉廩間有糧不成炊  
晨登南園上暮歇清輝悲早苗既芘芘晚田尚離離五  
行孰堪廢萬物當及時賢哉數夫子開翅慎勿遲

雨過蘇端

杜甫

雞鳴風雨交久旱雨亦好杖藜入春泥無食起我早諸

古詩五言

卷十八

二十四

家憶所歷一針跡便一作掃蘇侯得數過歡喜每傾倒  
也復可憐人呼兒具梨棗濁醪必在眼盡醉攄懷抱紅  
稠屋角花碧委牆隅草親賓絕談詭喧鬧慰衰老况蒙  
需澤垂糧粒或自保妻孥隔軍壘撥棄不擬道

阻雨不得歸灤西甘林

三伏適已過驕陽化爲霖欲歸灤西宅阻此江浦深壞  
舟百板圻峻岬復萬尋篙工初一棄恐泥勞寸心佇立  
東城隅悵望高飛禽草堂亂玄圃不隔崑崙岑昏渾衣  
裳外曠絕同層陰園甘長成時三寸如黃金諸侯舊上  
計厥貢傾千林邦人不足重所迫豪吏侵客居暫封殖

日夜偶瑤琴虛徐五株態側塞煩胸襟焉得輟兩足杖  
藜出嘔嶽條流數翠實偃息歸碧潯拭拂烏皮几喜聞  
樵牧音令兒快搔背脫我頭上簪

苦雨寄房四昆季

高適

獨坐見多雨况茲兼索居茫茫十月交窮陰千里餘彌  
望無端倪北風擊林笳白日眇難覩黃雲爭卷舒安得  
造化功曠然一掃除滴瀝簷宇愁寥寥談笑踈泥塗擁  
城郭水潦盤丘墟惆悵閨田農徘徊傷里閭曾是力井  
稅曷爲一作無斗儲萬事切中懷十年思上書君門嗟  
緬邈身計念居諸沈吟顧草茅鬱快任盈虛黃鵠不可

古詩五言

卷十八

二十五

美鳴雞時起予故人平臺側高館臨通渠兄弟方荀陳  
才華冠應徐彈碁自多暇飲酒更一作何如知人想林  
宗直道慙史魚攜手風流一作在開襟鄙吝祛寧能訪  
窮巷相與對園一作蔬

苦雨奉寄隴西公兼呈王徵士

杜甫

今秋乃淫雨仲月來寒風羣木水光下萬家雲氣中所  
思凝行潦九里信不通悄悄素滌路迢迢天漢東願騰  
六尺馬一作肯若孤征鴻劃見公子面超然歡笑同奮  
飛既胡越局促傷樊籠一飯四五起憑軒心力窮嘉蔬  
沒溷濁時菊碎榛叢鷹隼亦屈猛烏鵲何所蒙式瞻北



鄰居取適南巷翁挂席釣川張焉知清興終

玉真公主別館苦雨贈衛尉張卿

李白

秋愁一作坐金張館繁陰晝不開空煙迷雨色蕭颯望中

來翳翳昏墊苦沈沈憂恨催清秋何以慰白酒盈吾杯  
吟咏思管樂此人已成灰獨酌聊自勉誰貴經綸才彈

劍謝公子無魚良可哀

苦雨思白日浮雲何由卷稷卨和天人陰陽仍驕蹇秋

霖劇倒井昏霧橫絕嘯欲往咫尺塗遂成山川限深澗

奔溜瀉一作浩浩驚波轉泥沙塞中途牛馬不可辨饑

古詩五言

卷十八

二十六

從漂母食閒綴羽陵簡園家逢秋蔬藜藿不滿眼蟪蛄

結思幽蟋蟀傷福淺厨竈無青煙刀机生綠蘚投助解

鷗鷯換酒醉北堂丹徒布衣者慷慨未可量何時黃金

盤一斛薦檳榔功成拂衣去搖裔一作滄洲傍

雨五首

杜甫

峽雲行清曉烟霧相徘徊風吹滄江去一作雨灑石壁

來淒淒生餘寒殷殷兼出雷白谷變氣候朱炎安在哉

高鳥濕不下居人門未開楚宮久已滅幽佩爲誰哀侍

臣書王夢賦有冠古才冥冥翠龍駕多自巫山臺

山雨不作泥江雲薄爲霧晴飛半嶺鶴風亂平沙樹明

滅洲景微隱見巖姿露拘悶出門遊曠絕經目趣消中

日伏枕卧久塵及屨豈無平肩輿莫辨望鄉路兵戈浩

未息蛇虺反相顧悠悠邊月破鬱鬱流年度針灸阻朋

曹糠乾對童孺一命須屈色新知漸成故窮荒益自卑

飄泊欲誰訴庭廡愁應接俄頃恐違迂浮俗何萬端幽

人有高步麗公竟獨往尚子終罕遇宿留洞庭秋天寒

瀟湘素杖策可入舟送此齒髮暮

行雲遞崇高飛雨霽而至潞潞石間溜汨汨松上駛亢

陽乘秋熱百穀皆一作已棄皇天德澤降焦卷有生意

前雨傷卒暴今雨喜容易不可無雷霆間作鼓增氣佳

古詩五言

卷十八

二十七

聲達中宵所望時一致清霜九月天髣髴見滯穗郊扉

及我私我圃日蒼翠恨無抱甕力庶減臨江費

青山淡無姿白露誰能數片片水上雲蕭蕭沙中雨殊

俗狀巢居層臺附一作風渚佳客適萬里沈思情延佇

掛帆遠色外驚浪滿吳楚久陰蛟螭出寇盜復幾許

空山中宵陰微冷先枕席迴風起清曙一作萬象萎已

碧落落出岫雲渾渾倚天石日假何道行雨含長江白

連檣荊州船有士荷矛一作戰南防草鎮慘霑濕赴遠

役羣盜下辟山總戎備強敵水深雲光廓鳴櫓各有適

漁艇息悠悠夷歌負樵客留滯一老翁書時記朝夕

大雨

西蜀冬不雪春農尚嗷嗷上天回哀眷朱夏雲鬱陶執  
熱乃沸鼎纖絛成縕袍風雷颯萬里霈澤施蓬蒿敢辭  
茅葦漏已喜黍豆高三日無行人二江聲怒號流惡邑  
里清矧茲遠江臯荒庭步鶴鶴隱几望波濤沈痾聚藥  
餌頓忘所進勞則知潤物功可以貸不毛陰色靜隴畝  
勸耕自官曹四鄰出耒耜一作耒耜出何必吾家操

泉上雨後作

元季川

風雨蕩煩暑雷息佳霽初衆峰帶雲色秋一作清氣入我  
廬颯颯涼颼來窺臨愜所圖綠蘿長新蔓裏裏垂座隅  
古詩五言卷十八 二十八

流水復一作沒簷下丹砂發清蕖一作渠養葛爲我衣種芋

爲我蔬誰是畹與畦瀾漫連野蕪

酬鴻臚裴主簿雨後睢陽北樓見贈一作王昌齡

高適

暮霞照新晴歸雲猶相逐有懷晨昏暇想見登眺目問  
禮侍彤檐題詩訪茅屋高樓多古今陳事滿陵谷地久  
微子封臺餘孝王築徘徊顧霄漢豁達俯川陸遠水對  
秋一作孤城長天向喬木公門何清淨列戟森已肅不歎  
携手稀恒思着鞭速終當拂羽翰輕舉隨鴻鵠

喜晴

杜甫

皇天久不雨旣雨晴亦佳出郭眺西郊蕭蕭春增華青  
熒陵陂麥窈窕桃李花春夏各有實我饑豈無涯干戈  
雖橫放慘澹關龍蛇甘澤不猶愈且耕今未賒丈夫則  
帶甲婦女終在家力難及黍稷得種菜與麻千載商山  
芝往者東門瓜其人骨已朽此道誰疵瑕英賢遇輒軻  
遠引蟠泥沙顧慙昧所適回首白日斜漢陰有鹿門滄  
海有靈查焉能學衆口咄咄空咨嗟

初晴落景

太宗

晚霞聊自怡初晴彌可喜日晃一作光百花色風動千林  
翠池魚躍不同園鳥聲還異寄言博通者知予物外志  
古詩五言卷十八 二十九

新晴野望

王維

新晴原野曠極目無氛垢郭門臨渡頭村樹連谿口白  
水明田外碧峰出山後農月無閒人傾家事南畝

秦中初霽獻給事

儲光義

渭水收暮雨處處多新澤宮苑花飭山明雲林帶天碧君  
子聳高駕英聲邈今昔鏘珮出中臺影纓入仙掖夙心  
幸清鑒晚志欣良覲鳴盜非足徵願言同下客

重獻給事

南國久爲思西都嘗作賓雲開天地色日照山河春善  
聽在知已揚光唯達人妙年弄柔翰弱冠偶良辰擢第

文昌閣還家滄海濱寸心何所望東掖有賢臣

早霽南樓

張說

山水佳新霽南樓翫初旭夜來枝半紅雨後洲全綠四  
運相終始萬形紛代續適臨青草湖再變一作黃鶯曲

地穴穿東武江流下西蜀歌聞枉渚遭舞見長沙促心  
阻意徒馳一作遠居無陋神和生自足白髮悲上春知常謝先

欲

奉和

趙冬曦

方曙躋南樓凭軒肆遐矚物華蕩暄氣春景媚晴旭川  
霽湘山孤林芳楚郊縵列巖重疊翠遠岸逶迤綠風帆

古詩五言

卷十八

三十

摩天垠魚艇散灣曲鴻歸鶴舞送猿叫鶯聲續羣動皆

熙熙噫予獨羈束常欽才子義忌鵬傷蹙踟躇尚騷人  
文懷沙何迫促未知二賢意去矣從所欲

水閣朝霽奉簡雲安嚴明府

杜甫

東城抱春岑江閣隣石面崔嵬晨雲白朝旭一作射芳

甸雨檻卧花叢風牀展書卷鈎簾宿鷺起九藥流鶯囀  
呼婢取酒壺續兒誦文選晚交嚴明府矧此數相見

山下晚晴

崔曙

寥寥遠天淨谿路何空濛斜光照疎雨秋氣生白虹雲  
盡山色暝蕭條西北風故林歸宿處一葉下梧桐

湖中晚霽

常建

湖廣舟自輕江天欲澄霽是時清楚一作絕望氣色猶霾

墮踟躕金霞白波上日初麗煙虹落鏡中樹木生天際  
杳杳涯欲辨蒙蒙雲復閉言乘星漢明又覩寰瀛勢微

興從此愜悠然不知歲試歌滄浪清遂覺乾坤細豈念  
客衣薄將期永投袂遲迴漁父間一鴈聲嘹唳

尹相公京兆府中棠樹降甘露詩

岑參

相國尹京兆政成人不欺甘露降府庭上天表無私非  
無他人家豈少羣木枝被茲甘露樹美掩召伯詩團團

古詩五言

卷十八

三十一

甜如密晶晶凝若脂千柯玉光碎萬葉珠顆垂崑崙何

時來慶雲相逐飛魏宮銅盤貯漢帝金掌持王澤布人  
和精心動靈祗君臣日同德禎瑞方潛施何術令大臣

感通能及茲忽驚政化理暗與神物期却笑趙張輩徒  
稱今古稀爲君下天酒麴蘖將用時

喜雪

太宗

碧昏朝合霧丹卷暝韜霞結葉繁雲色凝瑤通雪華光

樓皎若粉映幕集疑沙泛柳飛飛絮粧梅片片花照壁

臺圓月飄珠箔穿露瑤潔短長階玉藁高下樹映桐珪

累白繁峰蓮抱素斷續氣將沈徘徊歲云暮懷珍愧隱  
德表瑞佇豐年蒞間飛禁苑鶴處舞伊川儻詠幽蘭曲

同歡黃竹篇

奉和

許敬宗

嶠州表奇貺

一作觀

關竹應還巡何如御京洛流霰下天

津忽若瓊林曙俄同李徑春姑峰映仙質郢路雜歌塵

伏檻觀花瑞稱觴慶冬積飄河共瀉銀委樹還重壁連

山分掩翠綿霄遠韜碧千里徧浮空五朝咸淪跡機前

輝裂素池上伴凌波騰花承玉宇凝照混金娥是日松

筠性欣奉柏梁歌

溫湯對雪

玄宗

北風吹同雲同雲飛白雪白雪乍迴散北風何慘烈未

古詩

五言

卷十八

三十三

見溫泉水寧知火井滅表瑞良在茲庶幾可怡悅

奉和

張說

瑞雪帶寒風寒風入陰瑄陰瑄方凝閉寒風復發斷宮

似瑤林匝庭如月華滿正賡

一作歡

挾續詞非近溫湯

泉暖

淮海對雪贈傳霽

一作孟浩然

淮南對雪贈

李白

朔雪落吳天從風度溟渤海樹成陽春江沙皓明月飄

颿四荒外想像千花發瑤草生階墀玉塵散庭闕

以上無

四刻谿興空在郢路歌未歇寄君梁父吟曲盡心斷絕

一作興從刻谿起思繞梁園發寄君郢中歌曲罷心斷絕

訓坊州王司馬與閻正字對雪見贈

遊子東南來自宛適京國飄然無心雲倏忽復西北訪

戴昔未偶尋嵇此相得愁顏發新歡終宴叙前識閻公

漢庭舊沈鬱富才力價重銅龍樓聲高重門側寧期此

相遇華館陪遊息積雪明遠峰寒城法

一作鏤

蒼生望假我青雲翼風水如見資投竿佐皇極

南歸阻雪

孟浩然

我行滯宛許

一作洛

日夕望京豫曠野莽茫茫鄉山在何

處孤烟村際起歸鴈天邊去積雪覆平臯饑鷹捉寒兔

少年弄文墨屬意在章句十上耻還家徘徊守歸路

古詩

五言

卷十八

三十三

苦雪

四首

高適

二月猶北風天陰雪冥冥寥落一室中悵然慚百齡苦

愁正如此門柳復青青

惠連發清興表安念高卧余故非斯人爲性兼嬾情賴

茲樽中酒終日聊自過

濛濛灑平陸淅瀝至幽居且喜潤羣物焉能悲斗儲故

交久不見鳥雀投吾廬

孰云久閒曠本自保知寡窮巷獨無成春條祗盈把安

能美鵬舉且欲歌牛下乃知古時人亦有如我者

元次山居武昌之樊昌新春大雪以詩問之

一作孟彦

深

杜甫

江山十日雪雪深江霧濃起來望樊山但見羣玉峰林  
鶯却語野獸翻有蹤山中應大寒短褐何以完一作安  
皓氣凝書帳清着釣魚竿懷君欲進謁路滑渡舟難

詠雪

徐彥伯

雪暗窮海雲灑空紛似露朔風吹故里死轉玉階樹孤  
妾調玉瑟早寒生錦衿况君張羅幙愁坐北庭陰

火書

楚俗大旱則焚山擊鼓有合神農

杜甫

楚山經月火大旱則斯舉舊俗燒蛟龍驚惶致雷雨爆  
嵌魑魅泣崩棟嵐陰叩羅落沸百泓根源皆萬古青林

古詩

五言

卷十八

三十四

一灰燼雲氣無處所入夜殊赫然新秋照牛女風吹巨  
焰作河棹騰煙柱勢欲焚崑崙光彌燠洲渚腥至焦長  
蛇聲吼纏猛虎神物已高飛不見石與土爾寧要謗語  
憑此近焚侮薄關長吏憂甚昧至精主遠遷誰撲滅將  
恐反環堵流汗卧江亭更深氣如縷

唐詩所第十八卷

終

唐詩所第十九卷

古詩

前集

太子納妃太平公主出降

高宗

龍樓光曙景唐館啓朝扉艷日濃粧影低星降婺輝玉  
庭浮瑞色銀榜藻祥徽雲轉花繁益霞飄葉綴旂雕軒  
迴翠陌寶駕歸丹殿鳴珠佩繞一作曉衣鏤壁輪開一作初

扇華冠列綺筵蘭醕申芳宴環階鳳樂陳玳席珍羞薦  
蝶舞袖香新歌分落素塵歡凝歡懿戚慶叶慶初烟暑  
闌炎氣息涼早吹疎頻方期六合泰共賞萬年春

奉和

裴守真

瑜珮升青殿穠華降紫微還如桃李發更似鳳凰飛金

古詩

五言

卷十九

一

屋真離象瑤臺起婺綴綵纓紛碧坐續羽泛綸衣雲路  
移彤輦天津轉明鏡仙珠照乘歸寶月重輪映望園嘉  
宴洽主第歡娛盛絲竹揚帝薰簪裾奉宸慶聚雲霄曉  
光湛露晞朝陽天文天景麗膚藻膚詞芳玉庭散秋色  
銀官生夕涼太平超邃古萬壽樂無疆

奉和

胡元範

帝子威儀絕儲妃禮度優疊鼓陪仙觀凝笳翼畫輶鬱  
鬱神香滿奕奕彩雲浮排空列錦屬騰觀溢皇州金闕  
未息火玉樹鍾天愛月路飾還裝星津動歸佩紫極流  
宸渥清規佇慈誨恩波洽九流光輝軼千載列席詔親

賢式宴坐神仙聖文飛聖筆天樂奏鈞天曲池涵瑞景  
文字孕祥煙小臣同百獸率舞悅堯年

奉和

劉禕之

夢梓光青陛穠桃藹紫宮德優宸念遠禮備國姻崇萬  
戶聲明發三條騎吹通香輪送重景綵旆引仙虹

奉和

一作上官儀

郭正一

桂官初服冕蘭掖早升笄禮盛親迎晉聲芬出降齊金  
龜開瑞鈕寶翟上仙梯轉扇承宵月揚旌照夕蜺

奉和

任奉古

帝子陞青陛王姬降紫宸星光移維珮月彩薦重輪龍  
古詩五言 卷十九 二

旌翻地杪鳳管颺天濱槐陰浮淺瀨葆吹翼輕塵

奉和

元萬頃

象輅初乘鴈璇宮早結褵離元應春夕帝子降秋期鳴  
瑜合荐響比玉麗穠姿和聲躋鳳掖交影步鸞墀

景龍四年春祠海

宋之問

肅事祠春溟宵齋洗蒙慮雞鳴見日出鷺下驚一作濤  
驚地澗八荒近天迴百川澍一作注筵端接空曲目外唯

霧霧暖氣物象來周遊晦明互致牲匪玄享禋滌期靈  
煦的波際禽云云島間樹安期今何在方丈蔑尋路

仙事與世隔冥搜徒已屢四明背羣山遺老莫辨處撫

中一作撫良自慨弱齡忝恩遇三入文史林兩拜神仙署  
雖歎出關遠始知臨海趣賞來空自多理勝孰能喻留  
楫竟何待徒倚忽云暮

尚書省受誓誠

勅太廟裴承

儲光羲

皇家有恒憲齋祭崇明祀嚴車伊洛間受誓文昌裏沈  
沈雲閣見稍稍城烏起曙色照衣冠虛庭鳴劒履徘徊  
念私覲悵望臨清汜點翰欲何言相思從此始

晚霽中國喜赦

五月黃梅時陰氣蔽遠邇煙雲連晦朔菰菜生鄰里落  
日晚霞明農夫知雨止幾悲衽席濕長歎垣墻毀矐朗  
古詩五言 卷十九 三

天宇開家族躍以喜渙汗發大號坤元更資始散衣出  
中國小徑尚滑履池光搖萬象倏忽滅復起嘉樹如我  
心欣欣豈云已

次天元十載華陰發兵作

時有郎官點發

鬼方生獫狁時寇盧龍營帝念霍嫖姚詔發咸林兵天  
星下文閣簡師臨我城三陌觀勇夫五餌謀長纓雷野  
大車發震雲靈鼓鳴太華色莽蒼清渭風交橫胡馬悲  
雨雪詩人歌旆旌關氏爲女奴單于作邊氓神皇麒麟  
閣大將不書名

登邯鄲洪波臺置酒觀發兵

李白

我把兩赤羽來遊燕趙間天狼正可射感激無時閒觀  
兵洪波臺倚劒望玉關請纓不繫越且向燕然山風引  
龍虎旗歌鐘昔一作憶追攀擊筑落高月投壺破愁顏遙  
知百戰勝定掃鬼方還

揚旗二年夏六月成都尹鄭公置酒杜甫

江雨颯長夏府中有餘清我公會賓客肅肅有異聲初  
筵闋軍裝羅列照廣庭庭空六馬入駢駢揚旗旌迴迴  
偃飛蓋熠燿迸流星來纏風颭急去壁山嶽傾材歸俯  
身盡妙取畧地平虹蜺就掌握舒卷隨人輕三州陷犬  
戎但見西嶺青公來練猛士欲奪天邊城此堂不易升

古詩五言卷十九 四

庸蜀日已寧吾徒且加餐休適蠻與荆

聞李太尉大舉秦兵百萬出征東南懦夫請纓冀  
申一割之用半道病還留別金陵崔侍御

李白

秦出天下兵蹴踏燕趙傾黃河飲馬竭赤羽連天明太  
尉仗旄鉞雲旗繞彭城三軍授號令千里肅雷霆函谷  
絕飛鳥武關擁連營意在斬巨鼉何論鯢與一作鯨鯨恨  
無左車畧多愧魯連生拂劒照嚴霜雕戈鬣胡纓願雪  
會稽耻將期報恩榮半道謝病還無因一作由東南征亞  
夫未見顧劇孟阻先行天奪壯士心長吁別吳京金陵

遇太守倒屣欣一作逢迎羣公咸祖餞四座羅朝英初  
發臨滄觀醉棲征虜亭舊國見秋月長江流寒聲帝車  
信迴轉河漢復縱橫孤鳳向西北海飛鴻辭北溟因之出  
廖廓揮手謝公卿

在水軍宴贈幕府諸侍御

月化五白龍翻飛凌九天胡沙驚北海電掃洛陽川虜  
箭雨官闕皇輿成播遷英王受廟畧秉鉞靖南邊雲旗  
捲海雪金戟羅江煙聚散百萬人弛張在一賢霜臺降  
羣彥水國奉戎旃繡服開宴語天人借樓船如登黃金  
臺遙謁紫霞仙卷身編蓬下冥機四十年寧知草間人

古詩五言卷十九 五

腰下有龍泉浮雲在一決誓欲清幽燕願與四座公靜

談金匱篇齊心戴朝恩不惜微軀捐所冀旄頭滅功成  
追魯連

九日登巴陵置酒望洞庭水軍時賊逼華容縣

九日天氣清登高無秋雲造化闢川嶽了然楚漢分長  
風鼓橫波合沓壓龍文憶昔傳遊豫樓船壯橫汾今茲  
討鯨鯢旌旆何續紛白羽落酒樽洞庭羅三軍黃花不  
撥手戰鼓遙相聞劒舞轉頽陽當時日停臚酣歌激壯  
士可以摧妖氛握甌東籬下淵明不足羣

西征軍行遇風

崔融



北風卷塵沙左右不相識颯颯吹萬里昏昏同一色馬  
煩莫敢進人息未遑食草木春更悲天景晝相匿風齡  
慕忠義一作勇雅尚存孤直覽史懷浸驕讀詩歎孔棘及  
茲戎旅地忝從書記職兵氣騰北荒軍聲振一作動西極  
坐覺威靈遠行看氛祲息愚臣何以報倚馬申微力

觀范陽遞俘

儲光羲

北河旄星殞鬼方彌林胡羣師舞弓矢電發歸燕墟皇  
皇軒轅君贊贊臯陶謨方思壯軍實遠近遞生俘車馬  
踐大逵合沓成深渠牧人過橐駝校正引駒駘烈風朝  
送寒零雪靄天隅草木同一色誰能辨榮枯四履封元  
古詩五言卷十九 六

戎百金酬勇夫大邦武功爵固與炎皇殊

北庭西郊候封大夫受降回軍

岑參

胡地首着美輪臺征馬肥大夫討匈奴前月西出師甲  
兵未得戰降虜來如歸橐駝何連連穹帳亦疊疊陰山  
烽火滅劔水羽書稀却笑霍嫖姚區區徒爾爲西郊候  
中軍平沙懸落暉驛馬從西來雙節夾路馳喜鵲捧金  
印蛟龍盤畫旗如公未四十富貴能及時直上排青雲  
俯看疾若飛前年斬樓蘭去歲平月支天子日殊寵朝  
廷方見推何幸一書生忽蒙國士知側身佐戎幕歛衽  
事邊陲自逐定遠侯亦着短後衣近來能走馬不弱并

州兒

巡邊河北作

張說

撫劍空餘勇彎弧遂無力老去事如何據鞍長歎息故  
交索將盡後進稀相識獨憐半死心尚有寒松直

回軍跋者

趙徵明

既老又不全始得離邊城一枝假枯木步步向南行去  
時日一百來時月一程常恐道路傍掩棄狐兔塋所願  
死鄉里到日不願生聞此哀怨詞念念不忍聽惜無異  
人術倏忽具爾形

校獵義成喜逢大雪率題九韻以示羣官

古詩五言

卷十九

七

玄宗

弧矢威天下旌旗遊近縣一面施烏羅三驅教人戰暮  
雲成積雪曉色開行殿皓然原隰同不覺林野變北風  
勇士馬東日華組練觸地銀聲出連山縞鹿見月兔落  
高燐星狼下急箭既欣盈尺兆復憶磻谿便歲豐將遇  
賢俱荷皇天眷

奉和

張說

文教資武功郊畋閱邦政不知仁育久徒看禽獸盛夜  
霰氛埃滅朝日山川淨綽伏飛走繁桴絃筋角勁帝射  
叅神道龍馳合人性五紀連一發百中皆先命勇爵均

萬夫雄圖羅七聖星爲吉符老雪作豐年慶喜聽行獵  
詩威神入軍令

同羣公出獵海上

高適

畋獵自古昔况伊心賞俱偶與羣公遊曠然出平蕪層  
陰漲溟海殺氣窮幽都鷹隼何翩翩馳驟相傳呼豺狼  
窟榛莽麋鹿罹艱虞高鳥下驛弓困獸闕匹夫塵驚大  
澤晦火燎深林枯失之有餘恨獲者無全軀咄彼工拙  
間恨非指蹤徒猶懷老氏訓感歎此歡娛

從張丞相遊南紀城獵戲贈裴迪張參軍

孟浩然

古詩五言

卷十九

八

從禽非吾樂不好雲夢田歲暮一作晏登城望偏令鄉思  
懸公卿有幾幾一作數千車騎何翩翩世祿金張一作章  
貴官曹幕府賢順時行殺氣飛刃爭割鮮十里留賓館  
微聲匝妓筵高標迴落日平楚散一作歷芳煙何意狂歌  
容從公亦在旃

秋獵孟諸歸置酒單父東樓觀妓

李白

傾暉速短炬走海無停川冀餐圓丘草欲以還頽年此  
事不可得微生若浮煙駿發跨名駒雕弓控鳴弦鷹豪  
魯草白狐兔多肥鮮邀遮相馳逐遂出城東田一掃四  
野空喧呼鞍馬前歸來獻所獲炮灸宜霜天出舞兩美

人飄飄若雲仙留歡不知疲清曉方來旋

獵後送族弟凝至晏堦單父三十里

雪滿原野白戎裝出盤遊揮鞭布獵騎四顧登高丘  
起馬足間蒼鷹下平囓喧呼相馳逐取樂銷人憂捨此  
戒禽荒微聲列齊謳鳴雞發晏堦別鴈驚淶溝西行有  
東音寄與長河流

扈從迴鑾

應制

蕭華

粵在一作目秦京日議乎封禪難豈知陶唐主道濟蒼生  
安惟彼烈祖事增修寔榮觀聲名朝萬國玉帛禮三壇  
纂聖德重光建元功載刊仍開一作聞舊馳道不記昔迴

古詩五言

卷十九

九

鑾羽衛一作騎搖晴日弓戈生早寒猶思檢玉處却望白  
雲端

侍從途中口號

應制

閻朝隱

疵賤出山東忠貞任土風因敷河朔藻得奉洛陽宮一  
顧侍御史再顧給事中常願粉肌骨持答造化功

扈從還洛呈侍從羣官

李嶠

四海帝王家兩都周一作姬漢室觀風昔來幸御氣今旋  
蹕雷奮六合開天行萬乘出玄冥奉時駕白拒叅戎律  
後隊咽笳簫前驅嚴罕輦輝光射東井禁令橫西秩帳  
殿別陽秋旌門臨甲乙將交洛城雨稍遠長安日邛聲

雲外來咸秦露中失孟冬霜霰下是月農功畢天道向  
歸餘皇情美陰陽行存名嶽禮遞問高年疾祝鳥既開  
羅調人更張瑟登原采謳誦俯谷求才術邑罕懸磬貧  
山無掛瓢逸施恩浹寰宇展義該文質德澤盛軒遊哀  
矜深禹恤申歌地盧駭獻壽衢樽溢瑞色抱氣氤寒光  
變蕭颺宗枝旦稟輔侍從王劉匹並輯蛟龍書同簪鳳  
凰筆陶甄荷吹萬頌歎歸明一歡與道路長顧隨談笑  
密叨承廊廟選一作舉謬齒夔龍弼喜構大厦成慙并棟  
隆吉

早朝

王維

古詩五言

卷十九

十

皎潔明星高蒼茫遠天曙槐霧暗不開城鴉鳴稍去始

聞高閣聲莫辨更衣處銀燭已成行金門儼駟馭

同潘屯田冬日早朝

張文琮

假寐懷古人夙興瞻曉月通晨禁門啓冠蓋趨朝謁霜

靄清九衢霞光照雙闕紛綸文物紀煥爛聲明發腰劍

動陸離鳴玉和清越

訓薛舍人萬年宮晚景寓直懷友

上官儀

奕奕九成臺窈窕絕塵埃蒼蒼萬年樹玲瓏下冥露一作

池色搖晚空巖花歛餘暉清切丹禁靜浩蕩文河注

留連窮勝託風一作

期睽善譴東望安仁省西臨子雲

閣長嘯披煙霞高步尋蘭若金狄掩通門雕鞍歸騎喧  
燕姝對明月荆豔促芳樽別有青山路策杖訪王孫

和同府李祭酒休沐田居

李嶠

列位簪纓序隱居林野躡狗物爽全真棲貞昧均俗若  
人兼吏隱率性夷榮辱地藉朱邱基家在青山足暫弭  
西園葢言事東臯築室俯澗濱開扉面巖曲庭幽引  
夕霧簷迴通晨旭迎秋谷黍黃含露園葵綠勝情狎蘭  
杜雅韻鏘金玉伊我懷丘園願心從所欲

因假歸白閣西草堂

岑參

雷聲傍太白雨在八九峯東望白閣雲半入紫閣松勝

古詩五言

卷十九

十一

槩紛滿目衡門趣彌濃幸有數畝田得延二仲蹤早聞

達士語偶與心相通悞徇一微官還山愧塵容釣竿不

復把野碓無人春惆悵飛鳥盡南溪聞夜鐘

休假還舊業便使

王維

謝病始告歸依依入桑梓家人皆佇立相候衡門裏時

輩皆長年成人舊童子上堂嘉慶畢顧與姻親齒論舊

忽餘悲目存且相喜田園轉蕪沒但有寒泉水衰柳日

蕭條秋光清邑里入門乍如客休騎非便止中飯顧王

程離憂從此始

奉使築朔方六州城率爾而作

李嶠

奉詔受邊服總徒築朔方驅彼犬羊族正此戎夏疆子  
來多悅豫王事寧息遑三旬無愆期百雉鬱相望雄視  
沙漠垂有截北海陽三廷已頌賴五嶺盡來王驅車登  
崇墉顧盼凌大荒千里何蕭條草木自悲涼憑賦訊古  
今慨焉感興亡漢障緣河遠秦城入海長顧無廟堂策  
貽此中夏殃道隱前業衰運開今化昌制爲百王式舉  
合千載防馬牛被路隅鋒鏑銷戰場豈不懷賢勞所圖  
在永康王事何爲者稱代陳頌章

奉使益州至長安發鍾陽驛

盧昭隣

古詩

卷十九

十二

麤芳一作曉樹滋滉漭春江漲平川看釣侶狹徑聞樵唱  
魚一作蝶戲綠苔前鶯歌白雲上耳目多異賞風煙有奇  
狀峻阻埒長城高樓吞巨舫聯翩事羈勒辛苦勞疲恙  
夕濟幾潺湲晨登每惆悵誰念復芻狗山河獨偏喪

奉使嵩山途經緱嶺

宋之問

侵星發洛城中歌吹聲畢景至緱嶺嶺上煙霞生草  
樹饒野意山川多古情大隱德所薄歸來可退耕

自蜀奉冊命往朔方途中作

呈韋左相文部房尚書門下崔侍御

賈至

胡羯亂中夏鑾輿忽南巡衣冠陷戎寇狼狽隨風塵幽

公秉大節臨難不顧身激昂白刃前濺血下沾巾尚書  
抱忠義歷險披荆棘扈從出劍門登翼岷江濱時望挹  
侍郎公才標縉紳亭亭崑山玉皎皎無緇磷顧惟乏經  
濟扞牧陪從臣永願雪會稽仗一作劍清威秦太皇時

內禪神器付嗣君新命集舊邦至德被遠人捧冊自南  
服奉詔超北軍觀謁心載馳違離難重陳策馬出蜀山  
畏途上緣雲飲啄叢箐間棲息虎豹羣崎嶇凌危棧喘  
悚一作慄驚心神峭壁上嶽岑大江下沄沄皇風扇八極

異類懷深仁元兇誘黠虜肘腋生妖氛明主信英武威  
聲赫殊一作四隣誓師自朔方旗幟何繽紛鐵騎照白日

古詩

卷十九

十三

旄頭拂秋旻將來一作候邊滄溟寧止蹴崑崙古來有屯  
難否泰嘗相因夏康續禹績代祖復漢勲于役各勤王  
驅馳拱紫宸豈惟太公望往昔逢周文誰謂三傑才功  
業獨殊倫感此慰行邁無爲歌苦辛

使交河郡

郡在大山脚其地苦熱無雪歲封大夫岑參

奉使按胡俗平明發輪臺暮投交河城火山赤崔嵬九  
月尚流汗炎風吹沙埃何事陰陽工不遣雨雪來吾君  
方憂邊分閭資大才昨者新破胡安西兵馬回鐵關控  
天崖一作涯萬里何遼哉煙塵不敢飛白草空皚皚軍中  
日無事醉舞傾金疊漢代李將軍微功今一作合可吟

夏日奉使南海道中作

張九齡

緬然萬里路，赫曦三伏時。飛走逃深林，流爍恐生疵。行  
李豈無苦，而我方自怡。肅事誠在公，拜慶遂及私。展力  
慚淺效，銜恩感深慈。且欲湯火蹈，況無鬼神欺。朝發高  
山阿，夕濟長江湄。秋瘴寧我毒，夏水胡不夷。信知道存  
者，但問心之所。呂梁有出入，乃覺非虛詞。

使過彈箏峽

儲光羲

鳥雀知天雪，羣飛復羣鳴。原田無遺粟，日暮滿空城。達  
士憂世務，鄙夫念王程。晨過彈箏峽，馬足凌兢行。雙壁  
隱靈曜，莫能知晦明。皚皚堅冰白，漫漫陰雲平。始信古

古詩五言

卷十九

十四

人言苦節不可貞

奉使登終南山

王灣

常愛南山遊，因而盡原隰。數朝至林嶺，百仞登嵬岵。石

壯一作壯

馬徑一作經

窮苔色步緣入物奇春狀一作改氣

遠天香集虛洞策杖鳴低雲拂衣濕倚巖見廬舍入戶

欣拜揖問性矜勤勞示心教澄習玉英時共飲芝草爲  
余拾境絕人不行潭深鳥空立一乘從此受九轉兼是

給辭處若輕飛越來無吐吸間

一作開

襟超已勝迴路倏

而及煙色松上深水流山下急漸平逢車騎向晚眺

一作

城邑峰在野趣繁塵飄宦情緝

一作

辛苦久爲吏勞

生一作榮

何妄執日暮懷此山悠然賦斯新一作什

再使蜀道

張說

眇眇葭萌道，蒼蒼褒斜谷。煙壑爭晦深，雲山共重複。古  
來風塵子，同眩望鄉目。芸閣有儒生，輶車倦馳逐。青春  
客岷嶺，白露搖江服。歲月鎮羈孤，一作山川長，一作返  
覆魚游戀深水，鳥遷戀喬木。如何別親愛，坐去文章國。  
蟋蟀鳴戶庭，嘯蛸網琴筑。

使還都湘東作

張九齡

倉庚昨歸候，陽鳥今去時。感物速如此，勞生安可思。養  
真無上格，圖進豈前期。甘一作清，節往來苦壯容離別衰

古詩五言

卷十九

十五

盛明非不遇，弱操自云私。孤撤清川渚，征衣寒露滋。風  
朝津樹落日夕，嶺猿悲牽役而無悔。坐愁祇自怡，當須  
報恩已終爾。謝塵緇。

巡按自灘水南行

理棹雖云遠，飲水寧有惜。況乃佳山川，怡然傲潭石。奇  
峯岌前轉，茂樹隈中積。猿鳥聲自呼，風泉氣相激。目因  
詭容逆心與，清暉滌紛吾。謬執簡行郡，將移檄卽事聊。  
獨歡素懷豈兼適，悠悠詠靡鹽。庶以窮日夕。

結定襄郡獄

崔顥

我在河東時，使往定襄里。定襄諸小兒，爭訟紛城市。長

老莫敢言太守不能理謗書盈几案文墨相填委牽引  
肆中翁追呼田家子我來折此獄五一作聽辨疑似小  
大必以情未嘗施鞭箠是時三月暮遍野農桑起里巷  
鳴春鳩田園引流水此鄉多雜俗戎夏殊音肯顧問邊  
塞人勞情曷云已

安輯嶺表事平罷歸

李嶠

雲端想京縣帝鄉如可見天涯望越臺海路幾悠哉六  
月飛鵬去三年瑞雉來境遙銅柱出山險石門開自我  
違瀝洛瞻途屢揮霍朝朝寒露多夜夜征衣薄白簡承  
朝憲朱方撫夷落既弘天覆廣且諭皇恩博皇恩溢外  
古詩五言 卷十九 十六

區殊一作俗詠來蘇聲朔臣天子壇場拜老夫絳官韜  
將畧黃石寢兵符返旆收龍虎空營集鳥鳥日落澄氛  
靄憑高視衿帶東甌抗於越南斗臨吳會春色遶邊陲  
飛花出荒外卉服紛如積長川思遊客風生丹桂晚雲  
起蒼梧夕去軸艤清江歸軒趨紫陌衣裳會百蠻琛賁  
委重關不學金刀使空持寶劍還

臺中書懷

蔣列

持憲當休明飭躬免顛沛直繩備豪右正色清冠蓋寄  
切才恨薄職雄班匪大坐居三獨中立在百僚外簡牘  
時休暇依然秋興多披書唯骨鯁循跡少閒和庭樹凌

霜柏池傾萎露荷歲寒應可見感此遂成歌

途中言懷

景龍三年余自門下平章事判懷江州員外司馬尋拜襄州刺史春日赴襄

陽作

崔湜

余本燕趙人秉心愚且直羣籍備所見孤貞每自飭狗  
祿期代耕受任亦量力幸逢休明時朝野兩薦推一朝  
趨金門十載奉瑤墀入掌遷固筆出參枚馬詞吏部既  
三踐中書亦五基進無負鼎說退慙補衮詩常恐嬰悔  
吝不得少酬私嗷嗷路傍子納謗紛無已上動明主疑  
下貽大臣耻毫髮顧無累水壺邈自恃天道何期平幽  
寃終見明始佐廬陵郡尋牧襄陽城彤幃荷新寵朱轂  
顧去去勿重陳川長日云暮

古詩五言

卷十九

十七

為郡丞官二十年盡在內職及為郡

張九齡

江流去朝宗晝夜茲不舍仲尼在川上子牟存闕下聖  
達有由然孰是無心者一郡苟能化百城豈云寡愛禮  
誰為羊戀主吾猶馬威初時不載思奮翼無假閒宇嘗  
自閑沈心何用寫攬衣步前庭登陴臨曠野白水生迢  
遞清風寄瀟灑願言采芳澤終朝不盈把  
出為豫章郡途次廬山東巖下

茲山鎮何所乃在澄湖陰下有蛟螭伏上與虹蜺尋靈  
仙未始曠窟宅何其深雙闕出雲峙三宮入煙沈攀崖  
猶昔境種杏非舊林想像終古跡惆悵一作悵獨往心紛  
吾嬰世網數載忝朝簪孤根自靡託量力况不任多謝  
周身防常恐橫議侵豈匪鵠鴻列惕如泉壑臨迨茲刺  
江郡來此滌塵襟有趣逢樵客忘懷狎野禽樓聞義未  
果用拙歡在今願言答休命歸事丘中琴

巡屬縣作

春令夙所奉駕言遵此行途中却郡掾林下招村氓至  
邑無紛劇來人但歡迎豈伊念邦政爾實在時清短才  
古詩五言 卷十九 十八  
濫符竹弱歲起柴荆再入江村道永懷山數情矧逢陽  
節獻默聽時禽鳴迹與素心別感從幽思盈流芳日不  
待夙志蹇無成知命且何欲所圖唯退耕華簪極身泰  
衰鬢慙木榮苟得不可遂吾其謝世嬰

初去郡齋書懷

薛據

肅徒辭汝潁懷古獨悽然尚想文王化猶思巢父賢時  
移多讒巧大道竟誰傳况是一作疾風起悠悠旌旆懸  
征鳥一作無返翼歸流不停川已經霜雪下乃一作驗  
松柏堅回首望城邑迢迢間雲煙志士不傷物小人皆  
自妍感時惟責已在道非怨天從此適樂土東歸知一作

得  
幾年

衙郡守還

岑參

世事何反覆一身難可料頭白翻折腰還家私自笑所  
嗟無產業妻子嫌不調五斗米留人東谿憶垂釣

古詩五言

卷十九

十九

唐詩所第十九卷 終



唐詩所第二十卷 古詩

前集

春情 和杜麟臺

沈佺期

嘉樹滿中園氛氲羅秀色不見仙山雲倚琴空太息沈  
思若在夢緘怨似無憶青春坐南移白日忽西匿蛾眉  
返清鏡閨中不相識

代閨人春日

劉希夷

珠簾的曉光玉顏艷春彩林間鳥鳴喚戶外花相待花  
鳥惜芳菲鳥鳴花亂飛人今伴花鳥日暮不能歸池月  
憐歌扇山雲愛舞衣佳期楊柳陌携手莫相違

初日

王昌齡

古詩 五言

卷二十

初日淨金閨先照牀前暖斜光入羅幕稍稍親絲管雲  
髮不能梳楊花更吹滿

代秋情

李白

幾日相別離門前生穠葵寒蟬聒梧桐日夕長鳴悲白  
露濕螢火清霜凌兔絲空掩紫

一作羅袂長啼無盡時

閨情

流水去絕國浮雲辭故關水或戀前浦雲猶歸舊山恨  
君流 一作沙去棄妾漁陽間玉筍日夜流雙雙落朱顏  
黃鳥坐相悲綠楊誰更攀織錦心草草挑燈淚斑斑窺  
鏡不自識况乃狂夫還

代別情人

清水本不動桃花發岸傍桃花弄水色波蕩搖春光我  
悅子容豔子傾我文章風吹綠琴去曲度紫鴛鴦昔作  
一水魚今成兩枝鳥哀哀長鷄鳴夜夜達五 一作曉起  
折相思樹歸贈知寸心覆水不可收行雲難重尋天涯  
有度鳥莫絕瑤華音

代贈遠

妾本洛陽人狂夫幽燕客渴飲易水波由來多感激胡  
馬西北馳香駿搖綠絲鳴鞭從此去逐虜蕩邊陲昔去  
有好言不言久離別燕支多美女走馬輕風雪見此不

古詩 五言

卷二十

二

記人恩情雲雨絕啼流玉筍盡坐恨金閨切織錦作短  
書腸隨迴文結相思欲有寄恐君不見察焚之揚其灰  
手跡自此滅

寄遠 八百

三鳥別王母銜書來見 一作過腸斷若剪絃其如愁思  
何遙知玉牕裡纖手弄雲和奏曲有深意青松交女蘿  
寫水落井中同泉豈殊波秦心與楚恨皎皎爲誰多  
青樓何所在乃在碧雲中寶鏡挂秋水 一作羅衣輕春  
風新妝坐落日悵望金 一作屏空念此 一作送短書願  
因雙飛鴻

本作一行書殷勤道相憶一行復一行滿紙情何極瑤

臺有黃鶴爲報青樓人朱顏凋落盡白髮一何新自知

未應還一作離居經三春桃李今若爲當認發光彩莫

使香風飄留取與紅芳待

玉筍落青一作春鏡坐愁湖陽水聞一作與陰麗華風煙

接鄰里青春已復過白日忽相催但恐飛一作花晚令

人意已摧相思不惜夢日夜向陽臺

遠憶巫山陽花明淥江暖躊躇未得往淚向南雲滿春

風復無情吹我夢冤斷不見眼中人天長音信短

陽臺隔楚水春草生黃河一作陰雲隔楚水轉蓬落渭河相思無日夜

古詩五言卷二十

浩蕩若流波流波向海去定遠珠江濱一作欲見遙將

一點淚遠寄如花人

妾在春陵東君居漢江島一旦望花光往來成白道一作

上山成白道一爲雲雨別此地生秋草秋草秋蛾飛相

思愁落暉何由一相見滅燭解羅衣落暉下一作昔時

歸遙知不得意玉筍點羅衣

長短春草綠綠階如有情卷菰心獨苦抽却死還生親

物知妾意希君種後庭閒時當采掇念此莫相輕

曾綰如玉霜一作筆題月氏書寄書白鸚鵡西海慰離

居行數雖不多字字有委曲天末如見之開緘淚相續

千里若眼萬里若在心一作淚盡恨轉相思千萬里

一書直百一作金

羽林騎閨人

王維

秋月臨高城城中管絃思離人堂上愁稚子堦前戲出

門復映戶望望青絲騎行人過欲盡狂夫終不至左右

寂無言相看共垂淚

佳人

杜甫

絕代有佳人幽居在空谷自云良家子零落依草木關

中昔喪敗一作亂兄弟遭殺戮官高何足論不得收骨肉

世情惡衰歇萬事隨轉燭夫婿輕薄兒新人美一作如

古詩五言卷二十

四

玉合昏尚知時鴛鴦不獨宿但見新人笑那聞舊人哭

在山泉水清出山泉水濁侍婢賣珠回牽蘿補茅屋摘

花不插髮采栢動盈掬天寒翠袖薄日暮倚脩竹

邯鄲南亭觀妓

李白

歌鼓一作燕趙兒魏姝弄鳴絲粉色豔月一作彩舞

袖一作拂花枝把酒顧美人請歌邯鄲詞清筆何繚繞

度曲綠雲垂平原君安在科斗生古池座客三千人于

今知有誰我輩不作樂但爲後代悲

聽楊氏歌

杜甫

佳人絕代歌獨立發皓齒滿堂慘不樂響下青虛裏江

城帶素月况乃清夜起老夫悲暮年壯士淚如水玉杯  
久寂寞金管迷宮徵勿云聽者疲愚智心盡死古來傑  
出土豈待一知已吾聞昔秦青傾側天下耳

秋浦清谿雪夜對酒客有唱山鷓鴣者

李白

披我貂襜褕對君白玉壺雪花酒上滅頓覺夜寒無客  
有桂陽至能吟山鷓鴣清風動認竹越鳥起相呼持此  
足爲樂何煩笙與竽

夏彈琴一作劉希夷

劉希夷

碧山本岑寂素琴何清幽彈爲風入松崖谷颯已秋庭  
古詩五言卷二十

五

鶴舞白雪泉魚躍洪流子欲娛世人明月難暗投感歎  
未終曲淚下不可收嗚呼鍾子期零落歸荒丘歿而若  
有知冤兮從我遊

江上琴興

常建

江上調玉琴一絃清一心泠泠七絃通萬木澄幽陰一作  
能使江月白又令江水深始知枯桐枝可以徽黃金

聽鄭五惜彈琴

孟浩然

阮籍推名飲清風滿竹林半酣下衫袖拂拭龍唇琴一  
杯彈一曲不覺夕陽沈一作意在山水聞之諧夙心

張山人彈琴

常建

君去芳草綠西峯彈一作玉琴豈惟丘中賞兼得清煩

襟朝從山口還出嶺聞清一作音了然雲霞氣一作照

見天地心玄鶴下澄空翩翩舞松林改絃扣一作商聲

又聽飛龍吟稍覺此身妄漸知仙事深其將鍊金鼎永

以一作投吾簪

月夜聽盧子順彈琴

李白

閒坐夜明月幽人彈素琴忽聞悲風調宛若寒松吟白  
雪亂纖手淥水清虛心鍾期久已沒世上無知音

秋夕聽羅山人彈三峽流泉

岑參

皤皤岷山老抱琴鬢蒼然衫袖拂玉徽爲彈三峽泉此  
古詩五言卷二十

六

曲彈未半高堂如空山石林何颼颼忽在牕戶間繞指  
弄鳴咽青絲激潺湲演漾怨楚雲虛徐韻秋煙疑兼陽  
臺雨似雜巫山猿幽引鬼神聽淨今耳目便楚客腸欲

斷湘妃淚斑斑誰裁青桐枝絙以朱絲絃能含古人曲

遽與今人傳知音難再逢惜君方老年曲終月已落惆

悵東齋眠

贈裴九侍御昌江草堂彈琴

賈至

朔風吹疎林積雪在崖巘鳴琴草堂響小澗清且淺沈  
吟東山意欲去芳歲晚悵望黃綺心白雲若在看

聽彈風入松闕贈楊補闕

王昌齡

商風入我絃夜竹深有露絃悲與林寂清景不可度寥  
落幽居心颺颺青松樹松風吹草白谿水寒日暮聲意  
去復還九變一作待一顧空山多雨雪獨立君始悟

詠琴

楊希道

久擅龍門質孤竦嶧陽名齊娥初發弄趙女正調聲嘉  
客勿遽反繁弦曲未成

前題

王昌齡

孤桐秘虛鳴朴素傳幽真髣髴絃指外遂見初古人意  
遠風雪苦時來江山春高宴未終曲誰能辨經綸

高樓夜彈箏

常建

古詩五言

卷二十

七

高樓百餘尺直上江水平明月照人苦聞簾彈玉箏山  
高樓欲急天靜鴻鴈鳴曲度猶未終東峯霞半生

詠笙

楊希道

短長插鳳翼洪細摹鸞音能令楚妃歎復使荆王吟切  
切孤竹管來應雲和琴

江上聞笛

王昌齡

橫笛怨江月扁舟何處尋聲長楚山外曲遶胡關深相  
去萬餘里遙傳此夜心寥寥浦淑寒響盡惟幽林不知  
誰家子復奏邯鄲音水客皆擁棹空霜遂盈襟羸馬望  
北走遷人悲越吟何當邊草白旌節隴城陰

金陵聽韓侍御吹笛

李白

韓公吹玉笛惆悵流英音風吹繞鍾山萬壑皆龍吟王  
子停鳳管師襄掩瑤琴餘韻度江去天涯安可尋

題張老松樹

宋之問

歲晚東巖下周顧何悽惻日落西山陰衆草起寒色中  
有喬松樹使我長嘆息百尺無寸枝一生自孤直

山行見孤松成詠

張宣明

孤松鬱山椒肅爽凌清霄既挺千丈幹亦生百尺條青  
青恒一色落落非一朝大厦今已構惜哉無人招寒霜  
十二月枝葉獨不凋

古詩五言

卷二十

八

南軒松

李白

南軒有孤松柯葉自緜幕清風無間時瀟灑終日夕陰  
生古苔綠色染秋煙碧何當凌雲霄直上數千尺

四松

杜甫

四松初移時大抵三尺強別來忽三歲離立如人長會  
看根不拔莫計枝凋傷幽色幸秀發疎柯亦昂藏所插  
小藩籬本亦有隄防終然根撥損得愧千葉黃敢爲故  
林主黎庶猶未康避賊今始歸春草滿空堂覽物歎衰  
謝及茲慰淒涼清風爲我起灑面一作若微霜足以送  
老姿聊待偃蓋張我生無根蒂配爾亦茫茫有情且賦

詩事迹可兩忘勿矜千載後慘澹蟠穹蒼

病栢

有栢生崇岡童童狀車蓋偃蹇一作龍虎姿主當風雲

會神明依正直故老多再拜豈知千年根中路顏色壞

出非不得地盤據亦高大歲寒忽無憑日夜柯葉改丹

鳳領九雛哀鳴翔其外鴟鴞志意滿養子穿穴內客從

何鄉來竚立久吁嗟靜求元精理浩蕩難倚賴

枯栢

榿栢枯崢嶸鄉黨皆莫記不知幾百歲慘慘無生意上

枝摩蒼一作皇天下根蟠厚地巨圍雷霆圻萬孔蟲蟻萃

古詩五言

卷二十

九

凍雨落流膠衝風牽佳氣白鴿遂不來天雞爲愁思猶

含棟梁具無復霄漢志良工古昔少識者出涕淚種榆

水中央成長何容易截承金露盤裊裊不自畏

枯櫟

蜀門多櫟櫟高者十八九其皮剝剝甚雖衆亦易朽徒

布如雲葉青青歲寒後交橫集斧斤周喪先蒲柳傷時

苦軍乏一物官盡取嗟爾江漢人生成復何有有同枯

櫟木使我沈歎久死者即已休生者何自守啾啾黃雀

啁側見寒蓬走念爾形影乾摧殘沒藜莠

桐竹贈張燕公

李伯魚

北竹青桐北南桐綠竹南竹林君早愛桐樹我初貪鳳

栖桐不媿鳳食竹何慙棲食更如此餘非鳳所堪

答李伯魚

張說

結廬桐竹下室邇人相深接垣分竹徑隔戶共桐陰落

花朝滿岸明月夜披林竹有龍鳴管桐留鳳舞琴奇聲

與高節非君誰賞心

段有廳孤桐

王昌齡

鳳凰所宿處月映孤桐寒槁葉零落盡空柯蒼翠殘虛

心誰能見直影非無端響發調尚苦清商勞一彈

詠郡齋海榴

宋之問

古詩五言

卷二十

十

澤國韶氣早開簾延霽天野禽宵未嘯山蜚畫仍眠目

茲海榴發列映巖楹前熠燿禦風靜威蕤含景鮮清晨

綠堪佩亭午丹欲燃昔忝金閨籍嘗見玉池蓮未若宗

族地更逢榮耀全南金雖自貴賀賞詎能遷撫躬萬里

絕豈染一朝妍徒緣滯遐郡常是惜流年越俗鄙章甫

捫心空自憐

詠鄰女東窓海石榴

李白

魯女東窓下海榴世所希珊瑚映綠水未足比光輝清

香隨風發落日好鳥歸願爲東南枝低舉拂羅衣無由

共攀折引領望金扉

訓陸處士杆山折青桂花見寄

顏真卿

群子遊杼山山寒桂花白綠萼含素萼採折自逋客忽  
枉巖中詩芳香潤金石全高南越靈豈謝東堂策會慳  
名山期從君恣幽覲

病橘

杜甫

羣橘少生意雖多亦奚爲惜哉結實小酸澀如棠梨剖  
之盡蠹蟲采掇爽所宜紛然不適口豈止存其皮蕭蕭  
半死葉未忍別故枝玄冬霜雪積况乃迴風吹嘗聞蓬  
萊殿羅列瀟湘姿此物歲不稔玉食失光輝冠盜尚憑  
陵當君減膳時汝病是天意吾愁一作罪有司憶昔南

古詩五言

卷二十

十一

海使奔騰獻荔枝百馬死山谷到今耆舊悲

詠槿

二首

李白

園花笑芳年池草豔春色猶不如槿花嬋娟玉堦側芬  
榮何天促零落在瞬息豈若瓊樹枝終歲長翕絕  
世人種桃李皆在金張門攀折爭捷徑及此春風暄一  
朝天霜下榮耀難久存安知南山桂綠葉垂芳根清陰  
亦可託何惜樹君園

題合歡

李頎

開花復卷葉豔眼又驚心蝶遶西枝露風披東幹陰黃  
衫漂細藥時拂女郎砧

丁香

杜甫

丁香體柔弱亂結枝猶墊細葉帶浮毛疎花披素艷深  
栽小齊後庶近幽人占一作晚隨墮蘭麝中休懷粉身念

麗春

百草競春華麗春應最勝少須顏色好多謾枝條剩紛  
紛桃李枝處處總能移如何此貴重却怕有人知

詠石竹

王績

萋萋結綠枝曄曄垂朱英常恐零露降不得全其生歎  
息聊自思此生豈我情昔我未生時誰者令我萌棄置  
勿重陳委化何足驚

古詩五言

卷二十

十二

石上藤

岑參

石上生孤藤弱蔓依石長不逢高枝引未得凌空上何  
處堪託身爲君長萬丈

魯東門觀刈蒲

李白

魯國寒事早初霜刈渚蒲揮鎌若轉月拂水生連珠此  
草最可珍何必貴龍鬚織作玉牀席欣承清夜娛羅衣  
能再拂不畏素塵蕪

冬日見牧牛人擔青草歸

張說

塞上綿應折江南草可結欲持梅嶺花遠競榆關雪日  
月無他照山川何頓別苟齊兩地心天問將安一作說

早梅

孟浩然

園中有早梅年例犯寒開少婦會一作攀折將歸插鏡臺猶言看不足更欲剪刀裁

黃鶴

沈佺期

黃鶴佐丹鳳不能羣白鵬拂雲遊四海弄影到三山遙憶君軒上來下天池間明珠世不重知有報恩環

詠羣鴈南飛寄二弟

時寄邑南海

張九齡

鴻鴈自北來嗷嗷度煙景嘗懷稻梁惠豈憚江山永小大每相從羽毛當自整雙鳬侶晨泛獨鶴叅宵警爲我更南飛因書至梅嶺

古詩五言

卷二十

十三

山行見鵲巢

蔣冽

鵲巢性本高更在西山木朝下清泉戲夜近明月宿非直避網羅兼能免傾覆豈憂五陵子挾彈來相逐

白田馬上聞鶯

李白

黃鸝啄紫椹五月鳴桑枝我行不記日誤作陽春時蠶老客未歸白田已搔絲驅馬又前去捫心空自悲

秋浦感主人歸燕寄內

霜朽一作凋

楚關木始知殺氣嚴寥寥金天廓婉婉綠紅

潛胡燕別主人雙雙語前簷三飛四迴顧欲去復相瞻豈不戀華屋終然謝珠簾我不及此鳥遠行歲已淹寄

書道中歎淚下不能緘

杜鵑

杜甫

西川有杜鵑東川無杜鵑涪萬一作南無杜鵑雲安有杜鵑我昔遊錦城結廬錦水邊有竹一項餘喬木上參天

杜鵑暮春至哀哀叫其間我見常再拜重是古帝覓生子百鳥巢百鳥不敢噴仍爲餒其子禮若奉至尊鴻鴈

及羔羊有禮太古前行飛與跪乳識序又知恩聖賢古一作法則付與之後世傳君看禽鳥情猶解事杜鵑

今忽暮春間值我病經年身病不能拜淚下如迸泉

贈胡公求白鵬

黃山胡公有雙白鵬以名呼之皆就掌取食此鳥耿介難畜余平生

古詩五言

卷二十

十四

請以雙白壁買君雙白鵬

白鵬如白綿白雪耻客顏照影玉潭裏刷毛琪樹間夜棲寒月靜朝步落花閒我願得此鳥玩之坐碧山胡公能輟贈籠寄野人還

李白

請以雙白壁買君雙白鵬如白綿白雪耻客顏照影玉潭裏刷毛琪樹間夜棲寒月靜朝步落花閒我願得此鳥玩之坐碧山胡公能輟贈籠寄野人還

精衛

岑參

負劍出北門乘桴適東溟一鳥海上飛云是帝女靈玉顏溺水死精衛空爲名怨積徒有志力微竟不成西山

木石盡巨壑何時平

峨眉東脚臨江聽猿懷二室舊廬

峨眉煙翠新昨夜秋雨洗分明峯頭樹倒插秋江底久



別二室間圖他五斗米哀猿不可聽北客欲流涕

南池宴餞辛子賦得斗子

臨池見蜉蝣斗羨爾樂有餘不憂網與釣幸得免爲魚且願充文字登君尺素書

賦得落日山照曜

張謂

裴徊空山下晚晚殘陽落圓影過峯巒半規入林薄餘光微羣岫亂彩分重壑石鏡共澄明巖光同照灼棲禽去杳杳夕煙生漠漠此境一作景誰復知獨懷謝康樂

賦得執契靜三邊

太宗

執契靜三邊持衡臨萬姓玉彩輝關燭金華流日鏡無古詩五言 卷二十 十五

爲宇宙清有美璇璣正皎珮星連景飄衣雲結慶戢武榮七德昇文輝九功煙波澄舊碧塵火息前紅霜野韜蓮劍關城罷月弓錢綬榆天合城新一作新城柳塞空花銷葱嶺雪縠盡流沙霧秋駕轉兢懷春水彌軫慮書絕龍庭羽烽休鳳穴戍衣宵寢二難食肝餐三懼翦暴與先廢除兇存昔亾圓蓋歸天壤方興入地荒乳海池京邑雙河沼帝鄉循躬思勵已撫俗愧時康元首佇鹽梅股肱惟輔弼羽賢崕嶺四翼聖襄城七澆俗庶反淳替文聊就質已知隆至道共歡區宇一

奉和

許敬宗

玄塞隔陰戎朱光分昧谷地游窮北際雲崖盡西陸星

次絕軒臺風衝垂禹服寰區無所外天覆今咸育竄苗

猶有孽戮負自貽辜疎網妖魎漏盤藪怪禽連髻飛尚

假息乳視暫稽誅乾靈振玉弩神略運璇樞日羽廓遊

氛天陣清華野昇暄光西夜馳恩溢東瀉揮袂靜崑炎

開關納流赭錦輶凌右地華纓羈大夏清臺映羅葉玄

汴控瑤池駛一作馳鹿輪珍貺樹羽饗來儀輟儔觀化宇

栖斂萃條支薰風交闐闕就日泛濛濛充庭延飲至絢

簡敷春藻迎姜已創圖命力方論道昔託遊河乘再備

商山皓欣逢德化流思效登封草

古詩五言

卷二十

十六

賦得雨從箕山來

宋之問

雨從箕山來條與飄風度晴明西峰日綠緝南谿樹此時客精廬幸蒙真僧顧深入清淨理妙斷往來趣意得兩契如言盡共忘喻觀花寂不動聞鳥懸可悟向夕聞天香淹留不能去

賦得邊城秋氣早

李義府

金微凝素節玉律應清葭邊馬秋聲急征鴻曉陣斜關樹凋涼葉塞草落寒花霧暗長川景雲昏大漠沙谿深路難越川平望超忽極望斷煙飄遙落驚蓬沒霜結龍城吹水照龜林月日色夏猶冷霜華春未歇唐作高紫

宸分明映玄關

賦得下山逢故夫

喬知之

妾身本薄命輕棄城南隅庭前厭芍藥山上采靡蕪春風習統袖零露濕羅襦羞將憔悴日提籠逢故夫

賦得起坐彈鳴琴

楊希道

北林鵲夜飛南軒月初進調弦發清徵蕩心祛褊悵變作離鴻聲還入思歸引長歎未終極秋風飄素鬢

晚春臥病寄張八

孟浩然

南陌春將晚北牕猶臥病林園久不遊草木一何盛狹逕花障迷閒庭竹掃淨翠羽戲蘭若頰鱗動荷柄念我

古詩五言

卷二十

十七

平生好江鄉遠從政雲山阻夢思衾枕勞歌詠歌詠復何爲同心恨別離世途皆自媚流俗寡相知賈誼才空逸安仁鬢欲絲一作遙情每東注奔晷復西馳常恐填溝壑無由振羽儀窮通若有命欲向論中推

淮南臥病寄蜀中趙徵君蕤

李白

吳會一浮雲飄如遠行客一作萬里無主功業莫從就

歲光屢奔迫良圖俄棄捐衰疾乃綿劇古琴藏虛匣長劍挂空壁楚冠懷一作懷素鍾儀越吟比莊舄國門遙天外

鄉路遠山隔一作興發思逾積久與發思逾積朝憶相如臺夜夢子雲宅

旅情初結緝秋氣方寂歷風入松下清露出草間白故

人不可見幽夢一作而我誰與適寄書西飛鴻贈爾慰離析

溫泉莊臥病寄楊七炯

宋之問

多病一作移疾臥茲嶺寥寥幽獨賴有嵩丘山高枕長在

目茲山棲靈異朝夜翳雲族是日濛雨晴返景入巖谷

羃羃澗畔草青青山下木此意方無窮環顧悵林麓伊

洛何悠漫川原信重複夏餘鳥獸蕃秋末禾黍熟秉願

守樊圃歸閒欣藝牧惜無載酒人徒把涼泉一作掬

始興南山下有林泉常卜居焉荊州臥病有懷此

地

張九齡

出處各有在何者爲陸沈幸無迫賤事聊可祛迷襟世

古詩五言

卷二十

十八

路少夷坦孟門未嶮嶮多慙入火術常惕履冰心一跌

不自保萬全焉可尋行行念歸路眇眇惜光陰浮生如

過隙先達已吾箴敢忘丘山施亦云年病侵力衰在所

養時謝良不任但憶舊棲息願言遂窺臨雲間目孤秀

林下面清深蘿藦自爲幪風泉何必琴歸此老吾老過

當日千金

家園臥疾畢太祝曜見尋

孟浩然

伏枕舊遊曠笙簧一作勞夢思平生重交結迨此令人

疑冰室無暖氣炎一作雲空赫曦隙駒不暫駐日聽涼

蟬悲壯圖哀一作未立斑白恨吾衰夫子自南楚緬懷

嵩汝期顧予衡茅下兼致稟物資脫分趨庭禮殷勤伐木詩稅君車前鞅設我園中葵斗酒須寒興明朝難重持

夏日謝于逃畢耀問病見贈

獨孤及

救物智所昧學仙願未從行藏兩乖角蹭蹬風波中薄宦耻降志臥病非養蒙閉關涉兩旬羈思浩無窮驚鷺何處來雙舞下碧空離別隔雲雨惠然此相逢把手賀疾間舉杯欣酒濃新詩見久要清論激深衷高館舒夜簾開門延微風火雲赫嗟峨日暮千萬峯遙指故山笑相看撫號鐘聲和由心親事感和氣同出處未易料且古詩五言卷二十十九

歌緩愁容願君崇明德歲暮如青松

歎白髮

盧象

我年一何長鬢髮日已白俛仰天地間能爲幾時客惆悵故山雲徘徊空日夕何事與時人東城復南陌

秋日鍊藥院鑷白髮贈元六林宗

李白

木落識歲秋瓶冰知天寒桂枝日已綠拂雪凌雲端弱齡接光景矯翼攀鴻鸞投分三十載榮枯同所歡長吁望青雲鑷白坐相看秋顏入曉鏡壯髮凋危冠窮與鮑生賈餓從漂母餐時來極天人道在豈吟歎樂毅方適趙蘇秦初說韓卷舒固在我何事空摧殘

夢太白西峯

常建

夢寢昇九崖杳靄逢元君遺我太白峯寥寥辭垢氛結宇在星漢宴林閉氤氲簷楹覆餘翠巾舄生片雲時往溪水間孤亭晝仍曛松峯引天影石瀨清霞文恬目緩舟趣霄心投鳥群春風又搖擢潭島花紛紛

百丈溪新理茅茨讀書

閻防

浪跡棄人世還山自幽獨始傍巢由蹤吾其獲心曲荒庭何所有老樹半空腹秋蜩鳴北林暮鳥穿我屋樓遲樂遵渚恬曠寡所欲開卦推盈虛散帙攻節目養閒度人事達命知止足不學東國儒俟時勞伐輻

古詩五言卷二十

二十

翰林讀書言懷呈集賢院諸學士

李白

晨趨紫禁中夕待金門詔觀書散遺帙探古窮至妙片言苟會心掩卷忽而笑青蠅易相點白雪難同調本是疎散人屢貽褊促謂雲天屬清朗林壑憶遊眺或時清風來間倚欄一作下嘯嚴光桐廬谿謝客臨海嶠功成謝人君一作從此一投釣

賦尚書

太宗

崇文時駐步東觀還停輦輟膳玩三墳暉一作燈披五典寒心親肉林飛魄看沈洄一作夏康既逸濠南辛亦沉洄縱情昏主多克已明君鮮滅身資累惡成名由積善既承百王末

戰兢隨歲轉

洛出書

蕭昕

海內昔凋瘵天綱斯浮瀆靈啓聖圖龍馬負書出大  
哉明德盛遠矣彝倫秩地敷作又功人免爲魚恤旣彰  
千國理豈止百川溢永賴至於今疇庸未云畢

詠司馬彪續漢志

太宗

二儀初創

一作構

象三才乃分位非惟樹司牧固亦垂文

字綿代更膺期芳圖無輟記炎漢承君道英謨纂神器  
潛龍旣可躍一作殊兔奚難致前史殫妙詞後昆沈雅  
思書言揚盛跡補闕興鴻志川谷猶舊途郡國開新意

古詩五言

卷二十

二十一

梅山未覺朽穀水誰云異車服隨名表文物因時置鳳

戟翼康衢鸞輿

一作衛

總柔轡清濁必能澄鴻纖幸無棄

觀儀不失序遵禮方由事政宣竹律和時平玉條備文

囿雕奇彩藝門蘊深致雲飛星共流風揚月兼一作徐至

類禋遵今典壇壝資良地五勝竟無違百司誠有庇粵

予承暇景談叢引衆一作泉秘討論窮義府看覈披經笥

大辯良難仰小學終先匱聞道諒知榮含毫孰忘愧

夜聽許十一誦詩愛而有作

杜甫

許生五臺賓業白出石壁余亦師粲可身猶縛禪寂何  
階子方便謬引爲匹敵離索晚相逢包蒙欣有擊誦詩

渾遊衍四座皆辟易應手看捶鉤清心聽鳴鏑精微穿

溟滓飛動摧霹靂陶謝不枝梧風騷共推激紫鸞一作燕

自超詣翠蛟誰剪剔君意人莫知人間夜寥聞

同觀陳十六史興碑

序曰楚人陳章甫繼毛詩而作史興碑遠自周末迄乎隋

季善惡不隱蓋國風之流未藏名高適

荆衡氣偏秀江漢流不歇此地多精靈有時生才傑伊

人今獨步逸思能間發永懷掩風騷千載常屹屹新碑

亦崔嵬佳句懸日月則是刊石經終然繼檣机我來觀

雅製慷慨變毛髮季主盡荒淫前王徒貽厥東周旣削

弱兩漢更淪沒西晉何披猖五胡相唐突作歌乃彰善

古詩五言

卷二十

二十二

比物仍惡訐感歎將謂誰對之空咄咄

觀李九少府蒼樹宓子賤神祠碑

吾友吏茲邑亦嘗懷宓公安知夢寐間忽與精靈通一

見興永歎再來激深衷賓從何逶迤二十四老翁於焉

建層碑突兀長林東作者無愧色行人感遺風坐令高

岸盡獨對秋山空片石勿謂輕斯言固難窮龍盤色絲

外鵲顧偃波中形勝駐羣目堅貞指蒼穹我非王仲宣

去矣徒發蒙

殿中楊監見示張旭草圖

杜甫

斯人已云亡草聖祕難得及茲煩見示滿目增淒惻悲

風生微綃萬里有一作起古色鏘鏘鳴玉動落落羣松直  
連山蟠其間溟漲與筆力有練實先書臨池真盡墨後  
拔爲之主暮年思轉極未知張王後誰並百代則嗚呼  
東吳精逸氣感清識楊公拂篋寄舒卷忘寢食念昔揮  
毫端不獨觀酒德

觀江淮名勝圖

王昌齡

刻意吟雲山尤知隱淪妙遠公何爲者再詣臨海嶠而  
我高其風披圖得遺照援毫無逃境遂展千里眺淡掃  
荆門烟明標赤城燒青葱林間嶺隱見淮海微但指香  
爐頂無聞白猿嘯沙門既云滅獨往豈殊調感對懷拂  
古詩五言卷二十 二十三

衣胡寧事漁釣安期始遺鳥千古謝榮耀投跡庶可齊

滄浪有孤棹

題畫山水障

張九齡

心累猶不盡果爲物外牽偶因耳目好復假丹青妍嘗  
抱野間意而迫區中緣塵事固已矣秉意終不遷良工  
適我願妙墨揮巖泉變化合羣有高深伴自然置陳北  
堂上傲像南山前靜無戶庭出行已茲地偏管草憂可  
樹合歡念益蠲所因本微物况乃憑幽筌言象會自泯  
意色聊自宣對翫有佳趣使我心渺綿

劉相公中書江山畫障

岑參

相府徵墨妙揮毫天地窮始知丹青筆能奪造化功瀟  
湘在簾間廬壑橫座中忽疑鳳凰池暗與江海通粉白  
湖上雲黛青天際峯晝日恒見月孤帆如有風巖花不  
飛落澗草無春冬擔錫香鑪緇釣魚滄浪翁如何平津  
意尚想塵外蹤富貴心獨輕山林與彌濃喧幽趣頗異  
出處事不同請君爲蒼生未可追赤松

求崔山人百丈崖瀑布圖

李白

百尺素崖裂四山丹壁開龍潭中噴射晝夜生風雷但  
見瀑泉落如滾雲漢來聞君寫真圖島嶼備縈迴石黛  
刷幽草曾青澤古苔幽絨儻相傳何必向天台

古詩五言

卷二十

二十四

觀薛稷少保書畫壁

杜甫

少保有古風得之陝郊篇惜哉功名忤但見書畫傳我  
遊梓州東遺跡涪江邊畫藏青蓮界書入金勝懸仰看  
垂露姿不崩亦不騫鬱鬱三大大字蛟龍岌相纏又揮西  
方變發地扶屋椽慘澹壁飛動到今色未填此行疊壯  
觀郭薛俱才賢不知千載後誰復來通泉

李兵曹壁畫山水各賦得桂水帆

李頎

片帆浮桂水落日天涯時飛鴈看共度閒雲相與遲長  
波無曉夜泛泛欲何之

通泉縣署屋壁後薛少保畫鶴

杜甫

薛公十一鶴皆寫青田真畫色久欲盡蒼然猶一作出

塵低昂各有意磊磊如長人佳此志氣遠豈惟粉墨新

萬里不以力羣遊森會神威遲白鳳態非是倉鷄鄰高堂未傾覆幸得慰佳賓曝露牆壁外終嗟風雨頻赤霄有真骨恥飲渰池津冥冥任所適一作脫畧誰能馴

### 楊監出畫鷹十二扇

近時馮紹正能畫驚鳥樣明公出此圖無乃傳其狀殊姿各獨立清絕心有向疾禁千里馬氣敵萬人將憶昔驪山宮冬移舍元仗天寒大羽獵此物神俱王當時無凡材百中皆用壯粉墨形似間識者一惆悵干戈少暇日真骨老崖嶂爲君除狡兔會是翻韉上

古詩五言

卷二十

二十五

### 述韋昭應畫犀牛

儲光羲

遐方獻文犀萬里隨南金大邦柔遠人以之居山林食棘無秋冬絕流無淺深雙角前斬斬三蹄下駸駸朝賢壯其容未能辨其音有我哀鳥一作哀鳳郎新邑長鳴琴陛閣飛嘉聲丘甸盈仁心閒居命國工作繪北堂陰耽耽若有神庶比來儀禽昔有舞天庭爲君奏龍吟

### 春日獨酌三首

李白

東風扇淑氣水木榮春暉白日照綠草落花散且飛孤雲還空山衆鳥各已歸彼物皆有託吾生獨無依對此

石上月長歌醉芳菲

我有紫霞想緬懷滄洲間思一作對一壺酒澹然萬事

閒橫琴倚高松把酒望遠山長空去鳥沒落日孤雲還

但恐一作悲光景晚宿昔成秋顏

春草如有意羅生玉堂陰東風吹愁來白髮坐相侵獨酌勸孤影閒歌面芳林長松爾何知一作本無情蕭瑟爲誰

吟手舞石上月膝橫花間琴過此一壺外悠悠非我心

### 北山獨酌寄韋六

巢父將許由未聞買山隱道存跡自高何憚去人近紛吾下茲嶺地閒誼亦泯門橫羣岫開水鑿衆泉引屏高

古詩五言

卷二十

二十六

而在雲竇深莫能準川光晝昏疑沐氣夕淒緊於焉摘朱果兼得養玄乳坐月觀寶書拂霜弄瑤軫傾壺事幽酌顧影還獨盡念君風塵遊傲爾今自哂世上一下有安知空蠹蠹二句

### 獨酌清溪江石上寄權昭夷

我攜一尊酒獨上江左右自從天地開更長幾千尺舉杯向天笑天迴日西照永願坐此石長垂嚴陵釣寄謝

山中人可與爾同調

### 喫茗粥作

儲光羲

當晝暑氣盛鳥雀靜不飛念君高梧陰復解山中木數

片遠雲度曾不蔽炎暉淹留膳茶粥共我飯蕨薇微塵  
既不遠日暮徐徐歸

槐葉冷陶

杜甫

青青高槐葉采掇付中厨新麪來近市汁滓宛相俱入  
鼎資過熟加餐愁欲無碧鮮俱照飭香飯兼苞蘆經齒  
冷於雪勸人投比珠願隨金輿裹走置錦屠蘇路遠思  
恐泥興深終不渝獻芹則小小薦藻明區區萬里露寒  
殿開冰清玉壺君王納涼晚此味亦時須

鹽井

鹵中草木白青者官鹽煙官作既有程煮鹽煙在川汲  
古詩五言 卷二十 二十七

井歲滑滑出車日連連自公斗三百轉致斛六千君子  
慎止足小人苦喧闐我何長歎嗟物理固自然

石硯

平公今詩伯秀發吾所羨奉使三峽中長嘯得石硯巨  
璞禹鑿餘異狀君獨見其滑乃波濤其光或雷電聯切  
各盡墨多水遍隱見揮灑容數人十手可對面比公頭  
上冠貞質未爲賤當公賦佳句况得終清宴公舍起草  
姿不遠明光殿致于丹青地知汝隨顧盼

太子張舍人遺織成褥段

客從西北來遺我翠織成開絨風濤湧中有掉尾鯨透

迤羅水族瑣細不足名客云克君褥承君終晏榮空堂  
魑魅走高枕形神清領客珍重意顧我非公卿留之懼  
不祥施之混柴荆服飾定尊卑大哉萬古程今我一  
老短褐更無管煌煌珠宮物寢處禍所嬰歎息當路子  
干戈尚縱橫掌握有權柄衣馬自肥輕李鼎死岐陽實  
以驕貴盈來填賜自盡氣豪直阻兵昔聞黃金多坐見  
悔吝生奈何田舍翁受此厚貺情錦鯨卷還客始覺心  
和平振我麤席塵愧客茹藜羹

覽鏡書懷

李白

得道無古今失道還衰老自笑鏡中人白髮如霜草捫  
古詩五言 卷二十 二十八

代美人愁鏡

明明金鵲鏡了了玉臺前拂拭皎冰月光輝何清圓紅  
顏老昨日白髮多去年鉛粉坐相誤照來空悽然

古鏡

沈佺期

莓落翳清池蝦蟆蝕明月埋落今如此照心未嘗歇願  
垂拂拭恩爲君鑒玄髮

詠鏡

張說

寶鏡如明月出自秦宮樣隱起雙盤龍銜珠儼相向常  
恐君不察匣中委清量積翳掩菱花虛心蔽塵狀儼蒙



羅袖拂光生玉臺上

樓拂子

杜甫

樓拂且薄陋豈知身効能不堪代白羽有足除蒼蠅  
焚金錯刀擢擢朱絲繩非獨顏色好亦用顧盼稱吾老  
抱疾病家貧臥炎蒸嘔膚倦撲滅賴爾甘服膺物微世  
競棄義在誰肯徵三歲清秋至未敢闕絨滕

詠瓢

張說

美酒酌懸瓢真淳好相映蝸房卷墮首鶴頸抽長柄雅  
色素而黃虛心輕且勁豈無雕刻者貴此成天性

古詩五言

卷二十

二十九

唐詩所第二十卷

終

唐詩所第二十一卷

前集

行軍

二首時扈從在鳳翔

岑參

吾竊悲此生四十幸未老一朝逢世亂終日不自保胡  
兵奪長安官殿生野草傷心五陵樹不見二京道我皇  
在行軍兵馬日浩浩胡雛尚未滅諸將懇征討昨聞咸  
陽敗殺戮淨如掃積屍若丘山流血漲豐鎬千戈礙鄉  
國豺虎滿城堡村落皆無人蕭條空桑棗儒生有長策  
無處豁懷抱塊然傷時人舉首哭蒼昊

早知逢世亂少小謾讀書悔不學彎弓向東射狂胡偶  
從諫官列繆向丹墀趨未能匡吾君虛作一丈夫撫劍

古詩五言

卷二十一

一

傷世路哀歌泣良圖功業今已遲覽鏡悲白鬚平生抱  
忠義不敢私微軀

癸卯歲赴南豐道中聞京師失守

寄懷上諫韓幼深

獨孤及

種田不遇歲策名不遭時胡塵晦落日西望泣路岐猛  
虎嘯北風厲屢皆載馳深泥駕疲牛蹉跎余何之詰屈  
白道轉繚繞清溪隨荒谷嘯山鬼深林啼子規長嘆指  
故山三奏歸來詞不逢眼中人調苦車透遲士繇松筠  
操幼深瓊樹姿別來平安否何階一申眉白雲失帝鄉  
遠水限天涯昂藏雙威鳳曷月還西枝努力愛華髮盛

年振羽儀但令迤難康不負滄洲期莫作新亭泣徒使夷吾嗤

南奔書懷

李白

遙夜何漫漫一作時日空歌白石爛賓戚未臣齊陳平終佐

漢攬槍掃河洛直割鴻溝半歷數方未遷雲雷屢多難

天人乘旄鉞虎竹光籓翰侍筆黃金臺傳觴青玉案不

因秋風起自有思歸歎主將動讒疑王師忽離叛自來

白沙一作滄海上鼓譟丹陽岸賓御如浮雲從風各消散

舟中指可掬城上骸爭爇草草出近關行行昧前筭南

奔劇星火北寇無涯畔顧乏七寶鞭留連道傍翫太白

古詩五言 卷二十一 二

夜食昂長虹日中貫秦趙興天兵茫茫九州亂感遇作

結明主恩頗高祖遜言過江誓流水志在清中原拔劍

擊前柱悲歌難重論

荊州賊平臨洞庭言懷

脩蛇橫洞庭吞象臨江島積骨成巴陵遺言聞楚老水

窮三苗國地窄三湘道歲晏天崢嶸時危人枯槁思歸

阻喪亂去國傷懷抱郢路方丘墟章華亦傾倒風悲猿

嘯苦木落鴻飛早日隱西赤沙月明東城草關河望已

絕氛霧行當掃長叫天可聞吾將問蒼昊

阻戎瀘間羣盜

岑參

南州林莽深亡命聚其間殺人無昏曉屍積填江灣餓  
虎銜髑髏饑鳥啄心肝腥衰灘草死血流江水殷夜雨  
風蕭蕭鬼哭連楚山三江行人絕萬里無征船唯有白  
鳥飛空見秋月圓罷官自南蜀假道來茲川瞻望陽臺  
雲惆悵不敢前帝鄉北近日瀘口南連蠻何當遇長房  
縮地到京關願得隨琴高騎魚向雲煙明主每憂人節  
使恒在邊兵革方禦寇爾惡胡不悛吾竊悲爾徒此生  
安得全

登秦嶺作時陷賊歸國

儲光義

朝出猛獸林踐踞登高峯僮僕履雲霧隨我行大空義

古詩五言 卷二十一 二

和舒靈暉倏忽西極通迴首望涇渭隱隱如長虹九達

合蒼蕪五陵遙矐矐鹿遊大明殿霧濕華清宮網羅蟻

螻時顧齒熊羆鋒失途走江漢不能有其功氣逐招搖

星魂隨閭闔風唯言宇宙清復使車書同林木被繁霜

合杏連山紅鵬鶚勵羽翼俯視荆棘叢誓將食鵠鶚然

後歸崆峒

經亂後將避地剡中書懷

李白

雙鵝飛洛陽五馬渡江徼何意上東門胡雛更長嘯中

原走豺虎烈火焚宗廟太白晝經天頽陽掩餘照王城

皆蕩覆世路成奔峭四海望長安頰眉寡西笑蒼生疑

落葉白骨空相弔連兵似雪山破敵誰能料我垂北溟  
翼且學南山豹崔子賢主人歡娛每相召胡牀紫玉笛  
却坐青雲叫楊花滿州城置酒同臨眺忽思剡谿去水  
石遠清妙雪盡天地明風開湖山貌悶爲洛生詠醉發  
吳越調赤霞動金光日足森海嶠獨散萬古意閒垂一  
谿釣猿近天上啼人移月邊棹無以墨綬苦來求丹砂  
要華髮長折腰將貽陶公誚

北征

杜甫

皇帝二載秋閏八月初吉杜子將北征蒼茫問家室維  
時一作遭艱虞朝野少暇日顧慙恩私被詔許歸蓬華  
古詩五言 卷二十一 四

拜辭詰闕下怵惕久未出雖乏諫諍資忍君有遺失君  
誠中興主經緯固密勿東胡反未已臣甫憤所切揮涕  
戀行在道途猶恍惚乾坤合瘡痍憂慮何時畢靡靡踰  
阡陌人烟眇蕭瑟所遇多被傷呻吟更流血回首鳳翔  
縣旌旗晚明滅前登寒山重屢得飲馬窟郊入地底  
涇水中蕩滴猛虎立我前蒼崖吼時裂菊垂今秋花石  
戴一作古車轍青雲動高興幽事亦可悅山果多瑣細  
羅生雜橡栗或紅如丹砂或黑如點漆雨露之所濡甘  
苦齊結實緬思桃源內益歎身世拙陂陀望鄜時谷巖  
互出沒我行已水濱我僕猶木末鳴鳥鳴黃桑野鼠拱

亂穴夜深經戰場寒月照白骨潼關百萬師往者散何  
卒遂令半秦民殘害爲異物况我墮胡塵及歸盡華髮  
經年至茅屋妻子衣百結慟哭松聲迴悲泉共幽咽平  
生所驕兒顏色白勝雪見耶背面啼垢膩脚不韞牀前  
兩小女補綻纔過膝海圖圻波濤舊繡移曲折天吳及  
紫鳳顛倒在短褐老夫情懷惡嘔泄臥數日那無囊中  
帛救汝寒凜慄粉黛亦解包衾裯稍羅列瘦妻面復光  
癡女頭自擗學母無不爲曉粧隨手抹移時施朱鉛狼  
籍畫眉潤生還對童稚似欲忘饑渴問事競挽鬚誰能  
卽喚喝翻思在賊愁甘受離亂聒新歸且慰意生理焉  
古詩五言 卷二十一 五  
得說至尊尚蒙塵幾日休練卒仰看天色改傍覺妖氛  
豁陰風西北來慘澹隨回紇其王願助順其俗喜馳突  
送兵五千人驅馬一萬匹此輩少爲貴四方服勇決所  
用皆鷹騰破敵過箭疾聖心頗虛佇時議氣欲奪伊洛  
指掌收西京不足拔官軍請深入蓄銳伺共一作發此  
舉開青徐旋瞻畧恒碣旻天積霜露正氣有肅殺禍轉  
忘胡歲勢成擒胡月胡命其能久皇綱未宜絕憶昨狼  
狽初事與古先別奸臣竟菹醢同惡隨蕩折不聞夏殷  
衰中自誅褒姒周漢復再興宣光果明哲桓桓陳將軍  
仗鉞奮忠烈微爾人盡非于今國猶活淒涼大同城寂

冥白獸闥都人望翠華佳氣向金闕園陵固有神掃酒  
數不缺一作煌煌太宗業樹立甚宏達

往在

往在西京日一作胡來滿彤宮中宵焚九廟雲漢爲之

紅解瓦飛十里總帷紛層空疚心惜木主一一灰悲風

合昏排鐵騎清旭散錦幪一作賊臣表逆節相賀以成

功是時妃嬪戮連爲糞土叢當宁陷玉座白閒荆蒿蟲

不知二聖處私泣百歲翁車駕既云還楹桷欹穹崇故

老復涕泗祠官樹椅桐宏壯不如初已見帝力雄前春

禮郊廟祀事親聖躬微軀忝近臣景從陪羣公登堦捧

古詩五言

卷二十一

六

玉冊裁冕聆金鍾侍祠忝先露掖垣邇濯龍天子惟

孫五雲起九重鏡奩換粉黛翠羽猶葱臙前者厭陽胡

後來遭犬戎俎豆腐臙肉果恩行角弓安得目西極申

命空山東盡馳詣闕下士庶塞關中主將曉逆順元元

歸始終一朝自罪已萬里車書通鋒鏑供鋤犁征伐聽

所從冗官各復業土著還力農君臣節儉足朝野歡呼

同中興似國初繼體如太宗端拱納諫諍和風日冲融

赤墀櫻桃枝隱映銀絲籠千春薦寢廟一作永永傳

垂無窮京都不再火涇渭開愁容歸號故松柏老去苦

飄蓬

逃難

五十白頭翁南北逃世難疎布纏枯骨奔走苦不暖已

衰病方入四海一塗炭乾坤萬里內莫見容身畔妻孥

復隨我回首共悲歎故國莽丘墟鄰里各分散歸路從

此迷涕盡湘江岸

夜坐書懷

張說

懷哉四壁時未有三都價百金誰見許斗酒難爲貰落

花生芳春孤月皎清夜復逢利交客題戶遙相謝

傷情

孟雲卿

爲長心易憂早孤意常傷出門先躊躇入戶亦彷徨此

古詩五言

卷二十一

七

生一何苦前事安可忘兄弟先我沒孤幼盈我傷舊居

近東南河水新爲梁松柏今在茲安忍思故鄉四時與

日月萬物各有常秋風已一起草木無不霜行行當自

勉一作不忍再思量

傷懷二首

杜甫

人生貴是男丈夫重天機未達善一身得志行所爲嗟

余竟輒軻將老逢難危胡難逼神器逆節同所歸河洛

化爲血公卿草間啼西京復陷沒翠蓋蒙塵飛萬姓悲

赤子兩宮棄紫微倏忽向二紀姦雄多是非本朝再樹

立未及貞觀時日給在軍儲上官督有司高賢迫形勢

豈暇相扶持疲蕭苟懷策棲屑無所施先王實罪已愁  
痛正爲茲歲月不我與蹉跎病於斯夜看豐城氣回首  
蛟龍池齒髮已自料意深陳苦辭

邦危壞法則聖遠益愁慕飄飄挂水遊悵望蒼梧暮潛  
魚不街鈎走鹿無反顧瞰瞰幽曠心拳拳異平素衣食  
相拘閼朋知限流寓風濤上春沙十里浸江樹逆行少  
吉日時節空復度井竈任塵埃舟航煩數具牽經加老  
病瑣細隘俗務萬古一死生胡爲足名數多憂汗桃源  
拙計泥銅柱未辭炎瘴毒擺落跋涉懼虎狼窺中原焉  
得所歷住葛洪及許靖避世常此路賢愚誠等差自愛  
古詩五言卷二十一 八

寫懷二首

勞生共乾坤何處異風俗冉冉自趨競行行見羈束無  
貴賤不悲無富貧亦足萬古一骸骨鄰家通歌哭鄙夫  
到巫峽三歲如轉燭全命甘留滯忘情任榮辱朝班及  
暮齒日給還脫粟編蓬石城東採藥山北谷用心霜雪  
間不必條蔓綠非關故安排曾是順幽獨達士如弦直  
小人似鈎曲曲直吾不知負暄候樵牧

夜深坐南軒明月照我膝驚風翻河漢梁棟已出日一  
出羣生各一宿飛動自儔匹吾亦驅其兒營營爲私  
實天寒行旅稀歲暮日月疾榮名忽中人世亂如蟻虱  
古者三皇前滿腹志願畢胡爲有結繩陷此膠與漆禍  
首燧人氏厲階董狐筆君看燈燭張轉使飛蛾密放神  
八極外俛仰俱蕭瑟終契如往還一作然得匪合仙術契如真

述懷

去年潼關破妻子隔絕久今夏草木長脫身得西走麻  
鞋見天子衣袖露兩肘朝廷愍生還親故傷老醜涕淚  
受拾遺流離主恩厚柴門雖得去未忍即開口寄書問

古詩五言卷二十一 九

三川不知家在否比聞同罹禍殺戮到雞狗山中漏茅  
屋誰復依戶牖摧頽蒼松根地冷骨未朽幾人全性命  
盡室豈相偶欽峯猛虎場鬱結回我首自寄一封書今  
已十月後反畏消息來寸心亦何有漢運初中興生平  
老耽酒沈思歡會處恐作窮獨叟

遣懷

昔我遊宋中惟梁孝王都名今陳留亞劇則具魏俱邑  
中九萬家高棟照通衢舟車半天下主客多歡娛白刃  
讐不義黃金傾有無殺人紅塵裏報答在斯須憶與高  
李輩高適李白論交入酒壚兩公壯藻思得我色敷腴氣酣

登吹臺懷古視平蕪芒碭雲一去鴈驚空相呼先帝正  
好武寰海未凋枯猛將收西域長戟破林胡百萬攻一  
城獻捷不云輸組練棄如泥尺土負百夫拓境功未已  
元和辭大鑪亂離朋友盡合沓歲月徂吾衰將焉託存  
歿再嗚呼蕭條益堪媿獨在天一隅乘黃已去矣凡馬  
徒區區不復有顏鮑繫舟臥荆巫臨餐吐更食常恐違  
撫孤

遣興三首

蓬生非無根漂蕩隨高風天寒落萬里不復歸本叢客  
子念故宅三年門巷空悵望但烽火戎車滿關東生涯

古詩五言

卷二十一

十

能幾何常在羈旅中

我今日夜憂諸弟各異方不知死與生何況道路長避  
寇一分散饑寒永相望豈無柴門歸欲出畏虎狼仰看  
雲中鴈禽鳥亦有行

昔在洛陽時親友相追攀送客東郊道遨遊宿南山烟  
塵阻長河樹羽成臯間迴首載酒地豈無一日還丈夫  
貴壯健慘戚非朱顏

遣遇

磬折辭主人開帆駕洪濤春水滿南國朱崖雲日高舟  
子廢寢食飄風爭所操我行匪利涉謝爾從者勞石間

來獻女鬻菜輸官曹丈夫死百役暮返空村號聞見事  
畧同刻剝及錐刀貴人豈不仁視汝若一作荊蒿索錢  
多門戶喪亂紛嗷嗷奈何黠吏徒漁奪成逋逃自喜遂  
生理花時黃縕袍

壯遊

往者一作昔

十四五出遊翰墨場斯文崔魏徒崔鄭州尚

以我似班揚七齡思卽壯開口詠鳳凰九齡書大字

有作成一囊性豪業嗜酒嫉惡懷剛腸脫畧小時輩結

交皆老蒼飲酣視人極俗物都茫茫東下姑蘇臺已具

浮海航到今有遺恨不得窮扶桑王謝風流遠闔廬丘

古詩五言

卷二十一

十一

墓荒劒池石壁仄長洲芰荷香嵯峨閭門北清廟映迴

塘每趨吳泰伯撫事淚浪浪枕戈憶勾踐渡浙想秦皇

蒸魚聞七首除道晒腰章越女天下白鑑湖五月涼糾

谿蘊秀異欲罷不能忘歸帆拂天姥中歲貢舊鄉氣劇

屈賈壘目短曹劉牆忤下考功第獨辭京尹堂放蕩齊

趙間裘馬頗清狂春歌叢臺上冬獵青丘旁呼鷹早櫪

林逐獸雲雪岡射飛曾縱鞚引臂落鵝鶩蘇侯據鞍喜

詞伯賞遊實賢王曳裾置醴地奏賦入明光天子廢食

召羣公會軒裳脫身無所愛痛飲信行藏黑貂不一作穿

免弊斑鬢兀稱觴杜曲晚一作老耆舊四郊多白楊坐深

鄉黨敬日覺死生忙朱門任傾奪赤族迭罹殃國馬竭

粟豆官雞輸稻梁舉隅見煩費引古惜興亡河朔風塵

起岷山行幸長兩官各警蹕萬里遙相望崆峒殺氣黑

少海旌旗黃禹功亦命子涿鹿親戎行翠華擁吳嶽螭

虎嗽豺狼爪牙一不中胡兵更陸梁大軍載草草凋瘵

滿膏肓備員竊補衮憂憤心飛揚上感九廟焚下憫萬

民瘡斯時伏青蒲廷諍守御牀君辱敢愛死赫怒幸無

傷聖哲體仁恕寓縣復小康哭廟灰燼中鼻酸朝未央

小臣議論絕老病客殊方鬱鬱苦不展羽翮困低昂秋

古詩五言

卷二十一

十二

風動哀壑碧蕙捐微芳之推避賞從漁父濯滄浪榮華

敵勲業歲暮有嚴霜吾觀鴟夷子才力一作格出尋常羣

兇逆未定側佇英俊翔

昔遊二首

昔謁華蓋君綠袍崑玉脚人棺已上天白日亦寂寞暮

升艮岑頂巾几猶未却弟子四五人入來淚俱落余時

遊名山發軔在遠壑良覲違夙願含凄向寥廓林昏罷

幽磬竟夜伏石閣王喬下天壇微月映皓鶴晨谿嚮虛

駛歸徑行已昨豈辭青鞋胝悵望一作惆悵金七藥東蒙赴

舊隱尚憶同志樂伏事董先生於今獨蕭索胡爲客關

塞道意久衰薄妻子亦何人丹砂負前諾雖悲髮鬢變

未憂筋力弱杖藜望清秋有興入廬霍

昔與高李輩一作性者晚登單父臺寒蕪際碣石萬里

風雲來桑柘葉如雨飛霍共徘徊清霜大澤凍禽獸有

餘哀是時倉廩實洞達蒙區開猛士思滅胡將帥望三

台君王無所惜駕馭英雄材幽燕盛用武供給亦勞哉

吳門轉粟帛泛海凌蓬萊肉食三十萬獵射起塵黃一作黃

埃隔河憶長眺青歲已摧頽不及少年日無復故人杯

賦詩獨流涕亂世想賢才有能市駿骨莫恨少龍媒商

山議得失蜀主脫嫌疑呂尚封國邑傳說已鹽梅景晏

古詩五言

卷二十一

十三

楚山深水鶴去低徊龐公任本性攜手臥蒼苔

幽人

孤雲亦羣遊神物有所歸麟鳳在赤霄何當一來儀往

與惠詢輩中年滄洲期天高無消息棄我忽若遺內懼

非道流幽人在瑕疵洪濤隱笑語鼓枻蓬萊池崔嵬扶

桑日照耀珊瑚枝風帆倚翠蓋暮把東皇衣嘯嗽元和

津所思煙霞微知名未足稱局促商山芝五湖復浩蕩

歲暮有餘悲

北風

北風破南極朱鳳日威垂洞庭秋欲雪鴻鴈將安歸十



年殺氣盛六合人煙稀吾慕漢初老時清猶茹芝

甘林

捨舟越西岡入林解我衣青芻適馬性好鳥知人歸晨  
光映遠岫夕露見日晞遲暮少寢食清曠喜荆扉經過  
倦態俗在野無所違試問甘藜藿未肯羨輕肥喧靜不  
同科出處各天機勿矜朱門是陋此白屋非明朝步隣  
里長老可以依時危賦歛數脫粟爲爾揮相攜行豆田  
秋花藹菲非子實不得喫貨市送王畿盡添軍旅用迫  
此公家威主人長跪辭一作戎馬何時稀我哀易悲傷  
屈指數賊圍勸其死王命慎莫勿一作遠奮飛

古詩五言

卷二十一

十四

羌村三首在鄭州

崢嶸赤雲西日脚下平地柴門鳥雀噪歸客千里至妻  
孥怪我在驚定還拭淚世亂遭飄蕩生還偶然遂隣人  
滿牆頭感歎亦歔歔夜闌更秉燭相對如夢寐  
晚歲迫偷生還家少歡趣嬌兒不離膝畏我復却去憶  
昔好追涼故繞池邊樹蕭蕭北風勁撫事前百慮賴知  
禾黍一作秋收已覺槽牀注如今足斟酌且用慰遲暮  
群雞正亂叫客至雞鬬爭驅雞上樹木始聞扣柴荆父  
老四五人問我久遠行手中各有攜傾榼濁復清苦辭  
酒疎薄黍地無人耕兵革既未息兒童盡東征請爲父

老歌艱難覩深情歌罷仰天歎四坐淚縱橫

灤上

故躋灤岸高頗免崖石擁開襟野堂豁繫馬林花動雉  
堞粉如雲山田麥無隴春氣晚更生江流靜猶湧四序  
嬰我懷羣盜久相踵黎民困逆節天子渴垂拱所思注  
東北深峽轉脩蛇衰老自成病郎官未爲冗妻其望呂  
葛不復夢周孔濟世數嚮時斯人各枯冢楚星南天黑  
蜀月西霧重安得隨鳥翎迫此懼將恐

草堂

昔我去草堂蠻夷塞成都今我歸草堂成都適無虞請  
古詩五言 卷二十一 十五  
陳初亂時反覆乃須臾大將赴朝廷群小起異圖中宵  
斬白馬盟歆氣已麤西取邛南兵北斷劍閣隅布衣十  
數人亦擁專城居其勢不兩大始聞蕃漢殊西卒却倒  
戈賊臣互相誅焉知肘腋禍自及梟獍徒義士皆痛憤  
紀綱亂相踰一國實三公萬人欲爲魚唱和作威福孰  
肯一作能辨無辜眼前列桎械背後吹笙竽談笑行殺戮  
濺血滿長衢到今用鉞地風雨聞號呼鬼妾與鬼馬色  
悲充爾娛國家法令在此又足驚吁賤子且奔走三年  
望東吳孤矢暗江海難爲遊五湖不忍竟舍此復來難  
榛無入門四松在步堞萬竹疎舊大喜我歸低徊入衣

裾隣舍

一作里

喜我歸沽酒攜葫蘆大官喜我來遣騎問

所須城郭喜我來賓客隘村墟天下尚未寧健兒勝腐

儒飄飄

一作風

塵際何地置老夫於時見疣贅骨髓幸

未枯飲啄愧殘生食薇不敢餘

白馬

白馬東北來空鞍貫雙

一作雙貫

箭可憐馬上郎意氣今誰

見近時主將戮中夜商於戰喪亂死多門嗚呼淚如霰

破船

平生江海心宿昔具扁舟豈惟清谿上日傍柴門遊愴

惶避亂兵緬邈懷舊丘鄰人亦已非野竹獨脩脩船舷

古詩

五言

卷二十一

十六

不重和埋沒已經秋仰看西飛翼下媿東逝流故者或

可掘新者亦易求所悲數奔竄白屋難久留

解憂

減米散同舟路難思共濟向來雲濤盤

雲濤盤

衆力亦

不細呀吭瞥眼過飛檣本無帶得失瞬息間致遠猶恐

泥百慮視安危分明曩賢計茲理庶可廣拳拳期勿替

責躬

上三長史

儲光義

覆舟無伯夷覆車無仲尼自咎失明義寧由貝錦詩松

栢日以堅桃李日以滋顧已獨暗昧所居成蒺藜大賢

薦時文醜婦用蛾眉惕惕愧不已豈敢論其私方朔既

有言子建亦有詩惻隱及先世析薪成自悲靈烏酬德

被彈

沈佺期

知人昔不易舉非貴易失爾何按國章無罪見呵叱平

生守直道遂爲衆所嫉少以文作吏手不曾開律一旦

法相持荒忙意如漆幼子雙囹圄老夫一念室昆弟兩

三人相次俱

一作拘

囚桎萬鍊當衆怒千謗無片實庶以

白黑讒顯此涇渭質効吏何咆哮晨夜聞撲撲事間拾

虛證理外存枉筆懷痛不見申抱冤竟難悉窮囚多垢

膩愁坐饒蟻蝨三日唯一飯兩旬不再櫛是時盛夏中

古詩

五言

卷二十一

十七

曠赫多瘵疾瞪目眠欲閉暗鳴氣不出有風自扶搖鼓

蕩無倫匹安得吹浮雲令我見白日

隴右途中遭非語

貞牟千

趙有兩毛遂魯聞二曾參慈母猶且惑況在行路心冠

冕無醜士賄賂成知己名利我所無清濁誰見理敝服

空庭春緩帶不着身出遊非懷璧何憂乎忌人正須自

保愛振衣出世塵

懼讒

李白

二桃殺三士詎假劍如霜衆女妬娥眉雙花競春芳魏

姝信鄭袖掩袂對懷王一惑巧言子朱顏成損一作傷

行將泣團扇戚戚愁人腸

神龍初廢逐南荒途出柳口北望蘇耽山

沈佺期

少曾讀仙史知有蘇耽君流放來南國依然會昔聞泊  
舟問耆老遙指孤山村孤山柳郡北不與衆山羣重崖  
下縈映嶸嶸上糾紛碧峯泉附落紅壁樹傍分選地今  
方爾升天因可云不才子竄迹羽化子遺芬將覽成麟  
鳳旋驚禦鬼文此中迷出處含思獨氛氲

竄夜郎於烏江留別宗十六璟 李白

君家全盛日台鼎何陸離斬鼉翼嫺皇鍊石補天維一

古詩五言

卷二十一

十八

迴日月顧三入鳳凰池失勢青門傍種瓜復幾時猶會  
舊賓客三千光路岐皇恩雪憤懣松柏含榮滋我非東  
牀人令姊忝齊眉浪跡未出世空名動京西適遭雲羅  
解翻謫一作遺夜郎悲拙妻莫邪劍及此一作此二龍隨慙  
君湍波苦千里遠從之白帝曉猿斷黃牛過客遲遙瞻  
明月峽西去益相思

流夜郎至西塞驛 寄裴隱

揚帆借天風水驛苦不緩平明及西塞已先投沙伴迴  
巒引羣峯橫蹙楚山斷砮衝萬壑會震沓百川滿龍怪  
潛溟波候一作候時救災早我行望雷雨安得霑枯散鳥

去天路長人悲春光短空將澤畔吟寄爾江南管

經亂離後天恩流夜郎憶舊遊書懷 贈江夏韋太守良宰

天上白玉京十二樓五城僊人撫我頂結髮受長生誤  
逐世間樂頗窮理亂情九十六聖君浮雲挂空名天地  
賭一擲未能忘戰爭試涉霸王畧將期軒冕榮時命乃  
大謬棄之海上行學劍翻自哂爲文竟何成劍非萬人  
敵文竊四海聲兒戲不足道五噫出西京臨當欲去時  
慷慨淚沾纓歎君倜儻才標舉冠羣英開筵列祖帳慰  
此遠徂征鞍馬若浮雲送余驃騎亭歌鐘不盡意白日  
落昆明十月到幽州戈鋌若羅星君王棄北海掃地借

古詩五言

卷二十一

十九

長鯨呼吸走百川燕然可摧傾心知不得語却欲棲蓬  
瀛變孤懼天狼挾矢不敢張攬涕黃金臺呼天哭昭王  
無人貴駿骨騄耳空騰驤樂毅儻再生于今亦奔亡蹉  
跎一作蒼茫不得意驅馬還貴鄉逢君聽絃歌肅穆坐華堂  
百里獨太古陶然臥羲皇徵樂昌樂館開筵引壺觴賢  
豪間青蛾對燭儼成行醉舞紛綺席清歌繞飛梁歡娛  
未終朝秩滿一作解印歸咸陽祖道擁萬人供帳遙相望一  
別隔千里榮枯異炎涼炎涼幾度改九土中橫潰漢甲  
連胡兵沙塵暗雲海草木搖殺氣星辰無光彩白骨成  
丘山蒼生竟何罪函關壯帝居國命懸哥舒長戟三十

萬開門納兇渠公卿如大羊忠謹醢與菹二聖出遊豫  
兩京遂丘墟帝子許專征秉旄控強楚節制非桓文軍  
師擁罷虎人心失去就賊勢騰風雨惟君固房陵誠節  
冠終古僕臥香爐頂餐霞漱瑤泉門開九江轉枕下五  
湖連半夜水軍來潯陽滿旌旆空名適自誤迫脅上樓  
船徒賜五百金棄之若浮煙辭官不受賞翻謫夜郎天  
夜郎萬里道西上令人老掃蕩六合清仍爲負霜草日  
月無偏照何由訴蒼昊良牧稱神明深仁恤交道一忝  
青雲客三登黃鶴樓顧慙彌處士虛對鸚鵡洲樊一作樊  
山霸氣盡寥落天地秋一作形襟冠白江帶峨眉雪橫一作樊

古詩五言

卷二十一

二十一

穿川一作橫三峽流萬舸此中來連帆過揚州送此萬里目  
曠然散我一作煩愁紗牕倚天開水樹綠一作綠樹如髮窺日  
畏銜山促酒喜得一作見月吳娃與越豔窈窕誇鉛紅呼  
來上雲梯含笑出簾櫳對客小垂手羅衣舞春風賓跪  
請休息主人情未一作愈極覽君荆山作江鮑堪動色清  
水出芙蓉天然去雕飾逸興橫素襟無時不招尋朱門  
樓一作臺擁虎士列戟何森森剪鑿竹石開繁流漲清深登  
樓一作臺坐水閣吐論多英一作奇音片辭貴白璧一諾輕  
黃金謂我不愧君青鳥問一作明丹心五色雲間鵲飛鳴  
天上來傳聞赦書至却放夜郎迴暖氣變寒谷炎煙生

死灰君登鳳池去勿棄賈生才桀大尚吠堯匈奴笑千  
秋中夜四五歎常爲大國憂旌旆夾兩山黃河當中流  
連雞不得進飲馬空夷猶安得拜善射一箭落旄頭

竄夜郎憶秋浦桃花舊遊

桃花春水生白石今出沒搖蕩女羅枝半挂一作搖青天

月不知舊行徑初拳幾枝藤三載夜郎還於茲煉金骨

流夜郎半道承恩放還兼欣尅復之美書懷一作秀

黃口爲人羅白龍乃魚服得罪豈怨天以愚陷網目鯨

鯢未剪滅豺狼一作虎屢翻覆悲作楚地囚何日一作由秦

庭哭遭逢二明主前後兩遷逐去國愁夜郎投身竄荒

古詩五言

卷二十一

二十一

谷半道雪屯蒙曠如鳥出籠遙欣尅復美光武安可同  
天子巡劍閣儲皇守扶風揚袂正北辰開襟攬羣雄胡  
兵出月窟雷破關之東左掃因右拂旋收洛陽宮迴與  
入咸京席捲六合通叱咤開帝業一作宇手成天地功大  
駕還長安兩日忽再中一朝讓寶位劍璽傳無窮媿無  
秋毫力誰念矍鑠翁弋者何所慕高飛仰冥鴻棄劍學  
丹砂臨鑑雙玉童寄言息夫子歲晚陟方蓬

枉繫二首

沈佺期

吾憐曾家子昔有投杼疑吾憐周公旦非無鴟鵂詩臣  
子竭忠孝君親感讒欺妻妾離骨肉含愁與此辭

昔日公治長非罪遇縲紲聖人降其子古來歎獨絕我  
無毫髮瑕苦心懷冰雪今代一作世多秀士一作才誰能繼  
明轍

獄中貽姚張薛李鄭柳諸公

儲光羲

直道時莫親起羞見讒口與人是非怪西子言有咎誣  
善不足悲失聽一何醜大來敢遐望小往且虛受中夜  
囹圄深初秋縲繼久踈螢出暗草朔風鳴衰柳河漢低  
在戶嚙蛸垂向牖鴈聲遠天末涼氣生霽後負戶愁讀  
書劍光忿衝斗哀哀害神理惻惻傷慈母妻子垂涕泣  
家僮日奔走書詞苦人吏饋食勞交友寒服猶未成繁  
古詩五言 卷二十一 二十三

獄中上崔相渙二首

李白

胡馬渡洛水血流征戰場千門閉秋景萬姓危朝霜賢  
相燮元氣再欣海縣康台庭有夔龍列宿粲成行羽翼  
三元聖發輝兩太陽應念覆盆下雪泣拜天光  
毛遂不墮井曾參寧殺人虛言誤公子投杼感一作威慈  
親白璧雙明月方知一玉真

在尋陽非所寄內

聞難一作難知慟哭行啼入府中多君同蔡琰流淚請  
公知登吳章嶺昔與死無分嶠嶇行石道升折入青雲  
相見若悲歎哀聲那可聞

古詩五言

卷二十一

二十三

唐詩所第二十一卷終

唐詩所第二十二卷 古詩

前集

薊丘覽古

七首序曰丁酉歲吾北征出自薊陽觀燕之舊都其城池霸業迹已蕪昧矣乃慨然仰嘆憶昔樂生鄒子羣賢之遊盛矣因登薊丘作七詩以志之寄終南盧居士藏用亦有軒轅之遺跡也

陳子昂

北登薊丘望求古軒轅臺應龍已不見牧馬空

埃尚想廣成子遺迹白雲隈

右軒轅臺

南登碣石坂

一作館

遙望黃金臺丘陵盡喬木昭王安在哉

右燕昭王

王道已淪昧戰國競貪兵樂生何感激仗義下齊城雄圖竟中天遺歎寄阿衡

右樂生

古詩五言

卷二十二

一

秦王日無道太子怨亦深一聞田光義七首贈千金其事雖不立千載為傷心

右燕太子

自古皆有死狗義良獨稀奈何燕太

一作冊

疑伏劍誠已矣感我涕沾衣

右田光先生

大運淪三代天人罕有窺鄒子何寥廓謾說九瀛垂興亡已千載今也則無推

一作爲

右鄒子

逢時獨為貴歷代非無才隗君亦何幸遂起黃金臺

右郭隗

蜀中懷古 十首

岑參

先王與武侯相逢雲雷際感通君臣分義激魚水契遺

廟空蕭然英靈貫千歲

右先王武侯廟

文公不可見空使蜀人傳講席何時散高臺豈復全豐碑文字滅冥漠不知年

右文公講堂

吾悲子雲居寂寞人已去娟娟西江月猶照草玄處精怪惠無人睢盱藏老樹

右楊雄草玄臺

相如琴臺古人去臺亦空臺上寒蕭條

一作琴臺

風荒臺漢時月色與舊時同

右司馬相如琴臺

君平曾賣卜卜肆蕪已久至今杖頭錢時時地上有不知支機石還在人間否

右嚴君平卜肆

傳是秦時樓巍巍至今在樓南兩江水千古長不改曾

古詩五言

卷二十二

二

聞昔時人歲月不相待

右張儀樓

長卿

一作橋

題柱去猶是未達時及乘駟馬車却從橋上歸名共東流水滔滔無盡期

右升仙橋

成都與維揚相去萬里地滄江東流疾帆去如鳥翅楚客過此橋東看盡垂淚

右萬里橋

江水初蕩瀟蜀人幾為魚向無爾石犀安得有邑居始知李太守伯禹亦不如

右石犀

龍女何處來來時乘風雨祠堂青林下宛宛如相語蜀人競祈恩捧酒仍擊鼓

右龍女祠

宋中懷古 十首

高適

關伯去已一作遠高丘臨道傍人皆有兄弟爾獨爲參

商終古猶如此而今安可量

五霸遞征伐宋人無戰功解圍幸奇說易子傷吾衷唯見廬門外蕭條多轉蓬

景公德何廣臨變莫能欺三請皆不忍妖星終自移君心本如此天道豈無知

出門望終古獨立悲且歌憶昔魯仲尼悽悽此經過衆人不可向伐樹將如何

常愛宓子賤鳴琴能自親邑中靜無事豈不由其身何意千年後寂寞一作寥無此人

古詩五言 卷二十二

三

逍遙漆園吏冥沒不知年世事浮雲外間居大道邊古來同一馬今我亦忘筌

朝臨孟諸上忽見芒碭間赤帝終已矣白雲長不還時清更何有禾黍徧空山

梁王昔全盛賓客復多才悠悠一千年陳跡唯高臺寂寞向秋草悲風千里來

梁苑白日暮梁山秋草時君王不可見脩竹令人悲九月桑葉盡寒風鳴樹枝

登高臨舊國懷古對窮秋落日鴻鴈度寒城何堪愁昔賢不復有行矣莫淹留

巫山懷古

劉希夷

巫山幽陰地神女艷陽年襄王何容色落日望悠然歸來高唐夜金缸焰青煙頽想卧瑤席夢魂何翩翩搖落殊未已榮華倏徂遷愁思瀟湘浦悲涼雲夢田猿啼秋風夜鴈飛明月天巴歌不可聽聽此益潺湲

峴山懷古

李白

訪古登峴首憑高眺襄中天清遠峯出水落寒沙空弄珠見遊女醉月一作酒懷山公感歎發秋興長松鳴夜風

敬亭山懷古

贈寶主簿

敬亭一迴首目盡天南端仙者五六人常聞此遊盤溪

古詩五言 卷二十二

四

流琴高水石聳麻姑壇白龍降陵陽黃鶴呼子安羽化騎日月雲行翼鴛鴦下視宇宙間四溟皆瀾決絕目下事從之復何難百歲落半途前

期浩漫漫強食不成味清晨起長歎願隨子明去鍊火燒金丹

溧陽北湖亭望瓦屋山懷古

朝登北湖亭遙望瓦屋山天青白露下始覺秋風還遊子托主人仰觀睂睫間目色送飛鴻邈然不可攀長吁相勸勉何事來吳關聞有貞義女振窮溧水灣清光了在眼白日如披顏高墳五六墩崧兀棲猛虎遺跡



翳九泉芳名動千古子胥昔乞食此女傾壺漿運開展  
宿憤入楚鞭平王凜冽天地間聞名若懷霜壯夫一作士

登商丘

儲光義

河水日夜流客心多殷憂維稍歷宋國結纜登商丘漢  
皇封子弟周室命諸侯搖搖世祀怨傷古復兼秋鳴鴻  
念極浦征旅慕前儔太息梁王苑時非牧馬遊

經殺子谷

陶翰

扶蘇秦帝子舉代稱其賢百萬猶在握可爭天下權東  
身就一劍壯志皆棄捐塞下有遺跡千齡人共傳疎蕪  
古詩五言 卷二十二 五

盡荒草寂歷空寒煙到此盡垂淚非我獨潸然

洛川懷古

劉希夷

萋萋春草綠悲歌牧征馬行見白頭翁坐泣青竹下感  
歎前問之贈予辛苦詞歲月移今古山河更盛衰晉家  
都洛濱朝廷多近臣詞賦歸潘岳繁華稱季倫梓澤春  
草菲河陽亂華飛綠珠不可奪白首同所歸高樓修冥  
滅茂林久摧折昔時歌舞臺今成狐兔穴人事五清上  
世路多悲傷北邙是吾宅東岳爲我鄉君看北邙道觸  
體榮蔓草芳

碑塋或半存荆棘

歛幽魂揮涕棄之去不忍聞此言

北湖懷古

春日陪楊江寧及諸宮宴李白

昔聞顏光祿攀龍宴重一作京湖樓船入天鏡帳殿開

雲衢君王歌大風如樂豐沛都延年獻佳作邈與詩人

俱我來不及此獨立鍾山孤楊宰穆清飈一作風芳聲騰

海隅英僚滿四座一作光榮若一作瓊林敷鵲首弄倒

景蛾眉綴明珠新絃采一作來梨園古舞嬌吳歛曲度繞

雲清一作漢聽者一作四座皆歡娛雞棲何嘈嘈一作作松月

沸笙竽古之帝宮苑今乃人樵蘇感此勸一觴願君覆

歎壺榮盛一作盛時當作樂無令後賢吁

潁陽東谿懷古

崔曙

古詩五言 卷二十二 六

靈谿氛霧歇皎鏡清心顏空色不映水秋聲多在

山世人久疎曠萬物皆自閒白鷺寒更浴孤雲晴未還

昔時讓王者此地閉玄一作宋關無以躡高步淒涼岑

林壑間

昆明池思古

秋日同諸公遊

儲光義

僕人理車騎西出金光遠蒼蒼白帝郊我將遊靈池太  
陰連晦朔雨與天根違淒風披田原橫汗益山陂農畯  
盡顛沛顧望稼穡悲皇靈惻羣甿神政張天維坤紀戮  
屏翳元綱扶逶迤迴塘清滄流大曜懸金暉秋色浮渾  
沌清光隨漣漪豫章盡莓苔柳杞成枯枝驟聞漢天子

征彼西南夷伐棘開洪淵秉旄訓我師震雲靈鼙鼓照  
水蛟龍旂銳士千萬人猛氣如龍罷刑罰一以正干戈  
自有儀坐作河漢傾進退樓船飛羽發鴻鴈落旂動芙  
蓉拔峨峨三雲宮肅肅振旅歸德忽小醜器用窮地  
賢上兵貴伐謀此道不能為吁哉蒸人苦始曰征伐非  
穆穆軒轅朝耀德守方垂君臣日安閒遠近無怨思石  
鯨既踴躍女牛亦流離賴遊渚隅葭蘆生潯湄坎壈  
四十里填淤今已微江伯方翔翔天吳亟往來桑榆  
無色佇立暮霏霏老幼樵木還賓從迴轍羈帝夢鮮魚  
索明月當報時

古詩五言

卷二十二

七

安州應城玉女湯懷古

李白

神女歿幽境湯池流大川陰陽結炎炭造化開靈泉  
底燦朱火沙飭歛素煙沸珠躍晴三月皎鏡涵空  
氣浮蘭芳蒲色漲桃花然情覽萬殊入潛行七澤遊  
疾功莫尚變盈道乃全濯纓掬清泚晞髮弄潺湲散下  
楚王國分澆宋玉田可以奉巡幸奈何隔窮偏獨隨朝  
宗水赴海輪微洎

東平懷古

高適

沙岸泊不定石橋水橫流問津見魯俗懷古傷家  
丘寥落千載後空傳褒聖侯

廣武懷古

楊凌

河水城下流登城望彌愜海雲飛不斷岸草綠相接龍  
門無舊場武牢有遺堞扼猴兵易守捫指計何捷天奪  
項氏謀卒成漢家業鄉山遙可見西顧淚盈睫

廣武古戰場懷古

李白

秦鹿奔野草逐之若飛蓬項王氣蓋世紫電明雙瞳呼  
吸八千人橫行起江東赤精斬白帝一作叱咤入關中  
兩龍不並躍五緯與天同楚滅無英圖漢興有成功按  
劍清八極歸酣歌大風伊昔臨廣武連兵決雌雄分我  
一杯羹太皇乃汝翁戰爭有古跡壁壘頽層穹猛虎吟

古詩五言

卷二十二

八

洞壑饒鷹獵一作鳴秋空翔雲列曉陣殺氣赫長虹撥亂  
為豪聖俗儒安可通沈湎呼豎子狂言非至公撫掌黃  
河曲嗤嗤阮嗣宗

南楚懷古

陶翰

南國久蕪漫我來空鬱陶君看章華宮處處生黃蒿但  
見陵與谷豈知賢與豪精魂托古木寶玉拍江皋倚棹  
下晴景迴舟隨晚濤碧雲暮寥落湖上秋天高往事那  
堪問此心徒自勞獨餘湘水上千載問離騷

登金陵冶城西北謝安墩

李白

晉室昔橫潰永嘉遂南奔沙塵何茫茫龍虎鬪朝昏胡

馬風漢草天驕蹙中原哲匠感頽運雲鵬忽飛翺組練  
照楚國旌旗連海門西秦百萬衆戈甲如雲屯投鞭作

可填江一掃不足論一作朝皇運有返正醜虜無遺

魂談笑遏橫流蒼生望斯存冶城訪古跡一作至今猶

有謝安墩憑覽周地險高標絕人喧想像東山姿緬懷

右軍言梧桐識嘉樹蕙草留芳根白鷺映春洲青龍見

朝瞰地古雲物在臺傾禾黍繁我來酌清波於此樹名

園功成拂衣去歸入一作長武陵源

避地司空原懷古

南風昔不競豪聖思經綸劉琨與祖逖起舞雞鳴晨雖

古詩五言卷二十二 九

有匡濟心終爲樂禍人我則異於是潛光旣水濱卜築

司空原北將天柱鄰雪霽萬里月雲開九江春俟乎泰

階平然後託微身傾家事金鼎年貌可長新所願得此

道終然保清真弄景奔日馭攀星戲河津一隨王喬去

長年玉天賓

漂母岸

崔國輔

泗水入淮處南邊古岸存秦時有漂母於此飯一作王

孫王孫初未遇寄食何足論後爲楚王來一作王

荅母恩事迹遺在此空傷千載魂茫茫水中一作水

上有一孤墩一作寒洲漲未遙望不可到一作蒼蒼

煙樹昏幾年角塚色一作暮日落潮痕古地多陞圯時  
哉不敢言向夕淚沾裳只一作遂宿蘆洲村

經理輪地

蔣冽

漢帝張御史晉國綠珠樓時代邈已遠共謝洛陽秋洛

陽大道邊舊地尚依然下馬獨太息擾擾城市喧時人

欺綠珠詩滿金谷園千載埋輪地無人興一言正直死

猶忌况乃未死前汨羅有翻浪恐是嫌屈原我聞太古

水上與天漢連一作有如何一落地又作九曲泉萬古

郢城懷古

李百藥

客心悲暮序登墉瞰平陸林澤宵芊綿山川鬱重複王

古詩五言卷二十二 十

公資設險名都拒江隩方城次北門溟海窮南服長策

挫吳豕雄圖競周鹿萬乘重沮漳九鼎輕伊穀大蒐小

夢掩壯觀章華築人世更盛衰吉凶長倚伏遊見郢城

斷仍觀賢臣逐南風忽不競西師日侵盛迎北蜀驕馳

時屯恣敲朴莫救夷陵火無復秦庭哭鄧郢遂宜墟風

塵俄慘驢狐兔時遊踐霜露日霑沐釣渚故池平

袖臺層宇覆陣雲埋夏首窮陰慘荒谷悵矣卅年遺悲

哉年祀修雖異三春望終傷千里日

經楚城

劉復

日沒途且長遊子欲涕零荒城無人跡秋艸飛寒螢東

南古丘墟莽蒼馳郊垌黃雲晦斷岸枯井臨崩亭昔人  
竟何之窮泉獨冥冥蒼苔沒碑板朽骨無精靈俛仰寄  
世間忽如流波萍金石非汝壽浮生等臊腥不如學神  
仙服食求丹經

長城懷古

北使作

王無競

秦世築長城長城無極已募兵四十萬興工九千里死  
人如亂麻白骨相撐委殫弊未云悟窮毒豈知止胡塵  
未北滅楚兵遽東起六國遂一作復驚兩龍鬬鬚鬚卯  
金竟握識反壁俄淪祀仁義寢邦國徂暴行終始一日  
咸陽宮翻爲漢朝一作市

古詩

五言 卷二十二

十一

過漢故城

吳少微

大漢昔未定強秦猶擅場中原逐鹿罷高祖繼龍驤經  
始謀帝座茲焉壯未央規模窮棟宇表裏浚城隍羣后  
崇長樂中朝憎建章勾陳被闌鉤樂府奏芝房翡翠明  
珠帳鴛鴦白玉堂清晨寶鼎食閒夜鬱金香天馬來東  
道佳人傾北方何其赫隆盛自謂寶靈長歷數有時盡  
哀平嗟不昌水堅成巨猾火德遂頽綱與位匪虛校貪  
天竟速亡魂神吁社稷豹虎鬪嚴廊金狄移瀚岸銅盤  
向洛陽君王無處所年代幾荒涼宮闕誰家域莽蕪菁  
我裳井田雖有草海水變爲桑昔在高門內今岐路

傍餘基不可識古墓列成行狐兔驚翹翹鴟鳥嚇猶狂  
空城寒日晚平野暮雲黃烈烈樊一作棘青棘蕭蕭吹白  
楊千秋并萬歲空使詠歌傷

蜀城懷古

劉希夷

蜀土一作遶水竹吳天積風霜窮覽通表裏氣色何蒼  
蒼舊國有年代青樓思艷妝古人無歲月白骨冥丘荒  
寂歷彈琴地幽流一作讀書堂玄龜埋卜室彩鳳滅詞  
場陣圖一一在栢樹雙雙行鬼神清漢廟鳥雀參倉  
歎世已多感懷心益自傷一作嘆逝日已傷賴蒙靈丘境  
當時一作明月光

古詩

五言 卷二十二

十二

鄴城懷古

孟雲卿

朝發淇水南將尋北燕路魏家舊城闕寒落無人住伊  
昔天地屯曹公獨中據羣臣將北面白日忽西暮  
竟寂寞一作萬事良難固雄豪一作安在哉衰草沾霜  
露崔巍長河北尚見應劉墓古樹藏龍蛇荒茅伏狐兔  
永懷故池館數子連章句逸興驅山河雄詞變雲霧我  
行覩遺跡精爽如可一作遇斗酒將酹君悲風白楊樹

出蕭關懷古

陶翰

驅馬擊長劍行役至蕭關悠悠一作五原上永眺關河  
前北虜三十萬此中常控弦秦城亘宇宙漢帝理旌

旌旗刁斗鳴不息一作羽書日夜傳五軍計莫就三策

議空全大漠橫萬里蕭條絕人煙孤城一作當瀚海落

日照祈連愴矣苦寒奏懷哉式微篇更悲秦樓月夜夜

出胡天

次潼關懷古東歸作

岑參

暮春別鄉樹晚景抵津樓伯夷在首陽欲往無輕舟遂

登關城望下見洪河流自從巨靈開流血千萬秋行行

潘生賦赫赫曹公謀川上多往事淒涼滿空洲

金陵白楊十字巷

李白

白楊十字巷北夾湖溝道不見吳時人空生唐年草天

古詩五言

卷二十二

十三

地有反覆宮城盡傾倒六帝餘古丘樵蘇泣遺老

大庭庫

朝登大庭庫雲物何蒼然莫辨陳鄭火空靈鄒魯煙我

來尋梓慎觀化入寥天古木朔一作氣多松風如五絃

帝圖終冥沒歎息滿山川

自廣平乘醉走馬六十里至邯鄲登城樓覽古

醉騎白花駱一作西走邯鄲城揚鞭動一作柳色寫鞞

春風生入郭登高樓山川與雲平深宮翳綠草一作雄

冢萬事傷人情相如章華顛猛氣折秦虜兩虎不可閭

廉公終負荆提携袴中兒杵臼及程嬰立孤就一作孤

白刃必死耀丹誠平原三千客談笑盡豪英毛君能穎

脫二國且同盟皆為黃泉土使我涕縱橫磊磊石子岡

蕭蕭白楊聲諸賢沒此地碑版有殘銘太古共今時由

來一作哀榮傷哉何足道感激仰空一作名趙俗愛

長劍文儒少逢迎間從博陵一作遊帳飲析朝醒歌酣

易水動鼓震荒臺傾日落把燭歸凌晨向燕京方陳五

餌策一使胡塵清

九成宮

杜甫

蒼山入百里崖斷如杵臼曾宮憑風迴一作岌業土囊

口立神扶棟宇一作鑿翠開戶牖其陽產靈芝其陰宿

古詩五言

卷二十二

十四

北一作斗紛披長松倒一作揭嶂怪石走哀猿啼一聲

客淚迸林藪荒哉隋家帝製此今頽朽向使國不一作馬

為巨唐有雖無新增修常置官居守巡井一作水邊跡足

雕牆後我行一作屬時危仰望嗟歎久天王守太山一作馬

馬更搔一作首

玉華宮

在坊州鳳凰谷

谿回松風長蒼鼠竄古瓦不知何王殿遺構絕壁下陰

房鬼火青壤道哀湍瀉萬嶺直竿竿秋色正蕭蕭美人

為黃土况乃粉黛假當時侍金輿故物獨石馬憂來藉

草坐浩歌淚盈把冉冉征途間誰是長年者

登古陽雲臺

張九齡

庭樹日衰颯風霜未云已駕言遣憂思乘興求相似楚  
國茲故都蘭臺有餘址傳聞襄王世仍立巫山祀方此  
全盛時豈無嬋娟子色荒神女至魂蕩宮觀啟蔓草今  
如積朝雲爲誰起

金陵鳳凰臺懷古

李白

置酒延落景金陵鳳凰臺長波寫萬古心與雲俱開借  
問往昔時鳳凰爲誰來鳳凰去已久正當今日迴明君  
越義軒一作軒后天老坐三台豪士無所用彈絃醉金罍東  
風吹山花安可不盡杯六帝沒幽草深宮冥綠苔置酒  
古詩五言 卷二十二 十五

勿復道歌鍾但相催

登宓公琴臺

三首序曰甲申歲適登于陵琴臺賦  
次章美太守李公能嗣子賤之政尚遺琴臺不  
章多邑宰崔公能思子賤之政

高適

宓子昔爲政鳴琴登北臺琴和人亦閒千載稱其才臨  
眺忽懷愴人琴安在哉悠悠此天壤唯有頌聲來  
邦伯感遺事慨然建琴堂乃知靜者心千載猶相望入  
室想其人出門何茫茫唯見白雲合東臨鄒魯鄉  
嵇嵇邑一作邑中老自誇邑中理何必升君堂然後知君  
美閒門無犬吠早卧常晏起其人不忍欺今我還復爾

秋登相如琴臺

古跡使人感琴臺空寂寥靜然顧遺塵千載如昨朝臨  
眺自茲始羣賢久相邀德與形神高孰知天地遙四時  
何倏忽六月鳴秋蜩萬象歸白帝平川橫赤霄猶是對  
夏伏幾時有涼颼燕雀滿簷楹鴻鵠搏扶搖物性各自  
得我心在漁樵兀然還復醉尚握樽中瓢

阮公嘯臺

包融

荒臺森荆杞蒙龍無上路傳是古人跡阮公長嘯處至  
今來清風一作清風時時動林樹逝者昔已遠升攀想遺  
趣靜然荒榛間久之若有悟靈光未歇滅千載知仰慕  
古詩五言 卷二十二 十六

登東陽沈隱侯八詠樓

崔融

旦登西北樓樓峻石墉厚宛生長定 俯睨江口井  
階衡鳥衡交疏過牛斗左右會稽鎮出入具區數趙嚴  
森其前浙江漫其後此地實東陽由來山水鄉隱侯有  
遺詠落簡尚餘芳具物昔未改斯人今已亡粵余忝藩  
左束髮事文場悵不見夫子神期遙相望

金陵新亭

李白

金陵風景好豪士集新亭舉目山河異偏傷周顒情門  
坐楚囚悲不憂社稷傾王公何慷慨千載仰雄名  
仲子宅一云古泉驛 張說

昔聞陳仲子守義辭三公身貧一作耕妻織屨樂亦在其  
中豈無窮賤苦羞與傾巧同長白臨河上於陵入濟東  
我行弔遺跡一作行至此感歎古泉空

徵君宅

今祇迴寺

許景先

徵君昔嘉遯抗跡遺俗塵了心悟有物乘化遊一作入無  
垠道寥歷千載復存頽陽真上虞佳山水晚歲耽隱淪  
內史既解綬支公亦相親儒道匪遠理意勝聊自欣洄  
沿南谿夕流浪東山春石壁踐丹景金潭冒綠蘋探鍊  
備海嶠賞心寓情人奈何靈仙骨鍛一作斂翻瑤池津寥  
寥虛白宇夙朔招提因家風緬多尚玄德謝無鄰謬陪  
古詩五言 卷二十二 十七

金門彥矯跡侍紫宸皇恩竟已矣遺烈庶不泯

過嚴君平古井

一作鄭翼

鄭世翼

嚴平本高尚遠蹈古人風賣卜成都市流名大漢中舊  
井改人世寒泉久不通年多既罷汲一作無禽乃遂空  
如何屬秋氣唯見落雙桐

經下邳圯橋懷張子房

李白

子房未虎嘯破產不爲家滄海得壯士椎秦博浪沙報  
韓雖不成天地皆振動潛匿遊下邳豈曰非智勇我來  
圯橋上懷古欽英風唯見碧流水一作曾無黃石公歎  
息此人去蕭條徐泗空

望鸚鵡洲懷禰衡

魏帝營八極蟻觀一禰衡黃祖斗筭人殺之受惡名吳  
江賦鸚鵡落筆超羣英鏘鏘振金玉句句欲飛鳴鸚鵡  
啄孤鳳千春傷我情五嶽起方寸隱然詎可平才高竟  
何施寡識冒天刑至今芳洲上蘭蕙不忍生

秋夜板橋浦汎月獨酌懷謝朓

天上何所有迢迢白玉繩斜低建章闕耿耿對金陵漢  
水舊如練霜江夜清澄長川瀉落月洲渚曙曉寒凝獨酌  
板橋浦古人誰可徵玄暉難再得灑淚一作氣填膺  
汾陰后土祠作 李適

古詩五言

卷二十二

十八

昔予讀舊史遍觀漢世君武皇帝稽古建茲自代勲號  
今垂懋典舊經備闕文南巡歷九嶷舳艫被江濱勒兵  
十八萬旌旗何紛紛竭來茂陵下英威一作不復聞我  
行歲方晏極望山河分神光終冥漠鼎氣獨氣飄飄涕  
步一作上登高見彼汾雄圖今安在飛飛有白雲

小敷谷龍潭祠作

王昌齡

崖谷歎疾流地中有雷集百泉勢相蕩巨石皆却立跳  
波沸崢嶸深處不可挹昏爲蛟龍怒一作清一作見雲  
雨入靈怪崇偏祠廢興自茲邑沈淫頃多昧櫟宇遂不  
葺吾聞被明典盛德惟世及生人載山川血食報原隰



豈伊駭微險將以循昨揖 飛振呂梁忠信亦我習波  
流浸已廣悔吝在所汲谿水有清源褰裳靡沾濕

登樂遊原廟懷古

豆盧田

緬惟漢宣帝初謂皇曾孫雖在襁褓中亦遭巫蠱冤至  
哉丙廷尉感激義彌敦馳逐蓮勺道出入諸陵門一朝  
風雲會竟登天位尊握符昇寶曆負辰御華軒赫奕文  
物備歲焚休瑞繁卒爲中興主垂名於後昆雄圖奄已  
謝餘址空復存昔爲樂遊苑今爲狐兔園朝見牧豎集  
夕聞棲鳥喧蕭條灞亭岸寂寞杜陵原幕廕野煙起蒼  
茫嵐氣昏二曜屢廻薄四時更涼溫天道尚如此人理  
古詩 五言 卷二十二 十九

安可論

謁玄元皇帝廟

張九齡

興運昔有感建祠北山巔雲雷初締構日月今悠然紫  
氣尚蒼鬱玄元如在焉追茲事追遠輒興復瞻軒洞府  
香林處齋壇清漢邊吾君乃尊祖夙駕此留神聖勅人  
神會鍾成律度圓笙歌下鸞鶴芝木萃靈仙曾是福黎  
庶豈唯味虛玄廢 歌徒有作微瀆謝昭宣

謁河上公廟

張說

尊師厭塵去精魄知何明形氣不復生 弟子空傷  
情濟北神如在淮南藥未成共期終莫遂寥落兩無名

登首陽山謁夷齊廟

李頎

古人已不見喬木竟誰過寂寞首陽山白雲空復多蒼  
苔歸骨地皓首采薇歌畢命無怨色成仁其若何我來  
入遺廟時候微清和落日弔山鬼回風吹女蘿石門正  
一作西豁引領望黃河千里一飛鳥孤光東逝波驅車  
層城路惆悵此巖阿

緱山廟

吳筠

朝吾自嵩山驅駕遵洛汭逶遲輶轅側仰望緱山際王  
子謝時人笙歌此賓帝仙材夙所稟實位焉足繫爲迫  
丹霄期闕流蒼生惠高蹤邈千載遺廟今一詣肅肅生  
古詩 五言 卷二十二 二十

風雲森森列松桂大君弘至道層構何壯麗瞻首蒙金  
壇焚香陟瑤砌伊余超浮俗塵慮久已閉況復清風心  
蕭然叶真契

登葉縣故城謁沈諸梁廟

李白

總轡臨秋原登城望寒日煙霞共掩映林野俱蕭瑟楚  
塞鬱不窮吳山高漸出客行殊未已沐溘期終吉椒桂  
莫芳樽風雲下虛室館宇肅而靜神心康且逸伊我非  
真龍勿驚疲朽質

謁漢高廟

纂堯靈命啟滅楚餘閭 一作終飛名膺帝錄沈迹韞神

功瑞氣朝浮碣祥符夜告豐抑揚駕人傑叱咤掩時雄  
締構三靈敗經綸五緯同干戈革宇內聲教盡寰中運  
謝年逾遠魂歸道未窮樹碑留故邑抗殿表祠宮沐蘭  
祈泗上一作謁帝動深衷英威肅如在文物杳成空竹  
皮聚寒徑粉社落霜蕭索陰雲晚長川起大風

謁漢世祖廟

劉希夷

春陵氣初發漸臺首未傳列營百萬衆持國十八年運  
開朱旗後道合赤符先宛城劒鳴匣昆陽鏑應弦獵獸  
血塗地巨人聲沸天長驅過北趙短兵出南燕太守迎  
門外王郎死道邊昇壇九城一作陌端拱千秋年朝廷

古詩五言

卷二十二

二十一

方雀躍劒珮幾聯翩至德刑四海神儀翳九泉宗子行  
舊邑恭聞清廟篇君容穆而聖臣像儼猶賢一作木承危  
柱疎蘿挂朽椽祠庭巢鳥啄祭器網蟲緣懷古江山在  
惟新曆數遷空餘今夜月長似舊時懸

嚴陵廟

廟一作祠

洪子輿

漢主召子陵歸宿洛陽殿客星今安在隱迹猶可見水  
石空渾淥松篁尚葱蒨岸深翠陰合川迴白雲偏幽徑  
滋蕪沒荒祠羃霜霰垂釣想遺芳撥蘋羞野薦高風激  
終古語理忘榮賤方驗一作道可尊山林情不變

薦玄德公廟

儲光羲

神道本無已成化亦自然君居寥天上德在玉華泉真  
遊踐王豫永日遲雲仙表微在營道明祀將祈年靈山  
俯新邑松上生彩煙豈知穆天子遠去瑤池邊

題尉遲將軍新廟

高適

周室旣板蕩賊臣立嬰兒將軍獨激昂誓欲酬恩私孤  
城日無援高節終可悲家國共淪亡精魂空在斯沈沈  
積冤氣寂寂無人知良牧懷深仁與君建明祠父子俱  
血食軒車每逶迤我來薦蘋蘩感歎興此詞晨光上階  
闥殺氣翻旌旗明明幽冥理至誠信莫欺唯夫二千石  
多慶方自茲

古詩五言

卷二十二

二十二

題衡山縣文宣王廟新學堂

呈陸宰 杜甫

旄頭彗紫微無復俎豆事金甲相排蕩青衿一憔悴鳴  
呼已十年儒服弊于地征夫不遑息學者淪素志我行  
洞庭野歛得文翁肆僊冑子行若舞風雩至周室宜  
中興孔門未應棄是以資雅才渙然立新意衡山雖小  
邑首唱恢大義因見縣尹心根源舊宮闕講堂非築構  
大屋加塗墍下可容萬一作人墻隅亦浚遠何必三千  
徒始壓戎馬氣林木在庭戶密幹疊蒼翠有井朱夏時  
轆轤凍堦圯耳聞讀書聲殺伐災髣髴故國延歸望哀  
顏減愁思南紀收波瀾西河其風味采詩倦跋涉載筆

尚可記高歌激宇宙凡百慎失墜

橋陵 呈縣內諸官

先帝昔晏駕茲山朝百靈崇岡擁象設沃野開天庭卽  
事壯重險論功超五丁陂陀因厚地却略羅峻屏雲闕  
虛冉冉風松肅泠泠石門霜露白玉殿莓苔青宮女曉  
一作知曙祠官朝見星空梁簇畫戟陰井敲銅瓶中使  
日夜繼惟王心不寧豈徒卹備享尚謂求無形孝理敦  
國政神凝推道經瑞芝產廟柱好鳥鳴巖局高嶽前律  
崒洪河左澄潏金城蓄峻趾沙苑交廻汀永與奧區固  
川原紛眇冥居然赤縣立臺榭爭岩亭官屬果稱是聲

古詩 五言

卷二十二

二十三

華真可聽王劉美竹潤裴李春蘭警鄭氏才振古吹侯  
筆不停遣辭必中律利物常發矧綺繡相展轉琳琅愈  
青瑛側聞魯恭化秉德崔瑗銘太史侯危影王喬隨鶴  
翎朝儀限霄漢客思廻林垌輶軻辭下杜飄飄凌濁涇  
諸生舊褫褐旅泛一浮萍荒歲兒女瘦暮途涕泗零主  
人念老馬廐宇容秋螢流寓理豈愜窮愁醉未醒何當  
擺俗累浩蕩乘滄溟

望秦始皇陵 和黃明盧監

張九齡

秦帝始末仙驪山何遽十中年既無効茲地所宜復  
役如雷奔珍怪亦雲蓄黔首無寄命赭衣相追逐

人怨神亦怒身死宗遂覆土崩失天下龍圖入百谷  
爲項籍屠君同華元戮始掘旣由楚終焚乃因牧上宰  
議揚賢中阿感怛速一聞過秦論載懷空杆軸

比干墓

徐彥伯

大位天下寶維賢國之鎮殷道微而在受辛篡頤亂山  
鳴鬼又哭地裂川亦震蝶黷皆佞諛度劉盡英雋孤卿  
一作帝叔父特進貞而順王牀逾皦潔銅柱方歆歆奉  
國歷三朝觀竅明一瞬季代猖狂主蓄怒提白刃之子  
彌忠儻憤然更勇進撫膺誓隕越知死故不恤已矣竟  
剖心哲婦亦同殉驪龍暴雙骨太嶽摧孤仃周發次商

古詩 五言

卷二十二

二十四

郊冤骸悲莫殮鋒劍遺孽報復一何迅駐蹕歌淑靈  
命徒封旅視自爾街幽酷于嗟流景峻丘墳被宿莽壇  
圯緣飛燐貞觀戒北征維皇念忠信荒墳護草木刻楠  
吹煨燼代遠恩更崇身頽名益振帝詞書藥石國饌羅  
芳鮮偉哉烈士圖奇英千古徇

驪姬墓

岑參

驪姬北原上閉骨已千秋澹水日東注惡名終不流獻  
公恣耽惑視子如仇讐此事成蔓草我來逢古丘蛾眉  
山月苦蟬鬢野雲愁欲弔二公子橫汾無輕舟  
登九里臺是樊姬墓

張說

楚國所以霸樊姬有力焉不懷沈尹祿誰進一作叔放

賢萬化茫無在孤墳獨歸然北分陽臺陌南識郢城阡

漠漠渚宮樹蒼蒼雲夢田登高形勝出訪古今名傳自

我來符守因君樹蕙荃詩書將變俗綸纘忽彌年志闢

三折後愁值二毛前佇立帝京路遙心寄此篇

懷王墓

咄嗟不可信以此敗懷王客死崑關路返葬岐江陽啼  
狄抱山月饑狐獵野霜一聞懷沙事千載盡悲涼

昭君墓

常建

漢官豈不死異域傷獨沒萬里馱黃金蛾眉爲枯骨迴

古詩五言

卷二十二

二十五

車一作

夜出塞立馬皆不發共恨丹青人墳一作上哭

明月

過王濬墓

玄宗

吳國分牛斗晉室命龍驤受任敵已滅策勲名不彰居

美未盡善矜功徒自傷長戟今何在孤墳此路傍不觀

松栢茂空餘荆棘場嘆嗟懸劍壘誰識夢刀祥

弔王將軍墓

常建

嫖姚北伐時深入疆一作千里戰餘落日黃軍敗鼓聲

死嘗聞一作漢飛將可奪單于壘今與山鬼鄰殘兵哭

遼水

過漢南城歎古墳

張說

舊國多陵墓荒涼無歲年洶湧蔽平岡汨若波濤連上

世千金子潛卧九重泉松柏剪無餘碑記滅罔傳葬於

不毛地咸謂楚先賢事盡情可識使人心悵然

驪山下逍遙公舊居遊集

張九齡

君子體清尚歸處有兼資雖然經濟日無忘幽棲時卜

居舊何所休澣嘗來茲岑寂罕人至高深獲我思松澗

聆遺風蘭林覽餘滋往事誠已矣道存猶可追遺子後

黃金作歌先紫芝明德有自來奕世皆秉彝豈與磻溪

老嵬起周太師我心希碩人逮此問元龜惆悵既懷遠

古詩五言

卷二十二

二十六

沈吟亦省私已云寵祿過況在華髮衰軒蓋有迷復丘

壑無磷緇感物重所懷何但止足斯

過郭代公故宅

杜甫

豪雋初未遇其跡或脫略代公通泉尉一作尉放意何

自若及夫登袞冕直氣森噴薄磊落見異人豈伊常情

度定策神龍後宮中翕清廓俄頃辨尊親指揮存顧託

羣公有慙色王室無削弱迴出名臣上丹青照堂閣我

行得遺跡池館皆疏鑿壯公臨事斷顧步涕橫落精魄

凜如在所歷終蕭索一無以高詠寶劍篇神交付冥漠

陳拾遺故宅

拾遺平昔居大屋尚修椽悠揚荒山日慘淡故園煙位  
下曷足傷所貴者聖賢有才繼騷雅哲匠不比肩公生  
揚馬後名與日月懸同遊英俊人多秉輔佐權彥昭超  
王價郭振起通泉到今素壁滑洒翰銀鈎連盛事會一  
時此堂豈千年終古立忠義感遇有遺編

憶崔郎中宗之遊南陽遺吾孔子琴撫之潸然感  
舊 李白

昔在南陽城唯餐獨山蕨憶與崔宗之白水弄素月時  
過菊潭上縱酒無休歇泛此黃金花頽然清歌發一朝  
摧玉樹生死殊飄忽留我孔子琴琴存人已歿誰傳廣  
古詩 五言 卷二十二 二十七

陵散但哭卬山骨泉戶何時明長歸一作孤兔窟  
還渭南感舊 二首 唐 杜甫

寢室悲長簾粧樓泣鏡臺獨悲桃李節不共一時  
開魂今若有感髮髯夢中來

常時華室靜笑語度更籌恍惚人事改冥漠委荒丘陽  
原歌薤露陰壑悼藏舟清夜妝臺月空想畫眉愁

和姚令公溫湯舊館未懷故人盧公之作  
蘇頌

樹德豈孤邁降神良並出偉茲廊廟中一作調彼鹽梅  
實正悅虞垂舉翻悲鄭僑卒同心不可忘交臂何爲失

清路荷前幸明時稱右弼曾聯野外遊一作尚記帷中  
密新慟情莫遣舊遊詞更述空令還和辱一作長感一作  
數知音日

題東山子李適碑陰二首序曰適李公生自號  
神交者歌薤露以送子歸東山爲徐彥伯  
詩鐫于碑陰者

龍嶂縈紫氣金光赫氛氲美人含遙靄桃李芳自薰圖  
高黃鶴羽寶奔驪龍羣忽驚薤露曲掩噎東山雲

回也寔天折一作賈生亦脆促今復哀若人危迅風前  
燭夜臺淪清鏡窮塵埋一作結綠何以贈下泉生芻唯

一束  
古詩 五言 卷二十二 二十八

宋主簿鳴皋夢趙六子未及報而陳子云亡追爲  
此詩答宋兼貽平昔遊舊 盧藏用

暮川罕停波朝雲無留色故人琴與詩可存不可識識  
心尚可親琴詩非故人鳴皋初夢趙蜀國已悲陳感化

傷淪滅魂交惜未申冥期失幽報茲理復今晨前嗟成  
後泣已矣將何及舊感與新悲虛懷疇昔時趙侯鴻寶

氣獨負青雲姿羣有含妙識衆象懸清機雄談盡物變  
精義解人頤在陰旣獨善幽躍自爲疑踈彼千里足傷

哉一尉欺陳生富清理卓犖兼文史思緝巫山雲調逸  
岷江水鏗鏘哀忠義感激懷知已負劒登薊門孤遊入

燕市浩歌去京國歸守西山趾幽居探元化立言見千祀埋沒經濟情良圖竟云已坐憶平生遊十載懷嵩丘題書滿古壁採藥遍巖幽子微化金鼎仙笙不可求榮哉宋與陸各宦美中州存亡一瞬阻岐路方悠悠自余事山海及茲人世改傳聞當世榮皆入古人名無復平原賦空餘隣笛聲泣對西州使悲訪北邙塋新墳蔓宿草舊闕毀殘銘爲君成此曲因言寄友生默語無窮事凋傷共此情

懷舊二首

杜甫

只公雅雅一作雅吳語在位常清狂上疏乞骸骨黃冠歸故山詩五言卷二十二二十九

鄉爽氣不可致斯人今則亡山陰一茅宇江海日清涼

吾憐孟浩然稊褐卽長夜賦詩何必多往往凌鮑謝清江空舊魚春雨餘甘蔗每望東南雲令人幾悲吒

五君詠五首

張說

齊公生人表迴天聞鶴唳清論早揣摩玄心晚超詣入相廟廊靜出軍沙漠霽見深呂祿憂舉後陳平計甘心除君惡足以報先帝右魏齊公元忠

許公信國楨克美具瞻情百事資朝問三章廣世程處高心不有臨節自爲名朱戶傳新戟青松拱舊塋凄凉

丞相府餘慶在玄成右蘇許公瓌

李公實神敏才華乃天授睦親何用心處貴不忘舊故事遵臺閣新詩冠宇宙在人忠所奉惡我誠將宥南浦去莫歸嗟嗟茂孫秀右李趙公嶠

代公舉鵬翼懸飛摩海霧志康天地屯適與雲雷遇興喪一言決安危萬心注大勲書王府舛一作命淪江路

勢傾北夏門哀靡東平樹右郭代公元振

耿公山嶽秀一作靈才傑心一作思亦妙驚鳥峻標立哀

臺雲風吹落江徼汨流下潯陽灑淚一投弔右趙耿公

古詩五言卷二十二

三十

濟上四賢詠三首王維

解印歸田里賢哉此大夫少年曾任俠晚節更爲儒迹一作東山下因家滄海隅已聞能狎鳥余欲共

寶劍千金裝登君白玉堂身爲平原客家有邯鄲娼使氣公卿座論心游俠場中年不得意一作謝病客遊梁

翩翩繁華子多出金張門幸有先人業早蒙明主恩童年且未學肉食驚華軒豈乏中林士無人薦至尊鄭公

老泉石霍子安丘樊賣藥不二價著書盈萬言息陰無

惡木飲水必清源吾賤不及議斯人竟誰論右鄭公

三君詠三首序曰開元中適遊於魏郡鄭元不故

邑外又有故太守狄公生祠焉高適

鄭公經綸日隋氏風塵昏齊代取高位逢時敢直言道

光先帝業義激舊君恩寂寞臥龍處英靈千載魂右魏

徵代公實英邁津涯浩難識擁兵抗矯徵仗節歸有德縱

橫負才智顧盼安社稷流落勿重陳懷哉為悽惻右郭

元振梁公乃貞固勲烈垂竹帛言太后朝潛運儲君策待

古詩五言卷二十二 三十一

賢開相府共理登方伯至今青雲人猶是門下客右公

八哀詩八首序曰傷時盜賊未息興起王公李公

不計次焉杜甫

司空出東夷童稚刷勁翮追隨燕薊兒穎銳物不隔服

事哥舒翰意無流沙磧未甚拔行間犬戎大充斥短小

精悍資屹然強寇敵貫穿百萬衆出入由咫尺馬鞍懸

將首甲外控鳴鏑洗劍青海水刻銘天山石九曲非外

蕃其王轉深壁飛兔不近駕驚鳥資遠擊曉達兵家流

飽聞春秋癖賀襟日沈靜肅肅自有適潼關初潰散萬

乘猶辟易偏裨無所施元帥見手格太子入朔方至尊

狩梁益胡馬纏伊洛中原氣甚逆肅宗登寶位塞望勢

敦迫公時徒步至請罪將厚責際會清河公右房間道

傳玉冊天王一作拜跪畢讞議果永釋翠華卷飛雪熊

虎亘阡陌屯兵鳳凰山帳殿涇渭關一作金城賊咽喉

詔鎮雄所搤禁暴靖無雙爽氣春漸瀝巷有從公歌野

多青青麥及夫哭廟後復領太原役恐懼祿位高悵望

王土窄不得見清時嗚呼就窀穸一作繫五湖舟悲

甚田橫客千秋汾晉間事與雲水白昔觀文苑傳豈述

廉蘭續嗟嗟鄧大夫右景士卒終倒戟右贈司空王

古詩五言卷二十二 三十二

司徒天寶末北收晉陽甲胡騎攻吾城愁寂竟不愜人

安若泰山薊北斷右脅朔方氣乃蘇黎首見帝業二宮

泣西郊九廟起頽壓未散河陽卒思明偏臣妾復自碣

石來火焚乾坤徹高視笑祿山公又大獻右捷異王

冊崇勲小敵信所怯擁兵鎮河汴千里初安帖青蠅紛

營營風雨秋一葉內省未入朝死淚終映睫大屋去高

棟長城掃遺孽平生白羽扇零落蛟龍匣雅望與英姿

惻愴槐里接三軍晦光彩烈士痛稠疊直筆在史臣將

來洗箱篋吾思哭孤冢南紀阻歸楫扶顛承蕭條未濟

失利涉疲薶竟何人灑涕巴東峽右司徒李光弼



鄭公瑚璉器華嶽金天晶昔在童子日已聞老成名巍  
然大賢後復見秀骨清開口取將相小心事友生閱書  
百紙盡落筆四座驚歷職匪父任嫉邪嘗力爭漢儀尚  
整肅胡騎忽縱橫飛傳自河隴逢人問公卿不知萬乘  
驕一作出雪涕風悲鳴受詞劍閣道謁帝蕭關城寂寞雲  
臺仗飄飄一作沙塞旌江山少使者笳鼓凝皇情壯士  
血相視忠臣氣不平密論貞觀體揮發岐陽征感激動  
四極聯翩收二京西郊牛酒再原廟丹青明臣汲俄寵  
辱衛霍竟哀榮四登會府地三掌華陽兵京兆空柳色  
尚書無履聲羣鳥自朝夕白馬休橫行諸葛蜀人愛文

古詩

卷二十二

三十三

翁儒化成公來雪山重公去雪山輕記室得何遜船鈴  
延子荆四郊失壁壘虛館開逢迎堂上指圖畫軍中吹  
玉笙豈無成都酒憂國只細傾時觀錦水釣問俗終相  
并意待犬戎滅人藏紅粟盈以茲報主願庶或裨世程  
炯炯一心在沈沈二豎嬰顏回竟短折賈誼徒忠貞飛  
旄出江漢孤舟轉荆衡虛無一作馬融笛悵望龍  
驤塋空餘老賓客身上媿簪纓一作似太宗色映塞外  
汝陽讓帝子眉宇真天人虬鬚一作春往者開元中主恩視遇頻出入獨非時禮異見羣臣  
愛其謹潔極倍此骨肉親從容退一作朝後或在風雪

一作晨忽思格猛獸苑囿騰清塵羽旗動若一萬馬肅  
駭駭詔王來射鴈拜命已挺身箭出飛鞚內上天人  
回翠麟翻然紫塞翻下拂一作明月輪胡人雖獲多天  
笑不爲新王每中一物手自與金銀袖中凍獵書扣馬  
久上陳竟無銜屢虞聖聰矧多仁官免供給費水有在  
藻鱗匪惟帝老大皆是王忠勤晚年務置醴門引申白  
賓道大容無能永懷侍芳茵好學尚貞烈義形必露巾  
揮翰綺繡揚篇什若有神川廣不可泝墓久孤兔鄰宛  
彼漢中郡文雅見天倫何以慰我悲泛舟俱遠津溫溫  
昔風味少壯已書紳舊遊易磨滅衰謝增酸辛右贈太師

古詩

卷二十二

三十四

長嘯宇宙間高才日陵替古人不可見前輩復誰繼憶  
昔李公存詞林有根柢聲華當健筆灑落富清製風流  
散金石追琢山嶽銳情窮造化理學貫天人際于闕走  
其門碑版照四裔各滿深望還森然起凡例蕭蕭白楊  
路洞徹寶珠惠龍宮塔廟湧浩劫浮雲衛宗儒俎豆事  
故吏去思計眴眴已皆虛跋涉曾不泥向來映當時豈  
特獨一作勸後世豐屋珊瑚鉤麒麟織成屬紫纈通翎几  
義取無虛歲分宅脫膠間感激懷未濟衆歸屬紛美擺  
落多藏穢獨步四十年風聽九臯喚嗚呼江夏姿竟掩

宣尼袂昔者武后朝引用多寵嬖否臧太常議而折二  
張勢衰俗凜生風排蕩秋旻霽忠貞負冤恨宮闕深旒  
綬放逐早聯翩低垂困炎厲日斜鵬鳥入竟斷蒼梧帝  
榮枯走不暇星駕無安稅幾分漢庭竹鳳擁文侯篲終  
悲洛陽獄事近小臣斃禍階初負謫易力何深齊  
伊昔臨淄亭酒酣託未契重叙東都別朝陰改軒砌論  
文到崔蘇指畫流水逝近伏盈川雄未甘特進麗是非  
張相國相扼一作振一危脆爭名古豈然鍵捷欸不閉例  
鍾律儼高懸鯨鯢噴迢遞陂池青州血蕪沒汶陽瘞哀  
古詩五言 卷二十二 三十五  
贈竟蕭條恩波延揭厲子孫存一作在如綫舊客舟凝滯  
君臣尚論兵將帥接燕薊朗詠六公篇六公指公卿大夫士  
武功少也孤徒步客一作寫徐充讀書東獄中十載考墳  
典時下萊蕪郭忍饑浮雲燼負米晚爲身每食膾必泣  
夜宇照熱新垢衣生碧薛庶以勤苦志報茲劬勞願學  
蔚醇儒姿文包舊史善灑落辭幽人歸來潛京輦射策  
君東堂宗匠集精選制可題未乾乙科已大闢文章日  
自負吏掾亦累踐晨趨閭闔內足踏宿昔跡一麾出守  
還黃屋朔風卷不暇陪八駿虜庭悲所遣平生滿樽酒

斷此朋知展憂憤病二秋有恨石可轉肅宗復社稷得  
無逆順辨范曄顧其兒李斯憶黃犬秘書茂松色一作意  
再扈從一作祠壇壇前後百卷文枕藉皆禁衛篆刻揚雄  
流溟漲本未淺青瑒芙蓉劍犀兕豈獨剗反爲後輩褻  
予實苦懷緬煌煌齋房芝事絕萬手奉垂之俟來者正  
始徵勸勉不要懸黃金胡爲投乳贗結交三十載吾與  
誰遊衍榮陽復冥一作冥寔罪罟以橫胃嗚呼子逝日始  
泰則終蹇長安米萬錢凋喪盡餘喘戰伐何當解歸帆  
阻清汙尚纏漳水疾永負蒿里餞右秘書少監武功蘇  
鷄鵠至魯門不識鍾鼓饗孔翠望赤霄愁思雕籠養榮  
古詩五言 卷二十二 三十六  
陽冠衆儒早聞名公賞地崇士大夫况乃氣清爽天然  
生知姿學立游夏上神農或闕漏黃石愧師長藥纂西  
極名兵流指諸掌貫穿無遺恨蒼葦何技養公著詩曰取  
太枉神翰顧不一體變鍾兼兩文傳天下口大字猶在  
胸昔獻書畫圖新詩亦俱往滄洲動玉陛寡鶴誤一響  
三絕自御題四方猶所仰嗜酒益疎放彈琴視天壤形  
骸質土木親近唯几杖未曾寄官曹突兀倚書幌晚就  
芸香閣胡塵昏缺莽反覆歸聖朝點染無滌盪老蒙台  
州掾泛泛浙江槩履穿四明雪饑拾橡谿谿空聞紫芝

歌不見杏壇丈天長眺東南秋色餘翹翹別離慘至今  
斑白徒懷曩春深秦山秀葉墜清渭朗劇談王侯門野  
稔林下執操紙終夕酣時物集遐想詞場竟疎闊平昔  
濫推獎百年見存沒牢落吾安訪蕭條阮咸在出處同  
世網他日訪江樓含悽述飄蕩右著作郎貶台州司戶  
榮陽鄭虔  
相國生南紀金璞無畱礦仙鶴下人間獨立霜毛整矯  
然江海思復與雲路永寂寞想土階未遑等箕穎上君  
白玉堂倚君金華省碣石歲崢嶸天地日蛙黽退食吟  
大庭何心記榛梗骨驚畏曩哲鬢變負人境雖蒙換蟬  
冠右地應多幸敢忘二疎歸痛迫蘇耽井紫綬映暮年

古詩

五言

卷二十二

三十七

荊州謝所領庾公興不淺黃霸鎮每靜賓客引調同諷  
詠在務屏詩罷地有餘篇終語清省一陽發陰管淑氣  
舍公鼎乃知君子心用才文章境散帙起翠螭倚薄巫  
廬並綺麗玄暉擁牋誅任昉騁自成一家則未缺隻字  
警千秋滄海南名繫朱鳥影歸老守故林戀闕情延頸  
波濤良史筆蕪絕大庾嶺向時禮數隔制作難上請再  
讀徐孺碑猶思理煙艇右僕射相國張九齡

傷王學士

序曰王君叔者少小遊洛陽吾與君隴  
西李至為友家貧道遠初與君別  
在蕃邸侍諸人遊四年余遭浮議下獄他日余  
至來知君物化嗚呼叔年不遇昔同為今  
余先見錄恨吾非所關爾悲葬退而賦詩以哀

命

沈佺期

閉囚斷外事昧坐半餘暮有言賴叔子亡來已一時初  
聞宛不信中話涕漣漣痛哉玄夜重何遽青春姿憶汝  
曾旅食屢空漚澗涓吾徒祿未厚笄斗愧相貽原憲貧  
無愁賴回樂自持詔書擇才善君為王子師寵儒名可  
尚論秩官猶欺化往不復見情來安可思目絕毫翰洒  
耳無歌諷期靈樞寄何處精魄今何之恨予在丹棘不  
得看素旗孀妻知已歎幼子路人悲感遊值商日絕絃  
留此詞

使至嵩山尋杜四不遇慨然復傷田洗馬韓觀主  
古詩

五言

卷二十二

三十八

因以題壁贈杜侯杜四

宋之問

洛橋瞻太室期子在雲煙歸來不相見孤賞弄寒泉與  
君澗松石于茲二十年田公謝昭世韓子秘幽挺憶昔  
同携手山棲接二賢笙歌入玄地詩酒坐寥天舊友悉  
零落罷琴私自憐遊者非藥誤餐霞意可全為余理還  
策相與事靈仙

蜀城哭台州樂安少府

蘇頌

遠遊躋劔閣長想屬天台萬里隔三載此邦余重來音  
容曠不覩夢寐殊悠哉邊郡饒藉藉晚庭正回同喜傳  
上都封因促傍吏開何悟海鹽客已而梁木摧變衣寢

門外揮涕少城隈却記分明得猶持委曲猜師儒昔訓  
獎仲季時童孩服義題一作書篋邀歡汎酒杯暫令風  
雨散仍迫歲時迴其道惟正直其人信美僂白頭還作  
尉黃綬固非才可歎懸蛇疾先貽問鵬災故鄉閉窮壤  
宿草生寒荳零落九原去蹉跎四序催曩期冬贈橘今  
哭夏成梅執禮誰爲贈居常不狗財北登嶺東望  
姑蘇臺天路本懸絕江波復一作空泝洄念孤心易斷追  
往恨難裁不遂卿將伯一作相訖云陳與雷吾衰亦如此  
夫子復何哀

哭單父梁九少府

高適

古詩五言

卷二十二

三十九

開篋淚沾臆見君前日書夜臺今一作空寂寞猶是子雲  
居疇昔貪一作探靈竒登臨賦山水同舟南浦下一作望  
月西江裏契闊多別離網繆到生死九原卽何處萬事  
皆如昨晉山徒嗟一作峨斯人已冥冥常時祿且薄歿  
後家復貧妻子在遠道弟兄無一人十上多苦辛一官  
常自哂青雲將可致白日忽先一作西盡唯有身後名空  
留無遠近

哭裴少府

世人誰不死嗟君非生慮扶病適到官田園在何處公  
才羣吏感葬事他人助余亦未識君深悲哭君去

哭富嘉謨序曰維三月癸丑河南富嘉謨卒于時  
手經席前蜀於洛陽北里閭之投枕而起淚沾  
曰天乎天乎何得于易所朋易有律易可得而見  
抑斯文也以存乎哀太常少卿徐鄭州刺史尹  
公中書徐元二舍人兵部張郎中未嘗值我不  
歡于朝夫情悼之賦詩以寵亡也吳少微

吾友適不死於戲社稷臣直祿非造利長懷大庇人乃  
通承明籍遵此敦泮春藥礪其可畏皇穹故匪仁疇昔  
與夫子孰云異天倫同病一相失茫茫不重陳子之文  
章在其殆尼父新鼓興幹河岳貞詞毒鬼神可悲不可  
朽車轍沒荒榛聖主賢爲寶吁茲大國貧

同王十三維哭殷造

儲光羲

古詩五言

卷二十二

四十

生理無不盡念君在中年遊道雖未深舉世莫能賢  
仕苦貧賤爲客少田園膏腴不可求乃在許西偏四鄰  
盡桑柘咫尺開墻垣內艱未及虞形影隨化遷茅茨俯  
苦葢雙殯兩楹間時聞孤女號迴出陌與阡慈烏亂飛  
鳴猛獸亦以跼故人王夫子靜念無生篇哀樂久已絕  
聞之將泫然太陽蔽空虛雨雪浮蒼山迢遞親靈輓顧  
予悲絕絃處順與安時及此乃空言

前題

王維

人生能幾何畢竟歸無形念君等爲死萬事傷人情慈  
母未及葬一女纔十齡決泮泮寒郊外蕭條聞哭聲浮雲

爲蒼茫飛鳥不能鳴行人何寂寞白日自淒清憶昔君  
在時問我學無生勸君苦不早今君無所成故人各有  
贈又不及生平負爾非一途慟哭返柴荆

自溧水道哭王炎

李白

白楊雙行行白馬悲路傍晨興見曉月更似發雲陽溧  
水通吳關逝川去未央故人萬化盡閉骨茅山岡天上  
墜玉棺泉中掩龍章名飛日月上義與風雲翔逸氣竟  
莫展英圖俄天傷楚國一老人來嗟龔勝公有言不可  
道雪泣憶一作蘭芳

望送魏徵葬

太宗

古詩

五言

卷二十二

四十一

聞闔總金鞍上林移玉輦野郊愴新別河橋非舊饒慘  
日映峰沈愁雲隨蓋轉哀笳時斷續悲旌乍舒卷望望  
情何極浪浪淚空泫無復昔時人芳春共誰遣

議帝挽詞

開元二十二年冬十一月太廟奉王德  
皇帝升靈輿崩天下凡六十八日而國  
滅於我乃追諡曰諡皇帝

盧僊

朝天馳馬絕冊帝宮祖恍惚陵廟新蕭條池館古萬  
化一朝空哀樂此路同西園有明月脩竹韻悲風

淮陽公主挽詞

李元

玉顏生漢渚湯沐榮天女金縷化印塵哀榮感路人鳳  
凰曾作伴螻蟻忽爲親疇日成蹊處穠華不復春

右侍郎集賢院學士徐公輓詞

張說

歎息書林友才華天下選並賦三陽宮集詩集賢殿具  
物衣如在咄嗟長不見既哀薤露詞豈忘平生眷

故趙王屬贈黃門侍郎上官挽詞

李义

暮歸泉壤幽一作朝發城池戀漢時結愁陰秦川  
下悲霞駸駸百駟馳憫憫羣龍餞石馬徒自施玉人終  
不見

陸著作挽詞

五言

儲光儀

世業江湖側郊原休沐處猶言五日歸未道千秋去鄉  
亭春水綠昌關寒光暮昔爲書錦遊今成逝川路

古詩

五言

卷二十二

四十二

歸路秦城下寒雲慘平田故園滄海邊綠柳覆平川送  
客異他日還舟殊昔年華亭有明月長向隴頭懸  
飢水千人石荆江萬里流英英有君子才德滿中州明  
道俟良佐惟賢初薄遊生涯一朝盡寂寞夜臺幽  
金堂策令名仙掖居清位鳴玉朝雙闕垂纓遊兩地朝  
夕既論思春秋仍書事何言魯聲伯忽下瓊珠淚  
令德棄人世明朝降龍章起居有位著作沒爲郎寒  
水落南浦月華虛北堂松門一長想彷彿見清揚

謝都督挽詞

上官儀

漠漠佳城幽蒼蒼松檟暮魯幕飄欲卷死駟悲還顧楚

挽繞廬山胡笳臨武庫悵然郊原靜煙生歸鳥度

故南陽夫人樊氏挽歌

王維

石竈恩榮重金吾車騎盛將朝每贈言入室還相敬  
鼓秋城動懸旌寒日映不言長不歸環珮猶將聽

古詩五言

卷二十二

四十三

唐詩所第二十二卷

唐詩所第二十三卷

古詩

前集

遊法華寺

宋之問

薄遊京都日

一作時

遙羨稽山名分刺江海郡竭來徵素

情松露洗心眷象筵敷念誠薄雲界青嶂皎日驚朱甍

苔澗深不測竹房閒且清感真六象見垂兆二鷗一作鳥

鳴古今信靈跡中州莫與京林巘永棲業豈伊佐一作在

一生浮悟雖已久事試去來成觀念幸相續庶幾最後

明

遊靈山寺

劉孝孫

吾王遊勝地騶駕歷祗園臨風畫角憤耀日采旗翻永

古詩五言

卷二十三

一

懷笻了義寂念啓玄門深谿窮地脉高嶂接雲根信美

諧心賞幽遂一作桂且攀援曳裾欣扈從方悟屏塵諠

遊龍山靜勝寺

張說

每上襄陽樓遙望雲山樹鬱弗吐岡嶺微蒙在煙霧下

車歲已成飾馬閑一作問餘步苦霜衰野草愛日揚江煦

雲對石上塔風吹一作入松下路禪室宴三空神祠同六

趣兒童共戲諠猿鳥相驚顧南識一作登栢公臺北望先

賢慕世上人何在時聞心不住唯傳無盡燈可使有情

悟

遊天竺寺

崔顥

晨登天竺山殿朝陽曉屋一作泉爭噴薄江岫相紫  
繞直上孤頂高平看衆峯小南州十二月地煖冰雪少  
青翠滿寒山藤蘿覆冬沼花龕瀑布側青壁石林杪鳴  
鍾集人天施飯聚猿鳥洗意歸清淨澄心悟空了始知  
世上人萬物一何擾

前題

同從姪杭州刺史良作

李白

挂席凌蓬丘觀濤憩樟樓三山動逸興五馬同遨遊天  
竺森在眼松風颯驚秋覽雲測變化弄水窮清幽疊障  
隔遙海一作當軒寫歸流詩一作成傲雲月佳趣滿吳

古詩

卷二十三

二

遊招隱寺

同諸官作

王昌齡

山館人已空青蘿換風雨自從永明世月向龍宮吐鑿  
井長幽泉白雲今如古應真坐松柏錫杖挂窓戶口云  
七十餘能救諸有苦回指巖樹花如聞道場鼓金色身  
一作身不壞滅真如性無主僚友同一心清光遣誰取

遊龍門奉先寺

杜甫

已從招提遊更宿招提境陰壑生虛靈一作生鎮月林散清  
影天闕一作關象緯逼雲臥衣裳冷欲覺聞晨鍾令人  
發深省

登嘉州凌雲寺

岑參

寺出飛鳥外青峯戴朱樓搏壁躋半空喜得登上頭始  
知宇宙闊下看三江流天晴見峨眉如向波上浮迴曠  
煙景豁陰森棕櫚稠願剖區中緣永從塵外遊迴風吹  
虎穴片雨當龍湫僧房雲濛濛夏月寒飈颼迴合俯近  
郭寥落見遠舟勝槩無端倪天官可淹留一官詎足道  
欲去令人愁

登廬山峯頂寺

劉脊虛

孤峯臨萬象秋氣何高清庭際南郡出林端西江明山  
門二繙更振錫聞幽聲心照有無界業懸前後生徒知  
真機靜尚與愛網并方首金門路未遑參道情

古詩

卷二十三

三

灋湖山寺

張說

楚老遊山寺提携觀畫壁揚袂指辟支睦眎相闕閭險  
哉透撞兒百金賭一擲成敗身自受傷人那堪歎息  
仙遊寺有龍潭穴弄玉祠李華

捨事入樵逕雲木深谷口萬壑移晦明千峯轉前後巖  
然龍潭上石勢若奔走開坼秋天光崩騰夏一作雷吼  
靈谿自茲去紆直互紛糾聽聲靜復喧望色無更有冥  
冥翠微下高殿映杉柳滴滴洞穴中懸泉響相扣昔時  
秦王女羽化年代久日暮松風來簫聲生左右早  
窺神仙錄願結芝朮友安得羨門方青囊繫吾肘



寶林寺

徐浩

茲山昔飛來遠自琅琊臺孤岫龜形在深泉鱗井開越  
王屢登陟何相傳詞才塔廟崇其巔規模稱壯哉禪堂  
清潄潤高閣無恢及照曜珠吐月鏗轟鍾隱雷揆余久  
纓弁末路遭逕迴一棄滄海曲六年稽顙隈逝川惜東  
駛馳景憐西頽腰帶愁疾減容顏衰悴催賴居茲寺中  
法士多環能洗心聽經論禮足蠲凶災永願依勝侶清  
江乘度杯

法鏡寺

杜甫

身危適他州勉強終勞苦神傷山行深愁破崖寺古輝

古詩

卷二十三

四

娟碧蘚淨蕭蕭撼寒籜聚洄洄石根水冉冉松上雨洩雲  
蒙清晨初日翳復吐朱薨半光炯戶牖榮可數柱一作  
策忘前期出蘿已亭午冥冥子規叫微徑不復取

紹隆寺

序曰紹隆寺江嶺最奇去驪州城二十五里將北客畢日遊憩隨例施香回於舟中

作

沈佺期

吾從釋迦久無上師涅槃探道三十載得道天南端非  
勝適殊方起誼歸理難放棄乃良緣世慮不曾干香界  
縈北渚花龕隱南巒危昂階下石演漾牕中瀾雲蓋看  
木秀天空見藤盤處俗勤宴坐居貧業行壇試將有漏  
軀聊作無生觀了然究諸品彌覺靜者安

冬中至玉泉山寺屬窮陰冰閉崖谷無色及仲春

行縣復往焉故有此作

張九齡

靈境信幽絕芳時重暄妍再來及茲勝一遇非無緣萬  
木柔可結千花敷欲然松間鳴好鳥竹下流清泉石壁  
開精舍金光照法筵眞空本自寂假有聊相宜復此灰  
心者仍追巢頂禪簡書雖有畏身世亦相捐

山寺

同章留後遊得開字

杜甫

野山一作寺根石壁諸龕遍崔嵬前佛不復辨百身一券

苦惟有古殿存世尊亦塵埃如聞龍象泣足令信者哀

使君騎紫馬捧擁從西來樹羽靜千里臨江久徘徊山

古詩

卷二十三

五

僧衣藍縷告訴棟梁摧公爲領兵徒咄嗟檀施開吾知  
多羅樹却倚蓮華臺諸天必歡喜鬼物無嫌猜以茲撫  
士卒孰曰非周才窮子失淨處高人憂禍胎歲晏風破  
肉荒林寒可迴思量入道苦自哂同嬰孩

宿雲門寺

宋之問

雲門若邪裏泛鷁路纔通貪緣綠篠岍遂得青蓮宮天  
香衆壑滿夜梵前山空漾漾潭際月颼颼一作杉上風  
茲焉多嘉遯數子今莫同鳳歸慨處士鹿化聞仙公樵  
路鄭州北舉一作井阿巖東永夜豈云寐曙華忽葱籠  
谷鳥嚙尚澁源桃驚未紅再來期春暮當造林端窮庶

幾蹤謝客開山投剡中

宿法華寺

崔國輔

松雨時復滴寺門清且涼此心竟誰證回憩支公牀壁  
畫感靈跡龕經傳異香獨遊寄象外忽忽歸南昌

宿天竺寺

陶翰

松柏亂巖口山西微徑通天開一峯見宮闕生虛空正  
殿倚霞壁千樓標石叢夜來後鳥靜鐘梵寒雲中峯一作

翠映湖月泉聲亂谿風心超諸境外了與懸解同明

發唯改視朝日長崖東一作明發氣候  
改起視長崖東湖色濃蕩漾海

光漸瞳矇葛仙迹尚在許氏道猶崇獨往古來事幽懷

古詩五言

卷二十三

六

期二公

聞崔十二侍御灌口夜宿報恩寺

岑參

聞君尋野寺便宿支公房谿月冷深殿江雲擁迴廊然  
燈松林靜煮茗柴門香勝事不可接相思幽興長

題中山寺

高適

平原十里外稍稍雲巖深遂及清淨所都無人世心名  
僧既禮謁高閣復登臨石壁倚松徑山田多栗林迢遙  
盡巘嶠逼側仍嶮嶽欲休世事於焉聊自任

題鶴林寺

綦毋潛

道林一作隱形勝向背臨層霄松覆山殿冷花藏谿路

遙珊珊寶幡挂焰焰明燈燒遲日半空谷春風連上潮  
少憑一作適水木興暫令身心調願謝攜手客茲山禪誦

題栖霞寺

南山勢迴合靈境依此住殿轉雲崖陰僧探石泉度龍  
蛇爭翕習神鬼皆密護萬壑奔道場羣峯向雙樹天花  
飛不着水月白成路今日觀身我歸心復何處

前題

張暈

躋險入幽林翠微含竹殿泉聲無休歇山色時隱見潮  
來雜風雨梅落成霜霰一從方外遊頓覺塵心變

古詩五言

卷二十三

七

石門墨山二山相連有禪堂觀天下絕境

張說

困輪江上山近在華容縣常涉巴丘首天晴遙可見佳  
遊屢前諾芳月愆幽眷及此符守移歡言臨道便既携  
賞心客復有一作見送行掾竹徑入陰窅松崖一作蘿上空

舊草共林一色雲與峯萬變探窺石門斷緣越沙澗轉  
兩山勢爭雄峯巘相顧眄藥妙靈仙寶境華嚴壑選清  
都西淵絕金地東敞宴池果接園畦風煙邇臺殿高尋  
去石頂曠覽天宇遍千山紛滿目百川豁對面騎來雲

氣迎人去鳥聲戀長揖桃源士舉世同企美

光上座廊下衆山五韻

李頎

名嶽在廡下吾師居一牀  
每聞楞伽經只對清羣光  
百谷聚雪一作色莓苔侵屋梁  
氣盤古壁轉勢引幽壑長  
願遊薜蘿下日見金鑪香

登翅頭山題儼公石壁

包融

最登翅頭山山曠黃霧起  
却瞻迷向背直下失城市  
瞰日銜東郊朝光生邑里  
掃除諸煙氛照出衆樓雉  
青爲洞庭山白是太湖水  
蒼茫遠郊樹倏忽不相似  
萬象以區別森然共盈几  
坐令開心胸漸覺落塵滓  
北巖千餘仞結廬誰家子  
願陪中峯遊朝暮白雲裏

古詩

卷二十三

八

龍岡寺泛舟

岑參

漢水天一色寺樓波底看  
鍾鳴長空夕月出孤舟寒  
映酒見山火隔簾聞夜灘  
紫鱗掣芳餌紅燭然金盤  
良友與正恆勝遊情未闌  
此中堪倒載須盡主人歡

太平寺泉眼

杜甫

招提憑高岡踈散連草莽  
出泉枯柳根汲飲歲月古  
石間一作見海眼天畔滢水府  
廣深丈尺間宴息敢輕侮  
青白二小蛇幽姿可時覩  
如絲氣或上爛熳爲雲雨  
山頭到山下鑿井不盡土  
取供十方僧香美勝牛乳  
北風起寒文弱藻舒翠縷  
明涵客衣淨紅蕩林影趣  
何當宅

下流餘潤通藥圃三春濕黃精一食生毛羽

寺居清晨

劉復

高枕對曉月衣巾清且涼  
露華朝未晞滴瀝含虛光  
隔竹聞汲井開扉見焚香  
幽心感衰病結念依一作法王  
青冥早雲飛杳靄空鳥翔  
此情皆有釋一作通悠然知所忘

廬山東林寺夜懷

李白

我尋青蓮宇獨往謝城關  
霜清東林鍾水白虎谿月天  
香生虛空天樂鳴不歇  
宴坐寂不動大千入毫髮  
湛然冥真心曠劫斷出沒

古詩

卷二十三

九

登廣陵棲靈寺塔

高適

淮南富登臨茲塔信奇最  
直上造雲族憑虛納天籟  
迴然碧海西獨立飛鳥外  
始知高興盡適與賞心會  
連山黯吳門喬木吞楚塞  
城池滿牕下物象歸掌內  
遠思駐江帆暮時一作情結  
春靄軒車疑蠢動造化資  
大塊何必了無身然後知  
所退

登千福寺楚金禪師法華院多寶塔

岑參

多寶滅已久蓮華付吾師  
寶塔凌太空忽如湧出時  
數年功不成一志堅自持  
明主親夢見世人今始知  
千家

獻黃金萬匠磨琉璃既空泰山木亦罄天府贊焚香如  
雲屯幡蓋珊珊垂悉察神繞一作護衆魔不敢窺作禮  
觀靈境焚香方證疑庶割區中緣脫身恒在茲

登慈恩寺浮圖

同高適諸公作

塔勢如湧出孤高聳天宮登臨出世界磴道盤虛空突  
兀壓神州崢嶸如鬼工四角礙白日七層摩蒼穹下窺  
指高鳥俯聽聞驚風連山若波濤奔湊似朝東青槐一作  
夾馳道官館何玲瓏秋色從西來蒼然滿關中五陵  
北原上萬古青濛濛淨理了可悟勝因夙所宗誓將挂  
冠去覺道資無窮

古詩

五言 卷二十三

十

前題

高適

香界泯羣有浮圖豈諸相登臨駭孤高披拂欣大壯言  
是羽翼生迴出虛空上頓疑身世別乃覺形神王宮闕  
皆戶前山河盡簷向秋風昨夜至秦塞多清曠千里何  
蒼蒼五陵鬱相望盛時慙阮步末宜知周防輪效獨無  
因斯焉可遊放

前題

儲光羲

金祠起眞宇直上青雲垂地靜我亦閒登之秋清時蒼  
蕪宜春苑片碧昆明池誰道天漢高道遙方在茲虛形  
賓太極携手行翠微雷雨傷杳冥鬼神中蹊踞靈變在

倏忽莫能窮天涯冠上聞闔開履下鴻鴈飛宮室低迴  
迤羣山小參差俯仰宇宙空庶隨了義歸前芳非大厦  
久居亦以危

前題

杜甫

高標跨蒼穹一作烈風無時休自非曠士懷登茲翻百  
憂方知象教力足可追冥搜仰穿龍蛇窟始出枝撐幽  
七星在北戶河漢聲西流羲和鞭白日少昊行清秋秦  
山忽破碎涇渭不可求俯視但一氣焉能辨皇州回首  
叫虞舜蒼梧雲正愁惜哉瑤池飲日晏崑崙丘黃鶴去  
不息哀鳴何所投君看隨陽鴈各有稻粱謀

古詩

五言 卷二十三

十一

登積石軍多福七級浮圖

時同呂判官從  
夫破洪濟城迴

高適

塞口連濁河轅門對山寺寧知鞍馬上獨有登臨事七  
級凌太清千崖列蒼翠飄飄方寓目想像見深意高興  
殊未平涼風颯然至拔城陣雲合轉旆胡星墜大將何  
英靈官軍動天地君一作懷生羽翼本欲厚騏驎歎段  
苦不前青冥信難致一歌陽春後三歎終自愧

鴈塔

解彥融

崢嶸徹倒景刻峭俯無地勇進攀有緣卽嶮恐迷墜宵  
然喪五蘊蠢爾懷萬類實際罔他尋波羅必可致南山

繚上苑祗樹連巖翠北斗臨帝城扶宮切太清餐和禪  
日月味道懿天明綠野冷風泱紫微佳氣晶馴禽演法  
要忍草籍經行本願從茲適方知物世輕

赤谷安禪師塔

盧照隣

獨坐巖之曲悠然無俗氛酌酒呈丹桂思詩贈白雲煙  
霞朝晚聚猿鳥歲時聞水華鏡秋色山翠含夕曛高談  
十二部細覈五千文如如數冥昧生生理氛氲古人有  
糟粕輪扁情未分且當事芝朮從吾所好云

香積寺禮拜萬廻平等二聖僧塔 王昌齡

真無御化來借有乘化歸如彼雙塔內孰能知是非愚

古詩 五言

卷二十三

十二

也駭蒼生聖哉爲帝師當爲時世出不由天地資萬廻  
王 作 此方平等性無違今我一禮心億劫同不移肅  
肅松柏下諸天來有時

遊開化寺閣

和崔侍御日用

吳少微

左憲多才雄故人尤驚鸚鵡護贈單于使休軺太原郭館  
次厭煩歛清懷尋寂寞西緣十里餘北上開化閣初入  
雲樹間冥蒙未昭廓漸出欄檻外萬里秋景焯歲晏風  
落山天寒水歸壑覽物頌幽果三乘動玄鑰但敷利解  
言永用忘昏着

遊化城寺升公清風亭

陪族叔當家

李白

化城若化出金牕天宮開疑是海上雲飛空結樓臺升  
公湖山秀粲然有辯才濟人不利已立俗無嫌猜了見  
水中月青蓮出塵埃間居清風亭左右清風來當暑陰  
廣殿太陽爲徘徊名酌待幽客珍盤薦彫梅飛文何灑  
落萬象爲之摧季父擁鳴琴德聲布雲雷雖遊道林室  
亦舉陶潛杯清樂動諸天長松自吟哀留歡若可盡劫  
石乃成灰

題崇上人山亭

卽京口郭內山也

儲光羲

清旦歷香巖巖徑紆復直花林開宿霧遊目清霄極分  
明牖戶中遠近山川色金沙童子戲香飯諸天食叫叫

古詩 五言

卷二十三

十三

海鴻聲軒軒江鴈翼寄言清淨者間閣徒自踞

登福先寺上方然公禪室

蔡希寂

名都標佛刹萬構臨河干舉目上方峻森森青翠攢步  
登諸劫盡忽造浮雲端當暑敞局閣却嫌絺綌寒禪房  
最高頂靜者殊閒安疎雨向空城數峯簾外盤午鍾振  
永坐招我同一餐真味雜飴露衆香唯隨蘭晚來恣偃  
俛茶果仍留歡

謁文公上方

杜甫

野寺隱喬木山僧高下居石門日色異絳氣橫扶疎窈  
窕入風登長蘿紛卷舒庭前猛虎臥遂得文公廬俯視

萬家邑煙塵對堦除吾師雨花外不下十年餘長者自  
布金禪龕只晏如大珠脫玷翳日月當空虛甫也南北  
人蕪漫少耘鋤久遺詩酒汚何事忝替裾王侯與蠅蟻  
同盡隨丘墟願聞第一義回向心地初金篦刮眼膜價  
重百車渠無生有汲引茲理儻吹噓

題思禪寺上方

獨孤及

谿口聞法鼓停橈登翠屏攀雲到金界合掌開禪局  
律衆山抱空濛花雨零老僧指香樓云是不死庭眇眇  
于越路茫茫春草青遠山噴百谷繚繞馳東溟目極道  
想一作何在境照心亦冥踴然諸根空破結如破瓶此二  
古詩五言 卷二十三 十四

一作形  
下視三界狹但聞五濁腥山中有良藥吾欲療天刑

青龍寺曇壁上人院

裴廸

靈境信爲絕法堂出塵氛自然成高致向下看浮雲迤  
邐峯岫列參差間井分林端遠堞見風末疎鍾聞吾師  
久禪寂在世超人羣

題神力師院

李頎

大師神傑貌五嶽森禪房堅持日月珠豁見滄江長隨  
病拔諸苦致身如法王階庭藥草偏飯食天花香樹色  
向高閣晝陰橫半墻每聞第一義心淨琉璃光

雲門寺西六七里聞符公蘭若最幽與薛八同往

孟浩然

謂予獨迷方逢子亦在野結交指松柏問法尋蘭若小  
谿分容舟恠石屢驚馬所居最幽絕所住皆靜者雲簇  
興座隅天空落階下一作密篠夾路上人亦何聞一作  
塵念俱已捨四禪合真如一切是虛假願承甘露潤喜  
得惠風灑保止此一作託山門誰能効丘也

遊明禪師西山蘭若

西山多奇狀秀出倚一作前檻停午收彩翠夕陽照分  
明吾師住其下禪坐證無生結廬就嵌窟一作竹剪君一作通

古詩五言 卷二十三 十五

往一作徑行談空對樵叟授法與山精日暮方辭去田園

歸冶城

藍田山石門精舍

王維

落日山水好漾舟信歸風探一作玩奇不覺遠因以緣一作  
源窮遙愛雲木秀初疑路不同安知清流轉偶與前  
山通捨舟理輕策果然愜所適老僧四五人逍遙蔭松  
柏朝梵林未曙夜禪山更寂道心及牧童世事問樵客  
暝宿長林下焚香臥瑤席澗芳襲人衣山月映石壁再  
尋畏迷誤明發更登歷笑謝桃源人花紅復來覲

宿岸道人精舍

閻防

早歲參道風放情入一作寥廓重因息心侶遂果巖下  
諾歛迹辭人間杜門守寂寞秋風剪蘭蕙霜氣冷淙壑  
山牖見然燈竹房聞搗藥願言捨塵事所趣非龍馭

題辨覺精舍

儲光羲

朝隨秋雲陰乃至青松林花閣空中遠方池巖下深竹  
風亂天語谿響成龍吟試問真君子遊山非世心

無盡上人東林禪居

李頎

草堂每多暇時謁山僧門所對但羣木終朝無一言我  
心愛流水此地臨清源一作吞吐山上日蔽虧松外村

孤峯隔身世百衲老寒暄禪戶積朝雪花龕來暮復顧

古詩五言

卷二十三

十六

余守耕稼十載隱田園蘿條慰春汲巖潭恣討論洩雲  
豈知限至道莫探元且願啓關籥於焉微尚存

題明上人禪居

儲光羲

真王清淨子燕居復行心結宇隣居邑寤言非遠尋丹  
青丈室滿草樹一庭深秀色玄冬發交枝白日陰江流  
映朱戶山鳥鳴香林獨往已寂寂安知浮與沈

題華嚴寺瓊公禪房

岑參

寺南幾十峯峯翠晴可掬朝從老僧飯昨日崖口宿錫  
杖倚枯松繩牀映深竹東谿草堂路來往行自熟生事  
在雲山誰能復羈束

天宮寺岸道上人房

洛陽尉劉晏與王昌齡  
府掾諸公茶集

良友呼我宿月明懸天宮道安風塵外灑掃青林中削  
去府縣理豁然神機空自從三湘還始得今夕同舊居  
太行北遠宦滄溟東各有四方事白雲處處通

大雲寺贊公房

四首

杜甫

燈影照無睡心清聞妙香夜深殿突兀風動金琅璫天  
黑閉春院地青棲暗芳玉繩回斷絕鐵鳳森翔翬梵放  
時出寺鍾殘仍殷牀明朝在沃野苦見一作塵沙黃

兒童汲井華慣捷瓶在手霑灑不濡地掃除似無帚明  
霞爛複閣霧霧羣高牖側塞被徑花飄颻委墀柳艱難

古詩五言

卷二十三

十七

世事迫隱遁佳期後晤語契深心那能總鉗口奉辭還  
伏策暫別終回首泱泱泥污人狎狎園多狗既未免羈  
絆時來慰奔走近公如白雪執熱煩何有

心在水精域衣霑春雨時洞門盡徐步深院果幽期到  
扉開復閉撞鍾齋及茲醍醐長發性飲食過扶衰把臂  
有多日開懷無愧辭黃鶯度結構紫鴿下呆愚愚意會  
所適花邊行自遲湯休起我病微笑索題詩

細軟青絲履光明白氎巾深藏供老宿取用及吾身自  
顧轉無趣交情何尚新道林才不世惠遠德過人雨濕  
暮簷竹風吹春井芹天陰對圖書最覺潤龍鱗



題終南翠微寺空上人房

孟浩然

翠微終南裏雨後宜返照閉關久沈冥杖策一登眺遂  
造幽人室始知靜者妙儒道雖異門雲林頗同調兩心  
喜相得畢景共談笑暝還高牕眠一作時見遠山燒緬  
懷赤城標更憶臨海嶠風泉有清音一作聽何必蘇門嘯  
宿贊公土室二首西枝村尋置草堂杜甫

出郭眇細岑披荆一作榛

得微路

谿行一流水曲折方屢

渡贊公湯休徒好靜心迹素昨枉霞上作盛論巖中趣  
怡然共攜手恣意同遠步捫蘿澀先登陟巘返顧要  
求陽岡暖苦涉陰嶺汙惆悵老大藤沈吟屈蟠樹卜居

古詩 五言

卷二十三

十八

意未展杖策廻且暮層巔餘落日草蔓已多露

天寒鳥已歸月出山更靜土室延白光松門耿疎影躋  
攀倦日短語樂寄夜永明然林中新暗汲石底井大師  
京國舊德業天機秉從來支許遊興趣江湖迴數奇謫  
關塞道廣存箕穎何知戎馬間復接塵事屏幽尋豈一  
路遠色有諸嶺晨光稍朦朧更越西南頂

陪章留後惠義寺餞嘉州崔都督赴州

中軍待上客令肅事有恒前驅入寶地祖帳飄金繩南  
陌旣留飲茲山亦深登清閨樹杪磬遠謁雲端僧廻策  
匪新岸所攀仍舊藤耳激洞門颺目存寒谷水出塵闕

軌躅畢景遺炎蒸永願坐長夏將衰棲大乘羈旅惜宴  
會艱難懷友朋勞生共幾何離恨兼相仍

資聖寺送甘二

王維

浮生信如寄薄宦夫何有來往本無歸別離方此一作正  
受柳色藹春餘槐陰清夏首不學御溝上銜悲執杯酒  
東京府縣諸公與基母潛李頎相送至白馬寺宿

王昌齡

鞍馬上東門徘徊入孤舟賢豪相追送卽棹千里流赤  
岸一作遠落日在空波微煙收薄宦忘機括醉來卽復一作復  
淹留月明見古寺林外登高樓南風開長廊夏夜如涼

古詩 五言

卷二十三

十九

秋江月照吳縣西歸夢中遊

送崔十二遊天竺寺

李白

還聞天竺寺夢想懷東越每年海樹霜桂子落秋月送  
君遊此地已屬流芳歇待我來歲行相隨浮溟渤

送東林廉上人還廬山

一作王昌齡劉昫虛

石路流已亂苔逕入漸微日暮東林下山僧還獨歸常  
一作昔爲爐峯意况與遠公違道性深寂寞世情多是非  
會尋名山去豈復望清輝

同王右丞送瑗公南歸

崔興宗

行苦神亦秀冷然谿上松銅瓶與竹杖來自祝融峯常

願入靈嶽藏經訪遺蹤南歸見長老且爲說心旨

送恂上人還吳

儲光羲

洛城本天邑洛水即天池君王既行幸法子復來儀虛室香花滿清川楊柳垂乘閒道歸去遠意誰能知

夏日暉上人房別李參軍崇嗣

序曰考察天人旁

賢聖不能定其居寒暑晦明陰陽不能革其數莫不雲離雨散奔馳於宇宙之間來速燕遲泣別於關山之際自古來矣李參軍白雲英眉紫氣仙人愛江海而高尋嶺風塵而未息來從詩下月旦出千龍泉言入蜀中星文見於牛斗野亭相遇遊旅承歡謝鯤之山水暫開樂廣之雲天自樂思道林而不見張若有亡請祇樹而從遊依然舊款高僧展袂大士臨筵披路之天書坐琉璃之寶地簾帷後關拂鸚鵡之香林闌檻前開照芙蓉之綠水討論儒墨探覽真玄覺

古詩五言

卷二十三

二十

周孔之幽述知老莊之末悟遂欲高其聲而凌其節金仙開不二之法門觀大千之世界散髮披衣脫離別行離紅霞生而白日歸青氣散而碧山暮響歌斷引抗手將辭江漢清言而長遠大地居然而不動嗟乎色爲何色悲樂忽而因生誰去誰來離會紛而妄作俗之迷也不亦如乎各述所懷不拘章韻

陳子昂

四十九變化一十三死生翕忽玄黃裏驅馳風雨情是非紛妄作寵辱坐相驚至人獨幽鑒一作窈窕隨昏明咫尺山河道軒牕日月庭別離焉足問悲樂固能并我輩何爲爾栖皇猶未平金臺可攀陟寶界絕將迎戶牖觀天地階基上杳冥自超三界樂安知萬里征中國要荒內人寰宇宙榮弦望如朝夕寧嗟蜀道行

留別溫古上人兄并示舍弟繹

王維

解薛登天朝去師偶時哲豈惟山中人兼負松上月宿昔同遊止致身雲霞末開軒臨潁陽卧視飛鳥没好依盤石飯屢對瀑泉渴理齊一作狎狎隱道勝寧外物舍弟官崇高宗兄此削髮荆扉但灑掃乘閒當過歇一作拂

別平一師

張說

王子不事俗高駕眇一作杳難追茅土非屑盼傾城無樂資宴坐深林中三世同一時皎皎獨往心不爲塵網欺竭來已復去今去何來思迴首謝同行勤會安請期

別贊上人

杜甫

古詩五言

卷二十三

二十一

百川日東流客去亦不息我生苦漂蕩何時有終極賈公釋門老放逐來上國還爲世塵嬰頗帶憔悴色楊枝晨在手豆子雨一作雨已熟是身如浮雲安可限南北異縣逢舊友初欣寫胸臆天長關塞寒歲暮饑凍逼野風吹征衣欲別向驢黑馬嘶思故壚歸鳥盡飲翼古來聚散地宿昔長荆棘相看俱衰年出處各努力

青龍招提歸一上人遊吳楚別詩 岑參

久交應真侶最歎青龍僧棄官向二年削髮歸一乘了然瑩心身潔念樂空寂名香泛牕戶幽磬清曉夕往年伏一劍由是佐二庭於焉久從戎兼復解論兵世人猶

未知天子願相見朝從青蓮宇暮入白虎殿宮女擎鋤  
杖御筵出香爐說法開藏經論邊窮陣圖忘機厭塵喧  
浪迹向江海思師石可訪惠遠峯猶在今旦飛錫去何  
時持鉢還湖煙冷吳門淮月銜楚山一身如浮雲萬里  
過江水相思眇天外一作未南望無窮已

將遊衡嶽過漢陽雙松亭留別族弟浮屠談皓

李白

秦欺趙氏璧却入邯鄲官本是楚家王還來荆山中丹

一作符彩瀉一作照滄溟清一作精輝凌白虹青蠅一相點流

落此時同卓絕道門秀談玄乃支公延蘿結幽居剪竹

古詩 五言 卷二十三 二十二

繞芳叢涼花拂戶牖天籟一作樂鳴虛空憶我初來時蒲

萄開景風今茲大火落秋葉黃梧桐水色夢沅湘長沙

去何窮寄書訪衡嶠但與南飛鴻

贈懷一上人

崔顥

法師東南秀世實豪家子削髮十二年誦經峨眉裏自

此照羣豪卓然爲道雄觀生盡入妄悟有皆成室靜體

一作洗意無衆染苦心歸妙宗一朝勅書至召入承明宮說

法金殿裏焚香清禁中傳燈遍都邑杖錫遊王公天子

揖妙道羣僚趨下風我法本無着時來出林壑因心得

化城一作成隨病皆與藥上啓黃屋心下除蒼生縛一從

入君門說法無朝昏帝作轉輪王師爲持戒尊軒風灑

甘露佛雨生慈根但有滅度理而生一作無開濟恩復聞

江海曲好殺成風俗帝曰我上人爲除羶腥欲是日發

西秦東南至蘄春風將衡桂接地與吳楚鄰舊少清信

士寔多漁獵人一聞吾師至捨網江湖濱作禮懺前惡

業誠期後因因成日既久事濟身不守更出淮楚間復

來荆河口荆河馬卿岑茲地近道林入講鳥常狎坐禪

獸不侵都非緣未盡曾是教所任故我一來事永承微

妙音竹房見衣鉢松宇清身心早悔業至淺晚成計可

尋善哉遠公義清淨如黃金

古詩 五言 卷二十三 二十三 王維

山中燕子龕路劇羊腸惡裂地競盤屈插天多峭嶮藻

泉吼而噴惟石看欲落伯禹訪未知五丁愁不鑿上人

無生緣生長居紫閣六時自槌磬一飲常帶索種田燒

白雲斫漆響丹壑行隨拾栗猿歸對巢松鶴時許山神

請偶逢洞仙博救世多慈悲卽心無行作周商倦積阻

蜀物多淹泊巖腹乍旁穿澗屑時外拓橋因倒樹架柵

值垂藤縛鳥道悉已平龍宮爲之涸跳波誰揭厲絕壁

免捫摸山木日陰陰結跏歸舊林一向石門裏任君春

草深

贈宣州靈源寺澹公

李白

敬亭白雲氣秀色連蒼梧下映雙谿水如天落鏡湖此  
中積龍象獨許澹公殊風韻逸江左文章動海隅觀作  
了心同水月解領得明神一作珠今日逢支遁高談出有  
無

贈僧崖公

昔在朗陵東學禪白眉空大地了鏡徹迴旋寄輪風攬  
彼造化力持爲我神通晚謁太山君親見日沒雲中夜  
卧山一作夜月拂衣迷人羣授余金仙道曠劫未始聞  
冥機發天光獨朗謝垢氛虛舟不繫物觀化遊江濱江

古詩 五言

卷二十三

二十四

漬遇同聲道崖乃僧英說法動海嶽遊方化公卿手秉  
玉塵尾如登白樓亭微言注百川疊疊信可聽一風鼓  
羣有萬籟各自鳴啓閉七人一作牕牖託宿聖電霆自言  
歷天台搏壁躡翠屏凌競石橋去恍惚入青冥昔在今  
來歸絕景無不經何日更攜手乘杯向蓬瀛

贈僧行融

梁日一作湯惠休常從鮑照遊峨眉史懷一獨映陳公  
出卓絕二道人結交鳳與麟行融亦俊寮吾知有英骨  
海若不隱珠驪龍吐明月大海乘虛舟隨波任安流賦  
詩旃檀閣縱酒鸚鵡洲待我適東越相攜上白樓

贈僧朝美

水客凌洪波長鯨湧溟海北川隨龍舟噓吸竟安在中  
有不死者探得明月珠高價傾宇宙餘輝照江湖苞卷  
金縷褐蕭然若空無誰人識此寶竊笑有狂夫了心何  
言說各勉黃金軀

贈僧皎然

顏真卿

秋意西山多別岑繁左次繕亭歷三癸趾趾鄰什寺元  
化隱靈蹤始君啓高致誅榛養翹楚鞭草理芳穗俯砌  
披水容逼天掃峯翠境新耳目換物遠風塵異倚石忘  
世情援雲得真意嘉林幸勿剪禪侶欣可庇衛法大臣

古詩 五言

卷二十三

二十五

過佐游羣英羣龍池護清激虎節到深遂徒想嶧頂期  
于今沒遺記

贈蜀僧闍丘師兄

杜甫

大師銅梁秀籍籍名家孫嗚呼先博士炳靈精氣奔惟  
昔武皇后臨軒御乾坤多士盡儒冠墨客藹雲屯當時  
上紫殿不獨卿相尊世傳闍丘筆峻極逾崑崙鳳藏丹  
霄暮龍去白水渾青瑩雪嶺東碑碣舊制存斯文散都  
邑高價越璵璠晚看作者意妙絕與誰論吾祖詩冠古  
同年蒙王恩豫章夾日月歲久空深恨小子思疎闊豈  
能達詞門窮愁一揮淚相遇卽諸昆我任錦官城兄居

祇樹園地近慰旅愁往來當丘樊天涯歇滯雨秔稻卧  
不翻漂然薄遊倦始與道侶一作敦景晏步脩廊而無  
車馬喧夜闌接軟一作語落月如金盆漠漠世界黑驅  
驅爭奔繁惟有摩尼珠可照濁水源

自梁園至敬亭山見會公談陵陽山水兼期同遊

因有此贈

李白

我隨秋風來瑤草恐衰歇中途寡名山安得弄雲月渡  
江如昨日黃葉向人飛敬亭愜素尚弭棹流清輝水谷  
明且秀陵巒抱江城粲粲吳與史永冠耀天京水國饒  
英奇潛光卧幽草會公真名僧所在即爲寶開堂振白

古詩

五言

卷二十三

二十六

拂高論橫青雲雪山掃粉壁墨客多新文爲余話幽棲  
且述陵陽美天開白龍潭月映清秋水黃山望石柱突  
兀誰開張一作誰開張一作黃鶴久不來子安在蒼茫東  
南焉可窮山鳥飛絕處一作絕行一作稠疊千萬峯相連入  
雲去聞此期振策歸來空閑關相思如明月可望不可  
攀何當移白足早晚凌蒼山且寄一書札令予解愁顏

登梅岡望金陵贈族姪亭座寺僧中孚

鍾山抱金陵霸氣昔騰發天開帝王居海色照宮闕羣  
峯如逐鹿奔走相馳突江水九道來雲端遙明沒時還  
大運去龍虎勢休歇我來屬天清登覽窮楚越吾宗挺

禪伯一作吾家特秀一作鸞鳳骨衆星羅青天明一作  
者獨有月冥居順生理草木不翦伐煙牕引薔薇石壁  
老野蕨吳風謝安屐白足傲履襪幾宿一下山蕭然忘  
干謁談經演金偈降鶴舞海雪時聞天香來了與世事  
絕佳遊不可得春風一作惜遠別賦詩留嚴屏千載庶  
不滅

登巴陵開元寺西閣贈衡嶽僧方外

衡嶽有開士五峯秀真骨見君萬里心海水照秋月大  
臣南溟去問道皆請謁酒以甘露言清涼潤肌髮明湖  
落天鏡香閣凌銀闕登眺餐惠風新花期啓發

古詩

五言

卷二十三

二十七

宿大通和尚塔敬贈如上人兼呈常孫二山人

崔曙

支公已寂滅影塔山上古更有真僧來道場救諸苦一  
承微妙法寓宿清淨土身心能自觀色相了無取森森  
松映月漠漠雲近戶嶺一作外飛電明夜來前山雨然  
燈見棲鶴作禮聞信鼓曉齊南軒開秋華淨天宇願言  
出世塵謝爾申及甫

還山貽湛法師

王昌齡

幼聞無生理常欲觀此身心跡罕兼遂嶇崎多在塵晚  
途歸舊壑偶與支公鄰導以微妙法結爲清淨因

四句有水深淵山口吼沫相噴二句一無以上二句  
下有喜得林下契共推席上珍念茲流苦海方便示迷  
津四煩惱業頓捨山林情轉殷朝來問疑義夕話得清  
真墨妙稱古絕詞華驚世人禪房閑虛靜花藥連冬春  
平石藉琴硯落泉灑衣巾欲知真滅意朝夕海鷗馴

終南雲際精舍尋法澄上人遇歸高冠潭石淙  
望秦嶺微雨作貽友人 岑參

昨夜雲際宿旦從西峯回不見林中僧微雨潭上來諸  
峯皆青翠秦嶺獨不開石鼓有時鳴秦王安在哉東南  
雲開處突兀彌猴臺崖口懸瀑流半空白皚皚噴壁四  
時雨傍村終日雷北瞻長安道日夕多塵埃若訪張仲  
古詩五言 卷二十三 二十八

蔚衡門滿蒿萊

同羣公宿開善寺寄陳十六 高適

駕車出人境避暑投僧家徘徊龍象側始見香林花讀  
書不及經飲酒不勝茶知君悟此道所未披袈裟談空  
忘外物持戒破諸邪則是無心地相看唯月華

題淨上人幽居寄楊兵部 嘉州青禾岑參

青衣誰開鑿獨在水中央浮舟一躋攀側逕綠一作  
蒼絕頂詰一作老僧豁然登上方諸嶺一何小三江莽  
茫茫蘭若向西開峨眉正相當猿鳥樂鍾磬松蘿泛天  
香江雲入袈裟山月吐繩牀早知清淨理久乃機心忘

尚以名宦拘聿來夷獫鄉吾友不可見鬱爲尚書郎早  
歲愛丹經留心向青囊渺渺雲智遠幽幽海懷長勝賞  
欲與俱引領遙相望爲政愧無術分憂幸時康君子滿  
天朝老夫憶滄浪況值廬山遠抽簪歸法王

流夜郎永華寺寄潯陽郡官 李白

朝別凌烟樓賢豪滿行舟暝投永華寺賓散子獨醉願  
結一作九江流添成萬行淚寫意寄廬嶽何當來此地  
天命有所懸安得苦愁思

寄閬防在終南豐德寺讀書 劉昫虛

青冥南山口君與緇錫隣深路入古寺亂花隨暮春紛  
古詩五言 卷二十三 二十九

紛紛寂寞往往落衣巾松色照空水經聲時有人晚心  
復南望山遠情獨親應以脩往業亦惟立此身深林度  
空夜煙月資清真莫嘆一作文明日彌年徒隱淪

秋夜宿龍門香山寺寄王方城十七丈奉國瑩上

人從弟幼成令問 李白

朝發汝海東暮棲龍門中水寒夕波急木落秋山空望  
極九霄迴賞幽萬壑通目皓沙上月心清松下風玉斗  
橫網戶銀河耿花宮興在趣方逸歡餘情未終一作咫  
真微真鳳駕憶王子虎谿懷遠公桂枝坐銷歇一作棣  
華不復同流恨寄伊水盈盈焉可窮

寄青城龍谿吳道人

岑參

五嶽之丈人西望青霄雲開露崖嶠百里見石稜龍谿盤中峰上有蓮華僧絕頂小蘭若四時嵐氣一作翠疑身同雲虛無心與谿清澄誦戒龍每聽賦詩人則稱杉風吹袈裟石壁懸孤燈久欲謝微祿誓將歸大乘願聞開士說庶以心相應

寄贊上人

杜甫

一昨陪錫杖卜鄰南山幽年侵腰脚衰未便陰崖秋重岡北面起竟日陽光留茅屋買兼土斯焉心所求近聞西枝西有谷杉漆稠亭午頗和暖沙一作石田又足收當古詩五言卷二十三 三十

期塞一作寒雨乾宿昔齒疾瘳徘徊虎穴上面勢龍泓頭

柴荆具茶茗逕路通林丘與子成二老來往亦風流

與胡居士皆病寄此詩兼示學人二首

王維

一興微塵念橫有朝露身如是觀蔭界何方置我人礙有固爲主趣空寧捨質洗心詎懸解悟道正迷津因愛果生病從貪始覺貧色聲非彼妄浮幻卽吾真四達竟何遣萬殊安可塵胡生但高枕寂寞與誰鄰戰勝不謀食理齊甘負薪子若未始異詎論疎與親

浮空徒漫漫汎有定悠悠無乘及乘者所謂智人舟詎

捨貧病域不疲生死流無煩君喻馬任以我爲牛植福祠迦葉求仁笑孔丘何津不鼓棹何路不摧輶念此聞思者胡爲多阻脩空虛花聚散煩惱樹稀稠滅相成無記生心坐有求降吳復歸蜀不到莫相尤

至嶽寺卽大通大照禪塔上溫上人

儲光義

秋山下映宮宮色宜朝陽迢遞在半嶺參差非一行燕息雲滿門出遊花隱房二尊此成道禪宇遙相望鳳鐸天中鳴巖梯松下長山墟響信鼓衝薄生蕙香起滅一以雪往來亦誠亡悲哉門弟子要自知心長

古詩五言卷二十三

三十一

至閒居精舍呈正上人

鄭天常

太室三招提其趣皆不同不同非一趣況是天遊宮雙嶺前夾門閣道復橫空寶坊若花積宛轉不可窮流泉自成池青松信饒風秋晏景氣迴晶明丹素功近將隱者鄰遠與西山通大師假慧照念以息微躬

秋夜宿仙遊寺南涼堂呈謙道人

岑參

太乙連太白兩山知幾重路盤石門窄匹馬行才通日西到山寺林下逢支公昨夜山北時星星聞此鐘秦女去已久仙臺在中峰簫聲不可聞此地留遺蹤石潭積黛色每歲投金龍亂流爭迅湍噴薄如雷風夜來聞清



磐月出蒼山空空山滿清光水樹相玲瓏迴廊映密竹  
秋殿隱深松燈影落前谿夜宿水聲中愛茲林巒好結  
宇向谿東相識唯山僧鄰家一釣翁林晚栗初拆枝寒  
梨已紅物幽興易愜事勝趣彌濃願謝區中緣永依金  
人宮寄報乘輦客簪裾爾何容

秋園卧病呈暉上人

陳子昂

幽寂曠日遙林園轉清密疲病瘡無豫獨坐汎瑤瑟懷  
挾萬古情憂虞百年疾綿綿多滯念忽忽每如失緬想  
赤松遊高尋白雲一作紫庭逸榮吝始都喪幽人遂貞吉圖  
書紛滿牀山木藹盈室宿昔心所向平生自茲畢願言

古詩

卷二十三

三十三

誰見知梵筵有同術八月高秋晚涼風正蕭瑟

疾愈過龍泉寺精舍呈易業二公 孟浩然

停午聞山鍾起行散愁疾尋林采芝去谷轉松翠

密旁見精舍開長廊飯僧畢石渠流雪水金子耀霜橘

竹房思舊遊過憩終永日入洞窺石髓傍崖采蜂窠日

暮辭遠公虎谿相送出

尋香山湛上人

朝遊訪名山山遠在一作空翠氛氲亘百里日入行始

至杖策尋故人解鞍暫停騎石門殊豁險篁逕轉深

邃法侶欣相逢清談曉不寐平生慕真隱累日求

竒一作靈異野老朝入田一作雲山僧暮歸寺松泉多  
逸一作響響岩壁饒古意谷口聞鐘聲林端識香氣二句一作

尋山僧不遇作

李白

石徑入丹壑松門閉青苔閒階有鳥跡禪室無人開窺  
窗見白拂挂壁生塵埃使我空歎息欲去仍徘徊香雲  
徧隔一作山起花雨從天來已有空樂好况聞清猿哀了  
然絕世事此地地方悠哉

出關經華嶽寺訪法華雲公

岑參

野寺聊解鞍偶見法華僧開門對西嶽石壁青稜層竹  
古詩 五言 卷二十三 三十三

徑厚蒼苔松門盤紫藤長廊列古畫高殿懸孤燈五月

山雨焚三峰火雲蒸側聞樵人言深谷猶積冰久願尋

此山至今嗟未能謫官忽東走王程苦相仍欲去戀雙

樹何由窮一乘月輪吐山郭夜色空清澄

自衡陽至韶州謁能禪師

宋之問

謫居竄炎壑孤帆森不繫別家萬里餘流目三春際猿

啼山館曉虹飲江臯霽湘岍竹泉幽衡峰石閣閉嶺嶂

窮攀越風濤極沿濟吾師在衡陽欣此得躬詣洗慮賓

空寂焚香結精誓願以有漏軀一作幸無生慧物用

益一作冲曠心源日間細伊我獲此途遊道迴一作晚

計宗師信捨法擯落文史藝坐禪羅浮中尋異南一作窮  
海喬何辭禦魑魅自可乘炎癘迴首望舊一作故鄉雲林  
浩虧蔽不作別離苦歸期多年歲

謁璿上人序曰上人外內天不定不亂捨法而  
默語無際不言言也故吾徒得神交焉玄關大  
啓德海羣泳時雨既降春物具美序於詩者人  
百其言

王維

少年不足言識道年已長事往安可悔餘生幸能養誓  
從斷臂血不復嬰世網浮名寄纓佩空性無羈鞅夙承  
一作大導師焚香此瞻仰頽然居一室覆載紛萬象高  
柳早鶯啼長廊春雨響林下阮家屐總前節竹杖方將  
古詩五言卷二十三 三十四

見身雲陋彼示天壤一心在法要願以無生獎

安州般若寺水閣納涼喜遇薛員外又

李白

翛然金園賞遠近含晴光樓臺成海氣草木皆天香忽  
逢青雲士共解丹霞裳水退池上熱風生松下涼吞討  
破萬象窅窺臨衆芳而我遺有漏與君用無方心垢都  
已滅永言題禪房

見南山夕陽召監師不至

宋之問

夕陽黯黯暮山翠互明滅此中意無限要與開士說徒  
鬱仲舉思詎迴道林轍孤興欲待誰待此湖上月

宿業師山房待丁公不至

孟浩然

夕陽度西嶺羣壑條已暝松月生夜涼風泉滿清聽樵  
人歸欲盡煙鳥栖初定之子期宿來孤琴候蘿逕

胡居士卧病遺米因贈

王維

了觀四大因根性何所有妄計苟不生是身孰休咎色  
聲何謂客陰界復誰守徒言蓮花目豈惡楊枝肘既飽  
香積飯不醉聲聞酒有無斷常見生滅幻夢受即病即  
實相趨空定狂走無有一法真無有一法垢居士素通  
達隨宜善抖擻牀上無羶卧鍋中有粥否齋時不乞食  
定應空漱口聊持數斗米且救浮生取

古詩五言卷二十三

三十五

酬黎居士浙江作

雲望上人院寄筆成

儂家真箇去公定隨儂否着處是蓮花無心變楊柳松  
龕藏藥裹石屑安茶臼氣味當共知那能不攜手

訓蘇十三瞻登玉泉寺峰入寺中見贈作

儲光義

慶門疊華組盛列鍾英彥貞信發天姿文明叶邦選爲  
情貴深遠作德齊隱見別業在春山懷歸出芳甸逃聽  
多時友招邀及浮賤朝沿瀾水窮暮矚藍田徧百花照  
阡陌萬木森鄉縣澗淨綠蘿深巖喧新鳥囀依然造華  
薄豁爾開靈院淹留火禁辰愉樂弦歌宴肅肅列樽俎

鏘鏘引纓升天嶺激微風陽光轆奔箭以茲小人懷不勝君子饌是日既低迷中宵方眇眩枕上思獨往胸中理交戰碧雲暗雨來舊原芳色變歡然自此絕心賞何由見鴻濛已笑雲列缺仍揮電忽與去人遠俄逢歸者便想像玉泉官依稀明月殿峰巒若登陟水木以遊衍息心幸自忘點翰仍留眷恨無荆文壁以荅丹青綯

酬暉上人夏日林泉

陳子昂

聞道白雲居窈窕青蓮宇巖泉萬丈流一作流樹石一作

石千年古林卧對軒窗山陰滿庭戶方釋塵事勞從君襲蘭杜

古詩五言

卷二十三

三十六

酬忠公林亭

包融

江外有真隱寂居歲已侵結廬近西術種樹久成陰人迹乍及戶車聲遙隔林自言解塵事咫尺能蕭沈爲道豈廬霍會靜由吾心方秋院木落仰望日蕭森持我興來趣采菊行相尋塵念到門盡遠情對君深一談入理窟再索破幽襟安得山中信致書移尚禽

酬暉上人秋夜山亭有贈

陳子昂

皎皎白林秋微微翠山靜禪居感物變獨坐開軒屏風泉夜聲雜一作絕月露宵光冷多謝忘機一作懷人塵憂未能整

酬裴侍御留岫師彈琴見寄

李白

君同鮑明遠邀彼休上人鼓琴亂白雪秋變江上春瑤草綠未衰攀翻寄情親相思兩不見流淚空盈巾

答族姪僧中孚贈玉泉仙人掌茶

序曰余聞荆溪諸山山洞往往有乳窟窟中多玉泉寺近清溪白蝙蝠大如鴿按仙經蝙蝠一名仙鼠千歲之後體白如雪棲則倒懸蓋飲乳水而長生也其水邊處處有茗草羅生枝葉如碧玉唯玉泉真公常采而飲之年八十餘歲顏色如桃花而此茗清香滑熟異於他者所以能還童振枯扶人壽也余遊金陵見於僧中孚示余茶數片扶人泉之山曠古未覩因持之見遺兼贈詩要余荅之遂有此作後之高僧大隱知仙人掌茶發乎中乎禪子及青蓮居士李白也

古詩五言

卷二十三

三十七

常聞玉泉山山洞多乳窟仙鼠如白鴿倒懸深溪月茗生此中石玉泉流不歇根柯灑芳津採服潤肌膚一作清叢楚一作老卷綠葉枝枝相接連曝成仙人掌似拍洪崖肩舉世未見之其名定誰傳宗英乃禪伯投贈有佳篇清鏡燭無鹽顧慚西子妍朝坐有餘興長吟播諸天

與生公尋幽居處

張九齡

同方久厭俗相與事遐討及此雲山去宵然巖徑好疑入武陵源如逢漢陰老清諧欣有得幽閒歛盈抱我本玉階侍偶訪金仙道茲焉求上築所過皆神造歲晚林始敷日晏崖方杲不種緣嶺竹豈植臨潭草卽途可淹

留隨目成黼藻期爲靜者說曾是終焉保今爲簡書畏  
祇令歸思浩

山夜聽鐘

張說

夜卧聞夜鐘夜靜山更響霜風吹寒月宵窸虛中上前  
聲既春容後聲復見盪聽之如可見尋之定無像信知  
本際空徒挂生滅想

題僧房雙桐

李頎

青桐雙拂日飭帶凌霄花綠葉傳僧磬清陰潤井華誰  
能事音律焦尾蔡邕家

桑公院賦得初荷

古詩

卷二十三

三十八

微風和衆草大葉長圓陰晴露珠垂一作合夕陽花映  
深從來不着水清淨本因心

觀楚國寺璋上人寫一切經院南有曲池深竹

岑參

璋公不出院羣木閑深居誓寫一切經欲向萬卷餘揮  
毫散林鵲研墨驚一作池魚音翻四句偈字譯五天書

鳴鐘竹陰晚汲水桐花初雨氣潤衣鉢香煙泛庭除此  
地日清淨諸天應未知將錫杖早晚躡空虛

同馬太守聽九思法師講金剛經 高適

吾師晉陽寶傑出山河最途經世諦間心到空王外鳴

鐘山虎伏說法天龍會了義同建瓴梵法若吹簫深知  
億劫苦善喻恒沙大捨施割肌膚攀緣去親愛招提何  
清淨良牧駐輕蓋露見衆香中臨人覺苑內心持佛印  
久標割魔軍一作退願開一作初地因永奉彌天對

瑩禪師房觀山海經

李白

真僧閉精宇滅跡含達觀列障圖雲山攢峰入霄漢丹  
崖森在目清晝疑卷幔蓬壺來軒牕瀛海入几案煙濤  
爭噴薄島嶼相凌亂征帆飄空中瀑水灑天半崢嶸若  
可陟想像徒盈歎杳與真心冥遂諧靜者翫如登赤城  
裏揭步滄洲畔卽事能娛人從茲得消散

古詩

卷二十三

三十九

晚秋石門禮拜

閻防

輕策臨絕壁招提謁金仙丹車無遊一作徑崖嶠乃屬  
天躡躅淹晨景夷猶望新弦石門變滇色谷口生人煙  
陽鴈叫平楚秋風急寒川馳暉苦代謝浮晚暫貞堅永  
欲卧丘壑息心依梵筵誓將歷劫願無以外物牽

飯覆釜山僧

王維

晚知清淨理日與人羣疎將候遠山僧先期掃弊廬果  
從雲峰裏顧我蓬蒿居藉草飯松屑焚香看道書然燈  
臺欲盡鳴磬夜方初一悟寂爲樂此生閒有餘思歸何  
必深身世猶空虛

與元丹丘方城寺談玄作

李白

茫茫大夢中惟我獨先覺騰轉風火來假合作容貌滅  
除昏疑盡領略入精要澄慮觀此身因得通寂照朗悟  
前後際始知金仙妙幸逢禪居人酌玉坐相召彼我俱  
若喪雲山豈殊調清風生虛空明月見談笑怡然青蓮  
宮永願恣遊眺

同房憲部應旋

儲光義

衡山法王子惠見息諸苦落髮自南州燕居在西土養  
正不因晦得中寧患旅曠然長虛閒即理寄行補四句  
了自性一音亦非取橘柚故園枝隨人植庭戶我地少

古詩 五言

卷二十三

四十

安住念天時啓處憲卿文昌歸愉快來晤語車騎踐香  
草僕人沐花雨長風散繁雲萬里靜天宇起滅信易覺  
清真知有所逍遙高殿陰六月無炎暑微言發新偈粲  
粲如縣圃直心視慧光在此大法鼓

奉和登降聖觀與宰臣等同望

應制

王維

鳳晨朝碧落龍圖耀金鏡維嶽降二臣戴天臨萬姓山  
川八校滿井邑三農竟比屋皆可封誰家不相慶林疎  
遠村出野曠寒山靜帝城雲裏深渭水天邊映佳喜一作喜  
氣含風景頌聲溢歌詠拱能任賢彌彰聖君聖

嵩陽觀 卽天皇故宮

儲光義

真人上清室乃在中峰前花霧生玉井霓裳盡列仙念  
茲宮故宇多此地新泉松柏有清陰薜蘿亦自妍一聞  
步虛子又話逍遙篇忽若在雲漢風中意泠然

昭聖觀

主家隱谿口微路入花源數日朝青閣彩雲猶在門雙  
樓夾一殿玉女侍玄元扶櫟盡蟠木步櫚多畫幡新松  
引天籟一作調小柏繞山樊坐弄竹陰遠行隨谿水喧石  
池辨春色林獸知人言未逐鳳凰去真宮在此原

一柱觀

張說

古詩 五言

卷二十三

四十一

舊說江陵觀初疑神化來空山結雲閣綺靡隨風迴柰  
何任一柱斯焉客衆材奇功非長世今餘草露臺  
宿天台桐柏觀

孟浩然

海行信風帆夕宿逗雲島緬尋滄洲趣近愛赤城好捫  
蘿亦踐苔輟棹恣探窮一作窮討息陰憩桐柏采秀弄芝草  
鶴唳清露垂雞鳴信潮早願言解纓紱從此無一作無煩  
惱高步凌四明玄蹤得三老紛吾遠遊意學一作學彼長  
生道日夕望三山雲濤空浩浩

題太玄觀

儲光義

門外車馬喧門裏宮殿清行即翳若木坐即吹玉笙所

喧既非我真道其冥冥

題應聖觀

空中望小山下見餘雪皎皎河漢女在茲養真骨登門駭天書啓籙問仙訣池光搖水霧燈色連松月合埽起花臺折草成玉節天鷄弄白羽王母垂玄髮北有土年宮一路在雲霓上心方嚮道時復朝金闕

潯陽紫極宮

感秋作

李白

何處聞秋聲脩脩北窗竹迴薄萬古心攬之不盈掬靜坐觀衆妙浩然媚幽獨白雲南山來就我簷下宿懶從唐生訣羞訪季主卜四十九年非一往不可復野情轉古詩五言卷二十三 四十二

蕭散世道有翻覆陶令歸去來田家酒應熟

宿五度谿仙人得道處

常建

五度谿上花生根依兩崖二月尋片雲願宿秦人家上見懸崖崩下見白水湍仙人彈碁處石上青蘿盤無處求玉童翳翳唯林密前谿遇新月聊取玉琴彈

張天師草堂

靈谿宴清宇俯倚枯松根花藥繞方丈瀑泉飛至石一作門四氣閉炎熱兩崖改明昏夜深月暫皎亭午朝始暝信是天人居幽幽寂無喧萬壑應鳴磬諸峰接一村遂登仙子谷因醉田生中一作樽時節開玉書宵映飛天言

心化便更無影目精爲累煩忽而舉上一作霄漢寥落空南軒

宴黃道士房

同王昌齡作

孟浩然

歸來卧青山常夢遊清都漆園有傲吏惠好在招呼晝幌神仙錄畫屏山海圖酌霞復對此宛似入蓬壺

題辛道士房

儲光羲

全神不言命所尚道家流迨此遠南楚遂令思北遊先生秀衡嶽玉立居玄丘門帶江山靜房隨瑤草幽逍遙三花發岡象五雲浮自有太清紀一作絕曾垂華髮憂大年方棄簪小智卽躡躡七日赤龍至莫令余獨留

古詩五言

卷二十三

四十三

題盧道士房

李頎

秋砧響落木共坐茅君家惟見兩童子林前汲井華空壇靜白日神鼎飛丹砂塵尾拂霜草金鈴搖露霞上章人世隔看奕桐陰斜稽首問仙要黃精堪餌花

送八舅東歸

送一作獻

儲光羲

高位莫能捨捨之世所賢雲車遊日華豈比龍樓前寢疾乃就枕情感唯靈仙帝鴻師道宗臣彭亦長年天書加羽服又許歸東川鏡水涵太清禹山朝上玄誠亡真混沌玉立好嬋娟素業作仙居子孫當自傳門多松柏樹篋有逍遙篇獨往不可羣滄海成桑田

送方士趙叟之東平

李白

長桑曉洞視五藏無全牛趙叟得秘訣遠從方士遊西  
過獲麟臺爲我弔孔丘念別復懷古潸然空淚流

送內尋廬山女道士李騰空

二首

君尋騰空子應到碧山家水春雲母碓風掃石楠花若  
戀幽居好相邀弄紫霞

多君相門女學道愛神仙素手擲一作青靄羅衣曳紫

煙一往屏風疊乘鸞着玉一作鞭

贈劉先生及第後爲道士居太清宮又從戎而後

歸

儲光羲

古詩

卷二十三

四十四

高第後歸道乃居玉華宮逍遙人間世不異浮丘公甘  
寢何乘羽出門忽從戎方將遊崑崙又欲小崆峒進退  
既在我歸來長安中焚香東海君侍坐西山童善行無  
轍跡吾亦安能窮但見神色閒中心如虛空期之比天  
老真德輔帝鴻

草創大還贈柳官迪

李白

天地爲橐籥周流行太易造化合元符交媾騰精鬼自  
然成妙用孰知其指的羅絡四季間絲微無一隙日月  
更出沒雙光豈云隻蛇女乘河車黃金克轅軛執樞相  
管轄摧伏傷羽翮朱鳥張炎威白虎守本宅相煎成苦

老銷鑠凝津液髮髯明臆塵死灰同至寂鑄一作冶入

赤色十二周律曆赫然稱大還與道本無隔白日可撫

弄清都在咫尺北鄴落死名南斗上生籍抑予是何者

身在方士格才術信縱橫世途自輕擲吾求仙棄俗君

曉損勝益不向金闕遊思爲玉皇客鸞車速風電龍騎

無鞭策一舉上九天相攜同所適

贈參寥子

白鶴飛天書南荆訪高士五雲在峴山果得參寥子翮  
翮辭故園昂藏入君門天子分玉帛百官接話言毫墨

時灑落探玄有奇作著論窮天人千春秘麟閣長揖不

古詩

卷二十三

四十五

受官拂衣歸林巒余亦去金馬藤蘿同所歡一作相思

在何處桂樹青雲端

贈嵩山焦鍊師

序曰嵩丘有神人焦鍊師者不知

年貌可稱五六十年常胎息絕穀居少室靈臺時其

能測其往也余訪道少室盡登三十六峰聞風

二室凌青天三花含紫煙中有蓬海客宛疑麻姑仙道

在喧莫染跡高想已縣時餐金鷲藥屢讀古一作苦篇

八極恣遊憩九垓長周旋下瓢酌潁水舞鶴來伊川還

歸空山上獨拂秋霞眠蘿月掛朝鏡松風鳴夜絃潛光

隱嵩嶽鍊鬼棲雲幄霓裳何飄飄一作鳳吹轉縣逸願



同西王母下顧東方朔紫書儻可傳冥一作骨誓相學

訪道安陵遇蓋還爲余造真籙臨別留贈

清水見白石仙人識青童安陵蓋夫子十歲與天通懸  
河與微言談論安可窮能令二千石撫背驚神聰揮毫  
贈新詩高價掩山東至今平原客感激慕清風學道北  
海仙傳書藥珠宮丹田了玉關白日思雲空爲我草真  
籙天人慙妙工七元洞豁落八角輝星虹三災蕩穢  
蛟龍翼微躬舉手謝天地虛無齊始終黃金獻一作高  
堂荅荷難克克下笑世上士沈寃北羅鄴昔日萬乘墳  
今成一科蓬贈言若可重實此輕華嵩

古詩

五言

卷二十三

四十六

胎韋鍊師

儲光義

精思莫知日意靜如空虛三鳥自來去九光遙卷舒新  
池近天井玉宇停雲車余亦苦山路洗心祈道書

白龍窟汎舟寄天台學道者

常建

夕映翠山源餘暉在龍窟扁舟滄浪意淡淡花影沒西  
浮入天色南望對雲闕因意莓苔峰初陽濯玄髮泉蘿  
兩幽映松鶴間清越碧海瑩子神玉膏澤人骨忽然爲  
枯木微興遂如兀應寂中有天明心外無物還迴從所  
汎夜靜猶不歇一作然意無限身與波上月

同工部李侍郎適訪司馬子微

沈佺期

紫微降天仙丹地投雲藻上言華頂事中問長生道華  
頂居最高大壑朝陽早長生術何妙童顏後天老清晨  
朝鳳京靜夜思鴻寶憑崖飲蕙氣過礪摘靈草人非塚  
已荒海變田應燥昔嘗遊此一作郡三霜弄溟島緒言  
霞上開機事塵外掃頃來迫世務清曠未云保崎嶇待  
滯思一作懷惕司言造軒皇重齋拜漢武愛祈禱順風  
懷崆峒承露在豐鎬冷然委輕馭復得散幽抱柱下留  
伯陽儲閣登四皓聞有參同契何時一探討

登南嶽事畢謁司馬道士

張九齡

將命祈靈嶽廻策詣真士絕跡尋一徑異香聞數里分

古詩

五言

卷二十三

四十七

庭八桂樹肅客兩童子入室希把袖登牀願啓齒誇我  
棄智訣迨茲長生理吸精及自然鍊藥求不死斯言妙  
霄漢顧余嬰紛滓相去九牛毛慙歎知何已

謁李尊師

奚賈

萬物返常性唯道貴自然先生容其一作亦微隱凡爲列  
仙鍊魄閉瓊戶養毛飛洞天將知道遙久得道無歲年

謁張果先生

李頎

先生谷神者甲子焉能計自說軒轅師于今幾千歲寓  
遊城郭裏浪跡希夷際應物雲無心逢時丹不繫餐霞  
斷火粒野服兼荷製白雪淨肌膚青松一作養身世

精殊豹隱鍊骨一作同蟬蛻忽去不知誰偶來寧有契

二儀齊壽考六合隨休憩彭聃猶嬰孩松期且微細嘗  
開穆天子更憶漢皇帝親屈萬乘尊將窮四海裔車徒  
徧草木錦帛招談說八駿空往還三山轉虧蔽吾君感  
至德玄老欣來詣受錄金殿開清齋玉堂閉笙歌迎拜  
首羽帳崇嚴衛禁柳垂香鑪宮花拂仙袂祈年寶祚廣  
致福蒼生惠何必待龍髯鼎成方取濟

遇冲和先生

高適

冲和生何代或謂遊東溟三命謁金殿一言拜銀青自  
云多方術往往通神靈萬乘親問道六宮無敢聽昔去

古詩

卷二十三

四十八

限霄漢今來觀儀形頭戴鵝鳥一作冠手搖白鶴翎終

日飲醇酒不醉復不醒常憶雞鳴山每誦西昇經拊背  
念離別依然出戶庭莫見今如此曾爲一客星

仙谷遇毛女意知是秦官人

常建

谿口水石淺冷泠明藥叢入谿雙峰峻松栝踈幽風垂

嶺枝一作

嫋嫋翳泉花濛濛負綠霽人目路盡心瀟通

盤石橫陽崖前臨一作殊未窮回潭清雲影瀾漫長天

空水邊一神女千歲爲玉童羽毛經漢代珠翠逃秦宮

目覩神已寓鶴飛言未終祈君青雲秘願謁黃仙翁嘗

以耕玉田龍鳴西頂中金梯與天接幾日來相逢

山中逢道士雲公

孟浩然

春餘草木繁耕種滿田園酌酒聊自勸農夫安與言忽  
聞荆山子時出桃花源采樵過百谷賣藥來西村村煙  
日云夕榛路有歸客杖策前相逢依然是疇昔邂逅歡  
覲止殷勤叙離隔謂予搏扶桑輕舉振六翮奈何偶昌  
運獨見遺草澤旣笑接輿狂仍憐孔丘厄物情趨勢利  
吾道貴閒寂偃息西山下門庭罕人迹何時還清谿從  
爾鍊丹液

越中逢天台太乙子

仙穴逢羽人停轡向前拜問余涉風水何處遠行邁登

古詩

卷二十三

四十九

陸尋天台順流下吳會茲山夙所尚安得問一作靈怪

上逼青天高俯臨滄海大雞鳴見日出常覲仙人旂一作

每與神一作往來一作赤城中逍遙白雲外莓苔異人間瀑

布當空界福庭長自然一作不死華頂舊稱最承此一作從

之一作遊何當濟所屆

聽尹鍊師彈琴

吳筠

至樂本太一幽琴和乾坤鄭聲久亂雅此道稀能尊吾  
見尹仙翁伯牙今復存衆人乘其流夫子達其源在山  
峻峰峙在水洪濤奔都忘適城闕但覺清心竟代乏識  
微者幽音誰與論

嵩嶽聞笙

劉希夷

月出嵩山東月明山益空山人愛清景散髮卧秋風風  
止夜何清獨夜草蟲鳴仙人不可見乘月近吹笙絳脣  
吸靈氣玉指調真聲真聲是何曲三山鸞鶴情昔去落  
塵俗願言聞此曲今來卧嵩岑何幸承幽音神仙樂吾  
事笙歌銘夙心

嵩山采菖蒲者

李白

神人多古貌雙耳下垂肩嵩嶽逢漢武疑是九疑仙我  
來采菖蒲服食可延年言終忽不見滅影入雲煙喻帝  
竟莫悟終歸茂陵田

古詩 五言

卷二十三

五十

採藥

王績

野情貪藥餌郊居倦蓬華青龍護道符白犬遊仙術腰  
鑣戍已月負鍾庚辛日時時斷嶂遮一作往往孤峰出  
行披葛仙經坐檢農皇帙龜蛇採二苓赤白尋雙木地  
凍根難盡聚枯苗易失從容肉作名薯蕷膏成質家豐  
松葉酒器貯參花蜜且復歸去來刀圭輔衰疾  
冬到金華山觀因得故拾遺陳公學堂遺迹

杜甫

涪右衆山內金華紫崔嵬上有蔚藍天垂光抱瓊臺繫  
舟接絕壁杖策窮紫回四顧俯層巔淡然川谷開雪一作

嶺日色死霜鴻有餘哀焚香玉女跪霧裏仙人來陳  
公讀書堂石柱灰清苔悲風爲我起激烈傷雄材

神仙

張彪

神仙可學無百歲名大約天地何茫茫人間半哀樂浮  
生亮多感善事翻爲惡爭先等驅逐中路苦瘦弱長老  
思養壽後生笑寂寞五穀非長年四氣乃靈藥別子何  
必待吾心滿一作寥廓

遊仙

劉復

稅駕倚扶桑逍遙望九州二老佐軒轅移戈戮蚩尤功  
成棄之去乘龍上天遊天上見玉皇壽與天地休俯視

古詩 五言

卷二十三

五十一

崑崙宮五城十二樓王母何窈眇玉質清且柔揚袂折  
瓊枝寄我天東頭相思千萬歲大運浩悠悠安用知吾  
道日月不能周寄音青鳥翼謝爾碧海流

忽夢遊仙

王勃

僕本江上客牽跡在方內寤寐霄漢間居然有靈對翕  
爾登霞首依然躡雲霄電策驅龍光煙途儼鸞態乘月  
披金帔連星解瓊珮浮識俄易歸真遊一作逸難再寡  
廓沈遐想周遑奉遺誨流俗非我鄉何當釋塵昧

就道士問周易參同契

王昌齡

仙人騎白鹿髮短耳何長時余采菖蒲忽見嵩之陽稽

首求丹經乃出懷中方披讀了不悟歸家問稽康嗟余無道骨發我入太行

齋心

女蘿覆石壁谿水幽濛朧紫萼黃花媚媚寒露中朝飲花上露夜卧松下風雲英化為水光采與我同日月蕩精魄寥寥天府一作空

洗心

司馬退之

不踐名利道始覺塵土腥不味稻粱食始覺精神一作神清羅浮奔走外日月無短明山瘦松亦勁鶴老飛更輕逍遙此中客翠髮皆長生草木多古色雞犬無新聲君古詩五言卷二十三 五十二

有出俗志不貪英雄名傲然脫冠帶改換人間情去矣丹霄路向曉雲冥冥

唐詩所第二十三卷 終

唐詩所第二十四卷 古詩

前集

七言

景隆四年正月五日移仗蓬萊宮御大明殿會吐

蕃騎馬之戲因重為栢梁體聯句

大明御寓臨萬方中宗顧慙內政翊陶唐皇后鸞鳴鳳

舞向平陽長寧公主秦樓魯館沐恩光安樂公主無心為子輒求

郎太平公主雄才七步謝陳王溫王當熊讓輦愧前芳上官昭容

再司銓筭思可忘吏部侍郎崔湜文江學海思濟航著作郎萬

邦考績臣所詳考功員外郎武平一著作不休出中腸著作郎權

豪屏跡肅嚴霜御史大夫鑄鼎開嶽造明堂將作大匠宗晉卿

古詩七言 卷二十四

玉醴由來獻壽觴吐蕃舍人明悉篋

十月誕辰內殿宴羣臣效栢梁體聯句

潤色鴻業寄賢才中宗叨居右弼愧鹽梅李嶠運籌帷

幄荷時來客臧掌圖籍濫蓬萊李憲兩司謬忝謝鍾

裴崔禮樂銓管効涓埃鄭愔陳師振旅清九垓趙彦

欣承顧問侍天杯李適銜恩獻壽栢梁臺蘇頌黃綠青

簡奉康哉唐肅鰕生侍從忝王枚李義右掖司言實不

才馬懷素宗伯秩禮一作天地開韓帝歌難續仰昭回

宋之問微臣捧日變寒灰遠慙班左愧遊陪上官好

大言聯句

高歌閑風步瀛洲畫 蟬鵬燐蛄餐未休詞畫 四方上下  
無外頭等 一吸頓涸滄溟流薦

小言聯句

長路遙遙吞吐絲真卿 蟪蛄蚊睫察難知畫

樂語聯句

苦河既濟真僧喜等 新知滿座笑相視真卿 戍客歸來  
見妻子畫 學生放假偷向市薦

饒語聯句

拈餛飩指不知休等 欲炙侍立涎交流真卿 過屠大嚼  
肯知羞畫 食店門外強淹留薦

古詩 七言 卷二十四

滑語聯句

雨裏下山踏榆皮真卿 莓苔石橋步難移畫 蕪荑醬醋  
喫煮葵全白 縫靴蠟線油塗錐等 急逢龍背須且騎本

醉語聯句

逢糟遇麴便酩酊全白 覆車墜馬皆不醒真卿 倒着接  
離髮垂頰畫 狂心亂語無人並羽

長安古意

盧照隣

長安大道連狹斜青牛白馬七香車玉輦縱橫過主第  
金鞭一作絡繹向侯家龍銜寶蓋承朝日鳳吐流蘇帶  
晚霞百丈遊絲爭繞樹一羣嬌鳥共啼花啼花戲蝶千

門側碧樹銀臺萬種色複道交牕作合歡雙闕連薨詩  
鳳翼梁家畫閣天中起漢帝金莖雲外直樓前相望不  
相知陌上相逢詎相識借問吹簫向紫煙曾經學舞度  
芳年得成比目何辭苑願作鴛鴦不羨仙比目鴛鴦真  
可羨雙去雙來君不見生憎帳額繡孤鸞好取門簾帖  
雙燕雙燕雙飛繞畫梁羅幃翠被鬱金香片片行雲着  
蟬鬢纖纖初月上鴉黃鴉黃粉白車中出含嬌含態情  
非一妖童寶馬鐵連錢娼婦盤龍金屈膝御史府中烏  
夜啼廷尉門前雀欲棲隱隱朱城臨御道遙遙翠幃沒  
金隄挾彈飛鷹鷹杜陵北探丸借客渭橋西俱邀俠客笑  
古詩 七言 卷二十四 三  
蔡劍共宿娼家李蹊娼家日暮紫羅裙清歌一嚀口  
氛氲北堂夜夜人如月南陌朝朝騎似雲南陌北堂連  
北里五劇三條控三市弱柳青槐拂地垂佳氣紅塵暗  
天起漢代金吾千騎來翡翠屠蘇鸚鵡杯羅襦寶帶爲  
君解燕歌趙舞爲君開別有豪華稱將相轉日回天不  
相讓意氣由來排灌夫專權判不容蕭相專權意氣本  
豪雄青虬紫燕坐春一作風自言歌舞長千載自謂驕  
奢凌五公節物風光不相待桑田碧海須臾改昔時金  
階白玉堂卽今惟見青松在寂寂寥寥楊子居年年歲  
歲一牀書獨有南山桂花發飛來飛去襲人裾

古意 和李侍郎嶠

喬知之

妾家巫山隔漢川君度南庭向胡苑

一作宛

高樓迢遞想

金天河漢昭回更愴然夜如何其夜未央閒花照月愁

洞房自矜夫婿勝王昌三十曾作侍中郎一從流落戍

漁陽懷哉萬恨結中腸南山羃羃兔絲花北陵青青女

蘿樹由來花葉同一根今日枝條分兩處三星差池光

照灼北斗西指秋雲薄莖枯花謝枝憔悴香銷色盡花

零落美人長嘆艷容萎含情收取摧折枝調絲獨彈聲

未移感君行坐星歲遲閨中宛轉今若斯誰能爲報征

人知

古詩 七言 卷二十四

四

古意

常建

井底玉冰洞地明琥珀轆轤青絲索仙人騎鳳披彩霞

挽上銀瓶照天閣黃金作身雙飛龍口銜明月噴芙蓉

一時渡海望不見曉上青樓十二重

古意

畢耀

璇闥繡戶斜光入千金女兒倚門立橫波美目雖後來

羅被遙遙不相及聞道今年初避人珊珊挂鏡長隨身

願得侍兒爲道意後堂羅帳一相親

古興

常建

轆轤井上雙梧桐飛鳥銜花日將沒深閨女兒莫愁年

玉指泠泠怨金碧石榴裙裾疎蝶飛見人不語顰蛾眉

青絲素絲紅綠絲織成

一作女

綿衾當爲誰

岑參

感遇 五花驄馬七香車云是平陽帝子家鳳皇城頭日欲斜

門前高樹鳴春鴉漢家魯元君不聞今作城西一古墳

昔來唯有秦王女獨自吹簫乘白雲

雜感

鮑防

漢家海內承平久萬國戎王皆稽首天馬嘗銜苜蓿花

胡人歲獻蒲萄酒五月荔枝初破顏朝辭象郡夕函關

鴈飛不度桂陽嶺馬走先過林邑山甘泉御果垂僊閣

古詩 七言

卷二十四

五

日暮無風香自落遠物皆重近皆輕雞雖有德不如鶴

送崔五太守

王維

長安廐吏來到門朱文露網動行軒黃花縣西九折坂

玉樹宮南五丈原褒斜谷中不容幘唯有白雲當露冕

子午山裏杜鵑啼嘉陵水頭行客飯劍門忽斷蜀川聞

萬井雙流滿眼來霧中遠樹刀州出天際澄江巴字迴

使君年幾

一作紀

三十餘少年白晢專城居欲持畫省郎

官筆迴與臨邛父老書

送劉四赴夏縣

李廌

九霄獨立紅鸞姿萬仞孤生玉樹枝劉侯攸身能若此

天骨自然多嘆美聲名播揚二十年足下長途幾千里  
舉世皆親丞相閣我心獨愛伊川水脫略勢利猶埃塵  
嘯傲時人而已矣新詩數歲即文雄上書昔召蓬萊宮  
明主拜官麒麟閣光車駿馬看玉童高人居止廬山遠  
隱士往來張長公扶南甘蔗甜如蜜雜以荔枝龍州橘  
赤縣繁詞滿劇曹白雲孤峯暉示日朝持手板望飛鳥  
暮誦楞伽對空室一朝出宰汾河間明府下車人吏閒  
端坐訟庭更無事開門咫尺巫咸山男耕女織蒙惠化  
麥熟雉鳴長秋稼明年九府議功時五辟三徵當在茲  
聞道桐鄉有遺老邑中還欲置生祠

古詩七言

卷二十四

六

送渾將軍出塞

高適

將軍族貴兵且強漢家已是渾邪王子孫相承在朝野  
至今部曲燕支下控弦盡用陰山兒登一陣長騎大  
宛馬銀鞍玉勒繡螭孤每逐嫖姚破骨都李廣從來先  
將士衛青未肯學孫吳傳有沙場千萬騎昨日還庭羽  
書至城頭盡角三四聲匣裏寶刀晝夜鳴意氣能日萬  
里去辛勤動一作作一年行黃雲白草無前後朝廷旌  
旄夕刁斗塞下應多俠少年關西不見春楊柳從軍借  
問所從誰擊劍酣歌當此時遠別無輕統朝策平戎早  
寄一作仲宣詩

送羽林陶將軍

李白

將軍出使擁樓船江上旌旗拂紫煙萬里橫戈探虎穴  
三盃拔劍舞龍泉莫道詞人無膽氣臨行將贈繞朝鞭

送李副使赴磧西官軍

岑參

火山六月應更熱赤亭道口行人絕知君慣度祈連城  
豈能愁見輪臺月脫鞍一作暫入酒家壚送君萬里西  
擊胡功名祇向馬上取真是英雄一丈夫

送程劉二侍御兼獨孤判官赴西安幕府

李白

安西幕府多材雄喧喧唯道三數公繡衣貂裘明積雪

古詩七言

卷二十四

七

飛書走檄如飄風朝辭明主出紫宮銀鞍送別金城空  
天外飛霜下葱海火旗雲馬生光彩胡塞塵清計日歸  
漢家草綠遙相待

送韓巽入都覲省便赴舉

岑參

槐葉蒼蒼柳葉黃秋高八月天欲霜青門百壺送韓侯  
白雲千里連嵩丘北堂倚門望君憶東歸扇枕後秋色  
洛陽才子能幾人明年桂枝是君得

與諸公送陳郎將歸衡陽

序曰仲尼旅人文章王明

況侯之不肖者而選送無端固非其時聖賢以不  
開幕簾盡白而發高送遠使人增悲陳郎將義  
對慕然英思遠發來下曹城之陽去諸公望不  
詩動清興於中流泛素波而徑去諸公望不



久連章祖之序懶起予歸冠名賢  
之首作者喚我乃為撫掌之資乎李白

衡山蒼蒼入紫冥下看南極老人星迴飈吹散五峯雲  
往往飛花落洞庭氣清目觀秀有如此郎將一家拖  
金紫門前食客亂浮雲世人皆北孟嘗君江上送行無  
白壁臨岐惆悵若爲分

送費子歸武昌

岑參

漢陽歸客悲秋草旅舍葉飛愁不掃秋來倍憶武昌魚  
夢着只在巴陵道曾隨上將過祈連離家十年恒在邊  
劍鋒可惜虛用盡馬蹄無事今已穿知君開館常愛客  
桴蒲百金每一擲平生有錢將與人江上故園空四壁

古詩七言

卷二十四

八

吾觀費子毛骨奇廣眉大口仍赤髭看君失路尚如此  
人生貴賤那得知高秋八月歸南楚東門一壺聊出祖  
路指鳳凰山北雲永沾鸚鵡洲邊雨勿歎蹉跎白髮新  
應須守道勿羞貧男兒何必戀妻子莫向江村老却人

送楊山人歸嵩陽

高適

不到嵩陽動十年舊時心事已徒然一二故人不復見  
三十六峯猶眼前夷門二月柳條色流鶯數聲淚沾臆  
鑿井耕田不我招知君以此忘帝力山人好去嵩陽路  
惟余春春長相憶

同王昌齡送族弟襄歸桂陽

李白

爾家何在瀟湘川青莎白石長江邊昨夢江花照江月  
一作幾枝正發東窓前覺來欲往心悠然竟隨越鳥飛  
南天秦雲連山海相接桂水橫煙不可涉送君此去令  
人愁風帆茫茫隔河洲春潭瓊草綠可折西寄長安明  
月樓

送族弟綰從軍安西

漢家兵馬乘北風鼓行而西破犬戎爾隨漢將出  
門去剪虜若草收奇功君王按劍望邊色一作旄頭已  
落胡天空匈奴繫頸數應盡明年應驅一作入蒲萄宮

送陳章甫

李頎

古詩七言

卷二十四

九

四月南風大麥黃棗花未落桐陰長青山朝別暮還見  
嘶馬出門思舊鄉陳侯立身何坦蕩虬鬚虎眉仍大頰  
腹中貯書一萬卷不肯低頭在草莽東門沽酒飲我曹  
心輕萬事如一作鴻毛醉臥不知白日暮有時空學  
雲高長河浪頭連天黑津吏停舟渡不得鄭國遊人小  
及家洛陽行子空歎息聞道故林相識多罷官昨日今  
如何

送劉十

三十不官亦不娶時人焉識道高下房中唯有老氏經  
櫪上空餘少游馬往來嵩華與函秦放歌一曲前山春

西林獨鶴引閒步南澗飛泉清角巾前年上書不得意  
歸卧東牕兀然醉諸兄相繼掌青史第五之名祿驃騎  
烹葵摘果告我行落日夏雲縱復橫聞道謝安掩口笑  
知君不免爲蒼生

送蔡山人

高適

東山布衣明古今自言獨未逢知音識者閱見一生事  
到處豁然千里心看書學劍長辛苦近日方思謁明主  
斗酒相留醉復醒悲歌數年淚如雨丈夫遭遇不可知  
買臣主父皆如斯我今蹭蹬無所似看爾崩騰何若爲

送孔巢父謝病歸遊江東兼呈李白

古詩 七言

卷二十四

十一

杜甫

巢父掉頭不肯住東將入海隨烟霧詩卷長留天地間  
釣竿欲拂珊瑚樹深山大澤龍蛇遠春寒野陰風景暮  
蓬萊織女回雲車指點虛無引歸路一作是征自是君身有  
仙骨世人那得知其故惜君只欲苦死留富貴何如草  
頭露蔡侯靜者意有餘清夜置酒臨前除罷琴惆悵月  
照席幾歲寄我空中書南尋禹穴見李白道甫問訊今  
何如

送從弟游江淮兼謁鄱陽劉太守 李頎

都門柳色朝朝新念爾今爲江上人穆陵關帶清風遠

彭蠡湖連芳草春泊舟借問西林寺曉聽猿聲在山翠  
潯陽北望鴻鴈回湓水東流客心醉須知聖代舉賢良  
不使遺才滯一方應見鄱陽虎符守思歸共指白雲鄉

送蕭三十一之魯中兼問稚子伯禽

李白

六月南風吹白沙吳牛喘月氣成霞水國鬱蒸不可處  
時炎道遠無行車夫子如何涉江路雲帆嫋嫋金陵去  
高堂倚門望伯魚魯中正是趨庭處我家寄在沙丘傍  
三年不歸空斷腸君行既識伯禽子應駕小車騎白羊

送別

高適

古詩 七言

卷二十四

十一

昨夜離心正鬱陶三更白露西風高螢飛木落河漸瀝  
此時夢見西歸客曙鐘寥亮三四聲東鄰嘶馬使人驚  
攬衣出戶一相送唯見歸雲縱復橫

別梁鎰

李頎

梁生惆悵心不羈途窮氣蓋長安兒回頭轉盼似鵬鷃  
有志飛鳴人豈知雖云四十無祿位曾與大軍掌書記  
抗辭請刃誅部曲作色論兵犯二帥一言不合龍顏侯  
擊劍拂衣從此棄朝朝飲酒黃公壚脫帽露頂爭叫呼  
庭中憤鼻昔嘗挂懷裏琅玕今在無時人見千多落魄  
共笑狂歌非遠圖忽然遣躍紫駟馬還是昂藏一丈夫

洛陽城頭曉霜白，層冰峨峨滿川澤。但聞行路吟新詩，不歎舉家無擔石。莫言貪賤長可欺，覆簣成山當有時。莫言富貴長可託，木槿朝看暮還落。不見古時塞上翁，倚伏由來任天作。去去滄波勿復陳，五湖三江愁殺人。

南陵別兒童入京 一作古意

李白

白酒新 一作初 熟山中歸，黃雞啄黍秋正肥。呼童烹雞酌白酒，兒女嬉笑牽人衣。高歌取醉欲自慰，起舞落日爭光輝。游說萬乘苦不早，着鞭跨馬涉遠道。會稽愚婦輕買臣，余亦辭家西入秦。仰天大笑出門去，我輩豈是蓬蒿人。

古詩 七言

卷二十四

十二

與獨孤漸道別長句兼呈嚴八侍御

岑參

輪臺客舍春草滿，潁陽歸客腸堪斷。窮荒絕漠鳥不飛，萬頃千山夢猶嬾。憐君白面一書生，讀書十春未成名。五侯貴門脚不到，數畝山田身自耕。典來浪跡無遠近，及至辭家憶鄉信。無事垂鞭信馬頭，西南幾欲窮天盡。奉使三年獨未歸，邊頭詞客舊來稀。借問君來得幾日，到家不覺換春衣。高齋清晝卷羅幕，紗幘接離慵不着。中酒朝眠日色高，彈棊夜半燈花落。冰片高堆金錯刀，滿堂凜凜五月寒。桂林蒲萄新吐蔓，武城刺豸水可餐。

軍中置酒夜搥鼓，錦筵紅燭月未午。花門將軍善胡歌，葉河蕃王能漢語。知爾園林壓渭濱，夫人堂上泣羅裙。魚龍川北盤谿雨，鳥鼠山西洮水雲。臺中嚴公於我厚，別後新詩滿人口。自憐棄置天西頭，因君爲問相思否。

留別鄭三韋九兼洛下諸公

高適

憶昨相逢論久要，願君哂我輕常調。羈旅雖同白社遊，詩書已作青雲料。蹇躓蹉跎竟不成，年過四十尚躬耕。長歌遠者杯中物，大笑前人身後名。幸逢明盛多招隱，高山大澤徵求盡。此時亦 一作也 得辭漁樵青袍裏，身荷聖朝犁牛釣竿不復見。縣人邑吏來相邀，遠路鳴蟬秋

古詩 七言

卷二十四

十三

興發華堂美酒離憂銷，不知何日更攜手。應念茲晨去折腰。

春日留別

孫逖

春路逶迤花柳前，孤舟晚泊就人煙。東山白雲不可見，西陵江月夜娟娟。春江夜盡潮聲度，征帆遙從此中去。越國山川看漸無，可憐愁思江南樹。

金陵酒肆留別

李白

白門 一作風吹 柳花滿店香，吳姬壓酒喚 一作勸 客嘗。金陵子弟來相送，欲行不行各盡觴。請君問取 一作試問 東流水，別意與之誰短長。

贈別晉三處士

高適

有人家住清河源渡河問我遊梁園手持道經注已畢  
心知內篇口不言盧門十年見秋草此心惆悵誰能道  
知已從來不易知慕君爲人與君好別時九月桑葉疎  
出門千里無行車愛君且欲君先達今上求賢早上書

贈朱中書

丁仙芝

十年種田濱五湖十年遭滂盡爲蕪頻年井稅常不足  
今年緡錢誰爲輸東鄰轉穀五之利西鄰販繒日已貴  
而我守道不遷業誰能肯敢效此事紫微侍郎白虎殿  
出入通籍迴天眷晨趨絲筆柏梁篇畫出雕盤大官膳

古詩

卷二十四

十四

會應憐爾居素約可卽長年守貧賤

贈潘侍御論錢少陽

李白

繡衣柱史何昂藏鐵冠白筆橫秋霜三軍論事多引納  
堦前虎士羅千將雖無二十五老者且行一貧錢少陽  
眉如松雪齊四皓調笑可以安儲皇君能禮此最下士  
九州拭目瞻清光

奉贈張荊州

王昌齡

祝融之峯紫雲銜翠如何其雪嶺崑崙西有路綠石壁  
我欲從之卧穹嵌魚有心兮脫網罟江無人兮鳴楓杉  
王君飛鳥仍未去蘇耽宅中意遙緘

江上贈竇長史

李白

漢求季布魯朱家楚逐伍胥去章華萬里南遷夜郎國  
三年歸及長風沙聞道青雲貴公子錦帆遊戲一作西  
江水人疑天上坐樓船水淨霞明兩重綺相約相期何  
太深棹歌搖艇月中尋不同珠履三千客別欲論交一  
片心

贈漢陽輔錄事

鸛鵲洲橫漢陽渡水引寒煙沒江樹南浦登樓不見君  
君今罷官在何處漢口雙魚白錦鱗令傳尺素報情人  
其中字數無一作何多少祇是相思秋復春

古詩

卷二十四

十五

流夜郎贈辛判官

昔在長安醉花柳五侯七貴同杯酒氣岸遙凌豪士前  
風流肯落他一作諸人後夫子紅顏我少年章臺走馬著  
金鞭文章獻納麒麟殿歌舞淹留玳瑁筵與君自謂長  
如此寧知草動風塵起函谷忽驚胡馬來秦宮桃李向  
明胡一作開我愁遠謫夜郎去何日金雞放赦回

走筆贈獨孤駙馬

都尉朝天躍馬歸香風吹人花亂飛銀鞍紫鞵照雲日  
左顧右盼生光輝是時僕在金門裏待詔公車謁天子  
長揖蒙垂國士恩壯心剖出酬知己一別蹉跎朝市間

青雲之交不可攀儻其公子重回顧何必侯嬴長抱關

贈吳官

王維

長安客舍熟如煮無箇名糜難御暑空搖白團其諦苦  
欲向縹囊還歸旅江鄉鯖鮓不寄來秦人湯餅那堪許  
不如儂家任挑達草屨撈蝦富春渚

贈喬琳

一作劉春虛

張謂

去年上策不見收今年寄食仍淹留美君有酒能便醉  
羨君無錢能不憂如今五侯不愛待一作客羨君不問作  
入五侯宅如今七貴方自尊美君不過七貴門丈夫會  
應有知己世上悠悠何一作足論

古詩七言

卷二十四

十六

駕去溫泉宮後贈楊山人

李白

少年落魄楚漢間風塵蕭瑟多苦顏自言管葛竟誰許  
長吁莫錯還閉關一朝君王垂拂拭剖心輸丹雪胸臆  
忽蒙白日回景光直上青雲生羽翼幸陪鸞輦出鴻都  
身騎飛龍天馬駒王公大人借顏色金璋紫綬來相趨  
當時結交何紛紛片言道合惟有君待君盡節報明主  
然後相攜一作攜手洲卧白雲

醉後贈從甥高鎮

馬上相逢揖馬鞭客中相見客中憐欲邀擊筑悲歌飲  
正值傾家無酒錢江東風光不借人狂殺落花空自春

黃金逐手快意盡昨日破產今朝貧丈夫何事空嘯傲

不如燒却頭上巾君爲進士不得進我被秋霜生旅鬢

時清不及英豪人三尺童兒重廉藺匣中盤飴裝鰈魚

閒在腰間未用渠且將換酒與君醉醉歸託宿吳錡諸

戲贈姚侍御

丁仙芝

繁霜曉幕鳴柏鳥侍子獸炭然金爐重門啓鎖紫髯胡  
新披驄馬隴西駒頭戴獬豸急晨趨明光殿前見天子  
今日應彈佞倖夫

代賀若令譽贈沈千運

王季友

相逢問姓名亦存別時無子今有孫山上雙松長不改

古詩七言

卷二十四

十七

百家一作唯有三家村村南村北車馬道一宿通舟水  
浩浩澗中磊磊十里石河上淤泥種桑麥平坡塚墓皆  
我親滿田一作主人是舊客舉聲酸鼻問同年十人七  
人歸下泉分手如何更此地回頭不語淚潸然

醉後戲與趙歌兒

岑參

秦州歌兒歌調苦偏能立唱漢陽女座中醉客不得意  
聞之一聲淚如雨向使逢着漢帝憐黃賢氣咽不能語  
巴陵寄李二戶部張十四禮部

江南春

一作

草初羃羃愁殺江南獨愁客秦中楊柳也

應新轉憶秦中相憶人萬里鶯花不相見登高一望淚沾巾

寄韓諫議注

杜甫

今我不樂思洛陽身欲奮飛病在牀美人娟娟隔秋水  
濯足洞庭望八荒鴻飛冥冥日月白青楓葉赤天雨霜  
玉京羣帝集北斗或騎麒麟翳鳳凰芙蓉旌旗煙霧集  
影動倒景搖瀟湘星宮之君醉瓊漿羽人稀少不在傍  
似聞昨者赤松子恐是漢代韓張良昔隨劉氏定長安  
帷幄未改神慘傷國家成敗吾豈敢色難腥腐餐楓香  
周南留滯古莫惜南極老人應壽昌美人何爲隔秋水  
古詩七言 卷二十四 十八

爲得置之貢玉堂

寄栢學士林居

自胡之反持干戈天下學士亦奔波歎彼幽棲載典籍  
蕭然暴露向山阿青山萬里靜散地白雨一洗空  
垂蘿亂代飄零余到此古人成敗子如何荆揚春冬異  
風土巫峽日夜多雲雨赤葉楓林百舌鳴黃泥野岸天  
雞舞盜賊縱橫甚密邇形神寂寞甘辛苦幾時高議排  
金門各使蒼生有環堵

洪州客舍寄柳博士芳

薛業

去年燕巢主人屋今年花發路傍枝年年爲客不到舍

歸一作舊國存亡那得知胡塵一起亂天下何處春風無別離

寄裴施州

杜甫

廊廟之具裴施州宿昔一逢無此流金鐘大鑪在東序  
冰壺玉衡懸清秋自從相遇減多病三歲爲客寬邊愁  
堯有四岳明至理漢二千石真分憂幾度寄書白鹽北  
苦寒贈我青羔裘霜雪迴光避錦袖龍蛇一動篋蟠  
銀鈎紫衣使者辭復命再拜故人謝佳政將老已失子  
孫憂後來况接才華盛一下有逢憶書樓碧池映句

春日獨坐寄鄭明府

李白

燕麥青青遊子悲河堤弱柳鬱金枝長條一拂春風去  
盡日飄揚無定時我在河南別離久那堪坐此對窗牖  
情人道來竟不來何人共醉新豐酒

早春寄王漢陽

聞道春還未相識走傍寒梅訪消息昨夜東風入武陽  
一作陌頭楊柳黃金色碧水浩浩雲茫茫美人不來空  
斷腸預拂青山一片石與君連日醉壺觴

涇谿東亭寄鄭少府諤

我遊東亭不見君沙上行將白鷺羣白鷺閒時散飛去  
又如雪點青山雲欲往涇谿不辭遠龍門感波虎眼轉

杜鵑花開春色闌歸向陵陽釣魚晚

寄從孫崇簡

杜甫

嗟峨白帝城東西南有龍湫北虎谿吾孫騎曹不記馬  
業學戶鄉多養雞龐公隱時盡室去武陵春樹他人迷  
與汝林一作隣居未相失近身藥裏酒長攜牧叟樵童亦  
無賴莫令斬斷青雲梯

暮秋枉裴道州手札率爾遣興奉寄兼呈蘇渙侍

御

久客多枉友朋書素書一月凡一束虛名但蒙寒暄一作溫  
問泛愛不救溝壑辱齒落未是無心人舌存耻作窮

古詩七言

卷二十四

二十一

途哭道州手札適復至紙長要自三過讀益把那須滄  
海珠入懷本倚崑山玉撥棄潭州百斛酒華沒滿岸千  
株菊使我晝立煩兒孫令我夜坐費燈燭一作初引水  
嘉去紅顏白面花映肉軍符侯甲取引英俊人終九愁痛會  
甚速聖朝尚飛戰闔塵濟世宜引英俊人終九愁痛會  
蘇息夷狄跋扈徒逡巡授鉞築壇聞意旨頻綱漏網期  
彌綸郭欽上書見大計劉毅答詔驚羣臣他日更僕誰  
不淺明公論兵氣益振傾壺蕭管黑白髮儼劍霜雪吹  
青春宴筵曾語蘇季子後來傑出雲孫比茅齋定王城  
郭門藥物楚老漁商市市北肩輿每聯袂郭南抱甕亦

隱几無數將軍西第成早作丞相東山起鳥雀苦肥秋  
粟菽蛟龍欲蜚寒沙水天下鼓角何時休陣前部曲終  
日死附書與裴因示蘇此生已愧須人扶致君堯舜付  
公等早據要路思捐軀

春日戲題惱郝使君

使君意氣凌青霄憶昨歡娛常見招細馬時鳴金騶  
佳人屢出董嬌饒東流江水西飛燕可惜春光不相見  
願携王趙兩紅顏再聘肌膚如素練通泉百里近梓州  
請公一來開我愁舞處重看花滿面尊前還有錦纏頭

上李邕

李白

古詩七言

卷二十四

二十一

大鵬一日同風起扶一作搖直上九萬里假令風歇時  
下來猶能簸却滄浪水世人見我恒相一作相殊調問余大  
言皆冷笑宣父猶能畏後生丈夫未可輕年少

述德兼陳情上哥舒大夫

天爲國家孕英才森森矛戟擁靈臺浩蕩深謀噴江海  
縱橫逸氣走風雷丈夫立身有如此一呼三軍皆披靡  
衛青謾作大將軍白起眞成一豎子

寒夜懷友

二首

王勃

北山煙霧始茫茫南津霜月正蒼蒼秋深客思紛無已  
復值征鴻中夜起



複閣重樓向浦開  
秋風明月度江來  
故人故情懷故宴  
相望相思不相見

客舍悲秋有懷兩省舊遊呈幕中諸公

岑參

三度爲郎便白頭  
一從出守五經秋  
莫言聖主長不用  
其那蒼生應未休  
人間歲月如流水  
客舍秋風今又起  
不知心事向誰論  
江上蟬鳴空滿耳

期王將軍不至

杜甫

天雨蕭蕭滯茅屋  
空山無以慰幽獨  
銳頭將軍來何遲  
令我心中苦不足  
數看黃霧亂玄雲  
時聽嚴風折喬木

古詩七言

卷二十四

二十二

泉源泠泠雜援狄  
泥潭漠漠饑鴻鵠  
歲暮窮陰耿未已  
人生會面難再得  
憶爾腰下鐵絲箭  
射殺林中雪色鹿  
前者坐皮因問毛  
知子歷險人馬勞  
異獸如飛星宿落  
應弦不碍蒼山高  
安得突騎只五千  
卒然摧骨皆爾曹  
走平亂世相催促  
一豁明主正鬱陶  
憶昔范增碎玉斗  
未一作使吳兵着白袍  
昏昏闔閭氛祲十月荆南雷  
怒號

東谿待蘇戶曹不至

張禹

浴陽城東伊水西  
千花萬竹使人迷  
臺上柳枝臨岸似  
門前荷葉與橋齊  
日暮待君君不見  
長風吹雨過青谿

宿東溪李十五山亭

王季友

上山下山入山谷  
溪中落日留我宿  
松石依依當主人  
主人不在意亦足  
名花出地兩重階  
絕頂平天一小齋  
本意由來是山水  
何用相逢語舊懷

宿新豐主人

儲光義

新豐主人新酒熟  
舊客還歸舊堂宿  
滿酌香含北砌花  
盈尊色泛南軒竹  
雲散天高秋月明  
東家少女解秦箏  
醉來忘却巴陵道  
夢中疑是洛陽城

酬李十六岐

王季友

鍊丹文武火未成  
賣藥販屨俱逃名  
出谷迷行洛陽道  
古詩七言 卷二十四 二十三

乘流醉卧滑臺城  
城下故人久離怨  
一歡適我兩家願  
朝飲杖懸沽酒錢  
暮餐囊有松花飯  
於何車馬日憧憧  
李膺門館爭登龍  
千賓揖對若流水  
五經發難如扣鐘  
下筆新詩行滿壁  
立談古人坐在席  
問我草堂有卧雲  
知我山儲無僭石  
自耕自刈食爲天  
如鹿如麋飲野泉  
亦知世上公卿貴  
且養丘中草木年

欲之新鄉答崔顥綦母潛

李頎

數年作吏家屢空  
誰道黑頭成老翁  
男兒在世無產業  
行子出門如轉蓬  
吾屬交歡此何夕  
南家僑丞動歸客  
銅鑪將炙相歡飲  
星宿縱橫露華白  
寒風卷葉度滹沱

飛雪布地悲哉孤城日落見栖鳥馬上時聞漁者歌  
明朝東路把君手臘日辭君期歲首自知寂寞無去思  
敢望縣人致牛酒

同崔傳答賢弟

王維

洛陽才子姑蘇客桂苑殊非故鄉陌九江楓樹幾回青  
一片揚州五湖白揚州時有下江兵蘭陵鎮前吹笛聲  
夜火人歸富春郭秋風鶴唳石頭城周郎陸弟爲儔侶  
對舞前溪歌白紵曲几書留小史家草堂棋賭山陰墅  
衣冠若話外臺臣先數夫君席上珍更聞臺閣求三語  
遙想風流第一人

古詩七言

卷二十四

二十四

故人張諶工詩善易卜兼能丹青草隸項以詩見

贈聊復酬之

不逐城東遊俠兒隱囊紗帽坐彈棋蜀中夫子時聞肆  
洛下書一作詩生解詠詩藥欄花徑衙門重時復據梧聊  
隱几屏風誤點惑孫郎團扇草書輕內史故園高枕度  
三春永日垂帷絕四隣自想一作詩蔡邕今已老更將書  
籍與何人

同張員外諶酬答之作

李頎

洛中高士日沈冥手自灌園方帶經王湛牀頭見周易  
張康傳裏好丹青鸛冠葛屨無名位博奕賦詩聊遣意

清言只到衛家兒用筆能誇鍾太尉東籬二月種蘭蓀  
窮巷人稀鳥雀喧聞道郎官問生事肯令鬢髮老柴門  
自東都還濠州奉酬王八諫議見贈

獨孤及

關西仕時俱稚容彪彪之鬢始相逢天地變化縣城改  
天寶中及尉華陰鄭縣別後經祿山之亂鄭縣殘毀城移於州西獨有故人交態在不  
言會合跡未并猶似歲寒心相待洛陽居守寄鄴侯君  
著貂冠叅運籌高閣連雲騎省夜新文會友涼風秋青  
袍白面昔攜手冉冉府趨君記否雲分雨散十五年始  
得一笑罇酒前未遑少留驟遠別况值旅鴈鳴秋天二

古詩七言

卷二十四

二十五

華舊遊如夢想他時再又何由緣賴君贈我郢中曲別

後相思被管絃

醉後答丁十八以詩譏余搥碎黃鶴樓

李白

黃鶴高樓已搥碎黃鶴仙人無所依黃鶴上天訴玉  
上帝放却黃鶴江南歸神明太守再雕飾新圖粉壁還  
芳菲一州笑我爲狂客少年往往來相譏君平簾下誰  
家子云是遼東丁令威作詩調我驚逸興白雲遶筆牕  
前飛待取明朝酒醒罷與君爛熳尋春暉

酬李壺關奉使行縣憶諸公

儲光義

青風江上滄浪吟白月宮中鸚鵡林 非有淨清心  
同道同房若斷金離居忽有雲山意清韻遙傳舟楫事  
去時能憶竹園遊來時莫忘桃園記

答高三十五留別便呈于十一 李頎

累薦賢良皆不就家近陳留訪耆舊韓康雖復在人間  
王霸終思隱巖竇清冷池水灌園蔬萬物滄江心淡如  
妻子歡同五株柳雲山老對一牀書昨日公車見三事  
明君賜衣遣爲吏懷章不使郡邸驚待詔初從闕庭至  
散誕由來自不羈低頭授職爾何爲故園壁挂烏紗帽  
官舍塵生白接離寄書寂寂於陵子蓬蒿沒身胡不仕

古詩七言 卷二十四 二十六

蔡羹被褐環堵中歲晚將貽故人耻

和太尉戲贈高陽公 上官儀

薰爐御史出神仙雲鞍羽蓋下芝田紅塵正起浮橋路  
青樓遙敞御溝前傾城比態芳菲節絕世相嬌是六年  
慣是洛濱要解珮本自河間好數錢翠釵照曜衝雲髮  
玉步逶迤動羅袜石榴絞帶輕花轉桃枝綠扇微風發  
無情拂袂欲留賓詎恨深潭不可越天津一別九秋長  
豈若隨聞三日香南國自然勝掌上東家復是憶王昌  
和盧明府送鄭十三還京兼寄之什

孟浩然

昔時風景登臨地今日承冠送別筵醉坐自傾彭  
澤酒思歸長望白雲天洞庭一葉驚秋早淩落空嗟滯  
江島寄語朝廷當世人何時重見長安道

同張侍御燕北樓 儲光義

今之太守古諸侯出入雙旌垂七旒朝覽干戈時聽訟  
暮延賓客復登樓西山漠漠崦嵫色北渚沈沈江漢流  
良宵清淨方高會繡服光輝聯皂蓋魚龍恍惚墜墀  
下雲霧杳冥慙戶外水靈慷慨行泣珠游女飄飄思  
解佩蒼蒼低月半遙城落跡星滿太清不分一開  
襟悲楚奏願言吹笛退胡兵軒后青丘埋楔偷周王白

古詩七言 卷二十四 二十七

羽掃攬槍期君武節朝龍闕余亦翺翔歸玉京

陪王侍御同登東山最高頂宴姚通泉晚攜酒汎

江 杜甫

姚公美政誰與儔不減昔時陳太丘邑中上客有柱史  
多暇日陪驄馬遊東山高頂羅珍羞下顧城郭銷我憂  
清江白日落欲盡復攜美人登彩舟笛聲憤怨哀  
中流妙舞逐逐夜未休燈前往往大魚出聽曲低昂如  
有求三更風起寒浪湧取樂喧呼覺船重滿空星河光  
破碎四座賓客色不動請公臨深江 一作莫相違迴船罷  
酒上馬歸人生歡會豈有極無使霜露沾人衣

王勃

古詩

卷二十四

二十八

夏宴張兵曹東堂

李頎

酒泉太守夜集

岑參

詩

卷二十四

二十九

涼一作梁州館中與諸判官夜集

1

水反入爲滙斯名之作有由焉爾而此擲大星

子月草生隔望青青相與遊藉豈盈虛之可歎  
亦風景之多傷感物增懷因書其事

趙冬曦

三湖迤入兩山間畜作泄湖灣復灣暑雨奔流潭正滿  
微霜及潦水初還水還波卷谿潭涸綠草芊芊岸嶄岸  
適來一作飛棹共迴旋已復揚鞭恣行樂道傷蒼老步  
蹢躅楚言茲事不知年試就湖邊披草徑莫疑東海變  
桑田君訝今時盡陵陸我看明歲更淪漣來今自昔無  
終始人事迴環當若是應一作思闕下聲華日誰謂江  
潭旅遊子初貞正喜固當然往蹇來譽宜可俟盈虛用  
捨輪輿旋勿學靈均遠問天

古詩七言

卷二十四

三十

和趙侍御

張說

江南湖水咽山川春江溢入共湖連氣色紛淪橫罩海  
波濤鼓怒上漫天鱗宗殼族嬉爲府弋叟鼠師利焉聚  
歌帆側柁弄風口赴險臨深繞灣浦一灣一浦悵還迴  
千曲千澹帆迷哉乍見靈妃含笑往復聞遊女怨歌來  
暑來寒往運涸湫潭生水落移陵谷雲間墜翮散泥沙  
波上浮查樓樹木昨暮飛霜下北津今朝行鴈度南濱  
處處溝洫清源竭年年舊葦白頭新天地盈虛尚難保  
人間倚伏何須道秋月晶晶汎澄澗冬景青青步纖草  
念君宿昔觀物變安得踟躕不衰老

入少密谿

沈佺期

雲峰苔壁遶谿斜江路香風夾岸花樹密不言通鳥道  
雞鳴始覺有人家人家更在深巖口澗水周流宅前後  
遊魚瞥瞥雙釣童伐木丁丁一作樵叟自言避喧非  
避秦薛衣耕鑿帝堯人相留且待雞黍熟夕卧深山蘿  
月春

發劉郎浦

杜甫

挂帆早發劉郎浦疾風颯颯昏亭午舟中無日不沙塵  
岸上空村盡豺虎十日北風風未迴客行歲晚猶相催  
白頭厭伴漁人宿黃帽青鞋歸去來

古詩七言

卷二十四

三十一

發閬中

前有毒蛇後猛虎溪行盡日無村塢江風蕭蕭雲拂地  
山木慘慘天欲雨女病妻憂歸意速一作秋花錦石誰  
復一作數別家三月一得書避地何時免愁苦

夜宿浙江

孫逖

扁舟夜入江潭泊露白風秋一作氣蕭索富春渚上潮  
未還天姥岑邊月初落烟水茫茫多苦心更聞江上越  
人吟洛陽城闕何時見西北浮雲朝暝深

封丘縣作

高適

我本漁樵孟諸野一生自是悠悠者乍可狂歌草澤中

寧堪作吏風塵下祗言小邑無所爲公門百事皆有期  
拜迎官長心欲碎一作鞭撻黎庶令人悲歸來向家問  
妻子舉家盡笑今如此生事應須南畝田世情付與東  
流水夢想舊山安在哉爲衙君命日一作遲迴乃知梅  
福徒爲爾轉憶陶潛歸去來

江上有懷

王適

湛湛江水見底清荷花蓮子傷江生採蓮將欲寄同心  
秋風落花空復情棹歌數曲如有待正見明月度東海  
海上雲盡月蒼蒼萬里分輝滿洛陽洛陽閨閣夜何央  
蛾眉嬋娟斷人腸寂寥金屏空自掩青燐銀燭不生光

古詩

卷二十四

三十二

應憐水宿洞庭子今夕迢遙天一方

臨河客舍呈秋明府兄留題縣南樓

岑參

黎陽城南雪正飛黎陽渡頭人未歸一作口河邊酒家

堪寄宿主人小女能縫衣故人高卧黎陽縣一別三年

不相見邑中雨雪偏着時隔河東郡人遙羨鄴都唯見

古時丘漳水還如舊日流城上望鄉應不見朝來好是

懶登樓

山陰縣西樓

孫逖

都邑西樓芳樹間遙迤霽色遶江山一作月夜從公

署出江雲晚對訟庭還誰知春色朝朝好二月飛花滿  
江草一見湖邊楊柳風遙憶青青洛陽道

城南亭作

張說

珂馬朝歸連萬石稍門洞啓親迎客北堂珍重琥珀酒  
庭前列肆茱萸席長袖遲迴意緒多清商緩轉目騰波  
舊傳比翼侯家舞新出將雛主第歌漢家絳灌餘兵衆  
晉代浮虛安足貴正逢天下金鏡清偏加日飲醇醪意  
誰復遨遊不復歸閒庭莫畏不芳菲會待城南春色至  
競將花柳拂羅衣

銀山磧西館

岑參

古詩

卷二十四

三十三

銀山峽口風似箭鐵門關西月如練雙雙愁淚沾馬毛

颯颯胡沙迸人面丈夫三十未富貴安能終日守筆硯

題李別駕壁

高適

去鄉不遠逢知己握手相歡得如此禮樂遙傳魯伯禽

賓客爭過魏公子酒筵暮散明月上櫺馬長鳴春風起

一生稱意能幾人今日從君問終始

醉題匡城周少府壁

岑參

婦姑城南風雨秋婦姑城中人獨愁愁雲遮却望鄉處

數日不上西南樓故人薄暮公事閒玉壺美酒琥珀殷

穎陽秋草今黃盡醉卧君家猶未還

夜歸山中

杜甫

夜來歸來衝虎過山黑家中已眠卧傷見北斗向江低  
仰看明星當空大庭前把燭噀兩炬峽口驚猿聞一箇  
白頭老罷舞復歌杖藜不睡誰能那

引水

月峽瞿塘雲作頂亂石崢嶸俗無井雲安沽水奴僕悲  
魚復移居心力省白帝城西萬竹蟠接筒引水喉不乾  
人生留滯生理難斗水何直百憂寬

軍中人日登高贈房明府

宋之問

幽郊昨夜陰風斷頓覺朝來陽吹暖涇水橋南柳欲黃  
古詩七言 卷二十四 三十四

杜陵城北花應滿長安昨夜寄春永短翮登茲一望歸  
聞道凱旋乘騎入看君走馬見芳菲

人日寄杜二拾遺

高適

人日題詩寄草堂遙憐故人思故鄉柳條弄色不忍見  
梅花滿枝堪斷腸身在遠藩一作無所預心懷百憂復  
千慮今年人日空相憶明年人日知何處一卧東山三  
十春豈知書劍與一作風塵龍鍾還忝二千石愧爾東  
西南北人

追酬故高蜀州

序曰蜀州刺史人日相憶見寄詩源流行同誌終篇  
未自枉詩已十餘年莫記存沒又六七年矣老

病懷舊生意可知今海內忘形故人獨在  
大曆五年正月二十一日却迎 杜甫  
酬高公此作因寄王及敬弟

自蒙蜀州人日作不意清詩久零落今晨散帙眼忽開  
迸淚幽吟事如昨嗚呼壯士多慷慨合沓高名動寥廓  
歎我悽悽求友篇感時鬱鬱匡君略錦里春光空爛熳  
瑤池侍臣已冥寞瀟湘水國旁薳鼉鄂杜秋天失鵬鸞  
東西南北更堪論白首扁舟病獨存遙一作拱北辰纒  
冠盜欲傾東海洗乾坤邊塞西蕃最克斤永冠南渡多  
崩奔鼓瑟至今悲帝子曳裾何處覓王門文章曹植波  
瀾濁服食劉安德業尊長笛誰能亂愁思昭州詞翰與  
古詩七言 卷二十四 三十五

初入秦川路逢寒食

玄宗

洛陽 芳樹映天津灞岸垂楊翠地新直爲經過行  
樂處不知虛度兩京春去年餘閑今春早曙色和風著  
花草可憐寒食與清明光輝併在長安道自從關路人  
秦川爭道何人不戲鞭公子途中妨蹴鞠佳人馬上廢  
鞦韆渭水長橋今欲渡慈慈漸見新豐樹遠看驪岫入  
雲霄預想湯池起煙霧煙霧氣氲水殿開暫拂香泉歸  
去來今歲清明行已晚明年寒食更相陪

奉和

張說



上陽柳色喚春歸臨渭桃花拂水飛總爲朝廷巡幸  
頻教京洛少光輝昨從分陝山南口馳道依依漸化鄉  
入關正投寒食前還京遂落清明後路上天心重豫游  
御前恩賜特風流便幕那能鏤雞子行宮善巧帖毛裘  
渭橋南渡花如撲麥壠青青斷人目漢家行樹直新豐  
秦地驪山抱溫谷香池春溜水初平預歡浴日照京城  
今歲隨宜過寒食明<sub>來</sub>年陪宴作清明

寒食江州蒲塘驛

宋之問

去年上巳洛橋邊今年寒食廬山曲遙憐華樹花應滿  
復見吳洲草新綠吳洲春草蘭杜芳感物思歸懷故鄉

古詩

卷二十四

三十六

驛騎明朝發何處猿聲今夜斷君腸

寒食陸渾別業

洛陽城裏花如雪陸渾山中今始發旦別河橋楊柳風  
夕卧伊川桃李月伊川桃李正芳新寒食山中酒復春  
野老不知堯舜力酣歌一曲太平人

寒食城東卽事

王維

清谿一道穿桃李演漾綠蒲涵白芷谿上人家凡幾家  
落花半落東流水蹴踘踰過飛鳥上鞦韆競出垂楊裏  
少年分日作遨遊不用清明兼上巳

清明

杜甫

著處繁華矜是日長沙千人萬人出渡頭翠柳豔明眉  
爭道朱蹄驕囓膝此都好遊湘西寺諸將亦自軍中至  
馬拔征行在眼前葛強親近同心事金鎗下山紅粉作  
日昵牙檣振柂青樓遠古時喪亂皆可知人世悲歡暫  
相遺弟姪雖存不得書干戈未息苦離居逢迎少壯非  
吾道況乃今朝更祓除

七夕

崔顥

長安城中月如練家家此夜持針線仙裙玉珮空自知  
天上人間不相見長信深陰夜轉幽瑤塔金閣數螢流  
班姬此夕愁無限河漢三更看斗牛

古詩

卷二十四

三十七

九日酬顏少府

高適

簷前白日應可惜籬下黃花爲誰有行子迎霜未授衣  
主人得錢始沽酒蘇秦頗類人<sub>時</sub>多厭蔡澤棲遲<sub>年</sub>  
世看醜縱使登高只斷腸不如獨坐空搔首

洛中晴月送殷四入關

劉希夷

清洛浮橋南渡頭天晶萬里散華洲晴看石瀨光無數  
曉入寒潭浸不流微雲一點曙煙起南陌憧憧遍行子  
欲將此意與君論復道秦關向<sub>一作</sub>千里<sub>一作</sub>作

明月

李如璧

三五月華流炯光可憐懷歸<sub>一作</sub>郢路長逾江越漢津

無梁遙遙永夜思茫茫昭君失寵辭上官蛾眉嬋娟卧  
瓊穹胡人琵琶彈北風漢家音信絕南鴻昭君此時怨  
盡工可憐明月光朦朧節旣秋今天向寒沅有漪兮湘  
有瀾沅湘糾合森漫漫洛陽才子憶長安可憐明月復  
團圓逐臣戀主心愈恪棄妻思君情不薄已悲芳歲徒  
淪落復恐紅顏坐銷鑠可憐明月方照灼向影傾身比  
葵藿

把酒問月 故人賈淳令余問之 李白

青天有月來幾時我今停杯一問之人攀明月不可得  
月行却與人相隨皎如飛鏡臨丹闕綠煙滅盡一作清

古詩 七言 卷二十四 三十八

輝發但見宵從海上來寧知曉向雲間沒白兔擣藥秋  
復春嫦娥孤棲與誰鄰今人不見古時月今月曾經照  
古人古人今人若流水共看明月皆如此唯願當  
歌對酒時月光長照金樽裏

秋風 二首 杜甫

秋風淅淅吹巫山上牢下牢脩水關吳檣楚柁牽百丈  
暖向神都寒未還要路何日罷長戟戰戰自青羌連白蠻  
中巴不得消息好瞋傳戍鼓長雲間

秋風淅淅吹我衣東流之外西日微天清小城擣練急  
石古細路行人稀不知明月爲誰好早晚孤帆他

夜歸會將白髮倚庭樹故園池臺今是非

晚晴

高唐暮冬雲一作雪壯哉舊瘴無復似塵埃崖沈谷沒白  
皚皚江石缺裂青楓摧南天三旬苦霧開赤日照耀從  
西來六龍寒急光徘徊照我衰顏忽落地口中吟詠心  
中哀未忤及時少年子揚眉結義黃金臺汨乎吾生何  
飄零支離委絕同死灰

少室雪晴送王寧 李頎

少室衆峰幾峰別一峰晴見一峰雪隔城半山連青松  
素色峨峨千萬重過景斜臨不可道白雲欲盡難爲容

古詩 七言 卷二十四 三十九

行人與我翫幽境北風切切吹永冷惜別浮橋駐馬時  
舉頭試望南山嶺

對雪醉後贈王歷陽 李白

有身莫犯飛龍鱗有手莫撻猛虎鬚君看昔日汝南市  
白頭仙人隱玉壺子猷聞風動臆竹相邀共醉杯中綠  
歷陽何異山陰時白雪飛花亂人目君家有酒我何愁  
客多樂酣秉燭遊謝尚自能鵬鴒舞相如免脫鵲裘  
輿罷一作罷鼓棹過江去他日西看却月樓

巡邊在河北作 張說

去年六月西河西今年六月北河北沙場磧路何爲爾

重氣輕生知許國人生在世能幾時壯年征戰髮如絲  
會待安邊報明主作頌封山也未遲

代春閨

崔液

江南日暖鴻始來柳條初碧葉半開玉關遙遙戍未迴  
金閨日夕生綠苔寂寂春花煙色暮簷燕雙雙落花度  
青樓明鏡畫無光紅帳羅衣徒自香妾恨十年長獨守  
君情萬里在漁陽

前題 一作思邊

李白

去年何時君別妾南園綠草飛蝴蝶今歲何時妾憶君  
西山白雪暗秦雲玉關去此三千里欲寄音書那得

古詩 七言

卷二十四

四十

可聞

夏日閨情

蔡琰

桃徑李蹊絕芳園炎氛熾日滿愁軒枝上鳥驚朱槿落  
池中魚戲綠蘋翻君戀京師久留滯妾怨高樓積年歲  
非關曾入楚王宮直爲相思腰轉細卧簾乘閒乍逐涼  
薰爐畏熱懶焚香雨霑柳葉如啼眼露滴蓮花似汗妝  
全由獨自羞看影豔是孤眠疑夜永無情拂鏡不成妝  
有時卻扇還風靜近日書來道欲歸鴛鴦文錦字息機  
但恐愁容不相識爲教恒着別時衣

怨情

李白

新人如花雖可寵故人似玉由來重花性飄揚不自持  
玉心皎潔終不移故人昔新今尚故還見新人有故時  
請看陳后黃金屋寂寂珠簾生網絲

代閨人答輕薄少年

崔顥

妾家近隔鳳凰池粉壁紗牕楊柳垂本期漢代金吾壻  
誤嫁長安遊俠兒兒家夫壻多輕薄借客探丸重然諾  
平明挾彈入新豐日晚揮鞭出長樂青絲白馬冶遊園  
能使行人駐馬看自矜陌上繁華盛不念閨中花鳥闌  
花間陌上春將晚走馬闌雞猶未返三時出望無消息  
一去那知行近遠桃李花開覆井欄朱樓落日捲簾看

古詩 七言

卷二十四

四十一

愁來欲奏相思曲抱得秦箏不忍彈

和贈遠

獨孤及

憶得去年春風至中庭桃李映瑣牕美人挾瑟對芳樹  
玉顏亭亭與花雙今年新花如舊時去年美人不在茲  
借問離居恨深淺祇應獨有庭花知

夜坐看撈篲

王諷

調箏夜坐燈光裏却挂羅帷露纖指朱絃一一聲不同  
玉柱連連影相似不知何處學新聲曲曲彈來未覩名  
應是石家金谷裏流傳未滿洛陽城

夜聞簫箏

杜甫

夜聞簾簾滄江上衰年側耳情所嚮鄰舟一聽多感傷  
塞曲三更歛悲壯積雪飛霜此夜寒孤燈急管復風湍  
君知天地干戈滿不見江湖行路難

魏倉曹東堂檉樹

李頎

愛君雙檉一樹奇千葉齊生萬葉垂長頭拂石帶煙雨  
獨立空山人莫知攢青蓄翠陰滿屋紫穗紅英曾斷目  
洛陽墨客遊雲間若到麻源第三谷

題河邊枯柳

王泠然

隋家天子憶揚州厭坐深官傷海遊穿地鑿山開御路  
鳴笳疊鼓汎春流從從北分河一作河分口直到淮南種

古詩

卷二十四

四十二

官柳功成力盡人旋亡運一作代謝年移樹空有當時綠

女侍君王帳殿旌門對柳行青葉交垂連幔色白花飛  
散一作度染衣香今日摧殘何用道數里曾無一株好驛

騎江一作征帆損更多山精野魅藏應老涼秋一作九

八月露爲霜日夜孤舟入帝鄉河畔時時聞落葉一作落

客中無箇不一作不沾裳

望人家桃李花

賀知章

山源夜雨度仙家朝發東園桃李花桃花紅兮李花白  
照灼城隅復南陌南陌青樓十二重春風桃李爲誰容  
棄置千金輕不顧脚蹠五馬謝相逢徒言南國容華晚

遂歎西家飄落遠的樂長奉明光殿氛氲半入披香苑  
苑中珍木元自奇黃金作葉白銀枝千年萬歲不凋落  
還將桃李更相宜桃李從來露井傍成蹊結影矜艷陽  
莫道春花不可樹會持仙實薦君王

歎庭前甘菊花

杜甫

庭一作落前甘菊移時晚青蘂重陽不堪摘明日蕭條盡  
醉醒殘花爛熳開何益籬邊野外多衆芳采擷細瑣升  
中堂念茲空長大枝葉結根失所纏風霜

風雨看丹前落花戲爲新句

江上人家桃李枝春寒細雨出疎籬影遭碧水潛勾引

古詩

卷二十四

四十三

風妬紅花却倒吹吹花困癰旁丹榭水光風力俱相快  
赤憎輕薄遮人懷珍重分明不來接一作折濕久飛遲半  
欲高縈沙惹草細於毛蜜蜂蝴蝶生情性一作情偷眼蜻  
蜓避百勞

失羣鴈

序曰溫縣明府以馬詩垂示余以爲古之  
鴈行未宜寫數至如歲野空巖者乃可爲失羣

鴈行未宜寫數至如歲野空巖者乃可爲失羣

盧照隣

三秋北地雪皚皚萬里南潮渡海來欲隨石燕沈湘水  
試逐銅鳥繞帝臺帝臺銀閣距金塘中間鷓鴣已成行  
先過上苑傳書信暫下中洲戲稻梁虞人負繳來相及

齊客虛芳忽見傷毛翎頻顛一作頻飛無力羽翮摧頽君  
不識唯有莊周解愛鳴復道郊歌重奇色惆悵驚思悲  
未已徘徊自憐中罔極傳聞有鳥集朝陽詎勝仙鳬通  
帝鄉雲間海上應鳴舞遠得鵲弦猶獨撫金龜全寫中  
牟印玉鵠當變萊蕪金願君弄影鳳皇池時憶籠中摧  
折羽

王兵馬使二角鷹

杜甫

悲臺蕭瑟石龍從哀壑杈枒浩呼洶中有萬里之長江  
迴風滔日孤光動角鷹翻倒壯士臂將軍玉帳軒勇氣  
二鷹猛腦脰徐墜目如愁胡視天地杉雞竹兔不自惜

古詩七言

卷二十四

四十四

孩虎野羊俱辟易韝上鋒稜十二翻將軍勇銳與之敵  
將軍樹勳起安西崑崙虞泉入馬蹄白羽曾肉三俊倪  
敢決豈不與之齊荆南芮公得將軍亦如角鷹下翔雲  
惡鳥飛飛啄金屋安得爾輩開其羣驅出六合梟鸞分

江畔老人愁

崔顥

江南年少十八九乘舟欲渡青谿口青谿口邊一老翁  
鬢眉皓白已衰朽自言家代仕梁陳垂朱拖紫三十人  
兩朝出將復入相五世疊鼓垂朱輪父兄三葉皆尚主  
子女四代爲妃嬪南山賜田接御苑北宮甲第連紫宸  
直言榮華未休歇不覺山崩海將竭兵戈亂入建康城

煙火連燒未央闕衣冠士子陷鋒刃良將名臣盡埋沒  
山川改易失市朝衢路縱橫填白骨老人此時尚少年  
脫身走得投海邊罷兵歲餘未敢出去鄉三載方來旋  
蓬蒿忘却五城宅草木不識青谿田雖然得歸到鄉土  
零丁貧賤長辛苦采樵屢入歷陽山刈稻常過新林浦  
少年欲知老人歲豈知今年一百五君今少壯我已衰  
我昔少年君不睹人生貴賤各有時莫見羸老相輕欺  
感君相問爲君說說罷不覺令人悲

代悲白頭翁

劉希夷

洛陽城東桃李花飛來飛去落誰家幽閨一作洛陽兒女惜

古詩七言

卷二十四

四十五

好一作行逢顏色坐見落花長歎息今年花落顏色改明  
年花開復誰在已見松柏摧爲薪更聞桑田變成海古  
人無復洛城東今人還對落花風年年歲歲花相似歲  
歲年年人不同寄言全盛紅顏子須一作應憐半死白頭  
翁此翁白頭真可憐伊昔紅顏美少年公子王孫芳樹  
下清歌妙舞落花前光祿池臺文一作開錦繡將軍樓閣  
畫神仙一朝卧病無相一作識三春行樂在誰邊宛轉  
蛾眉能幾時須臾鶴髮亂如絲但看古來歌舞地惟有  
黃昏鳥雀悲

代北州老翁答

張謂

負薪老翁往北州北望鄉關生客愁自言老翁有三子  
兩人已向黃沙死如今小兒新長成明年聞道又徵兵  
定知此別必零落不及相隨同死生盡將田宅借鄰伍  
且復伶俜去鄉土在生本求多子孫及有誰知更辛苦  
近傳天子尊武臣強兵直欲靜胡塵安邊自合有長策  
何必流離中國人

夜泊黃山聞殷十四吳吟

李白

昨夜誰爲吳會吟風生萬壑振空林龍驚不敢水中卧  
猿嘯時聞巖下音我宿黃山碧谿月聽之却罷松間琴  
朝來果是滄洲逸酷酒提盤飯霜栗半酣更發江海聲  
古詩七言 卷二十四 四十六

客愁頓向杯中失

觀于舍人壁畫山水

王季友

野人宿在人家少朝見此山謂山曉半壁仍使巖上雲  
開簾欲放一作湖中鳥獨坐長松是阿誰再三招手起  
來遲于公大笑向予說小弟丹青能爾爲

觀元丹丘畫巫山屏風

李白

昔遊三峽見巫山見畫巫山宛相似疑是天邊十二峰  
飛入君家彩屏裏寒松蕭颯如有聲陽臺微茫如有情  
錦余瑤席何寂寂楚王神女徒盈盈高咫尺如千里  
翠屏丹崖粲如綺蒼蒼遠樹圍荆門歷歷行舟泛巴水

水石潺湲萬壑分煙光草色俱氛氲谿花笑日何年發  
江客聽猿幾歲聞使人對此心緬邈疑入嵩丘夢彩雲  
崔五六圖屏風各賦一物得烏孫佩刀

李頎

烏孫腰間佩兩刀刀可吹毛錦爲帶握中枕宿穹廬室  
馬上割飛翳蟄塞執之魍魎誰能前氣凜清風沙漠邊  
磨用陰山一片玉洗將胡地獨流泉主人屏風寫奇狀  
鐵鞘金鐶儼相向回頭瞪目時一看使予心在江湖上  
訓宇文少府見贈桃竹書筒 李白

桃竹書筒綺繡文良工巧妙稱絕羣靈心圓映三江月  
古詩七言 卷二十四 四十七

彩質疊成五色雲中藏寶訣峨眉去千里提携長憶君  
曲江三首 杜甫

曲江蕭條秋氣高菱荷枯折隨風濤游子空嗟蕭蕭二毛  
白石素沙亦相蕩哀鴻獨叫求其曹

卽事非今亦非古長歌激越梢林莽比屋豪華固難數  
吾人甘作心似死一作死灰弟姪何傷淚如雨

自斷此生休問天杜曲幸有桑麻田故將移住南山邊  
短衣匹馬隨李廣看射猛虎終殘年

釋悶

四海十年不解兵犬戎也復臨咸京失道非關出襄野

揚揚一鞭忽是過湖城豺狼塞路人斷絕烽火照夜旄  
縱橫天子亦應厭奔走羣公固合思昇平但恐誅求不  
收轍聞道嬖孽能全生江邊老翁錯料事眼暗不見風  
塵清

可歎

天上浮雲如白朮斯須改變如蒼狗古往今來共一時  
人生萬事無不有近者快眼去其夫河東女兒身姓柳  
丈夫正色動引經鄴城客子王季友羣書萬卷常暗誦  
孝經一通看在手貧窮老瘦家賣履好事就之爲攜酒  
豫章太守高帝孫引爲賓客敬頗久問道三年未曾語

古詩

卷二十四

四十八

小心恐懼閉其口太守得之更不疑人生反覆有亦  
醒明月無瑕豈容易紫氣鬱鬱衝斗時危可使真  
豪俊二人得置君側否太守頃者領山南  
思之比父母王生早曾拜顏色高山之外皆培塿用爲  
義和天爲成用平水土地爲厚王也論道阻江湖李也  
疑丞曠前後死爲星辰終不滅致君堯舜馬背杓  
碌碌飽飯行風后力牧長回首

憶昔

憶昔先皇巡朔方千乘萬騎入咸陽陰山驕子汗血馬  
長驅東胡胡走藏鄴城反覆不足恠關中小兒壞紀綱

張后不樂上爲恚至今今上猶撥亂勞心焦思補四方  
我昔近侍叨奉引出兵整肅不可當爲留猛士守未央  
致使岐雍防西羌犬戎直來坐御牀百官跣足隨天王  
願見北地傅介子老儒不用尚書郎

憶昔開元全盛日小邑猶藏萬家室稻米流脂粟米白  
公私倉廩俱豐實九州道路無豺虎遠行不勞吉日出  
齊統魯縞車斑斑男耕女桑不相失宮中聖人奏雲門  
天下朋友皆膠漆百餘年間未災變叔孫禮樂蕭何律  
豈聞一絹直萬錢有田種穀今流血洛陽宮殿燒焚盡  
宗廟新除狐兔穴傷心不忍問耆舊復恐初從亂離說

古詩

卷二十四

四十九

小臣魯鈍無所能朝廷記識蒙祿秩周宣中興望我皇  
灑血江漢長衰疾

自平

自平宮中呂太一收珠南海千餘日近供生犀翡翠稀  
復恐征戍干戈密蠻谿豪族小山一作動搖世封刺史非  
時朝蓬萊殿裏諸主將才如伏波不得驕

近聞

近聞犬戎遠遁逃牧馬不敢侵臨洮渭水逶迤白日靜  
隴山蕭瑟秋雲高崆峒五原亦無事北庭數有關中使  
似聞贊普更求親舅甥和好應難棄



漁陽

漁陽突騎猶精銳赫赫雍王都節制猛將飄然恐後時  
本朝不入非高計祿山北築雄武城舊防敗走歸其營  
繫書請問燕耆舊今日何須十萬兵

青絲

青絲白馬誰家子飽豪且逐風塵起不聞漢主放妃嬪  
近靜潼關掃蜂蟻殿前兵馬破汝時十月卽爲齋粉期  
未如面縛歸金闕萬一皇恩下玉墀

百子池懷古

張謬

舊聞百子漢家池漢家淥水今逶迤宮女厭鏡笑窺池

古詩

卷二十四

五十一

身前影後不相見無數容華空自知

高陽池懷古

孟浩然

常昔襄陽雄盛時山公常醉習家池池邊釣女日

相隨妝成照影競來窺紅波澹澹芙蓉發綠岸紅

貌楊柳垂一朝物變人亦非四面荒涼人徑稀意

氣豪華何處在空餘草露濕羅衣此地朝來餞行客翻

向此中收征馬征馬分飛日漸斜斜見此空爲人所

嗟殷勤爲訪桃源路予亦歸來松子家

長樂宮懷古

秦城舊來稱窈窕漢家更承應不少紅粉邀君在何處

青樓苦夜長難曉長樂宮中鐘暗來可憐歌舞慣相催  
歡娛此事今寂寞惟有年年陵樹哀

邵陵懷古

張謂

嘗聞庾帝苦憂人祗爲蒼生不爲身已道一朝辭北闕  
何須五月更南巡昔時文武皆銷鑠今日精靈常寂寞  
斑竹年來笋自生白蘋春盡花空落遙望零陵見舊丘  
蒼梧雲起至今愁惟餘帝子千行淚添作瀟湘萬里流  
至端州驛見杜五審言沈三佺期間五朝隱王二

無競題壁慨然成詠

宋之問

逐臣北地承嚴譴謂到南中每相見豈意南中岐路多

古詩

卷二十四

五十一

千山萬水一萬里分鄉縣雲搖雨散各翻飛海濶天長

音信稀處處山川同瘴癘自憐能得幾人歸

哭李象

楊衡

白鷄黃犬不將去寂寞空餘薤露時路草死花開更幾年

後人知是何人墓憶君思君獨不眠夜寒月照青楓樹

大覺高僧蘭若

和尚去冬往河南

杜甫

巫山不見廬山遠松林蘭若秋風晚一老猶鳴日暮鐘

諸僧尚乞齋時飯香爐峯色隱晴湖種杏仙家近白榆

飛錫去年啼邑子獻花何日許門徒

別李秘書始興寺所居

不見秘書心若失及見秘書失心疾安爲動主理信然  
我獨覺子神克實重聞西方止觀經老身古寺風泠泠  
妻兒待米且歸去他日杖藜來細聽

寄澈公

楊衡

北風吹霜霜月明荷葉枯盡越水清別來幾度龍宮宿  
雪山童子應相逐

偃師東與翰樽同詣景雲暉上人卽事

岑參

山陰老僧解楞伽穎陽歸客遠相過煙深草濕昨夜雨  
雨後秋風渡漕河空山終日塵事少平郊遠見行人小

古詩

卷二十四

五十二

尚書磧上黃昏鐘別駕渡頭一歸鳥

題巴州光福寺楠木

嚴武

楚江長流對楚寺楠木幽生赤崖背臨溪棹石盤老恨  
苔色青蒼山雨痕高枝開葉鳥不度半掩白雲朝與暮  
香殿蕭條轉密陰花龕滴瀝垂清露聞道偏多越水頭  
煙生霽歛使人愁月明忽憶湘川夜猿叫還思鄂渚秋  
看君幽靄幾千丈寂寞窮山今遇賞亦知鐘梵報黃昏  
猶卧禪林戀奇響

前題

史俊

近郭城南山寺深亭亭奇樹出禪林結根幽壑不知歲

聳榦摩天凡幾尋翠色晚將嵐氣合月光時有夜猿吟  
經行絲葉望成蓋宴坐黃花長滿襟此木嘗聞生豫章  
今朝獨秀在巴鄉凌霜不肯讓松柏作宇由來稱棟梁  
會待良工時一盼應歸法水作慈航

照公院雙橙

李願

種橙夾階生得地細葉隔簾見雙翠抽條向長未及肩  
泉水遶根日三四青青何必楚人家帶雨凝烟新著花  
永願香爐灑甘露夕陽時映東枝斜南庭黃竹爾不敵  
借問何時堪挂錫

送王道士還山

古詩

卷二十四

五十三

嵩陽道士餐柏實居處三花對石室心窮伏火陽精丹  
口誦淮王萬畢術自言神訣不可求我師聞之玄圃遊  
出入形庭佩金印承恩赫赫如王侯雙峯樹下曾受業  
應傳肘後長生法吾聞仙地多後身安知不是具茨人  
玉膏清泠瀑泉水白雲谿中日方此從今不見數十年  
鬢髮顏容只如是先生捨我欲何歸竹杖黃裳登翠微  
當有巖前白蝙蝠迎君日暮雙來飛

賦得明星玉女壇送廉察尉華陰

王翰

洪河之南曰秦鎮發地削成五千仞三峰離地皆倚天  
唯獨中峰特修峻上有明星玉女祠祠壇高眇路逶迤

三十六梯入河漢樵人往往見峨眉峨眉嬋娟又宜笑  
一見樵人下靈廟仙車欲駕五雲飛香扇斜開九華照  
含情遲佇惜韶年願侍君邊復中旋江妃玉佩留爲念  
羸女銀簫空自憐仙俗途殊兩情遽感君無盡辭君去  
遙見明星是妾家風飄雲散不知處故人家在西長安  
賣藥往來投此山綠雲蕩漾不可見綠蘿蒙茸鳥綿蠻  
欲求玉女長生法日夜燒香應自還

代女道士王靈妃贈道士李榮 駱賓王

玄都五府風塵絕碧海三山波浪深桃實千年非易待  
桑田一變已難尋別有仙居對三市金闕銀宮相向起

古詩七言 卷二十四 五十四

亭前鏡影伴仙娥樓上簫聲隨鳳史鳳樓迢遞絕塵埃  
驚時物色正徘徊靈芝紫檢參差長仙桂丹花中壘開  
雙童綽約時遊陟三鳥聯翩報消息盡言真品出遐遊  
傳道風光無限極輕花委砌惹裾香殘月竟宵留幌色  
箇時無數併妖妍箇裏無窮總可憐別有衆中獨黑帝  
天上人間少流例洛濱仙駕遙源淮浦靈津符遠滌  
自言少小慕幽玄只言容易得神仙佩中邀勒經時序  
蕭索尋思復幾年尋思許事真情變二八容華識少選  
漫道燒丹止七飛空傳化石曾三轉寄語天上弄機人  
寄語河邊值查客乍可忽忽共百年誰使遙遙期七夕

想知人意自相尋果得深心共一心一心一意無窮已  
投漆投膠非足擬只將羞澁當風流持此相憐保終始  
相憐相念倍相親一生一代一雙人不把丹心比玄石  
惟將濁水況清塵只言柱下留期信好欲將心學松蘿  
不能京兆畫蛾眉翻向成都騁騶引青牛紫氣度靈關  
尺素頽鱗去不還連苔上砌無窮綠脩竹臨墮幾處斑  
此時空牀難獨守此日別離那可久梅花如雪柳如絲  
年去年來不自持初言別在寒偏在何惜春來春更思  
春時物色無端緒雙枕孤眠誰分許分念嬌鶯一種啼  
生憎燕子千般語朝雲旭日照青樓遲暉麗色滿皇州

古詩七言 卷二十四 五十五

落花泛泛浮靈沼垂柳長長拂御溝滿人遊多奇賞  
俠客妖容遞來往寶騎連花鐵作錢香輪帶水冰爲網  
香輪寶騎競繁華可憐今夜宿倡家鸚鵡杯中言有葉  
鳳皇琴裏落梅花許葦多情偏送款爲問春在在時滿  
千回鳥信說衆諸百過鶯啼訴長短長短衆情川不尋  
千回百過浪關心何曾舉意西鄰玉木肯留情南陌金  
南陌西鄰咸自保還嚮歸期須及早爲想 春俠斜路  
莫辭九折叩關道假令白里似長安須使青牛學劍端  
蒨風入馭來應易竹杖成龍去不難龍去去無消息  
鸞鏡朝朝減容色君心不記下山人妾欲空期上林翼

上林三月鴻欲稀華表千年鶴未歸不分淹留桑路得  
祗應直取桂輪飛

古詩

卷二十四

五十六

唐詩所第二十四卷

唐詩所第二十五卷

古詩

前集

雜體

古意

吳少微

洛陽芳樹向春開洛陽女兒平旦來流車走馬紛相催  
折芳瑤華向曲臺曲臺自有千萬行重花累葉間一作  
垂楊北林朝日鏡一作明光南國微風蘇合香可憐窈  
窕女不作邯鄲娼妙舞輕迴拂長袖高歌浩唱發清商  
歌終舞罷歡無極樂往悲來長歎息陽春白日不少留  
紅榮碧樹無顏色碧樹風花先春度珠簾粉澤無人顧  
如何年少忽遲暮坐見明月與白露明月白露夜已寒

古詩

雜體

卷二十五

一

香衣錦帶空珊珊今日陽春一妙曲鳳皇樓上與君彈

古意

李頎

男兒事長征少小幽燕客賭勝馬蹄下山來輕七尺殺  
人莫敢前鬚如蝟毛磔黃雲隴底白雪飛未得報恩不  
能一作歸遠東小婦年十五慣彈琵琶解歌舞今爲羌  
笛出塞聲使我三軍淚如雨

雜興

沈沈牛渚磯舊說多靈怪行人夜秉生犀燭洞哭洪深  
闊湧泮乘車駕馬往復旋赤紱朱冠何偉然波驚海若  
潛幽石龍抱胡髯卧黑泉水濱丈人曾有語物或惡之

當害汝武昌妖夢果爲災百代英威埋鬼府青蘭艾  
本殊香察見泉魚固不祥濟水自清河自濁周公大聖  
接輿狂千年魑魅逢華表九日茱萸作佩囊善惡死生  
齊一作一貫祗應斗酒任蒼蒼

感遇

岑參

北山有芳杜靡靡花正發未及得采之秋風忽吹殺君  
不見拂雲百丈青松柯縱使秋風無奈何四時常作青  
黛色可憐杜花不相識

擬八詠

二首應制

上官儀

啓重帷重帷照文杏翡翠藻輕花流蘇媚浮影瑤笙燕  
古詩雜體卷二十五 二

始歸金堂露初晞風隨少女至虹共美人歸羅薦已  
鴛鴦被綺衣復有蒲萄帶綫紅豔粉映簾中戲蝶飛  
聚窗外洛濱春雪迴巫峽暮雲來雪花飄玉墀雲光上  
瑩臺共待新粧出清歌送落梅

入叢臺叢臺裏春露滴瀝間深紅參差散輕素粉蝶驚  
復聚黃鸝飛且顧攀折殊未已復值驚飛起送影舞衫  
前飄香歌扇裏望望惜春暉行行猶未歸暫得佳遊趣  
更愁花鳥稀且鳥聲調鳳管方移花影入鴛機

送李睢陽

王維

將置酒思悲翁使君去出城東麥漸漸雉子斑槐陰陰

到潼關騎連連車遲遲

心中悲宋又遠周間之

南淮夷東齊兒碎碎織練與素絲遊人賈客信難持五  
穀前熟方可爲下車閉閣君當思天子當殿儼衣裳太  
官尚食陳羽觴形庭散綬垂鳴璫黃紙詔書出東廂輕  
紕疊綺爛生光宗室子弟君最賢分憂當爲百辟先布  
衣一言相爲死何況聖主恩如天鸞聲噦噦魯侯旂明  
年上計朝京師須憶今日斗酒別慎勿富貴忘我爲

西亭子送李司馬

岑參

高高亭子郡城西直上千尺與雲齊盤崖緣壁試攀躋  
羣山向下飛鳥低使君五馬天半嘶絲繩玉壺爲君提  
古詩雜體卷二十五 三

坐來一望無端倪紅花綠柳鶯亂啼千家萬戶連迴路  
酒行未醉聞暮雞點筆操紙爲君題爲君題惜解攜草  
萋萋沒馬蹄

送郝判官

李頎

楚城木葉落夏口青山遍一作轉鴻鴈向南時君乘使者  
傳楓林帶水驛夜火明山縣千里送行人蔡州如眼見  
江連清漢東逶迤遙望荆雲相蔽虧應問襄陽舊風俗  
爲余騎馬習家池

鸚鵡洲送王九之江左

孟浩然

背登江上黃鶴樓遙愛江中鸚鵡洲洲勢逶迤還一作

碧流鴛鴦灘鵲滿灘一作頭灘日落沙傾長金

沙熠熠一作動颼光舟人牽錦纜浣女結羅裳月明全

見蘆花白風起遙聞杜若香君行采采莫相忘

送張獻心克副使歸河西

岑參

將門子弟君獨賢一從受命常在邊末年三十已高位

腰間金印色赭然前日承恩白虎殿歸來見者誰不羨

篋中賜衣十重餘案上軍書十二卷看君謀智若有神

愛君詞句皆清新澄湖萬頃深見底清水一片光照人

雲中昨夜使星動西門驛樓出相送玉瓶素蟻臘酒香

金鞭白馬紫遊韁花門南燕支北張掖城頭積雲一作雲正

古詩 卷二十五

四

黑道君一去天外憶

單父東樓秋夜送族弟沈之秦

李白

爾從咸陽來問我何勞苦沐猴而冠不足言身騎上牛

滯東魯沈弟欲行疑弟留孤飛一鴈秦雲秋坐來黃葉

落四五北斗已一作一作挂城西樓絲桐感人絃亦絕滿堂

送君皆惜別卷簾見月清興來疑是山陰夜中雪明日

斗酒別惆悵清路塵遙望長安日不見長安人長安宮

闕九天上此地曾經爲近臣一朝復一朝髮白心不改

屈原憔悴滯江潭亭伯流離放遼海折翮翻飛隨轉蓬

聞弦虛墜下霜空一作長去不窮聖朝久棄青雲士他日

誰憐張長公

魯郡堯祠送賓明府薄華還西京

朝策犁眉騶舉鞭力不堪強扶愁疾向何處角巾微服

步一作堯祠南長楊掃地不見日石門噴作金沙潭笑誇

故人一作伯明指絕境山光水色青於藍廟中往往來擊鼓

堯本無心爾爾何苦門前長跪雙石人有女如花日歌舞

銀鞍繡轂往復迴簾林蹶石鳴風雷遠煙空翠時明滅

白鷗歷亂長飛雪紅泥亭子赤闌干碧流環轉青錦湍

深沉百丈洞海底那知不有蛟龍蟠君不見綠珠潭水

流東海綠珠紅粉沈一作白首光彩綠珠樓下花滿園

古詩 卷二十五

五

今日曾無一枝在昨夜秋聲闐闐來洞庭木落騷人哀

遂將三五少年輩登高遠望一作送形神開生前一笑輕

九鼎魏武何悲銅雀臺我歌白雲倚處牖爾聞其聲但

揮手長風吹月度海來遙勸仙人一杯酒酒中樂酣宵

向分舉觴酌堯堯可聞何不令臯陶擁篲橫八極直上

青天揮一作掃浮雲高陽小飲真瑣瑣山公酩酊何如我

竹林七子去道賒蘭亭雄筆安足跨堯祠笑殺五一作鏡

湖水至今憔悴空荷花爾向西秦我東越暫向瀛洲訪

金闕藍田太白若可期爲余掃灑石上月

送田少府貶蒼梧

高適

沈吟對遷客惆悵西南天昔爲一官未得意今向萬里  
令人憐念茲斗酒成睽間停舟歎君日將晏遠樹應憐  
北地春行人却羨南歸鴈丈夫窮達未可知看君不合  
長數奇江山到處堪乘興楊柳青青那足悲

送魏四落第還鄉

岑參

東歸不稱意客舍戴勝鳴鴈酒飲未盡春衫縫已成長  
安柳枝春欲來洛陽梨花在前開魏侯池館今尚在猶  
有太師歌舞臺君家盛德豈徒然時人注意在吾賢莫  
令別後無佳句祇向壚頭空醉眠

送劉方平

李頎

古詩

雜體 卷二十五

六

綺紈遊上國多作少年行二十二詞賦惟君著美名童  
顏且白哲佩德如瑤瓊荀氏風流盛胡家公子清有才  
不偶一作過誰之過肯即藏鋒事高卧洛陽草色猶自春  
遊子東歸喜拜親潭水橋頭值鳴鴈朝歌縣北少行人  
別離斗酒心相許落日青郊半微雨請君騎馬望西陵  
爲我殷勤弔魏武

送劉昱

八月寒葦花秋江浪頭白北風吹五兩誰是潯陽客  
鷺山頭微雨晴揚州郭裏暮潮生行人夜宿金陵酒試  
聽沙邊有鴈聲

送郭又

岑參

地上青草出經冬今如歸博陵無近信猶未換春衣憐  
汝不忍別送汝上酒樓初行莫早發且宿灞橋頭功名  
須及早歲月莫虛擲早年已工詩近日兼注易何時過  
東洛早晚度盟津朝歌城邊拂鞞地邯鄲道上花撲人  
去年四月初我正在河朔會上君家縣北樓樓上分明  
見恒嶽中山明府待君來須計行程及早回到家速覓  
長安使待汝書封我自開

送舍弟

李白

吾家白額駒遠別臨東道他日相思一夢君應得池塘  
生春草

古詩

雜體 卷二十五

七

生春草

送郭處士往萊蕪兼寄荀山人

高適

君爲東蒙客往來東蒙畔雲卧臨嶧陽山行窮日觀少  
年詞賦皆可聽秀眉白面風清冷身上未曾染名利口  
中猶未知膾脛今日還山意無極豈辭世路多相識歸  
見萊蕪九十翁爲論別後長相憶

送宇文南金放後歸太原居因呈太原郝主簿

岑參

歸去不得意北京關路賒却投晉山老愁見汾陽花翻  
作潮陵客憐君丞相家夜眠旅舍雨曉辭春城鴉送君



繫馬青門口胡姬壚頭勸君酒爲問太原賢主人春來更有新詩否

送魏升卿擢第歸東都因懷魏校書陸渾喬潭

高適

井上桐葉雨

一作亦

灞亭卷秋風故人適戰勝匹一作馬走

歸山東問君今年三十幾能使香名灌人耳君不見三

峰直上五千仞見君文章亦如此如君兄弟天下稀雄

辭健筆皆若飛將軍金印彈紫綬御史鐵冠重繡衣喬

生作尉別來久因君爲問平安否魏侯校理復何如前

日人來不得書陸渾山水佳可賞蓬閣閒時日應往自

古詩

雜體

卷二十五

八

料青雲未可期誰知白髮偏能長壚頭青絲白玉瓶別

時相顧酒如傾搖鞭舉袂忽不見千樹萬樹空蟬鳴

送別

李白

尋陽五谿水沿洄直入巫山裏勝境由來人共傳君到

南中自稱美送君別有八月秋颯颯蘆花復益愁雲帆

望遠不相見日暮長江空自流

別韋參軍

高適

二十解書劍西遊長安城舉頭望君門屈指取公卿國

風冲融邁三五朝庭歡

一作禮

樂彌寰宇白璧皆言賜近

臣布衣不得干明主歸來洛陽無負郭東過梁宋非吾

士免苑爲農歲不登鴈池垂釣心長苦世人向一作遇我

同衆人唯君於我最一作情

一作相親

且喜百年有一一作交態

未嘗一日辭家貧彈碁擊筑白日晚縱酒高歌楊柳春

歡娛未盡分散去使我惆悵驚心神丈夫一作終當不作兒

女別臨岐涕淚一作沾衣巾

留別于十一兄逃裴十三遊塞垣 李白

太公渭川水李斯上蔡門釣周獵秦安黎元小魚鰓兔

何足言天張雲卷有時節吾徒莫歎抵觸藩干公白首

大梁野使人悵望何可論既知朱亥爲壯士且願東心

秋毫裏秦趙虎爭血中原當去抱關救公子裴生覽千

古詩

雜體

卷二十五

九

古龍鸞炳文

一作天

章悲

一作高

吟雨雪動林木放書輟劍

思高堂勸爾一杯酒拂爾裘上霜爾爲我楚舞吾爲爾

楚歌且探虎穴向沙漠鳴鞭走馬凌黃河耻作易水別

臨岐淚滂沱

平臺夜遇李景參有別

高適

離心忽悵然策馬對秋天孟諸薄暮涼風起歸客相逢

渡睢水昨時攜手已十年今日分途各千里歲物蕭條

滿路岐此行浩蕩令人悲家貧美爾有微祿欲往從之

何所之

贈酒泉韓太守

岑參

太守有能政遙聞如古人俸錢盡供客家計常清貧酒  
泉西望玉關道千山萬嶺皆白草辭君走馬歸長安憶  
君一作倏忽令人老

贈從弟南平太守之遙

李白

少年不作一作意落魄無安居願隨任公子欲釣吞舟  
魚常時飲酒逐風景壯心遂與功名疎蘭生谷底人不  
鋤雲在高山空卷舒漢家天子馳駟馬赤車蜀道迎相  
如天門九重謁聖人龍顏一解四海春彤庭左右呼萬  
歲拜賀明主收沈淪翰林秉筆迴英眄麟閣崢嶸誰可  
見承恩初入銀臺門一作侍從著書獨在金鑾殿龍駒

古詩

雜體

卷二十五

十

雕銓白玉鞍象林綺食一作黃金盤當時笑我微賤者  
却來請謁爲交歡一朝謝病遊江海疇昔相知幾人在  
前門長揖後門闕今日結交明日改愛君山嶽心不移  
隨君雲霧迷所爲夢得池塘生春草使我長價登樓詩  
別後遙傳臨海作可見羊何共和之

江夏贈韋南陵冰

胡驕馬驚沙塵起胡雛飲馬天津水君爲張掖近酒泉  
我竄三巴九千里天地再新法令寬夜郎遷客帶霜寒  
西憶故人不可見東風吹夢到長安寧期此地忽相遇  
驚喜茫如墮煙霧玉簫金管喧四筵苦心不得申長一作

一句昨日繡衣傾綠樽病如桃李竟何言昔騎天子大  
宛馬今乘欵段諸侯門賴遇南平豁方寸復兼夫子持  
清論有似山開萬里雲四望青天解人悶人悶還心悶  
苦辛長苦辛愁來飲酒二千石寒灰重暖生陽春山公  
醉後能騎馬別是風流賢主人頭陀雲月多僧氣山水  
何曾稱人意不然一作鳴笳按鼓戲滄流呼取江南兒  
女歌棹謳我且爲君撻碎黃鶴樓君亦爲吾倒却鸚鵡  
洲赤壁爭雄如夢裏且須歌舞寬離憂

贈裴廸

王維

不相見不相見來久日日泉水頭常憶同携手手本

古詩

雜體

卷二十五

十一

同心復歎忽分襟相憶今如此相思深不深

贈任華

高適

丈夫結交須結貧貧者結交結始親世人不解結交者  
唯重黃金不重人黃金雖多有盡時結交一成無竭期  
君不見管仲與鮑叔至今留名名不移

贈裴十四

李白

朝見裴叔則朗如行玉山黃河落天走東海萬里寫入  
胸襟間身騎白龍不敢度金高南山買君顧徘徊六合  
無相知飄若浮雲且西去

寄韋南陵冰余江上乘興訪之遇尋顏尚書笑贈

南船正東風北船來自緩江上相逢借問君語笑  
未了風吹斷聞君攜妓訪情人應爲尚書不顧身上  
三千珠履客囊中百斛金陵春恨我阻此樂淹留楚  
北江濱月色醉遠客山花開欲然春風狂殺人一日劇  
三年乘興嫌太遲焚却子猷船夢見五柳枝已堪挂馬  
鞭何日到彭澤長歌陶令前

寄狄明府

杜甫

梁公曾孫我姨弟不見十年官濟濟大賢之後竟陵遲  
浩蕩古今同一體比看伯叔四十人有才無命百寮底  
今者弟兄一百人幾人卓絕秉周禮在汝更用文章爲  
古詩

卷二十五

十二

長兄白眉復天啓汝門請從曾公說太后當朝多  
巧計狄公執正在末年濁河終不污清濟國嗣初將付  
諸武公獨廷諍守丹陛禁中冊決詔房陵前朝長老皆  
流涕太宗社稷一朝正漢官威儀重昭洗時危始識不  
世才誰謂茶苦甘如薺汝曹又宜裂土食身使門戶多  
旌榮胡爲飄泊岷漢間干謁王侯頗歷詆况乃山高水  
有波秋風蕭蕭露泥泥虎之饑下巉巖蛟之橫出清泚  
早歸來黃汚人衣眼易眯

寄王屋山人孟大融

李白

我昔東海上勞山餐紫霞親見安期公食棗大如瓜中

年謁漢主不慙還歸家朱顏謝春暉白髮見生涯所期  
就金液飛步登雲車願隨夫子天壇上閒與仙人掃落  
花

憶舊遊寄譙郡元參軍

憶昔洛陽董糟丘爲予天津橋南造酒樓黃金白璧買  
歌笑一醉累月輕王侯海內賢豪青雲客就中與君一  
與君一見心莫逆迴山轉海不作難傾情倒意無所惜我向  
淮南攀桂枝君留洛北愁夢思不忍別還相隨相隨迢  
迢訪仙城三十六曲水迴紫一谿初入千花明萬壑度  
盡松風聲銀鞍金絡倒平地漢東太守來相迎紫陽之  
古詩

卷二十五

十三

真人邀我吹玉笙餐霞樓上動仙樂嘈然宛似鸞鳳鳴  
袖長管催欲輕舉漢中東太守醉起舞手持錦  
袍覆我身我醉橫眠枕其股當筵意氣凌九霄星離雨  
散不終朝分飛楚關山水遙予旣還山尋故巢君亦歸  
家西歸渡渭橋君家嚴君勇貔虎作尹并州遇戎虜五  
月相呼度太行摧輪不道羊腸苦行來北涼歲月深感  
君貴重義輕黃金瓊杯綺綺食青玉案使我醉飽無歸  
心時時出向城西曲晉祠流水如碧玉浮舟弄水簫鼓  
鳴微波龍鱗莎草綠興來攜妓恣經過其若楊花似雪  
何紅妝欲醉宜斜日百尺清潭寫翠蛾翠

蛾蟬娟初月輝美人更唱舞羅衣清風吹歌入空去歌  
曲自繞行雲飛此時歡一作樂難再遇西遊因獻長楊

賦北闕青雲不可期東山白首還歸去渭橋南頭一遇  
君鄴臺之北又離羣問余別恨今一作多少落花春暮

爭紛紛一作落花落送客紛紛言亦不可盡情亦不可極  
呼兒長跪一作絨此辭寄君千里遙相憶

上崔相渙繫濟陽獻作

虛傳一片雨枉作陽臺神縱爲夢裏相隨去不是襄王  
傾國人

投簡成華兩縣諸子

杜甫

古詩雜體卷二十五

十四

赤縣官曹擁材傑軟裘快馬當冰雪長安苦寒誰獨悲  
杜陵野老骨欲折折南山豆苗早荒穢青門瓜地新凍裂  
鄉里兒童項領成朝廷故舊禮數絕自然棄擲與時異  
况乃疎頑臨事拙饑卧動即向一句弊棄何止一作聯  
百結君不見空墻日色晚此老無聲淚垂血

用投丹陽知己兼奉宣慰判官

李白

客從崑崙來遺我雙玉璞云是古之得道者西王母食  
之餘食之可以凌太虛受之頗謂絕今昔求識江淮人  
猶乎比石如今雖在卞和手正憔悴了了知之亦  
何益恭聞士有調相如始從鎬京還復欲鎬京去能上

秦王殿何時迴光一相照欲投君保君年年幸君持取無  
棄捐無棄捐服之與君俱神仙

簡蘇侯

杜甫

君不見道邊廢棄池君不見前者摧折桐百年死樹中  
琴瑟一斛舊水藏蛟龍丈夫蓋棺事始定君今幸未成  
老翁何恨憔悴在山中深山窮谷不可處霹靂魍魎兼  
狂風

問冠校書雙谿

王維

君家少室西爲復少室東別來幾日今春風新買雙谿  
定何似餘生欲寄白雲中

古詩雜體卷二十五

十五

答張五弟

終南有茅屋前對終南山終年無客長閉關終日無心  
長自閒不妨飲酒復垂釣君但能來相往還

早秋單父南樓酬竇公衡

李白

白露見日滅紅顏隨霜凋別君若俯仰春芳辭秋條泰  
山嵯峨夏雲在疑是白波漲東海散爲飛雨川上來遙  
帷却卷清浮埃知君獨坐青軒下此時結念同懷者一作  
所我閉南樓著一作道書幽簾清寂若仙居曾無  
好事來相訪賴爾一作高文一起子

答杜秀才五松山見贈

昔獻長楊賦天開雲雨歡當時待詔承明裏皆道楊雄  
才可觀勅賜飛龍二天馬黃金絡頭白玉鞍浮雲蔽日  
去不返總爲秋風摧紫蘭角巾東出商山道採秀行歌  
詠芝草路逢園綺笑向人兩君解來一何好聞道金陵  
龍虎盤還同謝朓望長安千峰夾水向秋浦五松名山  
當夏寒銅井炎鑪歎九天赫如鑄鼎荆山前陶公矍鑠  
呵赤電回祿睢盱揚紫煙此中豈是久留處便欲燒丹  
從列仙愛聽松風且高卧颺颺吹盡炎氛過登崖獨立  
望九州陽春欲一作奏誰相和聞君往年遊錦城章仇  
尚書倒屣迎飛牋絡繹奏明主天書降問回恩榮航牋  
古詩雜體卷二十五 十六

不能就珪組至今空揚高蹈名夫子工文絕世奇五松  
新作天下推吾非謝尚邀彥伯異代風流各一時一時  
相逢樂在今袖拂白雲開素琴彈爲三峽流泉音從茲  
一別武陵去去後桃花春水深

訓中都小吏携斗酒雙魚於逆旅見贈

魯酒若琥珀一作琥珀汶魚紫錦鱗山東豪吏有俊氣手  
携此物贈遠人意氣相傾兩相顧斗酒雙魚表情素下  
有酒來我飲之餘雙魚呀呷鬣鬣張蹊刺銀盤欲飛去  
呼兒拂机霜刃揮紅肌一作花花落白雪霏爲君下筯一  
餐飽醉著金鞭上馬歸

答王十二寒夜獨酌有懷

昨夜吳中雪子獸佳興發萬里浮雲捲碧山青天中道  
流孤月孤月滄浪一作河漢清北斗錯落長庚明懷余  
對酒夜霜白玉牀金井水崢嶸人生飄忽百年內且須  
酣暢萬古情君不能狸膏金距學鬪鷄坐令鼻息吹虹  
霓君不能學哥舒橫行青海夜帶刀西屠石堡取紫袍  
吟詩作賦北窗裡萬言不直一杯水世人聞此一作皆  
掉頭有如東風射馬耳魚目亦笑我謂一作與明月同  
驕驕拳跼不能食寒驅得意一作志鳴春風折楊皇華合  
流俗晉君聽琴枉清角巴人誰肯和陽春楚地由來賤

古詩雜體卷二十五 十七

奇璞黃金散盡交不成白首爲儒身被輕一談一笑失  
顏色蒼蠅貝錦喧謗聲曾參豈是殺人者纔言三及慈  
母驚與君論心握君手榮辱於予亦何有孔聖猶聞傷  
鳳麟董龍更是何鷄狗一生傲岸苦不諧思疎媒勞志  
多乖嚴陵高揖漢天子何必長劍挂願事玉階達亦不  
足貴窮亦不足悲韓信羞將絳灌比穢衡耻逐屠沽兒  
君不見李北海英風豪氣今何在君不見裴尚書土墳  
三尺蒿棘一作高下居少年早欲五湖去見此彌將鐘鼎疎  
崔司錄宅宴大理李卿 高適  
多雨殊未已秋雲更沈沈洛陽故人初解印山家小吏

來相尋上卿才大名不朽早朝至尊暮求友諮達常推  
海內賢殷勤但酌樽中酒飲醉欲言歸剡谿門前馴馬  
光照衣路傍觀者徒唧唧我公不以爲是非

東平蓬萊驛夜宴平盧楊判官醉後留別姚太守  
置酒留宴

獨孤及

驛樓漲海壖秋月寒城邊相見自不足况逢主人賢夜  
清酒濃人如玉一斗何啻直十千木蘭爲樽金爲杯江  
南急管虛女絃齊童如花解郢曲起舞激楚歌採蓮固  
知別多相逢少樂極哀至心嬋娟少留莫辭醉前路方  
悠然明日分飛倘相憶祇應遙望西南天

古詩雜體

卷二十五

十八

龍門應制

宋之問

宿雨霽氛埃流雲度城闕河堤柳新翠苑樹花先發洛  
陽花柳此時濃山水樓臺映幾重羣公拂霧朝翔鳳天  
子乘春幸鑿龍鑿龍近出王城外羽從淋漓曉色擁軒  
蓋雲蹕一作繞臨御水橋天衣已入香山會山壁蘄巖  
巖復連清流澄澈俯伊川塔影一作塔遙遙綠波上星龕  
翠微邊層巒舊長千尋木遠壑初飛萬一作丈泉  
紅一作旌遶香閣下瑩登高望河洛東城宮闕擬  
昭回南陌溝塍殊綺錯林下天香七寶臺山中春酒萬  
年杯微風一起祥花落仙樂初鳴瑞鳥來鳥來花落紛

無已稱觴獻壽香一作霞裏歌舞淹留景欲斜石間

關 猶駐五雲車鸞旗翼翼留芳草龍駒駉駉映晚花千

乘萬騎鑾輿出水靜山空嚴警蹕郊外喧喧引看人傾

都南望屬車塵聲引颺開黃道王一作氣周回一作

入紫宸先王定鼎山河固寶命乘周萬物新吾君一作皇

不事瑤池樂時雨來觀農扈春

北山

王績

舊知山裏絕氛埃登高口暮心悠哉子平一去何時返  
仲叔長遊遂不來幽蘭獨夜清琴曲桂樹凌雲濁酒杯  
摘項同枯木丹心等死灰

古詩雜體

卷二十五

十九

丈人山

杜甫

自爲青城客不唾青城地爲愛丈人山丹梯近幽意丈  
人祠西佳氣濃緣雲擬住最高峰掃除白髮黃精在若  
看他時冰雪容

春臺望

玄宗

暇景屬三春高臺聊四望目極千里際山川一何壯太  
華見重巖終南分疊嶂郊原紛綺錯參差多異狀佳氣  
滿通溝遲步入綺樓初駕一一鳴紅樹歸馬雙雙  
去綠洲太液池中下黃鶴昆明水上映牽牛聞道漢家  
全盛日別館離宮趣非一甘泉逶迤亘明光五柞連延

接未央周廬微道縱橫轉飛閣迴軒左右長須念作榮  
居者逸勿言我一作後焉能恤爲想雄豪壯相梁何如  
儉陋卑茅室陽烏黯黯向山沈夕鳥喧喧入上林薄暮  
賞餘回步輦還念中人罷百金

奉和

蘇頌

壯麗天之府神明王者宅大君乘飛龍登彼復懷昔圓  
闕朱光焰橫山翠微積河汧流作表縣聚開成陌卽舊  
在皇家維新具物華雲連所上居恒屬日更時中望不  
斜三月滄池搖積水萬年青樹綴新一作點花暴嬴國此  
嘗圖霸業後仁先以詐東破諸侯西入秦咸陽北阪  
古詩雜體卷二十五 二十一  
南渭津詩書焚蕪散學士高閣奢踰嬌美人事往覆轉  
經遠喻春還按蹕憑高賦戎觀愛力深惟省越朕陳方  
何足務清吹遙遙發帝臺宸文耿耿照天迴伯夷位事  
愚臣忝喜奏聲成鳳鳥來

奉和

許景先

睿德在青陽高居視中縣秦城連鳳關漢寢疏龍殿文  
物照光輝郊畿鬱葱蒨千門望成錦八水明如練複道  
曉光披宸遊出禁移瑞氣朝浮五雲閣祥光夜吐萬年  
枝蘭葉負龜初薦祉桐花集鳳更來儀秦漢生人洞力  
役阿房甘泉構雲碧汾祠雍時望通天玉堂宣室坐長

年鼓鐘西接咸陽觀苑囿南通鄆杜田明主卑官誠前  
失輔德欽賢政惟一昆蟲不夫在春蒐稼穡常艱重農  
術邦家已荷聖謨新猶聞儉陋情中人豫奉北辰齊七  
政長歌東武林千春

奉和

賀知章

青陽布王道玄覽陶真性欣若天下春高逾域中聖神  
臯類觀賞帝里如懸鏡繚繞八川浮岩峩雙闕映曉色  
徧昭陽晴雲卷建章華滋的皪丹青樹顙氣氤氲金玉  
堂尚有靈蛇下廊時還徵瑞寶入陳倉自昔秦奢漢窮  
武後庭萬餘宮百數旗回五丈殿千門連綿南陞出西  
古詩雜體卷二十五 二十一  
垣廣畫螭蛾誇窈窕羅生玳瑁象崑崙迴瞻天情興隱  
恤古來土木良非一荆臨章觀一作楚趙叢臺何如堯  
階將禹室層欄窈窕下龍輿清管逶迤半綺疏一聽南  
風引鸞舞長謠北極仰鵷居

初宿淮口

宋之問

孤舟汴河水去國情無已晚泊投楚鄉明月清淮裏汴  
河東瀉路窮茲洛陽西顧日增悲夜聞楚歌思欲斷沉  
值淮南水一作木落時

宿蒲關東店憶杜陵別業

岑參

關門鎖歸客一夜夢還家月落河上曉遙聞秦樹鴉長



安二月歸正好杜陵樹邊絕是花

下途歸石門舊居

李白

吳山高越水清握手無言傷別情將欲辭君挂帆去離  
冤不散煙郊樹此心鬱悵誰能論有愧叨承國士恩雲  
物共傾三月酒歲時同餞五侯門美君素書常滿案舍  
丹照白霞色爛余嘗學道窮冥筌夢中往往遊仙山何  
當脫屣謝時去壺中別有日月天俛仰人間易凋朽鍾  
峰五雲在軒牖惜別愁窺玉女牕歸來笑把洪崖手隱  
居寺隱居山陶公鍊液栖其間靈神閉氣昔登攀恬然  
但覺心緒閒數人不知幾甲子昨來猶帶水霜顏我離

古詩

卷二十五

二十二

雖則歲物收如今了然識所在別君莫道不盡歡懸知  
樂客遙相待石門流水徧桃花我亦曾到秦人家不知  
何處得雞豕就中仍見繁桑麻條然遠與世事間裝鸞  
駕鶴又復遠何必長從七貴遊勞生徒聚萬金產揖君  
去長相思雲遊雨散從此辭欲知悵別心易苦向暮春  
風楊柳絲

桂州三月三日

宋之問

代業京華裏遠投魍魎鄉登高望不極一作雲海四茫  
茫伊昔承休盼曾爲人所羨兩朝賜顏色二紀陪遊一作  
宴昆明御宿侍龍媒伊闕天泉復幾迴西夏黃河水

心劍東周清洛羽觴杯苑中落花掃還合河畔垂楊撥  
不開千春獻壽多行樂柏梁和歌攀睿作賜金分帛奉  
恩一作輝風舉雲搖入紫微晨趨北闕鳴珂至夜出南  
宮把燭歸載筆儒林多歲月襍被文昌佐吳越越中山  
海高且深典來無處不登臨永和九年刺海郡暮春三  
月醉山陰愚謂嬉遊長似昔不言流寓歎成今始安繁  
華舊風俗帳飲傾城沸江曲主人絲管清且悲客子肝  
腸斷還續荔浦蘅皋萬里餘洛陽音信絕能疎故園今  
日應愁思曲水何能更祓除作伴誰憐合浦葉思歸豈  
食桂江魚不求漢使金囊贈願得佳一作人錦字書

古詩

卷二十五

二十三

送王七尉松滋得陽臺雲

孟浩然

君不見巫山神女作行雲霏紅沓翠曉氛氲嬋娟流入  
楚一作襄王夢倏忽還隨零雨分空中飛去復飛來朝朝  
暮暮下陽臺愁君此去爲仙尉便逐行雲去不迴

雨後公超谷北原眺望寄高拾遺

獨孤及

崖口雨足收清光洗高天虹蜺歛殘靄山水含碧鮮遠  
空霞破露月輪薄雲片片成魚鱗五陵如薺渭如帶目  
極千里關山春朝來爽氣未易說盡取花峰贈遠人

復陰

杜甫

方冬合沓玄陰塞昨日晚晴今日黑萬里飛蓬映天過

孤城樹羽揚風直江濤簸岸黃沙走雲雪埋山蒼兕吼  
君不見夔子之國杜陵翁牙齒半落左耳聾

雪中憶李楫

王維

積雪滿阡陌故人不可期長安千門復萬戶何處蹊蹠  
黃金羈

艷情代郭氏答盧照隣

駱賓王

迢迢羊路望芝田眇眇函關限蜀川歸雲已落涪江外  
還鴈應過洛水瀝洛水傍連帝城側帝宅層甍垂鳳翼  
銅駝路上柳千條金谷園中花幾色柳葉園花處處新  
洛陽桃李應芳春妾向雙流窺石鏡君住三川守玉人  
古詩雜體卷二十五二十四

此時離別那堪道此日空牀對芳沼芳沼徒遊比目魚  
幽徑還生拔心草流風迴雪儻便娟驥子魚文實可憐  
擲果河陽君有分貨酒成都妾亦然莫言貧賤無人重  
莫言富貴應須種綠珠猶得石崇憐飛燕曾經漢皇寵  
良人何處醉縱橫直如循默守空名倒提新練成慊慊  
翻將故劍作平平離前吉夢成蘭兆別後啼痕上竹生  
別日分明相約束已取宜家成誠勗當時擬弄掌中珠  
豈謂先摧庭際玉悲鳴五里無人問腸斷三聲誰爲續  
思君欲上望夫臺端居懶聽將雛曲沈沈落日向山低  
簷前歸燕並頭栖抱膝當窗看夕兔側耳空房聽曉雞

舞蝶臨階祇自舞啼鳥逢人亦助啼獨坐傷孤枕春來  
悲更甚峨眉山上月如眉濯錦江中霞似錦錦字迴文  
欲贈君劍壁層峰自亂紛平江一作森森分清浦長路  
悠悠間白雲也知京洛多佳麗也知山岫遙虧蔽無那  
短封即疎索不在長情守期契傳聞織女對牽牛相望  
重一作銀河隔淺流誰分迢迢經兩歲誰能脈脈待三秋  
情知唾井終無理情知覆水也難收不復下山能借問  
更向盧家字莫愁

代秦女贈行人

劉希夷

鸞鏡曉含春蛾眉向影嚬開衣裳破那堪粉黛新春  
古詩雜體卷二十五二十五

還洛陽道爲憶春堦草楊葉未能攀梅花待君掃今朝  
喜鵲傍人飛應是狂夫走馬歸遙想行歌共遊樂迎前  
含笑着春衣

寄遠

李白

憶昨東園桃李紅碧枝與君此時初別離金瓶落井無  
消息令人行歎復坐思坐思行歎成楚越春風玉顏畏  
銷歇碧牕紛紛下落花青樓寂寂空明月兩不見但相  
思空留錦字表心素至今緘愁不忍窺  
愛君芙蓉嬋娟之艷色一作可餐一作難再得憐君水  
色清迴之明心情不極兮意已深朝共琅玕之綺食夜

同鴛鴦之錦衾恩情婉孌忽爲別使人錯莫亂愁心亂  
愁心涕如雪寒燈厭夢竟欲絕覺來相思生白髮盈盈  
漢水若可越可惜淩波步羅襪美人美人今歸去來莫  
作朝雲暮雨今飛陽臺

秋思 一作三五七言

秋風清秋月明落葉聚還散寒鴉棲復驚相思相見知  
何日此時此夜難爲情

代美人愁鏡

美人贈此盤龍之寶鏡燭我金縷之羅衣時將紅袖拂  
明月爲惜普照之餘輝影中金鵲飛不滅臺下青鸞思

古詩 雜體

卷二十五

二十六

獨絕藥砧一別若箭弦去有日來無年狂風吹却妾心  
斷玉筍并墮菱花前

攜妓登梁王樓霞山孟氏桃園中

碧草已滿地柳與梅爭春謝公自有東山妓金屏笑坐  
如花人今日非昨日明日還復來白髮對綠酒強歌心  
已一作摧君不見梁王池上月昔照梁王樽酒中梁王  
已去明月在黃鸝愁醉啼春風分明感激眼前事莫惜  
醉卧桃園東

聽董大彈胡笳聲兼寄語弄房給事

李頎

蔡女昔造胡笳聲一彈一十有八拍胡人落淚沾何一作  
邊草漢使斷腸對歸客古戍蒼蒼烽火寒大荒沈一作

沈飛雪白先拂商弦後角羽四郊秋葉驚撼撼董夫子  
通神明深松一作竊聽來妖精言遲更速皆應手將往

復旋如有情空山百鳥散還谷萬里浮一作雲陰且晴

明一作嘶酸雛鴈失羣夜斷絕胡兒戀母聲川爲靜其波  
鳥亦罷其鳴烏孫一作部落家鄉遠遛娑沙塵哀怨生

幽音變調忽飄灑長風吹林雨墮瓦迸泉颯颯飛木末  
野鹿呦呦交堂下長安城連東掖垣鳳凰池對青瑣門

高才脫略名與利日夕望君抱琴至

古詩 雜體

卷二十五

二十七

春桂問答 二首

王績

問春桂桃李正芬華年光隨處滿何事獨無花  
春桂答春華詎能久風霜搖落時獨秀君知不

十月梅花書贈

盧僎

君不見巴鄉氣候與華別年年十月梅花發上苑今應  
雪作花寧知此地花爲雪自從遷播落黔巴三見江上  
開新花故園風光虛洛浦窮峽凝雲度歲華花情縱似  
河陽好客心倍傷邊候早春候颯驚樓上梅霜威未落  
江潭草江水侵天去不還梅花覆簾空坐攀一向花前  
看白髮幾回夢裏憶紅顏紅顏白髮雲泥改何異桑田

移碧海却想華年故國時唯餘一片空心在空心弔影  
向誰陳雲臺仙閣舊遊人儻知巴樹連冬發應憐南國  
氣長春

薔薇

儲光羲

裊裊長數尋青青不作林一莖獨秀當庭心數枝分作  
滿庭陰春日遲遲欲將半庭影離離正堪翫枝上嬌鶯  
不畏人葉底飛蛾自相亂秦家女兒愛芳菲畫眉相伴  
采葦蕩高處紅鬚欲就手低邊綠刺已牽衣葡萄架上  
朝光滿楊柳園中暝鳥飛連袂踏歌從此去風吹香氣  
逐人歸

古詩

卷二十五

二十八

和題藤架

獨孤及

尊尊葉成幄璀璨花落架花前離心苦愁至無日夜人  
去藤花千里強藤花無主爲誰芳相思歷亂何由盡春  
日迢迢如線長

見薛大臂鴈作

一作李白  
高適

寒楚一作冬十二月蒼鴈八九毛寄言燕雀莫相嘲一作忌  
自有雲霄萬里高

觀博平王志安少府山水粉壁

李白

粉壁爲空天丹青狀江海游雲不知歸日見白鷗在博  
平真人王志安沈吟至此願挂冠松谿石磴帶秋色愁

客思歸坐曉寒

同李九士曹觀壁畫雲作

高適

始知帝鄉客能畫蒼梧雲秋天萬里一片色只疑飛盡  
猶氛氲

自漢陽病酒歸寄王明府

李白

去歲左遷夜郎道琉璃硯水長枯槁今歲敕放巫山陽  
蛟龍筆翰生輝光聖主還聽子虛賦相如却欲一作與論  
文章願掃鸚鵡洲與君醉百場嘯起白雲飛七澤歌吟  
淶水動三湘莫惜連船沽美酒千金一擲買春芳

醉爲馬陸諸公攜酒相看

杜甫

古詩

卷二十五

二十九

甫也諸侯老賓客罷酒酣歌拓金戟騎馬忽憶少年時  
散蹄迸落瞿塘石白帝城門水雲外低身直下八千尺  
粉堞電轉紫遊韁東得平岡出天壁江村野堂爭入眼  
垂鞭躡鞚凌紫陌向來皓首驚萬人自倚紅顏能騎射  
安知決臆追風足朱汗驂驪猶噴玉不虞一蹶終損傷  
人生快意多所辱職當憂戚伏衾枕况乃遲暮加煩促  
朋知來問腆我顏杖藜強起依僮僕語盡還成開口笑  
提攜別掃清谿曲酒肉如山又一時初筵哀絳劬豪竹  
共指西日不相貸喧呼且覆盃中綠何必走馬來爲問  
君不見嵇康養生被殺戮

賦得浣紗石 送祝八之江東

李白

西施越谿女明艷光雲海未一作來入吳王宮殿時浣紗

古一作石今猶在桃李新開映古查菖蒲猶短出平沙

昔時紅粉一作照流水今日青苔覆落花君去西秦適

東越碧山清江幾超忽若到天涯思故人浣紗石上窺

明月

訓張司馬贈墨

上黨碧松烟夷陵丹砂末蘭麝凝珍墨精光乃堪掇黃

頭奴子雙鵝鬢錦囊養之懷袖間今日贈余蘭亭去興

來灑筆會稽山

古詩 雜體 卷二十五

三十

詠馬鞭

高適

龍竹養根凡幾年工人截之為長鞭一節一日皆天然

珠重重星連連繞指柔純金堅繩不直規不問把向空

中捎一聲良馬有心日馳千

登鄴城懷古

岑參

下馬登鄴城城空復何見東風吹野火暮入飛雲殿一作

雲電城隅南對望陵臺渾水東流不復回武帝宮中

人去盡年年春色為誰來

登戲馬臺懷古

儲光義

君不見宋公仗鉞討燕後英雄踴躍爭趨走小會衣冠

呂梁堅大徵甲卒碣磳口天開神武樹元勳九日茱萸

饗六軍泛泛樓船遊極浦搖搖歌吹動浮雲居人滿目

市朝變霸業猶存齊楚甸泗水南浮一作桐柏川沂山

北走瑯琊縣滄海沈沈晨霧開彭城烈烈秋風來少年

自言未得意日暮蕭條登古臺

宣州謝朓樓懷古餞校書叔雲

一作陪侍御叔華登樓歌

李白

棄我去者昨日之日不可留亂我心者今日之日多煩

憂長風萬里送秋鴈對此可以酣高樓蓬萊文章建安

骨中間小謝又清發俱懷逸興壯思飛欲上青天一作

古詩 雜體 卷二十五

三十二

覽日月抽刀斷水水更流舉盃銷愁愁更一作愁人生

男一作兒在世不稱意明朝舉棹還滄洲一作散髮弄扁舟

雪謔詩 贈友人

嗟予沈迷猖獗已久五十知非古人常有立言補過庶

存不朽包荒匿瑕蓄此頑醜月出致譏貽愧皓首感悟

遂晚事往日遷白壁何辜青蠅屢前羣輕折軸下沈黃

泉衆毛飛骨上凌青天萋菲暗成貝錦粲然泥沙聚埃

珠玉不鮮洪醖爍山發自纖煙蒼波蕩日起乎微涓交

亂四國播于八埏拾塵掇蜂疑聖猜賢哀哉悲夫誰察

予之貞堅彼婦人之猖狂不如鵲之疆疆彼婦人之淫

昏不如鷄之奔奔皎皎一作坦君子無悅一作簪言擢髮賄罪  
罪乃孔多傾海流惡惡無以過人生實難逢此織羅積  
毀銷金沈憂作歌天未喪文其如余何但已滅紂褒女  
惑周天維蕩覆藏此之由漢祖呂氏食其在傷秦皇太  
后毒亦淫荒喘喘作昏遂掩太陽萬乘尚爾匹夫何傷  
辭殫意窮心切理直如或妄談昊天是殛子野善聽離  
婁至明神靡遁響鬼無逃形不我遐棄庶昭忠誠

自深水道哭王炎

王公希代寶棄世亦何早弔死不及哀殯宮已秋草悲  
來欲脫劍挂向何枝好哭向茅山雖未摧一生淚盡丹

古詩雜體

卷二十五

三十二

陽道

寄崇梵僧

王維

崇梵僧崇梵僧秋歸覆金春不還落花啼鳥紛紛亂澗  
戶山牕寂寂閒峽裏誰知有人事郡中遙望空雲山

同比部楊員外十五夜遊有懷靜者季

承明少休沐建禮省文書夜漏行人息歸鞍落日餘懸  
知三五夕萬戶千門闕夜出曙翻歸傾城滿南陌陌頭  
馳騁盡繁華王孫公子五侯家由來月明如白日共道  
春燈勝百花聊看侍中千寶騎強識小婦七香車香車  
寶馬共喧闐箇裏多情俠少年競向長楊柳市北肯過

精舍竹林前獨有仙郎心寂寞却將宴坐為行樂儻覺  
忘懷共往來幸霑同舍甘藜藿

贈西嶽山人李岡

岑參

君隱處當一星蓮花峯頭飯黃精仙人掌上演丹經鳥  
可到人莫攀隱來十年不下山袖中短一作之書誰為達  
華陰道士賣藥還

古詩雜體

卷二十五

三十三

唐詩所第二十五卷終

唐詩所第二十六卷 古詩

前集

風體

鳴琴

四章序曰冬十有二月家君宰邑許下夫子問津類上二賢將馳會府皆適茲土夜處欣室列座有位尊卑嚴如或捧觴上壽或握不請益始崇詩以開禮終講信以脩睦然後文飽於德義潤其身頃夫子升堂之後若盧賈劉尹之徒半紀間接武鳴躍實夫子訓之導之所致也今殷郭二子天資不幹而加之鏤羽上觀王庭俯拾地芥其誰曰不然飛霜蘭林寒氣總至月落匝戶夜將向晨座隅謙謙畢醉溫克則知孔門宴集異於他日二三子終身識之夫子以家君政成百里無事命門弟子賦詩鳴琴亦以釋此離之怨焉小子不敏忝居門人之末敢不敬書其事

息夫牧

有琴斯鳴于宰之庭君子蒞止其心孔平政既告成德

古詩

卷二十六

一

以永貞其鳴琴有術于頴之畔彼之才髦其年未冠聞

詩聞禮斐子璨璨其鳴琴其怡于頴之渭二子翰飛言

戾京師有鬱者桂載攀其枝其琴既鳴矣宵既清矣烘

烘有煒酒醴惟旨喟我寢歎吁其別矣其

涼雨

序曰涼雨志楊侯樂賓僚也

蕭穎士

習習涼風泠泠浮颺君子樂胥于其賓僚有女斯天式

歌且謠欲言終宥惟以招邀于胥樂兮

江有楓

十章序曰江有楓思陸郎二友共會舊遊且疾謾也臣宦于尹府以血方不偶見通議後惟古之賢者有避色避言之義矯然去之二室之間有楓樹焉與江南楓形不類思于其下而作是詩以貽夫二三子焉

江有楓其葉蒙蒙我友自東于以遊從其山有槭其葉

漠漠我友徂北于以休息其想彼槭矣亦類其楓矧伊

懷人而忘其東其東可遊矣會之丘矣于山于水于廟

于寺于亭于里君子遊焉于以宴喜其樂疊疊其粵東

可居彼吳之墟有田有庭有朋有書有尊有魚君子居

焉惟以宴醕其樂徐徐其我朋在矣彼陸之子如松如

杞淑問不已其我友于征彼鄭之子如秀如英德音孔

明其我思震澤菱芙蓉幕幕寤寐如覲我思剡谿篠簜

萋寤寐無迷其有鳥有鳥粵鷗與鷺浮湍戲渚皓然潔

素忘其猜妬彼何人斯曾足傷懼其此懼惟何懼寘于

古詩

卷二十六

二

羅彼驕者子謾言孔多我聞先師體命委和公伯之愬

則如子何悵然山河惟以嘯歌其憂也哉其

菊榮

五章序曰菊榮酬贈雖且申志也又寓大邑賢宰宋侯惠而好予賦鳴蟬以贈別有懷如規備厥卒章于以報焉

采采者菊芬其榮斯紫英黃萼照灼丹墀愷悌君子佩

服攸宜王國是維大君是毗貽爾子孫百祿萃之其采

采者菊于邑之城舊根新莖布葉垂英彼美淑人應家

之積有絃既鳴我政則平宜爾棟崇必復其慶其采采

者菊于邦之府陰槐翳標邇楹近宇彼勞者子喧卑是

處慨其莫知蘊結誰語企彼高人色斯遐舉其采采者



菊于賓之館既低其枝又弱其幹有斐君子是謂其歲方晏矣  
良辰有酒宴飲無筭愴其此別終然永歎其歲方晏矣  
霜露殘促誰其榮斯有英者菊豈微春華懿此貞色人  
之侮我混于新棘詩人有言好是正直其五

有竹一篇七章序曰有竹懿李新後閣而宴親友也

有竹斯竿于閣之前君子秉心惟其貞堅今其有竿斯  
竹于閣之側君子秉操惟其正直今其彼蔚者竹蕭其  
森矣有閑者閣宛其深矣迴簷幽砌如翼如齒其冬之  
宵霰雪斯澆我有金鑪燭其以歆其夏之日炎景斯鬱  
我有珍簟淒其以栗其彼紛者務體其豫矣有旨者酒

古詩風體卷二十六 三

歡其且矣其友僚萃止跼載韡彼美公之姓今那歎

應積慶今期子惟去之柄兮其七

蟬鳴五章序曰蟬鳴感秋興送將歸也

宋華

蟬其鳴矣於彼疎桐庇影容跡何所不容其其長永  
託於風未見君子我心忡忡既見君子樂且有融其一彼  
蟬鳴矣於林之表含風欲露以樂吾道有懷載遷伊誰  
云保未見君子我心悄悄既見君子披豁予抱其蟬鳴  
蟬鳴幽暢乎而蕭蕭雨庭遠近涼颼言赴高柳叢篁間  
之恩而不見如渴如饑亦既覯止我思則夷其三蟬鳴伊

何時運未與匪歎秋徂怨斯路阻願言莫從鬱悒誰語  
君子至止慰我延佇何斯違斯條爾遐舉其歲之秋深  
蟬其夕吟披衣軒除蕭蕭風林我友來斯言告離袿何  
以叙懷臨水鳴琴何以贈言委順浮沈其五

騷體

以國子司業召須尉袁廣錢于小洞庭

蘇源明

浮漲湖兮莽條遙川后禮兮扈予橈橫增沃一作今蓬

仙延川后福兮易一作予船月澄凝今明空波星磊落

今耿秋河夜既良今酒且多樂方作今柰別何

古詩風體卷二十六 四

答宋之問 司馬承禎

時既暮兮節欲春山林寂兮懷幽人登奇峰兮望白雲

悵緬邈兮象欲紛白雲悠悠去不返寒風颼颼吹日晚

不見其人誰與言歸坐彈琴思逾遠

宴漢陽守崔季重魯郡李蘭濟南田琦濟陽李陵

于洞源亭 蘇源明

小洞庭兮寓方舟風嫋嫋兮離平流寓方舟兮小洞庭

雲微微兮連絕經層瀾壯兮緬以沒重巖轉兮超以忽

馮夷逝兮護輕橈蛟龍行兮落增潮泊中潮兮澹而閒

並曲叙兮悵而還適予手兮非予期將解袂兮藜予思

尚君子兮壽厥身承明主兮憂斯人

白菴渦

王維

南山之瀑水兮激石淙瀑以雷驚人相對兮不聞語聲  
翻渦跳沫兮蒼苔濕蘚老且厚春草爲之不生獸不敢  
驚動鳥不敢飛鳴白菴渦濤戲瀨一作今委身以縱橫  
主人之仁兮不網不釣得遂性以生成

嵩山十首

盧鴻

山爲宅兮草爲堂芝蘭兮葯房羅靡蕪兮拍薜荔荃壁  
今蘭砌靡蕪薜荔兮成草堂陰陰遂兮馥馥香中有人  
兮信宜常讀金書兮飲玉漿童顏幽操兮不易長右草堂

古詩風體卷二十六

五

天門豁兮僊臺聳傑屹岵岵兮零瀕湧窮三休兮曠一觀  
忽若登崑崙兮中期汗漫僊登天開兮倒景臺薰顯氣  
兮軼翳埃皎皎之子兮自獨立雲可朋兮轍可吸曾何  
榮辱之所及右倒景臺

紫巖隈兮青磯側雲松煙薦兮千古色芳蘿靡兮蔭蒙  
龍幽人構館兮在其中蘿蘿蒙龍兮開樾館卧風霄兮  
坐轍一作旦粵有賓兮時戾止樵蘇不費兮清談已永  
歲終朝兮常若此右樾館

臨泱泱兮背青嶽吐雲煙兮合窅冥恍歛翕兮杳幽謁  
意縹緲兮羣仙會實冥仙會兮枕煙庭疎魂形兮凝視

惠開夫至誠必感兮祈此巔契一作顯氣養丹田終彷彿  
像兮觀靈仙右枕烟庭

水橫衝兮石叢聳煥雲錦兮噴洶湧苔駁皴兮草黃綠  
芳艸靡兮瀨濺濺石攢叢兮雲錦淙波連珠兮文沓絳  
有潔冥一作者媚此幽漱靈液兮樂天休實獲我心兮  
夫何求右雲錦淙

霏微陰壑兮氣騰虹迤邐危磴兮上凌空青霞杪兮紫  
雲垂鸞歌鳳舞兮吹參差鸞歌鳳舞兮期仙磴鴻駕迎  
兮瑤華贈山中人兮好神仙想像聞此兮欲升煙鑄月  
煉液兮圻還年右斯仙磴

古詩風體卷二十六

六

靈磯盤礴兮溜奔錯漱泠風兮鎮冥壑研苔滋兮泉味  
潔一飲一憩兮氛想滅磷澁清淬兮滌煩磯靈仙境兮  
仁智歸中有琴兮徽以玉峨峨湯湯兮彈此曲寄聲知  
音兮同所欲右滌煩磯

青崖陰兮月磻曲重幽疊兮今隱淪躡草拊懸崖兮翠  
蒙龍當其無兮庭在中當無有用兮羣翠庭神可谷兮  
道可冥有幽人兮張素琴白玉徽兮綠水陰德之情兮  
澹多心右羣翠庭

鳳氣肅兮巖翠冥空陰虛兮戶芳迎披蕙帳兮促羅筵  
談空空兮數元元蕙帳蘿筵兮洞元室秘而幽兮真可

吉返自然兮道可冥澤妙思兮草玄經結幽門兮在黃庭右洞元室

水碧色兮石金光灩媚媚兮淡湟湟泉葩映兮煙蕩臨紅灼灼翠陰陰翠相鮮兮金碧潭霜天洞兮煙景涵有幽人兮好冥絕炳其煥兮凝其潔悠悠千古兮長不滅右金碧潭

代寄情

李白

君不來兮徒蓄怨憤思而孤吟雲陽一去已遠隔巫山綠水之沈沈留餘香兮染繡被夜欲寢兮愁人心朝馳余馬於青樓恍若空而夷猶浮雲深兮不得語却惆悵風體 卷二十六 七

而懷憂使青鳥兮銜書恨獨宿兮傷離居何無情而兩絕夢雖往而交疎橫流涕而長嗟折芳洲之瑤華送飛鳥以極目怨夕陽之西斜願爲連根同死之扶草不作飛空之落花

山水粉圖

陳子昂

山圖之白雲兮若巫山之高丘紛羣翠之鴻濛又似蓬瀛海水之周流信夫人之好道愛雲山以幽求

懷魯

程彌綸

曲阜國尼丘山周公邈難問夫子猶啓關嚴風雪兮若見游夏興兮魯顏天孫天孫何爲兮今學且難負星明

而遊開開

獄中作

盧照隣

夫何秋夜之無情兮皎晶悠悠而太長闔戶杳其幽邃兮愁人披此嚴霜見河漢之西落聞鴻鴈之南翔山有桂兮桂有芳心思君兮君不將憂與憂兮相積歡與歡兮兩忘風嫋嫋兮木紛紛凋綠葉兮吹白雲寸步千里兮不相聞思公子兮日將曛林已暮兮鳥羣飛重門掩兮人逕稀萬族皆有所托兮蹇獨淹留而不歸送考功武員外學士使嵩山置舍利塔

徐堅

古詩風體 卷二十六

八

伊川別騎灞岸分筵對三春之花月覽千里之風煙望青山兮分地見白雲兮在天寄愁心於樽酒愴離緒於清絃共握手而相顧各銜一作悽而黯然

前題

張說

懷玉泉戀仁者寂滅真心不可見空留影塔嵩巖下寶王四海轉千輪企雲百粒送分身山中二月娑羅會虛唄遙遙愁思人我念過去微塵劫與子禪門同正法雖在神仙蘭省間常持清淨蓮花葉來亦好去亦好了觀車行馬不移當見菩提離煩惱

唐詩所第二十六卷終

唐詩所第二十七卷

前集

五言

雜詩 四首

沈佺期

鐵汗一作馬三軍去金閨一作流鶯二月還邊愁離行一作上國

春夢失一作度陽關池水瑠璃淨園花玳瑁斑歲華空自

擲愁怨一作憂思不勝顏

落葉驚秋婦高砧促暝機蜘蛛尋月度螢火傷人飛清

鏡紅埃人孤燈綠焰微怨啼能至曉獨自嬾縫衣

妾家臨渭北春夢著遼西何苦朝鮮郡年年事鼓鼙燕

來紅壁語鶯向綠牕啼爲許長相憶關干玉筍齊

律詩 五言

卷二十七

一

聞道黃花一作龍戌頻年不解兵可憐閨裏月長在漢家

營少婦今春意良人昨夜情誰能將旗鼓一爲取龍城

雜詩 二首

虛象

家居五原上征戰是平生獨負山西勇誰當塞下名死

生遼海戰雨雪薊門行諸將封侯盡論功獨不成

君家御溝上垂柳夾朱門列鼎會中貴鳴珂朝至尊死

生在片議窮達由一言須識苦寒士莫矜孤白溫

雜詩

王維

雙燕初命子五桃新作花王昌是東舍宋玉次西家小

小能織綺時時出浣紗親勞使君問南陌駐香車

感遇

楊賁

貴人昔未貴咸願顧寒微及自登樞要何曾問布衣平

明登紫閣日晏下彤闥擾擾路傍子無勞歌是非

詠史

徐九臯

亡國秦韓代榮身劉項年金槌擊政後玉斗碎增前聖

主稱三傑明離保四賢已申黃石祭方慕赤松仙

讀前漢外戚傳

李嶷

人錄尚書事家臨御路傍鑿池通渭水避暑借明光印

綬妻封邑軒車子拜郎寵因官掖裏勢極必先亡

詠馮昭儀當熊

賈至

律詩 五言

卷二十七

二

白羽揮雕弓蛺蝶動朔風平明出金屋危聳上林中迷

獸長廊靜呼鷹御苑空王孫莫諫獵賤妾解一作當熊

擬阮公體

徐鼎

秦王按劍怒發卒戌龍沙雄圖尚未畢海內已紛拏黃

塵暗天起白日斂精華唯見長城外僞屍如亂麻

送金城公主適西蕃

奉和聖製

沈佺期

金觴扶丹掖銀河屬紫闈那堪將鳳女還以嫁烏孫王

就歌中怨珠辭掌上恩西戎非我匹明主至公存

前題

劉憲

外館踰河右行營指路岐和親悲遠嫁忍愛泣將離旌

旆羗風引軒車漢月隨那堪馬上曲時向管中吹

前題

李適

絳河從遠聘青海赴和親月作臨邊曉花爲度隴春主  
歌悲顧鶴帝策重安人獨有瓊簫去一作處悠悠思錦輪

前題

趙彥昭

聖后經綸遠謀臣計畫多受降追漢策築館許戎和俗  
化烏孫壘春生積石河六龍今出餞雙鶴願爲歌

前題

徐彥伯

鳳展憐簫曲鸞闈念掌珍羗庭遙築館廟策重和親星  
轉銀河夕花移玉樹春聖心懷送遠留蹕望征塵

律詩 五言

卷二十七

三

前題

韋元旦

柔遠安夷俗和親重漢年軍容旌節送國命錦車傳琴  
曲悲千里簫聲戀九天唯應西海一作漢西月來就掌珠圓

前題

薛稷

天道寧殊俗慈仁一作深恩乃戢兵懷荒寄赤子忍愛鞠蒼  
生月下瓊娥去星分寶婺行關山馬上曲相送不勝情

前題

李嶠

漢帝撫戎臣絲言命錦輪還將弄機女遠嫁織皮人曲  
怨關山月粧消道路塵所嗟穠李樹空對小榆春

前題

徐堅

星漢下天孫車服降殊蕃匣中詞易切馬上曲虛繁關  
塞移朱帳風塵暗錦軒簫聲去日遠萬里望河源

前題

唐遠志

皇恩賸下人割愛遠和親少女風遊兌姮娥月去秦龍  
笛迎金榜驪歌送錦輪那堪桃李色移向虜庭春

前題

張說

青海和親日潢星出降時戎王子壻寵一作禮漢國舅家

慈春野開離讌雲天起別詞空彈馬上曲詎減鳳樓思  
一作悲

前題

崔湜

懷戎前策備降女舊姻修簫鼓辭家怨旌旆出塞愁尚  
孩中念切方遠御慈留一作志顧乏謀臣用仍勞聖主憂

前題

馬懷素

帝子今何去重姻適異方離情愴宸掖別路關梁望  
絕園中柳悲纏陌上桑空餘顧黃鶴東顧憶廻翔

前題

鄭愔

下嫁戎庭遠和親漢禮優笳聲出虜塞簫曲背秦樓貴  
主悲黃鶴征人怨紫駟皇情眷億兆割念俯懷柔

前題

閻朝隱

甥舅重親地君臣厚義鄉還將貴公主嫁與耕耨一作侍  
傍地

王鹵薄山川濶一作琵琶胡琴道路長廻瞻父母國門  
出在東方

前題

蘇頌

帝女在天津和戎轉屬一作輪川經斷腸望地與析支  
隣奏曲風嘶馬銜悲月伴人旋知偃丘筆長是漢家親

前題

武平一

廣化三邊靜通姻四海安還將膝下愛持副域中歡聖  
念飛玄藻仙儀下白蘭日斜征蓋沒歸騎動鳴鑾

送鄭大夫惟忠從公主入蕃

張說

風吹遙將斷龍旗送欲還傾都邀節使傳酌緩離顏春  
律詩 五言 卷二十七 五

磧沙連海秋城月對關和戎應賞魏定遠莫辭班

送人隨大夫和蕃

儲光羲

西方有六國國願來賓聖主今無外懷柔遣使臣大  
夫開幕府才子作行人解劍遙一作相送秦城二月春

送高郎中北使

陳子昂片蓋聞北夷不羈之日

華心蟻伏請職高郎中奉詔出使燕然風而振居  
意雲幕且欲頓單于之膝受呼韓之朝不論青  
春復命紫闕其忠臣烈夫之節感壯矣朝好  
以遠赴絕國追送近郊登熊山望馬塞黃雲  
里亭阜悠然餘日賦詩以贈行

杜審言

北狄願和親東京發使臣馬銜邊地雪衣染異方塵歲  
月催行旅恩榮變苦辛歌鐘期重錫拜手落花春

送何員外使湖南

獨孤及

夙昔皆黃綬差池復瑣闥上田無晚熟逸翮果先飛前  
路舟休繫故山雲不歸玉程儻未復莫遣鯉書稀

送陸侍御餘慶北使

沈佺期

古人貴將命之子出輜軒受委當不辱隨時敢贈言朔  
途際遼海春思繞轅轅安得回白日留歡盡綠樽

送姚侍御出使江東

宋之問

帝憂河朔郡南發海陵倉坐歎青春別逶迤碧水長飲  
水朝受命衣錦晝還鄉爲問東山桂無人何自芳

送靳十五侍御使蜀

孫逖

律詩 五言 卷二十七 六

天使出霜臺行人擇吏才傳車春色送離興夕陽催驛  
曉巴江轉關迎劍道開西南一何幸前後二龍來

送十五弟侍御使蜀

杜甫

喜弟文章進添余別興牽數杯巫峽酒百丈內江船未  
息豺狼闕空催犬馬年歸朝多便道搏擊望秋犬

送魏兵曹使雋州

得登字

陳子昂

陽山淫霧雨之子慎攀登羌笳多珍寶人言有愛憎欲  
一作酬明主惠當盡使臣能勿以王陽道一作迢遞

道里峻嶒

閬州送二十四舅使自京赴青城

杜甫

聞道王喬鳥名因太史傳如何碧雞使把詔紫微天秦嶺愁回馬涪江醉泛船青城漫污雜吾舅意淒然

送盧少府使秦

孟浩然

楚關望秦國相去千里餘州縣勤王事山河轉使車祖筵江上列離恨別前書願及芳年賞橋鶯二月初

送楊錄事充使

岑參

夫子方寸裏清秋澄霽江關西望第一郡內政無雙狹室下珠箔連宵傾玉缸使乎仍未醉斜月隱高一作廳

送劉高郵稅使入都

祖詠

常聞積歸思昨夜又兼秋鄉路京華遠王程江水流吳律詩五言卷二十七 七

歌喧兩岸楚客醉孤舟漸覺潮初上悽然多餘思

水亭送劉顥使還歸節度

岑參

無計留君住應須絆馬蹄紅亭莫惜醉白日眼有仙解帶憐高柳移牀愛小谿此來相見少王事各東西

送使峽中

李白

風靜楊柳垂看花又別離幾年同在此今日共驅馳峽裏聞猿叫山頭見月時慙慙一杯酒珍重歲寒姿

送友人使夷陵

崔翹

猿鳴三峽裏行客舊霑裳復道從茲去思君不暫忘閒襟春葉短分手夏條長獨有幽庭桂年年空自芳

送使廣州

張九齡

家在湘源住君今海嶠行經過正中道相送倍爲情心逐書郵去形隨世網嬰因聲謝遠別緣義不緣名

嶺南送使

張說

秋鴈逢春返流人何日歸將余去國淚灑子人鄉衣饑欲啼相聚愁猿喘更飛南中不可問書此示京畿

送丹陽採訪使

徐安貞

郡縣分南國皇華出聖朝爲憐鄉梓近不道使車遙舊俗吳三讓遺風漢六條願言除疾苦天子聽謳謠

送崔員外黔中監選

綦母潛

律詩五言卷二十七 八持衡出帝畿星指夜郎飛神女雲迎馬荆門雨濕衣聽猿收淚罷繫鴈待書稀蠻貊雖殊俗知君肝膽微

送張環攝御史監南選

孫逖

漢使得張綱威名懾遠方恩霑柱下史榮比選曹郎江帶黔中關山連峽水長莫愁炎暑地秋至有嚴霜

送沈校書吳中搜書

儲光羲

郊外亭臯遠野中岐路分苑門臨渭水山翠雜春雲秦閣多遺典吳臺訪闕文君王思校理莫滯清江濱

送呂向補闕西岳勒碑

徐安貞

聖作西山頌君其出使年勒碑懸日月驅傳接雲煙寒



彭田關路春歸洛水邊別離能幾許朝暮玉墀前

前題

孫逖

刻石記天文朝推谷子雲篋中緘聖札巖下揖神君語  
別梅初豔爲期草欲薰往來春不盡離思莫氛氲

送張翰林南海勒碑

杜甫

冠冕通南極文章落上台詔從三殿去碑到百蠻開野  
館濃花發春帆細雨來不知滄海上天遣幾時迴

送許員外江外置常平倉

岑參

詔置海陵倉朝推畫省郎還家錦服貴出使繡衣香水  
驛風催舫江樓月透牀仍懷陸氏橋歸獻老親嘗

律詩

五言 卷二十七

九

送元中丞轉運江淮

王維

薄賦一作歸天府輕徭賴使臣歡雷賜帛老恩及卷繡  
人去問珠官俗來經石砧春東南卸亭上莫使有風塵

送任御史江南發糧賑河北百姓

張說

河朔人無歲荆南義廩開將興汎舟役必仗濟川才花  
月臨江浦春雲歷楚臺調饑坐相望繡服幾時迴

送魏騎曹充宇文侍御判官分按山南

孫逖

雨陽臺路光華驛騎巡勸農開夢土恤隱惠荆人樓  
迴吟黃鶴江長望白蘋觀風布明詔更是漢南春

送趙評事攝御史監軍嶺南

議獄持邦典臨戎假憲威風從閭闔去霜入洞庭飛  
竹迎金鼓樓船引繡衣明年拜真月南斗使星歸

送著作佐郎崔融等從梁王東征

序曰古者京風

命將帥訓甲練兵將以外威荒戎內輯中夏時  
義遠矣自我大君受命百蠻蟻伏匈奴含羞  
之宮越靈臺重翡翠之貢虎符不發象教攸同  
欲高議靈臺重翡翠之貢虎符不發象教攸同  
驅蚊蚋之師忽雷震之伐乃竊海裔弄燕  
帝哀北鄙之人罹其辛勞以東正之義降  
軍建梁國之旌旗吟漢庭之蕭鼓東轡而  
首長驅宛旋羽騎之股戈翻落日突擊  
勇劍決浮雲方且獵火九都窮路冒頓  
平姑餘孽復赤山巡御日域以昭  
我王度襲天討也云云 陳子昂

律詩

五言 卷二十七

十

金天方肅殺白露始專征王師非樂戰之子慎佳兵海  
氣侵南部邊風掃北平莫賣盧龍塞歸邀麟閣名

前題

杜審言

君王行出將書記遠從征祖帳連河闕軍麾動洛城旌  
旄朝朔氣笳吹夜邊聲坐覺煙塵掃秋風古北平

送白利從金吾董將軍西征

李白

西羌延國討白起佐軍威劍決浮雲氣弓彎明月輝馬  
行邊草綠旗一作卷曙霜飛抗手凜相顧寒風生鐵衣

送白少府送兵之隴右

高適

戍更登隴首遠別指臨洮爲問關山中 事何如州縣

勞軍容隨赤羽樹色引青袍誰斷單于臂今年太白

送李問政河北簡兵

張說

斗酒貽朋愛踟躕出御溝依然四牡別更想入龍遊密  
親仕燕冀連年邇寇讐因君閱河朔垂淚語幽州

號州送天平何丞入京市馬

岑參

關樹晚蒼蒼長安近夕陽回風醒別酒細雨濕行裝習  
戰邊塵黑防秋塞草黃知君市駿馬不是學燕王

送李尚書入蜀

素和聖製

張九齡

眷言感忠義何有間山川徇節今如此離情空復然皇  
心在勤恤德澤委昭宣周月成功後明年或勞還

律詩

五言 卷二十七

十一

廣陵送宋員外佐越鄭舍人還京

韋述

朱紱臨秦望皇華赴洛橋文章南渡越書奏北歸朝樹  
入江雲盡城銜海月遙秋風將客思川上晚蕭蕭

送王員外赴長沙

賈至

攜手登臨處巴陵天一隅春生雲夢澤水溢洞庭湖共  
歎虞翻枉同悲阮籍途長沙舊卑濕今古不應殊

送游員外赴淮西

獨孤及

多君有奇略投筆佐元戎已佩郎官印兼乘御史驄使  
星隨驛騎歸路有秋風莫道無書札他年懷袖空

水西館泛舟送王員外

獨孤及

單醪敢獻酢曲沼荷經過汎濫一作親魚鳥賓綠涉芰

荷劇談增惠愛美景借清和明日汀洲草依依柰別何

送張舍人之江東

李白

張翰江東去正值秋風時天清一作晴一鴈遠海闊孤帆

遲白日行欲暮滄波杳難期吳洲如見月千里幸相思

送朔方何侍郎

宋之問

聞道雲中使乘驄往復還河兵守陽月塞虜失陰山拜  
職嘗隨驃銘功不讓班旋聞受降日歌舞入蕭關

冬末送魏起居赴京

孫逖

大名將起魏良史更逢還驛騎朝丹闕關亭望紫煙西

律詩

五言 卷二十七

十二

京春色近東觀物華偏早赴王正月揮毫記首年

送李司諫還京

符長字

岑參

別酒爲誰香春官駁正郎醉經秦樹遠夢怯漢川大雨  
過風頭黑雲開日脚黃知君解起草早去入文昌

送韋中丞之晉赴湖南

杜甫

龍泥微黃漸權宜借寇頻湖南安背水峽內憶行春王  
室仍多故蒼生倚大臣還將徐孺榻處處待高人

夏日楊長寧宅送崔侍御常正字入京

崔諱祥

醉酒楊雄宅升堂子賤琴不堪垂老鬢還對欲分襟天  
地西江遠星辰北斗深烏臺俯麟閣長夏白頭吟

送裴侍御赴歲入京 得陽字

岑參

羨他驄馬郎元日謁明光  
立處聞天語朝回惹御香  
臺寒柏樹綠江暖柳條黃  
惜別津亭暮揮戈憶魯陽

送杜侍御赴上都 一作張謂

孫逖

避馬臺中貴登車嶺外遙  
還因貢賦禮來謁大明朝  
地入商山路鄉連渭水橋  
承恩返南越尊酒重相邀

送韋侍御赴上都

張謂

天朝辟書下風憲取才難  
更謁麒麟殿重簪獬豸冠  
月明湘水夜霜重桂林寒  
別後頭堪白時時鏡裏看

送趙侍御歸上都

岑參

律詩

五言

卷二十七

十三

驄馬五花毛青雲歸處高  
霜隨驅夏暑風逐振江清  
軌簡皆推直勤王豈告勞  
帝城誰不戀回轡動離騷

送裴侍御歸上都

張謂

楚地勞行役秦城罷鼓鼙  
舟移洞庭岸路過武陵谿  
江月隨人影山花趁馬蹄  
離魂將別夢先已聞到

關西

送何侍御歸朝

杜甫

舟楫諸侯餞車輿使者歸  
山花相映發水鳥自孤飛  
春日垂霜鬢天隅把繡衣  
故人從此去寥落寸心違

送韋侍御先歸京

岑參

聞欲朝龍闕應須拂牙冠  
風霜隨馬去炎暑爲君寒  
客淚題書落鄉愁對酒寬  
先憑報親友後月到長安

西亭送蔣侍御還京 得來字

忽聞驄馬至喜見故人來  
欲語多時別先愁計日回  
山河宜晚眺雲霧待一君  
開爲報烏臺客須憐白髮催

趙少尹南亭送鄭侍御歸東臺 得長字

紅亭酒甕香白面繡衣郎  
砌冷蟲喧座簾疎雨到牀  
鐘催離興急絃逐醉歌長  
關樹應先落隨君滿路霜

送王尚一嚴疑二侍御赴司馬都督軍

張說

律詩

五言

卷二十七

十四

漢掖通沙塞邊兵護草腓  
將行司馬令助以鐵冠威  
白露鷹初下黃塵騎欲飛  
明年春酒熟留酌二星歸

送李侍御赴安西

高適

行子對飛蓬金鞭指鐵驄  
功名萬里外心事一杯中  
虜障燕支北秦城太白東  
離魂莫惆悵看取寶刀雄

送李侍御

宋之問

行李戀庭闈乘輶振綵衣  
南登指吳服北走出秦畿  
去國夏雲斷還鄉秋鴈飛  
旋聞郡計入更有使臣歸

五言送李侍御聯句

吾友駐行輪遲遲惜上春  
東西出錢路惆悵獨歸

人歡會期他日驅馳恨此身薦須知貢公望從此願相因

送光祿姚卿還都

蘇頌

漢室有英台荀家寵俊一作才九卿朝已入三子暮同來不授綸爲草還司鼎用梅兩京王者宅駟馬日應迴

送李卿曄

杜甫

王子思歸日長安已亂兵霑衣問行在走馬向承明暮景巴蜀僻春風江漢清晉山雖自棄魏闕尚含情

送顏評事入京

岑參

顏子人歎屈宦遊今未遲佇聞明主用豈負青雲姿江律詩五言卷二十七十五

柳秋吐葉山花寒滿枝知君客一作愁處月滿又作落巴川時

暮春江夏送張祖監丞之東都

序曰吁哉僕書

每思欲遐登蓬萊極目四海手弄白日願已矣  
何常不捫松傷心撫鶴歎息誤學書劍薄遊人  
問紫微九重碧山萬里有才無命甘於後時劉  
表不用於補衡暫來江夏賀循喜逢於張翰且  
乘船中達人張侯大雅君子統泛舟之役在清  
川之渭談玄賦詩連興數月醉盡花柳賞窮江  
山王命有程去以行邁煙景晚色慘爲愁容繫  
飛帆於半天泛萍水於通海欲去不忍更開芳  
樽樂雖豪中趣遠天半平生酣暢未若此延至  
於清談浩歌雜筆麗藻笑飲醉酒醉揮素琴余  
實不愧於古也揚袂遠別何時歸來想洛陽之  
秋風將鱸魚以相待詩可贈遠無李白

欲別心不忍臨行情更親酒傾無限月客醉幾重春藉草依流水攀花贈遠人送君從此去迴首泣迷津

登薊城西北樓送崔著作融入都

序曰僕嘗倦遊

樓遠國衝酒故人憤胡孽之侵邊從王師之出塞元戎拔甲方刈鮮卑之壘天子賜書且有君相之召而崔侯佩劍即謁承明羣公負戎方絕大漠燕山北望遼海東浮雲臺與碣館天殊亭障共衣冠地隔撫劍何道長誦增歎以時許國我則當仁論道匡君于思報主仲冬寒苦幽朔初平蒼茫天兵之氣其滅戎雲之色白羽一指可掃九都赤墀九重佇觀獻凱  
遂君之恩共策勛飲至方同廊廟之歡假武  
登薊樓送崔子云爾  
陳子昂

薊樓望燕國負劍喜茲登清規子方奏單戟我無能仲

律詩五言卷二十七十六

冬邊風急雲漢復霜稜慷慨竟何道西南恨失朋

送王大校書

孟浩然

導漾自嶓冢東流爲漢川維桑君有意解纜我開筵雲

雨從茲別林端意渺然尺書能不悵時望鯉魚傳

送東萊王學士無競

陳子昂

寶劍千金買平生未許人懷君萬里別持贈結交親孤

松宜晚歲衆木愛芳春已矣將何道無令白首一作髮新

送崔二長史日知赴潞州

張說

東山懷臥理南省悵悲翁共見前途促何知後會同莫輕一筵宴明日半成空只一作爾離亭闕思歸迷

夢中

送楊長史赴果州

王維

褒斜不容憶之子去何之鳥道一千里猿聲十二時官  
橋祭酒客山木女郎祠別後同明月君應聽子規

杭州送裴大澤赴廬州長史

李白

西江天柱遠東越海門深去割慈親戀行憂報國心好  
風吹落日流水引長吟五月披裘者應知不取金

錢潞州陸長史再守汾州

蘇頌

河尹政成期爲汾昔所推不榮三入地還美再臨時擁  
傳雲初合聞鶯日正遲道傍一作傷人多出錢別有吏民思

律詩五言

卷二十七

十七

送陳王府張長史還京

獨孤及

論齒弟兄列爲邦前後差十年方一見此別復何嗟極  
目故關道傷心南浦花少時相憶處招手望行車

大劍送劉右史

盧照隣

金碧禹山遠關梁蜀道難相逢屬晚歲相送動征鞍地  
咽綿川冷雲凝劍閣寒倘過忠孝所爲道憶長安

送袁使君任長江

李白

別離楊柳青樽酒表丹誠古道攜琴去深山見峽迎暖  
風花繞樹秋雨草沿城自此長江內無因夜犬驚

同賀八送兗公赴荊州

張說

疇昔同聲友鸞飛出鳳池風雲一蕩薄日月屢參差此  
別黃葉下前期安可知誰憐楚南樹不爲歲寒移

送任郎中出守明州

岑參

罷起郎官草初分刺史符城邊樓枕海郭裏樹侵湖郡  
政傷連楚朝恩獨借吳觀濤秋正好莫不上姑蘇

潭州送韋員外牧韶州

杜甫

炎海韶州牧風流漢署郎分符先令望同舍有輝光白  
首多年疾秋天昨夜涼洞庭無過鴈書疏莫相忘

送蘇八給事出牧徐州

用芳韻

盧僊

金鼎屬元方璣闡連季常畏盈聊出守分命乃維良曉  
律詩五言

卷二十七

十八

駢辭朝遠春帆向楚長賢哉謙自牧天下誅餘芳

送賈閣老出汝州

杜甫

西掖梧桐樹空留一院陰艱難歸故里去住損春心官  
殿青門隔雲山紫邏深人生五馬貴莫受二毛侵

送江陵全少卿赴府任

獨孤及

冢司方春選劇縣得英髦固是攀雲漸何嗟趨府勞楚  
山迎驛路漢水漲秋濤鸞翥方茲始看君六湖高

衡州送李七勉赴廣州

杜甫

斧鉞下青冥樓船過洞庭北風隨爽氣南十遊文星日  
月籠中鳥乾坤水上萍王孫丈人行番老見飄零

錢唐州高使君赴任

韋元旦

桐柏膺新命芝蘭惜舊遊鳴皋夜鶴在遷木早驚求傳  
擁淮源路鐫空灞水流落花紛近一作遠春色引離憂

前題

沈佺期

弱冠相知早中年不見多生涯在王事容鬢各蹉跎良  
守初分岳嘉聲即潤河還從漢闕下傾耳聽中和

前題

盧藏用

錢酒臨豐樹褰帷出魯陽蕙蘭春已晚桐栢路猶長祖  
遜方城鎮安期外氏鄉從來二千石天子命唯良

前題

徐彥伯

律詩

卷二十七

十九

香萼媚紅滋垂條紫綠絲情人拂瑞秋共惜此芳時驢  
驢已躑躅鳥隼方歲蕤跂予望太守流潤及京師

前題

岑義

蒼茫南塞地明媚上春時目極傷千里懷君不自持征  
車別岐路斜日下崦嵫一歎輶軒阻悠悠即所思

前題

李義

淮源之水深可以濯君一作我纓彼美稱才傑親人行政  
聲歲其疇曩意春晚別離情終歎臨岐遠行看擁傳榮

前題

馬懷素

外牧資賢守斯人奉帝俞淮南膺一作應建隼渭北暫分

符坐歎煙波隔行嗟物候殊何年昇美課廻看一作北  
城隅

鳳翔府行軍送程使君赴成州

岑參

程侯新出守好日發行軍拜命時人羨能官聖主聞江  
樓黑塞雨山郭冷秋雲竹馬諸童子朝朝待使君

送泉州李使君之任

張循之

徬海皆荒服分符重漢臣雲山百越路市井十洲人執  
玉來朝遠還珠入貢頻連年不見雪到處即行春

送梓州李使君

王維

萬壑樹參天千山響杜鵑山中一夜雨樹杪百重泉漢  
律詩 五言 卷二十七 二十一

女輸種布巴人訟芋田文翁翻教授不敢倚先賢

送長沙陳太守

李白

長沙陳太守逸氣凌青松英王賜五馬本是天池龍湘  
水迴九曲衡山望五峰榮君按節去不及遠相從

七郡長沙國南連湘水濱吳一作定王番舞袖地窄不廻

身莫小二千石當安遠俗人洞庭鄉路遠遙羨錦衣春

送封太守

王維

忽解羊頭削聊馳熊首幡揚舲發夏口按節向吳門帆  
映丹陽郭楓攢一作藏赤岸村百城多候吏一作見

送高唐州

張說

常時好閒獨一作燕朋舊少相過及爾宣風去方嗟別日  
多淮流春晚晚汝海路蹉跎百歲屢分散歡言復幾何

送邢桂州

王維

饒吹喧京口風波下洞庭緒圻將赤岸擊汰復揚舲日  
落江湖白潮來天地青明珠歸合浦應逐使臣星

送馬鄭州

獨孤及

使君朱兩轡春日整東轅芳草成臯路青山涼水源勉  
修循吏跡以謝主人恩當使仁風動遙聽輿頌誼

送鮮于萬州遷巴州

杜甫

京兆先時傑琳琅照一門朝廷偏注意接近與名藩祖  
律詩五言卷二十七 二十一

帳維舟數寒江觸石喧看君妙為政他日有殊恩

江亭王閬州筵餞蕭遂州

離亭非舊國春色是他鄉老畏歌聲斷一作短愁從舞曲

長二天開寵餞五馬爛生輝一作輝光川路風煙接俱宜下

鳳凰

送蘇郎中綰出佐荊州

孫逖

神仙久留滯清切佇飛翾忽佐南方牧何時西掖垣高  
車自蘭省便道出荆門不見河梁別空銷鄧路魂

送大理正攝御史判涼州別駕

苑咸

天子念西一作邊疆谷君去不遑垂銀棘庭印持斧柏臺

網雪下天山白泉枯塞草黃佇聞河隴外還繼海沂康

送懷州吳別駕

岑參

灞上柳枝黃壚頭酒正香春流飲去馬暮雨濕行裝驛  
路通函谷州城接太行覃懷人總喜別駕得王祥

送襄州任別駕

別乘向襄州蕭條楚地秋江聲官舍裏山色郡城頭莫  
羨黃公蓋須乘彥伯舟高陽諸醉客唯見古時丘

江亭送眉州辛別駕昇之

得燕字

杜甫

柳影含雲幕江波近酒壺異方驚會面終宴惜征途沙  
暖一作遠低風蝶天晴喜浴鳧別離傷老大意緒日荒蕪

律詩五言

卷二十七

二十二

送李著作倅杭州

張諤

輟史空三署題輿佐一方祖筵開霽景征陌值韶光水  
陸風煙隔秦吳道路長佇聞敷善一作雅政邦國詠惟康

送鄭州周司功

楊炯

漢國臨清渭京城枕濁河居人下一作泣珠淚寶御從驪

歌望極關山遠秋深煙霧多唯餘三五夕明月暫經過

送梓州周司功

御溝一相送征馬屢盤桓言笑方無日離憂獨未寬舉  
杯聊勸酒破涕暫為歡別後風清夜思君蜀路難

淇上送韋司倉往滑臺

高適



飲酒莫辭醉醉多適不愁孰知非遠別終念對窮秋滑  
臺門外見淇水眼前流君去應回首風波滿渡頭

餞韋兵曹

王勃

征驂臨野次別袂慘江垂川霽浮煙斂山明落照移  
風凋晚葉蟬露泣一作秋枝亭臯分遠望延想間雲涯

餞唐郎中洛陽令

沈佺期

一臺推往妙三史佇來修應宰鳧還集辭郎雉少留郊  
筵乘落景亭傳理殘秋願以絃歌暇芝蘭想舊遊

送王叟自羽林赴永昌令

張說

將星移北洛神雨避東京爲負剛腸譽還追彊項名白

律詩

五言 卷二十七

二十三

雲向伊闕黃葉散昆明多謝絃歌宰稀聞桴鼓聲

送梁李二明府

陳子昂

負書猶在漢懷策未聞秦復此窮秋日芳樽別故人黃  
金裝屢盡白首契逾新空羨雙鳧俱飛向玉輪

送武進鄭明府

宋之問

絃歌試宰日城闕賞心違北謝蒼龍去南隨黃鵠飛夏  
雲海中出吳山江上微昨歌一作謠豈云遠從此慶緇衣

送方城韋明府

王維

遙思葭葦際寥落楚人行高鳥長淮水平蕪故郢城使  
車聽雉乳縣鼓應雞鳴若見州從事無嫌手板迎

送義烏韋明府

獨孤及

妙年能致身陳力復安親不憚關山遠寧辭簿領勤過  
江雲滿路到縣海爲鄰每歎違心賞吳門正早春

送趙十七明府之縣

杜甫

連城爲寶重茂宰得才新山雉迎舟揖江花報邑人論  
交翻恨晚臥病却愁春惠愛南翁悅餘波及老身

送宇文舍人出宰元城

得陽字

岑參

雙鳧出未央千里過河陽馬帶新行色衣聞舊御香縣  
花迎墨綬關柳拂銅章別後能爲政相思淇水長

送張昇卿宰新淦

律詩

五言 卷二十七

二十四

官柳葉尚小長安春未濃送君潯陽宰把酒青門鐘水  
驛楚雲冷山城江樹重遙知南湖上祇對香爐峰

崔駙馬山池送宇文明府

得蕭字

竹裏過紅橋花間藉綠苗池涼醒別酒山翠拂行鑣鳳  
去妝樓閉鳧飛葉縣遙不逢秦女在何處聽吹簫

同王僕射山亭餞岑廣武義

得言字張說

聞道長岑令奮翼宰旅門長安東陌上送客滿朱軒琴  
爵留佳境山池借好園茲遊恨不見別後綴離言

送姚崑客任會稽何憲任孟縣

儲光義

越城臨渤海晉國在河汾仙綬兩鄉意青郊一路分野

榮春未發田雀一作鵲暮成羣他日思吳會嘗因西北雲

送永昌蕭贊府

朱之問

柳變曲江頭送君由谷遊弄琴寬別意酌醴醉春愁戀  
本亦何極贈言微所求莫令金谷水不入故園流

送崔贊府赴南陽

楊衡

聞君動征棹犯夜故來尋強置一樽酒重款百年心燈  
白霜氣冷室虛松韻深南陽三顧地幸偶價千金

杜少府之任蜀州

王勃

城闕輔三秦風煙望五津與君離別意同是宦遊人海  
內存知已天涯若比隣無爲在岐路兒女共霑巾

律詩 五言

卷二十七

二十五

送楚丘翹少府赴官

岑參

青袍美少年黃綬一神仙微子城東面梁王苑北邊桃  
花色似馬榆莢小於錢單父聞相近家書早爲傳

送鄭少府赴滄湯

子真河朔尉邑里帶清漳春草迎袍色晴花拂綬香青  
山入官舍黃鳥度宮牆若到銅臺上應憐魏寢荒

送臨津房少府

楊炯

岐路三秋別江津萬里長煙霞駐征蓋弦奏促飛觴階  
樹含斜日池風泛早涼贈言未終竟流涕忽霑裳

送豐城王少府

愁結亂如麻長天照落霞離亭隱喬樹溝水浸平沙左  
尉才何屈東關望漸賒行看轉牛斗持此報張華

送韋城李少府

張九齡

送客南昌尉離亭西候春野花看欲盡林鳥聽猶新別  
酒青門路歸軒白馬津相知無遠近萬里尚爲鄰

送宛句趙少府

解巾行作吏樽酒謝離居修竹含清景幸池澹碧虛地  
將幽興愜人與舊遊疎林下紛相送多逢長者車

送江陵黎少府

岑參

悔繫腰間綬翻爲膝下愁那堪漢水遠更值楚山秋新  
律詩 五言 卷二十七 二十六

摘香官舍征帆拂縣樓王程不敢住豈是愛荊州

夏初醴泉南樓送太康顏少府

何地堪相餞南樓出萬家可憐高處送遠見故人車野  
果新成子庭槐欲作花愛君兄弟好書向潁中誇

送劉少府遊越州

駱賓王

一丘余枕石三越爾懷鉛離亭分鶴蓋別岸指龍川背  
夏一作蟬聲斷來寒一作鴈影連如何溝水上樓斷聽

離弦

送顏少府投鄭陳州

岑參

一尉便垂白數年唯草玄出關策匹馬逆旅聞秋蟬愛

客多酒債罷官無俸錢知君羈思少所適主人賢

送郭少府

採得憂字

駱賓王

開筵枕<sup>一作</sup>德水輟棹艤仙舟貝闕桃花浪龍門竹箭  
流當歌悽別曲對酒泣離憂還望青門外空見白雲浮

送麴十少府

李白

試發清秋興因爲吳會吟碧雲歛海色流水折江心我  
有延陵劍君無陸賈金艱難此爲別惆悵一何深

送裴少府

張萬頃

夕膳望<sup>一作</sup>東周晨裝不少留酒中同樂事關外起離  
憂座濕秦山雨庭寒渭水秋何當鷹隼擊來拂故林遊

律詩

五言 卷二十七

二十七

白下驛餞唐少府

王勃

下驛窮交日昌亭旅食年相知何用早懷抱卽依然浦  
樓低晚照鄉路隔風煙去去如何道長安在日邊

送秘書虞校書赴虞鄉丞

岑參

花綬俯腰新關東縣欲春殘書厭科斗舊閣別麒麟虞  
坂臨官舍條山映吏人看君有知己坦腹向平津

送賈昇主簿之荊府

孟浩然

奉使推能者勸王不暫閒觀風隨按察乘騎度荆關送  
別登何處開筵舊峴山征軒明日遠空望郢門間

送崔主簿赴滄州

李嶠

紫陌追隨日青門相見時宦遊從此去離別幾年期芳  
桂中樽酒幽蘭下調詞他鄉有明月千里照相思

送蘇主簿赴偃師

張九齡

我與文雄別胡然邑吏歸賢人安下位驚鳥欲卑飛激  
節輕華冕移官徇綠衣美君行樂處從此拜庭闈

送崔主簿赴夏陽

岑參

常愛夏陽縣往年曾再過縣中饒白鳥郭外是黃河地  
近行程少家貧酒債多知君新稱意好得奈春何

送楊瞿張主簿之任

獨孤及

舊聞陽翟縣西接鳳高山作吏同仙隱知君處劇閒少

律詩

五言 卷二十七

二十八

年當効用遠道豈辭艱遲子揚名後方期綵服還

送盧主簿

王勃

窮途非所恨虛室自相依城闕居年滿琴樽俗事稀閒  
襟方未已分袂忽多違東巖富松竹歲暮幸同歸

送袁太祝尉豫章

孟浩然

何幸遇休明觀光來上京相逢武陵客獨送豫章行隨  
牒牽黃綬離羣會墨卿江南佳麗地山水舊難名

送張卿郎君赴硤石尉

岑參

卿家送愛子愁見灞頭春草美青袍色花隨黃綬新縣  
西函谷路城北大陽津日暮征鞍去東郊一片塵

送李郎尉武康

潘郎腰綬新霄上縣花春色低官舍湖光映吏人不須嫌邑小莫即恥家貧更作東征賦知君有老親

送張子尉南海

不擇南州尉高堂有老親樓臺重屨氣邑里雜鰥人海暗三山兩花明五嶺春此鄉多寶玉慎莫厭清貧

送裴二尉作尉永嘉

杜甫

孤嶼亭何處天涯水氣中故人官就此絕境與誰同隱吏逢梅福遊山憶謝公扁舟吾已就把釣待秋風

送人尉閩中

李頎

律詩

五言

二十九

可歎芳菲日分爲萬里情閨門折垂柳御苑聽殘鶯海戍通閩邑江航過楚城客心君莫問春草是王程

送友人尉蜀中

徐鼎

故友漢中尉請爲西蜀吟人家多種橘風土愛彈琴水向昆明濶山連一作通大夏深理閒無別事時寄一登臨

送柳錄事赴梁州

岑參

英掾柳家郎離亭酒甕香折腰思漢北隨傳過巴陽江樹連官舍山雲到臥牀知君歸夢積去去劍川長

送王七錄事赴虢州

早歲卽相知嗟君最後時青雲仍未達白髮欲成絲小

店關門樹長河華岳祠弘農人吏待莫使馬行遲

送虢州王錄事之任

獨孤及

謂子文章達當年羽翼高一經俄白首三命尚青袍未遇須臾安甲莫告勞盤根儻相值試用發矟刀

送謝錄事之越

孟浩然

清旦江天迴涼風西北吹白雲向吳會征帆亦相隨想到耶谿日應探禹穴奇仙書倘相示予在此一作山隄

送王錄事卻歸華陰

錄事自華陰尉校虢州錄事參軍旬日却復舊官

岑參

相送欲狂歌其如此別何攀轅人共惜解印日無多仙

律詩

五言

三十

掌雲重見關門路再過雙魚莫不寄縣外是黃河

東津送韋諷攝閩州錄事

杜甫

聞說江山好憐君吏隱兼寵行舟遠泛惜別酒頻添推薦非承乏操持必去嫌他時如按縣不得慢陶潛

送吳宣從事

孟浩然

才有幕中士一作寧一作畫無塞上勳漢兵將滅虜王粲始從軍旌旆邊庭去山川地脉分平生一七首感激贈夫君

送楊府李功曹

張九齡

平生屬良友結綬望光輝何知人事拙相與宦情非別

路穿林盡征帆際海歸居然已多意況復兩鄉違

送崔功曹赴越

高適

傳有東南別題詩報客居江山知不厭州縣復何如莫  
恨吳歛曲嘗一作當看越絕書今朝欲乘興隨爾食鱸魚

送段功曹之廣州

杜甫

南海春天外功曹幾月程峽雲籠樹小湖日蕩船一作落江  
明交趾丹砂重韶州白葛輕幸君因估一作客時奇錦

官城

送蜀郡李掾

岑參

飲酒俱未醉一言聊贈君功曹善爲政明主還應聞夜  
律詩五言 卷二十七 三十一

宿劍門月朝行巴水雲江城菊一作花發滿道香氣盈

錢張七珪任宗城

同產八人俱以才儲光義

他日曾遊魏魏家餘趾存可憐官殿所但見系綸繁此  
去拜新職爲榮近故園高陽八才子況復在君門

送陸協律赴端州

一作南州有贈賈至

越井人南去湘川水北流江邊數杯酒海內外一作孤

州嶠嶠同仙客京華卽舊遊春心將別恨萬里共悠悠

送羽林長孫將軍赴歙州

岑參

同竹向江濱能名計日聞隼旗新刺史虎劍舊將軍驛  
舫宿湖月州城浸海雲青門酒樓上欲別醉醺醺

送長孫將軍拜歙州之任

獨孤及

臨難敢橫行遭時取盛名五兵常典校四十又專城浪  
逐樓船破風從虎竹生島夷今可料繫頸有長纓

送田四弟將軍將夔州柏中丞命起居江陵節度

陽城郡王衛公幕

一作夔府送田將軍歸江陵杜甫

離筵罷多酒起地發寒塘回首中丞座馳箋異姓王燕  
辭楓樹日鴈度麥城霜空醉山翁酒遙憐似葛疆

送裴別將之安西

高適

絕域難踰跡悠然信馬蹄風塵驚一作經跋涉搖落怨睽  
攜地出流沙外天長甲子西少年無不可行矣莫悽悽

律詩五言

卷二十七

三十二

幸望春宮送朔方軍大總管張仁亶

李適

地限驕南牧天臨餞北征解衣延寵命橫劍總威名豹  
略恭宸旨雖文動睿情坐觀膜拜入朝夕受降城

前題

鄭愔

御蹕下都門軍麾出塞垣長楊誇武騎細柳接戎軒  
曲風雲動邊威鼓吹喧坐惟將闕外俱是報明恩

送李太保兼御史大夫充渭北節度使

岑參

詔出未央宮登壇近總戎上公周太保副一作相漢司

空弓抱關西月旗翻渭北風弟兄皆許國天地荷成功

送卿二翁統節度鎮軍還江陵

杜甫

大旗還錦纜白馬出江城嘹唳鳴一作笳發蕭條別浦

清寒空巫峽曙落日渭陽情一作留滯嗟衰疾何時見

息兵

送趙都督赴代州

得青字

王維

天官動將星漢上柳條青萬里鳴刁斗三軍出井陘忘

身辭鳳閣報國取龍庭豈學書生輩聽間老一經

廣州蕭都督入朝過岳州宴饒

得冬字 張說

孤城抱大江節使往朝宗果是臺中舊依然水上逢京

律詩

五言 卷二十七

三十三

華遙比日疲老颯如冬竊羨能言鳥銜恩向九重

送單于裴都護赴西河

崔顥

征馬出翩翩城秋月正圓單于莫近塞都護欲臨邊漢

驛通煙火胡沙泛

一作乏

井泉功成須獻捷未必去經年

送李大都護

常建

單于雖不戰都護事邊深君執幕中祕能為高士心游

頭近初月磧裏多愁陰西望郭猶子將分淚滿襟

送夏侯參軍赴廣州

賈至

聞道衡陽外由來鴈不飛送君從此去書信定應稀雲

海南溟遠煙波北渚微勉哉孫楚吏綵服正光輝

送越州裴參軍入京

孫逖

日落川徑寒離心苦未安客愁西向盡鄉夢北歸難霜

果林中變秋花水上殘明朝渡江後雲物向南看

送梓州高參軍還京

盧照隣

京洛風塵遠褒斜煙霧深北遊君似智南飛我異禽別

路琴聲斷秋山猿鳥吟一垂青巖酌空佇白雲心

送京兆韋參軍量移東陽

李白

聞說金華渡東連五百灘全勝若耶好莫道此行難猿

嘯千谿合松風五月寒他年一攜手搖艇入新安

送竇參軍

李頎

律詩

五言 卷二十七

三十四

城南送歸客舉酒對林巒暄鳥迎風嘯春衣度雨寒桃

花開翠幕柳色拂金鞍公子何時至無令芳草闌

送宇文三赴河西充行軍司馬

王維

橫吹雜繁笳邊風捲塞沙還聞田司馬更逐李輕車蒲

類成秦地莎車屬漢家當令犬戎國朝聘學昆邪

錢張郎中除義王府司馬

同盧明府 張園作

孟浩然

上國星

一作河列 一作賢王甲

一作第

開故人分職去

潘令寵行來冠蓋趨梁苑江山

一作失楚材

豫愁軒騎

動賓客散池臺

錢許州宋司馬赴任

徐堅

舊許星車轉神京祖帳開斷煙傷別望零雨送離杯辭  
燕依空遠賓鴻入聽哀分襟一作與秋氣日夕共悲哉

前題

薛稷

令弟與名兄高才振兩京別序聞鴻鴈離章動鶴鴒遠  
朋馳一作追翰墨勝地寫丹青風月相思夜勞望潁川星

前題

盧藏用

國爲休徵選輿因仲舉題山川襄野隔朋酒灞亭睽零  
雨征軒驚秋風別驥嘶驪歌一曲罷愁望正淒淒

前題

宋之問

潁郡水東流荀陳兄弟遊偏傷茲日遠獨向聚星州河  
律詩五言卷二十七 三十五

潤在明德人康非外求當聞力爲政遙慰我心愁

前題

李义

展驥旌時傑談雞美代賢暫離仙掖務追送近郊筵地  
慘金商節人康璧假田從來昆友事咸以佩刀傳

錢湖州薛司馬

宋之問

別駕促嚴程離筵多故情交深季作友義重伯爲兄鎮  
靜移吳俗風流在漢京會看陳仲舉從此拜公卿

錢荆州崔司馬

蘇頌

茂禮雕龍昔香名展驥初水連南海漲星拱北辰居稍  
發仙人履將題別駕輿明年徵拜入荆玉不藏諸

送趙司馬赴蜀州

宋之問

餞子西南望煙綿劍道微橋寒金鴈落林曙碧雞飛職  
拜輿方遠仙成履會歸定知和氏璧遙掩玉輪輝

送揚州王司馬

岑參

君家舊淮水水上到揚州海樹青官舍江雲黑郡樓東  
南隨去鳥人吏待行一作舟爲報吾兄道如今已白頭

巴西聞收京闕送班司馬入京

杜甫

聞道收京廟鳴鑾自陝歸傾都看黃屋正殿引朱衣劍  
外春天遠巴西救使一作賜稀念君經世亂匹馬向王畿

送司馬入京

律詩五言卷二十七

三十六

群盜至今日先朝忝從臣歎君能戀主久客美歸秦黃  
閣長司諫丹墀有故人向來論社稷爲話涕霑巾

餞王司馬入計

同用韻字

張九齡

元寮行上計舉餞出林丘忽望題輿遠空思解榻遊別  
筵鋪柳岸征棹倚蘆洲獨歎湘江水朝宗向北流

東湖臨泛錢王司馬

南上秋雖半東湖草未黃聊乘風日好來汎芰荷香蘭  
棹無勞速菱歌不厭長忽懷京洛去難與共清光

送李功曹之荆州充鄭侍御判官

杜甫

曾聞宋玉宅每欲到荆州此地生涯晚遙通一作水國



秋孤城一柱觀落日九江流使者雖光彩青楓遠自愁

送李補闕攝御史充河西判官 孫逖

昔年叨補袞邊地亦埋輪官序慙先達才名畏後人西戎雖獻款上策恥和親早赴前軍幕長清外城塵

送張判官赴河西 王維

單車曾出塞報國敢邀勳見逐張征虜今思霍冠軍沙平連白雪蓬卷入黃雲慷慨倚長劍高歌一送君

送李判官赴江東

聞道皇華使方隨阜蓋臣封章通左語冠冕化文身樹色分楊子潮聲滿富春遙知辨璧吏恩到泣珠人

律詩 五言 卷二十七 三十七

送周判官往台州 孫逖

吾宗長作賦登陸訪天台星使行看入雲仙意轉催飲水攀瓊瓊驅傳歷莓苔日暮東郊別真情去不迴

送平判官入秦 一作盧象 蔡毋潛

謫遠自安命三年已忘歸同聲一作願執手驛騎到門心屏云是帝鄉去軍書謁紫微曾爲金馬客向日淚沾衣

送廣州周判官 張九齡

海郡雄蠻落津亭壯越臺城隅百雉映水曲萬家開里樹枕榔出時禽翡翠來觀風猶未盡早晚使車迴

送靈州李判官 杜甫

羯胡腥四海回首一茫茫血戰乾坤赤氛迷日月黃將軍專策略幕府盛才良近賀中興主神兵動朔方

陝州月城樓送辛判官入秦 岑參

送客飛鳥外城頭樓最高樽前遇風雨臆裏動波濤詩帝向金殿隨身唯寶刃相思灞陵月祇有夢偏勞

磧西頭送李判官入京

一身從遠使萬里向安西漢月垂鄉淚胡沙費一作馬蹄尋河愁地盡過磧覺天低送子軍中飲家書醉裏題

送裴判官自賊中再歸河陽幕府

東郊未解圍忠義似君稀誤落胡塵裏能持漢節歸卷律詩 五言 卷二十七 三十八

簾山對酒上馬雪沾衣却向嫖姚幕翻去若飛

送獨孤判官 高適

餞君嗟遠別爲客念周旋征路今如此前軍猶眇然出關逢漢壁登隴望胡天亦是封侯地期君早著鞭

送王判官 徐安貞

明月開三峽花源出五谿城池青壁裏煙火綠林西不畏王程促唯愁仙路迷已東下歸棹莫待夜猿啼

送平澹然判官 王維

不識陽關路新從定遠侯黃雲斷春色畫角起邊愁瀚海經年到交河出塞流須令外國使知飲月氏頭

送董判官

高適

逢君說行邁，倚劍別交親。  
幕府爲才子，將軍作主人。  
近關多雨雪，出塞有風塵。  
長策須當用，男兒莫顧身。

送馮判官

碣石遼西地，漁陽朔北天。  
關山唯一道，雨雪盡三邊。  
才子方爲客，將軍正渴賢。  
遙知幕府下書記，日嗣翩翩。

送王十六判官

杜甫

客下荆南盡君今復入舟  
買薪猶白帝鳴榔少一作沙  
頭銜霍生春早瀟湘共海浮  
荒林庾信宅爲仗主人留  
鄂城西原送李判官兄武判官弟赴成都府

律詩五言

卷二十七

三十九

憑高送所親，久坐惜芳辰。  
遠水非無浪，他山自有春。  
野花隨處發，官柳著行新。  
天際傷愁別，離筵何太頻。

送劉司直赴安西幕府

王維

絕域陽關道，胡沙與塞塵。  
三春時有鴈，萬里少行人。  
昔隨天馬葡萄逐，漢臣當令外國懼。  
不敢覓和親。

送韋書記赴安西

杜甫

夫子欲通貴，雲泥相望懸。  
白頭無藉在，朱紱有哀憐。  
書記三捷公，車留五年欲。  
浮江海去此，別意茫然。

送薛植入京

張說

青組言從史，鴻都忽見求。  
欵言人向老，飲別歲方秋。  
髮

鬢長安陌平生是，舊遊何時復相遇。  
宛在水中流。

送相里造入京

李頎

子月過秦正，寒雲覆洛城。  
嗟君未得志，猶作苦辛行。  
煖酒嫌衣薄，瞻風候雨晴。  
春官含笑待，驅馬速前程。

送錢子入京

夜夢還京北，鄉心恨擣衣。  
朝逢入秦使，走馬喚君歸。  
驛路清霜下，關門黃葉稀。  
還家應信宿，看子速如飛。

送潘三入京

周瑒

故人嗟此別，相送出煙堦。  
柳色分官路，荷香入水亭。  
離歌未盡曲，酌酒共忘形。  
把手河橋上，孤山日暮青。

律詩五言

卷二十七

四十

秋日送尹大赴京  
序曰尹大官三冬業暢南臺  
而於青詩六郎四海情深飛桂  
樽而舉白于時苑東上龍火西  
流劍戶流波碎楚蓮於秋水金  
輝照岸秀陶荷於寒風西切  
送歸之情彌軫窮途之感重以  
清江帶雨送別之哀也

會於星津白雲在天望長安於  
路人之言也  
能不悲乎  
雖道術相望叶神交於聚府而  
離隔貴中必於翰林請振同  
四韻用慰九秋  
駱賓王

掛瓢余隱舜，負鼎爾干湯。  
竹葉離樽滿，桃花別路長。  
低河耿秋色，落月抱寒光。  
素書如可嗣，幽谷蛩賓行。

涪江泛舟送韋班歸京

得山字

杜甫

追餞同舟日，傷春一水間。  
飄零爲客久，衰老羨君還。  
花雜一作重重樹雲輕處處山  
天涯故人少，更憶一作翫

毛班

送殷大入蜀

陳子昂

禹一作蜀山金碧路此地饒英靈送君一爲別悽斷故鄉情片雲生極浦斜日隱離亭坐看征騎沒唯見遠山青

送友人入蜀

李白

見說蠶叢路崎嶇不易行山從人面起雲傍馬頭生芳樹籠秦棧春流遶蜀城升沈應已定不必訪一作問君平

禮泉東谿送程皓元鏡微入蜀

字得寒岑參

蜀郡路漫漫梁州過七盤二人來信宿一縣醉衣冠谿邊春衫冷林文宴席寒西南如噴酒遙向雨中看

律詩五言

卷二十七

四十二

公安送李二十九弟肅入蜀

時余下河鄂

杜甫

正解柴桑纜仍看蜀道行檣烏相背發塞鴈一行鳴南紀連銅柱西江接錦城憑將百錢卜飄泊問君平

送友人之新豐

劉希夷

日暮秋風起關山斷別情淚隨黃葉下愁向綠樽生野路歸驂轉河洲宿鳥驚賓遊寬旅宴王事促嚴程

送張祥之房陵

孟浩然

我家南渡頭一作隱慣習野人舟日夕弄清淺林湍逆上流山河一作鄢陵據形勝天地生豪酋君意在利往一作知

音韻自投

送蔡十二之海上

高適

黯然而所爲相對但一作益悲酸季弟念離別賢兄救急難河流水處盡海路雪中寒尚有南飛鴈知君不忍看

送塞秀才赴臨洮

悵望日千里如何今二毛猶思陽谷去莫厭隴山高倚馬見雄筆隨身唯寶刀料君終自致勲業在臨洮

送裴五赴東川

杜甫

故人亦流落高義動乾坤何日通燕塞相看老蜀門東行應暫別北望若銷魂凜凜悲秋意非君誰與論

律詩五言

卷二十七

四十二

送舍弟穎赴齊州

三首

岷嶺南蠻北徐關東海西此行何日到送汝萬行啼絕域惟高枕清風獨杖藜危時暫相見衰白意都迷

風塵暗不開汝去幾時來兄弟分離苦形容老病催江通一柱觀日落望鄉臺客意長東北齊州安在哉

諸姑今海畔兩弟亦山東去傷干戈竟來看道路通短衣防戰地匹馬逐秋風莫作俱流落長瞻碣石鴻

送丘爲往唐州

王維

宛洛有風塵君行多苦辛四愁連漢水百口寄隨人槐色陰清晝楊花惹暮春朝端肯相送天子繡衣臣

送元二適江左

杜甫

亂後今相見，秋深復遠行。  
風塵爲客日，江海送君情。  
晉室丹陽尹，公孫白帝城。  
經過自愛惜，取次莫論兵。  
都下送辛大之鄂

孟浩然

送人到安西

岑參

南國辛居士，言歸舊竹林。  
未逢調鼎用，徒有濟川心。  
予亦忘機者，田園在漢陰。  
因君故鄉去，遥寄式微吟。

律詩

五言 卷二十七

四十五

上馬帶胡鉤，翩翩度隴頭。  
小來思報國，不是愛封侯。  
萬里鄉爲夢，三邊月作愁。  
早須清黠虜，無事莫經秋。

送崔都水翁下峽

絕域三冬暮，浮生一病身。  
感深辭舅氏，別後見何人。  
經綯蒼梧帝，推遷孟母鄰。  
昏阻雲水側，空勞傷神。

送蘇倩遊天台

張子容

靈異尋滄海，笙歌訪翠微。  
水鷗迎共近，一作狎雲鶴待將飛。  
琪樹嘗仙果，瓊樓試羽衣。  
遙知神女問，獨怍阮郎歸。

送崔九興宗遊蜀

王維

送君從此去，轉覺故人稀。  
徒御猶回首，田園方掩扉。

門當旅食中路，授寒衣。江漢風流地，遊人何歲歸。

送人尋裴斐

儲光義

杜史迴清憲，謫居臨漢川。  
遲君千里駕，方外賞雲泉。  
路斷因春水，山深由暝煙。  
湘江見遊女，寄摘一枝蓮。

送二十二兄北遊尋羅中

岑參

斗柄欲東指，吾兄方北遊。  
無媒謁明主，失計干諸侯。  
夜雪入穿履，朝霜凝敝裘。  
遥知客舍飲，醉裏聞春鳩。

送袁十嶺南尋弟

孟浩然

早聞牛渚詠，今見鶴鵠心。  
羽翼嗟零落，悲鳴別故林。  
蒼煙白雲遠，空<sup>一作煙</sup>水洞庭深。  
萬里獨飛去，南風遲爾音。

律詩

五言 卷二十七

四十四

送孔周之南海謁王尚書

楊衡

泛棹送流萍，桂寒山更青。  
望雲生碧漢，看日下滄溟。  
潮盡收珠母，沙開拾翠翎。  
自趨龍戟下，再爲頌芳馨。

送沈芳謁李觀察求仕進

周萬

往日長安路，歡遊不惜年。  
爲貪盧女曲，用盡沈郎錢。  
身老方投刺，途窮始着鞭。  
猶聞有知己，此去不徒然。

送王伯倫應制授正字歸

岑參

當年最稱意，數子不如君。  
戰勝時偏許，名高人共<sup>一作總</sup>聞。  
半天城北雨，斜日灞西雲。  
科斗皆成字，無令錯古文。

送孟十二倉曹赴東京選

杜甫

君行別老親此去苦家貧藻鏡留連客江山憔悴人秋風楚竹冷夜雪聲梅春朝夕高堂念應宜綵服新

陪使君早春西亭送王贊府赴選 岑參

西亭繁五馬爲送故人歸客舍草新出關門花欲飛到來逢歲酒却去換春衣吏部應相待如君才調稀

餞李秀才赴舉

劉希夷

鴻鵠振羽翩翻飛入帝鄉朝鳴集銀樹暝宿下金塘日月天門近風煙夜路長自憐窮浦鴈歲歲不隨陽

送張子容進士舉

孟浩然

夕曛山照滅送客出柴門惆悵野中別殷勤岐路一作醉後

律詩 五言

卷二十七

四十五

言茂林子偃息喬木爾飛翻無使谷風誚須令友道存

送沈然弟進士舉

獻策金門去承歡綵服違以吾一日長念爾聚星稀定須溫席寒多未授衣桂枝如已摧早逐鴈南飛

同吳王送杜秀芝舉入京

李白

秀才何翩翩王許回也賢暫別廬江守將遊京兆人秋山宜落日秀木出寒煙欲折一枝桂還來鴈沼前

送薛彥偉擢第東歸

岑參

時輩似君稀青春戰勝歸名登都詵第身著老萊衣補意人皆羨還家馬若飛一枝誰不折棲萼獨相輝

送嚴詵擢第歸蜀

巴江秋月新閣道發征輪戰勝真才子名高動世人工文能似舅擢第去榮親十月天官待應須早赴秦

送蒲秀才擢第歸蜀

去馬疾如飛看君戰勝歸新登都詵第更看老萊衣漢水行人少巴山客舍稀向南風候暖臘月見春輝

送虞秀才擢第歸長沙

獨孤及

充賦名今遂安親事不違甲科文比玉歸路錦爲衣海運同鵬化風帆若鳥飛知君到三逕松菊有光輝

送賈起居奉使入洛取圖書因便拜觀

律詩 五言

卷二十七

四十六

蘇頌

舊國才因地當朝史命官遺文徵闕簡還思采芳蘭傳發關門候觴稱邑里歡早持京副入旋佇洛書川

送樊侍御史丹陽便觀

岑參

臥病窮巷晚忽驚驄馬來知君京口去借問幾時回驛舫江風引鄉書海鴈催慈親應倍喜愛子在霜臺

送張郎中赴隴右觀省卿公

時張郎中自蜀歸

中郎鳳一毛世上獨賢豪弱冠已銀印出身唯寶刀還家卿月迴度隴將星高幕下多相識邊書醉懶操

送常侍舒公歸觀

蘇頌

朝聞講藝餘晨省拜恩初訓胄尊庠序榮親耀里閭朱  
丹華轂送斑白綺筵舒江上春流滿還應薦躍魚

送李給事歸徐州觀省

孫遜

列位登青瑣還鄉復綵衣共言晨省日便是晝遊歸春  
水經梁宋晴山入海沂莫愁東路遠四牡正駢駢

送弘文李校書往漢南拜親

岑參

未識已先聞清辭果出羣如逢爾處士似見鮑參軍夢  
暗巴山雨家連漢水雲慈親思愛子幾度泣霑裙

送裴校書從大夫淄川觀省

尚書東出守愛子向青州一路通關樹孤城近海樓懷

律詩 五言

卷二十七

四十七

中江橘熟倚處戟門秋更奉輕軒去知君無客愁

送集賢學士伊闕史少府敕放歸江東觀省

一作  
蔡母

潛

陶翰

墨客鍾張侶材高吳越珍千門來謁帝駟馬去榮親吏  
邑沿清洛鄉山指白蘋歸期應不遠當及未央春

晚秋長沙蔡五侍御飲筵送殷六參軍歸澧州觀省

省

杜甫

佳士欣相識慈顏望遠遊甘從投轄飲肯作置書郵高  
鳥黃雲暮寒蟬碧樹秋湖南冬不雪吾病得淹留

送崔全被放歸都觀省

岑參

夫子不自衒世人知者稀來傾阮氏酒去着老萊衣渭  
北草新出關東花欲飛楚王猶自感宋玉且將歸

送張參明經舉兼向涇州觀省

孟浩然

十五綵衣年承歡慈母前孝廉因歲貢懷橘向秦川四  
座推文舉中郎許仲宣泛舟江上別誰不仰神仙

送滕元擢第歸蘇州拜親

岑參

送爾姑蘇客滄波秋正涼橘懷三箇去桂折一枝將作  
香湖上山當舍天邊水是鄉江村人事少時作捕魚郎

送王孝廉觀省

李白

彭蠡將天合姑蘇在日邊寧親候海色欲動孝廉船窈

律詩 五言

卷二十七

四十八

宛晴江轉參差遠岫連相思無晝夜東泣似長川

送友人下第歸省

殷遙

君此卜行日高堂應夢歸莫將和氏淚滴着老萊衣歎  
雨連河細田禽出麥飛到家調膳後吟好送斜暉

送崔三往密州觀省

王維

南陌去悠悠東郊不少留同懷扇枕戀獨念解倚門  
愁路遠天山雪家臨海樹秋魯連功未報且莫踟滯洲

送張直公歸南鄭拜省

岑參

夫子思何速世人皆歎奇萬言不加點七步猶嫌遲對  
酒落日後還家飛雪時北堂應久待鄉夢促征期

送杜士瞻楚州觀省

殷遙

風流與才思俱似晉時人  
淮月歸心促江花入興新  
雲深滄海暮柳暗白門春  
共道官猶小憐君孝養親

送王五昆季省覲

孟浩然

公子戀庭闈勞歌涉海沂  
水乘舟楫去親望老萊歸斜  
日催烏鳥清江照綠衣  
平生急難意遙仰鵲鵲飛

洛潭送人覲省

儲光義

清洛帶芝田東流入大川  
舟輕水復急別望杳如仙  
細草生春岸明霞散早天  
送君唯一曲當是白華篇

秦中送人覲省

律詩

五言

卷二十七

四十九

二月清江外遙遙餞故人  
南山晴有雪東陌無塵騎  
別章臺晚舟行洛水春  
知君梁苑去日見白華新

送友人歸省

王維

萬里春應盡三江鴈亦稀  
連天漢水廣孤客郢城歸  
郎國稻苗秀楚人菰米肥  
一作肥懸知倚門望遙識老萊衣

送鄭務拜伯父

綦川潛

名公作逐臣驅馬拂行塵  
舊國問郎子勞歌過郢人  
一川花送客二月柳宜春  
奉料竹林興寬懷此別晨

仲夏餞魏四河北覲叔

儲光義

落日臨御溝送君還北州  
樹涼征馬去路暝歸人愁  
吳

嶽夏雲盡渭河秋水流  
東籬摘芳菊想見竹林遊

送人覲省便成婚

張說

婚禮知無賀承家歎有輝  
親迎驥子躍吉兆鳳雛飛  
溫席開華扇梁門換褰衣  
遙思桃李日應賦採蘋歸

送楊千牛赴歲赴汝南郡覲省便成婚

得寒字

岑參

問吉轉征鞍安仁道姓潘  
歸期明主賜別酒故人歡  
珠箔障蠶暖狐裘耐臘寒  
汝南遙倚望早去及春盤

洛州蕭司兵謁兄還赴洛成禮

沈佺期

棠棣日光輝高襟應序歸  
來成鴻鴈聚去作鳳凰飛  
細

律詩

五言

卷二十七

五十一

草承輕傳驚花慘別衣  
灞亭春有酒岐路惜芬菲

送陝縣王主簿赴襄陽成親

岑參

六月商山道三星漢水邊  
求凰應不遠去馬騰須鞭  
野店愁中雨江城夢裏蟬  
襄陽多故事為我訪先賢

送桓子之郢成禮

孟浩然

聞君馳綵騎躑躅指南荆  
一作為結潘楊好言過鄢郢  
城標梅詩有已贈羔鴈禮  
將行今夜神仙女應來感

送族弟凝之滁求婚崔氏

李白

與爾情不淺忘筌已得魚  
玉臺挂寶鏡持此意何如  
旦



腹東牀下由來志氣疎遙知向前路擲果定盈車

送舍弟觀歸藍田迎新婦二首 杜甫

汝去迎妻子高秋念却迴卽今螢已亂好與鴈同來東

望西江永南遊北戶開卜居期靜處會有故人杯

楚塞難爲路藍田莫滯留衣裳一作冠判白露鞍馬信清

秋滿峽重江水開帆八月舟此時同一醉應在仲宣樓

送岳州李十從軍桂州 張說

送客之江上其人美且才風波萬里關故舊十年來劍

拔蛟隨斷弓張鳥自摧楊橋書落落驛馬定先迴

送魏大從軍 陳子昂

律詩五言 卷二十七 五十一

匈奴猶未滅魏絳復從戎悵別三河道言追六郡雄

山橫代北孤塞接雲中勿使燕然上惟留漢將功

漢臣功

送告八從軍 孟浩然

男兒一片氣何必五車書好勇方過我多才便起予迴

壽將入幕養拙就閒居正待功名遂從君繼兩踪

送人從軍 杜甫

弱水應無地陽關已盡天今君渡沙磧累月斷人煙好

武寧論命封侯不計年馬寒防失道雪沒錦鞍羈

送人之軍 賀知章

常經絕脉塞復見斷腸流送子成今別令人起昔悲隴

雲晴半雨邊草夏先秋萬里長城寄無貽漢國憂

送部四鎮人往單于別知故 徐九皋

天下今無事雲中獨未寧忝驅更戌卒方遠送邊庭馬

飲長城水軍占太白星國恩行可報何必守經營

送鄭侍御謫閩中 高適

謫去君無恨閩中我舊過大都秋鴈少只是夜猿多東

路雲山合南天瘴癘和自當逢雨露行矣慎風波

送張瑤貶五谿尉

他日維楨幹明時懸鎮鄧江山遙去國妻子獨還家離

律詩五言 卷二十七 五十二

別無嫌遠沈浮勿強嗟南登有詞賦知雨弔長沙

錢田尚書還兗州 張謂

忠義三朝許威名四海聞更乘歸魯詔猶憶破胡勲別

路逢霜兩行營對雪雲明朝郭門外長揖大將軍

送韋郎司直歸成都 杜甫

竄身來蜀地同病得韋郎天下兵戈滿江邊歲月長別

庭花欲暮春日鬢俱蒼爲問南路竹抽梢合過牆

送吏部李侍郎東歸 蘇頲

陌上有光輝披雲向洛畿賞來榮扈從別至惜分飛泉

溜含風急山煙帶日微茂曹今去矣人物喜東歸

送晁補闕歸日本國

趙驛

西掖承休澣東隅返故林來稱剡子學歸是越人吟馬  
上秋郊遠舟中曙海陰知君懷魏闕萬里獨搖心

送四鎮薛侍御東歸

岑參

相送淚沾衣天涯獨未歸將軍初得罪門客復何依夢  
去湖山閣書停隴鴈稀園林幸接近一爲到柴扉

送太子賓客賀知章歸四明

序曰天寶三年知章  
鑒止足之分抗歸老

之疏解組辭榮志期入道朕以其年在還暮用  
循挂冠之事俾遂赤松之遊正月五日將歸會  
稽遂餞東路乃命六卿庶尹大夫供帳青門龍  
行邁也豈惟崇德尚齒亦勵俗勸人無令二疏  
獨光漢冊乃賦詩贈行

玄宗

律詩

五言

卷二十七

五十三

遺榮期入道辭老竟抽簪豈不惜賢達其如高尚心寰  
中得秘要方外散幽襟獨有青門餞群僚悵別深

奉和

李林甫

挂冠知止足豈獨漢疏賢入道求真侶辭恩訪列仙睿

文舍日月宸翰動雲煙鶴駕吳鄉遠遙遙南斗邊

錢陳學士還江南

同用微字

張九齡

荷篠旋江渙銜杯餞霸陵別前林鳥息歸處海煙凝風  
土鄉情接雲山客念憑聖朝巖穴選應待鶴書徵

送岐州源長史歸

同在崔常侍幕  
中時常侍已歿

王維

握手一相送心悲安可論秋風正蕭索客散孟嘗門故

驛通槐里長亭下權原征西舊旌節從此向河源

送錢少府還藍田

草色日向好桃源人去稀手持平子賦目送老萊衣每  
候山櫻發時同海燕歸今年寒食酒應是一作得返柴扉

送劉郎將歸河東

同用邊字參曾北庭事趙中丞  
故末及之

岑參

借問虎賁將從軍凡幾年殺人寶刀缺走馬貂裘穿山  
雨醒別酒關雲迎渡船謝君賢主將豈忘輪臺邊

送張都尉東歸

白羽綠弓弦年年只在邊還家劍鋒盡出塞馬蹄穿逐

律詩

五言

卷二十七

五十四

虜西踰海平胡北到天封侯應不遠燕領豈徒然

送梁判官歸女几舊廬

女几知君憶春雲相逐歸草堂開藥裏苔壁取荷人七  
竹移時小新花舊處飛可憐真做吏塵事到山佈

送周子落第遊荆南

足下復不第家貧尋故人且傾湘南酒羞對關西塵山

店橘花發江城楓葉新若從巫峽過應見楚王神

送丘爲落第歸江東

王維

憐君不得意况復柳條春爲客黃金盡還家白髮新五  
湖三畝宅萬里一歸人知禰一作不能薦羞稱獻納臣

送孟孺卿落第歸濟陽

岑參

獻賦頭欲白還家衣已穿羞過灞陵樹歸種汶陽田客  
舍少鄉信牀頭無酒錢聖朝徒側席濟上獨遺賢

送張暉下第歸江東

蕭穎士

俱飛仍失路綵服邇清波地積東南美朝遺甲乙科客  
愁千里別春色五湖多明日舊山去其如相望何

送胡象落第歸王屋別業

岑參

看君尚少年不第莫悽然可卽疲獻賦山村歸種田野  
花迎短褐河柳拂長鞭置酒聊相送青門一醉眠

送杜佐下第歸陸渾別業

律詩 五言

卷二十七

五十五

正月今一作初欲半陸渾花未開出關見青草春色正東  
來夫子且歸去明時方愛才還須及秋賦莫卽隱嵩萊

送章彝下第

蔡母潛

長安渭一作灞橋路行客別時心獻賦溫泉卑無媒魏闕  
深黃鶯啼就馬白日暗歸林三十名未立君還惜寸陰

送費六還蜀

駱賓王

星樓望蜀道月峽指吳門萬行流別淚九折切驚魂雪  
影含花落雲陰帶葉昏還愁三徑晚獨對一清尊

送嚴秀才還蜀

王維

寧親爲令子似舅卽賢甥別路經花縣還鄉入錦城山

臨青塞斷江向白雲平獻賦何時至明君憶長卿

送顧朝陽還吳

李頎

寂寞俱不偶褰糧空入秦宦途已可識歸臥包山春舊  
國指飛鳥滄波愁旅人開樽洛水上怨別柳花新

送陳七還廣陵

萬齊融

風流誰代子雖有舊無雙歡酒言相送愁弦意不降落  
花馥河道垂楊拂水颭海潮與春夢朝夕廣陵江

送儲十二還莊城

蔡母潛

西坂何繚繞青林問子家天寒噪野雀日晚度城鴉寂  
歷道傍樹墮曉曉原上霞茲情不可說長恨隱淪賒

律詩 五言

卷二十七

五十六

送張五諶歸宣城

王維

五湖千萬里况復五湖西漁浦南陵郭人家林穀歛欲  
歸江淼淼未到草萋萋憶想蘭陵鎮可宜儂吏一作客啼

送孟六歸襄陽

一作客

杜門不復一作欲出久與世情疎以此爲長策勸君歸舊  
廬醉歌田舍酒笑讀古人書好是一生事無勞獻子虛

送孟浩然歸襄陽

張子容

東越相逢地西亭送別津風濤一作潮看解纜雲一作海  
去愁人鄉在桃林岸山一作江連楓樹春因懷故園意歸

與孟家鄰

送梁四歸東平

李白

玉壺挈美酒送別強爲歡  
大火南星月長郊北路難  
殷王期負鼎汶水起垂竿  
莫學東山臥參差老謝安

送竇九歸成都

杜甫

文章亦不盡竇子才縱橫  
非爾更苦持一節何人符大  
名讀書雲閣觀問絹錦官城  
我有浣花竹題詩須一行

送人歸河南

李頎

梅花今正發失路復何如  
舊國雲山在新年風景餘  
春饒漢陽夢日寄武陵書  
可卽明時老臨川莫羨魚

送人歸江寧

岑參

律詩五言 卷二十七 五十七  
楚客憶鄉信向家湖水長  
往愁春草綠去喜桂枝香  
海月迎歸楚江雲引到鄉  
吾兄應借問爲報鬢毛霜

送客歸吳

李白

江村秋雨歇酒盡一帆飛  
路歷波濤去家唯坐臥歸  
島花開灼灼汀柳細依依  
別後無餘事還應掃釣磯

早春潤州送從弟還鄉

孟浩然

兄弟遊吳國庭闈戀楚關  
已多新歲感更饒白眉還  
歸泛西江水離筵北固山  
鄉園欲有贈梅柳着先攀

秋夜送閻五還潤州

序曰閻五官言送維系修途  
漆開筵浮白玉之尊于時  
壁彩澄虛漏輕光於雲葉  
挂陰散迴搖碎影於風梧  
雖桂蘭蘭缸暫

施留於一夕而青山黃鶴將惆悵於九秋請勒  
四言俱伸五際

駱賓王

通莊抵舊里溝水泣新知  
斷雲飄易滯連露積難披  
素風啼一作迴壅驚月繞  
疎枝無力勵短翰輕舉送  
長離

洛中送奚三還揚州

孟浩然

水國無邊際舟行共使風  
羨君從此去朝夕見鄉中  
予亦離家久南行恨不同  
音書若有問江上會相通

洛中送人還江東

儲光羲

洛城春雨霽相送下江鄉  
樹綠天津道山明伊水陽  
孤舟從此去客思一何長  
直望清波裏唯餘落日光

律詩五言

卷二十七

五十八

湓水東店送唐子歸高陽

岑參

野店臨官路重城壓御隄  
山開潮水北雨過杜陵西  
歸夢秋能作鄉書醉懶題  
橋回忽不見征馬尚聞嘶

送鄭堪歸東京汜水別業

得間字

客舍見春草忽聞思舊山  
看君灞陵去匹馬成羣還  
對酒風與雪向家河復關  
因悲宦遊子終歲無時間

送陳子歸陸渾別業

雖不舊相識知君丞相家  
故園伊川上夜夢方山花  
種藥畏春過出關愁路賒  
青門酒壚別日暮東城鴉

閔鄉送上官秀才歸關西別業

風塵奈汝爾一作何終日獨波波親老無官養家貧在外  
多醉眠輕白髮春夢渡黃河相去關城一作近何時更  
肯過

送惠二歸故居

杜甫

惠子白駒瘦歸谿惟病身皇天無老眼空谷滯斯人崖  
蜜松花熱山杯竹葉新一作柴門了生事黃綺未稱臣

送楊處士反初卜居曲江

楊炯

鴈門歸去遠垂老脫袈裟蕭寺休爲客一作曹谿便寄  
家綠琪千歲樹黃槿四時花別怨應無限門前桂水斜

錢駱四二首

李嶠

律詩

卷二十七

五十九

平生何以樂斗酒夜相逢曲中驚別緒醉裏失愁容星  
月懸秋漢風霜入曙鐘明日臨溝水青山幾萬重  
甲第驅車入良宵秉燭遊人追竹林會酒獻菊花秋霜  
吹飄無已星河漫不流重嗟歡賞地翻召別離憂

送宋五之問得涼字

駱賓王

願言遊泗水支離去二漳道術君所篤竿蹄余自忘霜  
威侵竹冷秋爽帶池涼欲驗離襟切岐路在他鄉

送杜審言

宋之問

臥病人事絕聞一作君萬里行河橋不相送江樹遠含  
情別路追孫楚維舟弔屈平可惜龍泉劍流落在豐城

送李邕

李嶠

落日荒郊外風景正淒淒離人席上起征馬路傍嘶別  
酒傾壺贈行書掩淚題殷勤御溝水從此各東西

送王光庭

張說

同居洛陽陌經日嬾相求及爾江湖去念一作別悵悠  
悠楚雲眇羈翼海月倦行舟愛而不可見徒嗟芳歲流

送崔興宗

王維

已恨親皆遠誰憐友復稀君王未西顧遊宦盡東歸塞  
迴山河淨天長雲樹微方同菊花節相待洛陽扉

送孫二

律詩

卷二十七

六十

郊外誰相送夫君道術親書生鄒魯客才子洛陽人祖  
席依寒草行車起暮塵山川何寂寞長望淚沾巾

送崔遇

孟浩然

片玉來誇楚治中作主人江山增潤色詞賦動陽春別  
館當虛敞離情任吐伸因聲兩京舊誰念臥漳濱

送席大

惜爾懷其寶迷邦倦客遊江山歷全楚河洛越成周道  
路疲千里鄉園老一丘知君命不偶同病亦同憂

送魏八

高適

更沽淇上酒還泛驛前舟爲惜故人去復憐嘶馬愁雲

山行處合風雨興中秋此路無知己明珠莫暗投

送顏韶

得飛字

岑參

遷客猶未老聖朝今復歸一從襄陽住幾度梨花飛世事了可見憐君人亦稀相逢貪醉臥未得作春衣

送楊子

斗酒渭城邊爐頭耐醉眠梨花千樹雪楊葉萬條煙惜別添一作壺酒臨岐分贈馬鞭看君頰上去新月到家圓

家圓

送侯十一

李白

朱亥已擊晉侯嬴尚隱身時無魏公子豈貴抱關人余律詩五言卷二十七 六十一

亦不火食遊梁同在陳空餘湛盧劍贈爾托交親

送殷淑

二首

海水不可解連江夜爲潮俄然浦嶼闊岸去酒船遙惜別耐取醉鳴榔且長謠天明爾當去應便有風飄

白露洲前月天明送客迴青龍山後日早出海雲來流水無情去征帆逐吹開相看不忍別更進手中杯

送孫秀才

一作王維

王維

帝城風日好况復建平家玉枕雙紋簾金盤五色瓜山中無魯酒松下飯胡麻莫厭田家苦歸期遠復賒

送宋秀才

綦毋潛

冠古稱榮盛當時數戟門舊交丞相子繼世五侯孫長劍倚天外短書盈萬言秋風一送別江上黯消魂

送盧逸人

李頎

洛陽爲此別攜手更何時不復人間見祇應海上期清谿入雲木白首臥茅茨共惜盧敖去天邊望所思

送李員外賢耶

王維

少年何處去負米上銅梁借問阿戎父知爲童子耶魚腹請詩賦槿布作衣裳薏苡扶衰病歸來幸可將

送賀遂負外甥

南國有歸舟荆門泝上流蒼茫葭菼外雲水與昭丘櫓律詩五言卷二十七 六十二

帶城烏去江連暮雨愁猿聲不可聽莫待楚山秋

送客

陳子昂

故人洞庭去楊柳春風生相送河洲晚蒼茫別思盈白蘋已堪把綠芷復含榮江南多桂樹歸客贈生平

送友人

李白

青山橫北郭白水遶東城此地一爲別孤蓬萬里征浮雲遊子意落日故人情揮手自茲去蕭蕭班馬鳴

送遠

杜甫

帶甲滿天地胡爲君遠行親朋盡一哭鞍馬去孤城草木歲月晚關河霜雪清別離已昨一作日因見古

人情

春晦餞陶七於江南

同用風字序曰蜀江分袂巴山望別南津坐恨數仙帆之方遲北渚長懷兄離亭之欲晚白雲去矣

懷矣能無贈乎同賦一言俱題四陳子昂

黃鶴煙雲

一作霞

去青江琴酒同離帆方楚越溝水復西

東芙蓉生夏浦楊柳送春風明日相思處應對菊花叢

秋日送侯四

得彈字

駱賓王

我留安豹隱君去學鵬搏岐路分襟易風雲促膝難夕

漲流波急秋山落日寒惟有思歸引悽斷爲君彈

在兗州餞宋五之問

律詩

五言

卷二十

六十三

淮沂泗水北梁甫汶陽東別路青驪遠離樽綠蟻空柳

寒凋密翠棠晚落疎紅別後相思曲悽斷入琴風

河西送李十七

高適

邊城多遠別此去莫徒然問禮知才子登科及少年出

門看落日驅馬向秋天高價人爭重行當早着鞭

豐頭送蔣侯

岑參

君住澧水北我家澧水西兩村辨喬木五里聞鳴鷄飲

酒溪雨過彈碁山月低徒開蔣生徑爾去誰相攜

奉濟驛送嚴公

杜甫

遠送從此別青山空復情幾時杯重把昨夜月同行列

郡謳歌惜三朝出入榮江村獨歸處寂寞養殘生

南樓送衛憑

得歸字

岑參

近縣多過

一作來

客似君誠亦稀南樓取涼好便送故人

歸鳥向望中滅雨侵晴處飛應須乘月去且爲解征衣

隨章留後新亭會送諸君

杜甫

新亭有高會行子得良時日動映江幕風鳴排檻旗絕

葦終不改勸酒欲無詞已墮峴山淚因題零雨詩

李舍人山園送麗邵

沈佺期

符傳有光輝誼誼出帝畿東鄰借山水南陌駐驂駢握

手涼風至當歌秋日微高幃去勿緩人吏待霜威

律詩

五言

卷二十七

六十四

泛江送客

杜甫

二月頻送客東津江欲平煙花山際重舟楫浪前輕淚

逐勸杯落愁連吹笛生離筵不隔日那得易爲情

南陽送客

李白

斗酒勿爲薄寸心貴不忘坐惜故人去偏令遊子傷離

顏怨芳草春思結垂楊揮手再三別臨岐空斷腸

送李別將攝伊吾今充使赴武威便寄崔員外

岑參

詞賦滿書囊胡爲在戰場行間脫寶劍邑里挂銅章馬

疾飛千里鳧飛向五涼遙知竹林下星使對星郎



泛江送魏十八倉曹還京因寄岑中允參范郎中  
季明

杜甫

遲日深江水輕舟送別筵帝鄉愁緒外春色淚痕邊見  
酒須相憶將詩莫浪傳若逢岑與范爲報各衰年  
春晚送瑕丘田少府還任因寄洛中鏡上人

蘇頌

聞道還沂上因聲寄洛濱別時花欲盡歸處酒應春聚  
散同行客悲歡屬故人少年追樂地遙贈一霑巾

送賈恒明府兼寄溫張二司戶 綦毋潛

越客新安別秦人舊國情舟乘晚風便月帶上潮平花

律詩 五言 卷二十七

六十五

路西施石雲峰句踐城明州報兩掾相憶二毛生

送江陵泉少府赴任便呈衛荊州 岑參

神仙吏姓梅人吏待君來渭北草新出江南花已開城

邊宋玉宅峽口楚王臺不畏無知己荆州甚愛才

送張參軍赴蜀川因呈楊侍御 杜甫

好去張公子通家別恨添兩行秦樹直萬點蜀山尖御

史新驄馬參軍舊紫髯皇華吾善處於汝定無嫌

送縣州李司馬歸京因呈李兵部 岑參

久客厭江月罷官思早歸眼看春光老羞見梨花飛劍

北山居小巴南音信稀因君報兵部愁淚日沾衣

送郭司馬赴伊吾郡請示李明府

安西美少年脫劍卸弓弦不倚將軍勢皆稱司馬賢秋

山城北面古治郡東邊池一作上舟中月過思李郭仙

送崔員外入秦因訪故園

欲謁明光殿先應一作趨建禮門仙郎去得意亞相正承

恩竹裏巴山道花間漢水源憑將兩行淚爲訪邵平園

送別

李百藥

眷言一杯酒悽愴起離憂夜花飄露氣暗水急還流鴈

行遙上月蟲聲迴映秋明日河梁上誰與論仙舟

送別

李嶠

律詩 五言 卷二十七

六十六

岐路方爲客芳樽暫解顏人隨轉蓬去春在落梅還白

雲渡汾水黃河繞晉關離心不可問宿昔甘成

送別

李白

水色南天遠舟行若在虛選入發佳興暮子焉開居日

落看飛一作鳥潭澄憐躍魚聖朝思賢前應降紫

泥書

秋日送別

賈至

寂寞心事晚搖落歲時秋共此傷年髮相看惜去留當

歌應破涕哀命返窮愁別後能相憶東陵有故侯

渡荆門送別

李白

渡遠荆門外來從楚國遊山隨平野盡江入大荒流月  
下飛天鏡雲生結海樓仍憐故鄉水萬里送行舟

通化門外送別

張九齡

屢別容華改長愁意緒微義將私愛隔情與故人歸薄  
宦無時賞勞生有事機離魂今夕夢先繞舊林飛

洛陽東門送別

儲光義

東城別故人臘月遲芳辰不惜孤舟去其如兩地春花  
明洛陽苑水綠小平津是日不相見鶯聲徒自新

洛橋送別

河橋送客舟河水正安流遠見輕橈動遙憐故國遊海

律詩

卷二十七

六十七

禽逢早鴈江月值新秋一聽南津曲分明散別愁

羈遊餞別

王勃

客心懸隴路遊子倦

一作倦

江干權豐

一作朝

砌靜餘密

夜牕寒琴聲銷別恨風景駐離歡寧竟山川遠悠悠旅  
思難

漢江宴別

宋之問

漢廣不分天舟移杳若仙秋

一作林

虹映晚日江鶴弄晴

烟積水浮冠蓋遙風逐管絃嬉遊不可極留恨此山川

岳陽樓宴別王員外貶長沙

一作南

賈至

極浦三春草高樓萬里心楚山晴靄碧湘水暮流深忽

與朝中舊同爲澤畔吟停杯試北望還欲淚沾巾

宴郭校書因之有別

高適

綵服趨庭訓分交載酒過芸香名早著蓬轉事仍多苦  
戰

一作苦

知機息窮愁奈別何雲霄莫相待年將已蹉跎

岳州宴別潭州王熊二首

張說

絲管清且哀一曲傾一杯氣將然諾重心向友朋開古  
木無生意寒雲若死灰贈君芳杜草爲植建章臺

縉雲連省閣溝水遶西東然諾心猶在榮華歲不同孤  
城臨楚塞遠樹入秦宮誰念三千里江潭一老翁

巫山縣汾州唐使君十八弟宴別兼諸公攜酒樂

律詩

卷二十七

六十八

相送率題小詩留于屋壁

杜甫

臥病巴東久今年強作歸故人前遠謫茲日倍多違接  
宴身兼杖聽歌淚滿衣諸公不相棄權別借光輝

岳州別趙國公王十一墀入朝

張說

昔濫貂蟬長同承雨露霏今泰魚鱉守望美洞庭歸浦  
樹懸秋影江雲燒落

一作輝

離魂似征帆

帝鄉飛

奉別張燕公

王勃

五載朝天子三相逢舊僚扁舟方輟棹清論遂終朝遠  
樹烟間沒長江地際遙帝城馳夢想歸帆滿風颿

端州別袁侍郎

宋之問

合浦塗未極端谿行暫臨淚來空泣臉愁至不知心客  
醉山月靜猿啼江樹深明朝共分手之子愛千金

別宋常侍

遊人杜陵北送客漢川東無論去與住俱一作是一飄

蓬秋鬢含霜白衰顏倚酒紅別有相思處啼鳥維夜風

郡江南上別孫侍御

張九齡

雲嶂天涯盡川途海縣窮何言此地僻忽與故人同身

負邦君弩情紆御史驄王程不我駐離思逐秋風

長沙別李六侍御

賈至

律詩 五言 卷二十七

六十九

月明湘水白霜落洞庭乾放逐長沙外相逢路正難雲  
歸帝鄉遠鴈報朔方寒此別盈襟淚雍門不假彈

別劉大校書

高適

昔日京華去知君才望新應猶作賦好莫歎在官貧且  
復傷遠別不然愁此身清風一作青楓幾萬里江上一歸人

落第西還別劉祭酒高明府

陳子昂

別館分周國歸驂入漢京地連函谷塞川接廣陽城望

迴樓臺出途遙煙霧生莫言長落羽貧賤一交情

秋日別王長史

王勃

別路長一作餘千里深恩重百年正悲西候日更動北梁

篇野色籠寒霧山光斂暮煙終知難再奉懷德自潸然

渡吳江別王長史

宋之問

倚棹望茲川銷魂獨黯黯鄉連江北樹雲斷日南天劍

別龍初沒書成鴈不傳離舟意無限催渡復催年

別韋兵曹

高適

離別長千里相逢數十年此心應不變他事已徒然惆

悵春光裏蹉跎柳色前逢時當自取看爾欲先鞭

奉別張岳州說二首

王熊

長沙辭舊國洞庭逢故人薰蘭敦久要披霧轉相親歲

月空嗟老江山不惜春忽聞黃鶴曲更作白頭新

律詩 五言 卷二十七

七十

平生共風月倏忽間山川不期交淡水暫得欸忘年興  
逸方罷釣帆開欲解船離心若危旆朝夕爲君懸

別竇使君

杜甫

向晚波微綠連空岸脚青日兼春有暮愁與醉無醒漂  
泊猶盃酒踟躕此驛亭相看萬里別同是一浮萍

別張少府

高適

歸客留不住朝雲縱復橫馬頭向春草斗柄臨高城嗟

我久離別羨君看弟兄歸心更難道回首一傷情

別崔少府

知君少得意汶上掩柴扉寒食仍留火春風未授衣皆

言黃綬屈早向青雲飛借問他鄉事今年歸不歸

相州前池別許鄭二判官

張說

數步圓塘水雙鴻戢羽儀一飛喬木上一返故林垂淡  
泊含秋景虛明抱夜規無因留絕翰雲海意差池

祁四再赴江南別詩

岑參

萬里來又去三湘東復西別多人換鬢行遠馬穿蹄山  
驛秋雲冷江帆暮雨低憐君不解說相憶在書題

別儲邕之剡中

李白

借問剡中道東南指越鄉舟從廣陵去水入會稽長竹  
色谿下綠荷花鏡裏香辭君向天姥拂石臥秋霜

律詩

卷二十七

七十一

南中別蔣五岑向青州

張說

老親依北海賤子棄南荒有淚皆成血無聲不斷腸此  
中逢故友彼地送還鄉願作楓林一作葉隨君度洛陽

岳州別姚司馬紹之制許歸侍

和王悲無已長沙宦不成天從扇枕願人遂倚門情方

外懷司馬江東憶步兵問君栖泊處空嶺夜猿驚

落第西還別魏四慄

陳子昂

轉蓬方不定落羽自驚絃山水一爲別歡娛復幾年離  
亭暗風雨征路入雲煙還因北山逕歸守東陂田

別薛華

王勃

送送多窮路遑遑獨問津悲涼千里道悵斷百年身心  
事同漂泊生涯共苦辛無論去與住俱是夢中人

重別薛華

明月沈珠浦秋風濯錦川樓臺臨絕岸洲渚亘長天旅  
泊成千里棲遑共百年窮途惟有淚還望獨潸然

別李嶠

得勝字

駱賓王

芳樽徒自滿別恨轉難勝客似遊江岸人疑上灞陵寒  
更承夜永涼景向秋澄離心何以贈自有玉壺冰

別韋五

高適

徒然酌杯酒不覺散人愁相識仍遠別欲歸翻旅遊夏

律詩

卷二十七

七十二

雲滿郊甸明月照河洲莫恨征途遠東看漳水流

別孫訢

離人去復留白馬黑貂裘屈指論前事停鞭惜舊遊帝  
鄉那可忘旅館日堪愁誰念無知已年年睢水流

別王八

征馬嘶長路離人挹佩刀客來東道遠歸去北風高特  
候何蕭索鄉心更正一作鬱陶傳君遇知已行日有綈袍

別常徵君

杜甫

兒扶猶杖策臥病一秋強白髮少新洗寒衣寬總長故  
人憂見及此別淚相忘各逐萍流轉來書細作行

別從甥萬盈

高適

諸生曰萬盈四十乃知名宅相予偏重家丘人莫輕美  
才應自料苦節豈無成莫以山田薄今春又不耕

別睢陽故人

張謂

少小客遊梁依然似故鄉城池經戰陣人物恨存亡夏  
雨桑條綠秋風麥穗黃有書無寄處相送一沾裳

春夜別友人

陳子昂

銀燭吐青煙金樽對綺筵離堂思翠瑟別路遶山川明  
月隱一作影高樹長河沒曉天悠悠洛陽道一作去此會在何年

律詩 五言 卷二十七

七十三

紫塞白雲斷青春明月初對此芳樽夜離憂悵有餘清  
冷花露滿滴瀝簷宇虛懷君欲何贈願上大匡書

京還別新豐友

孟浩然

吾道昧所適驅車還向東主人開舊館留客醉新豐樹  
繞溫泉綠塵遮晚日紅拂衣從此去高步躡華嵩

初出濟州別城中故人

王維

徵官易得罪謫去濟川陰執政方持法明君無一作照此  
心間問河潤上井邑海雲深縱有歸來日各一作愁年

鬢侵

遂州南江別鄉曲故人

陳子昂

楚江復爲客征棹方悠悠故人憫追送置酒此南洲平  
生亦何恨夙昔在林丘違此鄉山別長謠去國愁

幽州別陰長河行先

張說

患好交情重辛勤世事多荆南久爲別薊北遠來過寄  
目雲中鳥留歡酒上歌影移聲復聞遲暮兩如何

端州別高六戢

異壤同羈竄途中喜共過愁來時舉酒勞罷或長歌南  
海風潮壯西江瘴癘多於焉復分手此別傷如何

廣陵別鄭處士

高適

落日知分手春風莫斷腸興來無不愜才在亦何傷谿  
水堪垂釣江田耐插秧人生只爲此亦足傲羲皇

廣陵別薛八

一題作送友東歸

孟浩然

士有不得志栖栖吳楚間廣陵相遇罷彭蠡泛舟還  
出江中樹波連海上山風帆明日遠何處更追攀

京口別王四誼

儲光羲

江上楓林秋江中秋水流清晨惜分袂秋日尚同舟落  
潮洗魚浦傾荷枕驛樓明年菊花熟東洛汎觴遊

永嘉別張子容

孟浩然

舊國余歸楚新年子北征挂帆愁海路分手戀朋情日  
夕故園意汀洲春草生何時一杯酒重與季鷹傾

江夏別宋之悌

李白

楚水清若空，遙將碧海通。人分千里外，興在一杯中。谷鳥吟晴日，江猿嘯晚風。平生不下淚，於此泣無窮。

南中別陳七李十

張說

二年共遊處，一旦各西東。請君聊駐馬，看我轉征蓬。畫鵲愁南海，離駒思北風。何時似一作春鴈雙入上林中。

南中別王陵成崇

握手與君別，岐路贈一言。曹卿禮公子，楚媼饋王孫。修爾生六翮，翻飛戾九門。常懷客鳥意，會答主人恩。

桂州與陳羽念別

楊衡

律詩

五言

卷二十七

七十六

慘戚損志抱，因君時解顏。重歡念今夕，復在幾之間。岩桂水連海，蒼梧雲滿山。茫茫從此去，何路入秦關。

岳州別子均

張說

離筵非讌喜，別酒正銷魂。念汝猶童穉，嗟予隔遠藩。津亭拔心草，江路斷腸猿。他日將何見，愁來獨倚門。

南陵五松山別荀七

李白

軒昂穎水荷，何慚許都賓。相逢太史奏，應是聚賢人。王隱且在石，蘭枯還見春。俄成萬里別，立德貴清真。

桐桑驛喜逢嚴河南中丞便別

岑參

駟馬映花枝，人人夾路窺。離心且莫問，春草白應知。不

謂青雲客，猶思紫禁時。別君能幾日，看取髮成絲。

魏十四侍御就敝廬相別

杜甫

有客騎驄馬，江邊問草堂。遠尋留藥價，惜別到文場。入幕旌旗動，歸軒錦繡香。時應念衰疾，書跡疏一作及滄浪。

船下夔州郭宿雨濕不得上岸別王十二判官

依沙宿舸船，石瀨月娟娟。風起春燈亂，江鳴夜雨懸。晨鍾雲外濕，勝地石堂煙。柔櫓輕鷗外，含悽覺汝賢。

別崔湜因寄薛據孟雲卿

志士惜妄動，知深難固辭。如何久磨礪，但取不磷緇。風夜聽憂主，飛騰急濟時。荆州遇薛孟，爲報欲論詩。

律詩

五言

卷二十七

贈韋贊善別

扶病送君發，自憐猶不歸。祗應盡客淚，復作掩荆扉。江漢故人少，音書從此稀。往還二十載，歲晚寸心違。

巫峽敝廬贈侍御四舅別之澧朗

江城秋日月，一作落山鬼閉門。行李淹吾舅，殊茅問老翁。亦眉猶世亂，青眼只途窮。傳語桃源客，人今出處同。

贈別鄭判官

李白

第逐勿復哀，慙君問寒灰。浮雲本無意，吹落華臺遠。別淚空盡長，愁心已摧三年吟。澤畔顛顛幾時迴。

贈別鄭鍊赴襄陽

杜甫

戎馬交馳際柴門老病身把君詩過目一作念此別驚  
神地閣峨眉晚一作曉天高峴首春爲於耆舊內試覓姓  
龐人

贈別何邕

生死論交地何由一見人悲君隨燕雀薄宦走風塵綿  
谷元通漢沱江不向秦五陵花滿眼傳語故鄉春

贈別褚山人

高適

攜手贈將行山人道姓名光陰薊子訓才術褚先生牆  
上梨花白樽中桂酒清洛陽無二價猶是慕風聲

還京贈別

盧照隣

律詩

卷二十七

七十七

風月清江夜山水白雲朝萬里同爲客三秋契不凋  
戲鳥分斷岸歸騎別高標一去仙橋道還望錦城道

廣陵贈別

李白

玉一作金瓶沽美酒數里送君還繫馬垂楊下衛杯大道  
間天邊看淥水海上見青山興罷各分袂何須醉別顏

江上贈別

萬齊賢

東南飛鳥處言是故鄉天上風花晚君行定幾千計  
程頻破月數別屢開年明歲潯陽水相思寄來蓮

潭州留別杜員外院長

韋迢

江畔長沙驛相逢纜客船大名詩獨步小郡海西偏地

濕愁飛鵬天炎畏跼去留俱失意把臂共潸然  
京口留別徐大補闕趙二零陵 儲光羲

皇州月初曉處處鼓鐘喧樹出蓬萊殿城開闔闔門近  
臣朝瑣闥詞客向文園獨有三川一作路空傷遊子魂

留別賈嚴二閣老兩院補闕

得剛字 杜甫

田園須暫住一作戎馬惜離群去遠留詩別愁多任酒  
醺一秋常苦雨今日始無雲山路晴一作時吹角那堪處  
處聞

夕次襄邑留別省中故人

劉復

何處成吾道經年遠路中客心猶向北河水自歸東古

律詩

卷二十七

七十八

成鳴寒角疎林振夕風輕舟難載月那與故人同

留別王侍御維

孟浩然

寂寂竟何待朝朝空自歸欲尋芳草去惜與故人違當  
路誰相假知音世所稀祗應守索寞還掩故園扉

留別張御史張判官

張說

旅鼠南方遠傳聞北使來舊庭知玉樹合浦識珠胎白  
髮因愁改丹誠託夢迴皇恩若再造爲憶不然灰

留別安慶李太守

儲光羲

明牧念行子又言悲解攜初筵方落日醉止到鳴雞過  
客來自北大軍居在西兵家如討逆敢以度盤餐



遊江西留別富陽裴劉二少府 孟浩然

西上遊一作浙江西臨流恨一作溫解攜千山疊成嶂萬水

瀉一作壑爲谿石淺流難沂一作注藤長險易躋誰憐問津

者一作客歲晏此中迷

留別之望舍弟 宋之問

同氣有三人分飛在此晨西馳巴嶺徼東去洛一作汶陽

濱強飲離前酒終傷別後神誰憐散花萼獨赴日南春

留別錢起 王維

卑棲却得性每與白雲歸狗祿仍懷橘看山免採薇暮

禽先去馬新月待開扉霄漢時回首知音青瑣闥

律詩 五言 卷二十七 七十九

留別王維 丘爲

歸鞍白雲外繚繞出前山今日又明日自知心不開

親勞簪組送欲赴鶯花還一步一回首遲遲向近關

留別龔處士 李白

龔子棲閒地都無人世喧柳深陶令宅竹暗辟疆園我

去黃牛峽遙愁白帝猿贈君卷施草心斷竟何言

長樂驛留別盧象裴總 祖詠

朝來已握手宿別更傷心滿水行人渡商山驛路深故

情君且足謫宦我難任直道皆如此誰能淚滿襟

臨泚客舍留別祁四 岑參

無事向邊外至今仍不歸三年絕鄉信六月未春衣客

舍泚水聒孤城胡鴈飛心知別君後開口笑應稀

還高冠潭口留別舍弟

昨日山有信祗今耕耨時遙傳杜陵叟怪我還山遲獨

向潭上釣無人林下碁東谿憶汝處閒臥對鸕鷀

暮秋將歸秦留別湖南幕府親友 杜甫

水關蒼梧野天高白帝秋途窮那免哭身老不禁愁大

府才能會諸公德業優北歸衝雨雪誰憫敝貂裘

發臨泚將赴北庭留別 岑參

聞說輪臺路連年見雪飛春風曾不到漢使亦應稀白

律詩 五言 卷二十七 八十

草通疎勒青山過武威勤王敢道遠私向夢中歸

潭州留別 常建

賢達不相識偶然交已深宿帆謁郡佐悵別依禪林湘

水流入海楚雲千里心望君杉松夜山月清猿吟

留別杜審言并呈洛中舊遊 崔融

斑鬢今爲別紅顏一作塵昨共遊年年春不待處處酒相

留駐馬西橋上回車南陌頭故人從此隔風月坐悠悠

奉和別越王 李敬玄

飛蓋廻蘭坂宸襟佇栢梁別館分涇渭歸路指衡漳關

山通曙色林籞徧春光帝念紆千里詞波照五潢

前題

張大安

盛藩資右戚連萼重皇情離襟愴睢苑分途指鄴城  
麗日開芳甸佳氣積神京何時驂駕入還見謁承明

前題

劉緯之

周屏辭金殿梁驂整玉珂管聲依折柳琴韻動流波  
鶴蓋分陰促龍軒別念多延襟小山路還起大風歌

和張岳州詠王潭州熊別詩

二首片曰余昔忝省  
閣與岳州張使君潭  
州王都督同官聯事後承朝議各自東西張公  
與王都督別詩情頗殷切余覽以耿歎因遙申  
和云

章嗣立

茂先王佐才作牧楚江隍登樓正欲賦復遇仲宣來黃

律詩五言

卷二十七

八十一

鵠飛將遠雕龍文為開寧知昔聯事聽曲有餘哀

昔時陪二賢纓冕會神仙一去馳江海相逢共惜選無  
因千里駕忽覩四愁篇覽諷懽何已懽終徒愴然

唐詩所第二十七卷終

唐詩所第二十八卷

律詩

前集

贈吏部孫員外濟

張謩

天子愛賢才星郎入拜來明光朝半下建禮直初迴名  
帶含香發文隨綺幕開披雲自存鏡從此照仙臺

贈苗發員外

祖詠

宿雨朝來歇空山天氣清盤雲雙鶴下隔水一蟬鳴古  
道黃花落平蕪赤燒生茂陵雖有病猶得伴君行

贈陳二補闕

杜甫

世儒多汨沒夫子獨聲名獻納開東觀君王問長卿皂  
鵠寒始急天馬老能行自到青冥裏休看白髮生

律詩五言

卷二十八

一

贈杜二拾遺

高適

傳道招提客詩書自討論佛香時入院僧飯屢過門聽  
法還應難尋經剩欲翻草玄今已畢此外復何言

贈嚴八閣老

杜甫

扈聖登黃閣明公獨妙年蛟龍得雲雨鵬鶚在秋天客  
禮容疎放官曹可接聯新詩句句好應任老夫傳

岳州贈廣平公宋大夫

張說

亞相本時英歸來復國楨朝推長孺直野幕隱之清傳  
節還一作題閩嶂皇恩一作章入漢京寧思江上老歲宴獨

寒一作無成

至鴨欄驛上白馬磯贈裴侍御 李白

創疊萬古石橫爲白馬磯亂流若電轉舉棹揚珠輝臨驛卷綈幕升堂接繡衣情親不避馬爲我解霜威

贈薛校書

我有吳趨曲無人知此音姑蘇成蔓草麋鹿空悲吟未誇觀濤作空鬱釣鰲心舉手謝東海虛行歸故林

贈王中允維

杜甫

中允聲名久如今契濶深共傳收庾信不比得陳琳一病緣明主三年獨此心窮愁應有作試誦白頭吟

初發荊府贈長史

宋之問

律詩 五言 卷二十八

二

仍隨五馬謫載與兩禽奔明

主無由見羣公莫與言幸君逢聖日何惜理虞翻

贈昇州王使君忠臣

李白

六代帝王國三吳佳麗城賢人當重寄天子借高名巨海一邊靜長江萬里清應須救趙策未肯棄侯贏

贈衛倉曹崇簡 一作吾宗

杜甫

吾宗老孫子質朴古人風耕鑿安時論衣冠與世同在家常早起憂國願年豐語及君臣際經書滿腹中

贈崔秋浦 三首

李白

吾愛崔秋浦宛然陶令風門前一作五楊柳井上一作

二梧桐山鳥下廳事簷花落酒中懷君未忍去惆悵意無窮

崔令學陶令

一作君似

北窗常晝眠抱琴時弄月一作弄秋

水取意任無絃見客但傾酒爲官不愛錢東臯春事起種黍早歸田一作東臯多種黍勸爾早耕田

河陽花作縣秋浦玉爲人地逐名賢好風隨惠化春水從天漢落山逼畫屏新應念金門客投沙弔楚臣

贈任城盧主簿

海鳥知天風窺身魯門東臨觴不能飲矯翼思凌風鐘鼓不爲樂煙霜誰與同歸飛未忍去流淚謝鷓鴣

律詩 五言 卷二十八

三

贈漢陽輔錄事

聞君罷官意我抱漢川湄借問久疎索一作疎索後何如聽訟時天清江月白心靜海鷗知應念投沙客空餘弔屈

悲

贈王十將軍承俊

杜甫

將軍膽氣雄臂懸兩角弓纏結青驄馬出入錦城中時危未授鉞勢屈難爲功賓客滿堂上何人高義同

晚秋贈張折衝

薛業

都尉今無事時清但閉關夜霜戎馬瘦秋草射堂閒位以穿楊得名因折桂還馮唐真不遇歎息鬢毛斑

贈梁州張都督

崔顥

聞君爲漢將虜騎能一作南侵出塞一作清沙漠還家  
拜羽林風霜臣節苦歲月主恩深爲語西河使知余報  
國心

奉使朔方贈郭都護

李華

絕塞臨光祿孤營佐貳師鐵衣三一作月冷金鼓朔風  
悲都護徵兵日將軍破虜時揚鞭玉關道回首望旌旗

贈崔司馬

張九齡

優閒表政清林薄賞秋成江上懸曉月往來虧復盈天  
雲抗直意郡閣晦高名坐嘯應無欲寧孤濟物情

律詩五言

卷二十八

四

贈錢徵君少陽

李白

白玉一杯酒綠楊三月時春風餘幾日兩鬢各成絲未  
燭惟須飲投竿也未遲如逢渭水一作微猶可帝王師

贈楊徵君鴻

陶令辭彭澤梁鴻入會稽我尋高士傳君與古人齊雲  
臥留丹壑天書降紫泥不知楊伯起早晚向關西

贈程處士

王績

百年長擾擾萬事悉悠悠日光隨意落河水任情流禮  
樂囚姬旦詩書縛孔丘不如高枕枕一作時取醉消愁

贈廣川馬先生

盧象

經書滿腹中吾識廣川翁年老甘無位家貧懶發棠人

歸洙泗學歌盛舞雪風願接諸生禮三年事馬融

贈孟浩然

李白

吾愛孟夫子風流天下聞紅顏棄軒冕白首臥松雲醉  
月頻中聖迷花不事君高山安可仰徒此揖清芬

贈郭季鷹

河東郭有道於世若浮雲盛德無我位清光獨映君耻  
將雞並食長與鳳爲羣一擊九千仞相期凌紫氛

贈柳圓

竹實滿秋園鳳來何苦飢還同月下鵲三繞未安枝夫

律詩五言

卷二十八

五

贈高式顏

杜甫

昔別是何處相逢皆老夫故人還寂寞削迹共艱虞自  
失論文友空知賣酒壚平生飛動意見爾不能無

贈畢四曜

才大今詩伯家貧苦宦卑饑寒奴僕賤顏狀老翁爲同  
調嗟誰惜論文笑自知流傳江鮑體相顧免無兒

贈孟氏

孟氏好兄弟養親唯小園承顏胝手足坐客強盤飧負  
米夕一作葵外讀書秋樹根卜鄰慙近舍訓子覺一作學

先門

贈路叟

釋景雲

溪翁居處靜谿鳥入門飛早起釣魚去夜深乘月歸露  
香孤米熟煙暖荇絲肥瀟灑塵埃外扁舟一草衣  
歲晚還京臺望城闕成口號先贈交親

盧僊

紫陌開行樹朱城出晚霞猶憐慣去國疑是夢還家風  
弱知催柳林青覺待花交親望歸騎幾處擁年華

望九華贈青陽韋仲堪

李白

昔在九江上遙觀一作望九華峰天河挂綠水秀出九芙蓉

律詩

卷二十八

六

落我欲一揮手誰人可相從君爲東道主於此臥雲松

晚渡淖沱敬贈魏大

盧照隣

津谷朝行遠水川夕望曛霞明深淺浪風卷去來雲澄  
波泛月影激浪聚沙文誰忍仙舟上携手獨思君

京還贈張維

孟浩然

拂衣何處去一作去高枕南山南欲徇五斗祿其如七  
不堪早朝非晚一作晏起束帶異抽簪因向智者說遊魚

思舊潭

南中贈高六戢

張說

北極辭明代南溟宅放臣丹誠由義盡白髮帶愁新鳥

墜炎洲氣花飛洛水春平生歌舞席誰憶不歸人

南州有贈

賈至

極浦三春草高樓萬里心楚山晴靄碧湘水暮流深忽  
與朝中舊同爲澤畔吟停盃試北望還欲淚沾襟  
越井人南去湘川水北流江邊數杯酒海內一孤舟嶺  
嶠同仙客京華卽舊遊春心將別恨萬里共悠悠

峴亭贈房琯崔宗之

孟浩然

貴賤平生隔軒車是日來青陽一觀止雲路一作豁然  
開祖道衣冠列分亭驛騎催方期九日聚還待二星迴

韞川閒居贈裴秀才迪

王維

律詩

卷二十八

七

寒山轉蒼翠秋水日潺湲倚杖柴門外臨風聽暮蟬渡  
頭餘落日墟里上孤煙復值接輿醉狂歌五柳前

道逢北使題贈京邑親知

張九齡

征驂稍靡靡去國方遲遲路遠南登岸情搖北上旗故  
人憐別日旅鴈逐歸時歲晏無芳草將何寄所思

召拜御史大夫贈袁天綱

杜淹

伊呂深可慕松喬定是虛繫風終不得脫屣欲安如且  
珍紉素美當與薛蘿疎旣逢楊得意非復久閒居

醉後贈張九旭

高適

世上謾相識此翁殊不然興來書自聖醉後語尤顛白

髮老閒事青雲在目前牀頭一壺酒能更幾回眠

官定後戲贈時免河西尉爲右衛率府兵曹杜甫

不作河西尉淒涼爲折腰老夫怕趨走率府且逍遙  
酒須微祿狂歌託聖朝故山歸興盡迴首向風颺

貽主客呂郎中 儲光羲

上士既開天中朝爲得賢青雲方羽翼盡省比神仙委  
珮雲霄裏含香日月邊一作前君王倘借問客有上林篇

泊江潭貽馬校書

明月挂青天遙遙如目前故人遊畫閣却望似雲邊水  
宿依漁父歌聲和一作好采蓮采蓮江上曲今夕爲君傳

律詩五言 卷二十八 八

寄荊州張丞相 王維

所思竟何在悵望深荆門舉世無相識終身思舊恩方  
將與農圃藝植老丘園目盡南飛一作天鴈何由寄一作言

南還舟中寄袁太祝 孟浩然

沿汭非便習風波厭苦辛忽聞遷谷鳥來報五陵春嶺  
北迴征帆一作棹巴東問故人桃花一作花源何處是遊子正

迷津

早發湘潭寄杜員外院長 韋迥

北風昨夜雨江上早來涼楚岫千峰翠湘潭一葉黃故  
人湖外客白首尚爲郎相憶無南鴈何時有報章

寄左省杜拾遺 岑參

聯步趨丹陛分曹限紫微曉隨天仗入暮惹御香歸白  
髮悲花落青雲羨鳥飛聖朝無闕事自覺諫書稀

寄李侍御 張謂

柱下聞周史書中慰越吟近看三歲字遙見百年心價  
以吹噓長恩從顧盼深不栽桃李樹何日得成陰

寄李十五秘書文嶷二首 杜甫

避暑雲安縣秋風早下來暫留魚復浦同過楚王臺猿  
鳥千崖窄江湖萬里開竹枝歌未好畫舸且遲迴

行李千金贈衣冠八尺身飛騰知有策意度不無神班

律詩五言 卷二十八 九

秋兼通貴公侯出異人玄成負文采世業豈沈淪

寄趙正字 孟浩然

正字芸香閣幽人竹素園經過宛如昨歸時寂無喧高  
鳥能擇木羝羊漫觸藩物情今已見從此願忘言

寄高三十五詹事 杜甫

安穩高詹事兵戈久索居時來知一作如官達歲晚莫情  
疎天上多鴻鴈池中足鯉魚相看過半百不寄一行書

赴青城縣出成都寄陶王二少尹

老被焚籠役一作老貧嗟出入勞客情投異縣詩應  
憶吾曹東郭滄江合西山白雪高文章差底病迴首興

滔滔

寄從弟宣州長史昭

李白

爾佐宣州郡守官清且閑常誇雲月好邀我敬亭山五  
落洞庭葉三江徂一作未還相思不可見數息須臾

寄崔澧州

張謂

共襍臺郎舊俸褰郡守帷罰金妹泣日鳴玉幸同時五  
馬來何曉雙魚贈已遲江頭望御月無夜不相思

寄楊五桂州譚

杜甫

五嶺皆炎熱宜人獨桂林梅花萬里外雪片一冬深聞  
此寬相憶爲邦復好音江邊送孫楚遠附白頭吟

律詩

五言

卷二十八

十

江上代書寄裴使君

獨孤及

何地離念劇江臯風雪時艱難傷遠道老大快前期  
昔行藏計祗將力命推能令書信數猶足緩相思

唐城館中早發寄楊使君

孟浩然

更驅曉駕數里見唐城旅館歸心逼荒村客思盈訪  
人留後信策蹇赴前程欲識離意斷長空聽鴈聲

寄王漢陽

李白

南湖秋月白王宰夜相邀錦帳郎官醉羅衣舞女嬌  
聲喧沔鄂歌曲上雲霄別後空愁我相思一水遙

寄當塗趙少府炎

晚登高樓望木落雙江清寒山饒積翠秀色連州城目  
送楚雲盡心悲胡鴈聲相思不可見迴首故人情

江上寄山陰崔少府國輔

孟浩然

春堤楊柳發憶與故人期草木本無意榮枯自有時山  
陰定遠近江上日相思不及蘭亭會空吟被襖詩

宿永嘉江寄山陰崔少府國輔

我行窮水國君使入京華相去日千里孤帆天一涯卧  
聞海潮至起視江月斜借問同舟客何時到永嘉

永嘉卽事寄贛縣袁少府瓘

張子容

山繞樓臺出谿通里閑斜曾爲謝客郡多有逐臣家海

律詩

五言

卷二十八

十一

氣朝成雨江天晚作霞題書報賈誼此濕似長沙

寄邛州崔錄事

杜甫

邛州崔錄事聞在果園坊久待無消息終朝有底忙應  
愁江樹遠怯見野亭荒浩蕩風塵一作外誰知酒熟香

途中寄徐錄事

比以王書見贈

高適

落日風雨至秋天鴻鴈初離憂不堪比旅館復何如若  
又幾時去我知音信疎空多篋中贈長見右軍書

秋山寄衛尉張卿王徵君

李白

何以折相贈白花青桂枝月華若夜雪見此令人思雖  
然剡谿興不異山陰時明發懷二子空吟招隱詩



寄宇文判官

岑參

西行殊未已東望何時還終日風與雪連天沙復山  
年領公事兩度過陽關相憶不可見別來頭已斑

寄高三十五書記

杜甫

歎息高生老新詩日又多美名人不及佳句法如何主  
將收才子崆峒足凱歌聞君已朱紱且得慰蹉跎

行至汝墳寄盧徵君

孟浩然

行之憩子駕依然見汝墳洛川方罷雪嵩嶂有殘雲曳  
曳半空裏明明一作落五色分聊題一時興因寄盧徵君

寄江滔求孟六遺文

劉春虛

律詩五言卷二十八

十二

南望襄陽路思君情轉親偏知漢水廣應與孟家鄰在  
日貪爲善昨來聞更貪相如有遺草一爲問家人

寄楊公

李百藥

公子盛西京光華早著名分庭接遊士虛館待時英高  
閣浮香出長廊寶劍鳴而花無隔笑歌扇不障聲

寄胡皓

時在南中

李乂

徭役苦流滯風波限沂泗江流通地骨山道繞天台有  
鳥圖南去無人見一作自北來閉門滄海曲雲霧待君開

寄盧八象

崔顥

客從巴水渡傳爾沂行舟是日風波霽高唐雨半收青

山滿蜀道綠水向荊州不作書相問誰能慰別愁

寄高適

杜甫

楚隔乾坤遠難招病客魂詩名唯我共世事與誰論北  
闕更新主南星落故園定知相見日爛熳倒芳樽

寄賀蘭二鈺

朝野歡娛後乾坤震蕩中相隨萬里日一作總作白頭  
翁歲晚仍分袂江邊更轉蓬勿云俱異域飲啄幾迴同

寄杜位

時者並口同在嚴尚書幕

寒日經簷短窮猿失木悲峽中爲客恨江上憶君時天  
地身何往風塵病敢辭封書兩行淚霑灑裏新詩

律詩五言卷二十八

十三

寄鏡湖朱處士

李頎

澄霽晚流澗微風吹綠蘋鱗鱗遠峰見淡淡平湖春  
草日堪把白雲心所親何時可爲樂夢裏東山人

寄淮南友人

李白

紅顏悲舊國青歲歇芳洲不待金門詔空持寶劍遊海  
雲迷驛道江月隱鄉樓復作淮南客因逢桂樹留

寄弟

孟浩然

獻策金門去承歡綵服違以吾一日長念爾聚星稀  
定須溫席寒多未授衣桂枝如已擢早逐鴈南飛

丘中春卧寄王子

岑參

田中開白室林下閉玄關卷跡人方處無心雲自閒竹  
深喧暮鳥花缺露春山勝事那能說王孫去未還

歲暮磧外寄元馮

西風傳戍鼓南望見前軍沙磧人愁月山城犬吠雲別  
家逢逼歲出塞獨離羣髮到陽關白書今遠報君

三山望金陵寄殷淑

李白

三山懷謝朓水澹<sup>一作綠</sup>望長安蕪沒河陽縣秋江王北  
看盧龍霜氣冷鵲鵲月光寒耿耿憶瓊樹天涯寄一歡

江上寄巴東故人

漢水波浪遠巫山雲雨飛東風吹客夢西落此中時覺  
律詩<sup>五言</sup>卷二十八 十四

後思白帝佳人與我違瞿塘饒賈客音信莫令稀

新安江上寄處士

孟雲卿

深潭與淺灘萬轉出新安人遠禽魚靜山空水木寒嘯  
起青蘋末吟矚白雲端卽事遂幽賞何必挂儒冠

宿桐廬江寄廣陵舊遊

孟浩然

山暝聞<sup>一作聽</sup>猿愁滄江急夜流風鳴兩岸葉月照一孤  
舟建德非吾土維揚憶舊遊還將<sup>一作數</sup>兩行淚遙寄海

西頭

洞庭湖寄閻九

洞庭秋正闊余欲泛歸船莫辨荆吳地唯餘水共天渺

瀟江樹沒合沓海潮連遲爾爲舟楫相將濟巨川

谿行寄王震

張九齡

山氣朝來爽谿流日向清遠心何處愜閒棹此中行叢  
桂林間待羣鷗水上迎徒然適我願幽獨爲誰情

途次維揚望京口寄白下諸公

蔣渙

北望情何限南行路轉深晚帆低荻葉寒日下楓林雲  
白蘭陵渚煙青建業岑江天秋向盡無處不傷心

初發道中寄遠

張九齡

日夜鄉山遠秋風復此時舊聞胡馬思今聽楚猿悲念  
別朝昏苦懷歸歲月遲壯圖空不息常恐髮如絲

律詩<sup>五言</sup>卷二十八

十五

途中寄友人

孟雲卿

昔時聞遠路謂是等閒行及到求人地始知爲客情事  
將公道背塵遠馬蹄生儻使長如此便堪休去程

沙丘城下寄杜甫

李白

我來竟何事高臥沙丘城城邊有古樹日夕連秋聲魯  
酒不可醉齊歌空復情思君若汶水浩蕩寄南征

潞府客亭寄崔鳳童

王昌齡

蕭條郡城閑旅館空寒煙秋月對愁客山鐘搖暮天新  
知偶相訪斗酒情依然一宿阻長會清風徒滿川

佐還山後寄<sup>三首</sup>

杜甫

山晚黃一作雲合歸時恐路迷。洞寒人欲到林一作黑。  
鳥應棲野客茅茨。小田家樹木低。舊請踈嬾叔。須汝故相攜。

幾道泉澆圃交橫。落幔坡蕤秋葉少。隱映野雲多。隔沼連香。芝通林帶女蘿。甚聞霜薤白。重惠意如何。

白露黃粱熟。分張素有期。已應春得細。頗覺寄來遲。味豈同金菊。香宜配綠一作紫。葵老人他日。愛正想滑流匙。

范二員外邈吳十侍御郁特枉駕闕展待聊寄此作

暫往比鄰去。空聞二妙歸。幽棲誠簡略。衰白已光輝。野律詩五言 卷二十八 十六

外貧家遠村中。好客稀。論文或不愧。重肯欸柴扉。

廣州段功曹到得楊五長史書功曹却歸鄉寄詩

衛青開幕府。楊僕將樓船。漢節梅花外。春城海水邊。銅梁書遠及。珠浦使將旋。貧病他鄉老。煩君萬里傳。

第五弟豐獨在江左。近三四載寂無消息。竟使寄此二首

亂後嗟吾在羈棲。見汝難。草黃驥病沙晚。鶴駕寒林。設關城險吳吞一作容。水府寬三十一。年朝夕淚衣袖不

曾乾

聞汝依山寺。杭州定越州。風塵淹別日。江漢失清秋。影著啼猿樹。魂飄結屋樓。明年下春水。東盡白雲求。

聞裴侍御黜自襄州司戶除豫州司戶因以投寄 孟浩然

故人荆府掾。尚有柏臺威。移職自樊衍一作芳。芳聲聞帝。徽昔余卧林巷。載酒過訪。柴扉松菊無時賞。鄉園欲

七月三日在內學見有高道舉徵宿關西客舍寄 岑參

雲送關西雨。風傳渭北秋。孤燈然客夢。寒杵搗鄉愁。難律詩五言 卷二十八 十七

上思嚴子山中憶許由。蒼生今有望。飛詔下林丘。

軍中醉飲寄沈八劉叟 杜甫

酒渴愛江清。餘酣漱晚汀。軟莎欹坐穩。冷石醉眠醒。野膳隨行帳。華音發從伶。數杯君不見。都已遣沈冥。

戲寄崔評事表姪蘇五表弟韋大少府諸侄 隱豹深愁雨。潛龍故起雲。泥多仍徑曲。心醉阻賢羣。恐待丘山麗。還披鮑謝文。高樓憶踈豁。秋興坐氛氲。

簡高三十五使君 當代論才子。如公復幾人。驂駟開道路。鷹隼出風塵。行

色秋將晚。交情老更親。天涯喜相見。披豁對吾真。

行次鹽亭縣簡嚴遂州蓬州兩使君咨議諸公  
馬首見鹽亭高山擁縣青雲豁花淡淡春郭水冷冷  
蜀多名士嚴家聚德星長歌意無極好爲老夫聽

簡王明府

葉縣郎官宰周南太史公神仙才有數流落意無窮  
病思偏秣鷹愁一作秋怕苦寵看君用高義恥與萬人同

重簡王明府

甲子西南異冬來只薄寒江雲何夜靜蜀雨幾時乾  
李須相問窮愁豈自一作有寬君聽鴻鴈響恐致稻粱難

官亭夕坐戲簡顏十少府

律詩五言 卷二十八

十八

南國調寒杵西江浸日車客愁連蟋蟀亭古帶蕭蕭  
返青絲鞵虛燒夜燭花老翁須地主細細酌流霞

寄上吳王

李白

淮王愛八公攜手綠雲中小子忝枝葉亦攀丹桂叢  
以詞賦重而將枚馬同何心一作背淮水東之慨士風

戲題寄上漢中王

三首時王在梓州  
初至斷酒不飲 杜甫

西漢親王子成都老客星百年雙白鬢一別五秋螢  
斷盃中物祗看座右銘不能隨皂蓋自醉逐浮萍  
策杖時能出王門異昔遊已知嗟不起未許醉相留  
酒濃無敵江魚美可求終思一酹酹淨掃鴈池頭

羣盜無歸路衰顏會遠方尚憐詩警策猶憶酒顛狂  
衛彌尊重徐陳略喪亡空餘枚叟在應念早升堂

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩稀  
鵲晨光起穉鳥宿處飛寒江流甚細有意待人歸

西閣口號呈元二十一

山木抱雲稠寒江一作空繞上頭雪崖纔變石風慢不依  
樓社稷堪流涕安危在運籌看君話王室感動幾銷憂

覽鏡呈柏中丞

渭水流關內終南在日邊膽銷豺虎窟淚入犬羊天  
律詩五言 卷二十八 十九

晚堪從事行遲更覺仙鏡中衰謝色萬一故人憐

路逢襄陽楊少府入城戲呈楊四員外綰

寄語楊員外山寒少茯苓歸來稍暄一作暖當爲斷青  
冥翻動一作倒神仙窟封題鳥獸形兼將老藤杖扶汝醉

初醒

舍弟占歸草堂檢校聊示此詩

久客應吾道相隨獨爾來孰知江路近頻爲草堂回  
鳴宜長數柴荆莫浪開東林竹影薄臘月更須裁

示姪佐

佐草堂在東柯谷

多病秋風落君來慰眼前自聞茅屋趣只想竹林眠

谷山雲起侵籬澗水懸詞宗諸子姪早覺仲容賢

戲題示蕭氏甥

王維

憐爾解臨池渠爺未學詩老夫何足似弊宅倘因之  
簞穿一作荷葉菱花習鴈兒却公不易勝莫著外家欺

天末懷李白

杜甫

涼風起天末君子意如何鴻鴈幾時到江湖秋水多  
文章命達魑魅喜人過應共冤冤語投詩贈汨羅

春日懷李白

白也詩無敵一作飄然思不羣清新庾開府俊逸鮑參  
軍渭北春天樹江東日暮雲何時一樽酒重與細論文

律詩

卷二十八

二十一

冬日懷李白

寂寞書齋裏終朝獨爾思更尋嘉樹傳不忘角弓詩  
褐風霜入還丹日月遲未應一作乘興去空有鹿門期

初秋憶金均兩弟

張九齡

江渚秋風至他鄉離別心孤雲愁自遠一葉感何深  
喜嘗同域飛鳴忽異林青山西北望堪作白頭吟  
暫如臨邑至峭山湖奉懷李員外率爾成典

杜甫

野亭逼湖水歇馬高林間鼉吼風奔浪魚跳日映山  
遊阻詞伯却望懷青關藹藹生雲霧唯應促駕還

初出關旅亭夜坐懷王大校書一作孟浩然

向夕槐煙起葱蘢池館曠客中無偶坐關外惜離羣  
至螢光滅荷枯雨滴聞永懷芸閣友寂寞滯楊雲

將至岳陽有懷趙二

張九齡

湘岸一作多深林青冥晝結陰獨無謝客賞况復賈生  
心草色雖云發天光或未臨江潭非所遇爲爾白頭吟

登凌湖亭傷春懷京師故舊

獨孤及

昨日看搖落驚秋方怨咨幾經開口笑復及看花時  
世事空名束生涯素髮知山山春草滿何處不相思

閒園懷蘇子

孟浩然

律詩

卷二十八

二十一

林園雖少事幽獨自多違向夕開簾坐庭陰落景微  
過一作煙樹宿螢傷水軒飛感念同懷子京華去不歸

憶弟

二首時歸在陸渾莊

杜甫

喪亂聞吾弟饑寒傷濟州人稀書不到兵在見何由  
憶昨狂催禿無時病去憂卽今千種恨惟共水東流  
且喜河南定不問鄴城圍百戰今誰在三年望汝歸  
故園花自發春日鳥還飛斷絕人煙久東西消息稀

憶幼子

幼子宗武小名驥子

驥子春猶隔鶯歌暖正繁別離驚節換聰慧與誰論  
水空山道柴門老樹村憶渠愁只睡一作炙背俯晴軒

江行夜宿龍吼灘臨眺思峨眉隱者兼寄幕中諸公

岑參

官舍臨江口灘聲已一作慣聞水煙晴吐月山火夜燒雲且欲尋方士無心戀使君異鄉何可住况復久離羣

尋陽七郎中

萬事信蒼蒼機心久已忘無端來出守不是厭爲郎雨滴芭蕉赤霜催橘子黃逢君開口笑何處有他鄉

尋廬山崔徵君

丘爲

日高雞犬靜門掩向寒塘夜竹深茅宇秋亭冷石牀住山年已遠服藥壽偏長虛棄浮生者相逢益自傷

律詩五言卷二十八

二十一

尋張五

孟浩然

聞就龐公隱移居近洞一作湖興來林是竹歸臥谷名愚挂席樵風便開軒琴月孤歲寒何用賞霜露故園燕

裴司士員司戶見尋

府僚能枉駕家醞復新開落日池上酌清風松下來厨人具雞黍稚子摘楊梅誰道山公醉猶能騎馬回

張七及辛大見尋

山公能飲酒居士好彈箏世外交初得林中契已并納涼風颯至逃暑日將傾便就南亭裏餘樽惜解醒

過客相尋

杜甫

窮老真無事江山已定居地幽忘盥櫛客至罷琴書挂壁移籬果呼兒問煮魚時聞繫舟楫及此問吾廬

春中喜王九相尋

一作晚春

孟浩然

二月湖水清家家春鳥鳴林花掃更落徑草踏還生酒伴來相命開樽共解醒當盃已入手歌妓莫停聲

尋徐山人遇馬舍人

儲光義

泊舟伊川右正見野人歸日暮春山綠我心清且微巖聲風雨度水氣雲霞飛復有金門客來參蘿薜衣

與韓侍御尋李七舍人不遇題壁

獨孤及

律詩五言卷二十八

二十三

三逕何寂寂主人山上山亭空簷月在水落釣磯閒藥院雞犬靜酒壚苔蘚斑知君少機事當待暮雲還

憑孟倉曹將書覓士婁舊莊

杜甫

平居喪亂後不到洛陽岑爲歷雲山間無辭荆棘深北風黃葉下南浦白頭吟十載江湖客茫茫遲暮心

王十五司馬弟出郭相訪兼遺營草堂貲

客裏何遷次江邊正寂寥肯來尋一老愁破是今朝憂我營茅棟攜錢過野橋他鄉惟表弟還往莫辭遙

九月一日過孟十三倉曹十四主簿兄弟

藜杖侵寒露蓬門啓曙煙力稀經樹歇老困撥書眠秋

覺追隨盡來因孝友偏清談見滋味爾輩可忘年

武威同諸公過楊七山人

得藤字

高適

幕府日多暇田家歲復登相知恨不早乘興乃無恒窮巷在喬木深齋垂古藤邊城唯有醉此外更何能

攜素饌過王維

慕容承

行行西陌返駐轡問車公挾轂雙官騎應門五尺僮老年如塞北強起離牆東爲報壺丘子來人道姓蒙

慕容承見過

王維

紗帽烏皮几閒居懶賦詩門看五柳識年算六身知靈壽君王賜彫胡弟子炊空勞酒食饌持底解人願

律詩五言

卷二十八

二十四

鄭果州相遇

麗日照殘春初晴草木新牀前磨鏡客樹下灌園人五馬驚窮巷雙童逐老身中厨辦餽飲當恕阮家貧

徐九少尹見過

杜甫

晚景孤村僻行軍數騎來交新徒有喜禮厚愧無才賞靜憐雲竹忘歸步月臺何當看花藥欲發照江梅

有客

一作賓至

患氣經時久臨江卜宅新喧卑方避俗疎快頗宜人有客過茅宇呼兒正葛巾自鋤稀菜甲小摘爲情親

北隣

明府豈辭滿藏身方告勞青錢買野竹白幘岸江皋愛酒晉山簡能詩何水曹時來訪老疾步履到蓬蒿

晚晴吳郎見過

圃畦新雨潤覬子廢鋤來竹杖交頭拄柴扉隔一徑開欲棲羣鳥亂未去小童催明日重陽酒相迎自撥醅

晚春嚴少尹與諸公見過

王維

松菊荒三逕圖書共五車烹葵邀上客看竹到貧家鵲乳先春草鶯啼過落花自憐黃髮暮一倍惜年華

李少府與楊王

一作九再過

孟浩然

弱歲早登龍今來喜再逢如何春月柳猶憶歲寒松煙

律詩五言

卷二十八

二十五

火臨寒食笙歌達曙鐘喧喧關雞道行樂羨朋從

王竟攜酒高亦同過共用寒字

王詩御檢高使

杜甫

臥疾荒郊遠通行小徑難故人能領客攜酒重相看白愧無鮭菜空煩卸馬鞍移時勸山簡頭白恐風寒

喜遇冀侍御珪崔司議泰之二使

序曰全蜀

身在江海而心馳魏闕歲時仲春南嶺五雲望闕二星入井四牡臨關歲時仲春南嶺五雲望闕駕隱几一笑把臂入林既聞朝廷之樂復見之得之北堂夜永西軒月微巴山有客別之樂洛陽無寄載之客江關離會三千餘里名位寵辱以增別後之恩懸蟬笑人夫子何嘆



陳子昂

謝病南山下幽臥不知春使星入東井云是故交親惠風吹寶瑟微月憶清真憑軒一留醉江海寄情人

逢唐興劉主簿第

杜甫

分手開元末連年絕尺書江山且相見戎馬未安居劒外官人冷關中驛騎使一作疎輕舟下吳會主簿意何如

溫泉侍從歸逢故人

李白

漢帝長楊苑誇胡羽獵歸子雲叨侍從獻賦有光輝激賞搖天筆承恩賜御衣逢君奏明主他日共翻飛

若耶路逢孔九

綦母潛

律詩五言 卷二十八

二十六

相逢此路曲勝託在煙霞潭影竹間動巖陰一作針人言一作上皇代犬吠武陵家借問淹留日春風滿若耶

使至汴州喜逢宋之問

李夔

阮籍蓬池上孤韻竹林才巨源從吏道正擁使車來相逢且交臂相命且銜杯醉後長歌畢餘聲繞吹臺

遊宛郡逢孔君自衛來欣然相遇若舊

駱賓王

遊人自衛返背客隔淮來傾蓋金蘭合忘筌玉葉間繁花明日柳疎蒨落風梅將期重交態時慰不然灰

永嘉上浦館逢張八子容

孟浩然

逆旅相逢處江村日暮時衆山遙對酒孤嶼共題詩  
宇鄰蛟室人煙接島夷鄉園一作萬餘里失路一相思

臨渙裴明府席遇張十一房六

河縣柳林邊河橋晚泊船文叨才子會官喜故人歡  
語同今夕輕肥異往年晨風理歸一作棹吳楚各依然

春興思南山舊廬招柳建正字

岑參

終歲不得意春風今復來自憐蓬鬢改羞見梨花開西掖誠可戀南山思早回園廬幸接近相與歸高萊

高冠一作官谷口招鄭鄂

谷口來相訪空齋不見君澗花然暮雨潭樹暖春雲門

律詩五言 卷二十八

二十七

徑稀人迹簷峰下鹿羣衣裳與枕席山靄碧氛氤

郡齋南池招楊麟

郡僻人事少雲山常一作遠眼前偶從池上醉便向舟中

眠與子居最近同官情又偏閒時耐相訪正有牀頭錢

藍上芳茨期王維補闕

儲光義

山中人<sub>一</sub>不見雲去夕陽過淺瀨寒魚少蘗蘭秋蝶多  
年疎世事幽性樂天和酒熟思才子路頭望玉珂

使往天平軍馬約與陳子昂新鄉為期及還而不

相遇

宋之問

入衛期之子吁嗟不少留情人去何處淇水日悠悠

碣青雲斷衡漳白露秋知君心許國不是愛封侯

宿京江口期劉沅虛不至

王昌齡

霜天起長望殘月生海門風靜夜潮滿城高寒氣昏故人何寂寞久已乖清言明發不能寐徒盈江上樽

西閣三度期大昌嚴明府同宿不到

杜甫

問子能來宿今疑索故要匣琴虛夜夜手板自朝朝金吼霜鐘徹花催蠟炬銷早見江檻底雙影謾飄飄

待儲光義不至

王維

重門朝已啓起坐聽車聲要欲聞清珮方將出戶迎晚律詩五言卷二十八 二十八

鍾鳴上苑疎雨過春城了自不相顧臨堂空復情

盧巴驛聞張御史張判官欲到不得待有作

張說

旅竄南方遠傳聞北使來舊庭知玉樹合一作浦識珠

胎白髮因愁改一作變丹誠一作託夢迴皇恩若再造爲

憶不然灰

號州南池候嚴中丞不至

岑參

池上日相待知君殊未回徒教柳葉長漫使梨花開駟馬去不見雙魚空往來相思不解說孤負舟中盃

渝州候嚴六侍御不到先下峽

杜甫

聞道乘騄發沙邊待至今不知雲雨散虛費短長吟山帶烏鸞關江連白帝深船經一作過一柱觀留眼共登臨

夜泊牛渚題薛八船不及

孟浩然

星羅牛渚夕風退蠲舟運浦淑嘗同宿煙波忽聞之榜歌空裏失船火望中疑明發泛滄湖一作海茫茫何處期

中峰居喜見苗發一作李端

祖詠

自得中峰住深林亦閉關經秋無客到入夜有僧還暗澗泉聲小荒岡樹影閒高窓不可望星月滿空山

喜觀卽到復題短篇二首

杜甫

巫峽千山暗終南萬里春病中吾見弟書到汝爲人意律詩五言卷二十八 二十九

答兒童問來經戰伐新泊船悲喜後欸欸話歸秦

待爾嗔烏鵲拋書示鵲鴿枝間喜不去原上急曾經江

閣嫌津柳風帆數驛亭應論十年事愁絕始星星

喜祖三至留宿

王維

門前洛陽客下馬拂征衣不枉故人駕平生多掩扉行人返深巷積雪帶餘暉早歲同袍者高車何處歸

答王維

祖詠

四年不相見相見復何爲握手言未畢却令傷別離片堂還駐馬酌醴便呼兒語嘿自相對安用傍人知

武威春暮聞宇文判官西使還已到晉昌

岑參

片雨過城頭黃鸝上戍樓塞花飄客淚邊柳挂鄉愁白  
髮悲明鏡青春換弊裘君從萬里使聞已到瓜州

聞斛斯六官未歸

杜甫

故人南郡去去索作碑錢本賣文爲活翻令室倒懸荆  
扉深蔓草土鏗冷踈煙老罷休無賴歸來省醉眠

得台州鄭司戶消息

一作所思

鄭老身仍竄台州信始傳爲農山澗曲卧病海雲邊世  
已踈儒素人猶乞酒錢徒勞望牛斗無計斷龍泉

得廣州張判官叔卿書使還以詩代意

律詩

五言

卷二十八

三十

鄉關胡騎遠宇宙蜀城偏忽得炎州信遙從月峽傳雲  
深驃騎幕夜隔孝廉船却寄雙愁眼相思淚點懸

得舍弟觀書自中都已達江陵今茲暮春月未行

李合到夔州悲喜相兼團圓可待賦詩卽事情見

平辭

爾到江陵府何時到峽州亂離生有別聚集病應瘳  
颯開啼眼朝朝上水樓老身須付託白骨更何憂

得舍弟消息

三首

亂後誰歸得他鄉勝故鄉直爲心厄苦久念與存亡汝  
書猶在壁汝妾已辭房舊犬知愁恨垂頭傷我牀

近有平陰信遙憐舍弟存側身千里道寄食一寒  
舉新酣戰啼垂舊血痕不知臨老日招得幾時寬  
汝儒歸無計吾衰往未期浪傳烏鵲喜深負鶴鴒詩生  
理何顏面憂端且歲時兩京三十口雖在命如絲

不見

近無李白消息

不見李生久佯狂真可哀世人皆欲殺吾意獨憐才敏  
捷詩千首飄零酒一盃匡山讀書處頭白好歸來

孟倉曹步趾領酒醬二物滿器見遺老夫

楚岸通秋屐胡牀面夕哇藉糟分汁滓甕醬落提攜飯  
糲添香味朋來有醉泥理生那免俗方法報山妻

律詩

五言

卷二十八

三十一

秋日阮隱居致薤三十束

隱者柴門內畦蔬遶舍秋盈筐承露薤不待致書求束  
比青芻色圓齊玉筍頭衰年關隔冷味暖併無憂

答燕公

趙冬曦

語別意淒淒零陵湘水西佳人金谷返愛子河庭迷舊  
館逢花發他山值鳥啼江天千里望誰見綠草春

在洪州答綦母學士

張九齡

旬雨不愆期由來自若時爾無言郡政吾豈欲天欺常  
念消塵益惟歡草樹滋課成非所擬人望在東甯

答李司戶夔

宋之問

遠方來下客輶軒攝一作使臣弄琴宜在夜傾酒貴逢春駟馬留孤館雙魚贈故人明朝散雲行一作雨遙仰德爲隣

東征至淇門答宋參軍之問 陳子昂

南星中大火將子涉清淇西林改微月征旆空自持碧潭去已遠瑤草折遺誰若問遼陽戍悠悠天際旗

酬張少府 王維

晚年唯好靜萬事不關心自顧無長策空知返舊林松風吹解帶山月照彈琴君一作若問窮通理漁歌入浦深

荅王十三維 儲光義

律詩五言 卷二十八 三十二

門生故來往知欲命浮觴忽奉朝青閣回車入上陽落花滿春水疎柳映新塘是日歸來暮勞君奏雅章

酬孟雲卿 杜甫

樂極傷頭白更深愛燭紅相逢難一作家告別莫忽忽但恐天河落寧辭酒盞空明朝牽世務揮淚各西東

東征答朝臣一作相送 陳子昂

平生白雲意疲爾愧爲雄君王謬殊寵旌節此從戎按繩當繫虜單馬豈邀功孤劒將何託長謠來上風

將赴京荅李紆贈別 獨孤及

膠漆常投分荆蠻各倦遊帝鄉今獨往溝水便分流

作遠行客深慙不繫舟思君帶將緩豈直日三秋

酬比部楊員外暮宿琴臺朝跡書閣率爾見贈之一作盧照鄰 王維

舊簡拂塵看鳴琴候月彈桃源迷漢姓松樹有秦宮空谷歸人少青山背日寒羨君棲隱處遙望一作白雲端

奉荅岑參補闕見贈 杜甫

窮窶青禁闥罷朝歸不同君隨丞相後我往一作日東冉冉柳枝碧娟娟花藥紅故人得佳句獨贈白頭翁奉酬張洪州九齡江上見贈時以監茶御史來 孫翊

律詩五言 卷二十八 三十三

受命讞封疆逢君收豫章於焉審虞芮復爾共舟航別秋陰盡懷歸客思長江臯枉離贈持此慰他鄉

虢州酬辛侍御見贈 岑參

門柳葉已大春花今復闌鬢毛方二色愁緒日千端夫子屢新命鄙夫仍舊官相思難見面時展尺書看

酬李少府見贈 孟浩然

養疾衡簷下由來浩氣真五行將禁火十步任一作想尋春致敬惟桑梓邀歡即主一作人迴一作看後彤

色青翠有松筠

酬杜五弟曄朝獨坐見贈 李嶠

平明坐虛館曠望幾悠哉宿霧分空盡朝光度曉來影  
低藤架密香動藥欄開未展山陽會空留池上盃

張相公出鎮荊州尋除太子詹事余時流夜郎行

至江夏與張公去千里公因太府丞王昔使車寄  
羅衣一事及五月五日贈余詩余答以此詩

李白

張衡殊不樂應有四愁詩慙君錦繡段贈我慰相思鴻  
鵠復矯翼鳳凰憶故池榮樂一如此商山老紫芝

酬韋韶州見寄

杜甫

養拙江湖外朝廷記憶疎深慙長者轍重得故人書白  
律詩 五言 卷二十八 三十四

髮絲難理新詩一作錦不如雖無南過鴈看取北來魚

酬王六寒朝見詒

張九齡

賈生流寓日楊子寂寥時在物多相背唯君獨見思  
爲江上曲雪作郢中詞忽枉兼金訊長懷伐木詩

酬衛八雪中見寄

高適

季冬憶淇上落日歸山樊舊宅帶流水平田臨古村雪  
中望來信醉裏開衡門果得希代寶緘之那可論

酬崔侍御登玉壘山思故園見寄

岑參

玉壘天晴望諸峰盡覺低故園江樹北斜日嶺雲西曠  
野看人小長空共鳥齊高山徒仰止不得日攀躋

答李滁州憶玉潭新居見寄

獨孤及

從來招隱地未有剖符人山水能成癖巢夷擬獨親  
肝無足累馬首敢辭勤掃灑潭中月他時望德鄰

酬冠十侍御錫見寄復寄冠

杜甫

往別郇瑕地于今四十年來簪御府筆故泊洞庭船詩  
憶傷心處春深把臂前南瞻按百越黃帽待君偏

敬酬李判官使院卽事見呈

岑參

公府日無事吾徒只是閒草根侵柱礎苔色上門闌飲  
硯時見鳥卷簾晴對山新詩吟未足昨夜夢東還

酬虞部蘇員外過藍田別業不見畱之作

律詩 五言 卷二十八 三十五

王維

貧居依谷口喬木帶荒村石路枉迴駕山家誰候門漁  
舟膠凍浦獵火燒寒原唯有白雲外疎鐘聞夜猿

酬嚴少尹徐舍人見過不遇

公門暇日少窮巷故人稀偶值乘藍輦非關避白衣不  
知炊黍否誰解埽荆扉君但傾茶椀無妨騎馬歸

得李滁州書以玉潭莊見託因書春思詩以答

獨孤及

春物行將老懷君意詎堪朱顏因酒強白髮對花慙日  
日思瓊樹書書話玉潭知同百口累曷日辦抽簪

荅王無功冬夜載酒鄉館

崔善為

頌條忝貴郡懸榻久相望處士同楊鄭邦君謝李疆中  
知方擁篲逢子敬惟桑明朝蓬戶側會自謁任棠

和張大夫秋日有懷呈院中諸公

獨孤及

至公無暇日高閣閉秋天肘印拘王事誰忘思長年續  
成心不有慮澹物猶牽竊効泉魚躍因問郡中妍

和振上人秋夜懷士會

王昌齡

白露傷草木山風吹夜寒遙林夢親友高興發雲端  
巖郭外秋聲急城邊月色殘瑤琴多遠思更爲客中彈

和吳侍御被使燕然

盧照隣

律詩

五言

卷二十八

三十六

春歸龍塞北騎指鴈門垂胡笳折楊柳漢使採燕然  
一作支戍城聊一望花雪幾參差關山有新曲應向笛中吹

唐詩所第二十八卷

終

唐詩所第二十九卷

律詩

侍宴

應詔賦韻得前字

虞世南

芬芳禁林晚客與桂舟前橫空一鳥度照水百花然綠  
野明斜日青山澹晚煙濫陪終宴賞握管類窺天

前題

得分字

喬知之

紫禁肅晴氛朱樓落曉雲豫遊龍駕轉天樂鳳簫聞竹  
外仙亭出花間輦路分微臣一何幸詞賦奉明君

淮水侍宴

應制得濃字

張說

千行發御柳一葉下仙筇青浦宸遊至朱城紫氣濃雲  
霞交暮色草樹喜春容藹藹天旗轉清笳入九重

律詩

五言

卷二十九

一

前題

得長字

宗楚客

御輦出明光乘流泛羽觴珠胎隨日減玉漏與年長寒  
盡梅猶白風遲柳未黃日斜旌騎轉休氣滿林塘

泛舟侍宴

應制

張易之

平明出御溝解纜坐廻洲綠水澄明月紅羅結綺樓弦  
歌爭浦入冠蓋逐川流白魚臣作伴相對舞王舟

春日洛陽城侍宴

應制二首

姚崇

南山開寶曆北渚對芳蹊的歷風梅度參差露草低亮  
樽臨上席舜樂下前溪任重由來醉乘酣志轉迷

遊豫停仙蹕登臨對晚晴川鳥連倒影巖鳥應虛聲野

奏風成曲山居雲作纓今朝丘壑上高興小蓬瀛

上陽宮侍宴

應制得林字

宋之問

廣樂張前殿重裘感聖心初冀霜月盡庭樹雪雲深舊  
渥驂宸御慈恩忝翰林微臣一何幸再得聽璫琴

銀漢宮侍宴

應制得枝字

魏元忠

別殿秋雲上離宮夏景移寒風生玉樹涼氣下瑤池灩  
花仍吐葉巖木尚抽枝願奉南山壽千秋長若斯

初春行宮侍宴

應制得天字

蘇味道

溫液吐消消跳波急應弦簪裾承膚賞花柳發韶年聖  
酒千鍾洽宸章七曜懸微臣從此醉還似夢鈞天

律詩五言

卷二十九

二

麟趾殿侍宴

應制

宋之問

北闕層城峻西宮複道懸乘輿歷萬戶置酒望三川花  
柳含丹日山河入綺筵欲知陪賞處空外有飛煙

甘露殿侍宴

應制

李嶠

月宇臨丹地雲牕網碧紗御筵陳桂醕天酒酌榴花水  
向浮橋直城連禁苑斜承恩忝歡賞歸路滿煙霞

仙萼亭初成侍宴

應制

沈佺期

山中氣色和宸賞第中過輦路披仙掌帷宮拂帝籙泉  
臨香澗落峰入翠雲多無異登玄圃東南望白河

宿羽亭侍宴

應制

杜審言

步登千門出離宮二月開風光新柳報宴賞落花催碧

水搖空閣青山繞吹臺聖情留晚興與歌管送餘杯

襄荷亭侍宴

應制

張說

迴鑾青岳觀帳殿紫煙峰仙路迎三鳥雲衢駐兩龍園  
林看化一作塔壇壝識餘封山外聞簫管還如天上逢

梨園亭侍宴

應制

喬知之

年光陌上發香輦禁中遊草綠鴛鴦殿花紅翡翠樓天  
杯承露酌仙管雜風流今日陪歡豫皇恩不可酬

歸鴈堂侍宴

應制

虞世南

歌堂面淥水舞館接金塘竹開霜後翠梅動雪前香鳬  
律詩五言

卷二十九

三

歸初命侶鴈起欲分行刷羽同棲集懷恩愧稻粱

春日侍宴幸芙蓉園

應制

李嶠

年光竹裏遍春色杏間遙煙氣籠青閣流文瀉畫橋飛  
花隨蝶舞豔曲伴鶯嬌今日陪歡豫還疑陟紫霄

前題

李乂

水殿臨丹藥山樓繞翠微昔遊人託乘今幸帝垂衣淵

蓀綠陰合巖花逗浦飛朝來江曲地無處不光

輝

前題

宋之問

芙蓉秦地沼蘆橘漢家園谷轉斜盤徑川曲曲抱



原風來花自舞春入鳥能言侍宴瑤池夕歸途騎吹繁

前題

蘇頌

御道紅虹一作旗出芳園翠輦遊繞花開水殿架竹起山

樓荷菱輕蕉幄魚龍出負舟寧如穆天子空賦白雲秋

梁王第侍宴

應制同用風字

韋安石

梁園開勝景一作軒駕動宸衷早荷承湛露修竹引薰

風九醞傾鍾石百獸協絲桐小臣陪宴鎬獻壽奉維嵩

前題

張說

梁王池館好曉日鳳樓通竹町羅千衛蘭筵降兩宮清

歌芳樹下妙舞落花中臣學延州聽還知大國風

律詩五言

卷二十九

四

侍從過公主南宅侍宴

應制同用風字

張易之

逐賞平陽第鳴笳上苑東鳥吟啼千戶竹蝶舞百花

蔡時攀小山桂共挹大王風坐客無勞起秦蕭曲未終

安樂公主移入新宅侍宴

應制同用風字

趙彥昭

雲物中京曉天人外館開飛橋像河漢懸腸學蓬萊北

關臨仙檻南山送壽杯一窺輪奐畢慚慙棟梁材

前題

武平一

紫漢秦樓敞黃山魯館開簪裾分上席歌舞列平臺馬

旣如龍至人疑學鳳來幸欣一作聯棣萼何以接鄒枚

前題

沈佺期

初聞衛漢來移住斗城隈錦帳迎風轉瓊筵拂霧開馬

香遺舊埽鳳吹繞新臺爲問沈冥子仙槎何處回

前題

一作李適

宗楚客

星橋他日創仙榜此時開馬向鋪錢埽簫聞美玉臺人

同一作

衛叔美容是似

長卿才借問遊天漢誰能取

石廻

太平公主山莊侍宴

應制

張昌宗

淮南有小山羸女隱其間折桂芙蓉浦吹簫明月灣扇

掩將雜曲釵承墮馬鬢歡情本無限莫掩洛城關

侍宴長寧公主東莊

應制

李嶠

律詩五言

卷二十九

五

別業臨青甸鳴鶯降紫霄長筵鷄鶩集仙管鳳凰調仙

樓南山近煙含北嶺暉恩減已醉戀賞未遑歸

前題

劉憲

公主憚亭地清晨降玉輿畫橋飛渡水仙閣

虛曠新看蝶蝶夏卑摘芙蓉又酒闌遊盛情明

前題

李义

紫藥乘雷動青門訪水嬉靈遊麗澤樂

鳳樓朝合宴警紳滿承恩雨露滋壯歲臨春月來館

建康

前題

李適

鳳樓紆睿幸龍舸暢宸襟歌舞平陽第園亭沁水林山  
花添聖酒澗竹繞薰琴願奉瑤池駕千春侍德音

前題

崔湜

沁芳一作園東郭外鸞駕一遊盤水榭宜時陟山樓向晚

看席臨天女貴杯接近臣歡聖藻懸宸象微臣竊仰觀

賜史供奉曲江讌奉和聖製

王維

侍從有鄒枚瓊筵就水開言陪柏梁宴新下建章來對

酒山河滿移舟草樹迴天文同麗日駐景惜行杯

四月三日上陽水牕賜宴應制得春字

孫逖

今日逢初一作夏歡遊續舊旬氣和先作雨恩厚別成

律詩五言卷二十九

六

春鳳吹一作臨清洛龍輿下紫宸此中歌在藻還見躍

潛鱗

上陽水牕旬宴應制得移字

張九齡

河漢非應到汀洲忽在斯仍逢帝樂下如逐海槎窺春

賞時將換皇恩歲不移今朝遊宴所莫比天泉池

天津橋東旬宴應制得歌字

清洛象天河東流形勝多朝來逢宴喜春盡却妍和泉

鮪歡時躍林鶯醉後一作歌賜恩頻若此爲樂奈人何

恩制賜食於麗正殿書院宴賦得林字

張說

東壁圖書府西垣一作翰墨林誦一作詩聞國政講易

見天心位竊和羹重恩叨醉酒深綴歌春與曲情竭爲  
知音

麗正殿賜宴應制同勒天前煙年四

王灣

金殿忝陪賢瓊羞忽降天鼎羅仙掖裏觴拜瑣闌前院

逼青霄路厨和紫禁煙酒酣空忬舞何以答昌年

前題

徐安貞

校文常近日賜宴忽昇天酒正傳杯至襲人捧案前玉

階鳴溜水清閣引歸煙共惜芸香暮春風幾萬一作度幾年

同望幸新亭賜錢公宴應制

李愷

感夢通玄化覃恩降紫宸賜錢開漢府分帛醉堯人地

律詩五言卷二十九

七

隔朝宗慶亭臨卜洛新行看廣雲雨二月次東巡

修書院學士奉勅宴梁王宅應制得門字

魏元忠

大君敦宴賞萬乘下梁園酒助間平樂人霑雨露恩榮

光開帳殿佳氣滿旌門願陪南岳壽長奉北宸樽

勅賜寧王池宴

張九齡

賢王有池館明主賜春遊淑氣林間發恩光水上浮徒

慚一作和鼎地終謝巨一作川舟皇澤空如此輕生莫

可酬

宴龍泓

武三思

登臨開勝託眺矚盡良遊巖嶸縈紆上澄潭屈曲流泛

蘭清興洽折桂野文道別後相思處崎嶇碧澗幽

奉和 應教得微字

宋之問

水府淪幽壑星軺下太紫一作微鳥驚司僕馭花落侍臣

永芳樹搖春晚晴雲繞座飛淮王正留客不醉莫言歸

後渚宴

陳叔達

大渚初驚夜中流沸鼓擊寒沙滿浦夕霧上邪谿岸  
廣鳬飛急雲深鴈度低嚴關猶未遂此夕待晨雞

聖泉宴

序曰玄武山有聖泉焉浸淫歷數百千年  
咸古人遺跡也茲乃青蘋綠菱紫苔蒼蘚遂使  
江湖思遠寤寐寄託既而崇巒左峻石壑前繁  
丹嶠萬尋碧潭千頃松風唱響竹露薰空瀟瀟  
乎人間之難遇也方欲以林壑爲天厲琴樽爲

律詩五言 卷二十九

八

田用璧手古今  
且盡山陰之樂蓋題芳什共寫高情

王勃

披襟乘石磴列籍俯春泉蘭氣薰山酌松聲韻野弦影  
飄垂葉外香度落花前興洽林塘晚重巖起夕煙

早春陪崔中丞浣花谿宴

得字 張謂

旌節臨谿口寒郊斗覺暄紅亭移酒席講鷁過江村雲

帶歌聲颺風飄舞袖翻花間催秉燭川上欲黃昏

與鄆縣源大少府宴漢陂

得字 杜甫

應爲西陂好金錢盤一餐飯抄雲子白瓜嚼木精寒無

計迴船下空愁避酒難主人情爛熳持答翠琅玕

從岐王夜燕衛家山池

王維

座客香貂滿宮娃綺幔張澗花輕粉色山月少燈光積  
翠紗牕暗飛泉繡戶涼還將歌舞出歸路莫愁長

蕭文學山池宴

獨孤及

檀欒千畝綠知是辟疆園遠岫當庭戶諸花覆水源王  
人邀盡醉林鳥助狂言莫問愁多少今皆付酒樽

宴榮二山池

孟浩然

甲第開金穴榮期樂自多櫪嘶支遁馬池餐右軍鵝竹  
引攜琴入花邀載酒過山公來取醉時唱接羅歌

李卿東池夜宴

得池字

獨孤及

律詩五言 卷二十九

九

政成機不擾心愜宴忘疲去燭延高月傾巢就小池舞  
盤迴雪動絃奏躍魚隨自是山公興誰令下士知

同李太守北池泛舟宴鄭高平

高適

每揖黃華事還陪李郭舟雲從四座起水向百城流  
幽意隨登陟嘉言即獻酬乃知絳帳貴冷日對諸侯

喜華陰王少府使到南池宴

岑參

有客至鈴下自言身始梅仙人堂裏黃帝船邊來竹  
影拂棋局荷香隨酒杯池前堪醉臥月未須回

陪趙行軍北庭泛舟宴王侍御

難宴霜臺夜行軍粉署郎望歌江鳥沒吹笛岸花香酒

影搖新月離聲聒夕陽江鐘聞已暮歸棹綠川長

雲陽驛陪使君邵道士夜宴張子容

一尉東南遠誰知此夜歡諸侯傾皂蓋仙客整黃冠染翰燈花滿飛觴雲氣寒欣承國士遇更借美人看

宴戎州楊使君東樓

杜甫

勝絕驚身老情忘發興奇座從歌妓密樂任主人爲重碧拈春酒輕紅擘荔枝樓高欲愁思橫笛未休吹

楚江黃龍磯南宴楊執戟治樓

李白

五月入五洲碧山對青樓故人楊執戟春賞楚江流一見醉波漂月三杯縱棹謳桂枝攀不盡他日更相求

律詩五言卷二十九

宴陳十六樓

李頎

西樓對金谷此地古人心白日落庭內黃花生澗陰四鄰見疎木萬井度寒砧石上題詩處千年留至今

初秋登王司馬樓宴

序曰司馬公千里騰光異外臺而展足九日多暇敵麗譙

以開筵于時葭散秋灰檣移夏火鴻飛漸陸流斷吹以來寒鶴鳴在陰振中天而警露是餘開玉饌交雜佩而董蘭酒洽金翹映清博而湛菊維筋臨廣派有里章采之遊而俯瞰崇墉和叶城隅之會物色相召江山助入駱賓王請振翰林用濡筆海云爾

展驥端居暇登龍嘉宴同締賞三清滿承歡六義通野晦寒陰一作積潭虛夕照空顧慙非夢鳥溢此厠雕蟲

季秋蘇五弟纓江樓夜宴崔十三評事韋少府姪

三首

杜甫

峽險江驚急樓高月迴明一時今夕會萬里故鄉情星落黃姑渚秋辭白帝城老人因病酒堅坐看君傾

明月生長好浮雲薄漸適悠悠照邊塞悄悄憶京華清動杯中物高隨海上槎不眠瞻白兔百過落烏紗

對月那無酒登樓況有江聽歌驚白鬢笑舞拓秋牕樽蟻添相續沙鷗並一雙盡憐君醉倒更覺片心降

崔駙馬山亭宴

蕭史幽棲地林間踏鳳毛汎汎何處入亂石閉門高客醉揮金枕詩成得錦綳一作袍清秋多宴會終日困香醪

律詩五言卷二十九

十一

春日宴宋主簿山亭

得寒字

宋之問

公子正邀歡林亭春未闌攀巖踐苔易迷路出花難牕覆垂楊暖堦侵瀑水寒帝城歸路直留與接鸚鵡

陪王侍御宴通泉東山野亭

杜甫

江水東流去清樽日復斜異方同宴賞何處是京華亭景臨山水村煙對浦沙狂歌遇形勝得醉卽爲家

早秋宴張郎中海亭卽事

孟浩然

側聽絃歌宰文書游夏徒故園欣賞竹爲邑幸來蘇華省會聯事仙舟復與俱欲知臨泛久荷露漸成珠

前題

盧象

邑有絃歌宰翔鸞狎野一作狎鴈眷言華省舊暫滯一作海池遊鬱島藏深竹前谿對舞樓更聞書郎事雲物是

新秋

春夜峽州田侍御長史津亭宴得延字杜甫

北斗三更席西江萬里船杖藜登水榭揮翰宿春天白髮須一作多酒明星惜此筵始知雲雨峽忽盡下牢邊

郡南亭子宴

張謂

亭子春城外朱門向綠林柳枝經雨重松色帶煙深澆酒迎山客穿池集水禽白雲常在眼聊足慰人心

宴越府陳法曹西亭

孫逖

律詩五言卷二十九

十二

公府西巖下紅亭間白雲雪梅初度臘煙竹稍迎臘水木涵澄景簾櫳引霽氛江南歸思遍春鴈不堪聞

虢州西亭陪端公宴

岑參

紅亭出鳥外駿馬繫雲端萬嶺牕前睥千家肘底看開瓶酒色嫩踏地葉聲乾爲逼霜臺使重裘也覺寒

奉陪相公西亭夜宴陸郎中

獨孤及

仙良膺上才夜宴接三台燭引銀河轉花連錦帳開靜看歌扇舉不覺舞腰回寥落東方曙無辭盡玉杯

和韋尚書答梓州兄南亭宴

張九齡

棠棣聞餘興烏衣有舊遊門前杜城陌池上曲江流暇

日嘗繁會清風詠阻修始知西峙嶽同氣此相求

前題

孫逖

臺閣升高位園林隔舊鄉忽聞歌棣萼還比報瓊芳門向宜春近一作早郊連御宿長德星常有會相望在文昌

宴陶家亭子

李白

曲巷幽人宅高門大士家池開照膽鏡林吐破顏花綠水藏春日青軒秘晚霞若聞絃管妙金谷不能誇

宴吳王宅

祖詠

吳王承國寵列第禁城東連夜徵詞客當春試舞童砌分池水岸牕度竹林風更待西園月金樽樂未終

律詩五言卷二十九

十三

宴王使君宅

二首

杜甫

漢王追韓信蒼生起謝安吾徒自飄泊世事各艱難逆旅招邀近他鄉意緒寬不才甘朽質高臥豈泥蟠

汎愛容霜鬢留歡上一作夜關自吟詩送老相勸酒開顏戎馬今何地鄉園獨在山江湖墮清月醅酌任扶還

宴忠州使君姪宅

出守吾家姪殊方此日歡自須遊院巷一作不是泊湖灘樂助長歌逸一作杯饒旅思寬昔曾如意舞牽強爲看

爲看

宴李監宅

二首

尚覺王孫貴豪家意頗濃屏開金孔雀褥隱繡芙蓉且  
食雙魚美誰看異味重門關多喜色女壻近乘龍

華館春風起高城煙霧開雜花分戶映嬌燕入簾迴一  
見能傾座虛懷只愛才鹽官雖絆驥名是漢庭來

讌鄭伯璵宅

張謂

正月風光好逢君上客稀曉風催鳥嘯春雪帶花飛堂  
上吹金管庭前試舞衣俸錢供酒債行子未須歸

春夜韋明府宅宴

得春字

駱賓王

酌桂陶芳夜披薜蘿幽人雅琴馴魯雉清歌落范塵宿  
雲低迴葢殘月上虛輪幸此承恩洽聊當故鄉春

律詩五言 卷二十九

十四

秋夜宴臨津鄭明府宅

杜審言

行止皆無地招尋獨有君酒中堪累月身外即浮雲露  
白宵鍾徹風清曉漏聞坐攜餘興往還似未離羣

初秋於寶六郎宅宴

早日六郎道合永葵囀懸鶴

龍以緯歡于時一葉驚寒下陳柯而捲翠百花  
凝照淡虛曠以披紅既而俱欣得免之清共掩  
混芳隆而酌桂我雙致能石席以言蘭心口兩  
擗管操觚叶神心於勝氣盡陳六義諸賦一言  
既事疑毫成者先唱云爾

駱賓王

千里風雲契一朝心賞同意盡深交合一作神靈俗累  
空草帶銷寒翠花枝發一作夜紅唯將淡若水長挹古

人風

冬日宴于庶子宅

賦得平字

岑文本

金蘭薦惠好樽酒暢生平既欣投轄賞暫緩望鄉情愛  
景含霜晦落照帶風輕於茲歡宴洽寵辱詎相驚

前題 得鮮字

劉孝孫

解襟遊勝地披雲促宴筵清文振筆妙高論寫言泉凍  
柳含風落寒梅照日鮮驪歌雖欲奏歸駕且留連

前題 得歸字

許敬宗

倦游嗟落拓短翮慕追飛周醪忽同醉牙絃乃共揮油  
雲澹寒色落景霽霜霏累日方極分茲夕諒無歸

律詩五言 卷二十九

十五

冬宴 得杯字

于志寧

陋巷朱軒擁衡門綈騎來俱裁七步詠同傾三雅杯色  
動迎春柳花發犯寒梅賓筵半未醉驪歌不用催

同羣公十月朔宴李太守宅

高適

良牧徵高賞寒帷問考槃歲時當正月甲子入初寒已  
聽甘棠頌欣陪旨酒歡仍憐門下客不作布衣看

寒夜張明府宅宴

孟浩然

瑞雪初盈尺閒一作寒宵始半更列筵邀酒伴刻燭限詩  
成香炭金爐暖嬌絃玉指清醉來方欲卧不覺曉雞鳴

一作厭厭不覺歸路曉晨生

行軍雪後月夜宴王卿宅

岑參

子夜雪華餘卿家月影初酒香薰枕席鑑氣暖軒除晚  
歲宦情薄行軍歡宴疎相逢剝取醉身外盡空虛

宴胡侍御書堂

李尚書之芳鄭秘監  
審同集得歸字

杜甫

江湖春欲暮牆宇日猶微聞閣書籍滿輕輕花絮飛翰  
林名有素墨客與無違今夜文星動吾儕醉不歸

宴張別駕新齋

孟浩然

世業傳珪組江城佐股肱高齋徵學問虛薄濫先登講  
論陪諸子文章得舊朋士元多賞激衰病恨無能

和江陵宋大少府暮春雨後同諸公及舍弟宴書齋

律詩五言

卷二十九

十六

齋

杜甫

渥洼汗血種天上麒麟兒才士得神秀書齋閑爾為棣  
華晴雨好絲服暮春宜朋酒日歡會老夫今始知

從岐王宴楊氏別業

王維

楊子談經所處一作淮王載酒過興闌啼鳥換一作坐久  
落花多逕轉迴銀燭林開散玉珂嚴城時未啓前路擁

一作笙歌

夜宴左氏莊

杜甫

風林纖月落永露淨琴張暗水流花逕春星帶草堂檢  
書燒燭短看一作說劍引杯長詩罷聞吳詠屬丹意不忘

蚤春夜宴

則天皇后

九春開上節千門敞夜扉蘭燈吐新焰桂魄則天皇后  
酒惟須滿流杯不用稀務使霞漿興方乘洛歸

春日醴泉杜明府承恩五品宴

岑參

鳬鳥舊稱仙鴻私降自天青袍移草色朱綬奪花然邑  
裏雷仍震臺中星欲懸吾兄此棲棘因得賀初筵

冬日宴

駱賓王

二三物外友一百杖頭錢賞洽袁公地情披樂令天促  
席一作鸞觴滿當鑪獸炭然何須攀桂樹逢此自留連

幽州夜宴

張說

律詩五言

卷二十九

十七

涼風吹夜雨蕭瑟動寒林正有高堂宴能忘遲暮心軍  
中一作多舞塞上重笳音不作邊城將誰知恩遇深

夜宴

同用八字

張謂

北斗回新歲東園值早春竹風能醒酒花月解留人邑  
宰陶元亮山家鄭子真平生頗同道相見日相親

陪李金吾花下宴

杜甫

勝地初相引徐行得自娛見輕吹鳥毳隨意數花鬚細  
草稱偏坐香醪懶再沽醉歸應犯夜可怕李金吾

陪封大夫宴

得征字時封公兼鴻臚卿

岑參

西邊虜盡平何處更專征幕下人無事軍中政已成座



參殊俗語樂雜異方聲醉裏東樓月偏能照列卿

故刑部李尚書荆谷山集

張九齡

嘗聞繼老聃身退道彌純結宇倚青壁疏泉噴碧潭苔石隨人古煙花寄酒酣山光紛向夕歸興杜城南

劉九法曹鄭瑕丘石門集

杜甫

秋水清無底蕭然淨客心掾曹乘逸興鞍馬到荒林一作去相能吏逢聯壁華筵直一金晚來橫吹好泓下亦龍吟

王十五前閣集

楚岸收新雨春臺引細風情人來石上鮮鱗出江中鄰

律詩五言 卷二十九

十八

舍煩書札肩輿強老翁病身虛俊味何幸飫兒童

羣公集畢氏林亭

陳子昂

金門有遺世一作士鼎實恣和邦默語誰能

一作識

寄北牕子牟戀魏闕漁父愛滄江良時信同此歲晚迹

難雙

夏日與崔二十一同集衛明府宅 孟浩然

言避一時暑池亭五月開喜逢金馬客同飲玉人杯舞

鶴乘軒至遊魚擁劍來座中殊未起簫管莫相催

暮秋會嚴京兆後廳竹齋

岑參

京兆小齋寬公庭半藥欄甌香茶色嫩牕冷竹聲乾盛

德中朝貴清風畫省寒能將吏部鏡照取寸心看

與盧象集朱家

王維

主人能愛客終日有逢迎實得新豐酒復聞秦女箏柳條疎客舍槐葉下秋城語笑且爲樂吾將達此生

設缸面酒款蕭翼

採得來字

釋辯才

初醞一缸開新知萬里來披雲同落莫步月共徘徊夜久孤琴思風長旅鴈哀非君有秘術誰照不然灰

答僧辯才

蕭翼

邂逅欵良宵殷勤荷勝招彌天俄若舊初地豈成遙酒蟻傾還泛心猿躁似調誰憐失羣翼長苦業風飄

律詩五言 卷二十九

十九

聖終南山

太宗

重巒俯渭水碧嶂插遙天出紅扶嶺日入翠貯巖煙疊松朝若夜複岫關疑全對此恬千慮無勞訪九仙

賦終南山

應詔用風字

楊師道

一作春言懷隱逸輟駕踐幽叢白雲飛夏雨碧嶺橫一作冠春虹草綠長楊路花疎五柞宮登臨日將晚蘭桂起

香風

詠終南山

蓬萊三殿侍宴奉勅作

杜審言

北斗掛城邊南山倚殿前雲標金闕迴樹杪玉堂懸半嶺通佳氣中峰繞瑞煙小臣持獻壽長此戴高一作天

望終南山

王維

太乙近天都連山到海隅白雲迴望合青霄入看無分  
野中峯變陰晴衆壑殊欲投人處宿隔水一作問樵夫

登驪山高頂寓目

中宗

四郊秦漢國八水帝王都閭閻雄里閭城關壯規模貫  
渭稱天邑含岐實奧區金門披玉館因此識皇一作黃圖

奉和

李嶠

步輦陟山巔山高入紫煙忠臣還捧日聖后欲捫天迴  
識平陵樹低看華嶽蓮帝鄉應不遠空見白雲懸

奉和

趙彥昭

律詩

五言

卷二十九

二十一

皇情遍九垓御輦駐昭回路若隨天轉人疑近日來河  
看大禹鑿山見巨靈開願扈登封駕常持薦壽杯

奉和

劉憲

驪阜鎮皇都鑾遊眺八區原隰旌門裏風雲宸座隅直  
城如斗柄宮樹似星榆從臣詞賦末濫得上天衢

奉和

武平一

鑾輿上碧天翠帟拖晴煙絕導紆仙逕層崑崙御筵雲  
披丹鳳闕日下黑龍川更親南薰奏流聲入管弦

奉和

張說

寒山上半空臨眺盡寰中是日巡遊處晴光遠近

同川明分渭水樹暗辨新豐巖整清音暮天歌起大風

奉和

李義

崖巖萬尋懸居高敞御筵行戈疑駐日步輦若升天城  
闕霧中近關河雲外連謬陪登弁一作駕欣奉濟汾篇

奉和

崔湜

名山何壯哉玄覽一徘徊御路穿林轉旌門倚石開煙  
霞肘後發河塞掌中來不學蓬壺遠經年猶未迴

奉和

張嘉貞

洞府寒山曲天遊日盱迴披雲看石鏡拂殿上金臺竹  
徑龍驂下松庭鶴轡來雙童還獻藥五色耀仙材

律詩

五言

卷二十九

二十一

奉和

崔颢

仙蹕御層氛高高積翠分巖聲中谷應天語半空聞  
樹連黃葉由關入紫雲聖圖恢寓縣歌賦小

奉和登會昌山

孫逖

巖檻列雲旗吾君訪道時乾行萬物親日取一作六龍  
連望遠迴天顧登高動睿詞願因山作壽長保一作保昌則

前題

一作錢起

睿想入希夷真游到具茨玉鸞登障遠雲路出從龍  
壑凝神處陽和布澤時六龍多順動四海正維然

登松山嶺

應制

宋之問

鳳翼高旌轉銚銚鳳輦飛塵銷清蹕路雲濕從臣衣白羽搖丹墜天營逼翠微芳聲耀今古四海警宸威

登石門

駱賓王

層巖遂接天絕嶺上棲煙松低輕蓋偃藤細弱絲綯一作懸石明如掛鏡苔分似列錢暫策爲龍杖何處得神仙

觀華嶽

祖詠

西入秦關口南瞻驛路連彩雲生闕下松樹到祠邊作鎮當官道雄都俯大川一作爲雄控大川蓮危一作峯徑上處彷彿有神仙

晚泊潯陽望廬山

孟浩然

律詩

五言

卷二十九

二十三

挂席幾千里名山都未逢泊舟潯陽郭始見香爐峯遙公傳永懷塵外蹤東林精舍近日暮坐

湖口望廬山瀑布泉

張九齡

萬丈洪紅一作泉落迢迢半紫氛奔飛下出重雲日照虹蜺似天清風雨聞靈山多秀色

氣氤

望龍門山

杜甫

龍門橫斷驛樹出城來氣色皇居近金銀佛寺開往來一作時屢改川陸水日悠哉相聞征

幾迴

曉望白帝城鹽山

徐步移斑杖看山仰白頭羣深開斷壁紅遠結飛樓日出清江望暄和散旅愁春城見松雪始擬進歸舟

白鹽山

卓立羣峯外蟠根積水邊他皆任厚地爾獨近高天白榜千家邑清秋萬估船詞人取佳句刻畫竟誰傳

登鹿門作

和張明府

孟浩然

忽示登高作能寬旅寓情絃歌既多暇山水思微一作清草得風光動虹因雨氣一作後成謬承巴里和非敢應同聲

律詩

五言

卷二十九

二十三

遊鳳林寺西嶺

共喜年華好來遊水石間煙容開遠樹春色滿幽山空酒朋情洽琴歌野興間莫愁歸路暝招月伴人還

尋天台山

吾友一作發太乙子餐雲卧赤城欲尋華頂去不憚惡谿名歇馬憑雲宿揚帆截海行高高翠微裏遙見石梁橫

茅山洞口

蔡母潛

華陽仙洞口半嶺拂雲看窈窕穿苔壁差池對石壇方隨地脉轉稍覺水晶寒未果變金骨歸來茲路難

曉入南山

孟浩然

瘴氣曉氛氲南山復一作水雲鯤飛今始見鳥墮舊來

聞地接長沙近江從汨渚分賈生曾弔屈子亦痛斯文

登天目山下作

張萬頃

去歲離秦望今冬使楚關淚添天目水髮變海頭山別  
毋鳥南逝辭兄鴈北還宦遊偏不樂長爲憶慈顏

度大庾嶺

宋之問

度嶺方辭國停輶一望家魂隨南翥鳥淚盡北枝花山  
雨初含霽江雲欲變霞但冷歸有日不敢恨長沙

奉和次瓊嶽

應制

張九齡

山祗亦望幸雲雨見靈心嶽館逢朝霽關門解宿陰咸  
律詩五言 卷二十九 二十四

京天上近清渭日邊臨我武因冬狩何言是即禽

前題

李林甫

東幸從人望西巡順物回雲收二華出天轉五星來  
月農初罷三驅禮復開更看瓊岳上佳氣接神臺

前題

韋濟

陸海披晴雪千旗獵早陽岳臨秦路險河遶漢川長行  
潮通鵲離宮接建章都門信宿近歌舞從周王

夜宿七盤嶺

沈佺期

獨遊千里外高卧七盤山一作月臨牀一作近天河  
入戶低芳春平仲綠清夜子規啼浮客空留聽裏城聞

曙雞

宿巫山下

李白

昨夜巫山下猿聲夢裏長桃花飛綠水三月下瞿塘雨  
色風吹去南行逐一作楚王高丘懷宋玉訪古一尋常

北眺春陵

駱賓王

攬轡疲宵邁驅馬倦晨興旣出封泥谷還過避雨陵山  
行明照上谿宿密雲蒸登高徒欲賦詞殫獨撫膺

山行

殷遙

寂歷青山曉山行趣不稀野花成子落江燕引雛飛暗  
草薰香徑一作晴楊掃一作石磯俗人猶語此余亦轉

歸

律詩五言 卷二十九 二十五

入昌松東界山行

高適

鳥道幾登頓馬蹄無暫一作閒崎嶇出長坂合谷猶一作山

山石激水流處天寒松色間王程應未盡且莫顧刀

入漢川山行

呈成少西

岑參

西蜀方攜手南宮憶比肩平生猶不淺羈旅轉相憐山  
店雲迎客江村犬吠船秋來取一醉須待月光眠

與白明府遊江一

孟浩然

故人來自遠邑宰復初臨執手恨爲別同知無異心  
洄洲渚趣演漾絃歌音誰識躬耕者年年梁甫吟

泛江

杜甫

方舟不用楫極目總無波長日容杯酒深江淨綺羅亂  
離還奏樂飄泊且聽歌故國流清渭如今花正多

渡江

春江不可渡二月已風濤舟楫欹斜疾魚龍偃卧高渚  
花張素錦汀草亂青袍戲問垂綸客悠悠見汝曹

夜渡江

姚崇

夜渚帶浮煙蒼茫晦遠天舟輕不覺動纜急始知牽聽  
草遙尋岸聞香暗識蓮唯看孤帆影常恐客心懸

渡瓜步江

駱賓王

律詩五言

卷二十九

二十六

捧檄辭幽徑鳴榔下貴鄉一作洲驚濤疑躍馬積氣似連

半月迴寒沙淨風急夜江秋不學浮雲影他鄉空滯留

渡楊子江

一作孟浩然

丁仙芝

桂楫一作旌節中流望空波兩畔明林開楊子驛山出潤州

城海盡邊陰靜江寒朔吹生更聞楓葉下淅瀝度秋聲

泊楊子江

祖詠

纔入維揚郡鄉關此路遙一作遙林藏初過雨風退

欲歸潮江火明沙岸雲帆礙浦橋客衣今日正一作薄寒

氣近一作來饒

自彭蠡湖初入江

張九齡

江岫殊空闊雲煙處處浮上來羣噪鳥中去獨行舟空

落誰相顧逶迤日自愁更將心問影于役復何求

秋日陪李侍御渡松滋江

孟浩然

南紀西江闊皇華御史雄截流寧假楫挂席自生風僚

采爭攀鰲魚龍亦避驄坐聽白雪唱翻入棹歌中

江行

常建

平湖四無際此夜泛孤舟明月異方意吳歌令客愁鄉

園碧雲外兄弟淥江頭萬里無歸信傷心看斗牛

江行紀事二首

席豫

飄飄任舟楫迴合傍江津後一作浦情猶在前山賞更

律詩五言

卷二十九

二十七

新樹深煙羃羃一作灘淺石磷磷川路南行遠淹留惜

此辰

江帆春風勢山樓曙月輝猿攀紫巖飲鳥拂清潭飛古

樹崩沙岸新苔覆石磯津途賞無限征客慙忘歸

江上

張九齡

長林何繚繞遠水復悠悠盡日餘無見爲心那不愁憶

將親愛別行爲主恩酬感激空如此芳時屢已遭

汪上

杜甫

江上日多雨蕭蕭荆楚秋高風下木葉永夜攬貂裘勲

業頻看鏡行藏獨倚樓時危思報主衰謝不能休

寒夜江口泊舟

儲光義

寒潮信未起出浦纜孤舟一夜苦風浪自然增旅愁吳山遲海月楚火照江流欲有知音者異鄉誰可求

巴西驛亭觀江漲

三首 杜甫使君

杜甫

宿雨南江漲波濤亂遠峯孤亭凌噴薄萬井逼春容

漢愁高鳥泥沙困老龍天邊同客舍攜我豁心胸

轉驚波作怒只恐岸隨流賴有杯中物還同海上鷗關

心小剡縣傍眼見揚州爲接情人飲朝來減片愁

向晚波微綠連空岸脚青日兼春有暮愁與醉無醒漂

泊猶杯酒脚踟此驛亭相看萬里客一作外同是一浮萍

律詩 五言 卷二十九

二十八

江漲 二首

江發蠻夷漲山添雨雪流大聲吹地轉高浪蹴天浮魚

驚爲人得蛟龍不自謀輕帆好去便吾道付滄洲

江漲柴門外兒童報急流下牀高數尺倚杖沒中洲細

動迎風燕輕搖逐浪鷗漁人策小楫容易拔船頭

張江 二首

衆水會滄萬壑爭一門明宗人共挹盜賊爾誰尊孤

石隱如馬高羅垂飲猿歸心異波浪何事即飛翻

浩浩終不息乃知東極臨衆流歸海意萬國奉君心色

借瀟湘閣聲驅濫瀕深未辭添霧雨接上一作遇

永襟

泛永嘉江 日暮迴舟作

張子容

無雲天欲暮輕

一作轉

錫大江清歸路煙中遠迴舟月上

行傍潭窺竹暗出嶼見沙明更值微風起乘流絲管聲

夜渡淮

閻丘曉

舟人自相報落日下芳潭夜火連淮市春風滿客帆水

窮滄海畔路盡小山南且喜鄉園近能令意味甘一作言榮

意未甘

與永樂諸公夜泛黃河作

閻防

煙深載酒入但覺暮川虛映采見山火鳴榔聞夜漁愛

律詩 五言

卷二十九

二十九

茲山水趣忽與人世

一作世

疎無暇

一作然

官燭中流有

望舒

渡漢水 一作漢江送客

席豫

蕭蕭蘆花花郢客獨辭家遠棹依山響危檣轉浦斜水

寒澄淺石潮落漲虛沙莫與征徒望鄉園去漸賒

漢江臨汎

王維

楚塞三湘接荆門九派通江流天地外山色有無中郡

邑浮前浦波瀾動遠空襄陽好風日

一作風

留醉與山

翁 一作公

與鮮于庶子泛漢江

岑參

急管更須吹杯行莫遣遲酒光紅琥珀江色碧琉璃日影浮歸棹蘆花骨釣絲山公醉不醉問取葛疆知

臨洛水

太宗

春蒐馳騁

一作駿骨總轡俯長河霞處流縈錦風前濛濛卷

羅水花

一作翻照樹堤蘭倒插波豈必汾陰曲秋雲發

棹歌

奉和 一作孫逖

薛春感

禁園紆睿覽仙棹叶宸遊洛北風花樹江南彩畫舟榮

芳

一作生蘭蕙草春入鳳凰樓興盡離宮暮煙光起夕流

晚入汴水

崔顥

律詩 五言

卷二十九

三十一

昨晚南行楚今朝北汴河客愁能幾日鄉路漸無多晴

景搖津樹春風起棹歌長淮亦已盡寧復畏潮波

日暮望涇水

徐玣

導源經隴阪屬汭貫羸都下瀨波常急迴圻溜亦紅蕖

流秦卒斃泥糞漢田腴獨有迷津客懷歸軫暮途

初入湘中作

張九齡

征鞍窮郢路歸棹入湘流望鳥唯貪疾聞猿亦罷愁兩

邊楓作岸數處橋爲洲却記

一作從來意

翻疑夢裏遊

裏遊

夜渡湘水

孟浩然

客舟行 一作貪利涉關夜 一作裏渡湘川露氣聞芳杜歌聲識采蓮榜人投岸火漁子宿潭煙行侶 一作時相問潯陽何處邊

晚泊湘江

宋之問

五嶺恓惶客三湘顚顚顏況復秋雨霽表裏見衡山路

逐鵬南轉心依鴈北還唯餘望鄉淚更染竹成斑

自湘水南行

張九齡

落日催行舫逶迤洲渚間雖云有物役乘此更休閒暝

色生前浦清暉發近山中流澹容與唯愛鳥飛還

望洞庭湖

贈張丞相

孟浩然

律詩 五言

卷二十九

三十一

八月湖水平涵虛混太清氣蒸雲夢澤波撼岳陽

城欲濟無舟楫端居耻聖明坐觀垂釣者空有羨魚情

魚情

過洞庭湖

杜甫

蛟室圍青草龍堆隱白沙護堤盤古木迎棹舞神鴉破

浪南風正回檣畏日斜湖光與天遠直欲汎仙槎

宿青草湖

洞庭猶在目青草續爲名宿榮依農事郵籤報水程寒

水爭倚薄雲月遞微明湖鴈雙雙起人來故北征

與賈至舍人於龍興寺剪落梧桐枝望滬湖



李白

剪落青梧枝，滄湖坐可窺。雨洗秋山淨，林光澹碧滋。水  
閒明鏡轉，雲繞畫屏移。千古風流事，名賢共此時。

秋夜陪張丞相趙侍御遊滄湖

二首 前日燕公以  
御客馬車理方冊燈遊滄湖  
蓋司馬初到趙侍  
石之奇騁望崇朝留樽待月  
一時之樂豈不盛  
歟賦詩者列之於左

尹恁

熊軾巴陵地，鷁舟湘水潯。江山與勢遠，泉石自幽深。杏  
靄入天壑，冥茫見道心。超然無俗事，清宴有空林。

江上饒奇山，噴羅雲水間。風秋樹色雜，苔古石文斑。巴

俗將千澹，滄湖凡幾灣。嬉遊竟不盡，乘月汎舟還。

律詩 五言 卷二十九 三十二

和尹恁

張說

滄湖佳可遊，既近復能幽。林裏栖精舍，山間轉小舟。鷁  
飛江月冷，猿嘯野風秋。不是迷鄉客，尋奇處處留。

和尹恁

趙冬曦

政理常多暇，方舟此泝洄。吹笙虛洞答，舉楫便風偕。山  
暗雲猶辨，潭幽月稍來。清谿無數曲，未盡莫先迴。  
煙靄多微紫，幽灣賞未窮。艤舟待初月，褰幌招遙風。鵲  
聲聒前浦，漁火明暗叢。東山雲壑意，不謂爾來同。

和尹恁 二首

張均

遠水沈西田，寒沙聚夜鷗。平湖乘月滿，飛棹接星流。黃

葉鳴淒吹，蒼葭掃暗洲。願移滄浦賞，歸侍潁川遊。

灣潭幽意深，杳靄涌寒岑。石痕秋水落，嵐氣夕陽沈。澄  
徹天爲底，淵玄月作心。青谿非大隱，歸弄白雲深。

峽中作

蘆象

高唐幾百里，樹色一作雲接陽臺。晚見江山霽，宵聞風雨  
來。雲一作雷從三峽起，天向數峯開。靈境信難見，輕舟那  
可回。

出峽

胡皓

巴東三峽盡，曠望九江開。楚塞雲中出，荆門水上來。魚  
龍潛嘯雨，鳬鴈動成雷。南國秋風晚，客思幾悠哉。

律詩 五言 卷二十九 三十三

瞿塘兩崖

杜甫

三峽傳何處，雙崖壯此門。入天猶石色，穿水忽雲根。保  
覆頻鼻古，蛟龍窟宅尊。羲和冬馭近，愁畏日車翻。

峽口 二首

峽口大江間，西南控百蠻。城歛連粉堞，岸斷更青山。開  
闢當天險，防隅一水關。亂離聞鼓角，秋氣動衰顏。  
時清關失險，世亂戟如林。去矣英雄事，荒哉割據心。蘆  
花留客晚，楓樹坐猿深。疲蕭煩親故，諸侯數賜金。

秋峽

江濤萬古峽，肺氣久衰翁。不寐防巴虎，全生狎楚童。衣

裳垂素髮門巷落丹楓嘗佐商山老兼存翊贊功

峽隘

聞說江陵府雲沙靜眇然白魚如切玉朱橘不論錢水  
有遠湖樹人今何處船青山各在眼却望峽中天

澧澗堆

巨石水中央江寒出水長沈牛答雲雨如馬戒舟航天  
意存傾覆神功接混茫干戈連解纜行止憶垂堂

滇陽峽

行舟傍越岑窈窕越谿深水闊先秋冷山晴當晝陰重  
林間五色對壁聳千尋惜此生遐遠誰知造化心

律詩五言

卷二十九

三十四

道峽似巫山

朱使欣

江如曉天靜石似暮雲張征帆一流覽宛若巫山陽  
客思歸路秦人謫異鄉猿鳴孤月夜再使淚霑裳

和朱使欣

張說

南土多遺寇西江盡畏途山行阻篳竹水宿礙荊蒲使  
越才應有征蠻力豈無空傳人贈劔不見虎銜珠

江勢連山遠天涯此夜愁霜空極天靜寒月帶江流思  
起南征棹文高北望樓自憐如墜葉汎汎侶仙舟

望秦川

李順

秦川朝望迴日出正東峯遠近山河淨逶迤城闕重秋

聲萬戶竹寒色五陵松客有歸歟歎懷其霜露濕

入秦川界

盧照隣

隴阪長無極蒼山望不窮石逕縈疑斷回流映似空花  
開綠野霧鸞鳴紫巖風春芳勿遽盡留賞故人同

終南東谿中作

岑參

谿水碧於草潏潏花底流沙平堪濯足石淺不勝舟洗  
藥朝與暮釣魚春復秋興來從所適還欲向滄洲

武陵谿泛

孟浩然

武陵川路狹前棹入花林莫測幽源裏仙家信幾深水  
迴青嶂合雲度綠谿陰坐聽開猿嘯彌清塵外心

律詩五言

卷二十九

三十五

泛鏡湖南谿

宋之問

乘興入幽棲舟行日向低巖花候冬發谷鳥作春啼香  
嶂開天小叢篁夾路迷猶聞可憐處更在若邪谿

遊越谿

鄭紹

谿水碧悠悠猿聲斷客愁漁潭逢釣楫月浦值孤舟訪  
泊隨煙火迷途視斗牛今宵越鄉意還取醉忘憂

初發曲江谿中

張九齡

谿流清且深松石復陰臨正爾可嘉處胡爲無賞心我  
由不忍別物亦有緣侵自匪嘗行過誰能知此音

耒陽谿夜行

乘夕棹歸舟緣源路轉幽月明看嶺樹風靜聽谿流嵐  
氣船間入霜華衣上浮猿聲雖此夜不是別家愁

溪上

杜甫

峽內淹留客溪邊四五家古苔生迤地秋竹隱疎花寒  
俗人無井山田飯有沙西江使船至時復問京華

雙楓浦

輟棹青楓浦雙楓舊已摧自驚衰謝力不道棟梁材浪  
足浮紗帽皮須截錦苔江邊地有主暫借上天迴

宿范浦

崔國輔

月暗潮又落西陵渡暫停村煙和海霧舟火亂江星路  
律詩 五言 卷二十九 三十六

轉定山達一作塘連范浦橫鷗夷近何去空山臨滄溟

遊九龍潭

同太平公主作

則天皇后

山牕遊玉女澗戶對瓊峯巖頂翔雙鳳潭心倒九龍消  
中浮竹葉杯上寫芙蓉欲驗山家賞唯有風入松

白馬潭

杜甫

水生春綫沒日出野船開宿鳥行猶去叢花笑不來人  
人傷白首處處接金杯莫道新知寡一作南征且未廻

觀魚潭

李白

觀魚碧潭上木落潭水清日暮紫鱗躍圓波處處生涼  
煙浮竹盡秋月照沙明何必滄浪去茲焉可濯纓

沙苑南渡頭

王昌齡

秋霧連雲白歸心浦淑懸津人空守纜村館復臨川蓬  
隔蒼茫雨波連演漾田孤舟未得濟入夢在何年

晚發五渡

岑參

客厭巴南地鄉鄰劔北天江村片雨外野寺夕陽邊  
葉藏山徑蘆花雜渚田舟行未可住乘月且須牽

與鄆縣源少府泛漢陂

載酒入天色水涼難醉人清搖縣郭動碧洗雲山新吹  
笛驚白鷺垂竿跳紫鱗憐君公事後陂上日娛賓

與鄆縣羣官泛漢陂

律詩 五言 卷二十九 三十七

萬頃浸天色千尋窮地根舟移城入樹岸澗水浮村間

驚鷺蕭管潛蚪傍酒樽暝來呼小吏列火儼歸軒

遊秋浦白筍陂

李白

何處夜行好月明白筍陂山光搖積雪猿影掛寒枝但  
恐佳景晚小令歸棹移人來有清興及此正相思

白筍夜長嘯爽然豁谷寒魚龍動陂水處處生波瀾入  
借一明月飛來碧雲端故鄉不可見腸斷正西看

汎前陂

王維

秋空自明迴沉復遠人間一作暢以沙際鶴兼之雲外  
山澄波一作澹將夕清月皓方閒此夜任孤棹夷猶外

未還

溫泉

性此溫泉是得愈疾豈余獨受其福思與元人共之乘暇巡遊乃言其志

玄宗

桂殿與山連蘭湯湧自然陰崖含秀色溫谷吐潺湲積爲燭邪著功因養正宜願言將億兆同此共昌延

奉和

張說

溫谷媚新豐驪山橫半空湯池薰水殿翠木暖煙宮起疾逾仙藥無私合聖功始知堯舜德心與萬人同

初出洛城

奉和聖製

張九齡

東土淹龍駕西人望翠華山川祇詢物宮觀豈爲家十律詩五言卷二十九

月迴星

一作斗

斗千官捧日一作日車洛陽無幾思一作思更非賒

從駕出長安城

一作宋之間

王昌齡

聖德超千古皇風扇九圍天迴萬象出駕動六龍飛淑氣來黃道祥雲覆紫微太平多扈從文物有光輝

初出京城

和杜杜公

岑參

按節辭黃閣登壇戀赤墀銜恩期報主授律還行帥野鵲迎金印如雲拂畫旗叨陪幕中客敢和出中司

登襄陽城

杜審言

旅客三秋至層城四望開楚山橫地出漢水接天回冠

蓋非新里章華卽舊臺習池風景異歸路滿塵埃

登潤州城

丘爲

天末江城晚登臨客望迷春潮平島嶼殘雨隔虹蜺鳥與孤帆遠煙和獨樹低鄉山何處是目斷廣陵西

岳州山城

張說

山城豐日暇閉戶見天心東曠迎朝色西樓引夕陰書觀千載近學靜二毛深忽有南風至吹君堂上琴

和燕公

趙冬曦

爲吏思猶舊投沙惠此蒙江邊攸爾處泗上宛然同訪道精言合論經大義通鳴琴有真氣況已沐清風

律詩五言

卷二十九

三十九

奉和

張均

郡館臨清賞開一作開扁坐白雲訟虛榮戶曙觀靜竹簾懸懸楊迎賓下趨庭學禮聞風傳琴上意一作意通自日華

上白帝城

杜甫

城峻隨天壁樓高更一作望女牆江流思夏后風至憶襄王老去聞悲角人扶報夕陽公孫初恃險驪馬急何人

泊岳陽城下

江國踰千里山城僅百層岸風翻夕浪舟雪洲寒燐留滯才難盡艱危氣益增圖南未可料變化有鯢鰐

過函谷關

宋之問

二百四十載海內何紛紛六國兵同合七雄勢未分從  
成拒秦帝策決問蘇君雞鳴將狗盜論德不論勳

過函谷關

楊齊哲

地險峻函北途經分陝東逶迤衆山盡荒涼古塞空河  
光流曉日樹影散朝風聖德今無外何處是關中

散關晨度

王勃

關山凌旦開石路無塵埃白馬高譚去青牛真氣來重  
門臨巨壑連棟起崇隈卽今揚策度非是棄繻回

發興州

蘇頌

危途曉未分驅馬傍江濱滴滴泣花露微微出岫雲松  
律詩 五言 卷二十九 四十一

梢半吐月蘿翳漸移曉旅客腸應斷吟猿更使聞

發潭州

杜甫

夜醉長沙酒曉行湘水春岸花飛送客橋燕語留人買  
傳才何未一作有褚公書絕倫名高前後事回首傷神

發錦沙村

崔顥

北上途未半南行歲已闌孤舟下建德江水入新安海  
近山常雨谿深地早寒行行泊不可須及子陵灘

易陽早發

王勃

飭裝便曉月奔策候殘星危閣尋丹嶂迴梁屬翠屏雲  
間迷樹影霧裏失峯形復此涼颼至空山飛夜螢

焦岸早行 和陸四

侵星違旅館乘月戒征傳複嶂迷晴色虛巖辨曉陰  
吟山漏曉螢散野風秋故人渺何際鄉關雲霧浮

早發平昌島

沈佺期

解纜春風後鳴榔曉漲前陽烏出海樹雲鴈下江煙積  
氣衝長島浮光溢大川不能懷魏闕心賞獨泠然

途中曉發

崔曙

曉霽長風裏勞歌赴遠期雲輕歸海疾月滿下山遲旅  
望因高盡鄉心遇物悲故林遙不見況在落花時

舟行旦發

張軫

律詩 五言 卷二十九 四十二

夜帆時未發同侶暗相催山曉月初下江鳴潮欲來稍  
分楊子岸不辨越王臺自客水鄉裏舟行知幾迴

曉發

賀知章

江臯聞曙鐘輕棹理還舸海潮夜約約川露晨溶溶始  
見沙上鳥猶埋雲外峯故鄉杳無際明發懷朋從

早行

郭良

早行星尚在數里未天明不辨雲林色空聞風水聲月  
從山上落河入斗間橫漸至重門外依稀見洛城

麻平晚行

王勃

百年懷土望千里倦遊情高低尋戍道遠近聽泉聲礪

葉纔分色山花不辨名羈心何處盡風急暮後清

下京口埭夜行

孫逖

孤帆度綠氛寒浦落紅曛江樹朝來出吳歌夜漸聞南  
溟接潮水北斗近鄉雲行役從茲去歸情入鴈羣

望鄉夕泛

駱賓王

歸懷剩不安促榜犯風瀾落宿含樓近浮月帶江寒喜  
逐行前至憂從望裏寬今夜南枝鵲應無繞樹難

晚行口號

杜甫

三川不可到歸路晚山稠落鴈浮寒水饑鳥集戍樓市  
朝今日異喪亂幾時休遠愧梁江總還家尚黑頭

律詩五言

卷二十九

四十二

過江赴荊州

四月一日

張說

春色沅湘盡三年客始回夏雲隨北帆同日過江來水  
漫荆門出山平郢路開比肩楊叔子千載豈無才

下江南向夔州

天明江霧歇洲浦棹歌來綠水逶迤去青山相向開城  
臨蜀帝祀雲接楚王臺舊知巫山上遊子共裴徊

自洛之越

孟浩然

皇皇三十載書劍兩無成山水尋吳越風塵厭洛京偏  
舟泛湖海長揖謝公卿且樂杯中物誰論世上名

經行嵐州

杜審言

北地春光晚邊城氣候寒往來花不發新舊雪仍殘水

作琴中聽山疑畫裏看自驚牽遠役艱險促征鞍

經梧州

宋之問

南國無霜霰連年見物華青林暗換葉紅藥續開花春  
去聞山鳥秋來見海槎流芳雖可悅會自泣長沙

經三泉路作

蘓頌

三月松作花春行日漸賒竹障

一作妨

山鳥路藤蔓

一作沒

野人家透石飛梁下尋雲絕磴斜此中誰與樂揮涕語  
年華

過蠻洞

宋之問

律詩五言

卷二十九

四十三

越領千重合蠻溪十里斜竹迷樵子徑萍散釣人家竹  
暗交楓葉關香覆橘花誰憐在荒外

過鄭曲

柳詠

路向榮川谷一作谷晴來望盡通細煙生水上圓月有州  
中岸勢迷行客秋聲亂草蟲旅懷勞自慰浙浙有涼風

入喬口

杜甫

漠漠舊京遠遲遲歸路賒殘年傷水國落日對春華樹  
密早峰亂江泥輕燕斜賈生骨已朽悽惻近長沙

途次陝州

玄宗

曉出三秦外途分二陝中山川入虜虢風俗限西東樹

古棠陰在耕餘讓畔空鳴笳從此去行見洛陽宮

奉和

張說

周召嘗分陝詩書空復傳何知萬乘賸追賞二南篇郡  
帶洪河側宮臨大道邊洛城將日近佳氣滿山川

奉和

張九齡

馳道當河陝陳詩問國風川原三晉別襟帶兩京同後  
殿函關盡前旌關塞通行看洛陽陌光景麗天中

途次望鄉

孟浩然

客行愁落日鄉思重相催况在他山外天寒夕鳥來雪  
深迷郢路雲暗失陽臺可歎懷惶子高又作狂歌誰爲

律詩五言

卷二十九

四十四

媒一作謀

大蘇州

李義

洛渚問吳潮吳門想洛橋夕煙楊柳岸春水木蘭橈城  
邑南樓近星辰北斗遙無因生羽翼輕舉託還颺

晚次樂鄉縣

陳子昂

故鄉杳無際日暮且孤征川原迷舊國道路入邊城野  
戍荒煙斷深山古木平如何此時恨嗷嗷夜猿鳴

宿武陵即事

孟浩然

川暗夕陽殘一作盡孤舟泊岸初嶺猿相叫嘯潭嶂一作  
似空虛就枕滅明燭扣舷聞夜漁雞鳴問何處人物是

秦餘

淮陰夜宿

一首

孫逖

水國南無畔扁舟北未期鄉情淮上失歸夢郢中疑木  
落知寒近山長見日遲客行心緒亂不及洛陽時

永夕卧煙塘蕭條天一方秋風淮水落寒夜楚歌長宿

莽井中土鱸魚豈我鄉孤舟行已倦南越尚茫茫

深灣夜宿

王勃

津途臨巨壑村宇架危岑環絕灘聲隱峯交樹影深江  
童暮理楫山女夜調砧此時故鄉遠寧知遊子心

泊舟盱眙

一作常建

韋建

律詩五言

卷二十九

四十五

泊舟淮水次霜降夕流清夜久潮侵岸天寒月近城半

沙依鴈宿候館聽雞鳴鄉國雲霄外誰堪羈旅情

幸蜀西至劍門

玄宗

劍閣橫雲峻鑾輿出狩迴翠屏千仞合丹嶂五丁開灌  
木繁旗轉仙雲拂馬來乘時方在德嗟爾勒銘才

從駕至河東

王昌齡

晉水千廬合汾橋萬國從開唐天業盛入沛聖恩濃下  
輦迴三象題碑任六龍睿明懸日月千載一作此時逢

至分陝

駱賓王

陝西開勝壤召南分沃疇列樹巢維鵲平渚下睢鳩憩



棠疑勿翦曳葛似攀縈至今玉化美非獨在隆周

至分水戍

行役總離憂復此愴分流灘石迴湍咽繁叢曲澗幽陰  
崖常結晦宿莽競含秋況乃霜晨早寒風入戍樓

初達驩州

沈佺期

自昔聞銅柱行來向一年不知林邑地猶隔道明天雨  
露何時及京華若箇邊思君無限淚堪作日南泉

初至犍爲作

岑參

山色軒檻內灘聲枕席間章生公府靜花落訟庭閒雲  
雨連三峽風塵接百蠻到來能幾日不覺鬢毛斑

律詩五言 卷二十九

四十六

夜到澗州

孫逖

夜到一作丹陽郡天高氣象秋海隅雲漢轉江畔火星  
流城郭傳金柝閭闔閉綠洲客行凡幾夜新月再如鉤

泝江至武昌

孟浩然

家本洞湖定一作上歲時歸思催客心徒欲速江路苦遠  
迴殘凍因風解新正度臘開行看武昌柳影拂船狀

樓臺

陝中作

蔡希寂

西別秦關近東行陝服長川原餘讓畔歌吹憶遺家洵  
水流城下山雲起路傍更憐樓泊處池館繞林篁

永嘉作

張子容

拙宦從江左投荒更海邊山將孤嶼近水共惡谿連地  
濕梅多雨潭蒸竹起煙未應悲晚髮炎瘴苦華年

北庭作

岑參

鴈塞通鹽澤龍堆接醋溝孤城天北畔絕域海西頭秋  
雪春仍下朝風夜不休可知年四十猶自未封侯

南楚

杜甫

南楚青春異暄寒早早分無名江上草隨意嶺頭雲正  
月蜂相見非時鳥共聞杖藜妨躍馬不是故離羣

長柳

王勃

晨征犯煙磴夕憩在雲關晚風清近壑新月照澄潭郊  
童樵唱返津叟釣歌還客行無與晤賴此釋愁顏

秦州二十首

杜甫

滿目悲生事因人作遠遊遲迴度隴怯浩蕩及關愁水  
落魚龍夜山空鳥鼠秋西征問烽火心折此淹留  
秦州城北寺傳是隗囂宮苦蘚山門古丹青野殿空月  
明垂光露雲逐度谿風清渭無情極愁時獨向東  
州圖領同谷驛道出流沙降虜兼千帳居人有萬家馬  
驕朱汗落胡舞白題斜年少臨洮子西來亦自誇  
鼓角綠邊郡川原欲夜時秋聽殷地發風散入雲悲抱

葉寒蟬靜歸山獨鳥遲萬方聲一槩吾道竟何之  
 南使宜天馬由來萬匹強浮雲連陣沒秋草徧山長聞  
 說真龍種仍殘老驕驕哀鳴思戰鬪迴立向蒼蒼  
 城上胡笳奏山邊漢節歸防河赴滄海奉詔發金微士  
 苦形骸黑林疎鳥獸稀那堪往來戎恨解鄴城圍  
 莽莽萬重山孤城山谷間無風雲出塞不夜月臨關屬  
 國歸何晚樓蘭斬未還煙塵一長望衰颯正摧顏  
 聞道尋源使從天此路回牽牛去幾許宛馬至今來一  
 望幽燕隔何時郡國開東征健兒盡羌笛暮吹哀  
 今日明人眼臨池好驛亭叢篁低地碧高柳半天青稠  
 律詩五言 卷二十九 四十八

疊多幽事喧呼閤使星老夫如有此不異在郊坰  
 雲氣接崑崙淅淅寒雨繁羌童看渭水使客向河源  
 火軍中幕牛羊嶺上村所居青草靜正閉小蓬門  
 蕭蕭古塞冷漠漠秋雲低黃鵠翅垂雨蒼鷹餓啄泥  
 門誰自北漢將獨征西不意書生耳臨衰厭鼓鞞  
 山頭南郭寺水號北流泉老樹空庭得清渠一邑傳秋  
 花危石底晚景卧鍾邊俯仰悲身世豁風爲颯然  
 傳道東柯谷深藏數十家對門藤葢瓦映竹水穿沙瘦  
 地翻宜粟陽坡可種瓜船人近相報但恐失桃花  
 萬古仇池穴潛通小有天神魚人不見福地語真傳近

接西南境長懷十九泉何時一茅屋送老白雲邊  
 未暇泛滄海悠悠兵馬間塞門風落木客舍雨連山阮  
 籍行多興龐公隱不還東柯遂疎嬾休鑷鬢毛斑  
 東柯好崖谷不與衆峯羣落日邀雙鳥晴天卷片雲野  
 人矜險絕水竹會平分采藥吾將老兒童未遣聞  
 邊秋陰易夕不復辨晨光簷雨亂淋幔山雲低度墻鷗  
 鷗窺淺井蚯蚓上深堂車馬何蕭索門前百草長  
 地僻秋將盡山高客一作夜未歸塞雲多斷續邊日少光  
 輝警急烽常報傳聲一作聞檄屢飛西戎外甥國何得近  
 天威

律詩五言 卷二十九 四十九

鳳林戈未息魚海路常難候火雲峯峻懸軍幕井乾風  
 連西極動月過北庭寒故老思飛將何時議築壇  
 唐堯真自聖野老復何知曬藥能無婦應門亦有兒藏  
 書聞禹穴讀記憶仇池爲報鷗行舊鷗鵠在一枝

首秋輪臺 岑參

異域陰山外孤城雪海邊秋來唯有鴈夏盡不聞蟬雨  
 拂墻濕風搖毳幕羶輪臺萬里地無事歷三年

輪臺卽事

輪臺風物異地是古單于三月無青草千家盡白榆蕃  
 書文字別胡俗語音殊愁見流沙北天西海一隅

襄城卽事

崔湜

子牟懷魏闕元凱滯襄城冠蓋仍爲里池臺尚識名山  
光晴後綠江色晚來清借問東流水何時到玉京

漢陽卽事

儲光羲

楚國千里遠孰知方寸違春遊歡有客夕寢賦無衣江  
水帶水綠桃花隨雨飛九歌有深意捐珮乃言歸

巴南書事

岑參

渡口欲黃昏歸人爭渡喧近鐘清野寺遠火點江村見  
鴈思鄉信聞猿積淚痕孤舟萬里外一作夜秋月不堪論

度荆門望楚

陳子昂

律詩

五言

卷二十九

五十一

遙遙去巫峽望望下章臺巴國山川盡荆門煙霧間城  
分蒼野外樹斷白雲隈今日狂歌客誰知入楚來

望臨洮

王昌齡

飲馬度秋水水寒風似刀平沙日未沒黯黯見臨洮當  
日長城戰咸言意氣高黃塵足今古白骨亂蓬蒿

蜀路

張說

雲埃夜澄廓山日曉晴鮮葉落滄江岸鴻飛白露天磷  
磷寒水石磊磊覆林煙客心久無緒秋風殊木然

途中有懷

駱賓王

睠然懷楚秦悵矣背秦關涸鱗驚照轍墜羽怯虛鸞素

服三川化鳥裘十上還莫言無皓齒時俗薄朱顏

凌朝浮江旅思

一作韋承慶

馬周

太清上初日春水送孤舟山遠疑無樹潮平似不流岸  
花開且落江鳥沒還浮羈望傷千里長歌遣四愁

江南初霽羈懷

和杜學士

李嶠

大江開宿雨征棹下春流霧捲晴山出風恬晚浪收  
花明水樹川鳥亂沙洲羈眺傷千里勞歌動四愁

早寒江上旅懷

孟浩然

木落鴈南初一作度北風江上寒我家裏一作作湘水上  
一作曲遙隔楚雲端鄉淚客中盡孤一作帆天際一作外

律詩

五言

卷二十九

五十二

看迷津欲有問平海夕漫漫

旅寓安南

杜審言

交趾殊風候寒遲曉復催仲冬山果熟正月野蔬開  
雨生昏霧輕霜下震雷故鄉踰萬里客思倍從來

客廣陵

王昌齡

樓頭廣陵近九月在南徐秋色明海縣寒煙生甲關  
帆歸楚客昨日度江書爲問易名叟垂綸不見魚

客成都

杜甫

蜀郡將知遠城南萬里橋衣綠鄉淚濕親以客爲銷魂  
富魚爲米山芳桂是樵旅遊唯得酒今日過明湖

久客臨海有懷

駱賓王

天涯非日觀地吧

一作望

望星樓練光遙亂馬劍氣上遶

牛草濕姑蘇夕葉下洞庭秋欲知悽斷意江上涉安流

江南旅情

祖詠

楚山不可極歸路但蕭條海色晴看雨江聲夜聽潮

留南斗近書寄北風遙爲報空潭橋無媒贈

一作洛橋

湘中旅懷

同王飲君

張謂

八月洞庭城瀟湘水北流還家萬里夢爲客五更愁不

用開書帙一作偏且上酒樓故人京洛滿何日復同遊

旅懷

杜甫

律詩

卷二十九

五十二

細草微風岸危檣獨夜舟星垂平野闊月湧大江流

豈文章著官應老病休飄飄何所似天地一沙鷗

久客

羈旅知交態淹留見俗情衰顏聊自哂小吏最相輕

國哀王粲傷時哭賈生狐狸何足道豺虎正縱橫

客夜

客睡何曾著秋天不肯明入

一作

簾殘月影高枕遠江

聲計拙無衣食途窮仗友生老妻書數紙應悉未歸情

客舟

風餐江柳下雨卧驛樓邊結纜排魚網連檣並米船

朝雲細薄昨夜月清圓飄泊南庭老祇應學水仙

客亭

秋牕猶曙色木落更天風日出寒山外江流宿霧中聖

朝無棄物老病已成翁多少殘生事飄零任一作轉蓬

客舊館

陳迹隨人事初秋別此亭重來梨葉赤依舊竹林青風

慢何時卷寒砧昨夜聽無由出江漢愁緒日冥冥

蔡陽館作

孟浩然

日暮馬行疾城荒人住稀聽歌知近楚投館忽如歸

堰田疇廣章陵氣色微明朝拜嘉一作慶須着老萊衣

律詩

卷二十九

五十三

鐵關西館作

岑參

馬汗踏成泥朝馳幾萬蹄雪中行地角火處宿天倪寒

迴心常怯鄉遙夢亦迷那知故園月也到鐵關西

竹里館作

盧象

江南水不閉山澤氣潛通臘月聞山鳥寒崖見蟄熊柳

林春半合荻笋亂無叢回首金陵岸依依向北風

清谿館作

談馭

指途清谿裏左右唯深林雲蔽望鄉處雨愁爲客心遇

人多物役聽鳥時幽音何必滄浪水底茲浣塵襟

題嶽館

沈佺期

洞壑仙人館孤峯玉女臺空濛朝氣合窈窕夕陽開流  
一作澗合輕雨虛巖應薄雷正逢鸞與鶴歌舞出天來

題宛谿館

李白

吾憐宛谿好百尺照心明何謝新安水千尋見底清白  
沙留月色綠竹助秋聲却笑嚴湍上于今獨擅名

題壽安王主簿館

蘇頲

洛邑通馳道韓郊在屬城館將花雨映潭與竹聲清賢  
俊鸞栖棘賓遊馬佩衡願言隨狎鳥從此濯吾纓

方騫驛

傳置遠山蹊龍鐘蹢躅泥片陰常作雨微照已生霓  
鬢詩五言卷二十九 五十四

髮愁氛換心情險路迷方知向蜀老儒識子規啼

白沙驛

杜甫

水宿仍餘照人煙復此亭驛邊沙黃白湖外草新青萬  
象皆春氣孤槎自客星隨波無限月的的近南溟

深渡驛

張說

旅宿青山夜荒庭白露秋洞房懸月影高枕聽江流  
響寒巖樹螢飛古驛樓他鄉對搖落併覺起離憂

題大庾嶺北驛

宋之問

陽月南飛鴈傳聞至此迴我行殊未已何日復歸來江  
靜潮初落林昏瘴不開望鄉處應見隴頭梅

虛池驛題屏風

宜芬公主

出嫁辭鄉國由來此別難聖恩愁遠道行路泣相看沙  
塞容顏盡邊隅粉黛殘妾心何所斷他日望長安

端州驛前與高六別處

張說

舊館分江日一作淒然望落暉相逢傳旅食臨別換征  
衣昔記山川是今傷人代非往來皆此路生死不同歸

楊固店

岑參

客舍梨葉赤鄰家聞禱衣夜來嘗有夢墜淚緣思歸洛  
水行欲盡緱山看漸微長安祗千里何事信音稀

千塔主人

王維

律詩五言卷二十九 五十五

逆旅逢佳節征帆未可前總臨汴河水門渡楚人船  
離犬散墟落桑榆陰遠田所居人不見枕席生雲煙

宿五松山下荀媪家

李白

我宿五松山下寂寥無所歡田家秋作苦鄰女夜春寒  
曉進雕胡飯月光明素盤令人慙漂母三謝不能餐

南征

杜甫

春岸桃花水雲帆楓樹林偷生長避地適遠更霑襟老  
病南征日君恩北望心百年歌自苦未見有知音

去蜀

五載客蜀郡一年居一作梓州如何開塞阻轉作瀟湘

遊世事已黃髮殘生隨白鷗安危大臣在一作必派長流

遊子

巴蜀愁誰語吳門與香然九江春草外三峽暮帆前厭就成都卜休爲吏部眠蓬萊如可到衰白問羣仙

薄遊

浙浙風生砌團團月隱牆遙空秋鴈滅一作半嶺暮雲長病葉多先墜寒花只暫香巴城添淚眼今夕復清光

遠遊二首

賤子何人記迷方著處家竹風連野色江沫擁春沙種律詩五言卷二十九五十六

藥扶衰病吟詩解歎嗟似聞胡騎走失喜問京華江闊浮高棟雲長出斷山塵沙連越萬風山暗則深鴈矯銜蘆內猿啼失木間樊裘蘇季子歷國未知還

少遊荆湘因有是題

沈佺期

峴北焚蛟浦巴東射雉田歲時宜楚俗首昔在襄川憶昨經過處離今二十年因君訪生死相識幾人全

十三四時嘗從巫峽過他日偶然有思

小度巫山峽荆南春欲分使君灘上草神女廟前沙樹悉江中見猿多天外聞別來如夢裏一想一氣無

懷灞上遊

杜甫

帳望東陵道平生灞上遊春濃停野騎夜宿敵雲愁別人誰在經過老自休眼前今古意江漢一歸舟

憶鄭南莊

鄭南伏毒寺瀟灑到江心石影銜珠閣泉聲帶玉琴風杉曾曙倚雲嶠憶春臨萬里滄浪一作水龍蛇只自深

懷錦水居止二首

軍旅西征僻風塵戰伐多猶聞蜀父老不忘舜謳歌天險終難立柴門豈重過朝朝巫峽水遠遠錦江波

萬里橋西一作宅百花潭北莊層軒皆面水老樹飽經霜雪嶺界天白錦城曛日黃惜哉形勝地回首一茫茫

律詩五言卷二十九五十七

河西春暮憶秦中

岑參

渭北春已老河西人未歸邊城細草出客館梨花飛別後鄉夢數昨來家信稀涼州三月半猶未脫寒衣

過酒泉憶杜陵舊居

昨夜宿祈連今朝過酒泉黃沙西際海白草北連人愁裏難消日歸期尚隔年陽關萬里夢知處杜陵田

早發焉耆懷終南舊居

曉笛引鄉淚秋水鳴馬蹄一身虜雲外萬里胡人西終日見征戰連年聞鼓鼙故山在何處昨夜夢清谿

巴南舟中思陸渾舊居

瀘水南州遠巴山北客稀  
嶺雲撩亂起谿聲  
等閒驚曉鏡裏愁  
衰鬢舟中換旅衣  
夢覓知憶處無夜不先歸

春日懷歸

杜審言

心是傷歸望春歸異往年  
河山鑒魏關桑梓憶秦川  
花雜芳園鳥風和綠野煙  
更懷歡賞地車馬洛橋邊

秋日還鄉有懷

和陸侯射

張說

富貴還鄉國光輝滿舊林  
秋風樹不靜君子嘆何深  
故老空懸劍隣交自散金  
衆芳搖落盡獨有歲寒心

前題

蘇頌

南宮夙拜罷東道晝遊初  
飲餞傾冠蓋傳呼問里閭  
樹

律詩

卷二十九

五十八

悲縣劍所溪想釣壚餘明發光輝至增榮

一作駟馬車

驅馬薊門北北風邊馬哀  
蒼茫遠山口豁達胡天開  
五將已深入前軍止半迴  
誰憐不得意長劍獨歸來

自薊北歸

高適

遠遊經海嶠返棹歸山阿  
日夕見喬木鄉關一作在伐  
柯愁隨江路盡喜意入郢門  
多左右看桑土依然卽

匪他

還東山洛上作

岑參

春流急不淺歸棹去何遲  
愁客葉舟裏夕陽花水時  
雲

晴開蟬螻棹發起鸕鷀  
莫道東山遠衡門在夢思

歸嵩山作

王維

清川帶長薄車馬去閒閒  
流水如有意暮禽相與還  
荒城臨古渡落日滿秋山  
迢遞嵩高下歸來且閉關

歲暮歸南山

孟浩然

北闕休上書南山歸敝廬  
不才明王棄多病故人疎  
白髮催年老青陽逼歲除  
永懷愁不寐松月夜牕虛

自豫章南還江上作

張九齡

歸去南江水磷磷見底清  
轉逢空闊處聊洗滯留情  
浦樹遙如待江鷗近若迎  
津途別有趣況乃濯吾纓

律詩

卷二十九

五十九

同曹三御史泛湖歸越

孟浩然

秋入詩人意興一作巴歌  
和者稀泛湖同逸旅  
是思歸白簡徒推薦滄洲  
已拂衣杳冥雲外

不美鴻飛

歸輞川作

王維

谷口疎鍾動漁樵稍欲稀  
悠然遠山暮獨向白雲歸  
菱蔓弱難定楊花輕易飛  
東臯春草色惆悵掩柴扉

正月三日歸谿上作

簡院內諸公

杜甫

野外堂依竹籬邊水向城  
蟻浮仍臘味鷗泛已春聲  
藥許隣人斷書從稚子擎  
白頭趨幕府深覺負平生



晚歸故園

李頎

荆扉帶郊郭，稼穡滿東畱。倚杖寒山暮，鳴梭秋葉凋。  
雲覆陰谷返，景照霜梨澹。泊真吾事清，風別自茲

歸

杜甫

東帶還騎馬，東西却渡船。林中纔有地，峽外絕無天。  
虛白高人靜，喧卑俗累牽。他鄉閱遲暮，不敢廢詩篇。

歸來

客裏有所適，歸來知路難。開門野鼠走，散帙壁魚乾。  
洗杓開新醞，低頭拭小盤。一作著憑誰給麴蘖，細酌老江干。

律詩

五言 卷二十九

六十

歸夢

道路時通塞，江山日寂寥。偷生惟一老，伐叛已三朝。  
雨急青楓暮，雲深黑水遥。夢魂歸未得，不用楚辭招。  
一作歸未得不用楚辭招

唐詩所第二十九卷

唐詩所第三十卷

律詩

前集

秋日翠微宮

太宗

秋光凝翠巖，一作嶺涼吹肅離宮。荷疎一蓋缺，樹冷半帷空。  
側陣移鴻影，圓花釘菊叢。攄懷俗塵外，高眺白雲中。

從駕溫泉宮

徐安貞

神女調溫液，年年侍聖人。試開臨水殿，來洗屬車塵。  
暖氣隨明主，恩波浹近臣。靈威自無極，從此獻千春。

侍從遊宿溫泉宮作

李白

羽林十二將，羅列應星文。霜仗懸秋月，霓旌卷夜雲。  
巖更千戶肅，清樂九天聞。日出瞻佳氣，葱蔥一作叢叢繞聖君。

律詩

五言 卷三十

李嶠

從駕發合璧宮

和馬諷室

李嶠

濯龍春苑曙，翠鳳曉旗舒。野色開煙後，山光滌月餘。  
風長笳響咽，川迴騎行疎。珠履陪仙駕，金聲振屬車。

昌年宮作

豆盧復

但有離宮處，君王每不居。旗門芳草合，路小槐疎殿。  
閉山煙滿牕，疑野靄虛豐年多。望幸春色待鑾輿。

奉和登鸞鸞樓即目

庭制

孫逖

玉輦下離宮，瓊樓上半空。方巡五年狩，更闢四門聰。  
井邑觀秦野，山河念禹功。停鑾留睿作，軒檻起南風。

登新平樓

李白

去國登茲樓懷歸傷暮秋天長落日遠水淨寒波流秦  
雲起嶺樹胡鴈飛沙洲蒼蒼幾萬里目極令人愁

登岳陽樓

杜甫

昔聞洞庭水今上岳陽樓吳楚東南坼乾坤日夜浮親  
朋無一字老病有孤舟戎馬關山北憑軒涕泗流

與夏十二登岳陽樓

李白

樓觀岳陽盡一作川向洞庭開鴈引愁心一作秋江

去山街好月來雲間連一作逢下榻天上接行杯醉後涼

風起吹人舞袖迴

陪裴使君登岳陽樓

杜甫

律詩 五言 卷三十

湖闊兼雲霧樓孤屬晚晴禮加徐孺子詩接謝宣城  
岸叢梅發春泥百草生敢違漁父問從此更南征

陪張丞相登嵩陽樓

孟浩然

獨步人何在嵩陽有故樓歲寒問耆舊行縣猶諸侯  
莽北彌望沮漳東會流客中遇知己無復越鄉憂

楊子江樓

孫逖

楊子何年邑雄圖作楚關江連二妃渚雲近八公山  
驛道清楓外人煙綠嶼間晚來潮正滿數處落潮還

江樓作

崔湜

千牟懷魏闕元凱滯襄城冠蓋仍爲客池臺尚識名山

光曙後綠江色晚來清爲問東流水何時到玉京

登河北城樓作

王維

井邑傳巖上客亭雲霧間高城眺落日極浦映蒼山  
岸火孤舟宿漁家夕鳥還寂寥天地暮心與廣川閒

登兗州城樓

杜甫

東郡趨庭日南樓縱目初浮雲連海岱平野入青徐孤  
嶂秦碑在荒城魯殿餘從來多古意臨眺獨躊躇

白帝城樓

二首

江度寒山閣城高絕塞樓翠屏宜晚對白谷會深遊急  
急能鳴鴈輕輕不下鷗夷陵春色起漸擬放扁舟

律詩 五言 卷三十

三

漠漠虛無裏連連睥睨侵樓光去日遠峽影入江深  
臘破思端綺春歸待一金去年梅柳意還欲攪邊心

春日梓州登樓

二首

行路難如此登樓望欲迷身無却少壯跡有但羈棲江  
水流城郭春風入鼓鞀雙雙新燕子依舊已銜泥  
天畔登樓眼隨春入故園戰場今始定移柳更能存  
厭蜀交遊令思吳勝事繁應須理舟楫長嘯下荆門

題虢州西樓

岑參

錯料一生事蹉跎今白頭縱橫皆失計妻子也堪羞  
明主雖然棄丹心亦未休愁來無去處祇上郡西樓

題潼關樓

崔顥

客行逢雨霽歇馬上津樓山勢雄三輔關門扼九州川  
從陝路去河遶華陰流向晚登臨處處風煙萬里愁

題金城臨河驛樓

一作張謂

岑參

古戍依重險高樓見五涼山根盤驛道河水浸城墻庭  
樹巢鸚鵡園花隱麝香忽如江浦上憶作捕魚郎

與杭州薛司戶登樟亭樓作

孟浩然

水樓一登眺半出青林高帝幕英僚敞芳筵下客叨山  
藏伯禹穴城壓伍胥濤今日觀溟漲垂綸學一作釣鰲

與顏錢塘登樟亭樓望潮作

律詩

卷三十

四

百里聞雷一作雷聲震鳴絃暫輟彈府中連騎出江上待潮  
觀照日秋雲一作空迴浮天一作雲渤澥寬驚濤來似雪一

坐凜生寒

登平望橋樓

顏真卿

登橋試長望望極與天平際海兼葭色終朝見鴈聲近  
山猶一作全髣髴遠水忽微明更覽諸公作知高題柱名

題新津北橋樓

得如字

杜甫

望極春城上開筵近鳥巢白花簷外朶青柳檻前梢池  
水觀爲政厨煙覺遠庖西川供客眼唯有此江郊

與趙冬曦尹懋子均登南樓

張說

危樓瀉洞湖積水照城隅命駕邀漁父通家引鳳雛山  
晴紅藥匝洲曉綠苗鋪舉目思鄉縣春光定不殊

泗上馮使君南樓作

祖詠

井邑連淮泗南樓向晚過望灘沙鷺起尋岸浴童歌近  
海雲偏出兼秋雨更多明晨擬回棹鄉一作歸思恨風波

東樓

杜甫

萬里流沙道征西過此門但添新戰骨不返舊征魂樓  
角凌風迴城陰帶水昏傳聲看驛使送節向河源

題陸山人樓

儲光羲

暮聲雜初鴈夜色涵早秋獨見海中月照君池上樓山  
律詩五言卷三十

雲拂高棟天漢入雲流不惜朝光滿其如千里遊

春日登樓野望

薛稷

憑軒聊一望春色幾芬一作芳菲野外煙初合樓前花正  
飛嬌鶯弄新響斜日散餘暉誰忍孤遊客言念獨依依

登樓思京

同崔駙馬作

駱賓王

麗譙通四望繁憂起萬端綺疏低晚魄錢檻肅初寒白  
雲鄉思遠黃圖歸路難唯餘西向笑暫似當長安

晚霽登王六東閣

張九齡

試上江樓望初逢山雨晴連空青嶂合向晚白雲生彼  
美要殊觀蕭條見遠情情來不可極日暮水流清

草閣

杜甫

草閣臨無地柴扉永不關  
魚龍迴夜水星月動秋山  
久露晴一作初濕高雲薄未還  
泛舟慙小婦飄泊損紅顏

宿江邊閣

暝色延山徑高齋次水門  
薄雲巖際宿孤月浪中翻  
鶴追飛盡豺狼得食喧不眠  
憂戰伐無力正乾坤

登裴秀才迪小臺

王維

端居不出戶滿目望一作空  
雲山落日鳥邊下秋原人外

臺上得涼字

杜甫

律詩 五言

卷三十

太

改席臺能一作爲

迴留門月復光雲霄遺暑濕山谷進風

涼老去一杯足誰憐屢舞長何須把官燭似惱鬢毛蒼

望春亭侍遊應詔

杜審言

帝出明光殿天臨太液池  
堯樽隨步輦舜樂繞行麾  
萬壽禎祥獻三春景物滋  
小臣同酌海歌頌答無爲

夏日仙萼亭應制

宋之問

高嶺逼星河乘輿此日過  
野舍時雨潤山維夏雲多  
膚藻光巖穴宸襟洽薜蘿  
悠然小天下歸路滿笙歌

岐王山亭

張諤

王家傍綠池春色正相宜  
豈有樓臺好兼看草樹奇  
石

榴天上葉柳子日南枝出入千門裏年年樂未移

蔡起居山亭

徐晶

文史歸休日棲閒臥草亭  
薔薇一架紫石竹數重青  
垂露和仙藥燒香誦道經  
莫將山水弄持與世人聽

都尉山亭

杜審言

紫藤繁葛藟綠刺冒薔薇  
下釣看魚躍探巢畏鳥飛  
葉疎荷已晚枝亞果新肥  
勝迹都無限只應伴月歸

李將軍山亭

郭良

鳳轄將軍位龍門司隸家  
衣冠爲隱逸山水作繁華  
徑出重林草池搖兩岸花  
誰知貴公第亭院有煙霞

律詩 五言

卷三十

七

友人山亭

殷遙

故人雖一作從薄宦往往涉清谿  
鑿牖對山月寒裳拂澗霓  
遊魚逆水上宿鳥向風棲  
一見桃花發能令秦漢迷

登牛頭山亭

杜甫

路出雙林外亭窺萬井中  
江城孤照日山一作谷遠含風  
兵革身將老關河信不通  
猶殘數行淚忍對百花叢

陪獨孤使君與蕭員外登萬山亭

孟浩然

萬山青嶂曲千騎使君遊  
神女鳴環珮仙郎接獻酬  
遍觀雲夢野自愛江城樓  
何必東南守空傳沈隱侯

秋登張明府海亭

海亭秋日望委曲見江山染翰聊題壁傾壺一解顏歌  
一作逢彭澤令歸賞故園間予亦將琴史栖遲共取閒

江亭

杜甫

坦腹江亭暖長吟野望時水流心不競雲在意俱遲寂  
一作歸未得排悶強裁詩

泊松滋江亭

紗帽隨鷗鳥扁舟繫此亭江湖深更白松竹遠還青一  
柱全應近高唐莫再經今宵南極外甘作老人星

暮春陪李尚書李中丞過鄭監湖亭泛舟

得過字

海內文章伯湖邊意緒多玉樽移晚興桂楫帶酣歌春

律詩

五言

卷三十

日繁魚鳥江天足菱荷鄭莊賓客地衰白遠來過

秋日寄題鄭監湖亭

三首

碧草遠春意沉湘萬里秋池要山簡馬月靜庾公樓磨  
滅餘篇翰平生一釣舟高唐寒浪減髣髴識昭丘

新作湖邊宅還聞賓客過自須開竹逕誰道避雲蘿官  
序潘生拙才名賈誼多拾舟應卜地鄰接意如何

暫住

一作蓬萊閣終爲江海人揮金應物理拖玉豈吾

身

一作凝露菊新賦詩分氣象佳句莫

頻頻

韓少府水亭

祖詠

梅福幽棲處佳期不忘還鳥啼當戶竹花繞傍池山水  
氣侵階冷松一作陰覆座閒寧知武陵趣宛在市朝間

章梓州水亭

時漢中王兼道士席謙在會同用荷字

城晚通雲霧亭深到芰荷吏人橋外少秋水席邊多近  
屬淮王至高門薊子過荊州愛山簡吾醉亦長歌

過崔八丈水亭

李白

高閣橫秀氣清幽併在君簷飛宛谿水牕落敬亭雲猿  
嘯風中斷漁歌月裏聞閒隨白鷗去沙上自爲羣

過南鄰朱山人水亭

杜甫

相近竹叅差相過人不知幽花散滿樹細水曲通池歸

律詩

五言

卷三十

客村非遠殘樽席更移看君多道氣從此數追隨

夏日浮舟過陳大水亭

孟浩然

水亭涼氣多閒棹晚來過澗影見松一作竹潭香聞芰  
荷野童扶醉舞山鳥助一作笑酣歌幽賞未云徧煙光奈

夕何

陸渾水亭

祖詠

畫眺伊川曲巖間霽色明淺沙平一作有路流水漫無

聲浴鳥沿波聚潛魚觸釣驚更憐春岸綠幽意滿前楹

晚泊金陵水亭

江亭當廢國秋景倍蕭騷夕照明殘壘寒潮漲古濠就

田看鶴大隔水見僧高無限前朝事醒吟易覺勞

驩州南亭

沈佺期

昨望南亭夜分明夢洛中室家誰道別兒女案嘗同忽覺猶言是沈思始悟空肝腸餘幾寸拭淚坐春風

相州北亭

張說

人務南亭少風煙北院多山花迷徑路池水拂藤蘿萍散魚時躍林幽鳥任一作歌悠然白雲意乘興抱琴過

渭橋北亭

儲光羲

停車渭橋一作陽暮望望入秦京不見鴛鴦道如聞歌吹聲鄉覓涉江水客路指蒲城獨有故樓月今來亭上明

律詩 五言 卷三十

十

旅宿淮陽亭

張九齡

日暮荒亭上悠悠旅思多故鄉臨桂水今夜渺星河暗草霜華發空亭鴈影過興來誰與晤勞者自爲歌

旅次江亭

楊衡

扣舷不能寐皓露清衣襟彌傷孤舟夜遠結萬里心幽興惜瑤草素懷寄鳴琴三秦月初上寂寥寒江深

晚至鄉亭

鄭德玄

長亭日已暮駐馬暫盤桓山川杳不極徒侶默相看雲夕荆臺暗風秋郢路寒客心一如此誰復采芳蘭

崔禮部園亭

張說

窈窕留清館虛徐步晚陰水連伊闕近樹接夏陽深柳蔓憐垂拂藤梢一作苗愛上尋訝君軒蓋侶非復俗人心

尋許山人亭子

奚賈

桃源若遠近漁子棹輕舟川路行難盡人家到漸幽山禽拂席起溪水入庭流君是何年隱如今成白頭

重題鄭氏東亭

杜甫

華亭入翠微秋日亂清暉崩石欹山樹清漣曳水衣紫鱗衝岸躍蒼隼護巢歸向晚尋征路殘雲傷馬飛

林亭詠

張九齡

穿築非求麗幽閒欲寄情偶懷因壤石真意在蓬瀛一作律詩 五言 卷三十 十一

益山文古池添竹氣清從茲果蕭散無事亦無營

林亭寓言

林居逢歲宴遇物使情多蘅茝不時與芬榮奈汝何更憐籬下菊無如松上蘿因依自有命非是隔陽和

同蔡孚五亭詠

徐鼎

章奏中京一作丹罷雲泉別業歸拂琴鋪野席牽柳挂朝衣翡翠巢書幌鴛鴦立釣磯幽栖可憐處春事滿林扉

題一柱觀

張說

舊說江陵觀初疑神化來空中結雲閣綺靡隨風迴奈何任一柱斯焉容衆材奇功非長世今餘草露臺

晨出郡舍林下

晨興步北林蕭散一開襟復見林上月娟娟猶未沈片  
雲自孤遠叢篠亦清深無事由來貴方知物外心

和張荊州

崔頌

優閒表政清林薄賞秋成江上懸曉月往來虧復盈天  
雲抗直意郡閣晦高名坐嘯應無欲寧辜濟物情

郡舍

黃麟

蟲響亂啾啾更人正數籌竟歸洞庭夜霜臥洛陽秋微  
月有時隱長河到曉流起來還囑鴈鄉信在吳洲

郡齋平望江山

岑參

律詩五言

卷三十

十二

水路東連楚人煙北接巴山光圍一郡江月照千家庭  
樹純栽橘園畦半種茶夢竟知憶處無夜不京華

醉題屈突明府廳

李白

陶令八十日長歌歸去來故人建昌宰借問幾時迴風  
落吳江雪紛紛入酒杯山翁今已醉舞袖爲君開

題鄭原郭三十二明府廳壁

杜甫

江頭且繫船爲爾獨相憐雲散灌壇雨春青彭澤田頻  
驚適小國一擬問高天別後巴東路逢人問幾賢

宿陳留李少府廳

祖詠

相知有叔卿訟簡夜彌清旅泊一作倦愁臥空堂聞曙

更風簾搖燭一作影秋雨帶蟲聲歸思那堪說悠悠限  
洛城

題永樂韋少府廳壁

岑參

大河南郭外終日氣昏昏白鳥下公府青山當縣門故  
人是邑尉過客駐征軒不憚煙波闊思君一笑言

題新鄉王金廳壁

憐君守一尉家計復清貧祿米嘗不足俸錢供與人城  
頭薊門樹陌上黎陽塵不是舊相識聲同心自親

題丹陽陶司馬廳壁

薛據

高鑒清洞徹儒風入進難詔書增寵命才子益能官門

律詩五言

卷三十

十三

帶山光晚城臨江水寒唯餘好文客時得詠幽蘭

過舊宅

太宗

新豐停翠輦譙邑駐鳴笳園荒一徑斷苔古半階斜前  
池消舊水昔樹發今花一朝辭此地四海遂爲一作家

過大哥宅

玄宗

魯衛情先重親賢愛轉多冕旒豐暇日乘景暫經過戚  
里申高宴平臺奏雅歌復尋爲善樂方驗保山河

奉和過寧王宅

應制

張說

進酒忘憂觀簫韶喜降臨一作帝堯敦族一作禮王季  
友兄心竹苑龍鳴笛梧宮鳳遶林大風將小雅一字重



千金

奉和幸上官昭容院獻詩

四首

鄭愔

地軸樓居遠天台關路賒何如遊帝宅卽此對仙家座  
拂金壺電池搖玉酒霞無云秦漢隔別訪武陵花

堯茨姑射近漢苑建章連十五冀知月三千桃紀年鶯

歌隨鳳吹鶴舞向鵬弦更覓瓊妃伴來過玉女泉

官掖賢才重山林高尚難不言辭輦地更有結廬歡池

棟清溫燠巖窓起沍寒幽亭有仙桂聖主萬春看

槎流天上轉茅宇禁中開河鵲填橋至山熊避檻來庭

花采葦蓐巖石步莓苔願奉輿圖泰長開一作錦翰裁

律詩

五言

卷三十

十四

初授官題高冠草堂

岑參

三十始一命宦情多一作都欲開自憐無舊業不敢恥微

官澗水吞樵路山花醉藥欄祗緣五斗米辜負一漁竿

暮春題灤西新賃草堂

五首

杜甫

久嗟三峽客再與暮春期百舌欲無語繁花能幾時谷

虛雲氣薄波亂日華遲戰伐何由定哀傷不在茲

北郊千樹橘不見比封君養拙干戈際全生麋鹿羣畏

人江北草旅食灤西雲萬里巴渝曲三年實飽聞

綵雲陰復白錦樹曉來青身世雙蓬鬢乾坤一草亭哀

歌時自短醉舞爲誰醒細雨荷鋤立江猿吟翠屏

壯年學書劍他日委泥沙事主非無祿浮生卽有涯高

齋依藥餌絕域改春華喪亂丹心破王臣未一家

欲陳濟世策已老尚書郎不息豺虎鬪空慙鵝鷺行時

危人事急風逆羽毛傷落日悲江漢中宵淚滿牀

草堂卽事

荒村建子月獨樹老夫家雪裏江船渡風前徑竹斜寒

魚依密藻宿鷺起圓沙濁酒禁愁得無錢何處賒

從驛次草堂復至東屯茅屋

二首

峽裏歸田客江邊借馬騎非尋戴安道似向習家池山

險風煙合天寒橘柚垂築場看斂積一學楚人爲

律詩

五言

卷三十

十五

短景難高臥衰年強此身山家蒸栗煖野飯射麋新世

路知交薄門庭畏客頻牧童斯在眼田父實爲鄰

夏日過鄭七山齋

杜審言

共有樽中好言尋谷口來薜蘿山逕入荷芰水亭開日

氣含殘雨雲陰送晚雷洛陽鍾鼓至車馬驚遲回

過從弟制疑官竹齋

張謂

美爾方爲吏衡門獨晏如野猿偷紙筆山鳥汚圖書竹

裏藏公事花間隱使車不妨垂釣坐時膾小江魚

同衛八題陸少府書齋

高適

知君薄州縣好靜無冬春散帙至棲鳥明燈留故人深

房臘酒熟高院梅花新若是周旋地當令風義親

題李三書齋

崇嗣

陳子昂

灼灼青春仲悠悠白日昇聲容何足恃榮客坐相矜願與金庭會將待玉書徵還丹應有術煙駕共君乘

奉陪鄭駙馬韋曲

二首

杜甫

韋曲花無賴家惱殺人淥樽須盡日白髮好禁一作傷春石角鈎衣破藤梢一作枝刺眼新何時占叢竹頭戴

小烏巾

野寺垂楊裏春畦亂水間美花多映竹好鳥不歸山城郭終何事風塵豈駐顏誰能共公子薄暮欲俱還

律詩五言

卷三十

十六

尋鞏縣南李處士別業

岑參

先生近南郭茅屋臨東川桑葉隱村戶蘆花映釣船有時著書暇盡日牕中眠且喜間井近灌田同一泉

春尋河陽陶處士別業

風暖日暎暎黃鸝飛近村花明潘子縣柳暗陶公門藥碗搖山影魚竿帶水痕南橋車馬客何事苦喧喧

宿岐州北郭嚴給事別業

郭外山色暝主人林館秋疎鐘入臥內片月到牀頭遙夜惜已半清言殊未休君雖在青瑣心不忘滄洲

潘司馬別業

周瑒

門對青山近汀牽綠草長寒深包晚橘風緊落垂楊一作楊柳畔聞漁唱天邊數鴈行蕭然有高士清思滿書堂

蘇氏別業

祖詠

別業居幽處到來生隱心南山當戶牖灋水映園林屋一作竹覆經冬雪庭昏未夕陰寥寥人境外閒坐聽春禽

終南別業

一作入山寄城中故人

王維

中歲頗好道晚家南山陲興來每獨往勝事空自知行到水窮處坐看雲起時偶然值林叟談笑無一作還期

淇上別業

高適

依依西山下別業桑林邊庭鴨喜多雨鄰雞知暮天野

律詩五言

卷三十

十七

汝墳別業

祖詠

失路農爲業移家到汝墳獨愁常廢卷多病久離羣鳥雀垂窓柳虹霓出澗雲山中無外事樵唱有時聞

南谿別業

蔣冽

結宇依青嶂開軒對綠疇樹交花兩色谿合水同一一作重流竹徑春風來掃蘭樽夜不收逍遙自得得意鼓腹醉中遊

陪鄭廣文遊何將軍山林

十首

杜甫

不識南塘路今知第五橋名園依綠水野竹上青霄谷

口舊相得濠梁同見招平生爲幽興未惜馬蹄遙

百頃風潭上千章夏木清卑枝低結子接葉暗巢鷺鷥鮮

鯽銀絲鱸香芹碧澗羹翻疑施樓底晚飯越中行

萬里戎王子何年別月支異花開絕域滋蔓匝清池漢

使徒空到神農竟不知風一作露翻兼雨打開圻漸離

披

旁舍連高竹疎籬帶晚花碾渦深沒馬藤蔓曲藏一作垂

蛇詞賦工無一作何益山林跡未賒盡檢書籍賣來問爾

東家

刺水滄江破殘山碣石開綠垂風折笋紅綻雨肥梅銀

律詩五言 卷三十 十八

甲彈箏用金魚換酒來興移無酒掃隨意坐莓苔

風磴吹陰雪雲門吼瀑泉酒醒思臥簾衣冷欲裝綿野

老來看客河魚不取錢只疑淳朴處自有一山川

棘樹寒雲色茵陳春藕香脆添生菜美陰益食簾涼野

鶴清晨出山精白日藏石林盤水府百里獨蒼蒼

憶過楊柳渚走馬定昆池醉把青荷葉狂遺白接羅刺

船思郢客解水乞吳兒坐對秦山晚江湖興頗隨

牀上書連屋階前樹拂雲將軍不好武稚子總能文醒

酒微風入聽詩靜夜分絺衣挂蘿薜涼月白紛紛

幽意忽不愜歸期無奈何出門流水住回首白雲多自

笑燈前舞誰憐醉後歌祇應與朋好風雨亦來過

重遊何氏五首

問訊東橋竹將軍有報書倒衣還命駕高枕乃吾廬花

妥鶯捎蝶谿喧癩趁魚重來休沐地真作野人居

山雨樽仍在沙沈榻未移犬迎曾宿客鷗護落巢兒雲

薄翠微寺天清皇子陂向來幽興極步履過東籬

落日平臺上春風啜茗時石欄斜照筆桐葉坐題詩翡

翠鳴衣桁蜻蛉立約絲自今幽興熟一作自逢來往亦

無期

頗怪朝參懶應耽野趣長雨拋金鎖甲苔臥綠沈槍手

律詩五言 卷三十 十九

自移蒲柳家纔足稻梁看君用幽意白日到羲皇

到此應嘗宿相畱可判年蹉跎暮容色悵望好林泉何

日霑微祿歸山買薄田斯遊恐不遂把酒意茫然

同玉真公主過大哥山池

玄宗

地有招賢處人傳樂善名鰲池臨一作尋九達龍岫對層

城桂月先秋冷蘋風向晚清鳳樓遙可見彷彿玉蕭聲

奉和

張說

綠竹初成苑丹砂欲化金乘龍與驂鳳歌吹滿山林爽

氣凝情一作迴寒光映浦深忘憂題此觀爲樂賞同心

寧王山池

范朝

水勢臨階轉峯形對路開槎從天上得石是海邊來瑞  
草分叢種祥花間色栽舊傳詞賦客唯見有鄒枚

和韋承慶過義陽公主山池 五首 杜審言

野興城中發朝英物外求情懸朱綬望契動赤泉遊海  
燕巢書閣山雞舞畫樓雨餘清晚夏共坐北巖幽

逕轉危一作峰逼橋迴一作缺岼妨玉泉移酒味石髓

換稊香綰霧青絲弱牽風紫蔓長猶言宴一作樂少別

向後池塘

携琴遶碧沙搖筆弄青霞杜若幽庭草芙蓉曲沼花宴  
遊成野客形勝得山家往往留仙步登攀日易斜

律詩 五言 卷三十 二十

攢石當軒倚懸泉度牖飛鹿麕街妓席鶴子曳童衣園  
果嘗難遍池蓮摘未稀卷簾唯待月應在醉中歸

賞翫奇他日高深愛此時池分一作八水背峰作九山

疑地靜魚偏逸人閒鳥欲欺青谿留別興更與白雲期

過崔駙馬山池 王維

畫樓吹笛妓金椀酒家胡錦石稱貞女青松學大夫脫

貂黃桂醕射鴈與山厨聞道高陽會愚公谷正愚

沈東美員外山池 綦母潛

仙郎偏好道鑿沼象瀛洲魚樂隨情性船行任去留秦

人辨雞犬堯日識巢由歸客衡門外仍憐返景幽

姚開府山池 孟浩然

主人新邸第相國舊池臺館是招賢闢樓因教舞開軒  
車人已散簫管鳳初來今日龍門下誰知文舉才

蘇著作山池 賈彥璋

水樹子雲家蓬瀛死不賒芥浮舟是葉蓮發岫為花酌  
蟻開春甕觀魚憑海槎遊蘇多石友題贈滿瑤華

唐都尉山池 崔湜

曲渚颺輕舟前谿釣晚鴈翻蒲葉起魚撥荇花游金  
子懸湘袖珠房拆海榴幽尋惜未已清月半西樓

和尹諫議史館山池 王維

雲一作靈館接天居霓裳侍玉除春池百子外芳樹萬年  
餘洞有仙人錄山藏太史書君恩深漢帝且莫上空虛

冬日臨昆明池 太宗

石鯨分玉溜劫燼隱平沙柳影水無葉梅心凍有花寒  
野凝朝霧霜天散夕霞歡情猶未極落景遽西斜

扈從御宿池 祖詠

君王旣巡一作符輦道一作入秦京遠樹低槍壘孤峯  
一作入幔城寒疎清禁漏夜警羽林兵誰念迷方客長

懷魏闕情

遊長寧公主流杯池 六首 上官昭容

玉環騰遠創金埒荷殊榮弗翫珠璣飾仍留仁智情鑿山便作室憑樹卽爲楹公輸與班爾從此遂韜韞

登山一長望正遇九春初結駟填街衙閭闔滿邑居闕

雪梅先吐驚風柳未舒直愁斜日落不畏酒樽虛

霽曉氣清和披襟賞薜蘿玳瑁凝雲色琉璃漾水波跂

石聊長嘯攀松乍短歌除非物外者誰就此經過

暫爾遊山第淹留惜未歸水牕明月滿澗戶白雲飛書

引藤爲架人將薜作衣此真攀翫所臨眺賞光輝

放曠出煙雲蕭條自不羣漱流清意府隱几避驚氛石

畫妝苔色風梭織水文山室何爲貴唯餘蘭桂薰

律詩五言 卷三十

二十二

策杖臨霞岫危步下霜蹊志逐深山靜途隨曲澗迷漸

覺心神逸俄看雲霧低莫怪人題樹祇爲賞幽棲

與任城許主簿遊南池

杜甫

秋水通溝洫城隅進小船晚涼看洗馬森木亂鳴蟬菱

熟經時雨蒲荒八月天晨朝降白露遙想一作憶舊青氈

陪王漢州留杜綿州泛房公西池

池在漢州房公館所鑿也

舊相恩追後春池賞不稀闕庭分未到舟楫有光輝鼓

化尊綵熟刀鳴鱸縷飛使君雙皂蓋灘淺正相依

秋夜與劉碭山泛燕喜亭池

李白

明宰試舟楫張燈宴華池文招梁苑客歌動郢中兒月

色望不盡空天交相宜令人欲泛海只待長風吹

晚秋陪嚴鄭公庠訶池泛舟

得谿字池在府內蕭摩訶所開

杜甫

湍駛風醒酒船回霧起隄高城秋自落雜樹晚相迷坐

觸鴛鴦起巢傾翡翠恁莫須驚白鷺爲伴宿清谿

同辛簿酬思玄上人林泉

四首

駱賓王

聞君招隱地髣髴武陵春緝芰知還楚披榛似避秦崩

查年祀積幽草歲時新一謝滄浪水安知有逸人

芳晨臨上月幽賞狎中園有蝶堪成夢無羊可觸藩忘

懷南澗藻蠲思北堂萱坐歎華滋歇思君誰爲言

律詩五言 卷三十

二十三

林泉恣探歷風景暫徘徊客有遷鶯處人無結駟來聚

花如薄雪沸水若輕雷今日徒招隱終知異鑿坏

俗遠風塵隔春還初服遲林疑中散地人似上皇時芳

杜湘君曲幽蘭楚客詞山中有春草長以寄相思

陸渾山莊

宋之問

歸來物外情負杖閑巖耕源水看花入幽林採藥行野

人相問姓山鳥自呼名去去獨吾樂無能一作然愧此生

藍田山莊

宦遊非吏隱心事好幽偏考室先依地爲農且用天輶

川朝伐木藍水暮澆田獨與秦山老相歡春酒前

春日山莊

韋述

初歲開韶月田家喜載陽晚晴搖水態遲景蕩山光浦  
淨漁舟遠花飛樵路香自然成野趣都使俗情忘

春晚山莊率題

二首

盧照隣

顧步三春晚田園四望通遊絲橫惹樹戲蝶亂依叢竹  
懶偏宜水花狂不待風唯餘詩酒意當了一生中

田家無四隣獨坐一園春鶯啼非選樹魚戲不驚綸山  
水彈琴盡風花酌酒頻年華已可樂高興復留人

過故人莊

孟浩然

故人具雞黍邀我至田家綠樹村邊合青山郭外斜開  
律詩五言卷三十四二十四

筵一作面場圃把酒話桑麻待到重陽日還來就菊花

漢上題韋氏莊

岑參

結茅聞楚客卜築漢江邊日落數歸鳥夜深聞扣舷水  
痕侵岸柳山翠借厨煙調笑提筐婦春來蠶幾眠

題江湖莊壁

萬楚

田家喜秋熟歲宴林葉稀禾黍積場圃檀梨垂戶扉野  
閒犬時吠日暮牛自歸時復落花酒茅齋堪解衣

題李十四莊兼贈綦母校書

孟浩然

聞君息陰地東郭柳林間左右瀍澗水門庭緱氏山抱  
琴來取醉垂釣坐乘閒歸客莫相待尋緣一作源殊未還

韋給事山居

王維

幽尋得此地詎有一人曾大壑隨階轉羣山入戶登  
厨出深竹印綬隔垂藤即事辭軒冕誰云病未能

題栢大兄弟山居屋壁

二首

杜甫

叔父朱門貴郎君玉樹高山居精典籍文雅涉風騷江  
漢終吾老雲林得爾曹哀絃饒白雪未與俗人操

野屋流寒水山籬帶薄雲靜應連虎穴喧已去人羣筆  
架霑牕雨書籤映隙曠蕭蕭千里馬箇箇五花文

山居即事

王維

寂寞掩柴扉蒼苔對落暉鶴巢松樹遍人訪車門稀綠  
律詩五言卷三十五二十五

竹含新粉紅蓮落故衣渡頭煙火起處處采菱歸

尋白鶴巖張子容隱居

孟浩然

白鶴青巖半幽人有隱居階庭空水石林壑罷樵漁歲  
月青松老風霜苦竹疎親茲懷舊業迴策返吾廬

遊李山人隱居因題屋壁

王維

世上人事皆如夢狂來或止一作自歌問年松樹老有地  
竹林多藥倩韓康賣門容尚子過翻嫌枕席上無那作

白雲何

題張氏隱居

杜甫

之子時相見邀人晚興留霽潭鱣發發春草鹿呦呦杜

酒偏勞勸張梨不外求前村山路險歸醉每無愁

輞川閒居

王維

一從歸白社不復到青門時倚檐前樹遠看原上村青  
菰臨水映白鳥向山翻寂寞於陵子桔槔方灌園

都門閒居

王美門

君王巡海內北闕下明臺雲物天中少煙花歲後來河  
從御苑出山向國門開寂寞東京裏空留賈誼才

閒居

常建

青苔常滿路一作地流水復入林遠與市朝隔日聞鷄犬  
深寥寥丘中想渺渺湖上心嘯傲轉無欲不知成陸沈

律詩五言

卷三十

二十六

郊興

王勃

空園歌獨酌春日賦閒居澤蘭侵小徑河柳覆長渠雨  
去花光濕風歸葉影疎山人不惜醉唯畏綠樽虛

春日還郊

閒情兼默語一作默攜杖赴巖泉草綠繁新帶榆青綴古  
錢魚牀侵岸水鳥路入山煙還題平子賦花樹滿春田

仲春郊外

東園垂柳徑西堰落花津物色連三月風光絕四鄰鳥  
飛村覺曙魚戲水知春初晴山院裏何處染鷺塵

涼州郊外遊望

王維

野老纔三戶邊村少四鄰婆娑依里社簫鼓賽田神麗  
酒澆芻狗焚香拜木人女巫紛屢舞羅襪自生塵

西郊

杜甫

時出碧雞坊西郊向草堂市橋官柳細江路野梅香傍  
架齊書帙看題減藥囊無人覺來往疎嬾意何長

秋野

五首

秋野日疏蕪寒江動碧虛繫舟蠻井絡卜宅楚村墟東  
熟從人打葵荒欲自鋤盤餐老夫食分減及谿魚

易識浮生理難教一物違水深魚極樂林茂鳥知歸吾  
老甘貧病榮華有是非秋風吹几杖不厭北山薇

律詩五言

卷三十

二十七

禮樂攻吾短山林引興長掉頭紗帽側曝背竹書光風  
落收松子天寒割蜜房稀疎小紅翠駐屐近微香

遠岸秋沙白連山晚照紅潛鱗輸駭浪歸翼會高風砧  
響家家發樵聲箇箇同飛霜任青女賜被隔南宮

身許麒麟畫年衰鷄鶩羣大江秋易盛空峽夜多聞逕  
隱千重石帆留一片雲兒童解蠻語不必作參軍

野望

王績

東臯薄暮望徙倚欲何依樹樹皆秋色一作春色山山唯落  
暉牧人驅犢返獵馬帶禽歸相顧無相識長歌懷采薇

野望

三首末首一作過常少府

杜甫



納納乾坤大行行郡國遙雲山兼五嶺風壤帶三苗野  
樹侵江濶春蒲長雪消扁舟空老去無補聖明朝

清秋望不極迢遞起層陰遠水兼天淨孤城隱霧深葉  
稀風更落山迴日初沉獨鶴歸何晚昏鴉已滿林

野橋齊度馬秋望轉悠哉竹覆青城合江從灌口來入  
村樵徑引嘗果栗園開落盡高天日幽人未遣回

春日江村

五首

農務村村急春流岸岸深乾坤萬里眼時序百年心茅  
屋還堪賦桃源自可尋艱難昧生理飄泊到如今

迢遞來三蜀蹉跎又六年客身逢故舊發興自林泉過  
律詩五言 卷三十 二十八

嬾從衣結頻遊任履穿藩籬頗無限一作無恣意向作  
買江天

種竹交加翠栽桃爛熳紅經心石鏡月到面雪山風赤  
管隨王命銀章付老翁豈知牙齒落名玷薦賢中

扶病垂朱紱歸休步紫苔郊扉存晚計幕府愧羣材燕  
外晴絲卷鷗邊水葉開鄰家送魚蟹問我數能來

羣盜哀王粲中年召賈生登樓初有作前席竟爲榮宅  
入先賢傳才高處士名異時懷二子春日復含情

季秋江村

喬木村墟古疎籬野蔓懸素一作清琴將暇日白首望霜

天登俎黃甘重支牀錦石圓遠遊雖寂寞難見此山川  
春日山家 宋之問

今日遊何處春泉洗藥歸悠然紫芝曲畫掩白雲扉魚  
躍一作樂偏尋藻人閒屢采薇丘中無俗事身世兩相違

夏日遊山家

同夏少府作

駱賓王

返照下層岑物外狎招尋蘭徑薰幽佩槐庭落暗金谷  
靜風聲徹山空月色深一遣樊籠累唯餘松桂心

淇上田園卽事

王維

屏居淇水上東野曠無山日隱桑柘外河明閭井間牧  
童望村去獵犬隨人還靜者亦何事荆扉乘晝關

律詩五言 卷三十 二十九

張谷田舍

儲光羲

縣官清且儉深谷有人家一徑入寒竹小橋穿野花碓  
喧春澗滿一作梯倚綠桑斜自說年來稔前村酒可賒

田舍

杜甫

田舍清江曲柴門古道傍草深迷市井地僻嬾衣裳櫻  
柳枝枝弱枇杷樹樹香鷗鷺西日照曬翅滿魚梁

題田父廬舍

丘爲

東風何處至已綠湖上山湖上春已早田家日不開溝  
塍流水處耒耜平蕪間薄暮飯牛後歸來還閉關

李氏園廬

孟浩然

我愛陶潛趣林園無俗情春雷百卉坼寒食四隣清  
枕嗟公幹歸田羨子平年年白社客空滯洛陽城

題一作張野人園廬

與君園廬並微尚頗亦同耕釣方自逸壺觴趣不空門  
無俗士駕人有上皇風何處一作必先賢傳惟稱龐德公

春園卽事

王勃

烟霞春日賞松竹故年心斷山疑斷障懸瀉瀉鳴琴草  
徧南亭合花濃北院深閒居饒酒賦隨興欲抽簪

前題

王維

宿雨乘輕屐春寒着弊袍開畦分白水間柳發紅桃草

律詩五言

卷三十

三十

際成基局林端舉桔槔還持鹿皮几日暮隱蓬蒿

對酒春園作

王勃

投簪下山閣攜酒對河梁狹水牽長鏡高花送斷香繁  
鶯歌似曲疎蝶舞成行自然催一醉非但閱一作惜年光

小園二首

杜甫

仲夏多流水清晨向小園碧谿搖艇澗朱果爛枝繁始  
爲江山靜終防市井喧畦蔬繞茅屋自足媚盤飧

由來巫峽水本自楚人家客病留因藥春深買爲花秋  
庭風落果灤岸雨頽沙問俗營寒事將詩待物華

爲農

錦里煙塵外江村八九家圓荷浮小葉細麥落一作輕  
花卜宅從茲老爲農去國賒遠慚勾漏令不得問丹砂

茅堂檢校收稻二首

香稻三秋末平田百頃閒喜無多屋宇幸不礙雲山御  
袂侵寒氣嘗新破旅顏紅鮮終日有玉粒未吾慳  
稻米炊能白秋葵煮復新誰云滑易飽老籍軟俱勻種  
幸房州熟苗同伊闕春無勞映渠盤自有色如銀

刈稻子

稻穫空雲水川平對石門寒風疎草木旭一作曉日散雞

豚野哭初聞戰樵歌稍出村無家問消息作客信乾坤

律詩五言

卷三十

三十一

南山下與老圃期種瓜

孟浩然

樵牧南山近林間北郭賒先人留素業老圃作鄰家不  
種千株橘惟資五色瓜邵平能就我開徑剪一作蓬蔌

除瓜架

杜甫

束薪已零落瓠葉轉蕭疎幸結白花了寧辭青蔓除秋  
蟲聲不去暮雀意何如寒事今牢落人生亦有初

廢畦

秋蔬擁霜露豈敢惜凋殘暮景數枝葉天風吹汝寒綠  
露泥滓盡香與歲時關生意春如昨悲君白玉盤

課小豎鋤斫舍北果林枝蔓荒穢淨訖移牀三首

病枕依茅棟荒鉏淨果林背堂資僻遠在野興清深山  
雉防求敵江猿應獨吟洩雲高不去隱几亦無心  
衆壑生寒早長林卷霧齊青蟲懸就日朱果落封泥薄  
俗防人面全身學馬蹄吟詩坐回首隨意葛巾低  
籬弱門何向沙虛岸只摧日斜魚更食客散鳥還來寒  
水光難定秋山響易哀天涯稍曛黑倚杖更徘徊

律詩五言

卷三十

三十二

唐詩所第三十卷終

唐詩所第三十一卷律詩

元日述懷

前集  
盧照隣

筮仕無中秩歸耕有外臣人歌小歲酒花舞大唐春草  
色迷三徑風光動四隣願得長如此年年物候新

樂城歲日贈孟浩然

一作王維

張子容

土地窮甌越風光肇建寅捕桃銷瘴癘移竹近堦墀半  
是吳風俗仍爲楚歲時更逢習鑿齒言在漢川湄

元日寄韋氏妹

杜甫

近聞韋氏妹迎在漢鍾離郎伯姝方鎮京華舊國移春

一作素

城迴北斗郢樹發南枝不見朝正使啼痕滿面垂

律詩五言

卷三十一

田家元日

孟浩然

昨夜斗迴北今朝歲起東我年已強仕無祿尚憂農桑  
野就耕父一作野老荷鋤隨牧童田家占氣候共說此

年豐

立春日侍宴內出剪綵花

奉和聖製

宋之問

金閣妝仙

一作新

杏瓊筵弄綺梅人間都未識天上忽先

開蝶繞香絲住蜂憐艷粉

一作彩艷

迴今年春色早應爲剪

刀催

前題

劉憲

上林宮館好

一作裏

春光

一作心

獨早知剪花疑始發刻燕

似新窺色濃輕雪點香淺嫩風吹此日叨陪侍恩榮得數枝

前題

趙彥昭

剪絲迎初候攀條寫故真花隨紅意發葉就綠情新嫩色驚銜燕輕香誤採人應爲薰風拂能令芳樹春

前題

沈佺期

合殿春應早開箱絲預知花迎宸翰發葉待御筵披梅訝香全少桃驚色頓移輕生承剪拂長伴萬年枝

前題

李嶠

早聞年欲至剪絲學芳辰綴綠一作綺奇能似裁紅巧逼

律詩 五言

卷三十一

二

一作過真花從篋裏發葉向手中春不與時一作韶光競何

名天上人

前題

蘓頌

曉入宜春苑穠芳吐禁中剪刀因裂素妝粉爲開紅彩異驚流雪香饒點便風裁成識天意萬物與花同

前題

上官昭容

密葉因裁吐新花逐剪舒攀條雖不謬摘藥詎知虛春至由來發秋還未肯疎借問桃將李相亂欲何如

立春日晨起對積雪

張九齡

忽對林亭雪瑤華處處開今年迎氣始昨夜伴春迴玉

潤憲前竹花繁院裏梅東郊齊祭所應見五神來

人日清暉閣宴羣臣遇雪奉和聖製李嶠

三陽偏勝節七日最靈辰行慶傳芳蟻升高綴絲人堦前賞候月樓上雪驚春今日銜天造還疑上漢津

前題

劉憲

輿輦乘人日登臨上鳳京風尋歌曲颺雪向舞行縈千官隨興合萬福與時一作春并承恩長若此微賤幸昇平

前題

趙彥昭

出震乘東陸憑高御北辰祥雲應早歲瑞雪候初旬庭

一作官樹千花發階賞七葉新幸承今日宴長奉萬年春

律詩 五言

卷三十一

三

前題

李乂

上月登樓一作臺賞中天御輦飛後庭聯舞唱前席仰恩輝膚作風雲起農祥雨雪霏幸陪人勝節長願奉垂衣

前題

宗楚客

窈窕神仙閣參差雲漢間九重中禁啟七日早春還太液天爲水蓬萊雪作山今朝上林樹無處不堪攀

前題

蘓頌

樓觀空煙裏初年瑞雪過苑花齊玉樹池水作銀河七日祥圖啟千春御賞多輕飛傳絲勝天上奉薰歌

人日剪絲

沈佺期

官女憐芳樹裁花競早榮寒依刀尺盡春向綺羅生弱  
帶盤絲發香粧結素成纖枝幸不棄長就玉階傾

前題

張九齡

姹女矜容色爲花不讓春既爭芳意早誰待物華真集  
作參差發枝從點綴新自然無限態長在豔陽人一作晨

前題

余延壽

閨婦持刀坐自憐裁剪新葉催情綴色花寄手成春帖  
燕留妝戶黏雞待一作欲餉人擎來問夫婿何處不如真

人日

杜甫

元日到人日未有不陰時永雪驚難至春寒花較遲雲  
律詩五言 卷三十一 四

隨白水落風吹紫山悲蓬髮稀疎久一作少無勞比素絲

人日登南陽驛亭子懷漢川諸友 孟浩然

朝來登陟處不似豔陽時異縣殊風物羈懷多所思剪  
花驚歲早看柳訝春遲未有南飛鴈裁書欲寄誰

軒遊宮十五夜

玄宗

行邁離秦國巡方赴洛師路逢三五夜春色暗中期關  
外長河轉官中淑氣遲歌鐘對明月不減舊遊時

奉和 一作沈佺期

孫逖

洛城三五夜天子萬年春綵仗移雙闕瓊筵會九賓舞  
成蒼頡字燈作法王輪不覺東方日遙隨一作曲御藻新

正夜侍宴 應詔

薛曜

重關鍾漏通夕敞鳳凰宮雙闕祥煙裏千門明月中酒  
杯浮湛露歌曲唱流風侍臣咸醉止恒慙恩遇一作愧

崇

上元夜

效小庾體同用春字序日九谷帝畿三川  
與域交風均露上分朱鳥之耀洛河

下鎖蒼龍之闕多近臣之第宅即瞰銅街有貴  
戚之樓臺白連金花美人競出錦障如霞公子  
交馳離鞍似月同遊洛浦疑尋稅馬之津爭渡  
河橋似向牽牛之渚實昌年之樂事令節之佳  
遊者焉

長孫正隱

薄晚嘯遊人車馬亂驅塵月光三五夜燈焰一重春煙  
雲迷北闕簫管識南鄰洛城終不閉更出小平津

律詩五言 卷三十一 五

前題

陳嘉言

今夜可憐春河橋多麗人寶馬金爲絡香車玉作輪連  
子窺一作紫潯分頭看洛神重城自不掩出向小平津

前題

崔知賢

今夜啟城闌結伴戲芳春鼓聲撩亂動風光觸處新月  
下多遊騎燈前饒看人觀樂無窮已歌舞達明晨

前題

韓仲宣

他鄉月夜一作下人相伴看燈輪光隨九華出影共百枝  
新歌鍾盛北里車馬沸南鄰今宵何處好惟有洛城春

前題

高瑾



落春臺霧池侵舊渚沙綺筵歌吹晚暮雨泛香車

前題

高球

溫洛年光早皇州景望華連鑣尋上路乘興入山家輕  
苔網危石春水架平沙賞極林塘暮處處起煙霞

前題

高紹

嘯侶入山家臨春翫物華葛絲調綠水桂醕酌丹霞岸  
柳開新葉庭梅落早花興洽林亭晚方還倒載車

前題

郎餘令

三春休晦節九谷泛年華半晴餘細雨全晚澹殘霞樽  
開疎竹葉管應落梅花興闌相顧起流水送香車

律詩 五言

卷三十一

八

前題

高瑾

試入山亭望言是石崇家二月風光起三春桃李華鶯  
吟上喬木鴈往息平沙相看會取醉寧知還路賒

前題

王茂時

勝踐尋良會乘春翫物華還隨張放友來向石崇家止  
水分巖徑閒庭枕浦沙未極清泉賞參差落照斜

前題

周彥暉

砌莫收晦鬼津柳競年華旣狎忘筌友方淹投轄車綺  
筵迴舞雪瓊醕泛流霞雲低上天晚絲竹帶風斜

前題

弓嗣初

上序春暉麗中園物候華高才盛文雅逸興滿煙霞參  
差金谷樹皎鏡碧塘沙蕭散林亭晚倒載欲還家

前題

高嶠

飛觀寫春望開宴坐汀沙積溜含苔色晴空蕩日華歌  
入平陽第舞對石崇家莫慮能騎馬投轄自停車

前題

劉友賢

春來日漸賒琴酒逐年華欲向文通逕先遊武子家池  
碧新流滿巖紅落照斜興闌情未盡步步惜風花

前題

徐皓

綺筵乘暇景瓊醕對年華門多金埒騎路引璧人車蘋

律詩 五言

卷三十一

九

前題

陳嘉言

公子申敬愛携朋翫物華人是平陽客地即石崇家水  
文生舊浦風色滿新花日暮連歸騎長川照晚霞

前題

韓仲宣

欲知行有樂芳樽對物華地接安仁縣園是季倫家柳  
處雲疑葉梅間雪似花日落歸途遠留興與一作伴煙霞

前題

解琬

主第簪裾出王畿春照華山亭一以眺城關帶煙霞橫  
堤列錦帳傍浦駐香車歡娛屬晦節醕酊未還家

前題



前題

周思鈞

早春驚柳穩初晦掩簾華騎出平陽里遙開衛尉家竹  
影含雲密池紋帶雨斜重惜林亭晚上路滿煙霞

前題

周彥昭

勝地臨鷄浦高會偶龍沙御柳驚春色仙筇掩月華門  
邀千里馭杯泛九光霞日落山亭晚雷送七香車

前題

張錫

雪盡銅駝路花照石崇家年光開柳色池影汎雲華賞  
洽情方遠春歸景未賒欲知多暇日樽酒漬澄霞

晦日重宴

同用池字

高正臣

律詩 五言

卷三十一

十

芳辰重遊衍乘景共追隨班荆陪舊識傾蓋得新知水  
葉分蓮沼風花落柳枝自符河朔趣寧羨高陽池

前題

周彥暉

春華歸柳岸晦景落棠枝置驛銅街右開筵玉浦臨林  
烟含障密竹雨帶珠危興闌巾倒戴一作山公下習池

前題

周思鈞

綺筵乘晦景高宴下陽池濯雨梅香散含風柳色移輕  
塵依扇落流水入弦危勿顧林亭晚方歡雲霧披

前題

弓嗣初

年華諒芳隰春溜滿新池促賞依三友延歡寄一卮鳥

聲隨管變花影逐風移行樂方無極淹留惜晚曦

前題

高嶠

駕言尋鳳侶乘歡俯鴈池班荆逢舊識斟桂喜深知紫  
蘭方出逕黃鶯未嚙枝別有陶春日青天雲霧披

前題

陳嘉言

高門臥冠蓋下客抱支離綺席珍羞滿文場藻翰摘  
華周上月柳色藹春池日斜歸戚里連騎勒金羈

前題

高瑾

忽聞鶯響谷於此命相知正開彭澤酒來向高陽池柳  
葉風前弱梅花影處危賞洽林亭晚落照下參差

律詩 五言

卷三十一

十一

前題

韓仲宣

鳳苑先吹晚龍樓夕照披陳遵已投轄山公正坐池落  
日催金奏飛霞送玉卮此時陪綺席不醉欲何爲

晦日宴遊

杜審言

日晦隨萸萸春晴着杏花解紳宜就水張幕會連沙歌  
管風輕度池臺日半斜更看金谷騎爭向石崇家

晦日陪侍御泛北池

岑參

春池滿復寬晦節耐邀歡月帶蝦蟇冷霜隨獬豸寒水  
雲低錦席岸柳拂金盤日暮舟中散都人夾道看

陪王使君晦日泛江就黃家亭子 二首

杜甫

山谿何時斷江平不肯流稍知花改岸始驗鳥隨舟結  
京多紅粉歡娛恨白頭非君愛人客晦日更添愁  
有徑金沙軟無人碧草芳野畦連峽蝶江檻俯鴛鴦日  
晚煙花亂風生錦繡香不須吹急管衰老易悲傷

晦日

張說

晦日嫌春淺江浦看潮衣道傍花欲合枝上鳥猶稀共  
憶浮橋晚無人不醉歸寄書題此日鴈過洛陽飛

三日曲水侍宴

應制序曰曲江漢武帝所鑿其水  
曲折似嘉陵江故名至開元中疏  
鑿為勝境水邊植蒲萐柳陰四合每錫燕臣  
僚會于山亭池備舞舟唯宰相三使北省官翰

律詩五言

卷三十一

十二

林罕士登馬

閻朝隱

三月重三日千春續萬春聖澤如東海天文似北辰荷  
葉珠盤淨蓮花寶蓋新陛下制萬國臣作水心人

三日梨園侍宴

沈佺期

九重馳道出三已禊堂開畫鷁中流川一作動青龍上苑  
一作作來野花飄御座一作河柳拂天杯日晚迎祥處笙鏞下

帝臺

上巳浮江宴韻

得通字

王勃

上巳年光促中川興緒遙綠齊山葉滿紅渡岸花銷泉  
聲喧後澗虹影照前橋遠悲春望遠江路積波潮

三日登龍山

張九齡

伊川與灞津今日被除人豈似龍山上還同湘水濱衰  
顏憂更老淑景望非春袂飲豈吾事聊將偶俗塵

三日申王園亭宴集

稽亭追往事睢苑勝前聞飛閣凌芳樹華池落綵雲藉  
草人留酌銜花鳥赴羣向來同賞處惟恨碧林曠

上巳徐司錄林園宴集

杜甫

鬢毛垂領白花藥亞枝紅欹倒衰年廢招尋令節同薄  
衣臨積水吹面受和風有喜留攀桂無勞問轉蓬

上巳

崔顥

律詩五言

卷三十一

十三

已日帝城春傾都被禊晨停車須傍水奏樂要驚塵弱  
柳障行騎浮橋擁看人猶言日尚早更向九龍津

上巳洛中寄王九迴

孟浩然

上洛成周地浮杯上巳筵關雞寒食下走馬射堂前垂  
柳金堤合平沙翠幙連不知王逸少何處會羣賢

寒食

應制

韋承慶

鳳城春色晚龍禁早暉通舊火收槐燧餘寒入桂宮鶯  
啼正隱葉雞關始開籠藹藹瑤山滿仙歌始樂風

寒食清明早赴王門率成

李嶠

遊客趨梁邸朝光入楚臺槐煙乘曉散榆火應春開日

帶晴虹上花隨早蝶來雄風乘令節餘吹拂輕灰

寒食卽事

王昌齡

晉陽寒食地風俗舊來傳雨滅龍蛇火春生鴻鴈天泣  
多流水漲歌發舞雲旋西見之推廟空爲人所憐

寒食

杜甫

寒食江村路風花高下飛汀煙輕冉冉竹日淨暉暉田  
父要皆去鄰家問一作不遠地偏相識盡雞犬亦忘歸

途中寒食

題黃梅臨江驛

宋之問

馬上逢寒食愁一作途中屬暮春可憐江浦望不見洛橋  
一作人北極懷明主南溟作逐臣故園腸斷處日夜柳

律詩

五言

卷三十一

十四

條新

和宋之問

崔融

春分自淮北寒食渡江南忽見潯陽水疑是宋家潭明  
主閣難叫孤臣逐未堪遙思故園陌桃李正酣酣

和宋之問

胡皓

聞道山陰會仍爲火忌辰途中甘桑日江上苦傷春流  
水翻催淚寒灰更伴人丹心終不改白髮爲誰新

寒食夜

和常州崔使君一作孫述

沈佺期

聞道清明近春闌向夕闌行遊晝不厭風物夜宜看斗  
柄更初轉梅香暗裏殘無勞秉華燭晴月在南端

驩州風土不作寒食

嶺外無寒食春來不見錫洛中一作新甲子何日是清

明花柳爭朝發軒車滿路迎帝鄉遙可念腸斷報親情

清明

孫昌胤

清明暮春裏悵望北山隅燧火開新焰桐花發故枝沈  
冥慙歲物歡宴阻朋知不及林間鳥遷喬並羽儀

餽雞子

駱賓王

幸遇清明節欣逢舊練人刻花爭臉態寫月競眉新暈  
罷空餘月詩成併道春誰知懷王者含譽未吟晨

律詩

五言

卷三十一

十五

消渴遊江漢羈棲尚甲兵幾年逢熟食萬里逼清明松  
栢一作山路風花一作光白帝城汝曹催我老回首淚

縱橫

令節成吾老他時見汝心浮生看物變爲恨與年深長  
葛書難得江州冷不禁團圓思弟妹行坐白頭吟

端午日賜衣

官衣亦有名端午被恩榮細葛含風軟香羅疊雪輕自  
天題處濕當暑着來清意內稱長短終身荷聖情

官莊池觀競渡

儲光義

落日吹簫管清池發棹歌船爭先後渡岸激往來波水

葉藏魚鳥林花間綺羅踟躕仙女去猶似望天河

七夕宴玄圃

高宗

羽蓋飛天漢鳳駕越層巒俱歎三秋阻共敘一宵歡  
虧夜月落靨碎曉星殘誰能重操杆纖手濯清澗

霓裳轉雲路鳳駕臨一作天潢虧星周夜靨殘月落朝

璿促歡今夕促長離別後長輕梭聊駐纖掩淚獨悲傷

奉和二首

許敬宗

發閨期今夕娥輪泛淺潢迎秋伴暮雨待暝合神光薦  
寢低雲鬢呈態解霓裳喜中愁漏促別後怨天長

牛閨臨淺漢驚駟涉秋河兩懷紫別緒一宿一作萬樓慶停

律詩

卷三十一

十六

梭星模鈿裏曆月寫黛中蛾奈許今宵度長嬰離恨多

七夕侍宴兩儀殿

奉和聖製

杜審言

一年銜別怨七夕始言歸歛淚開星靨微步動雲衣天  
迴兔欲落河曠鵲停飛那堪盡此夜復往弄殘機

前題

李嶠

靈匹三秋會仙期七夕過槎來人泛海橋渡鵲填河帝  
綰升銀閣天機罷玉梭誰言七襄詠重一作入五絃歌

前題

劉憲

秋吹過雙闕星仙動二靈更深移月鏡河淺度雲軒殿  
上呼一作方朔人間失一作識武丁天文茲夜裏光映紫

微庭

前題

趙彥昭

青女三秋節黃姑七日期星橋度玉珮雲閣掩羅帷河  
氣通仙掖天文入睿詞今宵望靈漢應得見蛾眉

前題

李义

桂宮明月夜蘭殿起秋風雲漢彌年阻星筵此夕同倏  
來疑有處旋去已成空睿作鈞天響覓飛在夢中

前題

蘇頌

靈媛乘秋發仙裝警夜催月光窺欲渡河色辨應來機  
石天文寫針樓御賞開竊觀棲鳥至疑向鵲橋迴

律詩

卷三十一

十七

七夕

杜審言

白露含明月青霞斷絳河天街七襄轉閨道二神過  
服鐙環珮香筵拂綺羅年年今夜盡機杆別情多

七夕

祖詠

閨女求天女更闌意未闌玉庭開粉席羅袖捧金盤  
月穿鍼易臨風整線難不知誰得巧明日試相看

同賦山居七夕

李嶠

明月青山夜高天白露秋花庭開粉席雲岫敞針樓石  
類支機影池似泛槎流暫驚河女鵲終狎野人鷗

七夕泛舟

盧照隣

汀葭蕭徂暑江樹起初涼水疑通織室舟似泛仙潢  
繞渡急響鳴棹下浮光日晚菱歌唱風煙滿夕陽  
鳳杆秋期至鳬舟野望開微吟翠塘側延想白雲隈石  
似支機罷槎疑犯宿來天潢殊漫漫日暮獨悠哉

前題

梁鎰

雲端有靈匹掩映拂妝臺夜久應搖珮天高響不來片  
歡秋始展殘夢曉翻催却怨填河鵲留橋又不迴

他鄉七夕

孟浩然

他鄉逢七夕旅館益羈愁不見穿針婦空懷故國樓緒  
風初減熱新月始臨一作秋誰忍窺河漢迢迢問望

律詩

卷三十一

十八

斗牛

牛女

宋之問

粉席秋期緩針樓別怨多奔龍爭渡月飛鵲亂填河失  
喜先臨鏡含羞未解羅誰能留夜色來夕倍還梭

秋社日崇讓園宴

得新字

蘇頌

鳴爵三農稔勾龍百代神運昌叨輔弼時泰喜黎民樹  
缺池光近雲開日影新生全應有地長願樂交親

社日

二首

杜甫

九農成德業百祀發光輝報効神如在馨香舊不違南  
翁巴曲醉北鴈塞聲微尚想東方朔詎諧割肉歸

陳平亦分肉太史竟論功今日江南老他時渭北童歡  
娛看絕塞淞淚落秋風鵲驚迴金闕誰憐病峽中

九日幸臨渭亭登高

序曰陶潛登把酒浮九醞之  
歡畢卓持螯須盡一生之興  
人題四韻同賦五言其最後成罰  
之引滿

中宗

九日正乘秋三杯興已周泛桂迎樽滿吹花向酒浮長

房更早熟彭澤菊初收何藉龍沙上方得恣淹留

奉和

得深字

韋嗣立

層觀遠沈沈鸞旗九日臨帷一作宮壓水岸步輦入煙

岑枝上更新採樽中菊始斟願陪歡樂事長與歲時深

奉和

得餘字

蕭至忠

律詩

卷三十一

十九

望幸三秋暮登高九日初朱旗巡漢苑翠帟俯秦墟寵  
極更房一作杏遍恩深菊耐餘承歡何以答萬億奉宸居

奉和

得花字

趙彥昭

秋豫凝仙覽宸遊轉翠華呼鷹下鳥路戲馬出龍沙紫  
菊宜新壽丹更辟舊邪須陪長久宴歲歲奉吹花

奉和

得時字

蘇頌

嘉會宜長日高筵順動時曉光雲外洗晴色雨餘滋降  
鶴因韶德吹花入御詞願陪陽暉數節億萬九秋期一作數

登高日延齡命賞時宸遊天上轉秋物雨來滋降鶴水  
仙馭吹花入雷詞微臣復何幸長得奉恩私

奉和

得長字

沈佺期

御氣幸金方憑高薦羽觴魏文頒菊蕊漢武賜萸囊一作房  
秋變銅池色晴添銀樹光一作去鶴留筇年年一作臣歡

重九慶日月奉天長

蘇瓌

重陽早露晞睿賞瞰秋穢菊氣先薰酒萸香更襲衣清  
切絲桐會縱橫文雅飛思深答效淺留醉奉宸暉

奉和得暉字

于經野

御氣三秋節登高九曲門桂筵羅玉俎菊醴溢芳樽遵  
渚歸鴻度承雲舞鶴騫微臣濫陪賞空荷聖明恩

奉和得臣字

陸景初

律詩五言

卷三十一

二十

九秋光順豫重節霽良辰登高識漢苑問道侍軒臣菊  
花浮杓鬯萸房插綰紳聖化邊陲謐長洲鴻鴈賓

奉和得亭字

楊廉

遠目瞰秦垌重陽坐灞亭既開黃菊酒還降紫微星簫  
鼓迎仙曲山河入畫屏幸茲陪宴喜無以効丹青

奉和得還字

盧懷慎

時和素秋節宸豫紫機開鶴似聞琴至人疑宴錦還曠  
望臨平野潺湲俯溟灣無因酬大德空此媿崇班

奉和得英字

竇希玠

鸞輿巡上苑鳳駕瞰層城御座丹鳥麗宸居白鶴驚玉

旗紫桂葉金杯泛菊英九晨陪聖膳萬歲奉承明

奉和得華字

趙彥伯

九日報仙家三秋轉歲華呼鷹下鳥路戲馬出龍沙簪  
挂丹萸藥杯涵一作紫菊花所願同微物年年共辟邪

奉和得歡字

宋之問

令節三秋晚重陽九日歡仙杯還泛菊寶饌且調蘭御  
氣雲霄近乘高宇宙寬今朝萬壽引宜向曲中彈

奉和得筵字

閔朝隱

九九侍神仙高高坐半天文章二曜動氣色五星連簪  
紋趨皇極笙歌接御筵願因芳菊酒相守百千年

律詩五言

卷三十一

二十一

重九開秋節得一動宸儀金風飄菊蕊玉露滋萸枝睿  
覽八紘外天文七曜披臨深應在卽居高豈忘危

奉和得農字

李义

望幸紆千乘登高自九重臺疑臨戲馬殿似接疏龍捧  
篋萸香遍稱觴菊氣濃更看仙鶴舞來此慶時雍

奉和得高字

李適

禁苑秋光入宸遊露色高更房頒綵笥菊蕊薦香醪後  
騎繁堤柳前旌拂御桃王枚俱得從疎一作淺愧飛毫

九日宴江陰

杜審言

蟋蟀期歸晚茱萸節候新降霜青女月送酒白衣人高興要長壽卑棲隔近臣龍沙卽此地舊俗坐爲隣

湘州九日登高

張說

西楚茱萸節淮南一作淮戲馬臺寧知沅水上復有菊花杯亭帳憑高出親遊自遠來短歌將急景同使興情催

和張燕公

陰行先

重陽初啟節無射正飛灰寂寞風蟬至連翩霜鴈來山棠紅葉下岸菊紫花開今日相公座多愧孟嘉才

九日巴丘登高

張均

客心驚暮序賓鴈下滄洲共賞重陽節言尋戲馬遊湖律詩五言 卷三十一 二十二

風扶一作愁戊柳江雨暗山樓且酌東籬酒聊祛南國憂

奉陪封大夫九日登高

岑參

九日黃花酒登高會昔聞霜威逐亞相殺氣傷中軍橫笛驚征鴈矯歌落塞雲邊頭幸無事醉舞荷吾君

和賈主簿并九日登峴山

孟浩然

楚萬重陽日羣公賞讌來共乘休沐暇同醉菊花杯逸思高秋發歡情落景催國人咸寡和遙愧洛陽才

九日登梓州城

杜甫

伊昔黃花酒如今白髮翁追歡筋力異望遠歲時同弟妹悲歌裏乾坤醉眼中兵戈與關塞此日意無窮

九日李蘇州東樓宴

獨孤及

是菊花開日當君乘興與秋風前孟嘉帽月下庾公樓酒解留征客歌能破別愁醉歸無以贈祇奉萬年酬

九日諸人集于林

杜甫

九日明朝是相要舊俗非老翁難早出野客幸知歸舊采黃花賸新梳白髮微謾看年少樂忍淚已霑衣

九日曲江

綴席茱萸好浮舟菡萏衰百年秋已半一作季秋九日意兼悲江水清源曲荆門此路疑晚來一作欲半高興盡搖蕩菊花期

律詩五言

卷三十一

二十三

同崔員外綦母拾遺九日宴京兆府李士曹

高適

今日好相見羣賢仍廢曹晚晴催翰墨秋興引風騷絳葉擁虛砌黃花隨濁醪閉門無不可何事更登高

九日楊奉先會白水崔明府

杜甫

今日滯懷縣同時陸浚儀坐開桑落酒來把菊花枝天宇清霜淨公堂宿霧披晚酣留客舞鳬鳥共差池

雲安九日鄭十八攜酒陪諸公宴

寒花開已盡菊葉獨盈枝舊摘人頗異輕香酒暫隨地偏初衣衿山擁更登危萬國皆戎馬酣歌淚欲垂



九日

王績

野人迷節候端坐隔塵埃忽見黃花吐方知素節回映  
巖千段發臨浦萬株開香氣徒盈把無人送酒來

荅王無功

崔善爲

秋來菊花氣深山客重尋露葉凝涵玉風花似散金摘  
來還泛酒獨坐卽徐斟王弘食自醉無復覓楊林

九日

得新字

孟浩然

初九

一作九日

未成旬重陽卽此晨登高聞古

一作事

載酒

訪幽人落帽恣歡飲授衣同試新茱萸正可佩折取寄  
情親

律詩

五言

二十四

九日

二首

杜甫

舊日重陽日傳杯不放杯卽今蓬髮改但覩菊花開北  
闕心長戀西江首獨回茱萸賜朝士難得一枝來

舊與蘇司業兼隨鄭廣文采花香泛泛坐客醉紛紛野  
樹歌

一作還

倚秋砧醒却聞歡娛兩冥漠西北有孤雲

九日送人

劉昫

海上正搖落客中還別離同舟去未已遠送新相知流  
水意何極滿尊徒爾爲從來菊花節早已醉東籬

九日龍沙作寄劉大春虛

孟浩然

龍沙豫章北九日挂帆過風俗因時見湖山發興多客

中誰送酒棹裏自成歌歌竟乘流去酒酒任夕波

九日寄嚴大夫

杜甫

九日應愁思經時冒險艱不眠持漢節何路出巴山小  
驛香醪嫩重巖細菊斑遙知簇鞍馬回首白雲間

九日懷襄陽

孟浩然

去國似已如昨倏然

一作馬

經杪秋峴山不可

一作望不見

風景令人愁誰采籬下菊應開池上樓宜城多美酒歸  
與葛疆遊

除夜

一作董思恭

太宗

歲陰窮暮紀獻節啟新芳冬盡今宵促年開明日長  
律詩

五言

卷三十一

二十五

銷出鏡水梅散入風香對此歡終讌傾壺待曙光

除夜

應詔一作王諶

史青

今歲今宵盡明年明日催寒隨一夜去春逐五更來氣  
色空中改容顏暗裏回風光人不覺已着

一作後園梅

除夜有懷

杜審言

故節當歌守新年把燭迎冬氣戀虬箭春色候雞鳴興  
盡聞壺覆宵闌見斗橫還將萬億壽更謁九重城

前題

孟浩然

迢遞三巴路羈危萬里身亂山殘雪夜孤燭異鄉人漸  
與骨肉遠轉於奴僕親那堪正飄泊來日歲華新

除夜樂城逢孟浩然

張子容

遠客襄陽郡來過海畔家樽開栢葉酒燈發九枝花妙  
曲逢盧女高才得孟嘉東山行樂意非是競繁華

除夜樂城逢張少府

孟浩然

雲海泛訪一作甌閩風潮一作泊島濱何知歲除夜得見  
故鄉親余一作是乘槎客君一作為失路人平生復能

幾一別十餘春

歲除夜會樂城張少府宅

疇昔通家好相知無間然續明催畫燭守歲接長筵舊  
曲梅花唱新正栢酒傳客行隨處樂不見度年年

律詩五言

卷三十一

二十六

守歲

一作董思恭

太宗

暮景斜芳殿年華麗綺宮寒辭去冬雪暖帶入春風階  
積舒梅素盤花卷燭紅共歡新故歲迎送一宵中

西京守歲

駱賓王

閒居寡言晏獨坐慘風塵忽見嚴冬盡方知列宿春夜  
將寒色去年共曉光新耿耿他鄉夕無由展舊親

京中守歲

丁仙芝

守歲多然燭通宵莫掩扉客愁富暗滿春色向明歸玉  
斗巡初匝銀河落漸微開正獻歲酒千里間庭闈

岳州守歲

張說

除夜清樽滿寒庭燎火多舞衣連臂拂醉坐合聲歌至  
樂都忘我冥心自委和今也一作只如此來歲知如何

杜位宅守歲

杜甫

守歲阿戎一作家椒盤已頌花盞簪喧櫪馬列炬散林  
鴉四十明朝過飛騰暮景斜誰能更拘束爛醉是生涯

首春

太宗

寒隨窮律變春逐鳥聲開初風飄帶柳晚一作雪間花  
梅碧林青舊竹綠沼翠新苔芝田初鴈去綺樹未一作巧

鶯來

桂林殿早春

應詔

陳叔達

律詩五言

卷三十一

二十七

金鋪照春色玉律動年華朱樓雲似蓋丹桂雪如花水

岸銜階轉風條出柳斜輕輿臨太液湛露酌流霞

奉和初春出遊

應令

李百藥

鳴笳出望苑飛蓋下芝田水光浮落照霞彩淡輕煙柳  
色迎三月梅花隔二年日斜歸騎動餘興滿山川

陪使君早春東郊遊眺

得春字

岑參

太守擁朱輪東郊物候新鶯聲隨坐嘯柳色喚行春谷  
口雲迎馬谿邊水照人郡中叨佐理何幸接芳塵

和晉陵陸丞早春遊望

杜審言

獨有宦遊人偏驚物候新雲霞出海曙梅柳渡江春淑

氣催黃鳥晴光照一作轉綠蘋忽聞歌古調歸思欲霑巾

早春酬李都督表丈

杜甫

力疾坐清曉來時悲早春轉添愁伴客更覺老隨人紅  
入桃花嫩青歸柳葉新望鄉應一作猶未已四海尚風塵

晚春

孟浩然

二月湖水清家家春鳥鳴林花掃更落徑草踏還生酒  
伴來相命開尊共解醒當杯已入手歌妓莫停聲

春夜答長孫十一東山見贈

楊諫

故人謝城闕揮手碧雲期谿月照隱處松風生興時舊  
林日云暮芳草歲空滋甘與子成夢請君同所思

律詩五言

卷三十一

二十八

江上逢春

張均

離憂耿未和春慮忽蹉跎擇木猿知去尋泥燕獨過驚  
花翻霽日垂柳拂煙波激意屢怡賞無如鄉念何

遊春

邢巨

海岳三峰古春皇二月還綠潭漁子釣紅樹美人攀弱  
蔓環沙嶼飛花點石關谿山遊未厭琴酌弄晴灣

戲題春意

張九齡

一作江南守江林三四春相鳴不及鳥相樂喜開人日  
守朱絲直年催華髮新淮陽祗有臥持此度芳辰

江樓春望

一作于鄴

于逖

樓下長江路舟車晝不開鳥聲非故國春色是他山一  
望雲復水幾重河與關愁心隨落日萬里共一作各西還

春望

杜甫

國破山河在城春一作荒草木深感時花濺淚恨別鳥驚  
心烽火連三月家書抵萬金白頭搔更短渾欲不勝簪

江上春歎

岑參

臘月江上暖南橋新柳枝春風觸處到憶得故園時終  
日不如意出門何所之從人覓顏色自笑弱男兒

惜春

杜甫

花飛有底急老去願春遲可惜歡娛地都非少壯時寬

律詩五言

卷三十一

二十九

心應是酒遣興莫過詩此意陶潛解吾生後汝期

春遠

蕭蕭花絮晚霏霏紅素輕日長唯鳥雀春遠獨柴荆數  
有關中亂何曾劍外清故鄉歸不得地入亞夫營

夏日遊目聊作

駱賓王

暫屏塵囂累言尋物外情致逸心逾默神幽體自輕浦  
夏荷香滿田秋麥氣清詎假滄浪上將濯楚臣纓

熱三首

杜甫

雷霆空霹靂雲雨竟虛無炎赫衣流汗低垂氣不蘊乞  
爲寒水玉願作冷秋菰何似兒童歲風涼出舞雩

瘴雲終不滅瀘水復西來閉戶人高臥歸林鳥却迴峽  
中都似火江上只空雷想見陰宮雪風門颯沓開  
朱李沈不冷雕胡炊屢新將衰骨盡痛被喝味空頻欬  
翕炎蒸景飄颻征戍人十年可解甲爲爾一霑巾

陪封大夫宴瀚海亭納涼

岑參

細管雜青絲千杯倒接離軍中乘興出海上納涼時日  
沒鳥飛急山高雲過遲吾從大夫後歸路擁旌旗

東郊納涼憶左威衛李錄事收昆季太原崔參軍

三首序曰僕三伏於通化門東北數里避暑之地地即故伴天官顧公之舊林今貳宰君李公之別業右抵禁藥斜界沁園空水相輝步虹橋而下視竹木交映弄仙棹而俯窺足跡頗僻

律詩 五言

卷三十一

三十

陶蒸暑獨往成興恨不與數公共樓穎之率然有作因以見意

水竹誰家宅幽庭向苑門今知季倫沼舊是辟疆園饑

鷺窺魚靜鳴鴉帶子喧興成祗自適欲白返忘言

納涼每選地近得青門東林與綠垣接池將沁水通枝

交帝女樹橋映美人虹想是忘機者悠悠在興中

林間求適意池上得清飈稍稍斜回棹時時一度橋水

光壁際動山影浪中搖不見李元禮神仙何處要

儀鸞殿早秋

太宗

寒驚薊門葉秋發小山枝松陰背日轉竹影避風移提

壺菊花岸高興芙蓉池欲知涼氣早巢空燕不窺

奉和

許敬宗

睿想追嘉豫臨軒御早秋斜暉麗粉壁清吹肅朱樓高  
殿凝陰滿雕牕艷曲流小臣參廣宴大造諒難酬

太原早秋

李白

歲落衆芳歇時當大火流霜威出塞早雲色渡河秋夢  
遶邊城月心飛故國樓思歸若汾水無日不悠悠

初秋夜坐

太宗

斜廊連綺閣初月照宵帷寒冷鴻飛疾園秋蟬噪遲露  
結林疎葉寒輕菊吐滋愁心逢此節長歎獨含悲

奉和

楊師道

律詩 五言

卷三十一

三十一

玉琯涼初應金壺夜漸闌滄池流稍潔仙掌露方溥鴈  
聲風處斷樹影月中寒爽氣長空淨高吟覺思寬

暮秋言懷

一作宋之問

魏徵

首夏別京輔杪秋滯三河沈沈蓬萊閣日夕鄉思多霜  
剪涼池蕙風捎幽渚荷歲芳坐淪歎感此式微歌

秋日 二首

太宗

菊散金風起荷疎玉露圓將秋數行鴈離夏幾林蟬雲  
凝愁半嶺霞碎纈高天還似成都望直見峨眉前

爽氣澄蘭沼秋風動桂林露凝千片玉菊散一叢金日

岫高低影雲空點綴陰蓬瀛不可望泉石且娛心

秋夜

王維

獨坐悲雙鬢空堂欲二更雨中山果落燈下草蟲鳴白髮終難變黃金不可成欲知除老病唯有學無生

和楊駙馬六郎秋夜卽事

高樓月似霜秋夜鬱金堂對坐彈盧女同看舞鳳凰少兒多送酒小玉更焚香結束平陽騎明朝入建章

和大夫秋夜書情卽事

獨孤及

上畧當分閫高情善閉關忘機羣動息無戰五兵閒鈴閣風傳漏書牕月滿山方知秋興作非惜二毛斑

奉和山夜臨秋

上官儀

律詩 五言

卷三十一

三十二

殿帳清炎氣輦道含秋陰淒風移漢筑流水入虞琴雲飛送斷鴈月上淨疎林滴瀝露枝響空濛煙壑深

林園秋夜作

李嶷

林臥避殘暑白雲長在天賞心既如此對酒非徒然月色偏秋露竹聲兼夜泉涼風懷袖裏茲意與誰傳

秋懷

張九齡

感惜芳時換誰知客思懸憶隨鴻向煖愁學馬思邊留滯機還息紛拏網自牽東南起歸望何處是江天

悲秋

杜甫

涼風動萬里羣盜尚縱橫家遠傳書日秋來爲客情愁

窺一作高鳥過老逐衆人行始欲投三峽何由見兩京

秋清

高秋蘓肺氣白髮自能梳藥餌憎加減門庭悶掃除杖藜還客拜愛竹遣兒書十月江平穩輕舟進所如

秋盡

大曆二年作

爲客無時了悲秋同夕終瘴餘夔子國霜薄楚王官草敵虛嵐翠花禁冷藥紅年年小搖落不與故園同

搖落

搖落巫山暮寒江東北流煙塵多戰鼓風浪少行舟鵝費羲之墨貂餘季子裘長懷報明主臥病復高秋

律詩 五言

卷三十一

三十三

孟冬

殊俗還多事方冬變所爲破柑霜落爪嘗稻雪翻匙巫峽一作寒都薄烏蠻瘴遠隨終然減灘瀨暫喜息蛟螭

初冬二首

垂老戎衣窄歸休寒色深漁舟上急水獵火著高林日有習池醉愁來梁甫吟干戈未偃息出處遂何心有瘴非全歇爲冬不亦難夜即谿日暖白帝峽風寒蒸裏如千室焦糖幸一梓茲晨南國重舊俗自相歡

冬深

花葉隨天意江谿共石根早霞隨類影寒水各依痕易

下楊朱淚難招楚客冤風濤暮不穩捨棹向一作誰門

冬宵各爲四韻

太宗

雕形一作官靜龍漏綺閣譙公侯珠簾燭燄動繡柱月光

浮雲起將歌發風塵一作停與管道瑣除任多士端展更

何憂

歲暮

杜甫

歲暮遠爲客邊隅還用兵煙塵犯雪額鼓角動江城天地日流血朝廷誰請纓濟時敢愛死寂寞壯心驚

暮寒

霧隱平郊樹風含廣岸波沈沈春色靜慘慘暮寒一作雲

律詩五言

卷三十一

三十四

多戍鼓猶長擊林鶯遂不歌忽思高宴會朱袖拂雲和

溪西寒望

水色含羣動朝光切太虛年侵頻悵望興遠一蕭疎猿

挂時相學鷗行炯自如瞿塘春欲至定卜溪西居

將曉二首

石城除擊柝鐵鎖欲開關鼓角悲荒塞星河落曉山巴

人常小梗蜀使動無還垂老孤帆色飄飄犯百蠻

軍吏迴官燭舟人自楚歌寒沙蒙薄霧落月去清波壯

惜身名晚衰慙應接多歸朝日簪笏筋力定如何

朝二首

清旭楚宮南霜空萬頃含野人時獨往雲木曉相參俊

鵲無聲過饑鳥下食貪病身終不動搖落任江潭

浦帆晨初發郊扉冷未開林樾一作疎黃葉墜野靜白鷗

來磯潤休全濕雲晴欲半回巫山冬可恠昨夜有奔雷

與王六履震廣州津亭曉望

張九齡

明發臨前渚寒一作

來淨遠空水紋天上碧日氣海邊

紅景物紛爲異人情賴此同乘槎一作自有適非欲破

長風

舟中曉望

孟浩然

挂席東南望青山水國遙舳舻爭利涉來往接一作風

律詩五言

卷三十一

三十五

潮問我今何去一作天台訪石橋坐看霞色曉疑是赤

城標

曉望

杜甫

白帝更聲盡陽臺曉色分高峰寒上日疊嶺宿霾雲地

坼江帆隱天清水葉聞荆扉對麋鹿應共爾爲羣

落日

落日在簾鉤谿邊春事幽芳菲緣岸圃樵爨倚灘舟啁

夜一作雀爭枝墜飛蟲滿院遊濁醪誰造汝一酌散千憂

日暮二首

日落風亦起城頭烏尾訛黃雲高未動白水已揚波羌

婦語還哭胡兒行且歌將軍別上馬夜出擁雕戈

牛羊下來夕一作各已閉柴門風月自清夜江山非故

園石泉流暗壁草露滿秋原一作滴根頭白明燈裏何須

花燼繁

薄暮

江水最深地山雲薄暮時寒花隱亂草宿鳥擇深枝舊國見何日高秋心苦悲人生不再好鬢髮白成絲

江亭晚望

宋之問

浩渺浸雲根煙嵐出遠村鳥歸沙有跡帆過浪無痕望水知柔性看山欲斷魂縱情猶未已迴馬欲黃昏

律詩 五言

卷三十一

三十六

春江晚景

張九齡

江林皆秀發雲日復相鮮征路那逢此春鄉一作心益渺然興來祇自得佳處莫能傳薄暮津亭下餘花滿客船

岳陽晚景

張均

晚景寒鴉集秋風

一作旅海鴈歸水光浮日去一作出

霞彩映江飛洲白蘆花吐園紅柿葉稀長沙卑濕地九月未成衣

月未成衣

晚景悵然簡二三子

李嶠

楚客秋悲動梁臺夕望賒梧桐稍下葉山桂欲開花氣引迎寒露光收向晚霞長歌白水曲空對綠池華

晚

杜甫

杖藜尋巷晚炙背近墻暄人見幽居僻吾知養拙尊朝廷問府主耕稼學山村歸翼飛樓定寒燈亦閉門

山居秋暝

王維

空山新雨後天氣晚來秋明月松間照清泉石上流竹喧歸浣女蓮動下漁舟隨意春芳歇王孫自可留

暝

杜甫

日下四山陰山庭嵐氣侵牛羊歸徑險鳥雀聚林一作枝深正枕當星劍收書動玉琴半扉開燭影欲掩見清砧

向夕

律詩 五言

卷三十一

三十七

耿臥孤城外江村亂水中深山催短景喬木易高風鶴下雲汀近雞栖草屋同琴書散明燭長夜始堪終

江樓夕望

崔湜

試陟江樓望悠悠去國情楚山霞外斷漢水月中平公子留遺邑夫人有舊城蒼蒼煙霧裏何處是咸京

祠南夕望

杜甫

百丈牽江色孤舟泛日斜興來猶杖屨目斷更雲沙山鬼迷春竹相娥倚暮花湖南清絕地萬古一長嗟

秋山夕興

陶翰

山月松篠下月明山景鮮聊爲高秋酌復此清夜絃晤



語方獲志栖心亦彌年尚言興未逸更理逍遙篇

夜三首

杜甫

白夜月休弦燈花半委眠號山無定鹿落樹有驚蟬暫  
憶江東繪兼懷雪下船蠻歌犯星起重覺在天邊  
城郭悲笳暮村墟過翼稀甲兵年數久賦歛夜深歸暗  
樹依巖落明河遶塞微斗斜人更望月細鵲休飛  
絕岸風威動寒房燭影微猿霜外宿江鳥夜深飛獨  
坐親雄劒哀歌歎短衣煙塵繞閭闔白首壯心違

中夜

中夜江山靜危樓望北辰長爲萬里客有媿百年身故

律詩五言

卷三十一

三十八

國風雲氣高堂戰伐塵胡雛負恩澤嗟爾太平人

中宵

西閣百尋餘中宵步綺疏飛星過水白落月動沙虛擇  
木知幽鳥潛波想巨魚親朋滿天地兵甲少來書

西閣夜

恍惚寒山暮逶迤白霧昏山虛風落石樓靜月侵門擊  
柝可憐子無衣何處村時危關百慮盜賊爾猶存

村夜

風色蕭蕭暮江頭人不行村春雨外急鄰火夜深明胡  
羯何多難漁樵寄此生中原有兄弟萬里正含情

倦夜

竹涼侵臥內野月滿庭隅重露成涓滴稀星乍有無暗  
飛螢自照水宿鳥相呼萬事千戈裏空悲清夜徂

奉和詠日午

虞世南

高天淨秋色長漢轉曦車玉樹陰初正桐圭影未斜翠  
蓋飛圓彩明鏡發輕花再中良表瑞共仰璧暉除

前題

褚亮

曦車日亭午浮箭未移暉日光無落照樹影正中圍草  
萎看稍靡葉燥望疑稀晝寢慙經笥暫解入朝衣

詠日

李嶠

律詩五言

卷三十一

三十九

旦出扶桑路遙升若木枝雲間五色滿霞際九光披東  
陸蒼龍駕南郊赤羽馳傾心比葵藿朝夕奉堯曦

反照

杜甫

反照開巫峽寒空半有無已低魚復暗不盡白鹽孤荻  
岸如秋水松門似畫圖牛羊識童僕既夕應傳呼

奉和望月

應魏王教

褚亮

層軒登皎月流照滿中天色共梁珠遠光隨趙壁圓落  
影臨秋扇虛輪入夜弦所欣東館裏預奉西園篇

秋夕望月

張九齡

清迥江城月流光萬里同所思如夢裏相望在庭中皎

索青苔露蕭條黃葉風含情不得語頻使桂華空

前題

姚崇

明月有餘鑒羈人殊未安桂含秋樹晚波入夜池寒灼  
灼雲枝淨光光草露團所思迷所在長望獨長歎

江中望月

盧照隣

江水向滄陽澄澄寫月光鏡圓珠溜澈弦滿箭波長沈  
鈎搖兔影浮桂動丹芳延照相思夕千里共霓裳

望月有懷

一作沈佳期又作宋之問 康庭芝

天使下西樓光含萬里秋臺前疑挂鏡簾外似懸鈎張  
尹將眉學班姬取扇儔佳期應借問爲報在刀頭

律詩五言

卷三十一

四十

和康五庭芝

杜審言

明月高秋迴愁人獨夜看暫將弓並曲翻與扇俱團露  
一作濯清輝苦風飄素影寒羅衣一此鑒頓使別離難

望月懷遠

張九齡

海上生明月天涯共此時情人怨遙夜竟夕起相思滅  
燭憐光滿披衣覺露滋不堪盈手贈還寢夢佳期

挂席江上待月有懷

李白

待月月未出望江江自流倏忽城西郭青天懸玉鈎素  
華雖可攬清景不同遊耿耿金波裏空瞻鵲鵲樓

翫月

呈漢中王

杜甫

夜深露氣清江月滿江城浮客轉危坐歸舟應獨行關

山同一點

一作鳥鵲自多驚欲得淮王術風吹暈已生

月夜有懷

駱賓王

閒庭落景盡疎簾夜月通山靈響似應水淨望如空樓  
枝猶繞鵲遵渚未來鴻可歎高樓婦悲思杳難終

前題

陳子昂

美人挾趙瑟微月在西軒寂寞夜何久殷勤玉指繁清

光委衾枕遙思屬相沉空簾隔星漢猶夢感精魂

秋庭月夜有懷

李澄之

遊客三江外單棲百慮違山川憶處近形影夢中歸夜

律詩五言

卷三十一

四十一

月明虛帳秋風入搗衣從來不慣別况屬鴈南飛

月夜憶舍弟

杜甫

戍鼓斷人行邊秋一鴈聲露從今夜白月是故鄉明有  
弟皆分散無家問死生寄書長不達况乃未休兵

月夜

今夜鄜州月閨中只獨看遙憐小兒女未解憶長安香

霧雲鬟濕清輝玉臂寒何時倚虛幌雙照淚痕乾

觀作橋成月夜舟中有述還呈李司馬

把燭橋成夜迴舟客坐時天高雲去盡江迴月來遲衰  
謝多扶病招邀屢有期異方乘此興樂罷不無悲

一百五日夜對月

無家對寒食有淚如金波  
斫却月中桂清光應更多  
低離放紅藥想像嚙青蛾  
牛女謾愁思秋期應渡河

八月十五夜對月

二首

滿目飛明鏡歸心折大刀  
轉蓬行地遠攀桂仰天高  
水路凝霜雪林棲見羽毛  
此時瞻白兔直欲數秋毫  
稍下巫山峽猶銜白帝城  
氣沈全浦暗輪側半樓明  
刁斗皆催曉蟾蜍且自傾  
張弓倚殘魄不獨漢家營

十六夜

舊挹金波爽皆傳玉露秋  
關山隨地闊河漢近人流  
谷排律五言卷三十一四十二

口樵歸唱孤城笛起愁已童  
渾不寢半夜有行舟

十七夜

秋月仍圓夜江村獨老身  
捲簾還照客倚杖更隨人  
光射潛蚪動明翻宿鳥頻  
茅齋依橘柚清切露華新

江月

江月光於水高樓思殺人  
天邊長作客老去一霑巾  
玉露溥一作清影銀河沒半輪  
誰家挑錦字燭滅翠眉頻

江邊星月

二首

驟雨清秋夜金波耿玉繩  
天河元自白江浦向來澄  
映物連珠斷綠空一鏡升  
餘光憶更漏況乃露華凝

江月辭風纔江星別霧船  
雞鳴還曙曉一作色驚浴自晴  
清一作川歷歷竟誰種悠悠何處圓  
客愁殊未已他夕始相鮮

奉和賀監林月清酌

王灣

華月當秋滿朝英一作軒

假與同淨林新霽入規一作院

小一作早

涼通碎影行

庭裏桂花一作光

落酒中清宵凝爽

意併此助文雄

月

杜甫

天上秋期近人間月影清  
入河蟾不沒搗藥兔長生  
只益丹心苦能添白髮明  
干戈知滿地休照國西營

排律五言

卷三十一

四十三

萬里瞿塘月一作峽

春來六上弦

時時開暗室故故滿清

天爽合風襟靜空當一作高堂

淚臉懸南飛有烏鵲夜久落

江邊

併照巫山出新窺楚水清  
羈棲愁裏見二十四迴明  
必驗升沈體如知進退情  
不違銀漢落亦伴玉繩橫

斷續巫山雨天河此夜新  
若無青嶂月愁殺白頭人  
題一作照移深一作多樹蝦蟇動半輪  
故園當北斗直指一作想

西秦

初月

光細弦欲上影斜輪未安  
微升古塞外已隱暮雲端  
河

漢不改色關山空自寒庭前有白露暗滿菊花團

月圓

孤月當樓滿寒江動夜扉委波金不定照席綺逾依未  
缺空山靜高懸列宿稀故園松桂發萬里共清輝

殘月

四更山吐月殘夜水明樓塵匣元開鏡風簾自上鈎兔  
應疑鶴髮蟾亦戀貂裘斟酌姮娥寡天寒奈九秋

月晦

太宗

晦臆移中律凝暄起麗城罩雲朝蓋上穿露曉珠呈笑  
樹花分色啼枝鳥合聲披襟歡眺望極目暢春情

排律五言

卷三十一

四十四

秋月

秋晨同潘川毛司馬九詠

駱賓王

雲披玉繩淨月滿鏡輪圓露珠暉冷凌霜桂影寒漏  
彩含疎薄浮光漾急瀾西園徒自賞南飛終未安

詠月

李嶠

桂滿三五夕箕分二八時清輝飛鵲鑑新影學一作蛾  
睂皎潔臨疎牖玲瓏鑒薄帷願言從愛客清夜幸同嬉

詠星

董思恭

歷歷東井舍昭昭右掖垣雲際龍文出池中鳥色翻流  
輝一作路下月露墜影入河源方知潁川集別有太丘門

前題

李嶠

蜀郡靈槎轉豐城寶劍一作新將軍臨北塞天子入西

秦未作三台輔寧爲五老臣今宵潁川曲誰識聚賢人

秋風函谷

應詔

徐賢妃

秋風起函谷勁一作朔氣動河山偃松千嶺上雜雨二陵

間低雲愁廣隰落日慘重關此時飄紫氣應驗真人還

秋風

駱賓王

紫陌炎氛歇青蘋晚吹浮亂竹搖疎影紫池織細流飄  
香曳舞袖帶粉泛粧樓不分君恩絕紈扇曲中秋

江上使風

主裴宣州

張九齡

江路與天連風帆何森然遙林浪出沒孤舫鳥聯翩常

排律五言

卷三十一

四十五

愛千鈞重深思萬事捐報恩非徇祿還逐賈人船

酬張九齡

裴耀卿

茲地五湖鄰艱哉萬里人驚飈翻是託危浪亦相因宣  
室才華子金閨諷議臣承明有三入去去速歸輪

永城使風

盧象

長風起秋色細雨含落暉夕鳥向林去晚帆相逐飛蟲  
聲出亂草水氣薄行衣一別故鄉道悠悠今始歸

松滋江北阻風

閔寬

江風久未歇山雨復相仍巨浪天涯起餘寒川上凝憂  
人勞夕惕鄉事憊晨興遠聽知音該誠哉不可陵

銅官渚守風

杜甫

不夜楚帆落避風湘渚間水耕先浸草野一作火更燒

山早泊雲物晦逆行波浪慳飛來雙白鶴過去香難攀

纜船苦風戲題

簡鄭十三判官

楚一作東岸朔風疾天寒鵠鵠呼漲沙蘆草樹舞雪渡江

湖吹帽時時落維舟日日孤因聲置驛外爲覓酒家壚

詠風

太宗

蕭條起關塞搖颺下蓬瀛拂林花亂彩響谷鳥分聲披

雲羅影散泛水織文生勞歌大風曲威加四海清

前題

董思恭

排律

五言

卷三十一

四十六

蕭蕭度閭闔習習下庭闈花蝶自飄舞蘭蕙生光輝相

鳥正舉翼退鷁已驚飛方從列子御更逐浮雲歸

前題

王勃

蕭蕭涼景一作風生加我林壑清驅煙尋磧戶卷霧出山

極去來固無跡動息如有情日落山水靜爲君起松聲

前題

李嶠

落日生蘋末搖揚徧遠林帶花疑鳳舞向竹似龍吟月

動臨秋扇松清入夜琴若至蘭臺下一作蘭臺殿峻還拂楚

王襟

和中書徐侍郎中書省詔白雲寄賴陽趙大

儲光義

青關朝初退白雲遙在天非關取雷雨故欲伴神仙泛

滌鷄池曲飄颻瑣闥前猶多遠山意幸入侍臣篇

賦得含峰雲

太宗

翠樓含曉霧蓮峰帶晚雲玉葉依巖聚金枝觸石分橫

天結陣影逐吹起羅文非復陽臺下空將惑楚君

秋雲

駱賓王

南陸銅渾改西郊玉葉輕泛斗瑤光動一作臨陽瑞色

明葢陰連鳳闕陣影翼龍城詎知時不遇空傷留滯情

雲

杜甫

排律

五言

卷三十一

四十七

龍以瞿塘會江依白帝深終年常起峽每夜一作必通

林收獲辭霜渚分明在夕岑高齋非一處秀氣豁煩襟

詠雲

董思恭

帝鄉白雲起飛葢上天衢帶月綺羅映從風枝葉敷參

差過層閣倏忽下蒼梧因風望旣遠安得久踟躕

前題

于季子

瑞雲千里映祥輝四望新隨風亂鳥足泛水結魚鱗布

葉疑臨夏開花詎待春願得承嘉景無令掩桂輪

前題

李嶠

英英大梁國郁郁秘書臺碧落從龍起青山觸石來官

名光邃古蓋影耿輕埃飛感高歌發威加四海迴

前題

李邕

綵雲驚歲晚綠繞孤山頭散作五般色凝爲一段愁影  
雖沈澗底形在天際遊風動必飛去不應長此留

前題

梁德裕

彩雲呈瑞質五色餐人冥獨作龍虎狀孤飛天地間隱  
隱臨北極幾幾象南山恨在帝鄉外不逢枝葉攀

詠雲酒

駱賓王

朔空會紀曆帶地舊疏泉色泛臨陽瑞香流赴蜀仙欸  
交欣散玉洽友悅沈錢無復中山賞空吟吳會篇

排律 五言

卷三十一

四十八

早望海霞邊

李白

四明三千里朝起赤城霞日出紅光散分輝照雪崖一  
餐嚙瓊液五內餐金沙舉手何所待青龍白虎車

詠虹

董思恭

春暮萍生早日落雨飛餘橫彩分長漢倒色媚清渠梁  
前朝影出橋上晚光舒願逐旌旗轉飄飄待直廬

前題

蘇味道

紆餘帶星渚窈窕架天濤空因壯士見還共美人沈逸  
照一作含良玉神花藻瑞金獨留長劍彩終負昔賢一作  
庸心

賦得花庭霧

太宗

蘭氣已薰宮新蕊半粧叢色含輕重霧香引去來風拂  
樹濃舒碧紫花薄蔽紅還當雜行雨髮髩隱遙空

詠霧

董思恭

蒼山寂已暮翠觀黯將沈終南晨豹隱巫峽夜猿吟天  
寒氣不歇景晦色方深待訪公超市將予赴華陰

前題

蘇味道

氤氲起洞壑遙喬匝平疇乍似含龍劍還疑映蜃樓拂  
林隨雨密度迴帶煙浮方謝公超步終從彥輔遊

前題

李嶠

排律 五言

卷三十一

四十九

曹公迷楚澤漢帝出平城涿野妖氛靜丹山霽色明類  
煙飛稍重方雨散還輕倘入非熊繇寧思玄豹情

雷

杜甫

巫峽中宵動滄江十月雷龍蛇不成蟄天地劃爭迴却  
碾空山過深蟠絕壁來何須妬雲雨霹靂楚王臺

同劉晃喜雨

玄宗

節變寒初盡時和氣已春繁雲先合寸膏雨自依旬颯  
颯飛平野霏霏靜暗塵懸知花葉意朝夕望中新

奉和

張說

青氣含春雨知從岱嶽來行雲避師出灑雨待車迴厭

泥塵清道空濛柳映臺最宜三五夜晴月九重開

春日遊苑喜雨

奉和聖製

李嶠

仙蹕九成

一作重

臺香延萬壽杯一旬初降雨二月早聞

雷葉向朝齊密花含宿潤開幸承天澤豫無使日光催

前題

李义

園樓春正歸入苑美芳菲密雨迎仙步低雲拂御衣危  
花沾易落度鳥濕難飛膏澤登千庾歡情遍九圍

春夜喜雨

杜甫

好雨知時節當春乃發生隨風潛入夜潤物細無聲野  
徑雲俱黑江船火獨明曉看紅

一作經

濕處花重錦官城

排律

五言

卷三十一

五十

喜雨

南國旱無雨今朝江出雲入空繞漠漠灑迴已紛紛巢  
燕高飛盡林花潤色分晚來聲不絕應得夜深聞

白水明府舅宅喜雨

得過字

吾舅政如此古人誰復過碧山晴又濕白水雨偏多精  
禱既不昧歡娛將謂何湯年旱頗甚今日醉弦歌

西閣雨望

樓雨霑雲幔山寒着水城逕添沙面出湍減石稜生菊  
藥淒疎放松林駐遠情滂沱朱檻濕萬慮傷

一作倚 簷楹

單于川對雨

二首

蘓味道

崇朝邁行雨薄晚屯密雲緣階起素沫竟水聚圓文河

柳低未舉山花落已芬清樽久不薦淹留遂待君

飛雨欲迎旬浮雲已送春還從濯枝後來應洗兵辰氣

合龍祠外聲過鯨海濱伐邢知有屬已見靜邊塵

對雨

李白

卷簾聊舉目露濕草綿綿古岫披雲毳空庭織碎煙水  
紋愁不起風線重難牽盡日扶犁更往來江樹前

對雨

杜甫

莽莽天涯雨江邊獨立時不愁巴道路恐濕

今作漢旌

旗雪額防秋急繩橋戰勝遲西戎甥舅禮未敢背恩私

排律

五言

卷三十一

五十一

黎拾遺昕裴秀才迪見過秋夜對雨之作

王維

促織鳴已急輕衣行向重寒燈坐高館秋雨聞疎鐘白  
法調狂象玄言問老龍何人顧蓬徑空愧求羊蹤

江閣對雨有懷行營裴二端公

杜甫

南紀一作極風濤壯陰晴屢不分野流行地日江入度山  
雲層閣憑雷殷長空面水文雨來銅柱北應洗伏波軍

對雨書懷走邀許主簿

東嶽雲峰起溶溶滿太虛震雷翻幕燕驟雨落河

一作落

魚座對賢人酒門聽長者車相邀愧泥濘騎馬到埭除



山行遇雨

孫逖

驟雨晝氤氲空天望不分  
暗山唯覺電窮海但生雲  
澗猜行潦綠崖畏宿氛  
夜來江月霽棹唱此中聞

江南遇雨

張鼎

江天寒意少冬半雨仍飛  
出戶愁爲聽從風灑客衣  
旅覓驚處斷鄉信意中微  
幾日應晴去孤舟且欲歸

東陂遇雨率爾貽謝南池

孟浩然

田家春事起丁壯就東陂  
殷殷雷聲作森森雨足垂  
海虹晴始見河柳潤初移  
予意在耕鑿一作稼因君問土宜  
一作問君田事宜

排律

五言 卷三十一

五十二

陪諸貴公子丈八溝攜妓納涼晚際遇雨

杜甫

落日放船好輕風生浪遲  
竹深留客處荷淨納涼時  
公子調水水佳人雪藕絲  
片雲頭上黑應是雨催詩

雨來霑席上風急一作惡打船頭  
越女紅裙濕燕姬翠黛愁  
纔侵堤柳繫慢卷浪花浮  
歸路翻蕭颯陂塘五月秋

發營逢雨應詔

一作魏知古

虞世南

豫遊欣勝地皇澤乃先天  
油雲陰御道膏雨潤公田  
龍麥霑逾翠山花濕更然  
稼穡良所重方復悅豐年

乘雨入行軍六弟宅

杜甫

曙角凌雲罷春城帶雨長  
水花分暫弱巢燕得泥忙  
令弟雄軍佐凡才汚省郎  
萍漂忍流涕衰颯近中堂

朝雨

涼氣曉蕭蕭江雲亂眼飄  
風爲藏近渚雨燕集深條  
黃綺終辭漢巢由不見堯  
草堂樽酒在幸得過清朝

晨雨

小雨晨光內初來葉上聞  
霧交纔灑地風折一作逆旋隨  
雲暫起柴荆色輕霏鳥獸  
羣麝香山一半亭午未全分

夜雨

小雨夜復密回風吹早秋  
野涼侵閉戶江滿帶維舟  
通籍恨多病爲郎忝薄遊  
天寒出巫峽醉別仲宣樓

梅雨

只應踏初雪騎馬發荊州  
直怕巫山雨眞傷白帝羣  
公蒼玉珮天子翠雲裘同  
舍晨趨侍胡爲淹此留

村雨

南京犀浦道四月熟黃梅  
湛湛長江去冥冥細雨來  
茅茨疎易濕雲霧密難開  
竟日蛟龍喜盤渦與岸迴

雨

雨聲傳兩夜寒事颯高秋  
挈帶看朱紱開箱視黑裘  
世情只益睡盜賊敢忘憂  
松菊新霑洗茅齋慰遠遊

萬木雲深隱連山雨未開風扉掩不定水鳥去仍回蛟  
館如鳴杼樵舟豈伐枚清涼破炎毒衰意欲登臺  
始賀天休雨還嗟地出雷驟看浮峽過密作渡江來牛  
馬行無色蛟龍鬪不開千戈盛陰氣未必自陽臺

冥冥甲子雨已度立春時輕寒頻相向纖綿恐自疑煙  
添纔有色風引更如絲直覺巫山暮兼催宋玉悲

微雨不滑道斷雲疎復行紫崖奔處黑白鳥去邊明秋  
日新霑影寒江舊落聲柴扉臨野碓半濕搗香杭

江雨舊無時天晴忽散絲暮秋霑物冷今日過雲遲上  
馬迴休出看鷗坐不辭高軒當瀝潤色靜書帷

排律五言

卷三十一

五十四

物色歲將晏天隅人未歸朔風鳴淅淅寒雨下霏霏多  
病久加飯衰容新授衣時危覺凋喪故舊短書稀  
楚雨石苔滋京華消息遲山寒青兕叫江晚白鷗飢神  
女花鈿落鮫人織杆悲繁憂不自整終日灑如絲

雨後

李百藥

晚來風景麗晴初物色華薄雲向空盡輕虹逐望斜後  
窻臨岸竹前階枕浦沙寂寥無與晤樽酒對風花

雨晴二首

杜甫

天際一作秋雲薄從西萬里風今朝好晴景久雨不妨  
農塞一作柳行疎翠山梨結小紅胡笳樓上發一鴈入

高空

雨時山不改晴罷峽如新天路看殊俗秋江思殺人有  
猿揮淚盡無犬附送一作書頻故國愁眉外長歌欲損神

晴二首

久雨巫山暗新晴錦繡文碧知湖外草紅見海東雲竟  
日鶯相和摩霄鶴數羣野花乾更落風處急紛紛  
啼鳥爭引子鳴鶴不歸林下食遭泥去高飛恨久陰雨  
聲衝塞盡日氣射江深回首周南客驅馳魏闕心

至陳倉曉晴望京邑

盧照隣

拂曙驅飛傳初晴帶曉涼霧斂長安樹雲歸仙帝鄉澗  
排律五言 卷三十一 五十五

流漂素沫岩景謁朱光今朝好風色延瞰極天莊

晚晴二首

杜甫

村晚驚風度庭幽過雨霑夕陽薰細草江色映疎簾書  
亂誰能帙杯乾自可添時聞有餘論未恠老夫潛  
晚照斜初徹浮雲薄未歸江虹明遠飲峽雨落餘飛鳬  
鴈一作終高去能罷覺自肥秋分一作客尚在竹露夕  
微微

途中晴

孟浩然

已失巴陵雨猶逢蜀坂泥天開斜景遍山出晚雲低餘  
濕猶霑草殘流尚入谿今宵有明月鄉思遠悽悽

霽後貽馬十二巽

儲光義

高天風雨散清氣在園林況我夜初靜當軒鳴綠琴雲  
開北堂月庭滿南山陰不見長裾者空歌遊子吟

霽後訓王六書懷見示

張九齡

雲雨俱行罷江天已洞開炎氛霽後減邊緒望中來作  
驥君垂耳爲魚我曝鰓更憐湘水賦還是洛陽才

詠雨 二首

太宗

罩雲飄遠岫噴雨泛長河低飛昏額腹斜足灑巖阿  
泫珠絳葉起溜鏡圖波濛柳添絲密含吹織空羅

和風一作

吹綠野梅雨灑芳田新一作流添舊澗宿霧

排律 五言

卷三十一

五十六

足朝煙鴈濕行無次花霑色更鮮對此欣登歲披襟弄  
五弦

奉和

許敬宗

舞商初赴節湘燕達迎秋飄絲交殿網亂滴起池漚激  
溜分龍闕斜飛灑鳳樓崇朝方浹宸宸吟俯凝旒

詠雨

李嶠

西北雲膚起東南雨足來靈童出海見神女向臺迴斜  
影風前合圓文水上開十旬無破塊九土信康哉

秋露

駱賓王

玉關寒氣早金塘秋色

一作

歸泛掌光逾淨添荷滴尚

微變霜凝曉液承月委圓輝別有吳臺上應濕楚臣衣

詠露

董思恭

夜色凝仙掌晨甘下帝庭不覺九秋至遠向三危零  
渚花初白葵園葉尚青晞陽一洒惠方願益滄溟

前題

李嶠

滴瀝明花苑葳蕤法竹叢玉垂丹棘上珠湛綠荷中夜  
警千年鶴朝零七月風願凝仙掌內長奉未央宮

詠霜

蘇味道

金祇暮律盡玉女暝氛歸孕冷隨鍾徹飄華逐劍飛帶  
日浮寒影乘風進晚威自有貞筠質寧將庶草腓

排律 五言

卷三十一

五十七

野次喜雪

玄宗

拂曙闢行宮寒臯野望通繁雲低遠岫飛雪舞長空賦  
象恒依物繁迴屢逐風爲知勤恤意先此示年豐

奉和

張說

寒更玉漏催曉色御一作前開決滌雲陰積氤氲風雪  
迴山如銀作甕宮見壁成臺欲驗豐年象飄搖仙藻來

奉和姚令公扈從溫泉喜雪

應制 蘇綰

漢主新豐邑周王尚父師雲符沛童唱雪應海神期林  
變驚春早山明訝夕遲况逢溫液霈恩重御裘詩

前題

蘇頌

清道豐人望乘時漢主遊恩暉隨霰下慶澤與雪浮泉  
暖驚銀磧花寒愛一作映玉樓鼎臣今有問河伯且應留

前題

張九齡

萬乘飛黃馬千金狐白裘正逢銀霰積如向玉京遊瑞  
色鋪馳道花文拂綵旒還聞吉甫頌不共郢歌儔

望雪

太宗

凍雲宵偏領素雪曉凝華入牖千重碎迎風一半斜不  
粧空散粉無樹獨飄花紫空慙夕照破彩謝晨霞

陪幸臨渭亭遇雪

應制

李义

青陽御紫微白雪下彤闈決壤流天霈綿區灑帝輝水

排律

王言

卷三十一

五十八

如銀度燭雲似玉披衣爲得因風起還來就日飛

前題

李嶠

同雲接野煙飛雪暗長天拂樹添梅色過樓助粉妍光  
含班女扇韻入楚王絃六出迎仙藻千箱答瑞年

前題

李適

長樂喜春歸披香愛一作瑞雪霏花從銀閣度絮繞玉牕  
飛寫曜銜天藻呈祥拂御衣上林紛可望無處不光輝

前題

蘇頌

平明敞帝居霰雪下凌虛寫月含珠綴從風薄綺疏年  
驚花絮早春應管絃初已屬雲天外欣承霈澤餘

前題

徐彦伯

玉律藏冰候彤階飛雪時日寒消不盡風定舞還瓊  
樹留宸矚璇花入睿詞懸知穆天子黃竹謾言詩

赴京途中遇雪

孟浩然

迢遞秦京道蒼茫歲暮天窮陰連晦朔積雪滿一作山  
川落鴈迷沙渚饑鳥集一作噪野田客愁空佇立不見有

人煙

和張二自穰縣還途中遇雪

風吹沙海雪漸一作來作柳園春宛轉隨香騎輕盈伴玉

人歌疑郢中客態比洛川神今日南歸楚雙飛似入秦

排律

王言

卷三十一

五十九

奉和洛陽詠雪

應制

沈佺期

周王甲子日漢后德陽宮灑瑞天庭裏驚春御苑中氛  
氲生皓氣颺香舞迴風宸藻光盈尺賡歌樂歲豐

和陳校書省中詠雪

包融

芸閣朝來雪飄飄正滿空寒開明月下校理落花中色  
向懷鉛白光因翰簡融能令草玄者迴思入流風

和詠雪

應制

亡名氏

寒空垂廣幕飄霰下天津無轍方祗至有感瑞氣新色  
映姑山質舞對洛川神忽奉瑤池韻慙和郢中春

春朝對雪

和張丞相

孟浩然

迎氣當春至承恩喜雪來潤從河漢下花逼一作豔陽  
開不覩豐年瑞焉一作安知燮理才撒鹽如可擬願參和  
羹梅

冬晚對雪憶胡居士家

王維

寒更傳曉箭清鏡覽衰顏隔牖風驚竹開門雪滿山灑  
空深巷靜積素廣庭閒借問袁安舍脩然尚閉關

對雪二首

杜甫

北雪犯長沙胡雲冷萬家隨風且間葉帶雨不成花金  
錯囊垂罄銀壺酒易賒無人竭浮蟻有待至昏鴉  
戰哭多新鬼愁吟獨老翁亂雲低薄暮急雪舞迴風飄

排律五言

卷三十一

六十一

棄樽無綠燼存火似紅數州消息斷愁坐正書空

舟中夜雪有懷盧十四侍御弟

杜甫

朔風吹桂水大雪夜紛紛暗度南樓月寒深北渚雲燭  
斜初近見舟重竟無聞不識山陰道聽雞更憶君

雪

南雪不到地青崖霑未消微微向日薄脉脉去人遙冬  
熱鴛鴦病病峽深豺虎驕愁邊有江水焉得北之朝

竹下殘雪

丘爲

一點消未盡孤月在竹陰晴光夜轉瑩寒氣曉仍深還  
對讀書牖且關乘興心已能依此地終不傍瑤琴

詠雪

太宗

潔野凝晨曜裝墀帶夕暉集條分樹玉拂浪影泉璣色  
灑粧臺粉花飄綺席衣入扇縈離一作虛匣點素皎殘機

奉和

董思恭

天山飛雪度言是落花朝惜哉不我與蕭索從風飄鮮  
潔凌紈素紛糝下枝條良時竟何在坐見容華銷

詠雪

應詔

上官儀

禁園凝朔氣瑞雪掩晨曦花明棲鳳閣珠散影蛾池飄  
素迎歌上翻光向舞移幸因千里映還繞萬年枝

前題

駱賓王

排律五言

卷三十一

六十二

龍雲靈葉上鶴雪瑞花新影亂銅鳥吹光銷玉馬津含  
輝明素篆隱迹表祥輪幽蘭不可儷徒自繞陽春

前題

李嶠

瑞雪驚千里從風下一作同九霄地疑明月夜山似白  
雲朝一作龍沙飛正逐舞花光動臨歌扇影飄大周天

闕路今日海神朝

天河

杜甫

常時任顯晦秋至最分明縱被微雲掩終能永夜清含  
星動雙闕伴月落邊城牛女年年渡何曾風浪生

詠煙

李嶠

瑞氣凌青閣空濛上翠微迴浮雙闕路遙拂九仙衣桑  
柘迎寒色松篁暗晚暉還當紫霄上時接彩鸞飛

排律 五言

卷三十一

六十二

唐詩所第三十一卷 終

唐詩所第三十二卷 律詩

前集

扈從登封告成頌

宋之問

複道開行殿鈞陳列禁兵和風吹鼓角佳氣動旗旌後  
騎迴天苑前山入御營萬方俱下拜相與樂昇平

扈從登封途中作

帳殿鬱崔嵬仙遊實壯哉曉雲連幕捲夜火雜星回谷  
暗千旗出山鳴萬乘來扈從良可賦終乏挾天材

東封山宴羣臣

張諤

萬里扈封戀羣公遇此歡幔城連夜靜雲仗滿空寒輦  
路宵煙合旌門曉月殘明朝陪聖主山下禮圓壇

律詩 五言 卷三十二

一

祭風伯壇 應張太祝作

儲光義

聖主御青春綸言命使臣將脩風伯祀更福太平人帝  
幕宵聯事壇場曉降神帝心矜動物非爲屬車塵

冬祭馬步 和張太祝

故壇何肅肅中野自無喧烈火見陳信颺音聞永言芳  
星隱曙色朔氣動寒原今日歌天馬非關征大宛

大酺 永昌元年

杜審言

聖后乘乾日皇明御曆辰紫宮初啓坐蒼壁正臨春雷  
雨垂膏澤金錢贈下人詔酺歡賞遍交泰親惟新

東都酺宴

四首序曰先天元祀孟冬十月東都留  
守韋公衡奉聖朝述宜嘉旨乃合洛京

之五省招河伊之二縣將吏咸集佩章有序  
銷濟濟侃侃間供張於典教之門式酬宴也  
陽春之樂生於心非因結風之奏和達於氣無待  
國家天地之統君臣百年朝榮舊德之序野賴  
先晴之業玄化漸清洪恩既久太上功德不辜  
夏后命子之初皇帝孝理無爲漢祖事親之日  
生堯舜於天慶見文武於同時前古未達斯人  
何幸是日六樂振作萬舞同時前古未達斯人  
踴躍則知衆庶觀德之所樂也旨酒絡繹大庖  
燔炙芳溢風煙醉流阡陌又如天紀之所適也  
由近而視遠萬國之慶皆然自天紀之所適也  
之餘波政教之遺美凡我詞客安敢闕如賦詩  
展事垂列於後

張說

重華昇寶曆軒帝眇閒居政成天子孝俗返上皇初忘  
味因觀樂歡心寄合醺自憐疲馬意戀戀主恩餘

律詩 五言 卷三十二

二

朱城塵喧滅翠幕景情閒震震靈鼉起翔翔舞鳳來雕

盤裝草樹綺乘結樓臺共喜光華日酣歌捧玉杯

曉月調金鼓朝暎對玉盤爭馳羣鳥散關伎百花團遇

聖人知幸承恩物自歡洛橋將舉燭醉舞拂歸鞍

愷宴惟今席餘歡殊未窮入雲歌嫋嫋向日伎叢叢駛

管催酣興留關待曲終長安若爲樂應與萬方同

則天門赦改年

沈佺期

聖人有天下幽鑰動園徃六甲迎黃氣三元降紫

泥籠僮上西鼓振迅廣陽雞歌舞將金帛江洋被遠黎

喜赦

去歲投荒客今春肆青歸律通幽谷煖盆舉太陽輝喜  
氣迎宛氣青衣報白衣還將合浦葉俱向洛城飛

寧愛州報赦

書報天中赦人從海上聞九泉開白日六翻起青雲命

偶一作恩先貸情孤枉未分自憐涇渭別誰與奏明君

觀赦

張說

日御臨雙闕天街儼百神雷茲一作方作解氣歲復建寅

春喜候開星驛歡聲發市人金環能作賦來入管絃新

皇帝降誕日集賢殿賜宴

仲秋金帝起五日土行昭一作瑞表壬寅露光傳甲子

律詩 五言 卷三十二

三

宵陰風吹大澤夢日照昌朝不獨華封老千年嘉祝亮

中宗降誕日長寧公主滿月侍宴

應制

李嶠

神龍見像日仙鳳養雛年大火乘天正明珠對月圓作

新一作金篋裏歌奏玉筐前今日宜孫慶還參祝壽正

聖篇

前題

鄭絳

春殿倚蘭美仙階栢樹榮地逢芳節應時觀聖人生月

滿增祥英天長發瑞雲南山遙可獻常願奉皇明

歲夜安樂公主滿月侍宴

應制

杜審言



戚里生昌胤天杯宴重臣書樓初滿月香殿早迎春  
作堯君寶孫謀梁國珍明朝元會日萬壽樂章陳

前題

沈佺期

除夜子星迴天孫滿月杯詠歌麟趾合簫管鳳雛來歲  
炬常然桂春盤預折梅聖皇千萬壽垂曉御明臺一作樓開

三日岐王宅

張諤

玉女貴妃生髮婉始發聲金盆浴未了綳子繡初成  
翠雕芳褥真珠帖小纓何時學徒闕取落花輕

滿月

社金流茂社庭玉表奇才竹似因談植蘭疑入夢栽鳥

律詩

五言

卷三十二

四

將八子去鳳逐九雛來今夜明珠色當隨滿月開

壽陽王花燭圖

一作沈佺期

宋之問

仙媛乘龍日一作夕天孫捧鴈來可憐桃李樹一作更繞

鳳凰臺燭照香車入花臨寶扇開莫令銀箭曉一作曉爲

盡合歡杯

詠花燭

褚亮

蘭逕香風滿梅梁暖日斜言是東方騎來尋南陌車  
星臨夜燭眉月隱輕紗莫言春稍晚自有鎮開花

看新婚

一作鄭翼

鄭世翼

初笄夢桃李新粧應標梅疑逐朝雲去翻隨暮雨來雜

佩含風響叢花隔扇開姮娥對此夕何用久徘徊

初宵看婚

楊師道

洛城花燭動戚里畫新蛾隱扇羞應慣含情愁已多輕  
啼濕紅粉微睇轉橫波更笑巫山曲空傳暮雨過

觀兄弟同夜成婚

鄭軌

棠棣開雙萼天桃照兩花分庭合珮響隔扇偶收華迎  
風俱似雪映綺共如霞今宵二神女併在一仙家

戲題潘徐城門迎兩新婦

李百藥

秦晉稱舊匹潘徐有世親三星宿已會四德婉而媚雲  
光鬢裏薄月影扇中新年華與粧面共作一芳春

律詩

五言

卷三十二

五

新妝詩

楊容華

林鳥驚眠罷房櫳曙色一作曉開鳳釵金作縷鸞鏡玉爲  
臺妝似臨池出人疑向月來自憐方未已一作終欲去

復徘徊

旋師喜捷

玄宗

邊服胡塵起長安漢將飛龍蛇開陣法貔虎振軍威詐  
虜腦塗地征夫血染衣今朝書奏入明日凱歌歸

奉和

韋安石

降蟻屯夷落能罷逐漢飛忘軀百戰後屈指一年歸厚  
眷紆天藻深慈解御衣興酣歌舞出朝野歎光輝

奉和

裴淮

殊類驕無長王師示有征中軍纔受律妖寇已亡精斬  
虜還遮塞綏降更築城從來攻必克天策振奇兵

觀兵

杜甫

北庭送壯士獵虎數尤多精銳舊無敵邊隅今若何妖  
氛擁白馬元帥待雕戈莫守鄴城下斬鯨遼海波

觀安西兵過赴關中待命

二首

四鎮富精銳摧鋒皆絕倫還聞獻士卒足以靜風塵老  
馬夜知道蒼鷹饑著人臨危經久戰用意始如神  
奇兵不在衆萬馬救中原談笑無河北心肝奉至尊孤

律詩

五言

卷三十二

六

雲隨殺氣飛鳥避轅門竟日留歡樂城池未覺喧

陪栢中丞觀宴將士

二首

極樂三軍士誰知百戰場無私齊綺饌久坐密金章醉  
客霑鸚鵡佳人指鳳凰幾時來翠節特地引紅妝

繡段裝簷額金花帖鼓腰一夫先舞劍百戲後歌鐺  
江樹城孤遠雲臺使寂寥漢朝頻選將應拜霍嫖姚

觀獵

王維

風勁角弓鳴將軍獵渭城草枯鷹眼疾雪盡馬蹄輕忽  
過新豐市還歸細柳營迴看射鵰處千里暮雲平

前題

李白

太守耀清威乘閒弄晚暉江沙橫獵騎山火遶行圍箭  
逐雲鴻落鷹隨月兔飛不知白日暮歡賞夜方歸

凌晨早朝

虞世南

萬戶宵光曙重簷夕霧收玉花停夜燭金壺送曉籌日  
暉青瑣殿霞生結綺樓重門應啓路通籍引王侯

早朝

王維

柳暗百花明春深五鳳城城烏睥睨曉宮井轆轤聲方  
朔金門待班姬玉輦迎仍聞遣方士東海訪蓬瀛

秋日早朝

和崔正諫

沈佺期

雞鳴朝謁滿露白禁門秋爽氣臨旌戟朝光映晃旒河

律詩

五言

卷三十二

七

宗來獻寶天子命焚裘獨負池陽議言從建禮遊

秋宵寓直

同崔員外作

王維

建禮高秋夜承明候曉過九門寒漏徹萬井曙鐘多月  
迴藏珠斗雲消出絳河更慙衰朽質南陌共鳴珂

冬夜寓直麟閣

一作王維

宋之問

直事披三省重關秘七門廣庭憐雪淨深屋一作喜爐  
溫月幌花虛馥風飈竹暗喧東山白雲意茲夕寄琴樽

省中即事

岑參

華省謬爲郎蹉跎鬢已蒼到來恒襍被隨例且含香竹  
影遮窗暗花陰拂簾涼君王新賜筆草奏向明光

春宿左省

杜甫

花隱掖垣暮啾啾，栖鳥過星臨萬戶。  
動月傍九霄，多不寢聽金鑰。因風想玉珂，明朝有封事。  
數問夜如何。

晚出左掖

晝刻傳呼淺，春旗簇仗齊。  
退朝花底散，歸院柳邊迷。  
樓雪融城濕，宮雲去殿低。  
避人焚諫草，騎馬欲雞栖。

和中書侍郎楊再思春夜宿直

沈佺期

西禁青春滿，南端皓月微。  
千廬宵駕合，五夜曉鐘稀。  
星斗橫綸閣，天河度瑣闌。  
煙花章奏裏，紛向夕郎飛。

和戶部楊員外伯成宿直

李愔

律詩

卷三十二

八

落日彌綸地，公才畫省郎。  
詞驚起草筆，坐引護衣香。  
雙闕天河近，千門夕漏長。  
遙知臺上宿，不獨有文強。

和中書侍郎楊再思春夜宿直鳳閣懷羣公

魏知古

拜門傳漏晚，寓直一作省索居時。  
昔重安仁賦，今稱伯玉詩。  
鴛鴦池滿不溢雞，樹久逾滋鳳。  
夜懷山甫清風詠，所思

和杜侍御太清臺宿直旦有懷

李嶠

貂冠朝彩振，烏署曉光分。  
欲嘯遷喬侶，先飛擲地文。  
庭虛麥雨潤，林靜蕙風薰。  
稻駕終難仰，梁鳬且自羣。

奉使晚發

衛萬

客行逢日暮，原野散秋暉。  
南陌人初斷，西林鳥盡歸。  
暗蓬沙上轉，寒葉月中稀。  
村落無多在，聲聲近擣衣。

赴使瀧峽

張九齡

谿路日幽深，寒空入兩嶽。  
霜清百丈水，風落萬重林。  
夕鳥聯歸翼，秋猿斷去心。  
別離多遠思，况乃歲方陰。

使至廣州

昔年嘗不調，茲地亦遭迴。  
本謂雙鳬少，何知駟馬來。  
人非漢使橐，郡是越王臺。  
去去雖殊事，山川長在哉。

使還湘水

歸舟宛何處，正直楚江平。  
夕逗煙村宿，朝緣浦樹行。  
千

律詩

卷三十二

九

役已彌歲，言旋今愜情。  
鄉郊尚千里，流目夏雲生。

使至塞上

王維

單車欲問邊，屬國過居延。  
一作銜命辭天關，單車欲問邊。征蓬出漢塞，  
歸鴈入胡天。大漠孤煙直，長河落日圓。  
蕭關逢候吏，

使青夷軍入居庸

三首

高適

匹馬行將久，征途去轉難。  
不知邊地別，祇許客衣單。  
谿冷泉聲苦，山空木葉乾。  
莫言關塞極，雲雪尚漫漫。  
古鎮青山口，寒風落日時。  
巖巒鳥不過，冰雪馬堪遲。  
出塞應無策，還家賴有期。  
東山足，松桂歸去結茅茨。

登頓驅征騎棲遲愧寶刀遠行今若此微祿果徒勞絕  
坂水連下羣峰雲共高自堪成白首何事一青袍

臨洮泛舟趙仙舟自北庭罷使還京

岑參

白髮輪臺使邊功竟不成雲沙萬里地孤負一書生池  
上風迴舫橋西雨過城醉眠鄉夢罷東望美歸程

荊州亭入朝

張說

巫山雲雨峽湘水洞庭波九辯人猶擯三秋鴈始過旃  
裘吳地盡君薦楚言多不果朝宗願其如江漢河

邊愁

崔湜

律詩 五言 卷三十二

十

九月蓬根斷三邊草葉腓風塵馬變色霜雪劍生衣客  
思愁一作陰晚邊書驛騎歸殷勤鳳樓上還袂及春暉

閨情

王諶

日暮裁縫歇深嫌氣力微纔能收篋笥懶起下簾帷怨  
坐空然燭愁眠不解衣昨來頻夢見夫婿莫應知

前題

孟浩然

一別隔炎涼君衣忘短長裁縫無處等以意忖情量畏  
瘦宜一作疑傷窄一作寔防寒更厚裝半啼封裝了知欲寄

誰將

正月閨情

袁暉

正月金閨裏微風繡戶間曉寬一作收憐別夢春思逼啼  
顏遶砌梅堪折當軒樹未攀歲華方若此何日度陽關

二月閨情

二月韶光好春風香氣多園中花巧笑林裏鳥能歌有  
恨離琴瑟無情着綺羅更聽春燕語妾亦不如他

七月閨情

七月坐涼宵金波滿麗譙容華芳意改枕席怨情饒錦  
字沾愁淚羅裙緩細腰不如銀漢女歲歲鵲成橋

晚春閨思

劉希夷

佳人眠洞房回首見垂楊寒盡鴛鴦被春生玳瑁床庭  
律詩 五言 卷三十二

十一

陰幕青靄簾影散紅芳寄語同心伴迎春且薄粧  
前題

王維

新粧可憐色落日卷羅帷鑪氣清珍簾牆陰上玉墀春  
蟲飛網戶暮雀隱花枝向晚多愁思閒牕桃李時

寒夜

孟浩然

閨戶一作夕綺牕閉佳人罷縫衣理琴開寶匣就枕臥重  
幃夜久燈花落薰籠香氣微錦衾重自暖遮莫曉霜飛

閨思 一作戍思

息夫牧

女伴朝來說知君欲棄捐懶梳明鏡下羞到畫堂前有  
淚沾脂粉無情理管絃不知將巧笑更遣向誰憐

夜過盤石隔河望永樂寄閨中

梁簡文帝齊參

盈盈一水隔寂寂二更初波上思羅襪魚邊憶素書月如眉已畫雲似鬢新梳春物知人意桃花笑索居

袍中詩

開元中賜邊軍纈衣製於宮中有兵士袍得詩者曰吾與汝結今生緣邊人開元宮人皆為感泣

沙場征戍客寒苦若為眠戰袍經手作知落阿誰邊蓄意多添線含情更着綿今生已過也重結後生身

數陪章

一作李梓州

泛江有女樂在諸舫戲為豔曲

二首

杜甫

上客回空騎佳人滿近船江清歌扇底野曠舞衣前玉律詩

五言

卷三十二

十二

袖凌風並金壺隱浪偏競將明媚色偷眼豔陽天

白日移歌袖春宵

一作宵

近笛牀翠睂紫度曲雲鬢微分行立馬千山暮回舟一水香使君自有婦莫學野鴛鴦

岐王席上詠美人

張謂

半額畫雙蛾盈盈燭下歌玉杯寒意少金屋夜情多香豔王分帖裙嬌敕賜羅平陽莫相

一作漫

妬喚出不如他

詠談容娘

常非月

舉手整花鈿翻身舞錦筵馬圍行處匝人壓

一作看場

圓歌索

一作要

齊聲和情教細語傳不知心大小容得許多憐

贈酒店胡妃

賀朝

胡妃春酒店絃管夜鏘鏘紅氍毹新月貂裘坐薄霜玉盤初膾鯉金鼎正烹羊上客無勞散聽歌樂世娘

詠美人在天津橋

駱賓王

美女出東隣容與在天津動衣香滿路移步襪生塵木下看粧影眉頭畫月新寄言曹子建箇是洛川神

美人分香

孟浩然

豔色本傾城分香更有情髻鬟垂欲解解眉黛拂能輕舞學平陽態歌翻子夜聲春風狹斜道含笑待逢迎

觀美人臥

梁鎰

律詩

五言

卷三十二

十三

妾家巫峽陽羅帳寢銀牀曉日臨牕久春風

一作情

引夢

長落釵仍習

一作挂

鬢微汗欲銷黃

一作香

縱使朦朧覓覓猶逐楚王

岐王席觀妓

一作盧女曲

崔顥

二月春來半宮中日漸長柳垂金屋暖花發

一作霞

玉樓香拂匣先臨鏡調笙更炙簧還將歌舞態只擬奉君王

一作長髮盧女曲夜夜奉君王

辛法司宅觀妓

盧照隣

南國佳人至北堂羅薦開長裙隨鳳管促柱送鸞杯雲光身後落雪態掌中迴到愁金谷晚不怪玉山頽

益州城西張超亭觀妓

落日明歌席行雲逐舞人江前飛暮雨梁上下一作輕

塵冶服看疑畫粧樓望似春高車勿遽返長袖欲相親

崔明府宅夜觀妓

孟浩然

白日既云暮朱顏亦已酡畫堂初點燭金幌半垂羅長

袖平陽舞新聲子夜歌從來慣留客茲夕爲誰多

揚州雨中張十七宅觀妓

一作劉長張謂

夜色帶寒煙燈花拂更燃殘妝添石黛豔舞落金鈿掩

笑頻欹扇迎歌乍動絃不知巫峽雨何事海西邊

在水軍宴韋司馬樓船觀妓

李白

律詩

五言

卷三十二

十四

搖曳帆在空清流川一作順歸風詩因鼓吹發酒爲劍歌

雄對舞青樓妓雙鬟白玉童行雲且莫夫爾醉楚王宮

夜觀妓

儲光義

白雪宜新舞清宵召楚妃嬌童携錦薦侍女整羅衣花

映垂鬟轉香迎步履飛徐徐飲長袖雙燭送將歸

詠妓

王勃

妖姬飾靚一作粧窈窕出蘭房日照當軒影風吹滿路

香早時歌扇薄今日舞衫長不應令曲誤持此試周郎

賦得妓

陳子良

微雨散芳菲中園照落暉紅樹搖一作歌扇綠珠飄舞

永繁絃調對酒雜引動思歸愁人當此夕羞見落花飛

詠歌

李嶠

漢帝臨汾水周仙去洛濱郢中吟白雪梁上繞飛塵響

發行雲駐聲隨子夜新願君聽扣角當自識賢臣

詠舞

妙伎遊金谷佳人滿石城霞衣席上轉花岫雪前明儀

鳳諧清曲迴鸞應雅聲非君一顧重誰賞素腰輕

三層閣上置音聲

太宗

綺筵移暮景紫閣引宵煙隔棟歌塵合分階舞影連聲

流三處管響亂一作一重絃不似秦樓上吹簫空學仙

律詩

五言

卷三十二

十五

詠鐘

一作宋之問

李嶠

既接南隣磬還隨北里笙平陵通曙響長樂警一作宵

聲秋至含霜動春歸應律鳴欲知常待扣金巖有餘清

詠鼓

舜日諧鼗響堯年韻土聲向樓疑吹擊震谷似雷驚仙

鶴排門起靈鼉帶水鳴樂云行已奏禮曰冀相成

詠琴

劉允濟

昔在龍門側誰想鳳鳴時雕琢今爲器官商不自持巴

人緩疎節楚客弄繁絲欲作高張引翻成下調悲

前題

李嶠

隱士竹林隈英聲寶匣開風前綠綺弄月下白雲來淮  
海多爲室梁岷舊作臺子期如可聽山水響餘哀

詠瑟

伏羲初製法素女昔傳名流水嘉魚躍叢臺舞鳳驚嘉  
賓飲未極君子娛俱并倘入丘之戶應知由也情

詠琵琶

朱絲聞岱谷鑠質本多端半月分絃出叢花拂面安將  
軍曾制曲司馬屢陪觀本是胡中樂希君馬上彈

觀搗箏

一作祖詠

王灣

虛室有秦箏箏新月復清絃多弄委曲柱促語分明曉

律詩

五言

卷三十二

十六

怨凝繁手春嬌入曼一作慢聲近來唯此樂傳得美人情

聽箏

張九齡

端居正無緒那復發秦箏纖指傳新意繁絃起怨情悠  
揚思欲絕掩抑態還生豈是聲能感人心自不平

詠箏

李嶠

蒙恬芳軌設游楚妙彈開新曲帳中發清音指下來鉤  
裝模六律柱列配三才莫聽西秦奏箏箏有剩哀

詠笙

懸匏曲沃上孤篠汶陽隈形寫歌鸞翼聲隨舞鳳哀歡  
娛分北里純孝卽南陔今日虞音奏踟躕鳥獸來

剡谿館聞笛

丁仙芝

夜久聞羌笛寥寥虛客堂山空響不散谿靜曲宜長草  
木生邊氣城池泛一作返夕涼虛然異風出髣髴宿平陽

聞笛

張巡

茗堯試一臨虜騎附城陰不辨風塵色安知天地心營  
一作門開邊月近戰苦陣雲深旦夕更樓上遙聞橫笛音

觀胡人吹笛

李白

胡人吹玉笛一半是秦聲十月吳山曉梅花落敬亭愁  
聞出塞曲淚滿逐臣纓却望長安道空懷戀主情

秋笛

杜甫

律詩

五言

卷三十二

十七

清商欲盡奏秦苦血霑衣他日傷心極征人白骨歸相  
逢恐恨過故作發聲微不見秋雲動悲風稍稍飛

詠笛

一作宋之問

李嶠

羌笛寫龍餘一作聲長吟入夜清關山孤月下來向隴頭  
鳴逐吹梅花落含春柳色驚行觀向子賦坐憶舊隣情

前題

劉孝孫

涼秋夜笛鳴流風韻一作九成調高時慷慨曲變或淒  
清征客懷離緒隣人思舊情幸以知音顧千載有奇聲

觀拔河俗戲

俗傳此戲必致年豐故  
命北軍以求歲稔玄宗

壯徒恒賈勇拔拒抵長河欲鍊英雄志須明勝負多課



齊山岌嶭氣作水騰波預期年歲稔先此樂時和

奉和

張說

今歲好拖鉤橫街敞御樓長繩繫日住貫索挽河流關  
力頻催鼓爭都更上籌春來百種戲天意在宜秋

幸梨園亭觀打毬

應制

沈佺期

今春芳苑遊接武上瓊樓宛轉縈香騎飄飄拂畫毬俯  
身迎未落迴轡逐傷流祗爲看花鳥時時誤失籌

前題

崔湜

年光陌上發香輦禁中遊草綠鴛鴦殿花明翡翠樓寶  
杯承露酌仙管雜風流今日陪歡豫皇恩不可酬

律詩 五言

卷三十二

十八

前題

武平一

令節重遊遊分鑣戲綠毬驂迴上苑蹀躞繞通溝影  
就紅塵沒光隨赭汗流賞闌清景暮歌舞樂時休

使院中新栽柏樹子

呈李十五

李參

愛爾青青色移根此地來不曾臺上種畱向磧中栽脆  
葉欺門柳狂花笑院梅不須愁歲晚霜露豈能摧

嚴鄭公堦下新松

得雷字

杜甫

弱質豈自負移根方爾瞻細聲聞玉帳疎翠近珠簾未  
見紫煙集虛蒙清露霑何當一百丈欹蓋擁高簷

詠松

李嶠

鬱鬱高巖表森森幽澗隈鶴棲君子樹風拂大夫枝百

尺條陰合千年蓋影披歲寒終不改勁一作節幸君知

高栢

杜甫

栢樹色冥冥江邊一蓋青近根開樂圃接葉製茅亭落  
影陰猶合微風韻可聽尋常絕酒一作醉困臥此片時醒

詠槐

李嶠

暮律移寒火春宮長舊栽葉生馳道側花落鳳庭隈烈  
士懷忠觸鴻儒訪業來何當赤墀下疎幹擬三台

詠桐

孤秀嶧陽岑亭亭出衆林春光襍鳳影秋月弄圭陰高

律詩 五言

卷三十二

十九

映龍門迴雙依月井深不因將入爨誰爲作鳴琴

詠漢陽柳色寄王宰

李白

漢陽江上柳望客引東枝樹樹花如雪紛紛亂若絲春  
風傳我意草木度前知一作發寄謝絃歌宰西來定未

遲

和題柳一作杜之松

杜儼

漢將本屯營遼河有戍城大夫曾取姓先生舊得名高  
枝拂遠鴈疎影度遙星不辭攀折苦爲入管絃聲

柳邊

杜甫

只道梅花發那知柳亦新枝枝總到地葉葉自開春紫

燕時翻翼黃鸝不露身漢南應老盡灞上遠愁人

春池柳

太宗

年柳變池臺隋堤曲直迴逐浪絲一作陰去迎風帶影  
來踈黃一鳥呀半翠幾眉開紫雪臨春岸參差間早梅

詠柳

李嶠

楊柳鬱氤氲金堤總翠氛庭前花類雪樓際葉如雲列  
宿分龍影芳池寫鳳文短簫何以奏攀折爲思君

詠桃

太宗

禁苑春暉麗花蹊綺一作樹粧綴條深淺色點露參差  
光向日分千笑迎風共一香如何仙嶺側獨秀隱遙芳

律詩

五言

卷三十二

二十

前題

李嶠

獨有成蹊處穠華發井傍山風疑笑臉朝露泣啼粧  
士顏應改仙人路漸長還欣上林苑千歲奉君王

賦得櫻桃

太宗

華林滿芳景洛陽徧陽春朱顏含遠日翠色影長津  
柯轉嬌鳥低枝映美人昔作園中實今爲席上珍

賦得李

玉衡流桂圃成蹊正可尋鶯啼密葉外蝶戲脆花心  
景光朝彩輕霞散夕陰暫顧暉一作章側還遠一作眺靈

山林

詠李

李嶠

潘岳閒居日王戎戲陌辰蝶遊芳徑馥鶯嚶弱枝新  
暗青房晚花明玉井春方知有靈幹一作時用表真人

詠梨

擅美玄光側傳芳瀚海中鳳文踈象郡花影麗新豐  
對瑤池紫甘依大谷紅若令逢漢主還冀識張公

熟柰

一作豎子至

杜甫

植梨且一作纔綴碧梅杏半傳黃小子幽園至輕籠熟柰  
香山風猶滿把野露及新膏欹枕一作欲寄江湖客提携日

月長

律詩

五言

卷三十二

二十一

詠樓前海石榴

二首

孫逖

客自新亭郡朝來數物華傳君妓樓好初落海榴花  
露色珠簾映香風粉壁遮更宜林下雨日晚逐行車

海上移珠木樓前詠所思遙聞下車日正在落花時  
綠香行葢新紅灑步基從來寒不易終見久逾滋

梔子

杜甫

梔子比衆木人間誠未多於身色有用與道氣傷和紅  
取風霜實青看雨露柯無情移得汝貴在映江波

詠桂

李嶠

未植銀一作蟾宮裏寧移玉殿幽枝生無限月花滿自然

秋俠客條爲馬仙人葉作舟願君期道術攀折可淹留

詠橘

萬里盤根植千株布葉繁旣榮潘子賦方重陸生言玉  
藹含霜動金衣逐吹翻願辭湘水曲長茂上林園

甘園

杜甫

春日清江岸千甘二頃園青雲羞一作葉密白雪避花  
繁結子隨邊使開筒近至尊後於桃李熟終得獻金門

甘子

一作白露

白露團甘子清晨散馬蹄圃開連石樹船渡入江谿憑  
凡看魚樂迴鞭急鳥棲漸知秋實美幽徑恐多蹊

律詩

五言 卷三十二

二十二

甘樹

一作樹間

岑寂雙甘樹婆娑一院香交柯低几杖垂實礙衣裳滿  
歲如松碧同時待菊黃幾迴露葉乘月坐一作胡床

和王司馬折梅寄京邑昆弟

張九齡

離別念同嬉芬榮欲共持獨攀南國樹遙寄北風時林  
惜迎春早花愁去日遲還一作聞折梅處更有棣華詩

庭梅詠

芳意何能早孤榮亦自危更憐花帶弱不受歲寒移朔  
一作雪那相妬陰風已屢吹馨香雖尚爾飄蕩復誰知

和常州崔使君詠後庭梅

二首

孫逖

聞唱梅花落江南春意深更傳千里外來入越人吟弱

幹紅妝倚繁香翠羽尋庭中自公日歌舞向芳陰

梅院重門掩遙遙歌吹邊庭深人不見春至曲能傳花

落彈基處香來薦枕前使君停五馬行樂此中偏

官舍早梅

張謂

堦下雙梅樹春來畫不成晚時花未一作易落陰處葉難  
生摘子防人到攀枝畏鳥驚風光先占得桃李莫相輕

江梅

杜甫

梅蘂臘前破梅花年後多絕知春意早最奈客愁何雪  
樹元一作能同色江風亦自波故園不可見巫岫鬱嵯峨

律詩

五言 卷三十二

二十三

詠梅

李嶠

大庾欽寒光南枝獨早芳雪今朝暝色風引去來香粧  
面迴青鏡歌塵起畫梁若能遙止渴何假泛瓊漿

題椰子樹

沈佺期

日南椰子樹杳裏出風塵叢生調一作木首圓實檳榔  
身玉房九霄露碧葉四時春不及塗林果移根隨漢臣

賦得臨池竹

應制

虞世南

葱翠梢雲質垂彩映清池波泛含風影流搖防露枝龍  
鱗漾嶺谷鳳翅拂漣漪欲識凌冬性唯有歲寒知

和黃門盧侍御詠竹

張九齡

清切紫庭垂歲蕤防露枝色無玄月變聲有惠風吹高  
節人相重貞一作心世所知鳳皇佳可食一去一來儀

嚴鄭公宅同詠竹得香字

杜甫

綠竹半含籜新梢纔出牆色侵書帙晚陰過酒樽涼雨  
洗娟娟淨風吹細細香但令無翦伐會見拂雲長

苦竹

青冥亦自守軟弱強扶持味苦夏蟲避叢卑春鳥疑軒  
墀曾不重翦伐欲無辭幸近幽人屋霜根結在茲

詠竹

李嶠

高簞楚江濱嬋娟含曙氛白花搖鳳影青節動龍文葉  
律詩五言卷三十二二十四

掃東南日枝梢西北雲誰知湘水上流淚獨思君

和徐侍郎叢篠詠

一作蔣藻

盧象

中禁夕沈沈幽篁別作林色連雞樹近影落鳳池深爲  
重凌霜節能虛應物心年年承雨露長對紫庭陰

籬筍

李頎

東園長新筍映日復穿籬迸出依青嶂攢生伴綠池色  
一作因林向背行逐地高卑但恐春將老青青獨爾爲

荅李滁州題庭前石竹花見寄

獨孤及

殷疑曙霞染巧類匣刀裁不怕南風熱能迎小暑開遊  
蜂憐色好思婦感年催覽贈添離恨愁腸日幾迴

宣正殿芝草

李義府

明王敦孝感寶殿秀靈芝色帶朝陽淨光涵雨露滋且  
標仙德重更引國恩施聖祚今無限微臣樂未移

園中時蔬盡皆鋤理唯秋蘭數本委而不顧彼雖  
一物有足悲者遂賦二章

張九齡

場藿已成歲園葵亦向陽蘭時獨不偶露節漸無芳旨  
異菁爲蓄甘非蔗有漿人多利一飽誰復惜馨香  
幸得不鋤去孤苗守舊根無心羨旨蓄豈欲近名園遇  
賞寧充佩爲生莫礙門幽林芳意在非是爲人論

芳蘭

太宗

律詩五言卷三十一二十五

春暉開禁苑淑景媚蘭場映庭含淺色凝露泫浮光日  
麗參差影風傳一作輕重香會須君子折佩裏作芬芳

詠蘭

李嶠

虛室重招尋忘言契斷金英浮漢家酒雪儷楚王琴廣  
殿輕香發高臺遠吹吟河汾應推秀誰肯訪山陰

芍藥

蘇侍郎紫薇庭分賦

張九齡

仙禁生紅藥微芳不自持幸因清切地還遇艷陽時名  
見桐君錄香聞鄭國詩孤根若可用非直愛華滋

詠荷

李嶠

新溜滿澄陂圓荷影若規風來香氣遠日落益陰移魚

戲排細葉龜浮見綠池魏朝難接採楚服但同披

賦得荷葉餞濟陰梁明府

張九齡

荷葉生幽渚芳華信在茲朝朝空此地采采欲因誰但  
恐星霜改還將蒲稗衰懷君美人別聊以一作贈贈心期

秋亭萱草

魏氏園亭分賦

陳子昂

昔時幽徑裏榮耀雜春叢今來玉墀上銷歇畏秋風細  
葉猶含綠鮮花未吐紅忘憂誰見賞空此北堂中

詠萱

李嶠

屣步尋芳草

一作日

忘憂自結叢黃英開養性綠葉正依

籠色湛仙人露香傳少女風還依

一作含貞

北堂下曹植動

律詩五言

卷三十二

二十六

文雄

秋菊

駱賓王

擢秀三秋晚開芳十步中分黃俱笑日含翠共搖風碎  
影涵流動浮香隔岸通金翹徒可泛玉竿竟誰同

題菊

一作感遇

李白

可歎東籬菊莖疎葉且微雖言異蘭蕙亦自有芳菲未  
泛盈樽酒徒沾清露輝當榮君不采飄落欲何依

詠菊

李嶠

玉律三秋暮金精九日開榮舒洛媛浦香泛野人杯  
靡寒潭側丰茸曉岸隈黃花今日晚無復白衣來

賦得殘菊

太宗

階蘭凝曙霜岸菊照晨光露濃晞曉笑風勁淺殘  
香細葉凋輕翠圓花飛碎黃還持一作將今歲色復結後  
年芳

蒹葭

杜甫

摧折不自守秋風吹若何暫時花帶一作載雪幾處葉沈  
波體弱春苗早叢長夜露多江湖後搖落亦恐歲蹉跎

詠茅

李嶠

楚甸供王日衡陽入貢年麇包青野外鳴嘯綺楹前堯  
帝成茨罷殷湯祭雨旋方期大君錫不懼小巫捐

律詩五言

卷三十二

二十七

庭草

杜甫

楚草經寒碧庭春入眼濃舊低收葉舉新掩卷牙重步  
履宜輕過開筵得屢供看花隨節序不敢強爲容

見野草中有名白頭翁者

李白

醉入田家去行歌荒野中如何青草裏亦有白頭翁折  
取對明鏡宛將衰鬢同微芳似相諂留恨向東風

詠藤

李嶠

吐葉依松磴舒苗長石臺神農嘗藥罷質子寄書來色  
映蒲萄架花分竹葉杯金隄不見識玉潤幾重開

詠瓜

欲識東陵味青門五色瓜龍蹄遠珠履女臂動金花六  
子方呈瑞三仙實可嘉終朝奉締綵謁帝佇非賒

詠菱

鉅野韶光暮東平春溜通影搖江浦月香引棹歌風日  
色翻池上潭花發鏡中五湖多賞樂千里望難窮

詠萍

二月虹初見三春蟻正浮青蘋含吹轉紫蒂帶波流屢  
逐明神薦常隨旅客遊既能甜似蜜還遶楚王舟

和楊舍人詠中書省花樹

張文琮

華萼映芳叢參差間早紅因風時落砌雜雨乍浮空影  
律詩 五言 卷三十二 二十八

照鳳池水香飄雞樹風豈不愛攀折希君懷袖中

戲題草樹

張說

忽驚石榴樹遠出渡江來戲問芭蕉葉何愁心不開微  
霜拂宮桂淒吹掃庭槐榮盛更如此慙君獨見哀

惡樹

杜甫

獨遶虛齋徑常持小斧柯幽陰成頗雜惡木翦還多枸  
杞固吾有雞棲柰汝何方知不材者生長漫婆娑

早花

西京安穩未不見一人來臘月巴江曲山花已自開盈  
盈當雪杏豔豔待春香一作梅直苦風塵暗誰憂客  
一作客

鬢催

花底

紫萼扶千藥黃鸝照萬花忽疑行暮雨何事入朝霞恐  
是潘安縣堪留衛玠車深知好顏色莫作委泥沙

詠鳳

李嶠

有鳥居丹穴其名曰鳳皇九苞應靈瑞五色成文章屢  
向秦樓側頻過洛水陽鳴岐今日見阿閣佇來翔

賦得鶴送王明府參選

駱賓王

振衣遊紫府飛蓋背青田虛心恒警露孤影尚凌烟離  
歌悽妙曲別操一作繞繁弦在陰如可和清響會聞天

律詩 五言

卷三十二

二十九

詠鶴

李嶠

黃鶴遠聯翩從鸞下紫烟翱翔一萬里來去幾千年已  
甜青田側時遊丹禁前莫言空警露猶冀一聞天

霜朝詠鳥

王翰

霜旦早暉通城烏漸颺空聲喧齊堞外曲韻楚琴中樓  
寒映曉日竿迴噪朝風雖狎金輿上猶一作獨畏虎黃弓

題烏

時自御史左授山陽丞

魏求已

朝昇照日檻夕次下烏臺風竿一眇邈月樹幾裴徊翼  
向高標歛聲隨下調哀懷燕首自白非是爲年催

詠烏

代陳師道

太宗

凌晨麗城去薄暮上林棲辭枝枝暫起停樹樹還低向日終難托迎風詎肯迷只待纖纖手曲裏作宵啼

前題

李嶠

日路朝飛急霜臺夕影寒聯翩依月樹迢遞繞風竿白首何年改清琴此夜彈靈臺如可託千里向長安

居延海樹聞鶯

陳子昂

邊地無芳樹鶯聲忽聽新間關如有意愁絕若懷人明妃失漢寵蔡女沒胡塵坐聞應落淚况憶故園春

聽宮鶯

王維

春樹遶宮牆宮鶯囀曙光一作春鶯忽驚啼暫斷移處律詩五言卷三十一

弄還長隱葉樓承露攀花出未央遊人未應返爲此始思一作思故鄉

得春鶯送友人

劉孝孫

翅掩飛燕舞啼惱婕妤悲料取金閨意因君問所思流鶯拂繡羽二月上林期待雪消金禁銜花向玉墀

詠鶯

李嶠

芳樹襍花紅羣鶯亂曉空聲分折楊吹嬌韻落梅風寫轉清絃裏遷喬暗木中友生若可冀幽谷響還通

詠鶻

不分荆山抵甘從石印飛危巢畏風急繞樹覺星稀喜

逐行人至愁隨織女歸儻遊明鏡裏朝夕動光輝

歸鴈三首

杜甫

聞道今春鴈南歸自廣州見花辭漲海避雪到羅浮是物關兵氣何時免客愁年年霜露隔不過五湖秋

萬里衡陽鴈今年又北歸雙雙瞻客上一一背人飛雲裏相呼疾沙邊自宿稀繫書無浪語愁寂故山薇

欲雪遶胡地先花別楚雲却過清渭影高起洞庭羣塞北春陰暮江南日色曛傷弓流落羽行斷不堪聞

孤鴈

孤鴈不飲啄飛鳴聲念羣誰憐一片影相失萬重雲望律詩五言卷三十一

盡似猶見哀多如更聞野鴉無意緒鳴噪自紛紛

秋鴈

駱賓王

聯翩辭海曲遙曳指江干陣去金河冷書歸玉塞寒帶月凌空易迷煙逗浦難何當同顧影刷羽泛清瀾

詠鴈

同張二作

唼藻蒼江遠銜蘆紫塞長霧深迷曉景風急斷秋行陣照通宵月書封幾夜霜無復能鳴分空知愧稻粱

前題

李嶠

春暉滿朔方候鴈發衡陽望月驚弦影排雲結陣行往還倦南北朝夕苦風霜寄語能鳴侶相隨入帝鄉



失白鷹

鄭繇

白錦文章亂丹霄羽翮齊雲中呼暫下雪裏放還迷梁苑驚池驚陳倉拂野雞不知寥廓外何處獨一作依棲

詠雉

李嶠

白雉振朝聲飛來表太平楚郊疑鳳出陳寶若雞鳴童子懷仁至中郎作賦成冀君看飲啄耿介獨含情

同獄者歎獄中無燕

沈佺期

何許乘春燕多知辨夏臺三時欲併盡雙影未嘗來食藥嫌叢棘銜泥怯死灰不如黃雀語能雪冶長猜

雙燕

杜甫

律詩五言 卷三十二 三十二  
旅食驚雙燕銜泥入此堂應同避燥濕且復過炎涼養子風塵際來時道路長今秋天地在吾亦離殊方

歸燕

不獨避霜雪其如儔侶稀四時無失序八月自知歸春色豈相訪衆雛還識機故巢儻未毀會飭主人飛

詠燕

張九齡

海燕何微眇乘春亦暫來豈知泥滓賤祇見玉堂開繡戶時雙入華軒日幾迴無心與物競鷹隼莫相猜

前題

李嶠

天女伺辰至玄衣澹碧空差池沐時雨頡頏舞春風相

賀雕欄側雙飛翠幕中勿驚留爪去猶冀識吳宮

詠雀

大厦初成日嘉賓集杏梁銜書表周瑞入幕應王祥暮宿空城裏朝遊漣水傍願齊鴻鵠至一作希逐鳳皇翔

詠鸚鵡

同蔡孚起居作

胡皓

鸚鵡殊姿致鸞皇得比肩常循金殿裏每話玉階前賈誼才方達楊雄老未遷能言既有地何惜爲聞天

前題

李義府

牽弋辭重海觸網去層巒戢翼雕籠際延思彩霞端慕侶朝聲切離羣夜影寒能言殊可貴相助憶長安

律詩五言

卷三十二

三十三

鸚鵡

杜甫

鸚鵡合愁思聰明憶別離翠衿渾短盡紅紫謾多知未

百舌

百舌來何處重重祇報春知音兼衆語整翮豈多身花密藏難見枝高聽轉新過時如發口君側有讒人

子規

峽裏雲安縣江樓翼瓦齊兩邊山水合終日子規啼眇眇春風見蕭蕭夜色凄一作客愁那聽此故作傷人低

鸛鵒

故使籠寬織須知動損毛看雲莫悵望失水任呼號六  
翻曾經剪孤飛卒未高且無鷹隼慮留滯莫辭勞

雞

紀德名標五初鳴度必三殊方聽有異失次曉無慙問  
俗人情似克庖爾輩堪氣交亭育際巫峽漏司南

詠鳧

李嶠

颯沓睢陽涖浮游漢水隈錢飛出井見鶴引入琴哀李  
陵賦一作降詩罷王喬曳舄來何當歸太液翔集動成  
雷

花鴨

杜甫

律詩 五言

卷三十二

三十四

花鴨無泥滓堦前每緩行羽毛知獨立黑白太分明不  
覺羣心妬休牽衆眼驚稻梁霑汝在作意莫先鳴

舟前小鷺兒

鷺兒黃似酒對酒愛新鷺引頸喚船逼無行亂眼多翅  
開遭宿雨力小困滄波客散層城暮狸一作狐狸奈若何

鷗

江浦寒鷗戲無它亦自饒却思翻玉羽隨意點春苗雪  
暗還須浴一作落風生一任飄幾羣滄海上清影日蕭蕭

詠鱗

李嶠

漢祀應祥開魯郊西狩迴奇音中鍾呂成角喻英才畫

像臨仙閣藏書入帝臺若鷺能吐哺爲待一作觀鳳皇來

詠象

鬱林開郡畢維揚作貢初萬推方演楚惠子正焚書執  
燧奔吳戰量丹入魏墟六牙行致遠千葉奉高居

詠豹

車法肇宗周麗文闡大猷還將君子變來蘊太公籌委  
質超羊羣飛名列虎侯若令逢雨露長隱南山幽

詠熊

導洛宜陽右乘春別館前昭儀忠漢日太傅翊周年列  
射三侯湍興師七步旋莫言舒紫褥猶異飲清泉

律詩 五言

卷三十二

三十五

賦得征馬嘶送劉評事赴朔方 高適  
征馬向邊州蕭蕭嘶不一作未休思深應帶別聲斷爲兼

秋岐路風將遠關山月共愁贈君從此去何日大刀頭

玉腕騶

杜甫

聞說荆南馬尚書玉腕騶頓驂飄赤汗踟躕顧長楸胡  
虜三年入乾坤一戰收舉鞭如有問欲伴習池遊

房兵曹胡馬

胡馬大宛名鋒稜瘦骨成竹批雙耳峻風入四蹄輕所  
向無空闊真堪託死生驍騰有如此萬里可橫行

病馬

乘爾亦已久天寒關塞深塵中老盡力歲晚病傷心毛  
骨豈殊衆馴良猶至今物微意不淺感動一沈吟

詠飲馬

太宗

駿骨飲長涇奔流灑絡繹細紋連噴聚亂行達蹄繁水  
光鞍上側馬影溜中橫翻似天池裏騰波龍種生

奉和

楊師道

清晨控龍馬弄影出花林躑躅依春澗聯翩度碧潯苔  
流染絲絡水潔寫雕簪一御瑤池駕詎憶長城陰

詠馬

李嶠

天馬來東嘶驚御史驄蒼龍遙逐日紫燕迴追風明

律詩

五言

卷三十二

月來鞍上浮雲落葢中得隨穆天子何假唐成公

詠牛

齊歌初入相燕陣早橫功欲向桃林下先過梓樹中在  
吳頻喘月奔夢屢驚風不用五丁士如何九折通

詠羊

絕飲懲澆俗行驅夢逸材仙人擁石去童子馭車來夜  
玉含星動晨瓊映雪開莫言鴻漸力長牧上林隈

詠鹿

涿鹿開中冀秦原闢帝畿柰花開舊苑萍葉藹前詩道  
士乘仙日先生折角時方懷丈夫志抗首別心期

鹿

杜甫

永與清谿別蒙將玉饌俱無才逐仙隱不敢恨庖厨亂  
世輕全物微聲及禍樞衣冠兼盜賊饕餮用斯須

猿

裊裊啼虛壁蕭蕭挂冷枝艱難人不免隱見爾如知慣  
習元從衆全生或用奇前林騰每及父子莫相離

從人覓小胡孫許寄

人說南州路山猿樹樹懸舉家聞若駭一作爲寄小如  
拳預晒愁胡面初調見馬鞭許求聰慧者童稚捧應癡

詠兔

李嶠

律詩

五言

卷三十二

上蔡應初擊平岡遠不稀目隨槐葉長形逐桂條飛漢  
月澄秋色梁園映雪輝唯當感純孝郭郭引兵威

詠龍

銜燭耀幽都含章擬鳳雛西秦飲渭水東洛薦河圖帶  
火移星陸勝雲出鼎湖希逢聖人步庭闕正晨趨

黃魚

杜甫

日見巴東峽黃魚出浪新脂膏兼飼犬長大不容身簡  
桶相沿久風雷肯謂神一作泥沙卷涎沫迴首恠龍鱗

白小

白小羣分命天然二寸魚細微霑水族風俗當園蔬入

肆銀花亂傾箱雪片虛生成猶拾卵盡取義何如

和崔黃門寓直夜聽蟬之作

張九齡

蟬嘶玉樹枝向夕惠風吹幸入連宵聽應緣飲露知思  
深秋欲近聲靜夜相宜不是黃金飾清香徒爾為

在獄詠蟬

序曰余禁所禁垣西是法廳事也有古  
樹聽訟斯在即周召伯之甘棠每至夕照低陰  
秋蟬吟引發聲幽息有切嘗聞豈人心異於曩  
時將蟲響悲於前聽嗟乎聲以動容德以象賢  
故繁其身也稟君子達人之高行蛻其皮也有  
為發密藏用之靈姿候時而來順陰陽之數應節  
仙都羽化之機有目斯開不以道昏而昧其  
視有翼自薄不以俗厚而易其真吟喬樹之微  
風韻姿天縱飲高秋之墜露清畏人知僕失路  
難虞遭時徽纆不哀傷而自怨未搖落而先衰  
聞蟬吟之流聲悵平反之已奏見塘螂之抱影

律詩

五言

卷三十二

三十八

怯危機之未安感而綴詩貽諸知己取情沿物  
應哀弱羽之飄零道寄人知憫餘聲之寂寞非  
謂文墨取代幽憂云爾

駱賓王

西陸蟬聲唱南冠客思侵那堪玄髮影來對白頭吟露  
重飛難進風多響易沈無人信高潔誰為表予清一作心

秋蟬

九秋行已暮一枝聊暫安隱榆非諫楚噪柳異悲潘分  
形粧薄鬢鏤影飾危冠自憐疎影斷霜空一作林夕吹寒

秋螢

玉乳分靜夜金螢照晚涼含輝疑泛月帶火怯凌霜散  
彩縈虛牖飄花繞洞房下帷如不倦當解借餘光

詠螢

于季子

卉草誠幽賤枯朽絕因依忽逢借羽翼不覺生光輝直  
念恩華重長嗟報効微方思助日月為許願曾飛

螢火

杜甫

幸因腐草出敢近太陽飛未足臨書卷時能點客衣隨  
風隔幔小帶雨傍林微十月清霜重飄零何處歸

促織

促織甚微細哀音何動人草根吟不穩牀下夜相親久  
客得無淚故妻難及晨悲絲與急管感激異天真

賦得白日半西山

太宗

律詩

五言

卷三十二

三十九

紅輪不暫駐烏飛豈復停岑霞漸漸落谿陰寸寸生  
葉隨光轉葵心逐照傾晚煙含樹色棲鳥雜流聲

賦得明月照高樓送劉散員

楊濟

高樓一何綺素月復流明重軒望不極餘暉攬詎盈鏡  
華當牖照鈞影隔簾生逆愁異樽酒對此難為情

賦得春雲處處生

駱賓王

千里年光靜四望春雲生  
暫一作日祥光舉疎雲瑞葉  
輕蓋陰籠迴樹陣影抱危城非將吳會遠飄蕩帝鄉情

賦得白雲抱幽石

重巖抱危石幽澗曳輕雲繞鎮仙衣動飄蓮羽益分錦

色連花靜苔光帶葉薰詎知吳會影長抱穀城文

賦得雲生棟梁間

陳希烈

一片蒼梧意氛氲生棟梁下簾山足暗開戶日添光偏  
使衣裘潤能令枕簟涼無心伴行雨何必夢荆王

賦得遠山澄碧霧

太宗

殘雲收翠嶺夕霧結長空帶岫凝全碧障霞隱半紅  
鬢分初月飄颻度曉風還因三里處冠蓋遠相通

賦得鳳樓尋勝地

張說

西掖持醇酒東山就白雲開軒淥池映命席紫蘭芬舞  
度花爲伴鶯來管作羣太平多樂事春物共氛氲

律詩 五言

卷三十二

四十一

賦得置酒坐飛閣

太宗

高軒臨碧渚飛簷迴架空餘花橫鏤檻殘柳散雕櫳一作  
岸菊初含蕊園梨始帶紅莫慮崑山暗還共盡杯中

賦得俠客遠從戎送鄭少府入遼

駱賓王

邊烽警榆塞俠客度桑乾柳葉開銀鏑桃花照玉鞍滿  
月臨弓影連星入劍端不學燕丹一作客空歌易水寒

賦得遊人久不歸

一作劉孝孫

賀朝清

鄉關眇天末引領悵懷歸羈旅久滯滯物色屢芳菲稍  
覺出意盡行看蓬鬢稀如何千里外佇立霑裳衣

賦得盈盈樓上女

孟浩然

夫婿久離別青樓空望歸妝成卷簾坐愁思嬾縫衣燕  
子家家入楊花處處飛空牀難獨守誰爲報一作金徽

賦得良人行從軍

一作李商隱

李揆

含淚坐春宵聞君欲度遼綠池荷葉嫩紅砌杏花嬌曙  
月當窗滿征雲出塞遙書樓終日閉清管爲誰調

賦得雲中辨江樹送竇校書

張九齡

江水連天色無涯淨野氛微明岸傍樹凌亂渚前雲舉  
棹形徐一作轉登艫意漸分渺茫從此去空復惜離羣

賦得山樹鬱蒼蒼送劉散員

許敬宗

喬木託危岫積翠繞連岡葉疎猶漏影花少未流芳風  
律詩 五言 卷三十二 四十一

來聞肅肅霧罷見蒼蒼此中餞行邁不異上河梁

賦得古木臥平沙

奉試

王泠然

古木臥平沙摧殘歲月賒有根橫水石無榦拂煙霞春  
至苦爲葉冬來雪作花不逢星漢使誰辨是靈槎

賦得岸花臨水發

包融

笑笑傍谿花叢叢逐岸斜朝開川上日夜發浦中霞照  
灼如臨鏡華茸勝浣紗春來武陵道幾樹落仙家

詠青

奉試

荆冬倩

路闢天光遠春還月道臨草濃河畔色槐結路邊陰未  
映君王史先標胄子襟經明如可拾自有致雲心

自悼

時為左庶子開元中東宮官僚  
清談因題詩自悼云云 薛令之

朝日上團圓照見先生盤盤中何所有首宿長闌干飯  
澁匙難縮羹稀筋易寬只可一作無謀朝夕何由保歲寒

空囊

杜甫

翠柏苦猶食明霞高一作朝可餐世人共鹵莽吾道屬艱  
難不爨井晨凍無衣牀夜寒囊空恐羞涇留得一錢看

悶

瘴癘浮三蜀風雲暗百蠻卷簾惟白水隱几亦青山猿  
捷長難一作相見鷗輕故不還無錢從滯客有鏡巧摧顏

遣愁

律詩

卷三十二

四十二

卷拙蓬爲戶茫茫何所開江通神女館地隔望鄉臺漸  
惜容顏老無由弟妹來兵戈與人事回首一悲哀

戲作俳諧體遣悶

二首

異俗吁可怪斯人難並居家家養烏鬼頓頓食黃魚舊  
識難爲態新知已暗踈治生且耕鑿只有不關渠

西歷青羌坂南留白帝城於菟侵客恨拒收作人情无  
卜傳神語畲田費火聲是非何處定高枕笑浮一作生

號州臥疾喜劉判官相過水亭

岑參

臥疾常晏起朝來頭未梳見君勝服藥清話病能除低  
柳供繫馬小池堪釣魚觀棋不覺暝月出水亭初

臥疾寄友人

一作法振

釋法輪

哀樂暗成疾臥中芳月移西山有清士孤嘯不可追擣  
藥曙林淨汲泉陰澗遲微蹤與麋鹿遠謝求羊知

江閣臥病走筆寄呈崔盧兩侍御

杜甫

客子庖厨薄江樓枕席清衰年病祗瘦長夏想爲情滑  
憶雕胡飯香聞錦帶羹溜匙兼煖腹誰欲致杯甞

老病

老病巫山裏稽留楚客中藥殘他日裏花發去年叢夜  
足霑沙雨春多逆水風合分雙賜筆猶作一飄蓬

垂白

律詩

卷三十二

四十三

垂白馮唐老清秋宋玉悲江喧長少睡樓迴獨移時多  
難身何補無家病不辭甘從千日醉未許七哀詩

耳聾

生年鶚冠子歎世鹿皮翁眼復幾時暗耳從前月聾猿  
鳴秋淚缺雀噪晚愁空黃落驚山樹呼兒問朔風

賦西漢

魏徵

受降臨軹道爭長趣鴻門驅傳渭橋上觀兵細柳屯夜  
宴經柏谷朝遊出杜原終藉叔孫禮方知皇帝尊

賦禮記

李百藥

玉帛資王會郊丘叶聖情重廣開環堵至道軼金籊盤

薄依厚地遙喬騰太清方悅升中禮足以慰餘生

詠經

李嶠

漢室鴻儒盛鄒堂大義明五千道德闡三百禮儀成青  
紫方拾芥黃金徒滿籬誰知懷逸辯重席冠羣英

詠史

馬記天官設班圖地理新善談方聲疊青簡見彬彬方  
朔初聞漢荆軻昔向秦正辭堪載筆終冀作良臣

詠詩

都尉仙鳬遠梁王駟馬來扇中紈素製機上錦紋迴天  
子三章傳陳王七步才縑衣久擅美祖德信悠哉

律詩 五言

卷三十二

四十四

詠書

削簡龍文見臨池鳥跡舒河圖八卦出洛範一作九疇  
初垂露春光滿崩雲骨氣餘請君看入木一寸乃非虛

詠賦

布義孫卿子登高楚屈平銅臺初下筆樂觀正飛纓乍  
有凌雲勢時聞擲地聲造端長體物無復大夫名

詠檄

羽檄本宣明由來木聲聯翩至漢國迢遞入燕營毛  
義持書去張儀韞壁行曹風雖覺愈陳草始知名

奉述飛白書勢

岑文本

六文開玉篆八體曜銀書飛毫列錦繡拂素起龍魚鳳  
舉崩雲絕鸞驚遊霧踈別有臨池草恩霑垂露餘

羽林思召觀御書王太尉碑

張說

隴首名公石來承聖札歸魚龍生意態鈞劒動鉉輝字  
得神明保詞慙少女微誰家羽林將又逐鳳書飛

觀李固請司馬弟山水圖

杜甫

簡易高人意匡牀竹火爐寒天留遠客碧海挂新圖雖  
對連山好貪看絕島孤羣仙不愁思冉冉下蓬壺

方丈渾連水天台總映雲人間長見畫老去恨空聞范  
蠡舟偏小王喬鶴不羣此生隨萬物何處出塵氛

律詩 五言

卷三十二

四十五

題襄陽圖

徐安貞

高浪垂翻屋崩崖欲壓牀野橋分子細沙岸繞微茫紅  
浸珊瑚短青懸薜荔長浮查並坐得仙老暫相將

題襄陽圖

徐安貞

畫得襄陽郡依然見昔遊峴山思駐馬漢水憶迴舟丹  
壑常含霽青林不換秋圖書一作空咫尺千里意悠悠

嚴公廳宴同賦蜀道畫圖

杜甫

日臨公館靜畫列地圖雄劒閣星橋北松州雪嶺東華  
夷山不斷吳蜀水相通典與煙霞會清樽幸不空

和中書侍郎院壁畫雲

李收

粉壁畫雲成如能上太清影從霄漢發光照掖垣明映



篠多幽趣臨軒得野情獨思作霖雨流潤及生靈

詠郡齋壁畫片雲

岑參

雲片何人畫塵侵粉色微未曾行雨去不見逐風歸只怪偏凝壁回看欲惹衣丹青忽借便移向帝鄉飛

詠主人壁上畫鶴寄喬主簿崔著作

陳子昂

古壁仙人畫丹青尚有文獨舞紛如雪孤飛暖似雲自矜彩色重寧憶故池羣江海聯翩翼長鳴誰復聞

畫鷹

杜甫

素練風霜起蒼鷹畫作殊攬身思狡兔側目似愁胡條

律詩五言

卷三十二

四十六

鏃光堪摘軒楹勢可呼何當擊凡鳥毛血灑平蕪

獨酌

步屐深林晚開樽獨酌遲仰蜂粘落絮行蟻上枯梨薄劣慙真隱幽偏得自怡本無軒冕意不是傲當時

獨酌成詩

燈花何太喜酒綠正相親醉裏從爲客詩成覺有神兵戈猶在眼儒術豈謀身苦被微官縛低頭愧野人

待酒不至

李白

玉壺繫青絲沽酒來何遲山花向我笑正好銜杯時晚酌東軒一作下流鸞復在茲春風與醉客今日乃一作且

相宜

詠酒

李嶠

孔坐洽良儔陳筵幾獻酬臨風竹葉滿湛月桂香浮每接高陽宴長陪河朔遊會從玄石飲雲雨出圓丘

天寶初南曹小司寇舅於我太夫人堂下累土爲

山一簣盈尺以代彼朽木承諸焚香甕甌既甚安

矣旁值慈竹益茲數峰嶽岑嬋娟宛有塵外數致

乃不知興之所至而作是詩

杜甫

一簣功盈尺三峯意出羣望中疑在野幽處欲生雲慈

竹春陰覆香爐曉勢分維南將獻壽佳氣日氤氳一作氣

律詩五言

卷三十二

四十七

詠山

李嶠

地鎮標神秀一作山嶺峨峨上翠氛泉飛一道帶峰出

半天雲古壁丹青色新花綺繡紋已開封禪所一作禮希

謁聖明君

賦得孤島石送李卿

岑參

一片他山石巉巖映小池綠窠攢剝蘚尖碩坐鸕鷀水底看常倒花邊勢欲欹君心能不轉卿月豈相離

詠石

蘇味道

濟北甄神貺河西濯錦文聲應天池雨影觸岱宗雲燕歸猶可候羊起自成羣何當握靈髓高枕絕囂氛

前題

李嶠

宗子維城固將軍飲羽威嚴花鑑裏發雲葉錦中飛入

宋星初隕過湘鷺早歸倘因持補極寧復羨一作支機

賦得商丘別司功叔

高適

商丘試一望隱隱帶秋天地與星辰在城將大路遷干

戈悲昔事墟落對窮年卽此傷離緒悽悽賦酒筵

詠原

李嶠

王粲銷憂日江淹起恨年帶川遙綺錯分隰迴阡眠

橫周甸莓苔闕晉田方知惡難響長在鵲鴒篇

詠野

律詩 五言

卷三十二

四十八

鳳出秦郊迥鵲飛楚塞空蒼梧雲影去涿鹿霧光通草

暗少原綠花明入蜀紅誰言版築士猶處傳巖中

詠田

貢禹懷書日張衡作賦辰杏花開鳳軫葛葉布龍鱗瑞

麥兩岐秀嘉禾同穎新寧知帝王力擊壤自安貧

詠道

銅駝分輦洛劍閣抵臨邛紫微三千里青樓十二重玉

關塵似雪金穴馬如龍今日中衢上堯樽更可逢

春水

杜甫

三月桃花浪江流復舊痕朝來沒沙尾碧色動柴門接

縷垂芳餌連筒灌小園已添無數鳥爭浴故相喧

秋水

駱賓王

貝一作金闕寒流徹玉輪秋浪清圖雲錦色淨寫月練花

明泛曲鵲弦動隨軒鳳轄驚唯當御溝上悽斷送歸情

詠水

張文琮

標名資上善流派表靈長地圖羅四瀆天文載五潢方

流涵玉潤圓折動珠光獨有蒙園吏棲偃翫濠梁

前題

駱賓王

列名通地紀疎派合天津波隨月色淨態逐桃花春照

霞如隱石映柳似一作若沉鱗終當挹上善屬意淡交人

律詩 五言

卷三十二

四十九

題山中流泉

儲光義

山中有流水借問不知名映地爲天色飛空作雨聲轉

來深澗滿分出小池平恬澹無人見年年長自清

詠王兵曹廳前湧泉勢成中字

和崔會稽包融

茂德來徵應流泉入詠歌含靈符上善作字表中和有

草恒垂露無風欲偃波爲看人共水清白定誰多

詠海

李嶠

習坎疏丹壑朝宗合紫微三山巨鰲湧萬里大鵬飛樓

寫春雲色珠含明月輝會因添霧露方逐衆川歸

詠江

日夕三江望靈潮萬里迴霞津錦浪動月浦練花開湍  
似黃牛去濤如白馬來英靈已傑出誰識卿雲才

詠河

源出崑崙中長波接漢空桃花來馬頰竹箭入龍宮德  
水千年變榮光五色通若披蘭葉檢

詠洛

九洛韶光媚三川物候新花明丹鳳浦日映玉雞津元  
禮期仙客陳王覩麗人神龜方錫瑞綠字佇來臻

詠城

四塞稱天府三河建洛都飛雲靄層闕白日麗南隅獨  
律詩五言 卷三十二 五十一

下仙人鳳羣驚御史烏何辭一萬里邊徼桿句奴

詠市

闌闌開三市旗亭起百尋漸離初擊筑司馬正彈琴細  
柳龍鱗映長槐兔月陰徒知觀衛玉詎肯掛秦金

賦得卜肆送姚評事入蜀

張九齡

蜀嚴化已久沈冥空所思嘗聞賣卜處猶憶下簾時驅  
傳應經此懷賢儻問之歸來說往事歷歷偶心期

詠宅

李嶠

寂寂蓬蒿徑喧喧隘廬屢逢長者轍時引故人車孟  
母遷鄰罷將軍辭第初誰憐草玄處獨對一牀書

詠門

奕奕彤闈下煌煌紫禁隈阿房萬戶列閭闔九重開疏  
廣遺榮去于公待駟來詎知金馬側方朔有奇才

詠樓

百尺重城際千尋大道隈漢宮井幹起吳國落星開笛  
怨綠珠去簾隨弄玉來銷憂聊暇日誰識仲宣才

冷井

奉試

孫欣

仙闈井初鑿靈液沁成泉色湛青苔裏寒凝紫綆邊銅  
餅白影落玉甃抱虛圓承願調神鼎堯時泰萬年

詠井

蘇味道

律詩五言

卷三十二

五十一

玲瓏映玉檻澄澈瀉銀牀流聲集孔雀帶影出羶羊桐  
落秋蛙散桃舒春錦芳帝力終何有機心庶此忘

前題

李嶠

玉甃談仙客銅臺賞魏君蜀都宵映火杞國旦生雲向  
日蓮花淨含風李樹薰已開千里國還聚五星文

詠池

綵綽浮太液清觴醉習家詩情對明月雲曲拂流霞煙  
散龍形淨波含鳳影斜安仁動秋興魚鳥思空矜

賦得浮橋

太宗

岸曲非千里橋斜異七星暫低逢輦度還高值一作浪逐

驚水搖文燭動纔轉錦花繁遠近隨輪影輕重應人行

奉和

張文琮

造舟浮渭日鞭石表秦初星文遙瀉漢虹勢尚凌虛已  
授文成履空題武騎書別有臨濠上樓偃獨觀魚

詠橋

李嶠

烏鵲填應滿黃公去不歸勢疑虹始見形似鴈初飛妙  
應七星制高分半月輝秦王空構石仙島遠難依

塵灰

駱賓王

洛川流雅韻秦道擅奇威聽歌梁上動應律管中飛光  
飄神女襪影落羽人衣願言心未翳終冀效輕微

律詩

五言

卷三十二

五十二

詠塵

張說

仙浦生羅襪神京染素衣裨山期益峻照日幸增輝夕  
伴龍媒合朝隨鳳輦歸獨憐范甌下思繞畫梁飛

詠玉

李嶠

映石先過魏連城欲向秦洛陽陪勝友燕趙類佳人方  
水晴虹媚常山瑞馬新徒爲卞和識不遇楚王珍

明堂火珠

奉試

崔曙

正位開重屋凌空一作出火珠夜來雙月滿一作合曙後  
一星孤天淨光難滅雲生望欲無遙知太平代一作還

代國寶在名都

詠珠

李嶠

燦爛金輿側玲瓏玉殿隈昆池明月滿合浦夜光迴彩  
逐靈蛇轉形隨舞鳳來甘泉宮起罷花媚望風臺

詠金

南楚標前貢西秦識舊城祭天封漢嶺擲地警孫聲向  
日披沙淨含風振鐸鳴方同楊伯起獨有四知名

詠銀

思婦屏輝掩遊人燭影長玉壺初下箭桐井共安牀色  
帶長河色光浮滿月光靈山有珍甕仙闕薦君王

詠錢

律詩

五言

卷三十二

五十三

漢日五銖建姬年九府流天龍帶泉寶地馬列金溝趙  
壹囊初乏何曾箸欲收金門應入論玉井冀來求

詠錦

漢使巾車遠河陽步障陳雲浮仙石日霞滿蜀江春機  
迴迴文巧紳兼束髮新若逢楚王貴不作夜行人

詠羅

妙舞隨裙動行歌入扇清蓮花依帳發秋月鑒帷明雲  
薄衣初捲蟬飛翼轉輕若珍三代服同擅綺紵名

詠綾

金縷通秦國爲裘指魏君落花遙寫霧飛鶴近圖雲馬

眼水陵影竹根雪霰文何當盡秦女煙際坐氤氲

詠素

女織腰洛浦妃 遠方望鴈足上林飛妙

奪皎綃色光騰月扇輝非君下路去誰賞故人機

詠布

御績創義黃鎬冠表素王瀑飛臨碧海火浣擅炎方孫  
被登三相劉衣闥四方佇因春斗粟來曉棣華芳

翻着葛巾呈趙尹

張說

昔日接離倒今我葛巾翻宿酒何時醒形骸不復存忽  
聞有嘉客躡步出開門桃花春徑滿誤識武陵源

律詩 五言

卷三十二

五十四

答張燕公

趙冬曦

美酒值芳春醒餘氣益真降歡時倒履乘興偶翻巾徐  
榻思方建左車理自均傲然歌一曲一醉濯纓人

酬賀四贈葛巾之作

王維

野中傳惠好茲貺重兼金嘉此幽棲物能齊隱吏心早  
朝方暫挂晚沐復一作更來簪坐覺麗塵遠思君共入林

荅陳拾遺贈竹簪

張九齡

與君嘗此志因物復知心遺我鍾龍節非無玳瑁簪幽  
素宜相重雕華豈所任爲君安首飾懷此代兼金

詠紙

李嶠

妙跡蔡侯施芳名古伯馳雲飛錦綺落花發縹紅披舒  
卷隨幽顯廉方合軌儀莫驚反掌字當取葛洪規

詠筆

握管門庭側含毫山水隈霜輝簡上發錦字夢中開鸚  
鵡摛文至麒麟絕句來何當遇良史左右振奇才

詠硯

左思裁賦日王克作論年光隨錦文發形帶石巖圓積  
潤循毫裏開池小學前君苗徒見蕤誰詠士衡篇

詠墨

長安分石炭上黨結松心遠畫蠅初落合滋綬更深悲

律詩 五言

卷三十二

五十五

絲光易染疊素彩還沈別有張芝學書池幸見臨

賦得劍贈澧陽韋明府

張九齡

君有百鍊刃堪一作能斷七重犀誰開太阿匣持割武城  
鷄竟與尚書佩還應天子提何時遇操宰一作柄當使玉

如泥

詠寶劍

一作宋之問

崔融

寶劍出昆吾龜龍夾采珠五精初獻術千戶競淪一作論  
都匣氣衝牛斗山形轉轆轤欲知天下貴持此問一作謝

風胡

蕃劍

杜甫

致此自僻遠又非珠玉裝如何有奇怪每夜吐光芒虎  
氣必騰上龍身寧久藏風塵苦未息持汝奉明王

詠劍

李嶠

我有昆吾劍求趨夫子庭白虹時切玉紫氣夜干星  
上芙蓉動匣中霜雪明倚天持報國畫地取雄名

詠刀

列辟鳴鸞至惟良佩犢旋帶環疑寫月引鑑似含泉  
入夢華梁上含鋒彩筆前莫驚開百鍊特擬定三邊

詠戈

富父春喉日殷辛漂杵年晚霜含白刃落影駐雕鋌  
夕

律詩

卷三十二

五十六

擯金門側朝提玉塞前願隨龍影度橫陣雲邊

詠弓

桃文稱辟惡桑質表初生宛轉雕韃際依稀半月明  
遙彎落鴈影虛引怯猿聲徒切烏號思攀龍遂不成

詠箭

漢甸初收羽燕城忽解圍影隨流水急光帶落星飛  
夏列三成範堯沈九日輝斷蛟雲夢澤希爲識忘歸

詠弩

挺質本軒黃申威振遠方機張驚雉雉玉彩耀星芒  
高鳥行應盡清猿坐見傷蘇秦六百步持此說韓王

詠彈

俠客持蘇合佳游滯帝鄉避九深可謂求炙遂難忘  
金迺疑星落珠成似月光誰知少孺子將此見吳王

詠旌

告善康莊側求賢市肆中擁麾分彩雉持節曳丹虹  
影麗天山雪光搖朔塞風方知美周政抗旆賦車攻

詠旗

桂影承宵月虹輝接曙雲縱橫齊八陣舒卷引三軍  
日薄蛟龍影風翻鳥隼文誰知懷勇志蟠地幾續紛

千秋節賜羣臣鏡

玄宗

律詩

卷三十二

五十七

鑄得千秋鏡光生百鍊金分將賜羣后遇象見清心  
臺上水華澈窗中月影臨更銜長綬帶留意感人深

奉和

張說

寶鏡頒神節凝規寫聖情千秋題作字長壽帶爲名  
月向天邊下花從日裏生不承一作知懸象意誰辨照心明

奉和敕賜公主鏡

席豫

令節頒龍鏡仙輝下鳳臺含靈萬象入寫照百花開  
色與皇明散光隨聖澤來妍媸冰鑑裏從此媿非才

覽鏡

劉希夷

青樓挂明月臨照不勝悲白髮今如此人生能幾時  
秋

風下山路明月上春期歎息君恩盡容顏不可思

前題

沈佺期

霏霏日搖蕙騷騷風灑蓮時芳固相奪俗態豈恒堅恍忽夜川裏蹉跎朝鏡前紅顏與壯志太息此流年

詠鑑

李嶠

明鑑掩塵埃含情照魏臺日中烏鵲至花裏鳳凰來玉彩疑冰澈金輝似月開方知樂彥輔自有鑒人才

詠扇

翟羽舊傳名蒲葵價不輕花芳不滿面羅薄詎障聲禦熱含風細臨秋帶月明同心如可贈持表合歡情

律詩

卷三十二

五十八

荅裴侍御贈斑竹杖

一作李嘉祐

李嶠

騷人誇竹杖贈我意何深萬點湘妃淚三年賈誼心願持終白首誰道貴黃金他日歸愚谷偏宜綠綺琴

詠燭

李嶠

兔月清光隱龍盤畫燭新三星花入夜四序玉調晨浮炷依羅幌吹香匝綺茵若逢燕國相持用舉賢人

銅餅

杜甫

亂後碧井廢時清瑤殿深銅餅未失水百丈有哀音側想美人意應悲寒飈沈蛟龍半缺落猶得折黃金

詠柳少府山瘿木樽

李白

櫨木不彫飾且將斤斧踈樽成山嶽勢材是棟梁餘外與金鼎並中涵玉醴虛慙君垂拂拭遂忝玳筵居

賦得匏瓢

鄭審

華閣與賢開仙瓢自遠來幽林嘗伴許陋巷亦隨回挂影憐紅壁傾心向綠杯何曾斟酌處不使玉山頽

詠帷

李嶠

久閉先生戶高褰太守車羅將翡翠合錦逐鳳凰舒明月彈琴夜清風入幌初方知決勝策黃石受兵書

賦簾

太宗

參差垂玉闕舒卷映蘭宮珠光一作花搖素月竹影亂清

律詩

卷三十二

五十九

風彩散銀鈞上文斜桂戶中唯當雜羅綺相與一作爲媚房櫳

詠簾

李嶠

清風時入燕紫殿幾含秋曖曖籠靈閣纖纖上玉鈞窗中翡翠動戶外水精浮巧作盤龍勢長迎飛燕遊

前題

萬楚

玳瑁昔稱華玲瓏薄絳紗鈎銜門勢曲節亂水紋斜日弄長飛鳥風搖不卷花自當分內外非是爲驕奢

詠屏

李嶠

洞徹琉璃蔽威紆屈膝迴錦中雲母列霞上織成開山



水含春動神仙倒景來脩身兼竭節誰識作銘才

前題

袁恕已

綺閣雲霞滿芳林草樹新鳥驚疑欲曙花笑不關春山對彈琴客谿流垂釣人請看車馬客行處有風塵

詠牀

李嶠

傳聞有象牀嚙昔獻君王玳瑁千金起珊瑚七寶粧桂筵含柏馥蘭席拂沈香願奉羅帷夜長承秋月光

詠席

避坐承宣父重筵揖戴公桂香浮半月蘭氣襲回風舞拂丹霞上歌清白雪中佇將文綺色舒卷帝王宮

律詩

卷三十二

六十

詠被

桂友尋東閣蘭交聚北堂象筵分錦繡羅薦合鴛鴦光逸偷眠穩王章泣恨長孔懷欣共寢棣萼幾含芳

詠車

天子馭金根蒲輪闢四門五神趨雪至雙轂似雷奔丹鳳棲金轄非熊載寶軒無階忝虛左珠乘奉王言

放船二首

杜甫

送客蒼谿縣山寒雨不開直愁騎馬滑故作泛船一作舟迴青惜峰巒過黃知橘柚來江流大一作翠自在坐穩興

悠哉

收帆下急水卷幔逐迴灘江市戎戎暗山雲淅淅寒荒村一作林無徑入獨鳥恠人看已泊城樓底何曾夜色關

覆舟二首

巫峽盤渦曉黔陽貢物秋丹砂同隕石翠羽共沈舟羈使空斜影龍宮闕積流篙工幸不溺俄頃逐輕鷗

竹官時望拜桂館或求仙姪女凌波日神光照夜年徒聞斬蛟劍無復震犀船使者隨秋色迢迢獨上天

詠舟

李嶠

征棹三江暮連橋萬里迴相鳥風際轉畫獨浪前開羽客乘霞至仙人弄月來何當同俾說特展巨川材

律詩

卷三十二

六十一

賦得出水槎

擬碧池侍宴應制

武三思

彼水生何代爲槎復幾年欲乘銀漢曲先泛玉池邊擁溜根橫岸沈波影倒懸無勞問蜀客此處卽高天

唐詩所第三十二卷終

唐詩所第三十三卷 律詩

前集

收京 四首

杜甫

仙仗離丹極妖星照一一作玉除須爲下殿走不可好樓

居一作得非羣盜暫居汾陽駕聊飛燕將書依然七廟

畧更與萬方初

生意甘衰白天涯正寂寥忽聞哀痛詔又下聖明朝羽

翼懷商老文思憶帝堯叨逢罪已日霑洒望青霄

汗馬收宮闕春城鏖賊壕賞應歌杖杜歸及薦櫻桃雜

虜橫戈數功臣甲第高萬方頻送喜無乃聖躬勞

復道收京邑兼聞殺犬戎衣冠却扈從車駕一作馬已還

律詩 五言

卷三十三

宮剋復誠如此安危一作扶持在數公莫令回首地慟哭起

悲風

喜達行在所 三首

西憶岐陽信無人遂却迴眼穿當落日心死著寒灰霧

樹行相引蓮峯望忽開所親驚老瘦辛苦賊中來

愁思胡笳夕淒涼漢苑春生還今日事閒道暫時人司

隸章初覩南陽氣已新喜心翻倒極鳴咽淚沾巾

死去憑誰報歸來始自憐猶瞻太白雪喜遇武功天影

靜千官裏心蘇七校前今朝漢社稷新數中興年

至德二載甫自京金光門出間道歸鳳翔乾元初

從左拾遺移華州掾與親故別因出此門有悲往

事

此道昔歸順西郊胡正煩至今猶一作發破膽應一作情有

未招魂近侍一作得歸京邑移官豈一作遠至尊無才日衰

老駐馬望千門

王命

漢北豺狼滿巴西道路難血埋諸將甲骨斷使臣鞍牢

落新燒棧蒼茫舊築壇深懷喻蜀意慟哭望王官

提封

提封漢天下萬國門同心借問懸車守何如儉德臨時

律詩 五言

卷三十三

徵俊父入草竊一作莫應犬羊侵願戒兵猶火恩加四海深

洛陽

洛陽昔陷沒胡馬犯潼關天子初愁思都人慘別顏清

船去宮闕翠蓋出關山故老仍流涕龍髯幸再攀

警急

才名舊楚將妙略擁兵機玉壘雖傳檄松州會解圍和

親知計拙公主漫無歸青海今誰得西戎實飽飛

夕烽

夕烽來不近每日報平安塞上傳光小雲邊落點殘照

秦通警急過隴自艱難聞道蓬萊殿千門立馬看

卽事

聞道花門破和親事却非人憐漢公主生得渡河歸秋  
思拋雲髻一作腰支腰支賸寶衣羣凶猶索戰回首意多違

征夫

十室幾人在千山空自多路衢唯見哭城市不聞歌漂  
梗無安地銜枚有荷戈官軍未通蜀吾道竟如何

歷歷

歷歷開元事分明在眼前無端賊盜起忽已歲時遷巫  
峽西江外秦城北斗邊爲郎從白首臥病數秋天

宿昔

律詩 五言

卷三十三

三

宿昔青門裏蓬萊仗數移花嬌迎襍樹龍喜出平池落  
日留王母微風倚少兒宮中行樂秘少有外人知

洞房

洞房環珮冷玉殿起秋風秦地應新月龍池滿舊宮繁  
舟今夜遠清漏往時同萬里黃山北園陵白露中

鬪雞

鬪雞初賜錦舞馬旣登牀簾下宮人出樓前御柳長仙  
遊終一闕女樂久無香寂寞驪山道清秋草木黃

能畫

能畫毛延壽校畫郭舍人每蒙天一笑復以一作物皆

春政化平如水皇恩斷若神時時用抵巇亦未雜一作離  
風塵

有感 五首

將帥蒙恩澤兵戈有歲年至今勞聖主何以報皇天白  
骨新交戰雲臺舊拓邊乘槎斷消息無處覓張騫

幽薊餘蛇豕乾坤尚虎狼諸侯春不貢使者日相望慎  
勿吞青海無勞問越裳大君先息戰歸馬華山陽

洛下舟車入天中貢賦均日聞紅粟腐寒待翠華春莫  
取金湯固長令宇宙新不過行儉德盜賊本王臣

丹桂風霜急青梧日夜凋由來強幹地未有不臣朝受  
律詩 五言 卷三十三 四

鉞親賢往卑官制詔遙終依古封建豈獨聽蕭韶  
胡滅人還亂兵殘將自疑登壇名絕假報主爾何遲領

郡輒無色之官皆有詞願聞哀痛詔端拱問瘡痍

奔亡道中 二首

李白

函谷如玉關幾時可生還洛川爲易水嵩岳是燕山俗  
變羌胡語人多沙塞顏申包唯慟哭七日鬚毛斑

淼淼望湖水青青蘆葉齊歸心落何處日沒大江西歇  
馬傍春草欲行遠道迷誰忍子規鳥連聲向我啼

避地

杜甫

避地歲時晚鼠身筋骨勞詩書逐牆壁奴僕且旌旄行

在僅聞信此生隨所遭神堯舊天下會見出腥臊

自閬州領妻子却赴蜀山行三首

汨汨避羣盜悠悠經十年不成向南國復作遊西川物  
役水虛照魂傷山寂然我生無倚著盡室畏途邊

長林偃風色迴復意猶迷衫裏翠微潤馬銜青草嘶棧

懸斜避石橋斷却尋谿何日兵戈盡飄飄媿老妻

行色遞隱見人煙時有無僕夫穿竹語稚子入雲呼轉

石驚魑魅抨弓落狄廳直供一笑樂似欲慰窮途

卜居

歸美遯東鶴吟同楚執珪未成遊碧海著處見丹梯雲

律詩五言

卷三十三

五

障寬江北春耕破瀼西桃紅客若至定似昔一作人述

自瀼西荆扉且移居東屯茅屋四首

白鹽危嶠北赤甲古城東平地一川穩高山四面同煙

霜淒野日秔稻熟天風人事傷蓬轉吾將守桂叢

東屯復瀼西一種任青谿來往皆茅屋淹留爲稻畦市

喧宜近利林僻此無蹊若訪衰翁語須令賸客迷

道北馮都使高齋見一川子能渠細石吾亦沼清泉枕

帶還相似柴荆卽有焉斫會應費日解纜不知年

牢落西江外參差北戶間久遊巴子國卧病楚人山幽

獨移佳境清深隔遠關寒空見鷓鴣回首憶朝班

移居夔州郭

伏枕雲安縣遷居白帝城春知催柳別江與放船清農  
事聞人說山光見鳥情禹功饒斷石且就土微平

移居公安山館

南國畫多霧北風天正寒路危行木杪身遠宿雲端山  
鬼吹燈滅厨人語夜闌雞鳴問前館世亂敢求安

入宅三首

奔峭背赤甲斷崖當白鹽客居愧遷次春色漸多添花

亞欲移竹鳥窺新卷簾衰年不敢恨勝槩欲相兼

亂後居難定春歸客未還水生魚復浦雲煖麝香山半

律詩五言

卷三十三

六

頂梳頭白過眉拄杖斑相看多使者一一問函關

宋玉歸州宅雲通白帝城吾人淹老病旅食豈才名峽

口風常急江流氣不平只應與兒子飄轉任浮生

暫住白帝復還東屯

復作歸田去猶殘穫稻功築場憐穴蟻拾穗許村童落

杵光輝白除芒子粒紅加餐可扶老倉庾慰飄蓬

東屯北嶗

盜賊浮生困誅求異俗貧空村唯見鳥落日未逢人步

壑風吹面看松露滴身遠山回白首戰地有黃塵

城上

草蒲巴西綠空城白日長風吹花片片春動一作水茫

茫八駿隨天子羣臣從武皇遙聞出巡狩早晚遍遐荒

出郭

霜露晚淒淒高天逐望低遠煙鹽井上斜景雪峯西故國猶兵馬他鄉亦鼓鼙江城今夜客還與舊鳥啼

地隅

江漢山重阻風雲地一隅年年非故物處處是窮途喪亂秦公子悲涼楚大夫平生心已折行路日荒蕪

雲山

京洛雲山外音書靜不來神交作賦客力盡望鄉臺衰

律詩 五言

卷三十三

七

疾江邊臥親朋日暮迴白鷗元水宿何事有餘哀

江山 一作林寬

帶號乞兵急英雄陷賊圍江山猶未靜魚鳥欲何歸城露桑榆盡時平老幼稀書從戰後得讀竟血盈衣

西山 三首

夷界荒山頂蕃州積雪邊築城依白帝轉粟上青天蜀將分旗鼓羌兵助鎧鋌西南背和好殺氣日相纏

辛苦三城戍長防萬里秋烟塵侵火井雨雪閉松州風動將軍幕天寒使者裘漫山賊營壘回首得無憂

子弟猶深入關城未解圍蠶崖鐵馬瘦灌口米船稀辯

士安邊策元戎決勝威今朝烏鵲喜欲報凱歌歸

巴山

巴山遇中使云自陝城來盜賊還奔突乘輿恐一作未回天寒召伯樹地濶望仙臺狼狽風塵裏一作羣臣安在哉

江漢

江漢思歸客乾坤一腐儒片雲天共遠永夜月同孤落日心猶壯秋風病欲蘇古來存老馬不必取長途

樓

天地空搔首頻抽白玉簪皇輿三極北身事五湖南戀

律詩 五言

卷三十三

八

關勞肝肺榆材愧杞柁亂離難自救終是老湘潭

不離西閣 二首

江柳非時發江花冷色頻地偏應有瘴臘近已含春失學從愚子無家任老身不知西閣意肯別定留人

西閣從人別人今亦故亭江雲飄素練石壁斷空青滄海先迎日銀河倒列星平生耽勝事吁駭始初經

一室

一室他鄉遠空林暮景懸正愁聞塞笛獨立見江船巴蜀來多病荆蠻去幾年應同王粲宅畱井峴山前

屏跡 二首

用拙存吾道幽居近物情桑麻深雨露燕雀半生成村  
鼓時時急漁舟箇箇輕杖藜從白首心迹喜雙清  
晚起家何事無營地轉幽竹光團野色含影漾江流失  
學從兒嬾長貧任嬾愁百年渾得醉一月不梳頭

畏人

早花隨處發春鳥異方啼萬里清江上三年落日低畏  
人成小築福性合幽棲門逕從榛草無心待馬啼

寓目

一縣蒲萄熟秋山苜蓿多關雲常帶雨塞水不成河羌  
女輕烽燧胡兒制一作駱駝自傷遲暮眼喪亂飽經過

律詩五言

卷三十三

九

獨坐

三首

悲秋回白首倚杖背孤城江斂渚洲出天虛風物清滄  
溟恨衰謝朱紱負平生仰羨黃昏鳥投林羽翮輕  
竟日雨冥冥雙崖洗更青水花寒落岸山鳥暮過庭煖  
老須燕玉充饑憶楚萍胡笳在樓上哀怨不堪聽  
白狗斜臨北黃牛更在東峽雲常照夜江日會兼風曬  
藥安垂老應門試小童亦知行不逮苦恨耳多聾

愁坐

高齋常見野愁坐更臨門十月山寒重孤城水氣昏  
萌氏種迥左擔犬戎屯終日憂奔走歸期未敢論

獨立

空外一鷺鳥河間雙白鷗飄飄搏擊便容易往來遊草  
露亦多濕蛛絲仍未收天機近人事獨立萬端憂

不寐

瞿塘夜水黑城內改更籌翳翳月沈霧輝輝星近樓氣  
衰甘少寐心弱恨容愁多壘蒲山谷桃源無處求

早起

春來常早起幽事頗相關帖石防頽岸開林出遠山一  
丘藏曲折緩步有躋攀童僕來城市餅中得酒還

徐步

整履步青蕪荒庭日欲晡芹泥隨燕觜花蘂上蜂鬚把  
酒從衣濕吟詩信杖扶敢論才見忌實有醉如愚

倚杖

看花雖郭外倚杖卽谿邊山縣早休市江橋春聚船狎  
鷗輕白浪歸鴈喜青天物色兼生意淒涼憶去年

有歎

壯心久零落白首寄人間天下兵常閫江東客未還窮  
猿號雨雪老馬望一作怯關山武德開元際蒼生豈重攀

漫成

二首

野日荒荒白春流泯泯清渚蒲隨地有村逕逐門成只

作披衣慣常從漉酒生眼邊無俗物多病也身輕  
江臯已仲春花下復清晨仰面貪看鳥迴頭錯應人讀  
書難字過貫酒滿壺頻近識峨眉老知余懶是真

長吟

江渚翻鷗戲官橋帶柳陰江飛競渡日草見踏青心已  
撥形骸累真爲爛熳深賦詩新句穩不覺自長吟

散愁二首

久客宜旋旆興王未息戈蜀星陰見少江雨夜聞多百  
萬傳深入寰區望匪他司徒下燕趙收取舊山河  
聞道并州鎮尚書訓士齊幾時通薊北當日報關西戀

律詩

卷三十三

十一

闕丹心破霑衣皓首帝老覓招不得歸路恐長迷

遣憤

聞道花門將論功未盡歸自從收帝里誰復總戎機蜂  
蠆終懷毒雷霆可震威莫令鞭血地再濕漢臣衣

遣憂

亂離知又甚消息苦難真受諫無今日臨危憶古人紛  
紛乘白馬攘攘著一作黃巾隋氏留宮室焚燒何太頻

遣懷

愁眼看霜露寒城菊自花天風隨斷柳客淚墮清笳水  
淨樓陰直山昏塞日斜夜來歸鳥盡啼殺後棲鴉

遣興

干戈猶未定弟妹各何之拭淚霑襟血梳頭滿面絲地  
卑荒野大天遠暮江遲衰疾那能久應無見汝期

遣意二首

嚙枝黃鳥近泛渚白鷗輕一逕野花落孤村春水生衰  
年催釀黍細雨更移橙漸喜交遊絕幽居不用名  
簷影微微落津流脉脉斜野船明細火宿鴈聚一作圓  
沙雲掩初弦月香傳小樹花鄰人有美酒稚子也亦  
能除

水檻遣心二首

律詩

卷三十三

十二

去郭軒楹敞無村眺望賒澄江平少岸幽樹晚多花細  
雨魚兒出微風燕子斜城中十萬戶此地兩三家  
蜀天常夜雨江檻已朝晴葉潤林塘密承乾枕席清不  
堪祗老病何得尚浮名淺把涓涓酒深憑送此生

謫居一作劉長卿

劉復

何事長沙謫相逢楚水秋暮帆歸夏口寒雨對巴丘帝  
子椒漿奠騷人木葉愁誰憐萬里外離別洞庭頭

貶樂城尉日作

張子容

竄謫邊窮海川原近惡谿有時聞虎嘯無夜不猿啼地  
暖花長發巖高日易低故鄉可憶處遙指斗牛西



放後遇恩不霑

李白

天作雲與雷霈然德澤開東風日本至白雉越裳來獨棄長沙國三年未許回何時入宣室更問賈生一作洛陽才

題胡楚真禁所

陳子昂

人生固有命天道信無言青蠅十相點白璧遂成冤請室閒逾邃幽庭春未暄寄謝一作韓安國何驚獄吏尊

憲臺出繫寒夜有懷

駱賓王

獨坐懷明發長謠苦未安自應迷北叟誰肯問南冠生死交情異殷憂歲序闌空餘朝夕鳥相伴夜啼寒

咸陽覽古

沈佺期

律詩 五言 卷三十三

十三

咸陽秦帝居千載坐盈虛版築林光盡壇場雷聽疎野橋凝望日山火類焚書唯有驪峰在空聞厚葬餘

臨江亭懷古

五言序曰建業爲都舊矣晉王來此而禮物盡備雖云在德亦云在險京口其地也噫有邦國者有興亡焉自晉及陳五世而咸以今懷古五篇爲詠臨江亭得其勝槩寄以興言雖未及乎辭士亦其志 儲光義

晉家南作帝京鎮北爲關江水中分地城樓下帶山金陵事已往青蓋理無還落日空亭上愁看龍尾灣

山橫小花前路盡大江邊此地興王業無如宋主賢潮生建業水風散廣陵煙直望清波裏祇言別有天

城頭落暮暉城外搗秋衣江水青雲抱蘆花白雪飛南

州王氣疾東國海風微借問商歌客年年何處歸

古木嘯寒禽層城帶夕陰梁園多綠柳楚岸盡楓林山際空爲險江流長自深平生何以恨天地本無心

京山千里過孤憤望中來江勢將天合城門向水開落霞明楚岸夕露濕吳臺去去無相識陳皇安在哉

金陵懷古 三首

李白

晉家南渡日此地舊長安地卽帝王宅山爲龍虎盤一作碧宇樓臺滿 金陵空壯觀天塹一作江寒淨波瀾醉客迴橈

去吳歌且自歡一作誰云行路難

地擁金陵勢城迴江一作漢水流當時百萬戶夾道起朱

律詩 五言 卷三十三

十四

樓亡國生春草王宮沒古丘空餘後湖月波上對瀛洲

六代興亡國三杯爲爾歌花方秦地小一作少山似洛陽

多古殿吳花草深宮晉綺羅併隨人事滅東逝只一作與

滄波

牛渚懷古

牛渚西江夜青天無片雲登舟望秋月空憶謝將軍余亦能高詠斯人不可聞明朝挂帆席一作洞庭去楓葉落

正紛紛

武昌懷古

陪宋中丞夜飲作

清景南樓夜風流在武昌庾公愛秋月乘興坐胡牀龍笛吟寒水天河落曉霜我心還不淺懷古醉餘觴

峴山懷古

孟浩然

人事有代謝往來成古今江山留勝跡我輩復登臨水落魚梁淺天寒夢澤深羊公碑字一作尚在讀罷淚沾襟

公安縣懷古

杜甫

野曠呂蒙營江深劉備城寒天催日短風浪與雲平灑落君臣契飛騰戰伐名維舟倚前浦長嘯一含情

巫山懷古

巫山之陽香谿之陰明妃神女舊跡存焉

蔣列

神女歸巫峽明妃入漢宮揚衣餘石在薦枕舊臺空行律詩五言卷三十三十五

雨有時度谿流何日窮至今詞賦裏悽愴寫遺風

前題

劉方平

神女藏難識巫山秀莫羣今宵送微雨昨日作孤雲散漫愁巴峽徘徊戀楚君高唐遺觀在春樹幾氛氲

瞿塘懷古

杜甫

西南萬壑注劼敵兩崖開地與山根裂江從月窟來削成當白帝空曲隱陽臺疏鑿功雖美陶鈞力大哉

石鏡懷古

蜀王將此鏡送死置空山冥寞一作寂憐香骨提攜近玉顏衆妃無復歎千騎亦虛還獨有傷心石埋輪月宇間

禹廟

禹廟空山裏秋風落日斜荒庭垂橘柚古屋畫龍蛇雲氣生虛壁江聲走白沙早知乘四載疏鑿控三巴

過老子廟

玄宗

仙居懷聖德靈廟肅神心草合人蹤斷塵濃鳥跡深流沙丹龜沒關路紫煙沈獨傷千載後空餘松栢林

湘夫人祠

杜甫

蕭蕭湘妃廟空牆碧水春蟲書玉珮薜蘿舞翠帷塵晚泊汀樹微馨借渚蘋蒼梧恨不盡一作淺淚染在叢筠

謁啟母祠

崔曙

律詩五言卷三十三十六

闕宮凌紫微芳草閉閒扉帝子復何在王孫遊不歸春風鳴玉珮暮雨拂靈衣豈但湘江口能令懷二妃

緱山廟

宋之問

王子賓仙去飄飄笙鶴飛徒聞滄海變不見白雲歸天路何其遠人間此會稀空歌日云暮霜月漸微微

前題

崔曙

遺廟蕭陰陰孤峯映綠林步隨仙路遠意入道門深澗水流年月山雲變古今祇聞風竹裏猶有鳳笙音

經魯祭孔子而嘆之

玄宗

夫子何爲者栖栖一代中地猶鄆氏邑宅卽魯王宮歎

鳳嗟身否傷麟怨道窮今看兩廬莫當與夢時同

奉和

張說

孔聖家鄒魯儒風藹典墳龍驂迴舊宅鳳德詠餘芬入

室神一作如在升堂樂似聞懸知一王法今日待明君

奉和

張九齡

孔丘一作門太山下不見登封時徒有先王法今爲明王

思恩加萬乘幸禮致一牢祠舊宅千年外光華空在茲

文翁講堂

盧照隣

錦里淹中館岷山稷下亭空梁無燕雀古壁有丹青槐

落猶疑市苔深不辨銘良哉二千石江漢表遺靈

律詩五言

卷三十三

十七

相如琴臺

聞有雍容地千年無四隣園院風煙古池臺松檟春雲

疑作賦客月似聽琴人寂寂啼鶯處空傷遊子神

前題

杜甫

茂陵多病後尚愛卓文君酒肆人間世琴臺日暮雲野

花留寶曆蔓草見羅裙歸鳳求凰意寥寥不復聞

題沈隱侯八詠樓

崔顥

梁日東陽守爲樓望越中綠牕明月在青史古人空江

靜聞山依川長數塞鴻登臨白雲晚流恨此遺風

過度信宅

張說

蘭城追宋玉舊宅偶詞人筆湧江山氣文驕雲雨神包  
胥非救楚隨會友畱秦獨有東陽守來嗟古樹春

登宣城謝朓北樓

李白

江城如畫裏山晚望晴空兩水夾明鏡雙橋落彩虹人

煙寒橘柚秋色老梧桐誰念北樓上臨風懷謝公

登謝公亭

謝亭一作離別處風景每生愁客散青天月山空碧水

流池花春映日牕竹夜鳴秋今古一相接長歌懷舊遊

驪山

杜甫

驪山絕望幸花萼罷登臨地下無朝燭人間有賜金鼎

律詩五言

卷三十三

十八

湖龍去遠銀海鴈飛深萬歲蓬萊日長懸舊羽林

登滕王亭子

寂寞春山路君王不復行古牆猶竹色虛閣自松聲鳥

鵲荒村暮雲霞過客情尚思歌吹入千騎把霓旌

幸秦始皇陵

中宗

睿言君失德驪邑想秦餘政煩方改篆愚俗乃焚書阿

房久已滅閣道遂成墟欲厭東南氣翻傷掩鮑車

過始皇墓

王維

古墓成蒼嶺幽宮象紫臺星辰七曜隔河漢九泉開有

海人寧渡無春鴈不迴更聞松韻切疑是大夫哀

王龍驤墓

賈彦璋

昔擅登壇寵爰光  
典午朝刀懸臨益  
夢龍啓渡江  
謠茂績當年舉英  
竟此地銷唯餘  
孤隴上日夕起  
松飈

過長寧公主舊山池

丁仙芝

平陽舊池館寂寞  
使人愁座卷流黃  
簾簾垂白玉鈎  
庭間花自落門閉  
水空流追想吹簫  
處應隨仙鶴一作騎遊

過史正議宅

宋之問

舊交此零落雨一作雪泣訪遺塵  
劍几傳好事池臺  
傷故人國香蘭已  
歇里樹橘猶新不  
見吳中隱空餘江  
海濱

過宋員外之問舊莊

杜甫

律詩 五言

卷三十三

十九

宋公舊池館零落  
首陽阿枉道祗從  
入吟詩許更過淹  
留問耆老寂寞向  
山河更識將軍樹  
悲風日暮多

過故斛斯校書莊 二首

此老已云歿鄰人  
嗟未一作休竟無宣室  
召徒有茂陵求妻  
子寄他食園林非  
昔遊空餘總帷一作遺總在淅淅野

風秋

燕入非傍舍鷗歸  
祗故池斷橋無復  
板臥柳自生枝遂  
有山陽作多慙鮑  
叔知素交零落盡  
白首淚雙垂

過故人任處士書齋

駱賓王

神交尚投漆虛室  
罷遊蘭網積牕文  
亂苦深履迹殘雪

明書帳冷水靜墨池寒獨此琴臺上一作夜流水爲誰彈

尋陳逸人故居

孟浩然

人事一朝盡荒蕪  
三徑休始聞漳浦  
臥奄作岱宗遊池  
水猶含一作通墨風一作山雲已落秋  
今宵一作朝泉壑裏何處覓藏舟

題空屋 十月十四日夜

李白

朝從空屋裏騎馬  
入空臺盡日推閒  
事還歸空屋來月  
明穿暗隙燈燼落  
殘灰更想咸陽道  
魂車昨夜回

閬州別房太尉墓

杜甫

他鄉復行役駐馬  
別孤墳近淚無乾  
土低空有斷雲對

律詩 五言

卷三十三

二十

棋陪謝傳把劍覓  
徐君唯見林花落  
鶯啼送客聞對酒  
憶賀監二首序曰太子賓客賀公於長安崇極宮一見余呼余爲謫仙人因解金龜換酒爲樂後對酒悵然有懷李白

而作是詩

四明有狂客風流  
賀季真長安一相  
見呼我謫仙人昔  
好杯中物今爲松  
下塵金龜換酒處  
却憶淚沾巾

狂客歸四明山陰  
道士迎敕賜鏡湖  
水爲君臺沼榮人  
亡餘故宅空有荷  
花生念此杳如夢  
悽然傷我情

懷舊

杜甫

地下蘇司業親情  
獨有君那因喪亂  
後便有死生分老  
罷知明鏡悲來望  
白雲自從失詞伯  
不復更論文

不歸

河間尚征伐汝骨在空城從弟人皆有終身恨不平數  
金憐俊邁總角愛聰明面上三年土春風草又生

聞高常侍亡

歸朝不相見蜀使忽傳亡虛歷金華省何殊地下郎致  
君丹檻折哭友白雲長獨步詩名在祗令故舊傷

聞故房相公靈輓自閬州啟殯歸葬東都作

遠聞房太守一作歸葬陸渾山一德興王後孤冤久客  
間孔明多故事安石竟崇班他日嘉陵淚一作仍霑楚

水還

律詩五言

卷三十三

二十一

丹旄飛飛日初傳發閬州風塵終不解江漢忽同流劍  
動親身匣書歸故國樓盡哀知有處為客恐長休

重哭李尚書

涕泗一作不能收哭君餘白頭兒童相顧盡宇宙此生

浮江兩銘旌濕湖風井逕秋還瞻魏太子賓客減應劉

哭僕射鄂公楊再思

趙彥昭

兩揆光天秩三朝奉帝熙何言集大鳥忽此喪元龜坐  
歎公槐落行聞宰樹悲一作整舟今已去寧有濟川期

一作時

前題

李义

端揆凝邦績台階闡國猷方崇大厦棟忽逝巨川舟白

日銘安在清風頌獨留死生恩命畢零落掩山丘

哭嚴僕射歸輓

杜甫

素幔隨流水歸舟返舊京老親如宿昔部曲異平生風  
送蛟龍雨天長驃騎營一哀三峽暮遺後見君情

哭李常侍嶧

二首

一代風流盡修文地下深斯人不重見將老失知音短

日行梅嶺寒山落桂林長安若箇畔猶想映貂金

青瑣陪雙入銅梁阻一辭風塵逢我地江漢哭君時次

第尋書札呼兒檢贈詩發揮王子表不愧史臣辭

律詩五言

卷三十三

二十二

哭長孫侍御

道為詩書重名因賦頌雄禮闈曾擢桂憲府舊乘驄流  
水生涯盡浮雲世事空唯餘舊臺柏蕭瑟九原中

在隴頭哭潘學士

褚亮

隴底嗟長別流襟一慟君何言幽咽所更作死生分轉

蓬飛不息悲松斷更聞誰能駐征馬回首望孤墳

宣城哭蔣徵君華

李白

敬亭埋玉樹知是蔣徵君果一作得相如草惟一作餘

封禪文池臺空有月詞賦舊凌雲獨挂延陵劍千秋在

古墳

自溧水道哭王炎

王家碧瑤樹一樹忽先摧海內故人泣天涯弔鶴來未  
成霖雨用先失一作天濟川材一罷廣陵散鳴琴更不開

傷裴錄事喪子

王勃

蘭塔霜候早松路旁一作夜臺深魄散珠胎沒芳銷玉樹

沈露文晞宿草煙照慘平林芝焚空歎息流恨滿簾金

代張侍御傷美人

杜審言

二八泉扉掩帷屏寵愛空淚痕銷夜燭愁緒亂春風巧  
笑人疑在新粧曲未終應憐脂粉氣猶着舞衣中

傷遼東戰亡

太宗

律詩五言

卷三十三

二十三

鑿門初奉律仗戰始臨戎振鱗方躍浪騁翼正凌風未  
展六奇術先虧一簣功防身豈乏智徇命有餘忠

咏女子溺死江上

李白

二八誰家女飄來倚岸蘆鳥窺眉上翠魚弄口傷朱綠  
鬢隨波散紅顏逐浪無何因逢伍伯應是想秋胡

孝敬皇帝挽歌

上元二年太子弘薨劉禕追謚為孝敬皇帝

戒奢虛蜃輅錫號紀鴻名地叶蒼梧野途經紫聚城重  
照掩寒色晨飈斷曙聲一隨仙驥遠霜雪愁陰生

孝和皇帝挽歌

賈曾

新命千齡啓鴻圖累聖餘天行應潛曜帝出受圖書禮

若傳堯舊功疑復夏初夢遊長不返何國是華胥

讓帝輓歌

盧僊

泰伯玄風遠延州德讓行闔棺追大節樹羽冊鴻名地  
戶迎天仗皇階失帝兄還聞漢明王遺解一作解劍泣東平

惠文太子挽歌

二首

張說

碣館英靈在瑤山美謚尊剪桐悲曩戲攻玉愴新恩宮  
仗傳馳道朝衣送國門千秋穀門外明月照西園

梁國深文雅淮王愛道仙帝歡同宴日神奪上賓年旒  
旒飛行樹帷宮宿野煙指言君愛弟揮淚滿山川

前題

表璿

律詩五言

卷三十三

二十四

寒仗丹旄引陰堂白日違暗燈明象物畫水濕靈衣羽  
化淮王去仙迎太子歸空餘燕銜土朝夕向陵飛

恭懿太子挽歌

五首肅宗子昭開元九年薨贈恭懿太子

何悟藏環早纔知拜壁年翀天王子去對日聖君憐樹  
轉宮猶出笳悲馬不前雖蒙絕馳道京兆別開阡

蘭殿新悲切椒宮夕臨幽白雲隨鳳管明月在龍樓人

向青山哭天臨渭水愁雞鳴常問膳今恨玉京留  
騎吹凌霜發旌旗夾路陳凱容金節護冊命玉符新傳

母悲香祿君家擁畫輪射熊今夢帝秤象問何人

蒼舒留帝寵子晉有仙才五歲過人智三天使鶴催心

悲陽祿館目斷望思臺若道長安近何爲更不來

西望昆池濶東瞻下杜平山朝豫章館樹轉鳳凰城五  
枝連旗色千門疊鼓聲金環如有驗還向畫堂生

成王挽歌

岑參

幽山悲舊桂長坂愴餘蘭地底孤燈冷泉中一鏡寒銘  
旌門客送騎吹路人看漫作琉璃枕淮王誤合丹

梁宣王挽詞三首

宋之問

貴藩堯母族外戚漢家親業重興王際功高復辟辰愛  
賢唯報國樂善不防身今日衣冠送空傷置醴人

金精何日閉玉匣此時開東望連吾子南瞻近帝臺地

律詩五言

卷三十三

二十五

形龜食報墳土燕銜來可歎虞歌夕紛紛騎吹迴

像設千年在平生萬事違絲旗翻葆吹主娶奠靈衣  
日寒無影郊雲凍不飛君王留此地駟馬欲何歸

魯忠王挽詞三首

同盟會五月歸墓出三條日慘咸陽樹天寒渭水橋稍  
看朱鷺轉尚識紫駟驕寂寂泉臺恨從茲罷玉簫  
邦家錫寵光存沒貴忠良遂裂山河地追尊父子王人  
悲槐里月馬踏槿原霜別向天京北悠悠此路長  
樹羽迎朝日撞鐘望早霞故人悲宿草中使慘晨笳氣  
有衝天劍星無犯斗槎唯餘孔公宅長接魯王家

范陽王挽詞二首

賢相稱邦傑清流舉代推公才掩諸夏文體變當時賓  
弔翻成鶴人亡惜喻龜洛陽今紙貴猶寫太冲詞

贈秩一作

徽章洽求書秘草成客隨朝露盡人逐夜舟

驚蒿里衣冠送松門印綬迎誰知楊伯起今日重哀榮

文德皇后挽歌

朱子奢

神京背紫陌綽駟結行軻北去橫橋道西分清渭流寒  
光向壘沒霜氣入松秋今日泉臺路非是濯龍遊

文德皇后挽歌

李百藥

褒徊兩儀殿悵望九成臺玉輦終辭宴瑤篴遂不開野

律詩五言

卷三十三

二十六

曠陰風積川長思鳥來寒山寂已暮虞殯有餘哀

則天皇后挽歌二首

崔融

宵陳虛禁夜夕臨空山陰日月昏尺景天地慘何心紫

殿金鋪澁黃陵玉座深鏡奩長不啓聖主淚沾襟

前殿臨朝罷長陵合葬歸山川不可望文物盡成非陰  
月霾中道軒星落太微空餘天子孝松上景雲飛

章懷太子靖妃挽詞

沈佺期

彤史佳聲載青宮懿範留形將鸞鏡隱魂伴鳳笙遊送  
馬嘶殘日新螢落晚秋不知蒿里曙空見隴雲愁

節義太子楊妃挽歌二首

張說



西華三公族東閣五可才玉環初受慶金玦反逢

殿花空落桐園月自開朝雲將暮雨長繞望思臺  
昔日三朝路逶迤四望車繡腰長命綺隱髻連枝花今  
春戾園樹索然無歲華共傷千載後惟號一王家

高密長公主挽歌

上官儀

湘渚韜靈跡娥臺靜瑞音鳳逐清簫遠鸞隨幽鏡沈霜  
處華英一作落風前銀燭侵寂寞平陽宅月冷洞房深

故高安大長公主挽詞

蘇頌

彤管承師訓青圭備禮容孟孫家代寵元女國朝封柔  
軌題貞順閒規賦肅雍寧知落照盡霜吹入悲松

律詩 五言

卷三十三

二十七

高安公主挽歌 二首

李義

湯沐三千賦樓臺十二重銀鑪稱貴幸王輦盛過蓬姬  
則留中饋娥輝沒下春平陽百歲後歌舞爲誰容

賓衛儼相依橫門啓曙扉

一作

靈陰蟾兔缺仙影鳳凰

飛一水秋難渡三泉夜不歸况臨青女節瑤草更前腓

永泰公主挽歌 二首

吳兢

穠華從婦道登降適諸侯河漢天孫合瀟湘帝子遊關  
雎方作訓鳴鳳自相求可歎凌波迹東川遂不流

舜華徂北渚宸思結南陽盤綬哀榮備遊軒寵悼彰三  
川謀遠日八水宅連岡無復秦樓上吹簫下鳳凰

王清公主挽詞

張謂

學鳳年猶小乘龍日尚賒初封千戶邑忽駕五雲車地  
接金人岸山通一作藏玉女家秋風何太早吹落禁園花

江王太妃挽歌

上官儀

黃鶴悲歌絕椒花清頌餘埃凝寫鄰鏡網結和扉魚銀  
消風燭盡珠滅夜輪虛別有南陵路幽叢臨葉疎

故太常卿贈禮部尚書李公及夫人挽歌 二首

蔣冽

白簡嘗持憲黃圖復尹京能標百郡則威肅一朝清典  
秩崇三禮臨戎振五兵更聞傳世業才子有高名

律詩 五言

卷三十三

二十八

封樹遵同穴生平此共歸鏡埋鸞已去泉掩鳳何飛薤

挽疑笳曲松風思翟衣揚名將寵贈泉路滿光輝

故北平公挽歌

上官儀

木落園林曠庭虛風露寒北里清音絕南陔芳草殘遠  
氣猶標劍浮雲尚寫冠寂寂琴臺晚秋陰入井幹

韋諷公挽歌 二首

張說

五瑞分王國雙珠映后家文飛書上鳳武結箭中蛇出  
豫榮前馬廻鸞表後車袞衣將錫命泉路有光華

國騁雙麒麟庭儀兩鳳凰將星連相位玉樹伴金鄉歌  
舞侯家艷軒裘戚里光安知杜陵下碑版一作已相望

右丞相蘇公挽歌 二首

王宰丹青化春卿禮樂才縑衣傳舊職華袞贈新哀路  
泣羣官送山嘶駟馬迴佳辰無白日賓閣有青苔

一作

門歌出野田冠帶寢窮泉萬事皆身外平生尚目

前西垣紫泥綽東岳白雲篇自惜同聲處從今遂絕絃

張丞相燕公挽歌 二首

孫逖

海內文章伯朝端禮樂英一言與寶運三入濟羣生命

與才相偶年將位不并台星忽已圻流慟軫皇情

甲第三重戟高門四列侯已成冠蓋里更有鳳皇樓人

世方爲樂生涯遽若休空餘掌綸地傳慶百千秋

律詩 五言

卷三十三

二十九

故右散騎常侍舒國公褚公挽詞 蘇頌

陽翟疏豐構臨平演慶源學筵尊授几儒服寵乘軒審

論留中密開陳與上言徂暉一不借空有賜東園

故河南尹岐國公贈工部尚書蘇公挽歌 二首

岑參

河尹恩榮舊尚書寵贈新一門傳畫戟幾世駕朱輪夜

色何時曉泉臺不復春唯餘朝服在金印已生塵

白日扃泉戶青春掩夜臺舊堂階草長空院砌花開山

晚銘旌去郊寒騎吹迴三川難可見應惜庾公才

故太子太師徐公挽歌 四首

王維

功德冠羣英彌綸有大名軒皇用風后傳說是星精就

第優遺老來朝詔不名留侯常辟穀何苦不長生

謀猷爲相國翊贊奉宸輿劔履升前殿貂蟬託後車齊

侯疏土宇漢室賴圖書僻處畱田宅仍纔十頃餘

舊里趨庭日新年置酒辰聞詩鸞渚客獻賦鳳樓人北

闕辭明主東堂哭大臣猶思御朱輅不惜汗車茵

久踐中台座終登上將壇誰言斷車騎空憶盛衣冠風

日咸陽慘笳蕭渭水寒無人當便闕應罷太師官

贈司徒豆盧府君挽詞

蘇頌

寵贈追胡廣親臨比賀循幾聞投劔客多會服總人草

律詩 五言

卷三十三

三十

閉墳將古松陰

一作深

地不春二陵猶可望存歿有忠臣

崔尚書挽詞

張說

相宅隆

一作常

坤寶承家占海封庭中男執鴈門外女乘

龍鳴玉遊三省掄金侍九重一朝賓客散畱劍在青松

戶部尚書崔公挽歌

崔融

八座圖書委三臺章奏盈舉杯常有勸曳履忽無聲市

若荊州罷池如薛縣平空餘濟南劍天子署高名

故刑部李尚書挽詞 三首

張九齡

仙宗出趙北相業起山東明德嘗爲禮嘉謀屢作忠論

經白虎殿獻賦甘泉宮與善今何在蒼生望已空

宿昔三台踐榮華駟馬歸印從青瑣拜輸入紫宸押題  
劔恩方重藏舟事已非龍門不可望感激涕沾衣  
永歎常山寶沈埋京兆阡同盟會五月華表記千年渺  
漫野中草微茫空裏煙共悲人事絕唯對杜陵田

李工部挽歌

三首

張說

錦帳爲郎日金門待詔時楊官先上賦栢殿幾聯詩瞬  
息琴歌斷淒涼簫挽悲那堪灞陵岸迴首望京師  
宅兆西陵上平生雅志從城臨丹關近山望白雲重會  
葬知元伯看碑識蔡邕無由接神理揮涕向青松  
常時好賓客永日對絃歌是夕歸泉下傷心無奈何墓

律詩

五言

卷三十三

三十一

庭人已散祭處鳥來過碑石生苔蘚榮名豈復多

贈工部尚書馮公挽歌

三首

忠鯁難爲事平生盡畏途如弦心自直秀木勢恒孤詔  
葬南陵道神遊北斗樞貴門傳萬石餘慶在雙珠  
爵位題龍旆威儀出鳳城路傍人泣送門外馬嘶迎萬  
事非吾有千悲是世情昔爲稱夏日今也謚冬卿  
宵然長夜臺舉世可哀哉泉戶一朝閉松風四面來石  
碑填駁薛珠服聚塵埃遙望一作誰遼東鶴千年往復迴  
陳州刺史贈兵部尚書韋公挽歌 孫逖  
奕葉金章貴連枝鼎位尊台庭爲鳳穴相府是鵠原世

關空悲命泉幽不返魂惟餘漢臣史經術贊韋門

故僕射裴公挽歌

三首

岑參

盛德資邦傑嘉謀作世程門瞻駟馬貴時仰八龍名罷  
市秦人送還鄉絳老迎莫埋丞相印留著付玄成  
五府瞻高位三台喪大賢禮容還故絳寵贈冠新田氣  
歇汾陰鼎覓飛京兆阡先時劔已沒壠樹久蒼然  
富貴徒言久鄉閭歿後歸錦衣都未着丹旌忽先飛哀  
挽辭秦塞悲笳出帝畿遙知九原上漸覺弔人稀

故西臺侍郎上官公挽歌

李乂

寓內文儒重朝端禮命優立言多啟沃論道盛謀猷顧  
律詩 五言 卷三十三 三十二

日琴安在衝星劔不留徒懷東武祿更掩北原丘

故徐州刺史贈吏部侍郎蘇公挽歌

三首

張九齡

韋玄方繼相荀爽復齊名在貴兼天爵能賢出世卿學  
聞金馬詔神見玉人清藏壑今如此爲山遂不成  
相如只謝病子敬忽云亡豈悟瑤臺雪分彫玉樹行清  
規留草議故事在封章本謂山公啓而今歿始揚  
返葬長安陌秋風簫鼓悲奈何相送者不是平生時寒  
影催年急哀歌助輓遲寧知建旗罷丹旌向京師  
故趙王屬贈黃門侍郎上官公挽詞 二首

宋之問

韋門旌舊德班氏業前書謫去因丞相歸來爲婕妤周  
原鳥相塚越嶺鴈隨車漠漠辭昭代空憐賦子虛  
綠車隨帝子青瑣翊宸機昔枉朝歌騎今虛夕拜關柳  
河懷挽曲薤露濕靈衣一厝窮泉閑雙鸞遂不飛

苗侍中挽歌二首

岑參

攝政朝章重持衡國相尊筆端通造化掌內運乾坤青  
史遺芳清黃樞故事存空悲渭橋路誰對漢皇言  
天子悲元老都人惜上公優賢几杖在會葬市朝空丹  
旒飛斜日清笳怨暮風平生門下客繼美廟堂中

律詩五言

卷三十三

三十三

右常侍集賢院學士徐公挽詞

張說

才美臨淄北名高淮海東羽儀三省遍漁獵五車通玉  
殿孤新楊珠英落舊叢徒懸一寶劍何處訪徐公

崔司業挽歌二首

海岱英靈氣膠庠禮樂資風流清天下人物擅京師疾  
起揚雄賦魂遊謝客詩從今好文主遺恨不同時  
象設存華館威儀下墓田鳳池傷舊草麟史泣遺編帷  
蓋墟煙没于旌隴日懸古來埋玉樹流恨滿山川

韋長史挽詞

崔融

日落桑榆下寒生松柏中冥冥多苦霧切切有悲風京

兆新阡一作扶陽甲第空郭門從此去荆棘漸蒙籠

樂大夫挽詞五首

駱賓王

可歎浮生促吁嗟此路難丘陵一起恨言笑幾時歡蕭  
索郊埏晚荒涼井徑寒誰當門下客獨見有任安  
蒿里誰家地松門何代丘百年三萬日一別幾千秋返  
照寒無影窮泉凍不流居然同物化何處欲藏舟

昔去梅笳發今來薤露晞形勦朝帝闕丹旌背王畿城

郭猶疑是原陵稍覺非九京如可作千載與誰歸

一旦先朝菌千秋掩夜臺青烏新兆去白馬故人來草

露當春泣松風向暮哀寧知荒壠外弔鶴自徘徊

律詩五言

卷三十三

三十四

忽見泉臺路猶疑水鏡懸何如開白日非復覩青天華

表迎千歲幽局送百年獨嗟流水引長掩伯牙弦

丹陽刺史挽詞三首

百齡嗟倏忽一旦附山阿丹桂銷已一作盡青松哀更

思一作多薰風思一作聽曲薤露反成歌自有藏舟處誰

憐隙駟過

惻愴恒山羽留連棗幕篇佳城非舊日京兆卽新阡城

郭三千歲丘陵幾萬年唯餘松柏壠朝夕起寒煙

短歌三獻曲長夜九泉臺此室玄扃掩何年白日開荒

郊疎古木寒隧積陳亥獨此傷心地松聲薄暮來

故西河郡杜太守挽歌 三首

王維

天上去西征雲中護北平生擒白馬將連破黑鵬城忽

見芻靈苦徒聞竹使榮空留左氏傳誰繼卜商名

返葬金符守同歸石郭妻卷衣悲畫翟持髮待鳴雞容

衛都人慘山川駟馬嘶猶聞隴上客相對哭征西

塗芻去國門祕器出東園太守留金印夫人罷錦軒旌

旄轉衰木簫鼓上寒原墳樹應西靡長思魏闕恩

河西太守杜公挽歌 四首

岑參

蒙叟悲藏壑殷宗惜濟川長安非舊日京兆是新阡黃

霸官猶屈蒼生望已愆唯餘卿月在留向杜陵懸

律詩 五言

卷三十三

三十五

鼓角城中出墳塋郭外新雨隨思太守雲從送夫人蒿

里埋雙劍松門閉萬春回瞻北堂上金印已生塵

憶昨明光殿新承天子恩剖符移北地授鉞領西門塞

草迎軍幕邊雲拂使軒至今聞隴外戎虜尚亡魂

漫漫澄波闊沈沈大厦深秉心常匪席一作行義每揮

金汲引窺蘭室招攜入翰林多君有令子猶注世人心

馬武騎挽歌 二首

李嶠

五日皆休沐三泉獨不歸池臺金闕是樽酒瑤筵非巷

靜遊禽入門閒過客稀唯餘昔年鳳尚繞故樓飛

昔下天津館嘗過帝子家夜傾金屋酒春舞玉臺花試

馬依紅埒吹簫弄紫霞誰言東郭路翻在北門車

故武衛將軍挽詞 三首

杜甫

嚴警當寒夜前軍落大星壯夫思敢決哀詔惜精靈王

者今無戰書生已勒銘封侯意疎闊編簡爲誰青

舞劍過人絕鳴弓射獸能鉅鎗行愜順猛噬失躊躇赤

羽千夫膳黃河十月冰橫行沙漠外神速至今稱

哀挽青門去新阡絳水遙路人紛雨泣天意颯風颺部

曲精仍銳匈奴氣不驕無由覩雄畧大樹日蕭蕭

秦州薛都督挽詞

崔湜

十里絳山幽千年汾水流碑傳門客建劔是故人留隴

律詩 五言

卷三十三

三十六

樹煙含夕山門月照秋古來鍾鼎盛共盡一蒿丘

眉州康司馬挽歌

張九齡

家受專門學人稱入室賢劉楨徒有氣管輅獨無年謫

去長沙國魂歸京兆阡從茲匣中劔埋沒罷衝天

武三思挽歌

李嶠

玉匣金爲縷銀鈎石作銘短歌傷薤曲長暮泣松楸事

往昏朝霧人亡折夜星忠賢良可惜圖畫入丹青

徐高御挽歌

張說

蒲密遙千載鳴琴始一追公卿傳世範仁義續靈基不

待南遊祿何先北帝期玉棺從此閉金鼎代相欺

天官崔侍郎夫人盧氏挽歌

李嶠

寵服當年盛芳魂此地窮劒飛龍匣在人去鵲巢空簾  
愴孤生竹琴哀半死桐唯當青史上千載仰殯風

前題

沈佺期

偕老言何謬香魂事未違潘魚從此隔陳鳳宛然飛埋  
鏡泉中暗藏鎗地下微猶憑少君術彷彿觀容輝

吏部達奚侍郎夫人寇氏挽詞

二首 王維

束帶將朝日鳴環映牖辰能令諫明主相勸識賢人遺  
挂空留壁廻文日覆塵金蠶將畫柳何處更知春

女史悲彤管夫人罷錦軒卜筮占二室行哭度千門秋

律詩

五言 卷三十三

三十七

日光能淡寒川波自翻一朝成萬古松柏暗平原

前題

李頎

存歿令名傳青青松柏田事姑稱孝婦生子繼先賢露  
濕銘旌重風吹鹵簿前陰堂從此閉誰誦女師篇

韓員外夫人清河縣君崔氏挽歌

二首

岑參

令德當時重高門舉世推從夫榮已絕封邑寵難追陌  
上人皆惜花間鳥亦悲仙郎看隴月猶憶畫眉時  
遽聞傷別劍忽復歎藏舟燈冷泉中夜衣寒地下秋青  
松弔客淚丹旌路人愁徒有清河在空悲逝水流

西河郡太原守張夫人挽歌

鵲印慶仍傳魚軒寵莫先從夫元凱貴訓子孟軻賢龍  
是雙歸日鸞非獨舞年哀容今共盡悽愴杜陵田

程將軍夫人挽詩

徐安貞

琴瑟調雙鳳和鳴不獨飛正歌春可樂行泣露先晞環  
珮聲猶在房櫳夢不歸將軍休沐日誰勸着新衣

故程將軍南陽郡夫人樊氏挽歌

孫逖

德配程休甫名高魯季姜寵榮蒼玉珮宴夢鬱金堂白  
日期偕老幽泉忽悼亡國風猶在詠江漢近南陽

前題

王維

律詩

五言 卷三十三

三十八

錦衣餘翟茀繡轂罷魚軒淑女詩長在夫人法尚存凝  
笳隨曉旆行哭向秋原歸去將何見誰能返戟門

故榮陽君蘇氏挽歌詞

三首

張九齡

門緒公侯列嬪風詩禮行松蘿方有寄桃李忽無成劒  
去雙龍別雛哀九鳳鳴何言嶧山樹還似半心生

永歎芳魂斷行看草露滋二宗榮盛日千古別離時竟  
罷生芻贈空留畫扇悲容車候曉發何歲是歸期

縞服紛相送玄扃翳不開更悲泉火滅徒見柳車廻舊  
室容衣奠新坐拱樹栽唯應月照簾潘岳此時哀

鄭國夫人挽歌

趙良器

淑德延公冑宜家接帝姻桂宮男掌僕蘭殿女昇嬪恩澤昭前命盈虛變此辰百年今已矣彤管列何人

律詩五言

卷三十三

三十九

唐詩所第三十三卷終

唐詩所第三十四卷

律詩

前集

謁大慈恩寺

高宗

日宮開萬仞月殿聳千尋花蓋飛團圓一作影幡虹曳曲陰霞綺遙籠帳叢珠細網林寥廓煙雲表超然物外心

奉和

許敬宗

鳳闕隣金地龍旂拂寶臺雲楣將葉並風牖送花來月宮清晚桂虹梁絢早梅梵境留宸矚撥發麗天才

幸少林寺

應制

宋之問

紺宇橫天室迴鑾指帝休曙陰迎日盡春氣抱巖流空樂繁行漏香煙薄綵游玉膏從此泛仙馭接浮丘

律詩五言

卷三十四

一

前題

沈佺期

長歌遊寶地徙倚對珠林鴈塔風霜一作丹青古龍池歲月深紺園澄夕霽碧殿下秋陰歸路煙霞晚山蟬處處吟

幸岳寺

應制

宋之問

暫幸珠筵地俱憐石瀨清泛流張翠幕拂迴挂紅旌雅曲龍調管芳罇蟻泛觥陪歡玉座晚復得聽金聲

同皇太子翫遊慈恩寺

應制

沈佺期

肅肅蓮花界熒熒貝葉宮金人來夢裏白馬出城中湧塔初從地焚香欲遍空天歌應春籥非是爲秋風

前題二首

張說



翼翼宸恩永煌煌福地開離光升寶殿震氣繞香臺上  
界幡花合中天伎樂一作日月來願君無量壽仙藻一作樂屢  
裴徊

朗朗神居峻軒軒瑞象威聖君成願果太子拂天衣至  
樂三靈會深仁四皓歸還聞澗水曲更繞白雲飛

遊韶州廣界寺

宋之問

影殿臨丹壑香臺隱翠霞巢飛含象鳥砌蹋雨空花寶  
鐔搖初霽金池映晚沙莫愁歸路遠門外有三車

遊梵宇三覺寺

王勃

香閣披青磴瑤臺控紫岑葉齊山路狹花積野壇深蘿  
律詩五言卷三十四 二

幌棲禪影松門聽梵音遠欣陪妙躅延賞滌煩襟

遊浥湖上寺

張說

湖上奇峰積山中芳樹春何知絕世境來遇賞心人清  
舊巖前樂啣嚶鳥獸馴靜言觀聽裏萬法自成輪

前題

趙冬曦

江外多山水招要步馬來琴將天籟合酒共鳥歌一作聲  
催巖坐攀紅藥谿行愛綠苔所懷非此地遊望亦徘徊

前題

王珣

春山臨遠壑水木自幽清夙昔懷微尚茲焉一放情雲  
間聽弄鳥煙上摘初英地僻方無悶逾知道思精一作生

遊修覺寺

杜甫

野寺江天豁山扉花竹幽詩應有神助吾得及春遊徑  
石相縈帶川雲自去留禪枝宿衆鳥漂轉暮歸愁

後遊

寺憶曾遊處橋憐再渡時江山如有待花柳更無私野  
潤煙光薄沙暄日色遲客愁全爲減捨此復何之

秋晚遊普耀寺

宋之問

薄暮曲江頭仁祠暫可留山形無隱霽野色遍呈秋花  
一作荷覆香泉密藤緣寶樹幽平生厭塵事過此忽悠悠

陪薛司空桂明府遊招隱寺

駱賓王

律詩五言卷三十四 三

共尋招隱寺初識戴顓家還依舊泉壑應改昔雲霞綠  
竹寒天笋紅蕉臘月花金繩倘留客爲繫日光斜

與張折衝遊耆闍寺

孟浩然

釋子彌天秀將軍武庫才橫行塞北盡獨步漢南來貝  
葉傳金口山樓作賦開因君振嘉藻江楚氣雄哉

和崔司馬遊雲門寺

孫逖

繫馬清谿樹禪門春氣濃香臺花下出講坐竹間逢覺  
路山童引經行谷鳥從更言窺寂滅迴策上南峰

過香積寺

王維

不知香積寺數里入雲峰古木無人逕深山何處鍾泉

聲咽危石日色冷青松薄暮空潭曲安禪制毒龍

雪後與羣公過慈恩寺

岑參

乘興忽相招僧房暮與朝雪融雙樹濕紗閣一燈燒竹  
外山低塔藤間院隔橋歸家殊欲懶俗慮向來銷

謫南海過韶州廣界寺

一作始興廣房融

零落嗟殘命蕭條託勝因方燒三界火遽洗六情塵隔  
嶺天花發凌空月殿新誰憐鄉國思從此學分身

望牛頭寺

杜甫

牛頭見鶴林梯逕遶幽溪春色浮山外天河宿殿陰傳  
燈無白日布地有黃金休作狂歌老回看不住心

律詩

卷三十四

四

上牛頭寺

青山意不盡袞袞上牛頭無復能拘礙真成浪出遊花  
濃春寺靜竹細野池幽何處啼鶯切移時獨未休

望兜率寺

寺在梓州

樹密當山徑江深隔寺門霏霏雲氣重閃閃浪花翻不  
復知天大空餘見佛尊時應清盥罷隨喜給孤園

上兜率寺

兜率知名寺真如會法堂江山有巴蜀棟宇自齊梁庾  
信哀雖久何顛好不忘白牛車遠近且欲上慈航

登辨覺寺

王維

竹徑從初地蓮花出化城牕中三楚盡林上九江平歎  
草承趺坐長松響梵聲空居法雲外觀世得無生

登涼州尹臺寺

岑參

胡地三月半梨花今始開因從老僧飯更上夫人臺清  
唱雲不去彈絃風颯來應須一倒載還似山公回

陪章梓州王閬州蘇遂州李果州四使君登惠義  
寺

杜甫

春日無人境虛空不住天鶯花隨世界樓閣倚山巔遲  
暮身何得登臨意惘然誰能解金印瀟灑共安禪

觀佛跡寺

王勃

律詩

卷三十四

五

蓮座神容儼松崖聖趾餘年長金跡淺地久石文疎顏  
華臨曲磴傾影赴前除共嗟陵谷遠俄視化城虛

石鏡寺

盧照隣

古墓芙蓉塔神銘松栢煙鸞沈仙鏡底花沒梵輪前銖  
衣千古佛寶月兩重圓隱隱香臺夜鍾聲徹九天

稱心寺

駱賓王

征帆恣遠尋逶迤過稱心凝滯蘅茝岸公洞植柚林穿  
淑不厭曲臆潭惟愛深爲樂凡幾許聽取舟中琴

樂城白鶴寺

沈佺期

碧海開龍藏青雲起鴈堂潮聲迎一作應法鼓雨氣濕天

香樹接前山暗谿承瀑水涼無言謫居遠清淨得空王

武擔山寺

蘇頌

武擔獨蒼然墳山下玉泉龍靈一作龍時共盡龍女事同

遷松栢銜哀處幡花種福田誰知留鏡石長與法輪圓

石龕寺

儲光羲

遙山起真宇西向盡花林下見宮殿小上看廊廡深苑

花落池水天語聞松音真子又知我焚香期化心

山寺

杜甫

野寺殘僧少山園細路高麝香眠石竹鸚鵡啄金桃亂

水通人過懸崖置屋牢上方重閣晚百里見纖毫

律詩

五言 卷三十四

六

宿清遠峽山寺

宋之問

香岫懸金刹飛泉界一作石門空山唯習靜中夜寂無

喧說法初聞鳥看心欲定猿寥寥隔塵市一作何具武

陵源

宿龍興寺

蔡母潛

香刹夜忘歸松清古殿扉燈明方丈室珠繫比丘衣白

月傳心靜青蓮喻法微天花落不盡處處鳥銜飛

題石龕寺

范朝

勝境宜長望遲春好散愁關連四塞起河帶八川流複

磴承香閣重巖映彩樓爲臨溫液近偏美聖君遊

題江夏修靜寺

寺本李北海舊宅

李白

我家北海宅作寺南江濱空庭無玉樹高殿坐幽人書

帶留青草草堂一作臺鼻素塵平生種桃李寂滅不成春

題山寺

楊衡

千峰白露後雪壁挂殘燈曙色海邊月經聲松下僧意

閒門不閉年去水空澄稽首如何問森羅盡一乘

奉和九日登慈恩寺浮圖

應制

李嶠

瑞塔千尋起仙輿九日來更房陳寶席菊蕊散花臺御

氣鵬霄近升高鳳野開天歌將梵樂空裏共裴徊

奉和

劉憲

律詩

五言 卷三十四

七

飛一作塔雲霄半清晨羽旆遊一作仙登臨憑季月

寥廓見中州御酒新寒退天文瑞景留一作寶辟一作

邪將獻壽茲日奉千秋

奉和

盧藏用

化塔龍山起中天鳳輦迂絲旒牽畫刹雜佩一作香

萸寶葉擎千座金英漬百盃秋雲飄聖藻霄極捧連珠

奉和

崔日用

紫宸歡每洽紺殿法初隆菊泛延齡酒蘭吹解慍風咸

英調正樂香梵遍秋空臨幸符天瑞重陽日再中

奉和

趙彥昭

出豫乘秋一作節登一作高陟梵宮皇心滿塵界佛跡  
現虛空日月宜長壽人天得大通喜聞題寶偈受記莫  
由同

奉和

李迥秀

沙界人王塔金繩梵帝遊言從祇樹賞行旣菊叢秋御  
酒調甘露天花拂綵旒堯年將佛日同此慶時休

奉和

麴瞻

扈蹕遊玄地陪僊瞰紫微似邁銖衣却將同羽化飛雕  
戈秋日麗寶劍曉霜霏獻觴乘菊序長願奉天暉

奉和

岑羲

律詩五言

卷三十四

八

寶臺聳天外玉輦步雲端日麗重陽景風搖季月寒梵  
堂遙集鴈帝樂近翔鸞願獻延齡酒長承湛露歡

奉和

張錫

九州霜景淨千門曉望通仙遊光御路瑞塔迴凌空菊  
彩揚堯日萸香灋一作舜風天文麗神象竊抃仰層穹

奉和

蕭至忠

天蹕三乘啓星輿六轡行登高凌寶塔極目徧王城神  
衛空中遶仙歌雲外清重陽千萬壽率舞頌昇平

奉和

周利用

出豫乘金節飛文煥日宮更房開聖酒菊一作花被玄

功塔向三天迴池將一作收八解空明思奉蘭籍終迴冷  
薰風

奉和

辛替否

洪慈均動植至德俯深玄出豫從初地登高適梵天白  
雲飛御藻慧日暖皇編別有秋原藿長傾雨露緣

奉和

樊忱

淨境重陽節仙遊萬乘來挿萸登鷲嶺把菊坐蜂臺十  
地祥雲合三天瑞景開秋風詞更遠竊抃樂康哉

奉和

孫佺

應節更房滿初寒菊圃新龍旗煥宸極鳳駕儼香闥蓮  
井偏宜夏梅渠更若春一欣陪鴈塔還似得天身

律詩五言

卷三十四

九

奉和

王景

玉輦移中禁珠梯覽四禪重階清漢接飛寶紫霄懸綴  
葉披天藻吹花散御筵無因鑒蹕暇俱舞鶴林前

奉和

張景源

飛塔凌霄起宸遊一屆焉金壺新泛菊寶座卽披蓮就  
日搖香輦憑雲出梵天祥氛與佳色相伴雜鑪煙

奉和

楊庶

萬乘臨真境重陽眺遠空慈雲浮鴈塔定水映龍宮寶  
鐸含飈響僊輪帶日紅天文將瑞色輝煥滿寰中

奉和

解琬

瑞塔臨初地金輿幸上方空邊有清淨覺處無馨香雨  
霽微塵欽風秋定水涼茲辰采仙菊薦壽慶重陽

奉和

畢軋泰

鷄林花塔啓鳳輦順時遊重九昭皇慶大千揚帝休耆  
闡妙法闡王舍睿文流至德覃無極小臣歌詎酬

奉和

李從遠

九月從時豫三乘爲法開中霄日天子半座寶如來摘  
果珠盤獻攀黃玉輦廻願將塵露點遙奉光明臺

奉和

李恒

律詩 五言

卷三十四

十

寶地臨鄰

一作

丹掖香臺瞰碧雲關

一作

山天外出城闕

樹中分層藻蘭英秀仙杯菊藥薰願將今日樂長奉聖  
明君

奉和

宋之問

鳳糾侵雲半虹旌倚日邊散花多寶塔張樂布金田時  
菊芳仙醞秋蘭動膚篇香街稍欲晚清蹕扈歸天

奉和

鄭愔

湧霄開寶塔倒影駐仙輿子乘堂處龍王起藏初秋  
風聖王曲佳氣史官書願獻重陽壽承歡萬歲餘

奉和

李適

鳳輦乘朝霽鷄林對晚秋天文貝葉寫聖澤菊花浮塔  
似神功造一作建龕疑佛影留幸陪清漢蹕欣奉淨居遊

奉和

馬懷素

季月重陽啓金輿陟寶坊御旂橫日道仙塔儼雲莊帝  
蹕千官從乾詞七曜光顧慚文墨職無以頌時康

奉和

李乂

湧塔開

一作

玄地高層瞰紫微鳴鑾陪帝出攀椽翊天

飛慶洽重陽壽文含列象輝小臣叨載筆無以一作欣此頌  
巍巍

奉和

一作崔湜

上官昭容

律詩 五言

卷三十四

十一

帝里重陽節

香園萬乘來却邪更入

一作

佩獻壽菊傳

杯塔類承天湧門疑待佛開唐詞懸日月長得仰昭回

奉和

薛稷

寶宮星宿切香塔鬼神功王遊盛塵外膚覽出區中日  
宇開初景天詞掩大風微臣謝時菊薄采入芳叢

奉和

閏九月九日登莊嚴總持二寺閣

應制

宋之問

閏月再重陽仙輿歷寶坊帝歌雲稍白御酒菊猶黃風  
鐸喧行漏天花拂舞行豫遊多景福梵宇日生光

奉和

李嶠

閨節開重九真遊下大千花寒仍薦菊座晚更披蓮制  
鳳迴雕輦幡虹間綵旒還將西梵曲助入南薰絃

奉和

劉憲

重陽登閨序上界叶時巡駐輦天花落開筵妓樂陳城  
端綳柱見雲表露盤新臨曉光輝浦飛文動唐神

奉和

李义

清蹕幸禪樓前驅歷御溝還疑九日豫更想六年遊聖  
藻輝纓絡仙花綴冕旒所欣延億載寧祗慶重秋

登灑靈寺塔

蔣渙

三休尋磴道九折步雲霓灑澗臨江北郊原極海西沙  
律詩五言 卷三十四 十二

平瓜步出樹遠綠楊低南指晴天外青峰是會稽

登禪定寺閣

宋之問

梵宇出三天登臨望八川開襟坐霄漢一作窮城闕揮手拂

雲煙函谷青一作春山外昆池落日邊東京楊柳陌少別

已經年

登總持閣

岑參

高閣逼諸天登臨近日邊晴開萬井樹愁看五陵煙檻  
外低秦嶺牕中小渭川早知清淨理常願奉金仙

登聖善寺閣

一作登少室山

褚朝陽

飛閣青霞裏先秋獨早涼天花散一作映牕近月桂拂簷

香華岳三峯小黃河一帶長空間一作指歸路煙際一作

晚霽登汝南大雲閣

賈彦璋

禪宮新雨歇香閣晚登臨邑樹晴光起川苗佳氣深水  
包城下岸雲細郢中岑自歎牽早日聊開望遠心

同羣公登濮陽聖佛寺閣

高適

落日登臨處悠然意不窮佛因初地識人覺四天空來  
鴈清霜後孤帆遠樹中徘徊傷寓目蕭索對寒風

流夜郎至江夏陪長史叔及薛明府宴興德寺南

閣

李白

律詩五言 卷三十四 十三

紺殿橫江上青山落鏡中岸迴沙不盡日映水成空天  
樂流一作香閣蓮舟颺晚風恭陪竹林宴留醉與陶公

宿雲門寺閣

孫逖

香閣東山下煙花象外幽懸燈千嶂夕卷幔五湖秋畫  
壁餘一作鴻鴈紗牕宿斗牛更疑天路近夢與白雲遊

宿香山閣

賀朝

曉望一作春山閣梯雲宿半空軒牕開潮海枕席拂煙  
虹朱網防棲鶴紗燈護夕蟲一聞雞唱曉已見日瞳瞳

晚春題遠上人南亭

孟浩然

給園支遁隱虛寂養身一作和春晚羣木秀關關黃鳥

歌林棲居一作上竹池養右軍鶯炎一作月北牕下清風期再過

春日上方卽事

王維

好讀高僧傳時看辟穀方鳩形將刻杖龜殼用支牀柳色春山映梨花夕鳥藏北牕桃李下閒坐但焚香

苑外至龍興院作

儲光羲

朝遊天苑外忽見法筵開山勢當空出雲陰滿地來疎鐘清月殿幽梵靜花臺日暮香林下飄飄一作仙步迴

過感化寺曇興上人山院

王維

暮持筇竹杖相待虎谿頭催客聞山響歸房逐水流野律詩五言卷三十四十四

花荒發好谷鳥一聲幽夜坐空林寂松風直似秋

前題

裴迪

不遠灞陵邊安居向十年入門穿竹徑留客聽山泉鳥轉深林裏心閒落照前浮名竟何益從此願棲禪

題靈隱寺山頂禪院

綦毋潛

招提此山頂下界不相聞塔影挂清漢鍾聲和白雪觀空靜室掩行道衆香焚且駐西來駕人天日未暝

題破山寺後院

常建

清晨入古寺初日照一作高林竹逕通幽處禪房花木深山光悅鳥性潭影空人心萬籟此俱寂但餘鍾磬音

題忠州龍興寺所居院壁

杜甫

忠州三峽內井邑聚雲根小市常爭米孤城早閉門空看過客淚莫覓主人恩淹泊仍愁虎深居賴獨園

題遠公經臺

祖詠

蘭若無人到真僧出復稀苦侵行道席雲濕坐禪衣澗鼠緣香案山蟬噪竹扉世間長不見寧止暫忘歸

覺公院施烏石臺

李頎

石臺置香飯齋後施諸禽童子亦知善衆生無懼心苔痕蒼曉露盤勢出香林錫杖或圍繞吾師一念深

過福禪師蘭若

王維

巖壑轉微逕雲林隱法堂羽人飛奏樂天女跪焚香竹外峯偏曙藤陰水更涼欲知禪坐久行路長春芳

遊景空一作寺蘭若

孟浩然

龍象經行處山腰度石關屢迷青嶂合時愛綠蘿間宴息花林下高談竹嶼間寥寥隔塵事疑是入雞山

題融公蘭若

精舍買金開流泉遶砌迴菱荷薰講席松柏映香臺法雨晴飛去天花晝下來談玄殊未已一作歸騎夕

陽催

靜法師東齋

王昌齡



築室在人境遂得真隱情春盡草木變雨來池館清琴書全雅道視聽已無生閉戶脫三界白雲自虛盈

已上人茅齋

杜甫

已公茅屋下可以賦新詩枕簟入林僻茶瓜留客遲江蓮搖白羽天棘蔓青絲空忝許詢輩難酬支遁詞

夏日辨玉法師茅齋

孟浩然

夏日茅齋裏無風坐亦涼竹林深一作新笋穉一作穉藤架引梢長燕覓巢窠處蜂來造蜜房物華皆可玩花藥四時芳

夏日遊暉上人房

陳子昂

律詩 五言

卷三十四

十六

山水開精舍琴歌列梵筵人疑白樓賞地似竹林碑對戶池光亂交軒巖翠連色空今已寂乘月弄澄泉

宿立公房

孟浩然

支遁初求道深公笑買山何如石巖趣自入戶庭間苔澗春泉滿蘿軒夜月閒能令許玄度吟卧不知還

宿贊公房

杜甫

杖錫何來此秋風已颯然雨荒深院菊霜倒半池蓮放逐寧違性虛空不離禪相逢成夜宿隴月向人圓

題大禹寺義公房

孟浩然

義公習禪處一作結構一作依空林戶外一峰秀堦前

羣一作羣壑深夕陽連一作照雨足空翠落庭陰看取蓮花淨應一作知不染心

題招隱寺綯公房

綦毋潛

開士度人久空巖一作山花霧深徒知燕坐處不見有爲心蘭若門對壑田家路隔林還言證一作證法性歸去比黃金

題瓠上人房

儲光義

禪官分兩地釋子一爲心人道無來去清言見古今江寒池水綠山暝竹園深別有中天月遙遙散夕陰

題山寺僧房

岑參

律詩 五言

卷三十四

十七

曉影搖羣木墻陰載一峰野爐風自焚山碓水能春勤學翻知誤爲官好欲慵高僧暝不見月出但聞鐘

陪姚使君題惠上人房

孟浩然

帶雪梅初暖含煙柳尚青來窺童子偈得聽法王經會理知無我觀空厭有形述心應覺悟客思未一作邊寧

題玄武禪師屋壁

杜甫

何年顧虎頭滿壁畫滄洲赤日石林氣青天江海流錫飛常近鶴杯渡不驚鷗似得廬山路真隨一作惠遠遊

青龍寺與黎昕戲題愚公谷

王維

愚谷與誰去唯將黎子同非須一處住不那兩心空寧

問春將夏誰論西復東不知吾與子若箇是愚公

吾家愚谷裏此谷本來平雖則行無跡還能響應聲不

隨雲色暗只待日光明緣底名愚谷都由愚所成

借問愚公谷與君聊一尋不尋翻到谷此谷不離心行

處曾無險看時豈有深寄言塵世客何處欲歸臨

同族姪誦事歸遊昌禪師山池二首李白

遠公愛康樂爲我開禪關蕭然松石下何異清涼山花

將色不染水與心俱閒片坐度千劫觀空天地間

客來花雨際秋水落金池片石寒青錦疎楊挂綠絲高

僧拂玉柄童子獻霜梨惜去愛佳景煙蘿欲暝時

律詩五言 卷三十四 十八

僧舍小池

張鼎

引出白雲根潺潺漲蘚痕冷光搖砌鋤疎影露枝猿淨

帶周霜葉香通洗葉源貝多文字古宜向此中翻

西塔寺陸羽茶泉

裴廸

竟陵西塔寺蹤跡尚空虛不獨支公住曾經陸羽居草

堂荒產蛤茶井冷生魚一汲清冷水一作高風一作心同味

有餘

同皇甫兵曹天官寺浴室新成招友人賞會

寇坦

溫室歡初就蘭交托勝因共聽無漏法兼濯有爲塵水

潔三空性香沾四大身清心多善友頌德慰同人

道林寺送莫侍御

張謂

何處堪留客香林隔一作翠微薛蘿通驛騎山竹挂朝

衣霜引臺鳥集風驚塔鴈飛飲茶勝飲酒聊以送將一作

君歸

送王侍御往東川

放生池祖席

杜甫

東川詩友合此贈怯輕爲况復傳宗近空然惜別離梅

花交近野草色向平池儻憶江邊卧歸期願早知

惠義寺送王少尹赴成都

得峯字

苒苒谷中寺娟娟林表峯闌干上處遠結構坐來重騎

律詩五言 卷三十四 十九

馬行春徑衣冠起暮鍾雲門青寂寂此別惜相從

應制一作宋之問

送沙門弘景道俊玄奘還荊州

李嶠

三乘歸淨域萬騎饒通莊就日離亭近彌天別路長荆

南旋杖鉢渭北限津梁何日紆真果還來入帝鄉

前題

李义

初日承歸旨秋風起贈言漢珠留道味江璧返真源地

出南關遠天廻北斗尊卑知一柱觀却啓四禪門

送王上人還襄陽

儲光義

朝看法雲散知有至人還送客臨伊水行車出故關天

花滿南國精舍在空山雖復詩來去中心長日一作閒

送通禪師還南陵隱靜寺

李白

我聞隱靜寺山水多奇蹤巖種朗公橋門深杯渡松道人制猛虎振錫還孤峰他日南陵下相期谷口逢

同崔興宗送衡嶽瑗公南歸

序曰衡嶽瑗上人者

棲雲與狼虎雜處得無所得矣天寶癸巳歲始遊于長安手提瓶笠至自萬里燕居吐論編屬高之初給事中房公請居宜春與上人風土相接因爲道友伏臘往來房公旣海內盛名上人亦以此增價秋九月杖錫南返扣門來別奈地草木穢穢已黃蒼梧白雲不日而見漁陽有曹谿學者爲我謝之

王維

言從石菌閣新下穆陵關獨向池陽去白雲留故山縱

律詩

五言

卷三十四

二十

衣秋日裏洗鉢古松間一施傳心法唯將戒定還

送青龍一公

張謂

事佛輕金印勤王度玉關不知從樹下還肯一作到人

間楚水青蓮淨吳門白日閒聖朝須助一作勤理絕莫愛

東山

贈老僧

一作鄭榮

釋景雲

日照西一作四山雪老僧門始一作未開東瓶粘柱礎宿火

陷爐灰童子病歸去鹿麕一作寒人來齋鍾知漸近枝

鳥下生臺

澗南卽事貽皎上人

孟浩然

弊廬在郭外素產一作惟田園左右林野曠不聞朝一作

市喧釣竿垂北澗樵唱入南軒書取幽棲事將尋靜

者論一作言

和裴迪登新津寺寄王侍郎

杜甫

何恨倚山木吟詩秋葉黃蟬聲集古寺鳥影度寒塘風

物悲遊子登臨憶侍郎老夫貪佛日隨意宿僧房

詣開悟禪師問心法次第

寄韓郎中

獨孤及

障深聞道晚根鈍出塵難濁切相從慣迷途自謂安得

知身垢妄始喜額珠完欲識真如理君嘗法味看

夜泊廬江聞故人在東寺詩寄之

孟浩然

律詩

五言

卷三十四

二十一

江路經廬阜松門入虎谿聞君尋寂樂清夜宿招提石

鏡山精怯禪枝

一作怖

鶴棲一燈如悟道爲照客心迷

秦中感秋寄遠上人

一丘常欲臥三徑苦無資北土一作非吾願東林懷我

師黃金然桂盡壯志逐年衰日夕涼風至聞蟬但益悲

重寄虬上人

儲光羲

一作雲峯別三看花柳朝青山隔遠路明月空長霄鵲

浴西江雨雞鳴東海潮此情勞夢寐况道雙林遙

使過瑤臺寺有懷圓寂上人

序曰貞觀寺以貞觀元年封醴泉及過瑤臺

臺寺圓寂上人院秩滿還監察御史巡覆諸陵而上人已去此寺大曆十三年春二月以刑部

尚書調拜昭慶慨然有懷其詞

顏真卿

上人居此寺不出三十年萬法元無着一作靈法一心  
唯趣禪忽紆塵外軫遠訪區中一作世間緣及爾不復見支  
提猶爰一作然

攜琴酒尋閭防崇濟寺所居僧院 岑參

相訪但尋鍾門寒古殿松彈琴醒暮酒卷幔引諸峰事  
愜林中語人幽物外蹤吾廬幸接近茲地興偏慵

陪李侍御訪聰上人禪居 孟浩然

欣逢柏臺友一作舊共謁聰公禪石室無人到繩牀見虎

眠陰崖常抱雪枯澗爲生泉出處雖云異同歡在法筵

律詩 五言 卷三十四 二十二

謁真諦寺禪師 杜甫

藹若山高處煙霞嶂幾重凍泉依細石晴雪落長松問  
法看詩妄觀身向酒慵未能割妻子卜宅近前峯

夏日過青龍寺謁操禪師 王維

龍鍾一老翁徐步謁禪宮欲問義心義遙知空病空山  
河天眼裏世界法身中莫恡銷炎熱能生大地風

前題 裴迪

安禪一室內左右竹亭幽有法知不染無言誰敢酬鳥  
飛爭向夕蟬噪已先秋煩暑自茲適清涼何所求

晚過盤石寺禮鄭和尚 岑參

暫詣高僧話來尋野寺孤岸花藏水碓谿水映風爐頂  
上巢新鵲衣中帶舊珠談禪未得去輟棹且踟躕

訓萬八賀九雲開寺歸溪中作 孫逖

晚從靈境出林壑曙雲飛稍覺清溪盡迴瞻畫刹微獨  
園餘興在孤棹宿心違更憶登攀處天香浦一作袖歸

暮春於山谷寺上方遇恩命加官賜服訓皇甫侍  
御見賀之作 獨孤及

天書到法堂朽質被榮光自笑無功德殊恩謬激揚還  
登建禮署猶忝會稽章佳句慙相及稱仁豈易當

寺中酬高使君相贈 杜甫

律詩 五言 卷三十四 二十三

古寺僧牢落空房客寓居故人供祿米鄰舍與園蔬雙  
樹客聽法三車肯載書草玄吾豈敢賦或似相如

同王員外雨後登開元寺南樓因酬暉上人獨坐  
山亭有贈 陳子昂

鍾梵經行罷香林坐入禪巖庭交雜樹石瀨瀉鳴泉水  
月心方寂雲霞思獨玄寧知人世裏疲病得一作苦攀緣

舟月對驛近寺 杜甫

更深不假燭月朗自明一作開船金刹青楓外朱樓白水  
邊城烏啼眇眇野鷺宿娟娟皓首江湖客釣簾獨未眠

聽蜀僧濬彈琴 李白

蜀僧抱綠綺西下峨眉峰爲我一揮手如聽萬壑松客  
心洗流水餘響入霜鍾不覺暮山寒秋雲暗幾重

詠興國寺佛殿前幡

太宗

拂霞疑電落騰虛狀寫虹屈伸煙霧裏低舉白雲中紛  
披乍依迴掣曳或隨風念茲輕薄質無翅強搖空

送蔡母三寺中賦得紗燈

李頎

禪室吐香燼輕紗籠翠煙長繩掛青竹百尺垂紅蓮熠  
燐衆星下玲瓏雙塔前舍光待明發此別豈徒然

龍興寺玄上人院同詠青木香叢

岑參

移根自遠方種得在僧房六月花新吐三春葉已長抽

律詩

五言

卷三十四

二十四

莖高錫杖引影到繩牀只爲能除疾傾心向藥王

素上人影塔

王昌齡

物化同枯木希夷明月珠本來生滅盡何者是虛無一  
坐看如故千齡獨向隅至人非別有方外不應殊

過景空寺故融公蘭若

一作過清上人舊房

孟浩然

池上青蓮宇林間白馬泉故人成異物過客一作過清  
然既禮新松塔還尋舊石筵平生竹如意猶挂草堂前

趙慎言法師故房

儲光義

精廬不住子自有無生鄉過客知何道徘徊鴈子堂浮  
雲歸故嶺落月還西方日夕虛空裏時時聞異香

李白鹿觀

奉和聖製

李嶠

駐蹕三天路迴旂萬仞谿真庭羣帝饗洞府百靈棲玉  
酒仙壇釀金方暗壁題佇看青鳥入還陟紫雲梯

前題

沈佺期

紫鳳真人府斑龍太上家天流芝蓋下山轉桂旗一作旌  
斜聖藻垂寒露仙杯落晚霞唯應問王母桃作幾時花

前題

劉憲

玄遊乘落蹕仙宇謫霏微石梁紫澗轉珠旒掃壇飛芝  
童薦膏液松鶴舞駢駢還似瑤池上歌成周馥歸

前題

徐彥伯

律詩

五言

卷三十四

二十五

鳳輿乘八景龜鶴錄向三仙日月移平地雲霞綴小天金  
童擎紫藥玉女獻青蓮花洞留宸賞還旗繞夕煙

前題

趙彥昭

雲駟驅半景星蹕坐中天國誕玄一作元宗聖家尋碧落  
仙玉杯鸞薦壽寶筭鶴知年一觀光華旦欣承道德篇

前題

張說

洞府寒山曲天遊日旰迴披雲看石鏡拂雪上金臺竹  
徑龍蹕下松庭鶴轡來雙童還獻一作薦藥五色耀仙材

前題

李乂

制蹕乘驪阜迴輿指鳳京南山四皓謁西嶽兩童迎雲

幄臨玄圃霞杯薦赤城神明近茲一作福地何必事一作往蓬瀛

前題一作鄭情

崔湜

御旗探紫籙仙仗闌丹丘捧藥芝童下焚香桂女留鸞歌無歲月鶴語記春秋臣朔其一作真何幸常陪漢武遊

前題

武平一

玉府凌三曜金壇駐六龍綵旒懸倒景羽蓋偃喬松玄圃靈芝秀華池瑞液濃謬因沾舜渥一作聖澤長願奉堯封

前題

蘇頌

碧一作紫虛清吹下藹藹入仙宮松磴攀雲絕花源接澗

律詩五言卷三十四 二十六  
空受符邀羽使傳訣駐香童詎似閒居日徒聞有順風

華清宮觀行香應制

崔國輔

天子藻一作藻珠宮樓臺碧落通豫遊皆汗漫齋處即崆峒雲物三光裏君臣一氣中道言何所說寶曆自無窮

遊靈公觀

駱賓王

靈峯標勝境神府枕通川玉殿斜連一作臨漢金堂迴架煙斷風疎晚竹流水切寒弦別有青門外空懷玄圃仙

遊精思觀迴王白雲在後

孟浩然

出谷未停午至家日已一作已夕曉迴瞻下山路但見牛羊羣樵子暗相失草蟲寒不聞衡門猶未掩佇立望一作待

夫君

春日登金華觀

陳子昂

白玉仙臺古一作上丹丘別望遙山川亂雲日樓榭入煙霄鶴舞千年樹虹飛百尺橋還疑一作逢赤松子天路坐相邀

玉臺觀

杜甫

浩劫因王造平臺訪古遊綵雲蕭史駐文字魯恭留宮闕通羣帝乾坤到十洲人傳有笙鶴時過北山頭

尋道觀

王勃

芝廬光分野蓬閣盛規模碧壇清桂闕丹洞肅松樞玉律詩五言卷三十四 二十七

笈三山記金箱五嶽圖蒼虬不可見一作得空望白雲衢

尋龍湫觀

孫逖

仙穴尋遺跡輕舟愛水鄉谿流一曲盡山路九峰長漁父歌金洞江妃舞翠房遙憐葛仙宅真氣共微茫

同刑判官尋龍湫觀歸湖中

星使下天一作仙京雲湖喜霽晴更從探穴處還作棹歌行絲管荷風入簾帷竹氣清莫愁歸路遠水月夜虛明

宿太平觀

綦毋潛

夕到玉京寢宵冥雲漢低覓交仙室蝶曙聽羽人雞鳴瀝花上露清冷松下谿明當訪真隱揮手入無倪

梅道士水亭

孟浩然

傲吏非凡吏名流即道流隱居不可見高論莫能酬  
接仙源近山藏鬼谷幽再來迷處所花下問漁舟

過方尋師院

綦毋潛

羽客北山尋草堂松徑深養神宗示法得道不知心洞  
戶蓬雙履寒天有一琴一作禽更登玄圃上仍種杏成林

清明日宴梅道士房

孟浩然

林臥愁春盡開軒一作寒帷覽物華忽逢青鳥使邀我赤松  
家金一作冊龜初開火仙桃正落一作發花童顏若一作可

駐何惜醉流霞

律詩 五言

卷三十四

二十八

遊精思題觀主山房

誤入花源裏初憐竹迳深方知仙子宅未有世人尋舞  
鶴過閒砌飛猿嘯密林漸通玄妙理深得坐忘心

尋雍尊師隱居

李白

羣峭碧摩天逍遙不記年撥雲尋古道倚樹聽流泉花  
暖青牛卧松高白鶴眠語來江色暮獨自下寒煙

八仙迳

時南有日利觀去寺可數里

王勃

奈園欣八正松巖訪九仙援蘿窺霧術攀桂俯雲阡代  
北鸞驂至遼西鶴騎旋終希脫塵網連翼下芝田

秋日餞陸道士陳文林

序曰陸道士將遊西輔通莊指浮氣之關陳文林言

返東吳脩途走落星之浦於是維舟錦水藉蘭  
若以開筵綢騎全隄之樹花於祖道于時赤煙  
沈飾青女司晨霜鴈銜蘆舉賓行而候氣寒蟬  
噪柳帶涼亭以含情加以山接太行登羊腸而  
飛蓋河通少海疏馬頰以開關登高切送歸之  
情臨水感逝川之歎既而嗟別路之難駐惜離  
情之易傾雖泰園荅歸已忘言於道術而涉陽  
風雨尚抒情於詠歌各賦一言同爲四韻庶幾  
別後有暢離憂云爾

駱賓王

青牛遊華嶽赤馬一作鳥走吳宮玉柱離鴻怨金疊浮蟻  
空日霽嶠陵雨塵起洛陽風唯當玄度月千里與君同  
餞高尊師如貴道士傳道錄畢歸北海

李白

道隱不可見靈書藏洞天吾師四萬劫歷世遞相傳別

律詩 五言

卷三十四

二十九

杖留青竹行歌躡紫煙離心無遠近長在玉京懸

送趙法師還蜀因名山真簡

玄宗

道家真靈簡自昔仰神仙真子今將命蒼生福可傳江  
山尋故國城郭信依然二室遙相望雲迴洞裏天

送田道士使蜀投龍

宋之問

風馭忽冷然雲臺路幾千蜀門峰勢斷巴字水形連人  
隔壺中地龍遊洞裏天贈言迴馭日圖畫一作畫彼山川

送楊道士往天台

張九齡

鬼谷還成道天台去學仙行應松子化留與世人傳此  
地煙波遠何時羽駕旋當須一把袂城郭共依然



送張道士歸山

王維

先生何處去王屋訪茅君別婦留丹訣驅雞入白雲人  
間苦難一作若刺住天上復離羣當作遼城鶴仙歌使爾聞

送李青歸華陽川

李白

伯陽仙家子容色如青春日月秘靈洞雲煙一作霞辭世  
人化心養精鬼隱几官天真莫作千年別歸來城郭新

送楊山人歸嵩山

我有萬古宅嵩陽玉女峰長留一片月挂在東谿松爾  
去掇仙草萑蒲花紫茸一作若君行到此歲晚或相訪青

天騎白龍

律詩五言

卷三十四

三十

江上送女道士褚三清遊南嶽

吳江女道士頭戴蓮花巾霓裳不濕雨特異陽臺神足  
下遠遊履凌波生素塵尋仙向南嶽應見魏夫人

送元公之鄂渚尋觀王張驂鸞

孟浩然

桃花春水漲之子忽乘流峴下離一作首離蛟浦江中一作邊  
問鶴樓贈君青竹杖送爾白蘋洲應是神仙子一作華相

逢一作期汗漫遊

賜道士鄧紫陽

玄宗

太乙三門訣元君六甲符下傳金版術上刻玉清書有  
美探真士囊中得秘書自知一作茲三醮後翊我滅殘胡

贈道士參寥

孟浩然

蜀琴久不弄玉匣細塵生絛脆絃將斷金徽色尚榮知  
音徒自惜聾俗本相輕不遇鍾期聽誰知鸞鳳聲

贈道士

駱賓王

霧濃金龜靜雲暗玉壇空野花常捧露山葉自吟風林  
泉明月在詩酒故人同待余逢石髓從爾命飛鴻

於紫雲觀贈道士

序曰余鄉國一隣江山萬里昔年離別還同雲北之鳥今日歸來即似遼東之鶴先生情均得免忘筌之弊已深路是亡羊分岐之恨逾切不題短什何汰衷襟乎

律詩五言

卷三十四

三十一

碧落澄秋景玄門啓曙關人疑列禦至客似令威還羽

山居晚眺贈王道士

王勃

蓋徒欣仰雲車未可攀祇應傾玉醴時許寄顏顏  
金壇踈俗宇玉洞侶仙羣花枝棲晚露峯葉度晴雲斜  
照移山影迴沙擁溜一作文琴樽方待興竹樹已迎暉

聽琴秋夜贈冠尊師

常建

琴當秋夜聽况是洞中人一指指應法一聲聲爽神寒  
蟲臨砌默一作急清吹裏燈頻何必鐘期耳高閒自可親

寄天台司馬道士

宋之問

卧來生白髮覽鏡忽成絲遠媿餐霞子童顏且自持舊  
遊惜疎曠微尚日磷緇不寄西山藥何由東海期

前題

張說

世上求真客天台去不還傳聞有仙夢寐在茲山朱闕青霞斷瑤堂紫月閒何時在飛鶴笙吹接人間

前題

崔湜

聞有三元客祈仙九轉成人間白雲返天上赤龍迎尚惜金芝晚仍攀琪樹榮何年緱嶺上一謝洛陽城

前題

孟浩然

海上求仙客三山望幾時焚香宿華頂裏露采靈芝屢躡莓苔滑將尋汗漫期倘因松子去長與世人辭

尋梅道士

律詩

五言 卷三十四

三十二

彭澤先生桺山陰道士爲我來從此一作所好停策漢陰一作窺魚樂因之鼓枻歌崔徐迹未朽千

載挹清波

尋少室張山人間與偃師周明府同入都

岑參

中峰鍊金客昨日遊人間葉縣鳧共去葛陂龍暫還春雲湊深水秋雨懸空山寂寂青谿上空餘丹竈閒

玄元觀尋李先生不遇

魏知古

羽客今何在空尋伊洛間忽聞歸舊縣復想入函關未作千年別猶應七日還神仙不可見寂寞返蓬山

謁焦鍊師

王昌齡

中峯青苔壁一點雲生時豈意石堂裏得逢焦鍊師爐香淨紫案松影閒瑤墀拜受長年藥翩翻西海期

訪戴天山道士不遇

李白

犬吠水聲中桃花帶露一作雨濃樹深時見鹿谿午不聞鐘野竹分青靄飛泉挂碧峯無人知所去愁倚兩三松

傷峴山雲表觀主

孟浩然

少小學書劍秦吳多歲年歸來一登眺陵谷尚依然豈意餐霞客一作忽隨朝露先因之問閭里把臂幾人全

觀內懷仙

王勃

律詩

五言 卷三十四

三十三

玉架殘書隱金壇舊跡迷牽花尋紫洞一作問步葉下清谿瓊漿猶類乳石髓尚如泥自能成羽翼何必仰雲梯

唐詩所第三十四卷終

唐詩所第三十五卷

律詩

前集

七言

餞中書侍郎來濟

太宗

曖曖去塵昏，灞岸飛飛輕蓋指河梁。  
雲峯衣結千重葉，雪岫花開幾樹粧。  
深悲黃鶴孤舟遠，獨歎青山別路長。  
聊將分袂沾巾淚，還用持添離席觴。

奉和

許敬宗

萬乘騰鑣警岐路，百壺供帳餞離宮。  
御溝分水聲難絕，廣宴當歌曲易終。  
興言共傷千里道，俯跡聊示五情同。  
良哉既深留帝念，沃化方有贊天聰。

律詩七言

卷三十五

一

送辛員外

杜甫

雙峯寂寂對春臺，萬竹青青照客杯。  
細草留連侵坐軟，殘花悵望近人開。  
同舟昨日何由得，並馬今朝未擬回。  
直到綿州始分首，江頭樹裏共誰來。

送薛補闕入朝

鮑防

平原門下十餘人，獨受恩多未殺身。  
每嘆漢來兄弟少，更憐楊氏子孫貧。  
柴門豈斷施行馬，魯酒那堪醉近臣。  
賴有軍中遺令在，猶將談笑對風塵。

送路六侍御入朝

杜甫

童稚情親四十年，中間消息兩茫然。  
更爲後會知何地，

忽漫相逢是別筵，不分桃花紅勝錦。  
生憎柳絮白於綿，劍南春色還無賴。  
觸忤愁人到酒邊。

使君席夜送嚴河南赴長水

得時

岑參

嬌歌急管雜青絲，銀燭金杯映翠眉。  
使君地主能相送，河尹天明坐莫辭。  
春城月出人皆醉，野戍花深馬去遲。  
寄聲報爾山翁道，今日河南勝昔時。

章梓州橘亭餞成都賈少尹

杜甫

秋日野亭千橘香，玉杯錦席高雲涼。  
主人送客何所作，行酒賦詩殊未央。  
衰老應爲難離別，賢聲此去有輝光。  
預傳籍籍新京兆，尹一作青史無勞數趙張

律詩七言

卷三十五

二

送皇甫齡宰交河

張謂

將軍帳下來從客，小邑彈琴不易逢。  
樓上胡笳傳別怨，樽中臘酒爲誰濃。  
行人醉出雙門道，少婦愁看七里烽。  
今日相如輕武騎，多應朝暮客臨邛。

公安送韋二少府匡贊

杜甫

逍遙公後世，多賢送爾維舟惜別。  
一作此庭念我能書，一作能數字至將詩。  
不必萬人傳，時危兵甲黃塵裏。  
日短江湖白髮前，古往今來皆涕淚。  
斷腸分手各風煙。

送李八秘書赴杜相公幕

青簾白舫益州來，巫峽秋濤天地迴。  
石出倒聽楓葉下，

櫓搖背指菊花開食趨相府今晨發恐失佳期後命催  
南極一星朝北斗五雲多處是三台

送魏萬之京

李頎

朝聞遊子唱離歌昨夜微霜初渡河鴻鴈不堪愁裏聽  
雲山況是客中過關城樹一作色催寒近御苑砧聲向  
晚多莫見長安行樂處空令歲月易蹉跎

送賀監歸四明應制

李白

久辭榮祿遂初衣曾向長生說息機真訣自從茅氏得  
恩波應阻洞庭歸瑤臺含霧星辰滿仙嶠浮空島嶼微  
借問欲栖珠樹鶴何年却向帝城飛

律詩

卷三十五

三

暮春虢州東亭送李司馬歸扶風別廬

岑參

柳簾鶯嬌花復殷紅亭綠酒送君還到來函谷愁中月  
歸去磻谿夢裏山簾前春色應須惜世上浮名好是閒  
西望鄉關一作腸欲斷對君衫袖淚痕斑

季夏送鄉弟韶陪黃門從叔朝謁

時杜鴻漸以黃門侍郎鎮蜀既

平崔旰之難遂還朝

杜甫

令弟尚爲蒼水使名家莫出杜陵人比來相國兼安蜀  
歸赴朝廷已入秦捨舟策馬論兵地拖玉腰金報主身  
莫度清秋吟蟋蟀一作黃閣盡麒麟

送王十五判官扶侍還黔中

得聞字

大家東征逐子回風生洲渚錦帆開青青竹笋迎船出  
白白江魚入饌來離別不堪無限意艱危須仗濟时才  
黔陽信使應稀少莫怪頻頻勸酒杯

送韓十四江東覲省

兵戈不見老萊衣歎息人間萬事非我已無家尋弟妹  
君今何處訪庭闈黃牛峽靜灘聲轉白馬江寒樹影稀  
此別還應一作須各努力故鄉猶恐未同歸

奉送蜀州栢二別駕將中丞命赴江陵起居衛尚書太夫人因示從弟行軍司馬位

書太夫人因示從弟行軍司馬位

律詩

卷三十五

四

中丞問俗盡熊羆愛弟傳書綵鷁新遷轉五州防禦使  
起居八座太夫人楚宮臘送荆門水白帝雲偷碧海春  
與報惠連詩不惜知吾斑鬢總如銀

送李少府貶峽中王少府貶長沙

高適

嗟君此別意何如駐馬銜杯問謫居巫峽啼猿數行淚  
衡陽歸鴈幾封書青楓江上秋天遠白帝城邊古木疎  
聖代即一作今多雨露暫時分手莫躊躇

送楊少府貶郴州

王維

明到衡山與洞庭若爲秋月聽猿聲愁看北渚三湘遠  
客一作惡說南風五兩輕青草瘴時過夏口白頭浪裏出

湓城長沙不久留才子賈誼何須吊屈平

送鄭十八虔貶台州司戶傷其臨老陷賊之故關

爲面別情見於詩

杜甫

鄭公樛散鬢如絲酒後常稱老畫師萬里傷心嚴譴日  
百年垂死中興時蒼皇已就長途往邂逅無端出餞遲  
便與先生應永訣九重泉路盡交期

送李回

李頎

知君官屬大司農詔幸驪山職事雄歲發金錢供御府  
晝看仙液注離宮千巖曙雪旌門上十月寒花輦路中  
不覩聲名與文物自傷留滯去關東

律詩七言

卷三十五

五

長沙送李十一銜

杜甫

與子避地西康州洞庭相逢十二秋遠媿尚方曾賜履  
竟非吾土倦登樓久存膠漆應難並一辱泥塗遂晚收  
李杜齊名真忝竊朔雲寒菊倍離憂

別韋郎中

張謂

星軺計日赴岷峨雲樹連天阻笑歌南入洞庭隨鴈去  
西過巫峽聽猿多嘒嶸洲上飛黃蝶灝瀟堆邊起白波  
不醉郎中桑落酒教人無奈別離何

夜別韋司士

得城字

高適

高館張燈酒復清夜鐘殘月鴈歸聲只言啼鳥堪求侶

無那春風欲送行黃河曲裏沙爲岸白馬津邊柳向城  
莫怨他鄉暫離別知君到處有逢迎

別中都明府兄

李白

吾兄詩酒繼陶君試宰中都天下聞東樓喜奉連枝會  
南陌還一作爲落葉分城隅一作江城綠水明秋日海上青  
山隔暮雲取醉不辭留夜月鴈行中斷惜離羣

東平別前衛縣李案少府

高適

黃鳥翩翩楊柳垂春風送客使人悲怨別自驚千里外  
論交却憶十年時雲開汶水孤帆遠路繞梁山匹馬遲  
此地從來可乘興留君不住益凄其

律詩七言

卷三十五

六

奉寄別馬巴州

杜甫

勲業終歸馬伏波功曹一作無復漢蕭何扁舟繫纜沙  
邊久南國浮雲水上多獨把魚竿終遠去難隨鳥翼一  
相過知君未愛春湖色興在驪駒白玉珂

將赴荆南寄別李劍州弟

使君高義驅今古寥落三年坐劍州但見文翁能化俗  
焉知李廣未封侯路經灤瀨瀟瀟雙蓬鬢天入滄浪一釣舟  
戎馬相逢更何日春風回首仲宣樓

贈獻納起居田舍人澄

獻納司存雨露邊地分清切任才賢舍人退食收封事

宮女開函近一作捧御庭曉漏遲趨青瑣闥晴牕點檢白

雲篇楊雄更有河東賦唯待吹噓送上天

贈韋七贊善

鄉里衣冠不乏賢杜陵韋曲未央前爾家最近鬼三象  
時論同歸尺五天北走關山開雨雪南遊花柳塞風一作雲  
煙洞庭春色悲公子蝦菜忘歸范蠡船

贈彭州權別駕

蘇頌

流脉脉錦城開追餞年年往復迴祗道歌謠迎半刺  
徒聞禮數揖中台黃鶯急轉春風盡斑馬長嘶落景催  
莫憐分飛岐路別還當奏最掖垣來

律詩七言

卷三十五

七

贈郭將軍

李白

將軍豪蕩有英威一作年武威入一作音掌銀臺護紫微平  
明拂劍朝天去薄暮垂鞭醉酒歸愛子臨風吹玉笛美  
人騰一作向又作嬌又作乘月舞羅衣疇昔雄豪如夢裏相逢且  
欲醉春暉一作今日相逢俱失路何年滿上王春暉

贈田九判官梁丘

杜甫

崆峒使節下青霄河隴降王欵聖朝宛馬總肥春一作秦  
首着將軍只數漢一作霍嫖姚陳留玩瑀誰爭長京兆田  
郎早見招麾下賴君才並入獨能無意向漁樵  
喜辱韓十四郎中書兼封近詩示代書題贈

獨孤及

各牽于役間遊遨獨坐相思正鬱陶長跪讀書心暫緩  
短章投我曲何高宦情緣木知非願王事敦人敢告勞  
所歎在官成遠別徒言吮水纔容舸

苑舍人能書梵字兼達梵音皆曲盡其妙戲爲之

贈

王維

名儒待詔滿公車才子爲郎典石渠蓮花法藏心懸悟  
貝葉經文手自書楚詞共許勝楊馬梵字何人辨魯魚  
故舊相望在三事願君莫厭承明廬

酬王維

序曰王員外兄以子嘗學天竺書有戲題見贈然王兄當代詩匠又精禪理枉承知

律詩七言

卷三十五

八

音形於雅作微走筆以酬焉且久未遷因而嘲及

苑咸

蓮花梵字本從天華省仙郎早悟禪三點成伊猶有想  
一觀如幻自忘筌爲文已變當時體入用還推間氣賢  
應同羅漢無名欲故作馮唐老歲年

重酬苑郎中

序曰頃輒奉贈忽任見酬敘末云且漢無名欲故作馮唐老歲年亦解

朝之類也

王維

何幸含香奉至尊多慙未報主人恩草木盡能酬雨露  
榮枯安敢問乾坤僊郎有意憐同舍丞相無私斷掃門  
楊子解嘲徒自遣馮唐已老復何論

杜侍御送貢物戲贈

張謂

銅柱朱崖道路難，伏波橫海舊登壇。越人自貢珊瑚樹，漢使何勞獬豸冠。疲馬山中愁日晚，孤舟江上畏春寒。由來此貨稱難得，多恐君王不忍看。

寄司勳盧員外

李頎

流澌臘月下河陽，草色新年發建章。秦地立春傳太史，漢宮題柱憶仙郎。歸鴻欲度千門雪，侍女新添五夜香。早晚薦雄文，似者故人今已賦長楊。

寄杜員外

郭受

新詩海內流傳久，舊德朝中屬望勞。郡邑地卑饒霧雨，江湖天闊足風濤。松花酒熟傍看醉，蓮葉舟輕自學操。

律詩七言

卷三十五

九

春興不知凡幾首，衡陽紙價頓能高。

奉寄高常侍

杜甫

汶上相逢年頗多，飛騰無那故人何。總戎楚蜀應全未，方駕曹劉不啻過。今日朝廷須汲黯，中原將帥憶廉頗。天涯春色催遲暮，別淚遙添錦水波。

寄崔侍御

李白

宛谿霜夜聽猿愁，去國長爲一作不繫舟。獨憐一鴈飛南海，却羨雙谿解北流。高人屢解陳蕃榻，過客難登謝朓樓。此處別離同落葉，朝朝分散敬亭秋。

奉寄章十侍御

時初罷梓州刺史，東川留後將赴朝廷。

杜甫

淮海維揚一俊人，金章紫綬照青春。指麾能事回天地，訓練強兵動鬼神。湘西不得歸關羽，河內猶宜借寇恂。朝覲從容問幽側，勿云江漢有垂綸。

寄劉校書

郭元振

俗吏三年何足論，每將榮辱在朝昏。才微易向風塵老，身賤難酬知己恩。御苑殘鶯啼落日，黃山細雨濕歸軒。回首漢家丞相府，昨來誰得掃重門。

寄嚴八判官

劉方平

洛陽新月動秋砧，瀚海沙場天半陰。出塞能全仲叔策，安親更切老萊心。漢家官裏風雲曉，羌笛聲中雨雪深。

律詩七言

卷三十五

十

懷袖未傳三歲字，相思空作隴頭吟。

寄蔡毋三

李頎

新加大邑綬仍黃，近與單車去洛陽。顧盼一過丞相府，風流三接令公香。南川稷稻花侵縣，西嶺雲霞色滿堂。共道進賢蒙上賞，看君幾歲作臺郎。

寄杜位

杜甫

近聞寬法離新州，想見歸懷尚百一作憂。逐客雖皆萬里去，悲君已是十年流。干戈況復塵隨眼，簪髮還應雪滿頭。玉壘題書心緒亂，何時更得曲江遊。

寄常徵君



白水青山空復春徵君晚節傍風塵楚妃堂上色殊衆  
海鶴堆前鳴向人萬事糾紛猶絕粒一官羈絆實藏身  
開州入夏知涼冷不似雲安毒熱新

舍弟觀赴藍田取妻子到江陵喜寄

汝迎妻子達荆州消息真傳解我憂鴻鴈影來連峽內  
鵲鵲飛急到沙頭曉關險路今虛遠禹鑿寒江正穩流  
朱紱即當隨彩鷁青春不假報黃牛

馬度秦山雪正深北來肌骨苦寒侵他鄉就我生春色  
故國移居見客心歡劇一作提攜如意舞喜多行坐白  
頭吟巡簷索共一作梅花笑冷藥疎枝半不禁

律詩 卷三十五 十一

更信羅含俱有宅春來秋去作誰家短牆若在從殘草  
喬木如存可假花卜築應同一作蔣詡徑爲園須似邵  
平瓜比年病酒開涓滴弟勸兄酬何怨嗟

王十七侍御掄許攜酒至草堂奉寄此詩便請邀  
高三十五使君同到

老夫臥穩一作朝慵起白屋寒多暖始開江鶴巧當幽  
徑浴鄰雞還過短牆來繡衣屢許攜家釀一作皂蓋能  
忘折野梅戲假霜威促山簡須成一醉習池回

簡吳郎司法

有客乘舸自忠州遣騎安置瀼西頭古堂本買藉疎豁

借汝遷居停宴遊雲石熒熒高葉曉風江颯颯亂帆秋  
却爲姻婭過逢地許坐層軒數散愁

呈吳郎

堂前撲棗任西鄰無食無兒一婦人不爲困窮寧有此  
祗緣恐懼轉須親即防遠客雖多事使挿疎籬却甚真  
已訴徵求貧到骨正思戎馬淚盈巾

遣悶戲呈路十九曹長

江浦雷聲喧昨夜春城雨色動微寒黃鸝並坐交愁濕  
白鷺羣飛太劇乾乾晚節漸於詩律細誰家數去酒杯寬  
知君最愛清狂客百遍相過一作意未闌

律詩 卷三十五 十二

示猗奴阿段

山木蒼蒼落日曛竹竿裊裊細泉分郡人入夜爭餘瀝  
穉一作子尋源獨不聞病渴三更迴白首傳聲一注濕  
青雲會驚陶侃胡奴異怪爾常穿虎豹羣

懷崔吏部倚

苦憶荊州醉司馬謫官樽酒一作定常開九江日落醒  
何處一柱觀頭眠幾迴可憐懷抱向人盡欲問平安無  
使來故憑錦水將雙淚好過一作瞿塘灩澦堆

嚴中丞枉駕見過嚴自東川除西川敕令南川都

元戎小隊出郊垌問柳尋花到野亭川合東西瞻使節

地分南北任浮萍扁舟不獨如張翰皂一作帽應兼似

管寧寂寞江天雲霧裏何人道有少微星

嚴中丞仲夏枉駕草堂兼攜酒饌

竹裏行厨洗玉盤花邊立馬簇金鞍非關使者徵求急

自識將軍禮數寬百年地僻一作柴門迴五月江深草

閣寒看弄漁舟移白日老農何有整交歡

喜崔明府相過一作客至

舍南舍北皆春水但見一作看羣鷗日日來花徑不曾緣

客掃蓬門今始爲君開盤餐市遠無兼味樽酒家貧只

舊醅肯與鄰翁相對飲隔離呼取盡餘杯

律詩七言 卷三十五 十三

賓至

幽棲地僻經過少老病人扶拜難豈有文章驚海內

設勞車馬駐江干竟日淹留佳客坐百年麤糲腐儒餐

不一作嫌嫌野外無供給乘興還來看藥欄

春日與裴迪過新昌里訪呂逸人不遇

桃源一向一作西絕風塵柳市南頭訪隱淪到門不敢題

凡鳥看竹何須問主人城上青山如屋裏東家流水入

西鄰閉戶著書多歲月種松皆作老龍鱗

同王右丞作

裴迪

恨不逢君出荷蓑青松白屋更無他陶令五男曾不有

蔣生三逕枉相過芙蓉曲沼春流滿薜荔成帷晚霽多

聞說桃源好迷客不如高臥賸庭柯

奉待嚴大夫

殊方又喜故人來重鎮還須濟世才常怪偏裨終日待

不知旌節隔年回欲辭已微啼鶯合遠下荆門去鷁催

身老時危思會面一生襟抱向誰開

酬郭給事

洞門高閣靄餘輝桃李陰陰柳絮飛禁裏疎鐘官舍晚

省中啼鳥吏人稀晨搖玉珮趨金殿夕奉天書拜瑣闥

律詩七言 卷三十五 十四

強欲從君無那老將因臥病解朝衣

才微歲晚一作老尚虛名臥病江湖春復生藥裹關心詩

總廢花枝照眼句還成只同燕石能星隕自得隨珠覺

夜明喬口橘洲風浪促繫帆何惜片時程

答皇甫十六侍御北歸留別作

正當楚客傷春地豈是騷人道別時俱徇空名嗟欲老

況將行役料前期勞生多故應同病羸馬單車莫自悲

明日相望隔雲水解顏唯有袖中詩

訓常郡縣見贈

愛君修政若修身鰥寡來歸乳雉馴堂上五絃銷暇日  
邑中千室有陽春謂乘鳧鳥朝天子却愧猪肝累主人  
辭後讀君懷縣作定知三歲字猶新

答李滁州見寄

相逢劇歎別離牽三見江皋蕙草鮮白髮俱生歡未再  
滄洲獨往意何堅愁看郡內花將歇忍過山中月屢圓  
終日望君休汝騎愧無堪報起予篇

得柳員外書封寄近詩書中兼報新王行營兵馬

因代書戲答

郎官作掾心非好儒服臨戎政已聞說劍嘗宗添園吏  
律詩七言 卷三十五 十五

戒嚴應笑棘門軍遙知抵掌論皇道時復吟詩向白雲  
百越待君言即叙相思不敢愴離羣

巴類荅杜二見憶

嚴武

卧向巴山落月時兩鄉千里夢相思可但步兵偏愛酒  
也知光祿最能詩江頭赤葉楓愁客籬外黃花菊對誰  
跋馬望君非一度冷猿秋鴈不勝悲

嵩山石淙侍宴

應制

沈佺期

金輿旦下綠雲衢綵殿晴臨碧澗隅谿水泠泠逐行漏  
山煙片片引香鑪仙人六膳調神鼎玉女三漿捧帝壺  
自昔汾陽紆道駕無如太室覽真圖

前題

宋之問

離宮秘苑勝瀛洲別有仙人洞壑幽巖邊樹色含風冷  
石上泉聲帶雨秋鳥向歌筵來度曲雲依帳殿結爲樓  
微臣昔忝方明御今日還陪八駿遊

興慶池侍宴

應制

沈佺期

碧水澄潭映遠空紫雲香駕御微風漢家城闕疑天上  
秦地山川似鏡中向浦迴舟萍已綠分林蔽殿槿初紅  
古來徒羨橫汾賞今日宸遊聖藻雄

前題

韋元旦

滄池漭沔帝城邊殊勝昆明鑿漢年夾岸旌旗疏一作陳  
律詩七言 卷三十五 十六

輦道中流一作鼎簫鼓振樓船雲峰四起迎宸幄一作宵  
樹千重入御筵宴樂已深魚藻詠承恩更欲奏甘泉

前題

蘓瓌

金闕平明宿霧收瑤池式宴俯清流瑞鳳飛來隨帝輦  
祥魚出戲躍王舟帷齊綠樹當筵密蓋轉細荷接岸浮  
如臨竊比微臣懼若濟叨陪聖主遊

前題

李乂

神池汎濫水盈科仙躡紆徐步輦過縱棹洞沿萍溜合  
開軒眺賞麥風和潭魚在藻供遊詠一作欣谷鳥含櫻  
入賦歌寄語一作謝乘槎溟海客回頭一作詎來此問天河

前題

馬懷素

積水逶迤繞直城，含虛皎鏡有餘清。  
圖雲曲榭連綈幕，映日中塘間綵旌。  
賞洽猶聞簫管沸，歡留更睹木蘭輕。  
無勞海上尋仙客，即有一蓬萊在帝京。

前題

劉憲

蒼龍闕下天泉池，軒駕來遊簫管吹。  
綠堤夏篠縈不散，冒水新荷卷復披。  
帳殿疑從畫裏出，樓船直在鏡中移。  
自然東海神仙處，何用西崑輟迹疲。

前題

武平一

鸞輿羽駕直城隈，帳殿旌門此地開。  
皎潔靈潭圖日月，律詩七言 卷三十五 十七

參差畫舸結樓臺，波搖岸影隨橈轉。  
風送荷香入一逐，酒來願奉聖情歡，不極長遊雲漢幾，昭回

前題

蘇頌

降鶴池前迴步輦，栖鸞樹杪出行宮。  
山光積翠遙疑逼，水態含青近若空。  
直視天河垂象外，俯窺京室盡圖中。  
皇歡未使恩波極，日暮樓船更起風。

前題

張說

靈池月滿直城隈，輦帳天臨御路開。  
東沼初陽疑吐出，南山曉翠若浮來。  
魚龍百戲分一作容與鳬鵲雙舟較

汴泗願似金堤青草馥，一作長承瑤水白雲杯。

太平公主山亭侍宴

應制

李嶠

黃金瑞榜絳河隈，白玉仙輿紫禁來。  
碧樹青岑雲外聳，朱樓畫閣壁一作水中開。  
龍舟下瞰蛟人室，羽節高臨鳳女臺。  
遂惜歡娛歌吹晚，揮戈更卻一作使曜靈回。

侍宴安樂公主新宅

應制

沈佺期

皇家貴主好一學，神仙別業初開雲。  
漢邊山出盡如鳴鳳，額池成不讓飲龍川。  
妝樓翠幌教春住，舞閣金鋪借日懸。  
敬從乘輿來此地，稱觴獻壽樂鈞天。

侍宴安樂公主山莊

應制

李乂

律詩七言

卷三十五

十八

金輿玉輦背三條，水閣山樓望九霄。  
野外初迷七聖道，河邊忽覩二靈橋。  
懸冰滴瀝清吹冷，雜鳳簫向晚平陽歌舞合，前谿更轉木蘭橈。

前題

李適

平陽金榜鳳凰樓，沁水銀河鸚鵡洲。  
綵仗遙臨一作丹臺，裏仙輿暫幸綠亭幽。  
前池錦石蓮花豔，後嶺香鑪桂藥秋。  
貴王稱觴萬年壽，還輕漢武濟汾遊。

前題

蘇頌

駿駉羽騎歷城池，帝女樓臺向晚披。  
霧灑旌旗雲外出，風迴巖岫雨中移。  
當軒半落天河水，繞逕全低月樹枝。

簫鼓宸遊陪宴日和鳴雙鳳喜來儀

鄭駙馬宴洞中

杜甫

主家陰洞細煙霧留客夏簟青琅玕春酒杯濃琥珀薄  
冰漿碗碧碼碯寒悞疑茅堂過江麓已入風磴蘿雲端  
自是秦樓壓鄭谷時聞雜珮聲珊珊

曲江陪鄭八丈南史宴

雀啄江頭黃柳花鵲鵲鵲滿晴沙自知白髮非春事  
且盡芳樽戀物華近侍卽今難浪迹此身那得更無家  
丈人才一作筋力猶強健豈傍青門學種瓜

同陳留崔司戶早春宴蓬池

高適

律詩七言

卷三十五

十九

同官載酒出郊圻晴日東馳鴈比飛隔岸春雲邀翰墨  
傍簷垂柳報芳菲池邊轉覺虛無盡臺上偏宜酩酊歸  
州縣徒勞那可度後時連騎莫相違

夜宴聯句

頃持憲簡推高步獨占詩流橫素波不是中情深惠好  
誰能千里遠經過顏真卿詩書宛似陪康樂少長還同宴  
永和夜酌此時看碾玉晨趨幾日重鳴珂皇甫曾

春園家宴

張謂

南園春色正相宜大婦同行少婦隨竹裏登樓人不見  
花間覓路鳥先知櫻桃解結垂簷子楊柳能低入戶枝

山簡醉來歌一曲參差笑殺郢中兒

早發三鄉山行

素和聖製

張九齡

羽衛森森西向秦山川歷歷在清晨晴雲稍卷寒巖樹  
宿雨能一作微銷御路塵聖德由來合天道靈符卽此應  
時巡遺賢一一皆羈致猶欲高深訪隱淪

望嶽

杜甫

西嶽峻嶒竦處尊諸峰羅立一作列似兒孫安得仙人九  
節杖拄到玉女洗頭盆車箱入谷無歸一作回路箭括逼  
天有一門稍待秋風涼冷後高尋白帝問真源

奉和劉採訪緡雲南頌作

庾光先

律詩七言

卷三十五

二十

百越城池枕海圻永嘉山水復相依懸蘿弱篠垂清淺  
宿雨朝暎和翠微鳥訝山經傳不盡花隨月令數仍稀  
幸陪謝客題詩句誰與王孫此地歸

遙同杜員外審言過嶺

沈佺期

天長地闊領頭分去國離家見白雲洛浦風光何所似  
一作肝腸崇山瘴癘不堪聞南浮漲海人何處北望衡  
陽鴈幾羣兩地江山一作春風萬餘里何時重謁聖明君

江上值水如海勢聊短述

杜甫

爲人性僻耽佳句語不驚人死不休老去詩篇渾謾興  
春來花鳥莫深愁新添水檻供垂釣故着浮槎替入舟

焉得思如陶謝手令渠遂作與同遊

曲江二首

一片花飛減却春風飄萬點正愁人且看欲盡花經眼  
莫厭傷多酒入脣江上小堂巢翡翠苑邊高冢臥麒麟  
細推物理須行樂何用浮名絆此身

朝回日日典春衣每向一作江頭盡醉歸酒債尋常行  
處有人生七十古來稀穿花蛺蝶深深見點水蜻蜓款  
款飛傳語風光共流轉暫時相賞莫相違

曲江對酒

苑外江頭坐不歸水精宮一作殿轉霏微桃花細逐楊  
律詩七言 卷三十五 二十一

花落黃鳥時兼白鳥飛縱飲久拚人共棄嬾朝真與世  
相違吏情更覺滄洲遠老大徒傷一作未拂衣

宇文晃尚書之甥崔或司業之孫尚書之子重

鄭監前湖

郊扉俗遠長幽寂野水春來更接連錦席淹留還出浦  
葛巾欹側未回船樽當霞綺輕初散棹拂荷珠碎却圓  
不但習池歸酩酊君看鄭谷去黃緣

峽中覽物

曾爲掾吏趨三輔憶在潼關詩與多巫峽忽如瞻華嶽  
蜀江猶一作還似見黃河舟中得病移衾枕洞口經春長

薜蘿形勝有餘風土惡幾時回首一高歌

鸚鵡洲

李白

鸚鵡來過吳江水江上洲傳鸚鵡名鸚鵡西飛隴山去  
芳洲之樹何青青煙開蘭葉香風暖岸夾桃花錦浪生  
遷客此時徒極目長洲孤月向誰明

城西陂泛舟

杜甫

青蛾皓齒在樓船橫笛短簫悲遠天春風自信牙檣動  
遲日徐看錦纜牽魚吹細浪搖歌扇燕蹴飛花落舞筵  
不有小舟能盪槳百壺那送酒如泉

西塞山下迴舟作

陶侃

律詩七言 卷三十五 二十二

匡廬舊業是誰一作王吳越新居安此生白髮數莖歸  
未得青山一望計還成一作鴉鴉翻楓葉夕陽動鷺

立蘆花秋水明從此拾舟何所詣酒旗歌扇正相迎

奉和 相公發益昌

岑參

相國臨戎別一作帝京擁麾持節遠橫行朝登劍  
閣雲隨馬夜渡巴江雨洗兵山花萬朶迎一作征蓋川  
柳千條拂去旌暫到蜀城應計日須知明王待持衡

曉發公安數月憩息此縣

杜甫

北城擊柝復欲罷東方明星亦不遲鄰雞野哭如昨日  
物色生能幾時舟楫眇然自此去江湖遠適無前期

出門轉盼已陳迹藥餌扶吾隨所之

早發龍沮館

舟中作寄東海徐司倉鄭司戶

獨孤及

沙禽相呼曙色分漁浦鳴榔十里聞正當秋風渡楚水  
況值遠道傷離羣津頭却望後湖岸別處已隔東山雲  
停艫目送北歸翼惜無瑤華持寄君

行經華陰

崔顥

岧峣太華俯咸京天外三峰削不成武帝祠前雲欲散  
仙人掌上雨初晴河山北枕秦關險驛樹西連漢時平  
借問路傍名利客無如此處學長生

望薊門

祖詠

律詩七言

卷三十五

二十三

燕臺一望一作去客心驚簫鼓喧喧漢將營萬里寒光生  
積雪三邊曙色動危一作行旌沙場烽火連一作段胡月海  
畔雲山擁薊城少小雖非投筆吏論功還欲請長纓

將赴成都草堂途中有作

五首寄嚴鄭公

杜甫

得歸茅屋赴成都真爲文翁再剖符但使閭閻還揖讓  
敢論松菊久荒蕪魚知丙穴由來美酒憶郛筒不用沽  
五馬舊曾諳小徑幾廻書札待潛夫

處處清江帶白蘋故園猶得見殘春雪山斥候無兵馬  
錦里逢迎有主人休怪兒童延俗客不教鵝鴨惱比鄰  
習池未覺風流盡况復荊州賞更新

竹寒沙碧浣花谿橘一作菱刺藤梢咫尺迷過客徑須愁

出入居人不自解東西書籤藥裹封蛛網野店山橋送

馬蹄肯藉荒亭春草色先判一飲醉如泥

常苦沙崩損藥欄也從江檻落風湍新松恨不高千尺  
惡竹應須斬萬竿生理祇憑黃閣老衰顏欲付紫金丹

三年奔走空皮骨信有人間行路難

錦官城西生事微烏皮几在還思歸昔去爲憂亂兵入  
今來已恐鄰人非側身天地更懷古回首風塵甘息機  
共說總戎雲鳥陣不妨遊子芰荷衣

春日京中有懷

杜審言

律詩七言

卷三十五

二十四

今年遊寓獨遊秦愁思看春不當春上林苑裏花徒發  
細柳營前葉漫新公子南橋應盡興將軍西第幾留賓  
寄語洛城風日道明年春色倍還人

早春代洛陽答杜審言

于季子

梓澤年光往復來杜灞遊人去不廻若非載筆登麟閣  
定是吹簫伴鳳臺路傍桃李花猶嫩波上芙蓉葉未開  
分明寄語長安道莫教留滯洛陽才

春日幸望春宮

奉和聖製

薛稷

九春風景足林泉四面雲霞敞御筵花鏤黃山繡作苑  
草圖玄灞錦爲川飛鴈競一作起醉心廻日走馬爭先一作



看眼着鞭喜奉仙遊歸路遠直言行樂不言旋

前題

沈佺期

芳郊綠野散春晴  
複道離宮煙霧生  
楊柳千條花欲綻  
蒲萄百丈蔓初榮  
林香酒氣元相入  
鳥轉歌聲各自成  
定是風光牽宿醉  
來晨復得幸昆明

前題

劉憲

暮春春色最便妍  
苑裏花間一作開列御筵  
南一作商山積翠臨城起  
滌水浮光共幕連  
鶯藏嫩葉歌相喚  
蝶礙芳叢舞不前  
歡娛節物今如此  
願奉宸遊億萬年

前題

韋元旦

律詩七言 卷三十五 二十五  
九重樓閣半山斜一作霞四望韶陽春未賒  
侍蹕妍歌臨灞浹留觴艷舞出京華  
危竿競捧中衡日戲馬爭銜上苑花  
景色歡娛長若此承恩不醉不還家

前題

李义

東城結宇瞰一作敬千尋北闕迴與具四臨  
麗日祥煙承平單輕美弱草藉衣簪  
秦商重沓雲巖近河渭紫紉霧壑深  
謬接鵷鴻一作鷺陪賞樂還欣魚鳥遂飛沈

前題

李適

玉輦金輿天上來  
花園四望錦屏開  
輕絲半拂朱門一作一作柳細  
纈全披畫閣梅舞蝶飛行飄御席鶯歌度曲繞

仙杯聖詞今日光輝滿漢王秋風莫道才

前題

崔湜

澹蕩春光滿曉空  
逍遙御輦入離宮  
山河眺望雲天外  
臺榭參差煙霧中  
庭際花飛錦繡合  
枝間鳥轉一作一作語管絃同  
卽此歡娛齊鎬宴  
唯應率舞一作一作樂薰風

前題

馬懷素

綵牀一作一作瑀輿俯碧濤  
行春御氣發皇心  
搖風細柳繁馳道  
映日輕花出禁林  
通一作一作野園亭開帘幕連  
堤草樹狎衣簪  
詠叅西掖霑堯酒  
願沐南薰解舞琴

前題

鄭愔

律詩七言 卷三十五 二十六  
晨暉凌高轉翠旌  
春樓望遠背朱城  
忽排花上遊天苑却坐雲邊看帝京  
百草香心初冒蝶千林嫩葉始藏鶯  
幸同微一作一作藁傾陽早願比盤根應候榮

前題

張說

別館芳菲上苑東  
飛花澹蕩御一作一作舞筵紅  
城臨渭水天河靜一作一作闕對南山雨  
露通繞殿流鶯凡幾樹當蹊亂蝶許多叢  
春園旣醉心和樂共識皇恩造化同

前題

趙彥昭

寶契無爲屬聖人  
瑀輿出幸玩芳辰  
平樓半入南山霧飛閣旁臨東野一作一作聖  
春夾路穠花千樹發垂軒弱柳萬

條新處處風光今日好年年願奉屬車塵

前題

崔日用

東郊芳風一作物

正薰馨素湓鳬戲綠汀鳳閣斜通平

樂觀龍旂直逼望春亭光風搖動一作蘭英紫淑氣依

遲柳色青渭浦明晨脩禊事羣公傾賀水心銘

前題

蘇頌

東望望春春可憐更逢晴日柳含煙宮中下見南山盡

城上平臨北斗懸細草偏承迴輦處輕一作花微一作

落奉觴一作前宸遊對此歡無極鳥嘒聲一作聲入一作

雜管絃

律詩七言

卷三十五

二十七

奉和扈從溫泉宮承恩賜浴

蔡希周

天行雲從指驪宮浴日餘波錫詔同綵殿氤氳擁香溜

紗牕宛轉閉一作春風來將蘭氣衝皇澤去引星文一作

捧碧空自憐遇坎便能止願託仙槎路未通

扈從溫泉宮獻詩

張說

溫泉啟蟄氣一作地氛氲渭浦歸鴻日數羣騎仗聯聯環

比極鳴笳步步引南薰松間彩殿籠佳氣山上朱旗繞

瑞雲不知遠夢華胥國何如親奉帝堯君

駕幸溫泉宮

盧象

傳聞聖王幸新豐清蹕鳴鑾出禁中細草終朝隨步聲

垂楊幾處繞行宮千官扈從驪山北萬國來朝渭水東  
此日小臣徒獻賦漢家誰復重楊雄

溫泉宮寓目

和太常韋正卿

王維

漢王離宮接露臺秦川西望夕陽開青山盡是朱旗繞

碧澗翻從玉殿來新豐樹裏行人度小苑城邊獵騎迴

聞道甘泉能獻賦懸知獨有子雲才

金城北樓

高適

北樓西望滿晴空積水連山勝畫中湍上急流聲若箭

城頭殘月勢如弓垂竿已謝磻谿老體道猶思塞上翁

爲問邊庭更何事至今羌笛怨無窮

律詩七言

卷三十五

二十八

登安陽城樓

孟浩然

縣城南面漢江流江漲一作開成南雍州才子乘春來

騁望羣公暇日坐銷憂樓臺晚映青山郭羅綺晴驕綠

水洲向夕波搖明月動更疑神女弄珠遊

白帝城最高樓

杜甫

大徑仄旌旆愁獨立縹緲之飛樓峽坼雲霾龍虎蟠

江清日抱龜鼉遊扶桑西枝封斷石弱水東影隨長流

杖藜歎世者誰子泣血迸空回白頭

綏州越王樓卽事

喬琳

三蜀澄清郡政閒登樓攜酌日躋攀頓覺胸懷無俗事

迴看掌握是人寰  
灘聲曲折涪州水  
雲影低銜富樂山  
行鴈南飛似鄉信  
忽然西笑向秦關

登萬歲樓

孟浩然

萬歲樓頭望故鄉  
獨令鄉思更茫茫  
天寒鴈度堪垂淚  
日一作落猿啼欲空斷腸  
曲引古堤臨凍浦  
斜分遠岸近枯楊  
今朝偶見同袍友  
却喜家書寄八行

前題

王昌齡

江上巍巍萬歲樓  
不知經歷幾千秋  
年年喜見山長在  
日日悲看水獨流  
猿狄何曾離暮嶺  
鸕鷀空自泛寒洲  
誰堪登望雲煙裏  
向晚茫茫發旅愁

律詩七言

卷三十五

二十九

江陵節度使陽城郡王新樓成王請嚴侍御判官  
賦七字句同作

杜甫

樓上炎天冰雪生  
高飛燕雀賀新成  
碧牕宿霧濛濛濕  
朱戟浮雲細細輕  
杖鉞寒帷瞻具美  
投壺散帙有餘清  
自公多暇延參佐  
江漢風流萬古情

又奉衛王

西北樓成雄楚都  
遠開山岳散江湖  
二儀清濁還高下  
三伏炎蒸定有無  
推轂幾年惟鎮靜  
曳裾終日盛文儒  
白頭授簡焉能賦  
媿似相如爲大夫

七月一日題終明府水樓

二首

高棟層軒已自涼  
秋風此日灑衣裳  
條然欲下陰山雪  
不去非無漢署香  
絕壁過雲開錦繡  
疎松隔水奏笙簧  
看君宜著王喬履  
真賜還疑出尚方

處子彈琴邑宰日  
終軍棄繻英妙時  
承家節操尚不泯  
爲政風流今在茲  
可憐賓客盡傾蓋  
何處老翁來賦詩  
楚江巫峽半雲雨  
清簟疎簾看奕碁

登樓

花近高樓傷客心  
萬方多難此登臨  
錦江春色來天地  
玉壘浮雲變古今  
北極朝廷終不改  
西山寇盜莫相侵  
可憐後主還祠廟  
日暮聊爲梁甫吟

律詩七言

卷三十五

三十

延平門高齋亭子

應岐王敬

張謂

花源藥嶼鳳城西  
翠幙紗牕鶯亂啼  
昨夜蒲萄初上架  
今朝楊柳半垂堤  
片片仙雲來渡水  
雙雙燕子共銜泥  
請語東風催後騎  
併將歌舞向前谿

西亭子言懷

張謂

數叢芳草在堂陰  
幾處閒花映竹林  
攀樹玄猿呼郡吏  
傍谿白鳥應家禽  
青山看景知高下  
流水聞聲覺淺深  
官屬不令拘禮數  
時時緩步一相尋

寄題杜拾遺錦江野亭

嚴武

漫向江頭把釣竿  
懶眠沙草愛風湍  
莫倚善題鸚鵡賦

何須不着鵝鵝冠腹中書籍幽時曬肘後醫方靜處看  
興發會能馳駿馬應須直到使君灘

酬嚴公

杜甫

拾遺曾奏數行書懶性從來水竹居奉引濫騎沙苑馬  
幽棲真釣錦江魚謝安不倦登臨費阮籍焉知禮法疎  
枉沐旌麾出城府草茅無逕欲教鋤

題鄭縣亭子

鄭縣亭子澗之濱戶牖憑高發興新雲斷嶽蓮臨大路

一作天晴一作宮柳暗長春巢邊野雀羣欺燕花底山

蜂遠趁人更欲題詩滿青竹晚來幽獨恐傷神

律詩七言

卷三十五

三十一

崔氏東山草堂

愛汝玉山草堂靜高秋爽氣多一作鮮新有時自發鐘

磬響落日更見漁樵人盤剝白鴉谷口粟飯煮青泥坊

底芹何事一作爲西莊王給事柴門空閉鎖松筠

堂成

背郭堂成陰白茅綠江路熟俯青郊棧林礙日吟風葉  
籠竹和煙滴露梢暫止飛鳥將數子頻來語燕定新巢  
旁人錯比楊雄宅嬾情無心作解嘲

柏學士茅屋

碧山學士焚銀魚白馬却走身巖居古人已用三冬足

年少今開萬卷餘晴雲滿戶團傾蓋秋水浮堦溜決渠  
富貴必從勤苦得男兒須讀五車書

春日出苑遊矚

太子時作

玄宗

三陽麗景早芳辰四序佳園物候新梅花百樹一作障  
去路垂柳千條暗回津鳥飛直爲驚風葉魚沒都由怯  
岸人唯願聖主南山壽何愁不賞萬年春

奉和

張說

禁林艷裔發青陽春望逍遙出畫堂雨洗亭臯千畝綠  
風吹梅李一園香鶴飛不去隨青管魚躍翻來入綵航  
睿賞歡承天保定道文更觀日重光

律詩七言

卷三十五

三十二

奉和

賈曾

銅龍一作曉關問安迴金輅春遊博望開渭水一作晴  
光搖草樹終南佳氣入樓臺招賢已從商山老此乘還  
徵鄴下才臣在東周獨留滯一作逢膚藻日邊來

春初幸太平公主南莊

沈佺期

王家山第早春歸御輦春遊繞翠微買地鋪金竹作埽  
尋河取石舊支機雲間樹色千花滿竹裏泉聲百道飛  
自有神仙鳴鳳曲併將歌舞報恩暉

前題

一作趙彥昭

韋嗣立

主第巖局架鵲橋天門閭闔降鸞鑣歷亂旌旗轉雲樹

參差臺榭入煙霄林間花雜平陽舞谷裏鶯和弄玉簫  
已陪沁水追歡日行奉茅山訪道朝

前題

李嶠

王家人第接雲開天子春遊動地來羽騎參差花外轉  
霓旌搖曳一作日邊迴還將石榴調琴曲更取峰霞入  
酒杯鸞輅已辭烏鵲渚簫聲猶繞鳳皇臺

前題

邵昇

沁園佳麗奔蓬瀛翠壁紅泉繞上京二聖忽從鸞殿幸  
雙仙正下鳳樓迎花含步輦空閒出樹雜帷宮盡裏行  
無路乘槎窺漢渚徒知訪卜就君平

律詩七言

卷三十五

三十三

前題

李乂

平陽館外有仙家沁水園中好物華地出東郊迴日御  
城臨南斗度雲車風泉韻繞幽林竹雨霰光搖雜樹花  
已慶時來千億壽還言日暮九重賒

前題

李邕

傳聞銀漢石支機復見金輿出紫微織女橋邊烏鵲起  
仙人樓上鳳凰飛流風入座飄歌扇瀑水侵堦滅舞衣  
今日還同犯牛斗乘槎共逐海潮歸

前題

宋之問

青門路接鳳皇臺素滌宸遊龍騎來澗草自迎香輦合

巖花應待御筵開文移北斗成天象酒遞一作南山作  
壽杯此日侍臣將石去共歡明主賜金迴

前題

蘓頌

王第山門起灞川宸遊風景入初年鳳凰樓下交天仗  
烏鵲橋頭敞御筵往往花間逢綵石時時竹裏見紅泉  
今朝扈蹕平陽館不羨乘槎雲漢邊

幸安樂公主山莊

景龍三年八月三日奉和聖製

薛稷

王家庭園一作宇極新規帝郊遊豫奉天儀歡宴瑤臺鎬  
京集賞賜銅山蜀道移曲閣交映金精板飛花亂下珊  
瑚枝借問今朝八龍駕何如昔日望一作指仙池

律詩七言

卷三十五

三十四

前題

劉憲

王家庭別墅帝城隈無勞海上覓蓬萊杏石一作流平  
地起危樓曲閣半天開庭花作薦舞行出浦樹相將  
歌棹迴此日風光與形勝祗言併作聖詞來

前題

趙昭

六龍齊軫御朝曦雙鷁維舟下綠池飛觀仰看雲外聳  
浮橋直見海中移靈泉巧鑿天孫渚孝荀能抽帝女枝  
幸願一生同草樹年年歲歲樂於斯

前題

盧藏用

皇女瑤臺天漢濤星橋月宇構一作山林飛蘿半拂銀

題影瀑布環流玉砌陰菊浦香隨鸚鵡泛簫樓韻逐鳳凰吟瑤池駐蹕恩方久璧月無文興轉深

前題

韋元日

銀河南渚帝城隅帝輦平明出九衢刻鳳蟠螭凌桂邸穿池疊一作石寫蓬壺瓊簫暫下釣天樂綺綴長懸明月珠仙榜承恩爭既醉方知朝野更歡娛

前題

岑羲

銀榜重樓出霧開金輿步輦向天來泉聲迴入吹簫曲山勢遙臨獻壽杯帝女含笑流飛電乾文鱗色象昭回誠願北極拱堯日微臣抃舞詠康哉

律詩七言

卷三十五

三十五

前題

李迥秀

詰旦重門開警蹕傳言太主奉山林是日迴輿羅百一作萬騎此時歡喜賜千金驚羽鳳簫參樂曲荻園竹筵接帷陰手舞足蹈方無已萬年千歲奏薰琴

前題

蕭至忠

西郊窈窕鳳凰臺北渚平明法駕來匝地金聲初度曲周堂玉溜好一作且傳杯灣路分遊畫舟轉巖門相向碧亭開微臣此時承宴樂髣髴疑從一作尋星漢迴

前題

馬懷素

主家臺沼勝平陽帝幸歡娛樂未央掩映瑤窻交極浦

參差繡戶繞迴塘泉聲百處傳歌曲樹影千重對舞行聖酒一霑何以報唯欣頌德奉時康

前題

宗楚客

玉樓銀榜枕嚴城翠蓋紅旂列禁營日映層巖圖畫色風搖雜樹管絃聲水邊重閣含飛動雲裏孤峰類削成幸覩八龍遊閬苑一作幸陪七聖遊崑閬無勞萬里訪蓬瀛

早秋山莊

王維

無才不敢累明時思向東谿守故籬豈厭尚平婚嫁早却嫌陶令去官遲草間蛩響臨秋急山裏蟬聲薄暮悲寂寞柴門人不空林獨與白雲期

律詩七言

卷三十五

三十六

輞川莊

不到東山向一年歸來纔及種春田雨中草色綠堪染水上桃花紅欲然優妻比丘經論學偃僕丈人鄉里賢披衣倒屣且相見相歡語笑衝門前

題東谿公幽居

李白

杜陵賢人清且廉東谿卜築歲將淹宅近青山同謝朓門垂碧柳似陶潛好鳥迎春歌一作後院飛花送酒舞前庭客到但知留一醉盤中祇有水晶鹽

題張氏隱居

杜甫

春山無伴獨相求伐木丁丁山更幽澗道餘寒歷永雪

石門斜日到林丘不貪夜識金銀氣遠害朝行麋鹿遊  
乘興杳然迷出處對君疑是泛虛舟

題單山人隱居

南極老人自有星北山移文誰勒銘徵君已去獨松菊  
哀慳無光留戶庭予見亂離不得已子知出處必須經  
高車駟馬帶傾覆悵望秋天虛翠屏

首春渭西郊行

呈藍田張二王

岑參

迴風度雨渭城西細草新花踏作泥秦女峰頭雪未盡  
胡公陂上日初低愁窺白髮羞微祿悔別青山憶舊谿  
聞道輞川多勝事玉壺春酒正堪攜

律詩七言

卷三十五

三十七

野望

二首

杜甫

西山白雪三城戍南浦清江萬里橋海內風塵諸弟隔  
天涯涕淚一身遥唯將遲暮供多病未有涓埃答聖朝  
跨馬出郊時極目不堪人事日蕭條

金華山北涪水西仲冬風日始淒淒山連粵嶺蟠三蜀  
水散巴渝下五谿獨鶴不知何事舞饑鳥似欲向人啼  
射洪春酒寒仍綠目極傷神誰爲攜

江村

清江一曲抱村流長夏江村事事幽自去自來梁上燕  
相親相近水中鷗老妻畫紙爲基局稚子敲針作釣鉤

多病所須惟藥物微軀此外更何求

南鄰

錦里先生烏角巾園收芋栗未一作全貧慣看賓客兒

童喜得食階除鳥雀馴秋水纔深四五尺野艇一作恰

受兩三人白沙翠竹江村暮相送柴門月色新

田家即事

儲光羲

桑柘悠悠水蘸堤晚風晴景不妨犁高機猶織臥蠶子  
下坂饑逢餉餼妻杏色滿林羊酪熟麥涼浮壠雉媒低  
生時樂死皆由命事在夏天迴不迷

立春日遊苑迎春

中宗

律詩七言

卷三十五

三十八

神臯福地三秦邑玉臺金闕九仙家寒光猶戀甘泉樹  
淑景偏臨建始花綵蝶黃鸝未歌一作舞梅香柳色已  
矜一作誇迎春正啟流霞席暫囑曦輪勿遽斜

奉和

沈佺期

東郊暫轉迎春仗上苑初飛行慶杯風射蛟一作水千  
片斷氣衝魚鑰九關開林中賁草纔生蕙殿裏爭花併  
是梅歌吹銜恩歸路晚樓烏半下鳳城來

奉和

韋元旦

灞浹長安恒一作常近日殷正臘月早迎新池魚戲葉仍  
含凍宮女裁花已作春向苑雲疑承翠幄入林風若起



青蘋年年斗柄東無限願挹瓊觴壽北辰

奉和

盧藏用

天遊龍輦駐城闌上苑遲光晚更新瑤臺半入黃山路  
玉檻傍臨玄灞津梅香欲待歌前落蘭氣先過酒上春  
幸預栢臺稱獻壽願陪千畝及農晨

奉和

崔日用

乘時迎氣正璿衡灞漭煙氛向曉清剪綺裁紅妙春色  
宮梅殿柳識天情瑤筐綵燕先呈瑞金縷晨雞未欲鳴  
聖澤陽和宜宴樂年年捧日向東城

奉和

李適

律詩七言

卷三十五

三十九

金輿翠輦迎嘉節御苑仙官待獻春淑氣初銜梅色淺  
一作風半拂柳墻條一作新天杯慶壽齊南岳聖藻光  
輝動北辰稍覺披香歌吹近龍驂日暮下城闌

奉和

馬懷素

玄籥飛灰出洞房青郊迎氣肇初陽仙輿暫下宜春苑  
御醴行開薦壽觴映水輕苔猶隱綠綠堤弱柳未舒黃  
唯有裁花飾簪鬢恒一作隨聖藻年光

奉和

閔朝隱

管籥周移寰極裏乘輿望幸斗城闌草根未結青絲縷  
羅薦猶垂綠帔巾鵲入巢中言改歲燕銜書上道宜新

願得長繩繫取日光臨天子萬年春

立春

應制一作奉和 劉憲

禁苑韶年一作華又作光此日歸東郊道上轉青旂柳色梅香  
何處所風前雪裏覓芳菲開永池內魚新一作躍剪綵  
花間燕始飛欲識玉遊布一作走陽氣爲觀天藻競春暉

前題

岑羲

和風助律應韶年清蹕乘高入望仙花笑鶯歌迎帝輦  
雲披日霽俯皇川南山近壓一作仙樓一作上北斗平  
臨御展一作魏又前一奉恩榮同鑄宴一作歡空知率

舞聽薰絃

律詩七言

卷三十五

四十

前題

武平一

鑾輅青旂下帝臺東郊上苑望春來黃鶯未解林間轉  
紅藥先從殿裏開畫閣條風初變柳銀塘曲水半含苔  
欣逢睿藻光韶律更促霞觴畏景催

立春

杜甫

春日春盤細生菜忽憶兩京梅發時盤出高門行白玉  
菜傳纖手送青絲巫峽寒江那對眼杜陵遠客不勝悲  
此身未知歸定處呼兒覓紙一題詩

和左司張員外自洛使入京中路先赴長安逢立

春日贈韋侍御等諸公

孫逖

忽視雲間數鴈迴更逢山上一花開河邊淑氣迎芳草  
林下輕風待落梅秋憲府中高唱入春卿署裏和歌來  
共言東閣招賢地自有西征作賦才

人日宴大明宮恩賜綵縷人勝應制李適

朱城待鳳韶年至碧殿疏一作龍淑氣來寶帳金屏人  
已帖圖花學鳥勝初裁林香近接宜春苑山翠遙添獻  
壽杯向夕憑高風景麗天文垂曜象昭回

前題 沈佺期

拂日雞鳴仙衛陳憑高龍首帝城庭一作春千官黼帳杯  
前壽百福香奩勝裏人山鳥初來猶怯囀林花未發已

律詩七言 卷三十五 四十一  
偷新天文正應韶光轉設報懸知用此辰

前題 韋元旦

鸞鳳旌旗拂曉陳魚龍角觝大明辰青韶既肇人爲日  
綺勝初成日作人聖藻凌雲裁柏賦仙歌促宴摘梅春  
垂旒一慶宜年酒朝野俱歡萬一作壽新

前題 鄭愔

瓊殿含光映早輪玉鸞嚴蹕望初晨池開凍水仙宮麗  
綺發寒花禁苑新佳氣徘徊籠細網殘雲淅瀝染輕塵  
良時荷澤皆迎勝窮谷晞陽猶未春

前題 馬懷素

萬宇千門平日開天容辰象列昭回三陽候節金爲勝  
百福迎祥玉作杯就暖風光偏着柳辭寒雪影半藏梅  
何幸得參詞賦職自憐終乏馬卿才

前題 蘓頌

疏龍磴道切昭回建鳳旗門繞帝臺七葉仙萸依一作  
月吐千株御柳拂煙開初年競帖宜春勝長命先浮一作  
添獻壽杯是日皇靈知竊幸羣心就一作捧大明來

前題 李嶠

鳳城景色已含韶人日風光倍覺饒桂吐半輪迎此夜  
賞開七葉應今朝魚猜水凍行猶澁鶯喜春熙弄欲嬌

律詩七言 卷三十五 四十二  
愧奉登高搃彩翰欣逢御氣上丹青

前題 李乂

詰旦行春上苑中憑高却下大明宮千年執象寰瀛泰  
七日爲人慶賞隆鐵鳳會鸞推瑞雪銅烏細轉入祥風  
此時朝野歡無筭此歲雲天樂未窮

前題 閔朝隱

句芒人面兩乘龍道是春神衛九重綵勝年年逢七日  
餘醺歲歲滿千鍾宮梅間雪祥光遍城柳含煙淑氣濃  
醉倒君前情未盡願因歌舞自爲容

前題 崔日用

新年宴樂坐一作東朝鐘鼓鏗鏘大樂調金屋瑤篴開  
寶勝花箋綵筆頌春椒曲池一作苔色水前液上苑梅  
香雪裏嬌一作宸極此時飛聖藻微臣竊抃預聞韶

人日

杜甫

此日此時人共得一談一笑俗相看樽前栢葉休隨酒  
勝裏金花巧耐寒佩劍衝星聊暫板匣琴流水自須彈  
早春重引江湖興直道無憂行路難

三日詔宴定昆池官莊

賦得遊字

張說

鳳凰樓下對帶一作天泉鸚鵡洲中匝一作管絃舊識平

陽佳麗地今逢上巳盛明年舟將水動千尋日暮共林  
律詩七言 卷三十五 四十三

橫兩岸煙不降王人觀袂飲誰令醉舞拂賓筵

和上巳連寒食有懷京洛

一作孫述

沈佺期

天津御柳碧遙遙軒騎相從半下朝行樂光輝寒食借  
太平歌舞晚春饒紅妝樓下東迴簾青草洲邊南渡橋  
坐見司空掃西第看君侍從落花朝

寒食宴于中舍別駕兄弟宅

蘇頌

子推山上歌龍罷定國門前結駟來始覩元昆鏘玉至  
旋聞季子佩刀迴晴花處處因風起御柳條條向日開  
自有長筵歡不極還將一作綵服詠南陔

小寒食舟中作

杜甫

佳辰強飲食猶寒隱几蕭條戴鵲冠春水船如天上坐  
老年花似霧中看娟娟戲蝶過開一作幔片片輕鷗下  
急湍雲白山青萬餘里愁看直北是長安

五日觀妓

萬楚

西施謾道浣春紗碧玉今時闕麗華眉黛奪將萱草色  
紅裙妬殺石榴花新歌一曲令人豔醉舞雙眸斂顰斜  
誰道五絲能續命却令今日死君家

興慶池戲競渡

應制

李適

拂霧金輿丹旆轉凌晨繡帳碧池開南山倒影從雲落  
北澗搖光寫溜一作迴急漿一作爭標排行度輕帆截

律詩七言

卷三十五

四十四

浦觸荷來橫汾宴鎬歡無極歌舞年年聖壽杯

前題

一作興慶池侍宴

徐彥伯

夾道傳呼翊翠虬天迴日一作轉御芳洲青潭曉雷龍  
仙蹕紅嶼晴花隔綵旒香溢金杯環一作廣坐聲傳  
妓舸匣中流羣臣相慶嘉魚樂共哂橫汾歌吹秋

七夕賦詠成篇

許敬宗

一年抱怨嗟長別七夕含態始言歸飄飄羅襪光天步  
灼灼新妝鑒月輝情催巧笑開星靨不惜呈露解雲衣  
所歡却隨更漏盡掩泣還弄昨宵機

前題

凌敬

夙駕鳴鸞啟闔闔霓裳遙裔傲天津五明霜紈開羽扇  
百和香車動畫輪婉孌夜分能幾許靚粧冶服爲誰新  
片時歡娛自有極已復長望隔年人

前題

沈叔安

皎皎宵月麗秋光耿耿天津橫復長停校且復留殘緯  
拂鏡及早更新粧彩鳳齊駕初成輦雕鵲填河已作梁  
雖喜得同今夜枕還愁重空明日牀

前題

何仲誼

日日思歸勤理鬢朝朝佇望懶調梭凌風寶扇遙臨月  
映水仙車遠渡河歷歷珠星疑拖珮冉冉雲衣似曳羅  
律詩七言 卷三十五 四十五

九日登高

一作李願

王昌齡

青山遠近帶皇州霽景重陽上北樓雨歇亭皋仙菊潤  
霜飛天苑御梨秋茱萸挿鬢花宜壽翡翠橫釵舞  
作愁謾說陶潛籬下醉何曾得見此風流

九日

張謩

秋天一作林下不知春一種佳遊事也一作均絳葉從  
朝飛着夜黃花開日未成旬將橫一作作陌樹頻驚馬  
半醉歸途數問人城遠一作登高併九日茱萸凡作幾  
年新

重陽

高適

節物驚心兩鬢華東籬空繞未開花百年將半仕三巴  
五畝就荒天一涯豈有白衣來剝啄亦從烏帽自欹斜  
眞成獨坐空搔首門柳蕭蕭噪暮鴉

九日藍田崔氏莊

杜甫

老去悲秋強自寬興來今日盡君歡羞將短髮還吹帽  
笑倩傍人爲正冠藍水遠從千澗落玉山高並兩峰寒  
明年此會知誰健醉把茱萸子細看

九日三首

去年登高鄴縣北今日重在涪江濱苦遭白髮不相放  
律詩七言 卷三十五 四十六

羞見黃花無數新世亂鬱鬱久爲客路難悠悠常傍人  
酒闌却憶十年事腸斷驪山清路塵

重陽獨酌杯中酒抱病起登江上臺竹葉於人既  
無分菊花從此不須開殊方日落玄猿哭舊國霜前白  
鴈來弟妹蕭條各何在干戈衰謝兩相催

風急天高猿嘯哀渚清沙白鳥飛迴無邊落木蕭蕭下  
不盡長江滾滾來萬里悲秋常作客百年多病獨登臺  
艱難苦恨繁霜鬢潦倒新停濁酒杯

九日使君席奉餞衛中丞赴長水 岑參  
節使橫行西一作東出師鳴弓擐甲羽林兒臺上霜風凌

草木軍中殺氣傍旌旗須一作知漢將宣威日正是胡塵欲滅時爲報使君多泛菊更將絃管醉東籬

九日登望仙臺仍呈劉明府容 崔曙

漢文皇帝有高臺此日登臨曙色開三晉雲山皆北向二陵風雨自東來一作西來開門令尹誰能識河上仙翁去不回且一作我欲近尋彭澤宰陶然共醉菊花杯

小至 杜甫

天時人事日相催冬至陽生春又來刺繡五紋添弱線吹葭六琯動浮灰岸容待臘將舒柳山意衝寒欲放梅雲物不殊鄉國異教兒且覆掌中杯

律詩七言 卷三十五 四十七

冬至

年年至日長爲客忽忽窮愁泥殺人江上形容吾獨老天涯風俗自相親杖藜雪後臨丹壑鳴玉朝來散紫宸心折此時無一寸路迷何處是三秦

至日遣興 二首奉寄北省舊閣老兩院故人

去歲茲辰捧御牀五更三點入鵷行欲知趨走傷心地一作正想氣一作氣滿眼香無路從容陪笑語有時顛

倒著衣裳何人錯憶一作窮愁日愁日愁隨一線長憶昨逍遙供奉班去年今日侍龍顏麒麟不動爐煙上孔雀徐開扇影還玉几由來天北極朱衣只在殿中間

孤城此日堪腸斷愁對寒雲白一作滿山

臘日

臘日常年暖尚遙今年臘日凍全消侵凌雪色還萱草漏洩春光有柳條縱酒欲謀良夜醉還家初散紫宸朝口脂面藥隨恩澤翠管銀罍下九霄

守歲侍宴 應制 杜審言

季冬除夜接新年帝子王孫捧御筵宮闕星河低拂樹殿庭燈燭上薰天彈絃奏節梅風入對局探鉤栢酒傳欲向正元歌萬壽暫留歡賞寄春前

除夜有懷 孟浩然

律詩七言 卷三十五 四十八  
五更鐘漏欲相催四氣推遷往復迴帳裏殘燈纔去一作猶焰爐中香氣盡一作成灰漸看春逼芙蓉枕頗覺寒銷竹葉杯守歲家家應未臥相思那得夢魂來

幽州新歲作 張說

去歲荆南梅似雪今春薊北雪如梅共知人事何常定且喜年華去一作復來邊鎮戍歌連夜一作動京城燎火徹明開遙遙西向長安日願上南山壽一杯

巴陵早春 同趙侍御作

江上春來早可觀巧將春物一作妬餘寒水一作苦共繞留鳥石花鳥爭開闕鴨欄佩勝芳辰日漸暖然燈美

夜月初圓意隨北鴈雲飛去直待南州蕙草殘

暮春卽事二首

杜甫

暮春三月巫峽長晶晶行雲浮日光雷聲忽送千峰雨  
花氣渾如百和香黃鸝過水翻迴去燕子銜泥濕不妨  
飛閣卷簾圖畫裏虛無只少對蕭湘

臥病擁塞在峽中瀟湘洞庭虛映空楚天不斷四時雨  
巫峽常吹萬里風沙上草閣柳新閨城邊野池蓮欲紅  
暮春鶯鷺立洲渚挾子翻飛還一叢

同皇甫侍御齋中春望見示之作 獨孤及

望遠思歸心易傷況將衰髮偶年光時攀芳樹愁花盡  
律詩 七言 卷三十五 四十九

畫掩高齋厭日長甘比流波辭舊浦忍看新草遍橫塘  
因君贈我江楓詠春思千一作今未易量

傷春贈遠

去水流年日並馳年光客思兩相隨咨嗟斑髮今承并  
慙愧新荷又發池楊柳逶迤愁遠道鷓鴣嘶怨南枝  
憶君何啻同瓊樹但向春風送別離

敕借岐王九成宮避暑 應教

王維

帝子遠辭丹鳳闕天書遙借翠微宮隔牕雲霧生衣上  
卷幔山泉入鏡中林下水聲喧語笑巖間樹色隱房櫳  
仙家未必能勝此何事吹笙向碧空

早秋苦熱堆案相仍

杜甫

七月六日苦炎蒸一作熱對食暫餐還不能每愁夜中自  
足蠹况乃秋後轉多蠅束帶發狂欲大叫簿書何急來  
相仍南望青松架短壑安得赤脚踏層冰

多病執熱 奉懷李尚書

衰年正苦病侵陵首夏何須氣鬱蒸大水淼茫炎海接  
奇峰碑兀火雲升思霑道暍黃梅雨敢望宮恩玉井永  
不是尚書期不顧山陰野雪興難乘

同顏六少府旅宦秋中之作

高適

傳君昨夜悵然悲獨坐新齋木落時逸氣舊來凌燕雀  
律詩 七言 卷三十五 五十

高才何得混妍媸跡留一作黃綬人多歎心在青雲世  
莫知不是鬼神無正直從來州縣有瑕疵

秋盡

杜甫

秋盡東行且未迴茅齋寄在少城隈離邊老却陶潛菊  
江上徒逢袁紹杯雪嶺獨看西日落劒門猶阻北人來  
不辭萬里長爲客懷抱何時得好開

秋夜 寄皇甫冉鄭豐

劉方平

洛陽清夜白雲歸城裏長河列宿稀秋後見飛千里鴈  
月中聞鴈萬家衣長憐西雍青門道久別東吳黃鸝磯  
借問客書何所寄用心不啻兩鄉違

秋興八首

杜甫

玉露凋傷楓樹林巫山巫峽氣蕭森江間波浪兼天湧  
塞上風雲接地陰叢菊兩開他日淚孤舟一繫故園心  
寒衣處處催刀尺白帝城高急暮砧

夔府孤城落日斜每依南

一作北

斗望京華聽猿實下三

聲淚奉使虛隨八月槎畫省香爐違伏枕山樓粉堞隱  
悲笳請看石上藤蘿月已映洲前蘆荻花

千家山郭靜朝暉日日江樓坐翠微信宿漁人還沉沉  
清秋燕子故飛飛匡衡抗疏功名薄劉向傳經心事違  
同學少年多不賤五陵衣馬自輕肥

律詩七言

卷三十五

五十二

聞道長安似奕棋百年世事不勝悲王侯第宅皆新主  
文武衣冠異昔時直北關山金鼓振征西車馬羽書遲  
魚龍寂寞秋江冷故國平居有所思

蓬萊宮闕對南山承露金莖霄漢間西望瑤池降王母  
東來紫氣滿函關雲移雉尾開宮扇日繞龍鱗識聖顏  
一臥滄江驚歲晚幾回青瑣點朝班

瞿唐峽口曲江頭萬里風煙接素秋花萼夾城通御氣  
芙蓉小苑入邊愁珠簾繡柱圍黃鵠錦纜牙樯起白鷗  
回首可憐歌舞地秦中自古帝王州

昆明池水漢時功武帝旌旗在眼中織女機絲空夜月

石鯨鱗甲動秋風波漂菰米沈雲黑露冷蓮房墜粉紅

關塞極天唯鳥道江湖滿地一漁翁

昆吾御宿自逶迤紫閣峰陰入漢陂香稻啄餘鸕鶒粒  
碧梧棲老鳳凰枝佳人拾翠春相問仙侶同舟晚更移  
綵筆昔曾干氣象白頭吟望苦低垂

至後

冬至至後日初長遠在劔南思洛陽青袍白馬有何意  
金谷銅駝非故鄉梅花欲開不自覺棣萼一別永相望  
愁極本憑詩遣興詩成吟詠轉淒涼

十二月一日三百

律詩七言

卷三十五

五十二

今朝臘月春意動雲安縣前江可憐一聲何處送青鴈  
百丈誰家上瀨船一作船未將梅蕊驚愁眼更取微  
花媚遠天明光起草人所羨肺病幾時朝日邊

寒輕市上山煙碧日滿樓前江霧黃負暄出井此語久  
打鼓發船何郡郎新亭舉目風景切茂陵著書清尚長  
春花不愁不爛熳楚客唯聽棹相將

即看燕子入柴扉一作屏豈有黃鸝歷翠微短短桃花臨  
水岸輕輕柳絮點人衣春來準擬開懷久老去親知見  
因稀他日一杯難強進重嗟筋力故山違

畫夢



二月饒睡昏然不獨夜短晝分眠桃花氣煖眼自醉  
春渚日落夢相牽故鄉門巷荆棘底中原君臣豺虎  
安得移農息戰關普天無吏橫索錢

返照

楚王宮北正黃昏白帝城西過雨痕返照入江翻石壁  
歸雲擁樹失山村衰年肺病惟高枕絕塞愁時早閉門  
不可久留豺虎亂南方實有未招魂

暮歸

霜黃碧梧白鶴栖城上擊柝復烏啼客子入門月皎皎  
誰家搗練風淒淒南渡桂水闕舟楫北歸秦川多鼓鞀  
律詩七言 卷三十五 五十三

年過半百不稱意明日看雲還杖藜

夜

露下天高秋氣清空山獨夜旅魂驚疎燈自照孤帆宿  
新月猶懸雙杵鳴南菊再逢人臥病北書不至鴈無情  
步檐倚杖看牛斗銀漢遙應接鳳城

閣夜

歲暮陰陽催短景天涯霜雪霽寒宵五更鼓角聲悲壯  
三峽星河影動搖野哭千家聞戰伐夷歌幾處起漁樵  
臥龍躍馬終黃土人事音書漫寂寥

從蓬萊向興慶閣道中留春雨中春望 奉和聖製

渭水自繁秦塞一作曲黃山舊遶漢宮斜鑿與迴出千  
門柳閣道迴一作看上苑花雲裏帝城雙鳳闕雨中春  
樹萬人家爲乘陽氣行時令不是宸遊翫一作物華

王維

前題

李愔

別館春還淑氣催三官路轉鳳凰臺雲飛北闕輕陰散  
雨歇南山積翠來御柳遶隨天仗發林花不待曉風開  
已知聖澤深無限更喜年芳入睿才

曲江值雨

杜甫

城上春雲覆苑牆江亭晚色靜年芳林花着雨胭脂落  
律詩七言 卷三十五 五十四

水荇牽風翠帶長龍武新軍深駐輦芙蓉別殿漫焚香  
何時詔重一作此金錢會暫一作醉佳人錦瑟傍

積雨輞川莊作

王維

積雨空林煙火遲蒸藜炊黍餉東菑漠漠水田飛白鷺  
陰陰夏木嘯黃鸝山中習靜觀朝槿松下清齋折露葵  
野老與人爭席罷海鷗何事一作更相疑

雨不絕

杜甫

鳴雨既過漸細微映空搖颺如絲飛階前短草泥不亂  
院裏長條風乍稀舞石旋應將乳子行雲莫自濕仙衣  
眼邊江舸何忽促未得安流逆浪歸

江雨有懷鄭典設

春雨闇闇寒峽中早晚來自楚王宮亂波分披已打岸  
弱雲狼籍不禁風寵光蕙葉與多碧點注桃花舒小紅  
谷口子真正憶汝岸高瀨滑限西東

崔評事弟許相迎不到應慮老夫見泥雨怯出必  
愆佳期走筆戲簡

江閣邀賓許馬迎午時起坐自天明浮雲不負青春色  
細雨何孤白帝城身過花間霑濕好醉於馬上往來輕  
虛疑皓首衝泥怯實少銀鞍傍險行

院中晚晴

律詩七言 卷三十五 五十五

幕府秋風日夜清澹雲疎雨過高城葉心朱實堪  
時落階面青苔先自生復有樓臺銜暮景不勞鐘鼓報  
新晴浣花谿裏花競笑肯信吾兼吏隱名

喜雪

飄飄瑞雪下三川散漫輕飛集九垓似絮還飛出柳陌  
如花更繞落梅前影隨明月團純扇聲將流水雜鳴絃  
共荷神功萬庾積終朝聖壽百千年

前題

兩宮齋祭近登臨雨雪紛紛天晝陰祗爲經寒無瑞色  
頻教正月滿春芳

一作林蓬萊北上旌門暗花萼南歸馬

跡深自有三農歌帝力還將萬庾答堯心

和祠部王員外雪後早朝卽事 岑參

長安雪後似春歸積素凝華連曙暉色借玉珂迷曉騎  
光添銀燭晃朝衣西山落月臨天仗北闕晴雲捧禁闈  
聞道仙郎歌白雪由來此曲和人稀

大同殿柱產玉芝龍池上有慶雲神光照殿百官  
共觀聖恩便賜宴樂敢書卽事 王維

欲笑周文歌宴錫還 輕漢武樂橫汾豈如玉厓生  
三秀詎復有銅龍 池出五雲陌上堯樽傾北斗樓  
前舜樂動南薰共歡天意同人意萬歲千秋奉聖君

律詩七言 卷三十五 五十六

廣達樓下夜侍醺宴 應制 蘇頌

東嶽封廻宴洛京西壚通晚會公卿樓臺絕勝宜春苑  
燈火還同不夜城正觀人間朝市樂忽聞天上管絃聲  
醺來萬舞羣臣醉喜戴千年聖主明

大酺 杜審言

毘陵震澤九州通士女歡娛萬國同伐鼓撞鐘驚海上  
新粧絃服照江東梅花落處疑殘雪柳葉開時任好風  
火德雲官逢道泰天長地久屬年豐

早朝大明宮 呈兩省僚友 賈至

銀燭薰朝 天紫陌長禁城春色曉蒼蒼千條弱柳出

青瑣百轉流鶯繞一作建章劍珮聲隨玉步衣冠一作王  
御爐香共沐恩波鳳池上一作朝朝染翰侍

奉和賈舍人

王維

絳幘雞人送一作報曉籌尚衣方進翠雲裘九天閭闔開  
宮殿萬國衣冠拜冕旒日色纔臨仙掌動香煙欲傍袞  
龍浮朝罷須裁五色詔珮聲歸向鳳池頭

奉和賈舍人

岑參

雞鳴紫陌曙光寒鶯囀皇州春色一作欲闌金闕一作曉  
鐘開萬戶玉階仙仗擁千官花迎一作明劍珮星初落柳

律詩七言卷三十五 五十七  
拂旌旗露未乾獨有鳳凰池上客陽春一曲和皆難

奉和賈舍人

杜甫

五夜漏聲催曉箭九重春色醉仙桃旌旗日煖龍蛇動  
宮殿風微燕雀高朝罷香煙攜滿袖詩成珠玉在揮毫  
欲知世掌絲綸美池上于今有鳳毛

紫宸殿退朝口號

戶外朝容紫袖垂雙瞻御座引朝儀香飄合殿春風轉  
花覆千官淑景移晝漏稀聞高閣報天顏有喜近臣知  
宮中每出歸東省會送夔龍集鳳池  
宣政殿退朝晚出左掖

天門日射黃金榜春殿晴曛赤羽旗宮草霏霏一作承  
委珮爐煙細細駐遊絲雲近蓬萊常五色雪殘鵝鵲亦  
多時侍臣緩步歸青瑣退食從容出每遲

西掖省卽事

岑參

西掖重雲開曙暉北山疎雨點朝衣千門柳色連青瑣  
三殿花香入紫微平明端笏陪鵝列薄暮垂鞭信馬歸  
官拙自悲頭白盡不如巖下掩一作偃荆扉

題省中壁

杜甫

掖垣竹埤梧十尋洞門對雪常陰陰落花遊絲白日靜  
鳴鳩乳燕青春深府儒衰晚謬通籍退食遲迴違寸心  
律詩七言卷三十五 五十八

袞職曾無一字補許身愧比雙南金

春晚紫微省直詩內

蘓頌

直省清華接建章向來無事日猶長花間燕子棲鵲  
竹下鷓鴣繞一作宿鳳凰內史通宵承紫詔中人落晚愛  
紅妝別離不慣無窮憶莫誤卿卿學太常

宿府

杜甫

清秋幕府井梧寒獨宿江城蠟炬殘永夜角聲悲自語  
中天月色好誰看風塵荏苒音書絕關塞蕭條行路難  
已忍伶俜十年事疆移栖息一枝安  
尾從郭杜間作奉呈刑部尚書易簡蘓頌

翠輦紅旗出帝京長楊鄠杜昔知名雲山——看竹美

異一作竹樹蕭蕭一作叢叢畫不成羽騎將過待袂拂香車欲

度捲簾行漢家會草巡遊賦何似今來應聖明

既蒙有罪旋復拜官伏感恩竊書鄙意兼奉簡

新除使君諸公

王維

忽蒙漢詔還冠冕始覺殷王解網羅日比皇明猶自暗

天齊聖壽未云多花迎喜氣皆知笑鳥識歡心亦解歌

聞道百城新佩印還來雙闕共鳴珂

代征人妻

梁鐁

征夫走馬發漁陽少婦含嬌開洞房千日廢臺還挂鏡

律詩

卷三十五

五十九

數年空面再新妝東風喜出今朝戶明月虛眠昨夜牀

莫道幽閨

還衣總是舊時香

春情

孟浩然

青樓曉日

一作色

珠簾映紅粉春妝寶鏡催已厭交歡憐

枕席相將遊戲繞池臺坐時衣帶紫纖草行即裙裾掃

落梅更道明朝不當作還期共關管絃來

和趙員外桂陽橋遇佳人

宋之問

江雨朝飛浥細塵陽橋花柳不勝春金鞍白馬來從趙

玉面紅粧本姓秦妬女猶憐鏡中髮侍兒堪感路傍人

蕩舟爲樂非吾事自嘆空閨夢寐頻

聞鄰家理箏

徐安貞

北斗橫天夜欲闌愁人倚月已無端忽聞畫閣秦箏逸

知是鄰家趙女彈曲成虛憶青蛾斂調急遙憐玉指寒

銀鎖重開聽未闌不如眠去夢中看

吹笛

杜甫

吹笛秋山風月清誰家巧作斷腸聲風飄律呂相和切

月傍

一作簡

開山幾處明胡騎中宵堪北走武陵一曲想

南征故園楊柳今搖落何得愁中却盡生

敕賜百官櫻桃

王維

芙蓉闕下會千官紫禁朱櫻出上闈纔一作總是寢園春

律詩

卷三十五

六十

薦後非開御苑鳥銜殘歸鞍競帶青絲籠中使頓傾赤

玉盤飽食不須愁內熱大官還有蔗漿寒

和王維

崔興宗

未央朝謁正逶迤天上櫻桃錫此時朱實初傳九華殿

繁花舊雜萬年枝未勝晏子江南橘莫比潘家大谷梨

聞道令人好顏色神農本草自應知

野人送櫻桃

杜甫

西蜀櫻桃也自紅野人相贈滿筠籠數迴網寫愁仍破

萬顆勾圓訝許同憶昨賜露門下省退朝擎出大明宮

金盤玉筋無消息此日嘗新任轉蓬

題桃樹

小徑升堂舊不斜五株桃樹亦從遮  
高秋總覬鄰人實來歲還舒滿眼花  
簾戶每宜通乳燕兒童莫信打  
慈鴟寡妻羣盜非今日天下車書正

詠樓前海石榴

孫逖

苦竹園南椒塢邊微香冉冉淚涓涓  
已悲節物同寒鴈忍委芳心與暮蟬  
細路獨來當此夕清尊相伴省他年  
紫雲新苑移花處不取霜裁近御筵

和裴迪登蜀州東亭送客逢早梅相憶見寄

杜甫

律詩七言

卷三十五

六十一

東閣官梅動詩興還如何遜在揚州  
此時對雪遙相憶送客逢花一作可  
自由幸不折來傷歲暮若爲看去亂  
春一作愁江邊一樹垂垂發朝夕催人自白頭

燕子來舟中作

湖南爲客動經春燕子銜泥兩度新  
舊入故園嘗識主如今社日遠看人  
可憐處處巢居一作室何異飄飄託  
此身暫語船檣還起去穿花帖一作水益霑巾

聽百舌鳥

王維

上蘭門外草萋萋未央宮中花裏栖  
亦有相隨過御苑不知若箇向金堤  
入春解作千般語拂曙能先白鳥啼

萬戶千門應覺曉建章何必聽鳴雞

見王監兵馬使說近山有白黑二鷹  
羅者久取竟未能得王以毛骨有異  
他鷹恐臘後春生鸞飛避暖勁翮思  
秋之甚眇不可見請余賦詩二首

杜甫

雲飛玉立盡清秋不惜奇毛恣遠遊  
在野只教心力破于人何事網羅求  
一生自獵知無敵百中爭能耻下韉  
鵬礙九天須却避免經一作三窟莫深憂

黑鷹不省人間有度海疑從北極來  
正翮搏風超紫塞玄冬幾夜宿陽臺  
虞羅自覺虛施巧春鴈同歸必見猜

律詩七言

卷三十五

六十二

萬里寒空只一日金眸玉爪不凡材

詠馬

楊師道

寶馬權奇出未央雕鞍照曜紫金裝  
春草初生馳上苑秋風欲動戲長楊  
鳴珂屢度章臺側細蹠經向濯龍傍  
徒令漢將連年去宛城今已獻名

見螢火

杜甫

巫山秋夜螢火飛簾疎巧入坐人衣  
忽驚屋裏裏寒上以冷復亂簷前星  
宿稀却繞井欄添箇箇偶經花葉弄  
輝輝滄江白髮愁看汝來歲如今歸  
未歸

愁

戲爲吳體

江草日日喚愁生，巫峽冷冷非世情。盤渦驚浴底心性，

獨樹花發自分明。十年戎馬暗萬南，一作國異域賓客老

孤城渭水秦川，一作得見否人今罷病虎縱橫。

撥悶

聞道雲安麴米春，纔傾一盞卽醺人。乘舟取醉非難事，  
下峽銷愁定幾巡。長年三老遙憐汝，捩舵開頭捷有神。  
已辦青錢防雇直，當令美味入吾脣。

酌酒與裴迪

王維

酌酒與君君自寬，人情翻覆似波瀾。白首相知猶按劍，  
朱門先達笑彈冠。草色全經細雨濕，花枝欲動春風寒。  
律詩七言 卷三十五 六十三

世事浮雲何足問，不如高臥且加餐。

秋夕讀書幽興獻兵部李侍郎

岑參

年紀蹉跎四十強，自憐頭白始爲郎。雨滋苔蘚侵階綠，  
秋颯梧桐覆井黃。驚蟬也解求高樹，放鴈還應厭後行。  
覽卷試穿鄰舍壁，明燈何惜借餘光。

詠畫障

上官儀

芳晨麗日桃花浦，珠簾翠帳鳳凰樓。蔡女菱歌移錦舫，  
燕姬春望上瓊鉤。新妝漏影浮輕扇，冶袖飄香入淺流。  
未減行雨，一作荆臺下自比凌波洛浦遊。

陪李七司馬皂江土觀造竹橋卽日成往來之人

免冬寒入水聊題短作

杜甫

伐竹爲橋結構同，褰裳不涉往來通。天寒白鶴歸華表，  
日落青龍見水中。顧，一作我老非題柱客，知君才是濟  
川功。合歡，一作却笑千年事，驅石何時到海東。

進艇

南京久客耕南畝，北望傷神坐北牕。晝引老妻乘小艇，  
晴看稚子浴清江。俱飛蛺蝶元相逐，並蒂芙蓉本自雙。  
茗飲蔗漿攜所有，菴龕無謝玉爲缸。

聞官軍收河南河北

劍外忽傳收薊北，初聞涕淚滿衣裳。却看妻子愁何在，  
律詩七言 卷三十五 六十四

漫卷詩書喜欲狂。白首放歌須縱酒，青春作伴好還鄉。  
卽從巴峽穿巫峽，便下襄陽向洛陽。

諸將

五首

漢朝陵墓對南山，胡虜千秋尚入關。昨日玉魚蒙葬地，  
早時金盃出人間。見愁汗馬西戎逼，曾閃朱旗北斗殷。  
一作多少材官守涇渭，將軍且莫破愁顏。

韓公本意築三城，擬絕天驕拔漢旌。豈謂盡煩回紇馬，  
翻然遠救朔方兵。胡來不覺潼關隘，龍起猶聞晉水清。  
獨使至尊憂社稷，諸君何以荅升平。

洛陽官殿化爲烽，休道秦關百二重。滄海未全歸禹貢，

蘇門何處覓堯封朝廷衮職誰爭補一作錄天下軍儲一作錄

自不一作供稍喜臨邊王相國肯銷金甲事春農

回首扶桑銅柱標冥冥氛祲未全銷越裳翡翠無消息

南海明珠久寂寥殊錫曾爲大司馬總戎皆挿侍中貂

炎風朔雪天王地只在忠良翊聖朝

錦江春色逐人來巫峽清秋萬壑哀正賴一作憶往時嚴

僕射共迎中使望鄉臺主恩前後三持節軍令分明數

舉杯西蜀地形天下險安危須仗出羣材

浣花谿一作之水西頭主人爲卜林塘幽已知出郭少

律詩七言

塵事更有澄江銷客愁無數蜻蜒齊上下一雙鷗鵲對

沈浮東行萬里堪乘興須向山陰上小舟

赤甲夔州山名

卜居赤甲遷居新兩見巫山楚水春炙背可以獻天子

美芹由來知野人荊州鄭薛寄書近蜀客鄒岑非我鄰

笑接郎中評事飲病從深酌道吾真

黃草

黃草峽西船不歸赤甲山下人行一作稀秦中驛使無

消息蜀道兵一作戈有是非萬里秋風吹錦水誰家別

淚濕羅衣莫愁劒閣終堪一作據聞道松州已被圍

灩澦

灩澦旣沒孤根深西來水多愁太陰江天漠漠鳥雙去

風雨時時龍一吟舟人漁子歌回首估客胡商淚滿襟

寄語舟航惡年少休翻鹽井橫一作黃金

白帝

白帝城中一作頭雲出門白帝城下雨翻盆高江急峽雷

霆闐一作木長藤日月昏戎一作去馬不如歸馬

逸千家今有百一作十家存哀哀寡婦誅求盡慟哭秋原

何處村

卽事

律詩七言

天畔羣山孤草亭江中風浪雨冥冥一雙白魚不受釣

三寸黃甘猶自青多病長卿無日起窮途阮籍幾時醒

未聞細柳散金甲腸斷秦川流濁涇

恨別

洛城一別四千里胡騎長驅五六年草木變衰行劒外

兵戈阻絕老江邊思家步月清宵立憶弟看雲白日眠

聞道河陽近乘勝司徒急爲破幽燕

野老

野老籬前江岸迴柴門不正逐江開漁人網集澄潭下

賈客船隨返照來長路關心悲劒閣片雲何意一作行



傷琴臺王師未報收東郡城闕秋生畫角哀

狂夫

萬里橋西一草堂百花潭水即滄浪風含翠篠娟娟淨  
雨裊紅蕖冉冉香厚祿故人書斷絕恒饑稚子色淒涼  
欲填溝壑唯疎放自笑狂夫老更狂

黃鶴樓懷古

崔顥

昔人已乘白雲一作黃鶴去此地空餘黃鶴樓黃鶴一去不  
復返白雲千載空悠悠晴川歷歷漢陽樹春芳一作芳草萋  
萋鸚鵡洲日暮鄉關何處是一作在煙波江上使人愁

登金陵鳳凰臺懷古

李白

律詩七言

卷三十五

六十七

鳳凰臺上鳳凰遊鳳去臺空江自流吳宮一作時花草埋  
幽徑晉代一作國衣冠成古丘三山半落青天外一作一  
水中分白鷺洲總爲一作盡浮雲能蔽日長安不見使人  
愁

詠懷古跡五首

杜甫

支離東北風塵際漂泊西南天地間三峽樓臺淹日月  
五谿衣服共雲山羯胡事主終無賴詞客哀時且未還  
庾信平生最蕭瑟暮年詩賦動江關  
搖落深知宋玉悲風流儒雅亦吾師悵望千秋一灑淚  
蕭條異代不同時江山故宅空文藻雲雨荒臺草夢思

最是楚宮俱泯滅舟人指點到今疑

羣山萬壑赴荆門生長明妃尚有村一去紫臺連朔漠  
獨留青塚向黃昏畫圖省識春風面環珮空歸月夜魂  
千載琵琶作胡語分明怨恨曲中論

蜀主窺吳幸三峽崩年亦在永安宮翠華想像空山裏  
玉殿虛無野寺中古廟杉松巢水鶴歲時伏臘走村翁  
武侯祠屋長鄰近一體君臣祭祀同

諸葛大名垂宇宙宗臣遺像肅清高三分割據紆籌策  
萬古雲霄一羽毛伯仲之間見伊呂指揮若定失蕭曹  
運移漢祚終難一作難復志決身殲軍務勞

律詩七言

卷三十五

六十八

題舜廟

張濯

古都遺廟出河汾一作遺萬代千秋仰聖君蒲坂城邊長  
逝水蒼梧野外不歸雲寥寥薦設覓應在寂寂虞祠德  
已聞向曉風吹庭下栢猶疑琴曲詠南薰

蜀相

杜甫

丞相祠堂何處尋錦官城外栢森森映碧草自春色  
隔葉黃鸝空好音三顧頻繁天下計兩朝開濟老臣心  
出師未捷身先死長使英雄淚滿襟

經陸補闕隱居

綦毋潛

不敢要君徵亦起致君全得似唐虞讞言昨歎離天聽

新象今聞入縣圖琴鎖壞窓風自響鶴歸喬木隱難呼  
學書弟子何人在點檢猶存諫草無

題盧五舊居

李頎

物在人亡無見期閒庭繫馬不勝悲窓前綠竹生空地  
門外青山如舊時悵望秋天鳴墜葉噴吭枯柳宿寒鴟  
憶君淚落東流水歲歲花開知是誰

從幸香山寺

應制

沈佺期

南山奕奕通丹禁北闕峨峨連翠雲額上樓臺千地起  
城中鐘鼓四天聞旃檀曉閣金輿度鸚鵡晴林采珉分  
願以醍醐參聖酒還將祇苑當秋汾

律詩

卷三十五

六十九

泄湖山寺

張說

空山寂歷道心生虛谷迢遙野鳥聲禪室從來塵外賞  
香臺豈是世中情雲間東顧千尋市一作出樹裏南湖一  
片明若使巢由知同一此意不將蘿薜易簪纓

涪城縣香積寺官閣

杜甫

寺下春江深不流山腰官閣迴添愁含風翠壁孤雲細  
背日丹楓萬木稠小院回廊春寂寂浴鳥飛鷺晚悠悠  
諸天合在藤蘿外昏黑應須到上頭

再入道場紀事

應制

沈佺期

南方歸去再生天內殿今年異昔年見闢乾坤新定位

看題日月更高懸行隨香輦登仙路坐近鑪煙講法筵  
自喜恩深陪侍從兩朝長在聖人前

紅樓院

應制

紅樓疑見白毫光寺逼宸居福盛唐支遁愛山情謾切  
曇摩泛海路空長經聲夜息聞天語鑪氣晨飄接御香  
誰謂此中難可到自憐深院得徊翔

過乘如禪師蕭居士嵩丘蘭若

王維

無着天親弟與兄嵩丘蘭若一峰晴食隨鳴磬巢鳥下  
行踏空林落葉聲迸水定侵香案濕雨花應共石牀平  
深洞長松何所有儼然天竺古先生

律詩

卷三十五

七十一

赴嘉州過城固縣尋永安超公房

岑參

滿寺枇杷冬着花老僧相見具袈裟漢王城北雪初霽  
韓信臺西日欲斜門外不須催五馬林中且聽演三車  
豈料巴川多勝事爲君書此報京華

宿瑩公禪房聞梵

李頎

花宮仙梵遠微微月隱高城鐘漏稀夜動霜林驚落葉  
曉聞天籟發清機蕭條已入寒空靜颯沓仍隨秋雨飛  
始覺浮生無住着頓令心地欲皈依

題璿公山池

遠公遯跡廬山岑開山幽居祇樹林片石孤峰窺色相

清池白一作月照點一作禪心指揮如意天花落坐臥閒  
房春草深此外俗塵俱一作不染惟餘玄度得相尋

送方尊師歸嵩山

王維

仙官欲往一作九龍潭毛一作節朱幡倚石龕山壓天

中半天上洞穿江底出江南瀑布杉松常帶雨夕陽彩

翠忽成嵐借問迎來雙白鶴已曾衡嶽送蘇耽

留別公安太易沙門

杜甫

隱居欲就廬山遠麗藻初逢休上人數問舟航留製作

長開篋笥擬心神沙村白雪仍含凍江縣紅梅已放春

先踏鑪峰置蘭若徐飛錫杖出風塵

律詩七言

卷三十五

七十一

暮登西安寺鍾樓寄裴十迪

暮倚高樓對雪峰僧來不語自鳴鐘孤城返照紅將斂  
近市浮煙翠且重多病獨愁常間寂故人相見未從容  
知君苦思緣詩瘦太向交游萬事慵

因許八奉寄江寧旻上人

不見旻公三十年封書寄與淚潺湲舊來好事今能否  
老去新書誰與傳碁局動隨幽一作澗竹袈裟憶上泛  
湖船聞君話我爲官在頭白昏昏只醉眠

登山谷寺上方荅皇甫侍御臥疾閑陪車騎之後

獨孤及

梵宮香閣攀霞上天柱孤峰指掌看漢主馬蹤成蔓草  
法王身相示空棺雲扶踴塔青霄庠松陰禪庭白日寒  
不見戴逵心莫展賴將新贈比琅玕

玉臺觀

杜甫

中天積翠玉臺遙上帝高居絳節朝遂有馮夷來擊鼓  
始知羸女善吹簫江光隱見龍鼉窟石勢參差烏鵲橋  
更有紅顏生羽翰便應黃髮老漁樵

滕王亭子

亭在玉臺觀內王曾典此州

君王臺榭枕巴山萬丈丹梯尚可攀春日鶯啼脩竹裏  
仙家犬吠白雲間清江碧石傷心麗嫩藥濃花滿目斑

律詩七言

卷三十五

七十二

人到于今歌出牧來遊此地不知還

題雍丘崔明府丹竈

李白

美人爲政本忘機服藥求仙事不違葉縣已泥丹竈畢  
瀛洲當伴赤松歸先師有訣神將助大聖無心火自飛  
九轉但能生羽翼雙鳧忽去定何依

景龍觀送裴士曹

蘇頌

昔日嘗聞公主一作相第今時變作列仙家池傍坐客穿  
叢篠樹下遊人掃落花雨雪一作雲雨長疑向函谷山泉直

似到流沙君還洛邑分明記此處同來閱歲華

唐詩所第三十五卷

唐詩所第三十六 排律

前集

五言

古意 上裴侍郎行儉

駱賓王

三十二餘罷餐是潘安仁四十九仍入年非朱買臣縱  
橫愁繫越坎墮倦遊秦出籠窮短翮委轍涸枯鱗磨鉛  
不需用彈鋏欲誰伸天子未驅策歲月幾沈淪輕生長  
慷慨効死獨殷勤徒歌易水客空老渭川人一得視邊  
塞萬里何苦辛劍匣胡霜影弓開漢月輪金方刀一作動  
秋色鐵騎想風塵爲國堅誠歎捐軀忘賤貧勸功思比  
憲決策暗欺陳若不犯霜雪虛擲玉京春

排律 五言 卷三十六

雜詩

王維

朝因折楊柳相見洛陽隅楚國無如妾秦家自有夫對  
人傳玉腕映燭解羅襦人見東方騎皆言夫婿殊持謝  
金吾子煩君提玉壺

送張說巡邊

賈曾序曰王者大司馬制軍詰禁封  
矣天子道穆三象功清六合載海來威窮荒揆  
教將以靜流服度蕃畿削擢凌暴昭蘇羣弱乃  
命元宰兵部尚書燕公專節朔方授律羣帥涉  
河之外距關之西公皆統之重分關也公智以  
關物精以造微文爲一變之英武采雅亮雖在  
歷登尹庶王猷載寧三宅台衡帝采雅亮雖在  
堂足以制勝而勤國忘其定居閣茂年仲早  
貞閑拜于東洛馳驅北關備官而行成旅以從  
是日也景風司至星火殷宵伯趙鳴而戒陰爽  
鴻習而揚武禮可以升高遠望詩可以出宿餞

行有詔具案爰開祖宴且申後命龍以繁錫天  
章賦別御札題錢副衣勉挾纊之成兼壺喻投  
醪之旨篋以特其賜現以表其文前載不  
書今策斯親侍中安陽公以仁體國中書令河  
東公以德熙朝奕贊功成許師景福恭承微之  
恩典帳伐木之朋思詢彼甸師卜茲郊候鼎門  
右轉岐路旁分當關塞之斷山接華林之高樹  
幕人宿設重帶雲平太官饗舉百羞霞錯四夏  
六徹之變殊于皇羽之容雷殷川原雷掃林薄  
朝傾多士巷無居人接蓋陰衢揚袂風野羽翮  
遽進列座酣而不譁清鏡間發將士激而逾厲  
視日知其吉氣吹律驗其商聲則已景列穹都  
顧夫南仲于征吉甫薄伐不其遠也若木還照  
前茅敬行聽闕聞之去鼓日悠悠之轉旆歌事  
者每懷靡及念離者歧予望之成志在心發言  
同唱天子有命式序清風請編出 玄宗

排律 五言 卷三十六

二

端拱復垂裳長懷御遠方股肱申教義戈劍靖要荒命

將綬邊服雄圖出廟堂三台入武帳八座起文昌寶作一

遙胄匡韓主華宗輔漢王茂先慙博物平子謝文章盡

節恢時佐輪誠禦寇場三軍臨朔野駟馬即戎行鼓吹

威夷狄旌軒溢洛陽雲臺先著美今日更貽芳

奉和

王翰

紫綬一作 尚書印朱轡丞相車登朝身許國出閭將辭

家不憚炎蒸苦親嘗走集賒選徒軍有政一作 誓卒爾

無譁帝樂風初起王城日半斜龍行流聖作寅餞照台

華騎歷河南樹旌搖塞北沙柔懷應盡服嚴殺已先加

業峻靈祗保功成道路嗟寧如鑿空使遠致石榴花

奉和

徐堅

至德撫遐荒神兵赴朔方帝思元帥重爰擇股肱良累  
相承安世深籌協子房寄崇專斧鉞禮備設壇場鼙鼓  
喧雷電戈劍凜風霜四驂將戒道十乘啟先行聖錫加  
恒數一作常錫天文一作光耀寵光出郊開帳飲寅饌盛離章  
雨濯梅林潤風清麥野涼燕山應勒頌麟閣佇名揚

奉和

崔日用

軒相推風后周官重夏卿廟謀能允迪韜略又縱橫吉  
日四黃馬宣王六月兵擬清雞鹿塞先指朔方城列將  
懷威撫匈奴畏盛名去當推轂送來佇出郊迎絕漠蓬  
排律五言 卷三十六 三

將斷華筵槿正榮壯心看舞劍別緒應懸旌睿錫承優  
旨乾文復寵行暫勞期永逸赫矣振天聲

奉和

崔禹錫

供帳何煌煌公其撫朔方羣僚咸餞酌明主降離章關  
塞重門下郊岐禁苑徬練兵宜雨洗臥鼓候風涼炎景  
寧云憚神謀肅所將旌搖天月迴騎入塞雲長赫赫皇  
威振油油聖澤滂非惟按車甲兼以正封疆叱咤陰山  
道澄清瀚海陽虜垣行決勝台坐佇爲光

奉和

許景先

文武承邦式風雲感國禎王師親賦政廟略久論兵漢

主知三傑周官統一作總六卿四方分閭受千里坐謀成

介冑辭前殿壺觴宿左營賞延頒賜重宸贈出車榮龍  
武三軍氣魚鈴五校名郊雲駐旌羽邊吹引金鉦訓一作振  
旅方稱德安人更克貞佇看銘石罷同聽凱歌聲

奉和

韓休

一德光台象三軍掌夏卿來威申廟略出總叶師貞受  
鉞辭金殿憑軒去鼎城曙光搖組甲踈吹繞雲旌左律  
方先凱中輦卽訓兵定功彰武事陳頌紀天聲祖宴以  
留賞宸章更寵行車徒零雨送林野夕陰生路極河流  
遠川長朔氣平南轅遲返旆歸奏謁承明

排律五言

卷三十六

四

奉和

胡皓

燕公爲漢將武德奉文思利用經戎莽英圖叶聖詒塞  
沙制長策窮石捲搖旗萬里要相賀三邊又在然陵威  
方逐逐談笑坐怡怡寵餞紛郊道充厨竭御司嘗醑企  
行邁聽樂罷漣漣衮旒垂翰墨纓綈迭賦詩金山無積  
阻玉樹有華滋請迨炎風暮歸旌候此時

奉和

蘇晉

方漢比周年興王合在宣亟聞降虜拜復覩出師篇祈  
父萬邦式英猷三略傳算車申夏政爰舍啟戎田嚴問  
盟胡苑軍容濟洛川皇情悵關旆詔餞列郊筵路按禁

園草池分御井蓮離聲軫去角居念斷歸蟬三捷豈云  
爾七擒良信然具僚誠寄望奏凱秋風前

奉和

王光庭

賢相德符充朝推文武雄海波先若鏡關草豫從風鉞  
助將軍勇威成天子功瓊章九霄發錫宴五衢通玉輶  
龍盤帶金裝鳳勒驄虎貌紛紛擬擬河洛振熊熊戈劔千  
霜白旌旗萬火紅示刑夷夏變流惠鬼神一作同寇息  
軍容偃塵銷朔野空用師敷禮樂非是爲撫戎

奉和

袁暉

出師宣九命分闔用三台始應幕中畫言從天上來丹  
排律五言卷三十六 五

青不獨任韜略遂雙該坐見威稜洽彌彰事業恢旌旗  
曉雲送鞞鼓朔風催虜氣消殘月邊聲韻落梅羽書雄  
北地龍漢寢南垓寵戰黃金盡輸誠白日迴離章宸翰  
發祖讜國門開欲識恩華盛平生文武材

奉和

徐知仁

聖德膺三統皇恩被八埏大明均照物小醜未寧邊國  
相台衡重元戎廟略宣紫泥方受命黃石乃推賢問罪  
陰山下安人屬國前度關行照月乘障坐消煙北闕紆  
宸藻南橋列祖筵耀威當夏日殺氣指秋天鞞鼓鼙  
振旌旗鳥獸懸由來詞翰手今見勒燕然

奉和

盧從愿

上將發文昌中軍靖朔方占星引旌節擇日拜壇場禮  
樂臨軒送威聲出塞揚安邊俟帷幄制勝在巖廊作鼓  
將軍氣投醪壯士觴戒途遵六月離贈動三光槐路清  
梅暑蘅臯起麥涼時文仰雄伯耀武震遐荒祗席知無  
戰兵戈示不忘佇聞歌杖杜凱入繫名王

奉和

張嘉貞

天錫我宗盟元戎付夏卿多才兼將相必勇獨橫行經  
緯稱人傑文章作代英山川看是陣草木想爲兵不待  
河水合猶防塞一作月明有謀當繫醜無戰且綏氓闔

排律五言卷三十六 六

外傳一作三略雲中冀一平感恩同義激一作共悵別  
屢魂驚直視前旌掣遙聞後騎鳴還期方定日復此出  
郊迎

奉和

宋璟

帝道薄一作存兵王師尚有征是關司馬法爰命總戎  
行畫圖崇威信分麾盛寵榮聚觀方結轍出祖遂傾城  
聖酒江河潤天詞象緯明德風邊草偃勝氣朔雲平宰  
國推良器爲君挹壯聲至和常得體不戰卽亡精以智  
泉寧竭其徐海自清遲還廟堂坐贈別故人情

奉和

崔泰之

南庭胡運盡北斗將星飛旗鼓臨沙漠旌旄出洛畿關  
山遶玉塞烽火映金微屢獻惟謀策頻承廟勝威蹀躞  
臨河騎逶迤度隴旂地脉平千古天聲振九圍車馬生  
邊氣戈鋌駐落曜近邊酋轉秋深草木腓餞送紆天  
什恩榮賜御衣行勒燕然頌鳴騶計日歸

奉和

賀知章

荒憬一作境盡懷忠梯航已自通九攻雖不戰五月尚持  
戎遣戍徵周牒恢邊重漢功選車命元宰授律取文雄  
胄出天弧上謀成帝幄中詔旂分夏物專討錫唐弓帳  
宿伊川右鉦傳晉苑東賔人藉賁實樂正理絲桐岐陌  
排律五言卷三十六 七

涵餘雨離川照晚虹恭聞詠方叔千載舞皇風

奉和

席豫

聖主重兵權分符一作屬大賢中軍仍執政丞相復巡  
邊翕習戎裝動張皇廟略宣朝榮承賁札野餞轉行旂  
亭障東緣海沙場北際天春冬見巘雪朝夕候烽煙已  
勒封一作山記一作猶聞遣戍篇五營將月合八陣與  
雲連經略圖方遠懷柔道更全歸來畫麟閣諒諒武功  
傳

奉和

張九齡

宗臣事有征廟筭在休兵天與三台座人當萬里城朔

南方偃革河右一作北整揚旌龍錫從仙禁光華出漢京  
山川勤遠略原隰軫皇情爲奏薰琴唱仍題寶劍名聞  
風六郡伏計日五戎平山甫歸應疾留侯功復成歌鐘  
旋可望衽席豈難行四牡何時入吾君憶履聲

奉和

王丘

德業蘊時宗幽符夢象通台司計祈父師律總元戎出  
入敷能政謀猷體至公贈行光睿計宴別感宸衷文炳  
高天曜恩垂湛露融建牙之塞表鳴鼓接雲中策密鬼  
神秘威成劍騎雄朔門正炎月兵氣已秋風肅殺從此  
始方知胡運窮

排律五言

卷三十六

八

奉答

張說

禮樂逢明主韜鈴用老臣恭憑神武策遠禦一作恩方  
人供帳榮恩餞山川喜詔巡天文日月麗朝賦管絃新  
幼志傳三略衰材謝六鈞膽猶忠作伴一作心故道爲  
隣漢保河南地胡清塞北塵連年大軍後不日小康辰  
劍舞輕離別歌酣忘苦辛從來思博望許國不謀身

餞王駿巡邊

玄宗

振武威荒服揚文肅遠墟金壇申將禮玉節授軍符免  
胄三方外街刀萬里餘昔時吳會一作今日虜庭虛分間  
仍推轂援桴且訓車風揚旌旄遠一作洗甲兵初坐見台



階謐行聞祆祲除檄來須插羽箭去亦飛書丹檄功斯著鹽梅望匪疎不應陳七德欲使化先敷

奉和

張說

六月歌周雅三邊遣一作夏卿欲施攻戰法先作簡稽

行禮樂知謀帥春秋識用兵一勞堪定國萬里卽長城

策有和戎利威傳破虜名軍前雨灑道樓上月臨營別

藻瑤華降同衣錦褱榮關山由義近戈甲爲恩輕絲竹

路傍散風雲馬上生朝廷謂吉甫邦國望君平

奉和

張九齡

漢相推人傑殷宗伐鬼方還聞出將重坐見卽戎良上

排律

五言 卷三十六

九

策應爲豫中權且用光令申兵氣倍威懾一作虜魂亡

樹比公孫大城如道濟長夏雲登隴首秋露泫遼陽武

德舒宸睭文思餞樂章感恩身旣許激節膽猶嘗祖帳

傾朝列軍麾駐道傍詩人何所詠尚父欲鷹揚

送趙二尚書彥昭北伐

張說

虜地河水合邊城備此時兵連紫塞路將舉白雲司提

劍榮中貴一作銜枚盛出師日華光一作組練風色焰

旌旗投筆尊前起橫戈馬上辭梅花吹別引楊柳

賦新一作詩

錢趙尚書攝御史大夫赴朔方軍 蘇頌

勁虜欲南窺一作揚兵護朔陲趙堯寧易印鄧禹卽分

麾野餞迴三傑軍謀用一作六奇雲邊愁一作出塞日

下槍臨岐拔劍行人舞揮戈戰馬馳明年麟閣上充國

畫一作於斯

餞薛大夫護邊

李嶠

荒隅時未通副相下臨戎授律星芒動分兵月暈空犀

皮擁青橐象齒飾彫弓決勝三河勇長驅六郡雄登山

窺代北屈指計遼東佇見燕然上抽毫頌武功

前題

無名氏

戎王歸漢命魏絳諭皇恩旌旆辭雙闕風沙上五原往

排律

五言 卷三十六

十

途遵塞道出祖耀都門策今天文盛宣威使者尊澄波

看四海入貢佇諸蕃秋杪迎迴騎無勞枉夢魂

夏日都門送司馬員外逸客孫員外佺北征一作王爲

元帥魏大夫元忠爲副

沈佺期

二庭追虜騎六月動周師廟略天人授軍麾相國持復

言徵二妙才令重當時畫省連征橐橫門共別詞雲迎

出塞馬風卷度河旗計日方夷寇旋聞杖杜詩

前題

李乂

日逐滋南寇天威撫北垂析珪行仗節持印且分麾羽

檄雙鳬去兵車駟馬馳虎旗懸氣色龍劍抱雄雌候月

期哉剪經時念別離坐聞關隴外無復引弓兒

送盧管記僊客北伐

沈佺期

羽檄西北飛交城日夜聞廟堂盛徵選戎幕生光輝  
鴈行度函谷馬首向金微湛湛山川暮蕭蕭涼氣稀  
餞途予憫默赴敵子英威今日楊朱淚無將灑鐵衣

送梁公昌從信安北征

李白

入幕推英選捐書事遠戎高談百戰術鬱作萬夫雄  
起舞蓮花劍行歌明月官將飛天地陣兵出塞垣通  
祖席留丹景征麾拂彩虹旋應獻凱入麟閣佇深功

送莫甥兼諸昆弟從韓司馬入西軍

排律五言

卷三十六

十一

孟浩然

念爾昔詩禮未曾違一作離戶庭平生早偏露一作嚴君  
萬里更飄零坐棄三牲養一作冬業行觀八陣形飾裝辭故  
里謀策赴邊庭壯志吞鴻鵠遙心伴鵲鴒所從文與武  
不戰自應寧

送劉校書從軍

楊炯

天將下三宮星門召五戎坐謀資廟略飛檄佇文雄  
赤土流星劍烏號明月弓秋陰生蜀道殺氣繞湟中  
風雨何年別琴尊此日同離亭不可望溝水自西東

送駱奉禮從軍

李嶠

玉塞邊烽舉金壇廟略申羽書資銳筆戎幕引英賓  
劍動三軍氣衣飄萬里塵琴樽留別賞風景惜離晨  
笛梅含晚吹營柳帶餘春希君勒石返歌舞入城闐

暮春送朝集使歸郡

律和聖製

王維

萬國仰宗周衣冠拜冕旒玉乘迎大客金節送諸侯  
祖席傾三省塞帷向九州楊花飛上路槐色蔭通溝  
來預鈞天樂歸分漢主憂宸章類河漢垂象滿中洲

峴山送蕭員外使荊州

孟浩然

峴山江岸曲郢水郭門前自古登臨處非今獨黯然  
亭樓明落照一作井邑秀通川澗竹生幽興林風入管絃

排律五言

卷三十六

十二

再飛鵬激水一舉鶴冲天佇立三荆使看君駟馬旋

二妃廟送裴侍御使桂陽

李頎

沅上秋草晚蒼蒼堯女祠無人見精魄萬古寒猿悲  
桂水身歿後椒漿神降時回雲迎赤豹驟雨颯文狸  
受命出炎海焚香徵楚詞乘驄感遺跡一弔清川湄

送楊六判官使西蕃

杜甫

送遠秋風落西征海氣寒帝京氛祲滿人世別離難  
絕域遙懷怒和親願結歡救書憐賫普兵甲望長安  
宣命前程急惟良待士寬子雲清自守今日起爲官  
垂淚方投筆傷時卽據鞍儒衣山鳥恠漢節野童看  
邊酒排金

蓋一作夷歌捧玉盤草肥蕃馬健雪重拂盧乾慎爾參  
籌畫從茲正羽翰歸來權可取九萬一朝搏

南中送北使

二首

張說

傳聞合浦葉曾向洛陽飛何日南風至還隨北使歸紅  
顏度嶺歇白首對秋衰高闕何由見層堂不可違誰憐  
炎海曲淚盡血沾衣

待罪居重譯窮愁暮雨秋山臨鬼門路城繞瘴江流人  
事今如此生涯尚可求逢君入鄉縣傳我念京周別恨  
歸途遠離言暮景道夷歌翻下淚虜酒未消愁聞有胡  
兵急深懷漢國羞和親先是詐款塞果爲讎釋繫應分  
排律五言 卷三十六 十三

爵網徒幾復侯廉頗誠未老孫叔且無謀若道馮唐事  
皇恩尚可收

季冬送戶部郎中使黔府選補

盧僊

握鏡均荒服分衡得大同徵賢一臺上補吏五谿中雨  
露將天澤文章播國風漢庭賅直諒楚峽望清通馬逐  
霜鴻漸帆沿曉月空還期鳳池拜照耀列星宮

龍門送裴侍御監五嶺選

李頎

萬里番禺地官人繼帝憂君爲柱下史將命出東周歇  
馬傍川路張燈臨石樓稜稜靜疎木渾渾響寒流椰葉  
四荒外梅花五嶺頭明珠尉佗國翠羽夜郎洲夷俗富

珍產土風資宦遊心清物不雜弊革事無留舉必何  
最持茲當去尤何辭桂江遠今日用賢秋

送蔡少府赴登州推事

高適

膠東連卽墨萊水入滄溟國小常多事人訛屢抵刑公  
才徵郡邑詔使出郊坰標格誰當犯風謠信可聽崢嶸  
大峴口邈迤汶陽亭地迴雲偏白天秋山更青祖筵方  
卜畫王事急侵星勸爾將爲德斯言蓋有經

暮春江陵送馬大卿公恩命追赴闕下

杜甫

自古求忠孝名家信有之吾賢富才術此道未磷緇玉  
排律五言 卷三十六 十四

府標孤映霜蹄去不疑激揚音韻徹籍甚衆多推潘陸  
應同調孫吳亦異時北宸徵事業南紀赴恩私卿月昇  
金掌王春度玉墀薰風行應律湛露卽歌詩天意高難  
問人情老易悲樽前江漢關後會且深期

奉送嚴侍郎入朝

鼎湖瞻望遠象闕憲章新四海猶多難中原憶舊臣與  
時安反側自昔有經綸感激張天步從容靜塞塵南圖  
迴羽翻北極捧星辰漏鼓還思畫宮鶯罷轉春空留玉  
帳銜愁殺錦城人閣道通丹地江潭隱白蘋此生那老  
蜀不死會歸秦公若登台輔臨危莫愛身

送嚴侍郎到綿州 同登杜使君江樓作得中字

野興每難盡江樓延賞心歸朝送使節落景惜登臨稍  
稍煙集渚微微風動襟重船依淺瀨輕鳥度層陰檻峻  
背幽谷牕虛交茂林燈光散遠近月彩一作影靜高深城  
擁朝來客天橫醉後參窮途衰謝意苦調短長吟此會  
共能幾諸孫賢至今不勞朱戶閉自待白河沈

送禰郎中

王維

東郊春草色驅馬去悠悠况復鄉山外猿啼湘水流島  
夷傳露版江館候鳴騶并服爲諸吏珠官拜本州孤鶯  
吟遠墅野杏發山郵早晚方歸奏南中纔忌秋

排律五言

卷三十六

十五

送耿湋拾遺聯句

堯舜逢明主嚴徐得侍臣分行接三事高興柏梁新真卿  
楚國千山道秦城萬里人鏡中看齒髮河上有煙塵

望闕飛青翰朝天憶紫宸喜來歡宴洽愁去詠歌頻

顧盼情非一睽攜處亦頻吳興賢太守臨水最殷

勤

宋公宅送寧諫議

宋之問

宋公爰創宅庾氏更誅茅間出人三秀平臨楚四郊漢  
臣來絳節荆牧動金鐃樽溢宜城酒笙裁曲沃匏露荷  
新變節風柳夕鳴梢一散陽臺雨方隨越鳥巢

春日鄭協律山亭陪餞鄭卿 同用樓字

潘園枕郊郭愛客坐相求尊酒東城外駟南陌頭池  
平分洛水林缺見嵩丘暗竹侵山徑垂楊拂妓樓彩雲  
歌處斷遲日舞前留此地何年別蘭房空自幽

泛舟送鄭卿入京

杜審言

帝坐蓬萊殿恩追社稷臣長安遙向日宗伯正乘春相  
宅開基地傾都送別人行舟縈淥水列戟滿紅塵酒助  
歡娛洽風催景氣新此時光乃命誰爲惜無津

送閻校書之越

丘爲

南入剡中路草雲應轉微湖邊好花照山口細泉飛此

排律五言

卷三十六

十六

地饒古跡世人多忘歸經年松雪在永日世情稀芸閣  
應相望芳時不可違

漕橋東送新除岳牧

奉和聖製

蘇頌

寶賢不遺俊臺閣盡鷗鷺未若調人切其如簡帝難上  
才膺出典中旨念分官特以專城貴深惟列郡安政行  
思務本風靡屬勝殘有令田知急無分獄在寬至言題  
睿札殊渥灑仙翰詔餞三台降朝榮萬國歡舉杯臨水  
發張樂擁橋觀式佇東封會鏘鏘檢玉壇

洛橋北亭餞諸刺史

應詔

張說

離亭拂御溝岍曲舞船樓詔餞朝廷牧符分海縣憂股

還入郡父母更臨州扇逐仁風轉車隨霖一作雨流  
恩光水上溢榮色柳間浮預待羣方最三公不遠求

禁苑錢諸刺史應令

褚亮

大藩初錫瑞出牧邇皇京暫以綠車重言承朱傳一作邸

榮舒桃臨遠騎垂柳映京營惠化宣千里威風動百城

禁蘩芳嘉節神襟餞送情金笳催別景玉琯切離聲野

花開更一作落山鳥啼還驚微臣夙多幸薄宦奉儲明

鈞臺慙作賦伊水濫聞笙懷德良知久酬恩識命輕

送崔日知往潞州

玄宗

潞國開新府壺關寵舊林妙旌一作精循吏德持悅庶氓

批律五言

卷三十六

十七

心禮樂中朝貴神明列郡欽揚風非贈扇易俗是張琴

藩鎮謳謠滿行宮雨露深會書丞相策先賜潁川金

奉和

張說

聖情留一作垂曩一作重鎮佳氣翊興王增戟雄都府高車

轉太常川橫八練闊山帶五龍長連帥初恩命天人舊

紀綱餞塗飛御藻闔境自生光明主徵循吏何年下鳳

皇

送蘇州李二十五長史之任

杜甫

星拆台鼎地曾爲人所憐公侯終必復經術竟相傳食

德見從事克家何妙年一毛生鳳穴三尺獻龍泉赤壁

浮春暮姑蘇落海邊客間頭最白惆悵此離筵

送盧郎中除杭州赴任

岑參

罷起郎官草初分刺史符海雲迎過楚江月引歸吳城

底濤聲震樓端蜃氣孤千家窺驛舫五馬飲春湖柳色

供詩用鶯聲送酒須知君望鄉處枉道上姑蘇

送韋商州弼

沈佺期

會府應文昌商山鎮國陽聞君監郡史斲罷尚書郎王

事嗟相失人情貴不忘累年同畫省四海接文場點翰

芳春色傳杯明月光故交從此去遙憶紫芝香

夏日梁王席送張岐州

排律五言

卷三十六

十八

秦雞常下雍周鳳昔鳴岐此地推雄撫惟良寄在斯家

傳七貂貴人擅八龍竒高傳生光彩長林歎別離天人

開祖席朝案候征麾翠帟當郊敞彤幃向野披芃芃秋

麥盛苒苒夏條垂奏計何時入台階望羽儀

餞澤州盧使君赴任

蘇頌

聞道降綸書爲邦建綵旗政憑循吏往才以貴卿除詞

賦良無敵聲華藹有餘榮承四岳後清絕五天初關路

通秦壁城池繞一作接晉墟撰期行子賦分典列侯居別

望喧追餞離言繫慘舒平蕪寒葢亂喬木夜蟬疎寥沈

秋先起推移月向諸舊交何以贈客至待烹魚

送陵州路使君赴任

杜甫

王室比多難高官皆武臣幽燕通使者岳牧用詞人國  
待賢良急君當拔擢新佩刀成氣象行蓋出風塵戰伐  
乾坤破瘡痍府庫貧衆寮宜潔白萬役但平均霄漢瞻  
佳士泥塗任此身秋天正搖落回首大江濱

送梓州李使君之任

籍甚黃丞相能名自潁川近看除刺史還喜得吾賢五  
馬何時到雙魚會早傳老思筇竹杖冬要錦衾眠不作  
臨岐恨唯聽舉最先火雲揮汗日山驛醒心泉遇害陳  
公殞于今蜀道憐君行射洪縣爲我一潸然

排律五言

卷三十六

十九

送李太守赴上洛

王維

商山包楚鄧積翠藹沈沈驛路飛泉灑關門落照深野  
花開古戍行客響空林版屋春多雨山城晝欲陰丹泉  
通號略白羽抵荆岑若見西山爽應知黃綺心

湖南送敬十使君適廣陵

杜甫

相見各頭白其如離別何幾年一會面今日復悲歌少  
壯樂難得歲寒心匪他氣纏霜匣滿水置玉壺多遭亂  
實漂泊濟時曾琢磨形容吾較老膽力爾誰過秋晚嶽  
增翠風高湖湧波騫騰訪知已淮海莫蹉跎

送鄭司倉入蜀

盧照隣

離人丹水北遊客錦城東別意還無已離憂自不窮隴  
雲朝結陣江月夜臨空關塞疲征馬霜氛落早鴻潘年  
三十外蜀道五千中送君秋水曲酌酒對秋風

暮冬送蘇四郎僕兵曹適桂州

杜甫

飄飄蘇季子六印佩何遲早作諸侯客兼工古體詩爾  
賢埋照久余病長年悲盧縮須征日樓蘭要斬時歲陽  
初盛動王化久磷緇爲入蒼梧廟看雲哭九疑

送合宮蘇明府頌

宋之問

鉉府誕英規公才天下知謂乘羔鴈族繼入鳳皇池赤  
縣求人隱青門起路岐翟迴車少別見化鳥遙馳神哭

排律五言

卷三十六

二十

周南境童歌渭北垂賢哉荀奉倩袞職佇來儀

前題

張說

都邑羣方首商泉舊俗訛變風須愷悌成化佇絃歌疇  
昔珪璋友雍容文雅多振纓遊省闈鏘玉宰京河別曲  
鸞初下行軒雉尚過百壺非餞意流詠在人和

送喬安邑備

書閣移年歲文朋難復辭歡言冬雪滿恨別夏雲滋外  
尹方爲政高明自不欺老人驂馭往童子狎雛一作嬉  
日茂西河俗寂寥東觀期遙懷秀才令京洛見新詩  
夏夜李尚書筵送宇文石首赴縣聯句

愛客尚書重之官宅相賢杜甫酒香傾座側帆影駐江邊之芳翟表郎官瑞鳬看令宰仙或雨稀雲葉斷夜久燭花偏甫數語歌紗帽高文擲綵牋之芳興饒行處樂離惜醉中眠或單父長多暇河陽實少年甫客居逢自出爲別幾淒然之芳

送盧少府赴延陵

李頎

問君從宦所何日府中趨遙指金陵縣青山天一隅行人懷寸祿小吏獻新圖北固波濤險南天風俗殊春江連橘柚晚景媚孤蒲漠漠花生渚亭亭雲過湖灘沙映村火水霧歛檣鳥回首東門路鄉書不可無

排律 五言

卷三十六

二十一

送光祿劉主簿之洛

李嶠

函谷雙嶠右伊川二陝東仙舟宵將隔芳竿暨云同朋席餘歡盡文房舊侶空他鄉千里月岐路九秋風背櫂嘶班馬分洲叫斷鴻別後青山外相望白雲中

送崔錄事赴宣城

高適

大國非不理小官皆用才欲行宣城郡一作住飲洛陽杯晚景爲人別長天無鳥迴舉帆風波渺倚棹江山來羨爾兼乘興蕪湖千里開

送二十三舅錄事之攝郴州

杜甫

賢良歸盛族吾舅盡知名徐庶高交友劉牢出外甥泥

塗豈珠玉環堵但柴荆衰老悲人世驅馳厭甲兵氣吞江上別淚血渭陽情舟鷁排風影林鳥反哺聲永嘉多北至勾漏且南征必見公侯復終聞盜賊平郴州頗涼冷橘井尚淒清從役何蠻貊居官志在行

送郭僕射節制劍南

岑參

鐵馬擐紅纓幡旗出禁城明王親授鉞丞相欲專征玉饌天厨送金杯御酒傾劒門乘嶮過閣道踏空行山鳥驚吹笛江猿看洗兵曉雲隨去陣夜月逐行營南仲今時往西戎計日平將心感知已萬里寄懸旌

送郭中丞兼太僕卿充隴右節度使

排律 五言

卷三十六

二十二

杜甫

詔發西山將秋屯隴右兵淒涼餘部曲一作赫舊家聲鵬鶚乘時去驂驪顧主鳴艱難須上策容易卽前程斜日當軒蓋高風捲旆旌松悲天水冷沙亂雪山清和虜猶懷惠防邊詎一作敢驚古來於異域鎮靜示專征燕薊奔封豕周秦觸駭鯨中原何慘黷餘孽尚縱橫箭入昭陽殿笳吟細柳營內人紅袖泣王子白衣行宸極妖星動園陵殺氣平空餘金枕出無復總帷輕毀廟天飛雨焚宮火微明采鷁朝共落榆枌夜同傾三月師逾整羣胡勢就烹瘡痍親接戰勇決冠垂成妙舉期元宰



殊恩且列卿幾時回節鉞戮力掃撓擒圭竇三千士雲梯七十城耻非齊說客甘似魯諸生通籍微班忝周行獨坐榮隨肩趨漏刻短髮寄簪纓徑欲依劉表還疑服禰衡漸衰那此別忍淚獨含情廢邑狐狸語空村虎豹爭人頻墜塗炭公豈忘精誠元帥調新律前軍壓舊京安邊仍扈從莫作後功名

同餞陽將軍兼源州都督御史中丞

蘇頌

右地接龍沙中朝任虎牙然明方改俗去病不爲家將禮登壇盛軍容出塞華朔風搖漢鼓邊月思胡笳旗合

排律

五言 卷三十六

二十三

無邀正冠危有觸邪當看勞還日及此御溝花

送趙順直郎中赴安西副大都督

張說

絕鎮功難立懸軍命匪輕復承遷

一作相後彌重任賢

情將起神仙地才稱禮樂英長心堪繫虜短語足論兵

日授休門法星教置陣名龍泉恩已著

一作燕領相終

成月窟窮天遠河源入塞清老夫操別翰承旨頌營

平

幸望春宮送朔方總管張仁亶

奉和 李嶠

玉塞征驕子金符命老

一作世

臣三軍張武旆萬乘餞行

輪猛氣凌玄朔崇恩降紫宸授醪還結

一作士辭第本

忘身露下鷹初擊風高鴈欲賓方銷塞北祲還靖

漢南塵

前題

李义

邊郊草具腓河塞有兵機上宰調梅寄元戎細柳威虎豹東道出鷹隼北庭飛玉匣謀中野金輿下太微投醪銜餞酌緝衮事征衣勿謂公孫老行聞奏凱歸

前題

劉憲

命將擇耆年圖功勝必全光輝萬乘餞威武二庭宣中衢橫鼓角曠野蔽旌旆推食天厨至投醪御酒傳涼風過鴈死殺氣下雞田分闔恩何極臨岐動脣篇

排律

五言 卷三十六

二十四

前題

蘇頌

北風吹早鴈日夕渡河飛氣冷膠

一作

應折霜明草正

腓老臣帷幄算元宰廟堂幾

一作

餞飲迴仙蹕臨戎解

御衣軍裝乘曉發師律候春歸方佇勳庸盛天詞降紫

微

送趙都護赴安西

張九齡

將相有更踐簡心良獨難遠圖嘗畫地超拜乃登壇戎卽崑山序車同渤海軍義無中國費情必遠人安他日文兼武而今栗且寬自然來月窟何用刺樓蘭南至三冬晚西馳萬里寒封侯自有處征馬去啾啾

前題

孫逖

外域分都護中臺命職方欲傳清廟略先一作取劇曹

郎已佩登壇印猶懷伏奏香一作百壺開詔一作伐馴

牡結一作戎裝青海連西掖一作黃河帶北涼關山瞻

漢月戈劍宿胡霜體國才先著論兵策復長果持文武

術還繼杜當陽

前題

盧象

下客候旌麾元戎復在斯門開都護府兵動羽林兒黠

虜多翻覆謀臣有別離智同天所授恩共日相隨漢使

開賓幕胡笳送酒厄風霜迎馬首雨雪事魚麗上策應

排律

卷三十六

二十五

無戰深情屬載馳不應行萬里明主寄安危

送韓使君除洪州都曹

孟浩然

述職撫荆衡分符襲寵榮往來看擁傳前後賴專城勿

剪棠猶在波澄水更清重推江漢理一作旋改豫章行

召父多遺愛羊公有令名衣冠列祖道耆舊擁前旌一作

峴首晨風送一作江陵夜火迎無才慙孺子千里觀

同聲

送史司馬赴崔相公幕

岑參

崢嶸丞相府清切鳳凰池美爾瑤臺鶴高棲瑣樹枝跡

飛晴日好吟弄惠風吹正有乘軒樂初當學舞時珍禽

在羅網微命若遊絲願托周周羽相銜谿水湄

餞王岑判官赴襄陽道

故人漢陽使走馬向南荆不厭楚山路低憐襄水清津

頭習氏宅江上夫人城夜入橘花宿朝穿桐一作葉行

害羣應自懾持法固須平甃得青門醉斜光速去程

送覃二判官

杜甫

先帝一作弓劍遠小臣餘此生蹉跎病江漢不復謁承

明餞爾白頭日永懷丹鳳城遲遲戀屈宋渺渺臥荆衡

冤斷航舸失天寒沙水清肺肝若稍愈亦上赤霄行

重送劉十弟判官

排律

卷三十六

二十六

分源豈韋派別浦鴈賓秋年事推兄忝人才覺弟優經

過辨豐劍意氣逐吳鉤垂翅徒衰老先鞭不滯留本枝

凌歲晚高義豁窮愁他日臨江待長沙舊驛樓

送柴司戶充劉判官之嶺外

高適

嶺外資雄鎮朝端寵節旄月卿臨幕府星使出詞曹海

對羊城閩山連象郡高風霜驅瘴癘忠信涉波濤別恨

隨流水交情脫寶刀有才無不適行矣莫徒勞

餞宋八充彭中丞判官之嶺外

親君濟時略使我氣填膺長策竟不用高才徒見稱一

朝知已達累日詔書徵羽翮忽然就風颺誰敢凌舉鞭

趙一一作嶺嶠一作屈指冒炎蒸北鴈送馳驛南人思飲

冰彼邦本倔強習俗多驕矜翠羽干平法黃金撓直繩  
若將除害馬慎莫信蒼蠅魑魅寧無患忠貞適有憑猿  
啼山不斷鷺跼路難登海岸出交趾江城連始興繡衣  
當節制幕府盛威稜勿憚九嶷險須令百越澄立談多  
感激行李卽嚴凝離別胡爲者雲霄遲爾昇

送宋休遠之蜀任

張說

求友殊損益行道異窮申綴我平生氣吐贈薄遊人結  
恩事明主忍愛遠辭親色麗成都俗膏腴蜀水濱如何  
從宦子堅白共緇磷日月千齡旦河山萬族春懷鉛書

排律五言 卷三十六

二十七

瑞府橫草事邊塵不及安人吏能令王化淳

送歐陽會稽之任

王昌齡

懷祿貴心賞東流水長官移會稽郡地邇上虞鄉緩  
帶屏紛雜漁舟臨訟堂逶迤迴谿趣一作猿嘯飛鳥行  
萬室霽朝雨千峰迎夕陽輝輝遠洲映曉澄湖光白  
髮有高士青春期上皇應須枉車歇爲我訪荷裳

送熊九赴任安陽

王維

魏國應劉後寂寥文雅空漳河如舊日之子繼清風阡  
陌銅臺下間閭金虎中送車盈灞上輕騎出關東相去  
千餘里西園明月同

餞鄭安陽入蜀

駱賓王

彭山一作折坂外井絡少城隈地是三巴俗人非百里  
才畏一作途君悵望岐一作別路我徘徊心賞風煙隔容  
華歲月催遙遙分鳳野去去轉龍媒遺錦非前邑鳴琴  
卽舊臺劍門千仞起石路五丁開海客乘槎渡仙童馭  
竹迴魂將離鶴遠思逐斷猿哀唯有雙鳬鳥飛去復飛  
來

送二季之江東

李白

初發強中作題詩與惠連多慙一日長不及二龍賢西  
塞當中路南風欲進船雲峰出遠海帆影挂晴川禹穴

排律五言 卷三十六

二十八

藏書地匡山種杏田此行俱有適遲雨早歸旋

送儲邕之武昌

黃鶴高樓月長江萬里情春風三十度空憶武昌  
城送爾難爲別銜杯惜未傾湖連張樂地山逐泛舟行  
諾謂楚人重詩傳謝朓清洽浪吾有曲寄入棹歌聲

送王昌齡之嶺南

孟浩然

洞庭去遠近楓葉早驚一作秋峴首羊公愛長沙賈誼  
愁土毛一作無縞紵鄉味有槎頭已抱沈痾疾更貽魘  
魅憂數年同筆硯茲夕間一作衾稠意氣今何在相思  
望斗牛

送楊六望赴金水

宋之問

借問梁山道，嶽岑幾萬重。  
遙州刀作路，一作絕壁劍爲峰。  
惜別路窮此，留歡意不從。  
憂來生白髮，時晚愛青松。  
勿以西南遠，夷歌寢盛容。  
台階有高位，寧復久臨邛。

秦中送李九赴越

高適

攜手望千里，于今將十年。  
如何每離別，心事復迢迢。  
越雖有以出，關終耿然愁。  
一作林霖不可向長路，或難前。  
吳會獨行客，山陰秋夜船。  
謝家徵故事，禹穴訪遺編。  
鏡水君所憶，蓴羹余舊便。  
歸來莫忘此，兼示濟江篇。

送吳七遊蜀

駱賓王

排律 五言

卷三十六

二十九

日觀分齊壤，星橋抵蜀門。  
桃花嘶別路，竹葉瀉離樽。  
夏盡蘭猶茂，秋新一作深柳尚繁。  
霧銷山望迴，風高野聽喧。  
勞歌徒欲奏，贈別竟無言。  
唯有當秋月，空照野人園。

送紀秀才遊越

李白

海水不滿眼，觀濤難稱心。  
卽知蓬萊石，却是巨鼇簪。  
送爾遊華頂，令予發鳥吟。  
仙人居射的，道士住山陰。  
禹穴尋谿入，雲門隔嶺深。  
綠蘿秋月夜，相憶在鳴琴。

峴山送張去非遊巴東

孟浩然

峴山南郭外，送別每登臨。  
沙岨江村近，松門山寺深。  
一言子有贈，三峽爾將尋。  
祖席宜城酒，征途雲夢林。  
蹉跎

遊子意眷戀，故人心去矣。  
勿淹滯巴東，猿夜吟。

金陵送張十一再遊東吳

李白

張翰黃花句，風流五百年。  
誰人今繼作，夫子世稱賢。  
再動遊吳棹，還浮入海船。  
春光白門柳，霞色赤城天。  
去國難爲別，思歸各未旋。  
空餘賈生淚，相顧共悽然。

送漪叔遊潁川兼謁淮陽太守

李頎

罷吏今何適，辭家方獨行。  
嵩陽入歸夢，潁水半前程。  
聞道淮陽守，東南臥理清。  
郡齋觀政日，人馬望鄉情。  
疊嶺雪初霽，寒砧霜後鳴。  
臨川嗟拜手，寂寞事躬耕。

送皇甫曾遊襄陽山水兼謁韋太守

排律 五言

卷三十六

三十

峴山枕襄陽，滔滔江漢長。  
山深臥龍宅，水淨斬蛟鄉。  
元凱春秋傳，昭明文選堂。  
風流滿今古，煙島思微茫。  
白鴈暮衝雪，青林寒帶霜。  
蘆花獨戍晚，柑實萬家香。  
舊國欲茲別，輕舟眇未央。  
百花亭漫漫，一柱觀蒼蒼。  
按俗荆南牧，持衡吏部郎。  
逢君立五馬，應醉習家塘。

送友人尋越中山水

李白

聞道稽山去，偏宜謝客才。  
千巖泉灑落，萬壑樹縈迴。  
東海橫秦望，西陵繞越臺。  
湖清霜鏡曉，瀟白雪山來。  
八月枚乘筆，三吳張翰杯。  
此中多逸興，早晚向天台。

送丘爲下第

祖詠

滄江一身客獻賦空十年明主豈能好今人誰舉賢國門稅征駕旅食謀歸旋暵日媚春水綠蘋香客船無媒既不達予亦思歸田

送嚴黃門拜御史大夫再鎮蜀川兼觀省

岑參

授鉞辭金殿承恩戀玉墀登壇漢主用講德蜀人思副相韓安國黃門向子期刀州重入夢劒閣再題詞春草連青綬晴花間赤旗山鶯朝送酒江月夜供詩許國分憂日榮親色養時蒼生望已久來去不應遲

送許八拾遺歸江寧觀省南昔時嘗客遊此縣於許生處乞无棺寺維摩

律言 卷三十六

三十一

關志諸篇末

杜甫

詔許一作天語辭中禁慈顏赴一作榮到北堂聖朝新孝理祖

席倍輝光內一作贈帛擎偏重宮衣著更香淮陰清一作作

夜驛京口渡江航春隔雞人晝秋期燕子涼一作作

添一作賜書誇父老壽酒樂城隍一作十年過父看畫曾

饒渴追蹤恨森茫虎頭金粟影神妙獨難忘

送陶銑棄舉荆南觀省

岑參

明時不愛壁浪跡東南遊何必世人識知君輕五侯采蘭度漢水問絹過荊州異國有歸興去鄉無客愁天寒楚塞雨月淨襄陽秋坐見吾道遠令人看白頭

奉送李賓客荆南迎親

迎親辭望苑恩詔下儲闈昨見雙魚去今看駟馬歸驛帆湘水關客舍楚山稀手把黃香扇身披萊子衣鵲隨金印喜烏傍板輿飛勝作東征賦還家滿路輝

前題

獨孤及

宗室劉中壘文場謝客兒當爲天北斗曾使海西陲毛節精誠著銅樓羽翼施還申供帳別言赴倚門期恩渥霑行李晨昏在路岐君親兩報遂不敢議傷離

送大理封主簿五郎親事不合却赴通州主簿前州賢子余與主簿平章鄭氏女子垂欲納采鄭氏伯父京書至女子已許他族親事遂停

排律 五言 卷三十六 三十二

杜甫

禁籞去東牀趨庭赴北堂風波空遠涉琴瑟幾虛張渥水出騏驎崑山生鳳凰兩家誠欵欵中道許蒼蒼頗謂晉秦匹從來王謝郎青春動才調白首缺輝光玉潤終孤立珠明得暗藏餘寒折花并恨別滿江鄉

送寶司馬貶宜春

李白

天馬白銀鞍親承明主歡闔雞金宮一作裏射鴈碧雲

端堂上羅中貴歌鐘清夜闌何言謫南國拂劍坐長歎趙璧爲誰點隨珠枉被彈聖朝多雨露莫厭此行難

送男彥輔左貶

林氏

他日初投杼勤王在飲冰有辭期不罰積意許相仍  
官今何去銜冤猶未勝天涯分越微驟騎速毘陵腸斷  
腹非苦書傳寫豈能淚添江水遠心劇海雲蒸明月珠  
難識甘泉賦可稱但將忠報主何懼點青蠅

送李庶子致仕還洛

楊炯

此地傾城日由來供帳華亭逢李廣騎門接邵平瓜原  
野煙氛匝關河遊望賒白雲斷巘岫綠草覆江沙詔賜  
扶陽宅人榮御史車灞池一相送流涕向煙霞

送金卿歸新羅

陶翰

奉義朝中國殊恩及遠臣鄉心遙渡海客路再經春落

排律 五言

卷三十六

三十三

日誰同望孤舟獨可親拂波衙木鳥偶宿泣珠人禮樂

夷風變衣冠漢制新青雲已干呂知汝重來賓

冬晚送長孫漸舍人歸州

杜甫

參卿休坐幄蕩子不還鄉南客瀟湘外西戎鄴社傍衰

年傾蓋晚費日繫舟長會面思來札銷魂逐去橋雲晴

更舞風急一作逆鴈無行匣裏雄劍吹毛任選將

送秘書晁監還日本國

序曰晁卿學后有不格

戚之舞興斧鉞之誅乃貢九牧之金始頒五瑞  
之王我聞元天聖文神武應道皇帝大  
道之行先布化乾元廣運涵育無垠若華  
東道之標戴勝爲西門之浪豈甘心於節  
微貢於包茅亦由呼邪來朝舍於蒲萄之  
綱遣使報以獻龍之錦犧牲玉帛以將厚  
意服

食器用不寶遠物百神受賜五老告明  
人之訓有君子之風正朔本乎夏時未  
漢制歷歲方達龜舊好於行人滔天無  
物於天子同義加等位在王侯之先掌  
不居蠻夷之即我無爾詐爾無我虞彼  
廢關地禁之即我無爾詐爾無我虞彼  
來如市是司馬結髮遊聖賢負笈辭親  
聘學詩於子夏魯借車馬孔丘遠適於  
必齊之姜不歸娶於高國在楚猶晉亦  
由余遊宦三年願以吾妻遺母不居一  
於足籍首北關襄足東轅命賜之衣淡  
之謂金簡玉字傳遺經於經城之人方  
致分器於異姓之國民卿臺上興聖龍  
雲則八風舒卷扶桑若齊鬱島如洋沃  
之氣三山浮蒼天而吞九域黃雀之風  
之氣或雲森不知其所之何相思之可  
排律 五言

卷三十六

三十四

積水不可極安知滄海東九州何處遠  
空向國唯看日歸帆但信風鰲身映天  
鄉樹扶桑外主人孤島中別離方異域  
音信若爲通

送王信州峯北歸

杜甫

朝廷防盜賊供給懸誅求下詔選郎署  
傳聲典信州蒼生今日困天子嚮時憂  
井屋有煙起瘡痍無血流壤歌惟海甸  
畫角自山樓白髮寐常早荒榛農復秋  
解龜踰臥轍遺騎覓扁舟徐榻不知倦  
賴川何以酬塵生彤管

王維

萬里若乘空向國唯看日歸帆但信風鰲身映天黑魚眼射波紅

鄉樹扶桑外主人孤島中別離方異域音信若爲通

送王信州峯北歸

杜甫

朝廷防盜賊供給懸誅求下詔選郎署傳聲典信州蒼生今日困天子嚮時憂井屋有煙起瘡痍無血流壤歌惟海甸畫角自山樓白髮寐常早荒榛農復秋解龜踰臥轍遺騎覓扁舟徐榻不知倦賴川何以酬塵生彤管

王維

萬里若乘空向國唯看日歸帆但信風鰲身映天黑魚眼射波紅

鄉樹扶桑外主人孤島中別離方異域音信若爲通

送王信州峯北歸

杜甫

朝廷防盜賊供給懸誅求下詔選郎署傳聲典信州蒼生今日困天子嚮時憂井屋有煙起瘡痍無血流壤歌惟海甸畫角自山樓白髮寐常早荒榛農復秋解龜踰臥轍遺騎覓扁舟徐榻不知倦賴川何以酬塵生彤管

王維

萬里若乘空向國唯看日歸帆但信風鰲身映天黑魚眼射波紅

鄉樹扶桑外主人孤島中別離方異域音信若爲通

筆寒膩黑貂裘高義終焉在斯文去矣休別離同雨散  
行止各雲浮林熱鳥開口江渾魚掉頭尉佗雖北拜太  
史尚南留軍旅應都息寰區要盡收九重思諫諍八極  
念懷柔徙倚瞻王室從容仰廟謀故人持雅論絕塞豁  
窮愁復見陶唐理甘爲汗漫遊

送劉主簿歸金壇

李頎

與子十年舊其如離別何宦遊鄰故國歸夢是滄波京  
口青山遠金陵芳草多雲帆曉容裔江日晝清和縣郭  
舟人飲津亭漁者歌茅山有仙洞羨爾再經過

六月三十日水亭送華陰王少府還縣

得渾字

排律

卷三十六

三十五

岑參

亭晚人將別池涼酒未酣關門勞夕夢仙掌引歸驂荷  
葉藏魚艇藤花罥客簪殘雲收夏暑新雨帶秋嵐失路  
情無適離懷思不堪賴茲庭戶裏別有小江潭

送薛播擢第歸河東

歸去新戰勝盛名人共聞鄉連渭川樹家近條山雲夫  
子能好學聖朝全用文弟兄負世譽詞賦超人羣雨氣  
醒別酒城陰低暮曛遙知出關後更有一終軍

送嚴維下第還江東

勿歎今不第似君殊未遲且歸滄洲去相送青門時望

鳥指鄉遠問人愁路疑敝裘沾暮雪歸棹帶流澌嚴子  
灘復在謝公文可追江臯如有信莫不寄新詩

送戴三徵君還谷口舊居

釋理瑩

巖穴多遺秀弓車屢遠招周王尊渭叟頽客傲唐堯出  
處天波洽關河地勢遙瞻星吳郡夜作霧華山朝清論  
虛重席閒居掛一瓢漁歌思坐酌宸渥寵行軺春爲荷  
裳暖霜因葛履消層崖懸瀑溜萬壑振清飈谷鳥猶作  
遷木場駒正一作會食苗謝安何日起台鼎佇君調

送祖詠

盧象

田家宜伏臘歲晏子言歸石路雪初下荒村雞共飛東  
排律

卷三十六

三十六

原多煙火北澗隱寒暄滿酌野人酒倦聞鄰女機胡爲  
困樵采幾日罷一作解朝衣

送綦母潛

夫君不得意本自滄海來高足未云騁虛舟空復迴淮  
南楓葉落灞岸桃花開出處暫爲耳沈浮安繫哉如何  
天覆物還遺世遺才欲識秦將漢嘗聞王與裴離筵對  
寒食別雨乘春雷會有辟書至荷衣莫漫裁

送喬琳

李頎

草綠小平津花開伊水濱今君一作今不得意孤負帝鄉  
春口不言金帛心常任屈伸阮公能一作惟飲酒陶令肯



羞貧陽羨風流地滄江遊寓人菱歌五湖遠桂樹八公  
鄰青鳥迎一作迴孤棹白雲隨一身潮從秣陵上月映石  
頭新未可逃名利應須在縉紳汀洲芳杜色勸爾暫垂  
綸

新都南亭送郭元振盧崇道

張說

竹徑女蘿蹊蓮洲文石隄靜深人俗斷尋玩往還迷碧  
潭秀初月素林驚夕棲褰幌納蟾影一作鳥理琴聽猿啼  
佳辰改宿昔勝寄坐睽携長懷賞心愛如玉復如珪

杭州北郭戴氏荷池送侯愉

崔國輔

秋近萬物肅况當臨水時折花贈歸客離緒斷荷絲誰  
排律五言卷三十六 三十七

謂江國永故人感在茲道存過北郭情極望東畱喬木  
故園意鳴蟬窮巷悲扁舟竟何待中路每遲遲

送幽州陳參軍赴任寄鄉曲父老

盧照隣

薊北三千里關西二十年馮唐猶在漢樂毅不歸燕人  
同黃鶴遠鄉共白雲連郭隗池臺處昭王樽酒前故人  
當已老舊壑幾成田紅顏如昨日衰鬢似秋天西蜀橋  
應毀東周石尚全灞池水猶綠榆關月早圓塞雲初上  
鴈庭樹欲銷蟬送君之舊國揮淚獨潸然

送魏二十四司直充嶺南掌選崔郎中判官兼寄

韋韶州

杜甫

選曹分五額使者歷三湘才美膺推薦君行佐紀綱佳  
聲期共遠雅節在周防明白山濤鑒嫌疑陸賈裝故人  
湖外少春日嶺南長憑報韶州牧新詩昨寄將

送蔡希魯都尉還隴右因寄高三十五書記

蔡子勇成癖彎弓西射胡健兒寧關死壯士耻爲儒官  
是先鋒得材緣挑戰須身輕一鳥過槍急萬人呼雲幕  
隨開府春城赴上都馬頭金匝駝背錦模糊咫尺雪  
山路歸飛西海隅上公猶寵錫突將且前驅漢使一作水  
黃河遠涼州白麥枯因君問消息好在阮元瑜

秋日荆南送石首薛明府辭滿告別奉薛尚書頌

排律五言

卷三十六

三十八

德叙懷斐然之作

南征爲客久西候別君初歲滿歸鳬舄秋來把鴈書荆  
門留美化姜被就離居聞道和親入垂名報國餘連枝  
不日並八座幾時除往者胡星孛恭惟漢網疎風塵相  
瀕洞天地一丘墟殿瓦鴛鴦圻官簾翡翠虛鈞陳摧微  
道槍纍失儲胥文物陪巡狩親賢病枯樞公時呵獬豸  
首唱却鯨魚勢恆宗蕭相材非一范睢屍填太行道血  
走浚儀渠溢口師仍會函關憤已攄紫微臨大角皇極  
正采與賞從頻我晃殊恩再直廬豈惟高衛霍曾是接  
應徐降集翻翔鳳追攀絕衆狙侍臣雙宋玉戰策兩穰

直鑒澈勞懸鏡荒蕪已荷鋤嚮來披述作重此憶吹噓  
白髮甘凋喪青雲亦一作已卷舒經綸功不朽跋涉體何  
如應訝耽湖橘常餐占野蔬十年嬰藥餌萬里狎樵漁  
楊子淹投閣鄒生惜曳裾但驚飛熠燿不記改蟾蜍煙  
雨封巫峽江淮畧孟諸湯池雖險固遼海尚填淤努力  
輸肝膽休煩獨起予

奉和別魯王

李敬玄

綠車旋楚服丹蹕佇秦川珠臯轉歸騎金岸引行旃一  
朝限原隰千里間風煙鶯喧上林谷鳬響御溝泉斷雲  
移魯蓋離歌動舜絃別念凝神展崇恩洽玳筵顧惟慙  
排律五言 卷三十六 三十九  
叩寂徒自仰鈞天

前題

楊思玄

元王詩傳博文后寵靈優鶴蓋動宸眷龍章送遠遊函  
關疏別道灞岸引行舟北林分苑樹東流溢御溝鳥聲  
含羽碎騎影曳花浮聖澤九垓普天文七曜周方圖獻  
雅樂簪帶奉鳴球

西行別東臺詳正學士

駱賓王

意氣坐相親關河別故人客似一作自秦川上歌疑一作從  
易水濱塞荒行辨玉臺遠尚名輪洩井懷邊將尋源重  
漢臣上苑梅花早御溝楊柳新只應持此曲別作邊城

春

陳倉別隴州司戶李維深

蘓頌

京國自攜手同途欣解頤願情言正的的春物宛遲遲忽  
背雕戈役旋瞻獲寶祠蜀城余出守吳岳爾歸思歡悵  
更傷此春殷殊念茲揚麾北林徑跂石南澗湄中作壺  
觴餞回添道路悲數花臨磴日百草覆田時有美同人  
意無爲行子辭酣歌拔劍起母是答恩私

別蘓溪赴湖南幕

杜甫

故人有遊子棄擲傍天隅他日憐才命居然屈壯圖十  
年猶塌翼絕創爲驚呼消渴今如是提攜愧老夫豈知  
排律五言 卷三十六 四十

臺閣舊先一作洗拂鳳凰雖得實翻蒼竹棲枝把翠梧北  
辰當宇宙南嶽據江湖國帶風一作迴塵色兵張虎豹符

數論封內事揮發府中趨贈爾秦人策莫鞭轅下駒

晚別樂記室彥

褚亮

窮途屬歲晚臨水忽分悲抱影同爲客傷情共此時霧  
色侵虛牖霜氣冷薄帷舉袂慘將別停杯悵不怡風嚴  
征鴈遠雪暗去一作轉蓬遲他鄉有岐路遊子欲何之

石門別楊六欽望

張說

燕人同竄越萬里自相哀影響無期會江山此地來暮  
年傷汎梗累日慰寒灰潮水東南落浮雲西北迴俱看

石門遠倚棹兩悲一作哉

別鄉人南還

張九齡

橘柚南中暖桑榆北地陰何言榮落異因見別離心吾  
亦江鄉子思歸夢寐深聞君去水宿結思渺雲林牽綴  
從浮事遲迴謝所欽東南行舫遠秋浦念猿吟

與嚴二歸奉禮別

杜甫

別君誰暖眼將老病纏身出涕同斜日臨風看去塵商  
歌還入夜已俗自爲鄰尚媿微軀在遙聞盛禮新山東  
羣盜散關下受降頻諸將歸應盡題書報旅人

贈李八秘書別

排律

卷三十六

四十一

往時中補右扈蹕上元初反氣凌行在妖星下直廬六  
龍瞻魏闕萬騎畧姚墟玄朔迴一作天步神都憶帝車  
一戎纔汗馬百姓免爲魚通籍蟠螭印差肩列鳳輿事  
殊迎代邸喜異賞朱虛冠盜方歸順乾坤欲晏如不才  
同補袞奉詔許牽裾鵷鷺叨雲閣麒麟滯玉除文園多  
病後中散舊交疎飄泊哀相見平生意有餘風煙巫峽  
遠臺榭楚宮虛觸目非論故新文尚起予清秋凋碧柳  
別浦落紅蕖消息多旗幟經過歎里閭戰連層齒國軍  
急羽毛書幕府籌煩問山家藥正鋤台星入朝謁使節  
有吹噓西蜀災長弭南翁憤始攄對歎坑士卒乾沒費

倉儲勢藉兵須用功無禮忽諸御鞍金驟裏宮硯玉蟾  
蜍拜舞銀鈎落恩波錦帕舒此行非不濟良友昔相於  
去棹依顏色沿流想疾徐沈綿疲井臼倚薄似樵漁乞  
米煩佳客鈔詩聽小胥杜陵斜晚照滴水帶寒淤莫話  
清谿髮蕭蕭白映梳

贈別張兵曹

李頎

漢家蕭相國功蓋五諸侯勲業河山重丹青錫命優君  
爲禁鬱壘爭看玉人遊荀令焚香日潘郎振藻秋新成  
鸚鵡賦能衣鸛鵲裘不憚軒車遠仍尋薜荔幽苑梨飛  
絳葉伊水淨寒流雪滿故關道雲遮祥鳳樓一身輕寸

排律

卷三十六

四十二

祿萬物任虛舟別後如相問滄波雙白鷗

綿州官池贈別

同賦濟字

盧照隣

輪軒遵上國仙珮一作下靈關樽酒妨無地聯纒喜暫  
攀離言欲贈策高辯正連環野遠浮雲斷荒池春草班  
殘花落古樹度鳥入澄灣欲發他鄉別幽谷有綿蠻

唐詩所第三十六卷

唐詩所第三十七卷

排律

前集

頌信安王幕府

序曰開元二十年國家有事肅宗詔禮部尚書信安王總戎大舉討

考功郎中王公同勳郎中劉公主客郎中魏公侍御史李公監察御史崔公咸在幕府詩以頌美數公見於詞凡三十韻

高適

雲紀軒黃代星高太白年廟堂咨上策幕府制中權盤

石藩維固昇壇禮樂先國章榮印綬公服貴貂蟬樂善

旌深德輸忠格上玄剪桐光寵錫題劔美貞堅聖祚雄

圖廣師貞武德虔雷霆七校發旌旆五營連華省徵羣

父霜臺舉二賢豈伊公望遠曾是茂才選並秉鞘鈴術

兼該翰墨筵帝思麟閣像臣獻柏梁篇振玉登遼甸掄

排律五言 卷三十七

金歷薊壩度河飛羽檄橫海泛樓船北伐聲逾邁東征

務以專講戎喧涿野料敵靜居延軍勢持三略兵戎自

九天朝瞻授鉞去時聽偃戈旋大漠風沙裏長城雨雪

邊雲端臨碣石波際隱朝鮮夜壁衝高斗寒空駐綵旂

倚弓玄兔月飲馬白狼川庶物隨交泰蒼生解倒懸四

郊增氣象萬里絕風煙關塞鴻勳著京華甲第全落梅

橫吹後春色凱歌前直道常兼濟微才獨棄捐曳裾誠

已矣投筆尚悽然作賦同元淑能詩匪仲宣雲霄不可

望空欲仰神仙

徐晶

疇昔承餘論文章幸濫推夜陪銀漢賞朝奉桂山詞梁

邱調歌日秦樓按舞時登高頻作賦體物屢為詩連騎

長楸下浮觴曲水湄北堂畱上客南陌送佳期憶昨陪

臨汎于今阻宴私再看冬雪滿三見夏花滋都尉朝青

閣淮王侍紫墀寧知倦遊者華髮老京師

贈特進汝陽王

杜甫

特進羣公表天人夙德升霜蹄千里駿風翻九霄鵬服

禮求毫髮推忠忘寢興聖情常有眷朝退若無憑仙醴

求一作浮蟻奇毛或賜鷹清關塵不染一作中使日相

乘晚節嬉遊簡平居孝義稱自多親棣萼誰敢問山陵

排律五言 卷三十七

學業醇儒富辭華哲匠能筆飛鸞聳立章罷鳳鸞騰精

理通談笑忘形向友朋寸長一作堪縑綵一諾豈驕矜

已忝歸曹植何如一作對李膺招要恩屢至崇重力難

勝披霧初歡夕高秋爽氣澄樽罍臨極浦鳬鴈宿張燈

花月窮遊宴炎天避鬱蒸硯寒金井水簷動玉壺冰瓢

飲唯三徑巖棲在百層一作謬持蠡測海况挹酒如

澠鴻寶寧全秘丹梯庶可陵淮王門有客終不媿孫登

贈張丞相

張丞相與予有孝廉校理之舊又代余為荆州余改漢陽仍兼按使巡至荆州故有此贈

漢上登飛幘荆南歷舊居已嘗臨砌橋更覩躍池魚盛

宋鼎

德繼微眇深衷能卷舒義申蓬閣際情切廟堂初郡挹文章美人懷燮理餘皇恩儻照亮豈厭承明廬

贈張左丞崔禮部崔光祿序曰僕自湯還都經龍門北谿莊宿張左丞崔禮部崔光祿並枉聖光顧數公宿致道義雅尚林壑謂急於幽尋故此命駕遂不知別有勝賞偶然相遇寒暄未周神意已往雲霞之致茂而不存逸轡放驅清塵徒企耿歎不已而贈是詩

韋嗣立

栖閒有愚谷好事枉朝軒樹接前驅擁巖傳後騎喧寒簾出野院植杖候柴門旣拂林下席仍携池上樽深期契幽賞實謂展歡言未眷誠未易佳遊時更敦俄看嘯儔侶各已共飛鸞延睇盡朝日長懷通夜魂空聞岸竹排律 五言 卷三十七 三

動徒見浦花繁多愧春鶯曲相求意獨存

酬韋祭酒

張說

聞君湯井至蕭灑憩郊林拂曙携清賞披雲觀一作綠岑歡言遊覽意欵曲望歸心是日期佳客同山忽異尋桃花迂一作綠路轉楊柳間門深汎舟伊水漲繫馬香樹陰繁絃弄水族嬌吹狎沙禽春滿汀色媚景斜嵐氣侵懷仁妹未遠重德匪專臨來藻敷幽思連詞報所欽

贈韋左丞丈濟

杜甫

左轄頻虛位今年得舊儒相門韋氏在經術漢臣須時議歸前列一作天倫恨莫俱鵠原荒宿草鳳沼接亨衢

有客雖安命衰容豈壯夫家人憂几杖甲子混泥塗不謂矜餘力還來謁大巫歲寒仍顧遇日暮且踟躕老驥思千里饑鷹待一呼君能微感激亦足慰榛蕪

贈司勳蕭郎中

張子容

作相開黃閣爲郎奏赤墀君臣道合體父子貴同時國以推賢答家無內舉疑鳳池真水鏡蘭省得華滋未覩風流日先聞新一作賦詩江山清謝朓花木媚丘遲吏部來何暮王言念在茲丹青無不可霖雨亦相期昔我投荒處孤煙望島夷羣鷗終日狎落葉數年悲漁父臨歌詠江妃入典詞今將獻知己相感勿吾欺 排律 五言 卷三十七 四

贈比部蕭郎中十兄

杜甫

有美生人傑由來積德門漢朝丞相系梁日帝王孫蘊藉爲郎久魁梧秉哲尊詞華傾後輩風雅藹孤騫宅相榮姻戚兒童惠討論見知真自幼謀拙媿諸昆漂蕩雲天闊沈埋日月奔致君時已晚懷古意空存中散山陽鍛愚公野谷村寧紆長者轍歸老任乾坤

贈李郎中

楊浚

仙郎早朝退直省臥南軒院竹自成賞階庭寂不喧焚香開後閣起草閉前門禮樂風流美光華星位尊榮兼朱紱貴交乃布衣存是日登龍客無忘君子恩

贈史郎中

李白

鳳凰丹禁裏銜出紫泥書昔放三湘去今還萬死餘仙  
郎久爲別客舍問何如酒轍思流水浮雲失舊居多慙  
華省貴不以逐臣疎復如竹林下叨一作陪芳宴初希  
君生羽翼一化北溟魚

贈張均員外

盧象

公門世緒一作業昌才子冠裴王出自平津郎還爲吏部  
郎神仙餘氣色列宿動一作助輝光夜直南官靜一作近  
朝趨北禁長時人歸一作窺水鏡明主賜衣裳翰苑飛鸚  
鵡天池待鳳凰承歡一作欣嘯日顧未紀一作後時傷去  
排律五言卷三十七五  
去國南遠微才幸不忘

晚春詣蘇州敬贈武員外

王灣

蘇臺憶季常飛棹歷江鄉持此功曹掾初離一作華省  
郎貴門生禮樂明代秉文章嘉郡一作璧位先進鴻儒名  
重揚爰從姻婭一作戚貶豈失忠信防萬里行驥一作馬足  
十年睽鳳翔迴遷翊元聖入拜佇惟良別業對南浦羣  
書滿北堂意深投轄盛才重接筵光陋學叨鉛簡弱齡  
詞翰場神馳勞舊國顏展別殊方際曉雜氛散殘春衆  
物芳煙和疎樹滿雨續小谿長旅拙感成慰通賢顧不  
忘從來琴曲罷開匣爲君張

贈裴南部

杜甫

塵滿萊蕪饌堂橫單父琴人皆知飲水公輩不偷金梁  
獄書應作一作因秦臺鏡欲臨獨醒時所嫉羣小謗能深  
卽出黃沙在何應一作應湏白髮侵使君傳舊德已見直繩  
心

贈崔侍郎

李白

長劒一杯酒男兒方寸心洛陽因劇孟託宿話胸襟但  
仰山嶽秀不知江海深長安復攜手再顧重千金君乃  
輜軒一作軒佐余叨翰墨林高風摧秀木虛彈落驚禽不  
取迴舟興而來命駕尋扶搖應一作因借力一作便桃李願  
排律五言卷三十七六  
成陰笑吐張儀舌愁爲莊舄吟誰憐明月夜腸斷聽秋  
砧

贈鄭諫議

杜甫

諫官非不達詩義早知名破的由來事先鋒孰敢爭思  
飄雲物外律中鬼神驚毫髮無遺恨波瀾獨老成野人  
寧得所天意薄浮生多病休儒服冥搜信客旌築居仙  
縹緲旅食歲崢嶸使者求顏闔諸公厭禰衡將期一諾  
重歛使寸心傾君見窮途哭宜憂阮步兵  
中丞宋公以吳兵三千赴河南軍次潯陽脫余之  
囚參謀幕府因贈之  
李白

獨坐清天下專征出海隅九江皆渡虎三郡盡還珠組練明秋浦樓船入郢都風高初選將月滿欲平胡殺氣橫千里軍聲動九區白猿慙劒術黃石借兵符戎虜行當剪鯨鯢立可誅自憐非劇孟何以佐良圖

贈封御史入臺

蘇味道

故事推三獨茲辰對兩闌夕鴉共鳴舞屈草接芳菲盛府題清一作持青橐殊章動繡衣風連臺閣起霜就簡書飛凜凜當朝色行行滿路威惟當擊隼去復覩落鵬歸

贈右臺監察鄧茂遷左臺殿中

劉懷一

惟昔參多士無雙仰異才鷹鷂同效逐鵝鷺忝遊陪入

排律 五言 卷三十七

七

仕光三命遷榮歷二臺隔牆欽素躅對問限清埃紫署春光早蘭闌曙色催誰言夕鳥至空想鄧林隈

贈王二十四侍御契

杜甫

往往雖相見飄飄媿此身不關輕絃冕俱是避風塵一別星橋夜三移斗柄春敗亡非赤壁奔走爲黃巾子去何蕭灑余藏異隱淪書成無過鴈衣故有懸鵝恐懼行裝數伶俜臥疾頻曉鶯工迸淚秋月解傷神會面嗟驚黑含悽話苦辛接輿還入楚王粲不歸秦錦里殘丹竈花谿得釣綸消中祇自惜晚起索誰親伏柱聞周史乘槎有一作似漢臣鵠鴻不易狎龍虎未宜馴客卿挂冠至

交非傾蓋新由來意氣合直取性情真浪跡同生死無心恥賤貧偶然存蔗芋幸各對松筠簞飯依他日窮愁怪此辰女長裁褐穩男大卷書勻游口江如練鷺崖雪似銀名園當翠嶽野棹沒青蘋屢喜王侯宅時邀江海人追隨不覺晚欸曲動彌旬但使芝蘭秀何煩棟宇鄰

山陽無俗物鄭驛正留賓出入並鞍馬光輝忝席珍重遊先主廟更歷少城闌石鏡通幽鬼琴臺隱絳脣送終惟糞土結愛獨荆榛置酒高林下觀碁積水濱區區甘累趼稍稍息勞筋網聚粘圓鯽絲繁炙細尊長歌敲柳瘦小睡凭藤輪農月須知課田家敢忘勤浮生難去食

排律 五言 卷三十七

八

良會惜清晨列國兵戈暗今王德教淳要聞除狹偷休作盡麒麟洗眼看輕薄虛懷任屈伸莫令膠漆地萬古重雷陳

贈太常張卿均

方丈三韓外崑崙萬國西建標天地闊詣絕古今迷氣得神仙迴恩承雨露低相門清議衆儒術大名齊軒冕羅天闕琳琅識介珪伶官詩必誦夔樂典猶稽健筆凌鸚鵡銛鋒瑩鸛鵠友于皆挺拔公望各端倪通籍踰青瑣亨衢照紫泥靈虬傳夕箭歸馬散霜蹄能事聞重譯嘉謨及遠叅彌詣方一展班序更何躋適越空顛躓遊



梁竟慘悽謬知終一作畫虎微分是醯雞萍泛無休日

桃陰想舊蹊吹噓人所羨騰躍事仍勝碧海真難涉青雲不可梯顧深慙鍛鍊才小辱提攜檻束哀猿叫枝驚夜鵲棲幾時陪羽獵應指釣璜谿

贈翰林張四學士垵

翰林逼華蓋鯨力破滄溟天上張公子宮中漢客星賦詩拾翠殿佐酒望雲亭紫詰仍兼綰黃麻似六經內分金帶赤恩與荔枝青無復隨高鳳空餘泣聚螢此生任春草垂老獨漂萍儻憶山陽會悲歌在一聽

贈鮮于京兆

排律 五言 卷三十七 九

王國稱多士賢良復幾人異才應問出爽氣必殊倫始見張京兆宜居漢近臣驂驪開道路雕鶚離風塵侯伯知何算文章實致身奮飛超等級容易失沈淪脫略蟠谿釣操持郢匠斤雲霄今已逼台衮更誰親鳳穴雛皆好龍門客又新義聲紛感激賁績自逡巡途遠欲何向天高難重陳學詩猶孺子鄉賦念嘉賓不得同晁錯吁嗟後郅詡計疎疑翰墨時過憶松筠獻納紆皇眷中間謁紫宸且隨諸彥集方凱薄才伸破膽遭前政陰謀獨乘鈞微生霑忘刻萬事益酸辛交合丹青地恩傾雨露辰有儒愁餓死早晚報平津

贈蕭二十使君

昔在嚴公幕俱爲蜀使臣艱危參大府前後間清塵起草鳴先路乘槎動要津王鳧聊暫出蕭雉只相馴終始任安義荒蕪孟母鄰聯翩匍匐禮意氣死生親張老存家事稽康有故人食恩慙鹵莽鏤骨抱酸辛巢許山林志夔龍廊廟珍鵬圖仍矯翼熊軾且移輪磊落衣冠地蒼茫土木身填篴鳴自合金玉瑩逾新重憶羅江外同遊錦水濱結歡隨過隙懷舊益一作憶一作霑巾曠絕含香舍稽留伏枕辰停驂雙闕早回鴈五湖春不達長卿病從來原憲貧監河受貸粟一起轍中鱗

排律 五言 卷三十七 十

真定卽事奉贈韋使君

高適

漂泊懷書客遲迴此路隅問津驚棄置投刺忽踟躕方伯思一作彌重蒼生詠已蘇郡稱廉叔度朝議管夷吾乃繼三台側仍將四岳俱江山澄氣象崖谷倚冰壺詔寵金門策官榮葉縣臯擢才登粉署飛步躡雲衢起草徵調墨焚香卽宴娛光華揚盛矣霄漢在茲乎隱軫推公望逶迤協帝俞軒車辭魏闕旌節副幽都始佩仙郎印俄兼太守符尤多蜀郡理更得潁川謨城邑推雄鎮山川列簡圖舊燕當絕漠全趙對平蕪曠野何瀾漫長亭復鬱紆始泉遺俗近活水戰場無月換思鄉陌星迴

記斗樞歲容歸萬象和氣發鴻鑑淪落而誰遇栖遑有  
是夫不才羞擁腫干祿謝侏儒契闊慚行邁羈離憶友  
于田園同季子儲蓄異陶朱方欲呈高義吹噓揖大巫  
永懷吐肝膽猶憚阻榮枯解榻情何限忘言道未殊從  
來貴縫掖應是念窮途

東平旅遊贈薛太守

頌美馳千古欽賢仰大猷晉公標逸氣汾水注長流神  
與公忠節天生將相儔青雲本自負赤縣獨推尤御史  
風逾勁郎官草屢修鵷鷺粉署起鷹隼柏臺秋出入交  
三事飛鳴揖五侯軍書陳上策廷議借前籌肅肅趨朝  
排律五言 卷三十七 十一

列離離引帝求一麾俄出守千里再分憂不改任棠水  
仍傳晏子裘歌謠隨舉扇旌旆逐鳴騶郡國長河遶川  
原大野幽地連堯泰嶽山向禹青州汶上春帆渡秦亭  
晚日愁遺墟當少昊懸象逼奎婁卽此逢清鑒終然喜  
暗投叨承解榻禮更得問縑遊高興陪登陟嘉言忝獻  
酬觀棊知戰勝探象會冥搜眺聽情何限冲融惠勿休  
祇應齊語默寧肯問沈浮然諾長懷季栖遑輒累丘平  
生感知已方寸豈悠悠

贈蘇少府赴任江南

余時還京

崔湜

丈夫不歎別達士自安卑攬泣固無趣銜杯空爾爲流

雲春窈窕去水暮逶迤行舟忽東泛歸騎亦西馳秦地  
多芳草江潭有桂枝雖一作誰言阻遐闊所貴在相知

贈蕭少府

孟浩然

上德如流水安仁道若山聞君秉高節爲一作而得奉清  
顏鴻漸昇儀一作台羽牛刀列下班處腴能不潤居劇體  
常閒去詐人無諂除邪吏息姦欲知清與潔明月照一作在  
澄灣

贈將軍重出塞

和陸明府

陳子昂

忽聞天上將關塞重橫行始返樓蘭國還向朔方城黃  
金裝戰馬白羽集神兵星月開天陣山川列地營晚一作  
排律五言 卷三十七 十二

曉風吹盡角春色耀飛旌寧知班定遠猶一作是一書  
生

贈虞十五司馬

杜甫

遠師虞秘監今喜識玄孫形象丹青逼家聲器宇存淒  
涼憐筆勢浩蕩問辭源爽氣金天豁清談玉露繁佇鳴  
南嶽鳳欲化北溟鯢交態知浮俗儒流不異門過逢連  
客位日夜倒芳樽沙岸風吹葉雲江月上軒百年嗟已  
半四座敢辭喧書籍終相與青山隔故園

贈盧五丈參謀琚

恭惟同自出妙選異高標入幕知孫楚披襟得鄭僑丈

人藉才地門閥冠雲霄老矣逢迎拙相於契託僥賜錢  
傾府待爭米駐船遙鄰好艱難薄俸心杼軸焦客星空  
伴使寒水不成潮素髮乾垂領銀章破在腰說詩能累  
夜醉酒或連朝藻翰惟牽率湖山合動搖時清非造次  
興盡却蕭條天子多恩澤蒼生轉寂寥休傳鹿是馬莫  
信鵬如一作鶚未解依依袂還斟泛泛瓢流年疲蟋蟀  
體物幸鷦鷯孤負滄洲願誰云晚見招

贈蘇味道

杜審言

北地寒應苦南庭戍未一作歸邊聲亂羌笛朔氣卷戎  
衣雨雪關山暗風霜草木稀胡兵戰欲盡漢卒尚重圍  
排律 五言 卷三十七 十三

雲淨妖星落秋深塞馬肥據鞍雄劍動搖一作筆羽書  
飛與駕還京邑朋游滿帝畿方期來獻凱歌舞共春輝

贈崔融

十年俱薄宦萬里各他方雲天斷書札風土異炎涼太  
息幽蘭紫勞歌奇樹黃日疑懷叔度夜似憶真長北使  
從江左一作東歸在洛陽相逢慰疇昔相對敘存亡草  
深窮巷毀竹盡故園荒雅節君彌固衰顏余自傷人事  
盈虛改交游寵辱妨雀羅爭去翟鶴髦競一作尋王思  
極歡娛至朋情詎可忘琴樽橫宴席巖谷一作臥詞場  
連騎追佳賞城中及路傍三川宿雨霽四月晚花芳復

此開懸榻寧唯入後堂興酣鵠鶴舞言洽鳳皇翔高選  
俄遷職嚴程已飭裝撫躬銜道義攜手戀輝光玉振先  
推美金銘舊所防勿嗟離別易行役共時康

贈李徵君大壽

王績

孔淳辭散騎陸昶謝中郎幅巾朝帝罷杖策去官忙附  
車還趙郡乘船向武昌九徵書未已十辟譽彌彰副君  
迎綺季天子送嚴光瀟陵幽徑近磻谿隱路長編蓬還  
作室續草更爲裳會稽置樵處蘭陵賣藥行看書惟道  
德開教止農桑別有幽懷侶由來高讓王前年辭厚幣  
今歲返寒鄉有書橫石架無羶坐土牀蘭英猶足釀竹  
實本無糧澗松寒轉直山菊秋自香管寧存祭禮王霸  
重朝章去去相隨去披裘騎盛唐

贈易秀才

李白

少年解長劒投贈卽分離何不斷犀象精光暗往時蹉  
跎君自惜竄逐我因誰地遠虞翻老秋深宋玉悲空摧  
芳桂色不屈古松姿感激平生意勞歌寄此辭

贈榮陽馬氏二子

儲光義

聖君封太嶽十月建行旂輦路開千里寒雲霽九天故  
人多侍從二子畱伊川河兗水初合關城月屢圓  
榮水上聞說鄭卿賢才蔽行人右名居東里先制巖園

別業桑柘亦依然待至金園側相將居一廛

題居延古城贈喬十二知之 陳子昂

聞君東山意宿習一作紫芝榮滄洲今何在華髮旅邊

城還漢功既薄逐胡策未行徒嗟白日暮坐對黃雲生  
桂枝芳欲晚蕙芳謗誰明無爲空自老含歎負生平

移居公安敬贈衛鈞 杜甫

衛侯不易得余病汝知之雅量涵高遠清襟照等夷平  
生感意氣少小愛文辭河海由來合風雲若有期形容  
勞宇宙質朴謝軒墀自古幽人泣流年壯士悲水煙通  
徑草秋露接園葵入邑豺狼鬪傷弓鳥雀飢白頭供宴

排律 五言 卷三十七 十五

語鳥几伴棲遲交態遭輕薄今朝豁所思

南還以詩代書贈京師舊寮 張九齡

薄宦晨昏闕尊尊義取斯窮愁年貌改寂蔑一作爾胡

爲不諂詞多忤無容禮益卑微生尚何有遠跡固其宜

思擾梁山曲情遙越鳥枝故園從海上良友邈天涯靈

雨歎一別川原勞載馳上慚伯樂顧中負叔牙知去國

誠寥落經途弊險巇歲逢霜雪苦林屬蕙蘭萎欲贈幽

芳歌行悲舊賞移一從關作限兩見月成規再再窮年

簫行行盡路岐征鞍稅北渚歸帆指南垂樹晚猶蔥蒨

江寒尚渺瀾土風從楚別山水入湘奇石瀨相奔觸煙

林更蔽虧層崖夾洞浦輕舸汎澄漪松篠行皆飭禽魚  
動輒隨惜哉邊地隔不與故人窺疇昔陪駕鸞朝陽振  
羽儀來音雖寂寞接景每逶迤朝罷冥虛事實來話酒  
厄邀歡逐芳草結興選華池及此風成歎何時霧可披  
自憐無用者誰念有情離望美音容闊懷賢夢想疲因  
聲達霄漢持拙守東陂

在軍中贈先還知己 駱賓王

蓬轉俱行役瓜時獨未還魂迷金闕路望斷玉門關獻  
凱多慙霍論封一作功幾謝班風塵催白首歲月損紅顏

落鴈低秋塞驚鳥起暝灣胡霜如劍鏑漢月似刀鐮別

排律 五言 卷三十七 十六

後邊庭樹相思幾度攀

畱贈集賢院崔于二學士 杜甫

昭代將垂白途窮乃叫閭氣衝星象表詞一作感帝王

尊天老書題目春官驗討論倚風遺鵬路隨水到龍門

竟與蛟螭雜寧無燕雀喧青雲一作冥猶契閭陵厲不飛

翻濡術誠難起家聲度已存故山多藥物勝槩憶桃源

欲整還鄉旆長懷禁掖垣謬稱三賦在難述二公恩

東平畱贈狄司馬 高適

古人無宿諾茲道未一作爲難萬里赴知已一言誠可

歎馬蹄經月窟劍術指樓蘭地出北庭盡城臨西海寒

森然瞻武庫則是一剛一作弄儒翰入幕綰銀綬乘軺兼鐵  
冠練兵日精銳殺敵無遺殘獻捷見天子論功俘可汗  
激昂丹墀下顧眎青雲端誰謂縱橫策翻爲權勢干將  
軍旣坎壈使者亦辛酸耿介挹一作三事羈離從一官  
知君不得意他日會鵬搏

寄贈齊公

杜淹

冠蓋遊梁日詩書問志年佩蘭長坂上攀桂小山前結  
交淡若水履道直如弦此歡終未極于茲獨播遷赭衣  
登蜀道白首別秦川淚隨溝水逝心逐曉旌懸去去逾  
千里悠悠隔九天郊野間長薄城闕隱凝煙關門共月  
排律五言卷三十七 十七

對山路與雲連此時寸心裏難用尺書傳

贈嚴倉曹乞推命錄

陳子昂

少學縱橫術遊楚復遊燕栖遑長委命富貴未知天聞  
道沈冥客青囊有祕篇九官探萬象三算極重玄願奉  
唐生訣將知躍馬年非同一作墨翟問空滯殺龍川  
將別巫峽贈南卿兄襄西果園四十畝

杜甫

苦竹素所好萍蓬無定居遠遊長兒子幾地別林廬雜  
藥紅相對他時錦不如具舟將出峽巡圃念攜鋤正月  
喧鶯未茲辰放鶴初雲籬梅可折風榭柳微舒託贈卿

家有因歌野興疎殘生逗江漢何處狎樵漁

劉侍讀見和山邸篇什重申此贈 李嶠

神嶽瑤池圃仙宮玉樹林垂時警天御清暑滌宸襟梁  
駕陪玄賞涵庭掩翠岑對巖龍岫出分壑鴈一作池深  
簷迴松蘿映牕高石鏡臨落泉奔澗響驚吹助猿吟野  
氣迷涼燠山花雜古今英藩盛賓侶勝景想一作招尋  
踐徑披蘭葉攀崖引桂陰穆生時泛醴鄒子或調琴雉  
翳分場合魚鈎向浦沈朝遊極斜景夕宴待橫參顧已  
慙鉛鐸叨名齒璫簪暫依朱邸館還暢白雲心丘壑信  
多美煙霞得所欽寓言摠宿志竊吹簡知音獎價踰珍  
排律五言卷三十七 十八

石酬文重振金方從仁智所携手濯清潯

初發道中贈王司馬兼寄諸公 張九齡

昔歲嘗陳力中年退屏居承顏方弄鳥放性或觀魚曾  
是安疵拙誠非議卷舒林園事益簡煙月賞恒餘不意  
棲愚谷無階奉詔書湛恩均大造弱植愧空虛肅命趨  
仙闕僑裝撫傳車念行開祖帳憐別降題輿誰謂風期  
許叨延禮數殊一作義沾投分末情及解携初追餞扶  
江介光輝燭里閭子雲應寂寞公叔一作爲吹噓景物  
春來異音容日向疎川原行稍穩鐘鼓聽猶徐林隔王  
公舉雲迷班氏廬戀親唯委咽思德更躊躇徇義當由

此懷安乃闕如願酬明主惠行矣豈徒歟

久滯越中貽謝南池會稽賀少府 孟浩然

陳平無產業尼父倦東西負郭昔云翳問津今亦已一作

迷未能忘魏闕空此滯秦稽兩見夏雲起再聞春鳥啼

懷仙梅福市訪舊若耶谿聖主賢爲寶君一作何隱遜

棲

同豆盧峯貽主客李員外賢子裴 杜甫

鍊金歐冶子噴玉大宛兒符彩高無敵聰明達所爲夢

蘭他日應折桂早年知爛熳通經術光芒刷羽儀謝庭

瞻不遠潘省會於斯唱和將雜曲田翁號鹿皮

排律五言

卷三十七

十九

太學貽張筠

儲光義

壁池忝門子俄傾變炎涼綠竹深虛館清流響洞房園

林在建業新友去咸陽中夜鼓鐘靜初秋漏刻長浮雲

開太室華蓋上明堂空此遠相望勞歌還自傷

首春貽京邑文士

盧照隣

寂寂罷將迎門無車馬聲橫琴答山水披卷閱公卿忽

聞歲云晏倚杖出簷楹寒辭楊柳陌春滿鳳凰城梅花

扶院吐蘭葉繞階生覽鏡改容色藏書畱姓名時來不

假問生死任交情

至望喜矚目言懷貽劍外知己

聖圖夷九折神化掩三分緘愁赴蜀道題拙奉虞薰隱  
麟度深谷遙裔上高雲碧流遞紫注青山互糾紛澗松  
咽風緒巖花濯露文思北常依馭圖南每喪羣無由召  
宣室何以答吾君

還赴蜀中貽示京邑遊好

藥宿花初滿章臺柳向一作飛如何正此日還望昔多

違悵別風期阻將華雲會稀歛衽辭丹闕懸旗陟翠微

野禽喧戍鼓春草變征衣回顧長安道關山起夕霏

寄韋有夏郎中

杜甫

省郎憂病士書信有柴胡飲子頻通汗懷君想報珠親

排律五言

卷三十七

二十

知天畔少藥餌峽中無歸楫生衣臥春鷗洗翅呼猶聞

上急水早作取平塗萬里皇華使爲僚記腐儒

寄李十四員外布

時新除司議郎萬州別駕雖尚  
伏枕已聞理裝

名參漢望苑職述景題輿巫峽將之郡荆門好附書遠

行無自苦內熱比何如正是炎天閣那堪野館疎黃牛

平駕浪畫鷁上凌虛試待盤渦歇方期解纜初悶能過

小徑自爲摘嘉蔬渚柳元幽僻村花不掃除宿陰繁素

柰過雨亂紅蕖寂寂夏先晚冷泠風有餘江清心可瑩

竹冷髮堪梳直作移巾几秋帆發敝廬

承沈八丈東美除膳部員外郎阻雨未遂馳賀奉

寄此詩

今日西京掾多除南省郎通家惟沈氏謁帝似馮唐詩  
律羣公問儒門舊史長清秋便寓直列宿頓輝光未暇  
申安慰含情空激揚司存何所比膳部默懷傷貧賤人  
事略經過霖潦妨禮同諸父長恩豈布衣忘天路牽騏  
驎雲臺引棟梁徒懷貢公喜颯颯鬢毛蒼

襄陽早秋寄岑侍郎

崔湜

江城秋氣早旭旦坐南閣落葉驚衰鬢清霜換旅衣時  
來矜早達事往覺前非體道徒推理防身終昧微故人  
金華省肅穆乘天機誰念江漢廣蹉跎心事違

排律 五言

卷三十七

二十二

閒園卽事寄韋侍御

蘇頌

結廬東城下直望江南山青靄遠相接白雲來復還拂  
筵紅蘚上開幔綠條間物應春偏好情忘趣轉閒忠臣  
饒美度一作政聯事惜徂顏有酒空盈酌高車不可攀

寄岳州賈司馬六丈巴州嚴八使君兩閣老

杜甫

衡嶽啼猿裏巴州鳥道邊故人俱不利謫宦兩悠一作曲  
然開闢乾坤正榮枯雨露偏長沙才子遠釣瀨客星懸  
憶昨趨行殿殷憂捧御筵討胡愁李廣奉使待張騫無  
復雲臺仗虛修水戰船蒼茫城七十流落劍三千畫角

吹一作歌秦晉旄頭俯澗澗小儒輕董卓有識笑苻堅浪

作禽填海那堪血射天萬方思助順一鼓氣無前陰散

陳倉北晴薰太白顛亂麻屍積衛破竹勢臨燕法駕還

雙闕王師下八川此時霜奉引佳氣拂周旋貌虎開金

柙一作金甲麒麟受玉鞭侍臣諳入仗廐馬解登仙花動

朱樓雪城凝碧樹煙衣冠心慘愴故老淚潺湲哭廟悲

風急朝正暮景鮮月分梁漢米春得一作給水衡錢內藥

繁於纈宮莎軟勝綿恩榮同拜手出入最隨肩晚著一作半

堂醉寒重繡被眠戀齊兼秉燭書柱滿懷賤每覺昇元

輔深期列大賢秉鈞方咫尺鍛翮再聯翩禁掖朋從改

排律 五言

卷三十七

二十二

微班性命全青蒲甘受戮白髮竟誰憐弟子貧原憲諸

生老伏虔師資謙未達鄉黨敬何先舊好腸堪斷新愁

眼欲穿翠乾危棧竹紅臙小湖蓮賈筆論孤憤嚴詩賦

幾篇定知深意苦莫使衆人傳貝錦無停織朱絲有斷

絃浦鷗防碎首霜鶻不空拳地僻昏炎瘴山稠隘石泉

且將棋度日應用酒爲年典郡終微眇治中實棄捐安

排求傲吏比興展歸田去去才難得蒼蒼理又玄古人

稱逝矣吾道卜終焉隴外翻投跡漁陽復控弦笑爲妻

子累甘與歲時遷親故行稀少兵戈動接聯他鄉饒夢

寐失侶自迤邐多病加淹泊長吟阻靜便如公盡雄俊



志在必騰騫

寄董卿嘉榮

聞道君牙帳防秋近赤霄不臨千嶺一作雪却背五繩

橋海內久戎服京師今晏朝犬羊曾爛熳官闕尚蕭條

猛將宜嘗膽龍泉必在腰黃圖遭汚辱月窟可焚燒會

取干戈利無令斥候驕居然雙捕虜自是一嫖姚落日

思輕騎高一作天憶射鵬雲臺畫形像皆爲掃氛妖

寄河南韋尹

甫敝廬在偃師承韋公頻相訪問故

有客傳河尹逢人問孔融青囊仍隱逸章甫尚西東鼎

食爲門戶詞場繼國風尊榮瞻地絕疎放憶途窮濁酒

排律五言卷三十七二十三

尋陶令丹砂訪葛洪江湖漂梗一作楊霜雪滿飛蓬半

落乾坤大周流道術空謬慙知蒯子眞怯笑楊雄盤錯

神明懼謳歌德義豐戶鄉餘土室難說祝雞翁

寄劉峽州伯華使君

峽內多雲雨秋來尚鬱蒸遠山朝白帝深水謁夷陵遲

暮嗟爲客西南喜得朋哀猿更起坐落鴈失飛騰伏枕

思瓊樹臨軒對玉繩青松寒不落碧海闊逾澄昔歲文

爲理羣公價盡增家聲同令聞時論以儒稱太后當朝

肅多才接迹昇翠虛捎煙矚丹極上鵬鵬宴引春壺酒

恩分夏簟冰雕章五色筆紫殿九華燈學並盧王敏書

偕褚薛能老兄真不墜小子獨無承近有風流作聊從

月竈一作微放蹄知赤驥振翅服蒼鷹卷軸來何晚襟

懷庶可憑會期吟諷數益破旅愁凝雕刻初誰料纖毫

欲自矜神融躡飛動戰勝洗侵陵妙取筌蹄棄高宜百

萬層白頭遺恨在青竹幾人登回首追談笑勞歌跼寢

興年華分已矣世故莽相仍刺史諸侯貴郎官列宿應

潘生驂一作閣遠黃霸璽書曾乳贊號攀石饑甍訴落

藤藥囊親道士灰切問胡僧憑久爲皮綻簪稀白帽稜

林居看蟻穴野食待魚膾筋力交凋喪飄零免戰兢皆

爲百里宰正似六安丞姪女縈新裏丹砂冷舊秤但求

排律五言卷三十七二十四

椿壽永莫慮杞天崩鍊骨調情性張兵撓棘矜養生終

自惜代數一作必全懲政術甘疎誕詞場媿服膺展懷

詩頌魯割愛酒如澠咄咄寧書字冥冥欲避矰江湖多

白鳥天地有青蠅

當塗界寄裴宣州

張九齡

故人宣城守亦在江南偏如何分虎竹相與間山川章

綬胡爲者形骸非自然含情津渡闊倚望脰空延遠近

聞佳政平生仰大賢推心徒有屬會面良無緣日夕遵

前渚江村投暮煙念行祗意默懷遠豈言宣委曲風波

事難爲尺素傳

敬酬張九齡

裴耀卿

茂先寔王佐仲舉信時英氣觀衝天發人將下榻迎珪  
符肅有命江國遠徂征九派期方越千鈞或所一作輕  
高帆出風迴孤嶼入雲平過邁嗟于役離憂空自情飾  
簪陪早歲接壤廁專城曠別心彌軫宏規義一作轉傾  
徒然恨饑渴況乃諷瑤瓊

寄孟五少府

高適

秋氣一作風落窮巷離憂兼暮蟬後時已如此高興亦徒  
然知君念淹泊憶我屢周旋征路見來鴈歸人悲遠天  
平生感一作各千里相望在眞賢一作堅

排律

卷三十七

二十五

舟中出江陵南浦寄鄭少尹審

杜甫

更欲投何處飄然出此都形骸元土木舟楫復江湖社  
稷纏妖氣干戈送老儒百年同棄物萬國盡窮途雨洗  
平沙淨天銜闊岸紆鳴蜩隨泛梗別燕赴一作秋菰棲  
託難高臥饑寒迫向隅寂寥相煦沫浩蕩報恩珠溟漲  
鯨波動衡陽鴈影徂南征問懸榻東逝想乘桴濫竊商  
歌聽時憂卞泣誅經過憶鄭驛斟酌旅情孤

自樂城赴永嘉枉路泛白湖寄松陽李少府

張子容

西行礙淺石北轉入谿橋樹色煙輕重湖光風動搖百

花亂飛雪萬嶺疊青霄猿挂臨潭篠鷗迎出浦橈惟應  
賞心客茲路不言遙

寄隴右嚴判官

劉方平

副相西征重蒼生屬望晨還同周薄伐不取漢和親虜  
陣摧枯易王師決勝頻高旗臨鼓角太白靜風塵赤狄  
爭歸化青羌已請臣遙傳關外美盛選幕中賓玉劒光  
初發冰壺色自眞忠貞期報主章服豈榮身邊草含風  
綠征鴻過月新胡笳長出塞隴水半歸秦絕漠多來往  
連年厭苦辛路經西漢雪家擲後園春誰念煙雲裏深  
居汝潁濱一叢黃菊地九日白衣人松葉疎開嶺桃花  
排律 卷三十七 二十六

密映津縑書若有寄爲訪許由鄰

山行寄劉李二參軍

盧照隣

萬里煙塵客三春桃李時事去紛無限愁來不自持狂  
歌欲歎鳳失路反占龜草礙人行緩花繁鳥度遲彼美  
參卿事畱連求友詩安知倦遊子兩鬢漸如絲

寄許八

張說

萬類春皆樂徂顏獨不怡年來人更老花發意先衰乳  
鵲穿壇畫巢蜂觸網絲平生美容色宿昔影中疑遠道  
何由夢同心在者誰西風欲寄語憫默遂無詞

寄李十二白

杜甫

昔年有狂客號爾謫仙人筆落驚風雨詩成泣鬼神聲  
名從此大汨沒一朝伸文彩承殊渥流傳必絕倫龍舟  
移棹晚默錦奪袍新白日来深殿青雲滿後塵乞歸優  
詔許遇我宿心親未負幽樓志兼全寵辱身劇談憐野  
逸嗜酒見天真醉舞梁園夜行歌泗水春才高心不展  
道屈善無鄰處士禰衡俊諸生原憲貧稻粱求未足意  
改謗何頻五嶺炎蒸地三危放逐臣幾年遭鵬鳥獨泣  
向麒麟蘇武先還漢黃公豈事秦楚筵辭醴日梁獄上  
書辰已用當時法誰將此義陳老吟秋月下病起暮江  
濱莫怪恩波隔乘槎與問津

排律五言

卷三十七

二十七

寄張十二山人彪

獨臥嵩陽客三遠潁水春艱難隨老母慘澹向時人謝  
氏尋山屐陶公漉酒巾羣兒彌宇宙此物在風塵歷下  
辭姜被關西得孟鄰早通交契密晚接道流新靜者心  
多妙先生藝絕倫草書何太古詩興不無神曹植休前  
輩張芝更後身數篇吟可老一字買堪貧將恐曾防寇  
深潛託所親寧聞倚門夕盡力潔餐晨疎嬾爲名誤驅  
馳喪我真索居猶寂寞相過益愁辛流轉依邊徼逢迎  
念席珍時來故舊少亂後別離頻世祖修高廟文公賞  
從臣商山猶入楚渭水不離秦存想青龍秘騎行白鹿

馴耕巖非谷口結草卽一作在河濱肘後符應驗囊中藥  
未陳旅懷殊不愜良覲眇無因自古皆悲恨浮生有屈  
伸此邦今尚武何處且依仁鼓角凌天籟關山倚月輪  
官場羅鎮積賊火近洮岷蕭瑟論兵地蒼茫關將辰大  
軍多處所餘孽尚紛綸高興知籠鳥斯文起獲麟窮秋  
正搖落回首望松筠

春日歸山寄孟六浩然

李白

朱紱遺塵境青山謁梵筵金繩開覺路寶筏度迷川嶺  
樹橫飛拱巖花覆谷泉塔形標海月樓勢出江煙香氣  
三天下鐘聲萬壑連荷秋珠已滿松密蓋初圓鳥聚疑

排律五言

卷三十七

二十八

聞法龍叅若護禪愧非流水韻叨入伯牙絃

與崔二十一遊鏡湖寄包賀二公

孟浩然

試覽鏡湖水中流到一作見底清不知鱸魚味但識鷗鳥  
情帆得樵風送春逢穀雨晴將探一作特夏禹穴稍背越  
王城府掾有包子文章推賀生滄浪醉後唱因子一作此

寄同聲

弊廬遣興寄嚴公

杜甫

野水平橋路春沙映竹村風輕粉蝶喜花煖蜜蜂喧把  
酒宜深酌題詩好細論府中瞻暇日江上憶詞源跡忝  
一作朝廷舊情依節制尊還思長者轍恐避席爲門

家園夜坐寄郭微

祖詠

前堵微雨歇開戶散窺林月出夜方淺水涼池更深餘  
風生竹樹清露薄永襟遇物遂遙歎懷人滋遠心依稀  
成夢想影響絕微音誰念窮居者明時嗟陸沈

萬州曉發放舟乘漲寄蜀中親朋 陳子昂

空濛巖一作微雨霽爛熳曉雲歸嘯一作嘯旅乘明發奔橈  
驚斷磯蒼茫林岫轉絡繹漲濤飛遠岸孤煙出遙峯曙  
日微前瞻未能朐坐望已相依曲直多一作還今古經過  
失是非還期一作多岐方浩浩征思日駢駢寄謝千金子江  
海事多違

排律 五言

卷三十七

二十九

淮南寄舍弟

王泠然

昔予從不調經歲旅淮南源念爾長相失何時返故園寄  
書迷處所分袂隔涼溫遠道俱爲客他鄉共在原歸情  
春伴鴈愁泣夜隨猿愧見高堂上朝朝獨倚門

敘寄貞半千

駱賓王

薄宦三河道自負十餘年不應驚若厲祗爲直如弦坐  
歷山川險吁嗟陵谷遷長吟空抱膝短翮詎冲天魂歸  
滄海上望斷白雲前釣名勞拾紫隱迹自談玄不學多  
能聖徒思鴻寶仙斯志良難已此道豈徒然嗟爲刀筆  
吏恥從繩墨牽岐路情雖狎人倫地本偏長揖謝時事

獨往訪林泉寄言二三子生死不來旋

留上李右相

高適

風俗登淳古君臣挹大庭深沈謀九德密勿契千齡獨  
立調元氣清心豁宵冥本枝連帝系長策冠冠生靈傳說  
明殷道蕭何律漢刑鈞衡持國柄柱石總朝一作賢經隱  
軫江山藻氛氤鼎鼐銘興中皆白雪身外卽丹青江海  
呼窮鳥詩書問聚螢吹噓成羽翼提握動芳馨倚伏悲  
還笑棲遲一作升沈醉復醒恩榮初就列含育忝宵形有竊  
丘山惠無時枕席寧壯心瞻落景生事感浮一作萍莫  
以才難用終期善易聽未爲門下客徒謝少微星

排律 五言

卷三十七

三十

上韋左相

韋見素也

杜甫

鳳曆軒轅紀龍飛四十春八荒開壽域一氣轉洪霖  
雨思賢佐丹青憶老臣應圖求駿馬驚代得麒麟沙汰  
江河濁調和鼎鼐新韋賢初相漢范叔已歸秦盛業今  
如此傳經固絕倫豫章深出地滄海闊無津北斗司喉  
舌東方領搢紳持衡留藻鑑聽履上星辰獨步才超古  
餘波德照鄰聰明過管輅尺牘倒陳遵豈是池中物由  
來席上珍廟堂知至理風俗盡還淳才傑俱登用愚蒙  
但隱淪長卿多病久子夏索居貧一作回首驅流俗生  
涯似衆人巫咸不可問鄒魯莫容身感激時將晚蒼茫

興有神爲公歌此曲涕淚在衣巾

荆門上張丞相

孟浩然

共理分荆國招賢魏楚材召南風更闡丞相閣還開觀  
止欣眉睫沈淪拔草萊坐登徐孺榻頻接李膺杯始慰  
蟬鳴柳俄看雪間梅四時年簫盡千里客程催日下瞻  
歸翼沙邊厭曝鰓佇聞宣室召星象列三台

上張令公

王維

珥筆趨丹陛垂璫上玉除步檐青瑣闥方憶畫輪輿市  
閱千金字朝聞五色書致君光帝典薦士滿公車伏奏  
迴金駕橫經重石渠從茲罷角觝且復幸儲胥天統知  
排律五言 卷三十七 三十一

堯後王章笑魯初匈奴遙俯伏漢相儼簪裾賈生非不  
遇汲黯自堪疎學易思求我言詩或起予嘗從大夫後  
何惜隸人餘

投哥舒開府翰

杜甫

今代麒麟閣何人第一功君王自神武駕馭必英雄開  
府當朝傑論兵邁古風先鋒百戰一作勝在略地兩隅空  
青海無傳箭天山早挂弓廉頗仍走敵魏絳已和戎每  
惜河湟棄新兼節制通智謀垂睿想出入一作冠諸公日月  
低秦樹乾坤繞漢宮胡人愁逐北宛馬又從東受命邊  
沙遠歸來御席同軒墀曾寵鶴畋獵舊非熊茅土加名

數山河誓始終策行遺戰伐契合動昭融勳業青冥上  
交親氣槩中未爲珠履客已見白頭翁壯節初題柱生  
涯獨轉蓬幾年春草歇今日暮途窮軍事畱孫楚行間  
識呂蒙防身一長劍將欲倚崆峒

伯奴邊見歸田賦因投趙侍御

張說

爾家歎窮鳥吾族賦歸田莫道榮枯異同嗟世網牽黃  
陵浮汨渚青歲會湘川去國逾三歲茲山老二年寒鴉  
鳴舍下昏虎臥籬前客淚堪斑竹離憂欲贈荃放言久  
無次觸興感成篇

奉酬燕公

趙冬曦

排律五言 卷三十七 三十二  
窮鳥嬰籠綴孤飛任播遷鷦鷯王佐用復此挫沖天楚  
雲何掩鬱湘水亦迴還懷哉愧木鴈忽爾枉蘭荃愈疾  
同枚叔銷憂比仲宣歸途書可畏弱操石猶堅覆載雖  
云廣溟陽直塊然

冬日述懷呈韋祭酒張左丞蘭臺名賢

崔日知

弱齡好經籍披卷卽怡然覃精四十載馳騁數千言孔  
壁采遺篆一作帙周韋考絕編袁公論劒術孫子敘兵篇  
魯史君臣道姬書日月懸從師改炎煥負笈遍山川上  
異西河憂中非北海玄光榮拾青紫名價接通賢既重

萬鍾樂寧思二項田長戟同分虎高冠亞一作附燁晚

懷重虛曠養志息雕鐫登高思拙匠物謝情妍不慕

張平子寧希一作思王仲宣誰謂登龍日翻成刻鵠年循

循勞善誘軋軋思微牽琢磨才既竭鑽仰德彌堅朽木

誠為諭捫心徒自憐終期吞鳥夢振翼上雲煙賦成先

擲地詞高直揆天更執樞衣禮仍開田丈筵霧披槐市

藹水靜壁池圓願逐從風葉飛舞翰林前

酬崔光祿序曰太極殿衆君子分司洛城自春涉

頃因公譙方接詠言崔光祿述志論文首貽雅

唱諸公嘉德敘事咸有報章若夫盛時榮位華

景勝會此四者古難一遇而我輩比實兼之至

於將言探道妙識發義戲謔而逢規戒指諷而

排律五言 卷三十七 三十三

見師表益過三友豈易得乎謂齊澤陶芝蘭

久襲章公近之矣以文會友以友輔仁崔公近

之矣其餘尋聲響答望形影赴故亦凌碧池之

連漪增瑤林之沃若是用綴集勸成一卷永存

凡聞之敬無忘歡好之時焉 張說

徐陳嘗並作枚馬亦同時各負當朝譽俱承明主私夫

君邁前侶觀國騁奇姿山似鳴威鳳泉如出寶龜才雄

子雲筆學廣仲舒帷紫綬拂三寺朱門臨九達昔我舍

香日聯爾縉雲司朝携蘭省步夕退竹林期中路一分

手數載來何遲求友還相得羣英復在茲畱臺少人務

方駕遞尋追涉玩懷同賞霑芳憶共持迎賓南澗飲載

妓東城嬉春郊綠畝秀秋澗白雲滋名畫披人物良書

計滯疑興來光不惜歡往迹如遺歲晏罷行樂層城聞

所思夜魂燈處厭朝髮鏡前衰忽枉崔駰什兼流韋孟

詞曲高彌寡和主善代爲師齋戒觀華玉畱連歎色絲

終慙起予者何足與言詩

酬崔光祿序曰光祿崔卿公懷通識濟時良具材

善與人交僕忝臺閣早經聯事雖幸拆風采而

不接慙勤崔公以雅道自居未嘗至僊之室及

僕積抱羸疾屢期放退朝廷恩假職以優閒多

取急歸林服藥爲事門堪羅雀庭見狎鷗崔公

蘭菊春秋自芳竹栢歲寒無變僕教之重之情也

不能忘也嘗談及詞翰頗申持掖 韋嗣立

忽枉贈章因以投報云爾

亭伯負高名羽儀稱上京魏珠能燭乘秦壁許連城六

排律五言 卷三十七 三十四

月飛將遠三冬學已精洛陽推賈誼江夏貴黃瓊推演

中都術旋參河尹聲累遷登御府移拜踐名卿庭聚歌

鍾麗門羅榮戟榮鸚杯飛廣席默火列前楹散誕林園

意殷勤敬愛情無容抱衰疾良宴每招迎契得心逾重

言忘道益貞相勗忠義節共談詞賦英雕蟲曾靡棄白

鳳已先鳴光接神愈駭音來味不成短歌甘自思鴻藻

彌難清東里方希潤西河敢竊明厚誣空見迫喪德豈

無誠端守官闈地寒煙朝暮平顧才無術淺懷器識憂

盈月下對雲闕風前聞夜更昌年雖共偶歡會此難并

爲憐漳浦曲沈痾有劉楨

和日知光祿弟

序曰韋祭酒張生永二公並應制  
律才朝廷舊相咸光前和殊爲佳

崔泰之

吾族白眉良才華動洛陽觀光初入仕應宿始爲郎飛

螢翫書籍白鳳吐文章海卿逾往雅河尹冠前張擇才

綬鄢郢殊化被江湘高樓臨廣陌甲第敞通莊列館印

山下疏亭洛水傍昌年賞豐陌暇日悅林塘衣冠皆秀

彦一作羅綺盡名倡隔岸聞歌度臨池見舞行門庭寒

變色榮戟自生光窮陰方變黷殺氣正蒼茫感時興盛

作晚歲共多傷積德韋丞相通神張子房吟草編簪紱

逸韻合官商功名守畱省濫迹在文昌家園遙可見臺

排律五言

卷三十七

三十五

寺近相望無庸乘侍謁有暇共翱翔棟華依鴈序竹葉

拂鸞觴水坐憐秋月山行弄晚芳恩華慙服冕友愛最

垂堂無由報天德相顧詠時康

齒坐呈山南諸隱

孟浩然

習公有遺坐高在白雲睡樵子不見識山僧賞自知以

余爲好事攜手一來窺竹露閒夜滴松風清晝吹從來

抱微尚况復感前規於此無奇策蒼生奚以爲

示宗武

杜甫

覓句新知律攤書解滿牀試吟青玉案莫帶一作紫羅

囊暇日從時飲明年共我長應須飽經術已似愛文章

十五男兒志三千弟子行曾參與游夏達者得升堂

山中示弟等

王維

山林吾喪我冠帶爾成人莫學嵇康懶且安原憲貧山

陰多北戶泉水在東隣緣合妄相有性空無所親安知

廣成子不是老夫身

合州津口別舍弟至東陽峽步趨不及眷然有憶

作以示之

陳子昂

江潭共爲客洲浦獨迷津思積芳庭樹心斷白眉人同

衾成楚越別島類胡秦林岸隨天轉雲峰逐望新遙遙

終不見默默坐含嚔念別疑三月經遊未一句孤舟多

排律五言

卷三十七

三十六

逸興誰共爾爲隣

夏夜憶張二

駱賓王

伏枕憂思深擁膝獨長吟烹鯉無尺素笺魚勞寸心疎

麻空有折芳桂湛無對廣庭含夕氣閒宇澹虛陰纖蟲

垂夜砌驚鳥棲暝林驩娛百年促羈病一生侵詎堪孤

月夜流水入鳴琴

遠懷舍弟穎觀等

杜甫

陽翟空知處荆南近得書積年仍遠別多難不安居江

漢春風起冰霜昨夜除雲天猶錯莫花萼尚蕭疎對酒

都疑夢吟詩正憶渠舊時元日會鄉黨羨吾廬



始背洛城秋郊矚目奉懷臺中諸侍御

蘇味道

薄遊忝霜署直指戒冰心  
蒹葭浦方南紀衡舉暫北臨山  
晴關塞斷川暮廣城陰場圃通圭甸  
溝塍礪石林野童來拊拾田叟去  
謳吟蟋蟀秋風起兼葭晚露深帝城猶  
鬱鬱征傳幾駸駸迴憶披書地勞歌謝所欽

佐郡思舊遊

序曰己亥歲春三月余自補闕轉起居舍人夏四月署魏州長史適見秋草涼風復來昔桓譚出爲六安丞常忽忽不樂今知之矣悲州縣瑣屑思掖垣清閑呈左右省舊遊

岑參

幸得超紫殿却憶侍丹墀史筆衆推直諫書人莫窺平

排律五言

卷三十七

三十七

生恒自負垂老此安卑同類皆先達非才獨後時庭槐宿鳥亂階草夜蟲悲白髮今無數青雲未有明

西山尋辛諤

孟浩然

漾舟尋

一作乘

水便因訪故人居落日清川裏誰言獨羨

魚石潭窺洞徹沙岸歷紆徐

竹嶼見垂釣

讀書欬言忘景夕清興屬涼初回也一瓢似賢哉常安

如

河南嚴尹弟見宿弊廬訪別人賦十韻

王維

上客能論道吾生學養蒙貧交世情外才子古人中冠

上方簪豸車邊已盡能拂衣迎五馬垂手憑雙童花醺和松屑茶香透竹叢薄霜澄夜月殘雪帶春風古壁蒼苔黑寒山遠燒紅眼看東侯別心事北川同爲學輕先輩何能訪老翁欲知今日後不樂爲車公

江上暫別蕭四劉三旋欣接遇

陳子昂

昨夜滄江別言乖天漢遊寧期此相遇尚接武陵洲結綬還逢有一作貢銜杯且對劉波潭一瀾瀾臨望幾悠悠

山水丹青雜煙雲紫翠浮終愧神仙友來接野人舟

宋中遇陳二

高適

常忝鮑叔義所期一作寄王佐才如何守苦節獨此一作自

排律五言

卷三十七

三十八

無良媒離別十年外飄飄千里來安知罷官後惟見柴門開窮巷隱東郭高堂詠南陔離根長花草井上一作口

生

一作垂

莓苔伊昔一作寧敢望霄漢一作終然今倦蒿萊一作塵埃

男兒命未達一作男兒命達且進手中杯

先是新昌小園期京尹一訪兼郎官數子自頃沈

病年復一年茲願不果率然成章

蘇頌

獨好中林隱先期上月春閒花傍戶落喧鳥逼簷馴寂

寞東陂叟傳呼北里人在山琴易調開甕酒歸醇佇望

應三接彌留忽幾旬不疑丹火變空負綠條新闢蟻聞常日歌龍值此辰其如衆君子嘉會阻清塵

喜柳司馬至

杜甫

有使客一作歸三峽相過問兩京函關猶出將渭水更屯兵設備邯鄲道和親還些一作城幽燕唯鳥去商洛少人行衰謝身何補蕭條病轉嬰霜天到官關戀主寸心明

奉漢中王手札

國有乾坤大王今叔父尊剖符來蜀道歸蓋取荆門峽險通舟過一作峻江長注海奔主人畱上客避暑得名園前後緘書報分明饌玉恩天雲浮絕壁風竹在華軒已覺涼一作良宵永何看駭浪翻入期朱郎雪朝傍紫微垣

排律 五言

卷三十七

三十九

枚乘文章老河間禮樂存悲秋宋玉宅失路武陵源淹泊俱崖口東西異石根夷音迷咫尺鬼物傷黃昏犬馬誠爲戀狐狸不足論從容草奏罷宿昔奉清樽

得家書

去憑遊客寄來爲附家書今日知消息他鄉且舊居能兒幸無恙驥子最憐渠臨老羈孤極傷時會合疎二毛趨帳殿一命侍鸞輿北關妖氛滿西郊白露初涼風新過鴈秋雨欲生魚農事空山裏眷言終荷鋤

續得觀書迎就當陽居止正月中旬定出三峽自汝到荆府書來數喚吾頌椒添諷詠禁火卜歡娛舟

揖因人動形骸用杖扶天旋夔子峽春近岳陽湖發日排南喜傷神散北吁飛鳴還接翅行序密銜蘆俗薄江山好時危草木蘇馮唐雖晚達終覲在皇都

在廣州聞崔馬二御史並拜臺郎蘇味道

振鷺齊一作飛日遷鶯遠聽聞明光共待漏清覽一作鑒各披雲喜得廊廟舉嗟爲臺閣分故林懷栢悅一作梓新幄一作阻蘭薰冠去神羊影車迎一作連瑞雉羣遠從一作憐南斗外遙空一作仰列星文

秦州見勅除目薛三璩授司議郎畢四曜除監察與二子有故遠喜遷官兼述索居凡三十韻

排律 五言

卷三十七

四十一

杜甫

大雅何寥闊斯人尚典刑交期余潦倒材力爾精靈一作子聲同日諸生困一經文章開突奧遷擢潤朝廷舊好何由展新詩更憶聽別來頭俯白相見眼終青伊昔貧皆甚同憂歲一作心不寧栖遑分半菽浩蕩逐流萍俗態猶猜忌妖氛逐一作忽杳冥獨慙投漢閣俱議哭秦庭還蜀祗無補一作益囚梁亦固局華夷相混合宇宙一羶腥帝力收三統天威總四溟舊都俄望幸清廟肅惟馨雜種雖高壘一作高壁長驅甚建瓴焚香淑景殿汲水望雲亭法駕初還日羣公若會星官臣仍點染柱史正

零丁官忝趨樓鳳朝回歎一作聚螢喚人看驥裏不嫁  
惜娉婷掘劒知埋獄提刀見發劓侏儒應共飽漁父忌  
偏醒旅泊窮清渭長吟望濁涇羽書還似急烽火未全  
停師老資殘寇戎生及近垓忠臣辭憤激烈士涕飄零  
上將盈邊鄙元勳溢鼎銘仰思調玉燭誰定握青萍隴  
俗輕鸚鵡原情類鵲鴒秋風動關塞高臥想儀形

答燕公

趙冬曦

誰道零陵守東過此地遊友僚同省閣昆弟接荊州我  
逐江潭鴈君隨海上鷗屢傷神氣阻久別鬢毛秋疑嶺  
春應遍陽臺雨欲收主人情未盡高駕少淹留

排律五言

卷三十七

四十二

酬睢陽李太守

高適

公族稱王佐朝經允帝求本枝疆我李磐石冠諸劉禮  
樂光輝盛山河氣象幽系高周柱史名重晉陽秋華省  
膺推擇青雲寵宴遊握蘭多具美前席有嘉謀賦得黃  
金賜言皆白璧酬着鞭驅駟馬操刀解全牛出鎮兼方  
伯承家復列侯朝瞻孔北海時用杜荊州廣固纔登陟  
毘陵忽阻修三台期入夢四岳尚分憂郡邑連京口山  
川望石頭海門當建節江路引鳴騶俗見中興理人逢  
至道休先移白額橫更息赭衣偷梁國歌來晚徐方怨  
不畱豈伊齊政術將以變澆浮訟簡知能吏刑寬察要

囚坐堂風偃草行縣雨隨輶地是蒙莊宅城遺闕伯丘  
孝王餘井徑微子故田疇冬至招搖轉天寒蟬蛩收猿  
巖飛雨雪兔苑落梧楸列戟霜侵戶塞帷月在釣好賢  
常解榻乘興每登樓逸足橫千里高談注九流詩題青  
玉案衣贈黑貂裘窮巷軒車靜閒齋耳目愁未能方管  
樂翻欲慕巢由講德良難敵觀風豈易儔寸心仍有適  
江海一扁舟

江上答崔宣城

李白

太華三芙蓉明星玉女峯尋仙下西嶽陶令忽相逢問  
我將何事湍波歷幾重貂裘非季子鶴氅似王恭謬忝  
排律五言 卷三十七 四十二

燕臺召而陪郭隗蹤水流知入海雲去一作或從龍樹

繞蘆洲月山鳴鵲鎮鐘鐘還期如可訪台嶺陰長松

酬虢州李司法

楊炯

脣齒標形勝關河壯邑居寒山抵方伯秋水而鴻臚君  
子從遊宦忘情任卷舒風霜下刀筆軒蓋擁門閭平野  
芸黃遍長洲鴻鴈初菊花宜泛酒蒲葉好裁書昔我芝  
蘭契悠然雲雨疎非君重千里誰肯惠雙魚

酬張少府柬之

盧照隣

昔余與夫子相遇漢川陰珠浦龍猶臥檀谿馬正沈價  
重瑤山曲詞驚丹鳳林十年睽賞慰萬里隔招尋毫翰

風期阻荆衡雲路深鵬飛俱望昔蟻屈共悲今誰謂青  
衣道還歎白頭吟地接神僊礪江連雲雨岑飛泉如散  
玉落日似懸金重以瑤簾贈空懷舞詠心

酬別杜二

嚴武

獨逢堯典日再覩漢官時未效風霜勁空慙雨露私夜  
鐘清萬戶曙漏拂千旗並向殊庭謁俱承別館追斗城  
憐舊路鍋水惜歸期峯樹還相伴江雲更對垂試迴滄  
海棹莫妬敬亭詩祇是書應寄無忘酒共持但令心事  
在未肯鬢毛衰最恨巴山裏清猿醒一作夢思

王閬州筵奉酬十一舅惜別之作

杜甫

排律

五言 卷三十七

四十三

萬壑樹聲滿千崖秋氣高浮舟出郡郭別酒寄江濤良  
會不復久此生何太勞窮愁但有骨羣盜尚如毛吾舅  
惜分手使君寒贈袍沙頭暮黃鵠一作失侶亦一作哀  
號

江寧酬鄭縣劉少府兄贈別作

獨孤及

往年脫縫掖接武仕關西結綬腰章並趨堵手版齊仙  
山不用買朋酒日相携抵掌誇潭壑忘情向組珪事遷  
時既往年長跡逾瞬何爲青雲器猶嗟濁水泥役牽方  
遠別道在或先迷莫見良田晚遭時亦杖藜

酬趙二侍御使西軍贈兩省舊寮之作

張九齡

石室先鳴者金門待制同操刀嘗願割持斧竟稱雄應  
敵兵初起緣邊虜欲空使車經隴月征旆繞河風忽枉  
兼金訊非徒秣馬功氣清一作清海曲聲滿栢臺中顧  
已塵華省欣君震遠戎明時獨匪報嘗欲退微躬

酬宋使君見贈

時來不自意宿昔謬樞衡翊聖負明主妨賢媿友生罷  
歸猶右職待罪尚南荆政有畱棠舊風因繼組成一作  
高軒一作軒車問疾苦一作庶荷仁明衰廢時所薄稊言  
僚故情

排律

五言 卷三十七

四十四

酬睢陽路太守見贈

高適

盛才膺命代高價動良時帝簡登藩翰人和發諫思神  
仙去華省鸞鷟憶丹墀清淨能無事優游卽賦詩江山  
紛想像雲物共一作動 萎蕤逸氣劉公幹玄言向子期多  
慙汲引速翻愧激昂遲相馬知何限登龍反自疑風塵  
吏道迫行邁旅心悲拙疾徒爲爾窮愁欲問誰秋庭一  
片葉朝鏡數莖絲州縣甘無取丘園悔莫追瓊瑤生篋  
箭光景借茅茨他日青霄裏一作猶應訪所知

酬汴州李別駕贈

祖詠

秋風多客思行旅厭艱辛自洛非才子遊梁得主人文

章參末議榮賤豈同倫歎逝逢三演懷賢憶四真一作賢隱法真情因恩舊好契託死生親所媿能投贈清言益潤身

酬李丹徒見贈

宋之問

鎮吳稱粵理試劇仰通才近挹人披霧遙聞境震雷一朝逢解榻累日共銜杯連轡登山盡浮舟望海迴以予慙拙宦期子遇良媒贈曲南鳥斷征途北鴈催更憐江上月還入鏡中開理一作里

酬河南節度使賀蘭大夫見贈

高適

高閣憑欄檻中軍倚旆旌感時常激切於已卽忘情河

排律五言

卷三十七

四十五

華屯妖氣伊瀝有戰聲媿無戡難策多謝出師名秉鉞知恩重臨戎覺命輕股肱瞻列岳唇齒賴長城隱隱摧鋒勢光光弄印榮魯連真義士陸遜豈書生直道寧殊智先鞭忽抗衡楚雲隨去馬淮月尚連營撫劍堪投分悲歌益不平從來重然諾况值欲橫行

酬張五丈垂贈

儲光義

綵服去江汜白雲生大梁星辰動異色羔鴈成新行日望天朝近時憂郢路長情言問邁軸惠念及滄浪松柏以之茂江湖亦自忘賈生方弔屈豈敢比南昌

與袁補闕尋蔡拾遺會此公出行後蔡有五韻詩

見贈以此篇答焉

張九齡

轍迹陳家巷詩書孟子鄰偶來乘興者不值草玄人契是忘年合情非累日申聞君還薄暮見眷及茲辰贈我如瓊玖將何報所親

武司功初有幽庭春暄見詒夏首復見以詩報焉

芳月盡離居幽懷重起予雖言春事晚尚想物華初遲日瞰一作瞰方照高齋澹復虛笋成林向密花落樹應疎贈鯉情無間求鶯思有餘暄妍不相待含歎欲焉如

酬宋使君見貽

陟鄰初稟訓獻策幸逢時朝列且云忝君恩復若茲庭

排律五言

卷三十七

四十六

闡際海曲軺傳荷天慈顧已歎鳥鳥聞君泣素絲才明應主召福善豈神欺但願白心在終然涅不淄

酬王履震遊園林見貽

宅生惟海縣素業守郊園中覽霸王說上徵明主恩一行罷蘭逕數載歷金門既負潘生拙俄從周任言逶迤戀軒陛蕭散反丘樊舊徑稀人跡前池耗水痕併看芳樹老唯覺敝廬存自我棲幽谷逢君翳覆盆孟軻應有命賈誼得無冤江上行傷遠林間偶避喧地偏人事絕時籌鳥聲繁獨善心俱閉窮居道共尊樂因南澗藻憂豈北堂萱幽意加投漆新詩重贈軒平生狗知已窮達

與君論

酬田逸人遊巖見尋不遇題隱居里壁

陳子昂

遊人獻書去薄暮返靈臺傳道尋仙友青囊賣卜來聞  
驚忽相訪題鳳久徘徊石髓空盈握金經秘不開還疑  
縫掖子復似洛陽才

和李明府

駱賓王

傳聞葉縣履飛向洛陽城馳道臨層掖津門對小平霞  
殘疑製錦雲度似飄縷藻揆潘江澈塵虛范甌清詎憐  
衝斗氣猶向匣中鳴

排律五言

卷三十七

四十七

奉和崔尚書贈大理陸卿鴻臚劉卿見示之作

蘓頌

戲藻嘉魚樂棲梧高鳳飛類從皆有召聲應乃無違美  
價逢時出奇才選衆稀避堂貽後政掃第一作發前幾  
出曳仙人履還薰侍女衣省中何赫奕庭際滿芳菲吏  
部端清鑒丞郎肅紫機會心歌詠是迴迹宴言非北寺  
鄰玄闕南城寫翠微參差交隱見髣髴接光輝賓序嘗  
柔德刑孚已霽威巨源林下契不速自同歸

和張判官登萬山亭因贈洪府都督韓公

孟浩然

韓公美一作是

裹土一作士

日賞城西岑結構意不淺巖潭

趣轉一作亦

深皇華

一動詠荆國幾謠

一作謳

吟舊徑蘭勿

剪新堤柳欲陰砌傍餘怪石沙上有閒禽自牧豫章郡  
空瞻楓樹林因聲寄流水善聽在知音耆舊眇不接崔  
徐無處尋物情多貴遠賢俊豈遺今遲爾長江暮澄清  
一洗心

和劉長史答十九兄

楊炯

帝堯平百姓高祖宅三秦子弟分河岳衣冠動縉紳盛  
名恒不隕歷代幾相因街巷塗山曲門閭洛水濱五龍  
金作友一子玉爲人寶劍豐城氣明珠魏國珍風標自

排律五言

卷三十七

四十八

落落文質且彬彬共許刁

一作陶

元亮同推周伯仁石城

俯天闕鍾阜對江津驥足方遐騁狼心獨未馴鼓鼙鳴  
九域風火集重閫城勢餘三板兵威乏四鄰居然泥玉  
石直置保松筠耿介酬天子危言數賊臣鍾儀琴未奏  
蘇武節猶新受祿寧辭死揚名不顧身精誠動天地忠  
義感明神怪鳥俄垂翼脩蛇竟暴鱗來朝拜休命述職  
下梁岷善政馳金馬嘉聲繞玉輪三荆忽有贈四海更  
相親官徵諧鳴石光輝掩燭銀山川遙滿目零露坐沾  
巾友愛光天下恩波浹後塵儒夫仰高節下里繼陽春

和梁王衆傳張光祿是子晉後身 崔融

聞有冲天客披雲下帝畿三年上賓去千載忽來歸昔  
偶一作浮丘伯今同丁令威中郎才貌是柱藏一作史姓  
 名非祇召趨龍闕承恩拜虎闕丹成金鼎獻酒至玉杯  
 揮天仗分旄節朝容間羽衣舊壇何處所新廟坐光輝  
 漢主存僊要淮南愛道機朝朝緱氏鶴長向洛城飛

排律五言

卷三十七

四十九

唐詩所第三十七卷終



ZW 21181888584787